

*image  
not  
available*

JOANNIS  
TRITHEMIJ,  
SPANHEIMENSIS,  
ET

Postea Divi Jacobi apud Herbipolim Abbatis,  
Viri suo ævo doctissimi.

TOMUS II.

ANNALIVM HIRSAVGIENSIVM,  
Opus nunquam hætenus editum, & ab Eruditis  
semper desideratum.

COMPLECTENS  
HISTORIAM FRANCIAE ET GERMANIAE,  
GESTA IMPERATORUM, REGUM, PRINCIPUM,  
EPISCOPORUM, ABBATUM, ET ILLUSTRIVM  
VIRO RUM.

*Nunc primum in gratiam, & utilitatem Eruditorum è Manuscriptis  
Bibliothecæ Monasterij S. Galli publicæ luci datum.*



Cum licentia Superiorum.

Typis ejusdem Monasterij S. GALLI, Anno MDCXC.  
Excudebat Joannes Georgius Schlegel.





EPISTOLA  
JOANNIS  
TRITHEMII  
ABBATIS,

Quædam in suis Annalibus retractantis, ad  
Nicolaum Baseliū ex Durckheim Monachum Hir-  
saugianum eruditum.

**L**oannes Trithemius Abbas, sacrae Aedis Divi Iacobi  
Apostoli Maioris Würzburgensis Ord. S. Benedicti :  
Optimo Confratri suo Nicolao Baselio ex Durckheim  
Monacho Hirsaugiano memorati Ordinis Salutem,  
& sinceram in Domino charitatem. Magno &  
diuturno labore duo Volumina historiarum, siue Annalium insignis Mo-  
nasterij tui Hirsaugiensis auxilium Deo praestante (sine quo nihil possu-  
mus omnes) ad finem optatum vix tandem perduxi. In quibus non solum,  
quæ Monasterium ipsum & res Abbatum gestas concernebant, inserui,  
verum etiam quidquid in tota Germania nostra factum, & memoriâ  
dignum reperire potui, quod supputationi temporum conveniebat, per  
omnia coniunxi : quatenus Hirsaugiana venerabilis & sancta Con-  
gregatio habeat sui non tantum acta Cœnobij : sed totius quoque histo-  
riam Regni Germanici. In huius autem secundi Voluminis principio  
Rudolphus de Habsburg quondam Rex Germanorum occasionem dedit,  
quod originem gentis Francorum altiùs quàm volui repetere, sum com-  
pulsus. Cuius rei gratiâ primos duos quaterniones, quos scripseram,  
necessariò abieci; propterea, quod communem secutus opinionem cum  
pluribus erraveram, qui Francos temporibus Valentiniani Caesaris (nescio  
unde) primum in Germaniam venisse somniârunt : cum ex multis con-  
suet auctoribus, illos diu antè Sicambros dictos circa Rheni fluminis ostia

(ubi nunc sunt Hollandij, Frisij, & Geldrij) sedes habuisse. Quod autem prius dicti fuerint Sicambri quàm Franci, S. Remigius innuit: qui baptizando Regi Francorum Clodoveo dixit: Mitis depone colla Sicamber. Adora quod incendis: incende quod adorasti. Alios ergo in locum priorum quaterniones duos reposui: in quibus Hunibaldum secutus, veram originem Francorum breviter descripsi. Hinc factum est, quod mihi apud plures iuste videbor contrarius: qui & in primo Volumine, & in secundo (per inscitiam meam, fateor) sæpius Regem Germaniæ (satis imperit) nominavi Romanorum, ac Regni Vrbes dixi præter debitum imperiales: quod tamen non debere fieri manifestum est omnibus intelligentibus & Regni, & Imperij originem ac rationem. Item cum sit usus Curia Romanæ, nullam sine Cathedra Pontificali scribere Civitatem, errasse me fateor, quoties Nürenberg, Franckesfort, Ulmam, vel quodcunque aliud oppidum (ubi non est Sedes Episcopalis) civitatem nuncupavi; quanquam eorundem incolæ non loci, sed Regni cives dicere potuerim. His te propterea monuerim, ut si olim rescribenda fuerint hæc ipsa volumina, errorem corrigas: Regem Germaniæ: Imperium Romanis adscribas: Urbesque & Civitates Germaniæ liberas, non Imperiales, sed Regales potius nuncupandas fore intelligas. Hæc si volueris errata, citius emendabis. Scias etiam volo, quod annum incipio novum à prima die mensis Ianuarij: & non à die Nativitatis seu Annuntiationis Domini. Vale sanus & felix, tibi liber unitus, Deo placens, utilis posteritati, & ora pro meis ad Deum peccatis. Ex Peapoli xii. die mensis Aprilis, Anno Christi Domini MDXIII. ætatis meæ LII. completo. Abbatia verò tam isthic, quàm prius in Spanheim XXXI. Indictione Romanorum secundâ. Regis Maximiliani, Anno XXVIII.



JOAN.



# JOANNIS TRITHEMIJ ABBATIS

Monasterij S. Iacobi Wirzburgensis Ordinis  
Divi Patris Benedicti epistola Proëmialis ad Joannem Ab-  
batem Hirsaugensem ejuldem Ordinis. in secundum Volumen  
Chronicorum seu Annalium memorati Cœnobij Hirsau-  
giani Spirensis Diœcesis.



**S**I gregis Hirsaugiani Vigilantissime Pastor Abba  
Joannes in hujus editione secundi Voluminis Chronicorum  
sive Annalium insignis Monasterij tui jam dicti Hirsaugien-  
sis, limace tardior visus sum, equanimiter feram oportet.  
Scio enim, nec me fugere potest, quanto mentis desiderio hanc  
ipsam novissima partis consummationem per biennium ex-  
pectaveris: & sicut vehementer amanti omnis absentie

Joannis  
Trithemij  
epistola ad  
Joannem  
Abbatem  
Hirsaug-  
ensem,

mora semper longa videtur, quantumlibet sit brevis aut parva: ita reor & animo  
contingere tuo: cui nihil esse videatur primum desiderati Volumen operis, nisi  
consummatum habeat & secundum. Nam ut scriptura dicit: Spes, quæ differtur,  
affligit animam: Et sicuti est in proverbio: Eo crescunt desideria vehementius,  
quò diutius protelantur: & mens amore tabescit, quando nimium differtur,  
quod amans concupiscit. Veruntamen in hac dilatione mea non est, quo justè vel  
moram incuses: vel negligentiam in me aliquam redarguas. Mora enim mihi  
fuit necessaria, negligentiam verò nullam admisi. Quis etenim brevi tempore,  
vel mensibus paucis opus historiarum tam ingens magnum & arduum (& quod  
magis est difficile, de solis rebus Germanicis) in unum comportare corpus vel con-  
scribere possit?

Moram  
editionis  
necessariâ  
& tempus  
excusat  
Trithemi,

Quis denique ledendorum Annalium vel ignarus, vel nullam consecutus  
experientiam) mihi crediturus est, quanto labore, quanto sudore, quantisque  
vigilijs & studijs usque ad tedium & abominationem pœne continuis, hæc duo  
volumina, imò ingentes Codices historiarum sive annalium insignis cœnobij tui  
ad calcem Domino Deo juvante perduxerim? Mensibus quinquaginta quatuor  
continûe in hoc opere desudavi adeò constanter atque tenaciter, ut ne tempus qui-  
dem refocillationi corporis mei necessarium, & à Regula permissum liberum habere  
ab hac editione potuerim. Continûe semper & sine intermissione die ac nocte vigi-  
lans & dormiens, aut mente aut corpore Hirsaugianis occupatus fui Annalibus.  
Etenim vigilans diem comportando, discernendo, ordinando & scribendo totum  
in laboribus consummavi: noctem dormiens interruptam earum occupationum  
imagines nimium sustinui molestas & importunas, quarum archetypo dietenas  
fueram occupatus. Labor is magnus & sine utilitate molestissimus plus me læsis  
nocturna fuliginis umbrâ somniantem, quàm omnis labor diuturnus scribentem.

Mensib. 54  
Trithemi  
laboravit  
in Chron  
Hirsaug,



Sed aliter fieri non potuit, ubi & nimia & continua in me proposui operis diligentia fuit, qua rebus umbram copularit. Quod si pergas fœdam in me suscepti operis negligentiam arguere, cum nulla fuerit, ego me testibus defendam, & jure innocentiam declarabo. Testis est Peapolis tota in his, qui Trithemium noverunt: testes sunt fratres mei, qui viderunt. Testes multi Religiosi, & cives, quos brevitas causâ pertransco, quod inter tot occursum hominum, quos aliquando pati necesse fuerit, nemo repererit me otiosum: sed in opere Hirsaugiano semper occupatum. Solitarius à multis diebus cibum sumpsi & potum, ne diutius manus ab opere vacaret, si cum fratribus corpus ipsa ministrando cibum reficeret. Jure igitur in me nullam reprehendere negligentiam poteris, imò nec suspicari quidem debebis, quippe qui tam indefinenter, tam continuè, tamque studiosè operi cœpto semper institi, ut non solum visui meo prius optimo valde nocuerim: sed omne quoque corpus meum & vires continuâ nimium debilitaverim sessione, multosque importunitate scribendi morborum contraxerim nodos.

Germanorum res gestæ in confuso manent.

Auxi mihi non mediocriter, sed excessivè laborem, quod pauci ab annis multis Germanorum res gestas, seriatim & sufficienter sine ordine corrupto & debita cum gravitate (quos tuò imitari possem) conscripserunt.

Nam mei, ut nosti, proposui fuerat inter successiones, & res gestas Abbatum insignis Monasterij tui Hirsaugiensis per digressum inserere, quacunque memoratu digna occurrissent, non in qualibet natione, sed in Germanica tantum, & de his, qua vel regno nostro sunt subjecta, vel intermixta.

Germanos exteri scriptores transierunt.

Germani sumus, in Regno Germania vivimus: nostra imprimis merito curamus: & ideo quod Nobis exteri faciunt, in eos refundere non timemus. Quis alterius nationis scriptor unquam laudavit Germanos? Quis hodie Italus? quis Gallus? quisve Hispanis auctor ab oris, dum scribit historias, Germanos non transit? aut si recenseat, non fabulam inde sumit? Non ergo Pater venerande mireris, si pauca scripsi de Gallis, de Italis verò pauciora, quoniam & nostra consilio ipsi transiunt: & in rebus suis praeclarius sunt adornati scriptoribus. Unde nec nostra curant, nec sua neglexerunt. Germanorum verò in obscura hæctenus latet tenebrositate historia: nihil aut parum, quid majores gesserint nostri, ante mille annos simul & interea per multos, litteris, quibus tuò fides adhiberi possit, invenitur expressum. Cujus mali cum plures sint causæ, duas tamen ex omnibus in medium produco potiores.

Itali, Galli, & Hispani amatores sunt suarum historiarum.

Prima est, quod Germanis innata semper fuerit barbaries quadam Scythicæ feritate permixta, quâ suo more impulsæ bellis dilatandis, vel tuendis patriæ terminis, ulciscendis injurijs & contumelijs, inquietandis vicinis, ampliandis divitijs, exercendis venationibus, hisque similibus operam navare magis consuevere quàm litteris. Unde factum est, ut quia nihil curabant, nisi præsentia, nemo scribere historias eorum vel didicit, vel curavit, qui omnem contempserunt eruditionem atque historiam. Ex hac scaturigine tenebrarum cunctis penè Germania Principibus, & nostris, & qui retrò vixere temporibus, quasi ex lacte morbus quidam (si dici fas esset) ignavia adhesit, ut voluptatibus dediti, non scripturis, avaritiam & vanum potius sectentur honorem, quàm sui nominis immortalitatem. Hinc fit, ut cum Principes ipsi penè omnes historiarum hodie scriptores vel negligant vel contemnant: nemo inter Germanos velit esse historiographus. Et quis pauperi consuleret, Principi scribere diviti, magna contemnenti?

Germani Principes non curant Historiarum scriptores.

Quem hodie mihi dabis ex Germania Principibus cunctis (excipio duos tantum, quos novi) qui historia scriptores foveat? qui Canes, & fistulatores historijs



historijs non praeferat? qui futuris praesentia non praeponat? Propterea perit memoria eorum cum sonitu Campanarum: & nullam apud posteros laudis vel immortalitatis consequentur memoriam, qui conscribendis historijs operam contempserunt. Sed dicerent forsitan aliqui. Vanum est & reprehensioni procul dubio iusta obnoxium: si homo Christianus vel suis actibus memoriam quærat apud posteritatem, vel scriptis alienis. Quid enim hodie conducit Socrati, Platoni, Pythagoræ, Plotino. Porphyrio, ceterisque innumeris Gentilium Philosophis, quod apud nos in memoria habentur eorum nomina, ubi non sunt: & mentes sive anima eorum torquentur apud inferos, ubi manere perpetuo compelluntur? Simile de Regibus atque tyrannis gentium, qui scriptis alienis notisunt, intelligatur. Paucis atque brevissimis Obiectores concludere possem; sed longiuscule placuit evagari.

Dicant mihi, quid conducatur sanctis Apostolis, Martyribus & Confessoribus, quod litteris commendata tot sæculis apud posteritatem eorum tenetur & manet inviolata memoria? Si nihil conducit, vanus est labor illorum, qui gesta per eos litteris commendaverunt. Si autem conducit, vel prodest aliquid, sive illis ad honorem, sive legentibus Nobis ad adificationem, non erit historiarum aspernanda conscriptio. in quibus & rectè bonorum facta nobis proponuntur cum laudis merito, ad imitationem, & pravorum male ac perperam gesta cum digno vituperio producantur in medium, quibus admonemur, ut similia caveamus. Neque solum historia lectorem suum honestis moribus instruit ad virtutem, sed in agendis magnam quoque industriam confert, atque prudentiam: quippe dum sine experientia hominem facit expertum, reddet eum sine detrimento ad quæque futura pericula cautum. Sive enim de bonis historia loquatur, sive de malis, nunquam sine utilitate legitur, quoniam aut instruit lectorem ad virtutis laudata cultum, aut retrahit, ne pravorum imitando gesta, honoris incidat periculum. Historia enim conservatrix memoria, vinculum natura, baculusque & speculum est vita humana; cujus officio manifestantur nobis longè retroactis temporibus præterita: pacis bonum, & humana societatis commodum, quasi digiti ministerio cunctis ostenditur, & ad premium virtutis animus legentis invitatur. Historia Doctrinx est ignorantium, & bona informatrix parvulorum. Historia laudes virtutis prædicat, & bonorum virorum bene gesta memoria commendat. Historia taxat & punit impiorum scelera, & ut caveantur, cunctis facit manifesta. Quisquis ergo detestatur historias, aut malus est, aut ejus boni penitus expers & ignarus. Nam si bonus esset, virtutumque decoratus ornatu, gauderet utique bonitatis suæ participio & alios fieri per officium historia meliores. Malus autem vir, & qui nihil aut parum habet in se virtutis, ut posteritatem lateat, ignavus historiam detestatur. Boni autem viri, principes virtutum & laudabilium operum patratōres, (inter quos te venerande Pater non immerito judicavi ponendum) semper dilexerunt historias, & scriptores gestarum rerum magno in pretio habuerunt.

Felix igitur Hirsaugiana sancta Congregatio tua, quæ sub tuo moderamine historiam hanc, foundationem & profectum sui Monasterij, nomina quoque, successiones, tempora & gesta memorabilia Dominorum Abbatum à primo usque ad Te, qui hodie præsides, continentem, per annos DCLXXV. meis laboribus, tuis autem desiderijs, ordinatione, & impensis, meruit obtinere. Unde Tibi gratias habebit omnis Hirsaugiana posteritas, & nomen tuum apud eos memoriam indubiè consequetur æternam: fietque Tibi à posteris, quod Tu Majoribus tuis impendisti; ut qui illos quasi de sepulchris extractos Immortales fecisti. Ipse apud Hirsaugianam familiam etiam post fata nunquam moriaris. Sed cum laudis præconio, quod meruisti, Vivas in æternum.

Historiæ  
amator est  
Joannes iste  
Hirsaug.  
Abbas,

Nunc



*Nunc ergo precor Tuam Humanitatem Reverendissime Pater, Vos quoque rogo Charissimi Fratres Hirsaugiani Monasterij Cultores, quatenus hoc praesens Volumen Annalium Vestrorum secundum, eâ benevolentia suscipiatis, quâ dudum accepistis & primum. Deinde sifieri post funera potest, vivat oro Trithemius in ævum apud Hirsaugienses, quorum Annales tanto studio & labore rogatus conscripsit. Salvos Vos faciat DEUS, qui sine fine ubique vivit & regnat, Amen. Ex Cænobio meo S. Jacobi, VVirzburgensi. Ultimâ die mensis Decembris, Anno Domini MDXIX & meâ manu.*

Joannes Trithemius Abbas.

Sequuntur Nomina Abbatum Hirsaugien-  
sium, qui in hoc Volumine continentur.

Nomina  
XVII. Ab-  
batum  
Hirsaugien-  
sium  
in hoc Vo-  
lumine.

JOannes Abbas hujus Monasterij XXVI. Instituitur Anno Domini MCCLXV. & praeuit annis XI. mensibus III. diebus XV.  
Volandus Abbas XXVII. ordinatur Anno Domini MCCLXXVI. & praeuit annis tribus, mensibus quatuor, diebus novem.  
Crafftio Abbas XXVIII. praeficitur Anno Domini MCCLXXX. praeuit annis XIII. diebus XX.  
Gotfridus Abbas XXIX. eligitur Anno Domini MCCXCIII. & praeuit annis VII. mense uno, diebus XXIV.  
Henricus II. Abbas XXX. institutus est Anno Domini MCCC. & praeuit annis XVI. mensibus X. diebus XX.  
Sigismundus Abbas XXXI. ordinatus est Anno Domini MCCCXVII. & praeuit annis XXIV.  
Wighardus Abbas XXXII. praefectus est Anno Domini MCCCXLI. & praeuit annis XII.  
Wighardus II. Abbas XXXIII. electus est Anno Domini MCCCLIV. & praeuit annis V. mensibus VIII. diebus XXI.  
Wignandus Abbas XXXIV. instituitur Anno Domini MCCCLIX. & praeuit annis XX. mensibus X. diebus XX.  
Godfridus II. Abbas XXXV. ordinatur Anno Domini MCCCLXXX. & praeuit annis IX. mense uno, diebus XV.  
Wighardus III. Abbas XXXVI. praeficitur Anno Domini MCCCLXXXIX. & praeuit annis XI.  
Fridericus II. Abbas XXXVII. electus est Anno Domini MCCCC. & praeuit annis XXVIII.  
Wolframus Abbas XXXVIII. ordinatur Anno Domini MCCCCXXVIII. & praeuit annis XXXI. mensibus IX. diebus VIII.  
Bernardus Abbas XXXIX. instituitur Anno Domini MCCCCLX. & praeuit annis XXII.  
Georgius Abbas XL. ordinatur Anno Domini MCCCCLXXXII. & praeuit annis non plenè duobus.  
Blasius Abbas XLI. electus est Anno Domini MCCCCLXXXIV. & praeuit annis XVIII. mensibus IX. diebus XVII.  
Joannes Abbas XLII. ejusque nominis secundus, ordinatur Anno Domini MDIII. & praeuit hactenus annis IX.



In Nomine Domini & Salvatoris Nostri  
JESU Christi, Exordium capit secundum Volumen  
Chronicorum, Historiarum, sive Annalium insignis  
Monasterij Hirsaugiensis,

A JOANNE TRITHEMIO  
ABBATE

S. Jacobi Apostoli apud Wirzburg Urbem Ostrofrancorum  
summa cum diligentia editum.



Post mortem Volboldi Abbatis hujus Monasterij Hirsaugiensis  
quinti atque vicesimi, in cujus obitu primum Volumen An-  
nalianum tuorum, Ochara nobis Hirsaugia, complevimus.  
Abbatia, si rectè sentimus, in diem sextum vacavit.

De Joanne hujus Monasterij Hirsaugiensis  
Abbate XXVI. qui præsuit annis XI. mensibus III. diebus  
XV. & gestis quibusdam illius temporis.



Anno igitur Dominicæ Nativitatis millesimo ducentesimo sexa-  
gesimo quinto, Indictione Romanorum octavâ. die mensis  
Junij quartâ decimâ, post mortem Volboldi Abbatis sextâ die  
(sub quo primum Volumen Annalium terminavimus) Prior  
& Fratres hujus Cœnobij Pastoris solatio destituti, ne viduitatis diuturnæ  
solita cogerentur deplorare incommoda: pro electione Pastoris novi  
atque necessarij die præstitutâ ad locum Capitularem convenerunt: præ-  
missisque Jejunijs, Missis & Orationibus consuetis ad Electionem proces-  
serunt. Votis itaque singulorum ex more per ordinem scrutatis, Joan-  
nem Priorem suum Conventualem sanior pars merito & major numero  
in Abbatem eligit. Huic Electioni sese Fratres nonnulli opposuerunt  
vota sua in Volandum majorem Cellerarium dirigentes: qui tamen  
à senioribus informati communitati cesserunt, in electionem Joannis  
spontaneâ voluntate consentientes.

Joannes  
Prior in  
Abbatem  
Hirsaug.  
XXVI. eligi-  
tur.

Electus itaque in Abbatem hujus Monasterij sextum atque vicesi-  
mum Prior iste Joannes, & per Henricum Ecclesiæ Spirensis Epi-  
scopum confirmatus ex more, ac benedictus, præsuit annis XI. mensibus  
tribus, diebus XVI. solitudine multâ & labore continuo: propterea  
quod & dies erant mali, & mores Claustralium deformati & pessimi,  
claudicabat in utroque statu Monastica Religio, & periculosum fuit esse  
Monachum: Abbatem verò longè periculosissimum. Ruerat enim

B

cum

cum disciplina Regulari temporalis substantia : & subtrahentibus Monachis Deo piæ, ac debitæ devotionis cultum, justè subtractum est necessarium eis præsentis vitæ subsidium. Nam sicut Divina providentia cuncta disponens facit, ut nihil desit Deum verè timentibus: ira & permittit, ut necessaria desint Monachis dissolutis.

Duplici igitur inopiâ pressus Abbas iste Joannes, & necessarijs ad Fratrum sustentationem caruit : & mores subditorum puritati Regulæ contrarios graviter portavit. Qui cùm vir esset honestæ conversationis, libenter suos reduxisset ad tramitem vitæ melioris : sed non potuit; quia consuetudine depravatos nimium invenit: Monastica siquidem pulchritudo, quam Divus Wilhelmus olim Hirsaugianis contulerat Monachis, his temporibus nusquam comparuit: sed ignavia mentis cum luxu voluptatis omnes penè Claustrales deturpavit. Omnia consumit volubile tempus, nihil est stabile in humanis. Patria huic Abbati Suevia fuit, qui petitione parentum (cùm annorum esset quatuordecim) in Monasterio susceptus fuit sub Eberhardo Hirsaugiensium venerabili Abbate Anno Dominicæ Nativitatis vigesimo sexto supra ducentesium atque millesimum. Ex eâ supputatione temporis constat, eum Abbatis officium suscepisse, cùm annorum esset quinquaginta trium, conversionis suæ anno tricesimo nono. Et sic omne tempus, quo natus vixit in mundo, facit annos sexaginta quatuor & menses aliquot. Qui cum tempore paulatim in minoribus Monasterij officijs exercitatus & fidelis inventus, ad altiora successivè ascendit. Nam primò fuit Cellerarius, deinde Cantor, postea Prior Claustralis, & novissimè Abbas, qui statum Cœnobij meliorem procul dubio fecisset, si integrum reperisset.

Joannes Abbas patriâ Suevus fuit.

Joannes Abbas vixit aâis LXIV.

Conradus sive Conradinus Dux Suevorum exercitum movet in Italiam.

Anno prænotato, quo Joannes ordinatus Abbas fuerat Hirsaugiensis, Conradus (quem Itali Conradinum nuncupabant) Dux Suevorum Conradi Regis Apuliæ ac Siciliæ filius, & nepos Friderici Imperatoris II. de quo multa diximus in I. Annalium volumine, magno Germanorum contracto exercitu, in Italiam profectus est contra Carolum Andegaviæ Comitem, quem Clemens Papa IV. evocatum de Gallia in Regem Apuliæ, Siciliæ & Jerusalem sublimans fecerat consecrari.

MCCLXVI.

Carolus Andegavienſis occupavit Italiam contra Conradum.

Anno Joannis Hirsaugiani Abbatis I. Indictione Romanorum nonâ. Carolus Andegaviæ Provinciæque Comes, qui Regnum Apuliæ Siciliæque jussu Papæ Clementis V. anno præterito invaserat, in Etruria moratus, omnes Civitates & Urbes, quæ prius Friderico Imperatori II. & Manfredi ejus filio adhaeserant, suo dominio partim armis, partim blanditijs & promissionibus subjugavit, præter solos Senenses & Pisanos, quos dum expugnare animo statuisset, non potuit propter adventum Conradi Ducis Suevorum, qui jam cum magno Exercitu Tridentum usque pervenerat: simul & propter civilis in Urbe Romana dissidij semina, quæ jam prius coeperant pullulare, variòsque in Regno Siciliæ tumultus, quorum causâ negotium intermisit.

Inter fratres de Regno Hispaniæ contentio gravis.

Mortuo præcedente anno Hispaniarum Rege, tres filij ejus contendebant ad invicem pro Regno, natu major fratres suos Fridericum & Henricum de Hispanijs expulit, & solus regnare cœpit. Qui duo fratres per diversa Regna vagantes coram multis Regibus atque Principibus suas



suas conquerebantur injurias. Ut aliquos ad commiserationem sui, & in adjutorium contra Germanum, precibus invitarent. Fridericus in Affricam se tandem conferens auxilia Saracenorum invocavit.

Henricus autem primò declinavit ad Regem Gallorum, postea ad Regem Angliæ, deinde venit ad Conradum supradictum Ducem Sueviæ, qui pronepos ejus fuit ex Sorore quondam Reginæ Hispaniæ, eo videlicet anno, quo dux ipse paravit Exercitum Germanorum adversus Carolum in Italiam. Hunc magno cum honore Conradus suscepit Nepotem: qui cum audisset injurias & damna sibi à Carolo Andegavensi Comite illata, congemit, & se comitem expeditionis in hostem libenter exhibuit. Assumptis itaque secum nonnullis ex Germania militibus, Conradum præcessit in Italiam, veniensque primò ad Genuenses intensos eo tempore Carolo Andegaviæ Comiti, eos facili persuasione in partes Conradi attraxit. Inde profectus ad Viterbium venit, ubi tum Pontifex erat Romanus, ad cujus pedes fratris dolo se profugum exulæmque ornatâ oratione conqueritur. Denique acceptâ mutui nomine à Pontifice pecuniâ, Romanam benedictione ejus profectus est. Eo tempore Cives Romani Papæ aliquantulum rebelles fuerunt & inobedientes, quos Henricus iste faciliter sibi attraxit, fecitque amicos in tantum, quòd etiam dignitate Senatoriâ cum honorabant, quam ille tamen plenus simulatione recusabat accipere, satis fore existimans, si Romanos adversus Carolum pro Conrado haberet faventes.

Henricus  
Hispanus  
pro Conrado  
Duce  
vadit in  
Italiam.

Clement  
IV. contra  
rius Duci.

His Romæ peractis, Henricus Viterbium revertitur, & dissimulans fraudem consilio, Romanorum erga se benevolentiam Pontifici aperuit, & quòd sibi Urbis Magistratum obtulerint, revelavit. At Pontifex sperans industriâ Henrici animos Romanorum sibi faciliùs posse reconciliari, monebat, ut oblatum sibi Magistratum susceperet, Romanosque ad obedientiam Apostolicæ Sedis prudentiâ suâ revocaret. Verum aliud Henricus mente gerebat. Interea nihilominus secretos ad Conradum nuntios misit, per quos illum studio è monebat, ut suum quantocius maturaret adventum. Cives quoque Pisani partes Conradi favorabiliter prosequentes, triremium Classẽ triginta mittunt in Affricam ad evehendum Saracenos adversus Carolum in Siciliam. Huc verò Classi præfecerunt Civem quendam Neapolitanum Caputium nomine, Siculis jam pridem & bene notum, & singulariter gratum.

Pisani Classẽ  
xxx.  
naviũ pro  
Saracenis  
mittunt in  
Affricam.

Classẽ paratâ Caputius in Affricam navigavit, & Fridericum Germanum Henrici, quem illò secessisse jam diximus, cum magna Saracenorum multitudine in Regnum Siciliæ adversus Carolum introduxit. Postea verò quàm Fridericus cum Barbaris intrasset Siciliam, brevi multa fortiter patravit, & Civitates plures cum majori parte Regni Conrado Nepoti subiugavit.

Saraceni  
pro Conrado  
ven-  
erunt in Si-  
ciliam ad-  
versus Ca-  
rolum.

His temporibus quidam Frater Ordinis Minorum nomine Bertholdus in Suevia claruit, qui in declamandis ad populum sermonibus omnium suâ ætate fuit opinione celeberrimus. Magnus eo prædicante hominum concursus fiebat, & sæpius ducenta millia plebis ad audiendumloquentem etiam de remotioribus locis confluebant. Unde & in campis potius, quàm in templis maluit prædicare. Et primò quidem prædicavit in Suevia, deinde Bavaria, postremò in Austria, & multos incitavit ad meliora.

Bertholdus  
F. Ord. Mi-  
norum  
Prædicator  
egregius.

Anno prænotato Decanus & Canonici Majoris Eccleſiæ Moguntinæ quartam Decimarum partem in pago Bingianorum à Philippo de Falchenſtein (qui frater erat Wernerſi Archiepiſcopi Eccleſiæ memoratæ) de conſenſu filiorum ejus Philippi & Wernerſi, datâ pecuniâ comparârunt. Erat autem hæc pars Decimarum feudalſis prædictæ Eccleſiæ Moguntinæ, ut patet in litteris Venditionis, quæ datæ fuerunt Anno Domini præſignato, XI. die menſis Februarij.

MCC LXVII.

Anno Abbatis Joannis Hirſaugiani II. Indictione Romanorum decimâ, Monasterium Ord. Fratrum Prædicatorum in Neometenſi Civitate (quæ nunc Spira dicitur) de conſenſu Henrici Pontificis ejusdem Urbis fundatum eſt, impenſis Civium & eleemoſynis populorum.

Inter Senatum & Cives Colonienſes periculofa ſeditio.

Eodem Anno inter Senatum & Cives Agrippinæ Civitatis (quam nunc vocant Coloniam) ſeditio magna & periculofa fuit oborta. Murmurabat enim plebs inferior contra Magiſtratum, & gravari ſe ultra ſolitum, & vires, novis importabilibûſque taxarum impoſitionibus conquereretur. Unde poſtremò tandem poſt multa injurioſa & contumelioſa verba, quæ ſibi mutuò communicaverant, pervenitur ad verbera, ſumptiſque armis cruentum ab utraque parte incipitur bellum, diſcurrunt Cives per Urbem enſibus nudatis, ac ſeſe mutuâ cæde immaniter collidunt. Multi fuerunt in eo tumultu graviter quidem vulnerati, & non minus etiam aliqui interfecti.

Conradus Piſanorum auxilio multa paravit in Italia.

Anno prænotato, Conradus Dux Suevorum, poſteaquam Veronæ aliquamdiu cum decem millibus Equitum & magna Peditum multitudine conſediſſet, ſelectis ad partem tribus duntaxat millibus (reliquo exercitu ſub manibus Comitſ Tyrolani dimiſſo) Piſanorum ac Genuenſium ad mare Liguſticum pervenit. Interea Fridericus cum Saracenis totam Siciliæ inſulam (Panormo, Meſſana, & Siracufis duntaxat exceptis) jurare compulſit in verba Conradi.

Conradus verò Piſanorum auxilio magnas in agro Lucenſium ſtragēs peregit, & Caroli Marſcalcum apud Aretium bello ſuperans interfecit cum alijs multis, cœteròſque in fugam convertit. Eodem tempore Guido Florentinus magnas ex Romandiola & Lombardia Gibellinorum copias collectas duxit ad Conradum.

Henricus autem Hiſpanus Romæ conſtitutus crebris epiſtolis & nuntijs Conradum ſollicitabat, rogans ut ſine mora properaret ad Urbem. Qui primò venit ad Senenſes, qui & ipſi partes ejus ſequebantur. Deinde movit in agrum Viterbienſem, quem intuitus Clemens Papa IV. ad circumſtantes fertur dixiſſe: *Hic adoleſcens tanquam Ovis ad Viſtimam neſcius ducitur.*

Conradus Româ movens, exercitum duxit in Apuliam.

Tandem nullo reſiſtente pervenit ad Urbem, quem Romani Summo cum honore ſuſceperunt: introductuſque juxta morem in Capitolium, ut Romanorum verus Imperator ſalutatus eſt. Rectè fidelitèrque ſenſerunt cum eo Romani, Genuenſes, Piſani, Senenſes, & alij plures, quorum auxilio Carolum indubitanter vicifſet, ſi nimium ferventes animi ſui motus aliquantulum temperaſſet, nec fuiſſet tam ardens & præceps ad præliandum cum illo. Nam quietis & morarum impatiens, magnòque in Carolum æſtuans odio, nihil magis quàm dimicare cum eo cupiebat.

piebat. Movens igitur à Roma per Tyberinos in Marforum Campeſtria duxit Exercitum, & Carolum provocavit ad prælium. At ille cujuſdam Adelhardi Neapolitani ( qui cum Germanis aliquando militaverat ) uſus conſilio, ſe Ordini primo non ingeſſit, ſed diviſo in duas partes Exercitu. Marſcalcum ſuum Regiâ veſte indutum primo agmini præfecit, & ad pugnam contra Ducem Conradum deſtinavit.

Conradus itaque pugnae cupidus, & inſidiarum, quas Carolus poſuerat, ignarus, prorumpit in bellum, hoſtémque fortiter agreſſus eſt. Tri- bus horis durans bellum atrox committitur, in quo multi ex parte Caroli ceciderunt; noviffimè verò etiam Marſcalcus ille regio apparatu indutus occubuit, quem Germani Carolum eſſe Regem putantes enormiter fue- runt decepti. Mox etenim clamor in altum extollitur, Carolum Regem interemptum per totum exercitum Germanorum publicè prædicatur. Quod audientes qui remanſerant in præſidio, ne tam inſigni viderentur deſuiſſe victoriæ, relicto mox præſidio in malum ſuum proſiliunt, & ſe commiſcentes pugnantibus etiam ipſi, fugam ſimulantes Gallos ſpolio- rum cupidi perſequuntur.

Cùmque jam vagus, & ſine ordine miles Germanus inſequeretur fugientes, ſubitò ex inſidijs Carolus erupit, & primus Agmen pugnaturus intravit, atque hinc inde diſperſos Germanos invadens miſerabili clade affecit, alijs occiſis, alijsque in fugam converſis. Conradum verò & Fridericum Ducem Austriæ vivos cepit, & captivos in Neapolim per- duxit, ubi poſt multas inanis pompæ oſtentationes, poſt multa in eos prolata verborum ludibria, in publico tandem foro coram omni populo, ambos fortunâ pares, ambos ex Regali progenie Duces, ætate ambos juvenes capitibus truncari præcepit. Et ſic Conradus Suevorum No- biliſſimus Dux, Regnum dum pergit avitum repetere, vitam miſera- bili conditione amiſit, in quo Suevorum Genealogia Ducum fuit extin- cta, cùm nec liberos dimiſerit, nec fratres. Regnum Germaniæ, quod cum Imperio Romanorum annis non minus ccxxv. ( non continuè, ſed inter- ruptis vicibus ) Suevorum Principes & Duces ſtrenuè gubernaverant, in aliam neceſſariò transfertur familiam.

Conradus  
& Frideri-  
cus capitib.  
plectuntur.

MCC LXXVIII.

Anno Joannis Abbatis III. Indiſtione Romanorum xi. pridie Nonas Junij obiit Henricus, Eccleſiæ Trajeſtenſis Epico- pus, Anno Pontificatus ſui quinto atque vicesimo, qui multis diebus in contentione ſteterat cum Hollandinis Comitibus propter Eccleſiaſticam libertatem, poſt quem Joannes ex Comitibus de Naſſau in Pontificem ordinatus eſt.

Hiſtemporibus in Hollandia milites nocturno tempore viſi ſunt pu- gnare ad invicem, ita ut etiam ſtrepitus & colliſio armorum ab homini- bus audiretur, quæ viſio genti præſagium fuit calamitatis poſteà ſequen- tis. Non enim diu poſthæc inſima gens civium & ruſticorum Hollandiæ conſpiratione factâ contra Principes terræ Urbiũque Rectores, maximè contra nobiles provinciæ ſurrexerunt, Jugum ſubjectionis omnino volentes abjicere: & ſeſe penitus in libertatem vindicare. In unum ita- que ſimul convenientes ex diverſis urbibus & villis ingentem armatorum contra nobiles terræ produxerunt exercitum: & in Regionem diffuſi omnia vaſtare cœperunt, quæ ad nobiles pertinebant; fuit namque eo-

Hollandi  
conſpirant  
contra no-  
biles & om-  
nem Pote-  
ſtatem.



rum intentio nobiles exterminare cunctos: afferentes, nullâ eos miſeratione dignos fore, propterea quòd vivant de rapinis & ſanguine pauperum: ſintque homines ſine Juſtitia, ſine miſericordia, ſine pietate, Impij, elati, contentioſi, avari, luxurioſi, tyranni, iniqui, oppreſſores & contemp- tores pauperum, deſertores Chriſtianæ fidei, honeſtatis inimici. In- primis ergo cum magno numero ſine ordine, ſine Duce venerunt Civita- tem Trajectenſem: præmiſeruntque nuntios ad Cives, qui dicerent ad- ventum eorum eſſe pacificum: & pro communi totius patriæ libertate ordinatum, petiveruntque intromitti in urbem Trajectenſem, & cives loci ſocios fieri optatæ libertatis. Nec erat difficile civium in id deſlectere mentes, quod ſuâ ſemper optaverant ſponte. Sunt enim & ipſi Trajectenſes (teſtante Hunibaldo) Sicambri. Intromiſi Hollandi furentes Trajectenſem in urbem, nobiles ſtatim omnes, quotquot poterant invenire, primo furore vel occiderunt: vel ſpoliatos omnibus mundi rebus cum ignomi- nia de Civitate protinus ejecerunt. Spolia verò & quidquid ex nobilium ſubſtantia rapuerunt, ut non livore, non odio, ſed juſtitiae amore, fidei- que Zelo moti viderentur, pauperibus dederunt.

Conſpira-  
tores Hol-  
landij, no-  
biles Tra-  
jectenſ. re-  
pertos in-  
terficiunt.

A Trajecto moventes, & in omnem circa Regionem diſcurrentes, multa nobilium Caſtella, munitiones & vicos invaſerunt, ceperunt, & funditus deſtruxerunt. Quidquid autem divitiarum uſpiam apud no- biles inveniſſent, duas dividebant in partes, quarum alteram dederunt pauperibus: alteram verò exercitui reſervabant, pro impenſis com- munibus. Poſt hæc autem ſpes ſublata ſequebantur in altum, promitten- tes, ſe novis legibus mundum reformaturos. Ut primò nobiles, deinde Principes, poſtea templorum Pontifices cum omni Clero & Monachis penitus interirent. Solos verò mendicantium Ordinum Profeſſores (qui violenter nihil à pauperibus exigunt, ut Monachi faciunt, & omnes Cle- rici) ſe permiſſuros vivere cum plebanis Preſbyteris paucis, qui populo Sacramenta miniſtrarent Chriſtiano, ſuâ legiſlatione novâ promittebant.

Hollandij  
conſpira-  
tores ſub  
ſpecie juſti-  
tiae aliena  
rapiunt.

Cùmque per Hollandiam aliquandiu perſequendo nobiles, conjurati raptores diſcurrerent, fines Geldrenſium devaſtare cœperunt, & oppida- nos quoſque ſimul & ruſticos in ſocietatem ſuam compellere. Commenta finge- bant mendaciter excogitata, dicentes: ſibi divinitus revelatum imò præceptum, quòd omnem majoritatem Principum, Prælatorum, Magi- ſtratum atque nobilium penitus annihilare deberent atque deſtruire: & Chriſtianis omnibus libertatem amantibus eam reformare. Inferebant enim dixiſſe Deum, Chriſti ſanguine fideles omnes redemptos debere in omni libertate vivere, nulli ſervituti ſubjacere. Unde nec decimas, nec cenſum, nec tributum, nec tributo ſimile quicquam alicui tribuendum prædicabant.

Hollandij  
conſpira-  
tores, om-  
nia confun-  
dunt.

Intrantes itaque Geldrenſium fines in magna multitudine Harlem oppidum adoriuntur, firmatâque obſidione fortiter impugnare cœpe- runt. At Harlemenſes non minus fortiter, & ſe deſenſerunt, & ſua, qui- bus & Joannes Epiſcopus Trajectenſis auxilia miſit, & Geldriae Comes: quibus intra oppidum receptis, militem quendam in arte bellandi longâ conſuetudine peritum ſibi Ducem, quem ſequerentur, conſtituerunt, exeuntesque in ſilentio per unam portam de oppido in hoſtes, nihil tale metuentes, ſubitò irruerunt, quos magnâ clade procerentes, majorem par- tem

Exercitus  
Conſpira-  
torum cœ-  
ſus, percen-  
pit & diſ-  
ſipatus eſt.



tem occiderunt, & reliquos turpem verterunt in fugam. Ab illa die Hollandiana conspiratio illa dissipata, ut nec parvum illius vestigium deinceps remanserit.

MCCLXIX.

Anno Joannis Abbatis quarto, Indictione Romanorum XII. Clemens Papa IV. Viterbij moritur. Quo sepulto Sedes Apostolica biennio vacavit propter nimiam Cardinalium discordiam, qui sua quærebant, & non ea, quæ sunt Jesu Christi. Hic Papa Clemens pluralitatem beneficiorum valde detestabatur, non minus in suis, quàm alienis, usque adeò, ut nepoti cuidam suo tres habenti præbendas diceret coram multis: *Unam ex his tribus retinendam tibi, quam volueris, eligito: reliquas duas resignes oportet.* Amicis, qui astabant, rogantibus, ne auferret quippiam nepoti, sed tribus præbendis etiam adderet quartam. Papa respondit: *Non carni & sanguini, sed Deo nos convenit obedire; nam uni Clerico sufficit una præbenda Canonica: unde nisi superfluas dimiserit, omnibus carebit.*

Clemens  
Papa IV,  
Viterbij  
moritur,

Eodem anno inter Episcopum & Cives Herbipolenses magna fuit suborta dissensio. Senferunt cum civibus contra Episcopum Comites de Henneberg, Comites de Castello, & Comites de Hohenloe, cum quibusdam alijs oppidanis atque nobilibus. Tandem cum nimium cresceret dissensio, venit ad bellum. Episcopus hinc inde contractis copijs Comites de Wunsperg belli Duces constituit. Adversariorum exercitui præfuit Hermannus Comes de Henneberg, junior ætate.

Inter Episc.  
Herbipol.  
& Comites  
quosdam  
Contentio,

Convenientes igitur ambarum Partium exercitus Comites haud longè ab oppido Kizingen, quod tribus à Würzburgo distat milliaribus, Bellum atrox committitur: quo durante horis quinque, hoc est à prima post meridiem usque ad sextam, plures in ore gladij ceciderunt. Cessit Victoria tandem Ecclesiæ, & ex parte adversariorum quingenti fuerunt occisi: capti plures: & reliqui fugâ salutem quærentes vix evadere potuerunt, nimio terrore perculsi.

Eodem quoque tempore inter Engelbertum Archiepiscopum, & cives Colonienfes similis fuit exorta dissensio: cujus occasione omnes cum Archiepiscopo sentientes, & qui vel modica in parte habebantur suspecti, per senatum de Civitate fuerunt expulsi. Verùm convenientes in unum proscripti, consilium inter sese habere cœperunt, quemadmodum expulsionis suæ contumeliam vindicarent. Complacuit autem eis, ut simul ad Archiepiscopum pergerent (qui tum Bunnæ fuit) & contra cives in illius verba jurarent. Venerunt ergo Bunnam, & coram Archiepiscopo, quid animis concepissent, ore testantur: quos ille cum gaudio suscipiens benignèque tractans fidem eorum laudavit.

Inter Archiepis.  
& Cives Co-  
lonienfes  
dissensio,

Consilio posthæc multiplici habito, varijsque intermixtis secretò tractatibus, in unam postremò convenère sententiam, quali arte caperent Civitatem. Hominem quendam astutum ingenio, & Colonienfis ignotum, magnis conducere promissis, in suamque conspirationem traxerunt; quem vilibus opertum indumentis in speciem mendici Coloniam submiserunt. Qui Coloniam veniens, cum alijs pauperibus ostiatim per dies mendicabat. Paucis verò diebus elapsis tugurium quoddam parvulum sub muro Civitatis arcuato non procul à Cœnobio D. Pantalconis mercede conduxit, in quo ut mendicus pauper cœpit habere

Archiepisc.  
cum expul-  
sis consul-  
tat quomo-  
do capiat  
Coloniam,

mane

Foramen  
occultū sub  
muro Civi-  
tatis faciūt  
fieri hostes.

mansionem suam. Casulam verò conducticiam ingressus, murum Civitatis intrinsecus, & sub terra suffodere cœpit, sicut à conspiratoribus Bunnæ fuerat edoctus, fecitque brevi tempore subterraneum, & satis amplum foramen, per quod miles ab Archiepiscopo mittendus levem haberet ingressum. In die homo ille mendicabat cum mendicis, noctibus verò cœptum perficiebat opus, non minus cautè quàm diligenter, humumque magna cum industria abscondens.

Foramine tandem, nullo præter Artificem sciente, consummato, Bunnam redijt homo mendicus; ad Pontificem intromittitur, opus perfectum contestatur. Ne verò de rei veritate aliqua Præsulem intraret suspicio, petijt sibi, quos libuisset, viros adjungi, ut operis facti certum fumerent experimentum. Quibus acceptis, noctu per foramen, quod fecerat, cum ipsis intravit Coloniam. At ubi exploratores foramen pro introducendo milite satis idoneum comprobassent, Artifice laudato, ad Archiepiscopum revertuntur.

Missis confestim litteris & nuntijs in omnem Regionem Archiepiscopus, secretiùs militem convocat, & locum conveniendi singulis determinat, dies secreto in consilio urbis capiendæ statuitur, hora noctis ad introeundum per foramen idonea designatur, atque silentium sub Jurejurando cunctis indicitur: nulli dubium fuit, quin Urbs Colonix in manus ventura esset Archiepiscopi, & certissimè pervenisset, nisi Divina providentia humana prævenisset consilia.

Colonienf.  
avisantur  
per unum  
proscripto-  
rum de Tra-  
ditione.

Erat unus inter proscriptos in consilio, qui cùm audiret quorsum restenderet, animo compunctus est, & in se reversus patriæ cladem abhorruit. Unde secretiùs de Bunna recedens, absentiam ejus nullo advertente venit ad Coloniam, novo se nuntio sperans gratiam recuperaturum amissam. Intromissus ad Senatum, mysterium traditionis aperuit, sub muro civitatis foramen ostendit, & quâ horâ essent venturi hostes, per ordinem narravit.

Colonienf.  
hostium  
præstolan-  
tur adven-  
tum.

Quod ubi Senatus audisset, & relatori gratiam, & silentium omnibus edixerunt. Instante jam horâ noctis, quâ foramen hostis intrare debebat, Colonienfes præparati magno in numero propiùs occultati cum silentio latuerunt in armis. Veniunt interea silenter ad murum Copiæ Pontificis Engelberti, datoque, ut moris, symbolo per foramen Civitatis ingredi cœperunt. Latitabant in silentio cives: hostes autem, quotquot ingrediebantur, juxta murum intrinsecus expectabant aliorum introitum. Summum fuit ex omni parte silentium, quanquam cives hostium mustitationes & strepitum bene perciperent. Cùmque jam tempus adesse civibus videretur (non enim sibi tutum rati sunt intromittere omnes) cum tubis & ingenti clamore de insidijs prorumpentes, subito in hostes sine ordine turbatos irruunt, & omnes usque ad unum occidunt. Præoccupato etiam foramine, ignem injiciunt, & non potentes retrocedere præ tumultu, qui fuerunt ingressi, flammis suffocati sunt. Ferunt non minus sexcentis viris de parte Archiepiscopi eo conflictu peremptis, reliquos qui foris remanserant fugâ salvatos, civibusque victoria cessit.

MCCCLXX.

Inter Archi-  
epif. & Co-  
lonienfes  
fit hoc año  
concordia.

Anno Joannis Abbatis Hirsaugiensis quinto, Indiēt. Rom. XIII. facta est pax, & reformata Concordia inter Engelbertum Archiepiscopum



pum & cives Colonienſes, cohortante & mediante ſancto atque Doctiſſimo viro Domino Alberto, cognomento Magno Ratiſponenſium quondam Epifcopo de Ordine Fratrum Prædicatorum, de quo in præcedenti Volumine mentionem ſuis in locis fecimus pleniorẽ, qui magnæ tunc auctoritatis erat.

Eodem anno die XIV. menſis Septemb. Joannes Abbas & Conventus Monaſterij S. Cornelij Nidenſis, in Diœceſi Colonienſi Ord. D. P. N. Benedicti propter nimiam locorum diſtantiã vendiderunt Decanis & Canonicis Eccleſiarum majoris & Beatæ Virginis ad gradus Moguntinenſium ſubnotatas Villas, Drehtigeshuſen, Wiler, Steinbach ſuperius & inferius, partem Caſtelli Richenſtein, quæ omnia juxta Rhenum vel propè ſita ſunt, haud procul à Bingia & Bacheraco Palatini oppido, cum omnibus eorum pertinentijs, Jurisdictionibus, Judicijs, terminis, hominibus, Juribus, Dominijs, Proprietatibus, fundis, ædificijs, vinetis, poſſeſſionibus, ſylvis, nemoribus, terris cultis & incultis, emolumentis, proventibus, utilitatibus inquiſitis, & inquirendis, inventis & invenientis, & actionibus quibuſcunque, pro mille quadringentis & viginti tribus Marcis denariorum Colonienſis monetæ ac ponderis, prout patet in litteris venditionis, quas vidimus.

Moguntini  
Canonici  
Bona certa  
emerunt à  
Monaſte-  
rio S. Cor-  
nelij.

Anno etiam prænotato Gotfridus ſenior in Epſtein Dominus, Gotfrido juniore filio ſuo præbente conſenſum, vicum qui Flersheim vocatur, cum omnibus ad eum pertinentibus vendidit Decano & Canonicis majoris Eccleſiæ Moguntinæ pro quingentis & mille marcis argenti. A qua venditione milites, filioſque & pueros militum excepit. Actum feriã tertiã ante Palmas Moguntinæ.

Claruit his temporibus apud Alemannos Rudolphus Comes in Habſpurg, filius Alberti Comitis, cujus origo generis de antiqua Regum Francorum proſapia deſcendit. Qui Rudolphus in ipſo Caſtello Habſpurg reſidentia ſuæ locum tenebat, non longè à vico, qui Brugg nuncupatur, in pago Ergaviorum, de quo memorabile factum litteris commendatum poſteritati ſignificamus.

Rudolphus  
Comes de  
Habſpurg.

Cum die quãdam optimo per campos equo veheretur, animi forſan recreandi gratiã, cum alio quodam viro nobili, Presbyterum Venerabile Corpus Dominicum ferentem ad infirmum cum unico Miniſtro conſpexit obviantem. Cui propius facto Comes dixit: *Bone Sacerdos, cum via ſit luſoſa, & lubricum iter, quare Dominicum ferens Corpus pedibus ambulas, & non potius equo veheris more cæterorum?* Cui Sacerdos: *Domine, inquit, pauperulam habeo Eccleſiam, nec omnia mihi neceſſaria valeo comparare.* Cui Rudolphus Comes dixit: *Equus ecce meus tuus ſit amodo. Utere illo pro miniſterio Chriſti & honore, ut libet, ſacri Corporis Domini ad reverentiam: & ora pro peccatis meis ad Dominum.* Et mox deſcendens de equo, Sacerdotem cum magna reverentia deſuper ſedere fecit. Quod cernens alius ille nobilis, animo compunctus, equum ſuum miniſtro Sacerdotis tradidit. Et ſic ambo viri nobiles pro DEI honore cœptum iter pedibus continuârunt.

Rudolphus  
pro dei ho-  
nore Sacer-  
doti equũ  
ſuum com-  
modavit.

Erat non procul à loco, ubi iſta contigerant, Eremita quidam ſanctus, in petra cavata habitans cellulam, quem Comes Rudolphus pro informatione & conſolatione ſæpius cum paucis viſitare conſueverat,

S. Eremita  
Rudolpho  
prædixit  
Regale fa-  
ſtigium.

C

Huic

Huic Eremitæ ſanctus Domini Angelus adventum Comitſ prænuntiavit ſimul & factum. Ad quem ubi perveniſſet, poſt datam acceptamque ſalutem Eremita dixit ad eum: *Hodie Comes honorem Deo gratum exhibuiſti: Unde prædictum ſit tibi per miniſterium meum, quoniam in brevi exaltabitur nomen tuum ſuper omnes progenitores tuos, etiam Reges Principes & Duces.* Quam fuerit vera huius ſervi DEI promiſſio, poſt biennium patuit, quando Rudolphus in Regem electus fuit.

MCCLXXI.

Gregorius  
ſic Papa X.  
& præſuit  
annis qua-  
tuor.

Anno Joannis Abbatis VI. Indictione Romanorum XIV. poſteaquam Cardinales biennio ferè toto tantà pertinaciâ & bello inteſtino diſſenſiſſent ab invicem, quod eos neque timor Dei, neque hominum reverentia preceſſit metus, ſed neque Principum terror emollire potuerit, ut Eccleſiæ providerent de Papa, tandem neceſſitate compulſi ad Electionem proceſſerunt inviti. Et quia nullus alteri Pontificatûs honorem inter Cardinales favebat, convenerunt mutuo, quod Electio extra Collegium dirigeretur. Apud Viterbium itaque conſtituti Theobaldum Archidiaconum Leodiënſem, natione Italum, patriâ Placentinum, in exercitu Chriſtianorum in Aſia contra Saracenos longè abſentem, in Papam elegerunt. De quo ſic quiſpiam luſit.

*Papatus munus tulit Archidiaconus unus.*

*Hunc Patrem Patrum fecit diſcordia fratrum.*

Evocatus poſt Electionem de Aſia, Viterbium venit, Papatum aſſumpſit, dictuſque Gregorius X. annis quatuor præſedit.

S. Bonaven-  
tura Mini-  
ſter Gêne-  
ralis, ſit  
Cardinalis.

Iſte Papa Gregorius anno Pontificatûs ſui primo ſanctum atque Doctiſſimum in Theologicis Euſtachium, qui & Bonaventuram de balneo Regio natione Italum Ord. Fratrum Minorum Generalem Miniſtrum in Cardinalem ſanctæ Romanæ Eccleſiæ ſublimavit, & Albanenſem Episcopum ordinavit. Qui cum eſſet in Divinis Scripturis doctiſſimus, multa ad eruditionem ſtudioſorum Fratrum utiliter conſcripſit: de quibus in Catalogo de ſcriptoribus Eccleſiaſticis jam dudum fecimus mentionem. Moritur in Concilio Lugdunenſi, anno Cardinalatûs ſui tertio, Dominicæ verò Nativitatis MCCLXXXIII.

MCCLXXII.

Rudolphus  
Comes in  
Habsburg  
obſedit ur-  
bem Baſi-  
leenſem.

Anno Joannis Abbatis Hirſaugiani VII. Indictione Romanorum XV. facta eſt diſſenſio gravis inter Episcopum & Cives Baſileenſes ex una parte: & Rudolphum Comitem de Habsburg, cum ei adhærentibus ex altera parte. Convenerant ex Baſilea quidam profugi ad Comitem Rudolphum ejus auxilium contra injuriatores ſuos instantius poſtulantes: quorum petitione motus, cum & alias cauſas haberet legitimas, bellum indixit Baſileenſibus. Contractis itaque copiis, magnum adunavit exercitum, ingreſſuſque terram Episcopî, ſimul & agrum Baſileenſium, & omnia nullo reſiſtente igne & ferro hoſtili devaſtavit, multamque prædam abduxit. Poſt depopulationem totius Regionis, cum nec Baſileanſes cives, nec quiſquam alius ad bellandum illi occurrerent, Civitatem obſidione vallavit, quam ſex hebdomadibus continuis (civibus fortiter ſe defendentibus) impugnavit. Interea dum hæc per Comitem Rudolphum agerentur contra Baſileanos, convenerunt apud Franckenfurt ad ripas Moeni Principes, Germanici Regni Electores, & longum neceſſariumque



riumque inter se de novi Regis institutione habuere Tractatum. Nam sicut in præcedente Annalium Volumine diximus Anno Nativitatis Domini-  
cæ MCLVII. post mortem Regis Wilhelmi, Principes bifariam divisi, duos in dissensione Reges elegerunt, quorum neuter Administrationem Regni debito fuit ordine vel modo prosecutus. Alphonfus namque Rex Castellæ & Legionis ab una parte Principum Germaniæ vocatus ad Regnum, suâ sorte fuit contentus, & in Germaniam venire despexit. Ob petitionem tamen & honorem eorum, à quibus fuerat electus, titulum Regni assumpsit: & imperitè (ut mihi videtur) Regem se Romanorum nuncupavit. Romani enim Imperatorem habent, non Regem. Germani autem Regem habent ex antiquo Francorum instituto, non Imperatorem; quanquam Imperium postea Germaniæ Regno sit incorporatum, sicuti & hodie manet subiectum. Unde ad Regnum electus, apud Aquasgrani unctus ex more antiquo, quamdiu coronam Imperij de manu Summi Pontificis non suscepit, Rex Germaniæ seu Ostrofrancorum, id est, Orientalium dicendus est, non Imperator, multò verò minùs, imò nunquam Rex Romanorum. Ad cuius evidentiam nominis sciendum, quòd Regnum Francorum coepit apud Sicambros, ubi nunc morantur Hollandij circa Ostia Rheni anno ante Christi Nativitatem CCCXXXVI. & primi dicti fuerunt Sicambri, multis annis postea Franci à Rege ipsorum, qui regnavit anno ante Christi Nativitatem quadragesimo, & erat nomen Franc. Regnavit autem, (ut Hunibaldus dicit) libro XIV. de Origine Francorum annis XXVIII. & obiit Anno nono, ante Natum Christum.

Alphonfus  
Regem Ro-  
manorum  
se nuncu-  
pat.

Romani  
non Regem  
sed Impera-  
torem ha-  
bent.

Crevit postea cum tempore multoque labore Regnum Francorum & ampliatum, totam Germaniam, Galliam, & magnam Italiæ Hispaniæque partem sibi subiecit, mansitque una Monarchia nunquam Romanis subiecta per annos ferme MCLXXVI. usque post mortem Ludovici Pij, cujus filij ex uno Regno Francorum fecerunt duo, & utrumque nomen obtinuit Francorum annis multis. Nam alterum dicebatur Regnum Ostrofrancorum, id est Orientalium Francorum sub cujus ditione manet Austrasia, hoc est, Metis, Leodium, Treveris, Colonia, Atrebatum, Cameracum, Brabantia, Flandria, Hollandia, Frisia, Saxonia tota, Holstia, Dania, Marchia, Pomerania, Prussia, Polonia, Boemia, Silesia, Thuringia, Westphalia, Hassia, Buconia, Moravia, Bavaria, Austria, Carinthia, Stiria, Athesia, Rhetia, Suevia, Alemannia interior & exterior, Helvetia, Alsatia, Burgundia, Lotharingia, & Cis-Rhenana Regio tota ab ortu Rheni fluminis usque ad mare. Omnia hæc, & quidquid eis vel interjacet, vel adiacet, ad Regnum Ostrofrancorum pertinent usque in præsentem diem, & Regi Germaniæ sunt Jure subiecta.

Monarchia  
Regni Fran-  
corum du-  
ravit annis  
MCLXXVI.

Quæ Pro-  
vinciæ per-  
tineant ad  
Regnum  
Germano-  
rum.

Alterum verò Regnum dicebatur Westfrancorum, hoc est, Occidentalium Francorum. Sub cujus ditione consistit Gallia Celtica simul & Aquitania, Normandia quoque, Britannia Minor, quondam Armorica nuncupata, Wasconia, & quidquid his interjacet, cum multis Civitatibus & Provinciis. Hoc Regnum Francorum nomen retinet usque in præsentem diem, quamvis etiam à multis & non improprie Gallorum nominetur. Manifestum est enim tam ex Hunibaldo, quam ex pluribus alijs historiarnum scriptoribus, quòd omnes Gallorum, qui post Faramundum Reges fuerunt, cum omni nobilitate à majori gentis parte originem ducunt, à Francis Theutonicis.

Quæ Pro-  
vinciæ per-  
tineant ad  
Regnum  
Gallicanum.

Richardus  
Anglicus  
Germano-  
rum Re-  
gnum af-  
ſumpſit.

Sed jam nunc revertamur ad ordinem, unde occasionaliter digreſſi ſumus. Richardus Cornubiæ Comes, Frater Regis Angliæ, quem alia pars Electorum Germaniæ vocavit ad Regnum, exiens de Inſula venit Aquasgrani, ubi honorificè ſuſceptus à ſuis in Regem coronatus eſt. Verùm poſtquam peragrando Regnum conſumptis, quas ſecum attulerat pecunijs, egere cœpiſſet, ab omnibus fuit deſertus: unde motus indignatione, Regni Adminiſtrationem, ut ſupra dictum eſt, certis commiſit Principibus, & in Angliam reverſus præter inane nomen Regium nihil deinceps penitus de Regno curabat.

Rudolphus  
Habsburgij  
Comes hoc  
anno eligi-  
tur Rex  
Germaniæ.

Quo tandem mortuo, Principes Regni Germanici Electores, ut paulo ante hæc diximus, ad feſtum S. Archangeli Michaelis apud Frankenfurt convenientes, Rudolphum Comitem de Habsburg abſentem, & in obſidione Baſileanorum occupatum, in Regem Germanorum & Imperatorem Romanorum unanimi conſenſu elegerunt, & verificata eſt Prophetia ſervi Dei, quam Deus illi oſtenderat.

Regnavit  
annis xix.

Mittuntur ſine mora ſolemnes ad eum nuntij Oratores, qui nomine Principum & totius Regni decretum Electionis illi quantocius intimar- rent: & ut Franckefurt dignaretur citiùs deſcendere, peterent. At ille mox ſolutâ obſidione, rebûſque feſtinanter domi compoſitis, cum uxore & honeſta comitiva deſcendit ad Franckefurtiam, ubi Principes ſe reperit expectantes. Qui honorificè ſuſceptus à Principibus, & cunctis qui aderant, ut impoſitum onus Regni ſubire dignaretur, humili omnium inſtantiâ rogatus eſt. Conſenſit orantibus, & Regium munus accepit oblatum, deſcendensque cum Principibus ad Grani Aquas in Regem Germaniæ unacum uxore ſua coronatus eſt. Regnavit annis decem & novem, Princeps magnificus, & in cunctis victorioſus.

Sifridus ſic  
Archiepiſc.  
Colonienſ.

Anno prænotato mortuus eſt Engelbertus Archiepiſcopus Colonienſis, & in Eccleſia S. Caſſij Martyris Bunnæ ſepultus: vir ſtrenuus, libertatum, Jurium, & privilegiorum Eccleſiæ ſuæ deſenſor & propugnator ſemper acerrimus. Huic in Archiepiſcopatu ſucceſſit Sigefridus ex Comitibus de Weſterburg, vir & ipſe ſtrenuus, ſed plus ad arma, quàm ad munus Pontificum idoneus: quem Gregorius Papa ſequenti anno in Concilio Lugdunenſi confirmatum proprijs manibus conſecravit, & Pallij decoravit ornatu.

Eodem anno mortuus eſt Henricus ex Comitibus de Lyingen Spi- renſis Eccleſiæ Præſul, & ſub marmore albo in medio Eccleſiæ Neome- tenſis ſepelitur. Cui ſucceſſit in Pontificatu Fridericus de Bolandia, ex ſore nepos deſuncti, præfuit annoſtriginta. Bolandia breve territo- rium eſt in Diœceſi Wormatiæ.

#### MCCLXXII.

Concilium  
Generale  
Lugduni  
celebratur  
à Papa Gre-  
gorio.

Anno Joannis Hirſaugiani Abbatis octavo, Indictione Romano- rum primâ, Gregorius Papa X. vir ſanctæ memoriæ Concilium Generale apud Lugdunum, antiquam Burgundiæ urbem (quæ nunc eſt in Gallijs) biennio celebravit. In quo proprijs comparuerunt in perſonis Archiepiſcopi & Pontifices numero quingenti, Abbates verò ſexcenti, & alij Prælati dignitate inferiores, ut ſunt Præpoſiti, Decani, Priores, Cuſtodes, Scholaſtici & Cantores, mille & ſupra. Multa in ea Synodo tractata fue- runt pro recuperatione Terræ ſanctæ, & ad variam utilitatem generalis ſtatus Eccleſiaſtici.

Com-



Comparuit in eo concilio Palæologus Imperator Græcorum Constantinopolitanus cum magna & honestissima suorum comitiva: qui ad instantiam Patriarchæ sui etiam præsentis, & Genuensium amicorum, se suosque obedientia Romanæ subjecit Ecclesiæ, postquam tredecies Græci ab ejus fide defecerant. Ad communionem itaque Romanæ Ecclesiæ Græci per Concilium admissi, paucis in unione permanserunt annis, sed Græcâ levitate atque superbiâ seducti in pristinos citius sunt relapsi errores, donec postremò justo Dei permittente judicio, à Saracenis superati, penitus à fide Christiana defecerunt. In eodem Concilio Lugdunensi Gregorius Papa X. in subsidium eorum, qui contra Saracenos pro fide Christi militabant in Asia, Collectam sive Contributionem decimæ partis omnium bonorum, utilitatum, sive proventuum non annalium, sed capitalis summa, possessionis, universis & singulis Christi fidelibus imposuit, laicis & Clericis, sæcularibus & monasticis, Pauperibus ac divitibus, Principibus & Episcopis, in sex annos continuatos solvendam. Collectores ejusdem Decimæ plures per omnia Regna, provincias, & urbes constituit. Verum quia nimis dura multis videbatur ista contributio, à paucis fuit soluta, quanquam deputati Collectores, Censuras in non solventes fulminarent.

Græcorum Ecclesia se Romanæ subjecit.

Contributio Decimæ omnium possessionū Christianis à Papa indicitur, contra Saracenos.

Pro eadem causâ Idem Pontifex Crucem per universum orbem Christianum prædicari mandavit. Plenamque delictorum omnium veniam & remissionem cunctis pollicebatur, qui vel Cruce susceptâ in Siriam contra Saracenos pugnaturi pergerent: vel impediti legitimè suis pecunijs & eleemosynis pergentibus subvenirent. Multam eo modo pecuniam collegit. Comparuit in eodem concilio Lugdunensi Rudolphus Germanorum Rex, noviter, sicut diximus, Electus, & apud Aquasgrani juxta morem coronatus. Qui ad persuasionem Gregorij Papæ crucem suscepit, & protectionem contra Saracenos in Asiam promisit. Constituit ei Pontifex, quòd anno sequenti proximo cum pace veniret in Italiam, susceptâque Romæ Coronâ Imperij, ulterius cum exercitu procederet in Judæam ad Jerosolymæ Civitatis recuperationem.

Rudolphus Rex in Concilio Lugdunensi Crucem assumpsit.

Verum posthæc subortis in Germania dissensionibus (quindecim Comitibus in Rudolphum conspirantibus) quod Pontifici promiserat, servare non potuit. Unde cum aliquandiu apud Mediolanum expectatus non veniret, à Papa excommunicatus est. Postea tamen informatus de impedimento legitimo, Pontifex à Censuris illum absolvit, & fidelium Communioni restituit. Veruntamen, quoniam ire ad recuperationem Terræ sanctæ ut promiserat, non potuit, Comitatum Romandiolæ in satisfactionem sancto Petro & Ecclesiæ donavit.

Rudolphus ex multis causis iter transmarinum non implevit.

Et quia diximus, Rodolphum ex antiquissima Regum Francorum stirpe procreatum, operæ precium fore judicamus, ut quo id factum sit ordine vel tempore, breviter replicemus. Quod ut eò fiat commodius, quò certiores imitamur auctores, dignum videtur in primis, ut originem gentis & successiones Regum Francorum huic loco inseramus, propterea maximè, vel quòd recentiores Historiographi, & quotquot de his rebus in mille annis scripserunt, penè omnes confictam & erroneam composuerunt historiam; quorum aliqui Francos tempore Valentiniani Cæsaris asserunt venisse in Germaniam, alij verò negantes eos Trojanorum satus propagine, varijs commentis terræ Germanicæ semper indigenas extitisse

Rudolphus Rex de antiqua Regū Francorum stirpe descendit.

demonstrare conati sunt. Nos autem Hunibaldum sequentes, qui tempore Clodovæi Magni Regis Francorum anno Domini quingentesimo vivens in humanis, ex Wastaldo & alijs Francorum antiquissimis Auctoribus sive historiographis decem & octo libros conscripsit, Francos genere Trojanos esse breviter ostendemus.

Francorum  
origo.

Nam primi sex libri memorati Auctoris Hunibaldi continent historiam annorum DCC.L. hoc est originem gentis Francorum, Principes, Duces, Reges, Sedes, Evagationes, Bella & gesta. In his autem septingentis quinquaginta annis nec Franci dicebantur, nec Sicambri. Sed varijs nominibus appellati sunt secundum diversas mutationes sedium & mansionum.

In alijs sex Hunibaldi libris historia continetur annorum CCCC.V. ab eo videlicet tempore, quo sub Marcomero Rege de Sarmatia & Danubij ostijs egressi venerunt in fines Germaniæ ad ostia Rheni. ubi nunc est Hollandia, usque ad Faramundum Regem Francorum, & eo tempore non Franci, sed Sicambri sunt dicti per annos fermè CCCC. sicuti & prius dicebantur, cum adhuc residerent apud Danubium. Et in his sex libris continentur XVI. Regum Sicambrorum nomina, bella & gesta usque ad Francum Regem, à quo Sicambri deinceps Franci sunt nuncupati, anno scilicet ante Christi Nativitatem XXXVII. deinceps numerando Reges Francorum cum ipso Franco, usque ad Regem Faramundum Reges fuerunt XXIII. & post illos duo inter Reges sive Duces Dagobertus & Genobaldus: & sic à primo Sicambrorum ingressu ad Germaniam Reges Francorum usque ad Faramundum exclusivè numerantur XLII. quorum nomina & gesta in his sex libris continentur.

Quid ultimi  
sex libri  
Hunibaldi  
Historio-  
graphi con-  
tineant.

Porro in ultimis Hunibaldi sex libris historia continetur annorum CIX. à Faramundo Rege inclusivè, qui regnare cœpit Anno Domini CCCC.V. usque ad mortem Clodovæi Regis Francorum Magni à S. Remigio baptizati, qui obiit Anno Domini DXIV. Indictione Romanorum XII. Et in his centum & novem annis numerantur Francorum Reges Quinque, & sic in morte Clodovæi Hunibaldus librum XVIII. Historiæ Francorum finivit, post quem multi fuerunt Auctores.

A morte  
Clodovæi  
anni  
CCXXXVIII.  
usque ad  
Pipinum.

A morte autem Clodovæi usque ad Pipinum Regem, Patrem Caroli Magni, qui cum esset Dux Brabantiæ, Namurij Comes, & major Domûs, Hilderico, jussu Zachariæ Papæ abrogato, in ejus locum successit, exclusivè Reges Francorum numerantur lineâ rectâ sibi invicem succedentes XIV. per annos CCXXXVIII. A Pipino autem usque ad Rudolphum de Habsburg per annos DXXXIX. inclusivè, Reges numerantur Ostrofrancorum XXXI. Et nota, quod hîc & deinceps Reges accipimus eorum Francorum, qui regnaverunt in Germania, sive Coronam habuerint Imperij, sine non habuerint, reclusis omnibus, qui post Ludovicum Pium Magni Caroli filium post Regni divisionem in Gallia regnaverunt.

Reges Fran-  
corum CIII.  
per annos  
MDCCCC.  
XLIX. suc-  
cunt.

A morte Regis Rudolphi ad XXVII. annum Regis Maximiliani, quo hæc scripsimus, anno Domini M. DXIV. Reges numerantur Germaniæ Francorum, sive coronam Imperij habuerint, sive non, XI. per annos CCXXI. Et sic per annos MDCCCXLIX. à Marcomero Rege Sicambrorum, qui gentem hanc primus de Sarmatia duxit in Germaniam, inclusivè usque ad XXVII. Regis Maximiliani annum, omnes Sicambrorum, Fran-  
corum;



eorum, Germanorum Reges numerantur ordine recto sibi mutuo succedentes ciii. Porro quot hujus gentis fuerint Reges à primo Duce, cum quo exierunt à Troja, primis Hunibaldi sex libris à Walthaldo conscriptis habetur, de quibus nos hâc vice non intromittimus, quia Codicem in Sphanheim dimissum ad manum non habemus. Ex alijs duodecim Hunibaldi libris, quæ ante sedecim annos nos excepimus, breviter & compendiosè his Annalibus inferenda censemus, sola Regum nomina, tempora & annos quibus regnârunt, gesta eorum prætereunt.

Anno igitur ante Christi Nativitatem cccxxxix. ut Hunibaldus dicit in septimo, temporibus Cyri Regis Persarum, Esdræ quoque & Neemiæ Principum Judæorum, anno post excidium Troianum dccl. egressa ab Insulis Scanzianis Gothorum gens, Sicambros, qui ex Troianis Reliquiæ in Sarmatia ad Danubij ostia morabantur, bello aggressi sunt, & Anthenorem Regem eorum cum alijs pluribus occiderunt. Post quem Marcomer filius patri succedens regnavit annis xxviii. Qui anno Regni sui quarto insultus Gothorum graviter ferens, consilio cum Proceribus habito, ades mutare decrevit. Dicebantur eo tempore neque Sicambri, neque Franci, sed Scythæ.

Missa ergo ad Saxones legatione, eò quòd & ipsi ex Troianis descenderint, sedes ab eis in finibus Saxoniz ad ostia Rheni (ubi nunc sunt Hollandij, Frisij, Geldrenses, & pars Westphaliæ inferioris) facili supplicatione impetrârunt. Egressus itaque Rex Marcomer cum universo populo suo de Sarmatia, venit ad ostia Rheni fluminis in Germaniam, anno Regni sui VII qui fuit ante Nativitatem Domini ccccxxxiv. in mense Aprili. Erant autem viri ad bellandum idonei, præter senes, parvulos, filios & uxores, centum septuaginta quinque millia. sexcenti, quinquaginta octo. Post Marcomerum regnavit Anthenor filius ejus annis xxx. post Anthenorem filius ejus Priamus annis xxiv. post Priamum filius ejus Helenus, regnavit annis xix. post Helenum regnavit Diocles filius ejus annis xxxix. Post Dioclem regnavit Helenus filius ejus annis xiv. Post Helenum secundum regnavit frater ejus Dioclis junior filius nomine Basanus annis xxxvi. qui terminos Sicambrorum valdè ampliavit, post quem Clodomer filius regnavit annis xviii. Deinde Nicanor filius regnavit annis xxvi. post quem Marcomer ejus filius regnavit annis xxviii. Quo mortuo patri successit Clodius, & regnavit annis xi. Post hunc Anthenor Clodij filius regnavit annis xvi. post quem Clodomer filius regnavit annis xx. Quo defuncto filius ejus Merodac regnavit annis xxviii. qui multa cum Romanis & Gallis prælia commisit, obiitque anno ante Christi Nativitatem xciii. Cui filius suus Cassander succedens regnavit annis xxi. qui cum Saxonibus bellum gessit adversus Borbistam Regem Gothorum, & vicit. Post quem Antharius filius ejus regnavit annis xxxv. Quo in bello à Gallis perempto successit ei filius nomine Franc, & regnavit annis xxviii. à quo Sicambri deinceps dicti sunt Franci: quod quomodo & quare sit factum, Hunibaldi compilatio refert. Franco autem mortuo ante Christi Nativitatem anno nono, Clogio ejus filius succedens regnavit annis xxx. cujus anno decimo *JESUS CHRISTUS DEI filius homo factus in Bethleem Juda de Virgine MARIA nascitur.* Clogione mortuo Herimer filius regnavit annis xii. quo perempto in bello Gallicano, Marcomer

De Francorum origine ex Troianis auctore Hunibaldo.

Quo tempore & unde Sicambri, qui & Franci intrarunt Germaniâ,

Genealogia omnium Regum Francorû.

Basanus Rex Francorum Magnus multa miranda fecit.

Francus Rex, à quo Sicambri deinceps Franci sunt dicti.



Antenor  
Francorum  
Rex cum  
ix. Ducibus  
in Mosa  
submersus  
est.

Francorum  
Occidenta-  
lium xxxii.  
millia ve-  
nerunt ad  
Wirzburg  
anno Dñi.  
666xvi.

Franci Ro-  
manis tri-  
butarij fa-  
cti sunt an-  
nis xx.

Faramun-  
dus ex Duce  
Francorum  
regnat an-  
nis xxv.

merus frater regnavit annis xviii. cujus anno secundo Christus passus est. Post hunc regnavit Clodomer filius annis xii. Deinde Anthenor filius Patri succedens regnavit annis vi. quo in Mosa flumine cum ix. Ducibus, & lxxiii. nobilibus submerso, Ratherius filius ejus regnavit annis xxi. cujus anno secundo Nero Cæsar primam Christianis persecutionem indixit. Ratherio successit Richimer filius, & regnavit annis xxiv. qui cum Gothis, Romanis & Gallis multa prælia gessit. Odemar Patri succedens, regnavit annis xiv. post quem Marcomer ejus filius regnavit annis xxi. quo etiam mortuo Clodomer filius regnavit annis xvii. Et illo defuncto Farabertus ejus filius regnavit annis xx. post quem Sunno filius regnavit annis xxviii. Post Sunnonem Hildericus filius regnavit annis xl. qui obiit Anno Domini ccliiii. Cui Bertherius filius ejus succedens regnavit annis xviii. post quem Clodius filius regnavit annis xxvii. Deinde filius ejus Walther regnavit annis viii. Cui Dagobertus filius succedens regnavit annis xi. post quem Clogio filius regnavit annis tantum duobus, quo Anno Christi CCCIX. mortuo, Clodomerus frater succedens regnavit annis xviii. Cujus tempore Francorum triginta duo millia sub Duce Genebaldo, qui frater ejus erat, rogati à Thorisingis amicis de inferiore Francia sive Sicambria cum liberis & uxoribus exeuntes venerunt in eam provinciam, quæ nunc Francia dicitur Orientalis, in qua Wirzburg est, & Babenberg urbes constitutæ, & habitaverunt ibi primo sub Ducibus, uno & viginti sibi mutuò succedentibus per annos cccxxxvi. postea sub Episcopis Wirzburgensis Ecclesiæ numero LXI. sibi invicem succedentibus, quibus Ducatus Ostrofrancorum à Pipino incorporatus est, per annos DCCLXI. usque ad annum xviii. Laurentij de Bibera, Episcopi Herbipolensis hodie Ducantis. Post Clodomerum Richimer filius ejus regnavit annis xiii. Quo in Gallia cum alijs pluribus Francorum à Constantino Cæsare perempto, filius ejus Theodomer post eum regnavit annis x. qui & ipse à Romanis in Gallia captus unà cum Astila matre capite truncatus est. Post quem Clogio filius ejus regnavit annis xviii. Clogioni defuncto Marcomer filius succedens ei, regnavit annis quatuor, & in bello peremptus est à Romanis. Post cujus interitum Franci Romanis facti sunt Tributarij annis xx. redactoque in Provinciam Regno Duces pro Regibus instituti fuerunt: quorum primus fuit Dagobertus frater Marcomeri Regis Francorum occisi, qui permissione Romanorum Ducatum sub tributo tenuit annis xiii. Cujus anno V. Valentinianus rexit & imperavit annis tredecim. Quo tempore apud Ostrofrancos Wirzburgi Ducatum tenuit Clodius annis xx. qui nunquam cessit Romanis. Post Ducem Francorum Dagobertum, qui obiit Anno Dominicæ Nativitatis CCCLXXXV. Indictione XIII. Genebaldus filius Ducatum suscepit annis xix. Quo mortuo Francorum proceres, Imperio Romanorum contempto in libertatem se vendicant, abrogatisque Ducibus Regem sibi constituunt Faramundum Ducem Franciæ Orientalis, & filium Marcomeri Ducis, qui fuit Clodij Ducis, qui fuit Dagoberti Ducis, qui fuit Genebaldi primi Ducis Francorum Orientalium, qui fuit Dagoberti Regis filius, & frater Clogionis simul, & Clodomeri post Patrem successivè regnantium. Regnavit autem Faramundus annis xxvi. vir magnanimus & bellicosus, qui Romanos nunquam



quam timuit. Et ex illo tempore Francorum Reges coeperunt esse potentes, atque paulatim totam Galliam, universamque Germaniam, & magnam Italiae partem suo regno subjecerunt, ipsumque Romanorum Imperium in nihilum redegerunt.

Valentinianus Cæsar junior Francos non audet impugnare.

Anno Faramundi Regis secundo Valentinianus cum Theodosio imperavit annis vii. qui cum tributum à Francis exigeret, ante xx. annos ut diximus post necem Marcomeri promissum, bellum obtulerunt: sed Valentinianus congredi Francis non ausus, paulò post apud Lugdunum Arbogasti dolo interijt. Plures fuerunt eo tempore Francorum Duces de Regum prosapia descendentes, qui diversis in loci sub Regum ditione Præfecturæ gerebant officium; nam in electione Regis Francorum quatuordecim Duces leguntur fuisse præsentis excepto Faramundo, scilicet: Dux Marcomerus frater Faramundi, qui post eum Franciam Orientalem rexit annis xvi. Dux Sanno, Dux Clodius, Dux Dagobertus, Dux Nicanor, Dux Farabertus, Dux Richimerus, Dux Anthenor, Dux Priamus, Dux Dagobertus, Dux Betheri, Dux Heribert, Dux Sunno, & Dux Richer fratres & filij Ducis Genebaldi Interregis secundi. Faramundo Rege defuncto anno Christi CCCCXXXI. Clodius crinitus ejus filius post eum regnavit annis xx. qui magnam Gallia partem armis obtinuit, & Romanos in Gallia dominantes aut occidit, aut fugavit. Posthunc Merovæus Rex Patri succedens regnavit annis x. Quo mortuo Hildericus filius ejus regnavit annis vi. Deinde Regno pulsus à Francis in Thuringiam fugit, & ibi exulavit annis vii. Interea Franci Regem sibi constituerunt in Gallia morantes Ægidium Romanum à sanguine Regio penitus alienum. Quo post annos octo de Francia pulso Hildericus revocatus deinceps iterum regnavit annis ix. Post quem Clodoveus filius ejus regnavit annis xxx. qui primus ex Regibus Francorum fidem cum gente penè tota, Anno Domini CCCCXCIV. suscepit. Hic jam Baptisterium regenerandus cum intraret, ad eum S. Remigius Præsul Remorum dixit: *Mitis deponere colla Sicamber. Adora quod incendiisti. Incende quod adorasti.* Hoc est: *Adora Christum, cujus Ecclesias incendiasti paganus. Incende idola, quæ adorasti.* Clodoveus iste Regnum Francorum valde auxit: Alemannos & Bavaros, Thuringos & Saxones cum alijs pluribus regno subjecit. Moritur Anno Domini DXIV. Post mortem Clodovæi Lotharius filius ejus regnavit pro eo annis LI. per quem Genealogia Regum Francorum directa continuatur usque ad Hildericum Regem ultimum. Porro fratres Lotharij regnaverunt in locis sibi deputatis à Patre. Theodoricus apud Metenses in Austrasia annis xxiii. Clodoveus Aurelianus, Hildebertus apud Parisianos in Neustria. Quibus omnibus tandem cum filiis & nepotibus defunctis, Monarchia ad Lotharium revertitur. Qui & ipse Lotharius moritur Anno Domini DLXIV. filios relinquens quatuor. Quorum junior Helpericus Suesionis regnavit annis xxiv. per quem linea Regum continuatur. Heribertus natu major Parisijs regnavit annis paucis. Sigebertus tertio genitus regnavit in Austrasia super Metenses, Leodienses, Treverenses, Colonienses, Moguntinenses & Germanos annis xiv. quem Helpericus frater postea occidit. Secundo genitus Lotharij Gunthramus regnavit in Burgundia, Alemannia, Alsatia, & apud Helvetios annis xxxiii. & obiit anno Domini DXCVII. duos reliquens filios, Theodebertum & Theodericum.

Francorum Duces xiv. unâ die conveniunt simul.

Clodoveus Rex primus Christianus regnavit annis xxx.

Lotharius Clodovæi filius regnavit annis LI.

Lotharij quatuor filij Reges Francorum uno tempore.

D

Theo-

Theodebertus natu major genuit Sigebertum, Sigebertus autem genuit Odebertum. Odebertus autem genuit Odebertum juniorem, Odobertus autem junior genuit Lutfridum & Udalricum, Lutfridus autem genuit Guntramum, Guntramus autem genuit Hunfridum. Hunfridus autem genuit Rudevvolffum, Rudevvolff autem genuit Adelbertum, Adelbertus autem genuit Lutfridum, Berngerum, Adefridum & Heribertum. Omnes præscripti de recta linea Regis Gunthrami descenderunt cum multis alijs, qui collateraliter ex eo simili prosapia venerunt: quorum aliqui ad tempus fuerunt Reges, aliqui Duces. Postremò Comites facti sunt penè omnes, & cum nimium essent multiplicati, nec Reges deinceps esse potuerunt, nec Duces præ multitudinem eorum. Unde Postremò permissione Regum Francorum, sub quibus militabant, omnes facti sunt Comites: ex quibus cum tempore rursus multiplicati, & ob id minùs locupleres, nonnulli ex necessitate in simplicem nobilitatem descenderunt inopiâ compulsi. Nam ut Flodoardus & Richerus historiæ scriptores Francorum post Hunibaldum sunt testes, permissione Regum, qui Monarchiæ apud Francos tenebant principatum, præscripti Comites cum alijs ex Gunthrami Regis prosapia descendentes, Burgundiæ magnam partem, Alemanniam totam cum Helvetia, Wasgaviam, Suntgaviam, Allatiam, & quidquid his vel interjacet, vel adjacet, inter se olim dividerunt, & possederunt cum eorum nepotibus usque in præsentem diem. Inter cæteros prædictus Presbyter Flodoardus meminit Comitum de Habsburg, Kyburg, Homburg, Pfirt, Bithsch, Montfort, Zäringen, Zolra, aliorum complurium, quos omnes de stirpe Regis Gunthrami connumerat. Porro Lutfridus major natu Adelberti, de quo est dictum, Comes fuit in Habsburg, & genuit Odobertum, Odobertus autem genuit Ruthbertum, de cujus stirpe Rudevvolffus, aliàs Rudolphus Rex Germanorum descendit. Ab obitu autem Regis Gunthrami usque ad electionem, Rudolphi fluxerunt anni DCCV. A die autem electionis ipsius Rudolphi usque ad electionem Regis Maximiliani, qui ab eo lineâ rectâ descendit, anni fluxerunt CCXIV. Cujus generationis ordo sic continuatur. Albertus Comes in Habsburg, qui de Ruthberti Comititis supradicti rectâ lineâ (quibusdam interpositis, quorum nomina ad manum jam non habemus) originem duxit, genuit Rudolphum Regem, Rudolphus autem Rex genuit Albertum, qui primò factus est Dux Austriæ Patris auctoritate, Principumque consensu, & post Adolphum, ut infra dicemus, Rex Germanorum. Albertus autem genuit alium Albertum Austriæ Ducem ex Elisabeta filia Meginhardi Carinthiæ Ducis, per quam Carinthia domui conjuncta est Austriæ usque in præsentem diem. Porro Albertus Dux genuit Lupoldum Austriæ & Lotharingiæ Ducem ex Joanna filia Comititis de Pfirt, Lupoldus autem genuit Ernestum, Ernestus autem Dux genuit Fridericum Imperatorem Tertium ex Symburge filia Alexij Ducis Mazoviæ in Polonia. Fridericus autem Cæsar genuit Maximilianum Regem Germaniæ, Bohemiæ, Ungariæ, Dalmatiæ, Croatiæque, & Imperatorem Romanorum ex Eleonora Regis Portugalliæ & Lusitaniæ filia. Maximilianus autem Cæsar genuit Philippum Regem Castiliæ, ex Maria filia Caroli Ducis Burgundiæ. Philippus autem genuit Ferdinandum Regem Hispaniæ, & Carolum Archiducem Austriæ, Ducemque Burgundiæ, ac

Bra.

Comites  
Alemanniâ  
totam possident, præter  
Urbes  
Episcopales.

Genealogia  
Comitum in  
Habsburg  
de Regibus  
Francorum.

Habsburg.  
Kyburg.  
Homburg.  
Pfirt.  
Bithsch.  
Montfort.  
Zäringen.  
Zolra. &  
alii.

Ducatus  
Carinthiæ  
Domui Austriæ,  
quomodo fuerit  
Unitus.

Genealogia  
Comitum de  
Habsburg, per  
Maximilianum  
continuat.



Brabantiae ex Anna filia Ferdinandi & Elisabeth Regum Hispaniae. Fuerunt & alij Duces Austriae collaterales multi, quos isthic ratione praeterimus, inter quos fuit etiam Albertus, qui apud Germanos post Sigismundum Imperatorem biennio regnavit: sed brevi tempore deficientibus cunctis hodie Maximilianus cum unico nepote Carolo solus Monarcha possidet omnia. Nunc ergo ad successiones Regum Francorum intermissas revertamur.

Lothario filio Clodovaei Regis Francorum Anno Domini DLXIV. mortuo, Helpericus junior filius ejus Sueffionis regnavit annis XXII. Post quem Lotharius ex Fridegunde filius regnavit annis XLIV. Quo mortuo filius ejus Dagobertus regnavit annis XXXIV. Post quem Clodovaeus filius ejus regnavit annis XVI. Illo mortuo successit Patri Lotharius, & regnavit annis quatuor. Post quem Theodoricus frater ejus regnavit primo annis VII. & à Francis propter inertiam deponitur. Quo deposito Hildericus amborum frater medius natu regnavit parvo tempore, qui cum esset moribus asper, in venatione cum Ulcida uxore praegnante à suis occiditur. Post quem Theodoricus frater ad Regnum restitutus regnavit denuò annis III. & obiit Anno Domini DCXCII. Post quem filius ejus Clodovaeus major natu regnavit annis tribus. Cui Hildebertus frater succedens regnavit annis XIV. Post quem filius ejus Dagobertus junior regnavit annis quinque. Quo defuncto Franci Danielelem quendam Presbyterum in Regem erigentes, Helpericum nuncuparunt, qui regnavit annis novem. Contra quem Carolus Martellus à principatu paterno (qui major Domus fuerat) pulsus, Lotharium Dagoberti Regis filium constituit Regem, & multa pro eo adversus Danielelem praelia gessit. Tandem Anno Domini DCCXXIV. ambobus vitâ defunctis Theodoricus minor Dagoberti filius Lotharii frater auxilio Caroli Martelli jam in principatum restituti ad regnum Francorum suscipitur, regnavitque annis tredecim. Post quem Hildericus filius ejus regnavit annis XIV. qui Anno Domini DCCLI. Indictione Romanorum IV. consilio Zachariae Papae ut inutilis à Regno Francorum depositus est, & in Monasterium detrusus.

Post quem anno sequenti Pipinus Major Domus Comes Namurci, & Brabantiae Dux (à quo Palatini Comites descendunt) electione Procerum Sueffionis à S. Bonifacio Moguntinensium Archiepiscopo in Regem Francorum unctus & coronatus est: regnavitque annis XVI. qui & ipse duxit originem ex antiqua Regum Francorum prosapia, ut sequitur.

Nam Clogio Rex Francorum Theodomeri Regis filius, qui regnare coepit Anno Domini CCCL. genuit Marcomerum Regem, Marcomerus autem Rex genuit Dagobertum Ducem, Dagobertus autem genuit Sunnonem. Sunno autem genuit Dioclem, Diocles autem genuit Meroveum, Meroveus autem genuit Leonicum, Leonicus autem genuit Heribertum, Heribertus autem genuit Priamum, Priamus autem genuit Sigebertum, Sigebertus autem genuit Nicanorem, Nicanor autem genuit Enchisen, quem alij nominant Ansegisum, Ansegisus verò genuit S. Arnulphum, postea Episcopum Metensem, & ultimò Monachum Eremitam. Arnulphus genuit Ansegisum majorem Domus Francorum, Ansegisus verò genuit Pipinum seniore domus Magistrum, Pipinus autem genuit Carolum majorem Domus, bellicosum & Victoriosissimum Principem.

Genealogia Francorum per Lotharium continuatio.

Daniel Presbyter fit Rex Francorum.

Pipinus Major Domus Brabantiae Dux fit Rex Francorum annis XVI.

Prosapia Pipini Regis Francorum.

Carolus M.  
primus ex  
Francislm-  
perator.

Quæ gentes  
fuerint ſub  
Regno  
Francorū  
non diviſo.

Omnes præſcripti Principes fuerunt vel Comites Namurci, vel Duces Francorum in eo pago, qui nunc Brabantia dicitur. Porro Carolus Martellus genuit Pipinum juniorem, qui Hilderico, ſicut diximus, abrogato, ſuper Francos regnavit annis xvi. Pipinus genuit Magnum Carolum Regem, primum ex Francorum Regibus Imperatorem Romanorum, in quo completum eſt vaticinium, quod Hildegast ſapiens Francorum ſub rege Hilderico die Natalis ejus in templo Jovis apud Neopagum furens & ſaltans prædixerat Anno Domini CCXXIII. inter alia multa ſic eructans: *Magnus ecce Divus Franco Lupanaria caſtra dabit, & volucrem franget ſerpente collisam.* Carolus autem magnus regnavit ſuper Francorum gentes, hoc eſt. Germanos, Saxones, Thuringos, Sorabos, id eſt Bohemos, Sclavos, Bagarenos, Bavaros, Suevos, Alemannos, Cifrenanos, Waſgavios, Burgundos, Celtiberos, Allobroges, Gallos omnes, Aquitanos, Normannos, Britannos, Auſtraſios, Neuſtraſios, Weſtraſios, Waſtones, Belgas, Moſellanos, Treverenſes, Alſatios, Helvetios, Neometes, Wangiones, Francos Orientales, Haſſos, Weſtphalos, Moguntiacos, Colonienſes, Friſios, Hollandios, Brabantinos, Flandros, Morinos, qui ſunt Picardi, & quidquid his vel adjacet, vel interjacet, cum Italia parte ſimul & Hispaniæ maximâ, quadraginta tribus annis, & imperavit ſuper Romanos per Italiam annis xiv.

Regnum  
Francorū  
in duas Mo-  
narchias  
dividitur  
Alterum  
Regnum  
Germani-  
cum, alte-  
rum Galli-  
canum.

Carolus autem genuit Ludovicum, qui ſimul & regnum tenuit, & Imperium annis xxv. Ludovicus autem genuit Lotharium, qui imperavit in Italia, Pipinum, qui regnavit in Aquitania, Carolum, qui regnavit in Gallia, & Ludovicum, qui regnavit in Germania. Ab hinc Regnum Francorum in duas Monarchias diviſum eſt, & manet uſque in præſentem diem. Quorum alterum nominatur Francorum Orientalium, ſive Regnum Germanicum, & habet ſibi Romanorum Imperium perpetuò annexum: Alterum verò dicitur Francorum Occidentalium, Francigenarum, ſeu etiam Gallicanum.

Hæc Diviſio Regni Francorum facta eſt Anno Domini DCCXLI. Indictione Romanorum IV. anno adventûs Sicambrorum ſive Francorum, ut poſteâ ſunt dicti, in Germaniæ fines, ubi nunc eſt Hollandia, MCCLXXX. anno verò ab excidio Troiano MMXXX. Unde jam ſatis dictum eſt de origine, progreſſu, & Regibus Gentis Francorum, cum ſit facile deinceps eorum invenire nomina, ſucceſſiones, & geſta, qui poſt Ludovicum Caroli Magni filium ſive ex genere, ſive Principum electione cum Imperio in Germania regnaverunt, propterea ratio expoſtulat, ut ſeriem Annalium hujus Voluminis proſequamur.

MCCLXXXIV.

Conventus  
ſit Regis &  
Principum.

Anno Joannis Abbatis Hirſaugiani nono, Indictione Romanorum II. Rudolphus Germaniæ Rex Conventum Generalem Principum in oppido Regni Nürenberg ſolemni pompâ celebravit: in quo penè totius Regni Principes, Epiſcopi, Abbates, Duces, Marchiones, Comites & Barones convenerunt: qui omnes denuò Regi Rudolpho ſub jurejurando, fidelitatem, obedientiam, & ſubjectionem promiſerunt, auxilium, que contra inobedientes & rebelles quoscuque fideliter ſe laturos pro viribus omni tempore polliciti ſunt. Fuerunt eo tempore nonnulli Germaniæ Principes Regi Rudolpho adverſantes, inter quos erat non ultimus

Odoacer



Odoacer Bohemiæ Rex, qui Austriam Germanorum Regno antiquo Jure subjectam, deficientibus jam tunc hæredibus legitimis lege feudali ad ipsius Rudolphi dispositionem devolutam temerè occupavit, & auctoritate propriâ invasit. Unde per edictum Regis Rudolphi citatus ad judicium Principum, qui Nürenberg fuerant congregati, venire contempsit: contra quem Rudolphus postea exercitum produxit. Henricus quoque Dux Baviaræ filius Ottonis Ducis, & primi ex Baviaræ Domo Comitum Palatini Rheni, simili temeritate contrariùs erat Rudolpho, & quoscunque potuit, in ejus odium & rebellionem concitavit.

Odoacer  
Bohemiz  
Rex Rudol-  
pho rebel-  
lis propter  
Austriam.

Henricus  
Bavarus  
cum xv.  
Comitib.  
inobediens  
Regi.

Cum eodem Henrico adversus Rudolphum Regem conspiraverant simul, & semel Comites Regni numero quindecim, cum quibus & Marchio sensit de Baden, Comes quoque Eberhardus de Wirtemberg, Comes de Montfort, Comes de Helfenstein, Comes de Dokenburg; aliorum nomina memoriæ non occurrunt. Hujus major & principalior causa conspirationis fuit, quòd Rudolphus Rex Amator justitiæ & pacis latrocinia & deprædationes interdixit nobilibus Regni sub pœnis & censuris magnis. Ex eo namque tempore, quo Fridericus II. fuit ab Imperio depositus per annos fermè xxviii. Regno Germanorum ubique nimium turbato nusquam fides erat tuta, nusquam pax, nusquam securitas iter agentibus, sed fuerunt latrocinij & deprædationibus omnia plena. His volens obviare Rudolphus, animos contra se raptorum provocavit, quorum postremò rebellem proterviam humiliavit. Erat namque magnus Justitiæ Cultor, qui Regnum Germaniæ penè collapsum Deo ferente auxilium magnificè reformavit. Uxorem habuit Elisabeth filiam Burckardi Comitum de Haigerloch, de qua genuit tres filios, & quatuor filias. Albertum videlicet Austriæ Ducem, qui post Adolphum de Nassau bello peremptum (ut infra dicemus) Rex Germaniæ fuit. Hartmannum, qui sine liberis obiit, in Rheno submersus. Rudolphum Sueviæ Ducem, qui filiam Odocari Bohemiæ Ducis habuit uxorem. Filiarum prima nupsit Wenceslao Regi Bohemiæ. Secunda nomine Mechtildis, nupsit Ludovico Palatino Comiti. Tertia nupsit Alberto Duci Saxoniz. Quartam Carolus ex Andegaviensi Comite Rex Apuliz atque Siciliæ duxit uxorem. Ex his sex Rudolphi liberis cum tempore multi Reges & Principes nati sunt, qui totam Europam ornaverunt.

Justitia Re-  
galis Male-  
factores  
Regno se-  
cit rebelles.

Rudolphi  
Regis quæ  
uxor, & qui  
filij & filiz.

Anno Dominicæ Nativitatis prænotato Ludovicus Comes Palatinus Rheni Baviaræ Dux, de quo diximus, Ottonis Palatini filius, qui Heidelbergæ morabatur, secundâ uxore mortuâ, tertiam duxit, Mechtildem scilicet filiam Rudolphi Regis Germanorum, de qua genuit Rudolphum Palatinum Rheni Comitem, & Ludovicum Ducem Baviaræ, qui postea Imperator fuit ejus nominis quartus.

Ludovicus  
Comes Pa-  
latinus fit  
gener Ru-  
dolphi Re-  
gis Germa-  
norum.

MCCLXXV.

Anno Joannis Hirsaugiani Abbatis decimo, Indictione Romanorum tertiâ, Gregorius Papa decimus apud Aretium moritur, & sepelitur, cui successit in Summo Pontificatu Petrus de Tharantasia Doctor Theologus Ordinis Fratrum S. Dominici, qui assumens nomen Innocentij quinti, præfuit mensibus quinque, diebus septem. Scripsit in Minoribus constitutus super sententias Petri Episcopi Parisiensis libros quatuor: In omnes Epistolas Pauli commentariorum libros 14. In Psalmos volumen

Innocentius  
fit Papa V.  
de Thara-  
tasia.

grande : In cantica Canticorum librum unum , & alia multa super Biblia , quæ non vidimus. Eodem anno Rudolphus Germaniæ Rex contractis undique copijs Ludovico Palatino Comite genero suppetias ministrante contra Marchionem de Baden movit exercitum , & tam ipsum , quàm Comites illos quindecim rebelles , de quibus paulò superius dictum est , ad subjectionem coarctavit.

Rudolphus  
Rex Mar-  
chionem  
Badensem  
adobedien-  
tiam com-  
pulsit.

Odocar  
Bohemus  
Rex Au-  
striam oc-  
cupavit an-  
nis xxiv.

Rudolphus  
Rex Au-  
striam ab  
Odoacaro  
Bohemo  
repostulat.

Rudolphus  
movit in  
Bohemi-  
am facitq;  
sibi  
Regem  
subiectum.

Vinū acer-  
bissimum  
& fames.

Adrianus  
Papa V. Jo-  
hannes Pa-  
pa xxi.

Anno prænotato circa festum Assumptionis Beatæ Mariæ semper Virginis Rex Rudolphus expeditionem movit in Bohemiam adversus Odoacarem Regem, qui Austriam per annos jam aliquot ad regnum Germaniæ feudali Jure devolutam rebellis occupabat, quam præter hoc Fridericus Dux ultimus sine liberis, antequam moreretur, vigore testamenti Regno Germaniæ legavit, eo videlicet tempore, quo Fridericus Imperator depositus à Papa Innocentio quarto in Concilio Lugdunensi, ut supra diximus, anno Domini MCCXLIV. multis in Italia bellis agitatus est, & Regni communis negotia nemo curabat. Cernens igitur Odocarus, quod eum tempus juvaret, Austriam invasit, quam nullo jure, sed violentiâ solâ, cum nullus adesset defensor, obtinuit, & per annos xxiv. quibus regnaverunt Wilhelmus, Alphonsus, & Richardus, nullo resistente occupavit. Mox autem Rudolphus, ut in Regem fuit Germaniæ coronatus, animum suum ad recuperandum alienata, viribus totis apposuit, missis- que litteris & nuntijs Austriam restitui mandavit. Susciciens Odoacar epistolas Regis, & in superbiam elatus coram omnibus, qui aderant, exclamavit: *Audite rem novam, ô Proceres Bohemi. Comes de Habsburg. Majestatis nostra servus, & Capitaneus copiarum olim mercede conductus, nobis mandata dirigit, & nisi Austriam ei donemus, bellum nobis indixit: quæ novitas ista! ut Regibus imperent servi? Juramus per omnia numina cæli, quia nunquam subijciemur Comiti Rudolpho.* Quæ verba superbi cum renuntiata fuissent Regi Rudolpho: *Confido* (inquit cum mansuetudine magna) *in Deum meum, qui me nec meritum, nec optantem ungere voluit in Regem, quia superbiam ejus humiliabo.* Metuens autem Rex Odoacar, quod Rudolphus Rex in Austriam moveret exercitum, Viennam, & quædam alia terræ illius oppida muris, turribus & fossatis valdè munivit. Sed Rudolphus Austriæ parcere volens, quam sibi cessuram non dubitabat copias, ut diximus in Bohemiam movit, omnia ferro, igne & rapinâ devastavit. Odoacarem in bello multis Bohemorum occisis, vicit, superavit, & ad subjectionem venire supplicem coegit. Juravit obedientiam Regi Rudolpho, Austriam dimisit liberam Regno, de cæteris staturum se judicio Principum Regni promisit, sed nihil eorum servavit.

Anno item prænotato tanta pluviarum continuata inundatio fuit, à principio mensis Maij per totam ferè æstatem usque in autumnum, qualis in memoria hominum nulla tunc extitit. Unde omnis penè annona defecit, & putrefacta in campis remansit. Vinum acerbissimum crevit, quod vix potabile fuit. Hinc fames magna secuta est, & non solum homines, sed etiam jumenta peremit. Eodem Anno Innocentius Papa V. obiit, Pontificatus sui mense sexto nondum completo, & in Laterano sepelitur, post quem Ottobonus Patriâ Januensis, in Pontificem electus est, qui Adriani V. nomen assumens, postquam præfuisset diebus quadraginta, mortuus est, vacavitque Sedes Apostolica diebus triginta. Post



Post hunc Petrus Hispanus Portugalliae natus, ex medico Episcopus Tusculanus & Cardinalis fit Papa, nomine Joannes vicesimus primus, & praefuit mensibus octo, homo doctus & eruditionis multae, prudentior Medicus, quam Papa; quippe qui nihil operibus Pontificatu Summo dignum ostendisse perhibetur in aliquo. Cæco Astrologorum judicio deceptus vitam sibi pollicebatur in plurimos annos, de quo sæpè jactabundus cum apud suos gloriaretur familiares, quam esset futurorum ignarus, evidenter ostendit. Nam octavo Pontificatus sui mense, cum Viterbij sederet in aula magnifica ludens ad tabulam, essetque jucundus, & promissione longioris vitae superbus, subito ipsa domus corruit, & Pontificem miserabiliter oppressit, qui tandem plus quam semimortuus inventus & extractus, sextâ post die futura nesciens decessit. Scripsit adhuc medicus, thesaurum pauperum, librum unum. Canones medicinae comportavit in unum volumen. De Problematibus medicorum, librum unum. In Philosophia & Logica multa elegantissime fertur scripsisse.

Domo cadente Papa Joannes obruitur,

MCC LXXVI.

Anno Joannis Abbatis XI. Indictione Romanorum quartâ, Odoacar Rex juramentorum, & omnium quæ Rudolpho Regi promiserat, foedus transgressor, Austriam, Stiriam, Carinthiam, & Portum Naonis denuò sibi subjugare tentavit. Quod posteaquam Regi Rudolpho innotuit, iterum contractis undique copijs Bohemiam intravit, bellum foedisfrago indixit. At ille ad resistendum se totis viribus paravit, Henricum habens secum Bavariae Ducem cum magno pugnatorum exercitu. Rex autem Rudolphus in sua parte habuit Ungaros, Stirios, Carinthios, Francos, Suevos, Alemannos & alios plures, fortissimos viros.

Odoacar Bohemae Rex contempto Juramento rebellat Rudolpho,

Anno igitur praesignato, vicesimâ sextâ die mensis Augusti bellum inter Reges atrox committitur, & Marte ancipiti per horas aliquot pugnatur. Cessit postremò victoria Rudolpho, & multis Bohemorum peremptis, & in flumine submersis, Odoacar cum reliquis in fugam convertitur, qui dum fugeret, à quodam Bertholdo de Ermenverck equo dejectus & gladio transfossus interiit, & qui sepulturam negaverat multis, sine honore asini sepulchro fuit injectus, & quod fecit, retribuente Deo recepit. Filium reliquit parvulum nomine Wenceslaum, cui anno praeterito, cum pax inter Rudolphum & Odoacaram statueretur, filia ipsius Rudolphi Jutta nuncupata fuerat pro uxore futura desponsata. Hunc ergo puerum Wenceslaum Rudolphus Rex Marchioni Brandenburgensi commendavit educandum. Regnum verò Bohemiae simul & Austriam, per suos vicarios administravit. Post annos verò sex Wenceslao Regnum paternum cum filia dedit, Austriam retinuit, quam filio suo postea commisit. His peractis eodem anno Rex Rudolphus exercitum duxit in Bavariam contra Ducem Henricum, quem potenter aggrediens valde humiliavit, & ad subjectionem omnimodo coarctavit. Nec solum Bohemos & Bavaros sibi fecit obedientes, sed etiam reliquos omnes, qui ad Germaniae Regnum pertinebant ex antiquo, compulsi esse subjectos, & quidquid à Regno injustè fuerat ablatum, per quemcunque detentorem, ad restitutionem compellebat.

Rudolphus Odoacaram occidit, Bohemiam & Austriam capit.

Wenceslaus filius Odoacari filiam Rudolphi Regis accepit uxore.

Rudolphus Rex Ducem Bavariae superavit,

Anno

Joannes  
Abbas hu-  
jus Mona-  
ſterij xxvi.  
hoc anno  
mortuus  
eſt.

Anno etiam prænotato bello Bohemico jam peracto, ultimâ die mensis Septembris moritur Joannes hujus Monasterij Hirsaugienſis Abbas, in numero & ordine Prælatorum sextus atque viceſimus, diuturnâ febrium ægritudine ſolutus, anno Regiminis ſui XI. menſe tertio, & die ſexto decimo, ætatis autem Sexageſimo, & ſupra. Vacavitque Abbatia diebus octo.

## De Volando hujus Monasterij Hirsaugienſis Abbate X X V I I. qui præfuit annis tribus, menſibus quatuor, diebus novem, & geſtis illius temporis.

Volandus  
ſit Abbas  
hujus Mo-  
naſterij  
xxvii.

Patria Vo-  
landi, Ale-  
mannia.

**P**oſt mortem Joannis viceſimi ſexti hujus Monasterij Abbatis convenerunt fratres pro electione novi paſtoris ad locum Capitularem, nonâ die mensis ſequentis obitum ſepulti, hoc eſt, Octobris, in feſto videlicet ſancti Dionyſij Martyris, anno prænotato, præmiſſisque de conſuetudine præmittendis, ad electionem ſolito more proceſſerunt. Votis igitur ſingulorum ſcrutatis, major pars Congregationis in Volandum Monachum conſenſit, eumque in Abbatem elegit, quem & reliqui majoribus cedentes in paſtorem animarum ſuarum unanimiter aſſumpſerunt. Volandus itaque per Conventum electus, & per Fridericum de Bolanden Episcopum Spirenſem confirmatus ac benedictus præfuit huic Monasterio non ſatis providè annis III. menſibus IV & novem diebus. Fuit enim homo laborum impatiens, plus otio & convivij deditus, quàm Juri Paſtorali & Monasterij neceſſitatibus: quare triennio in Abbatia peracto, curam cum dignitate ad arbitrium Conventus reſignavit. Alemannus patriâ fuit, honeſtis ac liberis parentibus natus; qui adoleſcens in præſenti Cœnobio Monachus factus, moribus vixit inventis. His enim temporibus Monachi noſtri Ordinis longè receſſerant à puritate regulari, eratque miſeriæ tempus, in religione ſancta non religioſè vivere: & habitum perfectionis abſque ſanctimonia portare. Unde poſtquam Regularis obſervantiæ fervor in Monachis cœpit deficere, nunquam inopia rerum temporalium ceſſavit deformitatem vitæ Clauſtraliū comitari uſque in præſentem diem.

### MCCLXXVII.

Hartman-  
nus Rudol-  
phi filius in  
Rheno ſub-  
mergitur.

Joannes  
Papa domo  
cadente  
moritur.

Anno Volandi Abbatis primo Indiſt. Romanorum V. Hartmannus Rudolphi Regis Germaniæ ſecundo genitus filius, adoleſcens corporali diſpoſitione pulcherrimus: nec minus animi dotibus cumulatiffimus, ingenio ſubtilis, & prudentiâ ſingularis, de quo magnam ſibi Reſpublica promittebat utilitatem: cum equo ſe minùs cautè Rheni fluctibus non procul à Baſilea committeret, aquarum impetu rapitur: & cum enatare non poſſet armatus, in profundum demerſus interiit. Cujus miſerabile corpus in majori Eccleſia urbis Baſileenſis (non ſine lacrimis multorum) ſepultum eſt.

Eodem anno Joannes Papa XXI. qui ſibi (ut paulò ſuperius dictum eſt) longos vitæ promiſerat annos, dum ludens Viterbij magnifica reſideret in aula, domicilium ſubitò cecidit, & cum cum familiaribus oppreſſit.

Post



Post cujus interitum Apostolica Sedes aliquandiu vacavit, dissensione Patrum. Tandem in Pontificatu Romano successit electione Cardinalium, Nicolaus, ejus nominis tertius, & præsuit Ecclesiae annis tribus, mensibus ix. diebus xx. quo postea defuncto, vacavit Apostolica Sedes mensibus ferme quinque.

Nicolaus  
fit Papa, huius  
nominis Tertius.

Anno prænotato Volandus Abbas hujus Monasterij de consensu Fratrum suorum non parvæ utilitatis bona vendidit & alienavit: decimarum partem mediam apud Elmendingen, & circa oppidum Wyl, Abbati & Conventui Albenfis Cœnobij Ord. Cisterciensis in perpetuam vendidit possessionem, & pecuniam partim Creditoribus dedit, partim consumpsit.

Eodem anno Henricus de Finstingen Archiepiscopus Trevirorum arcem Berncastel ad Mosellæ ripas novam à fundamentis construxit, & villam propè adjacentem muris circumdans in oppidum commutavit, fortissimumque reddidit, & invincibile hominum æstimatione constituit. Est enim & oppidum, & Castellum utrumque situ firmissimum, ab oriente, meridie, & septentrione montibus altissimis circumseptum: ab Occidente Mosella præterfluit, quam eo loco nemo sine navigio transire potest. Distat autem Berncastel à Trittenhaim patriâ meâ miliaribus III.

Arx Bern-  
castel con-  
struitur.

Anno præsignato Eberhardus Ecclesiae Wormatiensis Episcopus Romam profectus in Italia moritur, cujus Corpus in Germaniam relatum à familiaribus, in Monasterio Cisterciensis Ordinis Otterburg dictum sepelitur. Cui Fridericus in Pontificatu Wormatiensi succedens præfuit annis VI.

Fridericus  
fit Episcopus  
Ecclesiae  
Wormatiensis.

Eodem anno in die S. Heriberti Archiepiscopi Colonienfis, Wilhelmus Comes Juliacenfis, cum tribus filiis suis & cccclxviii. armatis, Regale oppidum ad Aquasgrani de sero circa horam nonam occultè intravit, animo & intentione ut oppidum caperet, & noctu sibi subiceret in odium Regis Rudolphi. Cujus introitum ubi Cives perceperunt, & ejus metu non auderent armati procedere in publicum, secretè parietes domorum suffoderunt ad invicem coherentium, & per foramina quæ fecerant, de multis domibus in unum plures eorum occultè convenerunt armati. Cumque numero se crederent hostibus majores, in publicum turmatim exeunt, reliquos Cives convocant, simulque irruentes in Adversarios, ipsum Comitem Wilhelmum cum tribus filiis ejus, & tota militia interficiunt usque ad unum.

Comes Ju-  
liacenfis  
Aguasgran-  
occupat.

His peractis Sigefridus Colonienfium Archiepiscopus (qui dudum graves cum Wilhelmo Comite inimicitias & dissensiones habuerat) confederatus Aquisgrani, magnum contraxit exercitum, ingressuque Comitatum Juliacensem, omnia rapinis & ignibus devastavit, castella, munitiones, villas, & oppida cepit, quotquot potuit, & suæ potestati subjugavit, nec quidquam in toto illo Comitatu dimisit intactum, quod armis non tentaret.

Contra quem Brabantiae Dux collecto suorum exercitu processit ad bellum, quanquam nihil memoriâ dignum commiserit; considerans enim virium suarum non parem esse cum adversariis mensuram, & quod ante multitudinem tantæ exercitus, quem Archiepiscopus produxerat, sine periculo suorum stare nullatenus posset, mutatâ sententiâ simul atque consilio retrocessit: prudenter agens, quippe qui maluit populum suum esse salvum, quàm perire.

Dux Bra-  
bantiae  
contra Ar-  
chiepisc.  
Colon. duxit exerci-  
tum.

II

Dura-

Concordia  
per Legatos  
Martini  
Papæ con-  
firmata  
fuit.

Duravit iſta Concertatio in quartum annum, quouſque tandem Romanus Pontifex, Martinus IV. qui Nicolao Papæ tertio immediatè ſucceſſerat, vices ſuas interpoſuit rogatus, & miſſis nuntijs diſſidentes ad pacem & concordiam revocavit, Anno Dominicæ Nativitatis, MCCLXXXI. ſub ea ſcilicet conditione, quòd Archiepiſcopus Comitatum hæredibus Wilhelmi Comitis occiſi totum dimitteret, cum omnibus & ſingulis ad eum Jure pertinentibus.

Pars Obla-  
tionum III.  
in Aquif-  
grani Co-  
mitibus da-  
tur Juliaci.

Inter Cives verò Aquenſes & eorum amicos, quos occiderant, graviffima diſſenſio fuit: quæ & ipſa per Apoſtolicæ Sedis Comiſſarios tali fuit moderamine ſopita. Jus præſentandi ſeu inſtituendi Præpoſitum Eccleſiæ Collegiatæ B. Mariæ ſemper Virginis in Aquifgrano, quod eatenus pertinuit ad ejuſdem Urbis Senatum, Comitibus de Juliaco dare in perpetuum compulſi ſunt. Tertiã quoque partem oblationum, ad eandem Eccleſiam cedentium, quæ juris fuit Senatûs, Comites Juliaci ſimiliter aſſecuti ſunt. Aliarum verò partium altera cedit Præpoſito, altera in uſum Eccleſiæ convertitur.

Udalricus  
de Argen-  
tina Ord.  
Prædicato-  
rum multa  
ſcripſit.

Claruit his temporibus apud Germanos Udalricus de Argentina Ord. Fratrum Prædicatorum S. Dominici, Alberti Magni quondam auditor atque Diſcipulus, vir in divinis ſcripturis eruditus, & ejus Philoſophiæ, quam Peripateticam vocant, non ignarus; qui memoriã ſui varijs lucubrationibus reddidit immortalitati ſemper obnoxiam. Extant ejus ſuper ſententias libri IV. Opus quod prænotavit, Summam Theologiæ, volumen unum. De Anima, liber unus, & varij ſermones ad Clerum & populum. De cæteris, quæ ſcripſit, noſtras nihil incidit manus.

Thomas  
Brabantin⁹  
Ord. Præd.  
plura ſcri-  
pſit.

Thomas etiam Brabantinus ejuſdem Ordinis FF. Prædicatorum, magnique Alberti olim diſcipulus, vir doctus & eruditus, hæc ipſa tempora docendo & ſcribendo apud noſtros Germanos haud mediocriter illustravit. Scripſit inter multa de natura & Proprietatibus Apum, opus Myſticum, & miraculis ſuâ tempeſtate in Germania factis refertum, quod Bonum Univerſale prænotavit, libros duos. De Rerum natura librum unum. Vitam cujuſdam S. Chriſtinæ, lib. I. & alia plura, quæ ad me non venerunt. Ferunt eum Græci ſermonis habuiſſe noticiã, & plura feciſſe latina.

#### MCCLXXVIII.

Caſtellum  
Bickeln-  
heim Eccle-  
ſiæ Mogun-  
tinz ven-  
ditur.

Anno Volandi Abbatis ſecundo, Indiſt. Roman. ſextâ, Henricus Comes à Spanheim Caſtellum ſuum Bickelnheim cum omnibus ad ipſum pertinentibus, Wernhero Archiepiſcopo Moguntino vendidit in perpetuum Jus Eccleſiæ memoratæ, pro mille & quadringentis Marcis denariorum Aquenſium. Quæ venditio Joanni Spanheimenſi Comiti, Henrici germano uſque adeò diſplicuit, quòd non diu poſteà ( licet cum damno ſuo non modico ) bellum Archiepiſcopo indixit.


Nicolaus  
Papa hoc  
anno eligi-  
tur, & ſedit  
annis III.

Eodem anno, quod ſuprà per occaſionem anticipanter præmiſimus, poſteaquam Joanne XXI. vitâ defuncto, Sedes Apoſtolica vacâſſet aliquot menſibus, tandem Cardinales neceſſitate compulſi pro Electione novi Pontificis in unum convenerunt; & poſt multas variasque diſceptationes Joannem Cajetanum patriã Romanum ex nobili Urſinorum familia natum, in Pontificem elegerunt: qui Nicolauſejuſ nominis Tertius eſt nuncupatus, & præfuit annis tribus, menſibus IX. dieb. XX.

Fuiſt



Chorizan-  
tes super  
Pontem  
Molæ non  
venerantur  
Corpus  
Domini.

**Cænobilis**  
in **Hochheim**  
propè **Wor-**  
**matiam**   
**Dirolpho**  
construi-  
tur.

Gerhardus  
Monachus  
S. Quintini  
vir claris-  
simus.

Opuscula  
Gerhardi,  
& Lucii  
brationes  
eiusdem.

omnes Horas composuit. Epistolarum ad diversos librum ſimiliter unum edidit. Sermones quoque non paucos & conſcripſit & dixit ad populum. Sed & alia plura lucubrâſſe dicitur : quæ hætenus ad noſtræ lectionis notitiam non venerunt.

## MCCCLXXIX.

Diffenſio  
fit inter Ni-  
colaum Pa-  
pam & Ca-  
rolum Apu-  
liæ.

Anno Volandi Abbatis III. Indiçt. Roman. ſeptimâ. Inter Nicolaum Papam III. & Carolum ex Comite Andegavenſi & Provinciæ Regem Apuliæ Siciliaque graves diſcordiæ fuerunt ſubortæ, quarum duæ potiores cauſæ ferebantur. Altera quòd Carolus ipſe poſt Conradi junioris interitum (de quo ſupradictum eſt) confirmatus in Regno paulatim Romanam capit devaſtare Eccleſiam, ejuſque Pontifices perſequi, & ſuo Dominio ſubjicere terras & Jura S. Petri. Altera verò diſplicentiarum cauſa fuit, quòd tempore Electionis Papæ Nicolai, Carolus ipſe Rex conclavi præſidens manifeſtè impudentérque Cardinales precibus & minis ſolicita verat, ut ex Gallicanis, non ex Italicis Pontificem eligerent.

Quæ res Nicolao Pontifici uſque adeò diſplicuit, quòd ejus, quamdiu poſteà vixit, nunquam poterat obliviſci. Unde Vicariatum Etruriæ, quem illi Romani Pontifices (non ſine injuria præminentia Imperialis) commiſerant, ab eo ruruſus abſtulit : impulſum ſe aſſerens per Rudolphum Germaniæ Regem, cujus epistolam Carolo legendam exhibuit : in qua Rudolphus Rex inter alia ſic Papæ ſcripſerat : Quòd exercitui Chriſtianorum in Siria poſito auxilium ferre nec poſſet, nec deberet, quandiu Carolus occuparet Etruriam. Ferunt tamen hanc Rudolphi ſententiam Nicolai Pontificis indiſtinctâ precibuſque fuiſſe ſubornatam : ut juſtam videretur habere cauſam.

Papa Ru-  
dolphum  
Regem à  
voto pere-  
grinationis  
abſolvit.

Nihilominus verum conſtat, Rudolphum ægrè ſatis tuliſſe, quòd Carolus adminiſtraret Etruriam in præjudicium Imperij, manifeſtâque injuriam, fuiſſeque animo placatum erga Pontificem, quòd illum Vicariatu deſeciſſet. Unde poſthæc quaſi delinitus mente, Pontifici & ſancto Petro Romandiolam & Exarchatum Ravennæ in perpetuam contulit poſſeſſionem, quæ prius ad Imperium pertinebant. Quo Pontifex beneficio lætus Rudolphum à voto Cruciatae, quod Papæ Gregorio in Concilio Lugdunenſi dudum fecerat, abſolvit.

Inter Archi-  
epiſcopum  
Moguntin-  
um & Co-  
mitem in  
Spanheim  
diſſenſio.

Eodem anno, poſtquam diſſenſiones & lites, quæ verfabantur inter Wernherum Archiepiſcopum Moguntinum : & Joannem Comitem in Spanheim, nemo exſtinguere poſſet : contractis undique copijs ambæ ſe partes paraverunt ad bellum. Cauſam belli paulò ante dictam ex parte, reſtat ut priuſ totam explicemus. Mortuo ante biennium Simone Comite in Spanheim, duo filij ejus Johannes & Henricus in diſſiſione paterni Comitatus aliquantulum diſcordare cœperunt : quorum natu major Joannes (cui & Pater moriturus Comitatum regendum comiſerat) homo ferox, inquietus & nimis promptuſ ad arma (licet uno pede claudicaret) cum Henrico fratri condeſcendere in parvo deſpiceret, ex Germano ſibi adverſarium fecit. Henricus autem ſciens, quòd cum fratre viribuſ æquiſ certare non poſſet, ad Wernherum Archiepiſcopum Moguntinum conſugiens, ejus patrociniuſ adverſus Germanum invocavit & obtinuit. Subjecit enim & ſe, & omnia ſua deſenſioni dictæ Eccleſiæ Moguntinæ : acceptiſque in beneficiuſ ſinguliſ anniſ pro ſtipendio militari ab Archi-  
epiſcopo

Henricus  
Comes ſe  
ſubmiſit  
Archiepi-  
ſcopo.



episcopo viginti Marcis denariorum Aquensium ministerialis illius factus est. Castellum insuper Bichelenheim, quod parùm distat à Spanheim, cum omnibus ad ipsum pertinentibus ( ut anno diximus tractato ) sæpè dictæ Ecclesiæ Moguntinæ vendidit, & à Comitatu penitus abalienavit.

Quod factum Comiti Joanni Germano ejus nimium displicuit, & quemadmodum hanc venditionem impedire posset, varia mente cogitavit. Inprimis ergo precibus animum Pontificis emollire studuit, & ut receptâ pecuniâ emptionis, quam offerebat, sibi Castellum fratris, ut legitimo hæredi restitueret, instantius rogat. Verùm ubi preces contemni sensisset, minas addidit: sed cùm nihil proficeret his omnibus, tandem se hostem Archiepiscopi designavit, factâque incursione crebrius terras Ecclesiæ rapinâ, ferro, & igne vastare cœpit.

Anno igitur præscripto Wernherus Archiepiscopus memoratus non ferens diutius incommoda plebis suæ, copias contraxit, & magnum exercitum contra Joannem comitem destinavit. At verò Comes jam antea paratus exercitui Pontificis cum suis viriliter occurrit, secum habens Fridericum Comitem Rheni de lapide, Emichonem Comitem de Liningen, Hartmannum Comitem de Feihingen, Philippum Comitem de Kazenelenbogen, & plures alios.

Joannes Comes de Spanheim, hostem se scribit Archiepisc.

Joannes Comes de Spanheim bello superatur, & fugit.

Conveniunt itaque hi duo Exercitus in pugnam, in campo latissimo haud procul à villa Sprenlingen, quæ uno à Cruciniaco milliario distat, & mox bellum committitur, in quo diu ancipiti Marte fuit pugnatum, & plures ab utraque parte ceciderunt, postremò tamen exercitus Episcopi victoriam obtinuit. Capti fuerunt in eo prælio Comes Rheni, Comes de Liningen, Comes de Feihingen, & Comes de Kazenelebogen prius nominati, Comes verò de Spanheim equi velocitate salvus evasit multis suorum peremptis. Duravit ista contentio non minus biennio, donec tandem Rudolpho Rege vices interponente suas concordia inter eos reformata est, ut infra dicemus.

His quoque temporibus magna contentio fuit inter Episcopum Wirzburgensem Orientalis Franciæ Ducem, & Cives Regalis oppidi Rotenburg cis Thuberam ratione Judicij, quod Provinciale vocant, Germanicè *Landtgricht*. Nam Pipinus quondam Rex Francorum Anno Dominicæ Nativitatis DCCLII. Indiæ. Roman. quintâ per S. Bonifacium Archiepiscopum Moguntinum in Regem unctus & consecratus in urbe Sueffionum coram tota Congregatione Principum Regni Francorum de omnium consensu Beato Burchardo Wirzburgensium Primo Episcopo, ejusque Ecclesiæ & successoribus in perpetuum donavit urbem Wirzburg unacum Ducatu Franciæ Orientalis simul, & potestatem exercendi Judicium provinciale per totam Dioccesim suam sine cujusquam impedimento vel contradictione.

Inter Episc. Wirzburgensem & Rotenburgenses contentio.

Verùm successu temporis nonnulli Cives Regni Germanici hoc Judicium subterfugere tentantes, varijs medijs exemptionem clandestinam à Regibus Germanis impetrârunt in detrimentum & præjudicium Ecclesiæ memoratæ. Inter quos Rotenburgenses proprium sibi Judicium Provinciale à Rudolpho Rege impetrârunt. Quod tamen deponere coacti sunt per Episcopum Berchtoldum de Sternberg, litterasque Regales desuper exponere.

Judicium Provinciale Wirzburgensi Episcopo Pipinus dedit.

Rhinberg,  
Caſtellum  
prædonum  
deſtruitur.

Anno etiam prænotato Wernherus Archiepiſcopus Moguntinus ſæ-  
peditus Caſtellum Rhinberg haud longè à Rheno propè Lorch, de quo  
latrones paſſim exeuntes prædas & ſpolia ſine miſeratione pauperum  
exercebant, in terram miſſis exercitibus ſuis obſidione vallavit. expu-  
gnatùmque tandem cepit, & ſubmiſſo igne funditus evertit.

Anno eodem prænotato tanta frumentorum copia in Sueviæ parti-  
bus crevit, ut modius ſiliginis unus pro duobus ſolidis Hallenſium eme-  
retur: modius verò ſpeltæ pro viginti Hallenſibus: modius autem avenæ  
pro Hallenſibus ſedecim. Vini etiam maxima copia fuit, ita ut menſuræ  
pro uno ſolido venderetur.

Henricus  
Comes de  
Veldenz  
ſe Miniſtrū  
facitur Ec-  
cleſiæ.

Eodem anno Henricus Comes de Veldentia Treverenſis Diteceſis  
ſe & ſuos hæredes cum Wernhero Archiepiſcopo Moguntino in perpe-  
tuum conſoederavit per litteras manifeſtas atque patentes, in quibus ſe  
Moguntinæ Eccleſiæ dapiferum recognoscit atque vaſallum: quare ſe  
merito ejusdem Eccleſiæ fidelem atque devotum perpetuò pollicebatur  
fore manſurum. Auxilium quoque tam ſuum, quàm ſuorum eidem  
promiſit Archiepiſcopo, contra quoscuque injuriatores præſtaturum,  
& nullis propterea laboribus parcendum. Hoc ipſum Comiti ſimiliter  
promiſit memoratus Archiepiſcopus.

MCCLXXX.

Volandus  
Abbas  
XXVII.  
huius Cœ-  
nobij reſi-  
gnat Offi-  
cium.

Hoc anno Dominicæ Nativitatis, qui fuit IV. Volandi Abbatis  
Hirſaugienſis inchoatus. Indiſtione Romanorum octavâ, conſiderans ipſe  
Volandus, quòd Monafterio ſibi commiſſo propter malitiam temporum  
utiliter præſidere non poſſet, gravi mentis dolore concutitur, & non pa-  
rum in ſecreto cordis anxietur. Magna etenim fratres rerum preſſit  
inopia, & parva cenſuum annalium reſtabat ſubſtantia: alieni denique  
æris preſſura non mediocriter ejus animum affligebat, quia non habebat,  
unde vexationem hanc omnium peſſimam redimeret. Concilio igitur  
amicorum habito Abbatiam reſignare ſtatuit, propterea quòd ſe pau-  
pertatem non poſſe relevare Monafterij certiffimè recognovit. Unde ut  
pacem haberet à laboribus, quos tolerare non potuit, Abbatiam ad volun-  
tatem Conventûs anno prænotato die menſis Januarij quartâ decimâ li-  
berè reſignavit, & non diu ſupervixit.

## De Craſſthone huius Monafterij Hirſaugienſis

Abbate XXVIII. qui præfuit annis tredecim, die-  
bus xx. & geſtis in illo tempore.

Craſſtho fit  
Abbas Hir-  
ſaugienſis  
XXVIII.



Anno igitur Dominicæ Nativitatis prænotato milleſimo du-  
centefimo octogefimo, Indiſtione Romanorum octavâ  
menſis Januarij die quintâ decimâ, Monafterij huius Abbatia  
poſt Volandi reſignationem vacante, Prior & Fratres, qui  
Electioni debuerant intereſſe, convenerunt ad locum Capitularem, ac  
longum de ordinatione Paſtoris habuere conſilium; tandem poſt multos  
& varios tractatus Craſſtho Monachus ejusdem Congregationis, & major  
cotempore Cellerarius à principali parte Conventûs in Abbatem eligi-  
tur,



tur, in quem cœterorum mox omnium vota similiter diriguntur. Qui non diu postea ordinatus per Neometensis Ecclesiæ Pontificem in Abbatem, ut moris est, præfuit annis XIII. & viginti diebus in multa sollicitudine, sed non sine utilitate. Patria fuit Suevus, de honesta parentela natus, qui ad ordinem venit sub Ernesto Abbate, à quo Monachus factus inculpate vixit secundum illius consuetudinem temporis.

Deinde crescentibus cum ætate meritis vitæ Presbyter factus est mandato Volpoldi Abbatis, à quo non multo post subcellerarius constituitur, & paucis annis in illo officio peractis, etiam major Cellerarius Fratrum consensu ordinatur. Qui Marthæ officium studiosè adimplere curavit, quamvis propter maliciam dierum parum profecerit. Enimverò sicut præcedentibus pluries jam diximus, conditio hujus Monasterij illo in tempore magnâ premebatur inopia, & defecerant non minùs Fratribus temporalis rei subsidia, quàm in eis fuerat extincta regularis disciplinæ observantia. Cecidit, Cecidit nobilis Hirsaugia, & quæ olim cunctis bonis opulentissima viros in omni sanctitate ac eruditione scripturarum produxit plurimos, jam nuda & inops omni decore suo perdito contemnitur spoliata.

Crafftio itaque in Abbatem ordinatus, ad restitutionem rerum ac statûs substantiæ temporalis mentem satis studiosè apposuit, atque in conservatione bonorum adhuc habitorum diligentissimus fuit. Multa etiam Monasterio vel inconsultè alienata, vel injustè distracta per suam industriam restituit, & propterea etiam Sedis Apostolicæ suffragium, imploravit. Veruntamen omnia ad plenum reducere non potuit, quoniam loci contritio nimis magna fuit. Collapsam verò regularis Disciplinæ observantiam quomodo ad integritatem reduceret, qui vivere secundum Regulæ puritatem non didicerat? Mansit ergo in sua tepiditate semel Monachorum præsumpta deformatio per annos plurimos, donec novissimè tandem, ut suo loco dicemus, Bursfeldina Reformatio per Wolframnum Abbatem anno Domini MCCCCLVII. introduceretur.

Crafftio  
Abbas Dis-  
ciplinam  
reformare  
non potuit.

Eodem anno quo Dominus Crafftio huic monasterio Abbas constituitur, Albertus cognomento magnus ex Ordine S. Dominici quondam Episcopus Ratisbonensis in Bavaria anno ætatis suæ octogesimo septimo Colonia mortuus est, & in medio Choro Ecclesiæ sui Conventus cum honore sepultus, non sine testimonio evidenti magnæ sanctitatis. Fuit autem vir in omni scientia scripturarum tam divinarum, quàm secularium omnium suo tempore doctissimus: & non minus vitæ merito, quàm eruditione venerabilis, ut rectè magni acceperit nomen. Scripsit autem penè infinita opuscula, quibus nomen suum immortalitati commendavit. De quibus nos invenimus, quæ sequuntur. Super sententias Petri Lombardi Episcopi Parisiensis scripsit libros IV. Summam Theologiæ libb. IV. de quatuor Cœvis lib. I. De Homine lib. I. De Bono lib. I. De vita spirituali quoque lib. I. super officio Missæ lib. I. De Corpore Domini lib. I. Item de Corpore Christi sermones duos & triginta lib. I. De muliere forti. lib. I. In opera & Epistolas Beatissimi Martyris Dionysij Arcopagite libb. V. De laudibus S. Mariæ semper Virginis lib. I. De multiplici timore lib. I. Defensorium Mendicantium lib. I. De formatione hominis lib. I. De partu hominis lib. I. De Origine animæ lib. I. Super oratione Dominica lib. I. De modo

Albertus  
M. apud  
Coloniæ  
moriatur.

Opuscula  
Beati Al-  
berti M.

Præ-

Prædicandi lib. 1. De Reparatione lapſi lib. 1. de adhærendo Deo lib. 1. In Exodum lib. 1. In Leviticum lib. 1. In Numeros lib. 1. In Deuteronomium lib. 1. In Joſue lib. 1. In hiftoriam Judicum lib. 1. In hiftoriam Ruth lib. 1. In hiftoriam Regum libb. 14. In Paralipomena libb. 2. In Eſdram & Nehemiam libb. 3. In hiftoriam Tobiaë lib. 1. In hiftoriam Judith lib. 1. In hiftoriam Heſter lib. 1. In proverbialia Salomonis lib. 1. In Eccleſiaſten lib. 1. In Cantica canticorum lib. 1. In librum qui prænotatur ſapientiæ lib. 1. In Eccleſiaſticum lib. 1. In hiftoriam Machabæorum libb. 2. In hiftoriam Job lib. 1. In Eſaiam Prophetam lib. 1. In Jeremiam Prophetam lib. 1. In Ezechielem Prophetam lib. 1. In Danielelem Prophetam lib. 1. In duodecim Prophetas minores libb. 12. In Evangelium Matthæi lib. 1. In Evangelium Marci lib. 1. In Evangelium Lucæ lib. 1. In Evangelium Joannis lib. 1. In omnes Epiftolas Pauli libb. 14. In Apocalypſin Joannis lib. 1. In Actus Apoſtolorum lib. 1. In Epiftolas Canonicas libb. 7. Sermones de tempore & ſanctis per anni circulum libb. 2. De natura animalium libb. 20. Paradysum animæ lib. 1. Orationes ſuper Evangelicas lectiones. Orationes ſuper ſententias. De differentia ſpiritus & animæ lib. 1. De Divinatione & Prophetia lib. 1. Diverſarum quæſtionum lib. 1. De natura loci lib. 1. De Cauſis Elementorum lib. 1. De motibus animalium lib. 1. De Juventute & ſenectute lib. 1. De vita & morte lib. 1. De plantis & vegetabilibus lib. 1. Summam Philoſophiæ lib. 1. Contra poſitionem Averrois de unitate intellectus libb. 3. De intellectu & intelligibili lib. 1. Quæſtiones contra Averroistas lib. 1. De Formæ unitate lib. 1. De Morali Philoſophia libb. 16. De Monastica Philoſophia libb. 5. De Oeconomica libb. 14. De Politica libb. 8. De Arithmetica lib. 1. De Geometria lib. 1. De Muſica lib. 1. De Aſtronomia & Aſtris libb. 12. De ſphæra lib. 1. Speculum Aſtronomiæ lib. 1. De antiquis Aſtronomiæ auctores lib. 1. De Mineralibus lib. 1. De natura Deorum lib. 1. De ſecretis naturæ libb. 14. De duodecim Alphabetis lib. 1. De Magiſtrorum electione lib. 1. De univerſalibus lib. 1. De ſomnijs lib. 1. De Prædicamentis lib. 1. De ſex principijs lib. 1. De definitionibus lib. 1. De Grammatica lib. 1. De Rhetorica lib. 1. De Medica arte lib. 1. De Lanificio lib. 1. De Agricultura lib. unum. De Aratura lib. 1. De Navigatione lib. 1. De Metaphyſica libb. 13. De ſpiratione & reſpiratione lib. unum. De voce lib. 1. De perſpectiva lib. 1. De Aſtrolabio & quadrante libb. 12. In omnes libros Ariſtotelis commentarios edidit. Alia inſuper multa ſcripſiſſe dicitur, quæ ad noſtræ lectionis notitiam hætenus non venerunt.

Opuscula  
B. Alberti  
Magni.

Albertus  
non fuit  
Necro-  
manticus  
nec Magus  
ſuperſtitio-  
ſus.

Quod verò de Necromantia, & pernicioſis artibus ab Eccleſia ſancta merito prohibitis accuſatur à nonnullis imperfectiſſimis Nebulonibus, injuriam & contumeliam patitur: quippe qui homo doctiſſimus, moribus integerrimus, fide Catholicus, meritoque vitæ ſanctus, & ſemper in Chriſti amore devotiſſimus exiſtens, Necromantiam Magiæque ſuperſtitioſam, & omnes artes Diabolicas damnavit, contempſit, & ſumma cum ratione confutavit, ſicuti manifeſto in libello, quem prænotavit, *Aſtronomia ſpeculum*, oſtendit: ubi ſatis exactâ diligentiâ libros Magiæ naturalis à ſuperſtitioſis & prohibitis diſcernit: unde ſi qua miranda feciſſe invenitur, non maleficio, ſed occultis naturæ, vel rebus, vel modis procul dubio ſibi notis inculpatè perpetravit. Multa enim ſtupenda ignorantibus cauſas occultas naturaliter fieri poſſunt, quorum viſio intuentes parvi ſenſus homines vertat in ſtuporem.

Libri



Libri autem & volumina Magicarum & Necromanticarum superstitionisartiumque, quæ circumferuntur sub nomine Alberti Magni, conficta & ementita sunt omnia: & ob id ignibus committenda. Vir etenim ille sanctus atque doctissimus talia non scripsit: nec illicitis & profanis unquam se studiis occupavit. Libros illum Necromantiæ ac Magiæ legisse cursim quandoque ipsius inducti testimonio concedimus: sed usum eis fuisse, aut fidem adhibuisse penitus negamus. Legit illos, ut sciret ex ratione ad confutandum: & nullatenus ad imitandum. Quemadmodum sanctissimus Præsul Augustinus contra Faustum Manichæum tres & triginta tomos scripturus sive libellos, omnes illius errores legendo prius sine culpa offensionis diligenter percurrerat: ita sanctus iste Doctor Albertus cum libris Necromanticis & Magicis, quos falsos errores & damnatos noverat ab Ecclesia, faciebat. Non enim ut sciret, vel operaretur, neque ut delectaretur eorum lectione, momentaneam eis discussionem examinis sui adhibuit: sed ut stultam perfidiam imperitorum hominum, qui talia sectantur, posset redarguere ex fundamento, eorum confictiones sine conscientia suæ macula legendo percurrit. Nemo stultorum errores valentiùs potest redarguere quàm ille, qui causas & arcana errantium ex principiis cujuslibet artis aut facultatis propriis novit in publicum rationabiliter declarare. Alioquin inscitè facilius est reprehendere, quàm emendare. Sic Astrologiam imperiti contemnere possunt multi: scitè autem demonstrare stultitiam pauci: illique soli, qui artis principia noverunt.

Albertus non composuit quicquam in Necromantia.

Magorum libros legere ad arguendum bonum est.

De libris autem Necromanticorum B. Doctori Alberto mendaciter adscriptis, hoc dicimus, quod sentimus. Quemadmodum naturæ præsumptuosi & nimium avari præstigiatores alchimistæ grandia promittentes, & nihil veritatis exhibentes, vel à semetipsis decepti multos & varios circumferunt vanitatis suæ libellos, Platonis, Aristotelis aliorumque præstantissimorum virorum nominibus prænotatos: vel circumventi ab alijs cum non habeant unde vivant, sub titulis falsis decipiunt curiosos: ita nebulones & tenebriones isti necromantiæ professores, ut suæ perversitatis instituta curiosis persuadeant, librorum quos confinxerunt falsotitulos mentiuntur. Sed de his alibi diximus.

Necromanticus & Alchimista libros uterque circumfert mendaces.

Anno etiam prænotato Nicolaus Papa tertius ad instantiam Domini Crafftionis Abbatis hujus Cœnobij Hirsaugiensis, omnia bona, jura, privilegia ejusdem auctoritate Apostolicâ confirmavit, sicut patet in bulla desuper data in Avinione octavo Calend. Decemb.

Item anno præscripto Rudolphus Rex Comitem de Zolra sororium suum in locum demortui sine hæredibus Burggravij Nürenbergensis regali auctoritate Burggravium instituit: & omnia quæ ad eandem pertinebant dignitatem, illi consensu principum condonavit. Ab hoc etenim Comite de Zolra Burggravio factò omnes Burggravij Nürenbergenses postea descenderunt usque ad Fridericum, qui in Concilio Constantiensi, ut suo tempore dicemus, per Sigismundum Regem Romanorum in Marchionem Brandenburgensem, & sacri Imperij Archicamerarium ac Principem Electorem creatus fuit.

Comes unus de Zolra Burggravius fuit Nürenbergensis.

Eodem anno tertio Calendas Octobris mortuus est in vinculis Hartmannus Comes de Griningen, diutino carceris squalore in Asperg pres-

Hartmannus Comes de Wirtenberg in carcere mortuus.

ſus. Hic frater fuit Comitſ de Wirtenberg, amborũque progenies una, titulus quoque unus, ſed comitatus diviſus; unus etenim Curiam ſuam habuit in Sturgardia, alius in Griningen.

Papa Re-  
gnũ tranſ-  
fert Sicilia.

Anno quõque prænotato Nicolaus Papa tertius ad Concilium quorundam Carolum Gallum de Regnis Apuliæ ac Sicilia omni modo tentavit expellere, & Regem Arragoniæ in locum ejus ſublimare. Unde ſecretò per litteras & nuntios neſciente Carolo Regem inveſtivit ad Regnum Sicilia, quem animo deſtinaverat ſuo; quæ res & magni diſſidij cauſa fuit, & multorum poſtea malorum occaſio.

Rotenburg  
terræ motu  
collapſum  
reſtituitur.

Item anno prænotato oppidum Rotenburg ad littus Neckari fluminis Sueviæ ſitum, quod nuper terræ motu funditus corruerat, conſilio & impenſis Alberti Comitſ de Hohenberg, jactis fundamentis atque re-poſitis ad priſtinum ſtatum eſt reſtitutum. Hujus oppidi ſimilem ex terræ motu ruinam & reſtitationem longè ſuprà recitavimus in primo volumine, anno Brunonis Abbatis ſeptimo, Dominicæ verò Nativitatis duodecimo ſupra centeſimum atque milleſimum. Quod quidem oppidum Franci olim temporibus Faramundi Regis conſtruxerunt, & Landſkron, vel ut Codices habent vetuſtiores, Landſkorn nominaverunt, aut loci amænitate provocati, aut quardiæ opportunitate.

MCC LXXXI.

Nicolaus  
Papa ter-  
tius obiit &  
vacat ſedes  
menſ. v.

Anno Craſſthonis Hirſaugienſis Abbatis ſecundo, Nicolaus Papa tertius, homo quamvis cibi & potũs continentiffimus, apoplexiâ taſtus apud Surinum interiit: cujus corpus Romam deportatum in Eccleſia S. Petri ſepultum fuit. Et iterum vacavit Sedes Apoſtolica quaſi menſibus quinque.

Eodem anno Rudolphus Rex Romanorum morabatur in Aſtria: & prudenti conſilio tam ipſum Ducatum, quàm Bohemiæ Regnum pro ſuo arbitrio disponebat. Poſtea nuptijs ſolemni apparatu Pragæ celebratis, Wenceslao filio Regis Odocari in bello, ſicut diximus, occiſi, Gudam filiam ſuam priùs illi deſponſatam dedit uxorem, cum qua ei & Regnum Bohemiæ paternum aſſignavit, & facta eſt læticia magna in populo.

Rudolphus  
Rex deva-  
ſtat & obti-  
net Bur-  
gundiam.

Rebus verò tandem in Aſtria & Bohemia pro voto diſpoſitis ad Nürenbergam revertitur: indeque progreſſus ad Franckenfurt conventum principibus indixit. Quibus ad terminum indictum convenientibus, multa pro communi bono ibidem tractata ſunt, & maximè contra prædones & latrones, qui multa in Regno mala committebant. Contra quorum inſolentiam Rex Rudolphus de conſenſu principum & auxilio, miſit exercitum, & multa eorum latibula brevi tempore funditus deſtruxit. Poſt hæc eodem anno expeditionem movit in Burgundiam contra Comitē illius provinciæ gubernatorem, qui jugum imperij conabatur excutere, & ſuo dominio Burgundiam ſubjugare. Unde jam prius ſe ad rebellandum præparaverat, & exercitum haud parvum Gallorum contra Imperium in promptu habebat. Qui audiens Regem contra ſe cum exercitu venientem, in introitu Burgundiæ ſtatuit ei occurrere, & pro libertate, quam præſumpſerat, viriliter pugnare. Sed congreſſione factâ Comes à Rege vincitur, & armorum violentiâ compulſus ad obedientiam revocatur. A Burgundia tandem reverſus in Aſſatiam, cives quarundam munitionum in diſſidium conſpirâſſe reperit, contra quo-  
rum

rum temeritatem statim copias movit. Erant autem conspirationis capita, Hagenau, Colmaria, Turegum, atque Berona, quam vulgari nomine Bernam appellamus. Admotis igitur ad memorata regni oppida Rex Rudolphus copijs, in brevi ab eo capta sunt, & mox cives compulsi ad obedientiam, unde exciderant, redierunt. Rex autem misericorditer egit cum innocentibus, principes verò conspirationis aut laqueo fecit suspendi, aut gladio percuti. Anno prænotato posteaquam Sedes Apostolica propter dissensionem Patrum vacasset mensibus quinque, convenerunt tandem pro electione novi Pontificis, & diu concertantes non poterant in unam concordare sententiam. Nam una Cardinalium pars Pontificem volebat habere nationis Italicæ, alia verò urgente Carolo Rege Apuliæ Papam Gallicum præferebat; verum post multas dissensiones tandem compulsi præsentia & comminationibus Caroli Regis, Simonem patriâ Turonensem Gallum natione, presbyterum S. Cæciliæ Cardinalem virum optimum in Pontificem elegerunt, qui Martinum se quartum voluit appellari, & præfuit annis IV. mense uno, qui Carolo Regi fuit in omnibus consentiens. Eodem anno cives Imperialis oppidi Eslingen in Suevia, castellum Kaltental nuncupatum obsidione vallârunt, contra quos in bellum Eberhardus Comes de Wirtemberg exiens, obsidionem solvit. Hoc anno factum nonnulli commemorant, quod nos anno Volandi Abbatis primo diximus, Hartmannum filium Rudolphi Regis cum quibusdam alijs in Rheno vicesimâ die mensis Decembris, hoc est in vigilia sancti Thomæ Apostoli fuisse submersum, & in Basilea sepultum. Rudolphus Rex auditâ morte Nicolai Papæ, Vicarium misit in Etruriam, qui parvo Germanorum equitatu stipatus Florentinos & Lucenses, Imperio tunc rebelles, gravissimis incursionibus spretis Pontificis interdictis afflixit. Demum factâ cum Florentinis compositione Vicarius ad Regem in Germaniam reversus est. Anno præscripto in oppido Eslingen memorato, septima decimâ die mensis Martij, hoc est, in solemnitate sanctæ Gertrudis virginis, mulier quædam partum edidit monstruosum. Erat namque fœtus ab umbilico usque ad pectus continuatus, quatuor habens brachia se invicem complectentia, duo similiter capita se invicem respicientia, & membra verecundiora duplicata, sed tamen diu non vixit.

Hagenau,  
Colmaria,  
Turegum  
& Berone  
oppida.

Martinus  
fit Papa IV.

Rex Vicarium misit  
in Etruriâ.

Infans  
Monstruosus  
nascitur.

MCCCLXXXII.

Anno Crafftionis Abbatis tertio, indictione Romanorum decimâ Rudolphus Rex Curiam apud Augustam Sueviæ civitatem celebravit solemnem, in qua filium suum Albertum Comitem de Habsburg, in Ducem Austriæ, de consensu Principum sublimavit, conferens ei auctoritate regali totam Austriam, Stiriam, Carinthiam, Carniolam & portum Naonis in perpetuam possessionem. Ab hoc Alberto ex Comite de Habsburg Duce facto descenderunt omnes Duces Austriæ usque ad Maximilianum Cæsarem, qui Romanum hodie in quartum & vicesimum annum regit imperium.

Albertus  
filius Regis  
ex Comite  
fit Dux Austriæ.

Eodem anno Rudolphus Rex duo latronum castella, haud procul à Rheno sita, Richenstein videlicet, & Schönek, ex quibus rapinas & prædis exercere in pauperes ac viatores impietatis & nequitiae ministri consueverant, cepit, & funditus destruxit. Ipsos verò latrones quos

Castella  
prædonum  
subvertuntur  
jussu  
Regis.

E a

reperit,



Neq; nobi-  
les sunt ra-  
ptores, neq;  
raptores  
sunt Nobi-  
les.

reperit, sicut meruerant, omnes laqueo suspendi mandavit, sive nobiles essent sive ignobiles. Comes autem quidam de Waldek Regi persuadere conabatur, ut servos & rusticos laqueo suspenderet, nobiles verò pecuniâ taxaret, indecorum existimans homines militaris Ordinis laqueo interire. Cùmque adjunctis sibi pluribus Regem instantissimè rogaret, quatenus nobilibus parceret, ille cum furore imò Zelo justitiæ plenustale supplican-  
tibus dedit responsum: *Sinite latrones in supplicium trahi ultimum, quod meruerunt; non enim sunt nobiles, sed fures sceleratissimi atque raptores, qui pauperes opprimunt per violentiam, pacem violenter rumpunt, regniq; jura confundunt. Vera nobilitas fidem servat, virtutes colit, justitiam diligit, neminem offendit, nulli penitus injuriam facit. Qui nobilis est, usque ad mortem defendit justitiam, furtum non committit, nec perpetrat rapinam. Cessate nuno igitur vos, si nobiles estis, fundere preces pro furibus, qui etiamsi Comites viderentur aut Duces, mortis non evaderent pœnam, me Judice, quâ digni sunt. Non est viri nobilis officium, pauperes violenter opprimere, sed ab omni potius injuria defensare.*

Judæorum  
persecutio  
Moguntiz.

Anno item prænotato feriâ secundâ post festum Dominicæ Resurrectionis, facta est in civitate Moguntina Judæorum gravissima persecutio. Cives namque Moguntini Judæis nescio quod genus sceleris (justè an injustè Deus novit) imponentes, seditione commotâ in illos irruunt, omnes comprehendunt, tormentis exponunt, plures occidunt, reliquos cunctis bonis spoliatos, de civitate cum ignominia expellunt. Hinc generalis persecutio Judæorum, quasi per totam Germaniam secuta est, & maxima tribulatio calamitosum genus illud hominum oppressit.

Anno etiam præscripto gens Tartarorum ferissima, conjunctis sibi Armenis, Persidem in manu valida ingreditur, & commisso contra Babilonios atrocissimo prælio, centum eorum millia superavit, quorum occidit plures, alios in fugam convertit. Ex eo tempore gens illa nimium invaluit, & supra omnes mundi nationes multiplicata fuit, ac multa deinceps cum diversis nationibus cruentissima prælia gessit & vicit.

Comes  
Spanhei-  
mensis  
confæde-  
ratur Ar-  
chiepisc.

Item anno prænotato Joannes Comes de Spanheim, qui superiore anno sicut diximus contra Wernherum Archiepiscopum Moguntinum apud Genzingen dimicaverat, (concordiâ inter eos factâ per Rudolphum Regem) perpetuum cum eo fœdus iniit, eique assistentiâ contra quoscunque adversarios perpetuò fideliter promisit, exceptis Godfrido Comite de Seyna, Henrico Comite de Starkenberg, Eberhardo Comite de Kazenelenbogen, qui erat frater uxoris suæ, Emichone & Friderico Comitibus de Lyningen, Comite quoque de Zvveybrucken, & Landgravio Hassiæ, cum quibus amicitia fœdus contraxerat.

MCCLXXXIII.

Comites de  
Heffenberg  
Dominum  
suum perse-  
quuntur.

Anno Crafftthonis Abbatis IV. Indictione Romanorum undecimâ, nonâdecimâ die mensis Maij, quæ fuit Beatæ Potentianæ virginis festi-  
tate solemnis, Comites de Hennenberg vasalli Pontificis & Ecclesiæ Her-  
bipolensis, & Comes de Castello similiter & ipse vasallus Episcopi Ber-  
tholdi. cum magno exercitu tam suorum, quàm precio conductorum,  
venerunt contra memoratum Pontificem Bertholdum veteris odij & in-  
fidelitatis veneno incitati, terras Ecclesiæ miserabiliter devastantes.  
Inter alia Monasterium sanctæ Felicitatis in Svvarzach nostri Ordinis  
hostiliter

hostiliter ingressi spoliârunt, rapientes & deportantes, quidquid poterant invenire. In odium denique præfati Præfulis, etiam Deum contemnentes & sanctos, Ecclesiam incendere tentabant, quam & in favillam redigissent, nisi militis cujusdam Udalrici de Havvno sagacitas potenter obstitisset. Oppidum verò Svvarzach incendio subverterunt.

Svvarzach  
oppidum  
comburi-  
tur.

Anno prænotato Martinus Papa quartus totis viribus usus pro Carolo Rege Apuliæ Petrum Arragonensium Regem, quem prædecessor Papa Nicolaus tertius, ut antea diximus, per litteras & Nuntios ad Regna Siciliæ & Apuliæ contra Carolum investiri fecerat ac vocari, excommunicavit, & gravissimis innodavit Censuris & execrationibus. Petrus enim Rex non solum consilio Nicolai Papæ inductus, sed etiam præcepto compulsus, posteaquam ad ipsa regna fuerat investitus, magnis cum expensis, & sub multis periculis per mare mediterraneum navigavit in Siciliam, & non sine maximis laboribus plurimam insulæ partem obtinuit.

Eodem anno Rudolphus Rex Conventum Principum apud Moguntiam circa festum S. Michaelis habuit, ubi post multa consilia pacis habita, etiam Judæorum causam diligentissimè, quare fuissent combusti, fecit examinari. Contra quos multa dicebantur abominanda scelera, quòd videlicet veneno fontes infecissent aquarum, quòd pueros occidissent emptos aut furtivè sublatos ex ædibus Christianorum, & quòd Sacramentis Dominicis nefandas intulissent contumelias.

Conventus  
fit Principum  
apud  
Moguntiam.

Rex autem Christianissimus examinatâ necis Judæorum causâ laudavit sententiam, & sub poena capitis ac læsæ Majestatis reatu mandavit omnibus & singulis, ut omnia quæcunque de bonis Judæorum direpta fuissent, ad manus Procuratoris fisci Regalis sine mora comportarentur. Quo facto cuncta jussit dari pauperibus, & nec sibi quidquam retinuit, nec aliquid Ecclesijs donavit. Super quæ interrogatus, cur non partem aliquam dedisset Ecclesiæ, respondit: *Nescitis, quòd Bona Judæorum de usurâ acquisita sunt, & propterea injusta: Dei autem Ecclesia sancta est. & non nisi de justè acquisitis honoranda. Scriptum est enim: Domum tuam Domine decet sanctitudo.*

Bona Ju-  
dæorum  
dantur  
pauperib⁹.

MCCLXXXIV.

Anno Crafftionis quinto mortuus est Fridericus Episcopus Wormatiensis vir per omnia venerabilis, cujus corpus in majori fuit Ecclesia sepultum. Huic in Pontificatu ejusdem Ecclesiæ successit Simon Canonicus majoris Ecclesiæ dictus de Schöneks, vir bonus, & ad Pontificatum satis idoneus, ac miræ probitatis & honestatis, qui præfuit annis octo, mensibus tribus, diebus xiv.

Eodem anno secundâ die mensis Aprilis, obiit Wernherus de Falkenstein Archiepiscopus Moguntinus, anno Pontificatus sui quarto atque vicesimo, & in majori Ecclesia sepultus est, vir per omnia strenuus & magnificus, qui tempore suo, redditus, proventus & Dominium Ecclesiæ Moguntinæ haud parum auxit, omnes in circuitu adversarios suos potenter compescuit, & plura Latronum raptorumque latibula capiens funditus evertit. Post cujus obitum duo in dissensione fuerunt electi, Petrus videlicet Canonicus Basileensis & majoris Ecclesiæ Moguntinæ Præpositus, Doctor Medicinæ, qui fuerat Physicus Rudolphi Regis Romanorum: & Gerardus de Epstein Moguntinæ Sedis Canonicus & Ecclesiæ Trevirensis

Wernherus  
Archiepisc.  
Moguntinus  
obiit.

Duo in dis-  
sensione  
Canonicorum  
fuerunt electi.

ſimiliter Canonicus & Archidiaconus, qui non illâ vice, ſed poſt fratrem Henricum Archiepiſcopus factus eſt.

His autem duobus in diſſenſione per Canonicos Eccleſiæ Moguntinæ, ut præmittitur, electis, & apud Sedem Apoſtolicam pro Archipræſulatu contendentibus, primò ſub Martino Papa quarto, & poſteà ſub Honorio Papa ſimiliter quarto duravit ipſa calamitas ferme ad biennium: ex qua Moguntina Eccleſia non parvum accepit detrimentum. Tandem Papa Honorius electione caſſatâ utriuſque, Henricum Episcopum Baſilienſem fratrem Ordinis minorum in Archiepiſcopum Moguntinum conſtituit: & ſic amborum contentio ceſſavit. Petrum autem memoratum Medicum in locum Henrici Baſilienſem Episcopum ordinavit.

Bertholdus  
Epiſc. Her-  
bipol. obiit.  
Manegoldus  
ſit Epiſc.

Anno prænotato mortuus eſt Bertholdus de Sternenberg Herbipolentiſ Episcopuſ Dux Francorum anno principatûſ ſui octavo decimo, in majori Baſilica ſancti Martyriſ Kiliani ſepultuſ. Vir certè optimuſ & ſempiternâ memoriâ dignuſ, qui Deum purè coluit: Clerum & Clauſtrales Deo manicipatoſ dilexit, & multa bona fecit.

Poſt quem Manegolduſ de Novo Caſtro majoriſ Eccleſiæ Præpoſituſ Episcopuſ electuſ eſt: & præſuit annis ferme duodecim, vir & ipſe magnificuſ, bonorum & libertatum Eccleſiæ ſuæ deſenſor acerimuſ: contra quem civeſ Herbipolenſeſ veteri more ſuo conſpirabant in detrimentuſ propriuſ: quos ipſe prudentiâ ſimul & viribuſ ſuperans, ad obedientiæ ſubjectionem revocavit.

Carolus  
Rex Apuliæ  
moritur.

Anno etiam prænotato Caroluſ Rex Apuliæ & Siciliæ mortuſ eſt anno regni ſui decimo octavo. Hic fuit Caroluſ Provinciæ & Andegaviæ Comes, Frater Ludovici Regiſ Gallorum, qui Regnuſ paternuſ Conradino Suevorum Duci contra faſ & æquitatem, ut per multas conque- rebatur epistoſas, præripuit, ipſumque Ducem pro hæreditate legitima pugnantem bello cepit, & crudeli morte interemit, quemadmodum in prima hujus voluminiſ parte ſupra jam diximus. Carolo autem in Regno Caroluſ ejus filiſ ſucceſſit, & regnavit annis xxv.

MCCLXXXV.

Cleruſ Her-  
bipolenſiſ  
ſpoliatur.

Anno Craſſthoniſ Hirſaugiani Abbatiſ ſexto Indictione Romano- rum tertiâ decimâ, octavâ die menſiſ Januarij, civeſ Herbipolenſeſ ju- ramentorum & promiſſionum ſuarum Iringo quondam Episcopuſ ſimul & Bertholdo ſucceſſori ejus factarum immemoreſ, Domoſ Canonicorum irrumpunt, omnibuſque boniſ ſuo more iterum ſpoliantes de urbe cum omni Clero violenter expellunt: quod factuſ ſatiſ poſteà expiârunt.

Eodem anno Eccleſia Beatae Mariæ ſemper Virginis in Moguntia, quam ad Graduſ vulgò nuncupant, cum una turri majoriſ Eccleſiæ ſibi proximore, atque novis Apotheciſ igne caſuali ſuccenſa miſerabiliter cremata eſt, non ſine damno vicinorum. Quæ poſteà cum majoriſ apparatu reædificata, ſicuti hodie cernitur, nulluſ veteriſ ſtructuræ viſentibuſ præbet veſtigium.

Ludovicuſ  
Comes Pa-  
latinuſ mo-  
ritur.

Anno prænotato Ludovicuſ Comes Palatinuſ Rheni Baviariæque Dux, filiſ Ottoniſ, qui primuſ ex Bavaris Palatinatuſ obtinuit cum electione imperij, & frater Ducis Henrici, moritur: & in Monasterio Fürſtenfeldt, quod ipſe pro expiatione ſceleris necatæ primæ uxoriſ in Bavaria con- ſtruxerat, à filiſ ſepelitur.

Reliquit



Reliquit autem filios duos, quorum natu major Rudolphus patri successit in Palatinatu, & genuit filios postea tres, Rudolphum, Rupertum, & Adolphum, per quem linea generis continuabitur. Secundus autem fuit Ludovicus, postea Imperator Romanorum, qui Ducatum Bavariæ mortuo Patruo sicuti dicemus totum obtinuit.

Qui Ludovicus uxorem habuit Margaretham Philippi Regis Gallorum ex filia Neptem, cujus pater Comes fuit Hollandiæ, de qua Margaretha genuit filios sex, quorum primogenitus fuit Ludovicus Marchio in Brandenburg, secundo genitus Stephanus Bavariæ Dux, qui morabatur in Landshuta, tertius fuit Albertus Dux Bavariæ, qui morabatur in Straubingen, quartus fuit Wilhelmus Comes Hollandiæ, Selandiæ, & Hannoveriæ, Frisiæque Dominus, quintus Otto Dux Bavariæ, sextus item Ludovicus Dux. De quibus suo loco dicemus.

Quorum mater filia Comitis Hollandiæ Wilhelmi & Neptis Gallorum Regis Philippi, mortuo patre sine filiis, totum ejus Principatum obtinuit, quem Wilhelmo quartogenito filio, unâ cum consensu Mariti, qui tunc Imperator jam fuit, donavit.

Anno etiam prænotato Martinus Papa IV. curis & sollicitudinibus multis graviter occupatus pro communi bono plurimorum Perusium proficiscitur; ubi lentâ febre correptus non sine opinione sanctitatis tandem feliciter ad Dominum emigravit, Perusij in Ecclesia principali sepultus, ad cujus tumbam plura divinitus facta miracula, & sanitates ægrotantium datæ feruntur.

Martinus  
Papa IV.  
obiit.

Huic in Summo Pontificatu successit Jacobus Diaconus Cardinalis patriâ Romanus, gente Sabellicâ ortus, qui se Honorium ejus nominis IV. appellari præcepit, & præfuit annis duobus, mense uno. Pontifex certè tam vitæ merito, quàm sapientiâ, consilio & eruditione scripturarum omnium præstantissimus. Christianæ quoque Religionis cultor, amator, & pro viribus omni tempore defensor studiosus. Corpore quidem debilis, & impotentia fuit tantæ, ut quibusdam instrumentis ad hoc arte fabricatis uti cogeretur, quoties ad Altare Sacrosanctum Dominici Corporis & sanguinis voluisset offerre mysterium. Consilio tamen & prudentiâ plurimum valuit, & suo mandato brevi tempore multa gloriose & magnificè peregit.

Honorius  
sic Papa IV.

Hic memorabilis Præsul Ordinem Fratrum B. Mariæ semper Virginis de monte Carmeli in Lateranensi Concilio, ut quibusdam videbatur, non satis approbatum, & ob id à multis suo tempore graviter impugnatum, rursus de consilio & assensu omnium Cardinalium, & totius Ecclesiæ Rom. sufficientissimè approbavit, confirmavit, & perpetuâ firmitate stabilivit, multisque Privilegijs & libertatibus contra omnes Blatteratores communivit.

Ordo Carmelitarum  
sublimatur.

Fuerunt memorati Ordinis iniqui & malitiosi detractores, qui dicebant illum nequaquam titulo B. Virginis Mariæ Deique Parentis insignitum, sed ex nomine cujusdam Mariæ hæreticæ inhabitantis montem Carmeli per Angelum conversæ fore nuncupatum; qui & alia plura contra S. Ordinem & ejus Professores mendacia confingebant, nullâ ratione, sed solâ malitia concitati, quorum temeritatem confusio subsecuta est.

Carmelita,  
Fratres S.  
Genitricis  
Dei nuncupantur.

Unde prædictus Papa Honorius divino procul dubio spiritu justissimè inflam-

Ad titulum  
Fratrum  
Carmelita-  
rum Indul-  
gentiæ.

inflammatus, non solum Ordinem ipsum copiosis Indulgentijs & Privilegijs sufficientissimè confirmavit, sed etiam ejusdem Professores omnes deinceps Fratres B. Mariæ semper Virginis intactæ Genitricis Dei fore nominandos declaravit. Quam ejus laudabilem & sanctam declarationem omnes deinceps Rom. Pontifices concedunt, laudant, & approbant usque in præsentem diem, Carmelitas in suis litteris Fratres Dei Parentis semper intactæ Virginis Mariæ nominantes. Equibus Urbanus Papa VI. anno Pontificatus sui secundo, hoc est, Dominicæ Nativitatis MCCCLXXX. Indictione Romanorum tertiâ, omnibus Christi fidelibus, qui Ordinem ipsum aut Fratres ejusdem, Ordinem seu Fratres Beatissimæ Mariæ Dei Genitricis de Monte Carmeli vocaverint, nominaverint, seu appellaverint, Indulgentiam trium annorum, & tot quadragenarum gratosè concessit, perpetuis temporibus duraturam.

Bertholdus etiam Herbipolensis Ecclesiæ quondam Reverendissimus Præsul, de quo paulò ante fecimus mentionem, sicut in litteris Originalibus perspeximus contineri, omnibus Christi fidelibus contritis & confessis, eorundem Fratrum Carmelitarum fautoribus, ac ipsos suo titulo prædicto devotè nominantibus in sua Diœcesi decem Indulgentiarum dies misericorditer concessit. Quod & alios complures Episcopos fecisse non ignoramus.

MCCCLXXXVI.

Henricus  
fit Archie-  
piscopus  
Mogunti-  
nus.

Anno Crafftthonis Abbatis septimo, Honorius Papa IV. Electionem Canonorum Moguntinensis Ecclesiæ, quam per dissensionem anno priore fecerant in Petrum & Gerardum, sicut ibidem locuti fuimus, omnino cassavit, & ambos jure Pontificatus, si quod habuissent, privatos esse voluit. Quibus per sententiam abrogatis Fratrem Henricum Ord. minorum Episcopum Basiliensem ad Ecclesiam Moguntinam transfudit, & in Archiepiscopum sublimavit. Reliqua verò quæ supra diximus, repetere superfluum judicavimus.

Honorius  
Legatum  
misit in  
Germaniâ.

Eodem anno memoratus Papa Honorius IV. Episcopum quendam Tusculanum S. R. E. Legatum suum de latere misit in Germaniam ad Regem Rudolphum & Principes Imperij, pro quibusdam negotijs & Ecclesiarum utilitate communi. Qui veniens in Franciam Orientalem Synodum generalem in civitate Wirzburg instituit: ad quam non solum Pontifices & Abbates vocavit, sed etiam quosdam Principes seculares. Aderat etiam Rex ipse Rudolphus cum alijs multis comitibus atque nobilibus Regni, & varia pro communi utilitate tractabantur. Hoc tamen concilium anno sequenti primò fuit celebratum, quemadmodum ibi dicemus, ubi & causam exponemus.

Rex Vica-  
rium misit  
in Italiam.

Anno prænotato Rudolphus Rex ad instantiam Romani Pontificis Vicarium suum nomine tam suo quàm imperij misit in Italiam, ut in omnibus locis jurisdictionem & justitiam faceret imperialem. Qui veniens in Tusciam, ab his qui Guelpharum partium erant, civibus Florentinis, Lucensibus & nonnullis alijs, fidelitatis & obedientiæ juramentum Romano imperio debitum exigebat. Quod illi cum nullo pacto facere consentirent, Vicarius in furorem succensus Florentinos in sexaginta millibus argenti Marcis, Lucenses verò in duodecim florenorum millibus pro inobedientiâ demerito condemnavit: pecuniâ acceptâ in Germaniam reversus est.

Fuerunt

Fuerunt qui scriberent, Rudolphum Regem auri cupidum Cancellarium suum pro Vicario misisse in Italiam, qui acceptâ pecuniâ populis libertatem venderet. Ea de causa Florentinos exposuisse tot argenti marcas, Lucenses quoque & alios contulisse pecuniam, ut libertate coemptâ, imperij non subderentur deinceps iussionibus. Qui hoc factum contendunt, in argumentum assertæ veritatis consequentia producunt: quod Florentini mox post impetratam pro pecunia libertatem, magistratum instituerint, quem Priores artium vocaverint, addito & alio, quem velut Majestatis & libertatis præconem vexilliferum Justitiæ nuncupabant. In quem modum & alias pleraque urbes libertatem sibi comparasse referebant.

Anno prænotato, Comite Wirtenbergenfi Regijs mandatis jam diutius reluctante, nec hoc solum, sed etiam alios Imperij defensione Rebelles, Rudolphus Rex magno suorum contracto exercitu Comitatum Wirtenbergensem in manu valida ingreditur: & omnia quæ potuit hostili vastatione demolitur. Comes etenim Eberhardus cum se tantæ multitudini cerneret non posse resistere, se & quidquid servare voluisset illæsum, non in villis, sed in oppidis & castris collocavit.

Comes de Wirtenberg Eberhardus Regi contrarius.

Unde Rex hoc ipso anno post devastationem terræ comitatûs binâ vice Stutgardiam oppidum memorati Comitis obsidione vallavit, fortiter muros arietibus impulit, & constantissimè impugnavit, majore suo ut ferunt damno atque suorum, quàm commodo. Nam muris etiam in plerisque locis tormentis machinarum quassatis atque dejectis, nullus hosti patebat introitus, his qui intus erant resistantibus.

Postremò Archiepiscopus Moguntinus vices suas amicè interposuit: & post concussam oppidi murum, post incendia villarum multa, post desolationem terrarum & spolia, ad Regis gratiam reduxit Comitem, & reformavit inter illos concordiam simul & pacem. Quibus peractis Comes Eberhardus Rudolphum juramento fidelitatis recognovit ut Regem: quem ille deinceps gratiosè prosequabatur ut Comitem. Deinde vicesimâ secundâ die mensis Februarij Rudolphus Rex pacem inter eundem Comitem & Senatum Eslingensem restituit.

Comes Eberhardus ad gratiam Regis revertitur.

MCC LXXXVII.

Anno Domini Crafftionis Abbatis octavo Indictione Romanorum quintâ decimâ in media quadragesima, hoc est, in Dominica quarta, quando *Latere in Hierusalem* pro Missæ introitu cantabatur in Ecclesia Dei, Cardinalis Tusculanus Apostolicæ Sedis Legatus, quem præcedenti anno Legatum ab Honorio missum in Germaniam diximus, in Civitate Francorum Wirzburg in præsentia Rudolphi Regis & multorum Principum concilium Episcoporum & Abbatum penè totius Theutonici Regni generale magnum Papæ nomine celebravit. In hoc verò generali Episcoporum concilio præfatus Cardinalis atque Legatus Clero & Religiosis omnibus per totum regnum contributionem quartæ partis omnium proventuum quatuor annis continuis Romanæ solvendum Ecclesiæ de consensu Regis ac Principum quorundam secularium imposuit, & sub maximis dandam pœnis censurarum districtiùs mandavit. Quæ res sicut nova & inaudita prius exitit, ita contra Ecclesiam Romanam animos complurium provocavit. Cùmque ad hanc Romani Pontificis legationem indiscretam nimis atque crudelem, Archiepiscopi, Episcopi, Ab-

Concilium in Herbipoli celebratur Episcoporum.

Papa nihil voluit exactione Clerum.



Legationi  
Papæ nul-  
lus Episc.  
audebat  
contradi-  
cere.

Probus Epi-  
scopus con-  
tradicens  
fuit depo-  
situs.

Legatus in  
Italiam va-  
cuus rever-  
situr.

Wernherus  
puer à Ju-  
dæis Wesa-  
liæ perimi-  
tur.

bates, & reliqui viri Ecclesiastici omnes, qui erant in concilio, mentibus confusi obstupescerent vehementer, nemo tamen quidquam manifestè præsumeret contradicere, murmur confusum inter eos fuit exortum, & nullum (ut fieri solet) in perturbatione consilium. Nec mirum, nunquam enim prius exactio huic similis fuit audita, ut in quatuor annis omnes Cleri & Religiosorum totius Regni Germanici proventus, faucibus Romanorum insatiabilibus deberent ingurgitari. Unde cum exactio hæc nulli esset portabilis, à nullo fuit approbata. At verò cum Archiepiscopi atque reliqui Pontifices, quorum ingens convenerat numerus, ad eam Papæ legationem contremiscerent, & suis dignitatibus metuentes, nullus contradicere de cunctis manifestè præsumeret, omnibus amarum silentium tenentibus, surrexit tandem ex omnibus Præsul unus nomine simul & actione Probus de ordine Fratrum minorum Tullensis Episcopus, patriâ Suevus, ex oppido Tubingen, ut legitur, oriundus, qui Zelo justitiæ armatus, non iussus à quoquam, sed virtute Spiritûs Dei conceptâ loquebatur pro omnibus. Habebatur autem concilium illud in majori Ecclesia Herbipolensi. Probus igitur memorabilis Præsul, quo intelligi facilius posset ab omnibus, in locum eminentiorem, cum aliàs non posset, super Baptisterium, quod tunc erat in medio templi, confestim ascendit, multa rationabiliter contra legationem proposuit, ac tandem de tanto gravamine coram omnibus appellavit. Videns & audiens Legatus Apostolicus, quid fecerit, dixeritque Probus Episcopus, iratus est, & auctoritate Apostolicâ illum velut inobedientem & Schismaticum, à suo Pontificatu deposuit. Probus autem ab Episcopatu dejectus ad Ordinem suum est reversus. Denique videntes Probi constantiam, Archiepiscopi Trevirorum Henricus, & Coloniensis Sifridus, cum quibusdam alijs Cardinalem concilio præsentem multis rationibus informare curabant, eam contributionem Clero non esse possibilem; quam si Romanus Pontifex per fulmina censurarum omnino pergit exigere, metuendum vehementer, ne dissidium periculosum & Schisma pestiferum in Ecclesia sancta contingeret. Informandum super his Papam consulebant, ut mente conceptam temperaret sententiam, ne furor Germanorum excitatus, vel à Romana Ecclesia subiret dissidium, vel Clerus in necem conspiraret Episcoporum. Legatus autem cum hoc audisset, sibi que non satis tutum arbitraretur, apud Germaniam diutius commorari, quorum in se jam suscitaverat iram, in Italiam reversus est, fructum Legationis suæ non parvam reportans confusionem. Qui ubi Romam rediit, Honorium Papam adversâ laborantem valetudine reperit, de qua non diu postea mortuus, in Ecclesia sancti Petri sepultus fuit. Honorio mortuo Sedes Apostolica vacavit mensibus decem.

Anno prænotato nonâ decimâ die mensis Aprilis. Judæi puerum quendam nomine Wernherum ex Wanrad villa comitatûs Spanheimensis oriundum occultè rapientes, ad oppidum, quod Wesaliam vocant superiorem, juxta Rheni fluentia secum blanditijs lenitum abducunt, cultris pungunt, lacerant, & postremò crudeliter occidunt, ejusque sanguinem suo more sibi (nescio in quem prophanum usum procul dubio) servantes. Scelere autem pacto impudentissimi canes Judæi, corpus ipsius Wernheri innocentis pueri cum summa cautela nitebantur abscondere, sed

provi-

providente Deo non potuit latere. Inventum namque miraculosè à Christianis, & ad Bacherach oppidum Comitum Palatini, quod vix uno ab Wefalia milliari distat, portatum, in quadam nova Capella ponitur, quæ hodie nomine illius insignita ad sanctum Wernherum in monte nuncupatur, ubi usque in præsentem diem integrum & incorruptum ostenditur: ad ejus tumbam in principio facta quædam miracula dicebantur.

Anno item prænotato Senatus Argentinae Civitatis in Alsatia, constitutiones quasdam contra libertatem Ecclesiasticam, in urbe ipsa edidit. Unde non parva Cleri turbatio subsecuta fuit. Inter plures alios de Clero, qui propter easdem constitutiones de Civitate recesserunt, Fratres etiam Predicadores urbem deferentes exeunt, & cum toto suo Conventu per triennium foris continuè remanserunt. His temporibus in Italia caput Ordo Fratrum Servorum Beatae Mariae nuncupatus, per quendam Philippum natione Florentinum, virum certè doctum & religiosissimum, qui ex medico ad vitam conversus Eremitarum, servitutis suae pensum Domino Deo semper devotissimè studuit impendere, & se totis animi viribus ad coelestia elevare. Divino post hæc oraculo præmonitus, hanc Servorum Mariae sanctam Religionem instituit, quam sub Regula Divi Augustini ordinavit. Quam quidem Religionem in principio suae institutionis, multi satis temere carpentes perturbantesque, occasionem Romanis Pontificibus Benedicto undecimo, Bonifacio octavo, & Urbano sexto præbuerunt, quâ illam suis litteris & privilegijs eò firmitus & amplius raborarent.

Ordinis  
Servorum  
Mariae ini-  
tium.

MCCLXXXVIII.

Anno Crafftionis Hirsaugiani Abbatis nono, Indictione Romanorum primâ, posteaquam Sedes Apostolica post mortem Honorij vacasset item mensibus decem, Hieronymus ex Ordine Fratrum minorum Presbyter Cardinalis in Papam eligitur, & Nicolaus ejus nominis quartus appellatur, qui præfuit annis quatuor, mense uno diebus octo. Hic natione Lombardus, Patriâ Esculanus, qui à pueritia se sacris litteris impendit, & cum tempore Theologus doctissimus evasit. Postea ex Ordine minorum factus est Presbyter Cardinalis tituli sanctæ Sabinæ, ac novissimè Pontifex summus. Scripsit cum adhuc esset in Ordine suo, super libros quatuor sententiarum, egregios commentariorum libros totidem, in quibus Theologum se doctissimum demonstravit. In veteri quoque ac novo testamento tractatus composuit multos, & alia diversa, quæ necdum ad notitiam nostræ lectionis pervenerunt. Eodem anno, octavâ decimâ die mensis Martij obiit Frater Henricus ex Ordine minorum Archiepiscopus Moguntinus in Cathedrali Ecclesia apud Moguntiam sepultus. Quo mortuo iterum duo per dissensionem à Canonicis fuerunt electi. Gerardus videlicet de Epstein Canonicus Moguntinus & Archidiaconus Treverensis, quem prius etiam cum Petro post Wernherum diximus electum, & Emericus de Schönek Ecclesiae Moguntinae Scholasticus. Dum hæc fierent apud Moguntiam, adhuc Sedes Apostolica vacabat, propterea necesse fuit electionem Moguntinensis haud examinari posse à quoquam, sed causam differri, usque dum Papa esset ordinatus. Interea verò Henricus de Vinstingen Archiepiscopus Trevirorum moritur, & in majori Ecclesia S. Petri Apostoli tumulatur. Quo sepulcro Canonici statim

Nicolaus  
Papa IV.  
Ord. mino-  
rum.

Henricus  
Archiepisc.  
Moguntin<sup>9</sup>  
moritur.

Henricus  
Archiepisc.  
Trevirorū  
moritur.



Gerhardus  
fit Archie-  
piſcopus  
Mogunti-  
nus.

diverſa ſentientes duos elegerunt, Gerhardum, qui prius jam bis à Moguntinenſibus fuit electus. Qui poſteaquam Romanæ Eccleſiæ cognoviſſet de Pontifice proviſum, Romam cum duplici electione proficiſcitur, & à Nicolao Papa quarto in Archiepiſcopum Moguntinum confirmatur. Qui Præſul ordinatus annis ferme ſedecim præfuit, & Eccleſiæ ſibi commiſſæ diligenter intendens multa utiliter peregit. Boemundus autem per Papam Nicolaum ad Eccleſiam Trevirorum confirmatus, & in Archiepiſcopum ordinatus præfuit annis undecim, vir prudens atque magnificus, qui bona Eccleſiæ ſuæ non minuit ſed auxit, & ſpiritualia non omiſit. Qui inter alia providentiæ ſuæ ſtudia Caſtellum à fundamentis novum conſtrui fecit, in Novimagio vico ciſmoſellano, qui ab incolis terræ vulgariter Neumagen nuncupatur, & diſtat à vico nativitatſis meæ Tritenheim in deſcenſu Moſellæ vix lapide ſeſqui altero: Clerum dilexit, & Religioſis optimè favit.

Brabantia  
Dux & Geldria  
comes  
conten-  
dunt pro  
terra Lim-  
burgienſi.

Anno prænotato mortuus eſt Dux Limburgienſis ſine liberis, & magna pro ejus Ducatu inter Joannem Brabantia Ducem, & Reinhardum, ſive ut more noſtro dicamus, Reinhardum Geldria Comitem fuit ſuborta diſſenſio. Utérque enim ſe jure proximum clamabat hæredem, & multiplici quiſque jus ſuum ratione conabatur aſtruere. Dies placitandi ſervabantur plures, & ſemper cauſa fiebat ſeipsâ deterior. Cùmque diſſidentes ad concordiam pacis nemo poſſet reducere, neceſſitas tandem partes impulit, litem armis bellicis terminare. Dies ad prælium determinata ſtatuitur, copiæ ab utrâque parte contrahuntur.

Brabantia Dux Joannes pro ſua parte ſecum habuit Godfridum fratrem ſuum, Adolphum Montenſem Comitem, Henricum Comitem de Windeck, Walramum Comitem Juliacenſem, & Gerardum fratrem ejus, Eberhardum Comitem de Marcha, quam nunc poſſidet Dux Clivenſis, & fratrem ejus, Episcopum quoque Leodienſem; Comitem Loſſenſem, Cives Colonienſes, & complures alios, quorum memoria non occurrit.

Reinhardus autem Geldria Comes in ſuo exercitu habuit auxiliarios iſtos: Siſridum Archiepiſcopum Colonienſem, Henricum Comitem Lutzelburgenſem, & Valramnum fratrem ejus, Joannem Dominum in Lymburg, Henricum Comitem de Weſterburg, Comitem quoque de Falckenburg: & quosdam alios ex nobilibus.

Comes  
Geldria in  
bello vincit-  
ur & capi-  
tur.

Die ſtatuto jam relucente bellum inter eos cruentum ſatis comittitur: Comes Geldria cum ſuis ab adverſarijs vincitur & ſuperatur. Dux Brabantia triumphans victoriâ potitur. Et multi ab utraque parte ceciderunt vulnerati. Denique Comes ipſe Reinhardus à Duce Brabantiorum capitur: & in vinculis aliquandiu detinetur. Qui tandem ut libertatem conſequeretur amiſſam, non ſolum Ducatui Limburgienſi renunciare coactus eſt, ſed multa etiam de ſuo ſuperaddere.

Siſridus quoque Archiepiſcopus Colonienſis in eodem captus eſt bello, quem Adolphus Comes de Monte pro ſuo intereſſe abducens, ſeptennio ferme captivum tenuit: quoniam dare pecuniam pro liberatione ſui poſtulatam recuſavit. Auxit etiam tyrannidem Comitſ in Archiepiſcopum furor & contentio Civium Colonienſium, qui Comiti jam prius confederati animos in Pontificem ſuum gerebant hoſtiles. Tempus ergo ſe naſtos



se nactos opportunum & horam convenientem arbitantes, quo non solum omnem de Præsule vindicarent injuriam: sed pro suo etiam arbitrio deinceps optatâ diutius abuterentur potestate, multas illi condiciones imponere tentabant, non satis honestas: sine quibus omnem spem ei liberationis denegabant. At ille constans animo, cum turpem honori suo conditionem nullam penitus consentiret admittere, captivitatem suam in septennium usque compulsus est tolerare. Postremò tamen si à carcere dimitti voluit, magnam dare pecuniæ summam coactus fuit.

Sunt qui scribant, in memorato prælio plus quàm centum hominum pugnatorum convenisse millia, & plures ab utraque parte occubuisse. De parte autem Comitis Geldriæ multi ceciderunt. Capti sunt multi Comites ac nobiles, reliqui se fugiendo salvârunt. Ex illo tempore Ducatus Limburgensis Brabantinorum Ducatui conjunctus est usque in præsentem diem, Dominio sæpe tamen translato.

Ducatum  
Limbur-  
gensium  
Brabantij  
obtinens.

MCC LXXXIX.

Anno Crafftionis Abbatis Hirsaugiensis decimo, Indictione Romanorum secundâ, Rudolphus Rex contractis copijs denuo in Burgundiam movit exercitum, contra inobedientem Comitem atque perjurum. Et in primis quidem Paterniacum oppidum post obsidionem brevem expugnavit & cepit. Deinde ipsum Comitem Burgundiæ iterum cepit. Quem sibi & Romano Imperio cum multis ac necessarijs cautelis in perpetuam servitutem subjecit. De priore autem transgressione & perjurio poenas illum dare compulit, & graviter punivit.

Burgun-  
diones ite-  
rum supe-  
rantur per  
Regem.

In eadem expeditione Burgundiana cepit etiam memoratus Rex Rudolphus Comitem Sabaudia: Comitem quoque montis Bellicardi, & plures alios: qui venerant in auxilium Burgundionibus: quos omnes fortissimâ congressione superatos imperio subdidit, & fidelitatis jurare homagium singulos coëgit. Rebus in Burgundia prosperè gestis ad interiora Rex Rudolphus victor tandem reversus est: & suum contra prædones studium continuat.

Eodem anno Emicho Comes de Liningen: Dietherus filius Eberhardi Comitis de Kazenelenbogen: Waltherus Comes de Geroldseck: Gerlachus Dominus in Limpurg senior: Comes quoque de Veyhingen: Comes de Reneck cum pluribus alijs in conflictu quodam apud Nigram silvam habito miserè perierunt.

Anno prænotato cum Sifridus Colonienſium Archiepiſcopus apud Comitem Adolphum de Monte sicut diximus in arcta custodia teneretur captivus, Comes de Juliaco Walramus cum suorum armata multitudine per terras Ecclesiæ Colonienſis discurrens, prædas & incendia perpetrabat, & multa pauperibus atque villanis damna intulit. Castellum Ecclesiæ fortissimum Zulp inter alia traditione cepit, ac funditus destruxit.

Comes Ju-  
liacensis de-  
vastat Co-  
lonienſis  
Diocœſim.

Conſimili veſaniâ Eberhardus Comes de Marcha furens cum suorum valido exercitu intravit Westphaliam, & Angariæ Ducatum Ecclesiæ Colonienſi pertinentem incendio & rapinâ devastans multas terræ mutationes cepit, & sibi subjugavit.

MCCXC.

Anno Crafftionis Hirsaugiani Abbatis undecimo Indictione Romanorum tertiâ, inter Joannem Comitem de Spanheim, & Henricum

Discordia  
inter duos  
Comites de  
Spanheim  
& de Vel-  
dentia.

Comitem de Veldentia magna pro levi cauſa fuit ſuborta diſſenſio. Comes etenim Joannes hominem quendam pauperem ex comitatu Henrici oriundum pro quibuſdam forenſibus ſcleribus laqueo fecerat ſuſpendi, qui fuerat in tortura confellus, quadringentos ſe auri nummos in oppido Creützenach furatum de domo cujuſdam civis ac Miniſterialis memorati Comitſ Spanheimenſis, ipſamque pecuniam in domo ſua ſub lecto fodiſſe in terram, quæ fuit in villula quadam dicti comitatus Henrici Veldenſis.

Archiepiſc.  
Moguntin⁹  
reformavit  
concordiã.

Hinc pro pecunia illa contentio inter Comites oritur: quia Comes de Spanheim adjudicabat, eam illi, qui perdiderat, cum eſſet verus Dominus, debere ad integrum reſtitui: ſed Comes alter illam in ſuo repertam, dominio ſibi putabat deberi. Crevit paulatim hæc diſſenſio in tantum, ut prope fuerit, ut non aliter, quàm bello videretur terminanda. Quod audiens Gerardus Archiepiſcopus Moguntinus, cui ambo fœdere amicitie fuerant conjuncti, vices ſuas interpoſuit, & reformatâ pace, pecuniam civi Creützenacenſi, à quo fuerat ſublata, donavit.

Joannes fit  
Abbas in  
Spanheim  
nonus.

Eodem anno menſis Maij die ſecundâ, mortuus eſt Petrus Abbas mei quondam Spanheimenſis Cœnobij oëtavus, cui ſucceſſit Joannes ejus nominis ſecundus, qui præfuit annis ferè oëtto. Hic oriundus ex oppido Sobernheim, quod uno duntaxat milliario diſtat à Spanheim, qui Eccleſiam de novo fecit conſecrari.

Miraculum  
Dominici  
corporis in  
Gallia fa-  
ctum.

Anno prænotato magnum apud Pariſienſes in Gallia miraculum accidit. Mulier quædam ab uno perfido Judæo pecuniam mutuò ( ut ſolet fieri frequenter ) acceperat, cui veſtem ſuam meliorem propignore locavit. Inſtante poſteâ Reſurrectionis Dominicæ feſto, tunicâ ſuâ feſtivâ non exornari verecundum ducens, cum ob tantæ ſolemnitatis reverentiam, tum ne vicinorum ſuſpicionem aliquod incurreret bonæ opinionis ſuæ detrimentum, Judæum acceſſit; ut veſtem ſibi concederet locatam pro fœnore per ſolum diem ſolemne petijt, ſequæ mox illam poſteâ relaturam promiſit. Ad quam Judæus: *Si, inquit, Corpus Chriſti veſtri, quod in Hoſtia contineri dicitis, mihi ſecretò apportaveris, faciam quod petis.* At mulier veſtis cupidine ducta promiſit facturam ſe, quod Judæus poſtulabat. O miſeranda generis humani defeſtio! Accedens jam perfida mulier ad Altare, poſteaquam Sacroſanctum Corpus Domini noſtri Jeſu Chriſti de manu Sacerdotis ſuſcepiffet, illud mox retrocedens ſecretò ab ore manibus retraxit: & Judæo ſicut promiſerat impia impio, deſperata perfido dedit. Judæus Sacro Sanctiſſimum Sacramentum pollutis manibus acceptum in patellam aquâ repletam ſuper ignem poſuit, & fortiter bullire fecit. Verùm poſteaquam diutius Hoſtia ſacra ſuper ignem bullierat, ſemper tamen manſit integra, & ſine aliqua ſui corruptione ſana.

Sacramen-  
tum emit-  
tit ſangui-  
nem.

Quod impietatis miniſter cernens Judæus, gladium furens arripuit, & ſacram Hoſtiam feriendo vulneravit. Et ecce miraculum evidens, & magnum fidei noſtræ firmamentum. Mox etenim ſanguis de vulnere Hoſtiæ copioſus capit profluere, & aquam caldarij, in quo bulliebatur, totam in rubedinem mutare. Contingere Deus voluit, ut hæc in domo ſua ſcleratiſſimus faceret Judæus, dum ſupervenirent quidam Chriſtiani, mutuò pecuniam pro fœnore poſtulantem. Qui cum aquam ſanguine tinctam intuerentur ſuper ignem prius bullitam, nihil de factò ſcientes, ecce ſubitò Hoſtia Sacroſancta nullo contingente ſuper tabulam de caldario ſaltavit;

ſaltavit, & irrogatam ſibi à Judæo injuriam omnibus oſtendit. Rem Chriſtianis mox ad Judicem deferentibus, perfidus ille Judæus capitur, qui prodito negotio, palàm ignibus concrematur: Sacro-verò Sanctum Domini Corporis Sacramentum ſolemni cum Proceſſione à Clero deferatur in Eccleſiam, & laudes Omnipotenti Deo pro tanto miraculo decantantur. Domus verò Judæi, in qua tantum piaculum contigit, in Eccleſiam ſub Salvatoris noſtri honore commutata fuit. Mulier etiam illa pœnas dedit, quas meruit.

Judæus pro  
ſcelere  
commiſſo  
datur in-  
cendio.

Anno præſcripto Rudolphus Rex in manu ſuorum valida per Sueviam & Franciam Orientalem quaſi viſitator Provinciarum diligentiffimus, & inquiſitor latronum atque caſtigatoꝝ prædonum ferventiſſimus circumeundo tranſivit, & tranſeundo raptorum latibula & munitiones ubique terrarum ſtudioſiſſimè quaſivit, reperit, obſedit, cepit, & pluſquam LXX. numero funditus evertit, principibus regni & civitatibus Imperij lætanter auxilia ferentibus. Ubicunque raptorum & prædonum receptacula invenire potuit, omnia mox ſine delectu perſonarum ſolotenus evertit. Videbant hæc latrones terræ, qui vias obſidere conſueverant & ſpoliare, & capere viatores, & diſſecabantur cordibus ſuis; qui cùm ſtare non poſſent ante faciem perſequentis, fugere compulſi ſunt in exteras nationes. Nam, ſicut diximus, in brevi tempore poſtquam à Burgundia redierat, pluſquam ſeptuaginta caſtra latronum ſive Prædonum, fortiffima cepit, ac funditus evertit. Sed plura cum tempore poſteà in detrimentum Reipublicæ maximum reſtaurata cernimus, de quibus fieri multa quotidie latrocinia dolemus. Rudolphus Rex ſempiternâ memoria dignus hominum Regni deprædationes ſuſtinere non voluit, ſed latrones ſcleratiſſimos omnes aut capitibus truncavit, aut extra patriam proſcripſit. Et quia liberavit pauperem & humilem, de violentia potentia, magnam à Deo benedictionem promeruit, cujus ſemen ſupra omnes Germaniæ Principes multiplicatum, dilatatum, exaltatum fuit; multi namque Reges ex eo deſcenderunt.

Prædonum  
caſtra LXX.  
deſtructa  
per Regem  
Rudolphū.

Anno etiam prænotato mortuus eſt Henricus Dux Baviariæ frater Ludovici Comitæ Palatini Rheni de Heidelberg, & filius Ottonis Ducis, qui primus ex Bavaris Palatinatum cum uxore obtinuit, de quo diximus in prima parte hujus operis, anno Eberhardi Abbatis ſextodecimo. Reliquit autem Henricus Dux memoratus filios quatuor ex Eliſabeth filia Belæ Regis Ungariæ uxore ſua, videlicet, Ottonem qui poſteà Rex Ungariæ factus eſt, Ludovicum, Stephanum & Joannem. Qui fratres paternum inter ſe diviſere Ducatum utriuſque Baviariæ.

Henricus  
Dux Bava-  
riæ mori-  
tur.

MCCXCI.

Anno Crafftionis Abbatis duodecimo, Indictione Romanorum IV, Rudolphus Rex Conventum principum celebravit in oppido imperiali Franckfurt: ubi inter alia Regni negotia principes Electores & precibus rogabat multis, & magnis allicere promiſſionibus tentabat, quatenus Albertum Ducem Austriæ filium ſuum Regem designare Romanorum conſentirent. Quod illi facere omnino reſuſcebant, dicentes, eum ſe Regem habere viventem, ſuper quem alium inducere non liceret; & enim ſatisfacere uni pro Majeſtatis honore cùm vix poſſint, multo minus duobus ſufficerent. Veruntamen ne Regem ſenem & properantem ad exitum

Conventus  
ſit Principū  
in Franck-  
furt.



Rex cum  
filiabus &  
amicis Ar-  
gentinam  
ascendit.

exitum vitæ optimè de Imperio meritum improvidè contristasse vide-  
rentur, cùm perstaret in precibus orans, rem in aliam consultationem  
deliberationis maturæ gratiâ tandem concluderunt. His factis discedunt,  
& faciem Regis non vident amplius. Discedens enim à Franckenfurt  
Rex confestim ascendit ad Argentinam Alsatiae civitatem amænissimam,  
ubi recreationis gratiâ convocavit ad se filios suos & amicos, cupiens  
fatigatum multiplicibus curis animum eorum aliquantulum præsentia  
relevare. Aderat ibi Guda nomine filia, uxor Wenceslai Regis Boemo-  
rum, aderant & alij filij ac filiae, latam cum Patre jam senio & labore  
gravato quietem celebrantes.

Rex infir-  
mus Spiram  
descendit,  
& moritur.

Cùm verò paucis apud Argentinam demorarentur diebus, Rex Ru-  
dolphus ægritudinem mortalem incidit, per quam non diu postea con-  
sumptus fuit. Unde sentiens ægritudinem augeri quotidie, & crescere,  
navigio cum sua familia descendit ad Spiram, ubi Regum fuit sepultura  
communis. Morbo autem ingravescente, cùm se jam intelligeret mori-  
turum, testamentum cum bono rationis usu condidit, præmunitusque  
Sacramentis ex more Dominicis, xxii. die mensis Julij, hoc est, in solem-  
nitate S. Mariæ Magdalenaë moritur, & in Choro Regum majoris Ecclesiæ  
Spirensis cum honore sepelitur. Post cujus mortem Regnum vacavit  
anno quasi uno,

Nicolaus  
Papa mori-  
tur & vacat  
Sedes annis  
2.

Eodem anno mense Decembri, mortuus est etiam Papa Nicolaus  
ejus nominis iv. de Ordine FF. Minorum, cujus Corpus Romæ in Ecclesia  
S. Mariæ Majoris cum debita fuit religionis observantia sepultum.

Quo mortuo Cardinales per biennium dissentientes in electione con-  
cordare non potuerunt. Et propterea Sedes Apostolica vacavit annis  
duobus, mensibus tribus, diebusque decem & octo. Insuper, quod ra-  
rum extitit, uno eodémque tempore & Apostolica Sedes Romæ, &  
Regnum Theutonicorum cum Imperio vacavit.

Responsio  
ejus, cur  
non profi-  
cisceretur  
in Italiam.

Rudolphus autem Rex sempiternâ memoriâ dignus, annis decem &  
octo sine Imperij corona regnavit, multa laudabiliter gessit, purgavit  
Regnum prædonibus, & qualibet incursione latronum, ad Imperij sub-  
jectionem rebelles compulit, pacem per totum Francorum Orientalium  
imperium reformavit: Hæredibus suis copiosè providit, quibus Austriam,  
Carinthiam, Stiriam, Carniolam, Portum Naonis, & magnam partem  
Sueviæ cum alijs terris multis comparavit. In Regno Germanorum  
optimè præfuit, sed de Italia parum curavit. Unde quotiens interro-  
garetur à suis, quare pro corona Imperij suscipienda non peteret Italiam,  
respondere cum Æsopo fabulatore solebat: *Cùm olim bruta animalia di-  
versi generis invitarentur à Leone in speluncam, ubi senio gravatus jacebat esu-  
riens, nec valens præ corporis debilitate quoquam ire venatum, venerunt successivè  
plura quidem, quæ ubi caveam intrassent, mox à leone capta & dilacerata,  
ventrem ejus implebant. Vulpes autem veniens ad os spelunca introspexit quidem,  
sed introire contempsit. Quam leo sentiens adesse, fraude plenus inclamavit:  
Cur non ingrederis ad me visitandum vicina mea dulcissima? Respondit illa:  
Quoniam, inquiens, ingredientium vestigia cerno plurimorum, sed nullum è ca-  
vernâ redire tua considero. His dictis præpeti cursu vulpes retrocessit. Ita legimus,  
inquit Rudolphus, Regum Theutonicorum plures pro corona Imperij, vel qui-  
buslibet alijs regni negotijs profectos in Italiam, sed redisse absque detrimento sui*  
*paucos*

*paucos invenimus. Italia enim savi leonis est caverna, & substantiam Germanorum semper auxiè querit, & sanguinem sivit. Quem Germanorum Principum non vel extinxit, vel exhausti Italia si potuit, aut persecuta non fuit illusi que si vincere nequivit vadat in Italiam, qui & se & sua odit, nos isthic nostra curabimus.*

Italia spelunca Leonis aurum Germaniam sitiens.

MCCXCII.

Crafftionis Hirsaugiani Abbatis tertio decimo, Indictione Romanorum quintâ, hyems fuit asperrima, & nimis diuturna, ratione cujus defecerunt jumentis pabula, & magna pauperes egenosque pressit inopia. Vineta etiam in multis locis præ nimio frigore læsa parum fructificârunt.

Hyems dura.

Eodem anno Gerhardus Archiepiscopus Moguntinus provinciale Concilium cum Suffraganeis suis Episcopis celebravit in Ecclesia Sanctorum Petri & Alexandri Pontificum in oppido Aschaffenburg juxta littus Mogoni fluminis. In qua comparuerunt Manegoldus Episcopus Herbipolensis, Fridericus Episcopus Spirensis, Simon Episcopus Wormatiensis, Episcopus quoque Augustensis, Episcopus Eichstattenensis, Episcopus Hildesheimensis: reliqui verò Moguntinæ provinciæ Episcopi Constantiensis, Curienensis, Argentinenensis, Halberstattenensis, Padelbronnensis, & Verdensis oratores suos atque Vicarios, ut moris est, cum potestate mandata sufficiente miserunt.

Concilium celebratur provinciale in Aschaffenburg.

Comparuerunt & Abbates nostri Ordinis in eodem Concilio plures: quorum cœnobiorum nomina conscripta invenimus ita: Abbas Hirsfeldensis, Abbas sancti Albani prope Moguntiam, Abbas sancti Jacobi ibidem, Abbas in Selgenstat, Abbas sancti Petri de Erfurt, Abbas in Homburg, Abbas de fonte Reinhardi, Abbas de Salveldt, Abbas de Blidenstatt, & alij plures tam nostri Ordinis, quàm aliorum, quorum nomina non tenemus. Multa in eo Concilio statuta sunt, quæ litteris commendata servabantur.

Abbates in eodem Concilio presentes.

Soluta tandem concilio, dum unusquisque ad sua regreditur, Fridericus Ecclesiæ Spirensis Episcopus in itinere juxta Mogonum apud villam Kesterspach nuncupatam, à Gerardo filio Eberhardi Comitis de Kazenelenbogen captus est: & ad Castellum quoddam munitissimum deductus, custodiæ mancipatur. Causam verò captivitatis hujuscemodi non invenimus. Verùm non diu postea compositione inter eos factâ Episcopus liberè abire permittitur.

Anno prænotato circa initium mensis Maij, hoc est, ad festum Sanctorum Philippi & Jacobi convenerunt principes Imperij Electores in oppido Franckenfurt pro novi Regis electione, cum jam Regnum in mensem decimum vacasset. Post plura consilia inter se habita variósque tractatus, tandem cœmuni decreto Adolphum Comitem de Nassau in Regem elegerunt, virum strenuum, & imperio ab antea semper fidelem, quippe qui filios suos & proximos in nullo de rebus imperij ditare voluit: sed omnia regno integra conservavit. Electus autem à Principibus ad Aquisgranum perducitur, & secundum morem antiquum in Regem Theutonicorum cum solemnitate maxima coronatur. Sex annis tantum regnavit, & ad Imperij coronam non pervenit. Tandem per Principes ad Moguntiam convenientes fuit à regno depositus, & postremo sicut dicemus in bello occisus.

Conventus Principum in Franckenfurt.

Adolphus fit Rex, qui fuit Comes in Nassau.

H

Corona



Adolphus,  
Rex Coronatus à cunctis suscipitur.

Coronatus autem Rex apud Aquisgranum ad Coloniam revertitur, & civibus ex more in ejus verba jurantibus, ut verus Theutonici Regni Monarcha salutatur. Inde progrediens fidem dedit & accepit per quæque Regni oppida, & fecit omnia, quæ fieri per novos Reges fuerant à consuetudine introducta. De Colonia per fluenta Rheni ascendit ad Moguntiam, lustratisque per circuitum oppidis & Urbibus Imperij cunctis, tandem pervenit ad Argentinam. In omnibus locis ut Rex verus Theutonicorum suscipitur, & à cunctis futurus Imperator salutatur.

Adolphus  
Rex obsedit & cepit Colmaria.

Comites autem nonnulli per Sueviam & Alsatiam conspiratione factâ nobiles quosdam & Oppidulorum Cives sibi contra Regem Adolphum conciliaverunt socios, quorum auxilio rebellionem parabant. Quo circa Rex Adolphus Colmariam Alsatia vicum obsidione cingens potenter expugnavit & cepit, oppidanosque jurare in suam fidem coegit ac prævaluit. Cujus quidem oppidi Capitaneum (vel ut ab incolis dicebatur) Advocatum Rex Adolphus in curru ligatum secum abduxit captivum, Baronem quoque unum de Rappolstein capiens non prius dimisit, quam filios suos pro se obsides dedit.

Misnensium  
terra Imperij est.

Idem Rex Adolphus totum Principatum Misnensem pro magna pecuniarum summa coemans incorporavit Imperio, quem cum filiorum suorum alicui dare potuisset, quemadmodum Rudolphus fecerat cum Ducatu Austria, nequaquam voluit, sed eum Imperio cunctis regni sui diebus reservavit.

#### MCCXCIII.

Anno Craſſtonis Hirsaugienſis Abbatis Reverendiſſimi quarto decimo inchoato, qui & ultimus fuit, Indictione Romanorum sextâ in fine mensis Januarij, Adolphus Rex Conventum Principum celebravit in Moguntia. In quo multa pro comuni utilitate Regni constituit, & pacem inter discordantes reformavit. Et quoniam erant nonnulli Comites & Nobiles Regni, qui rebellionem meditabantur contra eum, statuit in illos copias movere exercitus, & contumaciam armis humiliare superbam. Ad proximum igitur vernale tempus conveniendi terminum Principibus statuit, & ut parati ad festum S. Mart. Georgij essent, mandavit.

Adolphus  
Rex feliciter capit, male finivit.

Rex iste Adolphus in principio promotionis suæ ad Regnum cunctis in rebus atque negotijs & metuendus fuit hostibus, & omnium judicio fortunatissimus, atque feliciter regnare cepit. Verum non diu postea vultus mutavit fortuna serenos, & eum quem sublimaverat, repente deseruit, suamque in eo cecitatem improbe ostendit. Nam confestim omnibus cepit fieri odiosus, maxime Principibus Imperij, à quibus Rex antea fuerat designatus. Hujus odij causam ipse non ultimam in eo præstitit, quod Regi Anglorum promissam fidem contra Gallos maximâ pecuniarum summâ prius ab eo receptâ non servavit. Quod quo sit modo gestum, suo inferius ordine dicemus. Unde paulatim deficiens tandem à Principibus deseritur, & Regnum Duci Austria Alberto condonatur.

Craſſtho  
hujus Monasterij  
Abbas  
XXVIII. ob-


Eodem anno Dominus Craſſtho hujus Monasterij Hirsaugienſis octavus & vicesimus Abbas, jam senio gravatus, & multis laboribus exhaustus, post febrium quartanarum longam decoctionem quartâ die mensis Februarij moritur, & cum Antecessoribus suis in majori Ecclesia sepelitur,

anno



anno Regiminis sui tertio decimo jam completo, simul adjunctis viginti diebus. Vir quidem in sua generatione bonus & diligens in ministerio, sed priscis hujus Cœnobij Patribus tam Zelo regularis disciplinæ, quàm observantiâ inferior.

**De Godfrido hujus Monasterij Hirsaugiensis**  
Abbate XXIX. qui præfuit annis VII. mense uno,  
diebus XXIV. & Gestis varijs.

 Nno Dominicæ Nativitatis MCCXCIII. Indictione Romanorum sextâ. die mensis Februarij decimâ, convenerunt Fratres hujus Monasterij Pastoris regimine destituti ad locum capitularem pro novi electione Abbatis. Qui præmissis ex more ad Deum precibus, consilijs quoque & tractatibus pro negotio tunc necessarijs & opportunis, tandem unanimi consensu Godfridum Monachum venerabilem, qui Custodis eo tempore curabat officium, in Abbatem super se constituerunt.

Godfridus  
fit Abbas  
XXIX.

Qui confirmatus à Friderico de Bollandia Ecclesiæ Neometensis Episcopo. & juxta consuetudinem antiquam solemniter benedictus, præfuit annis VII. mense uno, diebus verò quatuor & viginti. Vir quidem bonus in se, & nulli sine rationabili cauta molestus, qui temporalium rerum reparator & pro viribus confector diligentissimus extitit, quamvis non omnia, quæ prius fuerant alienata, reparârit.

Patriâ Suevus erat, de honesta familia natus, quem cura parentum Cœnobio tradidit, cum esset adhuc invenis, provisionem magis intendens corporalem, quàm animæ salutem. Veteris etenim constitutionis à Sanctissimo Abbate Wilhelmo editæ, ac per Sedem Apostolicam approbatæ, quâ omnino cavebatur, ne quis ante vicessimum ætatis annum in hoc sacro Cœnobio susciperetur ad Monachatum, subintraverat oblivio; quoniam tepescente paulatim regularis observantiæ studio, transivit in abusum etiam hæc laudabilis institutio. Non est puerorum Regularis observantiæ integritatem posse custodire, quæ res & moribus, & ætate requirit perfectos. Godfridus igitur ad Monasterium puer susceptus, ad exemplum eorum, quos reperit, instituitur, & moribus cum ætate proficiens tandem Sacerdos ordinatur. Non diu post Subcantoris ei ministerium committitur, in quo multis annis Domino fideliter servivit. Magnæ literaturæ non extitit, non tamen penitus Idiota vel indoctus fuit. Mediocriter potuit scripturas intelligere, & in his, quæ suum concernebant officium, competenter se juvare. Nam illo tempore ordo noster tam in eruditione scripturarum, quàm in sanctimonia vitæ meritorum nimium defecerat: in quo Monachus vel sanctus vel eruditus rarus occurrebat. Quæ quidem calamitas Ordinem sanctum pene totum operuit: à qua deformitate nunquam postea totus surrexit. Verùm ut in semita capti permaneamus propositi, oportet nos querelas intermittere communes.

Godfridus  
fit Monachus.

Godfridus ergo Monachus posteaquam Succentoris officium multis annis strenuè impleverat, Custos tandem Ecclesiæ principalis constituitur, & suorum jussione Abbatum sæpius etiam in rebus externis arduis

ad consilium seniorum convocatur, fuit enim prudentiâ singulari præditus: qui si fuisset tempore prisco, quando Monasticæ disciplinæ in hoc Monasterio vigeat integritas, homo certè magnæ Religionis præ cæteris evasisset. Ex Custode tandem vasorum Ecclesiæ materialium factus est sicut diximus Custos & Rector immortalium animarum.

Godfridi  
Abbatidis di-  
spositio  
corporis.

Quantum ad corporis dispositionem pertinet, homo erat staturâ magnus & satis longâ, plus ad pinguedinem tendens, quàm in contrarium: persona elegans & majestate quadam naturali reverendus; ut etiam ipsa in eo natura diligens operatrix nihil videretur omisisse eorum, quæ virum cæteris præficiendum vel ornare possunt, vel perficere. Caput pro magnitudine corporis habebat pulchrè dispositum, nigris capillis decenter ornatum, ab anteriore parte aliquantis per calvum. Barbam & multam in eo natura produxit, & canitie venerandâ respersam. Incessu gravis & lentuserat, ut etiam inter eundem quandam præ se ferret maturitatem. Vox illi virilis erat & sonora, & quæ maximè ornabat perorantem: cujus eloquium omne præmeditatum esse à nescientibus videretur propter dicendi proprietatem.

Godfridi  
Abbatidis di-  
spositio  
animi.

Consilio fuit promptus, & ad quæque difficilia sufficiens, ita ut in rebus arduis nemo facilius illo & citius consuluerit unquam. Contulerat ei natura ingenium docile, profundum, subtile & promptum, quo tam acutè plerumque uti consuevit, ut scire cogitationes Fratrum suorum crederetur. In agendis negotijs temporalibus magnâ utebatur providentiâ, & jurisdictiones Monasterij sui non permisit in aliquo violari. Collapsam tamen Regularis disciplinæ observantiam reformare non potuit, qui moribus inventis rectè se vivere putavit. Conversatione suâ publicâ præseferbat honestatem, sed quantum ad internæ puritatis integritatem pertinet, sicut nemo scit cogitationes hominum, ita judicare conscientiam, te latentem, alienam temerarium est, & nimis periculosum. De manifestis ergo loquimur, quoniam Godfridus Abbas quidem in sua generatione fuit bonus, veruntamen peculium Monachis non abstulit: sed eum vivendi modum quem reperit, quamvis Regulæ contrarium, permisit.

Wormatia  
crematur  
ignibus.

Anno Dominicæ Nativitatis prænotato nonagesimo tertio supra ducentessimum atque millesimum, qui fuit primus Godfridi Abbatidis hujus Monasterij Hirsaugiensis, Urbs Wormatiensis igne casuali nocturno tempore incensa magna ex parte cremata fuit, & multa civibus incommoda provenerunt.

Adolphus  
Rex in Mis-  
nenses ducit exerci-  
tum.

Eodem quoque anno Rex Adolphus contractis undique copijs ingentem contra Misnenses duxit exercitum, quorum Princeps, quem Marchionem vocabant, Romano diu rebellis Imperio extiterat. Rex verò Adolphus Marchionatum ipsum potenter ingressus, Marchionem superavit, & procul extra patriam proscripsit. Magnam deinde aurum summam ex pia consideratione legitimis donavit hæredibus, comparatūque pecuniâ simul & armis principatum illum Romano imperio totaliter subjecit & ipsum pacificè possedit deinceps, quam diu regnum obtinuit.

Anno prænotato inter duos Reges Anglorum scilicet & Gallorum diuturnum illud bellum, & utrique parti longè perniciosissimum pro quibusdam

busdam Regni terminis sumpsit initium, cujus occasione successu temporis multa hominum millia perierunt. Quæ quidem Regum dissensio tunc incepta, pluribus annis durans, ac multis plerunque bellis agitata nec hodie finem accepit.

His temporibus Albertus ex Comite de Habsburg Dux Austriæ Rudolphi quondam Regis natus major filius, Regi Adolpho maximè contrarius extitit, & æmulos contra illum plurimos excitavit. Cujus rebellionis causa principalis cæca fuit ambitio, quâ alter alteri non parum invadebat pro regno. Mortuo siquidem Rege Rudolpho Albertus ejus filius ad se regnum pertinere totis viribus contendebat, asserens non alienum quempiam ad regnum vocandum, quamdiu idoneus inveniri posset de regali prosapia ad regnandum. Verùm Principes hanc ejus contentionem libertati electionis scientes esse contrariam, Adolphum Comitem de Nassaugia sicut diximus in Regem unanimiter elegerunt.

Albertus  
Dux Au-  
striæ Regi  
Adolpho  
contrarius.

Hinc motus in iram Albertus, quoniam à Principibus se putabat contemptum, Regi Adolpho cunctis diebus adversabatur, donec desertum à Principibus tandem in campo Wormatiensi occidit. Inter alios verò, qui cum Duce Alberto contra Adolphum conspiraverant Regem, non ultimus fuit Eberhardus Comes de Wirtemberg, homo bellicosus, fortis, audax & quietis impatiens, qui semper vixit in armis, & multa cum vicinis prælia gessit. Nulli regum suo tempore imperantium voluntate spontaneâ unquam fuit subiectus, sed cum singulis contentiones habuit, & cunctis semper fuit infestus: Rudolpho imprimis, ut supra diximus, rebellis fuit atque contrarius, & in eum cum quindecim comitibus conspiravit. Deinde Duci Alberto contra Regem Adolphum usque ad mortem pertinacissimè adhæsit. Quo tandem occiso non minus Alberto Regi extitit contrarius, quàm reliquos ante illum fuerat persecutus.

Eberhardus  
Comes de  
Wirtem-  
berg.

Anno item prænotato Rex Adolphus in oppido imperiali Eslingen apud Suevos conventum Principum habuit: ad quem omnes Sueviæ Comites, Barones, ac nobiles convocavit, qui mandatis Regalibus obtemperantes ire curabant, solus Comes Eberhardus de Wirtemberg venire contempsit. Regina tamen, quæ interea morabatur in castro Achalm in monte propè Rütlingen, invitata per Comitissam de Wirtemberg uxorem Eberhardi Comitis ad Sturgardiam venit, & baptismo filiæ illius interfuit.

Conventus  
Principum  
in Eslingen.

Anno etiam prænotato in die Apostolorum Petri & Pauli moritur Henricus de Gandavo Canonicus & Archidiaconus Ecclesiæ Tornacensis, ibidem in Templo Beatæ semper Virginis Mariæ sepultus, Doctor Parisiensis omnium sui temporis facilè doctissimus: qui inter multa ingenij sui opuscula scripsit opus insigne, quod Summam Theologiæ prænotavit. Super sententias quoque libros quatuor. Quodlibetorum etiam lib. II. De sancta Virginitate lib. I. De Poenitentia salutari lib. I. Sermones quoque multos & varios composuit. Et plures in Aristotelis volumina commentarios scripsit elegantes.

Henricus  
de Ganda-  
vo Doctor  
Parisien-  
sis obiit.

Item anno præscripto sextâdecimâ die mensis Novembris obiit Simon de Schöneck Episcopus Wormatiensis, & in Monasterio Schönaugiensi Cisterciensis Ordinis in sua Diocesi sepelitur. Post quem Canonici majoris Ecclesiæ Gerardum filium Comitis Hirsuti vulgari vocabulo Rug-

Gerardus  
fit Episc.  
Worma-  
tien-  
sis.



graſſ in Antiftitem unanimiter elegerunt. Sed quia vacavit Sedes Apoſtolica, & illo in tempore non habebat Pontificem, electus iſte mortuus fuit ante confirmationem.

## MCCXCIV.

Cœleſtinus  
fit Papa V.  
ex Eremita.

Anno Godfridi Abbatis Hirſaugienſis ſecundo, Indiſtione Romanorum ſeptimâ, poſt longam & diuturnam Papatûs vacationem in hoc tandem convenère Cardinales, ut quia nullus alteri Pontificatum favebat, nullum de Collegio vel cætu ſuo hâc vice, ſed extraneum aliquem in Papam eligerent. Quæ res cùm placeret omnibus, elegerunt Petrum de Murrone Eremitam, cujus fama ſanctitatis totam tunc reſperſerat Italiam, qui ſtatim de Eremo per ſolennes nuntios evocatus Pontificatum aſſumpſit invitus. Electus verò Aquilam proſectus eſt, & convocatis ad ſe Cardinalibus cum maxima ibidem ſolemnitate coronatur, cujus ordinationi ducenta millia hominum interfuiſſe referuntur. Qui Cœleſtinus ejus nominis quintus nuncupatus præfuit menſibus v. & die unâ, vir quidem litterarum ignarus, ſed vitæ merito & prærogativâ ſanctitatis nulli ſuo tempore ſecundus.

Eberhardus  
fit Epiſcopus  
Wormatiensis.

Eodem anno mortuus eſt Gerhardus Comes Hirſutus electus Epiſcopus Wormatiensis, priuſquam Confirmationem ſuam à Rom. Pontifice impetrare potuerit, ſicut antehac diximus. Quo nimis citò vitâ defuncto Electus in Pontificem memoratæ Eccleſiæ fuit Eberhardus de Stralenberg, & præfuit menſibus decem.

Adolphus  
Rex Angliæ  
promittit  
auxilium  
contra Gallos.

His temporibus inter Philippum Regem Gallorum, & dictum Regem Anglorum Eduardum concepta prius diſſenſio plura mala protulit, & eos in prælium atrox nimium concitavit. Multa ſibi invicem damna & mala intulerunt, incendio, prædâ, ferro & nece plurimorum, injurias ſuas totis viribus mutuò vindicantes. Nec diu poſteâ cùm Rex Anglorum Gallum viribus metueret fortioſiorem, Adolphum Regem Theutonicorum tam contra Flandriæ Comitem, quàm adverſus Regem Galliæ in auxilium vocavit. Cui Rex Adolphus voluntarium promittit auxilium, ita tamen, ſi pecuniam prius mitteret ſufficientem ad conducendum exercitum. Rex ergo memoratus Anglorum, quem bellandi neceſſitas magna urgebat, ſine cunctatione aliqua centum millia marcarum argenti miſit Adolpho Regi ad Coloniam, rogans ut promiſſum auxiliatorum exercitum ad ſtatutum diem deſtinaret in Flandriam. Nam ſic ambo Reges inter ſe apud Coloniam prius concluſerant, quòd Eduardus Rex Angliæ memoratum pondus argenti mitteret ad manus Regis Adolphi, quanto citius poſſet; Rex verò Adolphus Principes Imperij cum eadem pecunia conduceret, & Angliſ contra Gallos & Flandrenſes in auxilium deſtinaret. Rex Angliæ promiſit pecuniam, Adolphus Rex aſſiſtentiam, Principes quoque ſubventionem ſalvo ſtipendio promiſſo. Rex verò Adolphus poſteaquam in cõmuni diſtribuendam principibus pecuniam accepiſſet, centum millia videlicet marcarum argenti, totum pndus illud æris ſibi retinuit, & nihil omnino Principibus dedit: propterea eos ad maximam contra ſe indignationem provocavit. Unde cùm dies jam inſtaret congregandi exercitum, nullus Principum Regi curavit occurrere, propterea quòd pecuniam eis promiſſam ſingulis juxta condictum minimè tranſmiſiſſet. Unde nimium confuſus Rex Adolphus cùm pecu-

pecuniam eâ conditione accepisset memoratam, ut Principes conduceret cum ea contra Comitem Flandriæ ad pugnandum, & eam sibi retinisset totam, exercitum congregare non potuit, nec in auxilium Anglorum venit; solus enim cum paucis, quos secum habebat, militibus proficisci erubuit, & comæatum Principum propter suam avaritiam & infidelitatem minimè impetravit. Hæc ejus infidelitas magnum Regi Anglorum periculum & incommodum attulit, & Imperio non parum contemptus & scandali fomitem dedit. Et magnum reverà scandalum, & maximè fuit ipsi Regi Adolpho, tam ingentem summam accepisse pecuniarum, & auxilium non attulisse promissum. Ex eo tempore Principes à Regis obedientia cæperunt deficere, & cum de die in diem amplius contemptui habere, causam habentes duplicem; alteram quòd auxilium Regi Anglorum promissum sub jurejurando non præstitit; alteram verò, quòd tam notabile pondus argenti Principibus distribuendum sibi ex avaritia soli reservavit. Crevit exinde paulatim contra illum indignatio Principum, quouique tandem vitam amisit & Regnum.

Rex Adol-  
phus fidem  
Regi An-  
glorū non  
servavit.

Principes  
Imperij à  
Rege Adol-  
pho desce-  
runt.

Anno prænotato Cœlestinus Papa V. vir sanctissimæ conversationis cum ob causas multiplices Ecclesiæ, tum propter animi simplicitatem, factâ prius constitutione, quòd Papa renuntiare posset summæ dignitati, ad consilium Benedicti Cajetani Cardinalis, qui maximè ad Pontificatum videbatur anhelare. Papatum spontaneâ voluntate in manus Cardinalium resignavit. Qui cum postea ad Eremum redire, unde venerat, dispo-  
neret, à Bonifacio VIII. Successore suo captus est, & usque ad mortem in custodia firmissima detentus, coactus non diu, ut ferunt, postea mori, statim infinitis miraculis coruscavit. Quem Clemens V. sub nomine Petri postea canonizavit.

Cœlestinus  
Papa Papa-  
tum resig-  
navit.

Hic sanctissimus vir ante Papatum vitam in Eremito ducens religio-  
sissimam, pluribus annis cum ordinem Monachorum, quem Cœlestino-  
rum vocant, sub Regula S. P. N. Benedicti omnipotenti Domino mili-  
tantem primus instituit, & plura ejusdem sanctæ Religionis Monasteria  
per Eremum fundavit.

Ordinis  
Cœlestino-  
rum institū.

Eodem igitur anno tertiâ decimâ die mensis Decemb. hoc est, in fe-  
stivitate S. Lucie, Benedictus Cardinalis apud Neapolim in Papam  
assumitur, & Bonifacius VIII. nuncupatur, qui præfuit annis octo, mensi-  
bus novem diebus xvii. vir in utroque jure doctissimus, cujus gesta copio-  
sius scripta habentur.

Bonifacius  
sic Papa  
VIII.

### MCCCXCV.

Anno Godfridi Abbatis tertio, mortuus est Eberhardus de Stralen-  
berg Episcopus Wormatiensis, decimo Pontificatus sui mense vixdum  
completo. Cui successit in Episcopatu electione Fratrum Emicho de  
Badenberg majoris Ecclesiæ Præpositus anno præterito in crastino S. Tho-  
mæ electus, sed anno prænotato consecratus, & præfuit annis quatuor.  
Iste venerabilis vir cum adhuc esset memoratæ Ecclesiæ Vangionum Præ-  
positus, Capellam in Suburbano Civitatis novam construxit in honorem  
Beatæ Mariæ semper Virginis, in qua præbendas Canonicales 12. in-  
stituit, quas totidem Sacerdotibus, qui Domino servirent altissimo, con-  
cessit. Deinde Pontifex ordinatus opus bonum, quod intentione sanctâ  
cepit, abundantiore studio pietatis consummavit. Nam & proventus  
ejusdem

Emicho sic  
Episcopus  
Worma-  
tiensis.

Ecclesia B.  
Virg. fun-  
datur Wor-  
matia.



eiusdem Ecclesiæ haud mediocriter auxit, & numerum personarum Domino servientium ampliavit. Sciendum verò, quòd priusquam Ecclesia memorata sumpsisset initium, erat in eodem loco posita Imago B. Virginis Mariæ, ad quam plura divinitus fiebant miracula, quibus provocatus Dei populus locum solemni concursu quotidianisque honorabat obsequiis. Crevit cum tempore fidelis devotio populi, & jam etiam de remotioribus provinciæ locis ad Wormatiam sollemnis fiebat concursus orantium, & pia vota deferentium Christianorum. Alios (ut in simili-bus fieri solet) sinceræ mentis devotio, alios ad concursum induxit curiosa signorum admiratio. Duravit concursus iste pluribus annis, miraculis quoque roboratus creberrimis insignem construxit Ecclesiam.

Albertus  
Dux Au-  
striæ Regi  
Adolpho  
contrarius.

Anno prænotato Albertus Dux Austriæ Rudolphi quondam Regis Romanorum filius contra Regem Adolphum manifestam rebellionem, exercuit, & quoscunque potuit Duces, Comites, Principes, Episcopos, Nobiles & Urbanos ab ejus fide revocavit. Quem Adolphus Rex consulentibus amicis à Ducatu deponere voluit, sed metuens furorem Principum cum eo sentientium, dissimulare coactus fuit. Nam multi cum Alberto jam sentientes, contra Regem conspiraverant apertè, quorum fortitudini cum nullâ posset ratione resistere, non audebat eos contra se quavis occasione in bellum provocare.

Archiepisc.  
Coloniens.  
liberatur  
de captivi-  
tate.

Anno etiam prænotato, posteaquam Siffridus Archiepiscopus Coloniensis in annum jam septimum captivus à Comite Montensi Adolpho detentus, quemadmodum superius diximus anno Craffthonis Abbatibus nono, liberari aliter non posset, quàm ad voluntatem ipsius detinentis, postulatam dedit pecuniam, & liberationis amore coactus est facere omnia, quæ Comes ille sacrilegus voluisset, non sine gravissimo Ecclesiæ suæ dispendio. Conditionibus à Comite propositis, cum satisfacisset Archiepiscopus per omnia, tandem de custodia solvitur, & redire ad Ecclesiam suam liber permissus est. Sed memor injuriarum, quemadmodum illatam sibi contumeliam posset vindicare, anxius cogitat, & varios modos, omnésque vias, si Comitem posset capere, sedulo explorat. Postremò non diu post sui dimissionem, arte usus & industriâ, sicut optaverat, ipsum Comitem Adolphum cepit, & in carcerem horrendum conjecit, in quo & usque ad mortem in afflictione mentis & corporis maxima sedere compulsus est. Cui miserabiliter vinculato memoratus Archiepiscopus impropere, quod ab eo sustinuerat ipse, pluries dixit: *Disce nunc, quoniam ego te docebo, quemadmodum Archiepiscopum debeas tenere captivum.* Verùm dum Comes omnia se Archiepiscopo illico ad integrum promitteret restitutum, quæcunque ab eo extorsisset, imò & alia multa polliceretur superadditum de proprio, ille respondit: *S. Petrus, cujus me servum non solum captivum detinere tanto tempore non timuisti, sed etiam indignè tractare non erubuisti, sine his, quæ tu polliceris, suos potest enutrire ministros, idcirco tuas pollicitationes tanti facio, quanti honorem Archiepiscopi Coloniensis tu, antehac apud te detenti, injustè fecisti. Unde si totam aurum Arabiæ mihi dare posses, nihil tibi proficeret: quoniam non quero tua, sed te: nec pecuniam à te habere desidero: sed justitiam in te, quam meruisti, justè exercere volo. Tu pecuniam S. Petri contra justitiam servisti, cupitam quoque per violentiam extorsisti: & per hoc in Deum & sanctos ejus graviter peccasti.*

Comes  
Montensis  
Adolphus  
capitur ab  
Archiepisc.  
Coloniens.

Ego



*Ego Dei minister & Servus Beatissimi Apostolorum Principis Petri pecunias tuas non cupio, sed injurias Domini ac Patroni mei vindicabo. Captum te ut Sacrilegum & impium Ecclesia Dei hostem usque ad mortem hac vincula indubitanter amodo continebunt.* Quod ore dixit, opere complevit. Nullâ etenim ratione induci potuit, ut captivitatem ejus unquam relaxâset, sed manere usque ad mortem Comes infelix vincularum compulsus est.

Adolphus Comes Montensis obiit in carcere.

Eodem anno Joannes Dux Brabantiae, qui Ducatum Limburgensem sicuti anno Craffthonis nono diximus, Comiti Reinhardo de Geldria præripuit, & captivitatis memoratæ tam Archiepiscopi Colonienfis, quàm Comitum de Monte principalis causa fuit, volens agilitatem suam in armis ostendere, in quodam Hastiludio lanceâ secum congregientis transfixus miserabili morte interijt.

Joannes Dux Brabantiae in Hastiludio occiditur.

Claruit his temporibus Nicolaus de Bibera patriâ Francus Orientalis, vir tam in divinis scripturis, quàm in secularibus studiosus & eruditus: ingenio promptus & clarus eloquio, nec minus in carmine exercitatus, quàm prosa: qui suâ eruditione & scriptis Erpfurdianum insigne Gymnasium mirificè illustravit. Scripsit gemino Stylo quoddam opusculum, quod de malo cavendo sive occultum prænotavit, lib. unum. Epistolarum quoque familiarium ad diversos lib. i. Diversorum Carminum & Epigrammatum lib. i. Alia etiam nonnulla scripsisse dicitur, quibus nomen suum posteritati commendavit, quæ ad manus nostras non venerunt.

Nicolaus de Bibera Francus Doctor in Erpsfurt.

Conradus etiam Saxo dictus de Media civitate vulgariter de Halberstat Ordinis Fratrum Prædicatorum, vir undecunque doctissimus, hæc ipsa tempora eruditione simul & lucubrationibus suis plurimum illustravit. Qui cum esset in Divinis scripturis egregiè doctus, scripsit super sententias libb. iv. Volumen quoque insigne, quod summam Studentium, prænotavit libb. iii. De Trivio lib. i. Commentarium in lib. S. Job, opus notabile composuit: quod legendo suis discipulis publicè recitavit. Sermones quoque tam de Tempore, quàm de sanctis libb. ii. Concordantias Bibliæ novi & veteris testamenti, quas Repertorium haud improprie nuncupamus, ipse primus juxta ordinem Alphabeti excogitâsse dicitur, ad commodum non modicum quidem eorum, qui vel in Cathedra docent, vel in Ecclesia sermocinando prædicant. Post plures annos hoc ipsum Bibliæ Repertorium per multos viros eruditos fuit ampliatum, & maxime tempore Concilij Basileensis per Joannem de Ragusio, deinde per Gualterum Scotum, ac postremò per Joannem de Secubia sacre Theologiæ doctorem studiosissimum consummatum est, & in ea forma, quâ nunc impressum cernitur perfectum. In multos denique sacre Scripturæ libros idem Conradus elegantes commentarios scripsit: edidit simul & alia plura nobis ut ferunt incognita.

Conradus de Media Civitate Ordinis Prædicatorum.

Concordantiarum Bibliæ compositio.

MCCXCVI.

Anno Godfridi Abbatis quarto, Indiët. Romanorum nonâ, mortuus est Manegoldus Episcopus Herbipolensis Duxque Francorum Orientalium, vir bonus & prudens, amator Cleri & singularis fautor atque promotor Claustralium. Hic in primo anno Pontificatus sui gravissimas cum civibus dissensiones habuit, in tantum, quod Clerus omnis propterea de Civitate expulsus fuit. Postremò tamen Adolphus Rex vices suas amicè interposuit, & concordiam inter dissidentes reformavit, & ita Clerus in urbem redijt.

Manegoldus Episcopus Herbipol. obiit.

Andreas fit  
Episcopus  
Herbipol.

Huic in Præfulatu Peapolitano & Ducatu, Canonorum Electione successit Andreas de Gundelfingen, & præfuit annis ferme duobus atque viginti: vir strenuus & Jurium Ecclesiæ defensor acerrimus, qui & ipse aliquandiu stetit in dissensione cum civibus: qui tamen suâ prudentiâ & virtute superbiam eorum valde humiliavit.

Comes  
Hollandiæ  
filius Regis  
Wilhelmi  
occiditur.

Eodem anno Florentius Comes Hollandiæ filius Wilhelmi quondam Regis Romanorum à Frisonibus occisi, quemadmodum longè supradiximus anno Volboldi Abbatis duodecimo, homo nimium bellicosus, qui mortem Patris satis graviter & plus æquo de Frisonibus multo tempore vindicavit, anno ætatis suæ quadragesimo primo, tandem suorum traditione superatus ab ipsis Frisonibus inimicis suis occisus est in bello vicesimâ septimâ die mensis Junij.

Cui Joannes filius ejus in Regimine comitatûs Hollandiæ successit, vir & ipse bellicosus necessitate magis quàm voluntate compulsus, utpote, qui Elisabeth filiam Eduardi Regis Anglorum habebat uxorem, de qua tamen liberos non suscepit; unde ad bellandum duplici urgebatur causâ, altera quòd auxilium ferre Socero contra Gallos fuit necessarium: altera, quâ necem vindicare Genitoris videbatur honestum: sed annis non plene tribus supervixit.

Wilhelmus  
fit Episc.  
Trajectens.

Eodem quoque anno Bonifacius octavus Joannem Episcopum Trajectensis Ecclesiæ per Tyrannidem & occasione bellorum de sede sua pulsum, Tullensis Ecclesiæ Pontificem constituit: & per hæc ejus paci & tranquillitati maximè providit. Porro in ejus locum ad Ecclesiam Trajectensem Wilhelmum de Mechlinia in Romana curia eo tempore Auditorem causarum, ordinavit Episcopum: qui præfuit annis quinque in tribulationibus multis, & tandem in bello quodam crudeliter fuit occisus, ut suo loco inferius dicemus.

Causa bel-  
lorum in-  
ter Reges  
Galliæ &  
Angliæ.

Anno prænotato bellum inter Philippum Regem Galliæ, & Eduardum Regem Angliæ parabatur maximum, propter Guidonem Flandriæ Comitem, cujus talem posuere auctores occasionem. Guido Comes Flandriæ, & Bari, filiam suam filio Regis Anglorum desponsavit uxorem, quod Regi Gallorum nimis ferunt displicuisse. Unde paulisper dissimulatâ indignatione animi Comitem ipsum cum uxore & filia invitavit in Galliam, causam lætitiæ quandam simulans honestatis publicæ atque cõmunis. Cùm ergo Pater nihil suspicatus mali cum uxore & filia venisset ad Regem Philippum, ille metuens, ne tali connubio Flandria quolibet casu in deditionem veniret Anglorum, totis impedire viribus negotium satagebat. Unde quàm primùm filia Comitis applicuit Parisiensem ad urbem, quò eam præcesserant Genitores, fecit eam Rex detineri in carcere honesto, ne posset effugere, præcavere cupiens, ne inimico suo, hoc est, filio Regis Anglorum fieret uxor. Non diu post memorata puella in carcere moritur, veneno sublata, ut tunc palam ab omnibus dicebatur. Comitem quoque genitorem puellæ, Rex simili furiâ, sub leviori tamen custodia detineri fecerat: qui usus industriâ, citò evasit, & in sua reversus est. Audiens post hæc filiam in carcere mortuam, valde nimis doluit, & omnes amicos suos contra Gallum in vindictam concitavit, & in primis secum omnibus comitatûs sui hominibus Regi Gallorum inimicum exhibuit, & se contra illum totis viribus armavit.

Filia Comi-  
tis in Car-  
cere posita  
veneno in-  
gruit.

armavit. Rupertum primogenitum suum oppido Insulensi & omni circa regioni custodem & defensorem constituit, in Duaco Wilhelmum secundogenitum locavit, & Cortracum Joanni minori filio commisit. Ipse autem Comes remansit in custodiam Brugenfium, & Ducem Brabantiae nepotem suum designavit Capitaneum pro defensione Gandensium.

Rex autem Gallorum auditâ rebellione Flandrenfium, maximum suorum contraxit exercitum, & profectus est contra illos ad praelium. Veniensque cum magna bellatorum multitudine in Flandriam castra metatus est juxta oppidum Insulense, ubi Rupertus à Patre fuerat custos deputatus, habens secum Comitem quendam de Falkenberg, quem Adolphus Rex Theutonicorum cum multis alijs militibus in auxilium Comiti Flandrenfium jam prius transmiserat. Contra Gallos Rupertus cum suis exivit ad praelium, ignorans quod Rex Philippus tantam hominum multitudinem adduxisset. Confluctu tandem inito Comes Artensis, qui exercitibus Gallorum praeerat in multitudine gravi, pugnans victoriam obtinuit, & Flandrenses cum Theutonicis in fugam citius convertit, qui retrò fugientes unde venerant, sese in oppidum Insulis receperunt. Confestim Rex oppidum praecepit obsidione vallari, quod cum esset debile, & non satis munitum, citò sub conditione traditum fuit manibus Gallorum. Rupertus autem Comes, & qui cum ipso erant, salvis omnibus tam rebus quam personis abire juxta conditum permissi sunt. Rex autem Gallorum praesidio ad tutelam sufficienti locato in Insulis, exercitum ad reliqua oppida Flandriae capienda emittit. Qui ad imperium Regis velociter egressi Bettonam & plures alias Flandriae villas ceperunt nullo penitus resistente. Post hæc Gallorum exercitus hostiliter discurrens per terras Comitis Barenfis incendio cuncta devastavit. His factis Rex Philippus custodiam militum copiosam posuit in locis singulis, ubi neceffe videbatur, & postea in Galliam reversus est.

MCCXCVII.

Anno Godfridi Abbatis quinto, Rex Gallorum Philippus iterum in Flandrenses statuit movere exercitum: Rex verò Angliae Eduardus una cum Comitibus Flandriae & Barij in unam sententiam convenientes Adolphum Regem Theutonicum, sicut jam prius dictum est, in auxilium vocaverunt. Misit enim pecuniam superius memoratam Rex Eduardus Regi Adolpho centum millium marcarum argenti, rogans ut juxta conditum, quod juramento firmaverat, veniret cum exercitu magno Comiti Flandriae in auxilium contra Gallos. Rex quoque memoratus Angliae cum magno suorum exercitu se personaliter venturum promisit in Flandriam, Comiti adversum Gallos in auxilium. Rex tamen Adolphus non venit in Flandriam sicut promiserat, sive quia corruptus pecuniâ à Rege Gallorum fuerat, ut multi opinabantur, sive ut alij voluerunt, rem in melius exponentes, quia Dux Austriae Albertus per Gallos munere conductus illum aggressus est bello, & propterea necessitate praecipuus venire non potuit. Quam ob causam Eduardus Rex Angliae cernens se ab Adolpho deceptum, sive ex voluntate factum sit, sive ex necessitate, non determinamus, & quoniam aequis viribus Gallo congredi non posset, cum festinatione magna reversus est in Angliam, relinquens Comitem Flandriae malè provisum, & in multa necessitate malè positum. Dux

Rex Gallorum cum exercitu intrat Flandriam,

Comites Flandriae superantur à Gallis,

Adolphus Anglo & Flandrensis auxilia promittit, sed nullo eventum,



Pax inter  
Anglos &  
Gallos  
componi-  
turtandem.

autem Gallorum, quia hyems appropinquabat, & non erat aptum tempus ad prælium, & quia litteris jam fuerat certificatus, quòd Carolus Rex Apuliæ miſſus à Papa Bonifacio jam prope veniret in Galliam, facturus inter eum & Regem Angliæ concordiam & pacem, ſine bello re- verſus eſt in Galliam. Dimiſit tamen oppida jam prius acquiſita, & terras ſub bona cuſtodia militum, quibus & Capitaneos plures præpoſuit, per quos omnia muniri fortiter præcepit. Rex verò Carolus cùm veniſſet in Galliam, nomine Romani Pontificis, concordiam & pacem inter duos Reges prænominatos composuit, omnémque diſſenſionem, quæ fuit inter Gallos & Flandrenſes, penitus extinxit. Pro confirmatione autem pacis Rex junior Angliæ Sororem Philippi Regis Gallorum duxit uxorem, Bonifacio Papa diſpenſante cùm eis, cum lineâ conſanguinitatis jungerentur. Ex illo tempore auctoritas Regis Adolphi nimium apud omnes pene Principes ac nobiles caput vileſcere, & multi cum Alberto ſentientes ab ejus fide receſſerunt. Ipſe verò cùm ſe contemptui habitum intelligeret, omni manſuetudine regali depoſitâ in tyrannum crudeliſſimum permutatus eſt, & multas in Regno turbationes excitavit. Unde cùm paucis juſta conſervare curaret, multorum odia incurrit.

Præſecti  
Regis gra-  
viter op-  
preſſerunt  
Alſatiam.

Conſpira-  
tio in Regē  
plurimo-  
rum.

Anno ſiquidem prænotato Comitem de Geroldſeck & quendam alium Comitem, quos Præſectos Provinciales in Alſatia conſtituerat, qui Conrado de Liechtenberg Epifcopo Argentinenſi, ejus Eccleſiæ civibus & incolis terræ nimium moleſti, plures moleſtationes crebrius intulerunt. Qui contumelijs & injurijs graviter læſi, querelam contra dictos Comites Hermannum de Geroldſeck & alium ſæpius detulerunt ad Regem, poſtulantes inſtanter, ut eorum temeritatem Regali auctoritate compeſce- ret; ſed omnia fruſtra, quoniam Rex in tyrannidem converſus, aut eos audire contempſit, aut verbis mendacibus decepit. Unde poſtremò non valentes injurias ſibi quotidie illatas diutius æquanimiter tolerare, ſepo- tenter contra Regem Adolphum oppoſuerunt. In unum igitur conſen- tientes Conradus præſatus Epifcopus, cives Argentinenſes, cives de Ha- genavve, cives de Colmaria, Comites de Liechtenberg, Comites de Ochſenſtain, Comites de gemino Ponte, vulgariter de Zvveibucken nuncupati, Comites de Hohenloe, & alij multi præſules, Comites, Ba- rones, nobiles & cives, contra Regem Adolphum unanimiter conſpirâ- runt, & factâ cum Alberto conſœderatione firmiſſimâ, quidquid partes ſequebatur Regis in circuitu, pro viribus hoſtili animo perſecuti ſunt. Nam in petu factò, ſupradictos duos Comites Alſatiæ intruſos violenter præſectos, uſque adeò perſequentes afflixere, ut Alſatiâ dimiſſâ fugere ad Regem ſuum fuerint compulſi.

Frifones vi-  
ſi ſunt ab  
Hollandis.

Anno etiam prænotato Joannes Hollandiæ Comes Florentij Comi- tis, ut antehac dictum eſt, filius, congregato magno ſuorum exercitu Fri- ſiam hoſtili manu ingreditur, & vicesimâ ſeptimâ die menſis Martij con- ſictu cum Friſonibus habito, victoriâ potitur. Comiſſo etenim prælio juxta oppidum Alckmariam, campum victor obtinuit, & ex Friſonibus pluſquam quatuor hominum millia trucidavit.

MCCXCVIII.

Anno Godfridi Abbatis Hirſaugienſis ſexto, Indictione Romano- rum undecimâ, mortuus eſt Sifridus Colonienſis Archiepiſcopus, in Eccleſia



Ecclesia Bunnensi ut ferunt sepultus. Iste Archipræsul Sifridus contentiones cum suis civibus multas habuit, & toto Pontificatûs sui tempore sine adversarijs rarò fuit. Post cujus obitum Wigbaldus majoris Ecclesiæ Decanus in Archiepiscopum eligitur, qui confirmatus per Bonifacium Papam octavum, & ordinatus in Archiepiscopum Ecclesiæ memoratæ Colonienfis, præfuit annis quatuor. Hunc Wigbaldum, statim ut in Archiepiscopum fuerat sublimatus, quoniam vir erat prudens, magni consilij & multum expertus in actionibus mundi, Boemundus Trevirorum Archiepiscopus jam senio gravatus in Coadjutorem assumpsit, & uno tantum anno supervixit.

Wigbaldus  
fit Archie-  
piscopus  
Colonienf.

Eodem anno convenientes apud Moguntiam Principes Regni Theutonici Electores, post multa consilia & vario tractatus Adolphum ex Comitibus de Nassavv Regem, anno regni sui sexto jam ferme completo, unanimi voto ex pari consensu per sententiam, ab omni jure, quod eatenus ad Regnum habuerat & imperium, deposuerunt, privantes illum & titulo Regni, & dignitate per omnia; cujus rei occasione multæ per Regnum turbationes fuerunt subsequutæ, quibusdam hanc ejus abrogationem iustam confirmantibus, alijs verò contradicentibus. & cum Adolpho sentientibus. Causæ, propter quas à regno fuit depositus, istæ fuere potiores. Primam depositionis ejus causam Principes eo in tempore assignabant, quòd Imperio esset non solum inutilis, sed etiam infidelis, propterea quòd Imperij coronam sperneret, & Italiam, Lombardiam, & alias nationes sive Provincias Imperij non curaret, sed Regnum mancum & infirmum per suam negligentiam redderetur. Item pacem & concordiam in regno turbaret, quam maximè fovere debuisset, dissensiones ubique lites atque discordias, & quòd ejus instinctu bella sevirerent ubique in Regno per circuitum, per quod perisset jam publica fides atque justitia, ipso bonos deprimente violenter. Tertiam verò assignavere causam, quòd regnum nimis extenuaret dietis & expensis inutilibus, & propter suam avaritiam populum inconsuetis & importabilibus exactionibus gravaret, omnesque vires & nervos Imperij, nutriendo lites non in externos, malè consumeret. Quartam assumpsere causam, quòd Principes Regni per superbiam suam contemneret, nobiles sperneret, Clerum despiceret, omnia Regni negotia, & maximè ardua, non juxta consilia Principum, sed secundum proprii capitis judicium omnia disponderet, contemptoque Principum consilio, vilius consultationes hominum sequeretur. Quinta verò depositionis causa fuit non ultima, de qua jam supra fecimus mentionem, quòd videlicet pecuniam ab Eduardo Rege Anglorum accepit, magnum promisit auxilium atque juravit, sed fidem non servavit, pecuniam tamen retinuit. Sextam adduxere causam, quòd latrocinij impleisset Regnum, permitteretque prædones spoliare viatores, & opprimere pauperes, eorumque castella & latibula, quæ Rudolphus Rex destruxerat, ejus vel consensu, vel dissimulatione in perniciem reipublicæ jam ut plurimum essent restituta, & quotidie mala fierent graviora. His causis & quibusdam alijs quas brevitate intuitu pertransimus, Adolphus Rex per Gerardum Archiepiscopum Moguntinum, & alios Principes, qui ad hoc convocati apud Moguntiam convenerant, à regno per sententiam deponitur: & Albertus Dux Austriæ filius Rudolphi quondam regis

Adolphus  
Rex per  
Principes  
à Regno  
deponitur.

Causæ de-  
positionis  
Adolphi  
sex potio-  
res.

Albertus  
Dux Au-  
striæ con-  
tra Adol-  
phum eligi-  
tur.

tunc quidem abſens in regem eligitur. Miſſis igitur nuntijs cum litteris Principum in Auſtriam, Albertus vocatur ad regnum: contra Adolphum quem ipſi pronuntiaverant abrogatum, ſicut diximus, pollicentur auxilium. Hoc nuntio Albertus accepto lætus efficitur, & contractis undique copijs magnum coadunavit exercitum, & veniens ad Franckenfurt ut moris eſt, ſe contra Adolphum paravit ad bellum. Interea dum Principes conveniſſent apud Moguntiam, Rex Adolphus cum exercitu morabatur in Alſatia, bellum gerens cum indigenis terræ. Obſedit autem in primis oppidum Rubiacenſe, quod vulgari vocabulo Ruſach nuncupant: ſed infecto negotio; cū audiret Principes conveniſſe apud Moguntiam, diſceſſit, & venit Spiram præſtolaturus exitum conventūs. Verū poſteaquam regno ſe intellexit privatum, Albertum infeſtiſſimum contra ſe hoſtem à Principibus electum, fractus eſt animo: & præhabito ſuorum conſilio rem dubio ſtatuit Marti comitendam. Erant in ejus parte fideles adhuc nonnullæ civitates Imperij, de quarum conſilio confidebat.

Albertus  
cum ma-  
gno exerci-  
tu venit ad  
Rhenum.

Albertus verò cum ſuorum exercitu profeſtus de Auſtria, commeatum direxit per Alſatiam, propterea quòd Argentinenſes cum Alſatijs Adolpho noviſſet infeſtos, cui Argentinenſis Epiſcopus octingentos pugnatores in auxilium, Cives verò Argentinenſes cum Alſatijs quatuor ei millia tam equitum, quàm peditum virorum fortium miſerunt, qui eum apud Friburgum venientem cum magno ſuſceperunt honore. Habebat autem in ſuo exercitu pluſquam viginti quatuor millia pugnatorum, quos ſecum adduxerat ex Auſtria, Bohemia, Ungaria, Carinthia, Carniola & alijs diverſis Provincijs in auxilium contra Adolphum.

Nomina  
Principum  
cum Alber-  
to ſentien-  
tium.

De Alſatia profeſtus cum toto exercitu venit ad Frankenfurt, & inde ad Moguntiam, ubi auxilia reperit Principum, Gerardi videlicet Archiepiſcopi Moguntini, Boemundi Archiepiſcopi Trevirorum, Wigbaldi Archiepiſcopi Colonienſis, Conradi Argentinenſis, Friderici Conſtantiienſis quoque Epiſcopi, Comitum etiam de Liechtenberg, Comitum de Ochſenſtein, Comitum de Freybach, Comitum de Geminio Ponte, Comitum de Liningen & aliorum plurium, quorum omnium auxilio fretus contra Adolphum ſe fortiſſimè armavit.

Rex Adol-  
phus con-  
tra Albertū  
ſe parat  
cum ſuis.

Rex verò Adolphus cū audiret Ducis Alberti contra ſe cum tanta multitudine adventum, congregavit & ipſe quantum potuit ſuorum exercitum, & paravit ſe contra Ducem Albertum totis viribus ad bellandum. Habebat autem in ſua parte generum ſuum, videlicet, Rudolphum Comitem Palatinum Rheni de Heidelberg: Ludovicum quoque Ducem Baviaræ, Cives etiam Wormatiienſes, Spirenſes, Frankofurtenſes, Geilenhuſenſes, Oppenheimenſes, Provinciales Haſſiæ Comitem, Comitem quoque de Iſenburg, & plures alios Comites, Barones, Nobiles, Cives, Oppidanóſque, quorum auxilio, ſi omnes debito conveniſſent in tempore, adverſarios fortè vicifſet.

Instante autem belli tempore circa finem menſis Septemb. Rex Adolphus cum ſuis in Oppenheim conſtitutus, amicorum expectabat ſuffragia. Interea Dux Albertus cum exercitu in Moguntia, & circa regionem morabatur, & omnia, quæ fautorum erant Regis Adolphi, devaſtabat. Verū Adolphus poſteaquam amicorum quibus ſcripſerat auxilia per decem dies apud Oppenheim expectaſſet, & aliqui tardius adveni-



advenirent, moræ impatiens, & bellandi cupidus, nimis incautè ac precipitanter de Oppenheim contra Ducem Albertum cum suis egressus est, viribus impar, & tantæ multitudini resistere nequaquam sufficiens.

Campus erat magnus haud procul ab Oppenheim inter villam, quæ vocatur Gillenheim, & Cœnobium quoddam Monialium Rosenthal, id est, vallem rosarum appellatum: in quo Dux Albertus Regem Adolphum statuit exspectare ad pugnam. Itaque Dux Albertus cum magno suorum exercitu de Moguntia exiens latitudinem terræ Ganiensium suâ multitudine operuit, & omnia in circuitu desolavit. Oppidum Ganij, quod Alzen dicitur, à Wormatia tribus distans milliaribus, sub ditione Rudolphi Comitis Palatini Rheni constitutum, qui partes sequebatur Adolphi, Dux Albertus positus in circuitu papilionibus obsedit, ac præter arcem cepit ac desolavit.

Locus bellandi haud procul à Wormatia,

Et notandum, quòd memoratum oppidum Altzen olim ad jus pertinebat Comitis de Rabengirspurg cum villis & terris adjacentibus. Anno autem Dominicæ Nativitatis millesimo vel circa, quidam Comes de Rabengirspurg ipsum castrum suum Omnipotenti Deo Creatori omnium obtulit: & in Monasterium Canonorum sancti Augustini Præsulis cōmutavit. Hoc autem Cœnobium Regularium in Moguntina Diœcesi constitutum à Monasterio quondam meo Spanheimensi tribus ferme distat milliaribus. Cujus fundator totum Comitatum suum Fratribus pro sustentatione sui, donatione perpetuâ contulit: addens & prædictum oppidum Altzen cum omnibus proventibus suis, in augmentum præbendarum Dei famulorum.

Albertus cepit Altzen oppidū & destruxit

Deinde post annos plurimos Comes quidam Hirsutus, qui vulgariter dicebatur der Nuchgraff pro dicto oppidulo per viam cōmutationis quædam bona & proventus in Ducatu Mosellano sita memorati Cœnobij Præposito & Fratribus dedit, & arcem in eo construxit. Et sic Altzen à Monasterio Rabengirsburg alienatum fuit usque in præsentem diem. Postremò Comitibus Hirsutis omnibus vitâ defunctis, & omnino deficientibus, hodie quoque memoria penè in oblivionem devenit. Oppidum verò Altzen Palatini obtinuerunt.

Unde oppidū Altzen venerit ad Palatinos.

Rex igitur Adolphus cū audivisset omnia, quæ Dux Albertus in Altzen oppido fecerat, moræ impatiens non exspectatis amicis, qui erant venturi, de oppido Oppenheim exiit, & versus Altzen contra illum ad pugnam cum suo exercitu processit. Dux verò Albertus cū Adolphum Regem intellexit contra se venientem, contractis mox copijs in memorato loco prope Cœnobium Rosenthal illi occurrit. Ubi congressione factâ diu acriter pugnatum est, & multi ab utraque parte ceciderunt. Adolphus autem Rex manu propriâ diu fortiter pugnavit, & sicut Leo rugiens pro Regno morti seipsum exposuit, eligens magis fortiter mori, quàm alio regnante turpiter vivere.

Adolphus contra Albertum procedit.

Atrox bellum diu continuatum fuit, & cū victoria jam Adolpho videretur accessisse in manibus, clamore adversariorum exorto sui fugere ceperunt. Qui derelictus in medio hostium, & desertus miserabiliter à suis, tandem occubuit, & in eodem loco interemptus fuit. Cujus corpus in præfato Cœnobio Monialium Rosenthal sepultum, per annos ferme duodecim jacuit: sed postea per mandatum Henrici Regis septimi ex Comi-

Adolphus Rex in bello memorato cum multis occiditur.

Comitibus de Lutzenburg exhumatum, & ad Spiram delatum in Sepultura Regum honorificè tumulatum fuit. Hic finis & vitæ Adolphi Regis, & regni miserabilis exitit: qui vocatos ſi exſpectaſſet amicos, nec tam præceps irruiffet in hoſtem viribus impar, victor certè vixiſſet.

Filius Adolphi capitur & multi occiduntur.

In eodem bello filius Adolphi Regis Comes de Naſſavv captus eſt, & pro magna tandem ſumma pecuniarum redemptus. Sed & alij plures de exercitu Regis Adolphi, Comites & Nobiles capti ſunt. Occiſi autem fuerunt in memorato bello Comes de Iſenburg ſupremus in exercitu Regis Adolphi capitaneus, vir ſtrenuus & miles fortiffimus, & cum eo plusquam ſexaginta Comites ac Nobiles præcipui fortes ac ſtrenui, præter alios minoris Ordinis plures.

Otto Comes de Ochſenſtein in bello perimitur.

Ex parte verò Ducis Alberti, cecidit Otto Comes de Ochſenſtein, vir & ipſe ſtrenuus ac bellicoſus, ſupremus in exercitu ejus Capitaneus, cum alijs pluribus viris inferioris Ordinis.

Post cruentiffimum hoc bellum Dux Albertus Oppenheim prædictum oppidum obſidione vallavit: ubi cum ſe nihil videret proficere, ſolutâ obſidione cum exercitu ad Moguntiam reverſus eſt.

Varia de Regis abrogatione inferitur opinio.

Fuerunt qui ſcriberent, Adolphum Regem non jure, ſed contra jus æquitatis à Regno depositum abrogatum & deſertum: omnesque articulos præſcriptos in eum falſò & malicioſè compoſitos, cum Princeps eſſet optimus, Regno utilis. Unde ferunt, Gerhardum Archiepiſcopum Moguntinum omnium malorum in eum extiſſe cauſam propter invidiam: quippe qui cæteros in æmulationem contra Dominum ſuum Regem multis & varijs modis concitaverit.

Omnes Adolphi Regis contra-dictores malè periculantur.

Scribunt enim, qui pro Rege Adolpho ſenſerunt, quòd ultio Divina ſatis acriter in omnes fuerit ſubſecuta, qui contra Regem Adolphum arma capere præſumpſerunt. Nam Gerardus de Epſtein Archiepiſcopus Moguntinus, ſicut legimus, non diu poſtea ſuper ſellam reſidens, corpore ſanus & mente, ſubitò cadens exſpiravit. Albertus verò Dux uſurpator Imperij, qui Dominum ſuum Regem fuerat perſecutus, poſtea fertur à fratris ſui filio peremptus: Otto Comes de Ochſenſtein in bello ſicut diximus occubuit: Comes de Hohenloe à proprio ſervo fuit occiſus: Comes de Geminio Ponte in aqua Glies dicta ſubmerſus eſt: Conradus Epifcopus Argentinenſis ante Friburgum à quodam ruſtico perfoſſus gladio interiit: Comes verò de Liningen infanus & phreneticus factus, uſque ad mortem permanſit. Et ut breviter multa concludamus, omnes ferunt & citò, & malè periſſe, qui contra memoratum Regem Adolphum conſpirârunt.

Albertus Rex coronatur apud Aqualgrani.

Post mortem Regis Adolphi, quem in bello diximus occiſum, Albertus Dux Austriæ victor evadens cum ſibi adhærentibus Principibus cunctis, à Moguntiaco ſolvens deſcendit per Rhenum ad Coloniam, & ulterius ad Aqualgranum oppidum imperiale proſectus eſt. Ubi per miniſterium Wigbaldi Coloniensis Archiepiſcopi, cum magna pompa & ſolemnitate in Regem unctus & coronatus fuit. Coronatione autem peractâ fidem & ſubjectionem ei Principes juraverunt. Regnavit autem jam deinceps poſt Adolphi mortem annis decem.

Alberti Regis uxor & filij ſex numero.

Uxorem habuit Eliſabeth filiam Meinhardi Ducis Magni Carinthiæ, de qua genuit ſex filios, & quinque filias: quorum iſta ſunt nomina. Primogenitus



mogenitus fuit Rudolphus postea Rex Bohemiæ, qui obiit anno Domini millesimo trecentesimo septimo, Pragæ sepultus: Secundo genitus Fridericus Dux Austriæ, qui postea contra Ludovicum Bavarum in Regem fuerat electus, ut suo loco dicemus. Tertius Lupoldus Dux Carinthiæ, qui obiit Anno Domini millesimo trecentesimo vigesimo sexto, sepultus est in Monasterio Königsfeldt: Quartus fuit Henricus Dux Austriæ, qui uxorem habuit Elisabeth filiam Comitis de Virneburg, & obiit anno Domini MCCCXLIV. Quintus fuit Albertus Dux, qui fundavit Monasterium in Gemines, à quo linea Maximiliani Cæsaris continuatur: Sextus fuit Otto Dux Austriæ, qui obiit anno Domini MCCCXLIV. Uxor verò Ducis Baviariæ mortua est anno Domini mcccxxx.

Filiarum prima nomine Agnes, nupsit Andreæ Regi Ungariæ, quo sine liberis mortuo, nupsit Duci Uratislaviæ: Secunda fuit Elisabeth, quæ nupsit Friderico Duci Lotharingiæ, quæ peperit Rudolphum Patri in Ducatu successorem: Tertia fuit Anna, quæ nupsit Hermannò Marchioni Brandenburgensi: Quarta fuit Catharina Regi Henrico septimo ex Lutzenburg desponsata: quo ante nuptias mortuo data fuit uxor Ruperto Regi Apuliæ atque Siciliæ, quæ obiit anno Domini mcccxxxiv. Quinta nomine Guda nupsit Ludovico Comiti de Oetingen in Bavaria, & obiit anno Domini mcccxxxiv.

His temporibus Cives urbis Colonienfis propter lites & dissensiones, quas cum Sifrido habuerant Archiepiscopo, per annos septem ac menses totidem in excommunicatione permanerant interdicti, ita quòd toto tempore illo divinorum apud eos Celebratio fuerit intermissa. Coronato Rege Alberto apud Aquasgrani, & cum Principibus ad Coloniam reverso, cives unanimi supplicatione ejus interventu absolvi à censuris postulârunt. Egit Rex cum Archiepiscopo Wigboldo, qui Sifrido successerat in Pontificatu, & precibus suis obrinuit, inter eos concordiam fieri, & Cives ab anathemate relaxari. His peractis Rex ad superiores Rheni partes regreditur.

Colonienf.  
septennio  
fuerunt ex-  
communi-  
cati.

Anno Godfridi Abbatis prænotato. quinto Calend. Aprilis, mortuus est Joannes ejus nominis secundus Abbas Monasterij quondam mei Spanheimensis Nonus, & ante gradus Presbyterij sepultus. Cui mox decimus in Abbatia successit Diethlibus nomine, & præfuit annis decem, mensibus sex, Patriâ Mosellanus ex urbe antiquissima Trevirorum oriundus, qui aliquanto tempore Cancellarius extitit Joannis Comitis de Spanheim, ut alibi scripsimus.

Diethlibus  
fit Abbas in  
Spanheim.

Anno etiam præscripto in vigilia S. Jacobi Apostoli, hoc est, vicesimâ quartâ die mensis Julij, obiit Emicho Wormatiensis Episcopus in habitu ut ferunt monachorum, sepultus in Ecclesia cathedrali. Cui Eberwinus de Cronenberg in Pontificatu successit, & præfuit annis tribus, mensibus novem, qui ad instantiam civium suorum consensit, quòd se decim viri de cõmunitate ad Senatûs consilium fuerunt admissi, quod antea fieri in ea civitate non consuevit. Hujus Pontificis tempore fundatum est Cœnobium Monialium in Liebenavv, Ordinis Prædicatorum extra muros civitatis Wormatiensis, per quendam civem nomine Jacobum Engelman dictum; qui cum esset dives, & non haberet filios, Deum bonorum suorum hæredem constituit, & omnia quæ habuit, fundato à se

Eberwinus  
fit Episcopus  
Wormatiensis.

Liebenaw  
Cœnobium  
Monialium  
prope Wormatiam.



Monasterio & Christo in eo ſervituris virginibus donavit. Hanc autem fundationem ſimul & donationem præfatus Episcopus auctoritate ordinariâ confirmavit, & auxilium impendit.

Dietherus  
de Naſſavv  
fit Archie-  
piſcop. Tre-  
virorum.

Eodem anno nonâ die menſis Novembris, obiit Boëmundus Archiepiſcopus Trevirorum, de quo ſupra diximus anno Craſſthonis Abbatis Hirſaugienſis nono, & in Monasterio Hemmerad Ciftertiensis Ordinis tumulatur. Hic quemadmodum ſupra dictum, Caſtellum in Neumagen juxta litus Moſellæ fundavit, quod à villa nativitatis meæ Trittheim non multum diſtat. Poſt mortem Boëmundi, Dietherus ex Comitibus de Naſſavv frater interempti Regis Adolphi Ordinis ut ferunt Fratrum Prædicatorum, non electus, neque poſtulatus, ſed quorundum conſilio & proviſione Bonifacii Papæ octavi in odium Alberti Regis, Archiepiſcopus Trevirenſibus ordinatur & miſſus eſt, qui veniens Trevirim cum honore ſuſcipitur, & ut verus Archipræſul ab omnibus ſalutatur. Præſuit annis ferme octo, Alberto Regi ſemper quidem contrarius, ſed parum noxius.

MCCCXCIX.

Conventus  
fit Princi-  
pum.

Anno Godfridi Abbatis Hirſaugienſis ſeptimo, Indiſtione Romano-  
rum duodecimâ, Rex Albertus Conventum Principum in oppido Fran-  
kenfurt, ubi Rudolphum Comitem Palatinum Rheni, & quosdam alios, qui cum Adolpho Rege, dum viveret, ſenſerunt, uſque ad mortem, ſibi reconcilians ad gratiam recepit. Multa etiam pro confirmatione & ſtabilitate regni ſui conſtituit, & jurare omnes in ſua verba Principes fecit.

Alberti Re-  
gis diſpoſi-  
tio corpo-  
ris.

Erat autem homo groſſus, moribusque ſubrutiſcanus, monoculus, aſpectu ferox, & pecuniarum nimis cupidus, cujus uxor Eliſabetha filia Meinhardi Comitis Tirolis fuit, ut ſupra jam diximus, viri potentis atque ditiffimi, mulier honeſtæ converſationis. Confirmationem ſive ut propriè dicamus, coronam Imperij pluries à Papa Bonifacio per nuntios & litteras Rex ipſe Albertus petivit, ſed Pontifex hoc ei munus ſemper denegans reſpondebat: *Imperio non eſſe dignum, qui Dominum ſuum Regem in bello proprium occidiſſet.* Quæ reſponſio Papæ cùm ei renunciata fuiſſet, impoſitâ ſibi regni coronâ, & gladium tenens in manibus dicebat: *Quid ergo ſi Papa mihi coronam denegat? Electione Principum & Rex ſum, & Imperator.* Verùm non diu poſteâ in odium Regis Gallorum Albertus quod petivit, obtinuit.

Hæreſis  
Fratricel-  
lorum.

Eodem anno Bonifacius Papa octavus Sectam & hæreſim Circumcellionum, qui ſe Fratricellos nominabant, damnavit, qui ſuos errores occultè diſſeminaverant in populo, auctoritatem contemnentes Eccleſiæ, & Prælatorum ministeria deſpicientes. Verùm quamvis pernicioſa hæreſis à Bonifacio Papa octavo damnata fuerit, poſteâ nihilominus per Joannem vicelimum ſecundum ſimiliter confutata fuit; quia tamen impietatis ſuæ radices tam altè fixit, ut uſque in præſentem diem extincta penitus non fuerit, operæ pretium duximus, ſi cauſam & errorum ejus articulos altiùs explicemus. Originem hujus pernicioſiſſimæ hæreſis licet alijs erroribus cum tempore varijs intermixtæ, de illa proceſſiſſe credimus, de qua longam ſupra fecimus mentionem, anno videlicet Volmari Abbatis ſeptimo, quam homo ille peſtifer Tancellinus apud Antuerpiam in Brabantia diſſeminavit, & mulos ſuâ perfidiâ decepit. Surrexerunt poſteâ temporibus Manegoldi Abbatis, quemadmodum anno ejus ſexto ſupra

De ejus  
Origine.

diximus,

diximus, Cathari nuncupati hæresim Tanchellini per sanctum Norbertum destructam instaurantes, qui novis quibusdam erroribus superadditis, omnes illius articulos in damnationem propriam susceperunt. Ex fœcibus præscriptorum postea surrexerunt memorati pestilentes hæretici, qui se Fratricellos nuncupabant, magnam sanctitatem coram nescientibus dolos eorum simulantes, & multos in profundum erroris, non solum laicos, sed etiam Clericos & Monachos traxerunt; quamvis tamen quosdam inter se spurcissimos occultavere articulos, quos non omnibus passim comunicabant, non enim confidebant omnibus omnia, sed unicuique ministrabant venenum sui erroris, secundum quod posse illum bibere videbant. Primus autem erroris eorum fuit articulus, quod omnia Sacramenta Ecclesiæ præter baptismum irridebant, Corpus & Sanguinem Christi spernebant, poenitentiam nullam omnino faciebant; dicebant enim se plenos Spiritu Sancto, nullum habere peccatum, & pollicebantur omnibus ad sectam eorum initiatis remissionem omnium peccatorum, & quod deinceps peccare non possint quidquid fecerint. Item dicebant nullum Pontificem Romanum super eos auctoritatem habere, & maximè Bonifacium octavum, & Joannem Papam vicessimum secundum, à quibus damnati fuerant, blasphemâ garrulitate carpebant, asserentes nec eos, nec aliquem eorum successorem legitime vel electum vel ordinatum Pontificem, sed omnes Romanos Pontifices post suæ damnationem sectæ esse damnatos. Item omnes homines, qui sectam eorum non essent professi, dicebant in æternum damnandos, propterea quod aliter vivant, & credant, quàm sancti Apostoli & Christiani in primitiva Ecclesia crediderunt, docuerunt & vixerunt, Sectam namque suam à sanctis Apostolis institutam & observatam pertinaciter affirmabant. Item luxuriam, adulterium, & stuprum dicebant in eorum secta non esse peccatum, affirmantes Apostolos & alios Christi Discipulos in Ecclesia primitiva nunquam fuisse continentes, sed vel cum proprijs uxoribus, si habebant, vel cum alienis indifferenter coibant, & hanc magnam inter se charitatem prædicabant. Item pro confirmatione sui erroris adducebant, Nicolaum Antiochenum Diaconum propterea hæreticum ab Apostolis declaratum in Actibus, & damnatum ab Ecclesia primitiva, quoniam uxorem haberet pulchram, & nollet eam Apostolis & alijs discipulis esse communem ad coeundum, sicut ceteri omnes suas fecissent communes. Item non contenti homines isti perniciosissimi Fratricelli, quod cum uxoribus & filiabus luxuriabantur alienis, quin etiam in cavernis montium, in speluncis & latibulis noctu convenire solebant, coitum indifferenter cum nepte, sorore, filia & matre, quod turpissimum est, in tenebris exercentes, & hoc nullum dicebant esse peccatum, perversè interpretantes illud Apostoli: *Omnia munda mundis*. Item convenientes in antris nocturno tempore de industria seductas virgines aut viduas pulchriores, sub multis & varijs pollicitationibus intrò secum ducebant, quibus introductis latitabant ejusdem sectæ Sacerdotes & Clerici in eodem antro, qui divinas quidem laudes ad comparandam fidem imprimis decantabant, quibus circa noctem mediam finitis, Sacerdotes eorum altâ admonebant voce, binos debere masculum & feminam, sancto Spiritu invocato in complexum & coitum commisceri. His dictis, & luminibus extinctis, quisque

De articulis ejus.

Articulus 1.

Articulus 2.

Articulus 3.

Articulus 4.

Articulus 5.

Articulus 6.

Articulus 7.

Articul<sup>us</sup> 8.

virorum proximam mulierem sibi prosternebat ad coitum, nullâ sanguinis consideratione habitâ. Item si ex hujusmodi complexu seu coitu aliqua mulier concepisset, infans genitus mox ad conventiculum illud in speluncam deferrebat, & ibi per singulas eorum manus trahebatur, tam diu totiënsque bajulandus, quousque animam exhalaret; is verò, in cujus manibus exspirâisset infantulus, summo honore dignus inter eos habebatur. Item quoties semel inter eos corrupta secundum aut tertium peperisset infantem, Sacerdotes ipsi congregati in unum, statim super prunis assabant eum, & in pulverem minutissimum redigebant. Collectum verò exinde pulverem ipsum ad prophanum reservabant usum.

Articul<sup>us</sup> 9.

Nam quoties Novitium aliquem vel Novitiam ad suam accipiebant sectam, mittebant de prædicto pulvere in vasculum, vinum desuper infundentes cum execrabili imprecatur, ipsique Novitijs, qui per eos initiandi fuerant, pro Sacramento dabant in poculum.

Hæretarcha de se pulchro exhumatus exurit.

Alios quoque articulos multiplices profitebantur erroris, quorum recensere capita brevitatis simul & honestatis causâ non curamus. Bonifacius igitur Papa VIII. diligentissimâ inquisitione per Italiam factâ, ubi prænominata hæresis maximè vigeat, quantis potuit conatibus, eam studuit extirpare. Unde & Hermannum quendam ejusdem Sectæ authorem apud Ferrariam Urbem ante viginti annos, ut ferebatur, sepultum, qui à multis colebatur pro sancto, exhumari & exuri fecit, habitâ prius de hujusmodi re diligentissimâ inquisitione.

Nec tamen propterea hujusmodi hæresis terminari potuit, sed in dies excrefcens, multos etiam professione religiosos viros, Sacerdotes & Clericos doctissimos, si non in toto, in parte tamen fautores habuit, & contra Ecclesiam Dei acerrimos defensores. Quod malum postea usque ad tempora Joannis Papæ XII. multipliciter fuit diffusum, & non solum Italiam, sed etiam alias Nationes infecit.

Historia jucunda, quomodo hæc hæresis fuit publicata.

Libet jam nunc isthic paulisper immorari, & historiam retexere mirabilem, quâ hæresis prænominata, quæ multis latuerat annis, apud Mediolanum detecta & manifestata his ipsis fuit temporibus. Fuit in Civitate Mediolano mulier quædam dives, & iniquissima hujus Sectæ Fratricellorum propagatrix callidissima, nomine Wilhelma, virum habens ejusdem Sectæ nomine Andream. Hæc per maximam in omni vita sua præ se tulit sanctitatem, & simulavit Religionem. Unde & mortua anno prænotato apud Claramvallem, atque ibidem sepulta pro sancta habebatur ab omnibus. Hæc itaque impiissima femina una cum viro suo Andrea sub specie sanctitatis conventiculum in antro domus suæ construxerat, in quo sacrilegi Fratricellorum ritus exercebantur. Ad quem locum multi viri nocturno tempore, & certis in hebdomada conveniebant diebus, & plures mulieres, viduas, maritatas & virgines in errorem inductas adduxerunt, quibus de mandato Wilhelmae coronas radebant in capitibus in modum Clericorum occultas, benedicentes & consecrantes, imò maledicentes execrantes eos in Clericos. Deinde postquam horrendis execrationibus suis ad imitationem ritus Christianorum eas initiâssent, dabant eis potum de supra scripto pulvere infantum cum vino dicentes, eas esse sanctas & omnino impeccabiles, ita tamen, quod non coirent cum alijs viris, quàm illius Sectæ, quam profitebantur. Omnia enim

Multi ad antrum Wilhelmae conveniebant hæretici.



enim quæcunque voluissent sibi licere dicebant in ea Secta permanentibus.

At ipsa maledicta Wilhelma, cum omnes in antro congregatos inspiceret, mox se vestimentis ornabat sacerdotalibus more Presbyteri, astantibus cunctis ante altare, fundensque preces Deo execrabiles, officium sibi Sacerdotis usurpabat. Precibus autem finitis dicebat: *Aduramini, aduramini, & ignem sub sextario ponite, & quæ Deus ordinavit, facite.* Mox igitur lumine sub modio posito vel extincto, in mutuos ruebant amplexus, turpitudinem suam in alterutrum exercentes. Et hoc scelus statutis per hebdomadam diebus exequabantur, occultè noctibus convenientes.

Wilhelma  
Sacerdotis  
agebat offi-  
cium.

Post annos verò plures hæc eorum mater atque sacerdos moritur, & apud Claramvallem pro sancta sepelitur. Post cujus obitum Andreas vir ejus per sex annos in tali pernicioso & Diabolico scelere perseverans, innumerabiles seduxit populos, quousque tandem Mercator quidam Mediolanensis nomine Conradus hoc manifestissimum scelus mirabili modo & industriâ fecit manifestum.

Habebat namque idem Conradus uxorem seductam, & in memoratam Fratricellorum hæresin occultè juratam, quam dum frequenter in noctis medio surgere animadverteret, sed quorsum pergeret, scire non posset, mali alicujus de ipsa incidit suspicionem. Demum die quâdam cupiens omnino scire, quò pergeret, noctem dormitione simulatâ duxit insomnem. Circa medium verò noctis uxor putans dormire maritum, suo more surgit, & consuetum pergit ad antrum, quam occultè maritus subsequens post eam, incognitus antrum illud perfidorum intravit, & omnia quæ ibidem aut dicebantur, aut fiebant, diligentissimè conspexit.

Conradus  
uxorem se-  
cutus om-  
nia quæ fie-  
bant con-  
spexit.

Audivit prophana concionantem Sacerdotem: vidit mulieres in modum raras Clericorum omnes, & horrendæ institutionis documenta impiorum à Prædicatore percepit. Lumine verò tandem sub sextario ex more posito, uxorem suam de industria cepit, & cum ea rem incognitus peregit. Deinde annulum cum Sapphyro de manu uxoris suæ abstulit, & cum alijs de antro velociter exivit, studiosè curans, ut uxorem præveniens prior lectum ascenderet.

Conradus  
uxori suæ  
annulum  
abstulit.

Post dies paucos uxorem interrogavit Conradus, ubi haberet annulum cum Sapphyro; quæ respondit, se illum tempore opportuno quaesituram, jam autem ad præsens, ubi eum deposuerit, nescire. Sed cum maritus vehementer instaret pro annulo, simulans illa, se multum quaesivisse, nec invenisse, cum perditum viro respondit.

At verò Conradus re dissimulatâ post dies paucos in domo sua lautum parari fecit convivium, ad quod Consanguineos & vicinos, maximè tamen illos, quorum in antro noverat fuisse uxores, invitavit, viros videlicet ipsos cum mulieribus suis. Qui omnes ad ejus Convivium vocati, cum suis uxoribus venerunt, causam tamen invitationis hujusce nemo cognovit.

Conradus  
parat Con-  
vivium  
amicis in  
domo sua.

Quibus in Convivio lautè relictis, & singulis juxta uxorem propriam sicut ex industria per Conradum fuerant collocati, residentibus, hospes invitator ait: *Amici & fratres, rogo, unusquisque vestram cum uxore sua ludat, prout me cum uxore mea facere conspexeritis, & postea causam invitationis à me vestra audietis.* Qui postquam ludos multos exercuissent, postremò

ligaturas uxoris ſuæ de capite manibus traxit, & clericatam ſive tonſam in modum clerici, hoc eſt, habentem coronam omnibus oſtendit.

Conradus  
remgeſtam  
coram ami-  
cis expo-  
ſuit.

Quod factum cæteri omnes imitantes detractis à capitibus uxorum, peplis ac ligaturis omnes ſimiliter raſas ut Sacerdotes in coronæ modum invenerunt. Unde nimium admirantes viri, quid ſibi vellet hoc monſtrum quod cernerent, conclamârunt. Stans autem Conradus omnem rei hiftoriam ſicut viderat & audierat, cunctis nimium ſtupentibus enarravit. Fæminas autem ne diſſugerent, aut negotium propalarent, diligentia cuſtodia intra domum Conradi manere compulerunt.

Combuſti  
ſunt hære-  
tici ſimul &  
oſſa Wil-  
helmæ.

Conſilio autem inter ſe habito viri protinus rem omnem Inquiſitori hæreticæ pravitatis denunciaverunt; qui diligentiffimâ inquisitione factâ didicit hoc execrabile & diabolicum ſcelus, indiſtinctâ & malignitate Wilhelmae & Andreae mariti ejus per undecim annos in eorum perſeverâſſe domo. Quamobrem & Andreas & complices ejus ſimul, & oſſa Wilhelmae cremata ſunt. Et quæ prius venerabatur ut ſancta, poſtea ut peſtilentiſſima hæretica contempta fuit, & blaſphemata ab omnibus. Similiter & mulieres, quæ in hujulmodi ſceleribus fuerunt comprehenſæ, non ſine magna punitione à maritis ſuis dimiſſæ ſunt.

Anno Godfridi Abbatis ſupra ſcripto, viciſimâ nonâ die menſis Octobris, mortuus eſt Joannes Comes Hollandiæ apud Harlam ſine liberis. Vicâ functo Joannes Comes Hannoniæ filius Adelheidis ſororis Wilhelmi quondam Regis Romanorum jure propinquior Hollandiæ Comitatum aſſumpſit, ac ſuo dominio copulavit. Uxorem habuit Philippam Comitſis de Lutzelburg filiam, de qua genuit Joannem, Comitem Lutzelburgi, Patrem Henrici Regis Romanorum ſeptimi, Wilhelmum Comitem Hollandiæ, Joannem Dominum Bellimontis, Henricum Canonicum Eccleſiæ Cameracenſis, Margaretham Comitiffam Atrebatenſem, Adelheidem Comitiffam Claromontenſem, Mariam Comitiffam de Burbon, & Mechtildem Comitiffam de Neyde natu minorem.

Verùm Albertus Rex Romanorum & Francorum Theutonum, Hollandiæ Comitatum mortuo Joanne ad Imperium pertinere volebat, & propterea memoratum Hannoniæ Comitem litteris, præceptis, & comminationibus inquietare graviter tentabat. Sed poſtea in cornuni Principum Conventu Comes ipſe Joannes conſilio amicorum inductus perſonaliter comparuit, & interceſſione Principum Hollandiæ Comitatum à Rege in feudale beneficium Imperij accepit. Ex illo tempore Hollandiæ & Hannoniæ Comitatus in unum conveniêre dominium uſque in præſentem diem.

Item anno prænotato Caſſanus Tartarorum Imperator magno ſuorum advocato Exercitu Bellum Saracenis, qui morabantur in Syria & Ægypto, indixit, cum quibus pugnans Triumphator evaſit, & Syriam cum ſepulchro Domini pro Imperio ſubjugavit.

MCCC.

Jubilæus  
Romæ pri-  
mus à Bo-  
niſacio in-  
ſtituitur.

Anno Godfridi Abbatis Hirſaugienſis octavo, Indictione Rom. XIII. Bonifacius Papa VIII. ad exemplum veteris Inſtrumenti Annum Jubilæi primus omnium Pontificum ad ſalutem humani generis providâ diſpenſatione inſtituit, & per totum Orbem Chriſtianum prædicari ſolemniter mandavit. Remiſſionem & indulgentiam omnium repromittens ſcele-

tum

rum, his qui Contriti & Confessi limina sancta Romæ visitassent Apostolica, facturi juxta ejus ordinationem preces & eleemosynas, prout cujusque facultas permiserit.

Res nova & eatenus non visa, sed verè populo Christiano ad salutem valde proficua. Nam pro consequendis hujusmodi Indulgentijs Jubilæi anno præcedente per universum Orbem Christianum pronuntiati, tanta hominum utriusque sexus multitudo in isto anno præscripto ex omni Europa Romam proficiscitur, ut eorum numerus incredibilis esse videatur. Unde homines præ nimia multitudine compressi vix per stratas urbis potuerunt incedere. Constituit autem idem Præsul Bonifacius eundem plenariæ Remissionis Jubilæum de centesimo deinceps anno in centesimum perpetuis futuris temporibus Romæ celebrandum.

Anno prænotato Rex Albertus contractis undique copijs magnum adunavit exercitum, contra Joannem Comitem Hannoniæ, propter Hollandiæ Comitatum, ut supra diximus, processurus ad bellum. Cùmque ad Novimagium Geldriæ oppidum pervenisset, litteras hujusmodi tenoris per omnem fecit Regionem publicari. *Noverint universi, quòd serenissimus Dominus Rex Albertus Romanorum semper invictus, vacantem Hollandiæ Principatum, quem Carolus Imperator olim magnus Theodorico Comiti concessit in Beneficium feudale, tam Jure, quàm gladio ad sacrum Romanum intendit revocare Imperium.*

Rex Albertus pro Hollandia copias educit.

Audiens Comes Hollandiæ Joannes Regem Albertum cum exercitu suorum contra se venire ad prælium, congregavit & ipse maximam multitudinem pugnatorum, confortatusque & viribus, & animo, Regis Alberti intrepidus præstolabatur adventum. Rex autem cùm didicisset Comitis & vires, & constantiam animi, contra eum venire ad bellum non audebat, sed mediante Archiepiscopo Colonienfium Treugas interposuit, & pro confirmatione pacis Comitem ad Principum sententiam vocavit: quo veniente, Hollandiam in feudum accepit.

Hannoniæ Comes Hollandiam suscepit ab Imperio.

Anno præscripto, septimo die mensis Aprilis, obiit Dominus Godfridus hujus Monasterij Hirsaug. Abbas nonus atque vicesimus, anno Regiminis sui septimo cum uno mense & viginti quatuor diebus exacto: in majori Ecclesia cum honore sepultus.

Godfridus Abbas hujus Cœnobij moritur.

## De Henrico secundo hujus Monasterij Hirsaugienfis Abbate X X X. qui præfuit annis xvi. mensibus x. diebus xx.

**M**ortuo Abbate Godfrido, & in medio Ecclesiæ juxta morem Ordinis sepulto, convenientes in unum Fratres cum Priore, qui poterant interesse novi Pastoris Electioni, anno prænotato undecimâ die mensis Aprilis, præmissisque ad Dominum orationibus consuetis, & præhabitis inter se tractatibus necessarijs, Henricum Congregationis Hirsaugianæ Monachum in Abbatem hujus Monasterij tricesimum elegerunt, qui confirmatus & benedictus per ministerium Friderici de Bolandia Episcopi Spirensis Ecclesiæ præfuit annis xvi. mensibus x. & diebus viginti, non satis utiliter pro Monasterio: sed

Henricus fit Abbas Hirsaug. XXX.



ſed potius in grave utriuſque ſtatûs tam ſpiritualis , quàm temporalis detrimentum ſempiternum.

Henrici Ab-  
batis patria  
fuit Suevia.

Henricus  
Abbas plu-  
ra bona  
Monafterij  
alienavit.

Patria illi fuit Suevia : parentes ſecundum mundi huius conſiderationem humiles , & nullâ prærogativâ nobilitatis inſignes. Qui cùm eſſet annorum ætatis decem & octo, venit ad Monafterium , ſulceptuſque ad Congregationem per Volandum Abbatem , factus eſt Monachus , vitamque inſtituit ſuam ad aliorum exemplar, quod reperit. Illo autem in tempore , quod ſæpius diximus, Regularis diſciplinæ obſervantia non ſolum apud Hirſaugienſes Monachos , ſed in omnibus penè Cœnobijs noſtri Ordinis per totum mundum uſque adeò defecit & tepuit, quòd fervoris priſtini veſtigium omnino nullum dereliquit. Unde & Henricus iſte Monachus factus eſt, mores quos juvenis à ſenioribus didicit, uſque ad obitum ſervavit. Tandem verò in Abbatem promotus, ſicut dictum eſt, parum utilis extitit, imò plus detrimenti quàm comodi ſuo regimine Monafterio fecit; mox enim licentioſè vivere incipiens, otio & inertia, torporèque ignavus tepuit; & rem familiarem ſimul & monaſticam turpiter neglexit. Enimverò ſtatum rerum temporalium, quem in bona conditione reperit, valde malum fecit. Multa etenim bona Monafterij tempore ſui regiminis impignoravit: multa penitus vendidit: & multa ſine Conſenſu Fratrum ſuorum in perpetuum alienavit, quorum pecuniam malè expoſuit. Moribus fuit nimium diſſolutus & incompoſitus; ſæculariter vivens potius quàm monaſticè; quippe qui convivij & diſcurſibus vagis diebus & noctibus frequenter intentus, nihil minus quàm ſpiritualia curabat. Converſatione ſuâ puerili non ſolum Fratres ſuos Monachos contriſtavit: ſed etiam ſæculares homines multipliciter offendit. Sermone fuit præceps & multum inconfideratæ locutionis; quo factum eſt, quòd ejus dictis modica fides conſueverit adhiberi. Conſilio varius, inſtabilis & inconfideratus extitit: verbis promptulus, ſed actione nimium tardus fuit.

Quantum verò ad diſpoſitionem pertinet corporalem, homo fuit ſtatutâ mediocris, nec procerus corpore, nec brevitate nimia puſillus. Capite parvus & ventre aliquantum craſſus: ſubrufos tam in capite, quàm in barba copioſos habebat capillos: inceſſu velox & titubans in modum gradiebatur parumper claudicantis, & qui nullâ decorabatur gravitate. Poſtremò jubente Ludovico Imperatore propter culpas ſuas, ut ſuo loco dicetur, deponitur.

Henricus  
Abbas ult-  
imò deponi-  
tur.

Anno prænotato MCCC. Dominicæ Nativitatis, quo Henricus ordinatus eſt Abbas, moritur Joannes Dux Baviariæ filius Henrici Ducis, & Comitæ Palatini Rheni ſine liberis. Huic pro futura uxore ferunt deſponſatam fuiſſe Apoſtolicâ diſpenſatione mediante filiam parvulam necdum triennem Ludovici Comitæ Palatini Rheni, Baviariæque Ducis, poſtea Imperatoris Romanorum: qui mortuo ſine liberis deſtinato genero Ducatum illius totum obtinuit.

Eodem anno Fridericus de Bolanden Epiſcopus urbis Spirenſis magnam illam Crucem in arcu ambonis Eccleſiæ memoratæ nimia vetuſtate ruinoſam piâ devotione inſtaurans fecit renovari. Alia inſuper multa pro decore Domûs Domini & fecit, & conſtituit, quibus nominis ſui memoriam cum laude poſteris commendavit.

Claruit

Claruit his ferme temporibus Alanus ex Insulis oppido Flandriae oriundus Magister Parisiensis, in Divinis scripturis omnium suâ tempestate facillè doctissimus, Theologus insignis, Philosophus clarus, & Poeta celeberrimus; qui scholæ Theologorum apud Parisienses docendo & scribendo multo tempore gloriosè præfuit, ubi in omni scientia tam divina, quàm humana clarissimus effulsit. Unde & meritò nomen Universalis obtinuit: qui Doctor in omni scibili fuit profundissimus. Scripsit autem & metro & prosâ multa præclara synthemata, de quibus nos hætenus exceptis quæ sequuntur, vidimus pauca.

Alanus de  
Insulis Do-  
ctormagn.

Super quatuor libros sententiarum scripsit volumina quatuor. Ad quendam Abbatem S. Dyonisij, aliàs S. Ægidij de sacræ Scripturæ vocabulis opus non inutile, quod prænotavit oculum sacræ Scripturæ, librum unum non parvæ quantitatis. De doctrina quoque lib. 1. In quinque libros Moysis volumina totidem. In Cantica Cant. lib. 1. Ad Archiepiscopum Bicuricensem de Poenitentia libb. iv. De Mysticis æquivocis lib. 1. Parabolarum lib. 1. De modo sive arte prædicandi lib. 1. Opus metricum quod Anteclaudianum prænotavit lib. 1. De sex alis Cherubin. lib. 1. De planctu naturæ lib. 1. Summā virtutum & vitiorum. lib. 1. De maximis Theologiæ documentis. lib. 1. De natura quorundam animalium lib. 1. sermones varios & epistolas plures scripsit ad diversos, quorum omnium invenire numerum difficile judicamus. Denique in multos Bibliæ libros insignes Comentariorum lucubrâsse dicitur, quorum nos invenire titulos omnium non potuimus. Sunt qui scribant, eum in sua senectute pro Christi amore sprevisse mundum, & Monachum Cisterciensis Ordinis factum religiosissimè conversatum usque ad mortem.

Opuscula  
hujus Do-  
ctoris Ala-  
ni.

Wilhelmum etiam Hassliginij Monasterij nostri Ordinis in Brabantia Monachum suam ætatem scriptis & moribus haud mediocriter illustrâsse ferunt. Qui cum esset vir tam in divinis scripturis, quàm in secularibus litteris egregiè doctus, multa gemino stylo comportavit opuscula; quibus nominis sui memoriam posteris commendavit. Ex his nos vidimus pauca, quæ subnotavimus. Vitam sanctæ Lutgardis lib. 1. Visionem cujusdam Monialis Ordinis nostri lib. 1. Sermones etiam plures tam ad Fratres, quàm ad populum Dei composuit.

Wilhelmus  
Monachus  
in Hassligi-  
nio Braban-  
tiæ.

Henricus de Bruxellis, Brabantinus patriâ, præfati Monasterij de Hasslingen nostri ordinis Monachus prædicto Wilhelmo contemporaneus, vir & ipse in omni genere doctrinæ peritus, hæc tempora scriptis & lucubrationibus suis reddidit clariora. Qui cum esset maximè in Mathematica peritus, plura in ea facultate composuit, quibus ingenij sui vivacitatem declaravit. Extat de ratione computi Ecclesiastici liber talis elegans, quem ad quendam amicum composuit. Calendarium quoque novæ ac pulchræ inventionis lucubravit pro insensionibus Lunæ ad punctum investigandis. De compositione Astrolabij scripsit lib. 1. De usu & utilitate Astrolabij lib. 1. De cæteris quæ composuit nihil ad noticiam nostræ lectionis pervenit.

Henricus  
Monachus  
Hassliginij.

MCCCL.

Anno Henrici Abbatis secundo Indictione Romanorum quartadecimâ Cometes in cœlo per dies aliquot magnus apparuit, qui suo aspectu intelligentes terruit, qui noverunt his novitatibus frequenter aut bella præsignari,

Cometes  
apparuit  
vates ma-  
lorum.

L

signari,



signari, aut pestilentiam, aut quaslibet alias clades mortalium, quod & factum est. Nempe secuta fuere plura mala inter mortales, bella, fames, pestesque tam hominum, quam jumentorum, ut pateret non frustra fuisse Comitem.

Wilhelmus  
Episcopus  
Trajectens.  
in bello pe-  
rimitur.

Eodem quippe anno quarto die mensis Julij bellum atrox factum, est inter Wilhelmum Episcopum Trajectensem, & quosdam Comites ac Nobiles Jura memoratae Trajectensis Ecclesiae temere violantes. Congressionem autem factam diu atrociter & ambigue pugnatum est, & multi ab utraque parte ceciderunt. Extremò ipse Praesul Wilhelmus in praelio superatus ab inimicis, miserabiliter occubuit anno Pontificatus sui quinto in multis tribulationibus & adversitatibus infelicitè exacto. A die namque introitus sui Pontificatus semper amulos habuit & hostes, non solum inter Laicos, sed etiam inter Canonicos, ob id maximè, quod provisione Bonifacii VIII. & non eorum Electione intrasse videretur, sicut diximus quarto anno Godfridi Abbatis. Post ejus verò interitum Praesul Ecclesiae Trajectensis fuit ordinatus Guido ibidem Canonicus & Thesaurarius, vir nobilis, prudens atque magnificus, qui praesuit annis ferme sedecim. Alibi legimus, quod fuerit ante Pontificatum Canonicus & Thesaurarius Ecclesiae Leodiensis, quod verius dictum credimus. Hujus viri fratres Germani fuerunt Botzardus Episcopus Metensis, Joannes Episcopus Cameracensis, Joannes Hollandiae, Hannoniaeque Comes, & Florentius Princeps Morinensis.

Civitas  
Sanctorum  
meritis li-  
berata est.

Anno praenotato in die S. Mariae Magdalenae Joannes Comes una cum Henrico fratre suo Comite de Lutzelburg contractis undique copiis magni exercitus Imperialem urbem Trevirorum obsidione vallavit, castrametatus retrò Civitatem ad plagam Orientalem, in eo loco ubi Ecclesia S. Crucis constructa usque in praesens conspicitur. Omnia in circuitu devastavit hostiliter, domos, torcularia & cuncta aedificia extra munitionem posita funditus incendio combussit, & quidquid frugum erat in agro cum vinetis omnino desolavit. Cives autem Trevirenses, qui paribus armis adversariis congregari non poterant, clausis fortiter portis, Letaniis & precibus quam poterant devotione insistentes, Divinum auxilium invocabant. Et ecce nocte undecimam urbis obesset Dominus Deus meritis Sanctorum suorum, quorum Treveris multa millia corporaliter requiescunt, orationes civium clementer exaudiens, spiritum vertiginis & pavoris immisit in hostes, qui suborto clamore ac nimium perterriti arma, quae contra cives Trevirenses attulerant, in semetipsos verterunt, percutientes se mutuò & occidentes, cum hostes se ferire putarent. Unde pavor eos subito tantus invasit, quod omnes relictis tentoriis & rebus suis quas attulerant fugere quantocius nudi festinarent. Et sic urbs Trevirorum antiquissima divina miseratione, meritisque Sanctorum ab hostium formidine mirabiliter & sine armis liberata est.

Anno praenotato mortuus est Andreas Rex Ungariae sine liberis, qui uxorem habuit Agnetem filiam Regis Theutonicorum Alberti sicut dictum est supra. Post cujus mortem Ungari Ottonem inferioris Bavariae Ducem pro Rege assumpserunt, quem tamen capientes postea in vincula conjecerunt, custodiam illum Comitis Transilvani committentes. Verum non diu postea per industriam uxoris memorati Comitis Consanguineae suae



fuæ liberatus, ad Ducatum suum in Bavariam reversus est. nec amplius se de Regno Ungariæ intromisit. Auspicio autem Bonifacij Papæ VIII. & Alberti Carolus quidam Martellus Regnum Ungarorum obtinuit, & eorum perfidiam humiliavit.

His temporibus postquam Rex Gallorum Philippus obtinuit dominium Comitatus Flandriæ totum, in carcere detinens ipsius Principatus Comitem cum duobus filijs, populus terræ humillimæ conditionis, ut fuerunt artifices diversi, textores pannorum, lanifices, cerdones, macellarij, sartores vestium, pellifices, & reliquum id genus hominum gravissimam contra rectores terræ à Rege positos persecutionem suscitârunt. Cujus rei causa fuit grave jugum Gallorum, quod Flandrensibus imposuerant supra consuetudinem antiquitus introductam, & à Comitibus observatam, in præstatione talliarum & contributionum. Unde nimium gravati, primò rectores terræ, deinde & ipsum Regem Philippum per certos nuntios suos rogabant, ut alleviaretur eis jugum nimis durum & importabile servitutis, & provideretur eis de mercede solvenda pro laboribus suis competente ab his, qui conducerent eos ad operandum.

Verùm cum rectores terræ ad instantiam eorum civium, qui Senatores, Consules ac Principiores videbantur urbis, populum humilem & egenum non solum contemnerent, sed & duos ac triginta ex eis in vincula coniecissent in oppido Brugensi, facta est in oppido ipso seditio gravissima; surrexit enim populus vulgaris & confederatus sibi muruò, armatus per urbem hostiliter cœpit discurrere, & ad castellum, in quo manebant rectores urbis constituti per Gallos, turmatim propere. Inprimis autem facto impetu castellum obtinuerunt, & tam ex Rectoribus ipsis, quàm ex Brugensibus non paucos crudeliter occiderunt. Deinde fractis carceribus violenter captivos omnes extraxerunt. His tumultuosè peractis inter partes factæ sunt treugæ, & causa ad examen Regis Gallorum Philippi discutienda quàm primum missa est. Duravit hæc dissensio quasi per annum, & semper à Rege differebatur sententia; quam si nunquam tulisset, prudenter sanè fecisset. Brugenses autem multâ instantiâ, precibus, & pretio contra plebem tandem extorserunt nocivam sententiam in malum sibi perniciosum. Nam mox ut in Brugis fuit auditum, quòd sententia esset lata contra populum, plebs omnis in unum conspirans, quoniam se majoribus non posse resistere timebat, oppidum armata exivit. Et primò venerunt ad oppidum quoddam Damum nuncupatum, quod ferme tribus à Brugis distabat milliaribus, per illudque discurrentes cum furore nimio ejus Rectorem à Gallis positum interfecerunt, omniâque deprædati sunt, plures etiam ex Brugensibus ibi repertos crudeliter occiderunt. Exinde furore simul & desperatione ducti transierunt ad terram Dandenburghensem, & fecerunt similiter. Postea venerunt ad alium locum haud procul à Brugis oppido, ubi Balivus sive Rector Brugensium residebat cum LX. ferme militibus, quos omnes simul peremerunt.

Flandren-  
ses populi  
conspirant  
contra re-  
ctores ter-  
ræ.

Rex Gallo-  
rum sen-  
tentiam de-  
dit contra  
plebem op-  
pidi.

Quibus auditis cives Brugenses, ac metuentes, ne similia paterentur, nuntios ad Regem miserunt Gallorum, contra insolentiam plebis furentis auxilia postulantes. Quibus ille misit Comitem S. Pauli Jacobum, supremum Flandriæ Governatorem cum mille quingentis Equitibus, &

L 2

magna

Plebs infe-  
rior con-  
ſpirationē  
facit.

magna peditum multitudi- ne. Qui cū perveniſſent ad oppidum Bru-  
genſium, mox ſibi Regis nomine urbis dominium potenter uſurpârunt.  
Clavēs portarum, turres & munitiones loci omnes in ſuam poteſtatem  
recipientes, quod multis incolarum non parum diſplicuit. Unde cives  
inferioris conditionis, qui in oppido remaſerunt, timore ac ſuſpicionē  
fluctuantes ſimul & ex proſperè geſtis audaciam ſumentes (Deo nimirum  
permittente in ultionem avaritiæ majorum urbis, & ad humiliandam  
Gallorum ſuperbiam) conjuratione ſecretiſſimè factâ in unum conſpira-  
verunt, majores oppidi & Gallos omnes morti, quàm primum poſſent,  
animo ſimul & propoſito deſtinantes.

Plebei cur-  
rentes per  
urbem Gal-  
lo- & con-  
ſules occi-  
dunt.

Cujus rei gratiâ ut viribus auctis intentum ſuum facilius perdu-  
cerent in effectum, nuntios miſerunt occultos pro illis de plebe, qui ſe-  
ditionis erant principes, & oppidum jam pridem exiverant, & Duacum  
ſimul & Dandenburg præoccupaverant. Qui nuntio lætatur accepto  
viri ſimul & mulieres ad oppidum Brugis nocte omnes redierunt, &  
ſilenter cum bona facilitate intrantes, cū & foſſata eſſent humo repleta,  
& portæ deſtructæ omnes, conſeſtim in foro convenerunt. Stantes au-  
tem conjurati in medio fori clamare cœperunt: *Vivat communitas: Galli  
cum magnis capitibus omnes moriantur.* Galli ab his clamoribus excitati,  
cū illi theutonicâ uterentur linguâ, quid ſignificaret clamor ipſe, non  
intelligebant. Convenientes ergo plebei cum illis, qui de foris advene-  
rant, plateas urbis magnis trabibus obſtruxerunt, diſcurrentesque per  
oppidum, omnes partis adverſæ, quos invenire poterant, occiderunt ne-  
mini parcentes. Quicumque verò Gallum ſuſcepſiſſet in domum fugien-  
tem, aut ſi prius in hoſpitiū admiſiſſet, illum aut ſubitò perimebant,  
aut ductum ad principes ſuos in forum clamantes minutatim in fruſta  
conſcindebant. Galli autem furentium clamoribus excitati, & arma  
corripientes ſine ordine ad pugnam diſcurrebant, qui omnes à plebe  
fuerunt interempti. Equites verò armati cū equos vellent aſcendere  
ſuos, néque ſellas invenire poterant, neque frena, quæ plebis indiſtri-  
am per mulieres & pueros callidè prius fuerant deportata. Cūque fugâ  
ſalutem quærerent, vias urbis trabibus clauſas invenerunt, & dum pertran-  
ſire non poterant lapidibus per fenestras in eos fortiter jaſtatis à mulieri-  
bus omnes mori compulſi fuerunt. Duravit illa cruenta Gallorum occiſio  
per totum diem, in qua ex Gallis equitibus fuerunt interempti à populo  
1400. ex peditibus verò 2000. interierunt. Unde ſtrata urbis omnes ſan-  
guine & cadaveribus mortuorum fuerunt repleta, ita quòd per tres  
continuos dies plebs in evectione illorum, & ſepultura extra oppidum  
multipliciter fuerit occupata. Jacobus autem S. Pauli Comes quoniam  
juxta portam morabatur oppidi cum paucis aufugit. Facta ſunt hæc anno  
Dominicæ Nativitatis prænotato MCCC.

Gallorum  
tria millia  
quadrin-  
genti per-  
empti.

Inter Pa-  
pam & Re-  
gem Gallo-  
rum orta  
diſſenſio.

Anno præſcripto magna inter Papam Bonifacium octavum, & Phi-  
lippum Regem Gallorum diſſenſio fuit exorta. Cujus cauſam Auctores  
hæſtoriarum commemorantes dixerunt, quòd Pontifex ipſe Carolum  
Valeſianum Regis Gallorum cognatum pro quibuſdam negotiis ſuis de  
Gallia evocaverit in Italiam, promittens ei multa, quæ tamen non præ-  
ſtitit. Inter quæſerunt Carolum ipſum ex verbis & pollicitationibus  
Pontificis ſpem concepſſe non modicam Romanum conſequendi Impe-  
rium.

rium. Quæ omnia impedita & nulla manserunt, imò promissis fecit omnia contraria. Nam eodem anno Regem Albertum Rudolphi, ut supra diximus, filium, prius Electum ad Imperium confirmavit. Ex quo Gallorum Rex nimium offensus, & reputans se à Papa delusum, quidquid mali potuit in eum excogitare, totis viribus in effectum perducere studiosissimè conabatur. Unde Stephanum de Columna Pontifici hostem acerrimum in magno apud se honore detinuit, & omnes Bonifacio contrarios & adversantes, sive Columnenses fuerint, sive alij, summo favore honoravit. In odium denique ipsius Pontificis Rex Philippus complures Episcopos per Galliam à suis fugavit Ecclesijs, omnibusque bonis spoliavit, propterea quòd cum Romana viderentur consentire Ecclesia. Vacantes etiam Pontificatus pro suo arbitrio disposuit, & bona Ecclesiarum sibi & suis usurpavit. Quamobrem Papa Bonifacius ut magnanimus & audax, neminem timens, coepit contra ipsum agere quidquid potuit, quem hostem Ecclesiæ Christianorum publicum declaravit. Verùm ut comodiùs in eum, id quod cogitavit, efficeret, tali adinventione usus est. Vocari fecit per litteras Apostolicas omnes Episcopos & Prælatos totius Regni Gallorum, mandans sub gravibus censuris, ut Romam venirent ad celebrandum Concilium. Quod mox ut Regi Philippo innotuit, nequis ire posset, omnes vias præclusit; hinc Papa Bonifacius nimium contra Regem iratus, alium modum excogitare coepit, per quem se acriter posse vindicare non dubitavit. Revolutis enim antiquis statutis & privilegijs sacrae Romanæ Ecclesiæ, reperisse se gloriabatur tumidus, quòd Reges Gallorum omnes Regnum ipsum, tam in temporalibus, quàm in spiritualibus à Sede Apostolica sibi beneficialiter indultum, debeant recognoscere, & propterea Romanum Pontificem ut feudalem Dominum suum honorare. Misit ergo in Galliam Clericum quendam Romanum Narbonensem Archidiaconum, oratorem suum atque Legatum cum litteris suis Apostolicis, in quibus Regi mandavit, ut recognitionem faceret Regni Apostolicæ Sedi: quod nisi faceret quantocius, fideliter sciret se fore excommunicatum, & regnum alteri Auctoritate Apostolicâ conferendum. Veniens autem ad urbem Parisiensem, ubi tum Rex morabatur, præfatus Papæ Legatus, malè fuit exceptus, & citò per Gallos de Regno haud sine injuria repulsus. Comes namque Artensis litteras Papæ de manibus Nuntij violenter rapuit, & pro contemptu Pontificis Legato ipso conspiciente in ignem projecit. Unde postea justo Dei judicio malè periit, quando per Flandrenses in bello peremptus fuit. Exinde Rex Gallorum omnes vias diligentissimè fecit observari & custodiri per suos, ne quis cum litteris Apostolicis ad regnum haberet introitum. Convocavit autem Rex in urbem Parisiorum, Episcoporum, Abbatum, Prælatorum, Baronum ac Nobilium copiosam multitudinem, & facto Concilio pro sui justificatione appellavit ab illa sententia se excusando, & contra Bonifacium invehendo plura in illum scelera produxit in medium, videlicet hæresis, Simonia, perjurijs, homicidij & aliorum, concludens eum pro his meritis esse deponendum. Abbas verò Cisterciensis, coram quo appellavit, non acceptavit appellationem. Orta est ergo dissensio inter Papam Bonifacium & Regem Philippum gravissima; & alter alterum fortiter impugnabat, quærens eum à sua dignitate potenter dejicere.

Papa recognitionem Regni exigit à Rege

Rex contra Papam Parisijs celebravit concilium.



Bonifacius autem Papa utrôque gladio pro viribus utebatur in Regem; quem inprimis excommunicavit, atque cenſuris alijs terribilibus ſubjiciens innodavit; nec minus gladio materiali quantum potuit perſequi non ceſſavit. Quoſcunque potuit verbis, ſcriptis, muneribus atque promiſſis in ejus odium provocare, diligentiffimè ſtudit, & multos Principes, Duces, Comites & Barones ab ejus fide in magnam diſplicitiam revocavit, quamvis totum quod voluit, efficere minimè quidem potuit.

Papa Regē  
Albertum  
invitat ad  
Imperium.

Denique in tantum furor Pontificis crevit contra Philippum Regem, ut eum penitus à regno cogitaverit deponere, multumque ſecum deliberavit, qualiter deſiſtionis modum potuiſſet convenientem invenire. Poſt multam igitur deliberationem Regi tandem Theutonicorum ſcripſit Alberto, inſtantiffimè hortans, cum quatenus ad ſumendam coronam Imperij Romanam properaret ad urbem, ſe operam promittens daturum, ut amplioribus titulis decoraretur honoris, qualibus à tempore Caroli magni nullus Germaniæ Regum decoratus eſſet. Intellexit conſeſtim Rex Albertus myſterium, & nuntio regalibus cumulato muneribus Pontifici reſcripſit, eâ ſe vice propter ardua regni negotia, & corporis valetudinem venire haud poſſe, rogans nihilominus intuitu neceſſitatis ſe haberi excuſatum. Rurſus Papa Legatum miſit alterum cum litteris Apoſtolicis, quibus ſignificabat ſe Regem Philippum propter contemptum Apoſtolicæ Sedis & multa nefanda ſclera per ſententiam à Regno depoſuiſſe Gallorum, & nunc Regnum ipſum vacans ad Eccleſiam Romanam eſſe devolutum, tanquam ad verum Dominum ratione juris feudalſis. Unde ne regnum pollueretur ab invaſione hæreticorum, illud Regi Alberto ut fidei Romanæ Sedi conceſſit, & ut non contradiceret per Apoſtolica ſcripta mandavit. Pollicebatur ad hæc pecunias, viros armatos, & quidquid eſſet neceſſarium, ſe promptè daturum. Rex verò Albertus conſilio ſuorum habito, Pontifici reſcripſit, antiquâ Regum proviſione cautum, ne poſt diſiſſionem Regni Francorum, quæ facta eſt poſt mortem Caroli Imperatoris magni Regis Francorum Orientalium, id eſt, Theutonicorum, ſibi violenter regnum uſurpet vel inquietet Gallorum, nec quiſquam Regum Galliæ, id eſt, Franciæ Occidentalis aut Regnum invadat Theutonicorum, aut Imperium ſibi quomodolibet uſurpet Romanum. Unde cùm ea Principum conſtitutio eatenus permaſſerat inviolata, ſibi non videretur honeſtum, ſi primus ipſe eam temeraverit. Regnum itaque Gallorum ſibi à Pontifice oblatum Albertus reſpuit, & ut non videretur Eccleſiæ inobediens, multa pro ſui excuſatione ſcripſit. Rex autem Gallorum Philippus, cui omnia Pontificis conſilia pereos, quos pecuniâ corruerat, fuerunt manifeſta, quotidiano ſtudio & maximâ utebatur induſtriâ, ut non ſolùm Pontificis præveniret inſultus, ſed ad hæc maximè laborabat, quatenus illum capere potuiſſet, quod etiam poſtremò factum eſt, ut ſuo loco dicemus.

Quare Al-  
bertus re-  
cuſaverit  
Regnum  
Gallorum.

#### MCCCII.

Fridericus  
Episcopus  
Spirensis  
obiit,

Anno Henrici Abbatis tertio, Indictione Romanorum quintadecimâ die menſis Januarij vicesimâ octavâ, mortuus eſt Fridericus de Bollandia Episcopus Spirensis, cujus Corpus in Monasterio Uſerſtal Cisterſienſis Ordinis, cum debito honore ſepelitur, ad cujus ſepulchrum tale ſculptum in marmore legitur Epitaphium: *Continet hac ſoſſa Friderici Præ-*

*fulis*

*fulis ossa quondam Spirensis: Deus illum pascere mensis cæli digneris, epulis quoque jungere veris. Anno MCCCII. Atque Calend. quinto Februi datur is pius antro.* Moritur Anno Pontificatûs sui tricesimo minus quinque & triginta diebus duntaxat exacto. Memoratus Præsul in multa pietatis suæ studia posteaquam inquisitionem fecisset diligentissimam, nec posset invenire neque in sculpturis parietum, neque in scripturis Annalium, neque etiam ex testimonijs hominum, quis aut quando major Ecclesia Spirensis esset consecrata, accepto suorum consilio eam nonâ die mensis Septembris de novo consecravît, anno Pontificatûs sui nono, qui fuit Dominicæ Nativitatis MCCLXXXI. Post cujus mortem Sigebodo de Lichtenberg Electione Canonorum Episcopus Spirensis Ecclesiæ institutus præfuit annis ferè XII. Vir bonus & Jurium Ecclesiæ suæ defensor studiosus, qui ad honorem Omnipotentis Dei, caput S. Stephani Papæ & Martyris argento vestiri præcepit, sicut hodie cernitur; sanctus namque idem Stephanus Papa & Martyr memoratæ Spirensis Ecclesiæ Primarius post Dei Genitricem Patronus est.

Sigibodo fuit  
Episcopus  
Spirensis  
annis duodecim.

His temporibus mortuo Wigboldo Colonienfis Ecclesiæ Archiepiscopo, Henricus de Isenburg ejus nominis secundus in Pontificatu succedens præfuit annis sex & viginti: homo stemmate generis aviti satis æmulator, & qui ad militiam magis, quàm ad Clericatum natus videretur. Toto Pontificatûs sui tempore cum Civibus urbis Colonienfis dissensiones gravissimas habuit, sed & contributiones Clero non minus inconsuetas quàm duras sæpius imposuit. Cum vicinis etiam Comitibus & Nobilibus plures discordias tenuit, sed tamen victor semper evalit.

Henricus  
Comes de  
Isenburg fuit  
Archiepiscopus  
Colonienfis.

Anno etiam prænotato Gerhardus Archiepiscopus Moguntinus, Dietherus Archiepiscopus Trevirensis, Henricus Archiepiscopus Colonienfis & Rudolphus Comes Palatinus Rheni, Bavariaeque Dux, cum Comitibus quibusdam & Baronibus quandam confœderationis mutuae inter se concordiam juraverunt, quam litteris necessarijs confirmârunt atque sigillis. Causa ejus confœderationis Principum alia fuit in aperto, atque alia in occulto; quæ dicebatur in aperto, reverà non erat causa; quæ autem latebat in occulto, non dicebatur, propter metum Regis & infidelitatem Aulicorum. Fuerant enim qui scriberent, Regem Albertum suo arbitrio, & sæpius quidem præter causam & rationem agere multa, quæ jure cum Principum consilio & consensu fieri debuissent. Denique scribarum & humilium personarum, non dico vilium, quæ in aula versabantur regali, quotidianæ consultationes animum Regis falsis delationibus à via rectitudinis & veritatis multum fecere deviantem, in tantumque malè proficere malos judex æquitatis permisit, ut Rex aliquoties diceret inter pocula Bacchi: *Nihil se Principibus boni confidere, propterea quòd Adolphum Regem, cui tunc fuerant jurati, sicut nunc sibi, perfidia moti decessissent à Regno; ne mihi faciant simile, curabo eorum superbiam humiliare.* Alia quoque multa in Principes Electores fulminavit opprobria, quibus animum suum non parum satis illis declaravit aversum. Fuerunt & alia in cognitionibus Principum causæ hujus confœderationis occultæ, quas in publicum ratio vetat edicere. Unde Principes non sine causa mutuum hoc foedus inierunt, metuentes futurum, cui simile multis in regnis contigit malum. Et quidem talis provida eorum confœderatio extitit, sed in periculo jam constituto

Confœderatio  
Principum  
Imperij.

Rex contempsit  
Principes,

alter

alter alteri juxta compactata non occurrit. Audiens enim Rex ſœderis continentiam, quod Principes ſine ejus cōſiventia inter ſe compoſuerant, haud parum obſtupuit; & metuens ſibi, quod Antecellori ſuo Regi noverat factum Adolpho, cōſilium eorum deſtruere totis viribus cogitavit.

Rex movit  
exercitum  
contra Ru-  
dolphū Pa-  
latinum.

Morarum itaque impatiens magnum ſuorum conduxit exercitum, & de Baſilea inopinatè deſcendens in terram Rudolphi Comitis Palatini Rheni, qui morabatur in Heidelberg, cū eā vice nihil mali ille ſuſpicaretur venturum, eſſetque omnino & penitus imparatus ad bellum, omnem ejus Principatum devaſtando nemine reſiſtente pertransivit. Quid moramur cū res acta ſit breviter? Ad omnimodam Regis deditiōem Comes venire Palatinus Rheni compulſus eſt, fidem Alberto iterum dedit atque juravit, obſides præſtitit, conditiones ut ſincerus à Domino ſuſcipiens, ſœdus Comprincipum abjuravit.

Et contra  
Archiepiſc.  
Mogunti-  
um,

Rex autem Albertus Rudolpho Comite Palatino in ſua verba compulſo, ne cœteris copia daretur Principibus congregandi Exercitum, copias movit conſeſtim contra Gerhardum Archiepiſcopum Moguntinum, omnia in circuitu hoſtiliter devaſtans. Quid animo cogitavit, innotuit, & plures Eccleſiæ munitiones funditus deſtruxit. Tum verò inopinatè ſuper gentem Archiep̄ſulis irruit, quòd nullum Exercitū congregandi tempus Archiepiſcopo fuit.

Rex oppidū  
Bingen  
obſedit &  
obtinuit.

Anno igitur Dominicæ Nativitatis prænotato Rex Albertus venit cum magno ſuorum exercitu per Gavium Wormatiensē in terras Archiepiſcopi Moguntini, per quam devaſtator hoſtilis proficiſcens oppidum Bingen ad Rheni littus poſitum, ubi Nahus fluvius Rhenum influit, quatuor in deſcenſu fluminis à Moguntia milliaribus diſtans, obſidione vallavit; pertinet enim memoratæ Eccleſiæ Moguntinæ. Eſt in oppoſito Bingiorum ab alia parte Nahi fluminis Cœnobium Monialium noſtri Ordinis in colle poſitum, quod S. Hildegardis Monialis quondam conſtruxit, quemadmodum in prima hujus operis parte longè ſupra diximus, anno videlicet Volmari Abbatis XXVII. quod cū ſit ad expugnationem urbis conveniens ſtatio, Rex Albertus in eo partem exercitū locavit. Moniales autem prius metu ad loca ſe tutiora cum rebus ſuis contulerant.

Archiepiſc.  
recipitur  
ad gratiam  
Regis Al-  
berti.

Poſt dies obſidionis paucos cū cives tantæ ſe multitudinī armatorum reſiſtere haud poſſe perpenderent, Regi oppidum tradiderunt; qui mox urbem cum ſuis intravit, & juramentum fidelitatis, ut conſuendimis eſſe ferunt, à Civibus accepit. Interea Gerhardus Archiepiſcopus conſiderans ſe Regi viribus imparem, ad eum in memorato conſiſtentem oppido venit, gratiam petijt, indulgentiāque commiſſorum, & facilè quidem totam impetravit.

Verū pro confirmatione pacis atque concordie inter Archiepiſcopum & Regem datæ & acceptæ fuerunt multæ conditiones. Nam Archiepiſcopus denuo fidem Regi Alberto juravit, ipſumque oppidum Bingiorum, cum adjacentē caſtello Klopp dicto, Erenfels quoque caſtellum ab alia Rheni parte ſitum cum telonio, Scharpfenſtein quoque caſtrum, & Loinſtein oppidum haud procul à Confluentia poſitum cum quibuſdam alijs ad manus Regis dare quaſi obſidum vice Archiepiſcopus ipſe compulſus fuit; quæ tamen omnia ſucceſſu temporis ad Jus Eccleſiæ Moguntinæ Regali munificentia reſtituta fuerunt. Oppidum verò

Bingen



Bingen cum adjacentē castro Klopp: Erenfels quoque & telonium, quæ olim ad Archiepiscopum respiciebant, hodie ad Jus Canonorum majoris Ecclesiæ pertinere noscuntur.

Anno prænotato, posteaquam Rex Albertus oppidum Bingen obtinuit; præsidium militare, quod in Cœnobio Monialium sancti Ruperti locaverat, ejus jussione discedens ad alia se loca recepit, & Monasterium sine habitatore omnino vacuum remansit. Erant autem duo nebulones nihil omnino habentes, qui propter suam inopiam (ut fieri solet) exercitum sequebantur furandi gratiâ, non pugnandi. Qui Monasterium, Divi Ruperti post militum recessum intrantes, dum Rex cum Archiepiscopo pro concordia pacis tractatum haberet in oppido, diligenter omnia perlustrabant loca, si quippiam invenire potuissent, quod in relevamen suæ inopiæ rapuissent. Scrutatis autem quàm diligentissimè cunctis Monasterij angulis, nihil penitus invenerunt, quoniam prius omnia per Moniales seu alios fuerunt ablata.

Exeuntes ergo claustrum, perscrutabantur Ecclesiam, si quid in ea relictum invenirent: chorum eo tempore Monialium non erat elevatus in altum, sed in terra positus instar Ecclesiæ Monachorum, quem nostris temporibus Gerlacus Abbas Tuitiensis ex mandato Bertholdi de Henneberg Archiepiscopi Moguntini reformator & visitator ejusdem Monasterij, ut nunc est, in altum construendo erexit. Erat ante chorum in exteriori Ecclesia in angulo ad meridionalem plagam altare sub honore S. Catharinæ Virginis & Martyris consecratum, super quod in muro arcualiter excavato Imago B. Mariæ semper Virginis in plano manu artificis admodum pulchrè, atque decenter depicta, Coronam habens in capite, in qua lapides quatuor erant cristallini per gyrum intexti atque infixi, quintus verò cæteris major in pectore fuit sacræ imaginis collocatus.

Cùm ergo fures illi perlustrato choro simul & Ecclesiâ nihil invenissent rapiendum, alter eorum ne vacuus abiret, prædictum altare pollutus & immundus ascendit; extractoque pugione suo lapides de corona sanctæ imaginis effodere cœpit. Cui alter socius ejus per increpationem, dixit: *Quid facis, ô miser, quid facis? Desine Matrem spoliare misericordie, per quam solam post Deum (si nobis salus unquam contingere debet) & non aliter poterit obvenire.* Cujus monita sacrilegus ille contemnens, ut cœperat, de corona lapides evulsit. Postquam verò lapides quatuor de corona effodisset, etiam quintum de sacro virginis pectore impiâ temeritate subfodere cœpit.

Mira res contigit. Mox enim ut sacrum pectus pugione contingere, ac violare præsumpsit, sudare per totum imago cœpit. Quo viso miraculo sacrilegus aliquantulum horruit. Sed obcæcatus animo à cœpto crimine non cessavit. Evulsit ergo de sacro Imaginis pectore lapidem, & sceleris reatum sui grandem non attendit.

Extracto autem lapide mox sanguis lacte mixtus de vulnere imaginis in magna quantitate erupit. Quod videns infelicissimus ille, totus inhorruit, profiliensque de altari, pulverem in Ecclesia collegit, & vulnus Imaginis obstruere cœpit. Quanto autem magis vulnus Imaginis obstruere studuit, tantò plus liquor sanguinis & lactis de sacro pectore emanavit. Quod ubi miserabilis ille vidit, non ad pœnitentiam, ad quam

Miraculum  
B. Virginis  
factum  
apud Bingen.

Duo fures  
Cœnobium  
S. Ruperti  
perlustrabant.

Fur lapides  
de corona  
Imaginis  
Mariæ  
avulsit.

Imago Virginis  
sudavit per totum.

Lac & sanguis ex  
vulnere imaginis  
profiliit.

M

per

per lactis invitabatur liquorem, converſus eſt, ſed obſtinatus in malicia & datus in reprobum ſenſum, conſeſtim de Eccleſia exijt, & præcipitans ſe in vicinum flumen ſubmerſus fuit.

Superveniens autem Sacerdos quidam, qui Miſſam in eodem altari celebrare conſuevit, & videns miraculum quod contigerat, corporale ſuppoſuit, & ſanguinem cum lacte de vulnere Imaginis profluentem in eo collegit: quem ad perpetuam rei memoriam devotio populi vitro impoſitum, cum Sanctorum reliquijs in eodem Monasterio venerandum collocavit. Et nos jam longo ex tempore ſiccatum hunc liquorem lactis & ſanguinis, qui de vulnerato imaginis pectore miraculoſè fluxit, & vidimus oculis, & contrectavimus manibus noſtris, & ad preces Magiſtræ de veteri conſracto vaſe in novum tranſpoſuimus vitrum anno Abbatæ noſtræ Spanheimenſis quinto decimo, quando oſſa etiam S. Hildegardis elevavimus.

Publicato autem per Sacerdotem, qui liquorem de vulnere imaginis manantem collegerat miraculo, factus eſt magnus fidelium concurſus non ſolùm ex oppido Bingiorum proximo, ſed etiam ex Stauroneſo & ex Moguntino ceteriſque in circuitu viculis multis: Albertus etiam Rex, qui cum magna parte Principum ſui exercitus, dum hæc fierent, adhuc morabatur apud Bingios in tractatibus concordie cum Archiepiſcopo ſicut dictum eſt, occupatus, audiens miraculum tam grande factum, unà cum memorato Pontifice atque Principibus ad monaſterium S. Ruperti venit; ſanguinem lacte mixtum de pectore imaginis perforato fluxiſſe vidit & obſtupuit; & valde confortatus in fide Dominum collaudavit.

Capella in  
eodem lo-  
co ad rei  
memoriam  
conſtructa  
eſt.

In memoriam verò huius Miraculi Capella ibidem in honorem Beatiffimæ Dei Genitricis ſemper Virginis Mariæ conſtructa eſt permiſſione Gerhardi memorati Archiepiſcopi Moguntini, in qua etiam altare nunc eſt poſitum: & in honore Dei parentis conſecratum. Imago autem ſanctiffimæ Virginis Mariæ, de qua lactis & ſanguinis emanaverat liquor, in arcu parietis ſuper altere depoſita manet cum vulnere uſq; in præſentem diem.

Anno item prænotato Rex Albertus, poſteaquam Moguntinum in deditionem compuliſſet Archiepiſcopum, contra Trevirenſem quoque Archiepiſcopum movit exercitum; ducens in auxilium copias & Rudolphi Comitis Palatini, & Archipræſulis Moguntinenſium, quos ſibi potenter, ut diximus, fecerat ſubjectos. Archiepiſcopus autem Trevirorum, quem æris magna premebat inopia, cùm regis percepiſſet adventum, cui ſe nullatenus poſſe obviare viribus non ignorabat, mox in ejus properavit occurſum, humiliatôque ſupercilio gratiam & veniam obtinuit commiſſorum.

Ulterius autem progrediens cum exercitu, provinciam terræ Henrici Archiepiſcopi Colonienſis noſtri vaſtavit incurſu: nec à devaſtatione ceſſare voluit, donec & ipſum ad ſubjectionem omnimodam armorum potentiâ revocavit. Acceptiſque ab eo ſicut & à cæteris multis cautionibus, eorum conſederationem ut aranearum rete diſſolvit, & ſuis obedire præceptis coegit.

Wilhelmus  
ſit Capita-  
neus Flan-  
drenſis, con-  
tra Gallos.

Anno Dominicæ Nativitatis prænotato perpendens illa Colligatio Flandrenſium populorum, de qua præcedente anno diximus, quòd ſola  
& ſine

& sine duce non esset sufficiens Philippo Regi Gallorum resistere, anxia coepit de suis negotijs consultare. Erat illo in tempore Wilhelmus filius Comitis vallis Rheni, & mater ejus fuit filia Guidonis quondam senioris Comitis Flandriæ, qui mortuus fuit in carcere Regis Gallorum, & ipse in Brabantia Clericus degebat. Hunc evocatum Flandrenses sibi Ducem exercitus constituerunt, quoniam & juvenis erat audacissimus, & propter fratrem suum in carcere Comitis Ardensis mortuum acerrimus Gallorum inimicus. Qui relicto Clericatu Flandriæ dominium accepit. Mox ergo contractis Copijs Gandenses, qui cum Rege Gallorum eo tempore sentiebant, obsidione vallavit; quos cum expugnare non posset propter loci firmitatem, solutâ obsidione inde recessit, & per Comitatum ubique discurrens, villagia & loca minus communita sine difficultate omnia celeriter in suam potestatem accepit, ex quorum acquisitione, & numero & opibus valde auctus est. Hæc audiens Guido filius Comitis Flandriæ profugus & exul à terra, nepos memorati Comitis Wilhelmi, reversus est in Flandriam, susceptusque honorificè ab incolis auxiliator illis factus est. Imprimis igitur Guido Comes memoratus de consensu nepotis cum quindecim millibus Flandrensiū Cortracum obsedit, expugnavit & cepit præter castellū oppido adjacens fortiter munitum, in quo firma locata fuerant præsidia Gallorum. Comes autem Wilhelmus cum reliqua parte exercitus oppidum Casellæ obsedit expugnavit & cepit Civium deditione voluntariâ, ex quo iterum exercitus Flandrensiū magnum habuit incrementum. Interea Galli milites, qui erant in arce Cortraci, de victualibus ad continuandam defensionem non satis provisi, nuntios miserunt ad Regem, auxilium contra Flandrensiū obsidionem postulantes. Qui misit ad eos Comitem Ardensē avunculum suum cum magno pugnatorum exercitu, peditum videlicet quadraginta millium, & equitum septem millium, in quorum numero magna pars nobilitatis, Ducum, Comitum, Baronum ac militarium Galliæ fuisse memoratur.

Guido filius  
Comitis  
Flandriæ  
associatur  
nepoti.

Venientes autem in Flandriam Galli castrametati sunt propè oppidum Cortrich ad spatium dimidij milliariis. Rex autem Gallorum Philippus avaritiâ contristatus, ad supplementum expensarum hujus inchoati maximi belli, monetam alterari (ne dicamus falsificari) mandavit, unde lucrum sibi maximum, mercatoribus autem & populo inæstimabile oriebatur detrimentum. Duas etenim partes valoris de moneta retraxit, & novam, quæ tertiam prioris monetæ partem valebat duntaxat, fabricavit; quam tamen tantundem ut priorem solvere mandavit. Ex hac mutatione monetæ Rex omni populo detestabilis & odiosus factus est, & mercatores Italiæ multi in extremam sunt acti paupertatem.

Moneta  
jussione  
Regis mu-  
tatur inde-  
terius.

Comites ergo Flandrensiū Guido & Wilhelmus cum tantam multitudinem exercitus Gallorum contra se intellexissent advenisse, & quod eorum congressum subterfugere cum honore non possent, decreverunt magis cum decore inire conflictum, & mori pro populo, quàm memoriam sui per turpem fugam aut servitutis cujuscunque opprobrium perpetuis maculare temporibus. Igitur Guido & Wilhelmus strenui milites simul adunati cum viginti millibus ex plebeis Brugensibus & vicinis eorum pedestribus cunctis (præter paucos nobilitares) de Cortraco exierunt, contra exercitum Gallorum, & castrametati sunt in quadam

Flandrenf.  
ad bellum  
contra Gal-  
los se pa-  
rant,



planicie, per quam via dirigitur ad Gandavum, acies ſuas ex adverſo Gallorum ordinantes. Erat autem in fine illius campi quoddam foſſatum aquarum in modum novilunij arcuatum, quod propter elevationem terræ non poterat videri niſi à propè conſtitutis. Super uno igitur latere cornuto hujus laci Flandrenſes ſe pedites locaverunt; Equites etiam quos habebant deſcendentes ex equis juxta reliquos in pedibus ſteterunt, tenentes lanceas in manibus ſuis, quemadmodum ſi contra apros in venatione eſſent proceſſuri. Baculos quoque ferratos atque nodoſos in promptu habebant, ferro in extremitate acutos. Arma eis aut nulla erant, aut pauca, qui pauperes ac neceſſitate commoti bellandi conſuetudinem non habebant. Deſperatio illos fecit audaces, utpote qui mori, quàm fugere aut in manus devenire hoſtium ſuorum conſtanter ſtatuerunt. Duces verò populi Guido & Wilhelmus jam proceſſuri ad pugnam, juſſerunt adeſſe Sacerdotem, qui Corpus Dominicum in convenienti loco poſitus cunctis palam oſtenderet: verùm quia propter multitudinem cōmunicare non omnes poterant, ſigna devotionis ſuæ in Deum cuncti oſtendebant. Nam unusquiſque modicum quid in memoriam Dominicæ cōmunionis de terra in os ſuum poſuit. Comites etiam memorati diſcurrendo hinc inde per acies populum admonebant ad viriliter pugnandum, revocantes eis ad memoriam tyrannidem, ſuperbiam, impietatem, dolos & fraudes Gallorum, & quantam contumeliam, injuriam, & injuſtitiam fecerint Comitibus Flandrenſium ſimul & omni populo, ſimul monentes, ut illorum crudelitatem ante oculos ponerent, quam eſſent ſubituri, ſi Gallos in eo tantum prælio contingeret eſſe victores. Verba dicta multa, rationi convenientia & negotio, quibus animos multitudinis Dux belli Guido ad fortitudinem provocavit. Comes verò Artenſis exercitûs Gallorum Capitaneus, ubi vidit, quòd Flandrenſes in planitiem conveniſſent ad pugnandum, ſuos contra illos in decem acies ordinavit, proceſſitque ad locum, ubi illi ſtabant prælium exſpectantes. Habebat autem in ſuo exercitu non minus quinquaginta millia pugnatorum, qui omnes ad bella fuerunt doctiſſimi. Flandrorum verò ſicut diximus, vix erant viginti millia, è quibus pauciſſimi fuerunt in rebus bellicis exercitati. Accedentes itaque Galli ſatis armati contra Flandrenſes fortiter cœperunt, & inchoatum eſt bellum. Acies ergo prima impetum faciens contra ſtantes turmatim cecidit in foveam, quæ aquis plena fuerat inter utrumque exercitum, & à Flandrenſibus, qui ſtabant ex adverſo clavis & baculis ferreis percuſſa interiit. Comes quoque Artenſis qui erat Dux belli cum ſua acie impetum faciens cum ſuis equeſtribus urgebat præcedentes in tantum, quòd procedere cogeantur. Venientes autem ad foſſatum quod ignorabant, omnes in ipſum ceciderunt, ab aquis ſuffocati vel interempti. Et quia pulvis etiam magnus repleverat aerem ex curſu equorum, quòd non poterant prævidere quid ageretur in acie Galli, nec voces intelligere periclitantium propter rumores & ſonitus percuſſionum, & poſteriores fortiter impellebant præcedentes, nulli retro cedere fuit poſſibile. Unde Comes Artenſis & Conſtabulus cum alijs multis cadentes in foſſatum vel ſuffocabantur in aquis, vel à Flandrenſibus occidebantur. Superatus eſt igitur Gallorum exercitus à Flandrenſibus & ita exterminatus, ut ſex millibus equitum occiſis & peditibus

Bellum fit  
inter Gal-  
los & Flan-  
drenſes  
atrox.

Galli ſupe-  
rantur à  
Flandrenſi-  
bus.

ſine

sine numero interfectis pauci ex tanta multitudine Gallorum evaserunt. Post hanc Brugenſium victoriam contra Gallos apud Cortracum habitam, Guido & Wilhelmus Comites omnem Flandriam cum exercitu peragrantes Gandavum, Insulas, Duacum & reliqua oppida cuncta in deditio- nem sine alicujus resistantia acceperunt. Nec remansit villula vel oppi- dum in tota Flandria sive locus, qui ab eis dissentiret. Ejecerunt autem Brugenſes & Gandavenſes simul & reliqui cives omnes majores natu ex- tra patriam, qui favere Gallis putabantur. Rex autem Gallorum Philip- pus auditâ strage suorum dissimulans mentis suæ dolorem, qui non erat modicus, ad vindictam se totum contra Flandrenſes præparavit, & ma- gno suorum adunato exercitu personaliter egressus est in manu forti de civitate Parisiorum, venitque ad civitatem Atrebatensem cum decem millibus equitum & peditum sexaginta millibus. Insuper litteras miserat Carolo Valesiano Fratri suo, qui tunc erat in Italia, ut omni occasione postpositâ cum suis veniret in Galliam, cum eo processurus in Flandriam. Quî veniens Regi conjunctus est, & exercitum octoginta millium pu- gna torum contra Flandrenſes produxerunt ad pugnam.

Flandria  
Guidoni  
subijcitur.

Anno igitur Henrici Abbatis prænotato Rex Gallorum Philippus cum suo exercitu de Atrebato egressus contra Flandriam venit in villam Flandriæ vicinam, quæ nominatur Vitriacum, non procul à Duaco distantem, & est magna, habens in circumferentia spatium fermè decem milliarium Gallicorum, in qua castra posuit. Flandrenſes qui se ad de- fensionem jam antea præparaverant, duces belli habentes Johannem, filium Comitum Flandriæ, & Guidonem supra dictum, nihil cunctati, ne- que paventes ad multitudinem Gallorum, non se continuerunt in Duaco, sed exeuntes cum exercitu contra hostes processerunt, vociferantes die noctique, & provocantes adversarios suos Gallos, ut exirent ad pugnam. Facta sunt hæc in mense Octobri, & fuit tempus pluviosum, nec satis aptum ad bellum. Et quia terra illa plena est paludibus & foveis in tan- tum, quod periculosum videbatur, tempore hyemali, in ea committere bellum, quando nec victualia exercitui poterant adduci, nec milites cum equis suis ad quæque loca procedere. Quamobrem Rex congressum bellandi compulsus fuit intermittere, & aliud tempus expectare. Unde treugis datis & acceptis per annum cum Flandrenſibus, sine pugna cum suis copiis in Galliam reversus est. Erant qui aliam recessus illius causam assignarent. Anglorum Rex Eduardus, qui Flandrenſium occultus fuit amicus, cum eos liberare apertè non auderet, tali consilio liberavit. Hic nocte quadam jacens in lecto cum uxore (quæ soror fuit Philippi memo- rati Regis Gallorum) prudenti fictione dixit ad illam: *Est secretum, quod tibi volo dicere, o conjunx mihi charissima, si mihi fidem dederis tuam, quod illud nemini sis dictura.* Juravit illa silentium, & excogitatum detexit maritus arcanum: *Timeo, inquit, vehementer, ne frater tuus Rex Gallie Philippus grande malum subiturus sit cum istis Flandrenſibus pugnaturus; nam secreto percepi, quod aliqui ex Comitibus & Baronibus suis in eum facturi sint proditio- nem. Sed cave, ne cui revelaveris.* At mulier alterâ mox die omnia per nuntium Regi Gallorum fratri suo intimari curavit, quæ à marito in se- creto audivit. Territus his novitatibus Rex Gallorum, ac suspectos habens suos omnes, cum nesciret, à quibus foret sibi cavendum, Flandrenſibus

Rex Gallo-  
rum treu-  
gas facit  
cum Flan-  
drenſibus.

Regis An-  
glorum  
subtilis ig-  
ventio.

congreſſi non audebat, ſed factis ad anni ſpatium treugis, ſine proſecutione belli in Galliam reverſus eſt.

## MCCCIII.

Bonifacius  
Papa VIII.  
Anagninæ  
capitur.

Henrici Abbatis quarto, Indictione Romanorum primâ, in menſe Septembri, Rex Gallorum Philippus miſit hominem quendam ferocis animi de familia Columnenſium nomine Sciarra cum quadringentis equitibus & magna multitudine peditum ad civitatem Anagninæ, ubi Papa Bonifacius tunc morabatur octavus, ad capiendum eum. Traditione igitur factâ urbem cum ſuis Sciarra nullo reſiſtente intravit, & cum nihil tale ſuſpicaretur Pontifex, ad ejus palatium manè armatus pervenit. Bonifacius autem Papa cernens ſe proditoriè circumventum & captum, (Cardinales enim auſugerant omnes, & abſconderant ſe timore ducti, & forſitan aliqui hujus conſpirationis non ignari) inperterritus dixit ad invaſores: *Ex quo proditoriè ſicut JESUS Chriſtus captus ſum, & datus in manibus impiorum ad occidendum, mori volo ut Papa.* Et his dictis fecit ſe indui ornamentis Papalibus, ac mitrâ ſeu coronâ aureâ redimitus in throno ſedebat. Ad quem accedentes inimici ejus, Sciarra & reliqui plures, verbis contumelioſis aggreſſi ſunt Pontificem & irriſerunt eum circumſtantes multiplici ſubſannatione. Inter alios quidam Wilhelmus de Lungueretto vehementius Papæ inſultabat, qui pro Rege Gallorum tractatum capturæ illius adduxerat, & minatus eſt ei, quod ligatum ipſum duceret Lugdunum, quatenus in generali Concilio ſolemniter deponeretur. Cui Papa non deficiens animo reſpondit: *Patienter feram me condemnari & deponi per Patarenos.* Fuerunt autem Patareni Hæretici atque Schiſmatici, ab Eccleſia condemnati & combuſti, cujus ſectæ progenitores Wilhelmi extiterant, & ignibus cremati, de quibus ſupra diximus Anno Gottfridi Abbatis VII. qui alio nomine dicebantur Fratricelli. Quibus verbis Papæ confuſus Wilhelmus, cum rubore obmutuit. Domino autem diſponente ob dignitatem Sedis Apoſtolicæ nemo ex inimicis ejus auſus fuit mittere in eum manus, ſed indutus ſacris veſtibus ſub honeſta detinebatur cuſtodia. Ipſi autem inſiſtebant prædæ diripientes theſauros Eccleſiæ, & quidquid in palatio poterant invenire. Permaſit Pontifex in cuſtodia ſic tribus diebus. Tertiâ autem die Cives Anagninæ ſuum ad memoriam revocantes errorem, & de ſua erga Pontificem ingratitude haud immeritò pœnitentes arma corripunt, & vociferantes: *Vivat Papa, & moriantur traditores,* per urbem diſcurrunt. Mox itaque Sciarram, cum ſuis militibus de Civitate violenter ejicientes, quosdam ceperunt, & non paucos ex ijs occiderunt, Pontificem de cuſtodia impiorum liberantes.

Papa liberatus  
è cuſtodia  
tertio die.

Papa animi  
mœrore  
conſumitur.

Liberatus igitur Pontifex cum familia ſua nimio animi dolore propter ſuſceptum dedecus abſorptus, & contriſtatus inde diſceſſit, ac Romam cum ſuis remeavit. Diſpoſuerat autem in animo ſuo Romæ apud S. Petrum convocare Concilium ad vindicandam injuriam ſibi & Eccleſiæ factam ſubordinatione Philippi Regis Gallorum, quemadmodum legimus & ſanctum feciſſe Papam Sylverium contra ſuos detractores impios, qui illum proſcripſerant in exilium. Injuria enim Romano Pontifici facta nulli Chriſtianorum eſt diſſimulanda, cum fideles concernat omnes, qui Eccleſiæ ſunt ſubjecti.

Verum



Verùm Pontificem ista cogitantem moeror animi quotidie gravior afflixit, comotum usq; adeò, quòd melancholia morbum induxit gravem, quo nimium crescente quod cogitaverat implere non potuit. Post paucos etenim dies moerore ac infirmitate consumptus obiit, & in Ecclesia sancti Petri post introitum honorificè sepultus fuit. De cujus introitu ad Pontificatum vita, & moribus multi multa perperam satis scripserunt; sed quia nobis iudicium usurpare non debemus, nam prava de mortuis scribere nisi aut utilitas requirat publica, aut necessitas persuaferit manifesta, non est boni viri atque prudentis, multò ergo minus Christi Vicarium licebit alicui deturpare. Post cujus obitum de mense Octobri Canonice in Papam fuit Electus Nicolaus Tarvisinus ex ordine Fratrum S. Dominici Cardinalis, homo doctus & magnæ probitatis, qui Benedictus ejus nominis XI. nuncupatus præfuit duntaxat mensibus novem. Cui si diutius vivere licuisset, profectò Pontificem se non inutilem Ecclesiæ præstitisset. Hic quondam iu sæculo humilis conditionis extitit, natus ex Tarvisio, qui paupertate compulsus, apud Venetos aliquanto tempore pueros in Grammaticis docuit, & eorum se stipendio tenuiter enutrivit. Ordinem postea S. Dominici ingressus non segniter conversatus est, sed virtutibus operam navans & studio scripturarum, in modico tempore doctissimus evasit: & in Ordine per omnia officia gradatim ascendens ex subpriori Prior effectus, deinde ex priore Conventuali Provincialis, postea Magister Ordinis Generalis, exinde Cardinalis, & postremò Papa esse meruit. Factus autem Papa subito ad componendam pacem in omnibus Ecclesiæ finibus animum suum apposuit, & inprimis quidem Philippum Regem Gallorum reconciliavit Ecclesiæ, absolvens eum ab Excommunicationis sententia, quam Papa in eum Bonifacius fulminavit: Censuras etiam Bonifacii contra Columnenses prolatas revocavit.

Bonifacius  
Papa VIII.  
Romæ moritur.

Benedictus  
fit Papa XL  
Ordinis  
Prædicatorum.

Rex Gallorum  
ab Excommunicatione  
absolvitur.

Anno Dominicæ Nativitatis prænotato Suteses contra Comitem de Habspurg moventes, castrum Vallis obsidione cinxerunt, quod tandem capientes, castellanum crudeliter interfecerunt, & ipsum castellum destruentes supposito igne funditus subverterunt. Deinde Conventionem factâ perpetuum adinuicem fœdus perficiunt, litteris & juramentis illud fortissimis confirmantes, videlicet Incolæ de villa Svvit, Ure, & Undervalden contra præfectos terræ; quorum exactiones ultra debitum gravissimas ferre amplius recusabant. Crevit hæc eorum colligatio cum tempore multum, in tantum, quòd etiam magnis hodie Principibus & metuenda videatur non immeritò.

Switenfes  
bellum  
agunt contra  
Comitem de Habspurg.

Anno etiam præscripto Flandrenses adunatis Copijs suis hostili incurfu Comitatum intraverunt Artensem, & omnia per circuitum ferro & incendio gravissimè devastarunt. Suburbana etiam Artensis oppidi flammâ destruxerunt, & multam prædam ex toto Comitatu abegerunt. Exinde castrametati sunt in nemore ultra fluvium Liscium. Galli autem qui erant in oppido numero plures, Equitum videlicet tria millia, pedum verò sex millia, posuerunt insidias Flandrensibus. Nam pars exercitus Gallorum nocte quadam de oppido secretè exiens, in loco se quodam nemoris occultavit, residui verò equites simul & pedites de oppido Artensi manifestè procedentes ad bellum contra Flandrenses insulsum fecerant. Quibus Flandrenses congressi ad pugnam viriliter resistebant.

Bellum  
Flandrensi-  
um cum  
Gallis.

Et

Et ecce bello jam ingreſcente, Galli de latibulis inſidiarum ſubitò erumpentes, à tergo Flandrenſes cædere fortiter incipiunt, & ex utraque parte bellum atrox quamvis ſorte inæquali committitur. Flandrenſes autem cùm ſe in medio Gallorum viderent concluſos, fugæ ſubſidium, quærebant, interfectis ex eis non minus tribus millibus.

Eodem anno Comes Flandriæ Guido contractis Copijs occupavit Seelandiam, quam jure hæreditario ex parte Matris ad ſe pertinere confirmabat unâ cum Hollandiæ Comitatu. Et inprimis quidem principale oppidum Seelandiæ Middelburgum potenter obtinuit, ac poſtremò totam ſibi Inſulam Seelant ſubjugavit.

Philippus  
Flandriæ  
Comes bel-  
li Capita-  
neus inſti-  
tuitur.

Anno etiam prænotato Philippus memorati Guidonis de Flandria filius, qui lata in Apulia poſſidebat Dominia ( habebat enim duos Comitatus in feudum à Rege Sicilia ) cùm audiſſet patriam ſuam in periculis conſtitutam, eiſque compateretur ex animo, reſignavit feudum quod habebat, Regi Siculorum Carolo, & in Flandriam reverſus eſt, malens Patriæ ſuæ ſubvenire pauper & modicus, quàm pereunte in provincia aliena dives eſſe & magnus Dominus. Qui veniens in Flandriam ſummâ Incolarum gratulatione ſuſceptus eſt, & belli Capitaneus ac Dominus communi voto omnium conſtitutus. Mox igitur cum valido ſuorum exercitu Comitatum Artenſem ingreditur, & per omnem diſcurſans regionem oppida incendio deſtruxit & ferro, ac villas terræ omnes ſolotenus evertit uſque ad mare. Cuſtodiam verò Gallorum per oppida Comitatus Artenſis poſitam partim interfecit, partim fugere compulſit. Poſt hæc urbem Tornacenſem obſidione cingens fortiter impugnavit, hiſ qui intus erant non minus fortiter repugnantibus. Erat autem Civitas benè munita, & omnibus neceſſarijs ad reſiſtendum copioſè proviſa.

Rex Gallo-  
rum treu-  
gas dedit &  
accipit an-  
nales.

Interim obſidione durante Rex Gallorum Philippus non minus fatigatus multitudine negotiorum, quàm magnitudine impenſarum attædiatus, Treugas à Flandrenſibus per annum duraturas petijt & impetravit. Quibus compoſitis etiam ſublata fuit obſidio. Et Comes Guido de Flandria, qui captivus tenebatur in Gallia, ſub conditione in Flandriam redire permiſſus eſt, ut poſt certum tempus reverteretur ad carcerem; Qui dimiſſus venit in Flandriam, & cum magno ſuſceptus gaudio, dixit: *Jam letus morior viſâ liberatione Patriæ meæ de manibus & tyrannide Gallorum.* Reverſus autem ad carcerem, ſicut juraverat, tempore conſtituto, non diu poſteà moritur captivus, annos ætatis habens non minus octoginta. Vir bonus & prudens, cujus corpus in Flandriam relatum cum honore ſepelitur.

### MCCCIII.

Anno Henrici Abbatis quintò, Indiſtione Roman. ſecundâ, Comes de monte Rutilo, quem vulgari titulo nuncupant Landtgraſſum de Leuchtenberg, magno Francorum adunato exercitu imperiale oppidum Schvveinfurt obſidione vallavit & cepit.

Gerhardus  
Archiepiſc.  
Moguntin.  
obiit.

Anno prænotato quinto Calend. Martij obiit Gerhardus de Epſtein Archiepiſcopus Moguntinus, & in principali Eccleſia ſancti Martini cum debita ſolemnitate ſepelitur. Poſt cujus mortem Eccleſia Moguntina vacavit in annum ſequentem menſibus fermè decem. Fuit autem Gerhardus iſte Præſul magnificus, vir magnæ prudentiæ, amator Cleri, & Clauſtralium tutor atque patronus ſingularis.

Eodem



Eodem anno circa principium Junij mensis mortuus est Benedictus Papa XI. Perusij in Ecclesia sui Ordinis, Fratrum scilicet Prædicatorum, cum magna pompa sepultus non sine opinione Sanctitatis. Fuit enim vir optimus & religiosissimæ conversationis; in Divinis scripturis valde peritus, & sæcularis literaturæ non ignarus: qui nonnulla fertur lucubrâsse opuscula, quorum tamen nihil ad nostræ meminimus pervenisse lectionis notitiam. Hic Pontifex tantæ fertur extitisse humilitatis, ut exemplar meritò dici queat omni posteritati ad imitationem virtutis. Nam ut insonuit Nicolaum summum adeptum Pontificatum apud Tarvios, Mater ejus gaudio repleta venire ad eum salutandum quantocius festinavit. Quæ cum paupercula esset mulier & humillimæ conditionis; ne vilitate indumentorum suorum filio Pontificatu jam sublimato verecundiam generaret, sericis ac pretiosis vestimentis, quæ commodato acceperat, se induit, & comitantibus matronis honestissimis ad Papam filium intravit. Quam ut vidit ingredientem, circumstantibus dixit: *Non est hæc mater mea, quam video, nec quæ sit novi. Mater etenim mea sericum nunquam portavit ornatum.* Quod mater intelligens retrocessit, ornatum pretiosum deposuit, & resumptis vestimentis suis vilibus ad Papam denuò intravit. Quam videns Pontifex dixit: *Hæc est Mater, quæ me genuit: hanc esse novi, quæ me suis uberibus lactavit.* Et surgens eam ut parentem reverenter sulcepit. Fama est hunc venerabilem Pontificem veneno perijsse quorundam æmulorum, qui toxicum in ficibus recentibus sibi per Abbatissam S. Petronellæ missis occultârunt. Mortuo autem memorato Pontifice Sedes vacavit mensibus undecim.

Benedictus  
Papa XI.  
obiit, & va-  
cat sedes  
mensibus  
II.

Matrem  
paupercu-  
lam veste  
pretiosa  
non admi-  
sit.

Anno prænotato finitis treugis Rex Gallorum magnum exercitum adunavit, vid. Equitum 12. millia, peditum 60. millia ad pugnandum contra Flandrenses. Divisit autem exercitum in duas partes. Nam unam partem in sedecim Galæis bene armatis per mare destinavit in Seelandiam contra Guidonem Seelandiæ Comitem, qui illam & vicinas insulas bello navali, ut supra diximus, sibi nuper subjugaverat. Et huic expeditioni suæ navali Rex præfecit quendam Reynherum de Grimaldis Januensem virum strenuum, & in præliis navalibus expertum. Hic ergo Reynherus cum XVI. Galæis prænominatis stipendio Regis Gallorum venit ad Seelandiam, ut removeret obsidionem à Saliscæ oppido Seelandiæ, quam Guido Comes memoratus firmaverat. Audiens autem Guido Comes adventum Gallorum in multitudine pugnatorum contra se, non est animo dejectus, sed confortans admonitione suos, dimissâque obsidione Saliscæ, cum decem millibus armatis & octoginta navibus contra adventantes properavit ad pugnam navalem. Congressione factâ superati & victi fuerunt Flandrenses; Comes Guido cum multis alijs captus in Galliam mittitur, plures occiduntur, reliqui fugerunt. Alij autem Flandrenses, qui remanserant in obsidione Saliscæ mox à Gallis circumdati omnes, qui fugere non potuerunt, aut fuerunt occisi, aut capti. Comes Guido Parisijs fuit carceri mancipatus. Aliam verò exercitus partem Equitum & peditum magnam Rex Gallorum Philippus propria in persona per terram duxit in Flandriam, & castra locavit in valle quadam inter Lillam & Duacum. Wilhelmus autem & Philippus Comites & Capitanei exercitus Flandrensium castrametati sunt haud procul à sta-

Navale bel-  
lum Gallo-  
rum, in quo  
sunt victi  
Flandrenf.

Guido Co-  
mes Flan-  
driæ capi-  
tur.



tione Gallorum. Non tamen extenderunt ſua tentoria, quia propoſitum habebant citius pugnandi cum Gallis; proptereaſque, quòd Guidonem audierant captum, & ejus omnem proſtigatum exercitum. Descendentes autem de equis caſtrum fecerunt de curribus, in quibus ſibi neceſſaria attulerant, & in eo per circulum reſidebant, dimittentes aliquos aditus per quos ad hoſtem exitum haberent.

Inter Gal-  
los & Flan-  
drenſes bel-  
lum com-  
mittitur.

Galli verò diſtincti & ordinati in 14. acies, quarum quælibet unum ex majoribus Gallia principibus Capitanum habebat, leves quosdam & extraordinarios conflictus cum Flandrenſibus habere cœperunt; propiusſque accedentes ad eorum caſtra lapides & ſagittas in eos projecerunt. Unde provocati Flandrenſes ab alia parte caſtrorum exiverunt, & impetu facto in Gallos irruerunt nil tale ſuſpicantes. Tantus eorum fuit impetus & furor cum clamore ſubitaneus, quòd Carolus Dux Valeſianus Frater Regis, & Comes S. Pauli qui erant principaliores, cum ſuis aciebus terga verterunt cum multis alijs Copijs Gallorum.

Prælium  
dubium.

Wilhelmus autem Comes Flandria cum Brugenſibus eodem impetu proceſſit uſque ad papilionem Regis Gallorum, trucidantes omnes, qui eis obviabant. Ingreſſi autem papilionem Regis, epulas jam ipſi, cœterisſque Principibus ejus paratas ad cœnam invenientes, comederunt, & videntes Regem non cognoverunt, qui ſine armis erat, nec veſte regali indutus, quem ſi cognoviſſent, viventem non dimiſiſſent. Rex autem quamvis incognitus hoſtibus, quia tamen homo fuit proceræ ſtaturæ, in tam præcipiti occuſu cum labore vix tandem potuit aſcendere caballum. Nam quoties aliquis Flandrenſium impetum facere in illum tentabat, ab his, qui miniſterio ejus fuerant deputati, tuebatur, & ob id plures eorum fuerunt occiſi.

Poſtea verò quàm Rex equum aſcendiſſet armatus, cœpit objurgare ſuos, & cohortari ad fortiter repugnandum, & mox inſtauratum eſt bellum; modico autem intervallo temporis tranſacto campum Rex Gallorum obtinuit, & cum ſuis contra Flandrenſes triumphavit: Carolus etiam Dux de Valois frater Regis, qui cum multis auſugerat, reverſus eſt, & ingravatum eſt prælium. Demum Flandrenſes à Gallis ſuperati ſunt, & eorum ad minus ſex millia ceciderunt. Comes etiam Wilhelmus cum multis alijs nobilibus terræ occubuit, reliqui ſalutem fugâ quæſierunt. Evaſerunt autem de prælio Philippus Comes Flandria, Joannes de Namurco Comes, & Emericus frater ejus, cum pleriſque alijs in Lillam fugientes. Ex parte verò Gallorum in eodem prælio 1500. ceciderunt.

Poſt hanc victoriam Rex Gallorum Lillam oppidum Flandria, in quod confugerant Flandrenſes, obſidione fortiſſimâ cinxit, ita quòd introitus nulli patebat vel exitus; cujus exercitus terram in circuitu per ſex milliaria occupavit. Multis autem machinis utebatur, & totis viribus intendebat ut urbe captâ reliquias Comitum Flandria penitus extingueret, & Flandriam omnem ſuo imperio ſubjiceret.

Interea Comes Joannes de Namurco, qui ante obſidionem Lillæ reſceſſerat, audiens ſocios in tribulatione conſtitutos, congregatis Brugenſibus & alijs terræ populis multis in ſuccurſum Lillæ properârunt. Unde omnes Flandria artiſices, ruſtici quoque & quicumque ad pugnam judicabantur idonei, proceſſerunt ad bellum, numero ſexaginta millia

virorum



virorum Flandrensiū contra Gallos versus Lillam, simul omnes iuramento confirmantes, se nunquam reversuros in domos suas, nisi obtinerent vel pacem sibi convenientem, vel emptam gladio victoriam & omnimodam libertatem. His inter se firmiter conclusis, animis concitati & veluti penitus desperati accesserunt propius ad copias Gallorum, provocantes illos ad bellū, eligentes mori potius, quā imperio subesse tyrannorum.

Rex autem considerans eorum audaciam, & desperatam animositatem, consilium suorum habuit, quid utilius videretur agendum. Qui communi voto consuluerunt omnes, nullo modo cum eis pugnandum, propterea quod essent in desperatione audaces, sed potius de pace tractandum: *Quoniam*, inquit, *si victi fuerimus ab illis, damnum irreparabile sustinere cogemur: si autem vicerimus illos, cum sint homines desperati, necesse erit, ut plures nostrū moriantur.* Melius ergo pacem tractare voto videbatur communi.

Rex Gallorum Flandrensiū congressū metuī.

Annuī Rex sententiā communi procerum, & cœpit per Mediatōres de pace cum Flandrensiū habere tractatū. Itaque reformata est pax tali sub conditione. Quod Flandrenses suā deinceps omnimodā gaudeant libertate ab impetitione Gallorum perpetuō absoluti: & quod Rex, Comites & Nobiles Flandriæ, quos tenebat captivos, omnes dimitteret liberos, nec Flandriam de cœtero amplius inquietaret. Item quod Flandrenses Regi Gallorum sub certi spatio temporis darent in refusionem expensarum ducenta millia Parisiensium, eamque Flandriæ partem quæ est ultra flumen Liscia versus Galliam, & utitur lingua Gallica sive Picarda, Regi cederet in possessionem sempiternam. Firmatis itaque pactis Rex in Galliam est reversus, pecunia cum tempore soluta, & captivi omnes mox libertati donati, & in Flandriam remissi, videlicet Rupertus, Wilhelmus, Guido, & alij, sicque finis bello datur, quod Flandriam quatuor annis oppresserat.

Pax firma inter Gallos & Flandrenses constituitur.

Anno Henrici Abbatis prænotato, die nonā vicesimā Aprilis, obiit Ebervvinus Episcopus Wormatiensis, cui successit Emmericus de Cronenberg & præfuit annis decem, homo pacificus, Ecclesiasticæque institutionis devotus cultor atque defensor, qui non minus populo gratus & acceptus fuit, quā Clero propter morum probitatem.

Emmericus fit Episcopus Wormatiensis.

Eodem anno nonā die mensis Septembris obiit Joannes Hollandiæ Hannoniæque Comes & Seelandiæ, vir strenuus & bellicosus, cui Wilhelmus ejus filius in principatu successit, qui uxorem habuit Joannam, filiam Caroli Ducis de Vallois fratris Philippi Regis Gallorum, de qua genuit tres filios & quatuor filias, Joannem, Wilhelmum & Ludovicum. Filiarum prima nomine Margareta Ludovico Duci Baviariæ nupsit, Imperatori postea Romanorum, Joanna Comiti nupsit de Juliaco, Philippa nupsit Regi Anglorum, Elisabeth Virgo juvencula obiit. Porro Wilhelmus patri in Comitatu succedens, sine liberis obiit, & soror ejus Imperatrix omnem principatum Wilhelmo filio suo impetravit, quemadmodum loco inferius congruo dicemus. Ludovicus etiam tertius Wilhelmi filius in pueritia, sicut & Joannes sine liberis moritur.

MCCCV.

Anno Henrici Abbatis Hirsaugiæ sexto, Indictione Roman. tertiā, postquam Sedes Apostolica mensibus undecim vacavit, Benedicto mor-

N 2

tuo,

Clemens  
fit Papa  
quintus ex  
Archiepisc.

tuo, ut supra diximus, propter discordiam Cardinalium, tandem in Papam fuit electus. Raimundus Burdegalensis Archiepiscopus, & dictus Clemens quintus, præfuit annis octo, mensibus decem, diebus quinde-  
cim, qui Ordinem Templariorum extinxit. Concilium generale Vien-  
nense celebravit, libros Clementinarum edidit, quos Joannes Papa vi-  
cesimus secundus publicavit. De cujus Electione inconsueta narrationem  
veram afferamus.

Historia  
Electionis  
hujus Papæ  
describitur.

Cardinales apud Perusium in Conclavi pro Electione novi Pontificis, anno prænotato constituti, duas in partes divisi vehementer ab invicem discordabant. Nam Cardinales Italienses, & maximè qui Bonifacij Papæ VIII. tenebantur amore, Pontificem habere cupiebant Italum, & Regi Gallorum adversum. Alia verò pars Papam requirebat ex natione Galli-  
cana, & Regi Gallorum faventem. Tandem industriâ Nicolai Cardi-  
nalis Pratenfis, qui erat principalis eorum, qui partes tuebantur Regis  
Galliæ, pars Italica fraudis ignara, tres nominavit extra Collegium Car-  
dinalium in Gallia constitutos idoneos viros, qui stabant in discordia  
cum Rege in illo tempore, ex quibus pars Italica, cujus caput erat ipse  
Pratenfis Cardinalis, unum teneretur eligere infra dies quadraginta.  
Placuit ista conditio Cardinalibus Gallicanis, talisque nominare curave-  
runt, qui olim Bonifacio fuissent amici, & Regi Gallorum Philippo  
semper adversarij. Factâ igitur hac solemnî conventionem inter se Cardi-  
nales, & fidem mutuò jurantes litteris firmaverunt, & secreti silentium.  
Mox ergo pars Cardinalium Italiæ tres Archiepiscopos nominaverunt  
Gallicanos, fautores Bonifacij, sibi que amicos, & Regi Gallorum con-  
trarios, inter quos unus erat memoratus Archiepiscopus Burdegalensis,  
qui Regi Gallorum illo in tempore multum erat infensus, atque con-  
trarius, propter injurias suis amicis factas à Carolo Valesiano.

Nominatione trium Archiepiscoporum factâ, Cardinalis Pratenfis  
suæ parti persuasit secretò, quòd Raimundum Burdegalensem sibi pro-  
mittebant eligendum in tempore præfixo, nulli tamen interim quidquam  
dicerent de præmissis, ne pars altera posset intelligere, quæ secreta  
istorum esset intentio: & ante publicationem Electionis Nicolaus Pra-  
tenfis per litteras Regi Gallorum intimavit negotium, & suasit quatenus  
sibi Raimundum Archiepiscopum reconciliando faceret amicum, quem  
Cardinales, modo Regi placeret, in Pontificem eligerent. Mittuntur  
in hoc negotio ad Regem secretissimè nuntij veloces, qui in undecim  
diebus à Perusio iter facientes ad ipsum Parisios venerunt. Rex verò cum  
litteras Cardinalium accepisset, gavisus est gaudio magno, & mittens pro  
Archiepiscopo litteras amicabiles, rogabat quatenus pro bono pacis ad  
locum, quem determinaverat, venire dignaretur. Qui cum venisset  
infra sex dies ad quandam Ordinis nostri Abbatiam, Rex cum parva  
Comitiva suorum adesse curavit. Convenientibus ergo in unum, Rex  
Archiepiscopum blandis sermonibus alloquitur, & dato hinc inde jura-  
mento de secretando penitus negotio tali eum benevolentia affatur:  
*Domine Archiepiscopo, scias in mea fore potestate, si velim, te summum Ecclesie  
Romana facere Pontificem. Quod ut verum intelligas, missas ad me Cardinalium  
has litteras per ordinem legas (& tradidit ei non omnes, sed quasdam Cardi-  
nalianum epistolas pro negotio compositas ad legendum.) Si igitur deinceps*  
vit



*vis mihi esse amicus & favorabilis, satiam te fieri summum Antistitem; sed volo mihi certas gratias te daturum promittas.*

At verò stupefactus Archiepiscopus ad novitatem rei, cùm litteras Cardinalium legisset, dixit ad Regem: *Domine mi Rex video, quòd me supra omnes mundi homines amas & diligis, bonum reddens pro malo; propterea præcipe quidquid volueris, & ego si Papa factus fuero, libenter omnia concedam.* Tunc Rex manum ejus exosculans dixit: *Ista sunt petitiones meae, & gratia quas mihi concedes sub juramento, cum Papa fueris.*

Rex à futuro Pontifice suo sex petitiones postulat.

*Prima petitio mea est, ut posteaquam Romanus Pontifex evaseris, me procurante, ut me perfectè reconcilies Catholica Matri Ecclesie, relaxando & veniam concedendo plenariam omnium eorum, quæ vel ego, vel amici mei & servitores commisimus in Bonifacium Pontificem octavum, sive in ejus captione, sive in alijs quibuslibet injurijs.*

*Secunda mea postulatio est, ut omnes censuras & sententias Excommunicationis & maledictionis, quas idem Papa Bonifacius in me & in generationem meam fulminavit, omnino tollas, auferas & annulles perfectè, tam à me, quàm à genere meo, meisque amicis & servitoribus universis in Consistorio publico plena sub auctoritate.*

*Tertia petitio mea est, quòd mihi promittas sub jurejurando, quatenus memoriam Bonifacii Papa de Catalogo Romanorum Pontificum penitus & omnino deleas, & omnia per eum facta, constituta & ordinata, revoces, annihilas & casses, extractumque de tumulo corpus ut hæretici & nunquam veri Pontificis comburendum des ignibus.*

*Quarta petitio mea est, quòd honorem Cardinalatus, quem Bonifacius injustè abstulit Jacobo & Petro de Columna, eis mox favorabiliter restituas, & eos in pristinum statum, & locum suæ dignitatis recipias cum restitutione omnium Beneficiorum, & honorum ablatorum. Et quòd aliquot Cardinales novos instituas ex meis amicis & fautoribus, quorum tibi nomina pro tempore nota fecero, promovendo.*

*Quinta petitio mea est, ut concedas mihi per quinque annos continuos omnes decimas totius Regni Gallorum, & terrarum mearum, sive quas Clerus & Monachi possident, sive quicumque seculares, in relevamen expensarum multiplicium, quas feci in bello cum Flandrensibus.*

*Sextam petitionem meam hæc vice non volo exprimere, sed in aliud eam tempus pro necessaria cautela reservare, ut qualibet occasione mihi occurrente, unum à te habeam petere, quòd mihi ex vi juramenti præstiti ac firmiter roborati non possis denegare.*

At Raimundus sæpe dictus Archiepiscopus omnia servare promisit, & super Corpus Dominicum insuper juravit, se facturum omnia, quæ Regis ambitio postulavit. Ad confirmationem quoque omnium obsides Regi dedit, fratrem suum unum & alterum nepotem. Rex etiam juravit Archiepiscopo, quòd eum in Romanum Pontificem promoveret. Et sic ab invicem cum magno gaudio recessum, negotium secretissimè occultantes, hoc solum divulgantes apud suos, quòd essent amici.

Reversus ergo Parisios Rex confestim rescripsit Pratenfi Cardinali gestæ rei conditionem, & ut Burdegalensem Archiepiscopum jam sibi reconciliatum in Papam eligerent, rogavit. Nuntij itaque ante quintum & trigessimum diem Perusium reversi litteras Regis Pratenfi tradiderunt.

Cardinalium verò pars altera nationis Italicæ nihil iſtarum rerum, ſciebat, ſed putabat Archiepiſcopum Burdegalenſem Regi adhuc eſſe inimicum.

Convocatis igitur Cardinalibus omnibus, & pactis prioribus renovatis & confirmatis, Pratenſis Cardinalis oratione congruente negotio propoſitâ, vice omnium in Romanum Pontificem elegit Raimundum ſæpe dictum Burdegalenſem Archiepiſcopum. Cujus Electio cæteris quoque omnibuſtam populo, quàm Cardinalibus placuit, & magnis lætitiæ vocibus acclamata & comprobata fuit, ignorantibus, quòd eſſet Regi Gallorum reconciliatus, ſed putantibus illum perpetuum eſſe adverſarium.

Electio intimatur  
Electo, qui  
ſtatim acceptavit.

Exeuntes igitur Conclave Domini Cardinales, decretum Electionis cum ſolemnibus nuntiis miſerunt Burdegalim ad ipſum electum, quam ille ſtatim acceptans Clementem ſe V. nominavit. Deinde per litteras Cardinalibus mandavit, quatenus Lugdunum ſine mora accederent, & ejus Coronationi ſimul intereſſent. Vocari autem etiam fecit ad eandem Coronationis ſuæ pompam, Regem Galliæ, Regem Angliæ, Regem Aragoniæ, & multos Galliæ & Vaſconia Principes, quoniam Patriâ Vaſco fuit. Electio ejus quintâ die menſis Junij apud Peruſium facta eſt Anno Domini prænotato; Coronatio autem undecimâ die Novembris.

Anno prænotato hyems fuit aſperrima & nimis diuturna, frigus magnum & valde intenſum, quo nimium argente omnia Germaniæ flumina glacies operuit, & viam tranſeuntibus fecit. Unde & alimenta multis in locis defecerunt hominibus ſimul atque pecoribus, & in urbibus multis penuria lignorum mortales graviter afflixit.

Eodem quoque anno primâ die menſis Maij, quæ feſtività Sanctorum Apoſtolorum Philippi & Jacobi annuâ revolutione conſuevit eſſe ſolemnis, tanta nivium copia cecidit, quòd terram operuit, & ventorum impetus multas arbores ſubvertit, & vineta graviter læſit.

Rex Bohemiarum moritur, cujus Exequiæ Spiræ peraguntur.

Item anno prænotato mortuus eſt Rex Bohemorum, cujus exequias Rex Theutonum Albertus ultimâ die Junij, Spiræ in majori Eccleſia convocatis multis Episcopis ſolemniter celebravit, inter quos & Henricus hujus Monaſterij Hirſaugienſis ſupradictus per Regem vocatus adfuiffe invenitur. Ubi inter pulſandum diutius, ut in talibus fieri ſolet, major campana nimio tractu violentata deſuper cecidit, & jacta per duas Eccleſiæ teſtudines in pavementum, fracta in tres partes fuit.

Anno prænotato Eccleſiâ Moguntinâ poſt obitum Gerhardi Archiepiſcopi jam diutius vacante, propterea quòd etiam Sedes vacaret Apoſtolica, tandem Canonici cum Papam Electum audiviſſent Clementem quintum, etiam ipſi ad Electionem Archiepiſcopi novi proceſſerunt. Sed in Electione duos elegerunt, Baldevvinum videlicet Moguntinenſis & Trevirenſis Eccleſiæ Canonicum, Fratrem Henrici Comitis Luzenburgenſis, poſtea Imperatoris, & quendam alium, cujus nomen ad præſens non occurrit. Verùm nullus Electorum ad Archiepiſcopatum Moguntinum illâ vice pervenit, ut dicemus.

Confluentia obſidetur ab Archiepiſcopo Trevirenſi.

His temporibus inter Dietherum Comitem de Naſſavv Trevirorum Archiepiſcopum & Cives Confluentinos maxima fuit exorta diſcordia propter multas cauſas & varias diſplicentias. Tandem Archiepiſcopus exercitum ſtipendio conducens peregrinum, vocatiſque in auxilium Prin-



Principibus amicis, Confluentiam obsidione vallavit, quam aliquandiu impugnans, tandem violenter obtinuit, & oppidanos rebelles ad obedientiam reducens suo imperio subjugavit.

Ferebatur autem illo in tempore, quemadmodum ex veterum monumentis accepimus, quod memoratus Archiepiscopus Trevirorum, Dietherus multam pecuniam pro stipendio conductij exercitus ac principum contra suos rebelles Confluentinos exposuit; pro quorum compensatione penè omnia bona Ecclesiæ in pignus dedit. Fuit enim Præsul inquietus, & Rege Alberto mente & voluntate semper contrarius. Et quamvis in hoc nihil omnino profecerit, rigorem tamen animi sui propter necem fratris sui Regis Adolphi usque ad mortem continuavit, & multos amulos habuit.

Anno prænotato Henrici Abbatis, undecimâ die mensis Novembris Clemens Papa V. ut supra diximus, in Ecclesia Lugdunensi solemniter coronatus est: cujus coronationi Rex Galliarum Philippus personaliter interfuit, similiter & frater Regis Dux Valesianus, Joannes quoque Dux Britanniarum cum alijs multis Episcopis & Prælati atque Principibus Galliarum. Maxima etiam multitudo populi ad eam Coronationis pompam confluit, quod præ nimia compressione multitudinis paries unus corruerit, & memoratum Ducem Britanniarum cum multis alijs oppresserit. Pontifex etiam adeo turbâ premente agitatus est, quod mitra ejus de capite cecidit, & procul excussa Jaspidem æstimationis magnæ lapidem amisit.

Clemens  
Papa V.  
Lugduni  
coronatur.

Ab eo tempore Sedes Apostolica de Roma per Clementem hunc Pontificem V. in Galliam translata per annos ferme 74. ibidem permansit, non in parvum detrimentum tam urbis, quàm Ecclesiæ Romanæ simul & totius Italiæ, cujus occasione urbs Romana & pulcherrimæ in ea Ecclesiæ multæ penè in ultimam desolationis solitudinem venerunt. Verùm ne Romani ejus perpetuam ægrè ferrent absentiam, tres illis Cardinales destinavit, quibus Senatoriam contulit potestatem. Tam multos verò ex Gallis & Vasconibus creavit Cardinales, ut Itali cum reliquis nationibus cunctis penè viderentur exclusi. Omnia verò, quæ Papa futurus Regi Gallorum promiserat, factis adimplevit, præter unam petitionem, quam facere non potuit, ut postea dicemus.

Anno LXXIV.  
Sedes Apo-  
stolica  
mansit in  
Gallia.

Anno Henrici Abbatis prænotato in Comitatu Novariensi Provinciæ Longobardorum hæresis Fratricellorum per Bonifacium Papam VIII. olim condemnata, sicut diximus Anno Godfridi Abbatis VII. iterum resuscitata fuit per quendam hypocritam nomine Dulcinum, qui non erat alicuius Ordinis seu Religionis approbatæ, sed propriâ temeritate sibi officium desumens prædicandi, multos suo infecit errore, sanctitatem fingens, quam nec opere habebat, nec mente.

Dulcinus  
instaurator  
hæresis  
Fratricello-  
rum.

Primus & principalis error hujus perniciosissimæ hæresis ex radice Fratricellorum pullulavit. Dicebant enim, quod Christianis omnia deberent esse communia, non solum res, sed etiam mulieres, non tantum ad ministerium, verum etiam ad commixtionem carnis. Coitum etenim indifferenter cum matre, sorore, filia & uxore sua, vel alterius exercentes nullum dicebant esse peccatum, sed opus charitatis.

Ejus erro-  
res.

Secundus error fuit, quia dicebant Papam, Cardinales ac Episcopos Ecclesiæ non veros esse pastores, sed potius lupos rapaces, æternò quo suppli-

cio



cio dignos, propterea quod vitam Apostolicam non servarent. Se autem Dulcinus verum Christi dicebat Apostolum & Papatu dignum.

Item omnes Ordines & Religiones Claustralium veluti quasdam superstitiones contemnebant, dicentes Sanctissimos Christi famulos Basilium, Augustinum, Benedictum, Franciscum, Dominicum & alios quoslibet institutores ordinum, corruptores extitisse sacrosancti Evangelij, & propterea torqueri animas eorum jaculo diaboli.

Omnes denique articulos erroris, quos de Fratricellis Anno Godfredi Abbatis VII. consignavimus, etiam iste profitebatur Hæresiarcha Dulcinus. Ecclesiæ ministros irridebat, Sacramenta sprexit, Pœnitentiam & omnes ritus Christianæ Religionis contempsit.

Quatuor  
millium  
hæreticorū  
numerus.

Dulcinus  
cum multis  
igne cre-  
matur.

Multos secum populares utriusque sexus, vilis tamen conditionis, in hæresin illam perniciosam attraxit, quorum numerus quatuor millibus constabat, qui omnes simul in montibus & locis nemorosis habitabant more bestiarum, ad libitum se mutuò polluentes. Cum autem defecissent illis victualia, prædabantur undecumque potuissent occurrentes, asserentes omnia esse communia, & ratione Sanctitatis licere sibi universa. Per duos annos talis Congregatio duravit impiorum. Biennio tandem elapso plures victi tædio incommodorum & paupertatis, hæresiarcham deferentes ad fidem Ecclesiæ regressi sunt. Postremò Dulcinus auctor malorum per Novarienses captus est, cum quadam Margaretha erroris sui complice, ac aliis multis in perfidia præduratis, qui omnes utriusque sexus ignibus cremati sunt.

#### MCCCVI.

Anno Domini Henrici Abbatis septimo, Indictione Romanorum quartâ Henricus Comes Luzenburgenſis Imperator postea Romanorum frater Baldevvini, quem anno præcedente ad Archiepiscopatum Ecclesiæ Moguntinæ diximus postulatum, audiens Clementem Papam V. jam coronatum Pictavis commorantem, misit ad eum Magistrum Petrum de Achtpalt Medicinæ Doctorem in urbe Trevirorum eo tempore prædicantem, ut confirmationem fratri ad Archiepiscopatum memoratæ Ecclesiæ precibus impetraret. Qui cum venisset ad Papam, negotium sibi commissum fideliter exposuit, & pro Baldevvino diligentissime rogavit. Erat autem Baldevvinus ætatis annorum vix duorum & viginti. Unde Papa sciens negotium & statum Ecclesiæ Moguntinæ melius quàm putabatur, electionem Canonikorū anno præterito factam omnino cassavit, & neutrum electorum per eos confirmare voluit, producens plures causas in medium, propter quas provisio Ecclesiæ Moguntinæ de Jure ad Romani Pontificis devoluta videretur arbitrium. Dicebat ergo, se illi mox provisurum secundum sententiam Cardinalium. Cum hæc Petrus audisset Baldevvini orator, & nuntius, quod preces fudisset incassum, doluit, & se ad reditum præparavit. Cum ecce Papa subito gravissimè cœpit infirmari usque adeò, quod se omnino timuit in instanti moriturum. Revocatur Petrus jam jam abiturus ad Pontificem, & rogatur, si possit, infirmanti conferat sanitatem. Qui cum esset in practica Medicæ artis expertissimus, infirmanti Papæ medicinam convenientem adhibuit, eumque in triduo curavit. Pontifex cernens & gaudens se tam subito sanatum, obstupuit, & ad Medicum suum gratulabundus ait:

Electio  
Mogunti-  
nensium à  
Papa Cle-  
mente cas-  
satur.

*Quia*

*Quia tam bonus medicus es corporum, ne tuis benefactis videamur ingrati, magnum tefacimus medicum animarum; Archiepiscopatum Ecclesia Moguntina nobis vacantem tibi conferimus, & Archiepiscopum ejus pleno jure ordinamus.* Quibus auditis Petrus ad vestigia Pontificis procidit, & ut Archiepiscopatum illi conferre dignaretur, pro quo missus fuerat, instanter rogavit. Pontifex autem non consensit oranti, sed dixit: *Ecclesiam Moguntinam tibi contulimus, quam alteri te vivente non dabimus; Baldevvinum pro quo venisti orator, suo tempore providebimus.* Itaque Petrus medicus patriâ Trevirensis Clemente Papa V. jubente apud urbem Trevirorum in mense Julio anno prænotato Archiepiscopus Moguntinus solemni pompâ ordinatus est, ac deinceps cum pallio & litteris Apostolicis ad Moguntiam mittitur, & tam à Clero, quàm à populo civitatis ut verus Archipræsul susceptus, cum favore & reverentiâ omnium inthronizatur, & præfuit annis fere quindecim. Fuit enim vir doctus & morum integritate præcipuus, ingenio subtilis, eloquio disertus, & in omni actione magnificus.

Papa Moguntinum Archiepiscopo Petro dat medico.

Henricus autem Comes de Luzenburgo, qui miserat illum pro fratre ad Papam, cum audivisset rem gestam, malè fuit contentus, existimans, quòd Baldevvino infideliter neglecto, semetipsum apud Papam promovisset potius, quàm illum. At Petrus Comiti litteras misit cum suis Apostolicas, in quibus omnem rei gestæ ordinem plenius edocuit, & concitatum Henrici Comitis animum placavit. Nam postea totum ordinatione divinâ factum didicit, cum hujus promotione Petri & se Imperatorem, & fratrem Trevirorum Archiepiscopum vidit.

Henrico Comiti displicuit promotio Petri.

Anno Henrici Abbatis prænotato in principio mensis Februarii, hoc est, in solemnitate Purificationis Beatæ Mariæ semper Virginis, nivibus & glacie simul in aquam resolutis, tam magna, & vehemens inundatio facta est, ut suo impetu circa Rhenum & Moganum hominibus damna intulerit penè infinita; domos namque plures & ædificia subvertit, hortos, agros & vineta sine numero destruxit, homines & jumenta plura suffocavit, Pontem supra Moganum apud Franckenfurt subvertit, partemque murorum urbis Moguntinæ dejecit, & duas turres cum muro Coloniensis civitatis penitus prostravit.

Aquarum inundatio multa intulit damna.

His quoque temporibus Magister & Fratres nuncupati Hospitalarii Sancti Joannis Hierosolymitani per totum orbem Christianum missis nuntiis Indulgentias Cruciatæ pro fide Catholica permissione Apostolicâ prædicari fecerunt, & infinitam pecuniam exinde colligentes, magno Fidelium adunato exercitu insulam Rhodiensem in mari Mediterraneo haud procul à terris Turcarum distantem occupantes, per annos quatuor navali prælio fortiter impugnârunt. Quam tandem potenter expugnantes, interfectis aut fugatis inde Saracenis & Turcis inhabitare cœperunt, & inhabitantibusque in præsentem diem per annos CC.

Rhodi insula per Johannitas expugnata possidetur.

Anno etiam prænotato Judæi omnes per totum Regnum Gallorum ubilibet constituti mandato Regis Philippi fuerunt expulsi vel occisi, bonis eorum omnibus in fiscum repositis regium. Hujus persecutionis causam in Judæos variam apud scriptores Historiarum invenimus esse digestam. Nam alij scripserunt, fontes Christianorum per Judæos veneno esse intoxicatos, & propterea illos justè occisos. Aliqui verò insatiabilem Regis avaritiam notaverunt ut causam, quippe qui omnes bonis cunctis

Judæi omnes in regno Gallorum fuerunt occisi.

spoliaverit, cum omnes non fuerint nocentes. Et hanc illius crudelē avaritiam, sive ut ipsi loquuntur, crudelē impietatem nece & extinctione Templariorum confirmant, quos pœnas dedisse non reatū proprii, sed alienæ cupiditatis existimant. Constat ex Veterum lectione fatis, quā avarus & crudelis fuerit Rex iste Philippus, quamvis pater ejus fuerit sanctissimus.

## MCCCVII.

Archiepisc.  
Trevirorū  
accusatur  
coram Pa-  
pā.

Anno Henrici Abbatis Hirsaugiæ octavo indictione Roman. quintā, Canonici majoris Ecclesiæ S. Petri Trevirorum dolentes bona & res Archiepiscopatus per malum regimen Dietheri ex Nassavv Archiepiscopi sui distrahi & multipliciter alienari, posteaquam sæpius illum admonuissent, atque rogassent humiliter, sicut filij patrem, ut vel ipse regiminis sui emendaret errores, vel si non posset aut vellet, coadjutorem ex capitulo unum assumeret, cujus auxilio Ecclesiam utiliter gubernaret, & ille cuncta surdā contemneret aure, necessitate compulsi rem ad examen Apostolicæ Sedis deferentes auxilium Papæ postulârunt. Romanus igitur Pontifex Clemens Papa V. de statu periclitantis Ecclesiæ Trevirorum, sufficienter informatus, Dietherum memoratum Archiepiscopum ad audientiam Sedis Apostolicæ in Galliam ad civitatem Pictaviensem, ubi tunc erat Curia Papæ, citavit, & super quibus esset responsurus objicendis innotuit.

Dietherus  
Archiepisc.  
Trevirensis  
moritur,  
Baldewino  
succedente.

Dietherus verò Archiepiscopus Trevirorum cum se accusatum à suis & citatum ad examen Romani Pontificis audivisset, animo dejectus infirmitatem gravissimam incidit, & crescente diuturno languore, priusquam terminus citationis adesset, Anno prænotato vicesimā tertiā die Novembris vitam cum morte commutavit; Treviris in Ecclesia Fratrum Prædicatorum sepultus, cujus & Ordinis fuit. Quo mortuo Petrus supra dictus Medicus Archiepiscopus Moguntinus apud Canonicos Trevirenses suā exhortatione obtinuit, quod Baldevvinum Fratrem Henrici Comitis de Luzenburgo tertium atque vigesimum ætatis annum tunc agentem, in Archiepiscopum Trevirorum postulârunt. Cum quo Clemens Papa V. ad instantiam ipsius Petri, quondam, ut diximus, Medici sui super minorennitate favorabiliter dispensavit, Electionem confirmavit, Pallium misit, & Archiepiscopum Trevirorum instituit. Baldevvinus igitur Archiepiscopus Trevirorum auctoritate Apostolicā institutus, annis quadraginta sex, mense uno, decemque & octo diebus utiliter præfuit, & Ecclesiam ex omnibus debitis relevavit. Fuit enim vir prudens, strenuus, & in cunctis operibus suis valde magnificus, amator Cleri, Monachorum Pater, advocatus pauperum, defensor & protector fidelissimus subditorum.

Regis Gal-  
lorum im-  
pia & cru-  
delis peti-  
tio ad Pa-  
pam.

Anno prænotato Philippus Rex Gallorum cum tribus filiis, duobus fratribus & multis Baronibus Clementem Papam Pictavis in Gallia cum sua Curia residentem accessit: & ut memoriam Bonifacii Papæ VIII. de Catalogo Romanorum Pontificum deleret: omnia ejus facta & Constitutiones sive ordinationes penitus revocaret: Corpus & ossa ejus exhumata comburi faceret, quemadmodum ante Papatum juramento promississet, nimis importunè & præter rationem instabat; asserens se per suos Clericos posse probare, illum fuisse hæreticum & multis sceleribus irretitum, & ob id corpus ejus incendio dignum.

Attoni-



Attonitus Pontifex ad petitionem Regis impietate plenam, de consilio Cardinalis Prætenſis viri aſtutiſſimi reſpondit: *Rem hanc arduam fieri ſine determinatione Generalis Concilij non poſſe.* Unde ut animum Regis aut deliniret, aut deluderet, potius Generale Concilium in Delphinatu poſt triennium indixit celebrandum, in quo firmum Regis petitio conſequeretur effectum; rem namque tam arduam nullius fore momenti confirmabat, niſi totius auctoritate Concilij ſolido fulciretur fundamento. Hæc reſponſio Pontificis haud parum contriſtavir Regis animum, iniqua poſtulantis: qui nimis furore ſæviens in mortuum, nihil magis quam de Bonifacio Papa ſepulto quærebat vindictam. Cogebatur tamen exſpectare Concilium, in quo ſperabat ſuam petitionem ſine dubio ſortituram effectum. Mens autem Pontificis malè poſtulatorum quærebat diffugium, & propterea cauſam remiſit ad Concilium, quam certò ſciebat ab omnibus fore meritò reprobandam: evaſionem de laqueo impietatis & anguſtiæ Pontifex quærere voluit, qui petitionem Regis iniqui ad futurum Concilium remiſit. Propterea ut manus impietatis poſſet evadere, urbem Viennensem, quæ fuerat extra ditionem tyranni, pro Concilio voluit deputare.

Eâ tempeſtate Ordo Templariorum, qui quondam temporibus ſancti Bernardi Abbatis Clarevallensis in terra ſancta Hieroſolymis ſumpſit exordium, & per annos duraverat fermè ducentos, cui & ipſe Divus Pater Bernardus vivendi normam præſcripſit, ad instantiam ſæpe dicti Regis Gallorum Philippi, ac permiſſione Clementis Papæ V. miſerabiliter uno die fuit exinctus. Erat autem Ordo ipſe poſt amiſſionem terræ ſanctæ cum certis alijs Ordinibus Carmelitarum videlicet, Cruciferorum, Theutonicorum, Johannitarum & Dominici Sepulchri de partibus tranſmarinis in Europam tranſlatus, & brevi tempore valde multiplicatus.

Nam Profeſſores ejus dicebantur milites Templi, habentes ſub ſe plures ejusdem Profeſſionis Presbyteros, qui Divina coram eis celebrare ſolebant: quemadmodum in Ordine Theutonicorum hodie cernimus obſervari, quorum cura fuit præcipua in ſubventionem terræ ſanctæ, quamdiu fuit in manibus Chriſtianorum, nec non & illorum, qui templo Hieroſolymis miniſtrabant, pro viribus impendere tributum: & pro recuperatione ejusdem terræ ſanctæ bellum gerere & pugnare contra gentem infidelium. Unum Generalem totius Ordinis Magiſtrum habebant, cui reliqui priores, milites & fratres erant omnes ſubjecti; qui eâ tempeſtate quando eorum tribulatio ſumpſit exordium, Pariſijs in Gallia reſidebat, natione Burgundus, genere nobilis & nomine Jacobus. Fuit autem Ordo ipſorum potens atque ditiffimus inter omnes Religiones, multa habens Coenobia, Poſſeſſiones, proventusque, & lata Dominia, oppida ſimul atque Caſtella non ſolum in Gallia, ſed etiam in cæteris Europæ nationibus multis, in Hiſpania, in Normandia, in Burgundia, in Alſatia, in Suevia, in Orientali Francia, in Bavaria, in Thuringia, in Saxonia, in provincia cis-Rhenana & pertotam ferè Germaniam, Lombardiam, atque Italiam. Nec erat eâ tempeſtate Religio aliqua votivorum inter omnes Religiones clauſtrales ditior in auro & argento Templariorum Ordine, cujus magnitudo divitiarum interitus eorundem, cauſa fuiſſe memoratur. Scribit Hugbertus Monachus extinctioni Tem-

Ordinis  
Templa-  
riorum  
qualis fue-  
rit institu-  
tio.

Ordo Tem-  
plariorum  
inter om-  
nes fuit di-  
tiſſimus.

plariorum contemporaneus, quòd Magistro eorum cum alijs ſexaginta ejusdem Ordinis militibus Pariſijs capto, & diutius incarcerato, metuentes reliqui futurum, quod poſteà contigit, ne hoſtes eorum prædam invenirent quam quærebant, omnem pecuniam, quam habebant in auro & argento per totum Ordinem pondere innumerabilem, & numero infinitam, per diverſa loca, diverſiſque modis abſcondere ſub ſilentio ac ſecretiſſimè curaverunt, partim intra Monaſteria ſua, atque Caſtella, partim verò extra in campis atque nemoribus. Maximè tamen ſicut poſteà ex quorundam eorum confeſſione in tortura fuit compertum, pecunias ſuas in cloacas projecere vetuſtas, & in puteos aquarum profundos terrâ ſimul & lapidibus foramina diligentiffimè obſtruentes, ne ab aliquo inveniri potuiſſent. Multi tamen poſt extinctionem Ordinis, cum hæc theſaurorum occupatio fuiſſet publicata, pretio loca eorundem comparantes à Principibus cum tempore plura de abſconditis invenerunt.

Hiſtoria extincti Ord.

Sed nunc ratio expoſtulat, ut modum & originem extinctionis Templariorum, ſicuti ab alijs digeſtum accepimus, huic etiam noſtræ compilationi quanto compendioſius poterimus, ad notiſſimam poſteritatis fideliter inferamus: proteſtantes, quòd nullum per hoc ſacroſanctæ Romanæ Sedi ſive Pontifici contumeliæ genus ſive injuriæ crimen irrogare intendimus, dum Clementis papæ conſenſu factum declaramus. Hiſtoriam etenim quam conſcriptam prius ab alijs accepimus, poſteritati fideliter enarramus. An verò juſtè vel injuſtè fuerint exterminati ſapè dicti Templarij, non eſt noſtrum proferre ſententiam, ſed Divino judicio, quod falli non poteſt, committimus cauſam. Hujus mali principium tale fuiſſe narratur. Quidam Prior dicti Ordinis Templariorum de monte Falcone apud Tholoſam pro ſuis ſceleribus captus per Magiſtrum Generalem Pariſijs ad perpetuum fuerat carcerem condemnatus, qui tantæ perſecutionis in totum Ordinem præſtitit cauſam; in eodem namque carcere derinebatur & alius quidam Florentinus, vocabulo Noſſus homo ſceleribus plenus, qui & ipſe ad carcerem perpetuò fuerat condemnatus.

Ordinis duo incarcerati crimina publicarunt.

Hi duo ſpiritu maligno pleni, ut cum emolumento aliquo ex vinculis potuiſſent eripi, horrenda in Ordinem crimina falſò (uti multi exiſtimant) inter ſe mutuò confinxerunt; ſciebant enim multas Ordinis Templariorum eſſe divitias, & Regem Galliæ Philippum nimis avarum, & propterea ad perſecutionem Ordinis facile inducendum. Nec dubitabant, ſe mox poſſe libertatem conſequi, modò per eorum revelationem, quæ vera crederetur, Ordinem contingeret extingui. Cùm ergo ſic ambo detinerentur in carcere, per ſuum cuſtodem atque miniſtrum Officialibus Regis avari denuntiari fecerunt, ut ſi ad eos venire prope carcerem dignarentur, ſecretè revelaturi eſſent eis aliqua, per quorum ſcientiam Regi commodum naſceretur infinitum. Quibus ad carcerem venientibus ſceleratiſſimi traditores illi dixerunt: *Si Dominus Rex vitam nobis ſimul & libertatem perpetuam vobis intermediantibus dignaretur concedere, poſſemus & vellemus vobis revelare aliqua ſecretiſſima, per quorum notiſſimam & veſtra ſubſtantia ſimul, & Regis in immenſum ſine dubio quantocius augetur.* Bone Deus quid mali non facit aurum, & quem non perdit avaricia juſtum! Mox ut ſibi divitias polliceri audierunt ingentes, negotium celeriter detulerunt

tulerunt ad Regem, & vitam cum liberatione carceris impetrant sceleratis, parum advertentes, quo illi moverentur Zelo ad tam horrenda, & prius inaudita dicere contra proprium Ordinem suum; quippe qui minus odio & vindictâ laborabant contra Magistrum Ordinis Generalem, cujus imperio detrusi fuerant in carcerem, quàm desiderio liberationis à vinculis ad libertatem. Revertentes igitur ad carcerem Officiales Philippi Regis Gallorum liberationem captivis promittunt omnimodam, si & ipsi suam Regi exhibeant pollicitationem. Tunc illi duo sceleratissimi traditores ad invicem prius quàm optimè deliberati in malum Officialibus dixerunt: *Dicatis Domino Regi, Ordinem Templariorum haresibus & infinitis sceleribus esse plenum, & propterea meritò penitus extinguendum. Unde si favore Pontificis Romani processerit ad inquisitionem per tormenta, inveniet sine dubio quaecunque dicimus, esse verissima. Deinde auctoritate Papæ Ordinem ipsum funditus destruat, quoniam haresibus & inauditis sceleribus plenus est, & habebit omnia bona eorum per totum regnum suum nullo prohibente. Verum ut noveritis, super quibus fieri debeat inquisitio, notate singula per ordinem, quæ dicemus.* Et introductus scriba publicus ex relatione illorum duorum subjectos articulos contra Templarios adnotavit.

Rex captivis libertatem promittit, ut Ordinem prodant.

Primus articulus, quem duo illi contra Ordinem Templariorum coram Notario & testibus proposuerunt, iste fuit: *Quod omnes recipiendi ad ipsum Ordinem in sua professione jurare cogerentur, quod ipsam religionem suam omnibus vitæ suæ diebus usque ad mortem defendere, honorare, juvare & ampliare pro viribus velint in personis, in rebus, & in substantia indifferenter, sive juste, sive injuste, sine exceptione aliqua, etiam cum injuria & detrimento aliorum.*

Articuli contra Ordinem Templariorum.

Secundus Articulus fuit: *Quod cum Saracenis occultum superiores eorum haberent contractum, & plus de perfidia Mahumeti sentirent, quàm de fide Christiana. Quod ut fortius comprobarent, dicebant, quod in professione sua, quam semper omnes facerent in occulto, imaginem Crucifixi Salvatoris nostri conspuerent, & pedibus conculcarent, & fidem Christi multipliciter blasphemarent.*

Tertius Articulus fuit: *Quod superiores eorum omnes essent homicidæ, sacrilegi, crudeles & heretici, quoniam Novitios ad Ordinem conversos, qui sectam eorum postea compertam detestarentur, & vellent redire ad saculum, vel ad alios Ordines, secretissimè occiderent, & nocturnis temporibus in occulto sepe-lirent. Similiter quoties mulieres & Virgines per eos corruptæ fuissent imprægnatæ, docebant eos procurare abortum, & natos infantes occultè trucidabant.*

Quartò dicebant: *Templarios omnibus erroribus Fratricellorum esse infectos, Papam & auctoritatem Ecclesiasticam spernere, Sacramenta contemnere, Pœnitentiam & Confessionem peccatorum penitus irridere. Ea verò, quæ secundum Ecclesiæ ritum facere viderentur, omnia fieri mendaciter & fictè, ut secta eorum per hoc non appareat.*

Quintò dicebant: *Superiores eorum milites, prioresque non esse contentos, quod die, nocturneque cum mulieribus in occulto suas voluptates implerent, sed etiam (quod meritò Christiani auditus horrebit) sodomitarum exemplo in alterutrum turpitudinem exercentes, naturæ leges confunderent, & Deum sermone simul & opere blasphemarent, seque propterea carceri perpetuò mancipatos à Magistro, quod his erroribus atque spurcitijs fuissent omnino contrarij.*

Sextò dicebant: *Eorum templa & habitacula omnia sordibus plena, immunda violata & meretricum latibula, in quibus omnia fierent Luxuria genera*



*sine reverentia Dei, temporum vel locorum. Quæ illorum delatio poſtea in omnem terram publicata & pro vera habita uſque in hodie diem plerique Germania gentibus proverbium dederit, ut occulta meretricum proſtibula, in quibus licenter omnia fiant, vulgariter Tempel haus conſueverint appellare.*

Septimò dicebant: *Majores & antecſſores in ordine ſuos cauſam fuiſſe, quòd Terra Sancta in manus deveniret Sarracenorum, per proditionem occultam, & quòd illis plus faverint, quàm Chriſtianis.*

Octavò dicebant: *Quòd benedictio ſive inſtitutio Generalis Magiſtri eorum ſemper fiebat in occulto præſentibus paucis ex junioribus Ordinis, eſſetque vehemens eorum ſuſpicio, quòd fidem abnegaret Chriſtianam, vel aliquid aliud promitteret vel ageret honeſtati contrarium.*

Nonò dicebant: *Multas in Ordine Templariorum eſſe conſtitutiones illicitas, prophanas & Chriſtiana Religioni omnino contrarias, & propterea cunctis ejusdem Religionis Profeſſoribus, ſub pœna incarcerationis perpetua fore interdictum, ne revelent eas alicui.*

Decimò dicebant: *Eis luxuriam quocunque modo in eorum ſecta commiſſam, dolum, fraudem, mendacium, deceptionem, perjurium, homicidium, ſeu quidquam aliud pro commodo vel honore Ordinis eorum quomodolibet factum ſeu commiſſum, nullum eſſe peccatum.* Hæc quæ præmiſimus cum alijs multis, illi duo Pariſijs captivi, quatenus optatam aſſequerentur libertatem, contra Ordinem ſuum produxerunt, quæ vera fuerint, an falſa, ſolus ille novit hodie, qui nihil ignorat.

Rex autem Gallorum Philippus his delationibus contra Ordinem Templariorum ſecretò acceptis, cum nonnullis inductionibus, quæ videbantur probare negotium, cum Ordini & Magiſtro prius haud parum eſſet inſenſus, propterea quòd multa poſſiderent in Regno, & decimas ſibi à Papa quinquennio indultas permittere omnino recusâſſent, eſſetque multum avarus, & omnia eorum bona percuperet, gaudebat ſibi oblatam pro extinctione totius Ordinis qualemcunque occasionem.

Accessit igitur Pontificem Romanum Clementem vid. quintum Piſtavio cum ſua curia reſidentem, articulos præſcriptos cum alijs multis contra Magiſtrum & Ordinem Templariorum propoſuit, & ſibi concedi contra eos inquisitionem petijt, totamque deleri eorum Religionem ut peſtiferam & hæreſibus plenam instantiſſimè poſtulavit. Creditur autem, quòd Rex magis inductus odio Magiſtri & avaritiâ ſuccenſus bonorum, Ordinis iſta petierit, quàm amore juſtiæ.

Pontifex autem eſi talia invitatus audivit, tamen ut infeſtationem Regis importunè nimis poſtulantis à ſe removeſcere potuiſſet, & ut venundatus ſub neceſſitate promiſſionum impoſſibilium animum leniret commoti, abſque alia diſcuſſione materiæ eorum, quæ Templarijs obijciebantur à Rege, nimium credulus tandem conſenſit, concedens per litteras Apoſtolicas, ut omnes Templarij per orbem caperentur, torquerentur, & omnia bona eorum ſequeſtrarentur, qui ſicut diximus ubique habebant maximas poſſeſſiones & multa bona.

Magiſter  
Ordinis  
cum alijs  
multis Pa-  
riſijs capi-  
tur.

Rex verò Gallorum poſteaquam Pontificis conſenſum extorſit, ſupremum Templariorum Magiſtrum, qui tunc erat Pariſijs nomine Giachi, natione Burgundum, genere nobilem cum alijs ejusdem Ordinis ſexaginta militibus genere nobilibus, æquè capi fecit, & duriffimis manci-  
pari

pari carceribus. Deinde omnes Templarios per totum regnum Gallorum ubilibet constitutos cepit, carceribus durissimis mancipavit. Post hæc Apostolicas litteras & mandata per totam Europam direxit, quibus Papa multis Principibus distinctè mandavit, quatenus Templarios in suis terris constitutos omnes caperent, eosque super præmissis articulis per torturam examinarent, pertinaces in errore, criminæque negantes, ut hæreticos ignibus, poenitentes verò & reatum confitentes vitæ reservarent. Bona verò eorum sequestrata secundum Diocesanos dispositionem in usus Ecclesiæ necessarios converterent. Ordinem verò Templariorum ad nimis importunam Regis Gallorum instantiam penitus cum titulo idem Clemens Papa V. in perpetuum extinxit.

Super articulis autem præmissis Rex Gallorum captivos suos infelices & miserabiles per tormenta crudelissimè fecit examinari. nihil plus audire cupiens, nihilque magis affectans, nisi ut objecta sibi scelera confiterentur esse vera, quatenus causam extinguendi Ordinem eorum, & sibi usurpandi bona Ordinis sicut & fecit, justam habuisse videretur. Verum cum illi constanter in tormentis omnia negarent, quæ eis fuerunt objecta, dicentes cuncta esse conficta, falsa & eimentita, Rex mandavit augeri torturam, ut dicere, quod volebat audire, saltem pœnarum magnitudine cogerentur.

Postremò Rex, qui ad eorum festinabat interitum, ut conclusionem faceret negotij, præcipit eos extra urbem Parisiorum duci vinctos in Campum, ubi alto solario quasi theatro ex lignis factò ascendere fuere compulsi, & inspectante omni populo fecit eos ligari ad palos, & nudatos ignem jussit pedibus eorum supponi, deinde ad tibias, sicque paulatim, ad membra superiora, unum post aliud miserabiliter exurendo, denuntians eis manifestè, quoniam si reatum suum, hoc est articulos faterentur objectos, mox liberarentur à pœnis, & vitam assequerentur liberam poenitentes.

Interea cum talia paterentur, eorum amici propius accedentes, & consanguinei hortabantur, & cum lachrymis eos rogabant, quatenus confiterentur objecta potius & viverent, quàm in obstinatione perdurantes pœnas & mortem sustinerent acerbam. Sed illi precibus amicorum nequaquam præbuere consensum, nec induci quâlibet ratione potuerunt, ut scelera confiterentur objecta. Constanter in tormentis negando perseverabant, clamantes injuriam se pati coram Deo & hominibus, sed esse innocentes & innoxios omnium & singulorum, pro quibus torquerentur. Deum omnipotentem, ejusque intactam Genitricem Virginem Mariam, & omnes Dei sanctos testes suæ innocentiae lugentes præ dolore pœnarum invocabant, atque inter clamandum miserabiliter obierunt. Reservati verò ad tempus Regis jussu fuerunt Ordinis Magister Generalis F. Delphinus, F. Hugo Paraldi, frater quidam alius ex principalioribus Ordinis, qui fuerunt aliquando ipsius Regis Gallorum Thesaurarij. Hos duci ad Papam Piætavis commorantem Rex vinctos præcepit, quorum vestigia secutus & ipse Pontifici assidere curavit, se judicem faciens, qui persecutor simul & accusator judicandorum acerrimus exitit. Constitutis autem in audientia Papæ, fuit promissum, quoniam si palàm confiterentur objecta, veniam consequerentur & vitam. Verum posteaquam sibi objecta

Templarij  
Parisij sine  
Confessio-  
ne fuerunt  
combusti.

Templarij  
Deum in-  
nocentiae  
suae testem  
invoca-  
bant.

Magiſter  
Ordinis  
coram Papa  
confiteſtur  
aliqua.

objecta diutius conſtanter negaſſent, tam Regis quàm Pontificis, Cardinalium, amicorumque blanditijs & perſuaſionibus tandem inducti, ut vitam redimerent, fatebantur, ſe quibuſdam objectarum hæreſum ſcleribus fuiſſe infectos, pro quibus à Papa veniam poſtulabant. Quorum confeſſio per Notarium publicum juſſu Regis conſeſtim excipitur, & proceſſus ut conſuetudinis eſt litigantium deſuper declaratorius formatur. Quibus peractis vincti Pariſios reducti ſunt, & in carcerem repoſiti; Pontifex autem duos Cardinales miſit Pariſios ad executionem negotij, qui ſententiam ferrent contra Ordinem, confeſſata Pictavis coram Papa facerent manifeſta, & pœnitentiam aliquam inponerent confeſſis pœnitentibus. Qui cùm veniſſent in urbem Pariſiorum, eductos de carcere Templarios in eminentiori loco poſuerunt, ut videri & audiri ab omni populo poſſent. Relecto autem proceſſu confeſſionis coram Papa habito in urbe Pictavenſi per Notarium publicum coram omnibus, Magiſter Templariorum ſurrexit in loco ſtans eminentiori, & cum magno clamore ſilentio poſtulato dixit: *Viri fratres audite precor cum patientia, quæ dicturus ſum vobis, & veritatem huius negotij ſine dubio plenam intelligetis; vera enim dicturus ſum, & à veritate non recedam in aliquo.* Exiſtimantes autem miniſtri pœnarum, quòd confeſſurus eſſet objecta, indixerunt plebi ſilentium.

Magiſter  
Ordinis ſe  
morti adju-  
dicat, quod  
falſa confeſ-  
ſus eſſet.

Stans ergo Magiſter Ordinis in pulpito, magnâ & clarâ voce clama-  
bat: *Hæreſes & crimina, ſuper quibus ego & confratres mei accuſamur, penitus in nobis, & in Ordine noſtro nec eſſe, nec fuiſſe unquam, publicè & veraciter dico, ſcio & proteſtor, & dico nunc publicè coram Deo & omnibus ſanctis ejus, qui judicaturus eſt vivos & mortuos, quòd injuriam patimur, & contumeliam injuſtè manifeſtam. Omnia enim, quæ nobis obijciuntur, falſa ſunt, & conſicta at ementita, ſic me Deus ſalvet extremis in periculis. Religio enim mea, cujus fui miniſter, ſancta eſt, & fuit omni tempore, & innocens ab omni ſclere hæreticæ pravitatis. Hac eſt mea confeſſio vera, in qua ſto, manebo, & mori paratus ſum. Eo ſic vociferante, quidam aſtantium dixit: Non concordant hæc verba ſermonibus tuis, quos coram Summo Pontifice & Domino meo Rege nuper Pictavis ſpontaneâ voluntate dixiſti. Cui ille reſpondit: Propterea me morte dignum fateor, & eam ſubire patienter ſum pro mea levitate paratus, pro eo, quòd timore perterritus, & blanditijs Papæ ac Regis ſeducus, de me & ſancto ordine meo nuper aliqua confeſſus ſum, quæ ſcivi & ſcio eſſe falſa, conſicta & ementita. Ob id innocentiam mei Ordinis teſtaturus, & mendacium ulturus, in nomine Chriſti libenter moriar.*

Magiſter  
Ordinis  
cum uno  
ſuorum  
comburi-  
tur.

Cùm hæc dixiſſet, ſermo ejus tumultu miniſtrorum interruptus eſt, & amplius loqui non fuit permiſſus. Cardinales autem & reliqui Eccleſiæ Prælati, qui aderant, datâ ſententiâ in eos Romani Pontificis nomine, prout Rex Gallorum extorſerat, inde receſſerunt. Concilio autem cum Rege habito, dictus Magiſter Templariorum Generalis cum Delphino ſocio ſuo ante Regis aulam ligatus ad palum igne ſuppoſito primùm ad pedes, deinde ad tibias, & ita paulatim conſequenter ad membra ſuperiora longo ſupplicio deficiens exuſtus eſt. Qui tunc inter ſupplicia tam crudelia, & ſe & religionem ſuam de objectis ſcleribus conſtantiffimè excuſavit. Deum in teſtem ſuæ innocentie invocans, & intemeratam ejus Genitricem in auxilium. Frater autem Hugo de Paraldo cum alio

milito



milite socio suo, timore mortis perterritus, ne pati similia cogeretur, ea quæ Pictavis coram Papa confessus fuerat, iterum Parisijs coram omni multitudine confitebatur, & sic mortem ambo evaserunt. Scribit tamen Archiepiscopus Florentinus, quod miserabiliter postea interierint. Similiter & illi duo, quos Magister Ordinis Parisijs incarcerationaverat, qui omnium malorum fuere principium, & incentores, dimissi per Regem ex carceribus, malâ morte tandem perierunt, uno eorum suspensio in patibulo, & alio morte violentâ interempto. Per totam denique Europam in Gallia, Hispania, Normandia, Burgundia, Alsatia, Suevia, Francia, Bayaria, Thuringia, Saxonia, & reliquis Nationibus Templarij ubilibet constituti & inventi, mandato Apostolico capti fuerunt, & examinati per tormenta; quorum plures fuerunt combusti, aliqui vel extra Patriam proscripti, vel ad Cœnobîa aliarum Religionum ingressi. Totum hoc factum est ad instantiam Regis Gallorum, qui cùm Papam in sua haberet potestate, litteras ab eo quales voluit, de facili impetravit, quas per totam Europam principibus destinavit.

Ordo Templariorum in toto mundo fuit extinctus.

Bona verò Templariorum, possessiones, dominia atque castella, quæ per Galliam habebant latissima, Rex supra dictus Gallorum Philippus, sibi omnia usurpavit. Similiter & in alijs nationibus factum est, dum quilibet Princeps eorum, quæ in suo dominio reperit, si non cuncta, tamen multa suis applicavit. Nonnulli etiam, quorum Deus corda tetigerat, bona Templariorum suis inferre usibus veluti malè acquisita recusantes, alijs ea Religiosis sive pauperibus distribuerunt. Ecclesiarum verò sive Monasteriorum, in quibus habitaverant, quædam hodie penitus sunt destructa, quædam verò ab alijs Religiosis habitata.

Ordinis bona Principes mundi sibi usurparunt.

A multis verò, quemadmodum memoratus Archiepiscopus refert Antoninus, opinantibus dicebatur, illos innocentes & sine justa causa fuisse damnatos, ut per hoc sibi eorum bona usurparent, qui tam anxie Ordinis interitum quærebant. Verùm ut prius contestati sumus, non est nostrum, hujus facti promulgare sententiam, qui non judicis, sed scriptoris historiarum profiteamur officium.

Fuerunt qui scriberent, Philippum Regem Gallorum post extinctionem Templariorum præscriptam, cujus incentor ipse principalis fuit, sicut dictum est, multa deinceps mala passum tam in se, quàm in filijs suis, fuitque infortunatus in cunctis operibus suis usque ad mortem; omnes etenim filij vitæ brevis malè regnaverunt multis subacti calamitatibus. Nam Rex ipse Philippus non diu supervivens moriebatur invitus. Cui Ludovicus filius succedens annis regnavit duntaxat duobus. Quo mortuo successit ei Joannes filius adhuc puer, & supervixit tantum viginti diebus. Post quem Philippus frater Ludovici regnavit annis ferme quinque, illo mortuo Carolus frater succedens regnavit annis tantùm sex. Hi omnes brevioris vitæ multas incommoditates passi sunt, quarum causam peccata Regis Philippi fuisse opinabantur. Multi verò Templarios injustè passos existimantes eorum corpora & ossa colligentes, & sepelientes honorificè, ut Martyres venerati sunt.

Regem Gallorum fecerunt multa passum contraria.

MCCCVIII.

Anno Henrici Abbatis Hirsaugiæ nono, Indictione Rom. sextâ in die SS. Philippi & Jacobi Apostolorum, quæ fuit prima dies mensis Maij.

P

Cùm



Albertus  
Rom. Rex  
à nepote  
suo inter-  
ficatur.

Cùm Rex Theutonicorum Albertus, Romanorum electus Imperator, non procul à Schaffhusen Rhenum navigio cum paucis transisset, & reliquam Comitatus sui partem ab alia parte litoris consistentem, donec transiret & ipsa, præstolaretur, atque per fata cum equo more ludentis discurreret, accessit ad eum Joannes Rudolphi fratris sui filius, & nil tale metuentem gladio perfodit & occidit; moxque cum suis, qui aderant fugam arripuit & evasit. Corpus autem regis occisi postea Spiram relatum fuit, & vacavit Imperium post interitum Alberti mensibus septem. Causam hujus commissi sceleris in patrum nepotis competit ut dicamus. Rex Albertus Comitatum, castra & terras dominij de Kyburg occupabat, quæ memoratus Joannes, filius Rudolphi Ducis Suevorum, fratris Alberti hæreditario jure ad se matris nomine voluit & asseruit pertinere. Cùmque Regem multis precibus tam per se quàm per amicos sæpius pulsaret, ut sibi maternam hæreditatem restitueret, & præter verba nihil omnino reportaret, pravorum tandem consilio usus, patrum interficere & injuriam vindicare cogitavit. Metuens tamen solus committere facinus tam arduum & ingens, socios sibi conjurationis perniciosæ quosdam Barones assumpsit, quorum assistentiâ regem nihil mali suspicantem occidit, sicut diximus, è quorum numero tres istos nominatim scriptorum industria litteris commendavit, qui & conspiracy in Regem fuerunt socij, & cooperatores memoratæ illius interfectionis: videlicet Rudolphus de Wart, Baro, principalis unus ex conspiratoribus fuit, Waltherus quoque de Eschelbach secundus, & Udalricus de Palma tertius: horum trium consilio pariter & auxilio fretus Joannes Dux, Patrum interemit.

Socij con-  
spirationis  
in Regem  
Albertum,  
qui fuerint.

Sociorum  
sceleris in-  
felix exitus.

Rege Alberto per nepotem crudeliter occiso, mox sceleris conscij cum auctore fugientes aliquanto tempore latuerunt. Sed quidam ex his postea deprehensi meritis impietatis suæ pœnas sustinere compulsi sunt. Nam Udalricum de Palma Lupoldus Dux Austriæ filius Alberti Regis occisi, cum quinquaginta viris in castro, Altpurena dicto, constitutum obsedit, cepit & interfecit, mortemque patris crudeliter vindicavit. Deinde idem Dux Lupoldus castrum Waltheri de Eschelbach obsidione vallavit, cepit & suo dominio subjugavit. Porro Waltherus occultè fugiens, & assumpto rustici pauperis vilissimo habitu, incognitus venit in Territorium Comitis de Wirtenberg, & ibi per annos triginta quinque custodiens porcos rusticorum latuit, & vitam in miseria consummavit. Moriturus autem post annos exulationis suæ quinque & triginta exactos, nomen suum & genus cum scelere prodidit: cujus corpus mandato Comitis honorificè sepultum fuit.

Rudolphus autem de Wart captus fuit, & ad rotam adjudicatus, ligatusque ad caudam equi nudus tanquam latro ad locum patibuli ducitur, & quassatus miserabiliter, sicut promeruit, rotatur, finem accipiens vitæ calamitosum & miserabilem, qui non timuit conspirare in Christum Domini, & perjuris morte scelus suum expiavit.

Joannes  
Dux ut Beg-  
hardus exu-  
lat.

Joannes verò, qui Dominum & Patrum suum dolosè & crudeliter interfecerat, & cum nusquam in Germania tutò posset latere, per Italias in habitu Beghardi vagus hinc inde discurrebat, semper pavidus & metuens cunctorum hominum expavescebat conspectum. Tandem post multas latebras cùm errabundus & vagus pervenisset Pisas, cognitus à quodam  
fuit.

fuit, & captus, atque Henrico Imperatori septimo, qui Alberto (sicut dicemus) immediate successit, presentatus, ejus sententiâ & Principum decreto ad agenda poenitentiam in Monasterium quoddam Eremitarum S. Augustini positus est, in quo lugens & poenitens continuè usque ad mortem permansit. Et hic finis Alberti Regis calamitosus extitit, cujus interitûs judicio multorum fuit obnoxius, qui divinam in eum sâvisse ultionem dicebant justissimâ ratione, ut qui Dominum suum Regem, Adolphum minùs justè occiderat, etiam ipse non ab alio, quàm à nepote suo interiret.

Anno prænotato in mense Junio, Papâ in Gallia residente, Ecclesia S. Joannis Lateranensis Romæ cum Palatio & universis Canonorum mansionibus igne consumpta fuit, & in cinerem redacta, præter Capellam solam, quæ sancta nuncupatur Sanctorum, quæ comburi non potuit, quia testudinata quàm optimè fuit, in qua & corpora SS. Apostolorum Petri & Pauli, cum pluribus reliquijs aliorum Sanctorum quiescebant. Quidquid in eadem Capella fuit, salvum permansit, Ecclesiâ principali, domibûsque in circuitu omnibus, & cunctis, quæ in eis fuerunt, igne consumptis. Clemens autem Papa corpore quidem absens in Gallia, multas pecunias Romam misit, & Ecclesiam pulchrius, quàm prius fuerat, cum palatijs reparavit.

Ecclesia  
Lateranensis igne  
comburitur.

His temporibus Petrus Archiepiscopus Moguntinus Omnipotenti Deo gratum se exhibere cupiens pro multiplicibus beneficijs ab eo susceptis, inter cetera pietatis suæ studia Monasterium Fratrum Monachorum Carthusiensis Ord. extra muros Civitatis Moguntinæ juxta Rheni fluentem construere cepit, quod brevi tempore studiosius intendens feliciter consummavit: quo ritè per omnia completo Monachos Carthusianos ad serviendum Omnipotenti Deo introduxit, quibus hujus vitæ necessaria providâ consideratione disposuit.

Eodem anno post mortem Alberti Regis Rom. Imperio vacante propter discordiam Principum Electorum, Philippus Rex Gallorum supradictus ambitione & avaritiâ plenus, cupiens illud dominio subjugare suo, sextam pro eo petitionem Summo Pontifici censuit offerendam, quam in ejus promotione, congruo & tempori & negotio dixerat conservandam. Hujus rei gratiâ consilium habuit secretum cum Carolo fratre Duce Valesiano & reliquis amicis suis, dicens sibi Papam adhuc esse obligatum in una petitione, quæcunque illi proponeret: sibi autem videri, quòd nihil posset ab eo postulare utilius, quàm Romanum Imperium, quod sine capite vacaret.

Rex Gallorum Fratri suo Rom. ambiebat Imperium.

Placuit Baronibus cunctis Philippi Regis consilium, & hortabantur studiosè, ut nec laboribus parceret nec impensis, quòd Gallia tanto posset munere latari decoris imperij. Rex autem non sibi sed fratri suo memorato Carolo Duci de Valesijs imperium promittebat, quod illi Bonifacius olim Papa octavus etiam ferebatur pollicitus. Conclusio igitur in consilio facta est talis; quòd Carolus Dux cum exercitu sex millium pugnatorum, Pontificem in Avenione residentem accederet, & vigore sextæ petitionis Regi promissæ, vacans Romanum Imperium ab eo postularet, quod concedere Pontifici ne forsitan durum videretur, deletionem memoriæ Bonifacij Papæ relaxaret.



Sed Omnipotens Deus ( qui conſilia diſſipat Principum , & reprobae cogitationes populorum , quoniam vanæ ſunt ) non permisit concluſa Regis pervenire in effectum ; ne ſancta Romana Eccleſia ſubijceretur dominio Gallorum. Nam etſi conſilium hoc ſecretiſſimè habitum , mandato Regis cunctorum poſtulabat ſilentium , per unum tamen de ſecretarijs Romano Pontifici fideliter & ſecretiſſimè citius fuit revelatum. Quod ubi Papæ innotuit , mox Cardinalem Hoſtienſem Nicolaum Pratenſem videlicet Episcopum vocavit , & quid agendum in tam arduo negotio conſularet , ſecretius requiſivit : erat enim memoratus Cardinalis , vir non ſolùm in utrôq; jure peritiſſimus , ſed etiam in agendis quibuſlibet Eccleſiæ negotijs valde expertus. Et notandum , quòd eo tempore Rex Gallorum Philippus non ſolùm Romano Pontifici , ſed penè cunctis etiam Cardinalibus & maximè promotis à Bonifacio Papa octavo , multum in ſecreto erat odibilis , deſpectus & contemptus , propter malas inordinatas & tyrannicas petitiones ſuas , quibus totum Eccleſiæ Romanæ ſtatum ſubvertere laborabat. Memoriam etenim Bonifacii Papæ octavi extinguerè penitus & delere : omnia per illum facta revocare : conſtitutiones & ordinationes ejus univerſas annihilare : corpus & oſſa ejus exhumi & comburi Pontificem cum tanta furia nitebatur compellere , ut Antichriſtus potius dicendus fuiſſet , & hoſtis Eccleſiæ , quàm Rex Chriſtianus. Enimverò ſi Papa ſecundum petitionem ejus frivolam ſtultam & impiam , Ordinationes & facta Bonifacii revocàſſet , non ſolùm ſcandalum in Eccleſia Catholica maximum fuiſſet exortum , ſed etiam ipſe Papa Clemens , & Archiepiſcopus Burdegalenſis à Bonifacio promotus , Pratenſis quoque Cardinalis & plures alij Cardinales atque Pontifices per eum conſtituti fuiſſent deponendi. Summâ igitur diligentiam curandum eis non immeritò ſtabat , ne Romana Eccleſia lupo ſubderetur rapaci , Gallorum ſcilicet Regi. Dixit ergo memoratus Cardinalis ad Pontificem : *Pater ſancte , hic non eſt aliud remedium ad obviandum , ne Eccleſia Regi ſubijciatur Gallorum , niſi hoc unicum , quòd quantociùs Electoribus Imperij ſignificetur ſecretè , ut procedant ad Electionem novi Imperatoris ſine mora. Quod niſi quantociùs fecerint , Imperium devolveretur ad Gallos. Et hoc totum expediat per ſecretum nuntiam , priuſquam Rex veniat ad petendum.* Placuit Pontifici conſilium ; & ambo tenuère ſecretum. Scripſerunt igitur ambo Papa & Cardinalis proprijs manibus , ne quovis modo publicaretur negotium , Electoribus Imperij litteras ſecretas , in quibus illos de intentione Regis Gallorum aviſandos monebant , quatenus ſine mora Imperatorem eligerent ; & hanc eorum aviſationem nulli penitus revelarent , ſed omnia conſervarent in ſecreto , ne ad notitiam Regis Gallorum devenirent. Erant autem inter Cardinales nonnulli precibus Regis promoti , & propterea illi faventes , à quibus oportebat celari conſilium , ne Gallo per ipſos fieret manuſtum. Cardinalis ergo Pratenſis unum ex familiaribus ſuis , qui erat natione Theutonicus , cum litteris Papæ ſuiſque miſit ad Principes , de cujus fide non dubitabat.

Eccleſia  
Romana  
Gallis non  
fayet Imperij  
potentia-  
tem.

Conſilium  
Papæ dedit  
Cardinalis  
Pratenſis.

Henricus  
Comes Lu-  
xemburgen-  
ſis Rex Ro-  
manorum  
eligitur.

Anno igitur Henrici Abbatis Hirſaugienſis prænotato , in menſe Novembri , litteris Apoſtolicis ſecretò præmoniti Principes Imperij Electores , apud Villam quæ Renſe nuncupatur , haud procul à Confluentia juxta Rhenum convenientes , Henricum Comitem de Luxemburg fra-  
trem

trem Baldevvini Archiepiscopi Trevirorum unanimi consensu in Regem ad Imperium elegerunt, virum bonum, strenuum & honore imperiali dignissimum. Electione autem secretius inter se factâ Principes in memorato oppido Rensensi ulterius per fluenta Rheni ascenderunt ad imperiale oppidum Franckenfurt, & ibi vicesimâ septimâ die mensis Novembris eandem electionem solemniter coram omni populo publicârunt. Deinde anno sequenti in festo Epiphaniæ Domini, ut suo loco dicemus, in Regem Francorum orientalium Aquisgrani Coronatus est.

Audiens verò Gallorum Rex, quòd Principes imperij ad scripta Papæ Clementis tam subito novum elegissent Imperatorem; valde confusus est, & multum iratus, quòd ejus intentio non potuit habere progressum; & nunquam deinceps amicus Papæ fuit. Præparaverat etiam jam se cum magna bellatorum comitiva, ut iret ad Papam, qui tunc in Avenione morabatur, petiturus ab eo fratri suo Romanum Imperium, sicut in secreto consilio Parisijs antea fuerat conclusum. Et cum jam in procinctu esset eundi, venit nuntius cum litteris certus, qui diceret Comitem Luxenburgensem à Principibus ad Imperium solemniter electum. Unde spe suâ frustratus, ad effectum sextæ petitionis arrogantis non pervenit.

Anno prænotato sexto iduum Novembris, obiit in Colonia Joannes Duns, cognomento scotus Ordinis minorum, Alexandri de Hales ejusdem Ordinis quondam auditor atque discipulus, Doctor magnus atque subtilis, & in choro fratrum suorum memorati Conventûs Colonienfis ante sacristiam cum honore sepultus est. Qui cum esset vir tam in divinis scripturis quàm in Philosophia peripatetica omnium ferme suo tempore doctissimus, scripsit quædam profundi sensus volumina, quibus memoriam suam posteris commendavit. Equorum numero subjecta feruntur: super Magistrum sententiarum libb. iv. Quodlibetorum quoque lib. i. De Cognitione Dei lib. i. In Metaphysicam variarum quæstionum lib. i. Sermones etiam scripsit & varias quæstiones. De reliquis, quæ lucubravit, nihil vidimus.

Joannes Scotus Doctor subtilis Colonienfis moritur.

MCCCIX.

Anno Henrici Abbatis decimo, in mense Januario, Principes Imperij Electores cum suo electo de Franckenfurt per fluenta Rheni navigio descenderunt ad Coloniam, & ulterius ad Aquasgrani terrestri comitatu processerunt. Ubi in festo Epiphaniæ Domini memoratus Comes Henricus Luxenburgensis, nuper, sicut diximus, electus, per ministerium Henrici Archiepiscopi Colonienfis in Regem solemniter inunctus est, & coronatus, cæteris Archiepiscopis cooperantibus. Coronatus autem deinceps regnavit annis quatuor & mensibus novem. Uxorem verò habuit idem Rex Henricus septimus Margaretham filiam Joannis Ducis Brabantiae, de qua genuit Joannem postea Regem Bohemiae, de quo etiam paulò post latius dicemus. De cæteris hujus Henrici Regis septimi liberis, nihil hac vice comperimus.

Henricus Rex in Aquisgrani coronam suscepit.

Henrici Regis uxor Margaretha.

Eodem anno Henricus memoratus Rex Germanorum confestim ut Regni coronam suscepit, de Aquisgrani ad Coloniam rediit, & inde per Rhenum navigio Spiram cum Principibus ascendit. Quem omnes sine contradictione susceperunt cum reverentia & honore, homagium illi præstantes fidelitatis. Spiræ autem constitutus duorum corpora Regum



Adolphus  
& Albertus  
Spiræ ſe-  
pulti.

Corpus Re-  
ginæ inven-  
tum eſt.

Altare pre-  
tioſum por-  
tatile in  
Eccleſia  
Spirenſi.

Adolphi & Alberti fecit adduci, & cum honore debito in majori Eccleſia ſepeliri. Quorum alter, videlicet Adolphus haud procul ab Alzen occiſus per Albertum in bello peremptuſque, ut ſupra diximus, anno Godfridi Abbatis ſexto, in quodam Cœnobio Roſenthal dicto, per annos ferme undecim jacuerat ſepultus. Alter verò Albertus à fratruele gladio perfoſſus uno tantum anno haud procul à Schaffhuſen in quadam Eccleſia fuit tumulatus. Ambo itaq; in uno ſepulchro fuerunt tandem reconditi, qui nunquam dum viverent fuerunt amici. Facta eſt hæc Regum ſepultura Spiræ anno prænotato quarto Calendas Septembris. In apertione verò ſepulchri, cum Reges jam eſſent ſepeliendi, inventa fuit corona cuprea inaurata per totum, cum pallio purpureo & oſſibus Beatricis quondam Imperatricis, de qua ſic legebatur in plumbea tabella ſcriptum: *Anno Jeſu Chriſti milleſimo centeſimo octogefimo quarto XVII. Calend. Decembris obiit Beatrix Imperatrix Romanorum.* Omnia reperta in ſepulchro manſerunt. Memorata verò Beatrix, dum viveret in humanis, altare portatile ſive caſam illam magnam, quæ capiti ſancti Papæ Stephani in majoribus feſtis ex more ſupponitur, fieri fecit, & Eccleſiæ Spirenſi devotâ mente donavit. In cujus quidem circumferentia caſæ ita ſcriptum legimus: *Hoc altare ſacrum gemmis aurôque decorum, fecit peccatrix, non re, ſed voce Beatrix. Diſpereat prorsus anathematis igne percuſſus, quiſquis id abſtulerit ſacro cuicunque dicarit.* In medio verò ipſius caſæ marmor album videmus incluſum ad modum altaris, & reliquias Sanctorum ſubtus impoſitas, ut miſſa deſuper valeat celebrari, in cujus circumferentia ſic legimus: *Immola hic alium redire viviſanguinis agnum, Dextra Sacerdotis potumque cibumque ſalutis, quo facta fortes anima per bella per hoſtes, Dulcia perpetua redeunt ad gaudia vite.* Alia inſuper multa Eccleſiæ Spirenſi bona contulit.

Et nota, quòd memoratus Rex Germanorum Albertus anno regni ſui quinto, hoc eſt Dominicæ Nativitatis milleſimo trecentefimo tertio, Indiſtione Romanorum primâ, dotavit altare ſanctæ Annæ genitricis Dei Parentis in gradibus majoris Eccleſiæ Spirenſis, duas inſtituendo ad illud Vicarias perpetuas, quæ nuncupantur Regales; propterea quòd earum collatio ad Regem Romanum pertinet pro tempore exiſtente, ſicut ipſe primus inſtitutor ordinavit.

Item eodem anno, quo Rex Albertus prædictas præbendas inſtituit, Sigebotho Pontifex Eccleſiæ Spirenſis nonâ decimâ die menſis Novemb. hoc eſt, in feſto S. Elifabeth cum conſilio & auxilio communitatis civium urbis memoratæ coram omni populo ad hoc per campanæ pulſum convocato, depoſuit ſenatores ſive conſules civitatis omnes propter demerita eorum, & alios de communitate civium electos ad conſulatum ordinavit.

Wilicho  
ſit Abbas  
in Span-  
heim.

Anno Henrici Abbatis prænotato in feſto ſancti Michaelis Archangeli mortuus eſt Dietribus decimus Abbas Monaſterij quondam mei Spanheimenſis, & in choro fratrum ante gradus preſbyterij ut petierat ſepelitur. Cui undecimus in Abbacia ſucceſſit Wilicho ejusdem Cœnobij Monachus filius Comitum de Weſterburg & frater Comitiffæ de Spanheim vir valde notabilis, & præfuit annis xxvii. menſibus quinque, diebus quatuordecim.

Anno etiam præſcripto, Rex Ungariæ ſine liberis mortuus eſt: poſt  
cujus



cujus obitum Ungari Ottonem Bavariæ Ducem filium Henrici fratris Ludovici quondam Comitis Palatini Rheni Bavariaeque Ducis, in Regem Ungariæ concorditer elegerunt, veluti proximum hæredem regni memorati; erat enim nepos Belæ Regis defuncti ex parte matris, quæ filia Belæ fuit. Electum igitur Ottonem de Bavaria in Ungariam evocantes cum magno honore susceperunt, sibi que in Regem solemnem conventum unxerunt, gaudentes quod relictum in eo sanguinem Ungariæ Regalem ex matre invenissent. Sed ferocitas innata Ungaris non diu regali permansit in fide, cum Regem Ottonem plus odire cepit & detestari, quam prius amaverat unquam; mutatâ namque sententiâ manus temerarias miserunt in eum, ipsumque sub custodia vinculis etiam manciparunt. Qui tandem fugâ lapsus in Bavariam rediit, & Ungariæ Regnum amplius non vidit. Non supervixit diu, sed mæore consumptus citò mortuus est, filium relinquens unicum infantem dierum quatuordecim, quem illi Uxor pepererat, filia Ducis Poloniæ, & morabatur in Notterberg.

Otto Bavarie Dux filius Rex in Ungaria electus.

Otto Rex fugatus de Ungaria in Bavaria obiit.

Anno prænotato circa festum S. Michaelis Archangeli Rex Henricus conventum Principum solemnem habuit, in quo personaliter comparuerunt Baldevvinus Archiepiscopus Trevirorum frater Regis, Petrus Archiepiscopus Moguntinus, Henricus Archiepiscopus Colonienfis, Andreas Episcopus Herbipolensis Dux Franciæ Orientalis, Sigebodo Episcopus Spirensis, Emericus Episcopus Wormatiensis, Episcopus quoque Argentinensis, Episcopus Constantiensis, Episcopus Augustensis, Episcopus Curienfis, Episcopus Eichstattenfis, Episcopus Bambergensis, Archiepiscopus Salzburgenfis, Episcopus Passaviensis, Episcopus Ratisbonensis, Episcopus Frisingensis, Episcopus Metensis, Episcopus Leodiensis, Episcopus Trajectensis, Episcopus Monasteriensis, Episcopus Hildesheimensis, Archiepiscopus Magdenburgensis, Archiepiscopus Bremensis, cum reliquis Episcopis Saxoniæ, ac totius regni penè cunctis. Aderant & Principes Imperij seculares. Rudolphus Comes Palatinus Rheni, Duces quoque Saxoniæ, Bavarie, Brabantie & Lotharingie enim multis alijs Principibus. Comparuit in eodem Conventu Principum Elisabeth filia Wenceslai defuncti Regis Bohemiæ, annos habens ætatis ferme decem & octo, postulans se ad regnum investiri Paternum, contra duos tyrannos Henricum & Joannem, qui pro regno jam diu concertantes totam Bohemiam incendio & rapinis impleverant. Bohemi quoque inter se divisi, partes in dissensione confortabant, quorum aliqui Henrico, cæteri Joanni adhærebant.

Conventus in Spira fit Principum magnus.

Comitatus Luzenburgensis fit Ducatus.

Rex igitur deliberatione per paucos dies acceptâ, filium suum Joannem Comitem de consensu Principum creavit in Ducem, & Comitatum Namurcensem olim nuncupatum, id est, Luzenburgensem in Ducatum sublimavit, quemadmodum & Fridericus Imperator tertius, ut suo loco dicemus, Austriæ Ducatum, unde procreatus fuit, in Archiducatum erexit, qui titulus nescio si ab origine Imperij Romani unquam fuerit auditus: Henricus autem Rex filium propterea sublimavit in Ducem, ut illum eo convenientius, sicut animo disposuerat, promoveret in Regem.

Posthæc de consilio Principum & consensu procerum Regni Bohemiæ, qui aderant, inter filium suum Joannem ex Comite Ducem novum, & memoratam Elisabeth Bohemiæ Regis filiam matrimonium contrahitur,



Henricus  
Dux Carin-  
thiæ Bohe-  
miam in-  
vaſit.

hitur, & nuptiæ cum lætitia multorum ſolemni apparatu in eadem Spi-  
renſi Urbe in præſentia multorum Principum celebrantur. Nuptijs  
autem ſolemniſter & regio apparatu celebratis, Rex Henricus filium ſuum  
Joannem Imperiali auctoritate de conſenſu Principum ad Regnum Bo-  
hemiae inveſtivit, & feudum eſſe Romani Imperij Bohemiam juxta  
veterem & antiquam conſuetudinem non ſolum ſcriptis docuit, ſed etiam  
opere demonſtravit. Reliquerat autem Rex Wenceslaus Bohemorum,  
præter memoratam Eliſabetham & aliam filiam unam, quam Henricus  
Princeps Carinthiæ duxit uxorem, cum qua ſibi Regnum nitebatur uſur-  
pare Bohemorum. Qui audiens Joannem filium Regis Henrici Roma-  
norum, alteram filiam Wenceslai duxiſſe uxorem, & ad regnum Bohe-  
miae à Patre Imperiali auctoritate inveſtitum, nihil cunctatus Bohemiam  
cum exercitu magno ingreditur, & regnum præoccupaturus, Joannem  
ne intrare poſſet coërcere meditatur. Senſit cum eo Miſnenſium Marchio,  
& exercitum illi non parvum perſonaliter adduxit. Unde Henricus Im-  
perator cū intellexiſſet memorati Principis ad Bohemiam introitum,  
ſine mora exercitum convocavit, ex Francis maximè Orientalibus, &  
Thuringis, & Bavaris, quem Duce Petro Moguntinſium Archiepi-  
ſcopo cum Joanne filio & uxore feſtinanter in Bohemiam deſtinavit.  
Bohemi autem ſicut diximus, inter ſe diſcordes fuerunt, quorum altera  
pars Henricum Carinthiæ Principem ſupradictum ſequebatur ut regem,  
altera verò Joannem Imperatoris filium ſibi regem aſſumpſit. Veniens  
ergo in Bohemiam cum exercitu Joannes à fautoribus quidem ſuis lætè  
ſuſcipitur, ab adverſantibus verò reſutatur. Bellum itaque grave com-  
mittitur, & Marte ancipiti diutius pugnatur. Tandem Joannes cum ſuis  
Pragam obſidione vallavit, in qua ſibi occultè conſentientes multos eſſe  
cognovit. Henricus autem Carinthiæ Princeps, & Marchio Miſnenſium  
cum ſuis copijs in ipſa erant civitate, muros & arces, quantà poterant  
diligentiâ, cuſtodientes, & civium non pauci cum ipſis apertè ſentiebant.  
Obſidione paucis continuatâ diebus proditio per eos facta eſt, qui Joanni  
Luzenburgenſi favebant, quorum & numerus inter cives erat major, &  
virtus armorum potentior. Pragam igitur Joannes victor ingreſſus,  
cives jam antea voluntarios in fidem clementer accepit, & eos qui prius  
inimici fuerant, ſibi amicos faciens, fidem jurare firmiter coegit.

Joannes  
Pragam &  
totum Re-  
gnum ob-  
tinet.

Joannes  
conſecra-  
tur Pragæ  
in Regem  
Bohemiae.

Henricus autem Carinthiæ Princeps fugâ lapſus in terram ſuam  
reverſus eſt, & de Bohemorum regno ſe non amplius intromiſit. Reliqui  
verò Proceres in arcem ſancti Wenceslai, ubi & major eſt Eccleſia ſeſe  
receperunt, qui tamen & ipſi poſtea dextras Joanni dederunt. Qui civi-  
tate obtentâ brevi etiam totum Bohemiae regnum obtinuit, & annis ferme  
ſex atque triginta non minus potenter, quàm pacificè regnavit. Mox  
autem ut Pragam traditione civium obtinuit, ſe coronari fecit, & inungi  
in Regem Bohemorum una cum uxore ſua per miniſterium Domini  
Petri Archiepiſcopi Moguntini, ad quem de jure ſimul & conſuetudine  
antiqua pertinet conſecratio Regum Bohemiae, ſicuti continetur in privi-  
legio, quod anno Eberhardi Abbatis Hirſaugienſis tertio decimo reſcri-  
pſimus. Verùm Episcopatu Pragenſi poſtea in Archiepiſcopatum ſubli-  
mato, privilegium hoc ab Eccleſia Moguntina, pecuniâ non modicâ  
interveniente penitus fuit ablatum, & Archiepiſcopo Pragenſium liberè  
conceſſum;



concessum; nam eatenustam Pragensis Episcopus, quàm Olmucensis sub provincia Moguntina fuerunt.

Huic autem Coronationi Regis Bohemorum Joannis, plus quàm trecenta millia hominum interfuisse memorantur. Coronatione solemniter peractâ Joannes Rex inter alia dona, quæ Petro donavit Archiepiscopo Moguntino, sedem quoque auream contulit gemmis & pretiosis lapidibus pulchrè decoratam: quæ habetur in principali Ecclesia Moguntina usque in præsentem diem, poniturque in magnis solemnitatibus cum reliquijs Sanctorum super altare majus ad decorem Domus Domini, hanc sedem vulgus sancti Martini appellat: non quòd Beatus Martinus eam aliquando habuerit, sed quia ejus Ecclesiæ Moguntinæ data fuerit.

Aurea Sedes sancti Martini Moguntinæ.

Henrico Rege cum Principibus Imperij adhuc in civitate Spirensi moras faciente, Eberhardus Comes de Wirtemberg imperiali citatus edicto, cum ducentis armatis equitibus cum magna superbia venit ad Spiram. Qui cùm de tyrannide in homines Imperij commissa, & multiplici rebellionem, quâ jam diu regno extiterat inobediens, graviter fuisset accusatus, nihil curavit, sed in sua pertinacia perseverans, non solum veniam non petijt, sed etiam cum suis insalutato hospite temerarius recessit; cunctis etenim vitæ suæ diebus tanquam natus ad rebellionem imperio & Regibus Germaniæ semper fuit contrarius. Primò videlicet Rudolpho, deinde Adolpho, consequenter Alberto, nunc Henrico, & postea similiter imperatori Ludovico quarto.

Eberhardus Comes de Wirtemberg rebellis imperio.

Rex igitur Henricus præfati Comitæ Eberhardi superbiam humiliare statuens, maximam pugnatorum congregavit multitudinem: ex quibus magnos exercitus uno tempore constituit. Quorum primum cum Joanne filio suo rege, sicut diximus, sub Ducatu Petri Moguntini Archiepiscopi destinavit in Bohemiam: secundum verò contra memoratum Comitem misit in Sueviam: cum tertio ipse pro corona Imperij profectus est in Italiam. Egrediens itaque contra præfatum Comitem Eberhardum imperialis ductor exercitus, omnia quæ ad illius spectabant dominium, potenter ubique vastavit, & brevi tempore ex octoginta castellis & oppidis benè munitis ad Comitatum Wirtembergensem pertinentibus duo & septuaginta violenter obtinuit, de quibus non pauca funditus destruxit. In quorum numero nobile illud Castrum Wirtemberg primum exitit: quod tunc penitus eversum, nunquam postea ad primæ foundationis elegantiam, fortitudinem & pulchritudinem restitutum fuit. Comes autem Eberhardus videns se tantæ multitudini armatorum nequaquam posse resistere, recusavit cum hostibus in patulo dimicare; nam subditorum aliqui jam prius ab eo defecerant, plures etiam ab hostibus aut capti fuerunt aut interfecti. Reliqui verò scilicet oppidani in Urach, in Nyfen, in Herburg & in Widlingen pro Comite suo domino fortiter steterunt.

Castella Comitæ Eberhardi LXXII. capta sunt.

Continebat se Comes in Castello suo Asperg juxta Neccharum, quod natura montibus & flumine fortiter communivit. Quod ubi capitaneo imperialis exercitus innotuit, Castellum cum oppidulo in manu suorum gravissima obsedit. Eberhardus autem Comes loco non ducens confidendum propter murorum oppiduli infirmitatem, quamvis alioquin situ fuerit munitissimum, noctu cum paucis aufugit, & veniens occultè ad Rudolphum Badensium Marchionem Sororium suum ab eo receptus est

Asperg obsidione cingitur durâ.

Q

apud



apud Boefeken oppidum, ubi & latuit, quamdiu Rex Henricus in humanis fuit. Verum Henrico mortuo amiſſa omnia recuperavit, partim armis, partim benevolentia quorundam ſubditorum.

Sepultura  
Comitum  
frangitur  
in Butel-  
ſpach.

Eodem tempore urbium & oppidorum imperialium cives, qui omnes partes ſequebantur regales, cum odio Comitum Wirtenbergenſium incredibili æſtuarent, propterea quod plura dudum ſuſcepiffent incommoda, ſuas cupientes vindicare injurias, factum nimis execrabile ac penitus crudele in mortuos perpetrarunt; ſepulchra namque in quibus vita defuncti Comites de Wirtenberg cum armis & inſcriptionibus ſuis in memoriam poſteritatis quieſcebant in Eccleſia Collegiata in Butelſpach, ubi ſepulturam habere ſolebant, perfregerunt, ad invidiam nominis & ſtirpis, arma delentes cum inſcriptionibus cunctis. Capitaneus autem regalis victoriâ contra Eberhardum Comitem de Wirtenberg obtentâ, jufſu regis contra Comitem de Oettingen traduxit exercitum; qui jam ante Principum decreto fuerat proſcriptus de terra propter rebellionem ſuam, & ſcelera quæ commiſerat contra Imperium. Veniens ergo cum exercitu Capitaneus Regalis in terram memorati Comitis, omnia ſine alicujus reſiſtentia obtinuit, & homines Imperio ſubjugavit. Conradus autem Comes prædictus in Oettingen, quoniam reſiſtere tantæ multitudini non potuit; relictis omnibus miſer exul, & de terra proſcriptus aufugit. Qui veniens ad Monafterium Raiſheim Ordinis Ciſtertiensis, in eo latuit: & panem tribulationis vivens in amaritudine maxima uſque ad mortem comedit.

Comes Oet-  
tingenſis  
fugit pro-  
ſcriptus in  
exilium.

Duces Au-  
ſtriæ citati  
ad Regem  
Spiram ve-  
niunt.

Anno prænotato Rege Henrico apud Spiram cum Principibus com-  
morante, venerunt ad eum Fridericus, Lupoldus, Albertus & Otto filij  
Regis quondam Alberti, poſtulantes ſe inveſtiri ad Ducatum Auſtriæ, &  
reliqua Paternæ ſucceſſionis dominia, quæ Rudolphus olim Rex Germa-  
niæ Patri eorum contuliſſet Alberto. Venerant autem vocati per edi-  
ctum à Rege Henrico, qui illis mandavit, quatenus ſe abdicarent Auſtriæ  
Ducatu, propterea quod pertineret ad Imperium, pro quo etiam Reges  
quinque fuiſſent occiſi. At illi magis iſtantes paternam ſibi poſtulabant  
confirmari hæreditatem, quam Principum conſenſu Avus Patri tradidiſſet.

Henricus  
Rex cum  
exercitu in  
Italiam  
proſiciſci-  
tur.

Cumque Rex concepta permaneret in ſententia, Fridericus Dux  
illi per internuntium jam abiturus ita fertur miſiſſe reſpondendum: *Quin-  
que Reges propter Auſtriæ Ducatum Rex iſte proteſtatur occiſos; qui niſi ab eodem  
ſe Ducatu abſtinuerit, inter occiſos poterit fieri ſextus.* Quod audiens Rex  
Henricus, eos de Ducatu Auſtriæ, conſilio & aſſenſu Principum revocatos  
inveſtivit. In cujus recognitionem beneficii Lupoldus Dux cum ducenti-  
bus equitibus cum ipſo Rege Henrico ſe in Italiam iturum promiſit, quod  
& fecit.

His Spiræ peractis Henricus Rex cum tertio exercitu, diſpoſitis  
rebus Germaniæ, proſectus verſus Italiam pro ſuſceptione diadematis  
imperij, habens ſecum fratrem ſuum Baldevinum Trevirorum Archie-  
piſcopum cum quadringentis equitibus, Rudolphum quoque Comitem  
Rheni Palatinum Baviariæque Ducem, Lupoldum Ducem Auſtriæ cum  
ducentis equitibus, & plures alios Principes, Episcopos, Duces, Comites,  
Barones, milites & nobiles, multa prælia & bella per Italiam conſtituit,  
ut ſuo loco dicemus.

MCCCX.

MCCCX.

Anno Henrici Abbatis Hirsaugiensis undecimo, Indictione Romanorum octavâ, Henricus Rex in Italia consistens, ad urbem Estensem cum exercitu suo applicuit, & à civibus cum summo honore, ut verus Imperator susceptus fuit. Inde progressus Mediolanum proficiscitur, ubi tyrannus quidam nomine Guidotus de Turre per violentiam tunc dominabatur. Qui audiens Regis adventum, fugam arripuit, & comparere in ejus conspectu etiam citatus nullatenus acquievit; nam Vicecomites & Archiepiscopum cum reliquis Gibellinis de Mediolano per tyrannidem expulerat, propterea venire ad Cæsarem non audebat.

Henricus autem Rex, posteaquam intravit Mediolanum, mox Vicecomites cum Archiepiscopo & cunctis exulibus revocavit in Urbem, pacemque reformavit inter Guelphos, qui certârunt pro solo nomine Pontificis, & Gibellinos, qui partes sequuntur Imperatoris. Quibus utcumque compositis, in Vigilia Epiphaniæ Domini Rex Henricus ab Archiepiscopo Mediolanensi coronatus est ferreâ coronâ, sicut moris est, una cum uxore sua in Ecclesia S. Ambrosij, præsentibus Nuntiis & Oratoribus penè omnium civitatum Italiæ.

Henricus  
Rex Coro-  
nâ ferreâ  
Mediolani  
coronatur.

Rex verò Henricus posteaquam coronatus fuit, de Mediolano profectus, totam Lombardiam in deditionem accepit, his qui ultroneos se offerebant, plura conferens beneficia; illis verò qui resistere tentabant, indicens justæ severitatis prælia, omnestamen civitates penè totius Lombardiæ cum rectoribus suis ad ejus obedientiam promptissimâ voluntate accesserunt, offerentes ei magnam pecuniarum quantitatem, ratione tributi consueti juris Imperialis, quod in multis annis non solverant.

Henricus  
Rex Lom-  
bardiam  
obtinet.

Soli autem Florentini cum adhaerentibus sibi Paduanis, Bononiensibus & Cremonensibus, conspiratione factâ rebellare tentârunt, iter ejus ad Romam omnino prohibere cupientes. Quos Imperator in multis propter eorum temeritatem graviter satis afflixit, & sæpe congregiens in bello contra eos gloriosè triumphavit: denique privavit eos cunctis honoribus & privilegijs, auferens eis Monetam simul & omnem judicariam potestatem, qui nisi morte immaturâ fuisset sublatus, eos penitus humiliasset. Movens igitur exercitum Rex contra rebelles, inprimis Cremonam obsidione vallavit, ac obtinuit, & in sua verba jurare coëgit. Deinde Vincentiam & Paduam simili fortitudine capiens ad obedientiam revocavit. Veneti quoque magnam ei pecuniarum summam in adjutorium præstantes, ut Imperatorem susceperunt. Postea etiam Brixianos recuperavit, quibustamen in solutione censûs annui pepercit, murostamen civitatis omnes dejecit.

Henricus  
Rex urbes  
expugnat  
rebelles.

Anno prænotato Arnoldus de Villa nova natione Provincialis, magnus Philosophus & Medicus excellentissimus apud Parisienses in Gallia constitutus dogmatizabat, & ex Prophetiæ libro Danielis ac Sybillæ Erythreæ probare nitebatur adventum Antichristi cum persecutione Ecclesiæ futurum esse inter annos Dominicæ Nativitatis mille trecentos, & mille quadringentos, terminum apparitionis ejus indubitatum constituens ad annum Christianorum millesimum cccclxxvi. vel quasi circa illud tempus. Super quâ materiâ librum unum composuit, quem de speculatione adventûs Antichristi prænotavit: quem quidem libel-

Arnoldus  
de Villa no-  
va Philoso-  
phus, sed  
vanus Pro-  
pheta.

Omnes qui  
tempus An-  
tichriſti de-  
terminant  
vani ſunt &  
fallaces.

lum Doctores Gymnaſij memorati ut frivolum & falſum reprobârunt, ipſiusque auctorem, niſi revocaret errorem ſuum, hæreticum declarantes. Unde quia Magiſtri Pariſienſes tenebant illi contrarium, timens ne aliquando in manus deveniret Inquiſitoris, Galliâ dimiſſâ fugit in Siciliam; qui cùm non diu poſteâ Orator mitteretur à Friderico Rege Siculorum ad Papam, in mari mortuus eſt. Vani ſunt omnes & fatuis procul dubio ſtultiores, quantumlibet ſibi videantur eruditi, qui adventus Antichriſti, aut finis mundi tempus determinatum aſſignare præſumpſerunt. Veritate ſuos dicente ad diſcipulos: *Non eſt veſtrum noſſe tempora vel momenta, quæ Pater poſuit in ſua poteſtate.* Non eſt hominis mortalis ſcire conſilium Dei, quod Majeſtas incircumſcripta voluit eſſe in ſua poteſtate ſecretum. Erravit ergo tam Arnoldus iſte, quàm reliqui omnes, qui ſeſe intromittunt de fine mundi vel Antichriſti adventu determinare vel exprimere tempus ſive momentum.

Arnoldi de  
nova Villa  
opera.

Fuit autem Arnoldus iſte vir alioquin undecunque doctiſſimus, Philoſophus acutus, Medicus experientiæ ſingularis, Theologus, Mathematicus, & multarum linguarum peritus. Cujus in medicinis & in Alchimia plura feruntur opuscula, de quibus nos legimus ſubjecta: Speculum Introductionum Medicinalium lib. i. De diverſis intentionibus Medicorum libb. ii. De humido radicali. libb. ii. Commentariorum ſuper libello Galeni de mala complexionem diverſa lib. i. Quæſtionum xviii. ſuper eodem libello. lib. i. De Regimine ſanitatſis opus utile atque pulcherrimum. lib. i. Aliud volumen de conſervatione ſanitatſis ad Regem Arragoniæ lib. i. De conſervanda Juventute diutius, & ſenectute retardandâ lib. i. De conſiderationibus operis Medicinæ. lib. i. De Phlebotomia lib. i. Tabulas Medicum informantes, quando morbi cauſam ignorat. lib. i. Aphoriſmorum particularium lib. i. Doctrinam de parte operativa Medicinæ lib. i. De regimine ſanitatſis eorum, qui caſtra ſequuntur lib. i. Commentum ſuper Salernitanum regimen ſanitatſis. lib. i. Breviarium practicæ Medicinæ à capite uſque ad pedes volumen optimum libb. vi. Practicam Medicinæ ſummariam ad Clementem Papam V. lib. i. De modo præparandi cibos & potus infirmorum in ægritudine acuta lib. i. Compendium Regiminis acutorum lib. i. Conſilium ſive regimen Quartanarum februm lib. i. Cura febris hæcticæ. lib. i. Conſilium ſive regimen Podagræ lib. i. De cura ſterilitatis humanæ libb. ii. De Procuracione Conceptionis lib. i. De ſignis lepræ lib. i. De bonitate memoriæ conſervanda lib. i. De amore heroico & cura ejus lib. i. Remedium contra Maleficia lib. i. De Cautelis Medicorum. lib. i. De graduationibus Medicinarum lib. iv. De ſimplicibus Medicinis. lib. i. Antidotarium. lib. i. De vinis lib. i. De Aquis medicinalibus. lib. i. De ornatu mulierum. lib. i. De decoratione faciei lib. i. Commentum parabolarum medicinal. lib. i. De coitu. lib. i. De conferentibus & nocentibus principalibus membris humani corporis. lib. i. Repetitionem ſuper Canone vitæ brevis lib. i. Fabulam ſuper eodem Canone lib. i. Expoſitionem Hypocratis Aphoriſmi: In morbis minus periclitantur ægrotantes lib. i. Regulas generales de febris lib. i. Expoſitiones viſionum quæ fiunt in ſomnis libb. iii. De Judicijs Aſtronomiæ lib. i. De incantatione & phyſicis ligaturis opusculum Lucæ Coſſabeni è græco fecit latinum. Item ſcripſit in Alchimia ſubtile opus, quod  
Rosarium



Rosarium prænotavit sive Thesaurum Thesaurorum. libb. II. Item in eadem facultate composuit aliud volumen, quod prænotavit Lumen novum. lib. I. Ad Regem quoque Arragonum scripsit de Alchimia opus, quod intitulatur flos florum, sive Perfectum Magisterium lib. I. De eadem materia ad Regem Neapolitanum lib. I. De sigillis duodecim signorum Zodiaci. lib. I. De præservatione ab epidimia lib. I. contra calculum lib. I. contra Catharrum lib. I. De tremore cordis lib. I. De morbo & cura Epilepsiæ seu morbi caduci lib. I. De abstinence Carnium pro Carthusiensibus contra Jacobitas lib. I. Hæc sunt quæ nos de scriptis memorati viri legimus, quem & alia multa in Medicinis & Alchimia lucubrâsse minimè dubitamus.

MCCCXI.

Anno Henrici Abbatis Hirsaugiæ XII. Indict. Rom. nonâ. Henricus Germanorum Rex cum exercitu suorum in Italia consistens prælia multa constituit, & rebelles ad subjectionem per potentiam reduxit. Compositis autem rebus in Lombardiâ, Pisas revertitur, & inde profectus in Liguriam summa cum reverentia susceptus à Januensibus honoratur. Comitabantur illum jussu Summi Pontificis, Cardinales quinque, quorum hæc nomina fuerunt; Nicolaus Pratenfis Cardinalis Episcopus Hostiensis, Arnoldus Sabinensis, Leonardus Albanensis, Franciscus S. Lucie, & Lucas Genuensis Diaconus Cardinalis. Comes quoque Sabaudie ac Pisanorum legati, cum alijs multis Comitibus Italie & Lombardie Regis castra continuè sequebantur.

Eodem anno Rege Henrico apud Januenses aliquandiu moram protrahente, Margaretha uxor ejus Regina imprægnata, ex aeris mutatione febre corripitur, & prævalente morbo post dies paucos ab hac miserabili vita transmigravit. cujus corpus in Ecclesia Fratrum minorum sepelitur. Rex autem etsi morte uxoris non parum turbaretur, nihil tamen eorum prætermisit, quæ in animo conceperat; nec eum conjugis dilectissimæ repentinus interitus à cæpto itinere potuit revocare. Verùm ad Pisanos reversus, & cum magno honore ut Pater Patriæ susceptus aliquandiu ibidem substitit.

Henrici  
Regis uxor  
in Liguria  
moritur.

Anno prænotato primâ die mensis Novemb. hoc est in solemnitate omnium Sanctorum, Clemens Papa V. Concilium Viennense inchoavit, quod biennio durans celebratum fuit. in quo plusquam trecenti comparuerunt Episcopi, præter Abbates & alios Prælatos penè innumerabiles, qui de diversis Europæ Regionibus convenerant, à Papa per nuncios dudum evocati. Multa salubriter in eodem Concilio generali fuerunt à Patribus constituta, & maximè Religiosos & Clerum concernentia.

Concilium  
Viennense  
à Clemente  
celebratur.

In eodem Concilio Viennensi Clemens Papa V. ad instantiam quorundam Episcoporum & Cardinalium, Guidonem Episcopum Ecclesiæ Trajectensis in Cardinalem Ecclesiæ Romanæ sublimavit semirenitentem. Qui tamen præter solum titulum nihil sibi de nova dignitate usurpavit, sed suâ Ecclesiâ contentus fuit.

In eodem quoque Concilio Clemens Papa V. Petitionem Philippi Regis Gallorum iniquam & malitiosam, quâ memoriam Bonifacii Papæ VIII. de Catalogo Pontificum deleri, & ossa ejus postulavit ignibus cremari, Patribus jam adunatis proposuit, & quid ipsi de Bonifacio sentirent, per

Regis Gal-  
lorum te-  
meritas in  
Concilio  
refutatur,

ſingulos requiſivit. At verò Pontifices auditâ Regis temeritate, non ſine magna indignatione animorum omnes contra illum juſtiſſimâ ratione commoti ſunt. ejus iniquis poſtulationibus conſentire noluerunt, dicentes, Bonifacium Papam ſemper fuiſſe Catholicum, & nullâ hæreſi unquam fuiſſe maculatum, quod & veritas declaravit. Veruntamen ad complacendum Pontifici Romanorum Concilio præſidenti, quatenus ab impetitione Principis iniqui liberaretur, hoc unum conſentientes Epifcopi decreverunt, quòd Rex memoratus Gallorum cum ſuis omnibus abſolveretur de commiſſis in Eccleſiam Romanam, vel in ejus olim Pontificem Bonifacium VIII. qui maluiſſent omnes ( niſi tempus opportunitatem denegaret & locus) novis illum innodare cenſuris. Itaque Rex impius non potuit impetrare, quod invidiâ motus in defunctum impiè voluit, ſed meritò contemptus à Concilio fuit.

Hæreſis  
Beghardiana in Con-  
cilio dam-  
natur.

Item in eodem Vienneniſi Concilio damnata fuit hæreſis quondam Beghardorum & Beghinarum, quæ de fœcibus Fratricellorum ex Lombardia & Gallia ſumens exordium, plures etiam utriuſque ſexûs homines idiotas per Germaniam infecit. Cujus ſectæ homines ſub Religionis habitu, ſine tamen obedientiæ jugo incedentes, & varios ac pernicioſos dogmatizabant errores, atque ſub prætextu ſimulatæ Sanctitatis, plures deceperunt incautos.

Articulus I.

Primus eorum error manifeſtus ſive articulus fuit; dicebant enim, quòd homo viator ſuis virtutibus & exercitationibus uſque adeò poſſit proficere, & talem in hac vita gradum perfectionis obtinere, quòd penitus fieret impeccabilis, ita videlicet, quòd nec amplius in gratia poſſit proficere, nec deinceps peccare. Unde falſò concluſerunt dicentes, ſi homo ſemper in altiora poſſet proficere, poſſet aliquando ad Chriſti menſuram pervenire.

Articulus II.

Secundus error fuit, quia dicebant, quòd illum hominem, qui prædictum gradum perfectionis attigifſet, nec orare deinceps oporteat, nec jejunare, propterea quòd omnis in eo ſenſualitas jam orationi & ſpiritu tam ſit perfectè ſubjecta & abſorpta, quòd homo corpori ſuo liberè omnia poſſet concedere, quæcunque placerent. Unde coitum & alia legibus negata ſibi mutuò indulgebant, nullum conſcientiæ ſcrupulum, admittentes, quaſi omnia licerent.

Articulus III.

Tertius, quòd omnes, qui prædictum gradum perfectionis aſcendiſſent, libertatem ſpiritus omnimodam conſequerentur, & propterea nec præceptis Eccleſiæ, nec majorum quorumcunque obedientiæ haberentur ſubjecti: ſed liberrimè deinceps viverent ab omni humana præceptione penitus abſoluti; quoniam ſcriptura diceret Apoſtolica: *Ubi ſpiritus Domini, ibi libertas.* Unde præcepta Prælatorum & Eccleſiæ ſimul omnia contemnebant.

Articulus IV.

Quartus Circumcellionum error fuit, quòd homo in præſenti mortalitate conſtitutus finalem beatitudinem ſecundum omnem gradum, perfectionis aſſequi poſſit: ſicuti eam in gloria obtinebit futura. Unde cum eſſent miſerrimi, ſe tamen beatos prædicabant.

Articulus V.

Quintus verò error Beghardianæ hæreſis fuit, quoniam dicebant, quòd quælibet intellectualis natura ſeiſpſâ naturaliter eſſet beata; & quòd anima non indigeat lumine gloriæ ipſam elevante ad Deum videndum, & adeò beatè fruendum in Patria.

Sextus

Sextus error, quòd se in actibus exercere virtutum, seu in quibuslibet operibus pietatis, sit hominis imperfecti, & adhuc in stadio militantis inferiore: propterea quòd secundum eorum stultam opinionem, anima, quæ ad statum memoratæ perfectionis jam pervenisset, omnino esset beata, & ob id licentiaret à se virtutes tanquam suæ beatitudinis quædam impedimenta.

Articulus VI.

Septimus, quòd mulieris osculum, quando natura ad hoc non inclinat osculantem, semper sit peccatum mortale. Coitus autem sive actus carnalis cum quacunque muliere indifferenter, si natura inclinat, non sit peccatum; maximè cum tentatur exercens.

Articulus VII.

Octavus error, quòd omnes, qui ad præscriptum gradum imaginatæ perfectionis pervenerint, non solum Prælati Ecclesiæ nullum debeant exhibere honorem: sed nec in Elevatione Corporis Domini & Salvatoris nostri JESU Christi assurgere: aut ullam venerabili Sacramento reverentiam exhibere: asserentes, quòd esset imperfectionis eisdem, si à puritate & altitudine contemplationis suæ tantundem descenderent, ut circa mysterium Dominici Sacramenti scilicet Eucharistiæ seu Passionem Christi quippiam cogitarent.

Articulus VIII.

Alia insuper quædam abominanda divinisque institutionibus omnino contraria & dicebant & faciebant in occulto memorati pestilentes hæretici: quæ omnia sacri auctoritate Concilij per Clementem Papam quintum in præfato Concilio damnata fuerunt. In sæpe dicto etiam Viennensi Concilio generali Clemens Papa quintus Codicem novarum constitutionum suarum, quas vulgo Clementinas nuncupant ab auctore, Patribus exhibuit: quem de consensu omnium Corpori Juris adiiciens perpetuâ sanctione confirmavit. Quem quidem Codicem Clementinarum Joannes quoque Papa vicesimus secundus postea similiter confirmavit.

Liber Clementinarum editur.

MCCCXII.

Anno Henrici Abbatis Hirsaugiensis tertio decimo, Henricus Rex Germanorum pro Imperij Corona Romam profecturus, in singulis ferme urbibus Lombardiæ ac Liguriæ cæterisque suo imperio faventibus contra Guelphos præsidia & milites sine damno vel injuria civium collocavit. Exercitum deinde movens à Pisis Viterbium venit, ac deinde Romam potenter ingressus est, licet pars Romanorum, qui Ursinis factionibus adhærebant, frustra ei conarentur introitum urbis prohibere. Intraivit autem Romam Columnensibus & magnâ Romanorum parte faventibus, & auxilia præstantibus in mense Aprili anno prænotato. Ursini verò cum reliquis Italiæ Guelphis adjutorio Roberti Regis Apuliæ montem Vaticanum præoccupaverunt, cupientes Regi Henrico viam non solum præcludere in urbem; sed etiam coronationem ejus, quæ apud sanctum Petrum in Vaticano fieri debuisset, penitus impedire. Rex autem parcens multitudini, cum potuisset eos debellare, noluit: sed urbem per aliam partem intrans, castra & papiliones in Aventino Cœlioque monte per gyrum collocavit. Duravit ista castrorum adversa locatio partium mensibus ferme tribus: & incursiones multæ ab Imperialibus crebrò fiebant in hostes: quamvis ad bellum publicum non pervenerit exercitus. Tandem Rex consilio suorum usus, licet hostium temeritatem cum tempore simul & ratione humiliare potuisset, Basilicam sancti Joannis

Henricus Rex intra- vit Romā.



Eccleſia Laterana Mater omnium Eccleſiarum.

Joannis in Laterano pro ſui coronatione deputavit: quæ hoc privilegium antiquitus præ cunctis mundi Eccleſijs habuit.

Henricus Rex VII. ſic Romanorum Imperator VI.

Anno igitur Dominicæ Nativitatis prænotato milleſimo trecentefimo duodecimo, Indictione Romanorum decimâ, Henricus Rex Germanorum ejus nominis ſeptimus, Romæ in Eccleſia Lateranenſi primâ die menſis Auguſti, coronam imperij Romanorum ſuſcepit cum ſolemnitate magna, per miniſterium Nicolai Pratenſis, Cardinalis videlicet Hoſtienſis; cui Papa Clemens quintus eo tempore Concilium apud Viennam, ſicut dictum eſt, celebrans, vices ſuas ad conſecrandum Imperatorem commiſerat. Erant autem albi coloris quæque indumenta ipſius Imperatoris in ſignum pietatis & clementiæ, quippe qui omnino pacificus veniſſet Italiæ, ſi Guelphorum impia factio non obſtitiſſet.

Eodem die Coronatione ſolemniter factâ, novus Imperator magnum convivium ſuis præparaverat amicis: ad cujus lauticias omnes urbis nobiles & Proceres fecerat invitari: qui etiam præter ſolos Urſinos contumaces, ad prandium omnes venerunt. Romani autem concitato ſubdolè per Urſinos tumultu, in Palatium Imperatoris ſuper convivantes ſubitò irruentes omnia clamoribus impleverunt. Quos Imperator fecit interrogari, quid vellent. At illi reſponderunt dicentes: *Iſtos voratores, id eſt, Romanorum nobiles volumus occidere.* Sed Imperatoris juſſu repulſi, non ſine detrimento ſui retroceſſerunt.

Completiſ omnibus Romæ, quæ ad Coronationem Imperatoris fieri antiquâ introductione Principum conſueverunt: Imperator Henricus more veterum, Lege n de ſumma Trinitate edidit, quam Romæ ſolemniter publicavit. Poſt hæc ad Piſanos cum exercitu ſuo reverſus eſt, habens ſecum in comitatu ſupra dictos quinque Cardinales, quos ei Papa Clemens adjunxerat. Conſtitutus verò apud Piſanos, duas adhuc leges condidit: quas cum ſuis rubricis inferendas Codici mandavit. Quarum altera fuit de hiſ, qui rei ſunt criminis læſæ Majeſtatis: altera verò, qui debeant reputari rebelles, & quâ ſint pœnâ plectendi.

Henricus Imperator Florentiâ obſedit.

Anno prænotato Henricus Imperator novus movens à Piſis exercitum in fine menſis Octobris, civitatem Florentinorum imperio tunc rebellium fortiffimâ obſidione vallavit; habens ſecum omnes Gibellinos, de civitate per Guelphos, qui dominabantur in ea, expulſos violenter atque proſcriptos: qui ſitum Urbis optimè noſcentes, in qua parte muri eſſent infirmiores palàm oſtendebant. Quorum ſi conſilium Imperator fuiſſet ſecutus, Urbemque mox in principio nutantem fortiter aggreſſus, nec præſtitiffet hoſti tempus vires augendi, procul dubio civitatem obtinuiſſet.

Bopardia & Weſalia dantur Eccleſiæ Trevirenſi.

Eodem anno ſexto Iduum Decembris, Florentinâ obſidione prænotatâ durante, Baldevvinus Archiepiſcopus Trevirorum frater Imperatoris Henrici, qui magnum ſuorum Comitatum in propria perſona pro ipſo Imperatore adduxerat, metuens quod poſteà contigit, ne ſi fortè Imperator qualibet occaſione moreretur in Italia, impenſas omnes, quas nomine Trevirenſis Eccleſiæ fecit Imperio, nunquam deinceps recuperare poſſet, cupiens ergo de reſtitutione impenſarum eſſe ſecurus, Bopardiam & Weſaliam oppida Imperij cis-Rhenana, cum quibuſdam alijs circa Moſellam oppidis, in pignus expenſarum, quas cum exercitu fecerat ab

rat, ab Imperatore obtinuit, & Trevirorum Ecclesiæ sub redemptionis titulo adscripsit. Ab illo tempore memorata Imperij oppida cum omnibus appenditijs & proventibus eorum in possessionem Ecclesiæ Trevirensis devoluta sunt, & manent manebuntque, donec redimantur pecuniâ multâ usque in præsentem diem.

Anno prænotato mortuus est Otto Baviaræ Dux & Ungariæ Rex, fugatus à Regno in Bavariam: de quo supra diximus, anno Henrici undecimo, filium relinquens unicum quatuordecim dies habentem ætatis, quem unâ cum fratris sui defuncti prius, duobus filijs, Henrico videlicet annorum octo, & Ottone sex annorum, nutriendum & educandum jam moriturus civibus in Lanshuta & Straubingen sub tutelari munimine commendavit.

Otto ex Bavarorum Duce Rex Ungariæ moritur.

Verùm Ottone mortuo Ludovicus Dux Baviaræ superioris postea Imperator Romanorum cum nobilibus utriusque Baviaræ tam inferioris, quam superioris, huic se puerorum tutelæ civibus factæ potenter (ne dicam violenter) opposuit: & commissos à tutoribus donari suæ fidei importunè postulavit. At illi cum ejus potentia non possent resistere, pueros illi Principes tradiderunt.

Hujus occasione tutelæ Dux Ludovicus penè totam suis nutibus Bavariam obtinuit, & potentior ad Imperij jura factus fuit. Item anno præscripto mortuus est Joannes Dux Brabantia, cui filius ejusdem nominis tertius in Ducatu Brabantinorum Joannes successit. Iste Joannes Dux tertius Margaretham filiam Ludovici Regis Gallorum habuit uxorem, de qua genuit tres filios, Joannem, Godfridum, & Henricum, qui omnes ante Patrem sine liberis obierunt. Filias etiam genuit totidem, quarum prima nomine Joanna nupsit Wilhelmo Hollandiæ Comiti; quo in bello Frisionico interempto, desponsatur Wenceslao Duci Luzemburgensium filio Joannis Regis Bohemorum. Secunda filia nomine Margaretha Ludovico nupsit Flandrensi Comiti; tertiam verò nomine Mariam, Meinhardus Geldriæ Comes duxit uxorem, quem Ludovicus postea Imperator quartus creavit in Ducem.

Joannes Dux Brabantia secundus moritur.

MCCCXIII.

Anno Henrici Abbatis Hirsaugiensis quarto decimo, Henricus Imperator Romanorum solutâ obsidione Florentinorum ad Pisanos revertitur, & quomodo injurias & sibi & Imperio Romæ factas à Roberto Rege Apuliæ vindicaret, anxius meditatur. Inprimis igitur de Principum consilio sedens coronatus in throno Majestatis, Rupertum Apuliæ regulum læsæ Majestatis reum, citatum solemniter & non comparentem, neque procuratorem, sive litteras excusatorias mittentem, Imperij hostem ac proditorem per sententiam publicè denuntiat, ipsumque regali dignitate & cunctis dominijs privat, capitisque supplicio damnat. Deinde fædere contracto amicitia cum Friderico Rege Sicilia novum & magnum pugnatorum adunavit exercitum, profecturus in Apuliam contra memoratum regem, quem deposuerat Rupertum. Jam enim præfatus Rex Sicilia Fridericus per mare cum magno suorum exercitu pro Imperatore contra Rupertum ad Apuliæ regnum applicuit, jam regionem crebris incursionibus devastare cepit. Unde Imperator exercitus partem non modicam cum classe navium septuaginta præmisit in Apuliam, ut

Imperator Henricus Regem Apuliæ privat regno.

R

cum

cum Friderici copijs contra Regem Apuliæ jungerentur. Et reverà niſi morte immaturâ fuiſſet præventus, totam Apuliam ſimul & Etruriam cum univerſa Italia non minus prudentiâ quàm virtute armorum, ad Imperij ſubjectionem reduxifſet, ipſumque imperium gloriâ ſimul deco-  
râſſet & rebus.

Imperator  
laborat  
morbo dy-  
ſenteriz.

Imperator  
in oppido  
Boncon-  
vent mori-  
tur.

Opinio eo-  
rum, qui  
ſcribunt  
cum vene-  
no interiſſe  
ſe Capella-  
ni ſui.

Anno igitur Dominicæ Nativitatis prænotato in menſe Auguſto, Henricus Imperator movens à Piſanis exercitum, iter ſuum per terram in Apuliam contra Rupertum inſtituit, veniẽsque ad oppidum Boncon-  
ventum, quod paucis à Senenſi diſtat civitate milliaribus, in Vigilia feſti Aſſumptionis Beatiffimæ Virginis Mariæ, diem ibidem quieſcens celebravit Solemnem. Laborabat autem dyſenteriz morbo graviter toto itineris ſui tempore à Piſanis, & omnis in eo medicina defecit, tum pro-  
pter mutationem aëris, tum quòd impatiens moræ fluxum agitatione cor-  
poris nimium reſoluti per amplius provocabat. Unde cùm ſe graviter ſentiret infirmum, animæ ſuæ ſalutem ante omnia procurare ſtudit, & quia ulterius progredi non fuit poſſibile, finem ægritudinis exſpectare neceſſariò decrevit. Confeſſione igitur Sacramentali quàm humillimè ſecundum Eccleſiæ conſuetudinem præmiſſâ, Corpus Domini noſtri JESU Chriſti de manu Capellani ſui, Fratris Bernardi Ordinis Prædica-  
torum, in ipſa ſolemnitate coram eo celebrantis, cum magna devotione mentis in Deum ſuſcepit, & poſteà ingraveſcente morbo, etiam ſacri perunctione olei communitus fuit. Morbo dyſenteriz ſingulis diebus magis ac magis creſcente, tandem optimus Imperator viribus corporis defecit, & poſt dies paucos, hoc eſt, in ſolemnitate ſancti Bartholomæi Apoſtoli, in lecto ægritudinis ſuæ apud Bonconventum vocante Domino exſpiravit. Cujus corpus magno ſuorum luctu Piſas relatum eſt, & in tumba (ut ferunt) argentea ſepultum cum honore magno, ſicut mos eſt Imperatores ſepelire.

Fuerunt inter hiftoriographos ejus temporis nonnulli, qui ſcribe-  
rent, Imperatorem ipſum Henricum, veneno Florentinorum, qui Roberti partes ſequebantur, ut prius eſt dictum, interiſſe, non dyſenteria vel morte naturali. Dicunt enim hujus injurioſæ opinionis temerarij aſſer-  
tores, quòd Florentini (quos conſtat Imperatori fuiſſe rebelles) Fratrem Bernardum præfatum ejus Capellanum & Confeſſorem, pecuniâ & pol-  
licitationibus magnis corruperint, venenum ſecretè miniſtraverint, mo-  
dumque docuerint, qualiter eum in adminiſtratione Dominici Corporis debuerit intoxicare. Deinde ſcribunt (memorati homines de incertis judicantes) quòd prædictus Frater Bernardus Imperatori Sacramentum Corporis Chriſti veneno porrexerit infectum, quando ipſum communica-  
bat, ſicut diximus, in ſolemnitate Aſſumptionis Beatæ Mariæ ſemper Virginis apud Bonconventum.

Imperator verò (ſicut memorati ſcribunt auctores) mox ut veneni ſenſit operationem, dixit ad Magiſtrum Bernardum: *O Domine quid feciſtis? parcat vobis omnipotens Deus, quia malè mecum egiftis. Recedit quantocius, quoniam ſi hoc ſcelus veſtrum noſtri perceperint fideles, malâ morte ſine dubio peribitis.* Quibus dictis ferunt Imperatorem diſſimulâſſe factum, donec frater declinavit & fugit.

Alij



Alij verò quidam scriptores adjiciunt, quòd Imperatori mox ut sensisset venenum, suaserint medici, quatenus per vomitum illud rejiceret, priusquam se virus in membra diffunderet. Quibus illum ferunt hujusmodi dedisse responsum: *Absit procul, ut Dominum & Salvatorem meum, quem hodie in Sacramento sumpsi altaris, per vomitum rejiciam à me. Fiat voluntas ejus mecum in omnibus.* Unde hujus opinionis assertores, qui scribunt Imperatorem veneficio perijsse prius dicti Fratris Bernardi, consequenter nimis temere, & (ut nobis videtur) sine ratione confirmant, quòd Romanus Pontifex (nescio quis) pro expiatione tanti sceleris, Ordinem Fratrum Prædicatorum eâ multaverit notâ infamiæ, quòd omnes eorum Sacerdotes dum celebrant, perpetuò sese manu sinistra, Dominico debeant Sacramento communicare, sicut & communicant. Sed nos, qui perquirendis historijs pro cognitione veritatis exactam fecimus diligentiam, à quam pluribus historiarum gravissimis scriptoribus memoriæ commendatum invenimus, sæpe dictum Fratrem Bernardum superimposito sibi ab æmulis crimine penitus fuisse innocentem, quippe qui fuerit vir bonus, Magister in Theologia doctissimus, & semper innocentis ac religiosissimæ conversationis. Et nos Deum solum, & veritatem habentes præ oculis, indubitanter credimus, tam ipsam Fratrem Bernardum, quàm totum Ordinem Prædicatorum objecti sceleris omnino & semper fuisse innocentes, & Henricum Imperatorem non veneno, sed morte naturali defunctum.

Quòd Imperator noluerit rejicere venenum.

Historia venenicontra Prædicatores fictitia.

Hujus assertionis nostræ prima ratio est, quoniam dysenteria morbo prius quam moveret à Pisanis, graviter laborabat, in tantum, quòd restringi fluxus eo in loco, sicut diximus, nullâ potuit medicinâ. Prius ergo quàm Dominici Corporis Sacramentum de manu Fratris Bernardi apud Bonconventum in die Assumptionis Mariæ suscepisset, infirmus extitit, quæ etiam ægritudine morbi & non veneno, paulò post, sicut diximus, mortuus fuit.

Prima excusationis ratio.

Verùm ne contrarium opinantibus ratio præmissa videatur infirma, altiore testimonio innocentia viri fuerit comprobanda. Imperator namque jam moriturus interrogatus utrum aliquam veneni suspicionem de memorato Fratre Bernardo haberet, clarâ voce respondit: *Se pro certissimo certum habere, quòd Frater Bernardus esset innocens, & nihil in eum Commisisset mali.* Jam enim suspicio quædam veneni de ipso Capellano inter Aulicos fuit suborta. Sed Imperator excusavit eum, in præsentia multorum principum, quibus nos convenit adhibere fidem.

Secunda excusationis ratio.

Et ne contradictor Innocentiæ viri contendat, quasi nos eam confinxerimus excusationem, testes qui personaliter interfuerunt, pro dictorum confirmatione citamus: Joannem videlicet Bohemiæ regem ipsius filium Imperatoris, Baldevvinum Trevirorum Archiepiscopum fratrem Imperatoris; si verò isti duo non sufficiunt, adjiciemus & alios, qui morienti & excusanti astiterunt; Archiepiscopum Mediolanensem, Archiepiscopum Argentinensem, Episcopum Perusinum, Episcopum Pisanum, Episcopum Lucensem, Episcopum Tridentinum, & plures alios, quorum nomina brevitatis gratiâ omittimus. Cui testimonia tantorum virorum non sufficiunt, veritatem non requirit, sed calumniam astruit.

Tertia excusationis ratio.

R 2

Rursum

Litteras illi  
Principes  
Innocentiae  
dederunt.

Rursum si pergant accusatores innocentiae testibus etiam contradicere introductis, quasi nostram inventionem fallaciter allegatis, litteras excusationis munimine sigillorum eorundem Principum roboratas offerimus, quibus praefatum Fratrem Bernardum de objecto crimine innocentem & sufficienter excusatum non dubitamus. His causis informatum copiose animum nostrum agnoscimus, & propterea frivolam accusationem viri refutamus. Et quamvis haec ita se in veritate habuerint, nihilominus tamen mortuo Imperatore Henrico, gravem Ordo Praedicatorum à ple-  
risque detractionem sustinuit, qui propter suspicionem ab æmulis Fratri Bernardo contumeliosè suscitata in populo, ipsam religionem totam minus justè fuerunt persecuti. Cujus infamationis primordiale causam multà sinceritate inquisitam, & cum veritate inventam breviter his decrevimus inferere.

Frater Ber-  
nardus ex  
invidia cu-  
rialium dif-  
famabatur.

Frater Bernardus Sacrae Theologiae doctus Magister, sicut diximus, Imperatoris Capellanus fuit, atque Confessor propter eruditionem & vitae meritum, charus multum atque dilectus, & ob id optimo loco habitus & magnae reputationis. Videbant hoc Aulici venatores, & sicut fieri solet in Curijs Principum, invidebant, quod Frater apud Imperatorem videretur acceptus. Enimverò sicut nos experientia docuit, invidiam praeter ceteris magnam in Principum Curijs patiuntur claustrales, quoribus favorem aut gratiam Dominorum specialem fuerint assecuti. Unde quamvis saepe dictus Frater Bernardus de objecto scelere tam per Caesarem ipsum, quam per Principes memoratos ut verè innocens sufficienter & superabundè fuisset excusatus, tamen quorundam invidorum turba quiescere à concepto livore non potuit, sed Ordinem Praedicatorum totum unacum Fratre Bernardo quantum valuit persecuta fuit.

Inter quos Henricus Flandriae Comes cum certis curialibus principalis omnium persecutor & hostis Praedicatorum extitit: & Fratrem saepe dictum Imperatoriae mortis reum constanter affirmans, ipsum cum omni religione sua crudeliter ubique diffamavit. Mihi autem non est dubium de innocentia fratris: quem nisi Principes supradicti & maximè filius ac frater Imperatoris manifestè cognovissent innoxium, procul dubio non dimisissent impunitum. Qui sentit aliter, videat quo spiritu moveatur; cum opinionis temerariae certum non habeat firmamentum. Nos viam libenter assumimus tutiorem.

Praedicator-  
es à Papa  
notatos  
frivolè ni-  
mis credi-  
tur.

Quod verò plerique opinantur, Ordinem Praedicatorum ob saepe memoratum beneficium esse eam poenam notatum per Pontificem Romanum, quàm Corpus Dominicum sinistram celebrantes sumere omnes deinceps fuerint compulsi: frivolum est & humanam levitate, ne dicam, temeritate excogitatum, quod multiplici ratione facile possumus comprobare. Nec enim vel commodum ad hoc movemur aliquo temporali, nec amoris, aut privatae necessitudinis vinculo sub debito colligamur, ut pro innocentia fratrum compugnemus: sed quia veritatem contra falsitatem tenemur defendere; oportebat nos opinionem invidorum falsam demonstrare. Dicant igitur nobis opinionis temerariae defensores, quis Papa injunxerit Ordini Praedicatorum, ut sinistram se manu presbyteri communicent celebrantes. Certè non Clemens Papa quintus, sub cujus Pontificatu saepe dictus Imperator Henricus mortuus est: qui etsi per litteras suas ad Prin-  
cipes

cipes Germaniæ datas illum promoverit eligendum, non tamen in finem amavit electum; mox etenim ut cum tanta multitudine armatorum intravit Italiam, constituens prælia multa, ejus potentia cepit memorato Pontifici vehementer esse suspecta: & mutato consilio, quem dilexit absentem, præsentem nimium formidabat. Unde postea quam coronandus Romam intravit Rex cum quinque Cardinalibus supradictis, Pontifex de Vienna, ubi tum celebrabat Concilium, per occultum Cardinales admonuit: ut coronationem ejus, si commodè possent, intermitterent, aut saltem longius differrent. Unde constat Papam tunc mortem Imperatoris libentius audivisse quàm vitam. Quemadmodum ergo illius mortem vindicare potuit, cujus vitam sibi metuendam semper cum fortuna suspectam habuit? Non igitur verisimile est, quòd memoratus Pontifex Romanus Ordini Prædicatorum hanc notam imposuerit sese communicandi. Sed neque aliorum succedentium Romanorum Pontificum quispiam hoc ordini præcepisse credendus est: cum de nullo quidquam tale sive in historijs, sive in aliqua Extravagante constitutionum uspiam legatur. Vana igitur & frivola eorum cavillatio est: qui memoratum communicandi modum Ordini Prædicatorum pro pœna sæpe dicti veneficii à Romanis Pontificibus somniaverunt impositum. Nam si etiam frater Bernardus veneno Cæsarem interemisset, quod nullatenus factum credimus, quid unius crimen hominis ad Ordinem totum? ut hominum tot millia non solum tunc præsentibus in carne, verùm etiam perpetuis futuris temporibus propterea pœnaliter debuerint notam infamiæ subire innocentes? Nimis enim videtur & prorsus iniquum, totum condemnare Ordinem, & præsertim Ecclesiæ tam utilem propter delictum unius. Unde necessariò repetimus, quod amore veritatis sæpe est dictum; quoniam nec Ordinem Prædicatorum, nec fratrem Bernardum Cæsarianæ mortis causam præstitisse aliquam, nec ob id sive pœnam sive magnam contraxisse culpam, neque luere pœnam concedimus.

Vana & frivola est opinio Ordinem de venenoculans.

Eriam si unus peccasset, quid ad Ordinem totum?

Quòd verò sinistra se manu celebrantes communicant, nullius est pœna criminis; sed antiqua consuetudine introducta devotio: quatenus eò decentius pectus dextrâ possint contundere, quo minus eam porrectione Sacramenti coguntur occupare. Multorum etenim consuetudo laudabilis est celebrantium, ut sumpturi vivificum Corpus Domini, tertio pectus tudent dicentes: *Deus propitius esto mihi peccatori.* Et hæc tussio pectoris, quoniam sinistra fieri manu decenter non potuit, primos Institutores Prædicatorum Ordinis, quo dextram haberent exoccupatam, ut communicaturi Sacramentum sinistra teneant induxit. Dicant mihi homines opinionem veritati contrariam temerè nimium asserentes, quid illi commiserint sceleris, qui manibus remotis Dominicum Corpus linguâ duntaxat attrahentes de patena suscipiunt? si propterea sinistra se communicant Prædicatores, quòd veneficio unum hominem (sicut falsò accusantur) interfecerunt? Certè si propterea isti manu se communicare sinistra compellerentur, quòd unus eorum frater veneno necasset Cæsarem, illi & Papam & Cæsarem occidisse judicandi sunt, qui nullam manum, sed quasi canes lambentes solam linguam apponunt.

Vera causa quare sinistra se communicant Prædicatores, torces.

Bonus Christianus non est, qui facile judicat alios,

Sed utrumque communicandi modum Sacramenti reverentia & devotio Patrum instituit; quam nec veneficium, nec sceleris cujusquam,



perpetratio causavit. Nostræ autem mortalitatis infirmitas est, quando tam citò malè de proximo loquentibus fidem apponimus, & causas innocentiae minimè judicamus. Quisquis verò commissorum incertus Con-Christianum suum ex sola famæ lubricitate, malum aut sceleris reum temere judicat, ipse quòd bonus Christianus non sit, suo iudicio manifestat.

Henricus  
Imperator  
fuit opti-  
mus Prin-  
ceps.

Argenti-  
nenses do-  
minos se  
nuncupan-  
tes despe-  
xit.

Non me-  
rentur re-  
sponsum  
Regis.

Imperator  
exaudivit  
cives Ar-  
gentinen-  
ses, domi-  
nos nesci-  
vit.

Vacat Im-  
perium  
cum Regno  
quasi men-  
sibus XIV,

Fuit autem Henricus Imperator supra dictus vir prudens, pius & per omnia magnificus, cui vivere silicuiisset diutiùs, & regnum Germaniæ ad pristinum reduxisset splendorem simul & imperium. Christianæ Religionis cultor integerrimus extitit, & iudex in cunctis semper causis æquus atque iustissimus fuit: Dominos Episcopos & omnem clerum in magna reverentia habuit, & omnes Monachos atque claustrales ut veros Dei famulos semper devotè colens ac venerans honoravit. Pauperum defensor fuit infatigabilis, & oppressores egenorum districtè iudicavit. Superbiam in se nullam habuit, quam in cunctis semper hominibus maximè detestatus fuit. Quod ut verum demonstremus exemplo, unum illius factum memoriâ dignum in medium proferamus. Cùm anno regni sui primo mox post coronationem in Aquisgrani factam ad superiores Rhent partes ascenderet, atque fidelitatis iuramentum (quod Huldani nostrates vocant) in singulis Civitatibus & oppidis Imperij de more suscipere, inter alias regni Germaniæ urbes ad Argentinam pervenit. Ubi fidelitatis Homagio à civibus ex more suscepto illico recessit. Argentinus autem senatus confirmationem suarum libertatum, sicut in promotione novi regis fieri consuevit, habere cupiens, misit ex se duos ad Regem, qui nomine totius consulatûs peterent Jurium confirmationem. Qui intro-missi ad regem, ut parum curiales suâ simplicitate eatenus consuetâ dixerunt: *Domini nostri Argentinenses miserunt nos ad sacram Majestatem vestram, confirmationem Privilegiorum suorum postulantes.* Et non respondit eis verbum. Rege autem ab Argentina discedente ad Colmariam secuti sunt memorati Oratores, quoties poterant habere accessum, semper eadem postulabant, Dominos suos honorificè nominantes: & nec tunc quidem responsum vel unius verbi à Rege meruerunt. A Colmaria quoque Regem secuti ad Spiram, eadem quæ prius sedulò postulabant. Verùm cùm eis Rex nihil omnino responderet, vehementer admirati sunt, & causam nescientes consilium à quodam Aulico secretè tandem acceperunt, ne in sua petitione dominos nuncuparent Argentinenses, quoniam mos talis loquendi ad Regem de subditis imperio civibus quandam, superbiam prætenderet. Reversi mox Oratores ad Regem dixerunt: *Serenissime Domine Rex, Senatus & populus civitatis Argentinensis humiles & devoti servitores, & subditi Majestatis vestra, miserunt nos humiliter supplicantes, quatenus eadem Serenitas vestra eis eorum privilegia & libertates auctoritate regali confirmare pie dignetur.* Quibus Rex illico respondit: *Hætenus non poteramus intelligere, quiescent domini illi, de quibus loquebamini. Nunc autem primò intelligimus, vos nuntios esse civium nostrorum Argentinensium, quibus gratiam nostram & omne bonum favemus; libenter dabimus, quod petitis.* Et mox litteras dari mandavit postulas.

Post mortem verò Imperatoris Henrici, quæ contigit anno prænotato Dominicæ Nativitatis tertriodecimo supra trecentessimum atque millesimum, in festo sancti Bartholomæi Apostoli, quæ fuit vigesima quarta

quarta dies mensis Augusti, vacavit regnum Germanorum simul & Romanorum Imperium anno uno, mense quoque uno, diebus quinque & viginti, usque ad nonum decimum mensis Octobris anni sequentis, quando Ludovicus Dux fuit electus.

Eodem anno quo mortuus est Imperator Henricus sextus, qui hujus nominis Rex erat Germanorum septimus, pestilentia per totam Germaniam crudelissima & nimium crudelis sæviens multa millia hominum in brevi tempore consumpsit. Vix etenim partem hominum tertiam superstitem clades illa miseranda reliquit, reliquos innumerabiles crudeliter absumpsit. Miserandum erat spectaculum homines subito, cum sani loquerentur, videre infirmari, & eosdem in tanta multitudine mori, ut sani vix sufficerent mortuos sepelire. Semel infectus peste illâ, die alterâ moriebatur. Nulla hominum æstimatio capit, quanta fuerit multitudo mortalium in illa calamitate miserabili absorpta. Nam sicut scribit Hugbertus Monachus S. Ferrucij, obierunt in illa tempestate horribili in civitate Coloniensi plusquam triginta millia hominum. In Treveri 12. millia. In Moguntia plusquam sedecim millia. In Wormatia sex millia. In Spira novem millia. In Argentina tredecim millia. In Basileâ quatuordecim millia. In Herbipoli quatuor millia, in alijs quoque civitatibus, oppidis, villis & castellis Germaniæ penè omnibus tantam multitudinem hominum pestis illa consumpsit, quæ litteris commendata posteris esset incredibilis. Hanc sævissimam mortalitatem hominum tanta fames & inopia victualium subsecuta fuit, ut his qui viventes relictæ fuerant, in tanto defectu vivere omnino videretur gravius quàm illis, quos pestis absumpserat, mori. Tantam enim multitudinem hominum mortalitas illa consumpsit, quòd innumerabiles villæ habitatoribus defunctis remanserunt desertæ, terra cultoribus suis caruit, arator cum seminante pariter defecit. Tanta etiam aquarum inundatio per Germaniam eodem anno extitit, quòd sementem terræ commissam penitus suffocavit. Unde tam ex inundatione aquarum, quàm ex defectu cultorum terra multis annis sterilis facta permanfit. Fames tam valida & diuturna fuit, quòd mercatores lucri causâ frumentum de Sicilia in Germaniam per mare navigio laboriosè adduxerunt.

Claruit his temporibus Hugbertus Monachus Cœnobij S. Ferrucij Martyris, in villa Blidenstadt, quod duobus à Moguntia distat miliaribus, Ordinis Divi Patris nostri Benedicti. Vir tam in divinis scripturis eruditus, quàm in sæcularibus litteris suo tempore indubitanter doctissimus, nec minus vitæ merito, quàm eruditione insignis, qui gemino stylo multa lucubravat præclara opuscula, quibus memoriam sui posteris commendavit. Imprimis chronicon opus scripsit succinctum à tempore Foundationis Monasterij sui memorati, in quo multa per digressum in Germania & exteris nationibus facta commemorat usque ad annum Dominicæ Nativitatis millesimum trecentesium vigesimum. Item de inclinatione Ordinis nostri quatuor libros gemino stylo composuit ad imitationem Marcianni atque Boethij: de Præeminentia Ecclesiæ Moguntinæ libros duos, ad Petrum Archiepiscopum ejusdem, Epistolarum ad diversos librum unum. Alia insuper nonnulla scripsisse dicitur, quæ ad notitiam nostræ lectionis minime venerunt.

Pestilentia crudelissima occupavit Germanos.

Fames diuturna petiit hanc secuta fuit.

Frumenta Germanis ex Sicilia navigio adducta.

Hugbertus Monachus in Blidenstadt Chronographus.

MCCCXIV.

MCCCXIV.

Emicho ſit  
Episcopus  
Spirensis  
Eccleſiæ  
annis XIV.

Anno Henrici Abbatis Hirſaugienſis quintodecimo, indiſtione Romanorum duodecimâ pridie Iduum Januarij, mortuus eſt Sigebotho de Lichtenberg Episcopus Spirensis quadrageſimus nonus, anno Pontificatûs ſui duodecimo, ſepultus in choro Regum ad latus ſiniſtrum in memorata Eccleſia Spirenſi. Poſt quem Emicho ex Comitibus de Lyningen ordinatus antiſtes, præfuit annis quatuordecim, vir magnificus, & Jurium Eccleſiæ ſuæ, ac libertatum deſenſor acerrimus.

Clemens  
PP. V obiit.  
Sedes Petri  
biennio vacavit.

Eodem anno mortuus eſt Clemens Papa V. qui Ordinem Templariorum ad nimis importunam Regis Gallorum instantiam, ut ſupra diximus, deſtruxerat, de cujus vita moribus & obitu ſi quis plura ſcire deſiderat, ultimam chronici Antonini partem legat. Poſt cujus mortem Sedes Apoſtolica vacavit annis duobus, menſibus tribus, diebus decem & ſeptem propter diſcordiam Cardinalium.

Anno etiam prænotato Cometes in parte Aquilonari coruſcans per duos fermè menſes apparuit, ſimulque tres lunæ in Cælo tempore uno viſæ ſunt, quarum interpretationem unusquiſque ſibi uſurpabat.

Rex Gallorum  
Philippus obiit.  
Ludovicus  
ſucceſſit.

Eodem anno mox poſteaquam Cometes diſparuit, mortuus eſt Rex Gallorum Philippus, homo ferox, cupidus nimium & avarus, qui lucri cauſâ multa perperam geſſit, in quibus nec Denm timuit, nec homines curavit: Judæos in toto regno ſuo avaritiâ ductus, cunctis bonis eorum ſpoliavit, ſub prætexu religionis: Flandriam contra juſtitiam miſerabiliter vaſtavit: Eccleſiam Romanam tyrannicè perſecutus fuit: decimas Eccleſiarum & Monasteriorum ſuis uſibus temerè uſurpavit: quid cum Templarijs excogitaverit, dictum eſt. Poſt cuius mortem Ludovicus filius ejus regnavit annis duobus.

Henricus  
Comes Sylveſtris ſit  
Episcopus  
Wormatiensis.

Anno præſcripto decimâ die menſis Februarij, quæ feſto S. Scholaſticæ fuit ſolemnis, obiit Emericus de Cronenberg Episcopus Wormatiensis Anno Pontificatûs ſui decimo. Huic electione Canonicâ in Pontificatu Wangionum ſucceſſit Henricus filius Hermani Comitis Sylveſtris de Duna, caſtello tribus à Spanheim Cœnobio diſtante milliaribus, qui Comites vulgariter dicebantur Wildgraffen / quorum propago dudum deſecit. Erat autem Henricus iſte præpoſitus majoris Eccleſiæ Wormatiensis, & præfuit in Pontificatu annis quinque.

Conventus  
ſit Principum  
pro electione  
Regis.

Anno prænotato decimo nono die menſis Octobris, poſt longam Imperij ſimul & regni vacantiam, tandem Principes Imperij Electores apud Franckenfurt in unum convenerunt. Petrus videlicet Archiepiſcopus Moguntinus, Baldevvinus Archiepiſcopus Trevirorum, Henricus Archiepiſcopus Coloniensis, Rudolphus Comes Palatinus Rheni, Rudolphus Dux Saxonie, Volmarus Marchio Brandenburgensis, & Joannes Rex Bohemie, animo & intentione conſtituendi ſuper ſe Regem & Imperij Rom. gubernatorem. Affuerunt etiam Fridericus, Albertus, & Lupoldus fratres Austrie Duces, non vocati, ſpem ſibi regni magnam promittentes, & per hoc non parvæ diſſenſionis cauſam præſtiterunt. Unde quatuor memorati Principes: Petrus Archiepiſcopus Moguntinus, Baldevvinus Archiepiſcopus Trevirorum, Volmarus Marchio Brandenburgensis, & Joannes Rex Bohemie, Ducum Austrie ambitionem habentes exorſam, Ludovicum Bavarie Ducem in Regem Getmanorum & Imperatorem

Ludovicus  
Bavarie  
Dux ab una  
parte in Regem  
eligitur.



ratorem Romanorum unanimiter elegerunt, qui fuit Rudolphi Comitis Palatini senioris frater; quorum Pater Ludovicus Comes Palatinus Rheni Bavariaeque Dux magnus extitit, avus verò paternus Otto, qui primus ex Bavariae Ducibus Comitatum Palatinum Rheni cum uxore obtinuit, sicuti anno Crafftonis Abbatis sexto, & superius anno Eberhardi Abbatis xvi. similiter diximus. Henricus verò Colonienſium Archiepiſcopus, Rudolphus Comes Palatinus Rheni, & Rudolphus Dux Saxoniae Schisma in electione facientes, Fridericum Austriae Ducem contra Ludovicum sibi suisque sequacibus regem elegerunt, & multiplicata sunt mala super terram; per annos etenim octo continuos, hi duo pro regno contendentes, & crebras inter se congressiones facientes, maximam regno induxere cladem. Postremò tamen Ludovicus contra Fridericum obtinuit, & sibi regnum per potentiam vendicavit, Fridericum cepit, & in deditionem coarctavit, ut suo inferius loco dicemus. Rudolphus autem Bavariae & Comes Palatinus Rheni, qui morabatur in oppido Haidelberg prope Neccarum à Ludovico fratre jam dicto rege, propterea quòd Fridericum Austriae Ducem illi prætulerat in electione ad regnum, de patria simul & Principatu expulsus est, & in Angliam, unde habuerat uxorem, fugere & exulare usque ad diem mortis suae in miseria magna atque continua compulsus est. Quo de patria violenter expulso, Ludovicus frater novus Rex omnem Principatum ejus suo mancipavit imperio, quem tamen filijs Germani postea restituit.

Fridericus Austriae Dux ab alia parte in regem eligitur.

Rudolphus Comes Palatinus à fratre de patria expellitur.

Electio bifariam celebrata in memorato Franckfortiensi oppido, Ludovicus Rex novus cum sibi adunatis principibus in proximum oppidum Rheni Oppenheim secessit, cui oppidani ad persuasionem Petri Archiepiſcopi Moguntini subjectionem & obedientiam praestiterunt. Cum verò aliquandiu moraretur ibidem, Rudolphus frater ejus Palatinus, qui necdum fugerat, cum alijs Friderico adhaerentibus in ejus mortem, dolos & fraudes insidiosè machinati sunt. Unde miles quidam Henricus de Alzein nuncupatus, de Heidelberga in Oppenheim sub forma servitoris mittitur, qui cum balista sub pallio subtiliter abscondita interfecturum se Regem pollicebatur. Rex autem praemonitus à quodam fidei, cepit Sicarium, à quo per torturam omne pravorum intellexit arcanum. Ex Oppenheim ergo discedens ad Moguntiam super bigam latronem circumduxit ligatum, cunctis in terrorem, ne similia quisquam praesumeret, atque spectaculum. Qui tandem equo colligatus ad caudam per civitatem trahitur: postea rotatus est, & ultimò in quatuor partes secundum antiquam legem Francorum nostrorum dividitur.

Henricus miles de Alzein Regem volebat occidere.

Huic verò conspirationi Rudolphus Comes Palatinus Rheni assensum & consilium dederat; quod Ludovicus Rex cum intellexisset ex confessatis capti latronis, nimium iratus est, & fratrem capere ad necem festinabat. Sed avisatus ille, noctu pedibus aufugit, & sicut disposuerat animo, pauper in Angliam descendit; tanto etenim pavore fuit perterritus, ut publicè transire non praesumeret; Frater enim nimio furore repletus, omnes viarum exitus fecerat praemuniri custodibus, ut fugere manifestus non posset, & neque familiam, neque vecturam secum ducere aliquam. Fugit igitur sicut diximus noctu, uno duntaxat comitante

Causa propter quam Ludovicus Rex fratrem expulit de patria.

famulo, pedibus ambulare contentus in habitu peregrinorum, quem uxor postea relictis apud Heidelberg liberis suis etiam subsequuta fuit.

Margaretha uxor Regis Ludovici peperit ei sex filios.

Ludovicus autem Rex quotidie magis magisque convaluit, & feliciter pluries contra Fridericum triumphavit. Uxorem habuit Margaretham Wilhelmi Comitis de Henegau Hollandiæque filiam, de qua genuit sex filios. Ludovicum videlicet Ducem Baviaræ: Stephanum quoque Baviaræ Ducem in Landtshutta commorantem: Albertum Ducem in Strubingen: Wilhelmum Ducem Hollandiæ, Selandiæ, Frisiæ & in Breda Henegauque Comitem: Ludovicum Romanum, quia Romæ natus; post Volmarum Marchionem in Brandenburg & Ottonem.

MCCCXV.

Fames Germaniam graviter afflixit simul & Italianam.

Anno Henrici Abbatis XVI. magna per universam Germaniam, simul & Italianam fames gravissimè afflixit mortales, in qua multa hominum millia propter inopiam, in diversis mundi regionibus perierunt. Duravit autem ferme biennio, quâ tandem cessante secuta est mortalitas maxima.

Ludovicus apud Aquasgrani cum uxore coronatur Rex.

Anno Henrici Abbatis prænotato Ludovicus Rex in festo Epiphaniæ Domini à Petro Moguntino & Baldevvino Trevirorum Archiepiscopis, in Basilica sanctæ Mariæ Dei semper immaculatæ genitricis, in Aquasgrani solemnî pompâ in Germanorum Regem unctus & coronatus est, & uxor ejus similiter in Reginam sublimata. Coronatione solemnî peractâ ad Coloniam rediit, & cives in deditionem accepit. Inde per Rheni fluentem conscendens, Treviros, Mosellanos, Rhenanos, & reliquas Civitates cum oppidis ferme cunctis usque ad Argentinam sibi subjecit. Suevi etiam penè omnes præter Ulmeneses Ludovicum ut Regem susceperunt.

Fridericus etiam per manus Henrici Archiepiscopi Coloniensis, non apud Aquasgrani, quò venire tutò non potuit, sed alibi regni coronam & insignia suscepit, illius autem partes Alsatiæ cum Basiliensibus & Constantiensibus sequebantur.

Bellum inter Ludovicum & Fridericum committitur.

Eodem anno prælium factum est magnum in agro Spirensi, inter Ludovicum Regem quartum, & Fridericum Austriæ memoratum Ducem ejus adversarium, in quo multi ex utraque parte ceciderunt.

Lupoldus verò Dux Austriæ Friderici Germanus, in odium tam Spirensium, qui Ludovicum susceperant, quàm Regis Ludovici, priusquam bellum inciperetur, omnes penè in circuitu villas combusserat igni, & multa pauperibus intulit damna. Veruntamen campum & victoriam Rex Ludovicus obtinuit, & Fridericum cum suis fugere coëgit.

Erat autem fames magna, sicut diximus, in omni terra, & Baldevvinus Trevirorum Archiepiscopus vir prudens, qui tempore pacis & abundantiae sibi de necessarijs providerat, victualia regijs exercitibus copiosissimè ministravit.

Eßlingen obsidetur.

Anno item præscripto Fridericus Austriæ Dux, posteaquam victus & fugatus esset à Rege Ludovico, sicut dictum est, in agro Nemetensi, suorum relecto exercitu movit in Sueviam, & imperiale oppidum Eßlingen gravi obsidione vallavit. Quod ubi Regi Ludovico innotuit, contractis undique copijs contra Fridericum in Sueviam pro liberandis civibus ascendit. Bellum denuò committitur, plures ab utraque parte trucidantur, ac multi capiuntur, & ob id necessario caesa obsidio solvitur.

Interea

Interea dum hæc geruntur in Suevia, Lupoldus Friderici frater Dux Austriæ contractis copijs vallem Suitensium confœderatorum intrare disposuit; quod cum propter meatuum angustiam haud facile posset efficere, suorum in arcano caput consilium habere. Complacuit autem postremò consultantibus, ut secretò ab una parte montium intrantes nocturno tempore super illos, qui nihil tale suspicabantur, irruerent, & nullo resistente omnia quæ reperissent, liberè devastarent.

Lupoldus  
Dux contra  
Suitenses  
movet.

Erat in exercitu Lupoldi nobilis quidam de Henneberg, qui tot subito perire Innocentes doluit; & ideo præmonere Suitenses de imminente periculo cogitavit. Sagittam ergo cavatam superius artificiosè operuit, litteras continentes præmonitionem inclusit, & jactu balistæ in vallem, destinavit. Suitenses relectis litteris sibi projectis, sub introitu vallis occultè posuerunt insidias, & omnes quotquot ingredi præsumpsissent ex adversarijs vel occiderunt, vel converterunt in fugam. Unde Lupoldus suorum strage accepta non parvâ, confusus redit ad propria.

Per sagittam  
avisantur  
Suitenses.

Eodem anno in oppido quodam Austriæ Cremenfi Pataviensis Diocesis, hæretici plures nefandissimi per Fratres Prædicatores inquisiti fuerunt atque detecti; quorum errores perniciosissimi ex pravis Fratricellorum dogmatibus sumpsérunt originem, quos dudum sancta Romana damnavit Ecclesia in Concilio Viennensi, de quo paulò jam ante diximus, anno Henrici Abbatis istius duodecimo. Detecti autem & comprehensi, quoniam omnes in erroribus suis fuere contumaces, ad ignem adjudicati sunt, & extra memoratum oppidum Cremenfè in cinerem combusti.

Multitudo  
hæreticorū  
in Austria  
comburitur.

Vesaniæ autem illorum principales articuli fuerunt. Sacerdotium & sacrificia Ecclesiæ cuncta, Missam & Sacramenta omnia deridebant, & nec reverentiam Sacramentis, nec obedientiam vel honorem voluntariè ullū præstabant Sacerdotibus. Luciferum & reliquos Dæmones cœlo injuriâ pulsos affirmabant; idcircoque & ipsos omnes regno felicitatis aliquando, ut injuriam passos, fore restituendos, Michaëlem verò & ceteros Angelos bonos omnes, tanquam injuriatores, cum omnibus, extra eorum sectam, hominibus in æternum damnandos. Unde mutuò sese invicem saluantes in favorem Sathanæ dicebant: *Salvet te injuriam passus.* Quod Lucifero adscribunt. *Si Maria*, inquiunt, *Virgo permansit post partum, non hominem sed Angelum peperit: si autem verum hominem peperit, Virgo post partum non fuit.*

Errorum  
pessimorū  
principales  
articuli  
notantur.

Duodecim viros ex tota eorum multitudine segregatos habebant, quos & Apostolos nuncupabant, qui totam Germaniam quotannis perlustrantes, simpliciores quosque in suis erroribus confirmabant. Ex illis duodecim rursus secernebant duos seniores, quos sectæ vocabant ministros, qui singulis annis Paradysum se intrare fingeant, ubi ab Enoch & Elia potestatem acciperent suos absolvendi ab omnibus delictis atque peccatis; quam auctoritatem pluribus in singulis civitatibus & oppidis communicabant. Sacramentum Baptismatis contemnebant dicentes, si Baptismus est Sacramentum, ergo quodlibet balneum est Sacramentum, & balneator omnis est Deus. Sacramentum etiam Pœnitentiæ vitiabant, confitentes non Sacerdotibus, sed Laicis peccata sua tantum in genere, & nihil penitus in specie, ac per hanc sperantes confessionem omnium se delictorum à pœna & à culpa remissionem suscepturos. Sacramentum quoque Salutiferum Dominici Corporis & Sanguinis non credebant,

Duodecim  
sibi præfe-  
runt Apo-  
stolos.

Omnia Ec-  
clesiæ Sa-  
cramenta  
contemne-  
bant.



Matrimo-  
nium Bla-  
ſphema-  
bant.

Eccleſiam  
& Pontifi-  
ces irride-  
bant.

Hæretico-  
rum ingens  
fuit nume-  
rus.

Puellæ per-  
tinacis fa-  
tua & ni-  
mis erro-  
nea respon-  
ſio.

Inter Abba-  
tem & Con-  
ventum  
Hirſaug.  
diſcordia.

conſecratam in Altari hoſtiam, Deum fictitium temerè nuncupantes. Sacramentum verò matrimonij, Juratum meretricium vulgariter ap-  
pellabant; quia brutorum inter ſe more turpitudinem ſine matrimonij  
lege exercebant. Extremam unctionem irridebant; de qua interrogati  
quid ſentirent, publicè omnes respondebant: *Nos firmiter credimus,  
olera quanto plus fuerint oleo condita, tanto eſſe indubitanter meliora.* Con-  
ſecrationes Eccleſiarum, cœmeteriorumque, ordinationes Episcoporum,  
Sacerdotum, & quarumlibet rerum benedictiones, pro nihilo reputabant.  
Deum nec ſcire nec punire peccata, quæ ſunt ſub terra, iniquâ loquacitate  
dicebant. Unde convenientes in ſpeluncis & cavernis ſubterraneis, nullâ  
conſanguinitatis obſervatâ conſideratione, pater cum filia, frater cum  
ſore, filiûſque cum matre turpitudinem ſuam indifferenter exercebant.  
Romanam Eccleſiam non Chriſti, ſed infidelium eſſe dicebant: cenſuras  
Eccleſiæ, auctoritatem Prælatorum, & omnes Chriſtianorum ritus irri-  
debant, jejunium nullum ſervabant; carnibus omni tempore, etiam  
in die Paraſceves utebantur. Nullum feſtum obſervabant, ſed etiam die  
Paſchatis laborabant. Perjurium dicebant non eſſe peccatum. Merita,  
preces vel Interceſſiones Sanctorum nihil poſſe mortalibus conferre, &  
ob id neque honorandos, neque invocandos dogmatizabant. Alios  
denique complures profitebantur errores, quorum multitudo lectori-  
bus, & horrorem generaret, ſi ſcriberentur omnes, & mentis faſtidium.  
Magnus eorum fuit numerus, & multa inter ſe abominanda comiſerunt.  
Nam ut unus eorum ex Apoſtoliſ Viennæ crematus ferebatur eo tempore  
in tortura confeſſus, plus quam octo millia hominum utriûſque ſexûs per  
Bohemiam, Auſtriam, Thuringiam eorûmque confinia, horum profes-  
ſores extiterunt errorum: præter illos, qui Germaniam & Italiam ſimili  
pravitate infecerant. Plures eorum in prænotatis regionibus eodem  
tempore inquisitione Fratrum Prædicatorum fuerunt detecti & judicati  
ad ignem: qui ſumma cum hilaritate omnes in ſua pertinacia perierunt,  
& ne unus quidem ex eis pœnituit. Erat una inter eos puella nomine  
Gisla corpore ſpecioſiſſima, cujus pulchritudo Judicem traxit ad com-  
miſerationem: & cupiens illam ſervare, multis nitebatur ei perſuadere  
ſermonibus, ut abrenuntiato errore ad Eccleſiæ reverteretur ſanctiſſi-  
mam unitatem. Quæ interrogata ſi adhuc eſſet Virgo? reſpondit: *Super  
terram Virgo ſum: ſub terra verò minimè.* Putabat enim fatua Virginitatem  
ſub terra non poſſe auferri, etiamſi multis contigiffet viris commiſceri.  
Cum autem nullis poſſet inductionibus perſuaderi, ut renuntiaret erro-  
ribus, læta & gaudens in ignem ſe dedit præcipitem, animam mittens  
in gehennam. Horum facibus errorum tunc infecta Bohemia, uſque in  
præſentem polluta diem nunquam potuit in tota ſui cõmunitate à talibus  
ſpurcitijs emundari. Sunt enim in ea hodie multa hominum millia  
præſcriptis erroribus vel in toto, vel in parte turpiter maculati, quemad-  
modum ſuo loco inferius dicemus.

Anno quoque prænotato diſcordia inter Henricum Abbatem Hir-  
ſaugienſem & Conventum ſuum ante plures quidem annos exorta, oc-  
caſione diſiſſionis Regni, & Regum Principumque diſſenſione ſucce-  
ſcens, nimium fuit ampliata. Abbas namque (ut in ejus promotione  
ſupra jam diximus) homo erat pro regimine & utilitate Monaſterij non  
ſatis



fatis idoneus. Corpori & otio plus deditus, quàm illius temporis necessitas requirebat. Per ejus negligentiam & culpam status rei familiaris enormiter periit: Regularis observantia omnino contempta exulabat. Plura mobilia simul & immobilia bona sine voluntate Conventus alienavit à Monasterio: & ære congregationem nimium gravavit alieno. Super his & alijs enormitatibus suis multis, sæpè admonitus per seniores, non solum in nullo se corrigere vel emendare voluit: sed etiam Fratres suos & maximè seniores, quibus onerosa fuit ejus dilapidatio, in faciem maledixit atque contempsit, cujus indignatione facti tandem depositus fuit.

Eo tempore, sicut paulò ante diximus, Ludovicus Dux Bavarie & Fridericus Dux Austrie pro Regno contententes, non modicam ejus depositionis causam præstiterunt; nam uterque non secundum Deum, ubique Ecclesiarum Præsules & Monasteriorum Abbates instituere vel annovere, pro commodo & favore propriæ utilitatis gestiebat. Ludovicus etenim Sigibodone Spirensium Episcopo vitâ defuncto, Georgium filium Comitis de Veldentia Mosellanum in ejus locum substituit, cui mansionis residentiam in oppido Germersheim assignavit. Fridericus autem sibi faventem Arnoldum de Ochsenstein sublimavit in Episcopum Spirensis Ecclesiæ, & Landaugiam oppidum illi pro residentia sua deputavit. Verùm Georgio Veldentiano Comite brevi mortuo, Emicho Comes de Liningen, de quo præcedente anno diximus, per Ludovicum Regem Episcopus substituitur, & præfuit annis quatuordecim: Arnoldus etiam non diu supervixit.

Duo super Ecclesiam Spirentem constituuntur Pontifices.

His tribulationibus Ecclesiam Nemetensem per triennium ferme comprimantibus Hirsaugia quoque lugens sua deplorabat incommoda; quoniam in se gravissimè turbata, neque Pontificis ordinarij, neque alterius cujuscumque meruit auxilio consolari. Abbas tamen Henricus, qui post multorum alienationem bonorum sine Fratrum suorum consensu à Monasterio malè sibi conscius erat, amicorum se tuebatur auxilio: & quandiu potuit, subditorum animos irritavit. Cæpit hoc malum discordiæ, neque cessavit, donec Abbas tandem deponitur.

Abbas Henricus malè sibi conscius.

MCCCXVI.

Anno Henrici Abbatis Hirsaugiensis decimo septimo currente, Ludovicus Rex convocatis Principibus cunctisque sibi fideliter adhærentibus, pacem in omni regno Germanorum servandam constituit: Latrocinia prohibuit, & animos fidelium suorum contra Fridericum Austrie Ducem confirmavit. Henricus autem Colonienfium Archiepiscopus, & qui partes Friderici sequebantur, multa contra Ludovici Regis consilia machinati, nihil aut parùm in his rebus fortunati, proficere quotidie in melius æmulum frustra doluerunt.

Eodem anno Rex Ludovicus & Baldevvinus Archiepiscopus Trevirorum ad instantiam Petri Archiepiscopi Moguntini oppidum Wisbaden, ubi sunt thermæ, & Castellum Scharpfenstein, quæ erant ex parte Friderici Ducis, obsidione circumdederunt. Verùm obsidione per aliquot dies firmatâ cum se viderent propter locorum fortitudinem nihil posse proficere, ad alia se transtulerunt.

Wisbaden & Scharpfenstein obsidione cinguntur.

Anno prænotato posteaquam Sedes Apostolica mortuo Clemente Papa quinto jam ultra biennium vacasset, convenientes tandem Cardinales

Joannes fit Papa XII. annis XIX.

nales Lugduni in Cœnobio Fratrum Prædicatorum, quintâ die mensis Septembris Jacobum Portuensẽ Episcopum in Romanæ Ecclesiæ Pontificem elegerunt: quem ſolemni pompâ ordinantes, Joannem ejus nominis viceſimum ſecundum nuncupârunt, qui præfuit annis XVIII. menſibus quatuor. Vir utique doctus & ſingulari prudentiâ circumſpectus, qui nonnulla ſcripſit opuscula, ſermones maximè & varias in Theologia Scholaſtica quæſtiones & concluſiones. Hic Thomam de Aquino Prædicatorum Ordinis Theologum catalogo Sanctorum inſeruit, Tholoſanam & Cæſarauguſtanam Eccleſiam in Archiepiſcopatum erexit.

Inter Ludovicum & Fridericum bellum committitur.

Eodem anno in Agro Argentinẽſi denuo bellum factum eſt pro regno, inter Ludovicum Baviaræ Ducem & Fridericum Ducem Austriæ, cujus iſta fuit occaſio. Argentinẽſes eatenus adhæſerant Friderico, & ejus partes ſequebantur: quem ubi Ludovicotandem reſciſſent infirmiorẽ, eo repudiato, iſtum ut fortiorẽ & à majore ſaniorẽque parte Principum electum, ut verum & legitimum Germaniæ Regem ſuſceperunt. Hinc animo concitatus in iram Fridericus, contractis copiis Argentinam obſedit, cives minis atque terroribus in ſuam revocare ſententiam laboravit. Cujus rei nuntium ut accepisset Ludovicus, convocato ſuorum exercitu ad Argentinam properat, & commiſſo prælio Fridericum inde fugere coarctat. In quo certamine multi ex parte Friderici ceciderunt, & plures capti ſunt.

Philippus Rex in Gallia conſtituitur.

Anno præſcripto Ludovicus Rex Gallorum moritur, poſt quem Joannes filius ejus adhuc puer gubernacula regni ſuſcipiens regnavit viginti duntaxat diebus. Quo mortuo Philippus Ludovici frater in regnum ſublatus eſt, & annis quinque ſupervivens in Gallia regnavit.

Eodem anno Lupoldus Dux Austriæ Friderici frater in odium Ludovici Regis cepit devaſtare Baviariam: ſed pulſus à præſidio Ludovici fortiſſimo, cùm ſe nihil poſſe proficere conſpiceret, inde digreſſus iterum descendit ad partes Rhenanas, & Spirenſem Agrum ut prius denuo vaſtavit.

Concuſſus populi ad ſanctam Mariam in Villa Dymbach.

His fermè temporibus magnus concuſſus populi cepit, & annis pluribus duravit ad imaginem quandam Beatæ Mariæ ſemper Virginis in villa quadam Dymbach nomine, quæ pertinet Monasterio ſanctæ Felicitatis noſtri Ordinis in Schvartzach Franciæ Orientalis Peapolitanæ Diœceſis, ubi multa & ſtupenda miracula facta ſunt, & plura ſanitarum beneficia mortalibus ad invocationem Divini nominis exhibita. In cujus rei memoriam Eccleſia ſatis pulchra & pretioſa in eadem villa, ſicut hodie cernitur ex fidelium oblatione conſtructa, & non ſine magnis ſumptibus perfectæ eſt, miraculis uſque in præſens coruſcantibus.

MCCCXVII.

Pro Canonizatione Divæ Hildegardis inſpectio facta eſt.

Anno Henrici Abblatis ultimo, Joannes Papa viceſimus ſecundus ad instantiam Petri Archiepiſcopi Moguntini Willichino Abbati Spanheimenſi & quibuſdam Canonicis Eccleſiæ Moguntinæ per Apoſtolica ſcripta mandavit, quatenus ad montem ſancti Ruperti prope oppidum Bingen, ubi Nahus Rhenum influit, accedentes, de vita moribus, ſignis atque miraculis Divæ Hildegardis primæ fundatricis & Abbatiffæ dicti Monasterij (quæ longè ſupra, anno Conradi Abbatis Hirſaugienſis quarto, vitam exceſſit humanam) inſpectionem facerent diligentem: & quidquid invenirent



invenissent veritate probatum, ad Apostolicæ Sedis examen fidei narratione transmitterent. Inquisitionis peracto scrutinio memorati commissarii vitam præfatæ Monialis religiosam atque sanctissimam, ac multis miraculis tam post mortem ejus, quàm prius sufficienter comprobata invenierunt, eamque dignam Canonizatione censentes, necessaria pro effectu negotij, ad Romanum Pontificem memoratum destinârunt. Pontifex autem testimonijs sibi destinatis diligenter relectis, ad Canonizandam Virginem non fuit difficilis, quemadmodum Apostolico scripto factus sum certior; quamvis optatum à multis negotium non perduxit ad effectum. Ejus quoque prædecessor Clemens Papa quintus in eadem re commissarios ante dederat.

Eodem anno Baldevvinus Archiepiscopus Trevirorum Castellum Imperij Sternberg nuncupatum quibusdam nobilibus datum in pignus, consentiente Rege Ludovico, pecuniâ datâ redemit, & Trevirorum Ecclesiæ proprium fecit: Comitem quoque de Henneberg pro una & quadraginta Marcis argenti eodem anno, sicut in monumentis legi Authenticis, Ecclesiæ Trevirensi feudalem constituit. Alia insuper multa per industriam suam ab ipso Rege Ludovico precibus obtinuit, & dominia proventus ac redditus Ecclesiæ suæ mirabiliter auxit.

Sternberg  
Castrum  
Ecclesiæ  
Trevirorū  
conceditur.

Anno prænotato vicesimâ nonâ die mensis Maij, obiit Guido Episcopus Trajectensis, vir per omnia magnificus, cui mox in Pontificatu successit Fridericus de Syrek, Patriâ Mosellanus, majoris Ecclesiæ præpositus, & annis quinque præfuit, qui multas à civibus suis persecutiones sustinuit, & sæpè triumphavit.

Fridericus  
fit Episcopus  
Trajectensis  
Ecclesiæ.

Claruit his temporibus apud Moguntiam in Cœnobio S. Martyris Albani, quod tunc Ordinis fuit Divi Patris nostri Benedicti, Arnoldus Presbyter & Monachus, vir suâ ætate magnæ opinionis atque doctrinæ, qui scriptis & moribus quasi rosa inter spinas deformatam conversationem Monachorum redarguit. Scripsit enim inter alia de calamitatibus suorum temporum non spernendum opusculum, in quo non solum Regni Germanici, sed Ecclesiæ quoque universalis, & maximè sui Ordinis miserabilem deplorat inclinationem. Gesta Regis Ludovici quarti scribere cepit, sed præventus morte non complevit; de cæteris lucubrationibus ejus nihil hac me vidisse tempestate amplius memini.

Arnoldus  
Monachus  
S. Albani  
vir doctissimus.

Anno quoque memorato Henricus Abbas Hirsaugiensis, ut dilapidator substantiæ Monasterij apud Regem Ludovicum non immeritò accusatus, cum reatum suum nullâ posset tergiversatione occultare, manifestum censuræ depositionis accepit judicium: & qui toties monentes audire seniores suos noluit, ab officio pastoralis curæ tanquam inutilis & perniciosus Monasterio, Regali præcepto depositus fuit. Ad privatum itaque vivendi modum revocatus, in amaritudine cordis sui consenuit, & propter damna rerum temporalium irrecuperabilia, quæ Monasterio tempore sui regiminis intulerat, cunctis fratribus odiosus fuit. Et quia multa sine Fratrum suorum consensu alienaverat contra formam juris, & consuetudinem Ordinis, quod nec debuit, nec jure potuit, Rex Ludovicus postea Imperator factus, litteras Hirsaugiensibus Imperiales tradidit, in quibus restitutionem omnium taliter alienatorum, sub poena læsæ Majestatis detentoribus mandavit.

Henricus  
Abbas Hirsaugiensis  
xxx. deponitur.

De

## De Sigifmundo hujus Monafterij Hirſaugienſis Abbate XXXI. qui præfuit annis xxiv. & de varijs geſtis illius temporis in Germania.

Sigifmundus Abbas  
Hirſaugia-  
nus in ordi-  
ne xxxi.



Oſt de poſitionem Henrici ejus nominis ſecundi Abbatis, de novi Paſtoris electione magna inter fratres difficultas ſubſe-  
cuta fuit; metuebant enim, nec ſine cauſa, ne ſi aliquem præcipitato conſilio minus idoneum Abbatem ſuper ſe con-  
ſtituerent, gravioribus quàm eatenus periculis & incommoditatibus ſubjacerent; nam per malum Henrici Abbatis regimen, & multis & gravibus erant oneribus debitorum involuti, à quibus non aliter, quàm boni paſtoris ſollicitudine poterant liberari. Denique bona Monafterij quæque meliora in pignus creditoribus locata fuerant, & fratres jam unde vivere potuiſſent, vix habebant. Miſeria fuit tunc videre Hirſaugiam, quando & ſpiritalis converſationis veneranda cunctis olim integritas, habitatores omnino deſeruit, & rerum temporalium quondam opulencia copioſa penitus deſecit. Horum omnium cauſa malorum ex triplici fundamento non bono ſumit exordium; dum aut mali Cœnobitæ ſuis convenientem pravis moribus, & non ſecundum Deum paſtorem eligunt, aut boni etiam non ſatis providè ad conſtitutionem Abbatis procedunt. Nonnunquam paſtorem etiam non bonum merentur accipere, qui ſine obſervantia viventes in Monafterio, Deum ſuis peccatis non metuunt irritare.

Cauſa in-  
ſtitutionis  
Abbatum  
malorum  
triplex da-  
tur.

Duo in di-  
ſenſione  
eliguntur  
Abbates,  
Sigifmundus & Ger-  
hardus.

Itaque fratres maturâ, ut ipſis videbatur, conſultatione præhabita, diem electionis quintum decimum Octobris conſtituunt, quo inſtante ſatis tumultuariè ad rem tam arduam procedunt. Biſariam quippe diviſi, duos in diſſenſione Abbates eligunt, & niſi Omnipotens Deus mediante bonorum virorum conſilio, ſuam interpoſuiſſet miſericordiam, de Hirſaugia nulla ſpes relevaminis aut ſubſiſtentiæ penitus remaniſſet. Miſericordiâ Domini plena eſt terra, qui propter ſervorum ſuorum Wilhelmi, Brunonis, Theogeri & aliorum complurium ſanctitatis merita & reverentiam, hunc locum, in quo ei religioſiſſimè quondam ſervierunt, non voluit diſperdere, ſed in melius aliquando reformandum potius reſervare, quod rei poſteâ probavit eventus. In diſſenſione igitur memorata ſeniores, & qui Zelo rectitudinis & numero perſonarum videbantur erantque cæteris potiores, Sigifmundum Priorem Conventualem ſibi præfecerunt Abbatem, contra quem alij fratres ætate juniores ac pauciores numero perſonarum, Gerardum Eccleſiæ cuſtodem præficere contendebant. Erant ambo quidem viri admodum boni, & pro illius merito temporis, negotijs & rebus ſatis convenientes. Ceſſiſſet illico in electione tunc Sigifmundo ut vocum numero majori Gerardus niſi cognatorum ſuorum impulſu, & eligentium ſe intuitu, obniti & reſiſtere aliquandiu fuiſſet coactus. Et primò quidem ambo electi cum amicis ſuis ad judicium Pontificis Neometenſium fuerunt evocati, qui cum eos concordare non poſſet, omne negotium ad Petrum Archiepiſcopum Moguntinum, tanquam Provinciæ Metropolitanum, & Apoſtolice Sedis delegatum devolvit, qui & cauſam juſtitiâ mediante finivit.

Anno

Anno igitur prænotato Dominicæ Nativitatis millesimo trecentesimo septimo, Indictione Romanorum quintâ decimâ, vicesimâ sextâ die mensis Novembris Petrus jam dictus Archiepiscopus in præsentia Ludovici Regis & multorum Principum apud Moguntiam inter dissentientes, audito prius electionis modo atque processu, de consilio peritorum sententiam dixit, abrogatôque Gerhardo, Sigismundum electum Canonicè pronuntiavit, eumque auctoritate Apostolicâ simul & Metropolitanâ in Abbatem confirmavit, quem etiam in Cathedrali Ecclesia Moguntina, multis præsentibus in festivitate sancti Andreae solemniter benedixit.

Sigismundus  
ab Archiepiscopo  
Moguntino Abbas  
declaratus  
est.

Sigismundus ergo confirmatus & ordinatus Abbas, de Moguntia mox ad Hirsaugiam revertitur, & susceptus ab omnibus cum gaudio, ut verus pastor animarum honoratur. Prius enim quàm electi duo ad Moguntiam pergerent, unanimi fratres consensu juraverant in manus Spirensis Episcopi, quod sine contradictione aliqua illum in Abbatem susciperent, pro quo sententiam Archiepiscopus dixisset. Ordinatus itaque Sigismundus Abbas, Monasterio præfuit annis quatuor & viginti, certisque mensibus & diebus, quorum numerum Antiquitas litteris minimè commendavit; quo fit ut etiam nos in tenebris palpemus. Patria fuit Suevus, ingenuis parentibus ortus, moribus honestus, vulgari eloquio satis promptus atque disertus. In scripturis verò Divinis parum sapuit, quoniam illud tempus apud Monachos sine studio litterarum fuit. In curandis autem & disponendis negotiis secularibus, satis fuit idoneus, & in consilio non parum circumspectus. Omni tempore sui regiminis, quoad temporalia utiliter præfuit, & res Monasterij admodum prudenter dispensavit. Plura etiam bona recuperavit, quæ prædecessor ejus nimis inconsultè distraxerat, & quidquid potuit eorum, quæ ille alienaverat, ad jus Monasterij possessorium Ludovico Rege favente revocavit.

Sigismundus  
pro Abbate  
suscipitur.

#### MCCCXVIII.

Anno Sigismundi Abbatis primo, Andreas de Gundelfingen Episcopus Herbipolensis & Dux Franciæ Orientalis moritur. Vir per omnia Pontificio munere dignus; qui multas cum civibus suis Peapolitanis dissensiones habuit, quos tamen ad veram obedientiæ subjectionem potuit revocare; à multis siquidem annis cornua contra Pontificis & Ecclesiæ Wirzburgensis auctoritatem cives erexerant contumaces, qui cum sint proprii ac dedititij sancto Kiliano, & memoratæ Ecclesiæ, semper tamen vestigijs paternistemerè inhærentes, Regno potius quàm Ecclesiæ subesse maluerunt.

Andreas  
Herbipolensis Episcopus  
moritur.

Post Andream Godfridus de Hohenloe Præsul Ecclesiæ Wirtzburgensi præficitur, & annis fermè novem strenuè præfuit, qui & ipse rebellionem civium suorum sensit & habuit, quos tamen favore & auxilio Regis Ludovici ad obedientiam coëgit; anno quippe Pontificatus sui secundo ad obsequium sui apparatu bellico quoties esset opus, per Regis sententiam eos compulit, & suis militare stipendijs coarctavit.

Godfridus  
Episcopus  
fit Herbipolensis.

Anno quoque prænotato cives Colonienſes vocatis in auxilium, Joanne Bohemorum Rege, Wilhelmo Comite Hollandiæ, Joanne fratre ejus Comite in Henegavv, Gerhardo Comite Juliacenſi, Adolpho Comite Montano, Joanne Comite Seynenſi, & quibusdam alijs, contra Henricum Archiepiscopum suum, Friderici partes sequentem, & pacis Ludovici Regis decreta violantem, processerunt ad prælium. Quem in castro

Inter Colonienſes &  
eorum Archiepiscopum  
dissentio & bellum.

T

Brüel



Brüel nuncupato per quatuor meſes continuâ obſidione vallantes, ad pacis & ſubjectionis Ludovici Regis poſtulationem compulerunt. Quæ res Friderico nunciata mentem ejus haud parum deterruit, & in ultimam penè deſperationem duxit.

Auſtriæ  
Duces Fri-  
dericus &  
Lupoldus  
devaſtant  
Bavariam.

Eodem quoque anno Fridericus & Lupoldus in odium Ludovici Regis iterum cœperunt hoſtili incurſu devaſtare Bavariam, quod cùm innotuiſſet Ludovico, contractis copiis aſcendit illis obviâ, à cujus adventu fugientes in Auſtriam confuſi, nec ſine detrimento redierunt. Creſcebat enim quotidie Ludovicus, & contra Fridericum prævaluit, quem deſerentes multi ipſi Ludovico adhæſerunt.

Rudolphus  
Palatinus  
Comes Ba-  
varizque  
Dux frater  
Regis.

Rudolphus autem frater Regis Ludovici, qui non ſolùm partes ſequēbatur Ducis Friderici, ut ſupra dictum eſt, ſed etiam in fratris conſpiraverat mortem, fugatus de Heidelberg ad Auſtrales declinaverat miſer ſibi fautores, ubi in annum jam tertium exulavit. Qui cùm anno memorato fratris in Bavariam cognoviſſet aduentum, ejus timens inſidias propter viciniam locorum inde ruſus abiit, & navigio per mare Saxonicum in Angliam pauper deſcendit. Mortuo tandem in exilio Rudolpho, uxor ejus cùm parvulis ſuis ad Regem Ludovicum tunc apud Heidelberg comorantem rediit, miſericordiam filiis petiit, & gratiam impetravit. Rex etenim Ludovicus quoniam adhuc parvuli erant nepotes, eorum ſegeſſit tutorem, & patris delictum in filios non retorſit.

Rudolphi  
Uxor poſt  
mariti obi-  
tum ad pa-  
triam re-  
vertitur.

#### MCCCXIX.

Cuno de  
Schönek fit  
Epiſcopus  
Worma-  
tienſis.

Anno Sigismundi Abbatis Hirſaugiani ſecundo, mortuus eſt Henricus filius Comitis Silveſtris ex Dona Wormatiensis Epiſcopus in majori Eccleſia ſepultus. Vacavit Sedes Pontificatûs duobus meſibus & octo diebus, quibꝫ evolūtis in Epiſcopum fuit electus Cuno de Schönek filius fratris Emerici quondam ejusdem Eccleſiæ Pontificis, & præfuit annis decem in adverſitatibus multis tam cum civibus ſuis in diſſenſione malè faventibus Eccleſiæ contendendo jugiter: quam propter eam, quæ inter Ludovicum & Fridericum tunc erat, controverſiam.

Wolmarus  
Marchio  
Branden-  
burgenſis  
moritur.

Anno prænotato in meſe Julio mortuus eſt ſine liberis Wolmarus, quem nonnulli Woldemarum nuncupabant, Marchio Brandenburgensis, cujus Principatus ad Regnum ſine medio devolutus Germanorum, ſine Principe rectore aliquandiu vacabat. Ludovicus igitur Rex de conſenſu procerum regni, filium ſuum primogenitum nomine Ludovicum Brandenburgij Marchionem inſtituit, ac Principem regni Germanici Electorem fecit. His quoque temporibus cives Moguntini, Argentinenſes, Spirenſes & Wormatienses cum cæteris oppidanis regni cis-Rhenanis, qui mercaturis erant ut plurimum intenti, de conſenſu regis Ludovici mutuam inter ſe ſœderis & pacis conſtituere ſocietatem, pro tutandis vijs & itineribus publicis contra multitudinem latronum, qui propter diſcordiam regni abundabant ubique in nemoribus latitantes, in tantum, quod nullus poterat ſecurè tranſire viator. Quicunque manus eorum incidiffet ſive Clericus, ſive Monachus, ſive Laicus, & rebus ſuis ſpoliabatur cunctis: & plerumque etiam maſtabatur verberibus: nulli parcebatur ſexui: nulli deſerebatur honori: nec ætas conſiderabatur, nec dignitas. Cives igitur prænominati conductis militibus ſtipendiarijs, omnes viarum, introitus ſimul & exitus diligentiffimè fecerunt obſervari: & brevi tem-  
pore

Confœde-  
ratio civi-  
tatum Re-  
gni contra  
latrones,  
raptoreſq;.

pore stratas regni à Moguntia usque Argentinam circumquaque fecèrunt tutiores. In ea civium solitudine latrones multi successivè per memoratos stipendiarios fuerunt comprehensi, & ultimo supplicio regis Ludovici mandato generali capitis detractione puniti. Inter quos plures ex eorum genere, qui se nobiles & ingenuos esse parentelâ gloriabantur antiquâ, deprehensi, nec pretio nec precibus quorumcunque redimi poterant: sed meritis dare poenas mortis sine differentia personarum cogebantur. Hinc metu necis perculsi ceteri, à similibus temperabant. Rex namque Ludovicus in latrones erat severus, neminèque ducebat parcendum, qui vel occidisset hominem innoxium, vel quempiam suis spoliasset rebus viatorem, ac per hoc omnium regni civium animos in suum provocavit amorem; qui ad ejus obsequium non rei familiaris substantiam modò, sed & semetipsos libenter exponerant.

Raptores  
& latrones  
sine delectu  
personarum  
necantur.

MCCCXX.

Anno Sigismundi Abbatis tertio, quarto die mensis Junij obiit Petrus de Achspalt ex medico quondam Comitis de Luzelburgo Moguntinensium Archiepiscopus, vir sempiternâ memoriâ dignus, quippe qui Ecclesiæ suæ laudabiliter præfuit, & in utròque statu magnificè dilatavit. duas Synodos magnas personaliter præsidens in Aschaffenburgio celebrans tenuit, in quibus ad reformationem Cleri simul ac populi Christiani multa satis fructuosè & utiliter ordinavit. Multa etiam pro Germaniæ regno simul & regum honore peregit ardua, & in cunctis operibus suis ita se gessit Principem, ut officium tamen Pontificis nunquam negligeret, talisque fuit præsul, qui publica regni negotia diligentissimè curaret. Cœnobium quoque Monachorum Carthusiensium prope Moguntiam in honorem S. Archangeli Michaëlis fundavit, & proventibus necessarijs copiosè dotavit, quemadmodum anno Henrici Abbatis nono supra jam diximus. Collegium quoque Canonorum cum insigni Ecclesia sub honore S. Catharinæ Virg. & Mart. in Oppenheim regali oppido simili in Deum pietate fundavit.

Petrus Archiepiscopus  
Moguntinus  
mori-  
tur vir  
optimus.

Post cujus mortem fratres de Domo, quibus jus competebat eligendi Pontificem, Baldevvinum Trevirorum Archiepiscopum in Ecclesiæ Moguntinæ antistitem postulârunt. Joannes autem Papa XXII. eorum postulationibus consentire noluit, sed Baldevvinum in sua Ecclesia manere Trevirensi, decreto Apostolico præcepit. Verùm ne Moguntina Ecclesia viduitatis suæ diutius deploraret incommoda, memoratus Pontifex Rom. de consilio Cardinalium Matthiam de Busselck Monachum Ord. S. Benedicti cum litteris Apostolicis destinavit ad Moguntiam, præcipiens tam Clero quàm populo, quatenus illum in Archiepiscopum susciperent. Denique Baldevvino Trevirorum Præsuli per Apostolica scripta mandavit, ut Matthiam ad Ecclesiam Moguntinam introduceret, solemniterque in Archiepiscopum consecraret. Ordinatus autem per Baldevvinum in Archiepiscopum Moguntinæ, sicut Papa mandaverat, præfuit annis octo, & populum suum in bona pace omni tempore gubernavit.

Matthias  
Monachus  
nostri Ord.  
fit Archie-  
piscopus  
Ecclesiæ  
Moguntinæ.

Eodem mox anno præfatus Matthias Archiepiscopus Moguntinus contractis copijs & auxilium ferente prædicto Archiepiscopo Baldevvino quoddam Wetteraviæ oppidum Gießen nuncupatum obsidione vallavit, expugnavitque tandem & cepit; erat enim in eo diverticulum latro-

Gießen oppidum  
Wetteraviæ  
viæ capitur.

rum, qui multa in circuitu mortalibus damna intulerant, nec obedire constitutionibus regiſ de pace factis curabat.

Anno quoque prænotato Henricus Coloniienſium Archiepiſcopus iterum Ludovici partibus infeſtus atque contrarius fœdera rupit. & pacem regni communem temerè violavit. Contra quem cives Ludovico Rege mandante, denuo cum exercitu procedentes quoddam illius caſtrum Urechem nuncupatum, in quo latronibus conſueverat præbere latibulum, obſidentes ceperunt funditiſque destruxerunt.

Hæreſis  
Fratricel-  
lorum ite-  
rum pullu-  
lat in Italia  
ut prius.

His etiam temporibus pernicioſiſſima illa Hæreſis Fratricellorum nuncupata, quam Bonifacius olim Papa VIII. damnaverat, rurfus nimium & uſque adeò pullulare cæpit, ut etiam ex Clericis & viris doctis haud paucos infeſciſſe diceretur. Sed ego fidem illis, qui ſcribunt viros quosdam Religioſos ſive doctiſſimos in fœtorem huius hæreſeos prolapſos, adhibere nequeo, tum propter ſpurciſſimam ejus ſectæ turpitudinem, quam neminem eruditorum hominum æquanimiter poſſe audire crediderim, & multo minus profiteri vel agere; tum verò quòd ſuſpicio hæc de quibuſdam Religioſis magis invidioſa eſſe videatur quàm vera; non enim me latet diſcordiarum fomes, qui inter Johannem Papam XII. & quosdam ex Ordine minorum FF. multis non ſine ſcandalo, ne dicam, injuriâ plurimorum, malè occasionem præbuit ſuſpicandi. Nam præter articulos memoratæ hæreſis, quos anno Henrici Abbatis XVI. breviter conſignavimus, in eam quæ ſequitur crudelitatem Religioſorum vel doctorum neminem unquam conſentire potuiſſe confidimus. Nam præter ſupra, fornicationes, & adulteria, quibus prænominati ſeſe contaminabant hæretici, cum matre, ſorore, filia & indifferenter paſſim, cum omnibus luxuriam exercentes hoc etiam non ultimum ſuis adijciebant ſceleribus, quòd in Religione clauſtrali aliquando inſtitutus aut divinarum ſcripturarum vel mediocriter doctus, ut puto, nullus admitteret: qualenam illud ſcelus, quàmque horrendum piaculum, ſummum decerni Sacerdotium illi, cujus in manibus anni principio natus ex tam fœdo commercio primus infans per omnium tractus & retractus brachia mortuus extitiſſet? Reliquos verò natos vel qualibet tempeſtate infantes neque vivere permitti, neque, quod peſſimum eſt, in ſanctæ Trinitatis nomine baptizari, ſed necatos crudeliter potius manibus impiorum rogo comburi, & eorum pulvere poculo commixto ejusdem ſectæ novitios quoslibet initiari? Quis Religioſorum ſive doctorum virorum quempiam his tam horrendis actionibus vel conſentire crederet?

Natos ſuos  
in ſpeluncis  
crudeliter  
accabant.

MCCCXXI.

Duces Au-  
ſtriæ rurfus  
vaſtant Ba-  
variam.

Anno Sigismundi Abbatis quarto, Fridericus & Lupoldus Duces Auſtriæ congregato magno ſuorum exercitu rurfus cœperunt devaſtare Bavariam, quam ferro & igne crudeliter nimium destruxerunt. Ludovicus autem Rex ſe in munitione continebat recluſum, nec egredi ququam in occurſum adverſariorum præſumebat, propterea quòd ſuum in promptu non habebat exercitum. Australes autem per totam regionem hoſtili furore diſcurrentes omnia depopulati ſunt, & in villis præter munitiones nihil integrum reliquerunt; nam illo in tempore per continuos x. annos magna Bavariam calamitas oppreſſerat propter eam, quæ fuit inter Ludovicum & Fridericum pro regno, contentionem. Unde cum



cùm pluries in Bavariam Australes sibi conterminam fecissent incursum, nihil in agris & villulis tutum esse potuit, quin eorum esset depopulationi expositum, sed quidquid saluum pauperes habere voluissent, necessarium fuerat urbibus castellis seu oppidis munitissimis conservandū importari.

Anno prænotato Sigismundi Abbatis IV. magna inter cives oppidi Bingionum cis-Rhenanos levissima ex occasione suborta fuit seditio, quæ multis & exilij, & miseriæ causa extitit. Macellarius quidam nomine Henricus concivis sui canem juxta macellum liberiùs esculenta quærentem posteaquam semel ac iterum probris & maledictis abegisset, semperque revertentem tandem fuste percussit. Quod ubi Domino canis innotuisset, qui nauta fuit, homo ferox & impatientiâ plenus, Macellarium percussurus aggreditur, à quo superatus in eodem loco mox peremptus est. Homicida in carcerem ponitur, seditio in oppido nimis perniciose suscitatur, concurrentibusque cæteris in unum Macellarijs & amicis captivi, carcer per violentiam frangitur, captivus liberatur. Concurfus in oppido fit confusæ multitudinis: Consulatus quasi qui Macellario fecisset injuriam, cùm aliter vitam non potuerit defendere suam, nisi occideret nautam, ad pœnam quæritur, & domus eorum publicantur. Unde senatus furem populum metuens in prætorium se recipit, & januas claudit.

Concurrens autem sævientium turba januas prætorij violenter securibus aperit, quatuor è senatoribus potiores viros ætate venerandâ per fenestras super pavementum stratæ præcipientes dedit, reliquos de oppido cum ignominia ejecit. In eo tumultu civium XXIV. perierunt, vulnerati sunt multi, & plurimi senatoribus consentientes de oppido expulsi. Facta sunt hæc anno prænotato in festivitate S. Confessoris Alexij, hoc est, XVII. die Julij. Eotempore dum hæc agerentur apud Bingiones, Rex Ludovicus erat in Bavaria, qui postea reversus ad Moguntiam, judicium ratione facti furoris proposuit, & tam oppidanos Bingionum potiores, quàm expulsum senatum ad se Moguntiam citavit. Sed principes factionum ad conspectum Regis venire timentes (quippe qui reos se noverant) auxilio suorum emissi noctu fugam inierunt. Verùm Rex non ignarus futuri, viros nocte misit complures armatos, qui viarum exitus omnes haberent in oculis, ne fugitivis ulla permetteretur abeundi facultas. Exeuntes igitur noctu de oppido, manus custodum non potuerunt evadere, sed capti penè omnes ad Moguntiam ducti sunt, & mortis tristem sententiam acceperunt. Plures sententiâ Regis & Principum extra regnum proscripti gravius morte vindictæ genus perpetuum subierunt exilium. Res planè miseranda, propter unum vilissimum nautæ canem plures quàm 140. homines aut mori crudeliter, aut in exilium perpetuò relegari.

Eodem quoque anno, factum est miraculum, quod sumus dicturi. Homo fuit in oppido Bruchsal Spirensis Diocesis nomine Godfridus, artificio tinctor, annorum 53. conversatione mundanus, verbis levis atque scurrilis, cujus gesticulationibus & rhythmis carnalibus homines in tabernis vini poculis ac ludis dediti quàm plurimum consueverant oblectari. Vanitatum hic cufor atque sectator nullam aut parvam habere salutis propriæ rationem videbatur. Contigit cum per Dei providentiam, graviter infirmari, ita ut nulli circumstantium esset dubium, quin ægri-

In oppido  
Bingen ex-  
orta civiū  
gravissima  
seditio.

Quatuor è  
senatu Bin-  
gonum  
præcipi-  
tantur à po-  
pulo ibidē.

Ludovicus  
Rex venit  
ad Mogun-  
tiam.

Principes  
Bingianæ  
seditionis  
puniuntur  
à Rege.

In oppido  
Bruchsal  
homo de  
morte reviv-  
it mirabi-  
liter.

Infirmus  
pollicetur  
emendatio-  
nem ſi Deus  
conceſſerit  
vitam.

Confefſio-  
nem facit  
infirmus &  
veniam  
precatur.

Mortuus  
ſurgit &  
orat, viven-  
tes in fugā  
convertit.

In Eccleſiā  
perrexit,  
populūq;  
abire præ-  
cepit.

rudine illā brevi moreretur. Quod ille ut ex muſſitantium fuſurris intellexit, ingemiſcens, & pectore tunſo pugno cum lacrymis & voce intelligibili cunctis audientibus dixit: *Va mihi miſerrimo peccatori, qui tempus vite mea totum in carnis jam moritura voluptatibus turpiter expendens, nullam anima mea curam habui, ſed monita ſalutis omnia contempſi. Ecce nunc morior, & rapietur anima mea per demones ad æterna tormenta inferni, nunquam exitura inde uſque in ſempiternum.* Cūque lacrymantem aſtantes conſolarentur, de magna Dei miſericordia, proteſtantes, non eſſe deſperandum, ille reſpondit: *De miſericordia Dei non deſpero, ſed indignum me Dei miſeratione pertimeſco. Veruntamen, oro, vocetur Sacerdos, ſecum afferat Dominici Sacramentum Corporis, audiat ſerio pœnitentis ſcelera, divina communicet nimis indigno Sacramenta, ſi forte miſericordiam precanti Dei præſtet clementia, ut qui meritis meis inferno ſum proximus, per ignem purgatoriſim ſalvus.* Sacerdos mox adfuit vocatus, confitentem audivit, pœnitentem adjuvit, moriturum Sacramentis Dominicis cum devotione maxima communicavit, deinde coram ipſo Sacerdote ſimul ac aſtantibus dixit: *Omnipotens Deus qui non vis mortem peccatorum, nec letaris in perditione morientium, ſed miſericorditer pœnitentiam exſpectas animo contritorum; ſi miſertus mei tempus prorogaveris vivendi, talem agere pœnitentiam curabo, ut fruſtrā gratiam non præſtiteris peccatori.* His dictis ſiluit, & ingraveſcente morbo, poſt unius horæ ſpatium ut videbatur cunctis, qui aſtabant, ſpiritum emittens mortuus fuit. Erat autem hora ferme ſeptima poſt meridiem, dies menſis Maij quinta atque vicesima, & imminente jam nocte ſepulturam ejus, qui aderant, in craſtinum differre neceſſariò judicabant. Corpus ad feretrum in medio tabernaculi ponitur: vicini & proximi per totam noctem, ut fieri ſolet, juxta cadaver vigilantes, uxorem deſuncti conſolabantur: ſermo inter eos de ſalute animæ illius varius in medium ducitur.

Horâ poſt medium noctis ferme ſecundâ, dormientibus cunctis vivens ſurrexit, qui mortuus fuerat, qui complotiſ manibus, ſonorâ voce clamabat: *O DEUS quàm juſta & occulta ſunt judicia tua, benediſtum ſit nomen tuum, qui miſericordiam tuam non ſubtrahis pœnitentiam agere cupientibus.* His dictis omnes, qui erant in domo, præ nimio terrore fugerunt, aliqui per fenestram, aliqui per januam, unusquiſque ut potuit: Godfridus autem aliunde mentem habens intentam, & quid agerent illi, parum attendens, ſanus & incolumis ſurrexit, & in vicinum hortulum ſecedens per noctis reliquum in orationibus perduravit.

Poſterâ die multitudo populi convenit, & novitate miraculi omnes percuſſi, videre illum & alloqui ſummo deſiderio cupiebant. Ille autem in loco ſuo genibus flexis permanebat, orationibus, ut videbatur, intentus, neminem aſpiciens, ſed immobilis omnino perſeverans. Tandem adveniens Sacerdos, qui confeſſionem ejus audierat, interrogavit eum dicens: *Godfride quomodo habes, quid eſt, quid tecum agitur?* At ille digito ſignum crucis ori ſuo imprimens nihil aliud dicebat, niſi voce maternâ: *O wehe! o wehe!* eamque dolentis interjectionem ſæpè ingeminans ſurrexit, & intravit Eccleſiam. Quem Presbyter cum populi multitudine ſecutus, ut rei videret exitum, juxta majus altare ſtupidus reſidebat. Nam Godfridus mox ut intraverat Eccleſiam, ante ipſum altare ſe pronum dejecit in terram, expanſiſque in modum crucis manibus, per duas ferme horas

horas ita permanfit. Deinde surgens à terra Sacerdotem interrogavit dicens: *Domine quid sibi vult populus iste?* Cui Sacerdos: *Andire cupiunt ab te, an fueris mortuus, ubi fueris, quid videris, & quæ tecum sint acta. vel quomodo revixeris?* Cui Godfridus: *Est tempus tacendi, & est tempus loquendi: vadant in domos suas, quoniam hodie nihil ex me audituri sunt; maturiore consilio opus est.* His dictis iterum projecit se in terram. Igitur Sacerdotum imperio populus exiens de templo in sua perrexit.

Remanserunt in Ecclesia cum tribus presbyteris cives de potioribus quatuor disponentes in animo secretius interrogare Godfridum, de his quæ illi acciderant. Postea igitur quàm populi multitudo exierat, surrexit de pavimento Godfridus, & mandante per obedientiam presbytero ut loqueretur ita exorsus est.

*O boni viri Domini mei, si fieri posset, quod mihi darentur ora centum & lingua totidem, millesimam partem eorum quæ vidi apud inferos, & audiui, non possem effari, deficiunt mihi verba, & præ horroris magnitudine, quid vel quomodo loquar nescio. Mortuus fui, & pro pœnitentia Dei miseratione ad corpus redire permissus; quod quomodo sit actum, quæ possum brevitate dicam. Posteaquam anima mea cum incredibili pressura & dolore cordis mei de corpore fuit egressa, mox divino iudicio, nescio quo modo, aut quibus deducentibus, extitit præsentata tam tristis, & tanto mœrore dejectionis repleta, ut illam tristitia magnitudinem totus mundus capere vel intelligere non possit: omnia peccata mea etiam minutissimarum cogitationum, non solum mihi cunctis etiam præsentibus, quorum infinitus erat numerus, adeò manifesta fuerunt & patula, ut loqui & semetipsa quasi tumultuariè in medium efferre viderentur. Bone Deus quanta confusio me tunc operuit? quanta tristitia & mœoris immensi calamitas miserum me circumdedit? nec dicere possum, nec sine immenso cordis mei horrore ullatenus cogitare. Quæ mihi dicta fuerunt tam à Iudice, quàm à circumstantibus Angelis simul & demonibus, quoniam penitus ineffabilia sunt, nullâ possum verborum proprietate eniquam facere manifesta. Divinâ mox dictante iustitiâ in momento citius ad loca pœnarum fui perductus, tam inferni, quàm purgatorij, ubi tot animas in diversis locis ac varijs modis vidi torqueri, ut tantum in mundo numerum hominum neque hætenus extitisse putâsem, neque ullo unquam tempore futurum. Mira res, & quam ego ipse satis admirari non sufficio. Cum nullus esset numerus, quorum multitudo ut mihi videbatur, omnem numerum procul excessit, ego tamen nullo revelante, omnium nationes, sectas, merita, & nomina simul & personas tam propriè novi & intellexi, ac si per omnem vitam meam cum singulis singulariter in hac mortalitate fuisset conversatus vel nutritus.*

Retulit visionem suam per obedientiam compulsus presbyteris.

Anima dictante Dei iustitiâ ad loca pœnarum ducitur.

*Multorum animas in inferno vidi torqueri, de quorum salvatione in hac vita mortalium nullus dubitasset, propter eam vitæ institutionem apparenter isthæc bonam, cuius occultas in secreto defectiones solus Deus cognovit. Rursus in purgatorio vidi plures reservari ad salutem, quos propter eorum in aperto vitæ mores, temeraria mortalium iudicia pœnis inferni deputandos existimasset. Et cognovi, magnum esse peccatum, de mortuis in fide Christi quippiam temerè judicare; quoniam homo videt in facie, Deus autem in corde, cuius iudicia cum sint abyssus multa, minimè veniunt per hominem temeranda. Dispositio autem, qualitas, & modus pœnarum purgatorij & inferni, multis sunt aliter, quàm à nostris predicatoribus æstimantur, qui non satis congruè spiritalia supra sensum nostrum omnem existentia, corporalium & visibilium comparatione discutunt; nam ego,*

Cæca sunt & frivola de mortuis humana iudicia.

Quis animarum sic status homo mortalis non intelligit.

qui



Præsentis  
ad futurum  
nulla est  
compara-  
tio.

Paucissimi  
mortalium  
futuræ vitæ  
qualitatem  
capiunt.

Omnia quæ  
nos de fu-  
turo statu  
opinamur,  
aliter se  
habent.

Damnato-  
rum in pro-  
fundis in-  
ferni multi-  
tudo maxi-  
ma.

Nullus  
mortalium  
damnato-  
rum capere  
incomoda  
potest.

qui carne solutus secundum animam intellectualem penas ipsas vidi, & expertus sum, plenòque comprehendi spiritu, & intellectu cognitionis, ut mihi clarissimè tunc visum est, nunc ad corporis sensibilia revocatus nihil vobis propriè de ipsis, sicuti sunt & quales sunt, veraciter in semetipsis aut dicere possum, aut ullà penitus ratione similitudinis persuadere, ut plenam & propriam earum existentiam capiat. Quidquid enim dixerò minus est, & aliter est, & ad futurarum rerum proprietatem, de quibus mihi sermo est, minimè accedit. Alia sunt illa, majora sunt, & multum aliter se habent, quàm ut intelligi queant ab homine, vel effari; qua homo intelligit, ministerio sensuum necessario sunt subiecta, qualia verò illa sunt, quæ sunt, & quemadmodum sunt, procul manent à sensibus remota. Somnium est, quidquid vulgus opinatur de futuris, quoniam paucissimi sunt in hac mortalitate viventes, quibus Dei spiritus illuminaverit interiores oculos mentis, ut vel parum capere queant, quomodo sit anima soluta carne disposita. Per nota verba loqui de rebus incognitis, quàm sit æstimatio procul à proprietate rerum essentia remota, omnibus vobis credo constare manifestum.

Interrumpens verba loquentis Sacerdos, interrogavit eum dicens: Ex quotam remoti & alieni sumus à cognitione status animarum separatarum, & vitæ futuræ, nihilque aut parum de illarum rerum proprietate intelligimus, cupio scire abs te, utrum rei veritas majora in se vel minora contineat, quàm nos communiter secundum doctorum nostrorum opinionem credimus & docemus? Ad hæc Godfridus respondit: Credite mihi Domine, quoniam veritatem loquar expertus, meliora sunt bona, quæ bonis promittuntur in cælis, & graviora mala, quæ malis preparantur in tormentis incomparabiliter amplius, quàm aliquis in mundo capere, intelligere, vel credere possit, & omnia quæ predicatis in Ecclesia de gaudijs regni cælorum, vel etiam de pænis inferni, comparata veritati, puerilia sunt. & ludo puerorum similia: quod ignis in pariete depictus esse ad verum ignem cernitur, tale est, imò minus, quod æstimatio humana de bonorum in cælo beatitudine, & malorum in tormentis afflictione cogitare potest, si veritati comparetur. Nonne & scriptura hac tanta expressit, oculus non vidit, nec auris audivit, nec in cor hominis ascendit, quæ preparavit Deus his, qui diligunt illum. Præcepit deinde Presbyter, ut historiam continuaret inchoatam.

Nisi me compelleret obediendi necessitas, simul & divini metus iudicij, perpetuo sepelirem silentio reliqua mihi divinitus ostensa. In tormentis vidi apud inferos tantam multitudinem Christianorum, non solum Laicorum, sed etiam Sacerdotum, Monachorum, Monialium, Virginum, Viduarum, mulierum, quarum tunc omnium personas, nomina, conditiones, status & merita novi, inter quos ex cognatis & concivibus nostris plures denotavi, unde mihi flendum potius fuerit, quàm loquendum. Horum omnium pæna, sed & dispositiones tormentorum secundum differentiam meritorum multum erant dissimiles: sed tamen perturbata conscientia reatu, & obstinatione in malitia voluntaria cuncti fuerunt æquales.

O miseria omnium miseriarum longè miserrima? quàm horrenda & ineffabiliter metuenda sunt infelicitatis perpetua cruciamenta! omnia huius mundi tormenta, quæ sunt, & quæ fuerunt, & quæ vel æstimari vel excogitari possunt, si reducerentur in unam pænam quomodocunque summariam, minimo inferni cruciatui nullà possent similitudine comparari; manet enim sine fine perturbata in perpetuum anima inferni tormentis ignium deputata, semper ineffabili quodam furore agitata, semper in semetipsa terribili mærore desolata, semper tristissima, semper

*semper demonibus inquietissimis socia, sine spe, sine consolatione, sine ulla requie in aeternum maerissima. O miseria super omnia miserrima! Varia sunt loca purgatorij, & purgandorum poenae multum diversa, de quibus alij citius & tardius liberantur secundum duritiam peracta in vita poenitentia ac sceleris commissi qualitatem. Innumeram ibi multitudinem affligi & purgari animarum conspexi: quarum nonnullas per multa saecula ibi extitisse cognovi. Quotidie liberantur purgata, & quotidie adveniunt aliae purgandae, liberationis suae spem certam in purgatorio habent omnes, quamvis terminum poenarum omnes non aequè intelligant. O gravis animarum purgandarum afflictio, & omne tempus quantumlibet breve longissimum! in quo & pro demeritis anima ipsa proprijs incendio ignis uritur, & pro dilatione fruitionis summi & incommutabilis boni ex desiderio cruciatur. Multum prosunt defunctis in charitate Dei facta suffragia: maxime de justè acquisitis bonis Eleemosyna, & pura in Christi amore jejunia. Super omnia tamen purgandis animabus ad liberationem imolatio Dominici Corporis & Sanguinis per Sacerdotem in altari facta proficit, & longam poenam frequentius iterata brevi compendio absolvit. Ut autem noveritis, quid animabus defunctorum amplius ad meliorationem status sui proficiat, factum dico arcanum, quod in visione aspexi spiritualis intelligentiae mirabili. In ipso quidem momento terribilis praesentationis meae ad Dei judicium, tanta multitudo animarum de mundo expulsa per mortem carnis advolarunt sententialiter judicanda, ut uno eodemque momento cuncti totius orbis homines mortem subivisse à nescientibus aestimari potuissent: qui omnes praeter duodecim tristem aeternae damnationis accepere sententiam. Inter illos duodecim duo duntaxat sine dilatione purgatorij caelestes mansiones acceperunt, quorum alter in hac mortalitate Monachus fuit continentissimae vitae de Regula S. Francisci: alter autem leprosus quidam pauper mendicus, sed in amore Dei ferventissimus. Reliqui autem decem ad purgatorium pro suis negligentijs deputati fuerunt, inter quos erat unus in hac vita quondam Carpentarius, qui pro suis demeritis centum annorum fuerat puniendus purgatione. Et ecce presbyter quidam claustralis in civitate Moquantina, ubi ille vitam morte commutaverat, mox ut illum defunctum audivit, de superioris sui licentia non ex debito, neque ex necessitate, neque pro re aliqua temporali; sed compassione & intuitu fraterna charitatis Vigilijs pro eo mortuorum, & missam piâ devotione legit. Mira Dei Clementia! confestim anima de purgatorio eripitur, & lumine caelestis gloria decoratur. Et respondens Godirido Sacerdos dixit: Quâ die & quâ horâ Carpentarius ille obierat? Cui ille: Heri, inquit, mane circa quartam. Diem notavit Sacerdos & horam; & in ea Carpentarium defunctum postea inquisitione factâ reperit: pro cuius anima missam se celebrâsse etiam Monachus dixit. Interrogante consequenter Sacerdote, utrum gaudijs interfuerit Sanctorum, ille respondit: Domine multa vidi; sed omnia sunt mihi ineffabilia: quoniam sicut non vidi ea carnalibus oculis, sed mirabili & incomprehensibili cognitionis modo interna, ideò nequeo convenientibus illa explicare sermonibus. Et narrationem continuans plura dixit de gaudijs beatorum, & non pauca de tormentis impiorum, quae nos prolixitatem timentes lectoribus onerosam, consultò praeterivimus. Interrogatus iterum à Sacerdote, si defunctorum animae apud inferos vel etiam in purgatorio eo punirentur modo, ut nonnulli passi similia referunt, quemadmodum Tandalus, & plerique alij, qui alias equuleo suspensas, alias super incudes malleo contritas, alias lanceis ac palis humo*

Variae sunt  
in purgato-  
rio anima-  
rum poenae  
& latibula.

Missarum  
celebratio  
multum  
animabus  
prodest  
purgandis.

Res me-  
tuenda.

Multi sunt  
vocati pau-  
ci verò ele-  
cti.

Aliter sunt  
poenae  
animarum  
quàm nos  
opinamur.

Anima re-  
vocata ad  
corpus quæ  
viderit,  
non poteſt  
exprimere.

Sine voce  
ſine ſtrepitu  
aliquo  
ſunt audi-  
marum  
judicia.

Ad omnia  
reſpondere  
Godfridus  
Sacerdoti  
non voluit.

In magna  
pœnitentia  
vitam ſuam  
complexit.

infixas, alias autem ſuper elixatoria poſitas, atque aliàs diverſis modis humano more punitas, laceratas, & extenuatas ſe vidiffe conſtanter dixerunt. Ad hæc reſpondit Godfridus: *Bone Domine, vos noviftis me hominem rudem & indoctum, & à juventute mea nihil ſpiritualis intelligentia conſecutum. Unde ſuſpicari non poteritis, neque debetis, quaſi ex me ſint, quæ dico vobis de futuris rebus occultis, & verè arcanis. Deus qui ſolâ miſericordiâ ſuâ mihi videre dedit, quæ nesciebam, ſimul etiam contulit intelligentiam. Modum tamen viſionis & intelligentiæ ſpiritualis, nec ipſe jam capio, nec vobis dicere poſſum. Simile contigiffe Tandalo & cæteris, qui viſiones ſuas reverſi poſt exceſſum ad corpus aut litteris commendârunt, aut alijs commendandas retulerunt, nulli ſit dubium, quoniam ſicut prius eſt dictum, loqui per verba nota ſenſibus de futura rebus vitæ cognitæ procul à veritate ſit oratio remota; nam & ego vobis loquor de horribili Dei judicio per ſimilitudines, ut poſſum, miniſterio ſenſuum notas & verba conſueta: cùm tamen nihil eorum viderem oculis iſtis carnalibus, nec vocem, aut clamorem, vel tumultum auribus ibi audierim aliquem carnis: ſed remotis ſenſibus omnia ſine voce, ſine ſtrepitu, & ſine aliqua ſimilitudine in momento ſpiritualiter & vidi, & audivi: & ſi vultis dicam melius quo poſſum: quia neque vidi, neque audivi, ſed intellexi. Spiritualia ſpiritualibus comparanda ſunt, & carnalia carnalibus. Nihil eſt ibi carnale, nihil imaginarium, nihil ſenſui humano cognoscibile vel ſubjectum. Cùmque Sacerdoſeum de multis vellet interrogare, reſpondit: Domine jam officium meum loquendi implevi: parcite & mihi & vobis: quoniam hæc vice nec vobis, nec alicui alteri de iſta materia dicturus ſum; vos autem populum Dei vobis commiſum ad pœnitentiam, quantum poteſtis, inducite, & quod utile fore creditis horum, quæ audiviſtis ex me, cum ſobrietate predicate. Non enim omnibus omnia ſunt dicenda.*

Ex eotempore Godfridus ille in tanta vitæ aſteritate ſuper vixit annis ferme duodecim, ut nemo dubitare potuerit, illum vidiffe majora quàm dixerat, & expertum malorum, quæ impijs reſoſita fore prædicabat. Nemo illum poſteâ unquam vidit ridentem, nemo latum, nemo jucundum, nemo dormientem, nemo otioſum: verbum de ore illius nullum inutile vel otioſum proceſſit unquam: nec aliquis illum audivit quipiam loqui mundanum, ſcurrile, carnale vel impertinens ad rationem. Iratum nemo vidit, neque impatientem aut de aliquo homine murmurantem, vel malè loquentem, cùm tamen ſæpe injuriatus fuerit à multis. Nudiſhyme ſimul & æſtate pedibus inceſſit: unicâ veſte grifeâ ſemper indutus, nec barbam raſit unquam, nec balneum intravit, imò nec pedibus aquam indulſit. Præter Dominicam quotidie jejunavit: & nec piſcem manducavit, nec carnem: & vinum extra calicem iacræ communionis deinceps nunquam potavit, neminem offendiſt, neminem læſiſt, neminem contriſtavit: injuriatus aut deriſus, illuſus vel contemptus ſemper tacuit, & ad omnes contumelias ſemper patientiſſimus fuit, & nec vultum mutavit: laboribus manuum ſuarum uxorem nutrit & filios: & nec ad momentum otio torpuit unquam. In orationibus fuit continuus, in vigilijs & jejunijs multus, & quaſi aſſiduus: & verò dormivit ad horas noctis quatuor. Singulis diebus ante imaginem Salvatoris noſtri crucifixi ſepties genua flexit, diſciplinam ipſe ſibi dedit: Dominicam orationem ſepties dixit, ſeptiesq; in modum crucis terram oſculatus. Salvatoris paſſioni & morti cùm lacrymis humiliter gratias egit. Sæpè

conſite-



confitebatur peccata sua Sacerdoti, & divinis officijs quotidie à principio interfuit orans in pavimento usque ad finem. Diebus festis aut solus orabat clauso cubiculo: aut in proximum nemus secedens solus vacabat soli Deo. Super nudam terram dormiebat: saxo utens repleto straminibus pro pulvinari sub capite: & lectum ab illa die nunquam ascendit: neque uxoris commercium aliquod carnale deinceps usque ad mortem habuit. Cunctis vitæ suæ diebus poenitentiam egit durissimam, & mortuus tandem non sine opinione sanctitatis, in Ecclesia Parochiali ante altare sancti Georgij sepultus est.

Non sine  
opinionem  
sanctitatis  
mortuus in  
Parochiali  
Ecclesia  
sepelitur.

## MCCCXXII.

Anno Sigismundi Abbatis V. Indictione Romanorum similiter quintâ, Joannes Papa secundus & vicesimus Fridericum Austriæ Ducem, qui se contra Ludovicum Regem erexerat Germanorum, adversum Lombardos & quosdam alios Ecclesiæ rebelles in auxilium evocavit: pollicitatione mercedis hæc promissâ, ut si contractis copijs in subsidium Ecclesiæ concurreret, mox ipsum sublimaret ad imperium, & fratrem ejus Henricum in Moguntinum promoveret Archiepiscopum.

Papa Duce  
Austriæ  
contra Lom-  
bardos in  
Italiam vo-  
cat.

His Dux Fridericus pollicitationibus intellectis, contractis undique militibus exercitum trium millium quingentorum cruce signatorum, misit in Lombardiam: quibus Henricum fratrem suum Clericum præfecit Ducem. Audiens ista Maffæus Mediolanensium Vice-Comes, duodecim oratores misit ad Fridericum, qui animum ejus à proposito revocarent, propter manifestum imperij dispendium, quod tunc fuisset secutum, si Lombardia in Pontificis devenisset potestatem. Unde persuasus Dux Fridericus, fratrem cum exercitu revocat, qui Brixiam movens Veronam rediit, inde salvus in Patriam reversus fuit, quæ res quantum Pontifici displicuit, tantum Romano Imperio necessaria extitit.

Anno Sigismundi Abbatis prænotato, hæreticus quidam Walterus nomine Fratricellorum Princeps & hæresiarcha pessimus, qui multis latuerat annis, & plures suis erroribus pessimis innodaverat simpliciores, apud Coloniam deprehensus est, & per sententiam justitiæ ignibus traditus atque consumptus. Vir diabolo plenus, & omnium versutissimus, in errore pertinacissimus, in responsione callidus, in doctrina perversus, qui nec promissis, nec minis, imò nec sævissimis potuit induci tormentis, ut errorum suorum complices, qui tamen erant plures, indicaret. Capita hæreseos Fratricellorum anno Godfridi Abbatis septimo scripsimus, quos occasione acceptâ etiam anno Henrici Abbatis secundi sexto decimo replicavimus. Lohareus autem iste Walterus natione Hollandinus latini sermonis parvam habebat notitiam, & quia Romano non potuit, sermone sibi Theutonico plures sui erroris libellos conscripsit, quos deceptis per se occultissimè communicavit: & cum errores suos emendare & revocare contemneret, sed constantissimè, quin potius pertinacissimè dico, defenderet, in ignem projectus favillam sui reliquit.

Walterus  
hæreticus  
Fratricel-  
lus apud  
Coloniam  
comburi-  
tur.

Eodem anno Isabella uxor Eduardi Regis Anglorum, filia quondam Philippi regis IV. Gallorum, quem Templarios suâ petitione delevisse supra jam diximus, ipsum regem maritum suum conjecit in vincula, & cunctis vitæ suæ diebus tenuit captivum; ut in aperto dicebatur, quod pravorum sequens consilium, magnam in regno fecisset desolationem:

Rex Au-  
striæ Edu-  
ardus à  
propria  
uxore deti-  
netur.

quamvis cauſa veri alia fuit. Hinc autem mali proceſſit origo, quòd Angli provocati ad Bellum à Scotis, elati ſuperbiâ Scotiam temerè ingreſſi, eorum plures quàm viginti millia perierunt, Rege cum cæteris vix per fugam evadentibus. Poſt hæc Scoti Angliam ingreſſi, denuo regis copias ſuperârunt, cujus indignatione facti mota Regina virum, detinuit.

MCCCXXIII.

Bellum in-  
ter Ludovi-  
cum & Fri-  
dericum  
propè Oe-  
tingen ge-  
ſitur.

Anno Sigifmundi Abbatis ſexto, Fridericus & Henricus Fratres ute-  
rini, Duces Auſtriæ, comparato iterum exercitu duorum millium & du-  
centorum equitum, peditum verò pluſquam quatuor millium ex Auſtria,  
Ungaria, & gentilitate Rhutenorum, contra Ludovicum pugnaturi  
venerunt in Bavariam. Lupoldus autem Dux Frater eorum, Sueviam  
pro exercitu conducendo intraverat, ubi dum contrahendis copiis inten-  
tus moraretur diutius, Fridericus & Henricus fratres ejus morarum im-  
patientes, bellum contra Ludovicum moverunt, (non expectato Lupol-  
do) in loco campeſtri latiffimo Bavariæ inter Oetingen videlicet & Mül-  
dorff. Habebat autem Ludovicus in ſua parte cum exercitu magno  
præſentes in auxilium, Baldevvinum Archiepiſcopum Trevirorum,  
Matthiam Moguntinum, Joannem Bohemiæ Regem, Ludovicum filium  
ſuum Marchionem Brandenburgensem Burggravium de Nürenberg,  
Comitem de Oetingen, aliòſque Comites, Barones & de militari ordine  
complures, quorum omnium ſumma expeditorum ad pugnam virorum  
æſtimata fuit equitum mille quingentorum, peditum verò non minus  
quàm triginta millium.

Fridericus  
& Henricus  
Duces Au-  
ſtriæ à Lu-  
dovico ca-  
pti fuerunt.

Congreſſione igitur factâ in loco memorato, ab ortu ſolis uſque ad  
occaſum diu ancipiti fuit Marte pugnatum, multi ab utrâque parte ceci-  
derunt vulnerati; poſtremò tamen victoria ceſſit Ludovico, Fridericus  
& Henricus Auſtriæ Duces cum multis proceribus capti ſunt, exercitus  
eorum fuſus, & quatuor equitum ac peditum millia ex eorum parte in die  
illa ceciderunt in ore gladij ſævientis; quod minimè forſitan contigiffet,  
ſi Lupoldum cum ſuis copiis expectâſſent.

Rex autem Ludovicus obtentâ victoriâ gratias egit Deo, captivos in-  
ter ſocios fortunæ distribuens, Henricum Ducem Regi assignavit Bohemiæ  
pecuniâ taxandum, Fridericum verò ſuo reſervans puniendum arbitrio,  
in caſtro Trinsnek haud procul à Nopurg in Bavaria per triennium  
cuſtodie mancipavit.

Lupoldus audiens, quæ Fratribus accidiffent contraria, dolens di-  
vertit in Auſtriam, & quidquid potuit in Ludovicum excogitare mali,  
ſummo elaborabat ſtudio pro fratris efficere libertate. Verùm cùm nil  
proficeret, accepto conſilio ſuorum in Galliam proficiſcitur, & accedens  
Romanum Pontificem, qui tunc in Avenione reſidebat, per ſe & per  
Gallorum Regem ejus ſolicitabat animum, ut Ludovicum excommuni-  
cationis fulmine percuteret, quod poſt factum eſt.

Thomas de  
Aquino  
Ord. Prædi-  
cator. à Jo-  
hanne Papa  
Canoniza-  
tus.

Eodem anno menſe Julio Joannes Papa viciſimus ſecundus præmiſſâ  
inquiſitione de vita, moribus & miraculis Thomæ de Aquino Fratris  
quondam Ordinis Prædicatorum, in Theologia doctiſſimi, qui obiit anno  
Domini milleſimo ducentefimo ſeptuageſimo quarto, ætatis ſuæ quin-  
quageſimo inchoato, qui fuit annus Joannis Abbatis Hirſaugiani nonus,  
de conſilio Fratrum ſuorum Cardinalium, in publico multorum conſi-  
ſtorio

storio Avenione Sanctorum Confessorum Christi catalogo dignanter adscripsit, cuius festum septimâ die Martij celebrari permisit.

Anno item prænotato memoratus Pontifex in mense Octobri ad instantiam Lupoldi Ducis Austriæ, & Caroli Regis Gallorum, Ludovicum Bavarum Germaniæ Regem in Consistorio publico excommunicavit, & nisi personaliter compareat coram se Avenione infra trium mensium spatium ab insinuatione, noverit se omni jure ad imperium, & dignitate Regiâ deponendum, pro causâ talia commemorans.

Principio contra Ludovicum Regem Joannes Papa istum articulum proponebat, quod cum nullus Romanorum debeat censerî vel dici Patrius Imperator, quam diu per Pontificem Romanum non fuerit confirmatus & coronatus, liquidò constat neminem se de admipistrando Romanorum Imperio debere aut posse intromittere, nisi prius Romani Pontificis obtinisset consensum. Verùm cum Ludovicus in dissensione ad Imperium non legitimè vocatus sine Pontificis consensu, & nomen & administrationem illius temerè usurpâset, meritò ab omni jure, si quod ei competisset ad imperium simul & regnum, esset repellendus.

Ad hujus objectionem articuli Rex Ludovicus ita per Oratores duxit respondendum: *Ego, inquit, secundum antiquam consuetudinem Francorum Theutonum à majore & sanioris parte principum Electorum, Rex Germania apud Frankenfurt fuit electus, & more veterum apud Aquasgran unctus & coronatus, unde jure mihi competis disponere regnum, ad quod Romani Pontificis confirmatione nullâ penitus indigeo; nam regnum Germanorum neque Romani Pontificis est, neque Romanorum imperio subiectum, sed liberum usque in hunc diem à Fararundo primo in Germania instituto rege Francorum, qui una cum suis in regno successoribus, Italos, Gallos, Burgundiones, Alsatios, Rhenanos, Suevos, Bavaros, Bohemos, Australes, Thuringos, Saxones, Danos, Frisios, Bataros, Colonenses, Treverenses, Moguntinos, Brabantinos, Hollandinos, & totam ferme Europam Francis subjecit, permansit.*

*Post annos verò plurimos Carolo Rege Francorum magno, atque Romanorum Imperatore Patritio vitâ defuncto, facta est inter filios ejus Regni Francorum divisio, in qua Ludovicus primogenitus Caroli Germania Regnum cum imperio suscepit, Galliam verò cum Aquitania inter fratres suos reges distribuit. Mortuo autem Ludovico tres filij ejus Lotharius, Carolus & Ludovicus post pralia multa inter se habita, sic tandem dividerunt Regnum. Lotharius Romanum obtinuit Imperium, Carolus verò Galliam, Ludovicus Germaniam. Ex uno itaque Francorum regno facta sunt duo, alterum in Gallia, & alterum in Germania, & avitum nomen utrumque per plures annos retinuit, ut illud Francorum occidentalium, istud verò regnum Orientalium Francorum diceretur, & alterum ab altero maneret perpetuò separatum suis terminis contentum. Nihil Ergo ad Romanum Pontificem, quisquis regnet apud Germanos, quibus Roma nec dedit regnum, nec jure auferre potest, sed Regni Principes regem habent instituere. Verùm, quia in Carolo Rege Germanorum magno, nomen imperiale cum dignitate Patritia Romanorum Germanis Regibus auctoritate Apostolicâ dignoscitur perpetuâ collatione donatum, idè coronam Imperij & nomen ab Ecclesia Romana non contemno suscipere, quàm primum oportuè Romam potero venire.*

*Quod verò mihi objicitur de Imperio, me non debuisse intromittere administrando sine Romani Pontificis consensu, responsione censeo penitus indignum,*

U 3

assento,

Rex Ludovicus à Papa Joanne xxii. absens excommunicatur.

Articulus Papæ contra Ludovicum Regem primus.

Confutatio hujus primæ objectionis per Oratores Regis.

Regnum Francorum bipartitum sub Lothario primo describitur.

Regnum Germaniæ nec Papæ, nec Romanis est subiectum.



*attento, quòd Henricus primus, & multi poſtea Germanorum ante me Reges gubernârunt Imperium, quos tamen nullus Romanorum Pontificum coronavit. Sed hanc Ludovici excuſationem de facili Papa confutavit.*

Articulus  
Papæ con-  
tra Ludovi-  
cum ſecun-  
dus.

Secundus in Ludovicum Papæ articulus fuit, quòd fautor & defenſor eſſet hæreticorum, quoniam Vice-Comites Mediolani, contra quos Papa crucem fecerat prædicari, conſilio & auxilio in rebellionem Eccleſiæ deſenſabat, Michaëlem quoque de Cæſena Fratrum minorum ſeptimum decimum Miniſtrum Generalem, quem Papa Joannes à ſuo magiſtrato propter inobedientiam & rebellionem ſuam depoſuerat, ſimul & Wilhelmum de Ockam Anglicum, eorūque ſequaces à Pontifice excommunicatos. Rex Ludovicus ad ſe fugientes ſulcepit, & contra Papam temere deſenſavit. Auxit hæc Fratrum minorum deſenſio contra Ludovicum ſuſpicionem hæreſeos in eo maximè, quòd cum excommunicatis ſcienter & temere communicabat, dans eis contra unitatem Eccleſiæ favorem, conſilium pariter & auxilium; nam Papa Joannes Maſſeum & Galeatium Vice-Comites Mediolani propter invaſionem terræ & civitatum Eccleſiæ ut rebelles judicans excommunicaverat, & crucem in eos fecerat prædicari, quibus Rex Ludovicus copias miſit contra Papam, Eccleſiam Romanam, & cruce ſignatos, ſuâ intereſſe haud parum exiſtimans, ſi camera Imperij Mediolanum per Papæ fuiſſet exercitum aut capta aut deſtructa. Commonitus igitur Ludovicus à Papa cū in pertinacia ſua perſiſteret, de conſilio & aſſenſu omnium Cardinalium in Avenione tunc præſentium fuit excommunicatus. Cauſa verò diſſenſionis inter Papam & Michaëlem Ordinis minorum Generalem miniſtrum iſta fuit. Damnaverat Pontifex, ut paulo ante diximus, hæreſin Fratricellorum, quæ fuit Pauperum de Lugduno, in qua unus notabatur articulus: *Quòd Chriſtus cum ſuis Apoſtolis extremâ paupertate vivens, nihil omnino ſubſtantie mundana habuerit proprium, vel commune, mobile, vel immobile, in privato vel genere.* Hunc articulum Pontifex Evangelio manifeſtè contrarium de conſilio complurium in ſcripturis divinis & Eccleſiaſtico jure doctiſſimorum virorum ut falſum & erroneum & hæreticum damnaverat.

Michaël  
Cæſenas  
cum ſibi ad-  
hærentibus  
damnatur  
à Papa.

Erant autem in ordine Fratrum minorum viri quidam doctiſſimi, quos paupertatis amor vehemens poſſederat, inter quos Michael Cæſenas miniſter Generalis & Wilhelmus de Okam reperiuntur adſcripti, dogmatizantes publicè, Chriſtum nihil penitus in hoc mundo poſſediſſe cum diſcipulis ſuis, neque in privato, neque communi, cū tamen Evangelium manifeſtè dicat contrarium; ubi Domino ad puteum cum Samaritana loquente, diſcipuli eſcas empturi proximam in urbem ſeceſſerant: qui emere unde potuiſſent, ſi pecunias non habuiſſent? & Judas oculos habebat, S. Aug. teſtante, portans ea, quæ mittebantur. Papa igitur omnes cum illis ſentientes ut hæreticos excommunicavit: à Generalatu Michaëlem depoſuit, & ad Ludovicum fugere compulſit in Bavariam: Wilhelmus autem de Okam vir doctus & ſubtilis ingenio, Michaëli ſocius & comes itineris apud Monachium Baviaræ oppidum uſque ad mortem exulavit, & contra Joannem Papam multa ſcripſit, & cum hæreticum eſſe proclamavit. Hæc malè cum eo ſentientium temeritas magnum in Eccleſia ſcandalum peperit, & pernicioſum ſchiſma in plurium animarum periculum ſulcitavit. Verū quia poſterius iſta ſunt geſta, Ludovici regis hiftoriam, ut cœpimus, proſequamur. Rex

Rex itaque Ludovicus habito suorum consilio ad malè informatum Pontificem melius informandū, & ad generale concilium, quando Romæ celebraretur, appellavit, misitq; ad Papam in Avenione residentem oratoribus suis in jure peritis, causam suam ut potuit excusavit. Sed Pontifex non revocavit sententiam, nec aliquam satisfactionem admisit; imò Ludovicum excommunicatum denuntiari publicè coram ipsis oratoribus denuo mandavit. Vix tandem oratores precibus obtinuerunt alios tres menses post insinuationem, infra quos Ludovicus Rex se coram Summo Pontifice personaliter haberet præsentare, dicturus ipse causam suam in consistorio Cardinalium publico, ut melius potuisset. Reversi Oratores in Bavariam, cū litteras & gesta Romani Pontificis Ludovico regi exposuissent, respondit: *In Avenionem mihi transitum nemo persuadebit unquam; sedes etenim Petri non in Avenione, sed Roma est, ubi coronanda est dignitas imperialis.* Denuò igitur nuntios misit ad Papam, cui sic inter cætera scripsit: *Romam venire opportuno tempore parati sumus juxta consuetudinem antecessorum nostrorum, regni & imperij coronam de manu Romani Pontificis suscipere, & falsis accusationibus æmulatorum nostrorum veris defensionibus obviare. Nam Petri Sedes non Avenione, sed Roma est: & idè extra Romam nullum Petri successorem agnoscit Imperium.* His Papa litteris susceptis iratus est, & in Ludovicum excommunicationis confirmavit sententiam, deponens eum ab omni dignitate regali simul & imperiali, & processus contra eum in universum regnum destinavit.

Ludovicus à Papa denuntiatur excommunicatus, & à regno depositus.

Rex Ludovicus ad Papam in Avenionē venire contempsit.

Rex autem Ludovicus convocatis ad se multis in Theologia & utroque jure peritis, omnes Papæ processus contra se fulminatos eorum proposuit examini, scire cupiens, metuendi essent, an contemnendi. Multa tunc in medium producta fuerunt contra Pontificem testimonia, & plures in denigrationem famæ illiustemerè consentientes, hæreticum esse ore impio blasphemarunt. Unde & processus ejus omnes in Ludovicum nulli & invalidi fuerunt judicati. Quæ virorum adulatio & regi pertinaciam præstitit, & materiam futuro schismati dedit.

Interea dum ista fierent, Dux Fridericus ut prius est dictum, à Ludovico Rege sub arcta custodia tenebatur captivus. Unde multi, qui partes illius antea sequebantur, ad Ludovicum defecerunt, non obstante, quòd in eum censuras Papæ fulminatas, & ob id plures Clericorum & procerum, ab ejus se communione cernerent subtraxisse. Friderico autem sic in turri quadam memorati castelli Trinsneck captivo, res facta narratur miranda, quam ego fabellam potius existimem, quàm historiam, Fratris tamen Nicolai Baselij ex Turckheim Monachi Hirsaugiensis impulsu litteris commendare consensi. Venit ad Lupoldum Austriæ Ducem homo quidam pravis dæmonum artibus imbutus, qui principi jam dicto pollicebatur, si juberetur, quòd ministerio spiritus Ducem Fridericum ejus fratrem posset non solum de custodia eripere, sed incolumem & salvum in Austriam reportare. Placuit pollicitatio Duci, & mercede promissa Necromantico dies constituitur, in qua spiritus ad circulum vocetur. Instante horâ, quam artista præfixerat, Dux cum eo circulum in secreto factum loco solus ingreditur, dæmon carminibus & susurris à Mago invocatur. Qui ubi coram visibilis apparuit, ab artista mandatum accepit, ut castrum Trinsneck in Bavaria quantocius accederet, & Fridericum Germaniæ

Magus pollicetur Lupoldo, quòd Fridericum liberare possit & velit.

Magus Dæ-  
monem ad  
circum vo-  
catum mi-  
ſit ad Fride-  
ricum Du-  
cem.

Germaniæ Regem inde liberatum ſine aliqua ſui læſione ſalvum & incolumem ante circum præſentaret. Cui Dæmon reſpondit: *Et ſi meis noluerit acquieſcere conſilijs, aut ſi contra me ſignum crucis vibraverit?* Artiſta reſpondit: *Quod tuum eſt facito, & ſi tecum venire ille contempſerit, tibi nemo imputabit.* Erat autem mox dum iſta fierent hora poſt meridiem undecima. Mox avolat ſpiritus, & humano circumamiſtus ſchemate quieſcenti Friderico Regi in ſua captivitate aſtitit, quo ſuſcitato dixit: *Surge princeps velociter, & me ſine hæſitatione timoris ſequere, quoniam miſſus ſum à fratre tuo Duce Lupoldo, te liberare, & ad eum incolumem perducere.* Ecce ante portam paratus expecat caballus, & nihil timeas, ſed conſurgens me ſequere, & ſalvum te ducam ad fratrem tuum in Aſtriam. Dux autem inſolitâ phantaſmatis apparitione perterritus reſiſtit dicens: *Quis es tu, & quomodo hæc horâ intrâſti ad me?* Reſpondit ſpiritus: *Tuam non occupet mentem, quis ego ſim, ſed velociter ſomnolentiam excutens me ſequere, & ducam te ad fratrem tuum ſalvum & incolumem.* Territus phantaſmate princeps crucis Chriſti ſalutiferum ſignum aſtanti oppoſuit, & mox dæmonium reſeſſit. Interea Dux Lupoldus cum artiſta ſedebat in circulo finem rei expecans, ſed fruſtra. Reverſus ad circum ſpiritus, quid contigerit ſuo mittenti aperuit, quod Fridericus Dux poſtea liberatus verum ſuo teſtimonio confirmavit.

Dux terri-  
tus Dæmo-  
nem cruce  
fugavit.

## MCCCXXIV.

Metis ab  
Archiepiſc.  
Trevirorū  
obſidetur.

Anno Sigifmundi Abbatis Hirſaugiſium ſeptimo, Baldevvinus Archiepiſcopus Trevirorum, Joannes Bohemiæ Rex, qui tum Lutzenburgi morabatur, Dux quoque Lotharingiæ & Comes Barenſis confœderatione inter ſe factâ, magnum contraxerunt exercitum, & Mediomatricum, urbem videlicet Metenſem obſidione cinxerunt, omnia quæ ad jus civitatis pertinebant in circuitu devaſtantes. Cives autem conſiderantes ſe tantæ multitudini pugnatorum in finem non poſſe reſiſtere, tandem conſilio inter ſe habito pacem poſtulantes humiliter conſecuti ſunt.

Ludovici  
Regis factū  
nefarium  
pro Comi-  
tatu Tyro-  
liæ.

De Rege Ludovico improba narratur hiſtoria, quam his contigſſe temporibus accepimus. Erat homo potens, ac dives, qui uxorem habuit pulchram & nobilem, filiam ſcilicet unicam Comitum Carinthiæ & Tyrolis, cum qua memoratos duos comitatus in poſſeſſionem acceperat. Rex autem Ludovicus eoſdem comitatus ſuo cupiens adijcere dominio, cum aliter non poſſet, ſe dolis ac fraudibus armavit. Uxorem viri rapuit, & eam, Ottoni filio ſuo matrimonio ſolemni copulavit, aſſerens, inter eam & priorem virum, cum quo annis undecim in conjugio legitimè vixerat, conſanguinitatis gradum omnem matrimonij caſſare & impedire contractum. Sed ut litteris mandatum accepimus, impedimentum inter eos matrimonij nullum extitit, quoniam ſola cupiditas habendi comitatum Tyrolis & Carinthiæ ſicut diximus, in cauſa fuit. Hæc injuriâ vir ille bonus non immerito provocatus, cum lachrymis Romano Pontifici eo tempore in Avenione reſidenti expoſuit, & ejus auxilium contra Ludovici tyrannidem imploravit. Cujus indignitate facti commotus Pontifex multis Ludovico vicibus ſcripſit monendo, rogando, præciendo ſimul & communicando, ut quantocius uxorem viro ſuo reſtitueret, & pro ſatisfactione commiſſorum in Avenionem ad Apoſtolicam audientiam quantocius veniret. Ludovicus autem ſuo more deſpexit monentem, per quod maculam gloriæ ſuæ impoſuit ſempiternam.

MCCCXXV.



MCCCXXV.

Anno Sigismundi Abbatis VIII. cives Colonienſes cum Rege Ludovico ſentientes contractis undique copijs magnum pugnatorum congregaverunt exercitum, cum quo in Weſtphaliā contra Henricum Archiepiſcopū Colonienſem, qui adverſabatur Ludovico, proceſſerunt ad prælium. Devaſtatā crudeliter Patriā, Ducatu videlicet Angariæ, qui antiquo jure Colonienſi pertinet Eccleſiæ, caſtellum ipſius Archiepiſcopi fortiffimum Volmerſtein nuncupatum, longā obſidione expugnantes tandem ceperunt, & igne ſubmiſſo deſtruentes ſolo æquarunt.

Colonienſes contra Archiepiſc. devaſtant Weſtphaliā.

Eodem tempore Baldevvinus Trevirorum Archiepiſcopus Fürſtenberg ob firmitatem ut putabatur, inexpugnabile caſtrum ſuorum copijs obſidione duriffimā vallavit, quod tandem appoſitis machinis ſuo dominio potenter ſubegit. Idem Archiepiſcopus caſtrum Stierberg pro pecunia Eccleſiæ Trevirenſi comparatum Provinciali Comiti de monte Rutilo, hoc eſt, dem Landgrafen von Rothenberg/ qui morabatur in orientali Francia quatuor Herbipoli milliaribus, in feudum tradidit.

Caſtrum etiam Richenberg à fundamentis novum conſtruxit, quod ſimili munificentia Comiti de Catzenelenbogen in beneficium feudale perpetuum contulit. His quoque temporibus memoratus Trevirorum Archiepiſcopus in loco, qui dicitur Birckenfeld, in ſua Diœceſi, ſed in fundo Comitis Moſellani de Starckenberg, novum cœpit ædificare caſtellum, in non parvum prædicti Comitis præjudicium, qui eo tempore ad Sanctum Domini ſepulchrum mare tranſiens profeſtus, domi non fuerat. Cūque uxor ejus animo immutata virili conductis militibus Archiepiſcopi conatibus varijs modis obſiſteret, iratus præful congregavit exercitum, & devaſtare Comitatum de Starckenberg, qui videlicet eſt Spanheimenſi conjunctus, animo diſpoſuit. Quod ubi comitiſſæ innotuit, conſiderans vires ſuas Archiepiſcopi exercitibus impares, cœpit æſtuare conſilio, quemadmodum illius conatum deſtrueret. Miſit Oratores ſuos ad Archiepiſcopum, Henricum videlicet ex comitibus de Spanheim, Aquenſis Eccleſiæ Præpoſitum, & Emericum de Lapide ſuperiore, ambos Colonienſis Eccleſiæ Canonicos, quorum induſtriā treugæ acceptæ ſunt, & ſuſpenſum in aliud tempus negotium. Contigit eodem anno, quod Archiepiſcopus cum paucis navigio tranſcenderet per Moſellæ rivulum verſus Confluentiam in menſe Septembri, ſacros ex conſuetudine daturus Ordinandis Characteres, quod minimè latuit Comitiſſam. Quæ memor injuriarum, cuſtodiam circa Moſellæ littus ſub caſtello Starckenberg, ubi morabatur, diſpoſuit, & nihil tale ſuſpiciantem Archiepiſcopum Baldevvinum cepit, quem ſub honeſta ſecuritate aliquandiu captivum, in ipſo caſtro ſuo Starckenberg cuſtodivit. Mira femellæ audacia! Nullis verò precibus vel minis induci potuit, ut Pontificem captivum dimitteret, niſi & pecuniā ſe more captivorum redimeret, & caſtrum Birckenfeld abjuraret. Conſenſit neceſſitati præful captivus, & poſtulatam feminæ pecuniam tradidit, & quod de caſtro Birckenfeld ſe amplius non intromitteret, litteras & cautiones neceſſarias dedit, ſicque reformatā pace inter ſe, liber diſceſſit. Mulier acceptam pecuniam à ſuo captivo in perpetuam ſui nominis laudem atque memoriam cupiens exponere, caſtellum, quod in nemore ſano pervetuſtum & penè collapſum antiquitus erat

Caſtellum Birckenfeld ab Archiepiſcopo Trevirorum fundatur.

Archiepiſc. Trevirorū à femina capitur in navigio.

Captivus Archiepiſc. datā pecuniā & abjurato Birckenfeld liberatur.

X

conſtru-

**Frauenburg**  
castrum  
per comi-  
tissam de  
illa pecu-  
nia con-  
struitur.

constructum, in melius mutato nomine statuit ædificare. Quod ubi magnifico perfecit apparatu. **Frauenburg** / id est, feminæ castrum illi nomen indidit, propterea, quod ex feminæ fuit constructum triumpho. Est autem his temporibus Starckenberg & Spanheim unus comitatus, quem Joannes Dux in oppido Symeren apud Cynonothos habitans possidet, qui ex comitibus Palatinis Bavaricæque ducibus antiquâ propagine, ut infra dicemus, trahit originem. Archiepiscopus verò dimissus pacta servavit, & Comitissam, quod à principe Imperij tunc quidem ditissimo, non plus extorsisset pecuniarum, jocosè derisit.

**Festum**  
Corporis  
Christi pri-  
mum in  
Worma-  
tienti Diœ-  
cesi admit-  
titur.

Anno etiam prænotato Wormatiensium Episcopus Cuno de Schöneck per civitatem & Diœcesin suam festum Corporis Christi, quod Urbanus Papa IV. sicut diximus in prima hujus operis parte, anno Volpoldi Abbatris XIX. instituit, celebrari solemniter tam in foro quàm in choro mandavit. Nam etsi Papa memoratus ipsum festum multis indulgentijs cumulatim celebrari præcepit, per annos tamen plus LX. usque in hoc tempus, quantum ad forum pertinet, à pluribus neglectum à plerisque etiam contempum fuit, quemadmodum & nunc fieri cognovimus tam de festo Transfigurationis Domini, quàm de festo præsentationis ejus Castissimæ Genitricis; quare solemnitates alijs sunt celebres, ab alijs verò negliguntur. Nulla sine tempore multo roboratur consuetudo.

**Lupoldus**  
insignia  
Regni mi-  
sit Ludovi-  
co.

Eodem anno Lupoldus Dux Austriæ mediante & cooperante Carolo Rege Gallorum magnis apud Romanum Pontificem Joannem XXII. viribus instabat, ut fratrem in manibus Ludovici Regis, ut supra diximus, captivum liberare potuisset, sed Papa nil efficere potuit, cujus monita Rex Ludovicus omnia ut hostis & adversarij publici contempsit. Unde Lupoldus cernens, quod cum Rom. Pontifice non proficeret, amicorum non minus impulsu, quàm consilio alium modum excogitavit. Habebat penes se Dux Lupoldus insignia Regis, lanceam, orbem atque coronam, quibus olim usus memoratus Carolus Magnus, & nunc in oppido Nürenberg reposita servantur. Videbatur consultum amicis, & quotidianis Ducem clamoribus impellebant, ut datis Ludovico insignijs Regni, fratrem liberaret captivum. Quibus ille respondit: *Etiam insignia regni Ludovico si resigna vero, scio quod fratrem non dimittet, ne tamen videar consilijs reluctari vestris, qui nihil magis cupio, quàm fratrem mihi charissimum de captivitate liberare, si possum, ecce libens adversario insignia Regni transmittam.* Misit itaque Dux Lupoldus insignia Ludovico, & multis pollicitationibus ac promissis pro fratris liberatione intercessit. Rex autem Ludovicus insignijs Regni acceptis Fridericum Ducem ut dimitteret, nullâ potuit ratione persuaderi.

**Ad Impe-**  
**rium Ro-**  
**manum**  
Gallus aspi-  
rat super-  
bus.

His temporibus Carolus Rex Gallorum desiderio magno ad Romanum aspirans Imperium, summis conatibus Papam ad Ludovici persecutionem, & à regno depositionem invitabat: cum Lupoldo etiam Duce memorato, plura in secrete tractabat consilia, & multa promisit, si ejus cooperatione potuisset assequi, quod voluit. Sperabat enim Rex arrogantissimus, quia si ad Gallos esset translatus Imperium, quod de facili etiam Lotharingiam, Treverim, Metim, Leodium, Attrebatum, Trajectum, Coloniam, Moguntiam, Wormatiam, Neomerim, & Argentinam, quæ ab alia Rheni parte civitates Regni sunt Germanici & non Gallici,

Gallici, neque Romani Imperij, suæ possit ditioni subijcere, à multis enim retrò annis Galli quidquid ab illa parte est Rheni, ad suum traducere Dominium contra jus & æquitatem sunt machinati. Nam in divisione Regni Francorum, quod sub Faramundo Rege primùm in Germania cis Mogonum apud Wirtzburg sumpsit initium, clarissimè patet, quòd prænominatæ civitates omnes simul, & Lotharingia tota, quondam magna, nunc autem parva, Burgundia, cum regno Arebatensi, Brabantia, Hollandia, Frisia, Flandria cum Mosellanis, Alsatia, Vosagus & Sabaudia, Germanico regno fuerunt in distributione terminorum sub Lothario & Fratribus adscriptæ una cum Romanorum imperio, quod in gestis Ottonum & complurium Germaniæ Regum similiter invenimus. Unde si hodie quâlibet occasione Romanum Imperium à Germanis Regibus in Galliam posset transferri, non cessaret propterea neque interiret regnum Germanorum: neque civitates memoratæ, neque Provinciæ ipsum sequerentur Imperium, cum non pertineant ad jus Imperij, neque Gallorum, sed ad Sceptrum duxtaxat Germaniæ. Propterea si qui civitates ipsas vocant imperiales, malè & improprie loquuntur, cum regales dicendæ sint potius, quoniam ad Regnum pertinent Germanorum.

Civitates Germanici Regni non Imperij sunt, nec Gallorum.

Regnum Germaniæ maneret etiam Imperio translato Romanorum.

## MCCCXXVI.

Anno Sigismundi Abbatis IX. Lupoldus Dux Austriæ multis & varijs modis tum per se, cum per quosdam Principes Regni usque adeò Ludovicum Regem molestavit, quòd tandem consensit Fridericum ex captivitate liberum dimittere, sub certis tamen & necessarijs conditionibus, litteris & juramento confirmandis.

Fridericus Dux à Ludovico sub conditione dimittitur.

Prima conditio, quam Dux Fridericus juramento, ac litteris confirmare jubebatur, ista fuit: Quòd omni actioni & juri tam ad Regnum quàm ad Imperium, si quod haberet, simpliciter, totaliter, & spontaneâ voluntate renunciaret, & se de illo amplius non intromitteret, etiam si à principibus vocatus, vel à Romano Pontifice jussus fuerit.

1. Conditiō.

Secunda conditio: Quòd tam ipse quàm fratres ejus, Prælati, Comites, Barones nobiles & subditi eorum omnes Regi Ludovico, ejus successoribus, Regno & Imperio debeant perpetuò esse fideles, subiecti & obedientes sine dolo & sine fraude in omnibus.

2. Conditiō.

Tertia: Quòd jurent & promittant, se omnia in eos quomodolibet facta non vindicatueros, nec deinceps quidquam mali vel incommodi acturos contra personam ipsius regis Ludovici, aut aliquem suorum fidelium verbo, facto, nutu vel consilio.

3. Conditiō.

Quarta fuit pecuniaria, sub qua Ludovicus Fridericum in summa notabili taxavit & compulit ad solvendum. Promisit omnia Fridericus una cum Fratribus suis, & quidquid jubebatur, servaturum se fideliter juravit ac litteris confirmavit. Similiter & Fratres ejus Ludovico jurantes fidelitatem promiserunt.

4. Conditiō.

His & multis alijs cautionibus datis & acceptis Fridericus à Ludovico dimittitur, qui reversus in Austriam, & citò eorum, quæ juraverat oblitus, Ludovicum ut antea persequi cepit, & usque ad mortem suam illi semper adversarius fuit, licet non semper in persona propria, tamen per fratrem quidquid malè potuit contra Ludovicum fecit; nam Lupoldus Friderici frater immemor juramentorum dissimulante germano, Regem



Lupoldus  
Dux Regem  
Ludovicū  
perſequitur  
in malum  
propriū.

Ludovicum ſummis conatibus perſequitur, quod nec ipſi quidem, nec Austria Domui in bonum ceſſit: Spirenſes Ludovico in Italia exiſtente ferro & igne devaſtat, Wormatiennes varijs moleſtat incurſionibus, Moguntinos ſimili vaſaniā inquietat, poſtremò in Argentinenſes raptorum movens exercitum finem accepit vivendi.

Comes Gel-  
dria Rein-  
hardus in  
Ducem  
creatur à  
Ludovico.

His temporibus Comes Geldria Reinhardus ſenior, propterea, quòd cum Henrico Archiepiſcopo Eccleſiæ Coloniensis contra Ludovicum ſentiret pro Friderico, à proprio filio detinebatur captivus per annos octo continuos impoſito ſibi morbo dementiae. Quo anno prænotato in carcere mortuo Rex Ludovicus filium ejus Reinhardum Junio-rem volens pro ſua fidelitate remunerare, in Ducem creavit apud Coloniam in publico principum conſeſſu. Ab illo tempore Geldria Comites Duces eſſe coeperunt, adjuncto eiſ titulo Comitatus Zutphaniae uſque in præſentem diem. Obijt autem in carcere Comes ſenior Reinhardus nono die menſis Octobris anno prænotato.

Romani  
Papam ut  
rediret in  
urbem  
quantocius  
rogant.

Anno etiam præſcripto ſenatus populūſque Romanus Oratores ad Avenionem cum litteris miſere ſolemnes, Joannem Papam xxii. rogantes, ut exemplo ſanctiſſimorum Pontificum antecellorum ſuorum quantocius ab Avenione cum cætu Cardinalium diſcederet, & Romam veniens Curiam Apoſtolicam ibidem, ubi primū instituta fuerat à Principe Apoſtolorum Petro teneret: quod facere ſi aut differret, aut contemneret, ſciret, quòd ſibi ipſi pro viribus de alio Pontifice providerent. Pontifex iratus reſpondit: *Se Romanum eſſe Pontificem, & in Eccleſia proprietate, ſicut antecellorum ſuorum nonnulli, apud Avenionem & poſſe, & velle pro ſuo arbitrio reſidere, nec eorum eſſe juris vel poteſtatis, Chriſti coarctare Vicarium, ubi ipſi velint, capere manſionem.* Et adiecit: *Ubi Papa, ibi Roma.* Quod dictum ejus poſtea in proverbium vulgaſſimum verſum eſt. Romani autem, poſteaquam Pontificis intellexere verba, graviter nimis acceperunt, dicentes: *Si ubi Papa, Roma; dabimus operam, ut ubi Roma, ſit etiam Papa.* Conſilio igitur habito, ad Regem Ludovicum Oratores miſerunt in Germaniam rogantes, & multa promittentes, ut Romam venire quantocius dignaretur. Quibus auditis Ludovicus gaviſus eſt, deditque certum Romanis ſui adventū reſponſum, & oratores eorum remuneratos cum honore dimiſit; Romanos litteris commonefaciens, ut capto perſtarent in propoſito, nec Pontificis fulmina timerent.

Eccleſia  
Trajecten-  
ſis paſtore  
viduata in  
tribulationem  
venit.

Mortuo his temporibus Friderico Trajectenſium Epicoſcopo, duo in diſſenſione fuerunt electi, Jacobus videlicet principalis Eccleſiæ Decanus, à majore & ſaniore Congregationis parte in Pontificem electus eſt: contra quem minor fratrum numerus Jacobum quendam Sudenſem Epicoſcopum ad instantiam Wilhelmi Comitſ Hollandiæ poſtulavit. Prævaluit jure potior Decanus, & in Epicoſcopum Trajectenſem Canonicè ſuſceptus eſt. Quo in brevi mortuo in Pontificem unanimi voto Canonicorum fuit electus Joannes de Bruchhorſt præpoſitus S. Salvatoris vir optimus, cui omnes voluntariè obedientiam præſtitere ſubjecti, non ſolum Clerici, ſed etiam Laici omnes.

Duobus vix menſibus evolutis poſtquam idem electus omnem Eccleſiæ ſuæ terram ſuſcepſiſſet in poſſeſſionem quietam, nihilque ſuſpicaretur adverſi, ſuper venit ex Avenione Joannes ex Dyest præpoſitus Cameracen-

ſis

sis in Episcopum Trajectensem à Joanne Papa xxii. provisus, & ordinatus ad petitiones Joannis Ducis Brabantiae, Reinhardi novi Ducis Geldriae, & Wilhelmi Comitis Hollandiae, qui Trajectum armatâ manu ingressus, Joannem ex Bruchhorst verum & legitimum Pontificem violenter expulit, & per annos ferme quatuordecim Episcopatum occupavit.

Anno quoque prenotato fuit Judæus quidam in Hannonia, qui animo ficto se petijt fieri Christianum, quem Wilhelmus præfatus Comes Hollandiae & Hannoniae de sacro baptismo levavit. Verum posteaquam baptizatus fuit, inter Christianos aliquandiu conversatus in hypocrisi & simulatione multos decepit, quoniam corde fuit Judæus, & nunquam in veritate Christianus. Contigit itaque anno Sigismundi Abbatis prenotato die quâdam, ut per Ecclesiam transitum faceret solus, in qua imago stabat B. Mariae semper Virginis pulcherrima, quam intuitus homo diabolo plenus, extracto pugione, velano similior, in eam irruit, & in verba prorumpens blasphemiae, contra Sanctissimam Dei Genitricem, nitidam imaginis faciem multis ictibus pungendo vulneravit, quod eo facere liberius potuit, quo nullum esse præsentem scivit. Mira Dei patientia, quæ perfidum & blasphemum hominem non solum perdere subito non voluit, sed etiam miraculo ad poenitentiam invitavit. Nam confestim Sanguis de vulnerata imagine fluere coepit, & pavementum altaris copiose replevit. Quod cernens ille perfidissimus latro, pavore nimio concutitur, & tugiens oculissimè de Ecclesia, pristinis moribus latens in hypocrisi & simulatione veteri conversatur. Intrantes postea Ecclesiam fideles, & videntes imaginem sanguine madentem, pro tanta injuria semper castissimæ Dei Genitricis, non mediocriter gementes, ipsum cruorem, ut poterant, collegerunt; & relevantes illum, inter Sanctorum reliquias pro honore Dei venerati sunt; qui deinceps multis ægritudinibus medellam præstitit salutarem. Postea verò quàm tanti auctor sceleris cunctos aliquandiu latuisset mortales, nec aliqua de perduto illo haberetur suspicio, nec ipse criminis peteret à Deo veniam; neque pæniteret, justo tandem judicio Dei & miraculosè deprehensus, pœnam mortis, quam meruit, solvit.

Judæus baptizatus nequam pessimus quid tece- rit.

Imaginem B. V. Mariae vulnerat.

Sanguis de vulnerata imagine copiosus fluere visus est.

Multas fanitates hic sanguis miraculatus pluribus contulit.

Erat faber quidam in villa, ubi res contigerat, ferrarius, homo simplex & rectus, atque pro modulo suo Beatissimæ Dei genitrici valde sinceriter devotus. Huic Beatissima Virgo Maria quâdam nocte apparens in somnis dormienti, quasi vulneribus in facie multis confossa & Sanguine circumfusa, patratorem sceleris ostendit dicens: *Has mihi plagas sceleratissimus ille Judæus animo nuper falso baptizatus intulit, qui meam in Ecclesia imaginem suo pugione seviens & blasphemans tam crudeliter vulneravit.* Cui faber: *Vis, inquit, Domina mea, ut his manibus meis interficiam perfidissimum blasphemum?* Non, inquit, sed confidenter defer illum Judici, qui fidem tibi cum denegare caperit, duellum cum Habreo postula, & consentiet tam Judex, quàm perfidus ipse. Nihil timeas, neque formides, ego tibi faulrix adstabo, & sine dubitatione impetrabo victoriam. Venit ad judicium faber, sceleris commissi falsum accusat Christianum; sed cum testimonia criminis objecti deessent sufficientia, duellum postulat, quod decernente judice, perfidus canis acceptat, spem habens in suis viribus, quia fortior illo fuit; congressione igitur factâ vicit perfidum fidelis, Judæum Christianus, im-

Domina nostra in somnis fabro revelavit impiū.

Judeus à  
fabro vi-  
ctus fatetur  
factum &  
laqueo ſu-  
ſpenditur.

pium juſtus, & proſtratum in terram, ut confiteretur publicè reatum, coram omnibus inſtabat. At ille videns ſe Dei virtute convictum, & magnum à parvo ſuperatum, urgente cum intus conſcientiâ palam & coram omnibus confitetur reatum ſuum, & quòd corde nunquam fuerit Chriſtianus, publicè dixit. Alia quoque multa in Chriſtianam pietatem comiſit ſcelera, pro quibus diſtante Judice & Comite jubente, ſuſpenſus eſt.

MCCCXXVII.

Rex Medio-  
lanicoronâ  
ferreâ coro-  
natur.

Anno Sigifmundi Abbatis decimo in principio menſis Martij Conventus Principum Rege Ludovico mandante in Civitate Spirenſi habitus eſt, in quo pax regni per ipſum Regem ſtatuta & confirmata fuit, Principibus, Prælatiſ & Oratoribus Civitatum, & oppidorum Germanici Regni ſpontaneâ voluntate conſentientibus. Principum diſſoluto Conventu, Rex Ludovicus cum uxore & filiis in manu valida cum magno exercitu Germanorum intravit Longobardiam, animo & intentione proficiſcendi Romam, pro Corona Imperij ſuſcipienda, quod tamen fieri illo anno non potuit, propter multas in Longobardia Imperij cauſas, & arduas occupationes. Veniens autem Mediolanum, à Vice-Comitibus Galeazio & Maffeo, & omni populo ſimul & Clero ſummo cum honore ſuſceptus eſt, & in die ſancto Pentecoſtes ab Archiepiſcopo Mediolani cum Margaretha uxore ſua coronâ ferreâ juxta morem antiquum ſolemniter coronatus.

Multa poſt hæc bella cum vicinis atque rebellibus habuit, quos Imperio ſuo potenter ſubjecit. Erant in ejus exercitu Wilhelmus Hollandiæ Hannoniæque Comes Pater Reginæ, Reinardus Dux Geldriæ, Theodoricus Comes de Cleven, Wilhelmus Comes de Juliaco, Theodoricus Comes Montanus, & plures alij viri fortes & bellicoſi, qui magnam copiam adduxerunt armatorum, quibus auxilia ferentibus multa in Longobardia brevi tempore patravit magnificè.

Wolfram-  
us ſit Epi-  
ſcopus Her-  
bipolenſis  
annis VI.  
præſidens.

Anno quoque prænotato mortuus eſt Gotfridus Epiſcopus Herbipolenſis & Franciæ Dux orientalis: cui ſucceſſit Wolframus de Grumbach, & præfuit annis ferme ſex, vir magnanimus, in pauperes humanus, & durus in adverſarios. Contra hunc Pontificem cives Wirzburgenſes exemplo progenitorum ſuorum erexerunt cornua, & ſervitutem, quam ad apparatus bellicum prædeceſſoribus illius exhibuerant, ſubtrahere protervè laborabant. Vicit jure tamen Epiſcopus, & eos imperio ſuo potenter ſubijciens, in omnibus obedire & ſervire coëgit.

Eodem anno Matthias Archiepiſcopus Moguntinus Generalem Synodum Abbatum, Prælatorum, & Sacerdotum ſuorum celebravit, in qua plura pro reformatione ſtatûs Clericalis ſatis providè conſtituit. Sed nullus aut modicus profectus ſecutus eſt, propterea quòd & ipſe brevi poſteâ obiit, & Clerum per totam Dioceſim graviffima tribulatio propter à Papâ datum ſucceſſorem præoccupavit.

Philippus  
Rex ſit Gal-  
lorum an-  
nis XXIII.

Hoc ipſo quoque anno mortuus eſt Carolus Rex Gallorum, & qui ſummis conatibus ad Romanum aſpirabat Imperium, & vitam & Regnum proprium amiſit. Poſt quem regnavit annis tribus & viginti Philippus trium præcedentium Regum frater patruelis, qui Viennenſem principatum mediante pecuniâ comparavit, & alterâ vice pugnans cum Angliſ, multis ſuorum interemptis, ſuperatus fuit.

MCCCXXVII.



MCCCXXVIII.

Anno Sigismundi Abbatis undecimo, Ludovicus Rex in principio mensis Januarij Romam cum suorum magno exercitu intravit, qui à Romanis cunctistam Laicis, quàm Clericis magno cum honore susceptus est, & singulari pompâ solemniter introductus. Scripserat antea Papæ Joanni xxv. in Avenione commoranti, rogans, quatenus aut ipse Romam veniret personaliter, aut mitteret ex cætu Cardinalium duos, qui coronationis ejus juxta morem implerent officium. Sed Papa nec Romam venire personaliter voluit, nec aliquem ex Cardinalibus misit.

Rex Ludovicus Romam ingreditur.

Rex igitur Ludovicus jussu Cleri & petitione totius populi septimâ decimâ die mensis Januarij Romæ apud S. Joannem Lateranensem, ministerio Stephani de Columna Episcopi sine voluntate Papæ, unâ cum uxore Imperator coronatus fuit, anno videlicet Regni sui Germanici tertio decimo, & facta est lætitia magna in populo.

Rex Ludovicus ab uno Episcopo coronam Imperij suscepit.

Coronatus Imperator concilium Romanum solemne habuit, cum quibus de abrogando Joanne Pontifice tractavit. *Si Roma est*, inquit, *ubi Papa, nostri jam erit officij providere, ut ubi est Roma, sit & Papa.* Consensu itaque omnium Romanorum tam Cleri quàm populi coadunato in unam perniciosi schismatis sententiam, Joannem Papam xxii. hæreticum, atque schismaticum pronuntiantes, temeritate propriâ ab omni Pontificatus honore dejecerunt.

Deinde Ordinis minorum fratrem quendam nomine Petrum de Corbaria cætus ille malignantium in Antipapam constituit, quem Nicolaum v. appellavit, hominem satis doctum, & ad gerendas res arduas multum idoneum, & forsitan Ecclesiæ non inutilem, si per ostium intrare potuisset, qui vix unius anni spatio Summi Pontificis nomine inaniter gloriatus, à Pisani Joanni Papæ traditur, & abjuratâ hæresi perpetuis carceribus ab eodem deputatur. Creatus autem in Antipapam Petrus, à Ludovico Rege cunctisque Romanis ut verus Christi Vicarius, & S. Petri successor cum summo honore suscipitur, & fidelis obedientium subjectio ab omnibus juratur. Rex autem Ludovicus, qui prius inunctus & coronatus ad Imperium fuit ab Episcopo, rursus coronatur ab idolo, & qui à legitimo Christi Vicario in Avenione sublimari noluit, Antipapæ, quem in scandalum Ecclesiæ perniciosum creaverat, Romæ se submittit. Rege Ludovico diutius Romæ existente, uxor ejus filium peperit, quem genitor propterea quod Romæ natus esset, Ludovicum Romanum appellavit.

Rex Ludovicus contra verum Pontificem Antipapam erexit.

Regi Ludovico filius Romæ nascitur Ludovicus.

Anno prænotato Collegium Clericorum, quod eatenus fuit in Büttelsbach, per Eberardum Comitem de Wirtenberg ad Stutgardiam translatus Joanne Papa xxii. annuente & consentiente, cujus translationis causa fuit; Anno namque Henrici Abbatis decimo, Nativitatis verò Dominicæ mcccix. ut supra diximus, Rege mandante Henrico nobiles & cives regni per universam Sueviam in unum coacti magnum pugnatorum exercitum contra memoratum Comitem Eberardum Regno & Imperio à multis annis rebellem, produxerunt, & multis eum incommodis affligerunt, qui cum tantæ multitudini finaliter non posset resistere, ad Marchionem de Baden, qui tunc morabatur in Besekeim, fugam coactus est ire. Eo autem latente post fugam, regni exercitus omnem terram ejus per vagando

Eberardi Comitis de Wirtenberg memorantur bella.

pervagando vaſtavit, & multa ejus oppida, caſtella & villas funditus deſtruens in magna crudelitate furoris ſolo coæquavit. Venientes autem ad Büttelpach, ubi tunc erat Sacerdotale Collegium, & inſignis Eccleſia, in qua Comitum de Wirtemberg antiquâ conſuetudine fuit ſepultura, Dei reverentiæ & honoris immemores caſtrum cum oppido & templo profanantes deſtruxerunt; & in contemptum memorati Comitum Eberardi ſepulchra mortuorum effringentes Comitum oſſa foris projecerunt, lapides omnes confringentes: ab illo tempore per annos ferme decem & octo manſit Eccleſia in deſolatione illa.

Collegium  
Sacerdota-  
le à Büttel-  
ſpach ad  
Stutgardiam  
transferitur  
anno 1328.

Anno autem Sigismundi prænotato ſupradictus Comes Eberardus jam pacem conſecutus, Joannem Papam xxii. in Avenione commorantem perſonaliter acceſſit, & transferendi collegium à Büttelpach in Stutgardiam ab eo conſenſum impetravit; conſenſu verò Apoſtolico impetrato Collegium Sacerdotale ad Stutgardiam anno præſcripto tranſtulit cum omnibus bonis, privilegijs, & Juribus ſuis in Eccleſiam novam, quam antea magnis ſumptibus ibidem præparavit.

Eberhardus  
Comes  
de Wirten-  
berg obiit  
Udalricus  
filius ſuc-  
ceſſit.

Eodem anno ſupradictus Comes Eberardus, poſteaquam Collegium de Büttelpach tranſtulerat in Stutgardiam, Domino vocante in die S. Bonifacij Archiepiſcopi & ſociorum ejus Martyrum, vitâ deſunctus eſt, & in Eccleſia quam conſtruxerat ſepultus, filium relinquens nomine Udalricum, qui Patri ſtatim ſuccedens in Principatu annis decem Comitatum ſuum gubernavit, vel ut alij ſcribunt, annis ſedecim.

Anno Sigismundi prænotato decimâ die menſis Septembris, obiit Matthias ex Monacho Ordinis S. Benedicti Archiepiſcopus Moguntinus, in majore Eccleſia ſepultus. Quo mortuo Baldevvinus Archiepiſcopus Trevirorum ad instantiam Canonicorum Eccleſiam Moguntinam, adminiſtratorio nomine per triennium gubernavit de voluntate & conſenſu Joannis Papæ xxii. eo tempore in Avenione reſidentis.

Caſtrum  
Altvillæ  
juxta Rhe-  
num à Bal-  
devvino  
conſtrui-  
tur.

Magna fuit his temporibus inter Clerum & cives Moguntinos pro libertate diſſenſio, illis jura & privilegia ſua defendentibus, iſtis autem cuncta violare volentibus. Quæ quidem diſſenſio Canonicorum animos movit, ut Baldevvinum Adminiſtratorem aſſumerent, quem cum virum prudentem, magnanimum, & amicum Regum ac Principum ſcirent, per induſtriam ejus civium poſſe humiliari ſuperbiam non fruſtra ſperabant. Qui mox adminiſtratione ſuſceptâ, contra Moguntinos plura tentavit, & valde in brevi eorum humiliavit ſuperbiam. Eo tempore Clerus per civium tyrannidem de Moguntia pulſus, in Rhenaugia & alibi exulabat. Baldevvinus ergo ad reprimendum incurſum Moguntinorum, ne ſe diſfunderent in Rhenaugiam Eccleſiæ ab antiquo ſemper fidelem, ubi Clerus, ſicut dictum eſt, in ſuis poſſeſſionibus degebat, villam, quæ nuncupatur alta, vulgariter Altvill, juxta Rheni litus à ſuperiore ad Rhenaugiam introitum, muro in circuitu præmunivit, & caſtellum in ea pulchrum cum fortiffima turri ad Rheni fluentia conſtruire cepit, quæ omnia Henricus ex Comitibus de Virneburg Archiepiſcopus Moguntinus poſtea conſummavit, cujus inſignia lapidi inſculpta in memoratæ turris pariete vidimus expreſſa, ſed ante annos fermè undecim, ſi bene memini, Bertholdus Archiepiſcopus cum eandem faceret dealbari turrim, inſignia Henrici fundatoris memorati depoſuit, & ſua repoſuit in locum, quod factum



factum sicut jure multis displicuit, ita non satis pij animi in mortuum indicium fuit. Nec multò postea cives Moguntini obsidionem urbis à Baldevvino metuentes, consilio inter se malè habito, armati civitatem, egressi, primò Cœnobium S. Albani, tunc Ordinis S. Benedicti, cum insigni Ecclesia funditus destruxerunt, paucis domibus duntaxat pro Monachorum habitatione dimissis: Ecclesiam deinde Cœnobij S. Jacobi Apostoli in monte specioso juxta Pyramidem Drusi præ civitate, simili furore destruxerunt, cum omnibus pene domibus paucis exceptis: postea Collegiatam S. Victoris Ecclesiam, unà cum domibus Canoniconum fortissimis funditus everterunt: castellum quoque in suburbanis Wisenach à fundamentis subverterunt in odium Cleri, & custodiam sui, timentes, quòd Baldevvinus, qui pro Clero stabat Ecclesiæ, præsidia sua in eisdem Monasterijs locaret. Pro qua temeritate pessima dictorum Monasteriorum Abbates atque Prælati cives Moguntinos postea citari fecerunt ad Judicium camerae Imperialis, quæ tunc servabatur apud Franckenfurt oppidum regalis electionis, in qua dictante justitiâ cives, ut impij temeratores Jurium, libertatum, & privilegiorum Ecclesiæ læsis ad satisfactionem in magna pecuniarum summa fuerunt condemnati.

Moguntin.  
cives quas-  
dam Eccle-  
sias de-  
struunt.

Ab illo tempore usque ad excidium urbis Moguntinæ, quod anno nativitatis meæ primo accidit, ut suo dicetur loco, suas divinâ Justitiâ vindicante injurias, bona semper fortuna Moguntinis civibus exitit contraria, qui quotidie in deterius proficientes, tandem usque adeò aeris alieni gravaminibus sunt oppressi, & in nihilum redacti, quòd omnium in circuitu civitatum & subsidium & amicitiam perdididerunt, & seditione subortâ postremò civitatem, Dominium & Magistratum amittentes aut mori, aut exulare coacti sunt.

Deo San-  
ctorum  
vindicante  
injuriarum  
Moguntini  
extermina-  
ti sunt.

Cujus rei hodie simile videmus in Erpfordianis, qui nostris diebus ex Monasterio Monialium S. Cyriaci Martyris extra muros oppidi Erpfordiani in monte positi castrum de consensu Rom. Pontificis fecerunt, & novo in suburbanis Monasterio constructo Moniales in ipsum cum omnibus censibus, privilegijs ac libertatibus, quas prius habuerant, sine earum damnis etiam ipsis consentientibus transtulerunt, & nihilominus quantum displicuerit Deo locum sibi dedicatum semel in usum transferre humanum, poena ultionis, quam ab illo tempore usque in diem præsentem experiuntur, ostendit; nam in ultimam desolationem acti, simile Moguntinis quotidie timent excidium, de quibus suo loco dicemus reliqua.

Erpfordia.  
nos pro mi-  
nore culpa  
similis op-  
primit ca-  
lamitas.

Anno prænotato mortuus est Emicho Spirensis Episcopus, cui promotione Joannis Papæ xxii. in Pontificatu successit Bertholdus de Buchek. Ordinis Hospitalis B. Mariæ semper Virginis Teutonicorum, qui uno duntaxat præfuit anno: postea per eundem Papam transfertur ad Argentinam.

Bertholdus  
fit Episco-  
pus Spiren-  
sis contra  
Berengerum.

Et notandum pro declaratione dictorum simul & dicendorum ratione Ecclesiæ Moguntinæ, quòd Matthiâ Archiepiscopo mortuo Clerus elegerat sibi Pontificem quendam Canonicum nomine Gerlacum, contra quem Joannes Papa xxii. Henrico de Virneburg æquè Canonico de Archiepiscopatu Moguntino providit, qui veniens ad Moguntiam à Clero refutatus est, & ad Sedem Apostolicam appellatum. Continuum itaque per triennium contentio Cleri coram Papa fuit contra Henricum, Clericis

Contentio  
duorum  
pro Archie-  
piscopatu  
Mogunt.



multis in eum scelera jaculantibus. Verùm ne interim Ecclesia Moguntina pastoris destituta solatio, dentibus patesceret impiorum, Papa memoratus ad instantiam Canonorum Baldevvinum Trevirorum administratorem Archiepiscopatus Moguntini constituit, quousque finem contentio susciiperet, quod anno Sigismundi xiv. contigit.

Bellum  
sedecim  
Comitum  
contra Du-  
cem Bra-  
bantiz.

Anno item Domini præscripto, sedecim Comites cum nobilibus suis contra Joannem Brabantie Ducem in unum conspirantes exercitum inter duo villagia Vexhe videlicet, ac Landen ad prælium convenerunt. Inito certamine diu pugnatum est ambiguo Marte, & plures ab utraque parte ceciderunt. Postremò tamen Rex Gallorum Philippus vices suas interposuit, & pacem reformavit: fuerunt in eo bello ex nostris terris superioribus præsentibus, Joannes Comes de Spanheim cum ducentis equitibus, Comes de Kazenelenbogen cum totidem equitibus, Comes de Falckenburg cum centum equitibus, Comes quoque de Hoenfels cum centum viginti equitibus, & Henricus de Bolandia cum sexaginta equitibus, aliorum nomina Comitum scribere causam non habemus.

#### MCCCXXIX.

Anno Sigismundi Abbatis xii. Ludovicus Rex ab urbe Roma discessurus, juramento mediante Romanis promisit, quòd in anno sequente denuò velit in Italiam cum exercitu redire, ad cujus rei sollicitandum effectum, Romani duos ex senatoribus venerabiles viros lateri Regis adjunxerunt, qui cum eo in Germaniam venientes à suo proposito abierunt.

Antipapa  
Nicolaus à  
Ludovico  
Cæsare Pi-  
sanis com-  
mendatur.

Ludovicus Imperator novus à Roma digressus Nicolaum Antipapam suum Romanis non audebat confidere, sed veniens cum eo Pisas ibidem jussit manere, donec ipse rediret in Italiam. Pisani ad instantiam Cæsaris obedientiam & fidelitatem Nicolao contra Joannem promiserunt, & quòd eum fideliter tuerentur ab omni molestatione adversariorum juramento confirmârunt. Ludovico autem in Germaniam reverso Pisani commendatum sibi Nicolaum ad Joannem Papam in Avenionem miserunt, qui suum compulsus fateri reatum, veniam petijt, & ad perpetuum carcerem positus vix triennio supervixit.

Galeazius  
Vice-Com-  
es Medio-  
lani à Lu-  
dovico in-  
stituitur.

A Pisas Imperator Mediolanum veniens, rebus salubriter ordinandis per Longobardiam animum intendit, obierat enim paulò ante Massæus Vice-Comes Mediolanensis, in cujus locum Rex Ludovicus Galeazium ejus filium Joanni Papæ inimicissimum Vice-Comitem constituit. Quod factum Pontifici memorato ultra modum displicuit, & propterea novos in Ludovicum processus fulminavit: priùs illum ut diximus tanquam fautorem & defensorem hæreticorum & schismaticorum excommunicaverat, quoniam & Fratres quosdam Ordinis Minorum damnatos à Papa suscepit, & Vice-Comitibus ab illo excommunicatis auxilium impendit. Nunc autem graviores in eum censuras fulminat, quem excessisse tripliciter constat. Primò quia coronam Imperij, contempto Romano Pontifice, à simplici suscepit Episcopo, quod non licuit. Secundò quia verum Christi Vicarium totis viribus persecutus, Idolum perniciosi Schismatis erexit. Tertiò quòd Jura & Administrationem Romani Imperij sine Consensu Pontificis sibi usurpavit.

Iterum Jo-  
hannes xxi.  
censuras in  
Ludovicū  
fulminat.

Censuras igitur Papa in Regem Ludovicum de novo multiplices aggravat, & eas publicari per totam Germaniam sub pœnis terribilibus mandar.



mandat. Sed cum severitatem Ludovici omnes metuerent, & nemo Papæ censuras contra illum denunciare præsumeret, soli Fratres quidam Ordinis S. Dominici Spirenses maximè & Francofurtenses fortiter se murum pro domo domini statuerunt, & processus Papæ omnes contra Ludovicum Regem intrepidâ constantiâ in diversis locis iterum atque iterum publicârunt, non sine periculo & multis contumelijs.

Fratres S.  
Dominici  
fortiter ste-  
terunt pro  
domo Do-  
mini.

Anno prænotato mortuus est Cuno de Schöneck Ecclesiæ Wormatiensis Episcopus in Cathedrali Basilica sepultus. Post cujus obitum fuit in electione dissensio gravis subsequuta, propter quam duo in Avenione coram Papa de Pontificatu contendebant, Gerlacus videlicet Schenk de Erpach, & quidam, cujus nomen non occurrit. Unde Papa Joannes contentione istâ durante Baldevvinum Archiepiscopum Trevirorum Administratorem Ecclesiæ Wormatiensis constituit, & omnem ei totius Diocesis curam & dispositionem tam in spiritualibus, quàm in temporalibus commisit. Eodem anno Berchtoldus de Buchek ex ordine Teutonicorum Spirensis Episcopus mandato Joannis Papæ xxii. ad Ecclesiæ Argentinæ tunc vacantis Pontificatum translatus est, vacante Spirâ in annum sequentem.

Interea Baldevvinus Trevirorum Archiepiscopus duarum jam antea Ecclesiarum Episcopatum Moguntinæ ac Wormatiensis Administrator, etiam hujus Ecclesiæ Spirensis administrationem Fratrum postulatione, & mandato Papæ suscepit. Res admodum stupenda, ut unus homo simul & semel apud Germanos quatuor Episcopatus gubernare aut deberet, aut posset. Sederat iste homo singularis, qui non minus arte, quàm naturâ ad magna fuit dispositus.

Baldewin⁹  
quatuor  
Episcopa-  
tum gu-  
bernator.

Anno etiam prænotato Joannes Papa xxii. in Avenione consistens, Petrum de Murrone Cœlestinum quondam Papam v. quem Bonifacius Papa viii. post resignationem Pontificatus custodiæ mancipaverat usque ad mortem, propter crebra ejus miracula Sanctorum Catalogo inscripsit.

Petrus de  
Murrone  
qui & Cœ-  
lestinus Pa-  
pa v. cano-  
nizatur.

Eodem anno Pisani cives, qui post mortem Castrutij in subjectionem Imperatoris Ludovici juraverant, veteri more gentis Italiæ, Germanis nescientes servare fidem, ipso Cæsare in Germaniam reverso, mox Bonifacium quendam in Capitaneum erexerunt, & libertatem sibi rebellionem vendicant, qui ut Papæ Joannis xxii. consequerentur gratiam & favorem, Antipapam Nicolaum suæ fidei commissum in Avenione Pontifici memorato destinârunt, ut paulò antè diximus.

MCCCXXX.

Anno Sigismundi Abbatis xiii. Walramus filius comitis Mosellani de Veldenz. promotione Baldevvini Archiepiscopi Trevirorum factus est Episcopus Spirensis Ecclesiæ, & præfuit in ea fermè sex annis, vir bonus & honestus.

Walramus  
filius Co-  
mitis de  
Veldenz fuit  
Episcopus  
Spirensis.

Eodem anno Baldevvino administrationem Ecclesiæ Wormatiensis resignante, Gerlacus Schenk de Erpach Pontificatum obtinuit, & duobus annis præsedet. Fuerunt qui scriberent, illum neque per electionem vocatum, neque à Papa provisum, neque confirmatum præfatam biennio occupasse Ecclesiam, & inutiliter præfuisse. Sed de his firmam dare sententiam sicuti certè non possumus, ita temere non debemus; ab eo siquidem tempore, quo scribere gesta & successiones Pontificum Germaniæ Monachi & claustrales desierunt, mancarn necessariò canonici pene

Y 2

omnium

omnium Ecclesiarum Cathedralium suarum rerum, aut nullam legunt historiam.

Henricus  
Busman de  
Virneburg  
fit Archie-  
piscopus  
Mogunti-  
nus.

Anno prænotato post longam contentionem inter Henricum de Virneburg cognomento Busman, & Clerum Moguntinum coram Papa Joanne prænominato apud Avenionem ut supra diximus habitam, Henricustandem per sententiam obtinuit, & mandato ipsius Papæ in Archiepiscopum consecratus fuit. Deinde comitantibus duobus Legatis Apostolicis, venit ad Moguntiam, & ut verus ac legitimus Ecclesiæ Moguntinæ Præsul postulat intromitti; scripserat enim Papa Baldevvino Trevirorum Archiepiscopo, mandans, ut administrationi cederet, & omnia Episcopalia Henrico resignaret: Clero etiam & populo præcipit, quatenus destinatum sibi Archiepiscopum reverenter & cum honore susciperent, & in cunctis illi fideliter obedirent. Qui ubi mandatis Apostolicis non possent resistere, coacti sunt obedire. Veruntamen civitatem Henricus sub conditione citius exeundi propter discordiam intrare permixsus, aliquandiu in Rhenigauia commoratus est.

Henricus verò in Archiepiscopum sublimatus præfuit annis sedecim, & postea per Rom. Pontificem Clementem sextum deponitur, quoniam & Apostolicæ Sedi rebellis extitit; & Ludovico Imperatori excommunicato, pertinaciter adhæsit. Iste Henricus castrum in Alta villa juxta Rhenum, quod Baldevvinus inchoaverat, ad plenum consummavit, & cum civibus Moguntinis tandem concors extitit.

Comitatus  
Palatinus  
Rheni inter  
filios Ru-  
dolphi di-  
viditur.

His temporibus Ludovicus Imperator vocans ad se filios fratris sui Rudolphi, quem cum Friderico Duce Austriæ sentientem de Patria in Angliam fugere, ut supra diximus, compulerat, in præsentia quorundam principum Regni paternam inter eos distribuit hæreditatem; fuerunt autem eorum tres. Rudolphus primogenitus homo parum astutus, uxorem habuit sororem Regis Ungariæ Ludovici, de qua genuit unicam filiam nomine Margaretam, quæ nupsit Carolo Regi Bohemiæ postea Imperatori. Huic Rudolpho Ducatus Patris sui cessit in Bavaria, cum omnibus ad eum pertinentibus, quæ genitor ibi habuit. Rupertus secundo-genitus quædam paterni principatus in partibus Rheni accepit, oppidum videlicet Neapolitanum, vulgariter Neustatt appellamus in Diocesi Spirensi, cum pertinentibus ad illud. Iste Rupertus Ecclesiam in eodem oppido pulchram rubro tabulato lapideo, novamque à fundamentis construxit, & duodecim in ea præbendas erigens magnificè dotavit, & multa bona fecit. Gymnasium quoque Universale in oppido Heidelberg Wormatiensis Diocesis auctoritate Apostolicâ instituit; quod multis privilegijs & proventibus cumulavit. Qui tandem sine liberis moriens antechorum in Ecclesia Neapolitana, quam ipse, ut diximus, fundaverat, cum honore sepultus est, quemadmodum suo inferius loco plenius dicitur. Omnis autem possessio ejus ad juniorem fratrem comitem Palatinum Rheni, de quo jam sine medio dicemus, reversa est.

Universitas  
Heidelber-  
gensis fun-  
datur.

Adolphus ultimò genitus Rudolphi Comitæ supradiçti, oppidum Heidelberg & Palatij Rheni Comitatum cum Electorali dignitate in possessionem accepit, Ludovico patruo sic disponente, propterea, quòd in agendis rebus, atque negotijs Principatûs ceteris fratribus magis esset idoneus. Uxorem habuit filiam Comitæ de Ottingen Bavari, de qua genuit



genuit Rupertum comitem Palatinum, per quem continuatur genealogia eorundem Principum, ut in sequentibus per Ordinem dicemus.

MCCCXXI.

Anno Sigismundi Abbatis xiv. Baldevvinus Archiepiscopus Trevirorum, vir sempiternâ memoriâ dignus, divino Spiritu inspiratus, Capellam Divi Martyris Albani cum horto pulcherrimo adjacente extra muros Trevirorum urbis, precibus & pretio ab Abbate & Monasterio S. Apostoli Matthiæ comparavit, & Carthusianæ Religionis Cœnobium in eo construere cœpit; quod in novem annis perficiens magnificè dotavit: & anno Sigismundi Abbatis Hirsaugiensis ultimò Ecclesiam ejusdem Monasterij consecravit. His etiam temporibus sæpe memoratus Pontifex Baldevvinus, apud Confluentiam pontem lapideum satis fortem & pretiosum super Mosellam fluvium à fundamentis novum construxit, multis & gravibus impensis, ut hodie videtur. Consummato tandem opere sanctione perpetuâ constituit, omnes Trevirensis Diœceseos indigenas, transitum habere debere per pontem liberum; alienigena verò quilibet per eum transiturus, Religiosis, Clericis, & mendicantibus duntaxat exceptis, unius oboli, quorum duodecim faciunt nummum, do natione transirent.

Carthusia  
apud Trevi-  
rim funda-  
tur per Bal-  
devinum  
Archiepisc.

Pons lapi-  
deus apud  
Confluen-  
tiam ab  
Archiepisc.  
construi-  
tur.

Anno prænotato Joannes ex Duce Luzenburgenſi Bohemiæ Rex magno suorum adunato exercitu, jussione Imperatoris Ludovici Longobardiam ingreditur, Galeatio Vice-Comiti laturus auxilium, contra rebellionem quarundam civitatum, quæ post Imperatoris ad Germaniam regressum sese in libertatem vindicare meditabantur, occiso vel expulso præsidio Imperiali. Rex autem Bohemiæ pro Imperatore bellum acturus, in brevi rebelles graviter afflixit, Brixiam, Bergomum, Lucam, Parmam, Regium, Mutinam, & plures alias civitates, oppida & castella capiens rebellium, suæ ditioni nomine Cæsaris potenter subjugavit, auctores verò & capita rebellionis quotquot invenire potuit, laqueo suspendit.

Joannes  
Bohemiæ  
Rex Longo-  
bardos  
rebelles  
domuit.

Eodem quoque anno facta est dissensio gravis inter Henricum, Bavariæ Ducem cognomento Probum, & Ottonem ejus fratrem, cum Henrico juniore filio Ottonis quondam Ungariæ Regis, de quo dictum est anno Henrici Abbatis ii. pro quibusdam terminis & oppidis Ducatus Bavariæ inferioris. Ludovicus verò Imperator pro Ducibus Ottone & Henrico juniore pugnaturus, contra Henricum Probum, vocatis in auxilium Ungaris magnum parabat exercitum, delevissetque illum penitus, nisi bono fuisset consilio præventus. Joannes namque Rex Bohemiæ cum audisset Imperatorem expeditionem præparare in Henricum Bavariæ Ducem, cujus ipse socer erat, vices suas interposuit, & concordiam inter dissidentes reformari ut sequitur impetravit.

Ludovicus ergo Imperator ad instantiam Joannis Bohemiæ Regis memoratos Duces Bavariæ circa festum S. Bartholomæi ad Ratisbonam convocavit, ubi in præsentia quorundam Principum regni talem inter eos divisionem fecit. Henricus Dux senior cognomento Probus, in ea divisione sequentia oppida & castella cum suis pertinentiis in portionem hereditatis legitimam accepit, videlicet, Landshutam, Straubingen, Scherdingen, cum alijs ad ea pertinentibus. Ejus fratri Duci Ottoni

Divisio fit  
Ducatus  
Bavariæ  
inter Duces.

distributio contulit Burghauſen, Oettingen, Draunſtein, Halle cum reliquis uſque ad Salzburgenſium alpes ad ea jure ſpectantibus.

Henricus autem junior in ſuam portionem accepit, Dingelfingen, Landavve, Vilshofen, Dekendorff, Cambur, Kelheim, cum alijs ſibi deputatis. Verum hæc diviſio non ſatis placuit ſeniori Henrico, unde non diu poſtea terminos memoratæ diviſionis temerè tranſgrediens, cum Imperatoris monita contemneret, ejus in ſe animum graviter oſtendit iratum; contractis igitur copijs Ducatum Henrici Ludovicus ut hoſtis ingreditur, & per duos meſes Straubingen durâ ſatis obſidione vallatur; iterum Bohemiæ Rex Joannes vices ſuas interpoſuit, & Ducem ad obedientiam Cæſaris revocavit.

Petrus de  
Lutra inter  
ſcriptores  
unus.

Claruit his temporibus inter Germaniæ Doctores non ultimus Petrus de Lutra Præmonſtratenſis Ordinis, qui ſcripſit inter cætera ingenij ſui opuscula ſuper ſententias libb. iv. In Evangelium Joannis lib. i. Ad Baldevvinum Archiepiſcopum de prærogativa Trevirenſis Eccleſiæ lib. i. De Romani Pontificis eminentia inſigne opus, quòd Candelabrum ſeptenarium prænotavit libb. iii. Contra Michaëlem de Cæſena & ejus ſequaces, Romanum Pontificem contemnentes lib. i. De forma & modo nuptiarum lib. i. De Columnis myſticis ad Cardinalem de Columna lib. i. De Sacramento Altaris lib. i. Epiſtolas quoque plures ad diverſos, ſermoneſque & varia ſynthemata lucubravir. Lupoldus de Babenberg Bambergendiſ Eccleſiæ Canonicus, Joannis Andreæ in utròque Jure quondam auditor his etiam temporibus magno in pretio fuit. Qui ſcripſit inter alia commendabile opus de Zelo & fervore Chriſtianæ fidei, antiquorum Germaniæ Principum lib. i. De juribus & translatione Romani Imperij ad Baldevvinum Trevirorum Archiepiſcopum lib. i. De cæteris ejus lucubrationibus nihil vidimus. Claruerunt & alij complures viri doctiſſimi his temporibus in Germania noſtra excellentes ingenio & doctrinâ, qui multa & varia ſynthemata ſcripſerunt. Petrus videlicet de Saxonia Ordinis minorum. Conradus Saxo ejuſdem Ordinis. Alanus de Inſulis Flandriæ, Joannes Danck Saxo aſtronomus, Sibertus de Beka Carmelitanus Joannes de Blumendall, Simon de Spira ejuſdem Ordinis, Ludolphus in Argentina Carthuſienſis. Joannes de Gandersleben Francus aſtronomus & mathematicus ſubtilis valde, & alij multi de quibus alibi ſcripſimus.

Lupoldus  
de Baben-  
berg Juriſta  
ſcriptor, &  
alij.

#### MCCCXXXII.

Anno Sigifmundi Abbatis quintodecimo in civitate Argentinenſi graviffima inter Senatores & plebeios ſeditio magnam regiminis alterationem intulit, & reipublicæ mutationem. Ab annis namque multis Domini & rectores civitatis memoratæ ſoli admittebantur nobiles, humilium verò nullus quicquam auctoritatis habebat. Infirmiores autem nobilium poteſtate nimia oppreſſi tandem in rebellionem conſpirant, & collectis indignatione viribus, tota ſe communitas Urbanorum contra rectorum tyrannidem oppoſuit. Magnus in civitate furentium atque ſavientium populorum tumultus oritur, ad pœnam nobiles confuſis vocibus poſtulantur. Senatores urbis ad pacis tranquillitatem cupientes revocare furentes, cum non poſſent, dimiſſâ civitate conſilio in proxima ſeſe caſtella receperunt. Exiſtimaverant enim, quòd poteſtatis ab urbe

Argentina  
inter Sena-  
tum & ci-  
ves magna  
ſeditio.

abſentia,

absentia, tumultuantis populi animos facilius & citius sedare debuisset; sed aliter quàm speraverant res progressum accepit, ut enim de urbe nobiles recesserunt, cives audaci consilio usi, portas civitatis omnes clausurunt, publico statuentes edicto, quòd illorum nulli de cætero, qui temere urbem exierant, in æternum pateret regressus: itaque factum est, ut senatus nobilium, qui humiles urbanos propriâ temeritate deseruit, redire in civitatem amplius non permissus, iustâ ratione perpetuum cogere-  
 tur portare exilium, & qui noluit humilibus in parvo condescendere propriâ se nesciens privaret potestate. Cives in libertatem conspirantes, novum ex se consulatum instituerunt, vetere penitus abrogato, & profus in exilium acto, lege decernentes firmissimâ, quòd supremus Rector urbis, quem vocant Magistrum, quotannis perpetuò creandus nullâ ingenuitate sanguinis, aut genere notabilis, sed plebeius ignobilis instituatur. Quæ constitutio in consuetudinem versa continuatur apud eos usque in præsentem diem.

Plebs Argentina contra senatum prævaluit.

Anno Sigismundi Abbatis prænotato octavâ decimâ die mensis Decembris obiit Gerlacus Schenck de Erpach Wormatiensis Ecclesiæ Præsul, cui Salmannus de Moguntia oriundus provisione Joannis Papæ xxi. succedens præfuit annis ferme tribus & viginti, qui à Benedicto Papa xii. in Episcopum consecratus fuit. Verum Clerus cum civibus se fortiter opposuerunt, & eum pro Pontifice noluerunt admittere: propter quod Papa commotus civitatem Interdicto supposuit, & plures ex Canonicis maximè de Neuhausen Salamanno rebelles præ cæteris excommunicavit. Salamannus tamen Papâ sibi assistente prævaluit, & in Episcopum à Clero & populo susceptus fuit.

Salmannus fit wormatiensis Episcopus contra voluntatem Cleri.

His temporibus Regnum Turcorum in Asia minore sumpsit exordium, quod interea per annos centum octoginta maximum sui accepit incrementum. Est autem Turcia in Asia minore parvum ab origine Regnum, habens ab oriente Armeniam, à meridie Pamphiliam, ab Aquilone Bythiniam, ab occidente mare Ægeum, & Græciam, illam videlicet Provinciam, ubi magna quondam Troja constituta fuerat. Cujus quidam Regni Turcorum tale memoratur principium. Fuit his temporibus in Turcia homo quidam parvi censûs, & non magnæ reputationis, nomine Ottomannus, religione Saracenus, vir astutus & factiosus, qui duobus de Principatu Turciæ contendentibus, accitis undique viris raptoribus, prædonibus, quibus illa terra multum abundat, sibi totius Turciæ principatum usurpavit, & expulsis vel occisis principibus terræ cunctis, brevi tempore & nomen magnum, & auctoritatem obtinuit regalem. Itaque primus Turcorum iste Rex Ottomannus in Asia minore Principum discordiâ factus regni terminos usurpati multum dilatavit. Post Ottomannum regnavit filius ejus Orchanes super Turcas, qui constituit prælia multa cum finitimis gentibus, & regnum suo tempore multum ampliavit. Quo mortuo Amurates filius ejus regnum Turcorum suscipiens multa sibi violenter attraxit, erat enim vir callidus & infidus. Qui, cum duo Christiani fratres de Imperio contenderent, ab altero, qui superari timebat, in auxilium vocatus, ex Asia venit in Græciam, vidensque ambos viribus fractos, atque defatigatos, arma in eos convertit, & magnam Græciæ partem suo dominio per tyrannidem subjecit. Hic moriens duos filios reliquit

Regni Turcarum in Asia principium.

Ottomannus Rex Turcarum primus.

Orchanes Rex ii.

Amurates Rex iii.



Pactietes  
Rex iv.

Calapinus  
Rex v.

Moyſes  
Rex vi.

Mahume-  
tes Rex 7.

reliquit Solomannum & Pactietem, Solomanno brevi extincto, Regnum Turcorum univerſum ad Pactietem pervenit. Qui priuſquam à Tamerlano caperetur, in Græcia res geſſit magnas, poſtea nihil memoriâ dignum: qui mortuus plures filios reliquit, quorum primus Calapinus regnum obtinuit, & poſteaquam aliquandiu regnaſſet, à Moyſe Patruo ſuo extinctus fuit. Moyſes autem Calapino nequiter perempto regnum Turcarum ſibi uſurpavit, & multo tempore cum tyrannide regnaſet etiam ipſe ſine liberis mortuus eſt, poſt mortem verò Moyſi Mahumetes tertius ex Pactiete filius regnum obtinuit, qui Conſtantinopolim & univerſam penè Græciam, cum Thracia. & regno Boſniæ extinctis multis Chriſtianorum millibus, ſuo imperio violenter ſubjecit. Ante hunc fuerant & alij duo reges Mahumetes & Amurates, de quibus feruntur multa mala Chriſtianis facta tam in Aſia, quàm in Græcia penè tota. Amuratis filius fuit ultimus Mahumetes, cujus filius Pactietes tertius, qui hodie regna ſuper Turcas, Modonam urbem in Morea noſtris temporibus cepit.

MCCCXXXIII.

Cardinalis  
Legatus  
cum tota  
familia ſua  
& latroni-  
bus occidi-  
tur.

Anno Sigifmundi Abbatis xvi. Joannes Papa xxii. Ludovico Rege Portugalliæ rogante Legatum miſit ad regnum ejus quendam Cardinalem pro ſedandis certis diſſenſionibus inter ipſum regem & quosdam Principes regni, qui veniens in regnum pacem & concordiam reformavit, & ex varijs diſpenſationibus & gratijs pecuniam non modicam acquiſivit; quod cognoscentes quidam latrones, in unum coadunati, ejus tranſitum in quodam latiffimo nemore obſervârunt, venientem cum gladijs & ſuſtibus invaſerunt, & tam ipſum, quàm omnes, qui cum eo erant, crudeliter peremerunt, diripientes omnia, ita ut veſtibus ablatis nuda relinquerent cadavera.

Diſſenſio  
duorum ad  
Herbipo-  
lenſem Epi-  
ſcopatum  
electorum.

Eodem anno ultimâ die menſis Junij obiit Wolframus de Grumbach Epifcopus Herbipolenſis & Dux Franciæ Orientalis, & in majori Eccleſia ſepelitur, quo mortuo gravis inter Canonicos in electione diſcordia ſubſecuta eſt; nam una pars cum Ludovico Imperatore ſentiens, ejus Cancellarium Hermannum de Liechtenberg, Spirenſis Eccleſiæ canonicum ſibi Pontificem elegit, alia verò pars & major & conſilio ſanior, quæ Papæ Joannis ruebatur ſententiam, Ottonem Wolfſkele memoratæ Herbipolenſis Eccleſiæ Canonicum, & Archidiaconum ſibi delegit Epifcopum. Cauſa mox ad examen Joannis Papæ xxii. devolvitur, qui tunc ut ſupra dictum eſt, in Avenione oppido Galliæ Curiam Papalem tenebat. Papa itaque modo & formâ electionis ſimul & Zelo eligentium, atque meritis electorum diligenter examinatis, Hermannò de Liechtenberg abrogato per ſententiam Ottonem legitimum Herbipolenſis Eccleſiæ Pontificem pronuntiat, & auctoritate Apoſtolicâ confirmat, anno videlicet prænotato die menſis Decembris ſecundâ, qui tamen anno ſequenti viceſimâ die menſis Julij apud Leodium urbem Lotharingiæ vetuſtiſſimam ſolemni pompâ fuit conſecratus, ſed anno electionis ſuæ tertio ad poſſeſſionem Epifcopatus primùm pervenit, Hermano de Liechtenberg cum Imperatore Ludovico promotioni ejus obnitentibus.

Udalricus  
de Auguſta  
Imperialis  
Aulæ ſcri-  
ba doctiſſi-  
mus.

Claruit hiſ diebus Udalricus de Auguſta Imperatoris Ludovici ſcriba ſecretus, homo in utròque jure peritus, ſed plus æquo Pontifici Romano injurioſus, qui diſcordiarum inter Eccleſiam & Imperium non ul-  
mum



num fomentum extitisse ferebatur; in litteris namque Imperialibus ad Papam scriptis modestiæ normam graviter excedens, bestiam illum de mare ascendente sæpius nuncupavit, & varijs Christi Vicarium injuriosis nominibus nomine Imperatoris appellavit, quanquam hoc ipsum latere Imperatorem plures fuerint, qui dicerent. Hoc autem constat manifestè, quòd Papam injuriosus scriba plurimum irritavit.

Maxima hoc anno in partibus Mosellanis cis-Rhenanis & Franciæ orientalis vini abundantia crevit, ita quòd tempore vindemiarum multis defecerint vasa. Vas alterum vino plenum cum magnis precibus dabatur pro altero vacuo etiam minoris quantitatis, duæ quoque vini mensuræ pro uno vendebantur obulo, quorum duodecim solidum faciunt unum Herbipolensem.

Vini multa  
copia.

Anno prænotato mortuus est Henricus Dux Baviaræ junior filius Ottonis quondam Regis Ungariæ sine liberis, anno ætatis suæ primo atque vicesimo, cujus Principatus Henrico Duci probo, & Ottoni fratri ejus in portionem cecidit.

Anno item præscripto Ludovicus Imperator Conventum Principum regni apud Spiram ad festum S. Bartholomæi magnum indixit, quibus ad diem præfixum convenientibus multa ibi pro comuni hominum pace tractata sunt, & in raptos atque latrones, qui viatoribus insidiabantur, acies ordinatæ. Plura etiam pro sui justificatione contra Joannem Papam Cæsar produxit in medium, quibus auditis & examinatis multi viri doctissimi consenserunt, Papæ sententiam minus justam arbitantes, propterea quòd Papa Petri Sedem mutavit.

Conventus  
Principum  
in Spira fa-  
ctus est  
cum Impe-  
ratoris.

Inter Senatum & cives Wormatienses hoc anno gravis fuit suborta seditio, propter Episcopalia jura & privilegia Canonorum; Senatum enim contra Clerum multa temere dicebatur præsumpsisse, quæ non debuerat, unde gravati Sacerdotes atque Canonici communitatis præsidium invocârunt. Cives autem pauperes de manuum suarum labore viventes haud parum enitebantur pro Clero, maximè propterea, quòd ab illo pro suis artificijs quotidiana suscipere stipendia, unde si urbe Clerus pelleretur, manifestum erat pauperum augeri penuriam, & reverà parum abfuit, senatum Argentinensibus similem subire poenam, nisi quidam maturius negotium pensculantes interpositione amicorum pacem reformassent.

Worma-  
tientium  
civium se-  
ditio gra-  
vis.

#### MCCCXXXI.

Anno Sigismundi Abbatis XVII. mortuus est Henricus Archiepiscopus Colonienfis, non sine multorum gratulatione, quippe qui toto fere Pontificatus sui tempore civibus suis graviter fuit infensus, & Imperatori Ludovico à principio & pluribus annis contrarius, ut in præcedentibus patet. Huic in Archiepiscopatu successit Walramus filius Gerhardi Comitis Juliensis, memoratæ Colonienfis Ecclesiæ Canonicus & Thesaurarius, Leodiensisque Præpositus, vir in utroque jure suo tempore doctissimus, & præfuit annis sedecim, mensibus sex, diebus decem & novem, qui ut bonus pastor utiliter rexit Ecclesiam sibi commissam, in utroque statu, & pacem terræ diligentissimè custodivit.

Walramus  
fit Archie-  
piscopus  
Colonienfis  
annis XVI.

Inter alia pietatis studia Monasterium Ordinis Carthusiensium Monachorum in Colonia construxit, in quo Fratribus Deo servituris perpetua stipendia

Carthusia  
in Colonia  
fundatur  
per Walra-  
mum.

stipendia providit, cujus loci fundum à Monasterio S. Pantaleonis nostri Ordinis ibidem pecuniâ comparavit, alijs similiter Ecclesijs multa bona contribuit.

Adolphus  
Palatinus  
cum sibi  
adhærenti-  
bus contra  
Baldevvi-  
num.

Anno Sigismundi Abbatis prænotato, Adolphus Comes Palatinus Bavariæque Dux, qui morabatur in Heidelberg, Joannes, Simon & Junior Simon Comites de Spanheim, Comes item de Nassavv, Comes Silvestris de Duna, Comes Rheni cum quibusdam alijs Comitibus atque nobilibus se mutuò confœderantes contra Baldevvinum Archiepiscopum Trevirorum & Comitem de Veldenz bellum parabant. Quod mox ut Baldevvino innotuit, contractis copijs terram Comitum de Spanheim sibi viciniorum ingreditur, & omnia devastans, nemine resistente, magnâ populorum clade percussit, castrum Sprendlingen obsedit, cepit, & destruxit, villas incendit, spolia diripuit, populum non peremit, sed fugere compulit, castrum Spanheim postremò fortissimâ obsidione vallavit, in quo tunc erat filia comitis de Falckenburg uxor Simonis Comitum de Spanheim senioris, neptis ipsius Archiepiscopi Baldevvini. Hæc videns imminere periculum, foras cum suis puellis egreditur, & provoluta pedibus Archiepiscopi pacem & misericordiam precatur: ad preces ejus pacem dedit Archiepiscopus Comitibus de Spanheim, & datis cum securitate litteris concordia facta est, & reconciliati ad invicem abierunt. Comes autem Silvestris de Duna, Comitibus de Spanheim conterminus se in quodam castello Velsperg nuncupato continebat, non enim poterat exercitui Pontificis congregari, & focij ad succurrendum ei necdum fuerant præparati. Postea enim quàm audierant, ad Comitatum Spanheimensem tantam Trevirorum convenisse multitudinem, animis dejecti sunt, & omnes retrò abierunt. Baldevvinus audiens Silvestrem comitem, hoc est, den *Bildgrafen* in petra monte latere, castellum obsedit, cepit, ac funditus destruxit, Comitem suis obedire mandatis coëgit, Velsperg autem usque in hanc diem jacet destructum.

Comes Sil-  
vestris ab  
Archiepisc.  
capitur ca-  
strum diffi-  
patur.

Joannes  
Papa xxii.  
obijt.

Anno etiam præscripto in die S. Barbaræ Virginis & Martyris obiit Joannes Papa xxii. in Avenione sepultus. Sunt qui scribant, eum post mortem in thesauris suis tantam reliquisse pecuniam, quantam nullus ante illum inter Romanos Pontifices habuerit unquam. Ut enim totam auri & argenti congeriem unâ comprehendam summâ, quinquies & vicies centum millia Ducatorum in prompta pecunia post se reliquisse scribitur, quæ summa usitatâ supputatione caleulata facit aureorum, Rhenensium vasa, sive thonnas xxxiii. centum millia florenorum auri pro uno vase computando.

Benedictus  
fuit Papa xii.  
ex Mona-  
cho.

Joanni huic Papæ xxii. in Pontificatu successit Benedictus ejus nominis xii. patriâ Tholosanus Professione Monachus Cisterciensis Ordinis sub Regula sanctissimi P. N. Benedicti, cujus in memoriam se Benedictum voluit nuncupari, qui Jacobus antea dicebatur, & præfuit annis septem, mensibus tribus, diebus xvii. vir doctus & rectus in cunctis operibus suis.

Eodem quoque anno xxi. die mensis Julij, Otto Wolfskele anno præterito confirmatus à Joanne Papa xxii. ut supra diximus, Leodij in Ecclesia S. Bartholomæi consecratus fuit in Episcopum Herbipolensem; illo tamen anno ad possessionem impediante Cæsare non pervenit.

MCCCXXXV.



MCCCXXXV.

Anno Sigismundi Abbatis xviii. mortuus est Otto Bavariæ Dux, filius quondam Stephani Ducis, & frater Henrici senioris cognomento Probi sine liberis, de quo supra fecimus mentionem, cujus Ducatus ad fratrem devolutus unam Bavariæ Monarchiam constituit.

Eodem anno Ludovicus Imperator solemnes nuntios misit in Avinionem ad Benedictum Papam xii. postulans restitui Ecclesiæ unitati, contra quam si quidpiam deliquisset, ejus pollicebatur judicio satisfacere & emendare. Papa nuntios Cæsaris honorificè suscepit, benignè audiuit, & libenter eum absolvisset à censuris, nisi Regem Gallorum & quosdam Cardinalium timuisset; Gallus enim faventibus sibi quibusdam Cardinalibus ad Imperium Romanorum aspirabat, & ideo Ludovico Cæsari quantum potuit, adversabatur.

Ludovicus  
Imperator  
Oratores  
pacis misit  
ad Benedi-  
ctum Pa-  
pam.

Anno prænotato novus Ecclesiæ Herbipolensis Præsul Otto Wolfkel apud Leodium, ut jam supra dictum est, ordinatus, cum propter metum Ludovici Cæsaris & insidias Hermannii de Liechtenberg iter tutum ad Herbipolim non haberet, per Coloniam ad Metam, & inde per Westrasiam venit cum paucis in Franciam Orientalem, in castro Rosberg Herbipoli proximo cum suis ad breve tempus recipiens mansionem, deinde trigesima die mensis Augusti Herbipolim ingressus à Civibus, ut est consuetudo, suscipitur, & à Capitulo similiter admissus omnia jura & possessiones totius Episcopatus eidem consignantur; qui ab illo die præfuit Ecclesiæ Herbipolensi annis decem, minus septem diebus.

Otto Episc.  
Herbipol.  
à Capitulo  
suscipitur  
& præfuit  
annis de-  
cem.

Anno præscripto in die Apostolorum Simonis & Judæ ventus magnus & horrendus in partibus Cis-Rhenanis cum turbine subito insonuit, qui domos plures & arbores sine numero subvertit, & infinita mortalibus damna intulit.

Ventus  
horribilis,

Eodem quoque anno per multas Sueviæ villas prope Weil oppidum & circumcirca lupi, quos rabidos seu rabiosos vulgariter *Wehrwölff* appellant, gravissima damna pauperibus intulerunt, non enim pecora solum, sed etiam homines devorabant, & neque capi quolibet ingenio poterant humano, neque canum vel larratu, vel immissione terri. Aliquando unus gradiebatur solus, aliquando duo simul, raro tres, nunquam quatuor aut plures. Tantæ verò agilitatis ferebantur, ut vento incur-sando putarentur velociores. Erat res omnium judicio monstro aut præstigio simillima, quoniam & visibiles erant, & subito quasi spiritus aut phantasmata à conspectibus hominum evanuerunt. Vulgi sententia est, eos lupos de quibus loquimur, transmutatione metamorphoseos ex hominibus fieri *Wehrwölff*: & sunt qui dicant, se observatione curiosâ expertos, quod homini jam propè transformando in lupum, caro prius à spina dorso excresecens in modum caudæ, futuræ metamorphoseos certum præstet indicium: quæ quidem opinio veritatis in se continet nihil aut parum, nisi fiat deceptio sensuum præstigio daemonum, quorum operatione hæc fieri, quoties fiunt, nulli sit dubium; quemadmodum & in his maleficiatis experientia nos fecit certiores, ubi sensus decepti præsentia judicant ablata. Et ego pauperem vidi mendicum quondam in terra Mosellana, cujus spina dorso caudam in extremitate circa posteriora habebat in longitudinem unius ferme digiti excresecntem, cujus

Luporum  
rabies hor-  
renda mul-  
tos homi-  
nes devora-  
vit.

Opinio  
vulgi dera-  
bidis lupis  
quos appel-  
lant *Wehr-  
wölff*.

novitatis ſpectaculum & multi mirabantur, & nemo tunc fortaffis intellexit. Metuebat homo ſe tum futurum lupum, ſicut ex ejus ore audivi, opinione vulgari, ut credo, perterritus. Poſt menſes autem quatuor vel quinque ejusdem inquisitionem cum facerem apud notos, dicebant illum nuſquam comparere, & ſe nescire penitus, quid de illo ſit actum.

Opinio  
Wilhelmi  
Parifiſienſis  
de lupis ra-  
bioſis  
Wehrwolf.

Memini me legiſſe in libro Wilhelmi Pariſienſis de dæmonibus prænotato, quòd maligni ſpiritus nonnunquam lupos ingreſſi poſſideant, quemadmodum in hominibus id fieri ſæpius videmus, quorum furore agitati vertuntur in rabiem, & cooperantis inſtinctu dæmonis mirabilia faciunt, non ſuæ naturæ potentiâ, ſed illius, ut dictum eſt, agilitate malitiæ, à cujus occupatione derinentur. Si qui verò interea homines in lupos ſe putaverint eſſe mutatos, non veritate contigit metamorphoſeos, ſed imaginatione patientis; neque enim difficile eſt dæmonibus, materiâ diſpoſitâ, inducere falſam imaginationem homini malè qualificato, ut vel lupum ſe putet eſſe; vel opera dæmonis per lupum facta ſibi aſcribat. Frequenter etiam noſtris ſcimus compertum temporibus, verſos in rabiem lupos & pueros devorâſſe, & talia patrâſſe, quæ ſine cooperatione dæmonis fieri poſſe nemo vir doctus facilè crediderit. Magna eſt agilitas dæmonum, & plurima poſſunt.

#### MCCCXXXVI.

Fratres S.  
Dominici  
per Impera-  
torem ter-  
tio de Spira  
ſunt expul-  
ſi.

Anno Sigismundi Abbatis Hirſaugienſis xix. Fratres de Ordine S. Dominici, magnâ & ſingulari conſtantiâ contra Ludovicum Imperatorem animati proceſſus Romani Pontificis in eum publicè ac privatim denuntiare & proclamare non ceſſabant, dicentes, eum non ſolum à Romano Pontifice excommunicatum eſſe, ſed hæreticum quoque, ſchiſmaticum, & ab omni Dignitate tam regali, quam Imperiali depoſitum. Unde Ludovico Imperatore irato præcipiente, tertio ex civitate Spirenſi fuerunt expulſi, & de Franckenfurt oppido ſemel. Illi autem nihil territi, quantò pluſtribulabantur ab Imperatore, tantò contra eum fortius & amplius prædicabant.

Benedicti-  
na conſti-  
tutio ad  
reforma-  
tionem no-  
ſtri Ordinis  
editur.

Anno prænotato Benedictus Papa xii. Ordinis noſtri compaſſus ruinæ ac deſolationi, novam pro ejus reformatione conſtitutionem edidit, quam ex ejus nomine Benedictinam appellamus, & incipit: *Summi Ma-  
giſtri dignatio, &c.* In qua quidem conſtitutione Provincialis Capituli celebrationem inprimis ordinat: deinde Provincias totius Chriſtiani-  
tatis diſtinguit, pro ejusdem Capituli continuatione notanter confirman-  
da: poſtea de viſitationibus Monafteriorum ſuam introduxit ſententiam, & poſtremo multa per varias rubricas loquitur ad ipſus ordinis deco-  
rem & reformationem.

Mechlinia  
Brabantia  
nobile op-  
pidum igne  
cæleſti  
comburit-  
ur.

Eodem anno ignis de cælo ut ferebatur decidens in Mechliniam Brabantia oppidum, ipſum pene totum cum Eccleſijs & locis ſacris abſumpſit, paucis valde domibus exceptis: multa hinc damna fuerunt illata mortalibus, & magno homines numero in ultimam ſunt perducti paupertatem & inopiam.

Hoc ipſo quoque anno in die feſto S. Auguſtini Epifcopi mortuus eſt Walramus ex comitibus de Veldenzia Spirenſis Epifcopus, vir bonus, & optimæ converſationis, in Eccleſia Fratrum S. Dominici cum honore ſepultus. Poſt cujus mortem Sedes Epifcopalis vacavit menſibus ferme  
tribus,

tribus, propter mandatum Imperatoris Ludovici, qui tempus Electionis faciendæ prolongavit.

Duobus post obitum Walrami Episcopi mensibus & xxvii. diebus evolutis, in festo S. Catharinæ Virginis & Martyris electus fuit Episcopus in Ecclesia Spirensi Gerardus de Ehrenberg, vir prudens in agendis, & in utrôque jure non mediocriter doctus atque peritus, qui præfuit annis septem atque viginti, mense uno, diebus sex, & in utroque statu laudabiliter rexit Ecclesiam.

Anno præscripto fundata & erecta est nova Præpositura nostri Ordinis in villa Rezbach Herbipolensis Diœcesis de consensu Ottonis Episcopi in honore B. Mariæ semper Virginis, & manet sub ditione Abbatiss de Neustat cum Ecclesia ejusdem villæ parochiali; à pluribus siquidem annis fidelium concursus ad memoriam Intemeratæ Virginis Mariæ in eodem loco factus est, de quorum eleemosynis & Ecclesia fuit constructa, & necessarijs cum tempore provisâ redditibus.

MCCCXXXVII.

Anno Sigismundi Abbatis xx. magna per totam Europam tam peccatorum quàm hominum mortalitas fuit; quam famesis ingens per Germaniam præcipuè & Galliam subsecuta est, & multa millia hominum in ea calamitate miserabiliter perierunt, quorum alios pestilentia devoravit, alios fames & inopia consumpsit; erat enim frumentorum magna ubique caristia.

Eodem anno decimoseptimo die mensis Martij, obiit Wilhelmus Abbas quondam Monasterij mei Spanheimensis, & in choro Fratrum, ante gradus presbyterij sepelitur: post quem Henricus ex Stauroneso, id est, Creüzenach oppido natus fratrum electione succedens præfuit annis duobus mense uno & sex quoque diebus.

Anno etiam prænotato Cometes miræ magnitudinis apparuit, & per menses quatuor duravit, cujus apparitio multos terruit, quibus timor de futuris malis atque periculis in animo fuit, & mira res accidit, quoniam prius quàm iste Cometes esset extinctus, alius in alia cœli parte apparuit, & duobus mensibus duravit, secutæ sunt in Italia factiones & bella, pluræque dominiorum mutationes.

His temporibus cives Herbipolenses more suo inquieti contra Clerum multa iniquè per tyrannidem egerunt, & primò quidem instante undecimâ circa festum videlicet S. Matthæi Apostoli, omnibus Clericis & Religiosis interdixerunt sub maximis comminationibus prohibentes, ne vinum, quod eis creverat vel ex cultura propria, vel ex præbenda Ecclesiæ, ad civitatem introducerent. Hujusrei causâ inter Clerum & cives magnæ contentiones subsecutæ sunt, & pluribus annis duraverunt, donec tandem permittente Deo meritas penas sumpserunt rebelles; nam sicut hodie videmus, in populum Clerus & jure & merito dominatur civibus, à quibus olim per tyrannidem multas suscepit injurias.

Anno præscripto Ludovicus Imperator apud Monachium in Bavaria consistens, Edictum pacis quendam ex militari genere violentem cum famulis quatuor capitum truncatione damnavit. Nomen erat viri Theodoricus Schvvburg, qui pœnam accepturus jam positus in terram genibus Judicem rogavit, quatenus famuli per ordinem ante faciem ejus sta-

Z 3

tuerentur,

Rezbach  
Ordinis no-  
stri Præpo-  
situra in  
Diœcesi  
Herbipol.  
erigitur.

Henricus  
fit Abbas in  
Spanheim  
Ordine  
duodenus.

Cometes  
uno anno  
visi sunt  
duo.

Herbipo-  
lenses per-  
secutores  
Clericorū.

Cujusdam  
militaris  
decapitati  
mirabilis  
historia



tuerentur, & ipſe poſt omnes fieret in ordine ultimus, eſſetque inter ſingulos una diſtantia pedum octo: deinde ei caput in ultimo conſiſtenti ordine amputaretur, & quotquot ſine capite currens ſibi ordine ſervorum faceret poſteriores, Imperiali clementiâ vitâ donarentur. Riſit hominem Judex & reſpondit: *Eſſi mea non ſi poteſtatis damnato concedere vitam, promitto tamen apud Caſarem impetrare quod petis, quos capite amputato tuo currens vel ambulans prætergreſſus fueris.* Quibus auditis Theodoricus lætus efficitur & dixit: *Ita fiat precor, ô Judex, ſicuti locutus es, & ſpero quòd nullus hodie ſervorum meorum morietur.* Dixit, & conſtans animo ſpiritum fortificans in ſemetipſo mucronis ictum ſuſcepit, amputato mox capite, in terram non cecidit tremens, ſed in inſtanti ſurgens cum impetu præter ſingulos cucurrit ſervorum, & ante noviſſimum cecidit. Res ad Caſarem delata & ipſum & plures vertit in ſtuporem, ſervis truncati latronis vita conceditur, fides amorque Domini pro ſuis commendatur.

Germaniæ  
Regnum  
Interdicto  
ſupponitur  
à Papa.

His etiam temporibus Benedictus Papa XII. ad inſtantiam Regis Gallorum & quorundam Cardinalium, nec non & aliorum complurium æmulorum Imperatoris cenſuras in eum priſtinas aggravavit, & Germanici regni terras, maximè per quas ille tranſitum faciebat, & in quibus moram faciebat, Interdicto Eccleſiaſtico ſuppoſuit, & hoc publicari per univerſum regnum præcepit. Miſeriarum tempus & dies tribulationis, in quibus nec boni pacem habere poterant optatam, nec mali correctionem.

Imperator  
Papæ obe-  
dientes per-  
ſequitur.

Quicumque Romano Pontifici obediens Interdictum ſervare voluiſſent, ab Imperatore Ludovico ejuſque fautoribus perſecutionem graviffimam patiebantur. Nullibi erant ſecuri, nullibi tuti, ſed in omni loco periculis tam vitæ, quàm rerum expoſiti: de urbibus & oppidis regni cogebantur exire: domos & poſſeſſiones laici dimittere: Presbyteri verò Eccleſias reſignare: in ſolis Monafterijs quibuſdam procul ab hominum habitatione remotis, vel in nemore conſtitutis pax erat interdum, ſed pacis fiducia nunquam: unde multi tam ex Clero, quàm ex populo viri Deum timentes, & Eccleſiæ fideles, relictis urbibus & oppidis ad Cœnobيا ſecretiora cum rebus ſe contulerunt, quorum alij ad tempus, alij verò uſque ad mortem in ordine permanſerunt; nam quicumque partes Imperatoris Ludovici ſequentes, Pontificis Rom. contempſiſſent cenſuras, quorum & major & maximus erat numerus, horrendis à Papa fulminibus maledicebantur, & publicè denuntiabantur Hæretici, ſchismatici, excommunicati, à Deo maledicti, & cum dæmonibus damnati, ne dicam poſt mortem cruciandi, & erat miſeria tantis non poſſe obviare malis.

#### MCCCXXXVIII.

Quingen-  
teſimus  
Hirſau-  
gienſium  
annus hic  
eſt.

Iſte primus atque viceſimus annus Sigifmundi Abbatis, ab introitu fratrum primo de Fulda in Hirſaugiam quingenteſimus fuit, ſacro perfectionis numero completus, ut clarè patet ſeriem temporum calculanti; in his quidem temporibus quingentorum annorum tranſactis, multa per Abbates, & plura per FF. Hirſaugienſes digna memoratu facta credimus, quorum in hoc opere chronicorum nullam fecimus mentionem, propterea quòd litteris commendata non fuerant, & apud nos penitus manent ſepultra.

Eodè anno Reinhardus primus ex Comite Dux Geldriæ contractis copijs magnum pugnatorum exercitum produxit contra Leodieneſes, habens ſecum  
Adolphum

Adolphum Episcopum Leodiensis Ecclesiæ, quem cives ignominiosè dudum expulerant. Confugerat autem Pontifex memoratus ad ipsum, Ducem cognatum suum, ipsius & consilium imploraturus & auxilium. Interea Duce cum Ludovico Imperatore pro causa Pontificis existente, Leodienses comparato suorum exercitu terram ejus hostili devastant incursu, villas incendunt, pecora abigunt, & omnia depradantur.

Reversus in propria Dux, bellum Leodiensibus intentat, ad congregandum eos provocat, & vindicare susceptam contumeliam summis conatibus affectat. At Leodienses exercitum & numero majorem & fortio-rem, ut putabatur, viribus contrahentes Duci venerunt obviam in campum: sed congressione factâ, plures à paucioribus victi sunt, & qui erant ex parte Ducis Reinhardi, suos adversarios superârunt, de quorum præda Geldrenses locupletati sunt, & magnum de captivorum redemptione commodum acceperunt. Ex illo tempore Geldria crevit, & Dux ejus in omni terra nominatissimus esse capit, suumque Ducatum castellis pluribus constructis haud parum ampliavit. In eo prælio plusquam novem millia ex parte Leodiensium cecidisse memorantur non longè à Trajecto super Mosam.

Bellum inter Ducem Geldriæ & Leodienses prope Maastricht agitur.

Anno etiam prænotato Ludovicus Imperator conventum principum celebravit apud Confluentiam oppidum Archiepiscopi Trevirorum. Ad quem venit propria in persona Eduardus Rex Angliæ multam pecuniam offerens, & majorem ut fieri solet, illi promittens, si venire ac mittere exercitum Angliæ in auxilium contra Regem Gallorum dignaretur. Imperator accepit pecuniam sibi oblatam, & promisit Anglis optatum subsidium, quod tamen non impendit. Rex igitur Eduardus, & pecuniam perdidit, & promissum subsidium non accepit.

Eodem anno gravissima fuit dissensio veteri odio confirmata inter Episcopum Herbipolensem cum suo Clero ex una parte, & cives Peapolitanos ex alia. Contigit autem die quâdam circa meridiem Treugis confirmatis atque durantibus, quod dicturus sum. Capitaneus civium, Lupoldus Kuchenmeister de Nortenberga associatis sibi pro stipendio quibusdam Suevis & Bavaris, sed & Francis nonnullis, oppidum Ecclesiæ memoratæ Oxenfurt nuncupatum, quod tribus ferme ab Herbipoli distat miliaribus, primò intravit cum paucis, nemine quicquam mali suspicante, postea sequentibus multis obtinuit, & præter arcem violenter occupavit. Præerat arci ex parte Ecclesiæ miles quidam Erkengerus de Savvensheim vir audax, & suo Domino fidelis, qui castrum in manu valida defensavit, die igitur mensis Julij, anno prænotato præfatus miles cum paucis Ecclesiæ stipendiariis arcem egressus, oppidanis auxilia ferentibus, hostes de oppido violenter expulit, & ad campestre bellum provocavit, convenerunt & alij ministeriales Ecclesiæ sub vexillo S. Kiliani militantes, & simul cum adversariis inierunt conflictum. Superati sunt hostes, Ecclesia vicit, & multi ex Suevis Bavarisque abducuntur captivi, & in servitium Herbipolensis Ecclesiæ perpetuum jurare compulsi, & se & sua eidem subjecerunt.

Ochsenfurt oppidum Ecclesiæ Herbipol. infidiosè captum est.

Bellum inter Ecclesiam Herbipolensem, & soldados civium.

Anno etiam præscripto Ludovicus Imperator edictum statuit, & per totum Germaniæ regnum publicari mandavit in cunctis urbibus, oppidis, castellis & villis, ut omnes & singuli cujuscunque status vel conditionis,

qui

Edictum Ludovici Cæsaris impium contra obedientiam Ecclesiæ.

qui pro reverentia & honore Rom. Pontificis interdictum ſervarent, de locis & beneficijs ſuis expellerentur, conſiſcatique eorum bonis in Galliam ire cogerentur. Hoc autem crudele Chriſtianæque fidei penitus contrarium edictum, in multis locis publicè fuit denuntiatur, non ſine injuria Dei, & animarum periculo graviffimo. Udalricus etiam Comes de Wirtenberg hoc ipſum Cæſaris impium decretum anno prænotato in oppido Reutlingen & quibuſdam alijs ſuæ ditioni ſubjectis, Imperatore præcipiente, voce præconis publicè fecit denuntiari.

Dantes  
Poëta, Phi-  
loſophus de  
Monarchia  
ſcripſit con-  
tra Eccle-  
ſiam.

Claruit his temporibus in Italia Dantes Florentinus Poëta & Philoſophus magnus, qui multa conſcripſit opuscula, inter quæ eſt opus laborioſa in quaſitione compositum, & de Monarchia mundi prænotatum. In quo totius mundi & orbis Monarchiam ad Rom. duntaxat refert imperium, aſſerens illam à Rom. Pontifice nullam penitus habere dependentiam, ſed à ſolo Deo, ſine medio Papæ, vel cujuſquam alterius. Hanc ejus opinionem Wilhelmus de Okam Anglicus multis argumentationibus proſecutus Papæ auctoritatem in temporalibus quaſi ad nihilum deducens, ſolam ei poteſtatem ſpiritualium permittit. Et multi hanc opinionem ſequentes Imperium dicunt Eccleſiæ nullatenus eſſe ſubjectum; nec Papam Rom. in eo quidquam habere poteſtatis. Ego autem, qui hiftoriarum ſum ſcriptor, non judex opinionum, his prætermiſſis, ad ea quæ ſcribenda reſtant, potius feſtinare decrevi; quid in hac re ſit, verius illius eſt judicare, qui poteſtatem accepit à Deo, non quicunque voluntate movetur.

His quoque temporibus mandato Benedicth XII. conſtitutio illa Papæ Clementis V. de uſuris, quæ incipit: *Ex gravi*, per totum penè Chriſtianum orbem in ſcholis & Gymnaſijs fuit publicata; quæ magnam Judæis perſecutionem in diverſis mundi partibus ſuſcitavit. Conveniebantur in judicio ſuper reſtitutione uſurarum, & maximis pænis afficiebantur, quicunque illas reſtituere noluiſſent. Inter Magnates quoque non parva fuit ſuborta diſſenſio, alijs Judæos defendentibus, alijs verò uſuram repetentibus, & multa per tyrannidem fiebant.

#### MCCCXXXIX.

Corona  
Regis Angliæ  
pro pecunia  
Trevirorum  
Archiepiſc.  
impignoratur.

Anno Sigifmundi ſecundo atque vicesimo, Baldevvinus Archiepiſcopus Trevirorum magnam pecuniam dedit mutuò Regi Anglorum Eduardo, pro pignore coronam recipiens ipſius Regalem, quam incomparabilis pretij ferebant excedere & ſuperare æſtimationem; pugnaturus enim contra Gallum Eduardus contrahebat undique ſtipendio milites, & præter eam, quam dederat fruſtra Cæſari ſummam, plura quotidie neceſſariò expendeat. Deinde contractis ex Germania tam ſuperiore quàm inferiore copijs, Galliam in manu valida ingreditur, & omnia circa Normandiam igne & ferro demolitur. Erat autem contentionis in eo cauſa Normandiæ Comitatus, quem uterque ſui eſſe juris contendebat. Itaque Rex Galliæ ſuorum clade non parum conſternatus animo, quantum potuit armatorum contraxit exercitum, & veniens contra Regem Angliæ bellum inchoavit. Ancipiti Marte diutius pugnatum eſt: poſtremò tamen victoriam obtinuerunt Angli, & ex Gallis, ut dicebatur, decem millia in ore gladij ceciderunt. Nobiliores quoque Gallorum in eodem bello aut mortui fuerunt, aut in captivitatem abducti. Rex verò  
Eduardus

Bellum inter  
Angliæ Regem,  
& Gallorum  
geritur atrociſſi-  
mum.



Eduardus ex pretio redemptionis captivorum dives effectus, & stipendia militibus promissa distribuit, & soluto mutuo, coronam Regni de manibus Archiepiscopi redemit. Fuerunt in eo prælio multi ex Suevia & Francia Comites cum Anglis, ac plurimi nobiles.

Anno prænotato Ludovicus Imperator Conventum Principum solemnem circa medium quadragesimæ apud Franckenfurt oppidum Regale Moguntinæ Diœcesis celebravit, in quo multa contra Rom. querulabatur Pontificem, & omnes in sui partem, adhæsiōem, & defensionem, obnixè rogabat. In eodem conventu Principum Reinardus Comes Geldriæ undecimus, & Dux primus cum magna pompa comparuit; & multorum amicitiam acquisivit. Wilhelmus Comes Juliensis per Ludovicum Imperatorem de consensu principum in eodem conventu præseptum in Marchionem sublimatus fuit, propter merita & fidem, quibus & Imperatori gratus, & cunctis Principibus habebatur honore dignus; erat enim vir prudens justus & pius, domi consilio circumspectus, & in rebus bellicis longo exercitio expertus.

Comes Juliensis in Marchionem sublimatur per Ludovicū.

Eodem anno mense Junio, & per duos menses integros sequentes tanta locustarum multitudo per totam Franciam Orientalem, Sueviam quôque & circumjacentes regiones apparuit, quantam nullius memoria hominis comprehendit; maximo enim numero instar densissimæ nubis circumvolantes, totam penè superficiem terræ quasi nix operuerunt, rostra habentes contra morem durissima, quibus segetes, gramina, vites, botros & omnia terræ nascentia simul & arborum fructus consumentes miserabiliter destruxerunt: & quamquam homines multis modis & varijs medijs eas delere satagerent, nihil tamen profecerunt, quoniam ex easum stercorebus aliæ nascebantur, elapsis tandem mensibus aliquot turmatim volantes nusquam comparuerunt.

Anno item præscripto, die mensis Julij octavâ, quæ fuit S. Kiliani Martyris festivitate sollemnis, circa meridiem solis defectio fuit, quam Græci Eclipsin vocant, & duravit ad spacium ferme duarum horarum; & eodem anno in autumnō Svvitenses in oppido Bern plures civium peremerunt.

Anno etiam prænotato, Comites, Barones, & Nobiles terræ Lothariensis conventum ad civitatem Metensem solatij causâ indixerunt, & vocaverunt multos; aderat ibi Comes Wirtenbergensis Udalricus, non absque singulari magnificentia honorificè ab omnibus susceptus & habitus: qui hastiludio cum triumpho sæpe petitus, cum jam ad sua redire disponderet, à quodam milite de Vinstingen prope oppidum Benfeld in itinere positus insidiosè capitur, cum nihil talium suspicaretur, captus in custodiam abducitur, & pro magna pecuniarum summa taxatur; sunt enim, qui scribant, eum pro liberatione sui detentoribus exposuisse centies mille marcas argenti.

Udalricus Comes de Wirtenberg capitur ab uno de Vinstingen.

Fuit eodem anno inter Christianos Hispaniæ, & Saracenos Mauritanæ, & illos, qui Granatæ regnum occupabant, bellum atrox & maximum, in quo Dei filio pro suis pugnante fidelibus, plusquam 100000. Saracenorum fuerunt occisi, & totidem à Christianis in captivitatem ire compulsi. Nec tamen poterant Christiani Saracenos eicere de Hispania propter eorum multitudinem, & auxilia Maurorum, qui ultra mare habitabant,

Ferdinandus  
Hispaniæ  
Rex Saracenos  
petit.

bitabant, usque ad nostram ætatem, in qua Deo miserante Ferdinandus, Rex Hispaniæ post septennem urbis & regni Granatæ obsidionem, victor tandem existens, & urbem cepit cum universo regno, & Saracenos omnes de Hispania quos non interfecerat in bello fugavit, & de Hispania eiecit, quemadmodum suo loco clarius dicemus.

MCCCXL.

Anno Sigismundi Abbatis vicesimo tertio per totam Germaniam pestilentia fuit, & multa millia hominum prostravit, quam opinione plurimorum monstruosa illa multitudo locustarum anno proximo præsignavit. Fames denique magna fuit in omni terra & penuria omnium rerum multa, quòd, sicut diximus, locustæ omnia terræ nascentia priore anno corruperant: erátque vivere in diebus illis miseria, & mori timor, ac propter Papæ censuras periculum.

Eodem anno circa Nativitatem S. Joann. Baptistæ Rex Anglorum Eduardus audiens Philippum Gallorum Regem magnam contra se parare expeditionem, recensuit socios, & mare transiens denuo, conductisque ex Germania copiis processit in Galliam; & omnia igne ac ferro devastans maximâ Gallos clade affecit; factâque rursus congressione multi ex utráque parte perempti sunt.

Archiepiscopus  
Trevirorum  
Comitem  
de Spanheim  
persequitur.

Anno prænotato Baldevvinus Trevirorum Archiepiscopus contracto milite, castrum quoddam Comitum Silvestris, quod appellatur Duna, & vix à Spanheim distat duobus miliaribus, durâ obsidione vallavit, cepit, & Comitem obedire coëgit. Qui quidem Episcopus ad domandam memorati Comitum insolentiam novum castellum haud procul à Duna construxit, quod montem S. Joannis appellavit. Walramus etiam Comes de Spanheim non satis tenax juramenti, quod dudum Archiepiscopo fecerat, suâ inquietudine illius animum irritavit. Qui rursus contractis copiis, contra eum pugnatorum misit exercitum, & non audentem congregi graviter in subditis afflixit; venerunt usque ad oppidum Crüzenach, & omnia in circuitu demoliti sunt. Ludovicus Imperator cum audisset hanc inter eos dissensionem, vices suas ut mediator interposuit, & ad pacis concordiam revocavit.

Anno etiam præfato vicesimâ sextâ die mensis Aprilis moritur Henricus Abbas Spanheimensis, in corpore Ecclesiæ ante altare S. Crucis sepultus; cui in Abbacia fratrum electione successit Willichus ejus nominis secundus, & præfuit anno duntaxat uno, mensibus 3. & 4. diebus. filius Joannis militis de Spanheim cognomento Bruder, qui propter vitæ brevitate, nihil in Abbacia memoriâ dignum egit.

Conflictus  
Francorum  
Orientalium  
prope Meiningen  
oppidum.

Eodem quoque anno contigit, quod scribimus. Est oppidum in Orientali Francia sub ditione Herbipolensis Ecclesiæ, Meiningen dictum; cujus incolæ dum in Dominica die Palmarum extra oppidum, processionaliter irent ad proximam S. Martini Capellam, & nihil suspicarentur adversi. Henricus quidam miles de Schlize, qui Marscalcus erat Abbatis Monasterij Fuldensis, suo nomine & propriâ temeritate cum suis armatus latitans in insidijs erumpit: valvas oppidi clausas machinis & ferramentis aggreditur: capere oppidum summis viribus conatur; verum quia portæ, sicut diximus, erant clausæ, & in turribus custodiæ, non potuerunt habere introitum, sed abire sine effectu compulsi sunt, Domino

per

per S. Kilianum custodiente locum. Et ecce dum sine fructu abirent, occurrerunt ei Ebervvinus & Carolus milites de Buches cum socijs armati sub Ducatu Thezzelonis de Thungen Ottoni Episcopo, & Wirzburgensi Ecclesiæ militantes, qui factò in adversarios impetu, alios ceciderunt, alios duxerunt captivos; cæteris per fugam salutem sibi quærentibus. Henricus itaque miles de Schlize & reliqui captivi pecuniâ se redimere compulsi sunt, & submissis castellis in fidem Ecclesiæ, perpetuam Episcopo servitutem pro hæredibus juraverunt.

Anno etiam prænotato, memoratus Wirzburgensium Episcopus Otto cupiens iter in suo ducatu viantibus parare tutum, contractis copijs in manu valida obsedit castellum raptoribus apertum Godfridi militis de Ekesdorff, nomine Welkershausen, quod situm fuerat prope Meiningen sub castro Landisvver, obsedit inquam, cepit, funditusque destruxit. Ad cujus destructionis intentionem perfidia militis præfati animum Pontificis incitavit, qui latronibus & raptoribus in eo præstiterat hospitium, & admonitus pluries, ut à malo desisteret, noluit, sed Episcopum contempsit.

Anno Sigismundi Abbatis prænotato moritur Colonia in Conventu Fratrum B. Mariæ semper Virginis de monte Carmelo Simon de Spira, ejusdem Ordinis Prior, Provincialis per inferiorem Germaniam, Divinarum scripturarum Doctor Parisiensis, qui sacras litteras in Coloniensi Gymnasio multo tempore docuit, & magnam eruditionis suæ laudem acquisivit. Scripsit inter alia super sententias libb. iv. Contra Judæos quoque librum unum. In diversos Bibliæ libros Postillas edidit sive Lecturas, sermones quoque varios dixit, & alia nonnulla, quæ non vidimus, lucubravat.

Simon de  
Spira in Co-  
lonia mor-  
tuus est.

Claruit his etiam temporibus Conradus de monte Puellarum Canonicus Ecclesiæ Ratisbonensis in Bavaria, vir suo tempore magnæ doctrinæ & eruditionis, qui scripsit apud Parisios docens super sententias, libb. iv. opus Oeconomicon. libb. iii. Ad Ducem Austriæ aliud, quod prænotavit Monasticon. lib. i. & alia quæ non vidi.

Conradus  
de monte  
Puellarum  
Ratisbo-  
nensis.

Henricus quoque de Firmaria Ord. FF. Eremitarum S. Augustini vir doctus & sanctus, eruditione suâ his temporibus Germaniam non parum illustravit, qui scripsit super sententias libb. iv. super Cantica canticor. lib. i. De x. præceptis lib. i. Epitomen seu breviarium operis collationum SS. Patrum, Jo. Cassiani libb. xxiv. De Incarnatione verbi lib. i. De perfectione hominis lib. i. Super Oratione Dominica & Ang. salutatione libb. ii. De iv. modis intelligendi sacram Scripturam lib. i. De quadruplici instinctu lib. i. De vii. vitijs principalibus lib. i. Sermones de tempore & sanctis libb. ii. Et quædam alia, quæ necdum vidimus.

Eisdem quoque temporibus vixit in humanis vir multæ sapientiæ & eruditionis Hermannus de Schildis memorati ordinis, qui multis annis fuit Generalis & supremus Pœnitentiarius Ecclesiæ Wirzburgensis in Francia nostra Orientali, & jacet in conventu sui Ord. ibidem sepultus, de cujus lucubrationibus ista feruntur. Ad Michaëlem de Leone Canonicum novi Monasterij Herbipolis. De subjecto & divisione Philosophiæ naturalis metricum opus prosâ commendatum, quod incipit: *A Domino cæli tibi mittitur hoc Michaëli*. De vera & falsa religione lib. i. De horis Canonicis.

Hermannus  
de Schildis  
Augusti-  
nien-  
sis  
apud Her-  
bipolim se-  
pultus.



lib. i. De v. sensibus lib. i. De sanctis, insigne opus. De confessione peccatoris Sacramentali lib. i. Super Genesin Commentarium lib. i. Contra hæresin & errores Flagellatorum lib. i. De mansionibus lib. i. Sermones quoque tam de sanctis, quàm de tempore multos composuit, & alia plura, quæ ad me non pervenerunt. Joannes de Beka Clericus Ecclesiæ Trajectensis, vir studiosus & eruditus, Patriam suam his temporibus doctrinâ simul & scriptis illustravit, scripsit enim ad Joannem Episcopum Trajectensem & Wilhelmum Comitem Hollandiæ à tempore S. Willebrordi primi Episcopi memoratæ urbis usque ad annum Dominicæ Nativitatis 1346. sed quid aliud scripserit, nescio.

Anno quoque Sigismundi Abbatis prænotato iterum Cometes, præcedentibus tamen multum dissimilis apparuit, quem per Italiam præcipuè & Germaniam similiter grandis pestilentia, ut paulò antè diximus, subsecuta fuit; nam in sola civitate Florentina sedecim millia hominum urbanæ multitudinis sæva illa pestis absumpsit, demptis his, qui extra Civitatem per agros & castella ex civibus similiter perierunt.

Eodem anno quintâ die mensis Decembris, Benedictus Papa XII. in Avenione residens ad instantiam Præsidentium & Abbatum quorundam Capitulorum Provincialium Ordinis nostri, Constitutionem suam de reformatione Monachorum, factam ante quatuor annos, ut supra dictum est, in plerisque locis ambiguum, & quibusdam perplexitatibus involutam, novâ editione declaravit.

Eodem quidem tempore mandato Rom. Pontificis capitula in ordine nostro Provincialia seu Generalia per totam Europam studiosè celebrabantur, quæ tamen successu temporis intermissa, usque ad Constantinense Concilium in multis defecerunt.

#### MCCCXLI.

Anno Sigismundi Abbatis vicesimo quarto indictione Romanorum nonâ, die verò mensis Februarii XII. moritur Rupertus Comes Palatinus Rheni Baviaræque Dux, filius fratris Ludovici Imperatoris Rudolphi, & in Ecclesia novæ Civitatis, quam ipse fundaverat, antechorum sepelitur; liberos non habuit: Principatus ejus portio ad fratrem Adolphum, devoluta est.

Eodem tempore per Ducatum Wirtenbergensem grandis fuit suborta turbatio, propter Ludovicum Imperatorem quartum à Rom. Pontifice, ut sæpe diximus, excommunicatum, quem Udalricus Comes cum Suevia tota sequebatur. Unde Papa commotus, omnes Ludovico consentientes vel participantes censuris gravissimis notabat. Clericos tamen & Claustrales, qui divina contra prohibitionem ejus, in locis interdicto suppositis, celebrabant, omnibus beneficijs privatos denunciavit, irregularitatis quoque maculam perpetuam contraxisse illos prædicavit. Erat sanè tribulatio hæc pessima, & nimis periculosa, quoniam & salutis animarum maximum intulit dispendium, & Ordinem Sacerdotalem contemptui exposuit Laicorum.

Anno prænotato circa principium mensis Octobris in Civitate Coloniaensi res contigit, quam dicturus sum. Convenerant ad diem festum sancti Remigij Nobiliter terræ plures, curiam vanitatis suo more hastarum ludo & equorum cursibus exercentes, inter quos duo quâdam hostili

Constitu-  
tionis Bene-  
dictinæ fit  
declaratio.

Rupertus  
Comes Pa-  
latinus mo-  
ritur.

Magna per  
Sueviam  
tribulatio  
propter  
Excommuni-  
cationem  
Imperatoris.

Coloniæ  
miles à Co-  
mune de  
Hirsaug in  
hastæ ludo  
perimitur.

con-

contertatione ludentes, Comes videlicet de Isenburg, & Stephanus de Oerbeck miles oculos in se spectantis populi converterunt. Postremò congregientes, memoratus Comes dictum militem Stephanum impulsu hastæ fortissimo feriens in equo sedentem occidit, qui fractâ cervice subito expiravit: tam verò tenax equo infederat suo, ut etiam mortuus non solum non caderet, sed etiam penitus federet erectus, quousque tandem familiarium suorum manibus fuit depositus, & in feretrū ex more locatus.

Eodem quoque anno sextâ die mensis Augusti, quæ fuit memoriæ S. Papæ & Martyris Sixti solemnis, obiit Wilicho ejus nominis secundus Abbas in Spanheim tertius decimus, cui mox in Abbatia successit Wilhelmus de Bischelnheim, & præfuit annis novem: vir bonus & honestæ conversationis, de Prosapia illa natus, de qua S. Hildegardis olim fundatrix & magistra Bingenensis procreata fuit. Bernardus Cassinensis in Italia Monasterij nostri Ordinis Abbas, vir in scripturis tam divinis, quàm humanis studiosus & eruditus, his ferme dicitur claruisse temporibus, & plura ad utilitatem scripsisse Monachorum. E quibus extat Comentariorum in regulam sanctissimi Patris nostri Benedicti liber unus. De præceptis regularibus liber unus, scripsit etiam sermones varios ad fratres, & multas Epistolas ad diversos, & alia quæ ad notitiam nostræ lectionis minimè venerunt. Collapsus suo tempore Ordinem nostrum, pro suo virili quantum potuit, in sibi subjectis Monasterijs reformare studuit, & plures Monachorum à devio ad semitam justitiæ revocavit.

Wilhelmus  
fit Abbas in  
Spanheim  
xiv. præfuit  
annis .ix.

His quoque temporibus Otto Wolskel Episcopus Wirzburgensis, pace aliquantulum cum suis civibus reformatâ, in ampliationem proventuum Ecclesiæ animum haud mediocriter inclinavit; multa enim pro pecunia comparavit, & suum Pontificatum in utroque statu gloriosum reddere summopere studuit. Castellum cum oppido & Dominio in Rotenfels juxta fluenta Mogani haud procul à Monasterio nostri Ordinis Neustatt/ Gamundiam quoque oppidum similiter ad ripas Mogani situm, Wpshoffen villam, Meyenbernheim oppidum, partem oppidi Kinsingen/ ac residuam partem Comitum de Hohenloe in Heidingsfeld/ tunc villa, nunc oppido, cum alijs multis dato emptionis pretio comparavit.

Otto Episc.  
Herbipolen-  
sis Dux  
Franciæ,  
utilis Eccle-  
siæ suæ.

Ab Ecclesiâ Herbipolensi dudum alienata redemit plura, inter quæ nobis tantum occurrunt posteris commendanda: castrum Walsenburg pro octingentis Hallensium denariorum libris impignorum redemit, Burgbernheim quoque cum tredecim villis olim Burggravijs de Nürnberg/ per Bertholdum de Sternberg/ Episcopum impignorum, pro sexcentis Hallensium denariorum millibus simili providentiâ redemit, & ad Jus Ecclesiæ revocavit.

Anno etiam prænotato xxiv. die mensis Octobris mortuus est Georgius senior Comes Mosellanus de Veldentia, vir bonæ vitæ & honestæ conversationis, filium relinquens sui nominis Georgium, qui uxorem habuit Margaretham filiam Comitum de Rünkeli, de qua genuit Georgium in Comitatu successorem, Henricum Colonensem Decanum, Walramum Trevirenses Præpositum, & duas filias Ottiliam & Catharinam.

Eodem quoque anno Sigismundus Hirsaugiensium xxxi. Abbas, senio gravatus, & morbo quartanarum febrium diu correptus, posteaquam Monasterio suo præfuisset utiliter annis xiv. & diebus totidem, Sacramen-

Sigismundus  
Abbas Hir-  
saugiensium  
xxx. mori-  
tur.

tis præmunitus Eccleſiaſticis, quintâ die menſis Novembris in Domino quievit, poſteris benefaciendi relinquens exemplum; erat enim vir ſuo tempore convenienter diſpoſitus ad omnia, quanquam non poverit ſicut voluit recuperare & diſponere dudum ablata.

Multas tempore ſui regiminis adverſitates & tribulationes ſuſtinuit, & propterea quod per antecellores ſuos quædam bona minus juſtè alienata recuperare ſtudit, plurimorum in ſe contumaciam provocavit; quorum invidiâ non obſtante fecit, quod potuit, & per bonos amicos impetrato favore & auxilio Imperatoris Ludovici, pecunijs redemit.

## De Wichardo hujus Monasterij Hirſaugienſis XXXII. Abbate, qui præfuit annis XII. & varijs actis illius temporis.

Wichardus  
Abbas Hir-  
ſaugienſis  
XXXII.



Nno igitur prænotato Dominicæ Nativitatis MCCCXLI. regnante Ludovico Imperatore quarto, residente in cathedra Petri apud Avenionem Benedicto Papa XII. Spirenfem verò gubernante Pontificatum Gerardo de Erenberg Epifcopo, Indictione Rom. nonâ in menſe Novembri duodecimâ die vacante Abbatia hujus inſignis Monasterij Hirſaugienſis convenientes in locum capitularem fratres ſolatio Paſtoris deſtituti, præmiſſis orationibus ex more conſuetis, in Abbatem unanimi conſenſu elegerunt unum ex ſe Monachum nomine Wichardum, virum probatæ ætatis, & in Sacerdotio conſtitutum, qui ſub Sigifmundo Abbate majoris Cellerarij aliquandiu cum proſectu Cœnobij geſſit officium.

Electus autem per fratres Canonicè poſt dies paucos ad Gerardum Epifcopum Spirenfem proficiſcitur; à quo confirmatus auctoritate ordinaria, deinde Abbas in feſtivitate S. Andreae Apoſtoli ab eodem ordinatur Spiræ in Eccleſia cathedrali, cum ſolemnitate conſueta, in frequentia multorum hominum. Ordinatus autem cum ſuis ad Monasterium revertitur, & à die computando electionis ſuæ uſque ad diem mortis præfuit annis XIV. & menſibus IV. in ſollicitudine magna, & laboribus continuis. Erat autem Wichardus iſte patriâ Suevus (vel ut alibi comperimus) Alſatus, honeſtis parentibus ortus, qui Monachus factus ſub Henrico Abbate, ſecundum mores clauſtraliū illius temporis inter alios ſine querela converſabatur, & primò quidem in Eccleſia Cuſtodis geſſit officium, poſtea verò ſub Sigifmundo Abbate Cellerarius major factus, miniſterium ſuum fideliter implevit, & Coadjutor Abbati ſtudioſus in omnibus extitit.

Alienata  
Wichardus  
Abbas bona  
plura  
pecuniâ redemit.

Factus deinde Abbas, prædeceſſoris ſui quantum potuit inhæſit veſtigijs, & per ſuam induſtriam bona quædam alienata dudum à Monasterio ad ejus poſſeſſionem, datâ pecuniâ revocavit. Fuit enim homo laborioſus, & ſingulari prudentiâ circumſpectus, maximè quantum ad rerum temporalium pertinet adminiſtrationem. Verùm Prædeceſſorum ſuorum negligentia factum eſt, quod nimium gravatus ære alieno bonæ voluntatis ſuæ non potuit conſequi effectum, quo Monasterium ad priſtinum reduceret ſtatum; fecit autem, quod potuit, & regiminis ſui tempus utiliter expendit.

Qua



Quantum verò ad integritatem spiritualis vitæ & monasticæ institutionis pertinet, omnis penè Monachus nostri Ordinis à puritate regularis conversationis eo tempore per totam Germaniam nimium claudicabat, & vix erat Cœnobium, in quo monasticæ leges vel mediocriter servarentur. Peculium enim, quod Monachis omnibus non minus Canonicum Jus, quàm regula monastica interdicit, passim singulis permittebatur; in multis quòque periclitabatur Castitatis vera sinceritas, & obedientiæ humilitas in Monachis rara fuit. Sic omnia quantumlibet bona cujuslibet vitæ studia, semper cum tempore ut ita dicamus senescunt atque deficiunt, & cuncta vanitati esse obnoxia ostendunt.

Abbas igitur Wichardus, cum vivendi modum, quem in Monasterio reperit, cum emendare non posse videretur, inconvulsum suis Monachis permisit. Gaudebant ex antiqua corruptione peculio: carnibus etiam quadrupedum omnes per totam Germaniam sine aliquo conscientiae scrupulo vescabantur, & de interna conversatione spiritûs ac puritate mentis cura paucis inesse videbatur.

Pontifices nonnulli Ecclesiarum cupientes Monasteria Ordinis in suis constituta Diœcesibus meliora pro viribus revocare, cum nec personas haberent pro reformatione idoneas, nec modum & formam reformandi, ut magnum aliquid putarentur fecisse, proventuum & bonorum inter Abbates & Monachos divisionem contra monasticam puritatem introduxerunt, quasi per hoc desolatis Monasterijs maximopere videretur consultum. Quorum imitatione Herbipolensium Antistes Otto inter Hermannum de Chuname Abbatem & Conventum Monasterij S. Protomartyris Stephani proventuum divisionem admisit; & idem fieri per suam Diœcesin & in alijs Cœnobijs præcepit. Sed non fuit iste verus reformandi modus, qui multa Ordinis nostri Monasteria in ultimam sicut hodie cernimus, paupertatis inopiam præcipitavit.

Divisiones reddituum inter Abbates & Conventus fiebant.

MCCCXLII.

Anno Wichardi Abbatis primo currente, xxiii. die mensis Januarij primâ horâ noctis, nubium horrendâ tempestate subortâ, maxima, & terribilia in aëre tonitrua fuerunt audita: coruscationes quòque apparuerunt & fulgura, quibus in æstatis medio similia non fuerunt, cum grandine ac pluvia tanta, quòd homines territi nimium, diem putabant adesse novissimum, propterea, quòd in his terris hyeme non consueverunt audiri tonitrua, néque fieri coruscationes, sicut in Italia & æquinoctiali vicinantibus.

Eodem anno Benedictus ex Monacho Cisterciensis Ordinis Papa xii. moritur, & in Avenione sepelitur, cui mox in Pontificatu successit Petrus Rogerius Archiepiscopus Rotomagensis Cardinalis Ordinis S. P. N. Benedicti, Clemens Papa vi. nuncupatus, sedit annis decem, mensibus sex & diebus octo: vir tam in divinis scripturis, quàm in Jure doctissimus, & sermonum Declamator egregius. Patriâ fuit Lemovicensis, & primo ex Monacho Abbas Fiscanensis, postea Episcopus Atrebatensis, deinde Rotomagensis in Normandia Archiepiscopus & Cardinalis, ac postremò Papa. Qui cum esset omnifariam eruditissimus, scripsit adhuc in Abbatia constitutus nonnulla ingenij sui præclara opuscula, è quibus nominantur subjecta. Sermones ad fratres & alios plures lib. i. In laudem Caroli Regis

Clemens fuit Papa vi. ex Monacho nostri Ordinis,

Regis Gallorum. In Canonizationem S. Ivonis, tract. i. Epistolarum ad diversos lib. i. Orationes quoque & Collationes plures, & alia quæ hæcenus videre non potui.

Wilhelmus  
Abbas Massiliensis  
Ord.

Claruit his temporibus Wilhelmus Abbas Monasterij S. Victoris prope Massiliam Ordinis D. P. N. Benedicti, patriâ Lemovicensis, Doctor Canonum insignis, quem propter magnam ingenij sui vivacitatem, & in agendis prudentiam, Clemens Papa sextus, cum alijs novem viris æquè doctissimis in Cardinalem S. Rom. Ecclesiæ ordinavit. Cujus viri tantæ fuere in Domino virtutes, ut post mortem Innocentij Papæ vi. Romanus fieri Pontifex, ut inferius dicemus, loco suo mereretur.

Dronck  
Castellum  
Comitis  
Silvestris.

Anno prænotato Comes Silvestris de Duna, qui pluribus annis contra Baldevvinum Archiepiscopum Trevirorum inimicitias gesserat, pecunijs simul & viribus jam omnino exhaustus, accepto suorum consilio ad ipsum Pontificem in Palatio non coactus, sed propriâ sponte venit, indulgentiam petijt, & gratiam impetravit, ac deinceps usque ad mortem pacificus permansit, nec amplius contra Ecclesiam quicquam præsumpsit. Castellum suum Droncken nuncupatum, quod duobus à Mosella distat miliaribus, cum villa Dalfangen, & cæteris ad illud pertinentibus Feudum esse Trevirensis Ecclesiæ, quod prius negaverat, recognovit. Et sic inter eos pace denuo reformatâ Comes Archiepiscopo fidelis permansit.

Maxima  
inundatio  
aquarum,  
quæ multa  
subvertit  
ædificia.

Eodem anno xxi. die mensis Julij, mane inter solis ortum & meridiem aquarum inundatio maxima fuit apud Francos orientales. Moganus namque fluvius, qui Herbipolim civitatem Francorum præterfluit, subito in tantam excrevit magnitudinem, prius & earentus inauditam, quod eodem die usque ad gradus majoris Ecclesiæ memoratæ urbis ascendens primas ex lapide columnas, quæ sunt ante porticum templi, suâ inundatione apprehendit. Multa fecit in circuitu mortalibus damna; pontem namque pretiosum lapideum inter civitatem & suburbanum Ducale antiquitus super Moganum, satis ut putabatur firmiter constitutum, hæc ipsa inundatio aquarum cum muris, & turribus cunctis destruxit. muros quoque urbis ab occidente subvertit, & plures in civitate domos, non sine gravissimo damno atque periculo funditus evertit. In agris quoque, pratis, hortis atque vinetis hæc inundatio aquarum ab utraque parte Mogani, supra, circa, & infra Herbipolim infinita mortalibus damna fecit, multas pauperum casas in villis cum omnibus Mogani pontibus evertit.

Præcesserat hanc cladem pluvia dierum multorum, donec tandem stagnis ruptis, atque piscinis, quarum in orientali Francia copiosus est numerus, aquæ nimium adauctæ sunt usque adeo, ut imminere alterum Noe diluvium crederetur. Nec fuit in sola Francia Orientali hæc nimis periculosa inundatio aquarum, sed in Allemannia quoque similiter, quam nunc Sueviam nuncupamus, apud Alsatas & Rhenanos maxima hominibus intulit damna, domos & villas plurimas subvertit.

In die festo S. Mariæ Magdalenaæ pontem super Moganum juxta oppidum Frankfurt hæc ipsa inundatio subvertens confregit, muros oppidi à parte fluminis dejecit, vicinâque muro domos funditus evertit. Hinc nimium territi Cives ad Ecclesiam S. Mariæ semper virginis confluerunt, votis & orationibus divinum invocavere præsidium, meritum ejus Ca-

stissimæ

stissimæ Virginis, nec destiterunt à precibus, donec aquæ DEO miserante fuerunt imminutæ. In cuius beneficij memoriam Franckofurtenses, quotannis in festo B. Mariæ Magdalenzæ cum pompa & solemnitate Clero præeunte per oppidum festivè incedunt.

MCCCXLI.

Anno Wichardi Abbatis secundo, moritur Reinhardus primus ex Comite Dux Geldriæ, magnanimus & bellicosus, duos relinquens filios, Reinhardum sui nominis primogenitum, & Eduardum secundogenitum, quorum primus Patri successit in Ducatu, uxorem habens Joannis Brabantiz Ducis filiam, de qua liberos non suscepit. Post annos x. quibus præfuit Reinhardus, frater ejus Eduardus principandi cupidine ductus illum carceri mancipavit, & per decennium in arcta custodia captivum detinuit, sibi que Ducatum Fratris per tyrannidem usurpavit, quod mali occasionem tribuit.

Reinhardus Dux Geldriæ primus obiit.

Eodem anno Clemens Papa vi. iterum confirmavit & publicari mandavit ad instantiam Regis Gallorum censuras & processus Joannis quondam Papæ xxii. contra Ludovicum Imperatorem quartum. Unde commotus Imperator scripsit & mandavit Gallo dicens: *Tu Rector es Papa, & omnia tuo facit arbitrio; quocirca tibi præcipimus, & mandamus, ut cures quantocius, quo per eum ab injustis solvamur censuris, in quas tuâ machinatione iniquâ ab initio sumus detrusi; alioquin regibus, & principibus, & amicis in auxilium vocatis bellum tibi atrocissimum inferemus, humiliaturi cum Deo stultam superbiam tuam.*

Imperator bellum minatur Gallorum Regi propter censuras.

Territus his Ludovici mandatis Gallorum Rex, quem Anglorum fortitudo non parum eo tempore debellando contriverat, ac metuens exterminium Gallici regni, Pontificem apud Avenionem cum sua Curia residentem accessit, & plura cum eo pro Ludovico Imperatore invitatus tractavit. Postremò consultationibus multis Papa cum Gallo præhabitis, formam quandam, indecentes & foedas Imperio simul & Regno continentem articulos per Notarium concepit, quam per nuntios Imperatori destinavit, scribens illi: *Quod eum à censuris non absolveret, nisi articulos omnes sibi propositos se observaturum firmiter ac perpetuò juraret.*

Imperator autem Papæ per Ambasiatores suos rescripsit: *Se quidem & amare & bello præferre pacem, nihilque optare amplius, quam in unitate S. Matris Ecclesia Catholica semper & vivere & mori, propterea que promptum atque paratum omnem conditionem suscipere honestam: articulos verò nunc sibi propositos ab eo, nec sua persona honestos esse, nec decentes Imperio: & ob id nullatenus fore admittendos, velle se tamen quamprimum posset, illos exhibere in publica convocatione regni Germanici Principibus: & quidquid illorum fuerit statuto decretum, sine mutatione aliqua firmiter observare.* Cum his nuntios dimisit, & Principes in sequentem annum, ut dicemus, convocavit.

Anno quoque Wichardi Abbatis prænotato facta est dissensio magna inter Austriæ Duces, & Comitem de Wirtenberg propter quadam oppida & dominia, quæ Comes quidam de Schelllingen Australibus pro pecunia vendiderat, in quibus memoratus Comes de Wirtenberg se non nihil juris habere contendebat. Contractis itaque copiis idem Comes oppidum Mengen obsidione cinxit, & devastavit in primis, deinde verò suum præcedens exercitum, etiam aliud oppidum Eislungen gravissimâ

Comes de Wirtenberg contra Duces Austriæ bellum agit.

B b

&



& diuturnâ obſidione vallavit. Famis deinde ingens calamitas graviter intus afflixit obſeſſos: quibus niſi tandem Australes veniſſent in auxilium, propè fuit, ut oppidum tradere adverſario cogerentur.

MCCCXLIV.

Anno Wichardi Abbatis tertio Reinherus Comes quidam de Weſterburghomo ſævus & contemptor bonorum, in odium Baldevvini Archiepiſcopi Trevirorum, conjunctis ſibi latronibus multis, rapinas, & incendia per terras Eccleſiæ publicâ incurſione patravit: quibus motus Archiepiſcopus contraxit exercitum, & Caſtella ejus Schadeck & Cretizenavv cum pertinentiſſeorum obſedit, cepit, & ditioni Eccleſiæ ſuæ Trevirenſis in manu valida potenter ſubjecit.

Eodem anno ii. die menſis Julij mortuus eſt Udalricus Comes de Wirtemberg, duos relinquens filios Udalricum & Eberhardum, quorum primus poſt annos xxvi. ut ſuo loco dicemus, abſque liberis mortuus eſt: Eberhardus verò per plures annos ſupervivens, cum civitatibus regni conſtituit prælia multa; de quo ſimiliter, quod nobis innotuit, ſuo loco dicemus.

Conventus  
Principum  
apud Fran-  
kfurt  
factus eſt.

Anno etiam prænotato xvii. die menſis Septembris, convenerunt apud Frankenfurt oppidum Regni Principes, Ludovico Imperatore mandante; ubi lectis, & examinatis Papæ articulis, quos priori anno ſicut diximus, jurandos Cæſari propoſuerat, unanimiter omnes concluſerunt, nullum eorum penitus ab eo ſuſcipiendum, vel jurandum, propterea quòd penè omnes in periculum regni, & in dedecus atque ruinam totius Imperij excogitari viderentur. Unde conſilio inter ſe habito nuntios cum litteris miſerunt in Avenionem ad Papam, rogantes, quatenus ab intentione hujusmodi deſiſteret, & Imperatorem ad ſuæ perſonæ turpia, & regno ſimul atque Imperio nociva minimè obligaret, quorum potentiam Papa reveritus, malè decretum revocavit.

Crux atque  
Paſſagium  
contra Tur-  
cas prædi-  
cantur ubi-  
que.

His temporibus Papa Clemens vi. miſſis in Germaniam Legatis & oratoribus ſuis Crucem contra impiſſimos Turcas ubique prædicari mandavit, qui Chriſtianis magnam in Aſia concertationem & pugnam ſuſcitaverant. In omnibus itaque Germaniæ civitatibus, in oppidis quòque & villis multis ſigna crucis eriguntur; generale contra hoſtes Chriſtianorum paſſagium prædicatur: indulgentiæ multæ, & multa vel mare tranſeuntibus proprijs in perſonis, vel juxta Commiſſariorum inſtitutionem ſua conferentibus promittuntur. In templis publicè trunci locantur ſeris obfirmati multis, in quos pecunia reponeretur pro ſubſidio fidelium conferenda, & multa ubique colligitur.

Inter multas donationes ſpiritualium ſtipendiorum, quæ promittebantur ſua in truncum piâ devotione offerentibus, etiam hoc, eatenus apud Germanos non auditum, in litteris continebatur Apoſtolicis, & publicè in Cancellis fuit promulgatum: *Quòd omnes & ſinguli, qui certam pecuniarum taxam juxta determinationem Commiſſariorum trunco ſive ciſtula impoſuiſſent, eo perpetuo gauderent privilegio, quo liceret eis, exceptâ quadrageſimâ, ovis & lacticijs uti ſextis ferijs, in vigilijs quoque Apoſtolorum, Feſtis B. Mariæ ſemper Virginis, Nativitatis Domini, omnium Sanctorum: diebus etiam quatuor temporum, & alijs jejuniorum diebus quibuſcunque per totius anni circulum, in quibus talium eſus vel ab Eccleſia de Jure, vel conſuetudine prohibetur.*

*libetur.* Baldevvinus Trevirorum & Walramus Colonienſium Archiepiſcopi conſilio ſuorum ſuffraganeorum præhabito, pecuniam non modicam ex ſubditis ſibi fidelibus colligentes veterem obſervantiam jejuniorum novo commutantes privilegio, & tam pro ſe, ſuiſque, quàm pro omnibus per ipſas duas Provincias Trevirenſem & Colonienſem cum præſentibus & futuris in perpetuum hoc memoratum privilegium impetran-tes, amici Sedis Apoſtolice reputati ſunt. Unde uſque in præſentem diem omnes Chriſti fideles per Dioceſes dictarum Provinciarum omnes lactici- nijs & ovis veſcuntur licitè in omnibus jejuniorum Eccleſiæ diebus, ſolâ quadrageſimâ, ut paulò jam ante diximus, exceptâ. Henricus au-tem de Virneburg Moguntinenſium Archiepiſcopus Imperatori Ludo- vico excommunicato pertinaciter adhærens, nec gratiam Apoſtolice Sedis habuit, nec Papæ indulgentias curavit; & propterea nèque in Dio- ceſi Moguntina, neque in alijs Dioceſibus illi ut Metropoli ſubjectis lacti- ciniorum eſus alicui permittitur ſano & fidei Chriſtiano, niſi de ſpeciali gratia, uſque in præſentem diem.

Treviren- ſes & Colo- nienſes in diebus Je- juniorum Eccleſiæ, quare ve- ſcantur lactici- nijs.

Quare Mo- guntinen- ſes non ve- ſcantur lac- tici- nijs in diebus je- juniorum Eccleſiæ.

Magna per totam Europam multitudo fidelium ad piam Rom. Pon- tificis admonitionem cruce ſignatur, & convenientes undique populi, cum maxima devotione pro fide Chriſti mare tranſeunt, bellum contra infideles ſpurciſſimos alacriter aſſumunt. Inprimis Smirnam oppidum Aſiæ minoris capiunt, in quo ſua locantes præſidia, plura deinceps cum infidelibus bella gesserunt; nunc victores, nunc victi, quia non custo- dierunt veri mandata Dei.

Anno præſcripto facta eſt diſſenſio magna inter Ottonem Episcopum & Cives Herbipolenſes, ob eam, quæ inter Papam & Imperatorem tunc ver- tebatur, diſcordiam; Episcopus namque benè ſenſit cum Rom. Pontifice, cives autem Imperatorem Ludovicum ſequebantur. In tantum hæc mox crevit diſſenſio, quòd ſe ambæ partes parabant ad bellum. Erat autem Paſchale tempus, quando hæc diſcordia maximè efferbuit. In parte verò Episcopum Ottonis fuerunt Henricus Archiepiſcopus Moguntinus, Henri- cus quoque junior Comes de Hennenberg vir dives & potens, Joannes Burggravius de Nürnberg, cum alijs terræ nobilibus multis, qui omnes in ſubſidium venire Herbipolenſi Eccleſiæ proprijs ſub ſtipendijs erant voluntarij. Cum civibus autem rebellibus Eccleſiæ contra memoratum Antiſtitem conſpiraverant Nürenbergenses, Rotenburgenſes, Windes- hemenſes, Wiſſenburgenſes, & quidam alij, qui partes Imperatoris Lu- dovici ſequebantur. Circa tempus autem meſſis, cum ab utraque parte jam omnia pararentur ad bellum, quorundam interventu Principum regni, negotium fuit interceptum, ut non veniretur ad prælium.

Inter Otto- nem Episc. & cives Herbipo- lenſes gra- vis diſſen- ſio.

Eodem anno circa feſtum S. Martini bellum inter Henricum Archiepi- ſcopum Moguntinum, & Rupertum Comitem Palatinum Rheni Bavariæq; Ducem pro quibuſdam controverſijs indicitur, dies congregandi & locus apud Frankenfurt oppidum Mogani determinatur. Adveniente autem ter- mino memoratus Otto Herbipolenſis Episcopum in auxilium ab Archiepi- ſcopo ſuo vocatus cum equitibus quadringentis & octingentis peditibus ad bellum electiſſimis descendit ad Franckenfurt, locatiſque haud procul ab oppido caſtris turmas hoſtiū imperterritus exſpectavit; aderant & reliqui Moguntinorum auxiliarij, nihil aliud quàm ad verſariorum cupientes pro

Inter Hen- ricum Ar- chiepiſco- pum Mo- guntinum & Ruper- tum Comi- tem Pala- tinum diſ- ſenſio.

Eccleſiæ deſenſione congreſſum. Sed Palatinus audiens tantam pugna-  
torum conveniſſe multitudinem, contremuit; nec procedere in occur-  
ſum exſpectantium auſus fuit; in ſuis enim continens ſe munitionibus,  
néque nuntios miſit, qui voluntatem ejus præſtolantibus indicarent, né-  
que ipſe accedere præſumpſit; quamvis in diem ſextum fuerit exſpecta-  
tus. Unde poſteaquam domi remanere potius, quàm ad certamen venire  
velle notatus eſt, qui convenerant ſinguli ad propria redierunt.

Anno etiam prænotato feriâ ſextâ poſt diem S. Galli Abbatis, facta  
eſt concordia & reconciliatio inter Ottonem Episcopum Herbipolenſem,  
& cives ſuper omnibus & ſingulis differentiis cauſis atque negotiis, ratione  
quorum eatenus fuerant diſcordes, per Burkhardum de Sekendorff mi-  
litem, & Conradum oppidi Nürnberg ſupremum Sculterum, in quos per  
partes fuerat concorditer arbitratum, cujus reconciliationis litteræ ſigillis  
eorundem duorum tunc fuerunt confirmatæ.

MCCCXLV.

Otto Wirz-  
burgenſis  
Episcopus  
moritur.

Anno Wichardi Abbatis quarto, Indictione Rom. tertiâ decimâ,  
die menſis Auguſti xxiii. circa horam vespèrarum mortuus eſt in caſtro  
montis ſanctæ Mariæ Otto Wolfſkel Episcopus Wirzburgenſis, & in  
Cathedrali Eccleſia juxta morem ſepultus: vir certè magnificus & æternâ  
memoriâ dignus, qui ſe in rebus Eccleſiaſticis verum ſemper habuit Pon-  
tificem, & non minus in temporalibus Francorum ſtrenuum ducem &  
Principem. Leges perutiles ac neceſſarias civibus ſuis condidit: majus  
conſilium ſenatûs inſtituit, & multa bona tempore ſui Pontificatûs Her-  
bipolenſi Eccleſiæ comparavit.

Albertus de  
Hohenloe  
à Canonicis  
in Pontifi-  
cem eligi-  
tur, ſed à  
Papa Alber-  
tus de Ho-  
henberg.

Eodem igitur anno poſt mortem Ottonis Episcopi, tertiâ die menſis  
Septembris, Canonici majoris Eccleſiæ Wirzburgenſis convenientes in  
unum, pro novi electione Pontificis, Albertum ex comitibus de Hohen-  
loe majoris Eccleſiæ præpoſitum, ac Friderici Bambergensis Episcopi  
Germanum, virum prudentiſſimum unanimi conſenſu in ſuum Pontifi-  
cem elegerunt. Qui auctoritate mox confirmatus Archiepiſcopali omnes  
Eccleſiæ munitiones ſimul atque Ducatum Francorum in ſuam ditionem  
accepit, cui & cives Herbipolenſes, & cæteri omnes fidelitatem, ut mo-  
ris eſt, jurârunt. Contra hunc Albertum legitimè & canonicè electum  
Clemens Papa ſextus in Avenione reſidens, alteri cuidam Alberto ex  
Comitibus de Hohenberg Alſatiæ Canonico Eccleſiæ Conſtantiensis Do-  
ctori Decretorum, Ruſſum nuncupato, de Pontificatu Eccleſiæ memo-  
ratæ Wirzburgenſis malè informatus providit: cujus facti poſtea illum  
pænituit, ſicut rei probavit eventus, dum emendavit errorem. Veniens  
itaque Herbipolim Albertus de Hohenbreg in Episcopum Peapolitanum  
per Papam, ſicut dictum eſt, proviſus & ordinatus, canonicè inſtitutum  
alterum cedere compulſit Albertum; & in ejus locum ſuccedens Pontifi-  
catum geſſit in Eccleſia Herbipolenſi annis ferme quatuor: quibusevo-  
lutis ad Friſingenſem in Bavaria Episcopatum translatus eſt, Romani  
juſſione Pontificis, & prior electus de Hohenloe Albertus ejusdem Papæ  
mandato ſuæ Eccleſiæ reſtitutus, quemadmodum anno Wichardi Abbatis  
oſtavo latius infra dicemus.

Wilhelmus  
Hollandiæ  
cum Friſijs  
bellū geſſit  
infeliciter.

Anno item prænotato circa Nativitatem B. Mariæ ſemper Virginis  
Wilhelmus Comes, Hannoniæ Hollandiæ, Selandiæ, Friſiæque Dominus  
contracto



Contracto magno pugnatorum exercitu, contra Frisios sibi rebelles processit ad prælium, in auxilio habens Comitem de Horn, aliosque multos Comites, Barones & Nobiles. Contra quem Frisij ad bellum processuri clausas aquarum continuerunt ad tempus, quò liber pateret hostibus introitus, ut quia viribus hostem vincere non poterant, ingenio saltem (ne dicam insidijs) superarent. Postea verò quàm Frisiam totus intravit exercitus Hannoniæ Comitis, Frisij dato custodibus signo clausas aquarum subito omnes aperuerunt, & paucas intra horas fossata & exitus viarum omnes impleti sunt aquis, quòd nulli hostium pateret locus fugiendi. Tunc Frisij ex latibulis suis, quæ satis opportunè in arundinetis locaverant, erumpentes, fortiter aggressi sunt hostes, & quos impetus aquarum non suffocavit, gladio peremerunt. Sed multò plures absorberunt aquæ, inter quos etiam Comes Hannoniæ Wilhelmus principalis auctor belli submersus occubuit, nec filium relinquens, nec filiam. Maximam in ea concertatione cladem à Frisijis tunc acceperunt Hollandij, quæ odiorum inter eos immortalium præstitit occasionem; nam ex maximo illo Hollandiorum exercitu paucissimi evaserunt, sed penè omnes aut Frisiorum perièrè sagittis, aut præfocati aquis mori coacti sunt. Wilhelmo Comite sine liberis mortuo, Dux Brabantiæ Joannes Comitatum illius ad jus suum trahere, licet frustra, contendebat. Erat autem soror memorati Comitis Margaretha uxor Ludovici Imperatoris quarti, ut in præcedentibus, anno Henrici Abbatis quinto dictum est, quæ pepererat ei sex filios. Hæc proximior hæres terrarum fratris, ab Imperatore Principum decreto judicata, cum magno exercitu descendit in Hollandiam, & omnia quæ Germani fuerant, suæ ditioni potenter subjugavit, Ducemque Brabantiæ cum omnibus inquietantibus populum terræ in sua redire compulit. Post hæc Imperatrix Margaretha peractis omnibus, & ritè pacatis, terras prædictorum comitatum filio suo Wilhelmo commitens, in Bavariam reversa est; qui tunc titulum epistolis suis præposuit: *Wilhelmus Dei gratiâ, Comes Palatinus Rheni, Dux Bavariae, Comes Hannoniæ, Hollandiæ, Selandiæ, & Dominus Frisii*. Rexit planè memoratos Comitatus deinceps annis quatuordecim.

Imperatrix  
soror occisi  
Comitis  
potenter  
intravit  
Hollandiâ;

Wilhelmus  
filius Imperatoris fit  
Comes in  
Hollandia  
annis xiv,

Fuit autem Wilhelmus iste homo temerarius, superbus, Cleri persecutor, & devastator Ecclesiarum, qui multa mala intulit Episcopo Trajectensi, ut suo tempore & locoplenius dicemus. Matrem quoque propriam post obitum Patris, à qua & per quam omnem principatum suum fuerat assecutus, in multis sæpe contristavit, eam ad se venientem recipere noluit, sed persecutus miserabiliter fuit: unde post annos quatuordecim in principatu exactos, Deo vindicante Sanctorum injurias, ut dicitur inferius, morbum incidit, & vesanus delirusque factus, sine liberis gaudentibus cunctis miserabiliter decessit. Post quem frater ejus Albertus, sicut infra dicemus, terram obtinuit.

Ab istotempore Palatini Comites Bavariæque Duces per annos octoginta, Hollandiæ, Hannoniæ, & Selandiæ Comitatus cum parte Frisii, successionem hæreditariam obtinuerunt, usque ad annum Dominicæ Nativitatis mcccxxv. Tunc enim Joannes Dux Burgundiæ, cujus mater filia fuit domus Bavariæ, Comitatus jam dictos sibi armis potenter usurpavit.

Bb 3

Anno

Henricus  
Archiepiſc.  
Mogunti-  
nus à Papa  
citatus ex-  
communi-  
catur.

Anno Wichardi Abbatis memorato, Clemens Papa ſextus in Avenione reſidens, Henricum de Virneburg Archiepiſcopum Moguntinum adſe in propria perſona citavit, ad inſtantiam quorundam delatorum, propterea, quòd Ludovico Imperatori excommunicato jam diu nimis adherere pertinaciter, & de auctoritate Rom. Pontificis minus Catholicè ſentire videretur; citatus autem contempſit: unde Papa commotus, cum in publico multorum conſiſtorio excommunicavit, & denunciari per ejus Provinciam præcepit.

MCCCXLVI.

Gerlacus à  
Naſaw  
Archiepiſc.  
Mogunti-  
nus à Papa  
inſtituitur.

Anno Wichardi Abbatis quinto, die verò menſis Aprilis ſeptimo, Clemens Papa ſextus apud Avenionem in Conſiſtorio publico de conſilio & aſſenſu Cardinalium Henricum ex Comitibus de Virneburg Archiepiſcopum Moguntinum citatum, & non comparentem, ut jam diximus, per ſententiam ab omni dignitate Pontificali depoſuit, & privatum omni jure, quod habuerat ad Moguntinam Eccleſiam, in perpetuum pronuntiavit. Verùm ne poſt Henrici depoſitionem Moguntina videretur diutius vacare inſignis Eccleſia, idem Papa Clemens Archiepiſcopatum contulit Decano ejusdem Eccleſiæ majoris Gerlaco, filio Gerlaci Comitis de Naſſaw viri divitiſatque potentis, per cujus aſſiſtentiam partes Henrici ſperabat inſirmandas, ac penitus conterendas. Gerlacus itaque aſſumpto Pontificatu, Henricum quâ potuit perſequitur, & Eccleſia Moguntina illis inter ſe per annos ferme octo pro Archiepiſcopatu decertantibus, penè tota deſolatur; Henricus enim Papæ contempſit ſententiam, & ſe ut prius Archiepiſcopum geſſit in omnibus. Cunonem quoque de Falkenſtein Canonicum Eccleſiæ memoratæ, virum doctum atque prudentem, qui poſt Baldevvinum factus eſt Archiepiſcopus Trevirorum, in coadjutorem ſibi conſtituit, per cujus induſtriam ſimul & ſuffragia cognatorum partes ſuas non parum contra Gerlacum tuebatur. Per annos tamen octo continuos, quibus Henricus poſt ſui depoſitionem ſurvixit, ad quietam poſſeſſionem Gerlacus non pervenit, uterque tamen ſe geſſit Archiepiſcopum, & tam in ſpiritualibus, quàm in temporalibus Pontificiſ uterque in locis ſibi commodis exercebat officium. Durante hoc Schiſmate, per annos ſicuti diximus octo, miſerabili deſolatione in utròque ſtatu Moguntina premebatur Eccleſia, tantæque damna per illud tempus in re familiari ſuſtinuit, quanta in centum annis poſtea non potuit recuperare. Ambo namque contendentes pro lana, nullus ſe verum aut voluit, aut potuit exhibere paſtorem, ſed ut ſuam quiſque partem rebus & viribus meliorem redderet, proventus Eccleſiæ annuos & cenſus ambo miſerabiliter alienando diſtraxerunt. Pauperum Ruſticorum in tota poſſeſſione Principatûs incendia, ſpolia, & ultimam deſolationem conſultò pertranſeo, Monafteriorum & Eccleſiarum calamitatem non adverto, unum fuit malorum omnium maximum, tot periculum (ne dicam damnatio) animarum, dum cuiuſque partis caput in alteram excommunicationis fulminaret ſententiam, & præſumptam quiſque ſuam defenderet exiſtimationem.

Anno etiam prænotato inter Reinhardum Geldriæ Ducem, & Eduardum fratrem ejus graviffima fuit ſuborta diſſenſio, quæ in magnum totius Principatûs detrimentum ſuccreſcens, infinitam pauperibus terræ intulit deſola-

desolationem ; sæpius namque inter se pugnantibus multi ceciderunt in ore gladij perempti : villæ manserunt absque habitationibus desertæ : destructa igne castella, & terra Colonis aut interfectis aut fugâ lapsis, suam incultra sterilitatem deplorabat.

Eodem anno Clemens Papa sextus in Avenione scripsit Principibus Regni Germanici, seriosius mandans, ut infra certum terminum, quem eis in litteris tunc præfixerat, alium eligerent Regem, in Romanum, postea Imperatorem à se coronandum in Ludovici dudum abrogati locum ; quod nisi quantocius facere curaverint, se de Imperio dispositurum, quod sibi & Ecclesiæ utilius videretur.

Clemens  
Papa man-  
dat Princi-  
pibus, ut  
Regem  
contra Lu-  
dovicum  
eligan.

Anno igitur memorato Principes Regni litteris Papæ susceptis, ad oppidum juxta Rheni fluentia constitutum, quod Rense nuncupatur, haud procul à Confluentia convenerunt, Ludovici abrogationem & Papæ sententiam collaudantes ; nam ad oppidum Frankenfurt, ubi locus ab antiquo est regis eligendi, tantum non poterant habere accessum propter insidias Henrici abrogati quondam Archiepiscopi Moguntini, & oppidanos Frankenfurtenses, qui partes Ludovici pertinacissimè sequentes viribus tuebantur. Erant autem nomina Principum, qui convenerant ista : Baldevvinus Archiepiscopus Trevirorum, Gerlacus Archiepiscopus Colonienfis, Joannes Rex Bohemiæ, & Saxonum Dux Rudolphus.

Igitur anno prænotato undecimâ die mensis Julij, memorati principes consilio inter se cum multa, ut ferebatur, maturitate habito, in eo loco extra prædictum oppidum, ubi inter nucum arbores Regia sedes hodie constructa lapidibus cernitur, confidentes, Carolum Marchionem Moraviæ, Joannis Bohemiæ Regis primogenitum, in Regem Germaniæ, & Rom. Imperatorem concorditer elegerunt, virum doctum & Imperio dignum, qui uxorem habuit Philippi regis Gallorum sororem, quæ peperit ei inter alios liberos Wenceslaum Bohemiæ Regem, qui Patri successit in Imperio.

Carolus  
quartus in  
Regem  
Germano-  
rum eligi-  
tur.

Electione autem celebratâ supradicti Principes Carolum electum suum cum genitore præsentem, ad oppidum Colonienfis Ecclesiæ Bunnam festivè duxerunt, quem Walramus Colonienfium Archiepiscopus in Regem Germaniæ solemniter consecravat ; non enim tutò poterant Aquasgrani, ubi Capella est Regni, cum electo procedere, propter metum Aquensium, qui partes Ludovici sequebantur : & ab eo tempore Carolus iste quartus regnavit annis duobus & triginta, quamquam Ludovico vivente ad regni plenam possessionem non pervenit, licet Papa electionem in eum factam mox collaudaverit. Adolphus namque sive ut alij volunt, Rupertus Comes Palatinus Rheni, Ludovicus Brandenburgensium Marchio filius Imperatoris Ludovici, Duces Baviariæ, cum omnibus penè civitatibus & oppidis regni partes Imperatoris Ludovici senioris, in cujus verba semel juraverant, fidelissimè sequebantur. Henricus etiam Moguntinus quondam Archiepiscopus cum Ludovico sentiebat, qui tamen Ludovicus non diu supervixit, ut sequenti anno dicemus.

Carolus in  
Regem  
Bunnæ  
consecra-  
tur die 26.  
Novemb.

Anno Wichardi Abbatis præscripto, die mensis Augusti vigesimâ sextâ, quæ fuit sabbatum post festum S. Bartholomæi proxima, factum est bellum atrox inter Eduardum Regem Angliæ, & Philippum Regem Gallorum, pro Ducatu Normaniæ in Picardia, tribus à Monasterio sancti Judoci

Bellum in-  
ter Reges  
Gallorum  
Philippum,  
& Angliæ  
Eduardum.



Judoci milliaribus, inter duo villagia Crecy videlicet & Albam. Erat autem circa tempus vesperrarum, & ingravatum est bellum, acitèrque diu ab utràque parte pugnatum. Ceciderunt illà die de exercitu Regia Gallorum non minus viginti millia hominum: inter quos sagittà percussus cujusdam Anglici mortuus cecidit Joannes nobilissimus ille Rex Bohemiæ, Dux Luzenburgi, filius quondam Henrici Imperatoris septimi, Pater Caroli memorati jam Imperatoris quarti. Similiter cum eo tunc perierunt in parte Regis Gallorum, Dux Lotharingiæ, Comes Flandriæ, Comes de Salm, Comes unus de Mansfeld Saxo, & multi ex Teutonicis Comites, Barones, Nobiles & milites. Rex igitur Angliæ iterum de Gallis gloriôsè triumphavit.

Carolus  
Germano-  
rum Rex  
quartus in  
Regem  
Bohemiæ  
Pragæ co-  
ronatur.

Joanne autem rege memorato in bello sicut diximus occiso filius ejus Carolus Germanorum Rex quartus in regno Bohemorum successit, & anno prænotato tertiâ die mensis Septembris, quæ festivitate sancti Emerici Ungariæ quondam Regis fuit solemnis, Pragæ in Ecclesia Cathedrali per Archiepiscopum in Regem Bohemiæ solemniter fuit denuo coronatus, in præsentia multorum Principum.

Anno quoque prænotato quintadecimâ die mensis Septembris, & diebus quinque immediatè præcedentibus magna subito tempestas aeris cum gelu & glacie contra temporis consuetudinem irruit, quantum eâ tempestate viventium nullus ante vidit, neque audivit. Ex qua mortalibus damna infinita provenerunt & incommoda, pauperibus nullo tempore unquam deteriora; nam omnia penè vineta per Franciam Orientalem, Sueviam, Austriam, Belgium, & circa Rhenum, atque per totam Germaniam graviter læsa. fructum quem maturescentem jam portabant, ad vindemiam non poterant producere, & in sequentem similiter annum sterilitatem continuârunt: unde maxima vini penuria subsequuta fuit, & inopia grandis vinetorum.

#### MCCCXLVII.

Conventus  
Principum  
ad Carolū  
fit in Con-  
fluentia.

Anno Wichardi Abbatis quinto Carolus Rex Germanorum quartus Conventum Principum sibi adhærentium apud Confluentiam circa festum Purificationis B. Mariæ semper Virginis celebravit, in quo compa-ruerunt personaliter Baldevvinus Archiepiscopus Trevirorum, Walramus Archiepiscopus Coloniensis, Gerlacus Archiepiscopus Moguntinus, Rudolphus Dux Saxonie, & Episcopus quoque Metensis, Episcopus Verdunensis, Episcopus Monasteriensis, Episcopus Leodiensis, & plures alij, quos omnes Regalibus, ut moris est, Rex Carolus infeudavit; finito Concilio Rex Carolus in Bohemiam reversus est, validum congregaturus exercitum, ad pugnandum contra Ludovicum.

Henricus  
Moguntin'  
Imperato-  
ris querit  
auxilium.

Interea Ludovicus Imperator jam abrogatus, apud Monachium in Bavaria se continebat, ad quem veniens Henricus quondam Archiepiscopus Moguntinus, suas deplorabat miseras, & auxilium ejus cum gratia invocavit. Qui desolato compassus amico, solemnes Nuntios cum eo destinavit ad oppidum Frankfurt; ubi & Canonicos Moguntinos præcepit adesse cum suis amicis, ad tractandum pro aliquali concordia inter dissidentes. Qui convenientes ad Frankfurt dies multos inutiliter tractando consumunt, alijs pro Henrico, alijs verò pro Gerlaco inter se concertantibus. Tandem verò administratio Ecclesiæ Moguntinæ tribus fuit

fuit assignata Canonici sub tali conditione; quòd Henrico singulis annis ministrarentur de proventibus Ecclesiæ certa millia marcarum argenti pro sustentatione suorum. Pars Judicum Gerlaci Moguntia, pars autem Henrici ad littus Rheni apud Altam villam in castello, quod ipse construxerat, mansionem suam habebat. Postremò tamen administratio totius Ecclesiæ Moguntinæ uni commissæ est, Cunoni videlicet de Falkenstein Canonico viro prudentissimo, quem Henricus sibi ante in Coadjutorem assumpserat, ut paulò ante jam diximus. Hunc omnes Ecclesiæ Moguntinæ subiecti tanquam verum & legitimum administratorem, unanimiter suscipientes, in ejus fidem, ut est consuetudo, juraverunt: qui terram circuiens in manu valida, omnes Ecclesiæ munitiones in suam accepit potestatem, sicque administrator annis septem, potens in opere, & sermone usque ad mortem Henrici, quemadmodum suo loco plenius dicemus, permansit.

Cunoni de Falkenstein administratio Ecclesiæ soli committitur.

Verum quandiu vixit Henricus, iste Cuno magis pro eo fuit, quàm pro adversario ejus Gerlaco, quod ex eo fuit manifestum; quoniam redditus, proventus, & decimas Prælatorum Henrico non obedientium in omnibus penè locis suæ administrationi subiectis præoccupavit, & violenter detinuit. Fuerunt enim dies illi tribulationis & dies miseriæ, in quibus illa nobilis Ecclesia Moguntina in desolatione posita, & duos Pontifices habere videbatur, & nullum.

Eo tempore Joannes de Columna S. R. E. Cardinalis præposituram majoris Ecclesiæ Moguntinæ Apostolicâ provisione commendatam habuit, cujus fructus omnes per procuratores, ut fieri solet, in usum proprium convertit. Cuno itaque de Falkenstein præfatus, posteaquam in administratorem Ecclesiæ Moguntinæ constitutus fuerat, avaritiam, Romanorum detestatus, simul & Dominum suum Henricum de Virneburg per Papam ægrè ferens depositum, contra dictum Cardinalem se potenter opposuit: Procuratores illius omnes de Moguntia similiter expulsi: proventus, & redditus præposituræ sibi usurpavit: in toto administrationis suæ tempore in omnibus prudenter se habuit, & per industriam suam à multis periculis & damnis Moguntinam Ecclesiam relevavit.

Cunonis de Falkenstein audax facinus.

Anno Wichardi Abbatis præsignato, x. die mensis Octobris, quæ fuit solemnitate B. Gereonis & sociorum ejus Martyrum festiva, Ludovicus Bavarus ejus nominis IV. Germanorum Rex, & Imperator Romanorum, per Joannem XXII. Benedictum XII. & Clementem VI. Pontifices Romanos dudum abrogatus, in venatione haud procul à Monasterio Fürstfeld in Bavaria, de equo concidit, & fractâ cervice inter famulorum accurrentium manus expiravit. Cujus corpus ad oppidum residentia suæ Monachium relatum in Ecclesia B. Mariæ semper Virginis juxta Beatrix uxoris suæ prioris tumulum debito cum honore sepultum est.

Ludovicus Imperator IV. cadens de equo suo moritur.

Fuerunt, qui constanter & dicerent, & scriberent, illum veneno perijsse cujusdam Austriæ Ducissæ, quam ob fœdam tetrâmq; oris dispositionem omnes vulgò Maultsch, id est, oris peram nuncupaverunt; manè namque in venatione constitutus, circa prandij horam ad domum reversus est: & sumpto cum ea cibo in eadem mensa, ut ipsa paraverat, mox in interioribus malè sentire cæpit, quod nausæâ stomachi factum existimans, rursus equum conscendens ad venationem regreditur, sperans

C c

quod

quòd agitatione corporis melius esset habiturus. Verùm secus accidit. Incalescente nàmque agitato corpore nimium debilitatus est, dissimulansque internum cordis defectum, postremò de equo cecidit, & inter famulorum manus, sicut diximus, expiravit. Vir alioquin humanissimus, pius, & pacificus, qui contumelias & injurias sibi multipliciter irrogatas æquo semper animo toleravit, & magis benignitate atque clementiâ, quàm severitate vincere quoscunque adversarios studuit.

Quæ fuerit  
causa depo-  
sitionis Lu-  
dovici ab  
Imperio,  
notantur  
articuli.

Contra hunc Ludovicum Imperatorem Clemens Papa VI. anno priore in Cœna Domini apud Avenionem, sermonem in publico Consistorio habuit mordacissimum, omnesque censuras & processus Joannis Papæ XXII. in eum fulminatos dudum, innovans, sequentes illi articulos imposuit.

Articulus I.

Primus articulus, quem Papa Ludovico Imperatori objecit, iste fuit. Dicebat, illum esse hæreticum, atque Schismaticum, & non solum de Romana Ecclesia, sed etiam de fide Catholica malè sentientem, quod multis per eum gestis, dictis, & factis probare conabatur, quæ nos brevitate causâ scienter omittimus.

Articulus II.

Secundus articulus, quòd Romanæ determinationes Ecclesiæ pertinaciter contemneret, & suas opiniones falsas & temerarias veritati semper prætulisset. Determinationem nàmque Joannis XXII. de paupertate Christi, quam contra Fratricellos ediderat hæreticos, ut anno Sigismundi Abbatis sexto est dictum, Ludovicus Imperator contempsit; eamque persuasione quorundam ex Ordine minorum, qui Michaëlem de Cesena, & Wilhelmum de Okam sequebantur, deceptus dixit fore hæreticam; & in positionem se credere contrariam juramento firmavit.

Articulus III.

Tertius articulus, qui depositionis ejus causam dedit non ultimam, fuit: quòd sensit, credidit, dixit, scripsit & pertinaciter etiam defendit; Imperatorem Romanorum Jus habere plenum instituendi simul & deponendi Papam. Cujus erroris documentum exitit, quòd Petrum de Corbaria in Antipapam exaltavit.

Articulus IV.

Quartus articulus depositionis ab Imperio fuit, quòd citatus super hæresi responsurus non comparuit: & excommunicatus pro contumacia non advertit, sed per decennium in excommunicatione contumaciter perseveravit.

Articulus V.

Quintus articulus, quòd Joannem de Landavv hæresiarcham, Michaëlem quoque de Cesena quondam Ordinis Minorum Generalem cum sibi adherentibus, qui Joannem Papam XXII. blasphemaverunt esse hæreticum, sicut patet in quodam libello Wilhelmi de Okam, quem de erroribus memorati Pontificis prænotavit, secum tenuit, fovit, & contra Ecclesiam pertinaciter defensavit.

Articulus VI.

Sextus articulus: quòd Episcopatus & Abbatias, quibus voluit, non canonicè, neque electis, sed pro muneribus irrumpentibus contulit: interdictum Apostolicum contempsit; servantibus illud civitates interdixit: Presbyteros Papæ obediens, beneficijs & præbendis suis privavit, & multis contumelijs affecit.

Articulus VII.

Septimus articulus, quòd matrimonia in facie Ecclesiæ ritè solemnizata diremit, similiter & in gradu prohibito conjunxit: quod manifestum ex eo constat: quia filium Regis Bohemiæ de Comitatu Carinthiæ, quem  
ei cum



ei cum filia ultimi Comitis hærede legitimâ contulerat, violenter eiecit: raptâque uxorem ejus, cum qua undecim annis in matrimonio legali habitaverat, eam filio suo absque Judicio Ecclesiæ temerariè copulavit in scandalum plurimorum.

Pro his memoratis articulis, sive ut verius dicatur, transgressionibus Ludovici Imperatoris IV. motus Clemens Papa VI. eum ab Imperio Auctoritate Apostolicâ deposuit, & Principibus, ut alium eligerent, mandavit.

Eodem anno post mortem Imperatoris Ludovici convenerunt in unum Rupertus Comes Palatinus Rheni, Ludovicus Marchio Brandenburgensis filius mortui Cæsaris, Henricus quondam Archiepiscopus Moguntinus, qui se Pontificem etiam abrogatus gessit in omnibus, cum Bavariæ Ducibus, in oppido ipsius Palatini Oppenheim, animo & intentione novum eligendi Germaniæ Regem; dicebant enim, Caroli electionem non fuisse Canonicam: & propterea Baldevinum Archiepiscopum, Trevirorum, Walramum Archiepiscopum Coloniensem, & Rudolphum Saxoniam Ducem ad terminum electionis per litteras vocaverunt. Henricus autem de Virneburg Archiepiscopum se gerens Moguntinum, ne vocaretur Gerlacus, effecit. Regem quoque adesse Bohemiæ, cum esset electus, ratio non permisit.

Die verò electionis instante citatorum nullus comparuit, utpote qui se Regē elegisse canonicè non dubitarent. Unde cæteri, quos convenisse jam diximus, comitio inter se habito, Eduardum Regem Anglorum, de cujus victoria in Gallijs plura diximus, in Germanorum Regem, & consequenter in Romanorum Imperatorem coronandum unanimi consensu elegerunt; ordinatisque ad eum nuntiis magnæ auctoritatis, ut venire quantocius non tardaret, instantissimè rogabant, pollicentes arma, viros, impensas, & quicquid pro Imperio consequendo contra Carolum videretur necessarium.

Venientes in Angliam oratores jam dictorum Principum, ab Eduardo Rege summo cum honore fuerunt excepti: quibus summam legationis suæ coram eo dicentibus, Rex tale fertur dedisse responsum: *Benevolentia Principum vestrorum, & in me charitati gratias ago, & quod me Romano dignum censuerunt Imperio, non mediocriter exulto. Verumtamen tanta mihi cura est & sollicitudo continua in gubernandis regnis meis paternis Angliæ videlicet, Franciæ, atque Hiberniæ, quod Romano Imperio non possum intendere. Unde jus meum omne, si quod mihi competit ad Imperium, in manus Electorum meorum, cum gratiarum actione, liberâ & spontaneâ voluntate resigno.* His Oratores auditis, ac bene remunerati, ad suos in Germaniam redierunt.

Posteà verò quàm Principes memorati Regis Angliæ audivissent responsum, quod Regnum Germaniæ cum Imperio Romanorum non vellet assumere, sed electioni de se factæ renuntiasset, iterum apud Frankenfurt conveniunt, & Misnensium Marchionem Ludovici quondam Imperatoris generum in Regem Germaniæ, & Imperatorem eligunt Romanorum. Qui per oratores prædictorum Principum rogatus, ut regnum susciperet, libenter consensit, & se venturum quantocius cum exercitu armatorum ad partes Rheni promisit. Carolus autem Rex, ubi contra se Marchionem intellexit electum, suos ad eum oratores destinavit solemnes, & multis ei rationibus persuadere conatus est, ut invalidæ

Eduardus  
Rex Angliæ  
ad Imperiū  
contra Ca-  
rolum eli-  
gitur.

Marchio  
Misnensis  
contra Ca-  
rolum Rex  
eligitur. o

renuntiaret electioni : poſt multos tandem variòſque tractatus, Marchio conſiderans potentiam Caroli, eò quòd ex æquo non poſſet cum eo certare; maximè verò, quòd ejus electio jam eſſet à Sede Apoſtolica confirmata, prudenti ſuorum uſus conſilio, x. argenti marcarum millia, quæ offerebantur à Carolo, accepit, & omne jus ſuum ad regnum illi reſignavit.

Guntherus  
Comes de  
Schwarzenburg in  
Regem electus eſt.

Quod poſtquam Principibus memoratis innotuit, irati ſunt, & pro electione Regis jam tertij, tertio apud Franckenfurt oppidum conveniunt, habitis ſque inter ſe conſilijs multis Guntherum tandem Comitem de Schvvarzenburg Thuringum in Regem concorditer elegerunt, qui & ipſe conſenſit electioni, & exercitum pugnatorum contra Carolum ſtatim congregavit. Verùm cum iſta non ſtatim poſt mortem Ludovici, ſed ſucceſſivè poſterius facta ſint, ſingulis annis geſta ſua reſervantes ſcribenda, omiſſa repetamus.

Anno igitur prænotato, cum adhuc mors Ludovici lateret Carolum Regem in Bohemia conſtitutum, quid ageret, aut quomodo vinceret illum, quem viventem æſtimavit, ſedulò cogitavit; magno igitur Bohemorum, Sclavorum & Moravianorum congregato exercitu contra Ludovicum pugnaturus verſus Bavariam proficiſcitur: quem ubi mortuum cognoviſſet in itinere conſtitutus, ne ſæviret in pauperes terræ, ad pacem animo mitigatur. Die itaque menſis Octobris xxii. venit ad Ratisbonam, & à civibus ut Rex Germaniæ verus cum honore ſuſcipitur, conſuetis juramentis veneratur.

Carolus  
Rex Norinbergenſes  
pecuniâ in  
deditione  
accepit.

Inde proſectus cum exercitu ad Norinberg oppidum Regni, ultimâ die menſis Octobris à civibus intromittitur, ſuſceptoque fidelitatis juramento, ut moris eſt, Rex ab omnibus ſalutatur. Sunt tamen qui ſcribunt, eam Norinbergenſium fidem ſeu obedientiam non parvis muneribus à Carolo fuiſſe comparatam; Burggravium quoque Norinbergenſium magnis pecunijs, & pollicitationibus ſibi fecit obnoxium. Horum exemplo provocati & alij plures Regni cives, tam in Francia Orientali, quàm alibi Regem Carolum placidè ſuſceperunt.

Exinde Rex Carolus per Alſatiam ducens exercitum, ſuæ illam ditioni ſine pugna ſubjecit. Veniens autem Baſileam petivit ingreſſum, ſed cives illum nolebant intromittere; niſi prius à cenſuris abſolverentur omnibus, quas propter Ludovici adhæſionem incurriſſent. Habebat ſecum Apoſtolicæ Sedis Legatum quendam Rex Carolus, qui Baſileenſes ad ejus instantiam abſolvit. Quo facto civitatem ingredi permiſſus eſt; cui omnes juramentum fidelitatis ſolitum præſtiterunt.

Rex Evangelium Baſileæ legit  
ad miſſam.

In nocte quoque Dominicæ Nativitatis Rex Carolus in principali Eccleſia Baſileenſi, ſacris indutus ornamentis Diaconi, gladium tenens aureum in dextra manu, & coronam portans in capite regalem, Evangelium legit ad miſſam: *Exijt edictum à Caſare Auguſto: Et Sacramentum Domini Corporis accepit.*

Anno etiam præſignato vindemia perexigua fuit, & parvum emolumentum ex vinetis mortalibus provenit; nam vix pars vini decima crevit, ex eo, quòd vineta ſicut anno præcedente ſimul & iſto dictum eſt, perierunt.

Eodem quoque anno ingens vapor magnitudine horribili à Boreali motus regione magno aſpicientium terrore per ærem medium in terram dilabiur.

dilabitur. Fuerunt etiam, qui scripserunt, hoc ipso quoque anno quassdam minutas bestiolas multiplicato numero, imò innumerabiles penitus in Oriente decidisse de cœlo in terram, quarum corruptio mortalibus induxit pestem anno sequente maximam.

Prædixerat hanc mortalium cladem ante triennium Astronomus quidam, in sua arte peritus; cuius verba, quoniam brevia sunt, ex ordine ponamus. *Unus erit mundi Dominus solus. Imperium Romanum exaltabitur. Contentiones multe & magna erunt in terra. Tyrannus Gallorum Rex cadet cum Baronibus suis. Tonitruum fiet insolitum & horribile. Magna sanguinis erunt effusiones. Papa cum Cardinalibus suis dissipabitur. Erit fames magna in terris. Pestilentia quoque & mortalitas hominum per universum orbem horrenda & inestimabilis. Calor erit magnus in aestate: & frigus nimium in hyeme. Semina corrumpentur in terra. Vindicabitur injuria Regis: & regina veneris fuga transmigrabit ad externos. Pulices, locustæ, & animalia venenosa multa erunt super terram: & plura in aëre signa apparebunt atque mirabilia.* Ex his quæ futura prædixerat, in anno Dominicæ Nativitatis millesimo trecentesimo quadragesimo octavo plura contigerunt, non omnia; quæ utrum reverà præviderit ex astris, an ex conjectura præsumperit aliqua eorum, quæ præcesserunt, mihi non satis apparet hâc vice manifestum.

Astronomus multa his temporibus prædixit esse futura.

#### MCCCXLVIII.

Anno Wichardi Abbatis septimo fuit quidam homo Ribaldus, qui Lucri causâ Volmarum se Marchionem Brandenburgensem finxit, simulavit. & publicè dixit, quem ante annos fermè triginta mortuum diximus superius anno videlicet Sigismundi Abbatis secundo. Videbatur autem Marchionem Volmarum Ribaldus iste facie repræsentare per omnia, his, qui verum prius noverant tunc mortuum; & signa multa dedit, per quæ plures etiam potentes decepit, in scandalum Regni & periculum; dixit enim, se reverà Marchionem esse Volmarum, & numquam mortuum, fuisse vel sepultum: sed corpus cujusdam histrionis tunc mortui, secretissimè sublatum, & suo nomine cum honore tumulatum; propterea ut cunctis lateret, quod mente gerebat propositum pœnitendi, se autem, histrione sepulto, cum uno famulo dicebat in habitu peregrino secretè mediâ nocte recessisse de Patria, & per continuos novem & viginti annos hincinde pro Dei amore limina visitasse Sanctorum, & interea à nullo fuisse recognitum. Nunc autem pœnitentiâ peractâ revelatione Divinâ præmonitum redire in Patriam, ut Regno Romanorum succurrat labenti atque confuso multiplici machinatione pravorum. Causam verò tam arduæ pœnitentiæ assumendæ finxit talem: quod Patruī sui quondam, Marchionis Brandenburgensis filiam contra Ecclesiasticas leges duxisset uxorem, cum qua pluribus annis in matrimonio ficto atque prohibito ab Ecclesia habitasset. Unde postremò sibi asseruit revelatum divinitus, quòd animam salvare suam aliter non posset, nisi dimissis omnibus pauper & peregrinus amore pœnitentiæ usque ad revocationem Angeli Domini exularet. Qui cùm animæ suæ maximè, ut asseruit, salutem amaret, se mortuum finxit, ac tali commento jam securus noctu fugiens tanto tempore exularet.

Ribaldus quidam Volmarum finxit se Marchionem in Brandenburg.

Multos viros nobiles atque potentes in terra Saxonum & Marchiarum hâc simulatione decepit, plurisque in suam partem etiam Principes



pes attraxit. Nam & Carolus Germaniæ Rex ejus machinatione deceptus Volmarum Brandenburgienſium eſſe Marchionem credidit, & multa pro eo contra Ludovicum Imperatoris filium, qui tunc Marchiam tenebat, conſilia & auxilia impendit. Erant & alij plures viri potentes in Marchia & Saxonia Epifcopi, Abbates, Comites, & nobiles, qui cum Volmarum eſſe reverà credebant, quorum auxilio non parvam Marchiæ partem obtinuit, & juratos Ludovico Marchioni complures in perjurium traxit. Verùm non diu latuit falſi Marchionis ſimulatio, ſed manifeſtata per unum ex familiaribus quondam Volmari per quædam ſecretiora corporis ſigna. Cùm ſe comprehendi timeret & occidi, ſecretè auſugit.

Anno prænotato in menſe Januario, Carolus Rex ſecum habens Bambergienſem Epifcopum, cui Papa vices ſuas per Regnum commiſerat abſolvendi pœnitentes, qui propter Ludovicum fuerant excommunicati, vel interdicti, & quendam alium Apoſtolici Sedis Nuntium, à Baſilea deſcendit ad Wormatiam, ubi reperit populum ſeditioſè tumultuantem, unde neceſſitate compulſus fecit eos ſine juramenti interpoſitione abſolvi.

Pestilentia  
fuit maxi-  
ma, quæ  
mediam  
hominum  
partem  
conſum-  
pſit.

Anno prænotato Wichardi Abbatis ſeptimo, lugubris & miſeranda peſtis per univerſum penè orbem deſævienſ, infinita millia hominum proſtravit; nam in Aſia apud Indos, ubi anno proximè præterito vaporem decidiffe horribilem diximus, incipienſ, paſſimque per omnes Aſiæ, & Europæ regiones irrepens, trium annorum ſpatio uſque ad Inſulas Britanniciæ in omnes gentes deſæviit. Tanta hujus miſerandæ cladis immanitas fuit, quòd penè mediam humani generis partem ſuâ crudelitate conſumpſit. In nulla tamen natione crudeliuſ deſæviit, quàm in Italia, quando in ſola Florentia hoc anno pluſquàm ſexaginta hominum millia peremit, & plura oppida, villas & caſtella ſine habitatoribus deſolavit. Multi quoque in hac miſeranda clade peſte percuſſi ſine Sacramentis Eccleſiaſticis deceſſerunt propter morientium multitudinem, & Sacerdotum paucitatem; quippe cùm arva & urbes mortuorum replerentur cadaveribus, & præ nimia cadentium multitudine nec patrem filiuſ, nec matrem filia, nec ſociuſ ſocium, nec amicuſ amicum, nec Dominuſ ſervuſ curare potuerit, vel ſepelire. Nam ſicut diximus, hæc peſtis multas civitates, caſtra, villas, domos, & agros hominibuſ penitus evacuavit, ita quòd nec unus in eis remanſerit. In Germania tamen non uſque adeò crudeliter ſæviebat, ſicut in cæteris nationibuſ, quamvis nihilominuſ quartam hominum partem ad minus indubitanter abſumpſerit.

Eduardus  
Angliæ  
Rex hoc  
anno voca-  
tur ad Im-  
perium.

Hoc ipſo anno Henricuſ Moguntinenſium abrogatuſ Archiepiſcopuſ, Ludovicuſ Brandenburgienſium Marchio, Rupertuſ, & Adolphuſ Comiteſ Palatini Rhenenſeſ, quòd præcedente anno per neceſſariam anticipationem, ut continuaretur hiſtoria diximus, primò Eduarduſ Regem Angliæ vocaverunt ad Imperium, poſt Marchionis ceſſionem: quo contemnente illud accipere, à deſiderio ſuo fraudati ſunt, & ſequente anno ad Guntheruſ Comitem vota direxerunt. Hiſ temporibuſ Judæi magnam per totam Europam in omnibuſ lociſ perſecutionem ſuſtinue-  
runt; infamabantur etenim quòd omneſ totiuſ penè orbis fonteſ & puteoſ  
veneno infeciſſent, in odium & pernitiem Chriſtianorum, & ex illa  
fontium intoxicatione tot millia hominum peſte ubique morerentur.  
Paſcua etiam jumentorum eorum veneficio dicebantur infecta, quoniam

nq̃

non minus pecora moriebantur peste, quàm homines. Alia quoque multa vulgabantur in eos nefanda, quæ Christianis Principibus minimè dissimulanda viderentur. Quâ occasione moti Principes & iudices Christianorum, per totam penè Europam à mari Mediterraneo usque ad mare Germanicum, per Italiam, Hispaniam, Galliam, Ungariam, Poloniam & cæteras nationes, in quibus erant Judæi, penè omnes miserandum illud ac perfidum genus hominum capientes, torturis horribilibus submiserunt, & multa eorum millia flammis, aquis, præcipitio, ferro, & diversis tormentorum generibus occiderunt. Solus Papa Clemens sextus Judæos in Avenione habitantes ab hac internecone contra multorum sententiam potenter servavit, non sine suspitione pecuniarum. Jure, vel injuriâ sustinuerint hanc persecutionem Judæi, non dixero, sed miror, quo inventore talis in eos fuerit orta suspicio, cùm & ipsi iisdem quibus Christiani aquis uterentur, & multi eodem tempore à peste fuerint consumpti. Judæi autem qui habitabant in civitate Francorum Orientalium Wirtzburg, videntes in malo se positos, & quòd furentium populorum favitiam non possent effugere, quin foret necessarium interire, subfossis in terram, atque projectis in cloacas thesauris suis, januisque firmiter obfirmatis domorum, habitationes suas omnes igne supposito incenderunt, & semetipsos cum uxoribus, liberis & cunctis rebus manè quodam ante solis ortum combusserunt. His enim pressi malis Judæi, hanc ipsâ tempestate valdè humiliati sunt, & in parvum numerum redacti, quod eorum perfidia meruit, quæ Dominum & salvatorem nostrum Unigenitum Dei Filium usque in præsentem diem blasphemavit.

Judæorum  
persecutio.

Judæi Her-  
bipolentes  
semetipsos  
cum suis  
domibus  
incende-  
runt.

Circa hæc tempora surrexit nova quædam secta Flagellatorum, nuncupata, cujus auctores de Ungaria venientes in Germaniam & Italiam multos novitate suâ infecerunt, incedebant medio corpore undi, caput operientes caputio, pileoque, à lumbis autem deorsum lineâ camisiâ pudibundis operimentum præstabant. Cùm incederent alio tempore, quo se flagellare non solebant, nigro utebantur habitu, crucem antè & retrò portantes albi coloris assutam. In sinistra manu crucem gestabant ligneam, & in dextera flagellum, quod nodos in extremitate ternos habebat, quibus aculei de ferro erant infixi. His sese flagellis publicè in Ecclesijs & extra cunctis inspectantibus usque ad effusionem sanguinis sub prætextu pœnitentiæ sæpius flagellabant, deinde in modum crucis prostrati super terram orationem Dominicam orabant, & maximam coram omni populo devotionem mentis in Deum ostendebant. Multa & magna devotionis exercitia falsa sub specie faciebant pœnitentiæ, quam ipsi non ex judicio Sacerdotum, sed propriâ sibi assumptione imponebant, carmina in lingua materna canentes, quæ puritati Ecclesiasticæ traditionis ut plurimum erant contraria. Circumierunt per civitates, oppida, & villas, Principem unum cum vexillo crucis, & duos præceptores sequentes, quorum jussis obtemperabant in omnibus. Neminem in suum recipiebant consortium, nisi prius jurâset, omnia se statuta eorum sectæ firmiter observaturum, haberetque tantundem substantiæ temporalis, quòd quatuor denarios Wirtenbergenses pro suis expensis quotidie potuisset exponere, quia non mendicabant publicè vel ostiatim. Divites tamen pauperibus hilariter subvenire curabant. Erant in ea secta multi claustrales Or-

Flagellato-  
rum secta  
his tempo-  
ribus sum-  
psit exor-  
dium.

dinum

Flagellato-  
res ex Sue-  
vis ducenti  
fuerunt in-  
venti.

dinum mendicantium, ſacerdotes quoque ſæculares, nobiles, cives, viri, & mulieres, qui omnes ſimul turmatim incedentes, mundum in ſtuporem verterunt, & brevi tempore valdè multiplicati creverunt, multos paulatim ſecum in errorem pravum ducentes. In Suevia cum primis hanc ſectam acceptârunt quidam clauſtrales mendicantes, Sacerdotes, Laici, viri & mulieres numero ducenti, unum inter ſe Principem, & duos habentes magiſtros, quorum præceptis obtemperabant.

Ad Spiram  
venerunt,

Venerunt de Suevia proceſſionaliter ad Spiram, & majus templum ingreſſi, cæremonias, & flagellationes cum orationibus cunctis mirantibus ſuo more perfecerunt. Spirenſes autem cum novitate rei, tum religionis intuitu, eò quòd plures etiam nobiles ex eis noviſſent, miſericordiam in eos exercere volentes in domos ſuas hoſpitalitatis gratiâ invitârunt, & tam ſubitò à civibus omnes rapti fuerunt de plateis, ut extemplo qui invitare pergeret, nullum inveniret, eſſentque receptores quàm qui reciperentur multò plures. Spiram exeuntibus ſupra centum è civibus ſe illis conjungunt, quos tamen in ſocietatem eorum noluerunt recipere, niſi præſtitio prius de articulis, & cæremonijs eorum firmiter ſervandis juramento, haberétque de propria ſubſtantia ſua quilibet ſingulis diebus in ſumptus communes quatuor denarios exponere.

Ad Argen-  
tinam.

Cùm veniſſent ad Argentinam, ubi tunc erat Carolus Germanorum Rex, tantus eorum fuit numerus, ut certò minimè poſſet æſtimari. Carolus autem Rex videns quemadmodum omnes ſicut pecora tranſirent in unum, religioſos mendicantes & Sacerdotes ex eis ſeparavit, interdicens illis, ne promiſcuis turbis immiſcerentur, ſciens fortaiſſis, ſectam non bonis principijs ſubnixam.

Ad Herbi-  
polim.

Anno etiam Wichardi Abbatis prænotato, ſecundâ die menſis Maij magna flagellatorum multitudo ex Polonia, Miſnia, & Thuringia, cum crucibus & vexillis proceſſionaliter intravit Herbipolim, & ibidem triduò permanſerunt. Verùm quia nimium quotidie multiplicabantur, nec poterant eos capere urbes, ut ſimul incederent, in plures ſe turmas diviſerunt, quorum alij Saxoniam, alij Marchiam, alij Bohemiam, alij Auſtriam, atque alij Ungariam, nonnulli ad partes Rheni Moguntiam, Coloniam, Treverim & partes Galliarum cum ducibus ſingulis atque magiſtris intraverunt.

Flagellato-  
res in A-  
venione  
coram Papa  
fuiſſe me-  
morantur.

Anno etiam præſcripto venerunt in Avenionem, ubi Clemens tunc Papa ſextus cum Cardinalibus ſuis morabatur. Flagellatores ſtudioſè immiſſi ad explorandum, quid de illa ſecta, Apoſtolica ſentiret Eccleſia. Intrantes autem turmatim Eccleſias, ſuo ſe more flagellabant publicè, orabant in modum crucis proſtrati ſuper terram, & magna poenitentiarum ſigna multipliciter oſtendebant, in tantum, quòd non ſolum cives, ſed etiam Cardinales in ſtuporem verterunt. Et multis quidem notabilibus viris placuit eorum converſatio. Papa verò cùm eſſet vir undecunque doctiſſimus, rem altius conſiderare cepit, & maturâ deliberatione in ſecretario cordis ſui præhabitâ, ſub excommunicationis ſententia prohibuit, ne deinceps ſeſe publicè flagellarent. Non placuit Cardinalibus iſta prohibitio, qui ſectam illam putabant ſanctiſſimam, & ideò ſe Pontifici fortiter nonnulli ex eis oppoſuerunt. Verùm Papa in ſua perſtans ſententia, ſectam illam ſub anathematis vinculo damnavit. Quod videntes Prin-



Principes sectæ, magno timore perculsi sunt, & in paucis diebus penitus evanuerunt. Tandem Papa in suam sententiam revocatis Cardinalibus, omnibus Archiepiscopis, & Episcopis scribens per Apostolica scripta mandavit, quatenus sæpeditam Flagellatorum sectam in suis Diocesisbus extinguere, Sacerdotes, & Claustrales, qui hæc hæresi fuissent infecti, carceribus manciparent, tenerentque captivos, donec aliud ab eo reciperent in mandatis, sicut patet in ipsis litteris, quas misit ad Gerlacum Archiepiscopum Moguntinum, & ad alios Archiepiscopos Germaniæ, quarum tenorem his inferere utile judicamus.

*Clemens Episcopus servus Servorum Dei. Venerabilibus Fratribus Archiepiscopis eorumque suffraganeis salutem & Apostolicam benedictionem. Inter sollicitudines innumeras, & immensas, quibus ultra vires Apostolica servitutis debito perurgemur, illud cordi nostro potissimum insidet, & ad hoc attentius studia nostra convertimus & conatus, ut apud omnes Christiani nominis professores fides orthodoxa fulgeat, sanctorum Patrum doctrina splendeat, & sic Catholica & Apostolica Ecclesia Romana Religio sine cujusquam simulationis, fictionis seu velaminis pallio, purè & inviolabiliter observetur, quod à vinea Domini Sabaoth, cujus cura & custodia nobis licet immeritis est commissæ, vepres & urtica tam periculose quam damnabiliter succrescentes evellantur; & vulpecula quæ ipsam demoliri nituntur, per Apostolica Sedis curam & providentiam abigantur.*

Exemplar  
litterarum  
Papæ ad  
omnes Epi-  
scopos con-  
tra Flagel-  
latores.

Sanè molesta nobis, licet fide digna magnorum relatio & multorum assertio, nostrum & Fratrum nostrorum non mediocriter turbavit auditum; quod in partibus Regni Germaniæ & ei convicinis quadam sub pretextu devotionis, & agenda penitentia vana religio & superstitiosa adinventio procurante favore maiorum operum surrexerit; per quam prophana multitudo simplicium hominum, qui se flagellantes appellant, decepta verbis fictis atq. mendacibus malignorum, assertitum, Salvatorem nostrum Hierosolymis Patriarcha Hierosolymitano apparuisse; (cùm tamen à longis citra temporibus nullus ibidem præsentialiter fuerit Patriarcha) & sibi aliqua dixisse, quæ colorem veritatis non habentia nec saporem, quibusdam sacra scriptura auctoritatibus obviare noscuntur, in illam cordis vesaniam est deducta, & in animæ præcipitationem acta; atque de die in diem suggestionibus hostis antiqui se, ut dominicum gregem devoret, transferentis in angelum lucis, nimium succrescendo deduci (cortinâ trahente cortinam) periculosius formidatur, quod se per societates, & conventicula (licet caudas invicem colligatas habeant) dividentes, diversas circumeunt Patrias; cæterorum hominum vitam & statum condemnando se justificant. Claves Ecclesiæ vilipendunt, ac in contemptum disciplina Ecclesiastica, habitum certum, nigrum videlicet, antiè & retrò ipsius vivifica crucis impressum habentes signaculum, sine superioris licentia deferentes sub nomine penitentia gerunt; & alias in causa insolita Congregationes, conventicula, & coadunationes, quæ à jure sunt prohibita, faciunt, & ad alios actus profiliunt, à vita & moribus observantiæque fidelium Christianorum penitus alienos. Ordinationes etiam & statuta, quibus utuntur (imò verius abutuntur) propriâ temeritate fecerunt, erroris suspitione non vacua, & iudicio rationis carentia. Sed ex eo tam pro Deo quàm hominibus odiosè per amplius turbamur, acerbiusque & durius anxiamur, quod quidam religiosi præsertim de Ordinibus mendicantium, qui alios revocare debuerant, & ad viam reducere veritatis, & ab atro matris Ecclesiæ veluti maledictionis filij nequiter aberrantes, linguas suas, ut alios pertrahant in errorem, acunt, quibus corda debilia vulnerant, & igno-

Falsa reve-  
latio à Fla-  
gellatori-  
bus ficta.

Flagellato-  
rum erro-  
res multi,  
& vitia.

antes Dei Justitiam suā propria innitentes prudentia, dum legi Domini nolant esse subjecti, alijs in persuasibilibus humana sapientia verbis predicando & dogmatizando contra Ecclesie libertatem & fidei Catholica puritatem, ab ipsa veritate subducere moluntur. Quod eò faciunt efficacius, quo conceptum virus latenter effundunt: blandis prius sermonibus auditores, quasi bonam vinum prius ponendo, satagunt irretire, & cum inebriati fuerint, illud quod est deterius, cum ipsis in perditionis laqueum incidunt; & in profundum malorum pariter demerguntur.

Error Flagellatorum multa in-  
tulit Reipub-  
licæ scan-  
dala.

Nos igitur tam pernicioso & periculoso principio, per quod ultra divina majestatis offensam, magnum etiam Reipub. periculum, & apud fideles scandalum generatur, ne deteriores processus pariat & successus, obviare volentes, & considerantes, quod cum plerique ex ipsis, seu adhaerentes eisdem, sub pietatis colore ad impietatis opera laxantes crudeliter manus suas, Judaeorum, quos pietas Christiana retinet & sustinet, offendi eos aliquatenus non permittens; & frequenter etiam Christianorum sanguinem effundere, & oportunitate capiat bona Clericorum & Laicorum diripere, & suis usibus applicare, ac superiorum Jurisdictionem usurpare, & ad multa alia illicita erumpere minimè vereantur.

Timendum est, quod tam presumptuosa temeritas, & temeraria presumptio, nisi ei persalubri antidoto occurratur, paritura sit non levem perniciem, nec sine aliquorum morborum lethali contagio properans in plurimos, serò recipiat medicinam. Attendentes insuper, quod error, cui non resistitur, quodammodo approbari videtur, & quod ex officio nobis injuncto compellimur, ut quos per iter devium errando currere, & plures in praecipitationem secum trahere percipimus, ac in dispersionem multarum gentium ambulare, revocando à devio, ut in viam veritatis & justitiae dirigant gressus suos, eisque providere per opportuna remedia studeamus. Fraternitati vestrae, de Fratrum nostrorum consilio per Apostolica scripta committimus, & districtè precipiendo mandamus, quatenus vos & singuli vestrum in singulis civitatibus vestris & Diocesis, per vos, seu alium vel alios, ad inventiones hujusmodi seu ritus prophanos (quos una cum societatibus, congregationibus, statutis, & ordinationibus supradictis, qui se ut praemittitur Flagellatores appellant, temerariè attentatos, de eorundem Fratrum nostrorum consilio perpetuae prohibitioni subiecimus, & tanquam illicitos reprobavimus) auctoritate nostrā reprobetis, in vestris civitatibus, & Diocesis, reprobos & illicitos publice denuntietis: ac omnes tam Clericos, saculares, quàm Regulares, & Laicos de praedicta superstitiosa secta, vel societate quocumque appelletur nomine existentes, vel eam sectantes, auctoritate praedictā monere & inducere studeatis, ut ab hujusmodi observantia, secta & nova religione totaliter desistere, & resilire procurent. Quodque nullus deinceps praedictam sectam seu conventiculum praesumat intrare, aut ritus & statuta societatum hujusmodi observare; contrarium facientes per Censuram Ecclesiasticam coercendo: nec non eos, in quos temporalem jurisdictionem habetis, per penas temporales, de quibus expedire videritis, appellatione postpositā, compellatis.

Sanè ut Religiosi & alij errorum Magistri, qui predicando & dogmatizando simplices decipiunt, & caci ducatum cecis prabentes, ipsos secum in foveam trahunt, & si non divino amore, saltem humanā confusione à tam iniquo proposito revocentur: omnes & singulos cujuscunque sint Ordinis, Religionis, praeminentiae vel status, quos in praemissis vobis constiterit deliquisse, capi faciatis; non obstante quocumque privilegio vel indulto (quod eis in nullo suffragari volumus) tam diu captivos

*captivos detineatis, donec aliud à nobis acceperitis in mandatis : invocato ad hoc, si opus fuerit, auxilio brachij secularis.*

*Per prædicta tamen nequaquam intendimus prohibere, quin Christi fideles imposuam sibi penitentiam, vel etiam non imposuam, dummodo rectâ intentione, & purâ devotione ad illam peragendam procedant, in suis hospitij, vel alijs, absque superstitiosis congregationibus, societatibus & conventiculis supra dictis, possint facere, & se in bonis exercendo virtutum actibus Domino, prout ipse inspiraverit, in humilitatis spiritu deservire.*

*Ceterum quia presentes littere nequeunt singulis vestrum propter locorum discrimina commode presentari, volumus, quod per te Frater Archiepiscopo, earum transsumptum publicâ manuscriptum, & tuo communitum sigillo vestris Suffraganeis transmittatur : cui adhiberi volumus plenam fidem. Datum Avenione XIII. Calend. Novembris Pontificatus nostri anno octavo.*

His litteris Romani Pontificis, Archiepiscopi & præsules Germaniæ susceptis memoratam Flagellatorum sectam in suis Dicecesibus damnatam, superstitiosam, impiam, & reprobam à Romana Ecclesia publicè denuntiari fecerunt, & sub censuris prohibuerunt gravissimis: spontaneâ voluntate poenitentes de commisso errore cum pietate receperunt ad gratiam, contemnentes verò mandatum Ecclesiæ, & in sua temeritate perdurantes, varijs cruciatibus addictos, aut mori compulerunt, aut ad S. Matris Ecclesiæ Catholicæ redire unitatem. Plures eâ tempestate Clerici, Sacerdotes, atque Claustrales de mendicantium Ordinibus, qui Flagellatorum aut socij fuerunt, aut magistri, juxta mandatum Papæ carceribus mancipati sunt, è quibus etiam nonnulli in vinculis obierunt. Duravit ramen Flagellatorum discursus in annum sequentem, & omnes deinceps evanuerunt.

Flagellatores omnes brevi tempore evanuerunt.

Anno Wichardi Abbatis prænotato Comes Palatinus Rheni, Bavaricæque Dux & Comes Hannoniæ, Hollandiæ, Seelandiæque ac Frisiæ Dominus, Ludovici quondam Imperatoris filius, homo quietis impatiens, magno pugnatorum coadunato exercitu Trajectensis Ecclesiæ terram furibundus intravit; spoliavit Ecclesias, nec Monasterijs pepercit; villas incendit, pauperes interfecit, & plura memoratæ damna Ecclesiæ intulit, non habens rationabilem causam.

Eodem quoque anno Bernenses in Confæderatione Suitensium contractis copijs castellum Comitis de Kyburg, Huttvil nuncupatum, obsidione fortissimâ cingentes gravissimè impugnaverunt; immissoque tandem igne oppidum simul & castrum in cinerem redegerunt. Oppidani, paucis exceptis, penè omnes aut igne perierunt, aut gladio Bernensium, fuerunt occisi.

Huttvil oppidum Comitis de Kyburg à Bernensibus destruitur.

Anno item prænotato Conradus Dux in Teck Ludovici quondam Imperatoris IV. magnus consiliarius, cum illo mortuo adhuc resideret in oppido Monacensi, & pro filijs Domini sui consuleret, mirabili morte fuit occisus. Nam die quâdam Svverkerus de Gundelfingen ad eum intravit, claro meridie in æstuario sedentem solum, quasi ad salutandum illum, extractoque latenter gladio crudeliter interfecit, & confestim exiens auffugit.

MCCCXLIX.

Anno Wichardi Abbatis octavo Indiēt. Romanorum II. Guntherus

D d 2

Comes



Guntheri  
cum Caro-  
lo Bohemo  
certamen  
pro Impe-  
rio.

Comes de Schvvarzenburg. quem Principum pars adverſa Carolo, quem admodum ſupra dictum eſt, in Germaniæ Regem conſtituerat, cum magno exercitu venit ad oppidum Frankenfurt, juxta Moganum, & in campis extra oppidum fixit tentoria ſecundum antiquam conſuetudinem Germanorum; diebus ſcilicet tribus, & ſex hebdomadibus, ibidem congreſſum expectans Caroli, quo aut victor aut victus abire cupiebat. Erat autem Guntherus vir jam grandævus, fortis & bellicoſus, qui plura non minus fortiter quàm feliciter cum hoſtibus diverſis gesserat bella. Hunc oppidani Frankenfurtenſes in Gelinshuſen & Fridberg cum vicis, urbibus, oppidis & populis, ut verum Germaniæ Regem jurati ſuſceperunt.

Audiens Rex Carolus Guntherum veniſſe ad Frankenfurt, & ſuum expectare congreſſum, paravit exercitum, & ſtatuit cum eo inire certamen. Verùm ubi venit ad ſtationes, conſideravit ſe Gunthero inferiore, & deficientibus pugnatorum viribus, indiſtriā ſuperavit fortioſiorem. Conſilio namque Baldevvini Archiepiſcopi Trevirorum, Baviariæ Ducem cum multis militibus in exercitu Guntheri ſuam traxit in partem: cui pro confirmatione fœderis, filiam ſuam dedit uxorem, licet ſanguine proximam. Non enim præſumpſit Carolus approximare Gunthero, quamvis illum tribus hebdomadibus expectaſſet in agro Frankenfurtiano; ſed profeſtus ad Spiram, ibi cum Principibus ſuis Baldevvino Trevirorum, & Gerlaco Moguntinienſium Archiepiſcopis, Comite quoque de Wirtenberg, qui tum potens erat, & dives, alijsque nonnullis, quid agere conveniret, ſedulo tractaverunt.

Guntherus igitur advertens, ſe fruſtra expectare illum, qui non erat venturus, exercitum duxit in Alſatiam, ac oppidum Friburg obſedit & expugnavit. Interea Carolus deſcendit ad Moguntiam, quem cives in odium Henrici abrogati Archiepiſcopi, cum favore maximo ſuſceperunt jurantes. Quòd cum innotuiſſet Gunthero, dimiſſa in pace Alſatiā, cum exercitu ad Frankenfurt conſeſtim revertitur: quo priuſquam perveniret, in itinere graviter cæpit inſirmari, & tamen nihil plus, quàm congreſſum Caroli optabat.

Concordia  
fit inter  
Carolum &  
Guntherū  
Comitem.

Verùm ubi morbus quotidie plus invaleſceret, dimiſſo apud Francofurt exercitu, ipſe quietis gratiā conſilio Principum ad caſtellum Archiepiſcopi Moguntini Altavilla, quod Henricus tum obtinuit abrogatus, perducitur, & ibidem jacens diutius inſirmatur, Carolus autem conſiſtebat in Moguntia. Quem ſic inſirmantem Ludovicus Marchio Brandenburgienſium accedens de concordia ineunda cum Carolo multis cæpit rationibus adhortari: Guntherus autem videns, ſe à ſuis Principibus deceptum, & corpore graviter inſirmatum, tandem perſuadenti conſenſit, & propoſitas ſibi conditiones pacis & concordie acceptavit. Duo in Thuringia oppida Regni, quoad viveret, à Carolo petijt, & obtinuit, acceptiſque ab eo in promptu duabus millibus atque ducentis argenti puri marciſ, juſ omne, quod ei competere videbatur ad Regnum, illi ſpontaneā voluntate reſignavit, & ſic pax tandem fit Regno.

Guntherus  
in Altavilla  
moritur.

His autem peractis, Guntherus in dies magis ac magis cæpit inſirmari, & in tantum brevi morbus prævaluit, quòd vitam cum morte commutavit. Cujus corpus præſente Carolo Rege in Eccleſia parochiali

D. Bar-

D. Bartholomæi Apostoli apud Franckenfurt regale oppidum cum pompa magna fuit sepultum. Fuerunt qui dicerent, cum interiisse veneno sui Medici, qui potionem medicam cum porrexisset ægroto, illum dixisse ferunt: *Magister, ut potionem comprobem bonam, mihi convenientem, te primum ex illa, me posterius bibere oportet.* Medicus autem necessitate compulsus & confidens in arte prior bibit, deinde nihil cunctatus poculum infirmanti porrexit. Biberunt ambo, & mortui sunt ambo; Medicus post triduum, & Comes ægrotus intra unicum mensis spacium. Hæc litteris commendata priorum accepimus, quæ vera sint, an falsa, nequaquam possumus discernere, qui scriptoris officium non Judicis nos recognoscimus obtinere. Et iste finis Guntheri Comitiss.

Anno præscripto Clemens Papa VI. attendens vitæ humanæ brevitatem, & quod paucissimis contingere posset annum vivere aut videre Jubilæum, si de centesimo in centesimum servaretur annum, quemadmodum à Bonifacio Papa VIII. fuerat institutum, sicuti anno Godfridi Abbatis octavo in superioribus hujus voluminis dictum est, habito desuper Cardinalium consilio, infirmitati atque saluti mortalium consuluit, & Jubilæum de anno centesimo in quinquagesimum revocavit, missisque per universam Europam litteris Jubilæum cunctis fidelibus proximo sequente anno Romæ intimavit fore celebrandum; cujus initium diem Nativitatis Domini & Salvatoris nostri JESU Christi in fine præsentis, & reliquum per sequentem annum continuaret.

Jubilæum de centesimo in quinquagesimum revocatur.

Fuit hic annus multis calamitatibus plenus, de quibus partim jam ante scripsimus, partim scribendum, quod restat, mente ordinamus. Merentur hominum peccata vindictam, ut qui Deum timere, vitamque corrigere pravam in tempore pacis negligunt, attriti varijs calamitatibus justitiam providentis omnia discant agnoscere, & metu poenarum compulsi vitam in melius emendare. Fuerunt inquam hæc tempora nimium calamitosa, & plagâ triplici divinitus miserabiliter afflicta.

Annus calamitosus.

Prima calamitas fuit maxima illa tabes pestilentia, quæ ut anno præterito diximus, triennio durans per totam Europam tot millia hominum absumpsit; quod nemo in historijs veterum aut scripsit unquam, aut legit. Diximus in civitate Italiae Florentia plusquam sexaginta millia hominum eâ peste consumpta. In oppido Stauroneso, quod parvum est, & Spanheimensi Monasterio proximum, eadem pestis plusquam mille sexcentos homines utriusque sexûs interemit. Eadem clade fuerunt consumpti in Moguntia prima Metropoli Germaniæ plusquam sex millia hominum. In Erfordia similiter multa millia eadem peste obierunt: tantæque fuit immanitas pestis, ut in multis civitatibus aliquando uno die & nocte ducenti vel trecenti homines mortui una in fovea sepelirentur. Fuit miserabile tempus, nam ubique metus & timor, ubique lamentum & sævæ mortis imago: cum transirent homines tanquam dementes pavore simul & mærore graviter percussi, quibus & viveretædium & mori periculum. Quemcunque pestis illa invasit, non erat ei remedium, non tempus, non mora condendi testamentum, sed mox tabes prævaluit, & infectum quasi subito ad inferos traxit: quoniam ut dicit Poeta: *Lanificas nulli tres exorare puellas contigit: observant quem statuere diem, suntque inexorabilia fata.*

Secunda clades, quâ genus hoc tempore afflictabatur humanum, hæmorrhoids, id est, sanguinis profluvium exitit; quod æſtivo tempore multa per Germaniam hominum millia conſumpſit. Erucae namque & aliæ venenofæ beſtiolæ, quarum inaudita multitudo his temporibus oppleverat terram, fructus arborum infecerat omnes, quorum eſu ſine certo numero multi periêre mortales. Eâdem peſte infecta gramina & pascua, jumentorum interitum cauſabant.

Tertia verò clades fuit ignis, quem ſacrum vocant, auctio: cujus morbi tanta fuit immanitas, ut corpora hominum, non ſolùm viventium, ſed quòd mirabile eſt, etiam mortuorum, uſque ad oſſa rodendo conſumeret. Horrenda nimis & prius inaudita calamitas; ut ex una parva ſive minuta puſtula, crus, vel brachium ſucceſſivè intra paucos dies totum incenderetur, carnibus quoque fruſtatim quaſi aſſatis cum foetore decidentibus oſſa nudarentur: & niſi à principio membrum amputaretur infectum, brevi totum corpus conſumeret.

Duravit anno præterito inchoata etiam iſto in Judæos perſecutio nimium crudelis, & per totam Europam ( præter illos, qui erant ſub ditione Romani Pontificis) maſtabantur ut pecudes. Nam ſicut prius diximus, poſteaquam per univerſum orbem fuiſſent diffamati, quòd fontes & pascua ſimul, & ipſum aerem intoxicâſſent: & inde peſtilentia ſuſcepiffet exordium, ſævientibus in eos Chriſtianis, alij fuerunt ignibus cremati, alij ſubmerſi & ſuffocati in aquis, alij gladijs caſi, aut ex alto præcipitati, atque alij diverſis ſupplicijs interempti: plures etiam illorum cernentes ſe in malo poſitos, & quòd ſævientium manus nequaquam poſſent evadere, necatis primum liberis & uxoribus, ne Chriſtianorum manibus traderentur occidendi, domibus ſuis igne ſuppoſito incenſis, & ſe & omnia ſua voluntariè concremârunt. Duravit autem hæc perſecutio Judæorum biennio; quæ jure an injuriâ ſit facta, non eſt meum diſcernere: quamvis noverim eam Romano Pontifici viro Chriſtianiffimo haud mediocriter diſplicuiſſe; multis etenim eo tempore videbatur impoſſibile, quòd Judæorum paucitas, etiamſi voluiſſet, omnes mundi puteos, ſicuti feciſſe accuſabantur, potuerit inficere, aut veneni tantam copiam invenire. Arbitrabantur itaque multi, Chriſianos, qui hanc perſecutionem Judæis moverunt, avaritiâ motos potius, quàm pietate religionis, vel zelo Juſtitiæ. Verùm nos illius græci proverbij memores: *Δεὸς πέποιθες πὰς ἀνὴρ ξυλίνεται*, ſententiam Domino Deo ferendam cum timore concedimus: quem omnia ſcire etiam ſecretiſſima non dubitamus.

Anno quoque prænotato in Vigilia S. Bartholomæi Apoſtoli potiores & ditiores Judæorum, qui habitabant in Colonia, cùm audiſſent, quàm crudeliter Judæi in Frankenfurt, Moguntia, Wormatia, Spira, Treviris, & multis locis alijs, à Chriſtianis fuiſſent occiſi: conſilio inter ſe habito, ignem domibus ſuis impoſuerunt; & ſe unà cum uxoribus & liberis concremârunt. Reliqui verò Judæi, qui remanſerant in Colonia, omnes decreto ſenatûs cum rebus fuerunt expulſi.

Anno item præſcripto poſt ſepulturam Guntheri Comitæ de Schvvarzenburg apud Frankenfurt in Eccleſia S. Bartholomæi Apoſtoli, quemadmodum paulò antè dictum eſt, Carolus Bohemiæ Rex in Regem

Germa-

Judæorum  
plures me-  
tu Chriſtia-  
norum ſe-  
ipſos con-  
cremârunt.

• Carolus IV.  
Germano-  
rum Rex re-  
gnavit an-  
nis XXXII.



Germanorum confirmatus, solus jam & sine contradicatore cæpit regnare pacificè, regnavitque in toto annis duobus & triginta, vir bonus, magnificus, prudens, & doctus, quinque linguarum peritissimus, latinæ videlicet, Germanicæ, Bohemicæ, Ungaricæ, & Italicæ.

Quatuor legitimas habuit successivè uxores exemplo Caroli Cæsaris magni. Prima fuit Rudolphi Comitis Palatini Rhenensis Bavaricæque Ducis filia, quæ sine liberis decessit. Secunda fuit soror Philippi Regis Gallorum, quæ & ipsa obiit sine liberis. Tertia filia fuit Principis Sue-dorum, de qua genuit filiam unam, quam dedit Ludovico Marchioni Brandenburgensi uxorem, mediante Archiepiscopo Trevirorum, sicuti paulò ante jam diximus, ut Guntherum defereret. Post-cujus mor-tem sine liberis in vesaniam versa est. Filium quoque genuit ex eadem uxore tertia nomine Wenceslaum Bohemiæ Regem, qui post patrem obtinuit Imperium. Quarta & ultima uxor ejus fuit Elisabetha filia Ducis Pomeranorum, & Stetiniensium, de qua genuit Sigismundum Ungariæ Re-gem, & Joannem Ducem: de quibus suo tempore & loco plenius dicemus.

Uxores  
quatuor &  
liberi Ca-  
roli Regis  
Germaniæ  
xy.

Eodem anno Carolus Rex celebratis Guntheri funeralibus, nundinas & privilegia Frankenfurten-sium confirmavit, acceptis à senatu viginti milibus florenorum, quos ex Judæorum thesauris anno præterito per-emptorum hauferant; eatenus enim nundinæ Frankenfurten-sium noviter præsumptæ non satis confirmatæ videbantur: quæ bis celebrantur in anno, ad dies quatuor & viginti, videlicet in quadragesima primò, & in mense Septembri secundò, cum privilegijs consuetis.

Item anno Wichardi Abbatis prænotato Pontificatu Frisingensis Ec-clesiæ in Bavaria per mortem ultimi Præsulis vacante, Clemens Papa vi. Albertum de Hochberg, quem ante quadriennium contra Albertum de Hohenloe canonicè tunc electum Ecclesiæ Wirzburgensi destinaverat Episcopum, cognitâ veritate negotij ad Frisingensem Ecclesiam translu-lit: & ipsum Albertum de Hohenloe ad suam Ecclesiam revocatum in Antistitem confirmavit. Pœnituit eum namque erroris, propter canoni-cam fratrum electionem, quæ in personam ipsius Alberti satis idonei, & utilis viri præcesserat.

Albertus  
de Hohen-  
loe fit Epi-  
scopus Het-  
bipolensis.

Eodem anno in die Conversionis S. Pauli Apostoli circa horam Ve-sperarum, magnus & quasi generalis terræ motus factus est per universam Germaniam, & Italiam, præcipuè tamen in Ducatu Saxoniz, Carinthiz, & Sclavoniæ, terrisque maritimis, cujus impulsu multa ædificia in diversis locis fortissima corruerunt.

Anno item præscripto in vigilia Assumptionis Beatæ Mariæ semper Virginis obiit Walramus Episcopus Colonien-sis, qui propter bella cum adversarijs & multa & fermè continua, rebus penè omnibus exhaustis, atque consumptis, Ecclesiam suam ære multipliciter gravatam alieno, pauperrimam dereliquit. Huic in Archiepiscopatu successit Wilhelmus de Genep, Canonicus Colonien-sis, & Susati Præpositus, & præfuit annis duodecim mensibusque novem, vir sagax, industrius & prudens in di-sponendis rebus atque negotijs, qui per suam providentiam in brevi tem-pore commissam sibi Ecclesiam omnibus debitis exoneravit. Inde non caruit suspicione cupiditatis, & avaritiæ, propterea, quòd religiosos, & Clerum inconsuetis subventionibus præstandis nimium gravavit.

Walramus  
Archiepisc.  
Colonien-  
sis moritur,  
succedit  
Wilhelmus.

Anno

Bavariæ  
Ducatus  
inter filios  
Ludovici  
Imperato-  
ris dividi-  
tur.

Anno etiam præſcripto facta eſt diviſio Ducatus Bavariæ inter filios Ludovici quondam Imperatoris quarti, ut ſequitur. Ludovicus primogenitus inter fratres ſuos hæreditatem non accepit: propterea, quòd Marchio eſſet Brandenburgienſis, Dominuſque Luſatiæ, & Romani Elector Imperij: Otto & junior Ludovicus, qui dicebatur Romanus, quia Romæ natus, Bavariam ſuperiorem ſorte in poſſeſſionem acceperunt; Stephanus & Albertus Inferiorem Bavariam inter ſe partiti ſunt. Wilhelmus autem jam prius ut ſupra diximus Hollandiam, Hannoniam, Seelandiam, & partem Friſiæ à matre ſuſceperat.

MCCCL.

Anno Wichardi Abbatis nono Jubilæus Romæ celebratus eſt, Papæ Clemente ſexto cum ſua Curia in Avenione permanente. Verùm cum ſæva peſtis Italiam pluſquàm cæteras nationes graviffimè opprimeret, parvus fuit ad Apoſtolorum limina populorum concurſus: Italis more ſuo urbes & oppida cludentibus, ne pertranſirent ituri Romam peregrini, metuentes peſte ab exteris infici: qui jam prius, ut ſupradiximus, erant infectiſſimi.

Philippus  
ſit Abbas  
Spanheimenſis.

Eodem anno in menſe Auguſto Wilhelmus Abbas Spanheimenſis jam ſenio gravatus, & amans quietis Abbatiam in manus ſui Conventus ſpontaneâ voluntate reſignavit, & annis quatuor poſtea duntaxat ſuper- vixit. Poſt cujus reſignationem Philippus cognomento Meiſſvein prior Monafterij in Abbatem quintum decimum à Fratribus eligitur: qui confirmatus & ordinatus à Gerlaco Archiepiſcopo Moguntino præfuit annis quatuor & viginti.

Philippus  
Gallorum  
Rex mori-  
tur.

Anno etiam prænotato moritur Philippus Rex Gallorum hoſtis & perſecutor Ludovici quondam Imperatoris quarti maximus: qui plura cum Eduardo Anglorum Rege prælia geſſit, ſed nunquam victor, ſemper autem victus retrò ceſſit. Hic Principatum Viennenſium anno prius quàm moreretur, pecuniâ comparavit, & regno Gallorum adjunxit: poſt quem Joannes filius ejus ſucceſſit.

Henricus  
Dolendorff  
Carmelita-  
nus.

Claruit hiſ temporibus Henricus de Dolendorff Ordinis Fratrum B. Mariæ ſemper Virginis de monte Carmeli: prior ſive Magiſter Provincialis per Germaniam inferiorem: vir in divinis litteris & ſcripturis haud mediocriter eruditus, qui ſcripſit inter plura ingenij ſui exercitia ſuper ſententiarum opus Petri Lombardi Pariſienſis quondam Epicoſpi libros quatuor, ſermones etiam de tempore & de ſanctis multos ſcripſit & dixit ad populum. Alia quoque nonnulla ſcripſiſſe dicitur, quæ ad notitiam noſtræ lectionis minimè pervenerunt.

Michael de Leone Patriâ Herbipolenſis, Preſbyter & Canonicus novi Monafterij, ac protonotarius Eccleſiæ memoratæ Wirzburgenſis, vir ſtudioſus, & tam in ſæcularibus quàm in divinis ſcripturis magnæ ſuo tempore doctrinæ ſimul & æſtimationis, Franciam Orientalem (quæ paucos ab olim viros habuit doctos) ſuâ eruditione hiſ temporibus fecit clario- rem. Metro namque excellens & proſâ quædam præclara ſcripſit opu- ſcula, de quibus legimus ſubjecta: Geſta Ottonis de Wolfſkel Epicoſpi Wirzburgenſis librum unum. Chronicon eorum, quæ ſuo tempore notatu digna contigerunt in Germania librum unum. Commentarium quoque ſuper metricum opus Hermannii Eremitæ de diviſione Philoſo- phiæ

phiæ librum unum. Carmina ejus plura vidimus diverso metrorum genere composita. Cætera ingenij hujus viri opuscula in manus nostras non venerunt.

Eodem tempore claruit apud Thuringos Henricus de Erfurdia, vir magnæ eruditionis tam in divinis scripturis, quàm in litteris sæcularibus. Philosophus, Jurista, Theologus & historicus insignis, qui scripsit non contemnendæ utilitatis opuscula, quorum editione sui memoriam posteris commendavit: è quibus feruntur subjecta. Opus insigne historiarum, quod prænotavit, de factis memorabilibus. Summa quoque de casibus prænotata, volumen tunc utile. In libros sententiarum lectiones composuit libris iv. Sermones etiam varios ad populum & orationes.

Henricus  
de Erfurdia  
Doct̃or, qui  
varia lucubra-  
vit.

Joannes quoque de Erfurdia oppido Thuringiæ oriundus Ordinis Fratrum minorum Doct̃or magnæ eruditionis & facundiæ suo tempore habitus, multa his temporibus lucubravit opuscula, quibus sui vivacitatem ingenij posteritati commendavit. E quibus tamen pauca hætenus ad nostræ lectionis notitiam pervenerunt. Vidimus sub ejus nomine Repertorium quoddam juris, quod ipse tabulam prænotavit, opus non abiiciendum. Summam quoque casuum conscientia auditoribus confessionum non inutilem. libb. ii. Sermonum popularium libb. ii. De cæteris, quæ scripsisse fertur, nihil hætenus nostram lectionem meminimus incidisse.

Joannes de  
Erfurdia  
Doct̃or  
Ord. Fra-  
trum mino-  
rum.

Floruit etiam his temporibus Jacobus de Alta villa, Patria Kinkaugiensis, Abbas Monasterij Eberbach quintus decimus Ordinis Cisterciensis (quod in descensu Rheni duobus ferme à Moguntia distat milliaribus) vir in divinis scripturis studiosus & eruditus, & sæcularium litterarum non ignarus: qui adhuc Monachus cùm esset, ad Parisiensem Gymnasium mittitur, & brevi tempore multum proficiens tandem in sacra Theologia Doct̃orem meruit sublimari; scripsit super sententias notabile opus libb. iv. Quæstiones in Theologia varias. Sermones quoque ad Fratres: & plures non inelegantes ad diversos epistolas.

Jacobus de  
Alta villa,  
Abbas in  
Eberbach.

Anno etiam Wichardi Abbatis prænotato, sextâ die mensis Junij Albertus de Hohenloe Herbipolensis Episcopus & Dux Francorum contractis copijs processit ad prælium contra Bertholdum Comitem de Henneberg, qui sub Ludovico Imperatore quarto in tribulatione Ecclesiæ, abusus licentiæ castellum quoddam novum in fundo Episcopij memorato construxit in præjudicium dictæ Ecclesiæ non modicum, quod Utenhausen fuerat nuncupatum, in Diocesi videlicet ejusdem Ecclesiæ Wirzburgensis, & Ducatu Francorum prope Romholt. Congressione igitur factâ sub vexillio sanctissimi Martyris Kiliani, Domino Deo, qui omnia providet atque disponit, largiente, victoriam exercitus Ecclesiæ felicem obtinuit: & contra satis fortem Comitis militiam triumphavit. Deinde milites Ecclesiæ fortissimi non in multitudine pugnatorum, sed in auxilio Dei altissimi & Divi meritis Kiliani spem collocantes omnem, castellum ipsum Utenhausen novellum, pro quo fuit contentio, aggressi fortiter impugnant, & postremò sancti meritis Patroni suffragantibus expugnant, capiunt, atque igne submisso funditus subvertunt ad Dei gloriam, & Ecclesiæ sanctæ utilitatem.

Bellum in-  
ter Episco-  
pum Herbipolensem  
& Comitem  
de Henneberg.

MCCCLI.

Anno Wichardi Abbatis decimo, Indictione Romanorum quartâ,

E e

Carolus



Conventus  
Principum  
in Frank-  
furt.

Carolus Germaniæ Rex, ac futurus Romanorum deſtinatus Imperator, circa initium quadrageſimæ Principibus Regni Conventum apud Frankfurt ſolemne indixit. Inter plures comparuerunt proprijs in perſonis Baldevvinus Trevirorum Archiepiſcopus, Gerlacus Moguntiniſum, Archiepiſcopus, Wilhelmus Coloniſum Archiepiſcopus, Rupertus Comes Palatinus Rheni Baviariæque Dux, Rudolphus Dux Saxoniz, Ludovicus Marchio Brandenburginiſum, Duces quoque Baviariæ quatuor Ludovicus, Otto, Stephanus, & Albertus.

Rex Caro-  
lus nova  
Principibus  
indulſit  
telonia  
Rheni.

Carolus autem Rex hilarior factus, & gaudens, quod ſolus pacifice Germanorum obtineret regnum, volensque ſuis gratum ſe exhibere promotoribus, multis diverſa contulit beneficia gratiarum. Nulli Principum Electorum, præſertim poſtulanti, quidquam negavit, quod honore ſalvo concedere potuiſſet. Unde Principes animati, unusquiſque ſuis commodum utilitatibus aliquid petere ab eo properabat. Multa tunc poſtulantibus fuere conceſſa, quæ etſi honori non derogabant Regio; communem tamen regni utilitatem non auxerunt. Principibus autem cistrhenanis multa circa Rhenum nova telonia contulit, per quæ mercatores, imò & regni cives nimium gravavit. Factum eſt ergo, ut mercatores rebus ſuis utiliter conſulentes, Rheni commeatum devitarent; & quæ prius navigio civitatibus adducere vel abducere per alveum Rheni conſueverant, jam tunc teloniorum gravamina declinantes, in curribus per terras deducebant. Contigit itaque avaritiæ poenam fieri avaritiam, ut principes, qui nova impetraverant telonia, juſtè amitterent veterum, fructum ſimul & utilitatem. Juſtè amittit ſua, qui perperam rapit aliena. Argentinenſes, qui eo tempore inter omnes Regni mercatores tenebant principatum, poſteaquam Legationibus multis & precibus apud Regem non poterant obtinere, ut revocaret malè conceſſa Principibus, Rhenum circa Argentinam catenis & trabibus ligneis fortiter occluſerunt, ut nullus pateret navibus deſcenſus vel aſcenſus. Quæ mercatorum averſio in triennio (tanto enim duravit tempore iſta tribulatio) quatuor cis Rhenanis Principibus Electoribus diſpendium & damnum intulit multorum millium florenorum. Poſtremò videntes memorati Principes, quod prævalere civitatibus non poſſent, ſpoliarenturque tam veterum teloniorum proventibus, quàm novorum, ſerò pœnituit eos præſumptionis: & conſilio tandem accepto cum civitatibus fecere concordiam, contentique veteribus, novis telonijs renuntiârunt. Simile quoque noſtris factum eſt temporibus, quod Principes Rhenum clauſerunt annis ferme tribus, quouſque Coloniſes telonium, quod à Friderico Imperatore tertio ſine conſenſu eorum impetraverant novum, deponerent.

Principes  
novis re-  
nuntiare  
telonijs  
compulſi  
fuerunt.

Anno prænotato cum lucris memorati Principes teloniorum non poſſent gaudere optatis, monetam auri & argenti veterem mutaverunt ſtatuentes, ut nummus aureus, qui eatenus viginti ſolidis argenti, quos albos vocant, commutari ſolebat, deinceps per quatuor & viginti redimeretur: aureus denique florenus, qui ad gradus puri habebat viginti, ad decem & novem deſcendit: factum eſt in paucis annis, quod omnes penè veteris monetæ nummi aurei florenive conſumpti ſunt & in deterius commutati.

Eodem

Eodem anno posteaquam Wilhelmus Hannoniæ, Hollandiæ, Seelandiæque Comes filius Imperatoris quondam Ludovici quarti, populum sibi subiectum diu multumque per tyrannidem afflixisset, & graviora veteribus quotidie subjungeret onera, plurisque crudeliter interemisset sine causa, nulli parcens ætati, sexui, vel conditioni, tandem necessitate compulsi pauperes & incolæ terrarum, secretè mittunt Legatos ad ejus Matrem Dominam Margaretham, tunc in Monachio Baviaræ oppido existentem, suas calamitates, quas patiebantur à filio, exponunt, consilium pariter & auxilium ejus contra illius tyrannidem implorantes. Compassa Mater pauperibus, sæpius scripsit ad filium, monendo, increpando, & rogando, quatenus se principem & Dominum subiectis exhiberet clementem atque benignum, & non, ut accusabatur, tyrannum. Ille autem datus in reprobum sensum genitricis monita sprexit, convitia matri remandavit, & tyrannidem semel inceptam usque ad insaniam continuavit, omnia sibi promittens prospera, & nulla metuens adversa. Videntis itaque Mater se contemni à filio, & nihil monendo proficere, magnum ex Bavaris Francisque & Suevis pugnatorum contraxit exercitum, & descendens in Hollandiam bellum instituit contra filium. Ac ille præmonitus antea sibi de auxilio multorum providerat, & ideo matris congressum non timebat. Itaque in die Translationis S. Martini, quæ est quarta mensis Julij, hi duo exercitus juxta Mosam anno præscripto convenientes, acriter pugnaverunt, multisque ab utràque parte cadentibus, Mater à filio tandem vincitur, & fugiens cum paucis in Angliam à furore persequentis aliquandiu ibidem exulat.

Wilhelmus Hollandiæ Comes in suos exercet tyrannidem.

Bellum fit inter Matrem & filium in Comitatu Hannoniæ.

Eodem anno Cometes in parte cæli septentrionali apparuit in mense Decembri, post cujus extinctionem graves ventorum æstus secuti sunt: nec multò post visa est per medium aërem volâsse trabs, unâ parte anteriore vehementer ardente.

Anno prænotato Ludovicus Marchio Brandenburgensis Ludovici quondam Imperatoris quarti filius sororem suam nomine Elisabeth Virginem speciosissimam Cani Mastini Scaligeri Veronæ Principis Filio in Italia copulavit in uxorem, quæ multis cum illo vivens annis plures peperit liberos, & Principatum suum valde decoravit. Ludovicus autem frater ejus Marchio Brandenburgensis jam dictus uxorem habuit sterilem, de qua liberos non suscepit. Cujus rei indignitate motus Marchiam Brandenburgensem omnem, novam videlicet, antiquam, & mediam, cum universis & singulis earum proventibus Carolo Regi Germanorum, pro pecunia vendidit. Carolus eam postea Sigismundo filio dedit; Sigismundus autem post Wenceslai fratris sui depositionem Imperator factus, Marchiam ipsam dedit Friderico Nürenbergensium Burggravio, uti suo dicemus loco largiente Domino.

Marchia Brandenburgensis venditur Regi Carolo quarto.

MCCC LII.

Anno Wichardi Abbatis undecimo Reinhardus ex comitibus de Spanheim, & Ernestus de Molenarck Canonici majoris Ecclesiæ Colonien- sis feriâ sextâ ante Dominicam Palmarum Colonia in domo Officialis pro vili causa jussione senatûs & furore civium crudeliter fuerunt occisi; cujus ratione sceleris Walramus Comes de Spanheim, Henricus Molenarck & plures alij Comites, Barones, milites, & nobiles contra cives Colonien- ses

Duo Canonici Colonien- ses à civibus perempti crudeliter.

arma ſumpſerunt, & tam per ſe, quàm per alios multa illis per triennium damna intulerunt. Eodem anno die quâdem poſt ſolis occaſum flamma cœleſtis inter Zephyrum & Auſtrum latiffimè excreſcens, & terribiliter oſtendans incendium, magno cum murmure, & non ſine terrore inſpectantium per aërem delapſa evanuit.

Innocentius  
ſic Papa VI.  
poſt Cle-  
mentem.

Anno prænotato in fine menſis Octobris mortuus eſt Clemens Papa ſextus, Avenione ſepultus, adhibita à Cardinalibus, qui tum aderant, honeſtâ funeris pompâ. Eodem anno ſextâ decimâ die menſis Novembris Cardinalibus in Avenione convenientibus, in Romanum Pontificem fuit electus Stephanus, Lemovicenſis natione, procurator cauſarum primò, deinde Epifcopus Claromontenſis, poſtea Cardinalis & Papa factus Innocentius ejus nominis ſextus, præfuit annis decem minus quatuor menſibus: vir integerrimæ vitæ, magnæ conſtantiæ ac ſeveritatis; quippe qui beneficia Eccleſiaſtica non niſi probatiſſimis vitâ & doctrinâ Sacerdotibus dedit.

Anno item præſcripto Carolus Rex Germanorum futurus Imperator circa feſtum S. Michaelis Archangeli Conventum Principum Regni celebravit in Wormatia, ubi nuntius aderat ſolemnis Archiepiſcopus quidam Imperatoris Græcorum, qui Carolo munera pretioſa ex parte Domini ſui obtulit, & pacem optavit.

Suitenſium  
jurata Con-  
federatio  
incipit hoc  
tempore.

His quoque temporibus confœderatio Suitenſium tali occaſione ſumpſit initium. Ex oppido, Turegum dicto, fuerant quidam cives Ordinis primarij pro ſuis demeritis in Rempublicam proſcripti perpetuò, qui contumeliam hanc in eos qui remaſſerant cives referre cupientes, in unum conveniunt, & conſilio inter ſe habito, Joannem Comitem de Habsburg, Turegienſibus haud mediocriter inſenſum, accedentes, ipſum in Capitaneum ſibi conſtituunt, contractiſque ſocijs conſpirationis ſuæ plurimis, oppidum capere, cives interficere, & eorum ſubſtantiam inter ſe dividere, unanimi ſententiâ ſecretè concluſerunt. Erant duo in oppido cives proſcriptorum amici, quibus arcanum conſpirationis, & concluſæ traditionis fuit commiſſum. Conſilio igitur uſi myſtico exules Comitæ memorati, quoniam oppidum neque manifeſtè neque cum multitudine armatorum intrare poterant, paulatim & ſucceſſivè jam duo, nunc tres in habitu peregrinantium, de ſubtus armati, à feſto Nativitatis Dominicæ uſque ad carnis privium intraverunt, non pauciores octingentis. Poſtremò intravit & ipſe Comes habitu peregrino transforma- tus & omnino incognitus: qui omnes in domibus illorum civium fuerunt ſuſcepti, & ſecretiſſimè tenti uſque ad tempus præfinitum, quo erumpere ſtatuerant, & oppidum ſibi armis vindicare. Itaque in nocte S. Matthiæ Apoſtoli poſteaquam omnes jam conveniſſent in oppidum, videnturque illis jam tempus adeſſe optatum, potiores inter ſe ſeorſim habuere colloquium, & quòd omnes à maximo uſque ad minimum interficerentur cives, ab eis fuit concluſum. Latuit in æſtuario poſt fornacem adoleſcens dormienti perſimilis famulus piſtoris, qui panes intulerat pro malis hoſpitibus traditoris. Is cum conſpiratorum audiviſſet conſilium, & aliter non poſſet, domum per cloacam exivit, ædèsque Domini ſui pulſans intravit, quæ & qualia viderit audieritque, præceptori ſuo retulit, & quòd illâ nocte circa galli cantum omnes eſſent morituri gladio.

intima-

Joannes  
Comes in  
Habsburg  
volebat ca-  
pere oppi-  
dum Zü-  
rich.



intimavit. Quibus auditis pistor contremuit, & currens ad habitationem Burgimagistri omnia per ordinem dixit. Oppidi verò Magister loricam mox induit, & currens quò potuit, cives ad arma convocavit. Quibus cognitis qui latebant conspirari eruperunt in medium oppidi, & clamore facto cum civibus iniere conflictum. Qui coelo præsidet alto, victoriam innocentibus dedit, & hostes terga dare compulsi pro maiore parte à civibus fuerunt occisi, reliqui autem ad latebras fessi cedentes, extractique rotarum poenas sumpserunt.

Joannes autem Comes de Habsburg evadere cupiens, de muro se misit in urbis fossatum, inde non valens ascendere captus est, & per triennium à Turegiensibus, quos perdere venerat, in carcere detentus. Comite autem, ut diximus per triennium capto, ejus cognati & amici non minus animo vindicandi eum, quàm liberandi, multa Turegiensibus damna intulerunt. Quà necessitate compulsi, quia soli resistere potentia Comitum non potuerunt, confederationem inierunt perpetuam cum civibus iv. oppidorum, quæ sunt, Lucerna, Uri, Schvviz, Undervvalden Germanicè dicta. Nec multo post præscriptis accesserunt & alia oppida duo, Zug, videlicet & Glaris, factaque est Suitensium colligatio fortis, & magnis etiam principibus metuenda simul atque terribilis, crescens cum tempore usque in præsentem diem.

Septem urbium jurata confederatio, ex quâ causâ

Anno igitur Wichardi Abbatis Hirsaugiensis decimo, venit Albertus Dux Austriæ cum magno exercitu in auxilium Comitibus de Habsburg, in auxilium captivi & condemnati simul, & Zürich oppidum in mente Septembri obsidione fortissimâ circumdedit, duarum ratione causarum motus, quæ fuerunt istæ. Prima obsidionis causa Ducem movebat Albertum, quòd Turegienses Comitem de Habsburg habebant captivum, & eum dimittere recusabant. Secunda verò, quòd confederatis objiciebat, erat, quoniam subditos tam ipsius Austriæ Ducis, quàm Comitum de Habsburg meliores rusticos, & cives ad oppida memorata confederatorum in suam partem traxerunt, eosque in rebellionem contra Dominos suos temere concitantes armistuebantur. Tertia, quæ Ducem commoverat ad urbis obsidionem causa fuit crudelis & nimia rapacitas, utpote qui jam pridem & Comitem unum de Habsburg occiderant, & tam ex ipso Comitatu, quàm ex Ducatus Austriæ Dominio villagia plura, atque castella non jure, sed temere usurpârunt. Verùm posteaquam oppidum Turegum paucis obsedisset diebus, necessitate compulsi cives, quoniam supervenerat imparatis, postulavêre concordiam, quâ concessâ per Ducem, & sub certis firmatâ conditionibus, obsidio solvitur, & singulis ad sua cum festinatione revertentibus exercitus dissipatur. Turegienses metu Ducis atque periculo liberati, citò promissorum fuerunt oblici, & eorum, quæ Duci fuerant polliciti, nullum penitus observârunt, sed auxilio sociorum confirmatis & auctis viribus magis ac magis rebellârunt. Unde commotus Dux Albertus denuò contractis copijs Zürich oppidum obsedit, volens omnino compellere cives, ut Comitem dimitterent captivum. Interea Carolus Rex Germanorum vices suas interposuit, & Ducem ab obsidione urbis iterum revocavit, & diem partibus coram se concordandi Moguntia constituit.

Albertus Dux Austriæ obsidet oppidum Turegum.

Oppidum Zürich iterum obsidetur ab Austriæ Duce Alberto.

Comparuit itaque Dux Albertus coram Rege in Argentina, & multa confœderatis objecit, quorum oratores miſſi ad ſingula reſpondentes inutilibus diem ſermonibus conſumpſerunt. Tantâ enim pertinaciâ & præſumptione hæc Suitenſis jurata confœderatio cæpit, quòd nec precibus nec minis, imò nec bellis Principum aut Cæſaris potuit revocari, ſed ab illo tempore uſque in præſentem diem per annos jam centum & ſexaginta ſemper & numero & viribus incrementa ſumpſit, non ſine injuria Germanorum.

## MCCCLIII.

Henricus  
de Virne-  
burg Archi-  
epiſcopus  
olim Mo-  
guntinus  
obiit.

Anno Wichardi Abbatis XII. Indiſtione Rom. ſextâ, mortuus eſt Henricus de Virneburg quondam Archiepiſcopus Moguntinus, quem Clemens Papa VI. ut ſupra diximus, propterea quòd Ludovico Imperatori IV. excommunicato pertinaciter adhæſit, depoſuerat. Quo mortuo Gerlacus de Naſſavv dudum ab eodem Papa Clemente ſubſtitutus & ordinatus Archiepiſcopus, quietam obtinuit poſſeſſionem, & præfuit annis XVII.

Bavariæ  
Ducatus  
inter fra-  
tres Ratis-  
bonæ iterû  
ſit diviſiſq.

Eodem anno quintâ die menſis Auguſti, quæ fuit ſolemnitate S. Regis Oſvvaldi feſtiva, facta eſt in civitate Ratiſbonenſi ſecunda Ducatus Bavariæ diviſio, inter Stephanum, Wilhelmum & Albertum fratres, & filios quondam Ludovici Imperatoris IV. præſentibus Ludovico Marchione Brandenburgienſium, Adolpho Comite Palatino Rheni, & Joanne Burggravio Norinbergenſium: quibus mediantibus & diviſio facta eſt inter fratres, & concordia pacis reformata.

Anno prænotato iterum apparuit in cœlo aëreo trabs miræ ſimul & horrendæ magnitudinis, ab una parte flammam emittens terribilem, ab alia poſt ſe limitem trahens extinctum magnæ longitudinis, inter Septentrionem & ſolis occaſum.

inter Du-  
cem Au-  
ſtriæ Alber-  
tum & Sui-  
tenſes bel-  
lum geri-  
tur.

Eodem quoque anno iterum Dux Auſtriæ Albertus magnum ſuorum congregavit exercitum contra Suitenſes conjuratos; cui militem quen- dam de Ellerspach capitaneum præfecit. Is itaque multorum auxilio fretus contra Suitenſes audacter proceſſit, & inito certamine diu fortiter pugnavit, quouſque nox tandem prælium diremit. Plures ab utrâque parte ceciderunt, ſed victoria in dubio fuit.

Oppidum  
Zürich  
tertiò fuit  
obſeſſum.

Poſthæ eodem anno in menſe Auguſto, Dux Auſtriæ memoratus oppidum Rappenshvvil olim à confœderatis deſolatum, reſtituere cæpit, & cæpto fortiter perfeverans in opere, fortiffimum reddidit, & ſuorum in illo præſidium collocavit. Deinde in menſis Octobris principio Carolus Rex Germanorum, idemque Dux Auſtriæ Albertus, Comes de Wirtemberg, Comes de Hohenburg, Epiſcopus Argentinenſis, Epiſcopus Baſileenſis, & cives regni Germanici convenientes in unum magna cum potentia Zürich oppidum ſupradictum jam tertiâ vice obſi- dione cinxerunt, & per dies ferme XIV. acriter oppugnârunt. Erant in oppido ex confœderatis aliarum urbium quam plures viri fortes & bellicoſi, Turegienſibus in auxilium miſſi, qui oppugnantibus viriliter reſtiterunt. Poſtremò tamen cùm viderent ſetantæ multitudini nullatenus poſſe reſiſtere, pacem ſunt coacti poſtulare. Rex autem Carolus ſub certis conditionibus pacem orantibus conceſſit, & captivum Comitem de Haſpurg Joannem invitis omnibus confœderatis potenter ex carcere liberavit.

Anno

Anno etiam prænotato circa principium Februarij, priusquam oppidum Zürich obsideretur à Rege, miles quidam nomine Waltherus de Stadion dictus cum paucis armatis intravit confœderationis oppidum, quod Glaris nuncupatur, ex parte Ducis Austriæ, cujus Vicarius erat, volens illud secretius capere, & suo Principi Alberto subjugare; sed præmoniti cives arma corripunt, & militem ipsum Walcherum cum pluribus perimunt, & reliquos retrocedere & fugere compellunt.

Waltherus de Stadion miles à confœderatis occiditur.

Eodem anno confœderati Suitenses, quo viribus & numero evaderent fortiores, oppidum Lucern cum habitatoribus ejus in suam conjurationem traxerunt, & hæc ipsa confœderatio in ipso Lucernensium oppido jurata ac litteris confirmata fuit vi. die mensis Martij, anno Christianorum jam præscripto, durâtque hodie.

Lucerna oppidum confœderatis jungitur.

MCCCLIV.

Anno Wichardi Abbatis xiii. in principio mensis Januarij Rex Carolus conventum Principum solemnem habuit in Moguntia, ad quem confluentibus Principibus multis Rex pacem omnes jurare compulit firmiter servandam per universum Germaniæ Regnum, maximè in Francia Orientali, in Bavaria, in Austria, in Suevia, in Alsatia, in Thuringia, in Saxonia, in Marchia, in Polonia & circa Rhenum: in Weteraugia quoque, in Hassia, & in omnibus provinciis alijs regno subiectis. Omnes namque Principes, Episcopi, Duces, Marchiones, Comites, Burggravij, Landgravij & Barones totius Regni pacem firmam in manus Regis Caroli juraverunt, promittentes sub jurejurando, quòd subditos sibi, omnes & singulos, milites, nobiles, & ministeriales, ad pacis observantiam velint compellere, & contemptores mandatorum juxta meritum punire. Hâc providâ Regis constitutione pax confirmata per totum regnum optimè viguit, & unusquisque, quò, & quando sibi placuit, securus ambulavit, non fiebant in stratis, ut prius, raptorum latrocinia, non rapinæ, non deprædationes, neque domorum incendia, in tuto fuere omnia, & tempora sine discretionem aliquandiu tranquilla. In Bohemia quoque similem pacis custodiam fecerat.

Rex pacem statuit juratam Principibus per totum Regnum.

In eodem Conventu Principum Rex Carolus arcanum sui cordis aperuit, & quòd in sequentem annum petere Italiam pro corona suscipienda Imperij ad reformandas Italiæ res simul, & pro defensione Rom. Ecclesiæ (quæ multipliciter impugnabatur à tyrannis) omnibus indicavit: mandans Principibus regni, quatenus ad diem profectiois futuræ, singuli curarent esse parati ad com meatum, alij proprijs in personis, alij verò pecunijs, atque alij ministerialibus.

Rex profectioem indicit Italianam.

Eodem anno duodecimâ die mensis Mart. circa mediam noctem, maxima subito ventorum tempestas per Franciam Orientalem, Bavariam, Sueviam, & in partibus cis Rhenanis fuit suborta, quantam eo tempore viventium præcessisse nullus habuit in memoria; nam tantâ vi tantoque impetu simul atque fragore illa tempestas commovit aerem, quòd non solum ligneas domos, sed etiam lapidea atque fortissima ædificia nutare videbantur, & complura penitus corruerunt: arbores quoque magnæ atque fortissimæ nucum in agris, & quercus annosæ in nemoribus, sine numero radicitus eadem tempestate fuerunt evulsæ; diutius durante hâc ipsâ tempestate ventorum, fuerunt, qui etiam terræmotum tunc factum,



factum dixerunt. Nocte autem primâ ſequentē paulò poſt medium, iterum ſupervenit ventorum grandis commotio, quæ etſi præcedenti par non fuerit, tamen ſine damno mortalium non quievit, arbores namque plures cum radicibus ex terra dejecit, & multa ædificia ex priore tempeſtate nutantia, novâ commotione ſubvertit.

Baldewin⁹  
Archiepiſc.  
Trevirenſis  
hoc anno  
moritur.

Anno prænotato primâ die menſis Februarij mortuus eſt Baldevvinus Trevirorum Archiepiſcopus anno Pontificatûs ſui XLVII. cujus corpus in Occidentali parte majoris Eccleſiæ cum honore fuit ſepultum. Multa bona fecit in vita ſua principe digna, quorum patratiōe meritò apud Treviros memoriam obtinet ſempiternam; quippe qui non ſolum Eccleſiam ſuam redditibus, proventibus, caſtris, dominijs, privilegijs atque honoribus magnificè ac multipliciter fecit inſignem, ſed etiam Clerum & populum ſibi commiſſum in moribus & diſciplina Chriſtiana laudabiliter ſtatutorum editione reformavit. Orandi modum, & formam crucis præſcripſit, quem Sacerdotes per totam Diœceſim obſervant uſque in præſentem diem. Huic Baldevvino in Archiepiſcopatum Trevirorum immediatè ſucceſſit Boëmundus de Edersdorff majoris Eccleſiæ Decanus electione fratrum canonicâ, & præfuit annis xiii. Vir quidem & ipſe prudens, bonus atque modeſtus, qui tali honore dignus haberetur; ſed ad menſuram Baldevvini nec ipſe, nec poſt eum alius pervenit.

Boëmund⁹  
de Eders-  
dorff fit  
Archiepiſc.  
Trevirorū.

Anno etiam prænotato moritur Salomannus Wormatiensis Epico-  
pus anno Pontificatûs ſui ſecundo atque vicesimo, cujus promotionem, per Joannem Papam xxii. factam contra voluntatem Cleri diximus anno Sigismundi Abbatis xv. Huic mox in Pontif. ſucceſſit Theodoricus Beyer de Boppardia, & præfuit annis ix.

Theodori-  
cus Bayer  
fit Epico-  
pus Wor-  
maticenſis.

Eodem anno ſubortâ inter Albertum de Hohenloe Episcopum Her-  
bipolenſem & cives ejusdem urbis diſſenſione graviffimâ res paulatim vires ab utraque parte in deterius accepit; unde cùm Episcopus rebellium proterviam aliter comprimere non poſſet, contractis undique copijs auxiliarijs in die S. Kiliani Mart. Eccleſiæ memoratæ civitatem Wirzburg obſedit, habens Exercitum magnum pugnatorum tam ex ſuis miniſterialibus & ſubditis, quàm ſtipendiarijs & auxiliarijs amicorum, videlicet Gerlaci Moguntini Archiepiſcopi, Ruperti Comitſ Palatini Rheni Bavaricæque Ducis, Gerardi Epicoſpi Spirenſis, Henrici Abbatis Fuldenſis, & aliorum Comitum Baronum atque Nobilium. Caſtra locavit Episcopus in eo loco ad Orientem civitatis, quo itur ad Rinzingen circa molendinum, quod vulgò nuncupatur *Schlupferſins Mühle* / reliqua verò pars exercitus urbem in circuitu obſidebat; pepercit autem præſul ſtructuris ac ædificijs civitatis, & neque ignem intromittere voluit, nec bombardis concutere muros; magis enim præſtolabatur, ut urbem cives ad congregiendum exirent, ſpem habens in Deo & meritis S. Kiliani, quòd juſtitia Eccleſiæ temeritatem ſuperborum atque rebellium civium, ſi congreſſi fuiſſent, ſuperâſſet. Verùm cives, quòd contra tantam multitudinem hoſtium exire ad pugnam nimis foret periculofum, per totum obſidionis tempus xviii. videlicet dierum ſe intra civitatis mœnia continuerunt. Quod videns Episcopus tandem conſilio amicorum decrevit expugnare civitatem, & machinis applicatis confringere muros. Interea priuſquam opus produceretur in effectum, ſupervenit Rex Germaniæ

Albertus  
Epicoſpus  
Herbipo-  
lenſis obſi-  
det civita-  
tem ſuam.

maniae Carolus iv. & interpositis confidentiae pactionibus, quas Treugas vulgariter nuncupant, super pace cepit habere tractatum.

Rex itaque vocatis ad se civibus, & auditis eorum gravaminibus simul & causis rebellionis, facile cognovit animos eorum à tramite veritatis procul deviâsse, utpote qui subditi sint Ecclesiae Wirzburgensi & ejus Antistiti, nec alium in terris Dominum, aut habeant, aut jure quærere possint; manifestum est enim, quòd Pipinus & Carolus magnus filius ejus, olim, utriusque Franciae Reges civitatem Herbipolensem cum titulo Ducatus Franciae Orientalis S. Burchardo primo Episcopo, & per ipsum Ecclesiae Wirzburgensi ejusque praesulibus perpetuâ donatione tradiderunt. Unde civibus non licebit vel alium Dominum quærere, vel praesumptâ temeritate sese in libertatem à Jurisdictione vel obedientia Episcopi vindicare.

Rex Carolus venit ad Herbipolim.

Erat Rex Carolus in scripturis doctus & multum facundus, qui optimè novit, quòd civitas Wirzburg non habeat alium Dominum, quàm Episcopum solum, & neque regnum respiciat Germaniae, neque Imperium Romanorum. Carolus itaque Rex pacificus qui pro pace reformanda venerat inter dissidentes, postquam audivisset omnes differentiarum causas; monuit cives, ut à capta rebellionē desisterent, & Episcopo, ut vero & unico Domino suo fideliter obedirent. Pontificem similiter admonuit, quatenus cives suos in omni mansuetudine regeret, & in eorum privilegijs, consuetudinibus, ac libertatibus antiquis violentiam non inferret. Consensit Episcopus pijs exhortationibus Regis, consenserunt & cives, atque pace reformatâ civitas ab obsidione liberata est; in ea tamen obsidione urbis, qui erant in exercitu Episcopi, damnum in vineis, quae erant in circuitu ubique, non parvum tam Clero, quàm civibus intulerunt.

Rex inter Episcopum & cives Herbipolenses facit concordiam.

Vixit his temporibus in humanis Joannes de Rupefcissa Frater Ord. Minorum, qui multo tempore Alchimiae deditus, tempus cum labore non satis utiliter consumpsit. Est autem Alchimia (ut more loquamur humano) casta meretrix, quae amatores plures habet, sed delusis omnibus in nullius unquam pervenit amplexus. Ex stultis facit infanos, ex divitibus pauperes, ex Philosophis fatuos, ex deceptis loquacissimos deceptores, qui cum nihil sciant, omnia se scire profitentur, cum sint pauperrimi, Cræsi divitias suis se daturos sequacibus pollicentur, quorum finis confusione plenus est. Joannes igitur bonus frater iste, per nimium Alchimiae studium in tantum fuit dementatus, quòd nec precibus nec minis suorum Praelatorum ab ea vanitate potuit revocari; unde postremò propter suam inobedientiam fuit incarceratus, & violenter à sua temeritate retractus. In carcere positus priori vanitati novam superaddidit, & imaginem Crucifixi, quam in domo carceris affixam habebat, secum loqui (sano vel infano capite nescio) confinxit. Multa dixit, multa scripsit, nescio quo spiritu inductus, ne dicam seductus: de proxima desolatione totius Christianorum Ecclesiae, de persecutione Cleri, & de Adventu Antichristi, quem suo jam natum tempore somniavit. Sed omnes praedictiones ejus fuerunt mendaces, falsae, & sine radice veritatis. Scripsit in carcere positus ad quendam sacrosanctae Romanae Ecclesiae Cardinalem, Revelationum, ne dicam somniorum suorum, librum unum. De quinta Essentia l. ii. & alia plura in medicinis & Alchimia, vana potius, quàm utilia.

Joannes de Rupefcissa Ord. minorum.

Varia composuit.

Wichardus  
Abbas Hir-  
ſaugienſis  
tricesimus  
ſecundus,  
obiit.

Anno prænotato XII. die menſis Martij, quæ ſolemnitate ſanctiſſimi Gregorij Papæ magni fuit inſignis. Indictione Rom. VII. circa horam Veſperarum, Wichardus ejus nominis primus hujus Cœnobij Hirſaugienſis Abbas ſecundus atque tricesimus, ſenio gravatus & morbo, feliciter, uti confidimus, in Domino moriens conquievit: cujus corpus in majori Eccleſia Monafterij cum antecelloribus ſuis religioſâ Fratrum devotione ſepultum fuit. De cujus vita, moribus, & geſtis mentionem facere ſingulatim nequimus, propterea, quod Monachorum ignavia non litteris, ut olim, ſed vanitatibus dedita, nihil memoriâ dignum poſteritati conſignaverit. Apud omnes namque Ordinis Noſtri Monachos per totam penè Germaniam his temporibus Regularis diſciplinæ obſervantia penitus defecerat: ſtudio litterarum Monachorum rariffimus curabat: venationibus, otio, & comellationibus erant dediti, & nihil minus quàm internæ converſationis exercitium aut lectionem curabant ſcripturarum. O tempora! ô mores Clauſtraliū! quàm longè diſtamus, imò jacemus, à fervore Spiritûs & diſciplinæ Religioſæ converſationis PP. Antiquorum? Et tu Hirſaugia Mater quondam inſignis plurimū Ordinis noſtri Monafteriorum, quæ ſtudio divinarum ſcripturarum ſimul & integritate morum olim, ut paradifus Dei fulgebas, his, in quibus calamum nunc exercemus temporibus, quantum defeceris ingemiſcimus; quandoquidem à tempore Eberhardi Abbatis uſque ad Fridericum ejus nominis alterum, nullus fuit in te Monachus, qui memoratu digna in te geſta litteris commendaret, vel ad noticiam poſteriorum transmitteret.

Hirſaugia  
hac tempe-  
ſtate ſteri-  
lis, viros  
non habuit  
doctos.

### De Wichardo ſecundo, hujus Monafterij Hir- ſaugienſis XXXIII. Abbate, qui præfuit annis quinque, menſibus VIII. diebus XXI. & varijs geſtis illius temporis.

Wichardus  
Abbas Hir-  
ſaugienſis  
XXXIII.



Mortuo autem Domino Wichardo hujus Monafterij Abbate XXXII. ejusque corpufculo juxta morem Ordinis tradito Eccleſiaſtica ſepultura; ne ſine paſtore oves incurrerent aliquod periculum, aut qualecunque in re familiari paterentur detrimentum, dies ad eligendum novum Abbatem XXI. menſis Martij per conventum ſtatuitur. Adveniente autem termino, quem ſibi præfixerant, convenerunt in locum Capitularem, in profeſto SS. Legislatoris noſtri Benedicti, quatenus ſibi Paſtorem idoneum eligerent, ne ſine duce quaſi oves diutius errarent. Fuit autem FERIA VI. dies menſis Martij XXI. Igitur juxta morem Ordinis noſtri, invocatâ gratiâ Spiritûs Sancti, & præmiſſis jure vel conſuetudine præmittendis, fratres unanimi conſenſu in Abbatem hujus Monafterij XXXIII. elegerunt Wichardum ejus nominis ſecundum, præcedentis Wichardi ex ſore, ut ferunt nepotem, majorem eo tempore Cellarium; qui confirmatus & ordinatus per Dominum Gerardum de Erenberg Spirenſis Eccleſiæ Antiftitem præfuit in multa ſolicitudine & labore annis quinque, menſibus VIII. diebus autem XXI. Patriâ erat Alſatius Wichardi ſenioris, ut dictum eſt, ex ſore nepos,  
honestis

Wichardus  
ſecundus  
præfuit an-  
nis V. men-  
ſibus VIII. diebus  
XXI.



honestis parentibus ortus; qui veniens ad Religionem hujus Coenobij, sub Sigismundo Abbate Monachus factus est, & secundum illius temporis vivendi consuetudinem in medio fratrum pacifice & sine reprehensione viram duxit. Electus autem in profesto sanctissimi Patris Benedicti de consensu omnium fratrum, per supradictum Episcopum fuit confirmatus, & postea hic in Monasterio solemniter benedictus, primam videlicet die mensis Maij, quae fuit SS. Apostolorum Philippi & Jacobi celebritate solemnis. Ordinatus verò in Abbatem, avunculi sui vestigijs inhærere pro viribus studuit, & distracta vel alienata bona Monasterij diligentissime recuperare in animo decrevit. Cæterum plura fecisset, si vivere diutius potuisset, & bonæ voluntatis propositum, utilem pro communi bono fratrum perduxisset in effectum; fuit enim vir bonus, prudens & circumspectus, qui habebat in consilio scientiam, in agendis experientiam, in disponendis providentiam, & in iudicio discretionem; in scientia verò scripturarum, juxta calamitatem illius temporis communem, modicus erat, & nullius æstimationis, latini sermonis quoque parum expertus, utpote qui neglectus à parentibus in seculo nihil aut parum didicit, & in Monasterio præter quotidianum legendi & cantandi officium parum apprehendit; nam litteras Monachi nostri eâ tempestate sicuti nescierant, ita contemnebant penitus. Ingenio tamen naturali Wichardus hic noster multum valuit, & in sermone patrio satis eloquens fuit, sermone dulcis, voce tubalis, quippe qui placidus & affabilis in tranquillitate mentis, cum loqueretur amicis, extitit, severus atque terribilis, quotiens animum indignatio commovit. Staturâ erat mediocriter dispositus, nec brevitate nimiam despectus, nec proceritate longiore tortuosus; facies ei fuit oblonga, caput parvum, sed longum potius quam rotundum, oculi magni, & supercilia nigra, corpus macilentum, debile satis & infirmum.

Wichardi  
Abbatis  
mores &  
industria  
commen-  
dantur.

Anno prænotato Nativitatis Dominicæ MCCCCLIV. quem primum Wichardi Abbatis constituimus, propterea, quod novem mensium, id est tres anni partes contineant, xxiv. die mensis Decembris Innocentius Papa vi. ad instantiam Abbatis Wichardi omnia bona & privilegia hujus Monasterij Hirsaugiensis auctoritate Apostolicâ ratificans confirmavit.

Innocentius  
Papa vi.  
confirmat  
bona Hir-  
saugienſia.

Eodem anno mortuus est Walramus Comes de Spanheim senior xxi. die mensis Decemb. hoc est, in festivitate S. Thomæ Apostoli, anno ætatis suæ 79. cujus cadaver in Ecclesia Spanheimensi sepultum est. Post cujus mortem Sacerdos quidam nomine Godfridus Capellanus in castro de Spanheim, quâdam nocte ambulans per planitiem camporum, quæ est inter oppidum Winterberg & villam Pferdſeld nuncupatam, audivit vocem in nemore proximo clamantis quasi Venatoris, canes post feram incitantis. Qui pavore nimis correptus, quid vox illa significaret in hoc loco tenebrarum, aut unde proveniret, anxiam cogitatione nec sine mentis conturbatione mirabatur, cum ecce subito circumsteterit eum multitudo canum, quasi venantium nigrorum ac terribilium, & in medio eorum vir igne vestitus, sedens super equum nigrum atque terribilem. Qui dixit ad Sacerdotem jam semimortuum: *Domine Godfride non timeatis, nihil vobis hac vice mali continget, quoniam hodie fuistis confessus, & cum emendationis proposito missam celebrastis pro defunctis. Ego sum anima Walrami*

Walramus  
Comes de  
Spanheim  
obit, anima  
post mortem  
vita  
presbytero.

Venandi  
studium  
quàm sit  
animæ gra-  
ve detri-  
mentum.

*Comitis nuper defuncti, & hanc panam patior, quandiu voluerit aliſſimus, pro vana & nimia delectatione, quam in venationibus quondam habui: per quas & pauperibus ſubditis meis, multa in agris atque vinetis & damna intuli, & propriam ſalutem turpiter intermiſi: ſed rogo te, loquere ad filium meum ex parte mei, ut per continuos dies triginta quotidie legi faciat miſſas triginta, pro mea liberatione, ac totidem pauperes nutriet ſingulis diebus, & de novo panno ſemel veſtiat; & ducentos auri nummos, quos pro pana parvi reatus à Petro macellario, & cive in Creußenach injuſtè, me conſentiente acquiſitos, reſtituat, & ſpero, quòd miſericordiâ Domini liberabor.* His dictis omnis illa viſio ſpirituum vento rapta evanuit, & preſbyter præ nimio terrore cum difficultate ad ſuum domicilium pervenit. Qui vultûs immutatione ſimul & capillis in canitiem ſubitò converſis, docuit, quàm fuerit vera terribilis illa apparitio, quam conſpexit. Ab illa hora poſteà nunquam ridere viſus, nunquam lætus, nunquam jucundus, ſed triftis ſemper & animo dejectus.

MCCCLV.

Rex Carolus Romæ Coronam ſuſcepit Imperialem.

Anno Wichardi Abbatis ſecundo, Carolus Rex iv. cum magno Germanorum exercitu multſque Principibus atque Nobilibus in Italiam proficiſcitur, & primò Mediolani Coronâ ferreâ, ut moris eſt, cum ſua conjuge ab Archiepiſcopo in Eccleſia principali coronatur. Deinde Romam profectus cum magno honore à ſenatu & populo Romano extra urbem ſibi occurrente ſuſcipitur, & in die Reſurrectionis Dominicæ per Cardinalem Oſtienſem à Papa Innocentio ex Avenione proptereâ miſſum imperatoriâ Coronâ cum uxore in Eccleſia S. Joannis Lateranenſi ſolemni pompâ feſtivè ſublimatur. Ad vesp̄eram ſolemnitatis memoratæ Paſchatis novus Imperator Carolus principibus ſuis, ſenatoribus quoque urbis & populo Rom. fecit grande convivium: quo ritè conſummato mox ab urbe cum ſuis digreditur, & ne ſuorum multitudine ſi manſiſſet diutius, gravarentur Romani, habito cum ſenatoribus ſecreto colloquio ad civitatem Tiburtinam profectus eſt: inde movens ad civitatem Piſanam, ubi die quâdam adveſperascente, gravis inter cives & aulicos exorta fuit ſeditio, quæ in tantum prævaluit, quòd Imperator cum paucis ſecreto fugiens reſceſſit; Imperatrix etiam terrore percuſſa nimio cum ſuis pedifſequis noctu aufugit, quarum aliæ præ feſtinatione nimia veſtimentorum oblitæ, ſeminudæ, aliæ dimiſſis omnibus abierunt. Poſterâ die ſeditionis auctores capti & puniti ſunt; & ea, quæ Imperatricis pedifſequez ad ſe pertinentia in urbe reliquerant, integra receperunt. Simile contigit eis in civitate Senenſi, ubi ſubortâ inter Germanos & Italos contentione, cives arma corripunt, ſed per Cæſarianos percuſſi plures eorum ceciderunt. A Piſis Imperator Mediolanum redijt, & Vice-Comites, eatenus in diſplicentia Rom. Pontificum diu rebelles, Innocentio Papæ, & per illum, Eccleſiæ reconciliavit. Rebus ergo in Lombardia diſpoſitis, in Germaniam cum ſuis novus Imperator reverſus, imperavit deinceps annis xxiii. Hoc ipſo anno Veneti Ducem ſuum Martinum ante palatium capite truncaverunt.

Imperator Mediolanum reverſus.

Joannes Dux Brabantiz moritur.

Anno Wichardi Abbatis prænotato, ſextâ die menſis Decembris mortuus eſt Joannes hujus nominis iii. Brabantiz Dux, ſine liberis, cujus corpus in Monasterio noſtri Ordinis Veleer nuncupato in habitu Monastico ſepultum eſt. Erat enim Princeps magnæ & ſingularis pietatis & devotionis

devotionis in Deum, qui positus in lecto ægritudinis suæ habitum nostri Ordinis monasticum ab Abbate memorati Cœnobij petijt, & obtinuit, in quo devotissimè ab hac vita decessit. Post cujus mortem magna inter Wenceslaum Ducem Luzenburgensem, fratrem Carolum Imperatorem IV. & Ludovicum Flandriæ Comitem fuit suborta contentio, quorum uterque Ducatum Brabantiae sibi ut jure proximo deberi contendebat. Postremò tandem Wilhelmus Comes Hollandiae filius Ludovici quondam imperatoris IV. ut mediator, vices suas interposuit, & dissidentes ad concordiam revocavit. Ducatus autem Brabantiae Wenceslao cessit in possessionem.

Wenceslaus Comes Luzenburgensis fit Comes Brabantiae.

Eodem quoque anno in mense Septembri maxima fuere tonitrua, coruscationes, fulgura, & grandines ad magnitudinem nucis muscatae, per totam Franciam Orientalem Sueviam Alsariam & partes cis Rhennas. Ex ea grandinum tempestate, in multis prædictarum Regionum locis, vinum, quod jam maturaverat in vitibus, periit, & ejusdem liquoris penuria & caritas subsecuta fuit.

MCCC LVI.

Anno Wichardi Abbatis tertio, Carolus Imperator Rom. imperiali benedictione susceptus, reversus in Germaniam, Principes Regni ad curiam generalem, apud Mediomatricum civitatem videlicet Metensem convocavit, ubi pene omnes Germanici regni proceres, feuda regalia suorum principatuum ab Imperatore susceperunt. Aderat ibi Archiepiscopus quidam Italiae, missus à Papa Innocentio VI. ex Avenione Legatus, aderant & quidam ex Gallia praesules, rogantes tam regni principes Germaniae, quàm Imperatorem, quatenus aut Joanni Gallorum Regi ferrent auxilium, aut litteris arcerent Anglos à finibus Galliae, qui cum maxima pugnatorum multitudine jam mare transire dicebantur.

Conventus Principum Regni fit in civitate Metensi.

In eodem conventu Principum Wilhelmus Marchio Juliensis consensu omnium Principum in Ducem de Juliaco, per Carolum Imperatorem creatus est; erat enim vir tali honore dignus, prudentia, fortitudine, magnanimitate nulli, qui tunc vivebant, inferior; quippe qui multa pro regno simul & patria, contra irrumpentes adversarios praelia gessit; unde pro meritis suis, ut supra dictum est, anno Sigismundi Abbatis XXI. in conventu Principum apud Frankensfurt celebrato de numero Comitum inter Marchiones, per Ludovicum Imperatorem quartum fuit sublimatus, nunc intra Ducum Ordinem receptus est.

Comitatus siue Marchionatus Juliensis fit Ducatus.

In prænotato etiam conventu principum Metis habito Carolus Imperator memoratus, de consensu procerum regni Germanici Luzenburgensis Comitatus, qui olim dicebatur Namurcensis, in Ducatum erexit, quem fratri suo Wenceslao Duci Brabantinorum donavit. Est autem terra Luzenburgensis inter Treviros & Metenses posita, habens ab Occidente Galliam, ab Oriente Lotharingiam, ab Aquilone Trevirim, & Metim à meridie, frugifera valde, inter duo flumina Mosam & Mosellam constans.

Comitatus Luzenburgensis in Ducatum sublimatur.

Item in præmemorato principum conventu sæpèdictus Imperator Carolus Comitatum Barensem Ducatui Luzenburgensi conterminum in Marchionatum sublimavit, qui hodie in ditione est Ducis Lotharingiae.

Comitatus Barensis in Marchionatum sublimatur.

Wenceslaus frater Imperatoris Caroli, qui filiam Joannis ultimi Ducis Brabantiae nomine Joannam habuit uxorem, nepos quondam Henrici



Aurea bulla de Imperatoris Electione per Carolum statuitur.

Imperatoris septimi ut filius Joannis Regis Bohemiæ longâ progenie de Comitibus Luzenburgi duxit originem. Erat autem princeps nobilis prudens atque magnificus, eruditione litterarum omnifariam peritus, in re militari strenuus, moribus & vitâ integerrimus, justitiâ, pietate ac mansuetudine singulariter decoratus, & bonis operibus frequenter intentus, sæpe tamen votis suis contrarium sensit effectum, quod reor divino judicio factum, ut meritorum suorum remunerationem non in præsentî, sed in futuro reciperet. Ducatum Brabantiae post mortem, focii consecutus, & ex Comite Luzenburgensi sublimatus in Ducem, annis supervixit xxviii. post cujus mortem, uxor ejus multis annis supervivens obtinuit & rexit principatum. Carolus autem Imperator quartus in sæpedito conventu principum Metis celebrato de rege Germanorum eligendo futuris temporibus ad Imperium, constitutionem & novam atque notabilem fecit, de consensu omnium Regni procerum; pro cujus confirmatione perpetua sigillum jussit infigi aureum: unde & aurea bulla est nuncupata usque in præsentem diem. Alia quoque multa in eadem Congregatione Principum pro pace populorum communi, ad utilitatem regni constituit, quæ litteris mandata custodiri præcepit.

Conventu autem Metensi consummato, ac Principibus ad propria reversis, Imperator cum uxore descendit ad Treviros, & tam à Monasterijs quàm & alijs Ecclesijs Collegiatis, multas & pretiosas reliquias Sanctorum precibus obtinuit, quas omnes in Bohemiam transmisit. A Treveri de civitate in civitatem, & Monasterio transiens in Monasterium, præcipuo mentis studio, in singulis locis, mendicabat SS. Reliquias, & quotquot habere potuit, Pragensi omnes Ecclesiæ invexit.

Joannes Rex Gallorum cum filio suo Philippo ab Anglis capitur.

Anno prænotato in mense Septemb. Eduardus Rex Anglorum in manu suorum valida, Galliam, sicut paulò antedictum est, ingressus, omnia ferro & rapinâ devastavit, & usque ad civitatem Parisiorum, hostiliter sæviendo pervenit. Contra quem Joannes Rex Gallorum & filius ejus Philippus contractis copijs, ad pugnam infausto sidere progressi sunt, & bellum atrox mutuò commiserunt. In eo prælio Rex Gallorum Joannes cum Philippo filio captus est, & ambo in Angliam ducti sunt.

Basilea civitas per terræmotū pene tota destruitur.

Eodem anno in mense Octobri circa festum S. Galli Abbatis mane die quâdam, post nonam horam, subito factus in Basilica & in multis locis alijs, maximè cis Rhenanis, maximus & terribilis terræmotus, qui damna mortalibus plura intulit, & multos homines miserabiliter afflixit. Complurium namque urbium turres & muros subito impulsu suo dejecit, domos lapideas, & fortissima in diversis locis ædificia subvertit. Castella etiam in montibus plura & firmissima eodem impulsiu corruerunt. Civitas Basiliensis in eodem terræmotu grandia suscepit incommoda; nam murus in circuitu ejus penè totus corruit, turres quoque tam Ecclesiæ, quàm urbis cum multis domibus & ædificijs eodem impulsu cadentes multos habitatores miserabiliter oppresserunt. Et hoc non solum in Basilea tunc accidit, sed in omnibus quoque locis oppidis atque Castellis, quæ in circuitu ejus prope fuerunt atque remotius. Nec solum circa Basileam terræmotus factus est, sed in multis etiam regionibus Germaniæ sicut dictum est, similia mala contigerunt. Die primâ decies fuit terramota, & deinceps per totum annum sæpius, ut nulla fuerit securitas.

Unde

Unde multi homines nimio terrore concussi, relictis urbibus & castellis ad campestria sese contulerunt, in tabernaculis habitantes. In eodem terræmotu, quem primâ die decies factum diximus, multæ in Basilea domus etiam fortissimæ corruentes, ab igne fuerunt incensæ, quem Incolæ pro consueto usu in focus structum habebant. Quod quidem incendium brevi usque adeò crevit, quòd majorem urbem totam, occupavit. Nemo in civitate fuit securus, nemo tutus, nemo non pavore correptus; in tantum quippe prævaluit incendium, quòd intra murorum ambitum nullus poterat permanere. Diem adesse novissimum, tot calamitatibus subito irruentibus quis mortalium tunc non timuisset?

Anno item prænotato quidam hæresiarcha ex eorum secta, quos Germani Beggardos appellant, nomine Bertholdus, in civitate Spirensi occultè circuiens, & in secretò simplices docens, varios & abominabiles seminavit errores: qui postremò detectus & captus, per Inquisitores hæreticæ pravitatis, & complures alios viros doctos examini publicè fuit expositus, & multis erroribus infectus, plurèsq; seduxisse simplices, miserabiliter inventus. Cujus errores per ordinem destinavimus exprimere, ut liqueat omnibus, quàm sit periculosum idiotis indoctis, & rusticis, magisterium sine præceptoribus legitimis usurpare docendi, & sine obedientia Religionem habitu præferre mendacem.

Bertholdus  
Hæresiarcha  
stultissimus,  
Spire capitur.

Primus error sive articulus ejus, quem sensit & prædicavit iste fuit. Dixit enim, quòd Christus JESUS Dominus & Salvator noster in sua passione usque adeò derelictum se senserit à Patre, quòd dubitaverit vehementer, utrum anima ejus salvanda esset, vel damnanda.

Ejus Error.  
1.

Secundus error, quòd idem Dominus JESUS Christus in passione sua præ nimio dolore maledixerit castissimæ Genitrici suæ semper intactæ Virgini Mariæ. Quis majorem audivit insaniam ab aliquo unquam, atque blasphemiam?

Tertius error, quòd Christus in passione sua maledixerit terræ, quæ fufum illius susceperat pretiosum sanguinem. O fatuum, delirum & insanum! quando malediceret terræ innocenti, qui pro suis Crucifixoribus pendens in Cruce Patrem suum tam placidè rogavit, ut non perirent?

Quartus error, quòd homo vitâ mortali adhuc passibilis & corruptibilis ad tantam spiritualis vitæ perfectionem possit pervenire, quòd ei postea neque orare, neque jejunare sit amplius necessarium, & nihil deinceps sit ei peccatum.

Quintus error, quòd oratio vocalis non sit homini utilis vel necessaria, & nihil conferat ad salutem, sed mente orare sufficiat, sine voce vel motu labiorum, qui manifestus error per consuetudinem totius Ecclesiæ confutatur.

Sextus error, quòd Laicus indoctus & idiota, sine notitia scripturarum, sed illuminatus Divino instinctu (qualem se esse putabat) plus alijs & sibi docendo queat proficere, quàm Sacerdos, quicumque etiam Doctissimus per quamlibet scientiam scripturarum, licet Doctor esset omnium scientiarum.

Septimus error, quòd tali somniato Laico, vel ut ipse dicebat, illuminato, in suis prædicationibus atque doctrinis sit plus credendum atque obediendum, quàm sancto Evangelio, & quibuscunque scripturis vel dictis omnium Doctorum.

Octavus

Oſtavus error, quòd homo devotus in ſumendo cibo & potu pro ſuſtentatione corporis, tantam poſſit acquirere gratiam, quòd æquivaleret ei, ac ſi Corporis & Sanguinis Domini noſtri JESU Chriſti Sacramenta ſumpſiſſet.

Idem Lolhardus  
Herbipoli  
coactus re-  
vocavit er-  
rorem.

Beghardus  
Hæreticus  
Spiræ com-  
buitur.

Præſcriptos & plures alios errores, memoratus Lolhardus ante in civitate Francorum Orientalium Wirzburg in occulto dogmatizando ſeminaverat, qui tandem publicatus, & ad rationem poſitus, ut incendium hæreticis debitum poſſet evadere, ſimulato corde conſenſit revocare. Qui non ferens confuſionem, quam ex tali revocatione ſe incurriſſe putabat, Franciam noſtram occultè fugiens deſeruit, & ad Spiram veniens falſam doctrinam & errores, quos prius abnegaverat, iterum prædicavit. Comprehenſus igitur in memorata civitate Spirenſi atque de præſcriptis erroribus convictus, & publicè conſeſſus, cùm interrogaretur, ſi velit tam pernicioſæ hæreſi abrenuntiare, & in fide S. Matris Eccleſiæ fideliter permanere uſque ad mortem, reſpondit: *Fides mea Donum Dei eſt, & ob id gratiam ejus mihi donatam abnegare ſicut non debeo, ita nec poſſum, nec volo.* Unde in ſuis erroribus pertinaciter obſtinatus judicio traditus eſt, & per ſententiam in ignem miſſus & combuſtus.

MCCCLVII.

Wilhelmus  
Comes  
Hollandiæ  
veſanus  
cuſtodiri  
mancipatur.

Anno Wichardi Abbatis quarto Indictione Rom. decimâ, Wilhelmus Comes Hannoniæ, Hollandiæ, Seelandiæ ac Franciæ Dominus, Ludovici quondam Imperatoris filius, qui primus ex Baviariæ Ducibus principabatur in illis regionibus, poſt multa per tyrannidem malè geſta, in veſaniam & furorem verſus continuum & inſanabilem, catenis ligatus in cuſtodiam ponitur, in qua furens & inſaniens per annos fermè xx. Deo vindicante uſque ad mortem detinetur.

Albertus  
frater ejus  
Dux fit Co-  
mes Hol-  
landiæ.

Fuerunt, qui dicerent, eum veneno ſumpto in furorem converſum. Poſt eum, quoniam liberos non habuit, frater ejus Dux Baviariæ Albertus præſcriptos Hollandiæ, Hannoniæ, Seelandiæque Comitatus, matris promotione obtinuit, quos per annos XLVII. ſtrenuè gubernavit in omni manſuetudine, juſtitia, & æquitate, non in tyrannide, ſicut frater ejus fecerat Wilhelmus furens & inſaniens.

Fuit autem Albertus iſte primus atque viceſimus Hollandiæ Comes Ordine ſuccedens, ex eo tempore, quo primum in ea terra Comites ſumpſerunt initium; uxorem habuit nomine Margaretham Ducis Brigenſis filiam, de qua genuit Wilhelmum, qui poſt eum ſucceſſit in Comitibus memoratis: Joannem quoque, qui fuit Epicoſpus Leodiſenſis, de quo ſuo tempore latius dicemus: Catharinam etiam, quæ primò deſponſata fuit Eduardo Geldriæ Duci, quo priuſquam nuptiæ celebratæ fuiſſent, in bello quodam occiſo, ſicut infra dicemus, virgo permanſit, & vidua, nullo volens habere maritum, niſi qui de ſanguine Geldrenſium duxiſſet originem, ſponſi amore capta. Unde cùm Reinoldus frater Ducis Eduardi teneretur in vinculis, eorum mater quondam uxor Reinhardi Ducis primi nupſerat Florentio Comiti Mechliniæ, de quo concepit & peperit filiam Sophiam nomine, quæ uxor facta Wilhelmi primi Ducis Juliacenſis filium peperit paterno vocabulo Wilhelmum. Hunc tandem Catharina, Eduardi ſponſa, ſuſcepit maritum.

Anno



Anno prænotato Thuricenses, Bernenses, Svvitenses, Lucernenses, Zugienses, Undervvaldenses, Glarenenses & Urienses iterum iuramento sese colligantes in unum conspirârunt, priorem confœderationem innovando confirmantes contra Duces Austriæ & Comites de Habsburg. Quæ nova colligatio memoratos Duces haud mediocriter provocavit in iram, licet eam revocare vel impedire non possent; timebant enim, quod cum tempore accidit, ne videlicet illa Rusticorum colligatio gravem quandôque jacturam afferret principibus. Ad instantiam itaque Ducum Austriæ Carolus Imperator, qui tum erat in Alsacia, Thuregum profectus est, volens conjurationem memoratam, regali simul & imperiali auctoritate dissolvere, & in nihilum revocare, pro illo maximè, quòd oppidum Zürich sub dictione sit regni Germanici, & ob id non licuerit civibus aliquam inire confœderationem sine Regis licentia cum exteris. Verùm Thuregienses in sua pertinacia contumaciter perseverantes, Imperatori tale dedere responsum: *Serenissime Domine Cæsar, subjectos nos regno fatemur fideles, sed injurias propulsare tyrannorum soli non sumus sufficientes, vestra autem defensio non semper adesse potest, quoties impugnamur, propter varias Regni occupationes: unde ne penitus obruamur tyrannorum incursum, qui toties perdere nos tentârunt sine causa, modis varijs, & per multas insidias, pacem, confœderationem & amicitiam juratam atque perpetuam contraximus, quam violare nec possumus unquam, nec volumus, nec debemus.*

Nova Switensium colligatio cum suis denique confirmata.

Carolus Imperator venit Thuregum revocare conjurationem.

His Cæsar auditis, cum nihil monendo proficeret, discessit ad tempus, contractoque magno pugnatorum exercitu, post dies paucos redijt, & oppidum Thuregiense fortissimâ obsidione vallavit. Fuit in exercitu Eberhardus Comes de Wirtenberg, vir magnanimus, potens atque robustus, cum multis Suevorum nobilibus atque ministerialibus ad bella doctissimis, quorum fortitudo non parum auxit militiam. Aderat etiam cum suis Episcopus Constantiensis, qui suggessit Imperatori, quatenus juxta morem & antiquam Alemannorum consuetudinem Suevi pugnantium in ordine ponerentur primi. Quod cum Dux Austriæ reclamaret Albertus, nimium indignati sunt Suevi, & in unum consultantes, ad sua omnes redierunt. Cæsar autem videns abivisse Alemannos, & valde inminutum exercitum, necessitate compulsus cum Thuregiensibus treugas iniit, & solutâ obsidione, sine cordis sui effectu optato, recessit.

Imperator exercitum ducit contra Switenses conjuratos.

Eodem quoque anno xiv. die mensis Maij, factus est iterum terræmotus magnus & horrendus in pluribus Europæ locis, in Germania videlicet, Basilea, Argentina, in Suevia & circa Rhenum, cujus impulsu turre Ecclesiæ, & civitatum multæ, pluraque excelsa ædificia concussa ceciderunt oppressis hominibus. Et quia major, & vehementior erat iste motus terræ, quàm ille, qui anno præterito, sicut diximus, accidit, etiam graviora mortalibus incommoda reliquit. Cives Argentinenses multi pavore nimio perterriti, urbe relictâ fugiebant in campos, & ibi fixis papilionibus habitabant, ne contingeret eis, quod anno præterito diximus Basileensibus accidisse. In Hispania quoque & præcipuè Sibilæ, quæ Hispalis olim dicebatur, & civitate Corduba, plurima ædificia eodem terræmotu corruerunt. Simile in alijs locis contigisse novimus.

Terræmotus iterum magnus totam penè concussit Europam.

MCCCLVIII.

Anno Wichardi Abbatis quinto mortuus est Albertus Dux Austriæ,

G g

filius

Albertus Austriæ Dux senior obiit.

Quatuor  
filij Ducis  
Alberti.

Dux filius  
illius.

InterLudo-  
vicum Un-  
gariz Re-  
gem & Ve-  
netos con-  
tentio.

Veneti pa-  
cem à Rege  
petunt &  
accipiunt.

Innocentius  
Papa Lega-  
tū miſit in  
Germaniā  
pro ſubſi-  
dio.

ſilius Alberti quondam Imperatoris & nepos Rudolphi Regis ex Comi-  
tibus de Habsburg, de quo longè ſuprà dictum eſt. Reliquit autem filios  
iv. & ii. filias. quorum primogenitus fuit Lupoldus, qui patri ſucceſſit in  
Ducatu, à quo & Maximilianus Cæſar hodie regnans Germanis imperans-  
que Romanis legitimā ſucceſſione deſcendit. Secundus fuit Albertus,  
qui Univerſitatem Viennensem fundavit in Austria. Tercius fuit Rudol-  
phus Dux, qui fundavit Eccleſiam S. Stephani Protomartyris ibidem,  
quam Fridericus Imperator poſteà tertius Maximiliani pater, in Eccle-  
ſiam Cathedralē ſublimavit. Iſte Rudolphus uxorem habuit Cathari-  
nam, ſiliam Caroli Imperatoris iv. per quam Comitatum Tyrolis, Austriæ  
Ducatu (ut ferunt) conjunxit. Quartus autem ſilius dicebatur Fridericus,  
qui juvenis ſine liberis obiit. Filiarum prima vocabatur Margaretha, quæ  
nubens Ludovico Marchioni Brandenburgensi ſine liberis permanſit  
ſterilis & obiit, viro prius mortuo. Secunda dicebatur Catharina, quæ va-  
nos mundi contemnens honores, pro Chriſti amore in Cœnobio S. Claræ  
Viennæ Monialis, deinde Abbatiffa facta eſt.

Eodem anno peſtis ſæva totam penè Germaniam occupavit, quæ ab  
initio durans menſis Auguſti uſque ad finem Decembris, per Franciam  
Orientalem, Bavariam, Sueviam, Saxoniam & Thuringiam plura homi-  
num millia conſumpſit.

Anno item prænotato magna contentio inter Ludovicum Ungariæ  
Regem & Venetos fuit ſuborta propter Dalmatiæ regnum, quod Veneti  
plurimis annis per vim occupaverant contra jus & voluntatem omnium  
Regum Ungariæ. Unde contracto ſuorum, & Theutonicorum magno  
exercitu Dalmatiam potens ingreditur, & primo civitatem Jadrenſem  
obtinuit, deinde maritimas civitates omnes, ac poſtremò totam ſibi Dal-  
matiam ſubjugavit. Poſt hæc Venetorum fines potenter ingreſſus  
eorum caſtella munitiones & oppida in circuitu plura cepit, ſuæque di-  
tioni per omnia ſubjecit. Cernentes autem Veneti, quòd potentiæ Regis  
tantæ non poſſent reſiſtere, miſſis ad eum legatis pacem poſtulant, & ſe  
in omnibus regio mandato pollicentur obſecuturos. Rex humiliatis  
non ſolum pacem indulſit, quam poſtulaverant, ſed etiam ablata reſtituit,  
accepto prius juramento ab eis, quòd ſe deinceps de regno Dalmatiæ nul-  
latenus intromitterent, & neminem in locis ſibi ab eo reſtitutis, qui ab eis  
declinâſſet ad Regem tempore guerrarum, laderent vel punirent. Ju-  
rata eſt pax, & litteris confirmata. Veneti autem poſt Regis diſceſſum  
omnes, quotquot ex ſuis invenire poterant, qui belli tempore illum intro-  
miſerunt, capitis detruncatione puniverunt.

Eodem anno Innocentius Papa vi. Philippum Episcopum Cavalli-  
cenſem Legatum & Nuntium miſit in Germaniam, ut pro ſubſidio Ca-  
meræ Apoſtolicæ decimum omnium proventuum à Clero exigeret dena-  
rium. Contra hanc graviffimam & inſolitam exactionem Papæ, in unum  
convenerunt omnes præpoſiti totius Cleri trium provinciarum Treviren-  
ſis videlicet Moguntinenſis, & Colonienſis una cum Abbatibus noſtri Ord.  
& alijs multis, atque unanimi voto concluſerunt, quòd Romano nihil  
velint contribuere Pontifici, & hoc ipſum Nuntio ejus memorato tunc  
apud Moguntiam, pro poſtulatione quam fecerat, reddidère reſpon-  
ſum; & quia funiculus triplex difficile rumpitur, ut eò fierent contra  
Pon-  
Ponti-

Pontificis importunam exactionem fortiores; postquam inter se de nihil dando convenerant, litteras etiam ad alias Germaniæ provincias, & Dioceses, repente mittentes, omnem Clerum & Monachos in suam traxere sententiam; & ne forte contumaces judicarentur potius, quam defensores antiquæ libertatis, etiam Romano scripserunt Pontifici causas, ob quas nihil essent daturi, & plures & rationabiles, tam per litteras, quam per solemnes Nuntios assignantes. His Papa cognitis & metuens fieri dissensionem, silentio rem perpetuo sepelivit.

MCCCLIX.

Anno Wichardi Abbatis sexto. Carolus Imperator convocavit omnes Principes Regni ad colloquium in Moguntiam propter novam & inauditam Romani Pontificis exactionem pecuniarum, quam omni Clero per totam Germaniam in grave Regni detrimentum imponere contenderat: convenere plures, & in publico magnatum confesso Philippum Episcopum Cavallicensem, Apostolicæque Sedis Legatum & Nuntium audiverunt. At ille commissum sibi legationis officium fideliter exequi desiderans, multa produxit in medium, quibus speculatione suâ per suasurum se Principibus æstimabat. Relatione præsulis auditâ, negotium concilio tractandum committitur, & super dando responso per viros undecunque doctissimos articuli scribuntur. Erat in eo Conventu Principum Conradus de Alzeia Cancellarius Ruperti Comitis Palatini vir ingeniosissimus, & omnifariam eruditus, cui Principes respondendi pro Cleri defensione commiserunt officium; qui multis rationibus dixit, scripsit atque persuasit, in ea postulatione Papæ nihil fore dandum. Cujus articulos, quoniam memoriâ digni sunt, litteris breviter commendamus.

Conventus Principum in Moguntia pro Clero contra Papam.

Conradus de Alzeia Cancellarius Palatini, pro Clero loquitur.

Adveniente statuto die, in quo dare Cæsar cum Principibus Legato decrevit responsum, prædictus Conradus in medio stans & iussus loqui, sic inchoavit. *Aurifodinam, Romani, Germaniam semper habere & exhaurire cupientes, multos & varios ab olim excogitarunt modos, quibus omnia suo subdidissent imperio. Cum autem ad nos divina providentia Romanum transtulerit Imperium, reor, nobis invigilandum, ne viribus & nervis Sacerdotum evacuet regnum. Quid Romanus Pontifex præter litteras & verba Regno confert Germanico? nihil certè. Sit Dominus beneficiorum omnium, quantum ad eorum dignam provisionem pertinet: sed eorum proventus ministrantibus permittat. Stulta est meâ sententiâ Germanorum devotio: quæ Romanis vulturibus, qui sunt insatiabiles, cibum parat, filiis proprijs magna inediâ laborantibus. Vestrum est igitur, ô Cæsar & Principes, vestrum est cogitare, quod multis & varijs modis, causis simul & commendationibus Germaniam vestram pecunijs suis exhaurit, spoliât & denudat Italia: cujus avaritiæ nihil est satis; quamquam singulis annis multa florenorum millia nostris de sudoribus, ne dicam sanguinibus, in os suum, quod nunquam dicit, sufficit, traiciat. Ex Italia namque species aromaticas, medicinales quoque, oleum olivarum, vinum malvaticum, pannos sericos, & pleraque similia quotannis comparamus pecuniâ, pro quibus incredibilem aurisummam Germani exponimus. Quid obsecro nobiscum aut nascitur, aut habetur, pro cujus commutatione nobis Italia vel unum denarium restituat? Denique filios nostros Romam non sine multis pecunijs, ut mores curiæ (ne dicam abusiones, dolos, & fraudes) vel ibi discant, vel in Avenione: seu ut litteris dent*

Dicit Germaniam pecunijs exhauriri per Romanos & Italos.

Germaniâ varijs modis Italia pecunijs denudare solet.



Olim Con-  
firmabant  
Archiepiſc.  
ſuos Epiſc.

Eccleſias  
per provi-  
ſiones Papæ  
dicit eſſe de  
paupera-  
ta.

Clerum di-  
cit, nec de-  
bere nec  
velle poſſe  
Papæ con-  
tribuer.

Cōſultatio  
huius viri  
nimis mor-  
dax & acer-  
ba contra  
Papam.

Cæſar cum  
principibus  
legato de-  
dit respon-  
ſum pro  
Clerp.

operam, & Eccleſiaſtica beneficia, quæ Patres noſtri ſuis inſtituere pecunijs, novis ſemper obtineant (non dico emanant) commercijs. Nemo eſt veſtrum, o Principes, qui non intelligat multam curia papali pecuniam ex Germania ſingulis annis inferri pro Confirmatione Prælatorum, pro impetratione beneficiorum, pro cauſis litium & contentionum, quibus provocatur ad examen Sedis Apoſtolice: pro diſpenſationibus quoque, pro conſequendis indulgentijs, & gratijs ac varijs privilegijs abſolutionibusq;. Neque hoc latet ſerenitates veſtras, quod ab initio Chriſtiana religionis omnes Archiepiſcopi per totum orbem ſubjectos ſibi confirmabant Epiſcopos, & quod juxta conſtitutionem beati Papa Gregorij primi Archiepiſcopis dabatur gratis, & pro eorundem confirmatione nihil penitus exigebatur, ſecundum quod Dominus & Salvator noſter in Evangelio ſuis præcepit Apoſtoliſ dicens: gratis accepistis, gratis date. Sed omnia nunc videmus inverſa, omnia in deterius commutata. Confirmationes hodie gratis non dantur, nec pallium ſine pecunia conſertur Archiepiſcopo, ſed maximam auri ſummam compelluntur exponere, & nihilominus priſtinum Epiſcopos ſuos confirmandi privilegium his noſtris temporibus per Joannem Papam XXII. eis violenter ablatum eſt, in gravem totius regni Germanici damnum, incommodum, & detrimentum, quod omnibus manifeſtum eſt. Et ecce poſt hæc & alia tanta gravamina, quibus non ſolum Clerus, ſed univerſum Germanie regnum exhauritur, & leditur, novum & hætenus numquam auditum Rom. Pontifex à Clero petit ſubſidium, quod antea nullus Papa præſumpſiſſet cogitandum. Cenſuras minatur, & pœnas non dantibus vel contradicentibus infligendas. Quapropter cum iſta nova ſint, & prius inaudita, nulla ſunt ratione admittenda. Principijs ergo malorum obſiſtite, & non permittatis hanc ſervitutem turpem prævalere. Mementote Principes, quantam calamitatem, miſeriam, deſtructionem, & in utroque ſtatu diſpendium proviſionis Apoſtolice plerique Eccleſijs Germania intulerint, dum Pontifices Romani canonicè per capitula electos repudiant: & non electos præſules introducunt. Hinc lites & contentiones graviffimæ inter partes ſubſcuta, quantam deſolationem Eccleſijs induxerint, nemo noſtrum ignorat: per talem nempe occaſionem nobis hæc Moguntina Eccleſia, quod vobis conſtat omnibus, in ultimam paupertatem devenit. Simile contigit Eccleſijs Herbipolenſi, Vvormatienſi, Argentinenſi, Friſingenſi, Metenſi, & multis alijs, quarum redditus atque proventus per diſſenſiones electorum canonicè & proviſorum à Papa miſerabiliter fuerunt diſtracti. Unde concludendo breviter, etiamſi omnino deberet Clerus, aut vellet Papa poſtulatam contribuere ſubſidium, ſicuti nec vult, nec omnino tenetur, tamen non poſſet, cum propter cauſas nunc dictas, tum propter multiplices rationes, ſi opus fuerit, allegandas, & maximè propterea, quod Principibus Germania non ſolum eſſet turpe, ſed etiam diſpendioſum, ſi hanc ſuper Clerum ſuum induci permitterent Italia ſervitutem. Dixit & alia multa, quæ principibus ad perſuadendum pro Clero ſibi videbantur accommodata, quorum cum nonnulla derogare auctoritati Rom. Pont. ſit manifeſtum, ſilencio potiùs ſepelienda judicamus, quàm ſcriptis noſtris in notitiam transferre poſteritatis; conſitemur enim publicè, nos cum Rom. ſentire ſacroſancta Eccleſia, & Auctoritatem Summi Pontificis velle pro viribus deſenſare.

Poſterâ die Imperator & Principes advocantes Legatum S. Sedis Apoſtolice, reſponſum illi ſuper his, quæ nomine Rom. Pontif. Innocen-  
tij de ſubſidio, ne dicam exactione Clericorum propoſuerat, cum honeſtate & modeltia reddiderunt dicentes: *Clerum tam inſolita dare nullate-*

mus posse, multaque pro ejus defensione rationabiliter in medium protulerunt, maximè tamen Cæsar iniquo tulit animo, quòd præ cunctis nationibus Europæ solos Papa Germanos hamo piscationis inconstuetae, atque illicitæ penitus ipse servitutem volebat deducere. Unde commotus aliquantulum animo præseste Legato in medio principum dixit: *Quid est Domine Episcopo, quòd Papa pecuniam à Clero multam exigit, & mores reformare Clericorum non intendit? videtis quomodo vivant, in quanta superbia & elatione, avari, cupidi, luxuriosi, & supra modum delitijs affluentes. Quo incedant habitu, pudet dicere: utpote qui militibus hujus mundi similiores sunt, quàm servis omnipotentis Dei. Sine ordine vivunt ubique, sine honestate, sine timore Dei, in omni libertate peccantes, & nemo est, qui corrigat, nemo qui prohibeat, nemo qui emendet. Vos autem Rom. pastores & Pontifices lanam rapientes nihil de salute ovium estis solliciti. Cùm Cæsar ista loqueretur in consessu Principum, & vitia Clericorum simul & avaritiam Episcoporum publicè & modeste carperet, aderat Canonicus quidam principalis Ecclesiæ Moguntinæ nomine Cuno de Falckenstein, quem coadjutorem Henrici quondam Archiepiscopi fuisse supra anno Wichardi Abbatis primi quinto diximus, qui etiam Trevirorum postea factus est Archiepiscopus. Is Caputium habebat in capite auro gemmisque nimis pretiosum, quod Imperator capiti suo imposuit, & quod suum erat, de panno simplici super caput Cunonis relocavit. Deinde ad principes conversus dixit: *Quid vobis videtur? nonne militi videor in caputio Cunonis similior, quàm canonico?* Restituto autem caputio Cunoni, suoque recepto ab eo, dixit ad Gerlacum Moguntinum Archiepiscopum: *Præcipimus vobis Domine Archiepiscopo, sub ea fidelitate, quâ nobis & regno estis juramento astrictus, quatenus Clerum vestrum juxta Canones sanctorum Patrum reformare studeatis, cùmque in moribus, vestibus calceamentis, capillis, & ceteris voluptuosis, nimiumque sumptuosis delitijs atque abusionibus refranetis, & omnes ad debitè, honestè, religiosè vivendum compellatis. Eorum verò qui rebelles & inobedientes reperti fuerint, bona & fructus beneficiorum occupetis, & fisco nostro regali inferatis, vel etiam si necesse fuerit, ipsos contradictores carceribus mancipetis.* Hoc ipsum cæteris regni Pontificibus Imperator præcepit.*

Cuno de Falckenstein Canonicus de caputio suo factè reprehensus à Cæsare.

Philippus autem Cavallicensis Episcopus supradictus Apostolicæ Sedis orator ac nuntius, posteaquam negativum Cæsaris audivisset responsum, & cognovisset, quòd Clerus contra Papam sese mutuò colligasset, Cæsare simul & Principibus defensoribus, post diem octavum nave conscensâ cum suis familiaribus descendit ad Coloniam, & inde Galliam in Avenionem ad Papam reversus est. Legato tandem reverso ad Pontificem sine fructu legationis sæpe dictæ, Papa concepto æstuans desiderio, cùm subsidium à Clero Germaniæ, sicuti speraverat, non posset assequi, ne frustra conatus suos impendisse videretur, ex alia parte navigij rete suum in capturam piscium laxavit. Emissis namque nuntijs suis per universam penè Germaniam, præcepit medietates omnium beneficiorum tunc vacantium & vacandorum biennio colligi, & in usus Camerae Apostolicæ reservari.

Legatus sine fructu optato in Avenionem ad Papam revertitur.

Anno etiam prænotato inter senatum & cives oppidi Nürenbergensis facta est seditio magna. Dederat Imperator in mandatis nonnulla senatui, quæ communi populo haud parum displicuerunt. Unde convenientes

Cives Nürenbergenses contra Imp. & senatum conspirant,

Imperator  
quâ indu-  
ſtriâ con-  
ſpirationē  
hanc ſeda-  
verit.

Artificum  
conventi-  
cula id eſt  
Zünſſten  
Nürenber-  
gæ depo-  
nuntur ex-  
ceptis Ma-  
cellarijs.

turmatim in conventiculis & ſympoſijs ſuis Zünſſten vulgariter nuncupa-  
tis multis & varijs ſe cohortationibus contra Imperatorem Carolum &  
ſenatum armaverunt. In tantum brevi convaluit iſta plebeja conſpiratio,  
quòd nonnulli ex eis omnino concluſerant, Imperatorem ſi poſſent, quo-  
cunque modo, tempore & occasione interficere. Imperatori, qui tum  
Nürenbergæ fuit, res conſpirata innotuit, qui nihil moratus auctorem  
ſeditionis factæ in populo fecit aſſeſſe, quem blandis ſermonibus, & obla-  
tione 1000. florenorum aureorum in ſecreto ſibi concilians maximum  
fecit eſſe fautorem; nam mox ut ab Imperatore tam glorioſè muneratus  
diſceſſit, mutavit conſilium factis, & eos quos prius ut princeps factionis in  
odium Cæſaris potenter concitaverat, jam nunc ad obedientiam & ſubje-  
ctionem humiles totis viribus revocabat. Verùm dum à complicitibus non-  
nullis argueretur levitatis reſpondit: *In turpi voto honeſtè mutandum con-  
ſilium.* Eo liberatus periculo Cæſar, ut omnem plebi occaſionem deinceps  
conſpirandi auferret, magnâ uſus induſtriâ, omnia conventicula,  
collegia ſive monopolia vulgaritè, ut diximus, Zünſſten appellata, in  
quibus artifices diebus feſtis in unum convenire ſolebant, ad confabulan-  
dum, bibendum, conſiliandum (non dico ad detrahendum & conſpi-  
randum) ſinguli ſecundum artificia ſua, imperiali auctoritate depoſuit,  
interdixit perpetuò & damnavit, propterea, quòd eatenus cives omnia  
conſilia ſua contra ſenatum & omnem majoritatem in eiſdem habere  
conventiculis tuò conſueverunt.

Sarcopolæ verò, quos macellarios, ſive carniū paratores nuncu-  
pamus, quoniam pro parte Imperatoris Caroli atque ſuorum fidelium  
fortiter ſteterunt in hac ipſa conſpiratione adverſum fædiſragos conju-  
ratos, magnis à Cæſare honoribus collaudati ſunt, & priſtinum inter  
ſe conveniendi monopolium ab eo permiſſum & confirmatum (cæteris  
extinctis omnibus) acceperunt. Inſuper in perpetuam huius fidelitatis  
memoriam Cæſar macellarijs quædam privilegia, & ludos circa carnis-  
privium exercendos indulſit.

Joannes  
Galliæ Rex  
ex captivi-  
tate dimit-  
titur.

Eodem anno Eduardus Rex Angliæ multâ interveniente pecuniâ &  
precibus amicorum non paucis Joannem Gallorum regem, & Philippum  
ejus filium, quos in alterum nunc annum tenuerat captivos, ſub certis  
conditionibus liberos dimiſit. Qui reverſi tandem in Galliam, nihil  
eorum quæ promiſerant Eduardo Regi, ſervârunt. Quapropter indi-  
gnatus ille contractis undique copijs pugnatorum, cum 150. navibus  
maximum ſequenti anno exercitum duxit in Galliam: Pariſios iterum  
obſidione vallavit, devaſtatique omnibus magnâ Galliam calamitate  
afflixit.

Wichardus  
II. Abbas  
Hirſaug.  
moritur.


Anno Dominicæ Nativitatis prænotato, vicesimâ ſeptimâ die menſis  
Novembris obiit Wichardus ejus nominis ſecundus Abbas huius Cœnobij  
Hirſaugienſis xxxiii. anno ſui regiminis vi. nondum completò. Vir bo-  
nus, manſuetus, & quantum ad curam pertinet temporalem, pro illo  
tempore ſatis idoneus, qui diutius ſi vivere potuiſſet, res Monafterij di-  
ſtractas plures ſine dubio revocâſſet ad juſ ſuum, quod negligentia turpi  
priorum amiſerat.

Eodem anno xx. die menſis Decembris Philippus Episcopus Cavalli-  
cenſis Apoſtolicæ Sedis Legatus, de quo diximus antea, convocavit  
plures



plures Ordinis nostri Abbates ad se Moguntiam, & pro Monasteriorum reformatione multa cum eis tractavit: inter quos fuere præsentes Hermannus Abbas S. Albani, Wiricus Abbas S. Jacobi Moguntinensis, Philippus Abbas Spanheimensis, Abbates quoque Limpurgensis, Blidenstattenensis, montis S. Joannis Vingaviensis & alij plures; veruntamen nullus tunc propositæ reformationis subsequeretur effectus.

## De Wignando hujus Monasterij Hirsaugiensis Abbate XXXIV. qui præfuit annis xx. mensibus x. diebus xx. & de varijs, &c.

 Nno Dominicæ Nativitatis prænotato MCCCCLIX. Indictione Rom. XII. hujus Monasterij Abbacia post mortem Wichardi Abbatis secundi, ut diximus, vacante, prior & fratres, quibus competebat jus eligendi rectorem, ne destitutionis curæ pastoralis aliquod experirentur incommodum, VII. die mensis Decembris pro novi pastoris electione ad locum capitularem in unum conveniunt, & præmissis orationibus consuetis, ad electionis negotium in Dei nomine processerunt. Scrutinio itaque per singulorum vota ex ordine præmissis, pars major eligentium, & senior Wignandum ex Collegio Conventus Monachum in Abbatem elegit, cui & reliqui omnes sine contradictione unanimiter consenserunt. Qui à Gerardo de Erenberg Spirensium Episcopo confirmatus, & solemni pompâ benedictus præfuit huic Monasterio XXXIV. Abbas in multa sollicitudine annis xx. mensibus x. diebus xx. Natione fuit Germanus, patriâ Suevus, militari genere ortus, probis ac honestis parentibus procreatus, qui à pueritia Monasterio traditus, moribus & consuetudine utebatur inventis. De cujus vita & conversatione pauca scribere possum, propterea, quod Monachorum ignava pigrities res memoratu dignas & gesta Prælatorum litteris mandare, aut non potuit, aut certè contempsit. His namque temporibus miseranda Ordinem nostrum oppressit calamitas, quando non solum in isto insigni Monasterio Hirsaugiensi, sed & in cæteris penè omnibus, cuncta spiritualis disciplina, & sancta exercitia defecerunt. Unde mirandum non est, nos historiam continuare de gestis Abbatum Hirsaugiensium minimè potuisse, cum & negligentia Claustralium bene gesta Rectorum litteris non comendaverit, & Prælati forsitan nihil aut parum memoriâ peregerint dignum. Magna enim fuit circa hæc tempora Monachorum & damnabilis ignavia, qui cum sancto religionis proposito, & fervore observantiæ regularis, etiam divinorum amorem, & studium abjecerunt scripturarum, nihil minus quàm constitutiones Regulæ vel SS. PP. animo cogitantes.

MCCCCLX.

Anno Wignandi Abbatis primo, Carolus Imperator Conventum principum celebravit, in oppido Regni Eßlingen partium Sueviæ, & multa cum eis de communi utilitate omnium Germanorum tractavit. Factum est autem in die quadam Imperatore cum principibus suis in Refectorio Fratrum minorum habente colloquium, cives in seditionem versi contra familiam Cæsaris, movere arma non timuerunt, quod malum haud

Wignandus sit Abbas.

Monachorum his temporibus fuit ignavia magna.

Cives oppidi Eßlingen contra Imperatorem rebellant.

haud parvam oppido turbationem concitavit. Nam in tantum concepta seditio convaluit, quòd cives furentibus persimiles Cæsarem invadere, & contumelijs afficere tentârunt; qui elapsus eorum insaniam ad tempus declinavit. Post menses paucos, cùm Eslingenses non solum commissorum in Cæsarem nullam peterent veniam, sed magis in superbiam elati, mandata imperialia contemnerent: iratus ille magnum Principum & civitatum, oppidorumque regni exercitum contraxit, & veniens oppidum Eslingen obsidione fortissimâ vallavit: Ducem verò exercitus Eberhardum Comitem de Wirtenberg fratrem Udalrici constituit, & sub ejus directione militiam commendavit.

100. florenorum millibus pacem emunt Eslingenses.

Comes igitur Eberhardus jussu Imperatoris Eslingen fortissimâ obsidione cingens, oppidanos quotidiano impulsu haud mediocriter fatigavit. Qui serò considerantes in malo se positos, eò quòd tantæ multitudini pugnatorum nequaquam possent resistere, de sua caperunt præsumptione in Cæsarem commissa dolere. Igitur necessitate extremâ compulsi, pacem quam multorum judicio non merebantur petunt, & accipiunt, datis pro expiatione commissi sceleris Imperatori Carolo sexaginta millibus florenorum, ac Comiti Eberhardo triginta millibus pro refusione expensarum, quas belli hujus occasione fecerat, vel ut quidam scripserunt, quadraginta millibus in prompta pecunia solutis: sicque pacem plebs furiosa, quam violaverat, pretio centum millium florenorum emere compulsæ est, & solutâ obsidione quilibet eorum, qui convenerant, in sua redierunt, oppidanis de Eslingen multum confusis, & per omnia valdè humiliatis. Hâc victoriâ nimium elatus Comes Eberhardus, quem Carolus Imperator IV. Capitaneum super XXIV. civitates & oppida regni Germanici constituerat, in subditos regni tyrannidem exercebat, illicitis & inconsuetis illos exactionibus gravando, ut multi cives & oppidani ejus crudelitatem non ferentes mutare domicilia cogitaverint. Postremò tamen consilio accepto se omnes Comiti unanimiter opposcentes contra illum ad Cæsarem provocaverunt. Imperator his intellectis Comitem Eberhardum piè monuit, quatenus à gravaminibus illicitis & inconsuetis desisteret, & civibus regni sibi ad tempus, non perpetuò commissis nihil molestiæ inferret. Sed ille piam Imperatoris admonitionem contemnens, & in sua cupiens tyrannide permanere, confederationem seu potius conjurationem cum Ducibus Austriæ in odium ipsius Cæsaris iniit, & quoscunque potuit, contra illum provocavit. Quibus Cæsar auditis, ut rebellem & inobedientem amovit ab officio Vicariatûs regni, & jussit in suo illum privatum degere dominio. Qui fretus amicorum potentiâ jussa Imperatoris sui sprexit atque contempsit, & se ad rebellandum totis viribus comparavit.

His motibus in regno malè subortis Imperator Carolus in Bohemia regno suo nativo atque paterno degebat, sententias atque censuras in Eberhardum Comitem de Wirtenberg fulminans & emittens auditu terribiles, quas ille omnes contempsit. Unde inter ipsum Comitem & regni cives magni oriebantur tumultus, & omnia bellandi monstrum & faciem futuræ desolationis præ se ferebant. Quorum consideratione motus Imperator, nec minus à regni civibus exoratus, Rupertum Palatinum Comitem ac Bavariæ Ducem electorem regni principem belli imperialis Ducem

Ducem pro civitatibus regni & oppidis, & aequale Capitaneum esse voluit, cui & bellum contra Eberhardum Comitem prænominatum gerere mandavit. Comes autem Eberhardus nihili pendens mandata Cæsaris, viriliter se parat ad resistendum, habens in adjutorium Duces Austriæ Carolo satis infestos, Ducem quoque de Teck, Barones illos de Lymburg, quos vocant vulgò, die Schendfen / nòsque pincernas imperij nuncupamus: aliòsque Sueviæ Comites Barones ac nobiles multos, qui Cæsari & regno unanimi consensu pertinaciter contradixerunt. Horum omnium suffragijs Comes Eberhardus magnum pugnatorum congregavit exercitum, quorum potentiâ fretus Cæsaris & regni præstolabatur adventum. Imperator verò postquam intellexisset Comitem se parare ad rebellandum, exercitum congregavit & ipse prævalidum ex Bohemia, Ungaria, Lituania, & universo Germaniæ regno, veniens contra illum in Sueviam. Comes autem animosè cum suis occurrit Cæsari, non satis providè bellaturus, cum Cæsar ad minus haberet exercitum duplo majorem. Congressione igitur præsumptâ, Comes Eberhardus, postquam consideravit, se potentiam imperialium militum ferre non posse, retraxit pedem, & in oppidum Stutgardiam se recepit. Carolus autem Imperator, qui à Nürenberga per Rhætiā inferiorem contra Eberhardum duxerat exercitum, oppidum quoddam Alen nomine, quod olim Comites de Oetingen pro viginti millibus florenorum Comitibus de Wirtemberg impignoraverant, obsedit, & violenter imperio suo captum subjecit. Quo potenter obtento præsidium posuit, & postea etiam Scherendorff obsedit. Rupertus autem Comes Palatinus Rheni Baviaræque Dux, quem Cæsar amoto Eberhardo Vicarium suum in regno constituerat, sicut dictum est, ex civitatibus & oppidis regno subjectis fortem adunavit exercitum, quem per pagum, qui vocabatur Zabergev, ducens contra Comitem Eberhardum nonnulla ejus oppida & castra expugnando obtinuit. Deinde Gremin-gen cepit: Augustenses verò Constantienses & alij cives regni Beppingen obsidione cinxerant, & discurrentes per villas multa pauperibus intulerunt damna. Comes autem Eberhardus depopulationem suorum graviter ferens cum exercitu exivit Stutgardiam, & veniens contra Imperatorem haud procul ab oppido Schonendorff animosè committit prælium. Congressione initâ pugnatum est acriter, & diu anceps pugna consumpsit ab utraque parte plurimos. Tandem victoria cessit Imperatori, Comes Eberhardus victus est, & ejus exercitus à Regno superatus, diffusus atque dispersus. Multi ex parte Comitum in eo prælio ceciderunt gladio intercepti, & multi fuerunt capti. Comes igitur necessitate compulsus, cum se multitudini tantæ cerneret non posse resistere, pacem à Cæsare per medium Episcoporum Augustensis, Constantiensis, & Spirensis caput postulare. Quorum petitionibus Imperator consentiens pacem dedit Comiti Eberhardo postulanti sub his videlicet conditionibus. In primis fuit per electos partium arbitros conclusum, quòd Comes Eberhardus fædus, quod cum Austriæ Ducibus contraxerat, revocando cassaret, & nullam deinceps ligam seu confæderationem contra Imperatorem, aut regnum cum illis omnino haberet. Deinde judicium fuit decreto sancitum, quòd Comes Eberhardus Advocatiam Aregni sive Vicariatum, quem à Carolo Imperatore super xxv. urbes & oppida regni susceperat,

Eberhardus Comes ad bellum se parat contra Imperatorem.

Bellum inter Imp. & Wirtembergenses.

Concordia facta inter Cæsarem & Comitem.

Pacis Conditiones.

H h

resignare



reſignare deberet, & ſe nullatenus de illo amplius intromittere. Tertiò fuit per arbitros partium decretum & judicatum, quòd Comes Eberhardus civibus regni omnibus & ſingulis coram Imperatore, aut ejus judice delegato ſuper injurijs per tyrannidem irrogatis de juſtitia debeat, & velit reſpondere. Quartò fuit ſententialiter pronuntiatum, & concluſum, quòd Comes Eberhardus imperio, regno & Cæſari Carolo fidelis, ſubjectus & obediens perpetuò debeat perſiſtere, & neminem deinceps in ejus odium ſeu rebellionem quomodolibet provocare. Quintò fuit per arbitros decretum, quòd Imperator tam ipſum Comitem Eberhardum, quàm Ducem de Teck, & cunctos alios confœderatos ſive auxilia- rios milites nobiles & ignobiles præmiſſo bello implicitos (Austria Ducibus duntaxat exceptis) ad reconciliationem, & gratiam debeat reci- pere, & commiſſa omnia plenè indulgere. Sextò ſtatuērunt, quòd omnes captivi ab utraq; parte quomodolibet ſine aliquo ſui detrimento, vel dam- no liberè dimittantur, & quatenus firma ſit conſtitutio pacis, quòd Impe- rator Comites ipſos principales de hoc faciat ſecuros. Septimò Judices decreverunt, quòd Carolus Imperator omnia oppida, caſtella, & muni- tiones per ſe vel per alios bello durante captas excepto Alen oppido ſolo, Comiti Eberhardo debeat reſtituere, & pacem litteris imperialibus con- firmare. Hæc ſummatim pro pace fuerunt per Commiſſarios decreta, & ab utrâque parte laudata, & confirmata. Sic ergo pace inter regnum & Comitem de Wirtemberg Eberhardum reformatâ, Alen oppidum Fiſco regio pro multa fuit adjudicatum.

Contentio  
inter Archi-  
epiſcopum  
Trevirorū  
& Comi-  
tem de Star-  
ckenburg.

His etiam temporibus inter Comitem Moſellanum de Starckenburg, & Walramum Comitem de Spanheim ex una parte, & Bohemundum Archiepiſcopum Trevirenſem alia ex parte graves oriuntur diſcordiæ propter quædam caſtella & dominia, quæ ad juſ Comitis de Starcken- burg pertinebant ab olim, ſed per Archiepiſcopum violentâ invaſione detinebantur. Unde Comes in auxilium rogatis Walramo prædicto Comite de Spanheim, Henrico Comite de Veldentia, & quibuſdam alijs, bellum indixit Archiepiſcopo, & prædas in illius pauperes exercebat. Archiepiſcopus autem contractis copijs terram Comitis de Starcken- burg ingreditur, & hoſtili incurſione cuncta demolitur, villam Enckirch imprimis occupavit, deinde caſtrum Starckenburg in monte ſitum Mo- ſellæ obſidione vallavit. Quâ quidem obſidione durante munitionem in pede montis juxta Moſellæ fluvium, quam Comes pro novo telonio contra voluntatem omnium Moſellanorum erexerat, memoratus Archie- piſcopus cepit, & igne ſubmiſſo funditus deſtruxit; major enim diſſen- ſionis cauſa inter eos fuit, præſumpta novitas telonij, quod ſine conſenſu principum Comes ab Carolo Imperatore clauſteſtinè impetraverat; ſed victus ab Archiepiſcopo pacem petijt, & omni juri telonij novi perpetuò renuntiavit. Superato Comite de Starckenburg, & in deditionem coacto, Boemundus Archiepiſcopus terram Comitum præſcriptorum de Span- heim, & de Veldenz cum exercitu intrare ſtatuit, quos ſibi auxiliares ille de Starckenburg aſſociaverat, quod mox ubi illi cognoverunt, miſiſſi legatione pacem poſtulaverunt, & impetraverunt.

Univerſi-  
tas Pragenſ.  
in Bohemia  
ab Imper.  
fundatur.

His quoque temporibus Carolus Imperator IV. ex Rege Bohemiæ, ut ſupra diximus, factus, cū eſſet vir in ſcripturis mundanis haud me-  
diocriter

diocriter doctus, utpote qui non solum apud nostros Germanos, verum etiam apud Parisienses Gallos in juventute litteris operam dedit, volens & regnum honorare paternum, & suum in viros doctos pientissimum declarare affectum, Gymnasium, quod nostri studium vocant genetale, sive propter copiam scientiarum universale, Pragæ instituit, quod tam Papæ, quàm suis privilegijs simul, & stipendijs ultra Gymnasia totius Germaniæ omnia mirum in modum decoravit. Confluxit illic magna multitudo studentium, cum propter ubertatem victualium, tum, propter singularem & multifariam gratiam privilegiorum simul, & doctorum copiam, quos ex diversis nationibus adduxerat. Duravit hoc ipsum Pragenſe Gymnasium per annos ferme quinquaginta in magna celebritate, & gloria, tam numero personarum, quàm ubertate scientiarum & copiâ præceptorum sive doctorum in omni facultate peritorum. Verum postea ut suo loco inferius dicetur, multis erroribus & hæresibus deturpatum viluit, & usque in præsentem diem Schismaticorum synagoga permansit.

Memoratus etiam Imperator Carolus pro majore regni gloria Bohemorum Ecclesiam Pragenſem Episcopalem, quæ Archiepiscopo Moguntino eatenus fuit subiecta, in Archiepiscopalem erexit, subijciens ei duos Episcopatus, Olomucensem videlicet, & alium, cujus nomen hæc vice non occurrit. Multis quoque eandem novam metropolim Pragenſem, redditibus donationibus & privilegijs decoravit. Quæ quidem Ecclesia Pragenſis post annos ferè 50. varijs hæreticorum erroribus polluta caput Schismaticorum facta est, & manet SS. Rom. Ecclesiæ rebellis in præsentem diem. Pontificem habet non alium, quàm Schismaticum, & ab Unitate S. Matris Ecclesiæ pro suis sceleribus aut fugientem, aut depositum, & à Summo Pontifice jure excommunicatum. Canonici tamen sacer Conventus, qui in monte S. Wenceslai habitat, ubi & Ecclesia cathedralis adhuc sine Pontifice manet, Deo sub obedientia Sedis Apostolicæ similiter militat. Plures etiam Bohemorum Schismatici sunt, non omnes, quemadmodum opportuno tempore plenius infra dicemus. Apud Ingelenheim regiam villam, Moguntinensis Diocesis, inter Moguntiam civitatem & Bingæ oppidum medio itinere sitam, Aulam eatenus regalem atque imperialem, Cœnobium fecit Canonici Regularium S. Augustini Episcopi quondam Hipponensis in Affrica, constituens illis ejusdem vitæ præpositum. Quod quidem Cœnobium pleno jure subjecit Abbati S. Caroli in Praga ejusdem religionis, cujus hodie est fratres, & præpositum, quoties fuerit necessarium, instituere, & locum, ut superioris, visitare.

Constituit etiam prædictus Imperator, neminem ad canonicatum in eo Cœnobio debere admitti, qui natus de Bohemia non esset, quod ita servatur in hunc diem. Distat verò itinere à Moguntia rectà versus Bingen oppidum per terram Ingelenheim villa imperialis memorata miliaribus Germanicis duobus, in cujus aula, quæ modo est Cœnobium, sicut diximus, Carolus Imperator magnus creditur fuisse natus, qui non minus Rex fuit Francorum Orientalium ac totius penè Germaniæ, imò primordialius, quàm omnium Gallorum, qui nomen Franconicum ab Orientalibus & non aliunde susceperat. In memorato Canonici Cœnobio locus est bibliothecæ tenuis, in qua nunc altare constructum

Episcopatus Pragenſis in Archiepiscopatum erigitur.

Carolus magnus non in Gallia, sed in Germania natus.

Festum  
Lanceæ,  
Clavorum  
& Coronæ  
Domini  
inſtituitur.

cernitur, ubi lectus olim nativitatſ Caroli Cæſaris magni habebatur. In eadem quoque regali camera, quæ nunc & bibliotheca eſt Canonicorum & Capella, Carolus ipſe magnus gladium cælitus fertur ab Angelo ſuſcepſiſſe, in quo devicit Hiſpaniam, & iter ad S. Jacobum Chriſtianis tutum paravit in Galitiam. Qui gladius non multæ longitudinis hodie apud Nürenbergenses oſtenditur, & inter Sanctorum reliquias Imperiales habetur. Denique Carolus Imperator iv. Dominicæ Paſſionis & mortis cultor & venerator devotiſſimus à Rom. Pontifice precibus impetravit inſtitutionem & celebrationem feſti Lanceæ, clavorumque Domini cum indulgentijs multis, quod feſtum quotannis feriâ vi. poſt octavas paſchæ Papa conceſſit per univerſum orbem Chriſtianum ſolemniter celebrandum.

Rex Anglo-  
rum Eduar-  
dus iterum  
invadit  
Galliam.

Anno etiam prænotato Eduardus Anglorum rex bellicoſus, & bello fortunatiſſimus, poſteaquam Joannem Ga'llorum regem pactorum contemptorem, & violatorem litteris monuiſſet & nuntijs, quatenus promiſſa ſervaret, ſed nihiſ monendo proficeret, arma corripuit, & claſſem 150. navium per littus maris in Galliam reduxit, & Pariſium obſedit. Erat autem exercitus ejus magnus valde, & maximas per totam Galliam ſtragēs fecit. Ex hac facie profanæ multitudinis turba illa ſurrexit latronum, qui Alſatiam ſub Duce Archipreſbytero, ſicut dicemus, poſt biennium crudeliter devaſtârunt.

Eodem anno in feſto S. Gertrudis Virginis cives urbis Herbipolenſis à multis retrò annis gens inquietiſſima & ſubjectionis nimium impatiens contra ſuperiores ſuos in ſeditionem verſa, periculofis urbem tumultibus implevit. Unde in furorem concitati, & per civitatem ſine ordine diſcurrentes, nobiliores & ditiores quòſque civium, quibus Antifteſ ſuas in Republica diſtribuerat vices, hoſtiliter invadunt, alios vulnerantes, alios crudeliter occidentes, & reliquos in fugam agentes, extra civitatem ejecerunt. Claves portarum urbis & turres pro libitu ſuo diſponentes, omne dominium in ſe transferre ſategerunt. Sed non diu manſit impunita eorum temeritas, venit enim armatus multitudine præſul, & vindictam ſuſcitavit in eos jure, quam temere meruerunt.

MCCCLXI.

Wilhelmus  
Dux de Ju-  
liaco pri-  
mus mori-  
tur.

Anno Wignandi Abbatis Hirſaugienſis ſecundo in menſe Februario, nocte quâdam cælum in occidentali parte ardere viſum eſt: & eâdem nocte Wilhelmus ex Marchione primus Dux Juliacenſis ab hac vita migravit ad patres, quem Carolus Imperator iv. in Conventu Principum Metenſi Collegio Ducum adſcripſerat. ut diximus anno Wichardi tertio, vir certè memoriâ dignus, cultor juſtitiæ, amator Cleri, & deſenſor pauperum fidelis.

Eodem anno duo Comites Gerardus videlicet de Monte Colonienſis Diœceſis, & Arnoldus de Blanckenheim Trevirenſis Diœceſis, ambo illo in tempore divites atque potentes in quodam haſtario ludo apud Coloniâ Agrippinam acutis ſe lanceis impetentes mutuò de equis dejecerunt, & ambo mortui ſunt. Erant enim ex multo jam tempore animos ſecretò gerentes ad invicem hoſtiles, ideò datâ occasione alter alterum doſe impetere cogitavit & fecit.

Anno



Anno item prænotato posteaquam Reinhardus & Eduardus fratres Geldriæ Duces per annos jam aliquot gravissimas inter se contentiones & lites pro paterno principatu continuâssent, cessit victoria tandem, Eduardo, qui natu minor erat, & dolo circumventum fratrem cepit, custodiæque mancipavit, quemadmodum anno Wichardi Abbatis secundo vel quinto prænotavimus.

Dux Geldriæ frater alter ab altero capitur annis decem,

Anno quoque præscripto Eberhardus Comes de Wirtenberg filiam suam nomine Sophiam Duci Lotharingiæ dedit uxorem, nuptijs in oppido suo Stutgard magna cum pompa celebratis. Convenerat illuc ad nuptias Principum, Comitum, atque nobilium invitata multitudo maxima, & varia spectaculorum genera juvenus audacior exercebat. Nuptijs interfuit Albertus Dux Austriæ, qui Comiti semper contra Imperatorem Carolum pertinaciter adhæserat. Unde Carolus Imperator, quanquam invitatus à Comite suo promississet venturum, tamen non venit, metuens forsitan sinistrum aliquod in tanta multitudine hominum posse oriri, aut propterea certè, quòd Comiti non satis confideret.

Claruit his temporibus apud Colonienses Joannes de Hildesheim Saxo Ordinis Fratrum B. Mariæ semper Virginis de Monte Carmeli, sacre Theologiæ lector, & multo tempore Prior Conventualis in Cassell oppido Hassiæ, vir studiosus, & suo tempore doctus, qui scripsit super sententiarum Petri Lombardi libros iv. totidem volumina. Ad Florentium quoque Monasteriensem Episcopum de translatione trium Magorum ad Coloniam librum unum, & chronicon etiam historiale suorum temporum lib. i. Contra Richardum Archiepiscopum Armachanum in Hybernia defensorium iv. Ordinum mendicantium lib. i. Opus metricum de monstris in Ecclesia lib. i. Opus quod prænotatur Fons vitæ lib. i. De Antichristo lib. i. Contra Judæos lib. i. In quendam turpia pingentem, lib. i. Sermones de tempore & de sanctis libb. ii. Epistolarum ad diversos lib. i. In astronomia etiam nonnulla composuit, aliæque plura, quæ ad notitiam nostræ lectionis minimè venerunt. Hic beati Patris Thomæ Generalis totius Ordinis in Avenione residentis postea Patriarchæ Constantinopolitani viri sanctissimi atque doctissimi quondam auditor atque discipulus fuisse memoratur.

Joannes de Hildesheim Carmelita vir doctus multa scripsit.

Joannes quoque de Thambach patriâ Francus Orientalis Ord. S. Dominici doctor divinarum scripturarum egregius, hæc tempora scriptis & lucubrationibus suis clariora fecit. Inter multa enim scripsit opus pulchrum & utile contra sævientis fortunæ jacula, quod consolatorium Theologicum prænotavit libb. xv. De sensibilibus quoque delicijs paradisi contra Saracenos lib. sermones & alia plura, quæ necdum vidimus. Joannes item de Emenhusen natione Germanus Doctor sacre Scripturæ profundus his temporibus scribendo & docendo apud Gallos Parisienses magno in pretio fuit. Qui inter multa, quæ scripsit, in iv. sententiarum libros totidem non parvæ æstimationis volumina composuit. In plures etiam sacre Bibliothecæ libros valdè utiles commentarios lucubrâsse perhibetur. Alia plura scripsit Synthemata, quæ ad nostræ lectionis notitiam non venerunt.

Joannes de Emenhusen doctor profundus plura scripsit.

Joannes etiam Denock patriâ Saxonicus Ord. Eremitarum S. Augustini primus doctor in Gymnasio Pragensi promotus, vir ingenio & do-

ſtrinâ clariffimus, ſcripſit ſuper iv. libros ſententiarum inſigne opus, quod in memorato Gymnaſio publicè legit & recitavit: variarum item quæſtionum, quas quodlibeta nuncupavit lib. i. Et quædam alia, quæ non vidimus.

## MCCCLXII.

Anno Wignandi Abbatis tertio Udalricus Comes de Wirtenberg, filius Eberhardi uxorem duxit Elifabeth filiam Ludovici Ducis Bavariz, relictam viduam Scaligeri Veronenſium Principis, de qua genuit filium nomine Eberhardum, cognomento pium, principem memoriâ dignum.

Anglicana  
pernitioſa  
ſocietas  
plura deva-  
ſtat domi-  
nia.

Eodem anno reliquæ maximi illius exercitus, quem Eduardus Rex Anglorum contra Joannem Regem priore anno duxerat in Galliam, ut ſupra dictum conſtat, pace inter diſſidentes reges confirmatâ in turmam latronum commutatz ſunt; in unum namque conjurantes, ut cunctis viderentur metuendi atque terribiles, Ducem ſibi præficiunt, quem Archipreſbyterum nuncupârunt. Qui brevi tempore concurrentibus undique hominibus deſperatis latronibus & peſſimis in magnum crevère numerum, ita ut etiam Regibus æſtimarentur timendi; Eduardo namque in Angliam reverſo (quoniam ex diverſis nationibus erant conſtituti) cum prædis eſſent aſſueti, nec aliud haberent, unde viverent, rapinis, injurijs & deſolationibus quorumcunq;, vitam agere decreverunt. De Gallia igitur proſecti magna cum multitudine in Hiſpaniam, villas, urbes, caſtella & oppida improvise quotquot potuerunt capientes, interfectis habitatoribus funditus deſtruxerunt, nulli fidem ſervantes & pollicita, & prædam inter ſe captam dividentes. Domine Deus quanta mala fecerunt ſervis tuis Monachis, Clericis, Monialibus & reliquis Chriſti tui fidelibus iſti latrones per Hiſpaniam, Galliam, vicinâſque regiones, incendijs, gladijs, ſtupris, rapinis, deſtationibus, inauditisque crudelitatibus! Ex Hiſpanijs tandem pulſi per Galliam redierunt, ubique latrocinia exercentes, villas caſtella & oppidula non ſatis munita ſeu per negligentiam cuſtodum deſerta capientes, interfectis omnibus habitatoribus, ignibus conſumpſerunt. De Gallia igitur moventes ad fines Trevirorum copias duxerunt; quod cum Boemundo Archiepiſcopo innotuiſſet, bellum latronibus inferre cogitavit; convocatis etenim tempeſtively in auxilium vicinis principibus Wenceslao Luzenburgenſium Duce, Walramo Comite in Spanheim, Henrico Comite in Veldentia, Comite quoque de Starckenburg, Comite de Virneburg, Comite de Blanckenheim, Comite de Bare, Comite de Hildesheim, Comite de Saraponte, Comite de Salm, & multis alijs, exercitum pugnatorum non parvum comparavit. Cui Proviſorem & principem conſtituit coadjutorem ſuum Cunonem de Falckenſtein, virum in negotijs ſæcularibus & bellicis longâ experienciâ peritiſſimum, de quo nonnulla etiam in præcedentibus juxta ſeriem hiſtoriæ diximus.

Ex Hiſpa-  
nia pulſi  
venerunt  
ad fines  
Trevirorū.

Verum poſteaquam audiſſet Archidux latronum, tantam contra ſe paratam pugnatorum multitudinem, retraxit pedem, & deſlexo itinere exercitum ſuum duxit in Alſatiam, nec fuit auſus appropinquare Trevereniſibus: & quoniam ruſtici & villani Alſatz, auditum illorum longè prius, quàm venirent, habuerant, & quàm impij eſſent & crudeles, ne invenirentur in villis occidendi, diſmiſſo rure cum omnibus ſuis ſe in proximas munitiones receperunt; nam eſſet magna multitudo illa  
latronum,

latronum, civitatibus tamen & locis munitis vim inferre non poterant, quia machinas ad murorum dejectionem necessarias non habebant, sed villas non munitas destruebant. Venit itque fabulosus ille Archipresbyter cum suo exercitu latronum usque ad Argentinam, & in tenebris noctis castra non longè ab urbe statuerunt, incendio cremantes omnes in circuitu villas, & quidquid uspiam invenissent relictum à fugientibus rapuerunt. Argentinenses metu latronum inopinatè perculsi clausas tenere portas civitatis, nec aliquem egredi permittebant. Per dies autem plures manserunt in Alsatia, & multa pauperibus damna intulerunt. Scripserunt Imperatori Alsatæ, ut veniens cum exercitu latrones illos profligaret, qui remoratus, suspicionem de se nonnullis præstitit malam. Interea societas ipsa Anglicana (sic enim vulgò latronum ille dicebatur exercitus) in magna ferocitate totam percurrens Alsatiam, omnia extra munitiones desolavit, ruricolos omnes, quos reperit, inauditis affecit supplicijs, & qui se pecuniâ redimere non poterant, ab eis crudelissimè necabantur. Mulieres simul & virgines, tam Christo dicatas, quàm sæculares quascunque invenissent, horrendo libidinis modo polluentes occiderunt, nulli parcentes ætati, ordini, vel sexui, femellas interfecerunt, masculis in servitutem reservatis. Nulli rutò licebat sine viæ conductu locum quempiam transire vel ambulare, in omni provincia, seu regione, quam occupassent. Cui autem cùmque salvum dedissent conductum, inviolatum servabant. Captivos, qui se pecuniâ non poterant redimere, sine misericordia interficiebant. Multi tamen beneficio noctis de manibus eorum lapsi evaserunt salvi, oppida & castella plura obsidione cinxerunt, pauca tamen obtinuerunt, quia machinas, sicut diximus, non habebant necessarias. Quotquot verò sive minis, sive terroribus obtinuissent, non servatâ fide promissâ necatis habitatoribus funditus destruxerunt. Tandem posteaquam multis in Alsatia diebus latrocinantes & sævientes, tam in agris, quàm in villis plura pauperibus intulissent damna, misit Imperator Carolus iv. pugnatorum fortem exercitum in Alsatiam, quibus Argentinenses, & alij cives regni maxima in multitudine conjuncti, aciem contra latrones illos dirigere statuerunt. Quod illi audientes in fugam omnes conversi sunt, ac tantâ velocitate disparuerunt, ut iter, quod uno die confecerant, in iv. diebus imperiales non fecissent.

Argentinâ  
venientes  
castra in  
circuitu  
locarunt.

Anglici la-  
trones de  
Alsatia fu-  
gati sunt.

Latronibus Anglicanis in Galliam procul fugatis, quoniam circa messem tempus fuit æstivum, damna exercitus regni pauperibus intulit non minora in frumento, quàm illi forsitan, quos fugarunt; nam omnia quæ in agris erant frumenta jam penè matura, aut consumpta sunt ab equis, aut conculcara. Unde fames per Alsatiam magna fuit subsequuta, quæ sextum duravit in annum.

Anno prænotato paulò ante ingressum Archipresbyteri in Alsatiam Boemundus de Saraponte Archiepiscopus Trevirorum podagrâ laborans, & senio gravatus, cùm se ad regimen principatûs minus idoneum quotidie fieri conspiceret, Cunonem de Falckenstein Ecclesiæ Moguntinæ Canonicum, & ante Gerardum sub Henrico de Virneburg Archiepiscopatus sicut diximus administratorem ad se vocans, de consensu Fratrum suorum Treverensem fecit Canonicum, ac postea in Coadjutorem suum assumpsit, committens ei curam omnium negotiorum temporalium totius Archiepiscopatus.



piscopatûs. Qui mox Anglicanos latrones ex Gallia irrumpentes fugavit ex finibus Trevirorum, ut dictum est.

Cuno fit  
Archiepisc.  
Trevirorû  
resignante  
Boemun-  
do.

Videns Boemundus Archiepiscopus Cunonis prudentiam, & in agendis rebus quantumlibet arduis facilem dispositionem, gavisus est, & consilio suorum præhabito, statuit illi resignare Archipontificatum. Mittens ergo nuntios in Avenionem solemnes ad Innocentium Papam, resignandi Archiepiscopatum Cunoni licentiam petivit & impetravit. Consensu autem Rom. Pontificis impetrato Cunoni Pontificatum resignat, & pro sustentatione sui oppidum Sarburg cum arce atque proventibus in provisionem suscipiens annuam quinque deinceps ferme annis supervixit.

Wilhelmus  
Archiepisc.  
Colonien-  
sis moritur  
& sequitur  
turbatio.

Eodem quoque anno mortuus est Wilhelmus Archiepiscopus Coloniensis, relinquens in thesauris multa millia florenorum, & omnia promptuaria plena, quæ tamen minimè in utilitates Ecclesiæ sunt versa, ut dicemus. Nam eo mortuo regulares capituli Joannem ex Comitibus de Virneburg Decanum in Archiepiscopum elegerunt. Qui pro confirmatione sui ad Urbanum Papam v. Successorem Innocentij personaliter accessit, sed non solum confirmationem non impetravit, verùm ejus electio per Pontificem in toto cassata fuit, ut dicemus anno sequente, & alius contra voluntatem Capituli ab eo institutus.

Innocentius  
Papa vi. in  
Avenione  
obiit.

Anno item præscripto mortuus est in Avenione Innocentius Papa sextus vir doctus, & permagnificus, qui ut supra diximus, Ecclesiastica beneficia non nisi religiosissimis & doctis voluit concedere viris. Ejus cadaver in Monasterio S. Andreae Apostoli Cartusiensium Ordinis, quod extra Avenionem ipse proprijs fundaverat, dotaveratque impensis, cum honore debito sepultum est.

Urbanus fit  
Papav. Ord.  
nostri,

Innocentio mortuo atque sepulto convenientes in Avenione Cardinales Wilhelmum Massiliensem S. Victoris Abbatem Ordinis Divi Patris nostri Benedicti, tum quidem in legatione absentem unanimiter in Rom. Pontificem elegerunt, qui Urbanus v. vocatus fuit. Præfuit Ecclesiæ annis octo, mensibus v. vir doctus & morum sanctitate integerrimus. Iste Papa Urbanus ex Abbate S. Victoris Massiliensis, sicut dictum est, factus, patriâ Lemovicensis, Curiam Papalem ab Avenione reduxit in urbem Romam, multis revelationibus Divæ Brigittæ sæpius admonitus, quæ curia in Avenione steterat, à tempore Clementis Papæ v. per annos ferme LV. non sine magno detrimento Romæ, & totius Italiæ.

#### MCCCLXIII.

Adolphus  
de Marca  
Episcopus  
fit Archie-  
piscopus  
Colonienf.

Anno Wignandi Abbatis iv. posteaquam Ecclesia Coloniensis aliquandiu vacasset post mortem Wilhelmi de Genep Archiepiscopi, convenientes in unum canonici, Joannem ex Comitibus de Virneburg Decanum majoris Ecclesiæ, in Archiepiscopum unanimiter elegerunt. cujus electionem ut prius dictum est, Urbanus Papa v. causam nescio, non solum confirmare non voluit, sed penitus cassavit. Præfuit eo tempore Monasteriensi Ecclesiæ in Westphalia Adolphus ex Comitibus de Marca destinatus Episcopus juvenis, & necdum sacerdotio idoneus. Hunc nescio ad cujus instantiam memoratus Pontifex Rom. ad Archiepiscopatum Coloniensem, invitis & reclamantibus canonicis promovit. Qui Archipræsulatu suscepto malè præfuit in mensem undecimum, postea Romam citatus, ut dilapidator Ecclesiasticarum rerum ab Urbano Papa, ne re-

ne, respondere compelleretur super delatis articulis, potius Pontificatum resignavit, quemadmodum sequente anno dicemus.

Claruit his temporibus devotissima Christi famula S. Brigitta Regina quondam Sueciæ, quæ multis illustrata revelationibus Dei, toti Europæ admirabilis fuit; mortuo namque viro suo regnum mundi & ornatum ejus pro Christi amore contempsit, & egrediens cum Abraham de terra & cognatione sua, ne quid animum ejus à timore Domini, & spirituali conversatione posset retrahere, cunctis penè diebus vitæ suæ peregrinata est Romam, ad S. Jacobum, & alia diversa limina SS. jejunijs, vigilijs, eleemosynis, & orationibus sanctis vacans omni tempore. Verùm cætera sanctitatis illius opera cum omnibus sint manifesta, breviter nos absolventes, ad continuationem intentionis propositæ stylum dirigamus.

Anno prænotato mortuus est Theodoricus Beyer de Boppardia Episcopus Wormatiensis, cujus cadaver in principali Ecclesia cum honore sepelitur. Huic promotione Urbani Papæ v. successit Joannes cognomento Landschad de Steinach Ordinis Fratrum Prædicatorum, & sacre scripturæ Doctor, vir optimus, & præfuit annis fermè tredecim non sine persecutione magna, quam non minus à Clero secretò, quàm à civibus manifestè sustinuit. Legi, quòd iste Joannes ante Pontificatum sæpè nuntius fuerit Apostolicus, inquisitor quoque hæreticæ pravitatis, administrator quoque diversarum Ecclesiarum cathedralium, videlicet, Hildesheimensis in Saxonia, Augustensis in Rætia, Constantiensis in Suevia, ac Culmenensis in Prussia, sed credo Scriptorem opinione deceptum, cum aliud quid esse potuerit, quàm Administrator. In fine anni præscripti, hoc est in die SS. Innocentium Martt. obiit Gerhardus de Erenberg Episcopus Spirensis, & in Cathedrali Ecclesia coram altari sanctæ Matris Annæ cum debito sepelitur honore. Huic electione canonicâ in Episcopatu successit Lampertus de Büren Abbas Monasterij nostri Ordinis in Gengenbach Argentinenensis Diocesis, & præfuit annis decem & octo, quibus in Pontificatu Spirensi exactis ad Ecclesiam Bambergensem fuit translatus, auctoritate & mandato Urbani Papæ sexti, ut suo loco dicemus.

Ad instantiam hujus Episcopi Carolus Imperator quartus omnia privilegia per Germaniæ Reges & Rom. Imperatores Ecclesiæ Spirensi ante eum concessa renovavit, ampliavit, ac confirmavit, ac simul in unum conscripta corpus aureo sigillo roboravit, memoratòque Pontifici coram multitudine Principum tradidit. Hanc verò bullam ejus nomine, qui dedit, Carolinam vocant.

#### MCCCLXIV.

Anno Wignandi Abbatis v. Indiēt. Romanorum secundâ, Adolphus Coloniensium Archiepiscopus accusatus coram Rom. Pontifice Urbano v. quòd res Ecclesiasticas malè dispenseret, ac turpiter consumeret, ad ejus audientiam citatus est. Erat autem juvenis petulans atque lascivus, cui nec ætas, nec mores ad Pontificatum aliquod ministrabant suffragium. Citatus igitur ad Curiam Summi Pontificis noluit defensionis aliquem subire laborem, & ideò Pontificatum (non vi, neque metu, sed amore unius puellæ, ut dicebatur, Sororis Comitissæ de Monte, cum qua se Comitatum Clivensem accepturum sperabat) in manus Papæ liberè ac spontaneâ voluntate resignavit. Resignatione Pontificatûs solemniter factâ,

I i

puellam

S. Brigitta  
vidua prin-  
ceps Sueciæ  
miraculis  
claruit.

Joannes  
Landschad  
fuit Episco-  
pus Wor-  
matiensis.

Lampertus  
Abbas in  
Gengen-  
bach fuit Epi-  
scopus Spirensis.

Bulla Caro-  
lina Spiren-  
si Ecclesiæ  
concessa.

Adolphus  
Coloniens.  
Romam  
citatus re-  
signat  
Archiepisc.  
& ducit  
uxorem,

Engelbertus Episcopus Leodiensis fit Archiepiſc. Colonienſ.

puellam memoratam duxit uxorem, & cum ea Comitatum de Clivis, quemadmodum ſperaverat, obtinuit; erat enim ſine ordinibus ſacris, & laico ſimilior, quàm Pontifici; quamvis Monaſterienſem Eccleſiam annis ferme v. & Colonienſem x. menſibus, & diebus xviii. inutilis paſtor, imò non paſtor occupaverit. Poſt reſignationem Adolphi Capitulum Eccleſiæ Colonienſis in Archiepiſcopum ſuum elegerunt Engelbertum de Marca Episcopum Leodiensem patrum memorati reſignantis Adolphi, hominem jam ſenio gravatum. Cujus electionem Urbanus Papa v. libenter admiſit, & gratioſè confirmavit. Confirmatus autem præfuit annis iv. ſine magno Eccleſiæ profeſſu, qui hodie in temporalibus magis computatur, quàm in ſpiritualibus; quoniam Adolphus omnes Wilhelmi provisiones diſſipaverat, & non minus plura contraxerat gravamina debitorum, & æris alieni pondera multa, in quibus & obiit, ut inferius ſuo tempore dicemus.

Anno præſignato in menſe Auguſto maxima & incredibilis per totam Sueviam & Alſatiam multitudo apparuit locuſtarum, quæ in modum nubis latiffimè denſiffimèque aërem implevit, & viridia quæque devoravit. Unde territi homines inſolito ſpectaculo, cum nihil aliud potuiſſent, pulſu eas fugare campanarum conabantur. Tandem vento raptae ab invicem diſſipantur, & putrefactæ circa littus Rheni magnam infecto aëre peſtilentiam cauſaverunt.

Inter Archiepiſcopum & cives Moguntinos orta diſſenſio.

Eodem anno facta eſt diſſenſio gravis inter Gerlacum Archiepiſcopum Moguntinum, & cives Moguntinenſes propter deſenſionem privilegiorum, & libertatem Cleri, civibus conceſſa infringere, Clero autem cum Archiepiſcopo indulta manuteneſſe & deſenſare conantibus. Crevit cum tempore livor, & in odium cauſa mutatur in tantum, quòd Clerus majore ex parte relictâ civitate ad alia ſe loca tranſtulit. Citantur ad Rom. Pontificem cives, monenturque, ut ſine mora compareant, & cauſâ longum excuſâ tandem excommunicantur. Poſtremò Lambertus Episcopus Wormatiensis, Rupertus Palatinus Comes Rheni Baviariæ Dux, & Walramus Comes in Spanheim, ut vicini & partium amici rogati nihilominus à Moguntinis ſuas interpoſuere vices, & pacem inter Archiepiſcopum & cives reformârunt; concordia reformatâ, cives ab excommunicatione abſolvuntur.

#### MCCCLXV.

Hyems aſperrima, fames & peſtilentia.

Anno Wignandi Abb. vi. hyems fuit longa ſimul & aſperrima in tantum, quòd Rhenus tribus menſibus fortiter congelatus ſe calcabilem præbuit hominibus & jumentis cum vecturis & curribus. Annus iſte calamitariis multis infelix & malè fortunatus extitit, quoniam ex frigore nimio periſſe multi, fame quoque plures, & peſte non pauciores; magna enim penuria frumentorum genus oppreſſit humanum per Alſatiam maximè, & provincias, ſive terras vicinioreſ; cui malo principium dedit & cauſam, ut prius dictum eſt, exercitus ille latronum, qui ex ſocietate Anglicana de Gallia veniens univerſam devaſtavit Alſatiam, & fruges contrivit.

Albertus fit Episcopus Halberſtattenſis vir eruditus & doctus.

Anno etiam prænotato Albertus de Rickmerdorff in Saxonia factus eſt Episcopus Halberſtattenſis in ordine Pontificum illius Eccleſiæ primus & vicesimus, ac præfuit annis xxiv. Erat autem vir tam in divinis ſcripturis, quàm ſæcularibus litteris doctus, & multum eruditus, quippe qui multo



multo tempore apud Parisios scripturis discendis impenderat studium, & in tantum profecerat, quod insignia ibidem doctoratus meruit accipere. Scripsit etiam nonnulla ingenij sui præclara synthemata, quibus nomen suum immortalitati commendavit. Ex quibus extant in sententias Petri Lombardi Commentariorum libb. iv. non spernendæ utilitatis. In Epistolas Canonicas libb. vii. In multos quoque libros Aristotelis lucubravimus commentarios pulchros & non abiiciendos. Cætera quæ composuit, ad nostræ lectionis notitiam non venerunt.

Eodem anno Lupoldus Austriæ Dux ex Comitibus de Habsburg uxorem duxit Viridem nomine, filiam Barnabovis Mediolani Vicecomitis; cum qua in dotem accepisse fertur centum millia florenorum Rhenensium. Quæ peperit ei 5. filios, quorum primogenitus fuit Ernestus, qui patri successit in Ducatu, & genuit Fridericum postea Imperatorem Rom. tertium. Lupoldus autem uxore susceptâ vixit cum ea annis ferè xvii. & postea in bello à Hussitis occisus fuit, cum multis alijs, ut suo loco dicemus.

Lupoldus!  
Dux Au-  
striæ ducit  
uxorem.

Anno præscripto Carolus Imperator iv. rogatus à Pontifice Rom. exercitum duxit in Italiam contra Vice-Comitem Mediolani, quorum molestatione & incursione Papa gravabatur. Veniens in Longobardiam Cæsar cum pace & honore ut verus Dominus à Barnabove Vice-Comite Mediolani fuit susceptus, cum quo de pace reformanda cum Pontifice Rom. multos & varios fertur habuisse tractatus. Urbanus autem Papa, qui vices injuriarum bello imperiali Vice-comitibus reddi penitus optaret, graviter Cæsari indignatus est, cum audisset illum pro concordia & pace cum hoste contulisse sermonem; maluerat enim Vice-Comites Mediolani omnino deleri, quàm ad pacem non duraturam recipere. Imperator verò, qui ut princeps Christianissimus semper bello prætulit pacem, habitis cum Barnabovis partibus necessarijs consilijs, à Mediolano Romam profectus est, cupiens cum Pontifice pacem reformare plenam atque perfectam. Verùm posteaquam intellexisset, mentem Pontificis non ad pacem Mediolani, sed magis ad subversionem fore inclinatham, cum indignatione ab urbe discessit, & salvo exercitu suo in Germaniam reversus fuit.

Imperator  
contra vo-  
luntatem  
Papæ bello  
prætulit  
pacem.

#### MCCCLXVI.

Anno Wignandi Abbatis vii. Inter Episcopum & Wormatienses cives magna fuit suborta dissensio propter institutionem & destitutionem Consulatûs, & quasdam jurisdictiones alias, quæ ad jus Episcopi pertinebant abolim, civibus tamen reclamantibus, ideo maximè, quod Wormatia civitas sit regni Germanici, & non Ecclesiæ; unde meritò juribus & privilegijs regni gaudere debeat, ut reliquæ civitates. Post longam contentionem tandem Rupertus Palatinus Comes Rheni & Bavariæ Dux vices suas interposuit, & dissidentes ad pacis concordiam revocavit.

Eodem anno Egeno de Zeringen oppidum Friburg ordinatis traditoribus insidiosè capere conatus est, propterea, quod sine consensu ejus ligam & confederationem cum alijs Urbanis & civibus contraxerunt, contra ipsum, qui verus fuit eorum Dominus; nam ut longè superius diximus, memoratum oppidum Friburg per Duces de Zeringen, de quorum stirpe Comes iste descenderat, à fundamentis constructum extitit.

Egeno Co-  
mes de Ze-  
ringen Fri-  
burgum  
capere nititur.

atque fundatum. Friburgenſes autem de inſidijs Comitſ Egenonis in tempore aviſati, auxilio ſociorum Baſileenſium, Briſacenſium, Neuburgenſium & aliorum ſibi conſœderatorum, contraxerunt exercitum, & prævenientes Comitem omnes conatus illius deſtruxerunt; exeuntes namque turmatim ex oppido caſtrum ejus haud procul ſitum in monte capiunt, & igne ſubmiſſo funditus evertunt: poſt Eendingen oppidum, ipſius Comitſ obſidione cingentes machinis & armis oppugnant, omnia in circuitu hoſtiliter invadentes. Comes verò contractis copijs armorum obleſſis in auxilium venire parabat. Quo audito Friburgenſes obſidione ſolutâ contra eum ad pugnam properabant, habentes pugnatorum equitum trecentos, & peditum quinque millia.

Friburgenſes victi ab Egenone Comite in bello ceciderunt.

Civium Regni magna conſœderatio fit contra nobiles prædones.

Comiſſâ pugnâ Comes Egeno, qui habebat equitum lanceatorum quingentos, victoriam obtinuit, & exercitum Friburgenſem fortiter diſſipavit. Ceciderunt in bello ex parte Friburgenſium occiſi milie & quadringenti viri, plures in Rheno fuerunt ſubmerſi, nec minus trecenti captivi abducti, reliqui per fugam ſibi conſuluerunt. His temporibus magna & prius non viſa, neque audita conſœderatio ſeu liga inter cives urbium & oppidorum regni Germaniæ facta eſt contra raptores atque latrones, qui militiam ſimul & genus nobilitatis ſuæ pravis moribus deturpantes, mercatores & alios itinerantes ſpoliare, capere, & ad latibula prædonum abducere conſueverunt, exigentes ab eis cum tortura pecuniam, quam non debebant. Horum multi poſt memoratam conſœderationem à civibus regni fuerunt capti, capitibus truncati, alij extra provinciam Imperatoris ſententiâ proſcripti, plura etiam prædonum caſtella per cives regni his temporibus deſtructa fuerunt, Carolo Imperatore non ſolum conſentiente, ſed etiam præcipiente & ordinante. Diſplicuit hæc ipſa civium colligatio Principibus multis, qui multitudinem indomitæ plebis de ſacili cauſa in furorem poſſe converti ſcientes, ſibi non immeritò metuebant; unde ſummis conatibus laborabant, ut diſſolveretur quanto citius, neſi vires tempore ſuſciperet, inſuperabilis redderetur: maxime tamen illis odioſa fuit, qui rapinis vivebant, quorum generi mores adverſabantur, quippe cùm dicerentur nobiles, ſed eſſent latrones. Duravit nihilominus hæc nefaria conſœderatio civium, & prævaluit, quândiu Carolus Imperator iv. vixit in humanis: quo mortuo paulatim defecit. Non ſolum regni cives, ſed alij, qui proprios habebant principes, contra voluntatem Dominorum ſuorum in ſocietatem hujus conſœderationis, & ligæ paſſim admittebantur, & propterea citius fuit diſſipata.

Henricus de Dolendorff moritur.

Thilmanus Carmelita Doct̃or & Provincialis plura ſcripſit.

Anno ſupra ſcripto, quarto iduum Februarij, Colonia moritur Henricus de Dolendorff Ordinis Fratrum B. Mariæ ſemper Virginis de monte Carmeli, Prior Provincialis per Germaniam inferiorem, egregius ſacræ Theologiæ Doct̃or, de cujus lucubrationibus jam antehac fecimus mentionem. Poſt hunc in Priorem Provinciale electus eſt ejuſdem Ordinis Thilmannus de Aquisgrani oppido regali, ex honeſta familia oriundus, doct̃or & ipſe divinarum ſcripturarum haud mediocriter eruditus, qui primò Pariſijs, deinde Colonia legendo, docendo & ſcribendo nominis ſui memoriam cum gloria tranſmiſit ad poſteros. Scripſit ſuper ſententias Petri Lombardi libros commentariorum quatuor non vilipendendos, quos in Gymnaſio Pariſiano publicè legit coram multis. In Evangelium quoque

quoque secundum Matthæum commentariorum librum unum, quem in Conventu suo Colonienſi fratribus legit. Cætera quæ ſcripſit, in notitiam meam non venerunt.

## MCCCLXVII.

Anno Wignandi Abbatis VIII. in die S. Scholaſticæ Virginis obiit Boemundus de Saraponte quondam Archiepiſcopus Trevirorum, cujus cada-ver in principali Eccleſia ut Archipræſulis ſepelitur. Cuno autem ex patre Comes in Falkenſtein, ac Dominus in Menzenberg, cujus mater filia fuit Comitſ de Sarverde, priuſquam Boemundus moreretur, ut ſupradictum eſt, Archiepiſcopus Trevirorum fuerat ordinatus, qui erat vir prudens & magnificus, Eccleſiæ Trevirorum rector non inutilis, utpote qui redditus auxit atque proventus, & multa de novo conſtruxit; inter multa enim, quæ pro bono Eccleſiæ memoratæ patravit, Boppardiam & Weſaliam oppida regni Cis-Rhenana cum medietate caſtelli Sternen-berg, quæ Baldevvinus quondam Archiepiſcopus Trevirorum à Fratre Henrico Imperatore VII. in pignus expenſarum acceperat, iſte pro ſervitijs Carolo IV. multipliciter exhibitis in ſumma pecuniarum majori Eccleſiæ Trevirenſi fecit obnoxia, & arctius propterea ſunt impignorata.

Boemundus Archiepiſcopus moritur,

Anno prænotato poſteaquam cives oppidi Friburgenſis in Briſgövv cum Egenone Domino ſuo Comite de Zâringen infeliciter pugnantes victi fuiſſent, & pacem petere ab eo compulſi, conſilio inter ſe habito, quia Dominatum ejus maximè habuerunt exoſum, ipſum rogaverunt, quatenus pecuniâ ab eis competente acceptâ liberos dimitteret, & omni juri ſuo, quod eatenus habuiſſet ad Friburgum, penitus renuntiaret.

Friburg oppidum in Briſgövv per Comitē Egenonem Auſtriæ Ducibus venditur.

Comes autem inobedienciâ & rebellionem eorum penſatis, ac maturâ deliberatione præhabitâ, Friburgum cum omnibus ad ipſum pertinentibus Lupoldo Auſtriæ Duci pro magna pecuniarum ſumma vendidit, & ſuo juri penitus renuntiavit. Et ex illo tempore oppidum Friburgenſe ad Auſtriæ Domum translatum eſt, manetque cum ea uſq; in præſentem diem.

Eodem anno graves inter Comites de Wirtenberg & Eberſtein diſſenſiones exorta multorum malorum cauſam mortalibus præſtiterunt. Unde inſidias ſibi mutuò prætendentes omnia dolis & fraudibus impleverunt. Contigit autem die quâdam, anno memorato, Eberhardum Comitem de Wirtenberg cum paucis eſſe in thermis, quas balneum nominant ferinum, vulgariter, *das Wildbad* / lavandi corporis gratiâ: quod ubi Comiti de Eberſtein innotuiſſet, contractis copijs familiarium per inſidias illum capere & abducere quærebat, ordinatis ad hoc inſidijs opportunis. Verùm patefactis inſidijs Comes Eberhardus conſilio bubulci cujuſdam per invia denſiſſimi nemoris abducitur, & incolumis ad ſua remeavit. Sic deluſa fraus Comitſ de Eberſtein majoris diſſenſionis fomitem miniſtravit. Qui videns intentionem ſuam in nihilum redactam, omnes nobiles totius Sueviæ, quoscuque potuit, in odium Comitſ Eberhardi concitavit. Comes autem Eberhardus poſteaquam fugâ elapſus in ſua redijt, nihil ſtudioſius, quàm vindictam ſumere de inſidiatore ſuo Comite memorato cogitavit. Inde contracto ſuorum exercitu non parvo, contra Comitē de Eberſtein bellum aſſumere decrevit. Nobiles autem penè omnes in Comitatu Wirtenbergenſi exiſtentes ipſum Comitē Dominum ſuum deferentes, Comitſ de Eberſtein, à quo fuerant

Inter Comites de Wirtenberg & Eberſtein diſſenſio graviffima oritur.



Comes de  
Eberstein  
exercitum  
producit  
contra  
Wirten-  
berg.

Comes  
Eberhar-  
dus obsedit  
Heims-  
heim, & ce-  
pit.

Adverbū:  
*Hoc quoque  
bellum sub  
Wichardo  
III. Abbate  
Hirsaugiense  
Auctor pro-  
sequitur fol.  
133.*

Hoc bellū  
quare dica-  
tur vulga-  
riter: *der  
Schlegel  
Krieg.*

muneribus ac pollicitationibus antea multis sollicitati, ne dicam seducti, tenacissimā animositate adhæserunt. In unum igitur cum memorato Comite de Eberstein convenientes magnum adunaverunt exercitum, tres sibi Capitaneos constituentes, quos & Reges nominabant. Hinc metus & timor omnes, qui erant in parte Comitis de Wirtenberg, vehementer oppressit, maximè propter Nobilium defectionem, qui multas in dominio Comitis Eberhardi munitiones & castra possidebant, ex quibus gentem suam lædere haud modicum potuisset. Erant autem in exercitu Comitis de Eberstein Duces Equitum potiores atque potentes illi de Höffingen, apparatus belli fortissimum ducentes. Cūq; in oppido Heimsheim essent congregati in pago Wiringoe dicto haud procul ab oppido Regali Wila, & in Comitem Eberhardum crastino exercitum ducere statuissent, tum Comes ipse consilio cautus, noctu contractis ex multitudine rusticorum Copijs, cum auxilio civium oppidi Regalis Efslingen, quod ejus sequebatur partes, primā luce memoratum oppidum Heimsheim obsidione cinxit, & ne cui pateret egressus, diligenter observavit. Comes autem de Eberstein, Nobiles & viri pugnatores, qui intus erant omnes, cū viderent se ab Eberhardo præventos, ejus mirabantur audaciam, & consilio inter se habito, rem aggredi fortiter omnes statuerunt, lapides & tela per murum in exercitum Wirtenbergensium continuè jacentes. Comes verò præcepit rusticis suis (quorum ingens multitudo aderat) ut ligna de proximo nemore multa comportarent, & muris oppidi per girum apponerent, immissisque naphthā & pice succenderent. Quod obsessi de intus cernentes, pacem à Comite petunt, quā certis sub conditionibus concessā, ab impugnatione oppidi cessarunt, per unam portam inclusis exeuntibus. Cūque de oppido per ordinem Nobiles exirent, captivi, & imprimis illi tres Capitanei exercitus, qui se nuncupaverant Reges, quidam rusticus de parte Comitis Eberhardi homo facetus cum alijs juxta portam dixit: *Ha quā benefactum est, ecce tres veniunt Reges, si quartus adesset, integrum charta haberemus ludum.* Risere hominis facetiam audientes. Inde movens exercitum Comes Eberhardus, munitionem illorum de Höffingen prope Leonberg obsidione vallavit, impugnavit fortiter, & cepit, funditūque destruxit. Captis posthac multis tam de Nobilibus, quā de vulgaribus suæ ditioni subiectis, qui ab eo ad Comitem de Eberstein in tempore belli defecerant, capitibusque eorum truncatis, castella subvertit. Postremò tamen Nobiles in concordiam redeunt cum Eberhardo Comite pacem inter se firmissimam statuerunt, juramento & litteris necessarijs roboratam.

Notandum verò, quòd præscriptum bellum inter Comitem de Wirtenberg Eberhardum, & Comitem de Eberstein habitum, apud Suevos nominatur in lingua nostra theutonica: *der Schlegel-Krieg* usque in præsentem diem, propterea, ut reor, quòd Rustici sive Rurales, qui nec lanceis utebantur, nec gladijs, sed clavis & fustibus sive instrumentis ligneis, quæ apud Suevos *Schlegel* nuncupantur, victoriam contra Nobiles obtinuerunt. Est autem malleus de ligno duro factus baculum habens longum, & in capite ipsius mallei quatuor sunt clavi ferrei ab omni parte infixi, atque in summitate acuti, sicque ordinati, ut in qualibet parte vibrentur, vulnus infligant, ac ferrum penetrent. Et dicuntur: *Schlegel* à percu-

à percutiendo. Hæc olim, ut ipse puer vidi, Rusticorum fuere defensoria, quæ in plerisque locis adhuc habentur.

Anno prænotato Engelbertus de Marca Colonienſium Archiepiſcopus ſenio gravatur, ac paralyſi diſſolutus, & multis debitorum oneribus implicatus, conſiderans ſe ad regimen tanti Principatûs nequaquam ſufficientem, de conſilio & aſſenſu Canonorum ſuorum Cunonem Archiepiſcopum Trevirorum ſupradictum, in Adminiſtratore Eccleſiæ Colonienſis aſſumpſit, quam aſſumptionem Urbanus Papa v. libens approbavit. Engelbertus autem pro ſuſtentatione vitæ portionem ſibi deputatam ſuſcipiens ad privatam ſe converſationem tranſtulit: ſed non diu ſupervixit; Cuno autem triennio Trevirenſem Eccleſiam ſimul & Colonienſem gubernavit.

Cuno Tre-  
virenſis  
Archiepiſc.  
ſic Colo-  
nienſis Ad-  
ministrator.

## MCCCLXVIII.

Anno Wignandi Abbatis nono, mortuus eſt Eberhardus Illuſtris Comes ille Wirtenbergenſis, vir audax, fortis, & bellicoſus, qui multa prælia geſſit, & raro victus, pluries autem victor glorioſus evaſit: cujus geſta memoratu quidem digniſſima, & malitia temporum, & ignavia nepotum perpetuâ oblivione ſepelivit. Tales hodie ſunt Principes multi, quales & illo tempore plures fuerunt: qui nihil minus quàm æternitatem nominis ſui, quæ maximè decet Principes, atque memoriam rerum à ſe geſtarum commendare litteris pro notitia poſteritatis cogitabant. Mortui ſunt, & periit memoria eorum cum ſonitu campanarum: & quia Histo-  
riarum in vita neglexere ſcriptores, meritò jam mortui à ſcriptoribus negliguntur & ipſi. Reliquit autem filios duos Comes Wirtenbergenſis Eberhardus, Udalricum videlicet, & ſui nominis Eberhardum, de quibus opportuno loco memoriâ dignum ſiquid occurrerit, dicemus. Eodem anno in quadrageſima Cometes aliquandiu apparuit.

Eberhardus, Comes  
de Wirten-  
berg mori-  
tur hoc an-  
no.

Anno prænotato vigefimâ primâ die menſis Auguſti obiit Engelbertus de Marca Colonienſium Archiepiſcopus, & in Eccleſia ſua principali ſepelitur. Poſt cujus mortem Archiepiſcopatus vacavit annis fermè duobus. Canonici autem Eccleſiæ Colonienſis Cunonem Archiepiſcopum, poſtulârunt: ſed Eccleſiam ſuam ille Trevirenſem antiquitate venerabilem deferere noluit, & ideò factæ poſtulationi renunciavit. Per bien-  
nium tamen juſſu Urbani Papæ v. Adminiſtrator Colonienſis Eccleſiæ ſicut prius fuerat inſtitutus, vivente Engelberto permanſit.

Engelbertus Archie-  
piſcopus  
Colonien-  
ſis obiit.

His temporibus Cuno memoratus Trevirorum Archiepiſcopus in finibus fermè Diœceſis ad littus Rheni uno ſub Confluentia milliari oppidum Engers nuncupatum conſtituit ex villa, muros & foſſata circumpoſuit, & arcem ſive caſtellum ex fundamento novum, quod hodie cernitur, in eo conſtuxit. Voluit autem, ut pro nominis ſui memoria ſempiterna oppidum illud prius Engers dictum, cum eſſet villa, deinceps Cunengens nominaretur, quod tamen fieri noſtris temporibus conſtat à paucis.

Memoratus quoque Trevirorum Archiepiſcopus Schöneck caſtellum cum ſuis proventibus omnibus Eccleſiæ Trevirenſi pro ſumma pecuniarum non parva comparavit. Telonium etiam quod in Confluentia habuit, ad caſtrum, quod Capella nuncupatur, juxta Rheni littus in oppoſito Lanſtein oppidi Archiepiſcopi Moguntini, de conſenſu Imperatoris Caroli tranſtulit.

Anno

Capita SS.  
Apoſtolo-  
rum Petri  
& Pauli re-  
periuntur.

Anno etiam prænotato Capita SS. Apoſtolorum Petri & Pauli poſt longam inquisitionem juffu Urbani Papæ v. Romæ apud S. Joannem Lateranenſem in loco, qui ſancta ſanctorum nuncupatur, inventa ſunt. Quæ reperta idem Pontifex cum magna ſolemnitate de muro levavit, atque locellis argenteis decenter incluſa ad majus Altare S. Joannis collocavit.

Ordo S. Bri-  
gittæ con-  
firmatur ab  
Urbano  
Papa v.

Per idem tempus Brigitta Sueciæ Principis relicta viduâ novam intentionis ſuæ Religionem, in qua mulieres dominantur viris, excogitans Romam venit, Urbanum Papam v. acceſſit, ut novam Institutionis confirmaret Normulam rogavit. Pontifex nescio quibus perſuaſionibus inductus petitionibus devotæ Mulieris annuit, & Ordinem ejus auctoritate Apoſtolicâ confirmavit, ita videlicet, ut omnes eam Religionem ingreſſuri Regulam S. profiteantur Auguſtini, inventis autem Brigittæ utantur, ut constitutionibus ad manutenendam ipſam Religionem noviter inventis.

De Conce-  
ptione B.  
Mariæ Vir-  
ginis Reve-  
lacio Divæ  
Birgittæ.

Interrogata hæc S. Mulier à quodam viro docto, quid eſſet de Conceptione Beatæ ſemper Virginis catholicè ſentiendum: alijs dicentibus, eam more cæterorum naſcentium in originali conceptam, alijs verò ab omni eam aſſerentibus macula ſemper fuiſſe præſervatam, reſpondit: *Si Matri placuerit Miſericordia, interrogabo eam ſuper hac re in proxima viſione: & quidquid mihi reſponderit, indicabo tibi.* Quâdam igitur vice in extaſi poſita, memòrque propoſitæ ab amico quæſtionis interrogavit Dominam, & tale reſponſum accepit: *Crede filia, quoniam rectè ſentiunt omnes, qui me præſervatam ab originali macula, & credunt, & conſitentur: malè autem, qui contrarium ſentiunt, præſertim cum temeritate. Gratiâ enim Dei Omnipotentis concepta ſum pura, innocens, munda, & ſine aliquo nervo peccati originalis: nec voluit Dominus Deus, quem paritura fueram, minoris me eſſe puritatis, quàm Eva mater extitit omnium; quæ ſine macula cuiuſcûnque peccati creata fuit.* Hæc piarum ſit mentium de Conceptione Dei Genitricis pura & ſancta confeſſio; quoniam Dei Matrem quicûnque veraciter credit omni honore digniſſimam, non dubitabit eam ab originali diſplicitia præſervatam.

Nec pium devotûmque Intemeratæ Virginis Cultorem moveat in contrarium ſenſum, ſi dicatur, quòd ſancta Monialis illa Catharina de Senis viſionem Dei Parentis habuerit memoratæ adverſam, in qua ipſa mundi Domina inferatur dixiſſe, conceptam ſe in originali peccato more cæterorum: cum timentes Deum in veritate, vera videant & non falſa, ſuas autem ingeſtiones ex temeritate præferentes veritati, non immeritò decipiantur. Pertranſeo, ne Theologiam videar immiſcuiffe historijs.

#### MCCCLXIX.

Urbanus  
Papa v.  
contra Cæ-  
ſarem ira-  
ſcitur.

Anno Wignandi Abbatis decimo, Indictione Romanorum ſeptimâ, poſt Feſtum Dominicæ Reſurrectionis Carolus Imperator iv. denuo ad petitionem Urbani Papæ v. exercitum movit in Longobardiam contra Barnabovem Mediolani Vice-Comitem, non minus Imperio tunc, quàm Eccleſiæ inobedientem Catholicæ, atque rebellem. Ingreſſus autem Longobardiam in manu valida, omnia extra munitiones inventa demolitus eſt. Vaſtavit agros, villas incendit, ruſticos tribulavit, & quia machinas ad belli apparatus neceſſarias non habuit, oppida, civitates, & urbes munitas intactas dimiſit. Poſtea cum invaluiſſet peſtis, exercitum acceptâ pecuniâ



pecuniâ non parvâ jure Domini Imperialis à Vice Comite, sine belli consummatione cum suis in Germaniam reversus est.

Iterum Urbanus V. nimium contra Cæsarem irâ commotus, quòd denuo sine belli consummatione rediisset in Germaniam, deliberavit illum ab Imperio deponere, perturbâissetque sine dubio Regnum fluminibus sævis, nisi morte fuisset non præmeditatâ interceptus. Nimiâ enim contra Vice Comites Mediolani laborabat indignatione, propter contumeliam ab eis susceptam, quam totis vindicare conatibus semper optavit. Nam adhuc in minoribus olim constitutus, jubente Innocentio Pontifice Romanorum vi. litteras quasdam Apostolicas Vicecomitibus Orator & Nuntius non placentes attulit, quas edere conscissas ab eis violenter coactus fuit. Quæ litterarum comestio illi tantum displicuit, quòd se vindicare deniceps semper cogitavit. Sed illo mortuo successor pacem cum eis reformavit.

Urbanus  
Papa V.  
contra Cæ-  
sarem ira-  
scitur,

Anno prænotato Cives Colonienſes in tyrannidem converſi Privilegia & libertates Cleri pro libitu ſuo conabantur infringere, & immunem à ſervitio ſtatum Eccleſiaſticum temerè violare. Unde Cuno Adminiſtrator eos monita ſpernentes gladio anathematis percutiens excommunicavit, & Clerum ex urbe ſecedere præcepit. Biennio itaque in pertinacia Cives obſtinati cenſuris ſubjacerunt Eccleſiaſticis, & Clerus decem & octo menſibus urbem deferens in diverſis manſionibus Dioceſis hinc inde habitare compulſus fuit.

Colonien-  
ſes ſubij-  
ciuntur In-  
terdicto  
biennali,

Eodem Anno Archiepiſcopus Trevirorum Cuno caſtellum Harſtein receptaculum prædonum & ſpeluncam latronum obſidione cinxit fortiter, impugnavit & cepit, expulſiſque latronibus Eccleſiæ ſuæ Treverenſi obnoxium fecit, & jus in eo manendi, intrandi & exeundi perpetuum reſervavit.

Anno etiam præſcripto Godfridus Comes in Arnsburg acceptâ pecuniâ Comitatum ſuum, cum omnibus ad eum pertinentibus vendidit Eccleſiæ Colonienſi, & ejus Archiepiſcopo per Cunonem Adminiſtratorem in perpetuam poſſeſſionem.

#### MCCCLXX.

Anno Wignandi Abbatis undécimo, moritur Gerlacus de Naſſavve Archiepiſcopus Moguntinus anno Pontificatûs ſui quarto fermè atque viceſimo, & in principali Eccleſia S. Martini Moguntiaſe ſepelitur, cum lapide nomen & diem obitûs ſui juxta ſepulchrum continente, muro infixo. Erat enim vir bonus, manſuetus atque pacificus, Amator Cleri, Promotor & Pater Monachorum Pientiſſimus, ſuſtentator pauperum, Defenſor egenorum. Poſt cujus obitum Canonici, ad quos de Jure ſpectabat Electio, Cunonem de Falckenſtein Archiepiſcopum Trevirorum, qui olim ſub Henrico de Virneburg Archiepiſcopo Adminiſtrator Eccleſiæ fuerat Moguntinae, ut ſupra diximus, in Archiepiſcopum ſuum poſtulârunt. Sed Cuno Eccleſiam Trevirenſem, à qua primo fuerat exaltatus, deferere noluit, & idcirco eorum poſtulationem non admifiſit. Miranda unius viri, & non minus laudabilis, quàm perpetuò commemoranda prudentia, quem habere Pontificem tres Germanorum Eccleſiæ majores optaverunt.

Gerlacus  
Archiepi-  
ſcopus Mo-  
guntinus  
obiit.

Cunone autem recuſante poſtulationem acceptare oblatam, Canonici denuo ad Electionem venientes in unum, quendam Adolphum ex Co-

K k

mitibus

Joannes  
Filius Ducis  
Luzenbur-  
gij fit Archi-  
episcopus  
Mogunti-  
nus

mitibus de Nassavve, Concanonicum suum in Archiepiscopum elegerunt, virum moribus & eruditione scripturarum satis idoneum, Filium Fratris Gerlaci defuncti Archiepiscopi. Contra quem Carolus Imperator questus, se potenter opposuit, & eum pervenire ad Archiepiscopatum illâ vice non permisit; auxilio namque & favore quorundam Canonorum Joannem Fratris sui Wenceslai Ducis Luzenburgij atque Brabantiae Filium in Archiepiscopum Moguntinum, repulso sicut dictum est Adolpho, promovit, qui confirmatus & ordinatus in fine hujus anni à Gregorio Papa Undecimo, qui Urbano quinto immediatè successit, uti dicemus, præfuit annis duobus, vir bonus & nulli molestus, quem vulgus Gallicum nuncupabat, propterea, quod utramque noverat linguam, & partem Galliae Ducatus Luzenburgij tenebat.

Fridericus  
de Sara-  
werd fit  
Archiepisc.  
Colonien-  
sis.

Anno prænotato Cuno Trevirorum Archiepiscopus, qui Coloniensem Ecclesiam Administratorio nomine gubernabat, multitudine laborum attædiatus, & cupiens cum sua Ecclesia habere quietem, Canonicos Colonenses rogavit, quatenus sibi proprium Archiepiscopum eligerent, de cujus probitate & sapientia non dubitarent. Qui ejus consilio acquiescentes Fridericum ex Comitibus de Saravverda Concanonicum suum, qui Filius erat Avunculi Cunonis, in Archiepiscopum unanimiter elegerunt, in Castello haud procul à Confluentia sito juxta latus Rheni, quod Capella nuncupatur, juvenem quidem in annis, sed moribus & prudentiâ spem de se præbentem bonam. Hic Romam profectus in propria persona cum honore ab Urbano Papa quinto suscipitur, ejus ab illo Electio confirmatur, & in præsentia Cardinalium ordinatus à Summo Pontifice Pallij decore insignitur, anno videlicet prænotato tertiâ decimâ die mensis Novembris. Reversus in Germaniam à suis cum reverentia susceptus est, & præfuit Ecclesiae Colonienfi memoratae valde utiliter annis quadraginta quatuor, in honore magno & utilitate.

Bellum inter  
Ducem  
Luzenbur-  
gij &  
Juliaciagi-  
tur.

Eodem Anno in Vigilia S. Bartholomæi, factum est bellum inter Wenceslaum Luzenburgij Brabantiaeque Ducem, Fratrem Imperatoris Caroli, & Wilhelmum Ducem Juliaci haud procul à villa Bâsviler, in quo ab utraque parte plusquam octo millia hominum in ore gladii ceciderunt, & capti sunt multi. Victoria tamen cessit Wilhelmo Duci memorato Juliaciensi, qui Wenceslaum Ducem cum alijs multis Comitibus, Baronibus, atque Nobilibus cepit, mensibus undecim tenuit captivum, sed metu Imperatoris postea liberum dimisit.

Imperator  
cuique Prin-  
cipum cen-  
tum millia  
florenorū  
pollicetur,  
ut Wences-  
laum filiū  
eligat.

Anno etiam prænotato Carolus Imperator quartus ætate jam gravis, & propriae quietis amator, cupiens Wenceslaum Filium suum, qui tum dominabatur Boëmis, Regem instituere Germaniae, atque Successorem Imperij Romanorum, cum animos super hoc Principum sæpius pulsaret Electorum, sine quorum consensu id fieri non potuit, & minus voluntarios inveniret, ut eos sibi consentaneos efficeret, unicuique eorum centum millia florenorum se daturum promisit. Consenserunt mox Principes tantâ pecuniarum numerositate placati, & convenientes in unum apud Frankenfurt Oppidum Regni. Wenceslaum Regem Boëmiæ Caroli memorati Caesaris Filium in Regem Germanorum elegerunt. Quem ad Aquasgrani ducentes in sedem Regni Germanici locaverunt, facientes omnia, quæ secundum antiquam Francorum orientalium consuetudi-

nem

nem circa Regum institutionem fieri solent. Qui coronatus octo cum Patre annis in Germania regnavit, & post Patrem ad Imperium, ut dicemus ascendit.

Wenceslao autem pollicitationibus ad Regnum promotus, cum Pater pecuniam non haberet, quam promisit, & Principes ut pollicita solveret urgerent, metuens ille rem in dissidium verti, obligavit illis quam plurima telonia, vectigalia, oppida, castra, proprietates & Jura Regni Germanici, quæ sic alienata permanent usque in præsentem diem per annos jam centum quadraginta duos, in damnum Regni manifestum, & magnam desolationem. Verum si quæretur, jure sit factum, an temerè, illi respondeant, qui Leges & Jura noverunt, quoniam ego me scriptorem facti exhibere debeo, non Judicem. In hac mercatione verò, quæ Principum quisque obtinuerit oppida, partim scio, partim nescio. Nam Oppenheim cum telonio, Luterum, Ingelheim, & Gaviodorum tali commutatione memoratâ in ditionem Comitis venere Palatini. Juxta patrium Mosellæ rivum Kocheim Monasterium Megenfeld cum alijs nescio quibus, Trevirorum Archiepiscopus in possessionem pro consensu accepit, Andevach Colonienfi, Lanstein Moguntinenfi Archiepiscopis donantur à Regno.

## MCCCLXXI.

Anno Wignandi Abbatis duodecimo, Indictione Romanorum nonâ, mortuus est Urbanus Papa quintus. Rebus namque in Italia utcunque dispositis, Crucem in Turcas prædicari mandavit, deinde profectus in Galliam apud Massiliæ Coenobium sancti Victoris, in quo Monachus olim fuit, & Abbas, ægrotare capit, & in Domino quievit.

Urbanus  
Papa quin-  
tus mori-  
tur.

Posthunc in unum convenientibus apud Avenionem Cardinalibus, in Romanorum Pontificem unanimiter fuit electus Petrus Belfortis, patriâ Lemovicensis, Diaconus sanctæ Mariæ novæ Cardinalis, vir bonus, doctus, & mansuetus, qui Gregorij nomen sumens undecimi, annis præfuit octo. Hic Nepos fuit ex Fratre Clementis Papæ sexti, Cardinalis ab eo creatus, cum annorum vix esset ætatis, ut dicebatur, octodecim.

Gregorius  
fit Papa un-  
decimus.

His quoque temporibus Eduardus Dux Geldriæ in quodam tumultu à proprio servo, cujus uxore contra legem abutebatur, sagittâ percussus occisus est. Nomen servus habuit: Hermannus Lers. Eduardo autem vitâ crudeliter sine liberis defuncto, utpote qui sponsam habuit, non uxorem, Filiam Ducis Baviariæ Alberti Hollandiæ Hannoniæque Comitis, de quo supra diximus, eductus est de custodia decennali ejus Frater Reinhardus, & in Ducem ab omni populo concorditer denuo assumptus. Qui cum ex detentione longissima & corpore nimium esset pinguis, & aëris permixtione inconsuetus omnino videretur, citò defecit, & vix tribus supervivens mensibus obiit, in quo Genealogia Ducum Geldriæ primordialis defecit. Defuncto autem Reinhardo Wilhelmus Dux Juliacensis de Ducatu jam vacante Regno se nescio quo jure sanguinis intromisit.

Dux Gel-  
driæ pro-  
pter Adul-  
terium à  
proprio ser-  
vo occidi-  
tur.

Hoc ipso Anno Carolus Imperator quartus cum uxore sua Imperatrice, Episcopis undecim, Comitibus decem, Nobilibus ministris octoginta tribus, Equitibus mille ducentis, peditibus sex millibus descendit ad Aquasgrani contra Wilhelmum Ducem Juliaci, qui & fratrem ut supra dictum est, Imperatoris adhuc detinebat captivum, & Geldriæ Ducatum

Carolus  
Imperator  
cum Exer-  
citu venit  
ad Aquas-  
granum.



Dux Julia-  
censis Wil-  
helmus,  
Geldriæ  
Ducatum  
obtinet.

Rotten-  
burg juxta  
Neckarum,  
Austriæ  
Ducibus  
venditur.

sine judicio Principum violenter occupabat. Cùmque in Palatio Regali apud Aquasgrani cum exercitu resideret Imperator, Wilhelmo Juliacen- sium Duci per edictum mandavit, ut si pacem amplecti mallet quàm bel- lum, veniret ad Judicium senatus, & quod esset justum acciperet. Dux autem videns se potentia Imperatoris non posse resistere, salvo itineris com- meatu suscepto, venit ad Cæsarem, & de pace habuere consilium. Post multos de pace tractatus, tandem Principes in eam sententiam con- venerunt, quòd Juliacensis captivum Imperatoris Fratrem Ducem Luzen- burgij atque Brabantia Wenceslaum absque ullo redemptionis pretio li- berum dimitteret, & Geldria Ducatum à Regno in recompensam obtine- ret. Et sic Ducem captivum Wilhelmus dimisit liberum, quem prius pro centum millibus florenorum rhenensium dare libertati recusaverat. De alijs autem captivis maximè Comitibus atque Nobilibus multam extorsit pecuniam, de quorum redemptione dives & potens est factus in omnibus.

His temporibus Rudolphus Comes de Hohenberg ipsum Comita- tum cum Rottenburg Oppido suo, ad ripam Neckari situm, Ducibus Au- striæ vendidit, duplici motus indignatione, tum videlicet, quòd filiam non habebat, qui jure succederet: tum etiam, quòd maximam injuriam sibi à Conjuge propria illatam, & Filiam, tali venditione optabat vindicare. Nec minus illum movebat, quòd ex Patruo Nepotes Rudolphus & Hen- ricus Comites item à Hohenberg Fratres Partem & jus suum antea contra voluntatem ejus temere alienaverant. Hâc etenim venditione factâ, stirps Comitum de Hohenberg cessavit, & cessavit Comitatus ille usque in præ- sentem diem, quod in multis contigit similibus. Sic ars malâ deluditur arte, qui dum in odium unius duo sine causa sæviunt, rectè jus suum & nomen generis præclarum simul omnes amiserunt.

MCCC LXXII.

Udalricus  
Comes de  
Helffen-  
stein dolo-  
rè occidi-  
tur.

Anno Wignandi Abbatis tertio decimo, Indictione Romanorum decimâ, Udalricus Comes de Helffenstein in Castro Nyberg, per insidias occisus est. Unde Cives Regni quidam nimium indignati, & volentes mortem ejus vindicare, in unum conveniunt, & expugnare prædictum Castellum Nyberg unanimiter contendunt. Quod ubi Eberhardus Comes de Wirtenberg intellexisset, misit contra illos suorum exercitum, & bello inopinatè commisso Cives Regni penè omnes corruerunt.

Eodem Anno Carolus Imperator IV. auxilio ipsius Eberhardi me- morati Comitum de Wirtenberg Oppidum Ulmense propter inobedien- tiam & rebellionem Civium obsidione vallavit, & fortissimâ impugna- tione fatigavit. Verùm quia Oppidum fossatis, muris & turribus optimè fuerat munitum, nihil profecerunt, sed reformatâ pace in sua redierunt.

Joannes  
Archiepisc.  
Mogunti-  
nus mori-  
tur.

Anno prænotato mortuus est Joannes ex Ducibus Luzenburgij atque Brabantia Archiepiscopus Moguntinus, in Castello Alta villa nuncupato, quod in descensu Rheni ad dexteram uno milliari distat à Moguntia; cu- jus corpus in Ecclesia sua Metropolitana Moguntia sepelitur. Multorum tunc fuit opinio, veneno illum interiisse; quòd verum sit an falsum, scire non possum. Quo vitâ defuncto, Canonicorum Congregatio in Archie- piscopum Moguntinum iterum elegit Adolphum ex Comitibus de Nas- savve Concanonicum suum, Gerlaci quondam Archiepiscopi Nepotem, quem ante Joannem, ut supra diximus, elegerat. Qui non expectatâ con- firmatione

firmatione Romani Pontificis, omnia Castella, Oppida, & munitiones Ecclesiæ in possessionem accepit, suis tuenda commisit, & postea pro Confirmatione institit. Gregorius autem Papa undecimus Ludovico Filio Marchionis Misnensis, qui tum erat Bambergensis Ecclesiæ Antistes, quâ nescio promissione obnoxius, summis cum conatibus promovere ad Archiepiscopatum Ecclesiæ Moguntinæ satagebat. Unde & multis occasionibus quæsitis Adolphi confirmare Electionem recusabat, judicantibus multis injuriam pati, non pœnam Adolphum. Annis octo duravit ista contentio inter Adolphum & Ludovicum, quibus Romæ continuè pro Archiepiscopatu Moguntino litigabant. Adolphus autem licet non confirmatus adjuvantibus illum amicis, Castella, munitiones, & Oppida Ecclesiæ Moguntinæ omnia, sicut diximus, in suam acceperat potestatem. Annis sub lite fermè octo exactis Ludovicus tandem igne interceptus perijt, & Adolphus per Pontificem Romanum confirmatus, & ordinatus fuit. Qui cùm esset vir ingenio mundanus & promptus consilio, multa in rebus temporalibus Ecclesiæ Moguntinæ providè acquisivit bona. Præfuit autem sedecim annis à tempore Electionis suæ usque ad mortem, quorum octo in contentione cum Ludovico, & reliquos octo in bona pace supervixit.

Contentio  
duorum  
electorum  
Adolphi &  
Ludovici.

His temporibus claruit Joannes Fust, Ordinis Fratrum B. Mariæ semper Virginis de Monte Carmelo, primum Lector Conventus in Crüzenach oppido Comitatus Spanheimensis, & postea Prior Argentinenfis, vir in divinis scripturis eruditus, & declamator sermonum egregius: qui scripsit inter cætera ingenij sui monumenta super sententias Quæstionum libros quatuor. De Schismate lib. 1. Sermones quoque de Tempore, & sanctis libros duos. De Pace & Christiana Concordia lib. 1. Super Evangelium Joannis lib. 1. Et alia quæ non vidimus.

Joannes  
Fustinus  
Carmelita  
vir doctus  
plura scripsit.

Gerardus Gros, sive Magnus, patriâ Daventriensis eorum Religionis Pater, quos de communi vita nuncupant, his etiam temporibus varia scribendo nominis sui memoriam posteris commendavit. De cujus lucubrationibus ista comperimus: De Contractibus & usuris lib. 1. De Institutione Novitiorum lib. 1. De Locatione Curæ Pastoralis sive Animarum lib. 1. De Conversatione interna lib. 1. De Incommoditatibus Matrimonij lib. 1. De Regimine Monialium atque Sororum lib. 1. Sermones quoque varios & Epistolas edidit ad diversos. Hujus est de Monialibus illa vulgata sententia:

Gerardus  
cognomen-  
to Gros,  
plura com-  
posuit.

*Gratia nulla perit quàm gratia sola Sororum:*

*Sic fuit: est, & erit Undanct̃ in fine laborum.*

Alia quæ scripsit, notitiam nostram fugiunt.

Conradus etiam de Alzeia oppido Comitatus Palatini, quod tribus ferè Wormatiâ, & totidem à Crüzenach distat miliaribus oriundus, vir in omni Scriptura doctissimus, & suo tempore facundiâ & eloquentiâ nulli secundus; de quo diximus Anno Wichardi secundi Abbatis sexto, hâc tempestate apud Rupertum Comitem Palatinum Rheni Bavarizque Ducem Cancellarius, magno in pretio fuit. Scripsit in laudem Beatæ Mariæ semper Virginis, Carmine & Rythmis Opusculum non spernendæ lectionis, quod librum Figurarum prænotavit. De Præeminentia quoque Romani Imperij lib. 1. Epistolarum ad diversos lib. 1. Et alia quæ non vidi.

Conradus  
de Alzeia  
Palatinus  
Cancellarius  
dictus.

MCCCLXXIII.

Papa monuit Cæsarem ad recuperationem Jerusalem.

Anno Wignandi Abbatis quarto decimo, Gregorius Papa XI. qui Terram sanctam ad manus Christianorum revocare summo desiderio affectabat, Carolum Imperatorem IV. multiplicatis litteris ac nuntijs admonebat, quatenus pro Dei amore congregaret quàm magnum posset exercitum contra Saracenos in Asiam, qui sanctam Civitatem Jerusalem & sepulchrum Dominicum occuparunt. Nimis autem importunè Papa instante, postremò Imperator ei rescripsit: *Exercitum quidem & magnum & validum adunare possumus: sed mare transire, & Saracenos debellare non satis cautum judicamus, propterea, quòd & Sanguis Christianorum multus effundendus foret, & Terram sanctam etiamsi obtinere possent, diu tamen retinere non possent. Unde hanc Romani Pontificis intentionem etsi piam in Christo, magis tamen periculosam Christianis, quàm utilem fore minimè dubitamus.*

Imperator taxam pecuniarum magnam impoluit Civitatibus.

Anno etiam præscripto Carolus Imperator IV. magnam pecuniarum summam à Civibus Regni postulando exegit. Cujus quidem exactionis Principem & pecuniæ collectorem constituit per Sueviam Eberhardum Comitem Wirtenbergensem; qui cum pecuniam singulis urbibus nomine Cæsaris impositam jussus potenter exigeret, omnes unanimiter contradixerunt. Iratus igitur Comes magnum suorum congregavit exercitum, & discurrens per regionem de oppido ad oppidum, Cives Regni multis contumelijs & injurijs affecit. Postremò tamen concordia facta Ulmensis quinquaginta duo millia florenorum, Eslingenses quindecim millia, Rotvvilani decem millia, Rüttlingen quindecim millia, Lindavv sex millia. Constantia quadraginta millia florenorum Cæsari solverunt. Hæc pecuniarum summa pro majori parte Comitibus cessit de Wirtenberg. in refusionem expensarum, quas ratione Advocatiæ Regni, per Sueviam, ut supra diximus, habuerunt, quarum summam quottannis ad xxx. millia taxarunt. His quoque temporibus Comites de Wirtenberg Advocatiam Monasterij Mülbronnensis Ordinis S. Bernardi Spirensis Diœcesis, quam eatenustenuerant, jussu Imperatoris resignare coacti sunt. Quam Rupertus Comes Palatinus Rheni, Bavariæque Dux obtinuit, & post eum Hæredes ejus per annos fermè centum atque triginta: quibus exolutis anno videlicet Christi millesimo quingentesimo tertio, Udalricus Dux Wirtenbergensium tertius, eandem gladio suo recuperavit.

Albertus Wirzburghensium Episcopus moritur, Gerardo de Schwarzenburg succedente.

Eodem anno moritur Albertus ex Comitibus de Hohenloe Herbipolensium Episcopus, & in Cathedrali Ecclesia debito cum honore sepelitur. Post cujus obitum Canonici de Capitulo unanimiter elegerunt Albertum de Hessperg Concanonicum suum, virum prudentiâ & honestate præcipuum, & tam Civium favore, quàm Cleri æstimatione tali honore per omnia dignum. Contra quem Carolus Imperator quartus Gerhardum ex Comitibus de Schvvarzenburg apud Sedem Apostolicam comendavit, & summis conatibus ad Ecclesiam memoratam promovit. Papa igitur ad instantiam Imperatoris Electionem Alberti cassavit, & Gerhardum Episcopum confirmavit: qui præfuit annis octo & viginti, in tribulationibus multis, & adversitatibus continuis; toto namque tempore sui regiminis cum civibus suis contentiones habuit, sed postremò tamen contra eos gloriosè triumphavit.

Anno



Anno prænotato Bavarie Duces Marchionatum Brandenburgensem Carolo Imperatori, & per eum Regno Boemie pro ducentis florenorum millibus vendiderunt; quorum centum millia in promptu fuerunt soluta. Pro reliquis verò centum millibus Imperator Bavaris Principibus quædam in Bavaria oppida, Castella & Dominia sub Titulo Redemptionis assignavit: videlicet Lauff, Harßpurck, Reichenfeld, Sulzbach, Rosenberg, & Hirßlau. Reliqua verò Castella, quæ Regi Boemie in Bavaria fuerant vendita, per Rupertum ex Comitibus Palatinis, postea per Regem Germanie redempta fuerunt, & Bavarie Ducibus restituta. Quando autem & quomodo Marchionatus Brandenburgensis post mortem Godelmari Marchionis sine liberis, ad manus Ducum Bavarie pervenerit, supra diximus Anno Sigismundi secundo.

Marchia  
Branden-  
burgensis  
venditur  
Regno Bo-  
hemie.

## MCCCLXXIV.

Anno Wignandi Abbatis quinto decimo, Indictione Romanorum duodecimâ, in Mense Februario, maxima subito irrupit inundatio aquarum, quæ juxta Rhenum & Moganum commorantibus maxima intulit damna; homines enim multos simul & jumenta nocte superveniens inopinatè submersit: domos & ædificia plura subvertit; villas, hortos, vineta, sepes & vias destruxit. Rhenus tantâ inundatione aquarum excrevit, quod muros Civitatis Coloniensis sibi oppositos transcendens prostravit. Oppidum Bingionum aquis tam Nahi fluminis, quàm Rheni promajore parte fuit repletum; & omnes portæ versus memorata flumina clausæ manserunt, aquis Oppidi muris eminentibus: quod & in cæteris urbibus Rheni similiter contigit.

Aquarum  
inundatio  
maxima  
fuit.

Hoc ipso Anno quædam passio, quam chorizationem S. Joannis nuncupant, hominum genus miserabiliter afflixit, atque à Brabantia incipiens, atque per omnes Europæ Regiones paulatim serpens annis pluribus duravit. Mirabile & miserabile spectaculum! quoscunque invasisset pestis illa, viros & mulieres, juvenes & virgines, insanire fecit, qui primum in terram cadebant ore spumantes, post paulum verò surgentes usque ad defectionem chorizando saltabant, nisi violenter tenti fuissent, aut funibus constricti. Et multos quidem in furorem actos de cognatione sua & patria exules fecit & prodigos. Multæ denique sub prætextu memoratæ passionis fraudes & deceptiones fiebant, dum alij ut pecunias otiosè mendicando perciperent, alij ut liberius voluptati carnis iudulgere possent, se fingerent infanos.

Passio na-  
va quæ  
Chorizatio  
S. Joannis  
dicitur, ho-  
mines affli-  
xit.

Anno item prænotato fuit homo quidam nomine Hipschmann equestris, qui cum Civium Oppidi Friburgensis in Brisgavia inimicus esset & hostis, multa eis intulit damna. Hunc militares quidam de Ehingen in castro suo manutinentes, hospitio receperant in odium Freiburgensium, promittentes ei introitum liberum cum rapinis quoties venisset, simul & exitum. Unde Freiburgenses datâ pecuniâ Nobilibus de Ehingen pacem & concordiam cum eis inierunt, sub ea videlicet conditione: ut memoratum Hipschmann hostem aut vivum aut mortuum eorum traderent potestati. Quâdam igitur nocte ministeriales illi de Ehingen hominem ipsum nihil tale metuentem clam occidentes, cadaver Freiburgensibus tradiderunt.

Nobiles de  
Ehingen  
hominem  
pro pecunia  
occiderunt.

Qui mortuum accipientes cum magno gaudio, non satis putaverunt esse se vindicatos, quod illum insidiosè fecissent occidi, nisi etiam publicum

de

de illo ſumpſiſſent iudicio ceſſante ſupplicium. Corpore itaque noctu accepto, ſequente illud die ante portas oppidi ſuper rotam poni publicè fecerunt. Occiſus autem erat perfidiâ Caſtrenſium de Ehingen, noctu ſicut diximus circa villam, quæ Duſſlingen vocatur, ubi Cadauer Adverſarij acceperunt.

Traditores  
proſcribun-  
tur de Re-  
gno & Ca-  
ſtrum de-  
ſtruitur.

Iniquitatis factum brevi quidem innotuit multis, & tandem ad Cæſaris noti-  
tiam pervenit, quomodo illi de Ehingen dicti Nobiles hominem in fidem ſuam receptum ſubdolè, fraudulenter, & impiè pro pecunia Freiburgenſibus contra fidem occiſum tradidiſſent. Qui juſtè commo-  
tus Rudolpho Comiti de Hohenberg in Rottenburgo juxta Neccarum Au-  
ſtriæ Ducibus ut diximus antea vendito, ſed ad dies vitæ commoranti,  
mandavit, quatenus vindictam ſumeret de homicidis illis. Comes itaque  
contractis militibus Caſtrum illorum obſedit, cepit ac funditus deſtruxit,  
& eos de terra & cognatione ſua perpetuò fugere, & exulare fecit, & occi-  
ſum vindicavit.

Graſſo ſe-  
cundus ejus  
nominis fit  
Abba. in  
Spanheim.

Anno etiam præſcripto xix. die Menſis Septembr. moritur Philippus  
Abbas Monafterij Spanheimenſis in ordine Abbatum xv. anno regiminis  
ſui xxiv. & uno menſe cum diebus xii. completis ante Analogium in me-  
dio Chori ſepultus. Huic in Abbatia xvi. ſucceſſit Graſſo ejus nominis  
ſecundus.

Eodem quoque anno iterum venit Alſatiam crudelis & centum mil-  
lium Pugnatorum Exercitus de Britannia, Normania, Anglia, & alijs  
nationibus in unum collectus per Comitem ſive Dominum de Kuſſino,  
qui animos contra Duces Auſtriæ, & quosdam alios gerebat hoſtiles. Cau-  
ſam tantæ commotionis iſtam fuiſſe commemorant ſcriptores rerum  
tranſacti temporis: Mater Comitis præſati de Kuſſin filia fuit Domus  
Auſtriæ, cui Pater pro Dotalitia assignaverat Dominium illud totum, quod  
Ergaw teutonicè nominatur, aut ſummam pro eo notabilem pecunia-  
rum, ne vacua ad Nuptias data videretur. Verùm cum Auſtriæ Duces  
nihil promiſſorum ſervarent, & néque Dominium Ergoviæ, néque pe-  
cuniam pro eo pollicitam ſolvere contentirent, licet ſæpius à Marito Filiae  
interpellati fuiſſent: res cum indignatione per annos plures in ſuſpenſio  
manſit, uſque ad mortem Filiae ſimul & generi Comitis ſenioris.

Comes de  
Cuſſin do-  
tem Maris  
petit ab Au-  
ſtriæ Duci-  
bus.

Patre autem ſimul & Matre vitâ defunctis Comes de Cuſſin Junior  
eorum Filius à Ducibus Auſtriæ poſtulavit Matri dudum promiſſa: qui-  
bus negatis, in hoſtem illorum converſus eſt, & Legatione miſſâ in Gal-  
liam, Angliam, Britanniam & alias Nationes ebullire fecit ex eis maxi-  
mam Pugnatorum multitudinem, quanta prius in Alſatia non fuit audita  
vel viſa. Nam ut illo tempore dicebatur, Equitum fuerunt xviii. millia,  
peditum verò plus quam lxxx. millia, præter inutilium hominum per-  
ditorum, latronum, raptorum & nebulonum catervam haud parvam,  
quos inopia & egeſtas caſtra ſequi compellebat.

Exercitus  
centum  
millium  
peregrinus  
occupat  
Alſatiam.

Venientes igitur in Alſatiam à Feſto S. Michaëlis uſque ad ſolemnia  
S. Præſulis Martini, omnia in circuitu vaſtantes penitè que conſumentes  
ibidem permanſerunt. Oppida & Caſtella plurima ceperunt, quæ omnia  
igne ſubmiſſo funditus deſtruxerunt, una cum Eccleſijs, Monafterijs, &  
locis Deo conſecratis. Nulli pepercerunt homini, nulli ſexui, nulli ætati,  
ſed omnes quotquot cepiſſent, qui ſeſe pecuniâ redimere nequiviſſent,  
inauditis

inauditistorquentes supplicijs, crudelissimè occidebant: mulieres & virgines, Monialésque & Deo nuptas inauditâ temeritate libidinis stuprantes crudeliter vexabant, aut captivas abducebant.

Post Festum S. Martini castra moventes per Alsatiam ad Bernam versus iter fecerunt, qui cùm juxta Brisacum transirent, portis oppidi clausis Lupoldus Dux Austriæ, Eberhardus Comes de Wirtenberg, qui cum multis Comitibus & Nobilibus erant in ipso oppido, grandem satis exercitum habentes, visâ de muris tantâ hominum multitudine egredi non audebant in occursum, sed permittere transitum cogeabantur. Lupoldus autem Dux Austriæ vir prudens & bellicosus, cùm tantæ multitudinis audivisset adventum, omnes Ergaviæ villanos cum rebus suis ad loca munita (villis & vicis igne succensis) confugere præcepit, providè considerans, hostes non diu in regione posse consistere, in qua rerum comestibulum nihil aut parum possent invenire.

Hujus exemplo facti homines ruricolæ incensis villulis & vicis per totam Alsatiam Helvetiâque, ad Civitates & oppida præmunita cum rebus suis oportunè successerunt; ad Argentinam videlicet, Basileam, Colmariam, Schlettstatt, Bernam, & alia quæque viciniore loca munita. Omnes autem tempestivè fugere negligentes, qui ab hostibus fuissent inventi, aut pecuniâ se redimere coacti sunt, aut crudeliter perierunt; tantus namque timor invaserat omnes, Alsatiae & Helvetiae Principes simul & populos, ut urbibus inclusi, egredi nemo eorum præsumeret. Hostes itaque in multitudine maxima per Alsatiam nemine resistente venerunt ad Basileam, & inde ad eum locum, quem Teuthonicè *den Hontwein* Helvetij nuncupant. Ibi facilius ne progredierentur fuissent cohibiti, si Comites de Nidovve & Kyburg incolis terræ dictæ Ergovve benè voluissent. Adhæserant enim Comiti memorato de Cussin, contra Duces Austriæ, & omnem populum terræ Helveriorum, ideoque introitum hostibus in Dominium eorum libenter permisissent.

Lupoldus  
Austriæ  
Dux omnes  
villas & vi-  
cos combu-  
si fecit.

Comites de  
Nydovve  
& Kyburg  
admittunt  
hostes.

Venientes autem Ergoviae in terram hostes supra dicti, omnia pro viribus devastaverunt, & in nihilum redegerunt: circa fluvium Ararim nonnulla per insidias Castella capientes funditus destruxerunt, & venientes tandem usque ad Bernam oppidum tunc Austriæ Ducum, omnem regionem desolârunt. Bernenses autem multitudine hostium perterriti portas egredi non audebant. Hostes in unum coadunati munitionem quandam, quæ Buren theutonicè nuncupatur, obsidione circumdantes, fortiter impugnârunt. Ibi Comes de Nidovve sagittâ percussus interiit, mercedem suâ recipiens infidelitatis, quia cùm posset repellere hostes, ne terras ingrederentur illas, resistere noluit, ut jam prius diximus.

Hostes igitur diffusi per omnem regionem circa flumen Ararim in diversis locis castra posuerunt, videl. in Altruvv, Iriduvv, Arvvangen & circum vicinis, omnia depopulantes. Hinc quidam viri animis & viribus robusti ex Lucerna oppido ex *Entlibuch* ex Underwalden & alijs locis diversis in unum convenientes aggressi sunt hostes seorsim in extremitate phalangis otiantes, qui nihil tale suspicabantur, & ducentos ex eis inopinatè occiderunt, & salvi ad sua reversi sunt. Nihilominus hostes fortiter agentes quasdam munitiones, Waldenburg videl. Klusee, Altruvv, Wilisovv & omnem regionem penè capientes, funditus destruxerunt, mul-

Hostium  
ducenti à  
Juventute  
Bernensi  
occidun-  
tur.



tis crudeliter occiſis hominibus. Poſt hæc in unum denuo convenientes Incolæ Regionis, ruſtici videl. cum civibus & oppidanis terræ memoratæ ſimiliter ex Comitatibus Louppen. Arberg, Nydovve, cum Bernenſibus, fecerunt Exercitum, & progreſſi verſus Ins, in die Nativitatis Domini ſuper hoſtes noctu repente irruerunt magnis vocibus clamantes: *Hic Berona, hic Berona.* Qui nimio pavore clamantium exterriti, quò diverterent, minimè cogitabant. Ibi ex hoſtibus 300. cecidiſſe memorantur. Victores autem cum ſpolijs, armis & equis hoſtium multis, ſine detrimento ſuorum reverſi ſunt.

Hoſtium  
multi Cœ-  
nobium  
Frawen-  
brunn oc-  
cupant.

Anno prænotato in die S. Stephani (ſed nota, quòd nos annum à prima die menſis Januarij incipimus, & non à Nativitate Domini) nunciarum eſt Bernenſibus, quòd hoſtium non modicæ multitudines ſedes accepiſſent in Monasterio, quod Fons Mariæ nuncupatur, theutonicè autem Fravvenbrunn, & Cœnobio uterentur pro Caſtris; conſilio igitur habito alijs placuit exſpectare ſocios, ut numero vires darentur majores; alij verò qui animis fuerant concitati, neminem decernunt exſpectandum, ne forſitan hoſtes intereà novi quid molirentur, aut fugerent. Prævaluit eorum ſententia, quibus animi ad bellum fuere parati, & contractis in unum copijs Bernam oppidum circa noctis initium apparatu bellico exeuntes, in medio noctis ad Monasterium memoratum ſub ſilentio, in magno frigore pervenerunt.

Bernenſes  
Monaste-  
rium in-  
trant, &  
bellum  
committunt.

In ambitu  
Cœnobij  
bellum  
committi-  
tur, Hoſtes  
ſuperantur.

Mane igitur circa horam quintam, cùm adhuc tenebræ eſſent, Bernenſes cum magno & valido clamore ingrediuntur Monasterium, ferro ſimul & ignibus armati. Ad quorum clamorem Ivo Princeps de Alcaibus, qui habitationem ſuam in ambitu Monasterij locaverat, cum multis alijs Comitibus atque Nobilibus excitatus velociter arma corripuit, & viriliter pugnavit. In ambitu Clauſtri bellum atrox committitur, gladius contra gladium extenditur, & pugio contra pugionem vibratur. Tandem Bernenſes igne ſubmiſſo illos, qui latebant in Monasterio, necaverunt incendio, & quos in ambitu invenerunt, gladio peremerunt. Ceciderunt in eo conſpectu ex parte hoſtium plus quàm octingenti viri, Comites, Barones, milites, Nobiles & Ignobiles, qui vel incendio, vel Bernenſium gladio perierunt. Strage peractâ Bernenſes cum præda redierunt in ſua, metuentes, quòd reliqui hoſtium in circuitu Regionis diffuſi ſupervenire potuiſſent cum multitudine, vindicaturi necem ſociorum, poſteaquam geſtæ rei nuntium percepiffent. ſicuti factum fuiſſet, ſi manſiſſent.

Comes autem de Cuſſip cum magno Exercitu jacebat in Monasterio S. Urbani, & erat diffuſa multitudo Exercitus hoſtilis in Langenthal, & in omnibus finibus ejus. Cùm audiſſent Anglicani ſociorum apud Fravvenbrunn, lamentabilem interitum, irâ ſimul & timore commoti ſunt, & Nuncijs miſſis ad ſocios, omnes in unum convenerunt, habitoque communi conſilio diſcedere à finibus illis, & in ſua redire ſtatuērunt. Per Sabaudiam igitur & Burgundiam dilapſi multa mala fecerunt Incolis terrarum ubique, & anno tandem ſequenti diſcedentes ad nihilum ſunt redacti, quoniam plus quàm ſexaginta eorum millia ſucceſſivè fuerunt occiſa.

Inter Archi-  
epiſcopum  
& Cives  
Colonienſ.  
magna diſ-  
ſenſio.

MCCC LXXV.

Anno Wignandi Abbatis decimoſexto, Indictione Romanorum xiii. magna diſſenſio inter Fridericum Archiepiſcopum, & Cives Colonienſes fuit

fuit exorta, quæ & diu cum utriusque partis incommodo duravit, & raptoribus malefaciendi magnam occasionem dedit. Multi Principes cum Friderico Archiepiscopo sentientes, ubi Colonienses extra Civitatem nihil habentes lædere non poterant, eis confœderatos & amicos rapinis, incendijs & multis incommodis sæpius afficiebant. Nusquam Civibus tutus patebat egressus, Adversarijs omnes exitus viarum per terram simul & Rhenum ex omni parte die noctuque observantibus.

Eodem anno in quarta Feria Pentecostes, Civibus cum Clero oppidi Thuricensis apud Helvetios cum Reliquijs Sanctorum Processionem per oppidum agentibus, cecidit pons, & homines octo confestim oppressit in mortem, præter multos alios, quos graviter quassando læsit, & enormiter vulneravit.

Pons apud  
Thuregium  
subitò ceci-  
dit.

Anno prænotato societas Anglicana, de qua præterito anno plura diximus, quæ pro Comite de Cussin Alsatiæ simul & Helvetiæ contra Ducem Austriæ per menses fermè tres miserabiliter devastaverat, posteaquam socijs in diversis locis pluribus amissis paulatim cepisset deficere, & villis penè omnibus incensis atque destructis, unde viveret non haberet, ex memoratis Regionibus subitò discessit, incommodis patriæ sine numero illatis. Magnus fuit iste, & plurium quàm centum millium pugnatorum Exercitus, præter alios penè infinitos nebulones, qui multitudinem inermes sequebantur. Et primò quidem Helvetiæ deferentes Burgundiam intraverunt, ac deinde Galliam, ubique crudelitatis suæ facta relinquentes. Per decennium namque Burgundiam Galliam, & circumjacentia loca pervagantes, villas, & vicos penè omnes incendio consumpserunt, & spoliantes homines vitâ simul & bonis, multa mortalium millia crudeliter occiderunt, Deo Burgundionibus reddente vindictam, qui Latrones illos de Britannia venientes transire permiserunt.

Latronum  
Anglicanæ  
societatis  
facta ab in-  
vicem di-  
scessio.

Claruit his temporibus apud Treviros Joannes de Livania, patria Mosellanus, ex villa haud procul à Tritermio, quæ Liven theutonice nuncupatur, Canonicus Ecclesiæ S. Simeonis, vir in scripturis tam divinis quàm sæcularibus eruditionis magnæ, Rhetor suo tempore facundus, Poeta & Astronomus nulli suâ tempestate secundus, ingenio promptus & disertus eloquio, qui scripsit inter alia contra somniatas Prophetias Joannis de Rupe scissa, Ord. Minorum libros, metro simul & prosâ; contra vanitatem quoque Alchymistarum libros tres, pulchrâ venustate decoratos; contra indoctos Astronomos libb. 2. Pro defensione Facultatis Astronomicæ. libb. 4. Introductorium Astronomiæ pro eam discere volentibus lib. unum. De Nativitatibus quoque judicandis lib. 1. Cætera quæ composuit, ad notitiam lectionis nostræ non venerunt.

Joannes  
Livenfis  
Mosellanus  
plura scri-  
psit,

Petrus quoque de Novimagio villa Mosellana Trevirensis Diocesis, quæ tribus fermè à Treveri Civitate in descensu Mosellæ fluminis ad dextram distat milliariis, Ord. FF. Beatissimæ Mariæ semper Virginis de Monte Carmeli Conventus Trevirensis, vir in divinis scripturis doctissimus, qui multo tempore Coloniæ legendo, scribendo, & docendo suis utiliter præfuit, his temporibus apud Mosellanos meos magno in pretio fuit. Scripsit super libros sent. libb. 4. In Epistolas Pauli ad Roman. lib. 1, De Censibus & Decimis Laicorum lib. 1. De Contractibus & usuris libb. 2.

Petrus Mo-  
sellanus  
Ord. Mino-  
rum multa  
composuit.

Sermones multos de Tempore, & ſanctis. Alia inſuper plura lucubrâſſe dicitur, quæ ad notitiam meam non venerunt.

MCCCLXXVI.

Eckardus  
de Ders, ſit  
Worma-  
tientiſium  
Epiſcopus.

Anno Wignandi Abbatis xviii. mortuus eſt Joannes Epiſcopus Wormatiensis Ord. FF. ſancti Dominici, apud Confluentias in ſuo Conventu, ubi Ordinem primò intraverat, cum honore ſepultus. Poſtquam Eckardus de Ders Majoris Eccleſiæ Canonicus in Epiſcopatum ſublimatus præfuit annis xxix. Vir in omni varietate ſcripturarum non minus doctus, quàm ſine intermiſſione ſtudioſus, vitâ & converſatione Chriſto devotus; quippe qui cœleſtis Regni amore temporalia ſuis commiſit Vicarijs, ſpiritualia verò per ſemetipſum, ut verus Paſtor Ovium ſtudioſiſſimè diſpenſavit. Unde contra morem plurium Epiſcoporum ſui temporis, ut omnis macula ſimoniacæ pravitatſ vitaretur, Ordines & Conſecrationes per ſe omnes in propria perſona gratis & purè propter Deum celebrare conſuevit. Extra Templum rarò videbatur in publico, ſed quantum cauſæ permittebant Eccleſiæ, in ſuo reſedebat Palatio apud Laudenburgum Oppidum, orationibus & lectionibus ſemper intendens ſcripturarum.

Tuitienſe  
oppidum à  
Colonien-  
ſibus de-  
ſtruitur.

Eodem anno Cives Oppidi Tuitienſis cum Friderico Archiepiſcopo ſentientes Colonienſium ſe hoſtes declaraverunt. Unde Cives Colonienſes animis commoti, die quodam Rheno tranſmiſſo in multitudine armatorum Tuitium incendunt, & pariter Monasterium S. Hereberti, quod noſtri eſt Ordinis, funditus deſtruxerunt, muris & ſoſſatis in circuitu omnibus dejectis: Eccleſiam tamen Parochialem illâ vice intactam reliquerunt. Archiepiſcopus ergo Fridericus Amicorum calamitate perſeſſus, & magno ſuorum adunato exercitu, nec minus militari manu ſtipendio conductâ, Civitatem Colonienſem xxvii. die menſis Julij anno præſcripto expugnaturus obſedit. Verùm poſteaquam videret eam viribus eſſe ſuis inexpugnabilem, ſolutâ poſt dies paucos obſidione ad Bunnam oppidum reverſus eſt. Deinde circa Feſtum S. Laurentij Martyris, Colonienſes denuo armati urbem egreſſi, Rhenoque iterum tranſmiſſo Monasterium Tuitienſe una cum Eccleſia Parochiali ſubmiſſo igne incenderunt, ac funditus deſtruxerunt, metuentes, quòd Archiepiſcopus ſua in eis præſidia collocaret ad expugnandam Civitatem. Nihil penitus integrum reliquerunt, ſed omnia funditus demoliti ſunt, quamvis non ſine magnis impenſis Monasterium poſtea reædificare coacti fuerint. Abbas cum Monachis in partem Archiepiſcopi conſentientes cum rebus ſuis ad loca ſe tutiora tempeſtivè contulerant, urbanorum innatam ſævitiâ metuentes. Hæc temeritate Colonienſium, multi Principes Regni commoti, & ad indignationem provocati, Dei & Sanctorum ejus iuriâ vindicare unanimiter ſtatuentes arma in eos movere decreverunt. Inter quos iſti fuerunt potiores: Carolus Imperator IV. Cuno Archiepiſcopus Trevirorum, item Padelbornenſis, Albertus Dux Auſtriæ, Wenceslaus Dux Luſenburghi, & Brabantiæ, Comes de Zegenheim, Comes de Regali oppido Aquenſi cum octingentis ferme Comitibus, Baronibus, Nobilibuſque, & alijs multis, quorum nomina conſultò tranſimus. Et nihilominus in vindictâ commiſſæ temeritatis Fridericus memoratus Archiepiſcopus Civitatem Eccleſiaſtico ſuppoſuit Interdicto: ipſoſque incendiarios Monasterij Tuitienſis

Multi Prin-  
ci es ad  
verſus Co-  
lonienſes  
conſpirant.



tienſis omnes Anathematis vinculo innodavit. Per annos igitur octo continuos Colonienses Interdicto & Excommunicatione puniti ſunt.

Anno etiam prænotato Gregorius Papa XI. Curiam ſuam Pontificalem Avinione Romam tali occasione revocare maturavit. Erat cum eo in Avinione quidam Episcopus, diutius forſitan abſens ab Eccleſia ſua, Curiam ſecutus, neſcio quam ob cauſam, ad quem Papa die quãdam inter alia quaſi jocando dixit: *Domine Episcope, quare vos tam diu ab Eccleſia veſtra ſubtrahitis, Oves ſine Paſtore periculo exponentes?* Cui ille reſpondit: *Beatissime Pater, cur ſanctitas veſtra, qua cunctis Paſtoribus cum ſit prælata, teneatur que nobis omnibus dare ſollicitudinis exemplum, Eccleſiam ſuam tanto tempore deſerit Romanam?* In cujus reſponſione Papa conſuſus obticuit, & Romam transferre curiam ſollicitus cogitavit. A tempore namque Clementis Papæ V. ut ſupra diximus, per annos ferme 70. Sedes Apoſtolica in Avenione translata permanſit. Unde Italia cladibus & inteſtinis bellis penè fuit interea conſumpta, & Roma infinitis malis oppreſſa jacuit deſolata.

Gregorius  
Papa XI.  
Romam ab  
Avenione  
revertitur.

Papa itaque Gregorius animi ſui occultans conſilium, ne forſan à Gallis remoraretur invitus, ordinatis per Rhodanum navibus quaſi ſpatiaturus in mare deſcendit, & paucis quò tenderet ſcientibus Genuam pervenit. Unde ſolvens ad Cornetum cum perveniſſet, mari dimiſſo iter aſſumpſit per terram: tertiadecimã menſis Januarij die ſequenti Romam intravit, quem Romani Cives & Clerus cum ingenti ſulcepere lætitia, cunctis Patriæ Patrem, inſtauratorẽque urbis collapſæ adventaſſe conclamantibus.

#### MCCC LXXVII.

Anno Wignandi Abbatis xviii. Indictione Romanorum xv. Gregorius Papa xi. miſſis à Roma in Germaniam Legatis & Nuntijs gravibus, decimam partem omnium fructuum & Proventuum à Monachis & Clero duriffimã exactione poſtulavit, mandans & præcipiens omnibus & ſingulis Eccleſiarum Pontificibus ſub magnis pænis atque Cenſuris, ut impoſitam Contributionem in ſuis Dioceſibus exigerent à Monachis & à Clero, eamque deputatis ſive deputandis Collectoribus aſſignarent. Ad cujus mandatum Episcopus Conſtantiensis graves mox in Clerum Cenſuras pro huiusmodi Contributione fulminavit, & ut ſolverentur, quantocius præcepit. Contra cujus fulmina Clerus in Dominio Comitum Wirtenbergenſium exiſtens in unum convenit, conſilium habuit, & Appellatione ad melius informandum Romanum Pontificem interpoſitã, quòd ſolvere poſtulatam fructuum Eccleſiaſticorum decimam nec poſſet, nec deberet, rationaliter allegavit. Quorum exemplo cæteri per totam Germaniam animati, omneſe unanimiter Papæ cœptis oppoſuerunt, paucis forſitan demptis, quos cauſa movebat in contrarium, qui magnam in ſuis locis turbationem pluribus ſuſcitârunt. Videns autem Legatus Apoſtolicus tantam in Clero turbationem, & metuens deteriora, cum plerique jam excommunicati divina nihilominus celebrarent, mandata Pontificum contemnentes, mitigavit Cenſuram: & accepto quod à voluntarijs offerebatur ſponte, tandem in Italiam reverſus eſt.

Papa decimam fructuum Eccleſiaſticorum habere vult.

Eodem anno mortuus eſt Wilhelmus Comes Hannoniæ, Hollandiæ, Seelandiæ, Friſiæque Dominus, Comes quoque Palatinus Rheni, & Bavarie Dux; Filius quondam Ludovici Imperatoris quarti, demens, & in

Wilhelmus  
Hollandiæ  
Comes moritur inſanus,

Albertus  
Bavariæ  
Dux fit Co-  
mes post  
Fratrem in  
Hollandia.

carcere captivus, quemadmodum supradictum est, anno Wichardi Abbatis quarto, sine liberis, anno vesaniæ & captivitatis suæ quasi vicesimo. Duplex calamitatis & vesaniæ hujus Principis eo tempore jactabatur opinio: aliqui nempe dicebant, cum veneno hausto incurrisse vesaniam: alij verò quòd Matri fuisset injuriosus, & populo tyrannus, divinâ iussurabant ultione punitum. Et forsitan utrumque potuit esse verum; manifestum est enim, quia Matrem malè tractavit, & populo se tyrannum nimis crudelem exhibuit: sicuti anno Wichardi primi Abbatis decimo jam dudum in præcedentibus nos per plura consignasse meminimus. Wilhelmo in vinculis mortuo sine liberis, Albertus Frater ejus in dominio ejus Jure hæreditario successit de consensu Fratrum suorum, & annis ferme septem & quadraginta in omni mansuetudine gentem suam gubernavit: quorum eo tempore viginti præterierant, quibus Fratre vesano in vinculis detento præfuerat Comitatus ejus; reliquos verò 27. post mortem Germani solus & liber ejus obtinuit Principatum, fuitque ex ordine primus & vicesimus Hollandiæ Comes: & habuit uxorem Margaretham nomine, Filiam Ducis Brigenfis: de qua genuit Wilhemum sibi postea in Principatu successorem: Joannem quoque Leodiensem Episcopum: & Catharinam Wilhelmi secundi Ducis Juliacenfis postea uxorem: de quibus & anno Christianorum MCCCLVII. plura diximus, & alia postea dicemus.

InterComi-  
tes de Wir-  
tenberg &  
Cives de  
Rutlingen  
fit atrox  
bellum.

Anno etiam præscripto factum est prælium magnum & atrox in Suevia juxta Rütlingen oppidum, inter Comites de Wirtenberg, & Cives oppidi jam memorati, & socios Partium plurimos. Imprimis igitur Comites magno suorum exercitu congregato, memoratum oppidum obsidione cinxerunt. Cives contractâ manu sociorum satis in oppido videbantur esse muniti, nec hostium ferocitatem magni faciebant. Quâdam igitur nocte pedites 500. oppidum clanculò exeuntes Urach & Tettingen versus iter direxerunt, pecora & omnia quæ poterant invenire sibi in prædam abducentes, cuncta in circuitu igne & ferro sine commiseratione crudeliter devastantes, onustique mox prædâ per aliam viam secretius ad oppidum revertebantur. Quod ubi Comes Junior de Wirtenberg intellexisset, assumptis secum de Exercitu peditibus & equitibus multis obviam venire hostibus tentavit, sperans se indubitanter & illos posse occidere, & prædam omnino liberare. Sed aliter se res obtulit; Cives namque per oppositam urbis portam, quæ semper etiam pacis tempore consuevit esse clausa, silenter exeuntes, Comitem cum suis nihil tale suspicantem ab omni parte in modum coronæ subitò circumdant, & stupidos veluti pecora muta invadunt, percutiunt, vulnerant, & occidunt, nulli omnino parcentes, nisi fugientibus. Ceciderunt in eo conflictu ex parte Comitum de Wirtenberg, quorum nomina tenemus Nobilium ordine subscripti: Fridericus de Zolra Comes, Udalricus de Tubingen Comes, Joannes de Schvvarzenburg Comes, Godfridus Schederer Eques Auratus Magister militum belli vir strenuus, Schvvigherus de Gundelfingen Baro, Reinhardus de Nyperg miles, Bernardus de Sachsenheim miles, Fridericus quoque filius ejus, Bendo miles Francus, Wolffgangus de Stamhem Magister Curiae Comitum Wirtenbergensium, Burchardus, & alius Burchardus Sturmfeder miles, Benzo de Hochenstein, Joannes de Rodenberg, Georgius

Comitum,  
Baronum,  
& Nobiliū  
nomina oc-  
cisorum in  
prælio.

Georgius de Lufchnovve, Sifridus Waller, Henricus Waller, Cuno Truckfals de Bifchisheiffen, Albertus de Killer, Eberhardus de Stöffel, Bolandus de Stöffel, Eberhardus de Sternenfelß Advocatus in Zabergaue, Henricus de Liechtneck, Joannes de Sperberfeck, Andreas de Gyßlingen, Udalricus de Liechtneck, Diepoldus de Nydlingen, Conradus de Stammen, Wolfgangus de Pfaffenhoffen, Conradus de Schloßberg, Wolfgangus de Jungen, Waltherus Spâr, Henricus Mager, Sifridus de Saxenheim, Mutacus de Hirftad, Sifridus de Erbach Francus, Cuno de Heidickheim Francus, Rabanus de Liechtenstein Francus, Wolfgangus de Wernhoffen, Wilkinus de Krucken, Joannes alter de Grumbach Francus, Joannes de Wijnshheim Francus, Wilhelmus de Kreilsheim Francus, Conradus de Lympach Francus, Henricus de Bonstein, Nicolaus de Rinfeld, Andreas Zobel Francus, Rupertus de Gebfâtel, Joannes Riedesfel, Thomas Wolfskel, & alij ex Nobilibus multi in eodem cruento prælio ceciderunt, quorum nomina invenire nequivimus.

Verùm ut monumentis edocemur veterum, summa Comitum, Baronum, atque Nobilium, qui ferebantur in eo bello ex parte Comitum Wirtenbergensium à Civibus Regni occisi, fuit quinque & octoginta virorum. Aliorum verò tam Equitum, quàm peditum similiter occisorum, incertus & ingens fuit numerus, quorum nomina soli Deo sunt manifesta. Hos omnes interemptos armis suis Cives Regni spoliaverunt, & vix tandem, precibus evicti permiserunt, ut eorum corpora eminus deportata sepelirent in uno quodam loco.

Nobilium  
occisorum  
numerus.  
LXXXV.

Comes autem de Wirtemberg memoratus Junior Dux belli graviter vulneratus quibusdam cum alijs cadentium vix manus effugit, & se ad Castrum Achalm nuncupatum, ad cujus pedem montis oppidum Rüttlingen est situm, recepit. Sicque obsidione solutâ necessariò reliqui non sine jactura in sua redierunt, quos Regni Cives infecuti omnia igne, ferroque demoliri pro viribus conati sunt.

Comes igitur ex adverso furorem Civium reprimere cupiens, denuo instruxit acies juxta villam, quæ Toffingen appellatur, non longè ab oppido Weil, existimans hostes, ut erant, jam labore simul & furore defatigatos se faciliè superaturum. Aciebus itaque ordinatis, Comes cum suis in hostes (nihil tale metuentes) repente irruit, & plures eorum numero crudeliter occidens viriliter triumphavit. Veruntamen Udalricum Filium suum telo percussum in eo conflictu Comes Eberhardus senior amisit, ut infra anno Godfridi viii. dicetur.

Bellum in-  
stauratur.

Anno Dominicæ Nativitatis prænotato insignis structuræ Ecclesia illa Parochialis in oppido Sueviæ Regali Ulmensi, præactis ex more fundamentis, cum turri mirabilis artificij capite ædificari, & cum tempore in eam, quæ hodie cernitur, formam deducta est. Fundamentum verò turris Artificum negligentia malè prælocatum, nostris temporibus ædificij totius minabatur ruinam; quod unius hominis industriâ mirabili cognovimus confirmatum.

Ulmenfis  
Ecclesia  
Parochialis  
construi-  
tur.

MCCCLXXVIII.

Wignandi Abbatis anno nonodecimo, Indictione Romanorum primâ, hyems fuit asperrima, & satis prolixa, unde frigore læsæ vites in  
sequentem



Gregorius  
Papa undecimus  
obiit.

sequentem annum vini penuriam causaverunt, ubique terrarum. Hinc fames quóque secuta Mortales magnâ incommoditate graviter afflixit.

Urbanus fit  
Papa VI.  
annis XII.

Eodem anno vicesimo octavo die Mensis Martij, Romæ Gregorius Papa undecimus vesicæ dolore moritur, & in Ecclesia sanctæ Mariæ Novæ tumulatur. Post cujus mortem Cardinales inter se gravissimè dissidentes perniciosissimum in Ecclesia Dei schisma suscitaverunt. Nam Itali Patres Pontificem habere volebant Italicum, & Galli similiter Gallicum. Clerus denique & populus Romanus cum nobilibus instabant precibus armatis, postulantes, quatenus Italiâ natum patres Pontificem eligerent; timebant enim, si Gallum essent habituri Pontificem, quòd Curia denuo in Galliam revocaretur in grave urbis Romæ ac Italiæ totius dispendium, sicut per annos jam plures fuerat factum. Erat inter Cardinales Italicos Bartholomæus Barenfis Episcopus, vir callidus & astutus, quem utriusque partis Cardinales tandem in Pontificem elegerunt, vel ut scribunt nonnulli, propter vim Romanorum simulaverunt electum, ut eâ simulatione de conclavi & Romanorum importunitate liberati pro electione veri Pontificis ad locum se postea transferrent tutiorem. Barenfis autem mox seu nominatus, sive electus Pontificem se gessit, & Urbani nomen sexti assumpsit, cui Cardinales Itali, ut vero & legitimo Pontifici suo adhæserunt, cunctis per orbem scribentes Pontificibus atque Principibus, Urbanum Papam institutum. Quod videntes Gallici Cardinales, & serò intelligentes, se consilio ipsius Barenfis esse deceptos, ad urbem Anagninam post menses aliquot secedere statuerunt. Quos Urbanus multis verbis & promissis à proposito revocare conatus persuadere non potuit. Verùm Cardinales, qui prius pro ejus voluntate omnia fecerant, urbem exeuntes, Fundis civitate conveniunt, ubi à Joanna Neapolitana Reginaturo & favorabiliter suscepti, multa in Urbanum Pontificem fulminavere contraria; dicentes eum non esse Canonicè electum vel institutum. Erant autem eorum Cardinales octo numero, qui memoratâ favente Regina Gebenensem Episcopum Cardinalem contra Urbanum in Antipapam elegerunt, quem Clementem VII. nominantes magna cum pompa coronarunt. Seditque deinceps in sua obedientia annis fermè quindecim, quem Gallia, Hispania, Catalonia & Britannia cum interjacentibus locis, pro vero Christi Vicario habuerunt. Porro Germani, Ungari & Itali cum Urbano ut vero Pontifice fideliter senserunt. Duravit hoc maximum & perniciosissimum schisma in Ecclesia Dei annis novem atque triginta usque ad Constantiense magnum & universale Concilium, in quo tribus qui se pro Romanis Pontificibus gerebant abrogatis, Martinus V. fuit electus, ut inferius suo loco adjuvante Domino nostro JESU Christo plenius dicetur. Urbanus Romæ, Clements autem in Gallia cum suis ut Pontifex residebat.

Clemens  
septimus  
Antipapa  
contra Ur-  
banum eli-  
gitur.

Henricus  
Comes in  
Spanheim  
peregrina-  
tur.

Anno quoque prænotato turris Ecclesiæ Monasterij S. Martini in Colonia nostri ordinis incendio periit, & multæ in circuitu domus igne fuerunt consumptæ: remanserunt autem muri turris sine tecto per annos ferme centum & sedecim inopiâ loci restaurationem ejus non permittente, quousque tandem Evvaldus de Bacherach institor, & civis Colonien-sis jam moriturus in suo testamento tria florenorum millia ipsi Monasterio legaret, quibus & reformatum est tectum, & proventus quidam vinarij pro

pro fratrum usu in pago cismosellano comparati. In cuius beneficij memoriam quotidie missa de nostra Domina solemniter per Monachos cantatur.

Eodem anno Henricus in Spanheim Comes, filius Walrammi senioris Comitis ad visitandum sepulchrum Domini ultra mare profectus est, habens in suo comitatu fratrem Crafftonis Abbatis Spanheimensis nomine Wolfgangum militem, & V Vernherum de Dilla Monachum memorati Coenobij pro Capellano, qui reversus plures lapidum & petrarum petias de locis à Domino sanctificatis comportavit. In reversione cum navigando vix medium iter maris peregrissent, inciderunt piratas, quorum impetum armis refringentes, & plures occiderunt, & reliquos timore percussos in fugam converterunt, Christo suos juvante peregrinos.

Henricus Comes in Spanheim peregrinatur.

Anno etiam præscripto in vigilia S. Andreae Apostoli mortuus est Carolus Imperator Romanorum quartus, Pragæ in Ecclesia sancti VVenceslai sepultus, qui anno V Vignandi Abbatis undecimo, ut supra diximus, promissis & donationibus multis Principum animos comparaverat, ut V Venceslaum filium Regem Bohemiæ quintum decimum ætatis annum tunc agentem, in Germaniæ Regem futurumque Imperatorem Romanorum assumerent. Regnavit autem V Venceslaus cum patre annis 8, post mortem verò patris regnavit solus annis duobus & viginti, homo ineptus ad regnum, voluptatibus nimium deditus, & frequenter plus temulentus, quàm sobrius. Unde factum est, quòd ad coronam imperij pervenire non potuit, & tandem per principes à Regno Germaniæ depositus fuit.

Carolus Imperator IV. mortuus Pragæ sepultus.

Item anno præsignato varij tumultus fuerunt in quibusdam civitatibus Regni VVormatiæ, Spiræ, Argentinæ, & Coloniae, minoribus plebis contra rectores se temere in rebellionem erigentibus, non sine clade multorum, & in republica grave dispendium. Quibus similia plures Regni civitates aliae passæ sunt.

#### MCCCLXXIX.

Anno Abbatis VVignandi vicesimo, Indictione Romanorum secundâ, V Venceslaus Romanorum Rex filius Caroli Imperatoris IV, cum Principibus Regni & Apostolicæ Sedis Legato venit ad Coloniam, & à civibus quanquam interdictis cum honore magno susceptus fuit. Multa consuluit, multa in medium proposuit, summoque studio, ut reformaretur inter ipsos & Archiepiscopum concordia, inaniter diu laboravit. Concordiam Archiepiscopus admittere nullam voluit, nisi prius Colonienses Monasterium Tuitiense Deo & S. Heriberto, quod impiâ crudelitate, ut paulo antea diximus, succenderant, in integrum restituerent. Quod licet tunc quidem facere omnino recusarent, postea tamen subire coacti sunt, priusquam à censuris & interdicto penitus absolverentur.

Rex Venceslaus venit Coloniam.

Histemporibus Venetiarum gens non minus inquieta, quàm superba, quæ nobilitatis parum, temeritatis verò plurimum semper habuisse dignoscitur, ab origine vendipiscatores, teste Gordonio scriptore, postea mercatores, sibi temere Platonis imperium usurpantes, novum & aureum instituere sigillum, in quo se dominos maris scribere præsumserunt, ipsumque mare ab illo tempore deinceps usque in præsentem diem quotannis annulo desponsare aureo in undas projecto minimè verèeundantes, ut nostro ævo inferius latius edicemus.

Venetorum superbia in sigillo novo se dominos maris scribentium.

M m

Contra

Ludovicus  
Rex Ungar-  
iæ super-  
bos Vene-  
tos humi-  
liavit.

Contra hanc insulforum hominum temeritatem multi Principes Regni simul & imperij civitatum auxilio adjuti surrexerunt, quorum capitaneus Rex Ungariæ Ludovicus, Papâ mandante Urbano VI. bellum præsumptoribus novorum Venetis indixit, validum contra illos induxit Germanorum, & Ungarorum exercitum, multâque illos clade affecit, & sigilli vanitatem deposuit. Facta sunt hæc imperio Papæ Urbani simul & Wenceslai Regis anno prænotato.

Eodem anno mortuus est sine liberis Otto Brandenburgensium Marchio filius Ludovici quondam Imperatoris IV. per quem Marchia ipsa Brandenburgensis in jus pervenit Ducum Baviaræ, quam Bohemiæ Rex postea Imperator Sigismundus Wenceslai Regis frater comparavit à Bavaris pro ducentis florenorum millibus, & postea Friderico Nürenbergensi Burggravio assignavit; quemadmodum anno Wignandi Abbatis quarto dictum est, ubi Carolum patrem Sigismundi emptorem ejus veraciter extitisse diximus; Sigismundus autem non emptor, sed venditor potius Marchionatus extitit.

#### MCCCLXXX.

Cives Re-  
gni contra  
Principes  
quosdam se  
mutuo col-  
ligarunt.

Anno Wignandi Abbatis primo atque vicesimo inchoato sive currente, Indictione Romanorum tertiâ, cives Regni Germanici penè omnes circa Rhenum, in Suevia quoque, & in Francia orientali caput sequentes Pilgrinum Salzburgensium Archiepiscopum, & quosdam alios Pontifices, contracto inter se fœdere, quod nostrates hodie Ligam sive Bunt, nuncupant, validum de consensu Regis Wenceslai conduxerunt exercitum contra Baviaræ Duces, & quosdam alios Regni Principes, quos sibi molestos senserant atque contrarios; octo namque millium pugnatorum manum validam brevi adunantes igne & ferro hostibus suis multa intulere dispendia, Regnumque à latronibus, & violentis raptoribus aliquandiu purgatum reddiderunt.

Canes affe-  
ctum subie-  
runt Lupo-  
rum.

Deinde post annos ferme quinque cùm naturam luporum cæpissent induere canes, & qui latrones debuerant persequi, didicissent imitari, in unum conspirantes multi Principes magnum armatorum produxerunt exercitum, & confœderatis civibus bellum indixerunt. Quibus multa intulere damna, ipsamque Ligam penitus in nihilum redegerunt. Archiepiscopus quoque Salzburgensium Pilgrinus Treugarum tempore captus fuit: Castrum Hohenfolms à civibus caprum & igne submissò funditus destructum: multæ quoque munitiones nobilium, latronum, raptorum atque prædonum per cives regni tunc funditus destructæ sunt. Felix quidem & satis fortunatum confœderationis suæ habuerunt exordium, & omnibus in circuitu raptoribus magnum inculsêretimorem; verùm postquam & eorum milites conducticij legem æquitatis violare cæpissent, occultasque primùm, & exinde manifestas etiam de pauperibus exercere rapinas, & ipsi Principum cives atque subjectos in rebellionem sollicitare dominorum, confœderatio eorum diutius permanere non potuit, sed potentiâ Principum citius dissipata fuit. Sunt qui scribant, Wenceslaum Regem occultum hujus Ligæ civium fuisse auctorem, utpote qui potestatem Theutonicorum Principum semper habuerit suspectam, quam tali modo speraverit infirmendam. Hanc opinionem de Rege memorato haud mediocriter confirmavit civium Herbipolensium inveterata rebellio; quibus



quibus ipse Wenceslaus contra Episcopum verum & immediatum eorum dominum auxilia promisit, ut suo plenius loco prosequemur.

Eodem anno Joannes quidam Montefanus Ordinis Fratrum S. Domini, Theologus Parisiensis verbum de Immaculata Dei Genitrice Maria faciens ad populum, ubi sermo de ejus incidisset purissima Conceptione, more suorum inter alia dixit: *Eam in originali peccato fuisse conceptam, quemadmodum nos ceteri concipimur omnes.* Verum postquam hic sermo Parisiorum scholæ innotuit, Prædicator ad pulpitem, ubi concionatus fuerat, redire compellitur, & quod malè contra Immaculatam Dei Genitricis conceptionem prædicaverat, revocare.

Anno quoque prænotato Ludovicus Comes Flandriæ ultimus, posteaquam exactionem pecuniarum Flandrensibus indixisset gravissimam, non relicto virili semine moritur. Post cujus mortem Philippus Dux Burgundiæ, qui unicam filiam ejus habebat uxorem, in comitatu Flandrensium successit. Post Philippum filius ejus Carolus, quem Suitenses occiderunt in bello Nansenti: post Carolum gener ejus Maximilianus postea Rex Germanorum Comitatum Flandriæ cum Maria filia obtinuit: post Maximilianum filius ejus Philippus Archidux Austriæ, postea Rex Castellæ: post Philippum filius ejus Carolus Dux Brabantiae hodie & Comes Flandriæ. His ferme temporibus Carolus Rex Gallorum quintus cum Duce Britannorum Joanne prælia multa constituit, qui inter plures rex Germania conductos habuit Ducem de Brunsvich nomine Ottonem, virum strenuum & bellicosum. Hic plusquam triennio in Britannia fuerat captivus, anno tandem prænotato, in Avenionem ducitur, inde liber emissus venit in Apuliam, & Carolo Rege Apulorum absente adjutus Neapolitanis amicis Neapolim violenter obtinuit, sed non diu supervixit.

Anno item memorato Carolus Gallorum Rex V. moritur, & apud S. Dionysium sepelitur, filios relinquens duos, Carolum & Ludovicum ad huc in minore ætate constitutos, quos tutelæ Philippi Ducis Burgundiæ, & Ludovici Borboniensis educandos committit: Regni autem generalem moderatorem constituit Andegaviæ Ducem Ludovicum, quousque Carolus, cui Regnum, ut Primogenito debebatur, annum ætatis XIV. altissimo inspirante attingeret.

Iste Carolus Rex Gallorum VI. postea cum adolevisset, uxorem duxit Isabellam Ducis Baviaræ filiam, quæ peperit ei Carolum Regem VII. Post mortem verò mariti mansit vidua, per quam Ludovicus Baviaræ Dux ejus frater postea in auro & XII. Apostolorum cum Salvatoris argenteis imaginibus dives & cæteris Progenitoribus magis abundans & notior factus est. Ista duodecim Apostolorum simul & Salvatoris imagines per Ducem Ludovicum ex Gallia cum divitijs alijs multis in Bavariam allatas ipse quam diu vixit, in humanis thesauri loco possedit, & rebus deinceps melius consulens domesticis, nomen Divitis brevi, qui pauper erat prius, acquisivit. Huic Ludovicus in Ducatu Baviaræ filius jure successit, qui & cum divitijs & imaginibus patris, nomen simul Divitis habuit. Post quem Georgius nomine filius ejus Ducatum Baviaræ cum divitijs memoratis obtinuit, qui nostris diebus sine virili semine decessit; reliquit autem filiam unicam, quam Rupertus ex sorore Nepos (indulgenti Roma-

Prædicator  
Conceptionis Maria-  
næ purita-  
tem impu-  
gnans com-  
pellitur re-  
vocare.

Comitatus  
Flandriæ  
ad Duces  
Burgundiæ  
pervenit.

Otto Brun-  
swicen-  
sium Dux  
in Brittan-  
nia trien-  
nio captus  
est.

Carolus  
Gallorum  
Rex V. obiit  
& Carolus  
filius succe-  
dit.

Rupertus  
Palatinus  
Rheni Co-  
mes.

no Pont.) filius videlicet Philippi Comitſ Palatini, qui ſororem Georgij habuit, duxerat illo vivente uxorem. Mortuo autem Duce Georgio, cum inter generum ejus Ducem Rupertum jam dictum & Albertum Bavariz Ducem, qui morabatur in oppido Monacenſi, pro vacante Principatu bellum ageretur atrociffimum, omnis illa theſaurorum immenſa congeries cum Apoſtolorum imaginibus, brevi diſſipata fuit, ut in nonum hodie annum quò pervenerint, nemo ſit qui noverit.

Wignandus  
hujus Mo-  
naſterij  
Abbas  
xxxiv.  
moritur.

Anno Dominicæ Nativitatis prænotato xxvii. die menſis Octobris Wignandus hujus Monaſterij xxxiv. Abbatis ſenio pariter & morbo gravatus moritur, anno regiminis ſui xx. menſe x. die ſimiliter xx. cum devotione Fratrum in majore Cœnobio ſepultus. Reliquit Monaſterium in debitis multis tam per eum quàm per alios præcedentes Abbates contractis, & diſciplinam ſine regulari obſervantia, qualem & reperit.

Godfridus  
ſit Abbas  
annis ix.

**De Godfrido ejus nominis ſecundo, hujus Monaſterij Hirſaugienſis Abbate XXXV. qui præfuit annis ix. menſe i. diebus xv.**



Anno Dominicæ Nativitatis prænotato MCCCLXXX. Indictione Rom. tertiâ Wignando Abbate hujus Monaſterij Hirſaugienſis, xxvi. die menſis Octobris Catholicè mortuo atque ſepulto, ne grex Paſtoris ſolatio deſtitutus aliqua viduitatis Eccleſiæ deploraret incommoda, de novi mox electione Abbatis cæpit ſuorum, & non exterorum habere concilium. Circa principium igitur menſis Novembris vocatis abſentibus de præpoſitis & prioratibus Monachis, qui futuræ debuerant atque potuerant electioni de Jure vel conſuetudine intereſſe, & excluſis ſæcularibus cunctis, præmiſſisſque Orationibus cum invocatione S. Spiritus, per viam ſcrutinij ad novi Paſtoris institutionem proceſſerunt. Votis autem ſingulorum auditis, & in ſchedulam juxta morem conſignatis, major & ſanior pars Monachorum eligentium Godfridum ejus nominis ſecundum Abbatem hujus Monaſterij xxxv. elegit, cæteris in eum conſentientibus.

Godfridus itaque per Conventum electus, atque per Lambertum Spirenſem Episcopum in Abbatem confirmatus ex more, ſolemnitèrque benedictus, præfuit huic Monaſterio in magna ſolicitudine & malitia temporum, annis ix. menſe i. diebus xv. homo manſuetus pacificus, & amator quietis & pacis, qui Monaſterium in utròque ſtatu graviter callapſum reperit, quoniam nec regularis obſervantia in eo tunc vigit, nec illi rerum abundantia fuit.

Schiſma  
multipli-  
cavit vul-  
tutes in Ec-  
cleſia inſa-  
tiabiles.

Eo tempore ſchiſma Catholicam graviter perturbabat Eccleſiam, cum Urbanus VI. ut ſupra diximus, Germanis, Italique & Ungaris Romæ ſedem habens ſummum ſe præſtaret Pontificem: Clemens, quem ſui nuncupavère vii. in Avenione reſidens Gallos & Hiſpanos ſibi ut Papæ haberet obediētes. Hæc de Rom. Pontificatu altercatio majus Gallis, quàm alijs nationibus incommodum attulit, propterea quòd Clemens ſuis partibus cupiens adjungere viros, præter quinque priores, à quibus fuerat electus, viginti quinque de novo Cardinales aſſumpſiſſet, quorum nemo poterat ſatiare cupidinem.

Nam

Nam Cardinales xxx. Clementis causam secuti, cum essent more vulturum antiquorum insatiabiles, quosdam per Galliam exploratores constituerunt, qui Ecclesiarum præbendas ubique locorum inquirerent, quas possessorum morte vacantes mox sibi à Clemente dari, ut proximi postulabant. Unde & sententiam tulit idem Clemens ad instantiam suorum vulturum de beneficijs vacaturis, quam pro lege habitam gratiam, nominaverunt expectativam, per quam ad Ecclesias vacantes soli Pontifici dare introitum liceret. Unde lege seu constitutione soli Cardinales & potentes ad Ecclesias pinguiore promotebantur: decimæ quoque à Clero exigebantur per Clementem, & quoties majori alicui Ecclesiæ instituebatur Antistes, primi fructus anni, quos Romani vocant annatos, Pontifex suis usibus reservabat.

Annatorum super Episcopatibus principium.

Avaritia Cardinalium contrivit Galliam.

MCCCLXXXI.

Anno Godfridi Abbatis primo Lampertus de Buren ex Abbate Monasterij nostri Ord. in Gengenbach Argentinenſis Diœceſis Episcopus Spirensis, vir doctus prudens, & in multis expertus, auctoritate Urbani VI. Papæ simul & postulatione quorundam Canonicorum eligentium ad exemptam Ecclesiam Bambergensem translatus est, & ibi Pontifex institutus. Hic multa bona fecit Ecclesiæ Spirensi, & inter alia Confirmationem omnium Privilegiorum à Carolo Imperatore IV. precibus obtinuit sub bulla videlicet nova, quam à nomine concedentis vulgariter Carolinam Clerus nuncupat. Post Lamberti hujus translationem Adolphus de Nassau nobili & antiquo Comitum genere ortus, Spirensium Episcopus ordinatus præfuit annis xv. vir & ipse ingenij perspicacis & acuti, qui pro libertate Ecclesiastica nonnullas cum civibus suis contentiones habuit, quæ tamen non diu permanserunt, sed interpositione amicorum dissensio ad concordiam pacis revocata fuit.

Lambertus Episcopus Spirensis transfertur ad Bambergam.

Adolphus ex Comitibus de Nassau fit Episcopus Spirensis.

Eodem anno pestilentia magna Bohemiam graviter afflixit, cujus occasione Wenceslaus Rex de Regno Bohemorum cum Pileo Cardinali Urbani Papæ Legato venit Moguntiam: inde navigio per Rhenum descendit rursus ad Coloniam, & exinde ad Aquasgrani palatium Regni Teuthonicorum principale & antiquissimum, sedem suam ibidem posuit, diutiusque remansit. Tanta enim vis pestilentiae hac anno consumpsit Bohemiam, Austriam simul & Ungariam, ut media pars hominum vix in eis locis viva remanserit. In Pragensium namque Civitate mille centumque & sedecim uno die moriebantur.

Wenceslaus Rex Aquisgranum moratur.

Anno etiam prænotato gravissima inter Adolphum Archiepiscopum Moguntinum & Rupertum Comitem Palatinum Bavariaeque Ducem, apud Heidelberg morantem fuit exorta dissensio, quæ paulatim excreſcens publicas inter eos inimicitias fecit. Unde in alterutrum ferro & igne grassantes, subjectis sibi pauperibus incommoda & damna plurima inferentes, durus in durum certabat; Principum tandem vicinorum consilio res fuit composita, & pax reformata.

Hoc ipso anno Urbanus Papa VI. post fulmitas in Carolum Regem Apuliæ Censuras, cum parva comitiva Nuceriam pro quibusdam causis Ecclesiæ tractandis venit, quem Carolus obsidere in animo statuit. Quod Pontifex ubi rescisset, hominem quendam patriam Suevum, qui multo tempore in Italia fuerat bellantum Dux sive Capitaneus, rogat, quatenus

Urbanus Papa à facie Regis Apuliæ fugit ad Genuam.



armatâ manu Genuam ab eo duceretur. Consensit Alemannus, & copijs contractis ad Genuam Pontificem saluum incolumemque perduxit; fuerunt enim Genuenses in parte Urbani contra Gallos; cûmque ad litus haud procul à Genua pervenisset Pontifex, Cardinales sex, quos apud Nuceriam (eo quòd partibus faverent Clementis) habuerat captivos, saccis infutos singulos in mare jactari præcepit: qui confestim miserabiliter sunt submersi; quod factum multorum in eum odia concitans, ejus famam obfultatione perpetuâ maculavit. Genuam itaque cum salute perductus Pontifex, cûm aliud non haberet, quasdam auri pecias Capitano dedit pro mercede.

Ludovicus  
Ungaro-  
rum Rex  
moritur.

His temporibus Urbanus Papa Carolum quendam Regio genere Gallorum procreatum, in Ungaria tunc agentem, contra Regem Apuliæ in Italiam vocavit. Qui Pontificis acquiescens imperio, Ludovicique Regis Ungariæ copijs adjutus in Italiam venit: Regnum Apuliæ obtinuit: Joannam Reginam partes Clementis defendentem interfecit: & injurias Urbani Papæ satis crudeliter vindicavit. Interea verò temporis, quo Carolus memoratus contra Carolum Regem pro Papa Urbano bellum gessit in Apulia, Rex Ungariæ Ludovicus sine filio moritur, & gubernatio totius Regni penes uxorem ejus remansit. Quæ cûm per triennium post viri mortem regnâisset, ægrè ferentes tandem Ungari dominium fæminæ, de Rege instituendo caperunt habere consilium. Missis igitur in Apuliam, nuntijs Carolum supradictum Regem Neapolitanum evocârunt. Qui reversus in Ungariam anno Godfridi Abbatis quinto, communi Procerum & plebis assensu Regni coronam accepit: sed dolo Reginæ non diu postea fuit occisus.

#### MCCCLXXXII.

Andreas  
Comes Sa-  
baudix de-  
vastat Wal-  
lesiorum  
Provin-  
ciam.

Anno Godfridi Abbatis secundo indiétione Romanorum quintâ, Ludovicus Andegaviæ Dux, Caroli Gallorum Regis frater, cum quinquaginta quinque pugnatorum millibus in Italiam profectus scribitur, & biennio Regnum Apuliæ contra Carolum debellat, quod tamen obtinere non potuit. Et hoc ipso anno Ludovicus Ungariæ Rex, uti jam supra dictum est, moritur, cujus uxor Regina, ut diximus, Regnum Ungarorum per triennium gubernavit. His ferme temporibus inter Andream Sabaudix Comitem & Cives Wallefios contentiones & prælia facta sunt multa, non sine interitu plurimorum. Cujus discordiæ causâ memoratus exercitus Comitis in terram Wallefiorum diffusus igne simul & ferro devastat omnia, & postremò urbem Pontificiam Sedunensem auxilio Bernensium conjuratorum obsidione cinxit, & valenter obtinuit. In Flandria etiam his temporibus Rex Gallorum Carolus incursiones fecisse gravissimas memoratur, in perniciem certè non modicam plurimorum. Gandavum imprimis obsedit, cujus oppidani bis excursione factâ in pugna à Gallis victi sunt: tertio autem denuo egressi cum impetu Gallos superant, & fugere in Brugas oppidum compellunt: in conflictu Gallorum plus quàm septuaginta quinque millia ferebantur occisa. Facta sunt hæc in Sabbatho, quo Gandenses Sanguinem illum processionaliter circumferre solent, quem se habere de præputio Domini circumcisi (nescio unde) gloriantur.

#### MCCCLXXXIII.

MCCCLXXXIII.

Anno Godfridi Abbatis tertio, Indictione Romanorum sextâ, die mensis Julij vicesimâ sextâ moritur Joannes Comes de Spanheim sine liberis, qui frater erat Comitis Henrici, quem ante quinquennium superius ad terram sanctam fuisse profectum diximus. Nec diu postea etiam ipse Comes Henricus mortuus fuit, filios relinquens duos Simonem & Joannem, quibus etiam post aliquot annos vita defunctis, cum liberos non haberent superstites, Comitatus Spanheimensis partim ad Comites Palatinos, partim ad Marchiones Badenses devolutus est: sub quibus & permanet in præsentem diem.

Joannes  
Comes in  
Spanheim  
moritur,

Eodem quoque anno septimâ die mensis Decembris obiit Wenceslaus Brabantiæ & Luxemburgi Dux inclitus, frater quondam Caroli Imperatoris IV. cujus cadaver cum ingenti pompa in Cœnobio Abbatiali S. Mariæ semper Virginis nostri Ordinis prope oppidum ipsum Luxemburg in Trevirorum Diœcesi fuit sepultum, ubi quondam Comitum, & postea Ducum residentia frequens esse consuevit. Post cujus obitum Joanna uxor ejus vidua Joannis Brabantiæ Ducis quondam filia consilio & auxilio Arnoldi de Horn Leodiensis Episcopi (quem ipsa de sacro fonte levaverat) utriusque Ducatum Brabantiæ videlicet & Luxemburgi per annos ferme 22. satis viriliter & strenuè in omni parte gubernavit. Post quam Joannes Ducatum assumpsit, qui Lovaniense Gymnasium instituit.

Wences-  
laus Dux  
Brabantiæ  
& Luxen-  
burgi mo-  
ritur,

Anno item prænotato contigit apud Moguntiam, quod scribo execrabile factum. Erat ibi homo vilissimis haud dubio natalibus ortus, inter lufos impios scelestior, impijssimus pietatis osor, & hostis, nomine Henricus Schelkopff, id est, vesani capitis; is die quâdam cum suis complicitibus ludens ad tabulam in taberna, quæ nominabatur vulgari sermone *zu der Bsumen* / in suburbanis Sulzbach juxta Rhenum, pecuniam quam habuerat certè modicam, citius perdidit totam. Ridentibus socijs irâ commotus est, & horrendas cœpit in Deum & sanctos efferre blasphemias, cujus vesaniam magis, ac magis risu provocantibus socijs totus in furorem conversus est, surgensque mox de suburbano iter deflexit in Campum, quorsum nescitur, iturus, cumque viam intrasset mediam, quæ à Monasterio S. Albani præbet iter ad Ecclesiam S. Virginis Mariæ in campis euntibus, quæ nunc propter rem gestam S. Crucis appellatione nuncupatur, Imagines Crucifixi Jesu Christi & Castissimæ Matris ejus Divique Joannis Evangelistæ offendit, quas pro memoria Passionis Domini inculcanda transeuntibus Christiana devotio ante plures forsitan annos, ut moris, illic posuerat. Has Divorum imagines homo perditionis intuitus in verba mox blasphemiarum horrenda prorumpere non metuit, extractoque pugione, quo ad latus fuerat præcinctus, in imaginem Crucifixi totis visibus vibravit, & unico ictu cervicem ejus dissecuit. Moxque B. Virginis Mariæ, & aliorum Sanctorum circum positis juxta crucem imaginibus cæsum & punctum pleraque vulnera inflixit, infortuniorum suorum cupiens de Deo & sanctis ejus impijssimus omnium hominum captare vindictam. Impietatis cæde peractâ læsæ confestim imagines, ac si homines fuissent, in carne humana viventes, copiosum è puncturis emisere cruorem, cujus hodie in ipsis manifesta cernuntur vestigia. Quo viso sceleratissimus hominum obstupuit, nimioque pavore conturbatus, ut lapis obrigit, &

Vesanus  
Lufor contra  
Deum  
audet in-  
ferre  
qua.

Imagines  
Crucifixi &  
Sanctorum  
impetit  
gladio,

Emitunt  
subito cru-  
orem ima-  
gines vul-  
nerata,

neque

neque fugere quoquam potuit, neque pedem ullatenus à loco movere. Unde sic immobiliter necessario persistente crudeli, ex Moguntia plures supervenere fideles, qui viso cruoris inusitati miraculo sceleratum reducerunt in urbem, qui dictante justiciâ vivus in ignem projectus poenas sustinuit mortis horrendæ, quam meruerat. Imagines verò cruore & vulneribus insignes ab ædícula veteri ad memoratam Ecclesiam Collegiatam in Campis S. Mariæ ab olim nuncupatam, quæ paululum distat à Moguntia, summâ veneratione Sacerdotum manibus deportatæ fuerunt, ubi usque in præsentem diem terrificus ille cruor cernitur, & miraculis quam plurimis decoratur. Ab illo tempore frequentius ad S. Crucem Ecclesia nuncupatur, quam S. Maria in Campis, ob memoriam rei gestæ, in qua fuerunt imagines collocatæ.

MCCCLXXXIV.

Gallorum  
de bello in  
Anglos  
movendo  
consulta-  
tio.

Joannes  
Viennensis  
Comes fo-  
lus movit  
in Angliam.

Anno Godfridi Abbatis IV. Indictione Rom. VII. Carolus Rex Gallorum VI. consilium habuit cum suis proceribus de bello Anglis indicendo; ægrè ferebat enim complures è Gallia nobiles Anglos tam frequentibus bellis inquietare Galliæ regnum sanè amplissimum, reducens in medium, quòd Dani olim & Saxones Gallis pauciores Angliam totiens occupavissent: se autem magnos, se Danis & Saxonibus fortiores gentem Anglicanam facile arbitrabantur domaturos, quæ intra suos fines bellum diu ferre non possit; uno aut ad plurimum secundo prælio aut vinci aut vincere solitam: nec unius hominis principatum ferre multo tempore posse, sed reges suos aut pellere regno, aut interficere consuevisse. His rationibus Carolus Rex bellum Anglis indixit. Navibus itaque contractis ingentem Classem parat. Verùm tam grandibus copijs cùm deessent pecuniæ, tributum Rex inauditum vix ferendum suis Gallis imposuit, quod solvere multi cùm non possent, Galliâ relictâ in alias discessere provincias. Classe autem viris, armis commeatûque affatim instructâ, maximus ille navalis apparatus omnis non secus ac in arente stipula crepitans, & æstuans ignis evanuit, quod principum culpâ contigisse, qui exactam pecuniam inter se corripuerant, non famâ dubiâ plures æstimârunt, non sine Gallorum Regis injuria. Unus tantum Joannes Viennensium Comes navibus LX. instructis navigavit in Scotiam, ut inde bellum inferret Anglis; erant tunc inter Anglos & Scotos graves discordiæ. Commeatu igitur Scotorum Joannes Angliam cum suis intravit, & quasdam munitiones oppugnavit. Quo cognitio Rex maximum pugnatorum adunavit exercitum contra Gallum pugnaturus; Joannes verò considerans se viribus & numero Anglis procul esse minorem, cum suis in Scotiam reversus est. Ubi cùm aliquandiu moram ageret, in amorem nobilis cujusdam faminæ prolapsus, otiosè tempus omne in carnis voluptate perniciose expendit. Postremò tandem ab ea, quam amabat muliercula præmonitus, quòd Regi Scotorum haberetur suspectus, relictâ Scotiâ in Galliam reversus est. Hic utar testimonio Galli Roberti Gaguini dicentis: *Perrarum esse Gallos in aliena gente gloriam comparare, quam arrogantia vel libido non obscuraverit.* Quàm sit verum hoc viri testimonium de Gallis, in eo bello, quod Galli cum Cæsare Maximiliano commune duxerunt nuper in Venetos, prò pudor! satis fecere manifestum, cùm per totam Longobardiam tantâ libidine in mulieres honestissimas, & virgines etiam Deo consecratas debacchari

sunt



sunt, tantâ avaritiâ, & arrogantia tumentes, ut propter verecundiam satius mihi videatur tacendum, quàm plura scribere. Unde non immeritò, Justitiâ Dei vindicante profanos, brevi Mediolanum & Longobardiam totam amiserunt.

## MCCCLXXXV.

Anno Godfridi Abbatis quinto, Indictione Romanorum viii. Wilhelmus Comes Hollandiæ, Hannoniæ, Seelandiæque, filius Alberti filij Ludovici quondam Imperatoris IV. uxorem duxit filiam Ducis Burgundiæ Philippi, Nuptijs in Brabantia cum magna & inusitata solemnitate celebratis. Hujus Wilhelmi frater erat Joannes postea electus & confirmatus Episcopus Leodiensis, qui post mortem Wilhelmi dimissâ Ecclesiâ duxit uxorem dispensante cum eo Constantiensi Concilio, & Germani filiam principatibus abdicavit.

Eodem anno Confœderati, quos vulgò Suitenses nuncupamus, in superbiam elati viciniore in circuitu oppidanos, & rusticos in suam conjurationem allicere cupientes proprijs Dominis fecerunt esse rebelles. Inter quos rustici & villani Domino de Thorberg tam jure, quàm antiquissimâ consuetudine subjecti Lucernensium persuasione seducti, & animati, se contra Dominum suum contumaciter erexerunt, consueta servitia, census & ministeria cuncta denegantes: & quò ad rebellionem fierent liberiores, non requisito, neque consentiente Domino facti sunt & adscripti Lucernensium cives. Comes autem Thorbergensis, posteaquam suorum perfidiam intellexisset, non sine ratione iratus est, & quotquot eorum comprehendere potuit, laqueo ad arbores sine ulla commiseratione suspendit. Quo facto Lucernenses irati totam Conjuratorum scaturiginem vocaverunt in arma, convenientesque in turmam contra memoratum Comitem, processerunt ad bellandum. Regionis igitur devastatione institutâ oppidum imprimis Rotenburg, quod erat Comitis de Grünenberg, cum arcella in die SS. Innocentium factâ incursione obtinuerunt. Hermannus autem de Grünenberg, & Comes de Thorberg, qui erant in arce, fugâ lapsi mortis peticulum evaserunt. Inde progressi, Wolhusen, Sempach, Entlibuch, Meienberg, Baldeck, Liel & Rinach in suam potestatem, acceperunt, amicos inter concives, inimicos verò inter mortuos conscribentes. Mira hujus gentis breviter ampliata felicitas, quam Principum inclementia erga subditos permittente Deo causavit. Nec diu post descriptam conjuratorum victoriam venit ad Meyenberg Lupoldi Ducis Austriæ Capitaneus, & positus in circuitu papilionibus, oppidum obsedit. Egressi die quâdam conjurati, qui erant in præsidio, prælium cum Australibus ineperunt, in quo victor exercitus Australium non paucos conjuratorum occidit. Post dies autem paucos conjurati Meyenberg funditus everterunt.

Anno prænotato Ungari tyrannidem Reginæ diutius ferre contemnentes, & ignominiosum existimantes suæ nobilitati, mulieris imperio subjacere, consilio inter se habito nuntios solemnes miserunt in Apuliam, & Carolum Regem ad Ungariæ Regnum inde revocârunt. Qui Legatorum commissione auditâ gavisus est, & Ladislaum filium suum Regem, constituens Apuliæ, profectus est in Ungariam. Quem procures Regni, & incolæ summo cum honore suscipientes in Albaque Regali solemniter

N n

coronantes

Armati  
Suitenses  
contra No-  
biles terræ  
conve-  
niunt.

Conjurati  
capiunt &  
destruunt  
nobiliū  
Castra.

Carolus  
Apuliæ  
Rex fit Rex  
Ungariæ.

coronantes in Regem Ungariæ ſublimârunt. Poſt Coronationem ſuam in oppidum Regale Budam proficiſcitur, ubi poſt meſes aliquot in camera ſua exiſtens, die quâdam ſubordinatione Reginæ abrogatæ, quæ remanſerat vidua quondam Regis Ludovici, graviffimè vulneratus occiditur.

Regis Angliæ filius expeditionem pro Regno facit in Hiſpaniam.

Eodem quoque anno Dux Lancaſtri filius Regis Angliæ navium, claſſe comparatâ non modicâ, in manu forti navigavit in Hiſpaniam, Regnum ſibi comparaturus violentiâ hæreditarium, quod ad ſe jure pertinere putabat. Cœpit vaſtare provinciam, & lādere, quos ſubijcere cupiebat, & ideo pro hoſte eſt habitus.

Anno item præſcripto Lupoldus Dux Austriæ ad instantiam comitum de Kyburg, Grünenberg quoque & Thorberg, atque multorum nobilium, conjuratis Suitenſibus bellum indixit: quod iſto anno incipiens in ſequentem uſque cum multorum incommodo continuavit, conjuratorum ubique in circuitu hoſtiliter devaſtans provinciam.

Galeatius Vicecomes occidit patrum.

Eodem quoque anno Galeatius Vicecomes Mediolanenſis dominandi cupidine Barnabovem Vicecomitem patrum & ſocerum ſuum inſidioſè (ut ferunt) occidit, ejus principatum ſibi uſurpavit, quem Wenceslaus Rex poſtea in ducem creavit.

#### MCCCLXXXVI.

Cives Wormatiens jam ſecundo Nühufen deſtrunt.

Anno Godfridi Abbatis ſexto, Indiſtione Rom. ix. primâ die menſis Martij, quæ fuit quinta feria poſt Dominicam ſexageſimâ, Cives Wormatiens cum furore & armis de civitate prorumpentes villam Sacerdotalem Nühufen urbi proximam igne ſuppoſito funditus deſtruxerunt: ædes Sacerdotum cunctis rebus evacuantes in cinerem redegerunt: Sacerdotes verò & Clericos omnes, quotquot inveniffent, cuſtodie tradiderunt; & hæc ſecunda fuit ejusdem loci Nühufen per cives Wormatiens temeraria & præſumptuoſa deſtructio; prima namque deſolatio Novæ domus memoratæ ſive deſtructio facta eſt per Cives Wormatiens temporibus Landulfi ejusdem urbis Pontificis, de cujus electione mentionem fecimus in primi hujus Chronici parte anno Domini 1234. Veruntamen ipſam loci deſtructionem, ut ſcriberem uſe eo tempore haud ſcire potuimus. Poſtea igitur quam furioſi Cives memoratam clero Nühufenſi intuliſſent contumeliam, Urbano Pontifici Summo delati ſunt, & excommunicationis ferro à communionem fidelium juſtiſſimâ ratione abſciſſi. At verò poſtquam Cives ipſi Wormatiens miſocleri à principio multo aliquandiu in excommunicatione ſorduiſſent, ad eorum instantiam Rupertus Comes Palatinus Rheni Baviariæque Dux Regni Princeps Elector, Henricus Comes de Spanheim, & plerique alij ſuas interpoſuere vices, & in concordiam diſſidentes revocârunt. Ex inde Nühufen cœpit jam tertio conſtrui, Wormatiensibus non parvam dare pecuniam pro injuria coactis.

Sigismundus fit Rex Ungariæ.

Eodem anno Sigismundus frater Wenceslai Regis Germanorum & filius Caroli Imperatoris olim quarti, poſtea & ipſe Imperator Romanorum vir optimus interempto Carolo Rege per inſidias Eliſabethæ Reginæ apud Budam, ut anno priore ſcripſimus, conſenſu procerum in Regem Ungariæ electus & coronatus eſt: nec diu poſtea Ungari mutato conſilio multas & varias ipſi poſuerunt inſidias, atque in fugam & captivitatem cujuſdam comitis (licet brevi) compulerunt. Cauſam hujusurbationis talem ſcriptor quidam assignat. Cùm Rex Sigismundus Concilium

Rex Sigismundus 32. Ungariæ proceres trucidavit.

cilium procerum apud Budam Ungariæ, convocasset, Regina quorundam Ungariæ perfidiam principum coram Rege graviter accusavit. Dedit Rex protinus ad cognoscendum in causa Judices. Pro Regina contra delatos per deputatos fertur sententia. Unde Rex volens in reos decernere justitiam, duos & triginta proceres regni capitibus truncavit. Erat Stephani Comitis puer astant, & videbns totædem nobilium virorum, qui ubi & Dominum suum cerneret capite truncatum, in lachrymas erupit amaras; ad quem Rex Sigismundus: *Noli flere, inquit, ego sum Dominus tuus, qui tibi, & plura & majora donare possum, quàm Stephanus dederit unquam.* Cui puer intrepidâ voce respondit: *Ego tibi pro Domino meo, quem innocentem occidisti, Ungarus Bohemo serviturus sum nunquam.* Quem Rex confestim decollari mandavit, ne videlicet invitus cogeretur servire Bohemo. Verum tantorum mors procerum causam multis discriminibus & incommoditatibus dedit. Nam ipse Rex Sigismundus postea, ut diximus, à suis captus, & carceri mancipatus vix mortem evasit. Quæ omnia in gestis Ungarorum plenius continentur digesta.

Puer propter Dominum suum perimitur.

Anno prænotato rustici & oppidani sub dominio Abbatis S. Galli in Suevia constituti exemplo conjuratorum in superbiam elati, consuetâ præstare servitia ipsi Monasterio penitus recusârunt. Unde necessitate compulsus Abbas, fœdus & Ligam civium Regni subijt, quorum exercitum validum contra inobedientes rusticos suos, qui vulgò Abbaellen-ses nominantur, produxit. Rustici autem cum essent inermes, nullam præliandi consuetudinem habentes, mox ut hostes adventare senserunt, juga montium conscendunt, & ab altissimis atque præruptis cacuminibus lapides in adversarios emittunt. Cives ergo considerantes, quòd latitantes in montibus rusticos expugnare tutò non possent, retrò pedem traxerunt, amissis suorum quinquaginta atque ducentis, quos lapides demissi de montibus per rusticos memoratos miserabiliter oppresserunt.

Rustici S. Galli contra Abbatem Dominum suum rebellârunt.

Postea igitur quam cives Regni à persecutione rusticorum S. Galli cessarent, metuentes illi, ne forsitan eis deteriora imposterum contingerent, ad conjuratorum sese Suitensium ligam & societatem receperunt; à quibus gratulanter suscepti, jam deinceps nullum pati jugum dominij didicerunt. Conglomerati ergo in unum contra Nobiles terræ vicinos, non minus crudeliter, quàm hostiliter processerunt, eorumque rusticos atque subjectos, ne præstarent Dominis suis consuetâ servitia, census & redditus, exemplo sui in rebellionem omnimodam induxerunt.

Abbaellen-ses rustici S. Galli conjurant cum Suitensibus.

Nobiles itaque tantam conjuratorum injuriam diutius ferre non valentes, Lupoldi Ducis Austriæ, sub cujus militabant signis, auxilium implorabant; qui tandem victus eorum precibus (etsi admodum invitatus) bellum, quod anno præcedente Suitensibus indictum aliquot mensibus ex compacto intermiserat, denuo fortius instaurat. Contractis igitur copijs, oppidum Sempach imprimis obsidione vallavit, contra quem adventantes conjurati Suitenses commissum est bellum, & per utriusque partis homines in multam horam acriter pugnatum. Campum tamen postremò pugnatore obtinuere Suitenses, & Ducis Lupoldi exercitus fusus est. Ceciderunt in eo bello ex parte Ducis memorati plures quam Nobilium quadringenti, vulgarium tria millia, sed & Dux ipse Lupoldus in acie prima fuit occisus. Nomina Comitum, Baronum, Militum atque

Lupoldus Dux à conjuratis victus occiditur cum multis.

N a 3

Nobilium.



Nomina  
Principum  
atque nobi-  
lium in hoc  
bello per  
conjuratos  
occiforum.

Lupoldus  
junior pa-  
tre perem-  
pto in Du-  
catu ſucceſ-  
ſit.

Vini abun-  
dantia ubi-  
que terra-  
rum.

Nobilium, qui in eodem prælio ceciderunt, quotquot invenire potuimus principalium, hæc fuerunt. Lupoldus ſæpe dictus Auftriæ Dux, Otto de Hochberg Marchio, Joannes Comes de Fürſtenberg, duo Comites de Tierſtein, Joannes Comes de Haſenburg, Fridericus Comes de Monſtral, Walterus Comes de Gerolfſeck, Comes dictus Niger de Zolra, Walterus de Dek miles auratus, unus de Landeck, Martinus Maltener miles auratus, Otto de Waldburg eques auratus, duo de Griffenſtein, duo de Stauffen, duo de Signovve, Albertus de Rechberg eques auratus, Udalricus de Tierberg miles, duo quoque de Klingen, duo de Andlovv, tres de Razen- haufen, tres de Berenfels, tres de Rotberg, Wernerus de Flachſland miles, duo de Hattſtadt, duo de Friburg, duo dicti Waldner, Hugo de Schönau miles, Rudolphus de Landſperg, Werenterus de Lichtenfels miles, duo de Wiſſvvil, Joannes vom Hüff miles, Henricus de Lapide miles, Henricus Schellenberg miles, Berchtoldus Grat de Graez, duo de Hallvvil, Sigis- mundus de Tegerfeld, duo de Emps, quatuor de Eptingen, quatuor de Morſperg, quatuor de Rinach, duo dicti Guſſender de Rechberge, unus dictus ſtör, item unus dictus zun Wiger, duo qui dicebantur Kletten, unus de Milheim, Burchardus de Maſminſter miles, duo de Mülinen, Morandus de Durmenſtein, aliorum æquè nobilium virorum nomina, qui in bello memorato ceciderunt, invenire certò nequivimus, quorum numerum fuiſſe quater centum, ſupra jam diximus. Corpus autem Ducis Lupoldi cum alijs ferme quadraginta ad Monasterium Königsfeld cum honore delatum ſepultum eſt. Poſt mortem verò ducis memorati, Lu- poldus filius ejus in Ducatu Auftriæ, & in reliquo principatu ſucceſſit, qui mortem patris vindicare cupiens, ſe hoſtem conjuratorum litteris decla- ravit apertis. Coeperunt ad eum undique convenire nobiles armati, alius patrem, alius filium, alius fratrem in Suitenſes optans vindicare. Quod ubi conjuratis innotuit, amicorum medio facta eſt unius anni ſpatio treugarum conſeſſio iſtantibus iſtis, & ſic feruor animi refriguit com- moti. Cauta prudentia, quoniam multa, quæ ratione ſanari nequeunt, tempore curantur. Factum eſt autem bellum atrox prænotatum anno præ- notato, in menſe Septembri, juxta oppidum Sempach, amplis in campis, ubi & Suitenſium plures ceciderunt.

Anno item prænotato maxima crevit abundantia vini, maximè in partibus Moſellanis, cis Rhenanis in Suevia, & Francia orientali, atque in alijs multis regionibus. Unde præ ubertate vini defecerunt vaſa tempore vindemiandi. Mira commutatio, tempore ſuccedens in varium. Anno nãmque præterito plauſtrum vini unum vendebatur pro florenis quatuor & viginti circa Rhenum, & iſto anno pro uno floreno vendi vix potuit, cum vaſ carratæ unius pro tribus florenis emeretur.

MCCCLXXXVII.

Anno Godfridi Abbatis ſeptimo Indictione Roman. decimâ, factum eſt bellum inter Joannam relictam Wenceslai Ducis Brabantie & Luxen- burgi, de qua ſupra diximus anno Godfridi Abbatis tertio, & Wilhelmum, comitem Hollandiæ, qui filiam Philippi Ducis Burgundiæ habuerat uxorem, una cum Wilhelmo Duce Geldriæ. Verum interponente vices ſuas Archiepiſcopo Coloniensium, tandem ipſa contentio inter eos ad amica- bilem concordiam reſormata fuit.

His

His temporibus Monasterium S. Hereberti Tuitiense nostri Ordinis, quod Colonienses in vicinia urbis suæ positum ante decennium funditus destruxerunt, reædificatum, & per Fridericum Archiepiscopum denuo consecratum est, una cum Ecclesia parochiali Monasterio proxima.

Monasterium Tuitiense re-stauratum.

Anno prænotato Urbanus Papa VI. Crucem prædicari mandavit contra Ottonem Ducem Brunsvicensis Germanum, quem olim triennio apud Britannos diximus fuisse captivum, anno ut supra xxxi. Wignandi Abbatis, & Thomam Comitem de S. Severino, qui Neapolim occupaverat contra Ladislaum Caroli Regis Ungariæ filium, promittens contra illos euntibus pares indulgentias his, qui pro recuperatione terræ sanctæ contra Saracenos pergunt Hierosolimam. Parum tamen per hoc, imò nihil profecit, cum nullus omnino inveniretur, qui arma in illos vellet sumere. Ludovicus autem Andegaviæ Dux, frater Caroli VII. Regis Gallorum, qui post pugnam de Apulia redierat in Galliam, denuo se parat in prælium, cupiens omnino sibi Regnum Neapolitanum subijcere atque Siciliæ, jus suum allegans hæreditarium. Misit ergo quinque Galeas armatas Neapolim in subsidium Ottonis Ducis, & Thomæ Comitis prædictorum, qui urbem ejus nomine occupabant contra Ladislaum filium Caroli quondam Regis Apuliæ & Ungariæ, qui eo tempore cum Matre Margaretha regina pro Regno patrio, favente Papa Urbano VI. bella gessit multa in Apulia. Mox autem ut naves jam dictæ in portum applicaverunt, reginæ memoratæ tres in littore naves offenderunt armatas, ad impugnandam civitatem adductas, quarum duas ceperunt interfectis omnibus, tertia salutem fugiens obtinuit. Ludovicus verò Dux Andegaviæ cum Neapolitanis contra Urbanum Papam cum Antipapa sensit Clemente, pro cujus amplianda auctoritate omnia, quæ potuit, libenter faciebat.

Ludovicus Dux Andegaviæ contra Urbanum militat.

Clemens igitur in favorem ipsius Ludovici licentiam dedit Ottoni Brunsvicensium Duci & Comiti S. Severini memoratis, qui Neapolim pro parte ejus occupabant, ut de cunctis Ecclesijs & Monasterijs in Neapoli & alijs urbibus, quotquot haberentur calices, vasa & Clenodia, tam aurea quam argentea, licet acciperent venderentque, aut conflarent in monetam, & stipendia militibus inde exsolverent. Qui mox concessâ potestate sibi à falso Pontifice omnes ornatibus suis & vasīs spoliaverunt Ecclesias, & res Deo dicatas in usus militantium sæculo converterunt.

Clemens Antipapa concedit vasa Ecclesiæ pugnantibus.

Multa his temporibus, & per plures quidem annos, in Regno Apuliæ bella gesta sunt inter Civitates, & oppida, quæ Margarethæ Reginæ uxoris quondam Caroli Ladislaique filij ejus partes tuebantur, & eas quæ Ducem Andegaviæ Ludovicum, ut dominum sequebantur. Quorum ratione penuria victualium in omni Regno subsequuta est maxima, & multa milia Hominum ac jumentorum fame perierunt.

Pontifices verò inter se Papatus pro dignitate contendentes, Urbanus videlicet sextus & Clemens nomine septimus, alter alterum in diebus festis, atque solemnibus cum sequacibus suis, ut schismaticum nominabat, atque pronuntiabat excommunicatum. Hac eorum de Summo Pontificatu contentione perniciosissimâ, & licentia delinquendi dabatur improbis, & scandalum ingens offendiculi bonis & innocentibus.

Pontifices duo se mutuo excommunicant.

MCCCLXXXVIIII;

Anno Godfridi Abbatis octavo, indictione Romanorum undecimâ,

N n 3

moritur

Conradus  
fit Archie-  
piſcopus  
Mogunti-  
nus.

moritur Adolphus ex Comitibus de Naſſauv Archiepiſcopus Mogunti-  
nus, & in majori Eccleſia Metropolitana Moguntiaſeſepelitur. Poſt quem  
Conradus ex Comitibus de Winſperg ejuſdem Eccleſiaſe Canonici in Ar-  
chiepiſcopum eligitur, & confirmatur ab Urbano Papa ſexto. Præſuit  
annis ferme ſeptem, vir ſenex & bonus.

Wernherus  
fit Archie-  
piſcopus  
Treviro-  
rum.

Eodem anno Cuno de Falchenſtein Archiepiſcopus Trevirorum  
ſenio gravatus, & ad regimen tanti Pontificatus deinceps minus idoneus, de  
conſenſu Canoniciſu ſuorum paſtoraliſ curæ ſollicitudinem, regimen-  
que depoſuit, & ad vitæ privatæ tranquillitatem ſe dedit. Erat vir ſtrenuus  
Jurium libertatûque ſui Pontificatus deſenſor acerrimus, qui non ſolum  
adepta conſervare, prudenter ſinguliſ ſingula ſicut oportebat diſtribuit,  
ſed etiam plura de novo congregavit. Poſt Cunonem ipſo curante  
& promovente Wernherus ex Comitibus de Falckenſtein Nepoſ ejus, per  
Canonicos in Archiepiſcopum Trevirorum unanimi conſenſu eligitur,  
& per Urbanum Papam ſextum ex more confirmatus eſt, atque in meſe  
Majo à Capitulo & Civibuſ Treverim intrans glorioſè ſuſceptuſ. Præſuit  
autem in Archiepiſcopatu annis ferme 30. in omni ſollicitudine, provi-  
dentia, manſuetudine & pietate, Regibuſ & Principibuſ gratuſ. Cuno  
autem poſt reſignationem Archiepiſcopatuſ ad quietem vitæ privatæ re-  
verſuſ, theſaurum quem habuerat in auro & argento, de Conſenſu nepo-  
tiſ, & Canoniciſu, penes ſe occultum retinuit, & Caſtellum Eccleſiaſe,  
quod nominatur Wolmick, in manſionem accepit. Ubi non diu ſuper-  
vivens, anno ſequenti in meſe Junio ab hac vita migravit, ſepultuſ apud  
Confluentiam in Collegiata Eccleſia S. Caſtoriſ. Cui Wernheruſ nepoſ  
exequiaſ ordinavit ſolemneſ, Friderico Archiepiſcopo Colonienſium, &  
Ruperto Comite Palatino perſonaliter aſtantiſu una cum Oratoribuſ  
omniû ferè Germaniaſe Principuû. Poſt cujuſ mortem Wernheruſ nepoſ  
atque ſucceſſor incredibilem penes eum reperit theſaurum in pecu-  
nia prompta, in auro, in argento, & in Clenodiſ pretioſiſ. Omnia quô-  
que promptuaria Eccleſiaſe Treverenſiſ victualibuſ erant plena, & Eccleſia  
ipſa nulliſ penituſ debitiſ involuta. Ex eo tempore uſque in præſentem  
diem per annos quatuor & viginti ſupra centum ad tantaſ omniû reruû  
divitiaſ Eccleſia memorata Trevirorum nunquam pervenire potuit.

Cuno mo-  
riens in-  
gentem  
ſucceſſori  
theſaurum  
relinquit.

Wernheruſ enim quamvis ad Pontificatum indubitanter per omnia  
videretur dignuſ, utpote qui multa fecerit Eccleſiaſe bona, tamen moriens  
tantum poſt ſe theſaurum ſucceſſori non dimiſit, quantum penes anteceſ-  
ſorem ſuum ipſe legitur inveniriſſe. Hujus rei cauſam fama incolaruû  
Trevirenſiuû Diœceſiſ nobiſ talem aſſignat. Wernheruſ enim Archiepi-  
ſcopuſ magnitudine theſauroruû inſatiabilis factuſ ſimul & curioſitate  
vanâ ſeducuſ, multiſ in Pontificatu annis Alchimiaſe dedit operam, quod  
ut verum demonſtreſuſ, duobuſ citò fiet manifeſtuſ: altero, quia no-  
toriuû eſt uſque in præſentem diem apud Confluentinoſ, quod in Caſtello  
ſuo juxta littuſ Rheni dictuû Capella, in oppoſito oppidi Lanſtein Alchi-  
miaſe vanitatiſ Profeſſoreſ annis plurimiſ ſecretò tenuit operanteſ: altero  
manifeſtuû erit hujus in eo vanitatiſ teſtimoniû, quia libri exſtant ho-  
die plureſ de Alchimia nomine ejus inſcripti, quoruû vidimuſ non-  
nulloſ. Et præter hoſ nobiſ conſtat manifeſtè ab annis pluſ minus quadra-  
ginta informatiſ famâ omniû Trevirenſiuû ferme publicâ, quod Wer-

nerus



nerus Archiepiscopus in dicto suo Castello pluribus annis inani operam dedit Alchimia: communis denique opinio est, magnum in eodem Castello auri & argenti sub terra laterethesaurum ab ipso Wernero quondam Archiepiscopo ibidem secretè absconditum. Unde Joannes ex Marchionibus de Baden quartus post illum Trevirorum Archiepiscopus ante annos ferme viginti, famâ latentis thesauri concitatus, & per Jasonem Poëtam quendam ex Apulia profugum presbyterum inductus, cum sub terra mandasset inquirere, nihil aliud, quàm ridiculum meruit invenire. Vanæ sunt multorum opiniones multæ, non solum Alchimistarum, sed eorum etiam penè omnium, qui thesauris sub terra defossis operam navant inquirendis; nam & ipse memoratus jam Archipræsul Joannes Princeps alioquin pientissimus contra suorum omnium consilia per annos 12. in Castello suo Cunenengen Georgium ex Croatia oriundum, & à Turcis, ut asserunt, fugatum continuè in Alchimia tenuit operantem. Qui tertio decimo deinceps anno, ubi spem artis consummata perdidisset, clam aufugit: & quàm sit vana promissio artis, deceptos manifesto docuit argumento, non amplius reversurus. Ferebant mihi notissimi Pontificis à secretis, ex hac eum vanitate damnum haud minus triginta millium incurrisse florenorum, quanquam Præsul hoc ipsum coram me & alijs multis sæpe negaverit, erubescitiam forte pro mercede consecutus. Dux quoque Wirtenbergensium Eberhardus ejus nominis secundus in mille florenorum stipendio, quid Georgius ille posset in Alchimia Croatus, scire voluit. Henricus memorati Archiepiscopi Camerarius vir certè optimus & civis Confluentinus omnem substantiam suam Alchimia philocæptis credidit, & adeo pauper evasit nudusque, quòd liberis cum uxore dimissis exilium sempiternum & hætenus omnibus nobis incognitum fugiendo subire compulsus fuerit. Quid si adjiciam plures quidem, mihi notissimos, qui temporibus nostris cupidine artis, ne dicam intactæ meretricis Alchimia seducti, miseriam inciderunt extremam. Bernardus Abbas in Northeim Saxonie oppido nostri Ordinis simul, & observantia regularis, moriens ante sex ferè annos abhinc retrò, Monasterium suum in decem nec minus florenorum millibus obligatum ære alieno dimisit; cujus gravaminis causa principalis & major, sicuti certò cognovimus, Alchimia fuit: quanquam non defuerint, qui debitum ab eo contractum ad florenorum 12000. omne taxaverint. Pluribus namque annis nec paucos in Alchimia operantes in suo Monasterio primo secretè, postea manifestè habuit, quibus non modica impendit.

Andreas Montis Monachorum prope Bamberg Abbas Ordinis & ipse memorati, à profanis Alchimia inquisitoribus in officinam vanitatis introductus, per annos quinque aut sex pro amore virgineæ meretricis Alchimia (quam ab origine orbis conditi plures habere cupientes semper intactam reliquerunt) non sine spe magna laboravit: verum expositis tribus aut quatuor florenorum millibus, posteaquam domina Alchimia suum non consentiret communicare amorem, præferens nuptijs novis suam antiquissimam, imò perpetuam virginitatem, pedem Andreas retraxit, & comitante verecundiâ pudicum lupanar exivit.

Carthusiensium Prior apud Nürenbergam oppidum insigne, amore æstuans nimio, complexibus se fruiturum sperabat ejus, quæ ab origine mundi

Joannes  
Archiepisc.  
à Professio-  
ribus Alchi-  
mia decipi-  
tur.

Bernardus  
Abbas in  
Northeim  
Alchimi-  
starum Me-  
cenæ.

Andreas  
Bambergæ  
Abbas  
amorem  
pulsat Al-  
chimia.

Alchimia  
semper in-  
tacta mere-  
trix.

Nürenber-  
gæ Carthu-  
sianus Prior  
Alchimiam  
protequi-  
tur.

mundi admifit nullum, incomprehenſibilis Alchimia; officinam inoperabilis ſcientia; onuſtus pecuniarum intravit, pluribus in ea latuit annis, miranda tentavit; Dominam tamen Alchimiam in abditis ſe continen- tem nec vidit, nec audivit. Quasdam tamen ancillulas in ergaſterio vanitatis paulatim coepit ex conſuetudine habere familiares ( quarum iſta ſunt nomina: ſophiſticatio, deceptio, ſimulatio, falſitas, impoſſibilium præſumptio, ſpes vana, & plures quasdam alias, quarum mos eſt intrantibus in officinam illudere ) quas ſequutus pulcherrimam atque caſtiſſimam ſe habere Dominam Alchimiam putavit, dum foediſſimis atque loco ejus ſuppoſitis abuteretur meretriculis, quæ nullis parcunt officinam vanitatis ingredientibus.

Bonus autem ille Prior poſteaquam annis in ergaſterio latuerat multis memoratæ vanitatis, ſumopere cavens, ne ſtudio amoris, quo urebatur, in Fratrum ſuorum noticiam deveniret, conſumptis, quas introduxerat, pecunijs, tandem coepit egere. Ejectus ergo foras cum ignominia pater ſerò vix tandem ſuum agnovit errorem. Redeuntem de officina ſtulti amoris, quædam ſequebantur non ſuperandæ ſorores, videlicet, inopia, triſtitia, confuſio, & deſperatio. In publicum res deducta eſt, à Prioratu homo deſiſtus, & carceri mancipatus, brevi melancholiâ vitam cum morte commutavit. Domum ſibi commiſſam Carthufiæ gravatam ære dimiſit alieno pondere XII. millium florenorum. Nota ſunt hæc & omnibus Nürenbergæ habitantibus hodie manifeſta, ubi ſola in culpam vocatur Alchimia.

Melchior  
de Moka  
Epiſc. Brix-  
nenſis, Al-  
chimia  
cultor.

Melchior de Moka Germanus & Præpoſitus Miſnensis in Saxonia, Eccleſiæ Brixinenſis in Bavaria Epiſcopus ac poſtea à Julio Papa II. S. R. E. Cardinalis creatus homo prudentiâ in mortalibus, & inatâ parcitate dives, quippe Præſul unum propinatum, tertio vendidit lepuleulum; cum ante annos ferme ſex Romæ moreretur, in pecunia prompta vaſiſque aureis & argenteis Pontifici memorato dimiſit plus quam centum octaginta ſex millia florenorum; non Alchimia; beneficio, ut vociferantur non exiſtentis ſcientia; profefſores, hæc tanta Melchior cumulavit, ſed minore potius & nimia tenacitatis obſervantiâ ſempiternâ. Conſtat tamen Alchimia; contubernio haud mediocriter fuiſſe delectatum, à quibus damnum reportavit non modicum. Unum novi hujus vanitatis miniſtrum, à quo in ergaſterio artis trium millium florenorum ſubivit diſpendium: per alios quoque plures eum frequenter novimus fuiſſe deceptum. Indulgeat tibi Deus, ô mendacij confictor Boville, qui una in epiſtola tua ad Germanum Ganoy congallum tuum, & me Trithemium Abbatem tunc in Spanheim mentitus es magum ſeu necromanticum, & è fratribus meis nonnullos Alchimia; vanitatibus intentos, in caput tuum, iterum dico, mentitus es Bove rudior Boville, quòd pravis concedis artibus, quòd non intelligens ars per naturam operatur. In animam juro meam, quòd magia ſuperſtitioſæ operam dedi nunquam, neque theatrum Alchimia; intravi, neque fratrum meorum aliquis intendit hiſce vanitatibus. Si tempus mihi datum fuerit otij tanti, mendacia tua, in te Boville, ſcriptis refundam: ſi quo minus, ad Dei tribunal ſuo tempore citatum eſſe volo injurijs reſponſurum.

Anno

Anno Dominicæ Nativitatis prænotato. Lupoldus Junior Dux Austriæ senioris à conjuratis occisi filius, confœderatus cum Joanne de Werdenberg comite, Donato de Dokenburg, & pluribus alijs tria ferè millia Pugnatorum coadunavit, ingressusque vallem Glarensium in vindictam paternæ necis omnia devastavit. Glarenses in auxilium convocatis socijs exercitum penè mille virorum in hostes ex tempore produxerunt, factoque in modum furentium bestiarum impetu, statim ex Ducalibus viros mille atque ducentos occiderunt, ex suis ferme centum occisis. Victores elati omnia quæ Ducis fuerant in circuitu, igne & ferro penitus desolârunt.

Lupoldus, Junior Dux Austriæ bellum indicit Suitsen-sibus.

Eodem anno Cives & oppidani Regni factâ inter se confœderatione Comitibus de Wirtenberg denuo bellum indixerunt. Cujus quidem expeditionis hic ordo qui sequitur. Ex oppido Sueviæ Ulma lanceati pugnatores missi sunt 83. ex civitate Constantiensi 54. ex oppido Wilæ 120. ex oppido Nörtingen 54. ex oppido Heilbrunn 54. ex Gamündia oppido 22. Ex oppido Rottvill 33. ex oppido Eslingen 32. ex Wissenburgo Sueviæ 10. Ex oppido S. Galli 8. ex Memminga oppido 27. ex oppido Reuttlingen 60. ex oppido Rottenburg 36. ex Buchorn 3. ex Dinkelspil 12. ex Bibrach 15. ex Pfullendorff 9. Ex Überlingen 30. ex Ravenspurg 18. ex oppido Nürnberg 72. ex oppido Winsheim 7. ex civitate Argentinensi 20. ex civitate Basileensi 70. ex oppido Wasserburg prope Lindavv 2. ex Hagenvveile, 4. ex Spira civitate 13. ex civitate Wormatia similiter 13. ex Moguntia 25. ex oppido quoque Francfurten si 25. ex diversis etiam locis mercede conductos ad bellum complures in sua parte habuerunt non solum pedites, sed Equites quoque multos, per omnia viros ad bellandum peritissimos.

Cives Regni bellum indicunt Wirten-bergen-si.

Convenerunt itaque ex parte memoratarum Civitatum Regni viri pugnatores cum longis hastis 1000. sagittarij quoque 1000. levis armaturæ equites & pedites 1000. atque nudorum sine armatura hominum similiter 1000. prædam sequentium. Cum multitudine terram Comitum Wirtenbergen-sium ingressi, omnia ferro & incendio per circuitum devastare cæperunt, plura pauperibus damna inferentes. Inter alia verò Cœmeterium villæ prædicti Comitum Töfingen nuncupatum haud procul ab oppido Wila 23. die mensis Augusti obsidione cinxerunt.

Exercitus fuit 4000. virorum.

Quod mox ut Comitibus innotuit, bellum in eos movere statuerunt. Erant in parte Comitum missi à Ruperto Comite Palatino Rheni de Heidelberg quingenti viri, qui ab hastis, quas ferebant, lancearij dicebantur. Marchio quoque Badensis Junior, Episcopus Constantiensis, & alij quidam Principes in auxilium eorundem plures miserunt armatos, eratque summa exercitus Comitum de Wirtenberg Lanceariorum Equitum sexcenti, peditum verò non minus quàm duo millia ducenti.

Exercitus Comitum de Wirtenberg 2600.

Congressione igitur factâ in die Dominica ante festum S. Bartholomæi Apostoli anno Christianorum prænotato non longè ab oppido Wila pugnatum est acriter, sed Comitibus de Wirtenberg postremò cessit victoria. Ceciderunt in eo prælio ex parte Civitatum 1500. viri: Equites quoque eorum omnes simul & Capitanei, aut cæsi sunt, aut in captivitatem abducti. Ex omni eorum numero pauci eorum per fugam salvati sunt, reliqui omnes captivi.

Cives sunt victi & majorem exercitus partem amiserunt.



Udalricus  
Junior Co-  
mes de  
Wirtten-  
berg cum  
paucis ceci-  
dit.

Ex parte verò Comitis Eberhardi Wirttenbergenſis in acie prima ceciderunt filius ejus Udalricus Comes Junior, & alius Comes de Levvenſtein, cum 20. Equitibus, & Miniſterialibus. Ex parte verò Palatini Stephanus de Henſchuſheim cum alijs Miniſterialibus tribus occubuit: & ſic iſta Civium confœderatio periit.

His quoque temporibus Gymnaſium univerſale in Civitate Colonienſi per Senatum & majores Urbis erigitur, & poſtea per Bonifacium Papam IX. qui Urbano VI. immediatè ſucceſſit, cum privilegijs & libertatibus conſuetis confirmatur, cujus primi Doctores ex ſchola Pariſiorum mercede conducti advenſſe memorantur. Sed nota, quòd à multis retrò annis ſtudio Divinarum ſcripturarum vixit apud Carmelitas, & Prædicatores in Colonia, & Lectiones publicè per eoſdem legebantur: quia tamen Confirmatio Sedis defuit Apoſtolicæ, Generale ſtudio nuncupari non potuit, quo uſque tandem & illa favorabiliter acceſſit.

Cives Re-  
gni contra  
Rupertum  
Palatinum  
arma cor-  
ripiunt.

Anno prænotato poſt bellum inter Cives Regni, & Eberhardum Comitem de Wirttenberg apud Töffingen habitum, de quo jam plura diximus, aliud contra Comitem Palatinum Rupertum per eoſdem Regni Cives prope Wormatiam ſimili eorum calamitate factum eſt. Cives namque Moguntinenſes, Wormatieneſes, Spirenſes cum 600. viris armatis terram Palatini Comitis ingreſſi, omnia igne & ferro crudeliter devaſtare ceperunt. Palatinus ergo contractis mox copijs aciem in illos ordinavit, & congreſſione factâ haud procul à Wormatia ducentos eorum interfecit, trecentos abduxit captivos, centum fugâ lapſi ſunt. Inter Captivos fuère 60. Viri latrones, qui multo tempore in territorio vagantes in occulto, vel etiam nocturno tempore ſpoliaverunt itinerantes, & multam pauperibus ruricolis preſſuram incendio, & rapinâ crebrius intulerunt.

Hos 60. Raptores ſegregatos ab alijs Princeps in fornacem calcis fortiter ardentem præcipitari mandavit, dicens: *Vos pauperes meos rapinâ & incendio nocturno tempore in tenebris devaſtare non timuiſtis: & ego vos claro die, multo inſpectante populo faciam concremari.* Acta ſunt hæc anno Godfridi prænotato, feriâ VI. ante Feſtum S. Martini prope Wormatiam: reliqui verò in captivitatem acti, multis ſe redimere pecunijs compulſi ſunt.

Nobilium  
plurimo-  
rum conjura-  
tio con-  
tra Civita-  
tes Regni.

Bis jam turpiter victi Cives Regni à Principibus, jam deinceps bellum eis indicare publicum non audebant, ſed humiliati & confuſi temeritatis ſuæ pœnas ſerò tandem intellexerunt. Ex eo namque tempore, non dubium diſſimulatione Principum, tot Cives ex Militarium ordine hoſtes vel adverſarios habuerunt, ut portas Civitatum & oppidorum egredi turò nulli penitus liceret. Unde liga ſeu confœderatio eorum fuit iterum diſſipata, nec pacem invenire potuerunt, quouſque animos Principum multis pecunijs datis ſibi conciliâſſent.

Cives Fran-  
kenfurt. ab  
illis de Cro-  
nenberg  
ſuperantur.

Anno etiam prænotato magna inter Cives oppidi Regalis Frankenfurt, & armigeros ſeu nobiles de Cronenberg fuit ſuborta diſſenſio, quæ brevi crevit in tantum, quòd Cives memorati recensitis octingentis viris armatis dominium illorum de Cronenberg eis vicinum hoſtili apparatu intraverunt. Contra quos Adverſarij licet numero pauciores, viriliter proceſſerunt in pugnam, commiſſoque atrociter bello ceciderunt ex parte Frankofurtenſium centum viri, 600. fuère captivi, reliqui 200. ſalutem fugâ quaſierunt.

Poſt

Posthæc Frankofurtenſes neceſſitate compulſi, conditiones pacis, quas illis impoſuere victores, acceptantes, pro liberatione captivorum LXX. millia florenorum in pecunia numerata dare coacti ſunt. Et ex illo tempore Cronenbergenses, qui prius erant pauperes, magni & divites facti ſunt.

Eodem anno in oppido Regni Bopart juxta flumen Rheni Trevirorum Diœceſis natus eſt puer monſtruoſus de ſæmina, qui ab umbilico ſuſum ventre diviſus erat, homo per omnia duplex, brachia habens quatuor, & capita duo: ab umbilico verò deorſum homo extitit in omnibus unus. Conſultus Archiepiſcopus Trevirorum Wernherus, utrum ſub unius, an duorum deberet nomine baptizari; factâ inſpectione duos homines eſſe reperit, duosque baptizari remandavit, qui tamen ambo ſucceſſivè illo anno vitam cum morte mutârunt.

Monſtrum  
nâſcitur in  
Bopart op-  
pido.

Hoc ipſo anno Gerardus ex Comitibus de Schvvarzenburg Epifcopus Herbipolenſis Eccleſiæ, & Orientalium Dux Francorum, auxilio Lamber-  
ti Babenbergensis Epifcopi, & Joannis Burggravij Norinbergensis oppi-  
dum Regni Winsheim obſidione cinxit, quod tandem expugnans in ſuam  
potestatem accepit. Verum quia ad jus Regni pertinet, nec alium habet  
Dominum, quam ſolum Regem Germanorum, coactus fuit poſtea cedere,  
& oppidum ipſum reſignare.

Winsheim  
Regale op-  
pidum ca-  
pitur ab E-  
piſcopo  
Herbipo-  
lenſi.

Posthæc memoratus Epifcopus obſedit etiam Schvveinfurt oppidum  
Regni, & oppidanos in abnegationem Ligæ cum Civitatibus contractæ ju-  
rare compulſit; ſimili de cauſa, & plures alij Principes viciniſſima ſibi oppida  
Regni obſidione cinxerunt, multis & varijs Cives calamitatibus & incom-  
modis afficientes. Omnium iſtorum cauſa malorum fuit Wenceslaus Rex,  
qui cum inordinatiſſimæ eſſet vitæ, & plura in Regnum committeret  
mala, timens ne deponeretur à Regno, Ligam & confœderationem & bel-  
la Civibus contra Principes perſuaſit & indixit. Multis promiſit multa,  
ſed omnes in tribulatione dimiſit.

Et oppidū  
Schwein-  
furt.

Wences-  
laus Rex  
cauſa ma-  
lorum.

MCCCLXXXIX.

Anno Godfridi Abbatis nono, Indictione Romanorum duodecimâ  
Wenceslaus Rex Germanorum convocationem Principum apud Franko-  
furt Regni oppidum indixit, in qua Wilhelmum Montensem Comitem,  
ſive Marchionem cum ſolemnitate & pompa magna in Ducem ſublimavit.

Eodem anno Urbanus Papa ſextus ordinatis uno die novem & viginti  
Cardinalibus Romæ moritur: & in Eccleſia S. Petri Apoſtolorum Princi-  
piſtumulatur; ſilentibus paucis mortem ejus, propter duritiam & ruſti-  
citatē, quibus gravis, & inexorabilis, & auſterus nimium videbatur eſſe  
mortalibus. Poſt cujus obitum Petrus Tomacellus patriâ Neapolitanus  
annum ætatis agens quartum atque triceſimum conſenſu omnium Cardi-  
nalianum Romæ tunc exiſtentium in Papam electus fuit, & Bonifacius in ſua  
obedientia nuncupatus. Præſuit autem Romæ annis ſedecim, Clemente  
ſeptimo, ut ſupra diximus, apud Avenionem in Gallia ſe gerente pro Pon-  
tifice. Bonifacius ergo Pontifex creatus eſſi junior ætate, ita tamen dein-  
ceps vixit in tam florida ætate, ut nulla ei libido, nulla voluptas impingi  
vel obijci poſſet: quippe qui juventutem cum ipſa ſenectute commutâſſe  
videbatur. In eruditione ſcripturarum modicus fuit, ſed tamen pruden-  
tiâ & animi magnitudine nulli ſecundus, utpote qui primus Pontificum  
omnium populi Romani vim & auctoritatem omnem in Pontificem

Urbanus  
Papa ſextus  
Romæ  
moritur.

Bonifacius  
Papa fit  
Romæ no-  
nus.

Sancta Bri-  
gitta vidua  
canoniza-  
tur.

tranſtulerit creatis ſuo nutu magiſtratibus omnibus, quod antea fecerat nullus. Iſte memoratus Papa Bonifacius nonus ad inſtantiam Regis, & Principum Regni Sueciæ atque Norvvegiæ Brigittam viduam, & peregrinam pro Chriſto admirabilem anno Pontificatus ſui ſecundo. die menſis Octobris ſeptimâ, Sanctorum Catalogo dignanter adſcripſit: quam Canonizationem ejus etiam Martinus poſtea quintus Papa Florentiæ conſiſtens anno ſui Pontificatus ſecundo confirmavit. Dies autem Feſtus ſive Natalis ejus viceſimâ tertiâ die menſis Julij celebratur, de qua latius ſupra diximus anno Wignandi Abbatis Hirſaugienſis nono.

Hiſ temporibus confœderati, quos vulgò Suitenſes appellamus, gens ferox, & libertatis nimium amatrix multa contra Ducem Aſtriæ Lupoldum Juniorem, Comites quoque de Habſpurg, Kyburg, VVerdenberg, & alios nobiles vicinos commiſit mala. Summo namque ſtudio, ac totis viribus omnes ſubditos oppidanos, & ruſticos longè latèque per circuitum in ſuam ſocietatem laborabant allicere, & contra principes eorum, & proprios Dominos in rebellionem concitare: accedentes ſuâ ſponte liberaliter in ſocietatem admittebant: contradicentes verò minis & armis violenter compellebant. Reſiſtentium oppida, caſtra, munitiones, & fortalitia penè incredibilia numero, brevi tempore ceperunt, & plura funditus everterunt, ditionem ſuam quotidie nimis ampliantes.

Suitenſes  
oppidum  
Nydown  
obſident &  
capiunt.

Caſtellum erat, vocabulo Nydown, antiquâ Comitum generatione quondam inſigne, ſed jam tunc receptaculum, & ſpelunca Raptorum. Bernenſes igitur cum Soloturnenſibus contractis ſuorum copijs Caſtellum Nydown obſidione fortiſſimâ cinxerunt; & non minus in nocte, quàm in die machinarum inſtructione fortiter impugnârunt. Hi verò, qui Caſtrum inhabitabant illo tempore, omnes erant Latrones & Raptores, qui viatoribus cunctis inſidiabantur, nemini parcentes: neque inter amicos aut inimicos ullam diſcretionem habentes, ſed omnes unâ ſententiâ quoſcunque obviantes deprædabantur, aut in vincula conjecerunt. Et in primis quidem annexum caſtello oppidum per vim ceperunt ingentem: ſubmiſſoꝝque igne funditus deſtruxerunt, habitatoribus in Caſtellum ſeſe recipientibus. Poſtremò etiam Caſtellum ipſum per deditiorem obtinuerunt, in quo tam ſuorum, quàm aliorum plures invenère captivos, ſecretiſſimèque detentos. Inter quos fuit Epiſcopus unus ex Portugallia Uliſſiponenſis, & Abbas quidam cum eo ex Regno Portugalliæ, ambo captivi, & cunctis bonis ſpoliati, quos Romanus Pontifex pro certis Eccleſiæ negotijs ad Principes miſerat in Germaniam. Qui per latrones capti & ſpoliati ad memoratum Caſtellum Nydown ſecretiſſimè fuerunt abducti, & vinculis mancipati, nullo Principum ſcire potente, quorſum perveniſſent. Liberati autem & veſtiti à Bernenſibus per Longobardiam reverſi ſunt ad Pontificem: Deo gratias agentes, & iſſis liberatoribus ſuis; trecentos enim Ducatos Bernenſibus remiſerunt, quos tam pro viatico, quàm veſtimentis mutuos ab eis acceperant: & ultra hos mille ducatos in reſuſionem expenſarum pro Caſtro erogatarum eis ſimiliter miſerunt.

Captivus  
Præſul à  
Bernenſi-  
bus libera-  
tur.

Godfridus  
Abbas hu-  
jus loci mo-  
ritur trice-  
ſimus quin-  
tus.


Anno prænotato mortuus eſt Godfridus ejus nominis ſecundus hujus Monaſterij Hirſaugienſis in ordine Abbatum quintus, atque triceſimus, anno regiminis ſui nono completo, cum diebus quadraginta quatuor, in Eccleſia Monaſterij majoris cum Patribus ſuis honorificè ſepultus. Reli-  
quit



quit Monasterium in utrôque statu sicut invenerat, satis desolatum, ære videlicet gravatum alieno, Monachos pravâ libertate contra normam Regulæ conversantes.

De Wichardo ejus nominis tertio hujus Monasterij Hirsaugienſis Abbate XXXVI. qui præfuit annis XI. & de gestis illius temporis.

Wichardus  
tertius sic  
Abbas hic  
tricesimus  
sextus.

 Anno prænotato Dominicæ Nativitatis MCCCLXXXIX. Indictione Roman. XII. post mortem & sepulturam Domini Godfridi Abbatis hujus Monasterij Hirsaugienſis xxxv. convenientes in unum Prior. & FF. Conventuales simul, & de Prioratibus Abbatia huic subjectis. quibus Jus in Electione competebat, seclusis omnibus, ac præmissis orationibus consuetis ad Electionem novi Pastoris unanimiter processerunt; scrutatis igitur ex more votis eligentium singulorum V Wichardus Monachus ejus nominis jam tertius in Abbatem eligitur, qui confirmatus & benedictus ab Adolpho Spirensium Episcopo, præfuit aîis XI. De cujus vita, moribus & gestis nihil specialiter scribere potuimus, utpote qui monumenta litterarum aut nulla. aut certè paucissima habemus de ejus conversatione.

MCCCXC.

Anno primo V Wichardi Abbatis, Romanorum Indictione XIII. Diethardus Comes de Katzenelenbogen contra Cives Colonienses animum gerens hostilem multa in eos commisit mala Friderico Archiepiscopo respiciente per digitos. Hujus Diethardi filius fuit Philippus ultimus Comes de Katzenelenbogen, qui nostris temporibus moriens sine virili semine unicam reliquit filiam, quam Hassiæ Comes V Vilhelmus accepit uxorem, & cum ea Comitatum Philippi obtinuit cum multis divitijs.

Diethardus  
de Katzen-  
elenbogen  
devastat  
Colonienses.

Eodem anno Joannes Palatinus Comes Rheni, Bavariae, Brabantiae. quæ Dux, Hannoniae, Hollandiae & Seelandiae Comes filius Alberti Ducis, & nepos quondam Ludovici Imperatoris IV. annum ætatis agens nonum decimum. in Episcopum Leodiensis Ecclesiæ postulatur, & in Civitatem pomposè inducitur. Fratrem habuit nomine V Vilhelmum natu majorem, qui Patri mortuo in Principatu successit. Quo etiam sine virili semine vita defuncto, cum ejus unica filia viro accepto patris sibi Ducatum usurparet, Joannes patruus se opposuit, dimissoque Episcopatu uxorem duxit, & terram Fratris occupavit.

Anno prænotato, primo die Septembris mortuus est Crafftus Abbas Monasterij quondam mei Spanheimensis anno ætatis suæ LIX. Cui successit Philippus ejus nominis secundus, qui præfuit mensibus duntaxat 6. & 18. diebus. Quo etiam mortuo Bernardus Monachus ex oppido Spanheim oriundus, præfuit annis 41. mensibus 3. & 9. diebus, vir prudens & satis idoneus. Veruntamen desolationem Monasterij in utrôque statu nimiam reformare non potuit propter maliciam temporum, & inveteratam socordiam Monachorum.

Anno item prænotato Stephanus Dux Bavariae magnis precibus atque muneribus à Florentinis conductus, in manu suorum valida intravit Italiam

liam contra Galeatium Mediolanensem, quem Venceslaus Rex paulò ante sine consensu Principum ex Vicecomite sublimavit in Ducem, obtentisque nonnullis Castellis & munitionibus Adversarij cum pace reversus est.

Ladislauſ  
à Papa in  
Regem  
Neapolita-  
num coro-  
natur.  
Nota.

Eodem anno Bonifacius Papa ix. miſit Angelum Cardinalem Florentinum cum honesta Comitiva Legatum in Neapolim ad coronandum in Regem Ladislaum filium Caroli Regis Ungariæ, qui uxorem duxerat filiam Manfredi Comitis de Claromonte in Sicilia, cum qua ab ipſo patre ingentem ſuſcepit theſaurum in pecunijs auro & argento, & lapidibus pretioſis.

Ludovicus  
Andegaviæ  
Dux contra  
Ladislaum  
ab Antipa-  
pa erigitur.

Contra hunc Ladislaum Clemens Papa VII. qui contra Bonifacium in Avenione reſidebat, Ludovicum Andegaviæ Ducem Caroli vi. Regis Gallorum fratrem anno præterito in Regem Apuliæ, Siciliæ & Jeruſalem coronavit, qui & Neapolim eo tempore, ſicut diximus, prius occupabat. Per multos igitur annos hi duo Reges Ladislaus & Ludovicus inter ſe pro Regno Apuliæ, Siciliæ & Jeruſalem graviffima geſſerunt bella, plurimum effundentes humani ſanguinis in terra, & multiplicantes contentiones. Bonifacius iſte Papa IX. tres habuit fratres, quos multum in honoribus & divitijs huius mundi ſublimavit: unum namque Marchionem conſtituit in Marchia Anconitana: & alios duos in ſingulis locis alijs Principes fecit, & nimium exaltavit. Eorum tamen filij juſto Dei iudicio ad extremam poſtea devenerunt inopiam, ut eorum exemplo monerentur omnes, non eſſe duraturas apud Laicum divitias, quæ ſurripiuntur de Eccleſia.

Bona Ec-  
cleſiarum  
Laicis data  
paupertatem  
finaliter indu-  
cunt.

#### MCCCXCI.

Anno Wichardi Abbatis ſecundo, Indiſtione Romanorum xiv. Gerhardus de Schvvarzenburg Episcopus Herbipolenſis novum in civitate Caſtellum ædificare cæpit, in eo loco, quem porcorum foveam, vulgari-ter Schvveingrube nuncupant Incolæ. Verum quia in maxima fuit eo tempore diſſenſione cum Civibus, ut conſequenter patebit, inchoatum ædificium, obſtante, non dubium, rebellionem Civium, conſummare non potuit.

Jacobus  
Armignia-  
ci Comes à  
Gallia ve-  
nit in Lon-  
gobardiam.

Hoc ipſo anno Florentini Cives bellum adverſus Galeatium Mediolani novum Ducem continuantes Armigniaci Comitem in auxilium ex ulteriori Gallia propoſito magno pecuniarum ſtipendio in Longobardiam vocârunt. Qui quidem Comes nomine Jacobus, tametiſi poſtulata primum recuſaret, ſuorum tamen non minus conſilio, quàm auri fame ſeducuſ tandem conſenſit, & collectâ pugnatorum manu validâ in Longobardiam properavit. Superatis verò non ſine labore alpibus Alexandriam Mediolani Ducis oppidum in primis obſidione vallavit, in quo Dux præſidium antea poſuerat validum ſimul & occultum. In inſidijs quoque alteram exercitus turmam ſecretam locaverat non modicam, omnia Comite non ſuſpicante. Itaque obſidente urbem Armigniaco, & illis qui circum ſidebantur ſimulantibus formidinem, Dux inſidiantes quosdam ex ſuis latentibus jubet emitti, quales levis armaturæ appellant, qui ad conflictum provocarent obſidentes: in quos proruentes Armigniaci milites aliquot, dum eos longius perſequuntur, fugam ſimulantes hoſtis ex inſidijs procedit. Quod ubi animadvertit Comes, laborantibus ſuis ſubve-  
nire

nire mox festinat; & accepto signo confestim Alexandrini eruptione factâ Comitem Armigniacum cum suo exercitu inter se, & eos, qui la-  
tuerant in insidijs, ex omni parte concluderunt. Atrox pugna committi-  
tur, & multis crudeliter occisis etiam ipse Comes octo vulneribus acceptis  
non multo post clamans: *In manus tuas Domine commendo Spiritum meum*;  
vitam commutavit cum morte crudeli.

Comes Ar-  
migniaci  
vulneratus  
moritur.

His quoque temporibus Leprosi per Galliam in multis locis fontes  
in odium sanorum hominum, simul atque pernitiem veneno intoxicâ-  
runt; quorum impietas detecta ultimo supplicio punita est. Hoc ipsum  
calamitosum genus hominum ante paucos annos in Gallia simili mali-  
gnitate contaminare puteos veneno præsumens, ignis incendio pœnas  
dedit.

Anno prænotato Cives oppidi Bernensis in liga Confœderatorum  
annumerati dominium Symmeneck nuncupatum pro duobus floreno-  
rum millibus à Rudolpho de Arburg in perpetuam sibi possessionem  
comparârunt.

Dominium  
Symmeneck  
à Bernen-  
sibus emi-  
tur.

MCCCXCII.

Anno Wichardi Abbatis tertio, Indictione Romanorum xv. FERIA ter-  
tia ante Festum S. Catharinæ Virg. & Mart. facta est divisio Ducatus Ba-  
variæ inter filios tres Stephani Ducis, qui paulò ante rebus excesserat hu-  
manis: in qua divisione Joannes Monacum oppidum in superiori Bava-  
ria cum suis attinentijs obtinuit. Stephanus autem Ingolstatt, & Ratten-  
berg, cum ijs, quæ illis adhærebant, in sortem accepit. Fridericus verò  
Lantshutam cum alijs in Bavaria inferiore consecutus est. Porro filij Al-  
berti Patruï eorum principabantur in Hollandia. Horum avus omnium  
Ludovicus fuit Imperator quartus, cujusstres filij, ut supra dictum, Ludo-  
vicus Brandenburgensis, Ludovicus quoque Romanus, & Wilhelmus  
Hollandiæ Comes jam dudum sine liberis mortem obierunt. Stephanus  
Junior memoratus uxorem duxit filiam Galeatij Vicecomitis Mediolani,  
quem Rex Wenceslaus contra voluntatem Principum Regni acceptâ  
pecuniâ creaverat in Ducem: de qua genuit Ludovicum Ducem cogno-  
mento divitem: & Elisabeth Reginam postea Gallorum: Joannem quo-  
que Juniorem filium, qui fuit Ratisbonensis Ecclesiæ Pontifex.

Bavariæ  
Ducatus  
inter Fra-  
tres divi-  
ditur.

Stephanus  
Bavariæ  
Dux cum  
uxore & li-  
beris.

Fridericus filiam alteram Galeatij memorati Vicecomitis duxit uxo-  
rem: de qua genuit Henricum Ducem in oppido Lantshuta commoran-  
tem: Elisabeth filiam, & aliam similiter Magdalenam. Porro Elisabeth  
nupsit Friderico Nürenbergensi Burggravio, quem Sigismundus Imperator  
postea in Brandenburgensem sublimavit Marchionem: cui filium pa-  
terni nominis peperit Fridericum; qui genuit Albertum; ille verò genuit  
Joannem, & Fridericum. Joannes genuit Joachim, de quo suo tempore,  
quoniam hodie vivit, largiente Domino scribemus. Joannes verò duxit  
uxorem filiam Comitis Gurcensis, de qua duos genuit filios suo in Mona-  
co, & filiam unam nomine Sophiam, quam Wenceslaus filius Caroli IV.  
& Frater Sigismundi Regis duxit in uxorem.

Fridericus  
Dux cum  
uxore & li-  
beris.

His temporibus Gymnasium universale, quod noviter ante paucos  
annos in Civitate Francorum Orientalium Herbipoli fuerat institutum,  
propter dissensiones continuas, quæ inter Cives & Episcopum verteban-  
tur, valde capit debilitari: unde consilio inter se habito magistri atque

Gymnasiũ  
Herbipo-  
lense dura-  
vit annis  
xiv.

Doctores



Cauſæ deſolationis  
Gymnaſij  
Herbipo-  
lenſis no-  
tantur.

Doctores de translatione ejus ad Erpfordiam Moguntinæ Diœceſis oppidum Romani Pontificis impetravêre conſenſum. Unde mox ab eodem tempore Bonifacio Papa IX. annuente domus in Erpfurd pro ſuſceptione Scholaſticorum comparari, & ædificari cæperunt: manentetamen apud Herbipolim Gymnaſio cum privilegijs, & conſervatorijs ſuis (quorum unus fuit Decanus S. Joannis in Haagis) uſque ad ſecundum annum Friderici Abbatis, ut loco inferius conveniente plenius dicemus. De cauſis verò deſolationis memorati Herbipolenſis Gymnaſij, ſic quidam eo tempore dixit:

*Balnea, Cenſus, amor, liſ, alea, crapula, clamor:  
Impediunt multum Herbipolenſe ſtudium.*

Qui mores novit gentis Francorum, & conſuetudines Peapolitanorum, viſu & auditu didicit præſcriptorum expoſitionem verſuum.

Anno prænotato memorati Baviaræ Duces Joannes, Stephanus & Fridericus impetraverunt à Bonifacio Papa IX. quòd plenariam peccatorum indulgentiam, quam Hebræorum imitatione Jubilæum noſtrates appellant, in oppidum Monacum à Dominica Latare uſque ad Feſtum S. Jacobi Apoſtoli duraturam collocavit, ſicut ipſam Romæ prius celebraverat.

Mons Gigantum  
obſidetur à  
Gerhardo  
Wirzbur-  
genſi Epiſc.

Eodem quoque anno Gerhardus Epiſcopus Herbipolenſis, & Dux Francorum Orientalium contractis copijs & auxilijs Civium Regni, Caſtrum, quod der Reußenberg nuncupatur, obſidione vallavit, in quo Raptores, latronesque itinerum, & deprædatores viatorum tutum ſolebant habere confugium. Verùm quia Caſtellum arte ſimul & naturâ in monte altiffimo ſituatum ſatis munitum exiſtit, Præſul tandem ſolutâ obſidione ſine effectu inde reſceſſit.

Comburentur Hæretici in  
plerisque  
Germaniæ  
locis.

Hoc ipſo anno Magiſter Martinus Inquiſitor hæreticæ pravitatis à Sede Apoſtolica deputatus venit per Sueviam in Herbipolim: ubi factâ in-quiſitione Hæreticos nonnullos ex ſimplicioribus, & ruſticanis invenit de ſecta Flagellantium & Fratricellorum, quibus ad unitatem fidei Catholicæ reverſis pro ſalutari poenitentia crucem contra Infidos Turcas impoſuit, quæ illo tempore prædicabatur. Ex Herbipoli proſectus Erpfordiam ſimili pravitate infectos plures invenit, Beghardos, Beguttas, & alios; quorum aliqui cremati ſunt ignibus, aliqui verò poenitentiam egerunt ſuper erroribus ſuis, reliqui fugam inierunt.

Eodem anno circa Feſtum S. Matthæi Apoſtoli & Evangeliftæ, cùm in vitibus botri necdum eſſent maturi, ſubitò frigus intenſum oritur cum pruina & nive haud modica; deſtruxitque omne vinum, quod in vitibus erat per totam Franciam Orientalem, Sueviam, Alſaciam, Thuringiam, partésque Rheni ſimul atque Moſellæ, quarum Incolæ aliud nihil colunt, quàm vinum.

Feſtum Viſitationis  
Beatæ Vir-  
ginis inſti-  
tuitur.

Hiſ etiam temporibus Feſtum Viſitationis Beatæ ſemper Virginis intactæ Dei Genitricis à Bonifacio Papa IX. inſtituitur, & multis gratijs indulgentiarum ad inſtar Feſti Corporis Chriſti ab eodem cumulat cum ſolemni Octava; quod cunctis celebrandû Chriſticolis per orbem quotannis die menſis Julij ſecundo litteris Apoſtolicis patentibus ubique præcipitur.

MCCCXCIII.

MCCCXCIII.

Anno Wichardi Abbatis quarto, Indictione Romanorum primâ, post longam dissensionem & concertationem inter Fridericum de Saravverd Archiepiscopum, & Cives Colonienſes concordia facta eſt per medium Comitſ de Moers & interpoſitionem aliorum Principum.

Eodem anno Monſtrum nimis horrendum naſcitur ex ſœminâ ruſtica in Villa Berg Treverenſis Diœceſis, quæ à Trittenheim Nativitatis meæ vico per unum diſtat milliare tantum. Cujus monſtri inferior pars corporis hominem præferbat cum ventre, umbilico, pudendis, cruribus & pedibus. Superior verò pars, manus, brachia, collum, oculi, os, & caput bufonis erant horribilis, & tam formidabilis, ut nemo ſine pavore hoc monſtrum potuerit intueri. Vixit ſerè triduo, & quia genitrix illud lactare non potuit, neceſſariò defecit. Fuerunt qui dicerent, genitricem eſſe maleficam, dæmoniſque carnali maculatam commercio, & inde partum naturâ diviſum.

Monſtrum  
nimis hor-  
rendum na-  
ſcitur.

Anno prænotato Gerhardus de Schvvarzenburg Episcopuſ Herbipolenſis auxilio quorundam Civium Regni, & aliorum amicorum Caſtrum quoddam nomine Poppenhauſen, ſpeluncam eo tempore latronum obſedit, & varijs machinis fortiter oppugnavit. Quod cum expugnare non poſſet, ſine effectu poſtremò receſſit. Continuaverat obſidionem nihilominus à Feſto Pentecoſtes ſine intermiſſione uſque ad ſolemnitatem S. Michaelis Archangeli, hiſ qui intus erant, omnibus neceſſarijs proviſis, & ſe fortiter defendentibus.

Poppenhu-  
ſen Caſtrū  
ab Episco-  
po Wirtz-  
burgenſi  
oblidetur.

Anno item memorato viceſimâ quartâ die menſis Novembris, tantæ nivium abundantia ſubitò in orientali Francia cecidit, quantam nulla memoria hominum tunc viderat unquam: quarum denſitas nimium ventis agitata fortiffimas arbores & quercus annofas ſine numero fregit, aut penitus evertit.

Claruit hiſ temporibus Henricuſ ex Clivenſi oppido Calcar nomine Monachus & Prior ad tempuſ domuſ S. Barbaræ in Colonia Cartuſiani Ordiniſ, vir Chriſto devotuſ, & divinarum ſcripturarum admodum ſtudioſuſ, qui ſcripſit inter alia Exercitatoriuſ quoddam Monachale lib. i. Aliuſ quoque libruſ, quem loquagion de Rethorica prænotavit: aliud opuſculuſ, cui tituluſ dedit Cantuagiuſ de Muſica. De ortu quoque & progreſſu Ordiniſ ſui lib. i. Si quid ampliùſ edidit, ad noticiam noſtræ lectioniſ adhuc minimè pervenit.

Henricuſ  
Calcar pul-  
ra conſcri-  
pſit.

Joanneſ Ruſbroch natione Brabantinuſ Ordiniſ Canonicoruſ S. Auguſtini hiſ iſſis in Brabantia claruit temporibuſ, qui ſcripſit de profeſſu Religioſorum libruſ unuſ. De ornatu ſpiritualiuſ nuptiaruſ libb. iii. Sermones & Epistoſas variuſ ad diverſoſ: & alia quæ necdum vidimus: cujuſ libruſ tertiuſ de ornatu ſpiritualiuſ nuptiaruſ Joanneſ Gerſon Theologuſ, & Scholæ Pariſienſiuſ Cancellariuſ monet ſobriè & cautè legenduſ.

Joanneſ  
Ruſbroch  
multa com-  
poſuit.

Joanneſ Schönhoven Prior Conventuſ Mechlinienſiſ in Brabantia Ordiniſ Fratruſ Beatæ Mariæ ſemper Virginis de monte Carmeli per hæc tempora prædicator ſermonuſ populariuſ egregiuſ, inter ingeniij ſui Opuſcula non ſine magno labore comportavit opuſ inſigne de vitijs atque virtutibuſ, omnibuſ ſermocinatoribuſ utile: quod in duobuſ volumini-

Joanneſ de  
Schonho-  
ven plu-  
ra ſcripſit.

bus diſtinxit, & græco vocabulo Polypodion prænotavit, ordinem in proceſſu cuſtodiens Alphabeti.

MCCC XCIV.

Expedi-  
tio  
Chriſtiano-  
rum in Tur-  
cas ſub Re-  
ge Un-  
garie.

Anno Wichardi Abbatis quinto, Indiſtione Romanorum ſecundâ Expedi- tio magna Chriſtianorum facta eſt in Turcas, jubente & ordinante Sigifmundo Rege Ungariæ, qui poſtea Imperator factus eſt Romanorum, Crucem faciente prædicari Bonifacio Papa IX. in locis obedientiæ ſuæ: annis enim tranſactis quàm plurimis gens illa Turcarum perfidiſſima crebris incurſionibus multa Chriſtianiſ tam in Græcia, quàm in finibus Ungarorum inferre mala non ceſſavit, quouſque tandem Græciam ſibi totam ſubjecit. Sigifmundus igitur Chriſtianiſſimus Ungariæ Rex auxilium Bonifacii Papæ IX. & omnium Chriſtianorum Principum imploravit litteris ſcriptis & nuntiis, & magnum in Turcas exercitum brevi adunavit. In quo non ultimi fuerunt Rupertus dictus Pipan Comes Palatinus Rheni, Baviariæque Dux, filius Ruperti ſenioris, poſtea Regis Germaniæ, & Joannes Dux Burgundionum, cujus mater erat ſoror Ducis Baviariæ Alberti morantis in Straubingen. Hi duo cum magno pugnatorum exercitu venerunt in Ungariam, quos Rex cum ingenti lætitiâ ſuſcepit. Ex alijs quoque terris & alijs complures pugnaturi convenerunt.

Chriſtiani  
obſident  
Nicolim,  
contra  
quos Turcæ  
veniunt.

Rex ergo Sigifmundus contractis undecunque copijs terram inimicorum cum ſupradictis, & alijs Principibus pugnaturus intravit, & in primis Nicolim Urbem pulchram, divitem atque potentem obſedit. Quod ubi Rex ſive Capitaneus Adverſariorum intellexit, cum ducentis millibus armatorum Nicolopolitanis in auxilium venire feſtinavit. Contra quem Exercitus Chriſtianorum obviam procedens, ad unius milliaris ab eo ſpatium caſtra collocavit. Cùmque inter Principes oriretur contentio, quis eorum belli cœteris præberet ducatum, Sigifmundi ſententia fuit, præficiendum aliquem ex illis, qui & mores conſuetudinẽsque noviffent hoſtium, & antea cum ijs dimicaffent. Et propterea conſtituit belli Ducem Walachiæ Principem, virum bellicoſum, induſtrium & fortem, qui ſæpius cum Turcis dimicans glorioſè triumpharat.

Joannes  
Burgundiæ  
Dux ſua  
elatione  
Chriſtianos  
perdidit.

Joannes igitur Burgundiæ Princeps nimium indignatus, quòd ſibi hunc honorem videret præreptum, quem ſe multitudine Exercitus ſui, & longo itinere ſimul & multis impenſis Jure promeruiſſe putabat, contra voluntatem Regis Sigifmundi, & omnium, qui aderant Principum, cupiens ſibi uſurpare honorem, cum ſex millibus armatorum, quos adduxerat, ante omnes in bellum contra Turcas prorupit, & nimis infelicitè dimicavit; ipſe namque cum ſuorum pluribus in Turciam captivus abducitur, cæteri penè omnes quos adduxerat, ab hoſtibus trucidantur. Reliquus etiam Chriſtianorum exercitus à Turcis invaditur, & pluribus occiſis pauci fugâ ſalvantur. Sigifmundus Rex per mare navigio vix incognitus ad Conſtantinopolim pervenit, & interitum evaſit. Rupertus verò Palatinus in habitu pauperis mendici ad Heidelberg reverſus eſt. Burgundiæ tamen Dux Joannes totius mali cauſa tandem multâ pecuniâ liberatus eſt.

Joannes  
Dux capi-  
tur, Chri-  
ſtiani ne-  
cantur: alijs  
fugâ ſal-  
vantur.

Wences-  
laus Rex à  
Bohemis  
capitur.

Anno etiam prænotato Wenceslaus Rex Germaniæ, Bohemiæque propter inſolentias & fatuitates ſuas multas omnibus penè odioſus factus, à ſuis in Civitate Pragenſi capitur, & aliquandiu honeſtæ cuſtodie mancipatur.



etur. Interveniens tandem Sigismundo fratre, qui tum Rex erat Ungariæ, liberatur à custodia, sed pristinae conversationis mores non emendavit.

Eodem anno in mense Septembri mortuus est, & in Avenione sepultus Clemens in sua dictus obedientia septimus Antipapa, anno sui Pontificatus sexto decimo; vir callidus, superbus & astutus, qui cum suis Cardinalibus, quos in Avenione plures creaverat, inopiâ compellente, nec minus inflammante avaritiâ, sibi adhærentem per Galliam & Hispaniam Clerum, multis exactionibus valde gravans oppressit, & Annatas prior excogitavit. Mortuo Clemente atque sepulto, Cardinales, qui partes ejus fuerant secuti, Petrum quendam de Luna consanguineum Regis, ut dicebant, Aragonum, in Antipapam concorditer elegerunt, quem in Avenione solemni pompâ coronantes Benedictum tertium decimum nuncupârunt; qui sedit apud Gallos in Antipapatu per annos ferme tres & viginti usque ad concilium Constantiense, in quo abrogatis omnibus Martinus fuit electus.

Clemens  
Antipapa  
septimus  
moritur.

Benedictus  
Antipapa  
fit decimus  
tertius.

Æstas anno memorato fuit calore continuo ferventissima, & pluviae aut nullæ, aut valde raræ. Unde vinum illius anni, quod nihilominus in abundantia competenti crevit, optimum fuit. Frumentum similiter in bona copia provenit, quamvis in multis Germaniæ locis inter sationis & messisionis distantiam, vel tempus, pluvia nulla ceciderit super terram.

Anno prænotato miles quidam nomine Wernherus Schnovvlin in quadam similitate capitur, & in castro Rappenbach custodiæ mancipatur. Lupoldus igitur Dux Austriæ congregato suorum exercitu non modico, & ferentibus auxilium Civibus Regni Argentinensibus, Castrum Rappenbach obsedit, cepit, funditusque destruxit, & captivum militem liberavit.

MCCCXCV.

Anno Wichardi Abbatis sexto, Indictione Romanorum tertiâ, nobiles & potentiores Comitatus terræ Wirtenbergensis nescio quâ causâ vel occasione adversus Dominum suum Comitem conspiracyem satis periculosa, & temerariam suscitârunt: nam eo usque prævaluit insania, ut convocatis undecunque socijs oppidum quoddam Haimsheim dictum, haud procul à Regali oppido Wila in Wiemgövv situm obsidione cinxerint: quatuor super omnem exercitum Capitaneos ex potioribus constituerunt, quos in contumeliam Comitis per Ironiam Reges nominari præceperunt. Oppidani verò cum essent inermes, turmam perfidorum citius intromittere coacti sunt. Nuntiata sunt hæc Comiti, qui confestim ex oppidis & viculis suis congregavit, quantam potuit Rusticorum multitudinem, & veniens cum exercitu mane primâ luce oppidum Haimsheim obsedit, & fortiter oppugnare cœpit. Rogum per circuitum oppidi fecerat magnum, quo igne submisso jam incipiente vehementer ardere, qui intus erant, valde timuerunt, & non habentes quo fugerent à facie tam ignis, quam inimici, dexteris necessariò dederunt, gratiam à Comite, & commissorum veniam humiliter postulantes. Comes verò malens servare populum, quàm perire, veniam petentibus sub certis conditionibus dedit, & unum post alium per angustum portæ aditum exire de oppido projectis armis omnibus, mandavit. Inter exeuntes vero de urbe captivos, de quatuor illis primis Capitaneis, qui se Reges nominari præceperant,

Conjunctio nobilium terræ Wirtenbergensis contra Dominum suum.

Haimsheim oppidum bis capitur.

rant, tres Comiti fuerunt oblati, quartus autem vel interierat occiſus, vel fugâ lapſus evaſit. Cernens hos tres fictitios Reges quidam Ruſticus promptulus ad jocos, cachinnans dixit aſtantibus: *Bone Deus, ſi quartum haberemus Regem, integrum charta ludum nobis Dominus hodie præparâſſet.* Comes itaque victoriâ potitus inſigni, lætus & incolumis ad Stutgardiam cum ſuis omnibus reverſus eſt.

Anno prænotato infra Octavam Feſti Sacratiffimi Corporis & Sanguinis Domini noſtri Jeſu Chriſti circa medium fermè noctis terræ motus factus eſt in partibus Moſellanis Cis-Rhenanis, & in Francia Orientali. Poſt quem ingens ventorum ſubſecuta tempeſtas, arbores, quercus & ædificia multa ſubvertit.

Albertus  
Dux Au-  
ſtriæ mori-  
tur.

Eodem anno octavo decimo die menſis Auguſti, moritur Albertus Dux Auſtriæ pius atque magnificus, frater Lupoldi Ducis à Suitenſibus, ut dictum eſt anno Godfridi Abbatis ſexto, in bello juxta Sempach occiſi, filius autem Alberti Ducis filij Regis Alberti, ſicut diximus in ſupra notatis anno Domini milleſimo trecentefimo quinquageſimo octavo Indictione Romanorum xi. Iſte magnificus Princeps, inclitûſque Dux Auſtriæ Albertus poſt mortem patris, parte ſuſceptâ hæreditariæ poſſeſſionis, Rempublicam Auſtriæ maximè optabat reddere glorioſam. Unde inter multa, quæ perpetuò conſtituit bona, univerſale Gymnaſium in oppido Vienneniſi ſuis impenſis primus ipſe fundavit, quod Apoſtolicis munitum privilegijs Innocentius Papa ſextus dudum confirmavit. Fridericus autem ex Auſtriæ Ducibus Imperator poſtea tertius majora pro eodem Gymnaſio privilegia, & dedit & impetravit, & Episcopali dignitate inſtitutâ ex Wienneniſi oppido civitatem fecit.

Univerſi-  
tas Vien-  
nenſis fun-  
datur.

Anno præſcripto in menſe Aprili die quintâ poſt meridiem horâ tertiâ ſol nube ſubvolutus tenebroſus factus eſt in civitate Leodiſi, & per unius milliariſ ſpaciū, aut amplius in circuitu eorum, apparuitque mirabile ſignum in nube quaſi gladius ſanguinem fundens, & cum igne diſcurrens: mirabantur omnes, nec erat, qui portentum illud interpretari poſſet.

Mater Ca-  
roli Ducis  
Burgundiæ  
nalcitur.

Eodem die poſt medium noctis horâ ſeptimâ minuto octavo decimo naſcitur in Portugallia Eliſabeth Regis Portugalliæ filia, quæ poſtea nupſit Philippo Duci Burgundiæ, cui & peperit Carolum Ducem ultimum, qui Leodium diruit, & in circuitu omnia deſtruxit, & multa virorum millia in ore gladij occidit, mulieres, virgines & parvulos in Moſa flumine ſubmerſit.

Conradus  
Archiepiſc.  
Moguntinus  
obiit.

Anno prænotato in menſe Octobri, moritur Conradus de Wynſperg Archiepiſcopus Moguntinus anno Pontificatus ſui ſeptimo, vir bonus & pius, cujus cadaver in majori Eccleſia Moguntina cum honore debito fuit Eccleſiaſtica traditum ſepulturæ. Poſt cujus mortem Eccleſia Moguntina priſtinis iterum calamitatibus expoſita ſub ſchiſmate gravi tribulata eſt: Capitulum enim unanimi conſenſu, in Archiepiſcopum ſuum elegit Godfridum ex Comitibus de Lyningen majoris Eccleſiæ Canonicum, virum prudentiâ, conſilio & actione cautum, ſcripturarum quoque ſcientiâ ſatis eruditum, & ut cunctis videbatur, talis Eccleſiæ per omnia valde idoneum Pontificem. Contra quem Joannes ex Comitibus de Naſſavv ſimiliter Canonicus, homo aſtutus & callidus, nimium aspirans ad altiora, per medium ſuorum egit cum Bonifacio Papa nono, quod electio-

Godfridus  
de Lynin-  
gen eligi-  
tur.

nem

nem de eo canonicè factam cassavit, & sibi de Moguntino Archiepiscopatu providit. Quod factum multis displicuit, de quo plures diversa & varia senserunt. Erant enim qui dicerent, eum nescio quibus florenorum septuaginta millia exposuisse, ut Godfrido Pontificatum præriperet. Joannes igitur ad Archiepiscopatum Ecclesiæ Moguntinæ provissus, & confirmatus per Papam, satis utiliter præfuit annis quatuor atque viginti, homo sicut diximus, prudens & astutus, qui paucissimis innotescere solebat, quæcunque mente concepisset.

Joannes fit  
Archiepisc.  
Mogunti-  
nus.

MCCCXCVI.

Anno Wichardi Abbatis septimo, Indictione Romanorum quartâ, moritur Nicolaus ex Comitibus de Nassavv, qui eo tempore morabatur in Wisbaden haud procul à Moguntia Spirensium Episcopus. Post quem Rabanus de Helmstadt in Pontificem ejusdem Ecclesiæ per Canonicos regulariter electus & ordinatus præfuit annis ferme triginta quinque, & postea, ut suo loco dicitur, Archiepiscopus Trevirorum factus est.

Rabanus  
fit Episco-  
pus Spiren-  
sis annis  
xxxv.

His temporibus Comes quidam de Solms multa contra Trevirensē mala commisit Ecclesiā, igne & ferro devastans patriam. Unde commotus Archiepiscopus Trevirorum Wernherus validum suorum adunavit exercitum, & contra hostem processit ad bellum. Consertis itaque manibus Archiepiscopus victoriam obtinuit, interfectisque Adversariorum plurimis, Comitem cepit, & vinculis alligavit, donec imperata polliceretur omnia. Idem Archiepiscopus navale, quod Antecessor ejus Cuno de oppido Confluentino ad castellum nomine Capella olim transtulerat telonium, abundantioris causā lucri ad oppidum Cunnenengen eodem tempore revocavit.

Comes de  
Solms in  
bello capi-  
tur ab Ar-  
chiepisco-  
po Treviro-  
rum.

Anno prænotato tricesimâ die mensis Januarij horâ decimâ ante meridiem natus Philippus Dux Burgundiæ, pater Caroli Ducis ultimi, & Davidis, qui postea fuit Episcopus Trajectensis, quamvis non de legitimo thoro natus. Eodem anno multæ contentiones & lites inter Episcopum Herbipolensem Gerardum de Schvvarzenburg, Clerum quoque & Cives dudum inchoatæ sumpserunt augmentum, & multiplicata sunt mala per totam terram Francorum. Et quia Episcopus ratione bellorum pecunijs in toto fuit exhaustus, nec habebat, unde stipendia solverentur militibus, Clerum inconsuetis & gravissimis contributionibus & exactionibus sibi plurimum reddidit infensum. Unde fuit eo tempore Clerum in Herbipoli videre in miseria, dum hinc à Civibus infanis atque crudelibus, ablatis rebus, mortis intentaretur periculum: hinc verò Pontifex Censuras minaretur & carceres, nisi quod petijt solverent tributum. Verum Clerus non minus exhaustus pecunijs quàm Pontifex, injustis exactionibus unanimi voce contradixit. Propter quod Nicolaus de Malchos majoris Ecclesiæ Decanus mandato Episcopi non consentiens de civitate fuit ejectus. Otto de Miltz Herbipolensis Canonicus, & Bambergensis Decanus, cum fratre suo Joanne de Milz æquè Canonico in habitu Religionis turpiter fuit captus, & ad castrum, quod Nova domus nominatur, captivus abductus. Hâc injuriâ Clerus non mediocriter commotus, interdictum mox per omnes Civitatis Ecclesias decrevit & servavit. Constat enim confederationem ante plures annos inter Abbates, Præpositos, Decanos, & omnem Clerum Herbipolensis Ecclesiæ simul & urbis factam, conscri-

Inter Epi-  
scopum,  
Clerum, &  
Cives Her-  
bipolenses  
magnæ  
discordiæ.



ptam, & Prælatorum omnium sigillis confirmatam: in qua sic extitit ordinatum, ut quotiens Peapolitanæ Civitatis atque Diocesis Clericus in urbe ipsa per quoscunque caperetur, injuriaretur, vel injustè læderetur, mox cessantibus Divinis Interdictum servaretur.

Vicecomes  
Mediolani  
Dux effici-  
tur.

Mediolanū  
est Camera  
sacri Impe-  
rij.

Anno memorato Joannes Galeatius Vicecomes Mediolani, datis Wenceslao Regi centum millibus, ut ferebatur, ducatorum, & amplius, ex Vicecomite, ut sæpe ante meminimus, in Ducem est sublimatus. Quam dignitatem consecutus est per manus Oratorum dicti Regis, in mense Septembri cum magna solemnitate & gaudio Mediolanensium. Et quia Mediolanum Camera Romani est Imperij, quam avaritiâ ductus Rex Wenceslaus contra voluntatem Principum nec debuit, nec potuit alienare, hæc novi Ducis creatio causam præstitit non modicam Electoribus Imperij depositionis ejus à Regno.

MCCCXCVII.

Bellum fit  
inter Du-  
cem Mon-  
tensem &  
Comitem  
Clivensem.

Anno Wichardi Abbatis VIII. Indictione Romanorum v. Wilhelmus Dux Montensis cum exercitu valido terras Comitis Clivensis intravit, & omnia igne, ferròque hostiliter devastavit. Quod cum Comes animadvertit, contractis undequaque copiis obviam Duci processit in bellum. In primo congressu Dux de Monte victoriam obtinuit, & exercitus Comitis fugâ dispersus fuit. Comes verò ubi vidit suos in fugam præcipientes, magnâ voce clamavit: *Quid facitis ô viri, cur fugitis, cum adhuc integri simus viribus? State preter viriliter pugnantes, quoniam Deo miserante consequemur victoriam.* Animati pusillanimes admonitione Comitis steterunt; bellum denuo incipitur, Dux à Comite superatur.

Dux Mon-  
tensis in  
bello cum  
multis alijs  
captus est.

Ceciderunt in eo prælio multi, Dux ipse Wilhelmus de Monte captus est. & cum eo Dux Juliacensis, Comes quoque Solms, Comes de Isenburg, Comes de Sayna, Comes de Westenburg, Comes de Rifferscheyd, & ex militari ordine complures, qui magnam Comiti pro sui liberatione pecuniam dederunt. Hujus victoriæ fuerunt Auctores, ut dicebatur, Cives de Wesalia, qui fortiter pro Domino suo Comite pugnantes etiam alios corroborarunt.

Civium  
Herbipo-  
lensium  
contra Do-  
minum su-  
um durat  
rebellio.

Anno prænotato dissensionibus & bellis inter Episcopum Gerardum & Cives Herbipolenses durantibus, imò quotidie magis ac magis incrementibus, Clerus in tribulatione maxima fuerat constitutus; opprimebatur etenim non solum in ipsa urbe à Civibus, sed etiam extra pertotam Diocesin à laicis perversis; Cives namque Peapolitani suo Domino rebelles, conjurationem & foedus cum adjacentibus in circuitu oppidanis, non minus quàm & ipsi perjuri facientes, quicquid in contumeliam, damnum & læsionem Cleri atque Claustralium excogitare poterant, præsumere & facere non timebant.

Canonici  
Herbipo-  
lenses a per-  
fidis capi-  
untur civi-  
bus.

Crafftonem ex Comitibus Hohenloe majoris Ecclesiæ Herbipolensis Canonicum, virum nobilem, bonum & quietum, nemini adhærentem, adeoque mansuetum, ut nec læsus quemquam offenderet, illo tempore apud Carthusianos extra urbem commorantem Monachos amore quietis, in ipso Monasterio ceperunt, introductumque in civitatem carcerali custodiae manciparunt. Alios etiam plures Canonicos, Vicarios & Clericos, non solum majoris, sed etiam aliarum Ecclesiarum in civitate & extra captos conjecerunt in vincula.

Post

Post Festum Pentecostes anno præsignato Cives memorati Herbipolenses armati, & furiosis per omnia similes, omnia Monasteria, Conventus, & domos Canonorum & Clericorum in Civitate & suburbanis per-lustrantes spoliaverunt, rapientes quicquid in eis potuerant invenire. Nemini pepercerunt ex Clero, nec Deo sacratis honorem impendere locis statuerunt. Propter quod in ultionem tanti sceleris divinâ providente Justitiâ tandem à Clero victi & superati sunt, & in omnimodam eorum servitutem redacti, & compulsi usque in præsentem diem.

Clerus Her-  
bipolensis  
bonis suis  
spoliatur à  
Civibus.

Denique vanissimi, & furiâ pleni Cives cum armis & fustibus pontem Mogosi transientes Monasterium S. Burchardi trans flumen insigne, quod eo tempore fuit Ordinis S. Benedicti, spoliantes incenderunt, & domos quasque meliores igne submisso funditus everterunt.

Cœnobiū  
S. Burchar-  
comburit-  
ur à Civi-  
bus.

Simili furore Monasterium S. Jacobi Apostoli ( cui Deo permittente ego inutilis Joannes Trithemius Abbas post Spanheim deservio ) invadentes spoliaverunt, & igne submisso quæque meliora habitacula Monachorum penitus destruxerunt, cujus everisionis vestigia cernimus usque in præsentem diem. Inde progressi ad Haugis Collegiatam in Suburbanis orientem versus Ecclesiam, domos Canonorum pretiosas atque pulcher-rimas everterunt, sicuti usque in præsens manifesta cernuntur vestigia.

Et Cœno-  
bium S. Ja-  
cobi.

Conglomerati postea turmatim in armis, & civitatem exeuntes vil-lam Ecclesiæ non ultimam, quæ Brostelsheim nuncupatur, una cum parochiali Ecclesia combusserunt in odium Cleri & Episcopi, solo remanente castello; plures in circuitu & alias Ecclesiæ villas incendio furiosi Cives destruxerunt, omnia Cœnobîa Claustralium in urbe & circa fru-mento & vino spoliârunt.

Interea dum hæc agerentur per Cives, Episcopus plura suorum re-bellium per intervalla obsidione cinxerat oppida, quamvis paucissima potuerit obtinere. Nam præter Iphoven penè omnes incolæ suæ oppido-rum Ecclesiæ Cives cum Herbipolensibus contra Dominum eorum pro-prium conjuraverant Episcopum. Oppidorum ista sunt nomina: Cherols-hoven, Neustatt, Hafsûrth, Eberen, Hertzlach, Meiningen, Königsho-ven, Melrichsstatt, Fladingen, Carolstatt; quorum omnium habitato-res cum Herbipolensibus fuerunt conjurati, atque bellantes contra Episco-pum & Clerum omni pietate Religionis contemptâ. Plures pro concor-dia diatæ iterum servatæ sunt, sed nihil omnino profuerunt.

Conjurati  
oppidani  
cum Herbi-  
polensibus  
contra Epi-  
scopum.

His temporibus Rex Wenceslaus morabatur in Bohemia in urbe Pragenfi, ad quem Cives Herbipolenses miserunt legatum ex suis unum nomine Fridericum Schade, per quem oblatis Regi quatuor florenorum millibus supplicabant, ut civitatem Peapolitanam ab omni Jurisdictione Sacerdotum dignaretur eximere, & inter alias Regni urbes perpetuò incor-porare. Muneribus susceptis lætatus est Rex, omniâque postulata Civium se promittit facturum. Mittit ergo cum Friderico memorato ad Cives Herbipolenses Bohemum quendam Comitē, & consolatorias litteras, in quibus ipsos jussit animis esse constantes, & se personaliter brevi polli-cebatur Herbipolim esse venturum.

Cives Re-  
gem Wen-  
ceslaum  
vocant de  
Bohemia in  
auxilium.

Quo nuntio suscepto Cives jam se Dominio Sacerdotum Christi pu-  
tabant exemptos, & consilio stultorum accepto, nuntios ad cæteras Regni  
urbes cum litteris mittebant, in quibus jam se Regni Cives, non Ecclesiæ  
pronuncia-

Wences-  
laus Rex  
pro Civi-  
bus venit  
Herbipo-  
lim, &c.

pronuntiabant. Supervenit non diu poſtea, ſicut promiſerat Rex Wenceslaus, qui magno cum honore ſuſceptus à Civibus. Aquilam Regni pro ſigno libertatis per muros & mœnia urbis erexit. Erat in civitate gaudium magnum de præſentia Regis, & uno omnes animo in libertatem conſpirabant.

Episcopus  
contra  
Wences-  
laum que-  
relam de-  
fert Princi-  
pibus.

Episcopus, dum hæc agerentur, in monte S. Mariæ ex urbis oppoſito manebat, qui Regis & civium temeritate recognitâ, litteras miſit ad Principes Regni, in quibus de violentia Regis Wenceslai propoſuit querelam, & poſtulavit auxilium. Noverant enim Principes Regni omnes, quòd Pipinus, & Carolus filius ejus cognomento magnus olim Reges Francorum, civitatem Herbipolenſem, cum Ducatu Franciæ orientalis S. Burkardo ejusdem urbis primo Episcopo, & per eum cunctis ſucceſſoribus ejus in proprium Jus, atque poſſeſſionem perpetuam tradiderunt, non ut Imperatores, neque de proprietate Imperij, ſed ut Reges, & de Regni proprietate ſibi acquiſiti.

Unde commoti contra Wenceslaum Regem juſtiſſimi Principes Regni, durius in eum ſcripſerant, monentes, ut à malè captis deſiſteret, nec ſubditos contra Dominum eorum in rebellionem concitaret, alioquin neceſſitate perurgente ſe fore de negotijs Regni aliter proviſuros. His litteris Rex à Principibus Regni ſuſceptis territus eſt, & cæpit in ſecreto habere conſilium, quomodo in Boëmiam ſecurum & honeſtum poſſet habere regreſſum.

Wences-  
laus callidè  
ab Herbi-  
poli rece-  
dit.

Convocatis igitur Civibus cauſas abeundi neceſſarias & honeſtas, ſed conſictas in medium propoſuit, & ne frangerentur animis, rediturum ſe quantocius promittit. Qui expectatus diu non eſt reverſus uſque in præſentem diem. Duravit autem iſta ſimultas à ſextâ feriâ ante Feſtum Pentecoſtes anno prænotato inchoata per Cives contra Episcopum & Clerum veros eorum Dominos in annum tertium, quo tandem in bello juxta villam, quæ nuncupatur Berchteim, fuerunt ab Eccleſia victi, ſuperati & confuſi; quemadmodum in ultimo Wichardi Abbatis anno infra dicemus.

Decem &  
ſeptem vi-  
cibus Epi-  
ſcopo Cives  
fuerunt  
perjuri &  
rebelles.

Et nota quòd, Cives Herbipolenſes ex eo tempore, quo Pipinus & Carolus magnus Reges olim Francorum Ducatum cum urbe S. Burchardo primo Wirtzburgenſium Episcopo, anno videlicet Dominicæ Nativitatis DCCLVIII. de conſenſu Principum Regni omnium donaverunt, decem & ſeptem jam vicibus, ſicut in hiſtorijs reperi, contra Eccleſiam & Pontifices in rebellionem ſeſe erexerunt; non attentis, quæ Dominis ipſi ſuis antea ſemper fecerant, Juramentis; donec poſtremò viribus exhaustis obedienter ſubeſſe ſunt compulſi.

Guntherus  
Frater Epi-  
ſcopi Her-  
bipolenſis  
obiit.

MCCCXCVIII.

Anno Wichardi Abbatis nono, Indictione Romanorum ſextâ, mortuus eſt Guntherus Comes de Schvvarzenburg Thüringus, Frater Gerardi Herbipolenſis Episcopi, vir ſtrenuus & bellicoſus, qui amore Fratris Eccleſiaſtici Dux fuerat exercitus contra Cives rebelles atque perjuros, & ſæpius adjuvante Domino victoriam reportavit.

Herbipo-  
lenſes Epi-  
ſcopum  
ſuum in  
monte S.  
Mariæ ob-  
ſederunt.

Eodem anno durante Civium Herbipolenſium inſano furore contra Clerum, cùm Episcopus Gerardus in caſtro montis S. Mariæ moraretur, quod trans flumen eſt ſitum ex oppoſito Civitatis, corripientes arma rebelles montem ſimul & Burgum obſidione cinxerunt, Pontificem diebus

XL. in



xī. in eo cum suis impugnantes; conjuraverant enim simul ad invicem, ut si eum comprehendere possent, sine miseratione occiderent.

Verum his, qui fuerant in arce, viriliter se defendentibus, & lapides in turmam sævientium Rusticorum ex machinis crebrò jacentibus, die tandem xii. compulsi sunt obsidionem deferere, cum se viderent nihil posse obtinere. Muris denique ac fossatis muniêrunt civitatem, & Monasterium S. Jacobi fossâ cinxerunt, retrò cuncta penitus destruentes. Maximo Cleri & Monachorum odio laborabant, & quicquid in eos mali poterant excogitare, faciebant.

Anno prænotato Florentini Cives Imperij, captas contra Joannem Galeatium Mediolani Ducem dissensiones continuabant. Proposito igitur non parvo militibus stipendio, Lupoldum Austriæ Ducem in auxilium vocaverunt. Veneti quoque cum Florentinis in Ducem confœderati non parvum ei timorem incusserunt. Interea verò dum Lupoldus Dux Austriæ ad bellum pararet exercitum, Mediolano postulante, decennales factæ sunt Treugæ, & belli ratio interim fuit postposita.

MCCCXCIX.

Anno Wichardi Abbatis X. Indiët. Rom. viii. Wilhelmus Dux Montensis, quem ante biennium à Comite Clivenfi captum in bello cum quibusdam alijs Comitibus diximus, pacta, quorû medio fuerat è captivitate liberatus, violavit. Unde Comes de Clivis contractis undique copijs terram Ducis ingreditur, & omnia per circuitum igne devastavit & ferro; villas enim plures cunctis bonis spoliatas incendio concremavit: Mülheim insignem vicum obtinuit, & multa pauperibus terræ damna intulit.

Eodem anno, XV. die mensis Augusti ea pars oppidi Crüzenach in Comitatu Sponheimensi, quæ nova Civitas vulgò nominatur, incendio quasi tota periit, quod incolas haud mediocriter afflixit. Spartheim etiam villula eodem anno incendio casuali fuit contumpta.

Anno prænotato Cives Herbipolenses, posteaquam pro suis nefandis sceleribus in Episcopum, Clerum & Monachos enormiter commissis excommunicati, & Interdicti aliquandiu sorduissent, ad cor serò tandem, reversi promissâ poenitentia & emendatione, absolutionis beneficium ab Episcopo postulârunt. Qui misericordiâ motus per litteras suas patentes penultimâ die mensis Februarij ex Kizingen oppido scripsit, atque commisit omnibus & singulis per civitatem & Diocesim Abbatibus, Præpositis, Decanis, & Ecclesiarum parochialium Rectoribus, quatenus relaxato jam Interdicto poenitentes à Censuris absolverent, & Missarum coram eis solemniam deinceps jam licitè celebrarent. Veruntamen Incendiarios Monasteriorum, invasores, percussores, captivatores Clericorum ab hac gratia indultæ absolutionis excipiens, ad Sedem Apostolicam remisit. Et quia potiores Civitates majores simul cum minoribus incendio Monasteriorum & captioni Sacerdotû omnes consenserant, cum à nemine possent absolvi, quam à Papa, malum adjicientes malo, & indurati cum Pharaone, iterum de novo conspiraverunt in unum contra Episcopum & Clerum ejus, abijcere omnino cogitantes jugum obedientiæ. Anno tamen sequenti poenas, ut dicemus, præsumptæ temeritatis dederunt.

Dux Austriæ contra Mediolanum à Florentinis vocatur in Italiam.

Comes Clivenfis hostiliter devastat Montensem Ducatum.

Stauroneum id est Crüzenach incendio crematur.

Episcopus Herbipolensis Cives permittit absolvi.

Cives Herbipolenses Incendiarios & Captivatores Sacerdotum.

Q9

MCCCC.

MCCCC.

Annus Ju-  
bilæus Ro-  
mæ cele-  
bratur à  
Bonifacio  
Papa IX.

Annata-  
rum de be-  
neficijs Ec-  
clesiaſticis  
prima ex-  
cogitatio.

Bellum in-  
ter Episco-  
pum & Ci-  
ves Herbi-  
polenſes  
prope  
Berchtein.

Victoria  
ceſſit Ecce-  
ſiæ: hoſtiũ  
occiſi mille  
trecenti:  
capti duo  
millia.

Ex parte  
Pontificis  
ſex tantum  
viri in hoc  
bello ceci-  
derunt.

Deus Vin-  
dex malo-  
rum retri-  
buit facien-  
tibus inju-  
riam.

Anno Wighardi Abbatis XI. Indictione Romanorum VIII. Jubilæus annus Remiſſionis & Indulgentiarum Romæ ſub Bonifacio Papa IX. celebratus eſt: ad quem de omni natione obedientiam ejus ſequente, maxima utriuſque ſexus populi multitudo anno toto convenit. Eo tempore Bonifacius memoratus ſive adverſariorum potentiam veritus, ſive augendæ dictionis Eccleſiaſticæ cupidus Annatam dari de Beneficijs Eccleſiaſticis primus mandavit, quam Clemens Antipapa, ut ſupra diximus, prior in Gallia reſidens excogitavit, hæc videlicet conditione, ut quicumque Beneficium aliquod conſequeretur Eccleſiaſticum, dimidium omnium proventuum primi anni teneatur ad Apoſtolicum ſiſcum perſolvere. Hujus novitatis exemplo in avaritiam prolapſi plures Germaniæ Præſules, non dimidios primi anni, ſed integros biennij fructus & proventus omnium Eccleſiarum parochialium ſuis deinceps uſibus adſcribere præſumpſerunt.

Eodem anno, XI. die menſis Januarij prælium factum eſt juxta villam nomine Berchtein inter Eccleſiam & Cives Herbipolenſes, & fuit dies Dominica poſt Feſtum Epiphaniæ. Ex parte autem Eccleſiæ minor erat exercitus, ita ut unus contra ſe hoſtium ſex habere videretur. Conduxerant enim Cives mercede omnem penè militiam Wetteraviæ, Buochoniæ, & Haſſiæ, cum alijs multis, & ſatis validum habere videbantur exercitum. Numero erant plures, ſed major pars fuerant vinitores, agricolæ atque ſutores. Episcopus non fuit in bello perſonaliter præſens, ſed Joannes de Egloffſtein majoris Eccleſiæ Præpoſitus & Coadiutor ejus Pontificis tenebat vices: is bellandi horâ jam inſtante milites quosdam ex more Principis nomine creavit, quorum illa extitere nomina: Wilhelmus de Grumbach, Joannes de Grumbach, Wichpertus Wolfſkelle, & complures alij milites facti ſunt, quorum nomina non tenemus. Poſthæc exercitus Eccleſiæ puſillus in Deum & meritis Sanctorum ſpem & confidentiam erigens, omnipotentis invocato auxilio in hoſtes irruit, cædit, proſternit viriliter, & occidit. Deo itaque victoriam largiente Eccleſiæ, ceciderunt ex parte civium in illa die perempti pugnatorum mille atque trecenti viri: capti fuerunt duo millia virorum, reliqui turpiter fugerunt. Inter occiſos ſimul & captos plures fuerunt pretio conducti Nobiles Wetteraviæ, Haſſiæ & Buchoniæ, qui vitam pecuniâ non modicâ redemerunt, datisque litteris ſe ſuõsque in perpetuum Eccleſiæ Herbipolenſi obligârunt, quòd videlicet nec ipſi, nec hæredes eorum per ſe vel per alios Eccleſiam Herbipolenſem, & ſubditos illi debeant diſſipare, impugnare, vel in aliquo lædere, & quòd inimicos, & læſores memoratæ Eccleſiæ non debeant recipere hoſpitio, non pſcere, non fovere verbo, facto, vel conſilio in omnes generationes. De parte ſive Exercitu Eccleſiæ nullus in bello memorato fuit captus: ceciderunt tantum pro juſtitia occiſi ſex viri Joannes dictus Pfaff de Seckendorff, Laurentius Truckſeß, Henricus de Welzhufen, Conradus de Sretenberg, Joannes Saxs, & Theodoricus quidam Monaſterialis Eccleſiæ. Fuit autem Exercitus in parte Civium 4000. ferè virorum, cùm Eccleſia nec mille quidem habuiſſe dicatur. Plures enim à paucioribus victi ſunt, qui non pro Juſtitia Reipublicæ, ſed odio Clericorum armati pugnaverunt. Injuriam vindicavit Omnipotens, quam Cives irrogaverant Clero, qui ſine cauſa, ſine ratione vel ordine

Juris

Juris, ne dicam charitatis, Canonicos tam Principales, quàm aliarum Ecclesiarum simul & Monachos, reliquosque omnes enormiter læsere Claustrales, alios expellentes de Civitate, alios in carcerem trufos diu tenuere captivos; alios percutientes & vulnerantes usque ad mortem infinitis penè contumelijs affecerunt. Denique spoliatas Clericorum habitationes frumentis, vino, & suppellectili cuncta ignibus tradentes plurimas destruxerunt: Monasteria quoque Ordinis nostri duo in suburbanis, alterum S. Burckardi, alterum S. Jacobi Apostoli, ut supra diximus; similiter & domus Teuthonicorum ignis incendio magna ex parte subverterunt. Pro his & alijs in Deum & sanctos ejus commissis sceleribus suis, impij Cives præmium, quod meruerant, confusi acceperunt.

Captivi de parte Rebellium primò ad Kizingen, ubi Pontifex erat, demum ad Oxenfurt ducti sunt, è quibus quicquid erat Civium seu Rusticorum juramento Ecclesiæ, & Pontifici subjectorum, plures fuerunt interfecti. Nam propter Juramentum fidelitatis temerè violatum alij caudis equorum colligati per plateas ad patibulum tracti sunt, alij capitibus truncati, alij rotati, alij suspensi ad furcam, alij submersi, atque ut priorum Dominorum traditores in quatuor partes divisi, & ante portas oppidi suspensi: Nobiles & innoxij criminis pecuniâ se redemerunt: principales verò de Consulatu Herbipolensi, Sifridus videlicet vom Rebstock, Jacobus de Leone, Joannes de Erpfurdia, Jacobus Webler cum alijs complicitibus eorum, qui seductis civibus rebellionem contra Episcopum & Clerum incæperunt, ad Herbipolim reducti sunt, & equis alligati post caudas, atque tracti per plateas, & in quatuor divisi partes ante portas Civitatis superpositi rotis metum posteris incusserunt. Omnes, qui Principales fuerunt in consilio, talem exitum susceperunt, præter illos, qui fugâ lapsi vitam redimere potuissent: nec erat in civitate Wirtzburgensi porta, ante quam forinsecus non jacerent rotati, & divisi per quadrum aliqui de Consulatu more sceleratorum traditorum.

Post hæc Gerardus Episcopus 14. die mensis Januarij, hoc est, feriâ iv. post Octavas Epiphaniæ Domini, venit ad Herbipolim cum suis nobilibus, & reliquos Cives humi stratos accepit ad gratiam, quos maximis & horrendis Juramentis, ne similia tentare præsumerent in futurum, obligavit: deinde per alia Ecclesiæ oppida equitans similiter fecit: consulatum instituit novum sibi specialiter juratum: leges dedic Civibus, & omnes rebellizandi suspensiones, & modos amputavit.

Humiliatis jam Civibus, & pace reformatâ, Clerus qui in annum tertium exulaverat, in urbem regreditur, Interdictum tamen usque ad Ascensionem Domini proximè tunc futuram jussu Episcopi continuatur. Magna rerum & subita permutatio. Cives Herbipolenses, qui nimia elati superbiâ Episcopum in Thuringiam fugare, Canonicos nobiles, Monachos & moniales de Civitate omnes juraverant expellere, ipsi aut miserabiliter fuerunt occisi, aut de patria proscripti, reliqui verò humiliati, confusi, & in perpetuam Ecclesiæ servitutem, sicut meruerant, redacti.

Anno prænotato in mense Majo convenerunt apud Franckenfurt Principes Regni, Joannes Archiepiscopus Moguntinus, Wernherus Archiepiscopus Trevirorum, Fridericus Archiepiscopus Coloniensis, Rupertus Comes Palatinus, Rudolphus Dux Saxonie, Fridericus Dux de Brunonis

Captivorum plures vario mortis genere puniti sunt.

Consules ante portas civitatis super rotas positi fuerunt.

Gerardus Episcopus Herbipolim victor cum suis ingreditur.

Clerus gaudens Herbipolim triennis exul ingreditur.

Conventus Principum in Franckenfurt contra Wenceslaum.



Fridericus  
Brunſui-  
cenſium  
Dux à Mo-  
guntinis  
occiditur.

vico, & quidam alij, quorum cauſa fuit Conventus, diem modum & formam ſtatuendi, quibus Wenceslaum Regem per ſententiam à regno deponerent. Conſultatione igitur habitâ, vicesimum diem menſis Septembris tunc proximè futurum ſtatuērunt, in quo apud Lanſtein oppidum Cis-Rhenanum denuo convenire deberent ad proſecutionem inchoati negotij. Soluta Conventu Principum jam dicto cùm unusquiſque in ſua redire diſponeret, Moguntini Cives, qui pro parte Wenceslai Regis fuerunt pertinaces, nec minus veteri odio laborantes, poſitis in itinere apud Fridiſlariam inſidijs, Rudolphum Saxoniae nihil mali ſuſpiciantem capiunt. Fridericum verò Ducem Brunſuicenſem tumultuariè occidunt, ad cujus tumultum aureis litteris ſic ſcriptum legimus:

Moguntia  
nequam.

*Regula non ſc̃ta nequam Moguntia dicta,  
Germen Pilati nunc denuo vivificati,  
Namque Ducem ſtravit Fridericum, qui quaſi David  
Clerum protexit, gentemque ſuam bene rexit.*

Verum auctores ſcleris male perierunt.

Wences-  
laus per  
Principes à  
Regno Ger-  
maniae de-  
ponitur.

Anno igitur præſcripto 20. menſis Septembris convenerunt denuo in oppido Lanſtein haud procul à Confluentia ſupradiſti Principes, & mane circa horam decimam Wenceslaum Regem Bohemiae citatum, exſpectatum, ſed non comparentem, neque per ſe, neque per legitimum procuratorem, ab omni jure dignitate & adminiſtratione Regni Germanici, propter ſubſcriptas cauſas per ſententiam depoſuerunt.

Articulus 1.

*Prima cauſa, ſive articulus fuit, quòd Civitatem Genuenſem juxta mare in Liguria ſitam, qua ſemper ad Romanum Imperium pertinebat, acceptâ pecuniâ, Regi donavit Gallorum ſine Conſenſu Principum Regni, in grave detrimentum totius Regni Germanici, ſimul & Imperij Romani.*

Articulus 2.

*Secundus articulus ſive cauſa depoſitionis ejus fuit, quòd Vicecomitem Joannem Galeatium, Mediolani creavit in ducem, aſſignando ei totam Longobardiam in titulum, & perpetuam poſſeſſionem ſine ſcitu, & voluntate Principum, pro centum millibus ducatorum, quod ei non licuit.*

Articulus 3.

*Articulus tertius ſive cauſa fuit, quòd plura Dominia ſive territoria feudalìa Imperij per mortem poſſeſſorum, qua ad Jus tam Regni quam Imperij devoluta erant, ſine Conſenſu Principum alienavit, & acceptâ hinc inde pecuniâ in proprietatem, & perpetuam poſſeſſionem alienis tradidit.*

Articulus  
4.

*Articulus quartus, fuit ejus in innocentes nimia crudelitas; plurimorum conſtat relatione, quòd Magiſtrum quendam in Theologia, vitia ejus inter prædicandum Praga arguentem occidit, & plures alios tam Clericos quam laicos, ſine cauſa rationabili necari mandavit.*

Articulus  
5.

*Articulus quintus, ſive cauſa depoſitionis eſt, quòd non ſolum fovit raptores Latrones, & ſpoliatores mercatorum, & quorumlibet itinerantium, ſed impunitatem malefactoribus omnimodam indulſit, opprimens, & puniens ſolum innocentes, unde plenum fuit ſub eo Latronibus Regnum.*

Articulus  
6.

*Articulus ſextus fuit, quòd membranas dedit perſonis levibus nequitioſis & vilibus: hoc eſt, chartas non ſcriptas, appendente ſigillo Regia Majestatis, & hoc ex avaritia, pecuniarum duntaxat amore, per quas membranas homines nequitioſi multos dolos, & fraudes commiſerunt.*

Articulus  
7.

*Articulus ſeptimus, ſive depoſitionis ejus cauſa fuit, quòd cum Rege Polonia Tartaros & Paganos contra milites Ordinis Teuthonicorum in Pruſcia vocante, ſe uni-*

se univit, & confederavit in contemptum fidei Catholica & detrimentum totius Regni, quod Regiam minimè decuit Majestatem, quapropter quòd Paganos tenebatur expugnare, Christianos autem defendere.

Articulus octavus, quòd avaritiâ, & nimia cupiditate pecuniarum seductus multos diverse conditionis homines ad Curiam suam fecit citari, sine rationabili causa, vel ut metu vel injustis accusationibus fatigati sese pecuniâ redimerent, alioquin militum vexationibus subjacerent. Articulus 8.

Articulus nonus, quia osor & persecutor Cleri fuit & omnium Ecclesiasticarum personarum, Laicos omnes, Rusticos, Crives simul & Nobiles quantum potuit contra ministrantes Ecclesiæ concitans, & fovens & defendens, quemadmodum Herbipolensibus factum jam diximus. Articulus 9.

Articulus decimus, insigne illud Gymnasium litterarium Generale, seu Universitatem Pragensem, quàm Pater Imperator Carolus IV. paulo ante fundaverat, suâ Tyrannide annihilavit, atque destruxit, Doctores atque Magistros inde capiens, expellens, pluresque interficiens, quorum hostis inimicus, & persecutor fuit omnium, maximè bonorum virorum, atque Doctorem. Articulus 10.

Articulus undecimus fuit, sive depositionis causa non ultima, quòd subditos Principum, Episcoporum, Abbatum, Ducum Comitum, atque Nobilium occultis litteris, nuntiis, promissis, & suggestionibus contra Superiores suos in rebellionem concitavit, fovit, & animavit, ut patuit in Herbipolensibus. Articulus 11.

Articulus duodecimus, quòd osor pacis Regnum litibus contentionibus latrocinij, & infinitis turbationibus implevit, Crives contra Principes animavit, metuens propter scelera commissa deponi à Regno, si pax in terra permissa Principes Electores inter se faceret omnino concordēs. Articulus 12.

Articulus decimus tertius fuit, quòd Ecclesiasticorum immunitatem contemnens omnia temerè pro sua voluntate præsumpsit, bona Ecclesiarum, aut militibus distribuit, aut sibi usurpavit, moliebatur enim Regalia, & Jurisdictiones temporales Episcopis auferre, & suis nebulonibus distribuere. Articulus 13.

Articulus decimus quartus fuit, quòd otio commensationibus, potationibus ebrietatibus, & luxuria die noctuque intentus negotia Regni omnia penitus neglexit, seditiones Civium, & bella fovit, in Bohemia cum suis meretricibus se continuit, ad Regni causas non venit, libidini & avaritiæ vacavit. Articulus 14.

Articulus decimus quintus fuit, quòd admonitus sapiens à Rom. Pontifice, atq. crebrius à Principibus requisitus, & rogatus, ut pro suscipienda Imperij corona expeditionem faceret in Italiam, renuit, sprexit, atque contempsit, & de negotijs tam Regni quàm Imperij nihil omnino curavit. Articulus 15.

Articulus decimus sextus, quòd super his, & alijs multis negligentijs, atque sceleribus suis admonitus, aversatus sapiensque rogatus, ut emendatioris vite propositum dignaretur assumere, & Regni negotia curare, non solum nihil advertit, sed monentes, si potuit persecutus fuit. Multos enim venerabiles, Doctos & honestos viros, Pralatos, Monachos Presbyteros, Magistros atque studentes, vel occidit vel submergi precepit, aut ignibus concremavit, sine causa, sine justitia, sine ordine aequitatis. Articulus 16.

Unde postremò indignati Principes Pauperumque excitati clamoribus auctoritate suâ electoriâ, ipsum ab omni dignitate Germanici Regni, & de Consensu Bonifacii IX. ab omni Jure Imperij anno, die, loco prænotatis citatum, & non comparentem sicut diximus, deposuerunt. Articuli fuerunt alij complurimi.

Rupertus  
Comes Pa-  
latinus in  
Regem eli-  
gitur.

Anno itaque prænotato, post depositionem Regis Wenceslai, Principes, qui apud Lanstein oppidum Cis-Rhenanum convenerant, Joannes videlicet Archiepiscopus Moguntinus, Wernherus Archiepiscopus Trevirorum, & Fridericus Archiepiscopus Coloniensis non obstante absentia Ducis Saxonum, & Marchionis Brandenburgensium, Rupertum Comitem Palatinum, Bavariæque Ducem Coelectorem suum in consilio præsentem unanimi consensu in Regem Germaniæ & Imperatorem Romanorum concorditer elegerunt. Quem Rheno transmissio in sedem Regni sub nucibus ex more collocarunt.

A Lanstein oppido Principes post hæc navigio descendunt ad Coloniæ, ubi in majori Basilica sancti Apostoli Fridericus Archiepiscopus ipsum electum in Regem Germaniæ solemniter benedixit, unxit, & coronavit; cui mox cives juramentum fidelitatis juxta antiquam Germanorum consuetudinem constituunt, Aquenses autem & Franckfurtenses, una cum alijs civibus Regni partibus adhuc favebant Wenceslai, propterea & electio extra Franckfurt, & coronatio in Colonia celebrata est.

Rupertus itaque coronatus in Regem regnavit annis ix. & ad Imperij coronam non pervenit, homo certè Christianissimus, justus & pius & amator Cleri.

Rupertus  
sine corona  
Imperij re-  
gnavit an-  
nis 10.

Rupertus Rex iste cum postea contractis copijs Romam pro corona Imperij suscipienda proficisci disponderet, Joannes Galeatius Mediolani Dux, qui partes Wenceslai, à quo in Ducem creatus fuerat, sequebatur, omnes interclusit vias, & euntibus transitum interdixit. Unde progredi minimè valens, sine Imperij corona in Germaniam reversus est. Cumque pueri & Juvenulæ apud Heidelberg in oppido proprio cantilenas quasdam in eum canerent, atque curiæ Major canentes verberibus & minis prohiberet, Rex mansuetissimus dixit: *Noli verberare canentes, nos Dominum Deum laudemus, quod sani & incolumes à periculis liberati potuimus evadere.*

Ruperti  
uxor filijq;  
sex fuerunt  
& filiar tres  
numero.

Uxorem habuit Rupertus Rex Elisabetham Burggravij Nürenbergensis filiam, de qua genuit 6. filios & 3. filias, quorum ista sunt nomina: Rupertus cognomento Pipan, qui sub Sigismundo Rege Ungariæ pugnavit cum Turcis, ut dictum est. anno Wichardi Abbatis tertij quinto. Fridericus natus in Amberg, unde & locus nomen contraxit. Ludovicus qui postea dicebatur barbatus, & in senio cæcus, à quo Genealogia Palatinorum continuatur. Joannes dictus Nüenburg, Stephanus Comes postea in Gemino ponte, cujus Filius Comitatum Spanheimensem, & Veldentia cum Zveybrucken obtinuit, patris vocabulo nominatur. Otto Mosbach dictus à residentia loco. Filiarum nomina fuerunt ista, Agnes, Margaretha, Elisabeth. Porro Rupertus & Fridericus ante Patrem sine liberis obierunt in Amberg sepulti, de reliquis autem per ordinem, quantum ratio exposulabit, suo loco dicemus.

Abbacel-  
lenses Do-  
mino suo  
perjuri co-  
que rebel-  
les.

Anno etiam prænotato Rusticorum apud Helvetios turba, quam Abbacellenses vulgariter nuncupant, conjunctis Suitensibus, ut supra diximus, dudum Confoederati, & Abbati S. Galli Domino suo proprio inobedientes, atque rebelles contractis copijs sociorum multa Ducibus Austriæ mala intulerunt, terras eorum per circuitum igne ferroque nimium crudeliter devastantes.

Hoc



Hoc ipso anno in medio quadragesimæ Cometes magnus in occidentali parte cœli apparuit, per plures manè & serò dies cunctis manifestè visibilis, cum longa cauda in metum & terrorem plurimorum, cujus notatio sequetur.

Cometes apparuit.

Eodem anno in die S. Martini Præfulis Argentinensium Episcopus contractis pugnatoribus multis auxilio nobilium de Liechtenberg, Vinstingen, Ochsenstein, & aliorum, obsedit Gerner prope Colmariam, expugnavit, & cepit, & quidquid substantiæ temporalis inventum fuerat, in prædam divisit: Vice Dominum de Hochstein cum alijs spoliatos abire permisit.

Gerner ab Episcopo Argentinensi capitur.

His quoque temporibus morbi & ægitudines variæ genus humanum per totam Europam miserabiliter affligerunt, quam calamitatem nonnulli præsignatam fuisse per Cometem, qui in medio quadragesimæ apparuerat, existimabant. Oriebantur subito in corporibus humanis pustulæ turgentes, & ulcera nimis horrenda, quibus infecti homines & jumenta passiones præferebant incredibiles. Nam quicumque homines hæc ægitudine fuissent infecti, doloribus torquebantur assiduis, & neque die requiem habere poterant neque nocte. Erat autem iste morbus nimium contagiosus, & in tantum formidabilis omnibus, ut leprosi quoque illo infectos homines detestarentur, & fugerent; multos contagione suâ infecit, consumpsit, debilitavit & occidit, Principes, Nobiles & Ignobiles, Rusticos & Cives, Religiosos & seculares. Hujus mali causa simul & cura medicos latebat omnes, nec quicquam desuper in libris suis poterant invenire, imò neque nomen illius constabat alicui medicorum. Duravit annis 12. & à Calabria incipiens totam Europam serpens occupavit. Nostri etiam temporibus hic morbus à Gallia & Neapoli ortus, atque propterea malum Gallicum nuncupatus, totam Germaniam simul & Europam omnem in vicesimum jam durans annum miserabiliter sæviens affligit.

Anno prænotato, Wichardus ejus nominis tertius hujus Monasterij Hirsaugienfis Abbas, in numero præcedentium, sextus atque tricesimus, jam senio gravatus, & noxiâ ægitudine memoratâ per plures dies miserabiliter cruciatus anno Regiminis sui undecimo ad Dominum migravit.

Wichardus tertius Abbas Hirsaugienfis xxxvi. moritur.

De Friderico ejus nominis secundo, hujus Monasterij Hirsaugienfis XXXVII. Abbate: qui præfuit annis xxviii.

Fridericus secundus fuit Abbas Hirsaugie xxxviii.



Anno Dominicæ Nativitatis prænotato videlicet MCCCC. Indictione Romanorum octavâ, vacante Monasterio Hirsaugienfi per mortem Domini Wichardi quondam Abbatis, ne viduitatis suæ diutius deploraret incommoda, Prior & Fratres de Conventu certum diem pro electione novi Pastoris absentibus statuerunt, quo adveniente, orationibus de consuetudine præmitti solitis, cum devotione ritè completis, Fratres, qui electioni tunc interfuerunt, Fridericum cognomento Wifflinger Monachum de gremio capituli unanimi Consensu in Abbatem elegerunt: virum bonum providum & circumspexitum,

Friderici  
Abbatis  
mores & in  
genium.

spectum, qui confirmatus per Rabanum Helmstat Episcopum Spirensem, & ex more solemniter ordinatus, præfuit certis diebus & annis viginti octo: Patriâ fuit Allemannus seu Suevus honestis Parentibus ortus, qui puer ad ordinem veniens, ut illo tempore consuetudo fuit, monasticâ disciplinâ, & moribus utebatur inventis. Factus autem Abbas confestim in alium virum mutatus est, & non solum temporalia prudenter, sed etiam spiritualia religiosius ordinariâ potestate correxit. Quantum potuit opere, & sermone, utilem curavit exhibere pastorem, & inordinatam subditorum vitam libenter ad regularis observantiæ tramitem reduxisset; ejus namque diebus reformatio illa Castellensis in Bavaria sumpsit exordium, quam ipse charam habens Monachis suis persuadere non potuit; Ordo etenim totus ubique jacebat deformatus. Staturâ corporis fuit mediocris, & pinguis, ventre simul & capite magnus, consilio cautus, prudentiâ insignis, Principibus & nobilibus gratus. Tota corporis viri dispositio fuit pulchra, & quandam præseferbat animi gravitatem. Eloquio satis fuit disertus, non tamen multi sermonis, sed tardus ad loquendum, nisi quoties justa ratio expostularet sermonem. Vitam in se duxit religiosam, sperans, quòd subditos exemplo suo posset inducere ad meliora, quamquam nihil aut parum profecerit; corruerant etenim vias suas illo in tempore Monachi nostri ordinis penè omnes, & paucissimi reperiebantur in tota Germania, qui ad puritatem Regulæ sancti Legislatoris nostri Benedicti ambularent. Unde Abbas Fridericus necessariò deterrrens tempori, mores suorum patienter tollerabat.

MCCCCI.

Rupertus  
Comes Palatinus in  
Regem Colonie coronatur.

Anno Friderici Abbatis primo indictione Romanorum nonâ, in festo Epiphaniæ Domini, Rupertus Comes Palatinus Rheni Bavarique Dux, anno priore, sicut diximus, apud Landstein juxta Rhenum subnucibus electus in majori Ecclesia Colonienſi ab Archiepiscopo Friderico in Regem unctus, & ordinatus est. Qui mox in oppidanos Aqueſes Wenceslai partes ratione jurisjurandi, quo illi fuerant adstricti sequentes, animadvertit, & eos banno regali submisit. Cujus occasione spoliationes & multa damna per annos quinque continuos sustinuerunt, quousque tandem necessitate compulsi deserto Wenceslao in verba Ruperti Regis anno tribulationis eorum sexto juraverunt.

Cives Herbipolenses  
excommunicati à Papa absol-  
vuntur.

Eodem anno Joannes de Egloffstein Herbipolensis Ecclesiæ majoris Præpositus, & Coadjutor Domini Gerhardi Pontificis, auctoritate, & commissione Bonifacii Papæ noni, persecutores, spoliatores & captivatores Cleri, Cives videlicet Herbipolensis urbis à censuris Ecclesiasticis, quas inciderant, absolvit. Deinde sublato interdicto Clerus divina caput denuo celebrare in Dominica proxima ante Ascensionem Domini, quæ jam per triennium fuerant intermissa.

Sigismundus Rex  
Ungariæ à suis Nobilibus  
incarceratur.

Anno prænotato Sigismundus Ungariæ Rex à suis capitur, & custodiæ mancipatur; conspiraverant enim contra eum nobiles terræ, quorum vel Patres occiderat, vel amicos, & captum interficere cogitabant. Captus à duobus Adolescentibus, Comitibus Stephani, quem occiderat, filijs custodiendus traditur, quorum Mater allecta promissionibus multis, cum abire liberè permisit: liberatus à carcere Rex, omnia quæ mulieri promisit, implevit, filios ejus super cunctos Regni proceres exaltavit, Barbaram

baram Ciliæ Comitissæ filiam uxorem duxit, & in hos, à quibus fuerat captus, durè vindicavit.

Eodem quoque anno Judæus quidam nomine Michaël apud Helvetios in Diessenhoffen residens cuidam Christiano tres obtulit florenos rogans eum, ut sibi alicuius pueruli Christiani sanguinem procuraret, qui acceptâ pecuniâ quatuor annorum puerulum furtivè parentibus subtractum in locum secretiorem abduxit, occidit, & sanguinem ejus collegit. Verum divinâ permittente justitiâ in ipso crudelitatis opere deprehensus, & in partes quatuor divisus mercedem impietatis suæ, quam meruerat, accepit. Judæus etiam ex Confessione Christiani detectus & captus, posteaquam horrenda, quæ commiserat scelera, patefecisset, igne crematus est; ex cujus confessatis crimina Judæorum multa venerunt in lucem. Hâc occasione in oppido Schaffhaussen triginta, in Winterthur septem atque viginti, & in multis alijs locis Sueviæ plures Judæi capti fuerunt, & ignibus combusti.

Judæorum  
pro suis scel-  
eribus per-  
sequutio.

Claruit his fermè temporibus Gerhardus de Zutania Patriâ Geldrensis Canonicus Regulæ sancti Augustini Præsulis in Cœnobio Windesheim, Trajectensis Diœcesis, vir multæ lætionis, & devotæ conversationis, qui inter alia eruditionis suæ opuscula scripsit viris Monasticis, valde necessarium, & utilem tractatum, quem de spiritualibus Ascensionibus prænotavit. Alium non spernendæ lætionis edidit libellum de reformatione interioris hominis. De cæteris quæ scripsit nihil in manus nostras pervenisse.

Gerhardus  
Zutania  
Regularis  
scriptor in-  
signis.

Joannes de Witlich oppido Trevirensis Diœcesis Compatriota meus vir in omni varietate scripturarum eruditus, qui Parisijs & Colonia Theologiam pluribus annis docuit gloriosè, hæc tempora cum eruditione tum scriptis, & lucubrationibus reddidit clariora; multa enim fertur scripsisse, quorum ad manus nostras paucissima pervenerunt; vidi enim duntaxat læturam ejus, quam Parisijs legit, super quatuor sententiarum libros opus profectò multæ eruditionis & utilitatis: enucleationem quoque super omnes Epistolas Pauli, quam Colonia discipulis publicè recitavit excipientibus.

Joannes de  
Witlich  
Doctor  
Theologus.

Henricus de Hassia ex quodam vico Langenstein nuncupato oriundus Ecclesiæ Wormatiensis Canonicus, vir suâ tempestate in Theologia Doctissimus, qui multo tempore in scribendo Parisiorum docendi Cathedram possedit, plura his etiam temporibus lucubravimus opuscula, è quibus numerantur subscripta. In sententias Petri Lombardi libros quatuor, in Prologum Bibliæ librum scripsit unum. In Genesim libros quatuor. Ad Frisingensem Episcopum, de Antichristo, & Schismate librum unum. De contemplatione librum unum. De anima contemplativa librum unum. Speculum animæ peccatricis librum unum. De horis septem Canonicis librum unum. Contra Astrologos librum unum. Contra Prognostica Thelesphori Presbyteri librum unum: super oratione Dominica, Ave Maria, & Symbolo Apostolorum, libros tres. De contemptu mundi notabile opus, librum unum. Contra Joannem Wickliff, & errores ejus librum. Ad Canonicos Regulares librum unum. Contra proprietatem claustralium librum unum. Super Cantica Canticorum Salomonis

Henricus  
de Hassia  
Doctor, qui  
multa vo-  
lumina  
scripsit.

R r

librum



librum unum. Sermones etiam varios ſcripſit, & Epiſtolas plures ad diverſos, & alia adhuc nobis incognita.

MCCCCII.

Ludovicus  
Comes Pa-  
latinus fi-  
lius Regis  
ducit uxo-  
rem.

Anno Friderici Abbatis ſecundo, Indictione Romanorum decimâ, in menſe Majo, Rupertus Germanorum Rex nuptias filio ſuo ſolemnes, & ſplendidas in Colonia celebravit, conjungens illi uxorem Blancam, Mariam Henrici Anglorum Regis filiam, de qua genuit filium nomine Rupertum, qui vigelimo ætatis ſuæ anno ſine liberis obiit. Poſt mortem verò Blancæ Mariæ uxoris, Ludovicus aliam duxit uxorem Mechtilden videlicet, Magni Ducis Sabaudiaë Amedei, poſtea Papæ Felicis filiam, de cujus liberis congruo loco & tempore latius dicemus.

Rupertus  
Rex cum  
exercitu  
proſeſci-  
tur in Ita-  
liam.

Eodem anno Rupertus Rex pro magna pecuniarum ſumma à Florentinis vocatus in auxilium contra Joannem Galeatium Mediolani Ducem, contracto pugnatorum copioſo exercitu, in Italiam proſectus eſt, duplicem proſectionis ſuæ habens occaſionem, alteram, ut conductus mercede amicis ferret ſubſidium; alteram ut victor urbem ingreſſus Romanorum, Imperij ſuſciperet dignitatem: ſed aliter quàm animo deſtinaverat, res accidit. Non enim ſolum Galeatium vincere non potuit, ſed etiam progredi ulterius ab eo prohibitus fuit. Reverſus eſt ergo in Germaniam ſine benedictione Imperiali, & Florentinos nihil, aut parum relevavit.

Rupertus  
Rex ſupe-  
ravit Mar-  
chionem  
Badenſem.

Anno prænotato Rupertus Rex de Italia in Germaniam reverſus contra Marchionem Badenſem ſibi inobedientem, atque rebellem, produxit exercitum, & in primis Mulberg Caſtellum ejus obſidione vallavit. Cernens Marchio, quòd tantæ multitudini nullatenus poſſet reſiſtere, humiliatus petivit veniam, & præſtitit Regi omnimodam ſubjectionem. Fuerunt & alij Principes nonnulli ſimul, & cives, quibus Wenceslai deſtitutio non placuit, quorum aliquos armis Rupertus Rex ſibi ſubjecit, cum alijs verò ad tempus diſſimulans tandem omnes patientiâ ſuperavit.

Univerſi-  
tas Herbi-  
polentis  
transfer-  
tur in Er-  
pfordiam.

Anno etiam præſcripto univerſitas litteraria ſive Gymnaſium univerſale ſtudentium, quod fuit in Civitate Herbipolenſi apud Francos Orientales ad Thuringos in Civitatem Erford auctoritate Apoſtolicâ translatus eſt. Quæ fuerit hujus cauſa translationis, & ante annos decem ſupra diximus, & in hoc diſtico iterum explicamus:

*Balnea, cenſus, amor, lis, alea, crapula, clamor,*

*Impediunt multum Herbipolenſe ſtudium.*

Per annos duraverat hoc univerſale Gymnaſium apud Francos ferme quatuordecim, & propter contentiones, ac lites inter Epiſcopum & Cives continuas, neceſſariò inde fuit translatus. Aliam verò translationis cauſam dedit Hæreſis Bohemorum, quæ illo tempore, ſicut dicemus, Pragenſe nobile Gymnaſium diſſipavit.

Tamburla-  
nus Tarta-  
rorum ma-  
gnus Prin-  
ceps mori-  
tur.

Eodem anno moritur Tamburlanus Imperator Tartarorum hominum formidabilis potentiaë, qui gentis ſuæ Imperium valde dilatavit. Humili quidem loco natus apud Tartaros, ingenio & viribus tantum crevit ſupra omnes, ut plures quàm duodecies centena hominum millia haberet in caſtris. Quâ multitudine ſuperatis Turcis eorum Regem catenis vinctum aureis, curru, quo vehebatur, quaſi triumphans adjunxit. Armenos præterea proſtravit, Perſas deſtruxit, Aegyptios vicit, Damascum evertit.

evertit. & omnes in circuitu nationes superavit. Cum Christianis pugnans uno die quadraginta millia occidit, & non paucos numero captivos abduxit. Joannes Galeatius Mediolani Dux contra Florentinos ducens hoc anno moritur.

Anno prænotato, Wenceslao, sicut diximus à Regno Germaniæ simul, & jure Imperij deposito, atque in Regno Bohemorum residente paterno, Hussitarum perfida hæresis tali occasione sumpsit exordium. Cum Doctores atque Magistri nationis Theutonicæ, scholam suo nutu regerent Pragensem, idque Bohemis haud mediocriter displiceret, Regem accedunt, rogant, & exorant, ut Theutonicis Magistratu scholarum privatis, hunc solis Bohemis permittat honorem. Annuit Rex, Theutonicis propter sui ab Imperio depositionem alioquin infensus, & concessit, quem postulaverant Magistratum Bohemis.

Universitas Pragensis maculari cepit Hæresibus.

Erat inter Bohemos homo quidam obscurè natus, ingenio tamen, & dicacitate non ultimus, nomine Joannes Hufs, qui novis & peregrinis questionibus assidue intentus, dogmata cujusdam Joannis Wicleff erronea primò secretè, postea manifestè docebat. Hunc Bohemi Magistrum scholarum constituunt, quem Theutonicis inimicissimum esse noverant. Quà indignitate Magistri & studentes Theutonicæ nationis commoti simul in unum conveniunt, & de relinquenda Bohemia & schola Bohemis invicem mutuò cohortantur, & omnes jurejurando constringunt.

Joannes Hufs scholæ Pragensis præficitur Hæresiarum peccator.

Deinde post dies paucos omnes Magistri, atque studentes Theutonicæ nationis plures numero quam duo millia, rebus suis ordinatis, atque dispositis, uno die simul & semel, Pragâ exeuntes venerunt in Lipsig oppidum Misnensium, & ibi auctoritate Apostolicâ universale & novum erexere Gymnasium. De quorum numero Erpfurdiana schola noviter, ut paulò ante diximus à Wirzburg translata non modicum sumpsit incrementum.

Universitas Lipsigensis sumpsit exordium à Pragâ.

Joannes autem Magister, & rector scholæ factus, vitam in magnâ simulatione humilitatis fictæ continuans brevi tempore fidem in populo non minus quam inter sæculares non modicam sibi comparavit. Fuit enim versutus ingenio, sermone facundus, & in logicis disputator acutus. Eo tempore fuit in Praga studiosus quidam de domo & familia putridipiscis nuncupatus, qui apud Anglos in Oxoniensi Gymnasio litteris navans operam pleraque volumina sibi comparaverat cujusdam Joannis Wicleff novitatibus & erroribus plena, qui Pragam cum attigisset, Joanni Hufs memorato communicavit.

Qui cum novitatum esset amator, & veluti sepulchrum foris dealbatum, intus verò putredine, & omni spurcitiâ plenum, oblatum sibi gaudens hausit venenum, suum mox fecit errorem alienum, quem non solum in scholis propinavit suis discipulis, sed etiam publicè in Ambone populis. In Ecclesia siquidem, quæ Bethleemica Pragæ nuncupatur, constitutus Prædicator publicus, cum sibi favorem simplicis populi comparasset, ac placidè ab eis audiretur, paulatim errores auditoribus multos persuasit, & venenum, quod ex libris perversi dogmatis secretò hauserat, publicè jam cunctis infundebat. Concionator pulpitem quoties ascenderet, Joannem Wicleff, ut virum sanctissimum, & veritatis Doctorem magnis laudibus æternæque felicitate dignissimum hæreticus hæreticum prædicabat;

Joannes Hufs errorum Wicleffistarum prædicator.

Hæresiarum Joann. Hufs omnium peccator.

fuerunt enim libri memorati Joannis Wicleff Anglici multis & varijs erroribus pleni, quibus gens Bohemica, & maxime Pragenfes, per Joannem Hufi Hærefiarcham imbuta, ab Ecclesia Romana fe dividens pro magna parte Schismaticam fe constituit, & manet obftinata ufque in præfentem diem. Sed libet jam nunc errores Bohemorum, qui tam ex libris ipfius Joannis Wicleff Anglici, quam ex damnatis ab Ecclesia dudum feftis Hæreticorum fumpfit initium, per articulos fingulatim fecundum ordinem exprimere.

- Articulus 1. *Primus error Bohemorum feu articulus erroneus eft, quia Romanam Ecclefiam defpiciunt, ejus Pontificem, & Cardinales contemnunt, ftatuta, Conftitutiones, & ejus decreta fpernunt, auctoritatem Papæ vilifpiciunt, & nec Romana Ecclefia nec ejus Pontifici aliquam majoritatem concedunt, fed Epifcopos omnes unius atque ejufdem afferunt auctoritatis & poteftatis.*
- Articulus 2. *Articulus fecundus erroris eft, quòd Sacramentum confirmationis, & extrema unctionis nihili pendunt irrident & contemnunt, fimiliter aquam, candelas, cineres, palmas, panes, herbas, fed & quidquid aliud in facie Ecclefie benedicitur, per Sacerdotes, & Diaconos, ut vanum fpernunt irridentes.*
- Articulus 3. *Articulus tertius erroris eft, quòd ftруктурas Ecclefiarum Monafteriorum quoque & Altarium, confecrationes eorundem & cæmeteriorum, benedictiones Calicis & veftimentorum sacerdotalium, credunt fentiunt, & dicunt, effe fuperftitiones vanas & inutiles, cò quòd SS. Apoftoli ufi non fuerint.*
- Articulus 4. *Articulus quartus erroris eft, ex præcedente nafcens, quòd dicunt corpora mortuorum in quolibet loco fepelienda, cæmeteria & alia confecrata loca nil plus effe, quàm non confecrata, & propterea nihil prodeffe animabus, fi corpora eorum fepeliantur in Ecclefia, nihilve obeffe fi extra tumultentur.*
- Articulus 5. *Articulus quintus erroris eft, ex tertio fimiliter descendens, quòd confecrationes Altarium & Ecclefiarum irridentes, dicunt quemlibet Sacerdotem in quolibet loco & qualibet hora fine aliquo ornatu in veftibus fuis, & non jejunum Miffam poffe celebrare, & Corpus Chrifti conficere, ac fumere, vel etiam alijs miniftrare, ficut JESUS fecit in cana, & poft eum Apoftoli, nec opus effe, ut præter verba Consecrationis præmittat, vel dicat aliquid aliud.*
- Articulus 6. *Articulus sextus eft, quòd horas Canonicas ab Ecclefia inftitutas dicunt inutiles, & Sacerdotum occupationes, per quas tempus ftudio fcripturarum, contemplationi Doctrinae, vel prædicationi deputandum infructuosè expendatur, cùm Apoftolorum more fuerit potius oratio Dominica peroranda.*
- Articulus 7. *Articulus feptimus Hærefis & erroris eft, quòd more Judæorum confeffionem delictorum ad minimum femel in anno juxta conftitutionem Ecclefie Sacerdoti verbaliter faciendam negant, defpiciunt, recusant & contemnunt, dicentes cuilibet fufficere ad falutem, fi peccata fua in corde tantum confiteatur Deo.*
- Articulus 8. *Articulus oétavus erroris eft, quia purgatorium animarum poft hanc vitam penitus negant, dicentes, inter Regnum Dei & infernum nullum effe medium, fed quamlibet animam mox, ut egreffa fuerit de corpore, pro meritis vite tranfacta, aut Beatitudinem confequi bonam, aut infernum malum.*
- Articulus 9. *Articulus nonus erroris ex præcedente ortus eft, quòd dicunt orationes, & Eleemofynas, jejunia, Miffarum celebrationes & alia quacunque opera bona viventium, animabus nihil prodeffe mortuorum, cùm sublato purgatorio his, qui damnati funt, non conveniant, Beati verò fuffragijs non egeant.*
- Articulus 10. *Articulus decimus erroris eft, quòd dicunt Litanias & orationes quas faci-*  
mus



mus ad sanctos Dei, cum Christo in Regno Cælorum felices, Missas quoque & invocationes, preces, & peregrinationes, omnino inutiles esse & vanas, nec illos quantumlibet Beatos nobis quidquam boni conferre, & impetrare posse, aut mali avertere, & sic error similiter est Judæorum communis.

Articulus undecimus erroris est, quod omnes Imagines Sanctorum dicunt esse destruendas, & præter solam Imaginem Crucifixi, reliquas omnes ab Ecclesia pellendas & exterminandas. Hunc antiquum errorem Græcorum simul & Judæorum, dudum S. Romana condemnavit Ecclesia. Articulus 11.

Articulus duodecimus erroris est, quod dicunt, nullo unquam die à mane ab operatione cessandum, & propterea omnes totius anni dies festos & celebritates Sanctorum, præter solum Dominicum diem penitus reiiciendas, nullum omnino festum neque Domini neque Matris ejus S. Mariæ relinquentes. Articulus 12.

Articulus decimus tertius erroris est, quod omnia jejunia ab Ecclesia dudum instituta, dicunt nullius esse meriti, quod non solum sancto contrariatur Evangelio, sed etiam institutis Judæorum & Saracenorum adversatur. Articulus 13.

Articulus decimus quartus erroris est, quod ritum & consuetudinem Baptismi Ecclesiæ contemnentes, dicunt infantes & quoslibet homines in sola aqua fluviali esse baptizandos. Benedictionem Baptismi, sacri unctionem olei, & catecumenorum introductionem, esse vanitatem & superstitionem. Articulus 14.

Articulus decimus quintus est, quia dicunt unicuique sive presbyter sit sive Laicus, liberè in omni loco & tempore licere Verbum Dei predicare, & à nullo posse prohiberi, insuper dignitatem Episcopalem nihil conferre, sed meritum, & ob id omnes Pontifices esse pares & nullum altero superiorem vel inferiorem. Articulus 15.

Articulus decimus sextus erroris est, quod FF. mendicantium omnes damnant, & persequuntur, dicentes non à Deo, sed à malo demone institutos, eorumque primos inceptores esse in inferno damnatos, & eorum animas in cælo Luciferi sine fine torqueri, propterea, quod suâ novitate Christianam vitam, & institutionem depravarint. Articulus 16.

Articulus decimus septimus erroris, ex primo procedens, est, quod vilipendunt omnem auctoritatem Ecclesiæ, claves simul, & Jurisdictionem, & neque censuras Pontificum curant, neque indulgentias, neque statuta aliqua. Articulus 17.

Articulus decimus octavus est, quod dicunt Ecclesias beneficijs non esse dotandas, atque ministros & Sacerdotes ejus debere omnino esse pauperes, & nihil habere penitus, neque in proprio neque in Communi, sed imitari discipulos Christi & vivere de Eleemosynis, & sponte oblatis de commiseratione Laicorum. Articulus 18.

Articulus decimus nonus erroris est, quod prædicant Laicis de necessitate salutis convenire, ut communicent corpus & Sanguinem Domini, sub utraque specie, quemadmodum communicant Sacerdotes, quod Ecclesia non sine causa prohibuit ante multos annos ob reverentiam Sacramenti, & periculum effusionis. Articulus 19.

Articulus vigesimus erroris est, quod non solum homines legitime ætatis, sed & pueros & infantes suos non tantum semel in anno, sed quotiens parentes eorum voluerint, sub utraque specie communicant, Corpore & Sanguine Domini, in vilipensionem & irreverentiam tantum venerabilis Sacramenti. Articulus 20.

Hos errorum articulos cum alijs multis quos causa brevitatis omittimus, Joannes ille cognomento Hufs Hæresiarcha scelestissimus ex libris, ut supra diximus, Joannis Wicleff Anglici seductus, in populum & Clerum prædicando paulatim effudit. Sequebatur eum magna multitudo Joannes Hufs Hæresiarcha Bohemos in multis seduxit.

Cleri simul atque studentium ære gravata alieno, variisque immersa sceleribus, verbis atque verberibus parata dimicare pro magistro.

Invidia  
Clericorum, quid  
non præsumit.

Concitante namque invidiâ contra potentiores, & ditiores de Clero, pauperes ignobilisque consurgentes eos beneficijs Ecclesiasticis clamabant indignos, dicentes, quòd scripturarum essent ignari, nec beneficia conferenda nobilibus, nisi essent docti. Et quia ipsi cum essent pauperes, nec possent nobilibus & divitibus paria obtinere beneficia, publicè prædicabant, Sacerdotes, & ministros Ecclesiæ omnes debere esse pauperes, & imitatione Apostolorum nihil omnino possidere, neque in privato neque in communi, sed contentos esse oportere in eleemosynis, quæ darentur eis à Laicis. Decimas, census & redditus undecunque provenientes dicebant non esse Clericorum, sed Regum Principum atque nobilium. Et per hunc articulum solum Joannes Hufs nobiles sibi conciliavit Bohemiæ, qui ut bona & divitias Ecclesiæ ac Sacerdotum sibi usurparent licenter, etiam reliquos libenter admiserunt errores, unde Clerus bonis omnibus fuit spoliatus. Hos & plures alios errores cum Joannes Hufs paulatim, & successivè in vulgus disseminaret, & multis sibi ex Clero faventibus, quos inopia pressit, res tandem ad notitiam Pragensis Archiepiscopi devenit, qui cum esset vir optimis natalibus ortus, moribus & eruditione clarus, temerum pro Domo Dei contra Impiorum traditiones opposuit. Convocatis itaque ex Clero viris prudentibus, & in scripturis non mediocriter doctis & eruditis, Joannem Hufs fecit adesse, quem super novitatibus erroribus diligenter examinavit. Cumque intellexisset errores præscriptos ex libris Joannis Wicleff Anglici sumpsisse principium, ut quantocius apportarentur omnes præcepit. Allatis igitur voluminibus errorum non minus ducentis, auro & argento curiosè ornatis, consilio DD. omnes in ignem projecti sunt, & in cinerem concremati, adstante Hæresiarcha Joanne Hufs, & inspectante, qui majorem partem propriâ manu conscripserat, & quosdam ex ingenio suo composuerat; deinde Joannes Hufs, seminator errorum per Archiepiscopum fuit prohibitus, ne amplius in Civitate Pragensi prædicaret, neque in publico, neque in privato, & in scholis deinceps nec legeret nec doceret. Quâ humiliatione confusus Pragam exivit cum paucis discipulis, & in vicum nativitatis suæ discedens, ibidem permittente Domino loci per multum tempus prædicando, indoctum vulgus decepit, loquens rusticis placentia, similiter & avaris nobilibus. Dicebat enim decimas nihil aliud esse, quàm eleemosynas, & in donantis stare arbitrio, si dare eas velit, aut in usus proprios reservare. Hæc rusticis placuerunt omnibus, & seducentem libenter satis auscultabant: pro nobilibus autem fuit, quòd odio Episcoporum & Cleri prædicabat, Pontifices Sacerdotes, & Monachos omnes debere esse omnino pauperes, & de eleemosynis tantum vivere Laicorum, & ut in paupertate Apostolica permaneant, omnes divitias, possessiones, census, Dominia & proventus ab eis penitus debere auferri, & in usus Principum ac nobilium terræ, unde provenerant, converti. Omnia hæc invidia pauperum Clericorum in divites excogitavit; hujus occasione perversi dogmatis magna Bohemiæ pars in avaritiam præcipitata, ut bona & possessiones Clericorum posset acquirere, consentire in hæreses multas, & sese ab unitate sacrosanctæ Ecclesiæ Catholicæ non timuit dimembrare. Mox

Archiepisc.  
Pragensis  
inquisitionem facit  
contra Joh.  
Hufs.

Ducentorum Hæreticorum  
volumina  
traduntur  
Pragæ ignibus.

Joannes  
Hufs contra Clerum  
incitat nobiles Regni  
Bohemiæ.

Clerus  
Bohemiæ  
bonis  
Ecclesiæ  
spoliatur.

etenim

etenim, ut vox ista per Bohemiæ regnum insonuit, quòd ministri Ecclesiæ deberent esse pauperes, & nihil omnino possidere, nobiles terræ, unusquisque in loco suo bona Clericorum diripientes, suis usurpavit usibus, decimationes, census, proventus ac dominia violenter auferentes, & detinentes usque in præsentem diem: unde ab illo die omnes Hæreticorum Bohemiæ Sacerdotes, in Praga maximè, ut mendici sunt pauperes, & vivunt de eleemosyna.

Cum tempore autem Bohemica gens in diversis locis, & alios multos atque diversos admisit errores, ut juxta scripturam, quæ in sordibus erat, fordesceret adhuc, & cortinâ trahente cortinam, ex prima errorum scaturigine infiniti sequerentur errores; nam ut breviter & summatim concludam. Bohemia tot est erroribus maculata, ut credi posset cunctas ab origine nascentis Ecclesiæ Christianorum hæreses esse in eam transfusas. Nec hæresis fuit aliquando, cujus Bohemia venenum non potaverit, sunt tamen adhuc hodie plures in ea Christi fideles, qui Romanæ Ecclesiæ sequuntur Doctrinam. Est miranda in hominibus animorum confusio, ut non solum in una domo, sed etiam in uno matrimonij thoro tanta religionis inveniat diverfitas, quâ corpore juncti in uno, fidei tamen opinione dividantur: Patris opinionem mares sequuntur, & fidem genitricis femellæ.

Non uno  
sed multis  
erroribus  
gens macu-  
latur Bo-  
hemica.

Est aliud in Regno Bohemiæ genus Hæreticorum spurcissimum, qui nuncupantur fossarij, propterea quòd in fossis, atque speluncis conveniunt nocturno tempore, in simul sine discretione conditionis vel gradus coeuntes, luxuriantes alter in uxorem alterius, in matrem quoque propriam, in filiam & sororem, secundum quod fortuito casu verbum prædicantis audituri confederint. Et si vera sunt, quæ nuper à quodam fidei milite Bohemico audivimus, horum nefandorum hominum maxima est multitudo in Bohemia; dixerat enim, & juramento firmavit, fossariorum plus quàm decem & octo millia posse in Bohemia reperiri. Sunt & alij diversarum opinionum hæretici, quorum errores in medium reponere omnes, nimium videretur rædiosum.

Fossariorum  
genus est  
spurcissi-  
mum quor-  
um multi-  
tudo maxi-  
ma.

Horum occasione dogmatum infinita mala fuerunt subsequuta, spoliationes & incendia, destructiones Monasteriorum, & plurium Ecclesiarum in Praga, & extra per totum Regnum, multorum quoque Sacerdotum ac Monachorum neces, trucidationes vel exilia, bella, seditiones, depredationes, desolationes urbium simul atque villarum. Omnium majorum causa Joannes Hufs fuit memoratus hæresiarcha, qui tandem in Concilio Constantiensi temeritatis suæ poenas sustinuit, quas meruit, ut anno Friderici Abbatis quinto decimo dicemus.

Hæresis  
Bohemica  
multorum  
causa ma-  
lorum ex-  
stitit.

#### MCCCCIII.

Anno Friderici Abbatis tertio, Indictione Romanorum undecimâ, Rudolphus Wilhelmi Ducis Montensis filius dominandi libidine inflammatus Patrem cepit, & in Castello Neuenburg, custodiæ mancipavit. Detestabile filij crimen in Patrem, & non minus humanis quàm divinis legibus contrarium. Precabatur filium captivus Pater, & continuis lachrymis rogabat, ut licenter omnino liberèque retineret Ducatum, tantum ne carceris perire inediâ pateretur: sed durior adamante filius, & lachrymas Genitoris & preces contempsit, ejusque Dominium usurpavit.

Wilhelmus  
Dux Mon-  
tensis à pro-  
prio filio in-  
carceratur.

Eodem



Eodem tamen anno Henricus quidam de Spir miles Friderico Archiepiscopo Colonienſium favente, atque conſilium præſtante, cum adiutorio captivum Ducem cum magna cautela & aſtutia, celerrimè de cuſtodia eripuit, ac liberatum jam liberum abduxit; verumtamen redire ad Ducatum Pater illo anno metu filij non potuit. Inſuper verſus in Tyrannidem filius, poſtquam Patrem audivit de captivitate abductum, etiam expulit matrem à Ducatu, quæ ſoror fuit Ruperti Regis, de qua anno ſequenti latius dicemus.

Bingen oppidum Cis-Rhenanum crematur.

Anno prænotato, tertio decimo die menſis Auguſti, maximum incendium ex caſu in oppido Bingen fuit exortum, ex quo multa Civibus damna provenerunt; vix enim quarta pars oppidi permanſit illæſa, omnia vorax incendium apprehendit, omnia vaſtavit, Eccleſiâque parochialem & Capellas S. Spiritus, Divorûmque Chriſtophori, Nicolai & Ægidij, penitus conſumpſit, atque in hora ex divitibus cives multos repente fecit pauperrimos.

Gerhardus Episcopus Herbipolensis obiit.

Eodem anno circa principium menſis Novembris, obiit Gerhardus de Schvvarzenburg Episcopus Herbipolensis, & Dux Orientalium Francorum, qui Cives Wirzburgenſes à pluribus annis rebelles & inobedientes primus per arma potenter ad ſubjectionem perpetuam compulſit, & revocavit, rebus & pecuniâ Eccleſiam tenuem, & propter bella continua exhaustam reliquit.

Joannes de Egloffstein fit Episcopus Herbipolensis.

Poſt mortem Gerhardi memorati Pontificis concorditer in Episcopum fuit electus per capitulum Joannes de Egloffſtein majoris Eccleſiæ Præpoſitus, qui per annos ferme quinque prædeceſſoris ſui Coadjutor extiterat, vir prudens, expertus & magnificus, mitis & benignus ad Cives, Cleri amator, atque deſenſor præcipuus, præfuit utiliter annis novem.

Abbacellenses Domino suo Abbati S. Galli rebellicant.

Anno etiam præſignato Abbacellenſes apud Helvetios inſuper Suitenſium exemplo non minus quàm auxilio ſeducti, denuo contra Cuno-nem Abbatem Monasterij S. Galli ordinis noſtri rebelles & inobedientes conſurgunt, cenſus & proventus annuos debitorumque dare Domino ſuo memorato contumaciter recuſantes; Abbas etenim memoratus Cœnobij S. Galli Abbacellenſium verus & proprius eſt Dominus, à cujus ſubjectione ipſi ſe ruſtici ſubtrahere & in libertatem vendicare Suitenſium conſilio tentaverunt. Neceſſitate igitur compulſus prædictus Abbas Cuno cum Civibus Regni urbis Conſtantiæ ac ſocijs eorum ſœdus amicitia contractit, quorum conſilio bellum rebellibus indicit. Conſtantiennes itaque adjunctis ſibi ſocijs & nobilibus multis, exercitum ferme quinque millium contra multitudinem rebellium Ruſticorum pro Abbate duxerunt. Commiſſum eſt prælium, & ab utraque parte multi ceciderunt, manſit incerta pugnantibus victoria, unde fatigati ab utraque parte pugnatoreſ, poſtremo ſinguli redierunt in ſua.

Bellum Abbatis S. Galli contra ſubditos ſuos rebelles.

Abbacellenses oppidanos S. Galli ad defectionem ſollicitant.

Poſt hæc Abbacellenſes jam bellis aſſueti, ut ea, quæ mente conceperant, tutò perducerent in effectum, copias contrahunt, & auxilio conjuratorum fines Conſtantiensium ingreſſi ad certamen provocant quieſcentes, & ne Conſtantiensibus iterum ad Abbacellenſes pateret acceſſus, conjurati ſœdifragis dederunt conſilium, ut oppidanos S. Galli ſuam, perſuaderent in partem, quod eo facilius fieri poſſe videbatur, quo non  
minora

minora Galliani ab amicis, quibus incedendi commeatum indulserant, damna tulerant, quàm ab adversarijs.

Galliani ergo periculorum memores simul & damnorum, quæ sustinuerant ab amicis, facilè tum fuère persuasi conjurare cum perjuris, maximè cum totam confœderatorum ad manum societatem haberent. Recesserunt ergo & ipsi à Domino suo Abbate S. Galli, & fœdus cum Abbatellensibus inierunt, quibus & Suitenses præbuerunt auxilia, & multiplicata sunt mala super terram.

Cives S. Galli contra D. Abbatem suum conspirant.

Anno prænotato Ungari denuo in Sigismundum Regem suum, filium Caroli quondam Imperatoris IV. Fratrem Wenceslai Regis Bohemiæ, ab Imperio depositi, conspirantes. Legatos miserunt ad Ladislaum Apuliæ Regem, cujus pater olim fuit Rex Ungariæ, rogantes, ut veniret quanticius, & Regnum expulso Sigismundo suscipere paternum; qui Dominationis nimium cupidus, quia Regnum Neapolitanum cum Sicilia jam solus possidebat, & quietus, libenter postulanti bus quidquid obtulissent, acquiescens, iter versus Ungariam cum magna Comitiva direxit. Venienti ad fines Regni, Ungariæ multi proceres, Episcopi, Comites atque Prælati apud quandam urbem occurrentes, ei coronam Regni Ungariæ per manus Archiepiscopi Strigonien sis imposuerunt. Deinde Rex Ladislaus jam coronatus misit in Ungariam Comitem de S. Severino, cum trecentis lanceatis, & magnam Comitivam Ungarorum, ad capiendam suo nomine possessionem Regni. Interea proceres plures mutato proposito Ladislaum, quem evocaverant, recusarunt, Sigismundum Regem suum postulantes. Cum ergo intrasset Ungariam Comes S. Severini, reperit majores Regni omnes sibi contrarios, illos quoque, qui cum eo redierant, similiter mutasse propositum, & timuit, reversusque suo Domino cuncta renuntiavit; Ladislaus videns se deceptum in Apuliam revertitur.

Ladislaus Rex Apuliæ contra Sigismundum vocatur ab Ungariis.

Ladislaus deceptus ab Ungariis in Apuliam revertitur.

#### MCCCCIV.

Anno Friderici Abbatis IV. cœpta est reformatio nostri Ordinis in Bavaria, quæ à loco sui exordij, sive principij, Monasterio videlicet Castellensi nomen obtinuit. Est autem Castellense memoratum ordinis nostri Monasterium Eichstettensis Diœcesis in Bavaria constitutum, cujus eo tempore Abbas nomine Otto, vir insignis prudens, & religiosus divino succensus amore, se in primis, deinde Monachos suos ad Regulæ puritatem instituit, & Monasterium suum in utroque statu successivè magnificè reformavit. Supervenit post decennium Constantiensis auctoritas Concilij, per quam ipsa jam dicta reformatio Castellensis etiam in alia Bavariæ Sueviæque Monasteria fuit diffusa; nam ut suo loco favente Altissimo dicemus, ex institutione memorati Concilij Constantiensis tres Ordinis nostri observationes seu reformationes in Germania sumpserunt initium, Castellensis videlicet, Melicensis, & Bursfeldensis.

Castellensis reformationis Ordinis nostri principium.

Eodem anno Bonifacius Papa IX. ex pleuritide moritur, & in Basilica S. Petri Apostolorum Principis sub lapide marmoreo honorificè sepelitur: quo mortuo primâ die mensis Octobris populus Romanus arma capiens, & tumultum per urbem, rixas, seditiones, & homicidia commisit, cooperante familiâ de Columna, Ursinisque obviare civium furori dissimulantibus.

Bonifacius Papa IX. ex pleuritide Romæ moritur.

Innocen-  
tius Papa  
vii eligitur  
& præsuit  
annis II.

Anno prænotato xvi. die mensis Octobris Cardinales, qui Romæ fuerant sub obedientia Bonifacii, conclave intrantes, se mutuò constringerunt, ut quicumque ex ipsis in Pontificem fuerit electus, operam dare velit omnem, etiam cum renuntiatione Papatus, in quantum necessitas postulaverit, quatenus sublato schismate unio Ecclesiæ reformaretur. Post hæc ad novi Pontificis creationem procedentes, Cosmam Patriâ Sulmonensem Cardinalem S. Crucis Bononiensem vulgariter nuncupatum, in Papam concorditer elegerunt, qui Innocentius septimus in sua obedientia dictus, præsuit annis fermè duobus, vir senex & multum expertus.

Joan. Ma-  
ria Galeatii  
filius fit  
Dux Me-  
diolani.

Histemporibus Italia ferè tota seditionibus plena fuit, mortuo namque Joanne Galeatio Duce Mediolani primo, duo filij ejus Adolescentes rerum non satis experti, parum prosperè Dominium Patris diviserunt. Joannes etenim Maria, qui major erat natu, Mediolani Ducatum obtinuit. Philippus verò Maria secundo genitus frater ejus Papiæ Comitatum accepit: reliquæ verò Civitates & oppida xxv. quæ cum Patre senserant, à filiis defecerunt, ex quibus quidem urbibus potiores sibi singulæ Principes singulos susceperunt, Florentinis defectionem augentibus.

#### MCCCCV.

Anna Soror  
Rupertii  
Regis uxor  
Montensis.

Anno Friderici Abbatis v. Indictione Romanorum xiii. venit ad Rupertum Regem Germaniæ, Romanorūque Imperatorem electum, & confirmatum, Heidelbergæ commorantem, soror ejus Anna uxor Wilhelmi Ducis Montensis, gravem deferens querelam contra filium suum Adolphum, qui Patrem & Matrem expellens de terra, in Ducatu tyrannidem, ut anno proximè transacto diximus, exercebat; nam Patrem in vincula conjecerat: quo per amicos industriose liberato, totus in furorem conversus etiam Genitricem suam fugavit.

Adolphus  
Dux Mon-  
tensis Pa-  
trem co-  
gnoscere  
compelli-  
tur.

Rupertus autem Rex calamitati sororis compatiens, cum esset Princeps alioquin justus atque rectissimus, Adolphum filium sororis, ut se de objectis iniquitatibus purgaret, ad Judicium Camerae citavit regalis, quo non comparente, sed spernente mandatum, Censuras in eum fulminavit imperiales, & contractis copiis bellum contumaci indixit. Adolphus autem cum sibi regale bellum immineret, videretque vires Regni se non posse sufferre, veniam petijt, Genitori cessit.

Clerus  
Wormatiensis  
Civitatem de-  
serit.

Anno item prænotato x. die mensis Februarij, Clerus Wormatiensis propter dissensiones, quas pro Ecclesiastica libertate habuit cum Civibus, urbem exivit, & mensibus 23. foris in locis ab antiquo unicuique Collegio deputatis remansit; Civitas autem propter violata Clericorum privilegia interdicto Ecclesiastico fuit supposita. Postremò tandem Ruperto Rege & Ludovico filio ejus, Comite Palatino Rheni, vices suas interponentibus, facta est concordia, ut suo loco diximus.

Echardus  
Ders Episcopus  
Wormatiensis  
mortitur.

Eodem anno xiii. die mensis Maij, obiit Echardus de Ders anno Pontificatus sui xxx. nondum completo in Episcopatu Wormatiensi, cujus corpus in medio chori majoris Ecclesiæ fuit sepultum. Ipse præsul Echardus, multas cum civibus habuit contentiones pro libertate Ecclesiastica, & Juribus Episcopalibus, unde & Clerus ipso jubente Civitatem, sicut diximus, exivit, & biennio fermè ob duritiam Civium foris remansit, à multis etenim annis inter Clerum & Cives fuit discordia.

Post



Post mortem verò Echardi Pontificis Matthæus de Cracovia Patria Polonus, Apostolicâ provisione Innocentij Papæ VII. Episcopus Wormatiensium factus, præfuit annis quinque, vir in omni scripturarum varietate doctissimus, & non minus prudentiâ & moribus, quàm eruditione, Pontificio munere dignus. Iste præsul primo sui Sacerdotij anno Cives Wormatienses interdicto supposuit, quod relaxare ante concordiam non consensit.

Matthæus de Cracovia Doctor fit Episcopus Wormatiensis Ecclesiæ.

Anno prænotato in mense Junio, Abbatellenses cum Helvetijs conjuratis confœderati, ut sæpè diximus, contra Dominum suum Abbatem Monasterij S. Galli, posteaquam oppidanos memorati oppidi S. Galli suas traxerunt in partes, hinc inde per terras Ducum Austriæ, Civitatum quoque Regni, eorum maximè Nobilium, & Civium, qui fuerunt ex parte Abbatis, prædas, incendia, & homicidia sine causa, sine justitia, & sine misericordia faciebant.

Abbatellenses cum Helvetijs contra Dominum suum conjurant.

Contra quos Abbas auxilio & præsentia Friderici Ducis Austriæ Fratris Lupoldi, Constantiensium quoque, & aliorum civium Regni, justam belli habens causam, satis magnum & fortem produxit exercitum. In primis igitur oppidum S. Galli, quod eo tempore Abbatellenses occupabant, Dux Fridericus obsedit, quod indubitanter obtinuisset, si paucos multi non sprevisent; vastantes enim in circuitu agrum Ducalem, dum sine ordine hinc inde vagaretur exercitus, erumpentes ex oppido Abbatellenses multos occiderunt.

Oppidum S. Galli à Friderico Duce Austriæ obsidione cingitur.

Cecidit in eo tumultu Hermannus Comes de Thierstein, Joannes quoque de Landenberg miles, Hermanus de Clingenberg miles, Joannes de Thulfingen miles, Christophorus Hufenegg, Abraham de Grifensee, Henricus de Landegg, Hippolitus de turri, plurisque alij, quorum nomina ignoramus. His infelicitè gestis graviores de die in diem contentiones & lites inter utraq; partes fuerunt subsecutæ in effusione sanguinis multorum.

Bellum non tantum multitudine quantum industriâ fortunatur.

Post hæc Abbatellenses conjuratorum auxilio freti contractis copijs sociorum in Brigantinos moverunt exercitum, animo statuentes, per universam Sueviam nobiles seu militares interficere & disperdere omnes. Igitur à primo ingressu Brigantium oppidum circumdederunt obsidione. Comes autem Brigantij Wilhelmus tumultuario suorum adunato exercitu, auxilio quoque Constantiensis Episcopi contra inimicos processit ad prælium, & factâ congressione Abbatellenses in fugam convertit multis eorum occisis, machinis quoque bellicis, armis, cum rebus in prædam actis; tantâ enim fuerant angustia circumdati, ut abjectis omnibus quærerent fugam.

Wilhelmus Comes Brigantius fugavit Abbatellenses.

Anno etiam memorato circa finem mensis Decembris, obiit Albertus Bavariæ Dux, & Comes Hollandiæ, Hannoniæ, Seelandiæ, Frisiæque Dominus, Ludovici quondam Imperatoris IV. filius, Comes quoque Palatinus Rheni, Princeps Christianissimus, pius bonus & justus, in Hollandia cum honore debito sepultus, Amator Cleri, Defensor Pauperum, Pater Subditorum, qui Wilhelmo fratre vesano, & ob id sine liberis in carcere mortuo, ut supra diximus, anno Dominicæ Nativitatis primo supra trecentiesimum atque millesimū Principatum jure propinquitatis acceperat.

Albertus Hollandiæ Hannoniæque moritur.

Uxorem habuit idem Albertus Margaretam Ducis Poloniæ filiam, de qua genuit filios tres & unam filiam, quorum natu major Wilhelmus

adhuc Patre vivente, anno Godfridi Abbatis quinto, ut ſupra dictum eſt, uxorem duxerat filiam Philippi Ducis Burgundiæ, ſed ambo ſine virili ſemine obierunt. Iſte Wilhelmus Alberto Patri ſucceſſit in Principatu Hollandiæ, & ſupervixit annis duntaxat quatuor. Secundus Alberti filius nomine Patris dicebatur Albertus, qui Straubingen in Bavaria poſſedit, & ſine uxore, vel liberis obiit ante Patrem. Tertius autem Alberti filius Joannes fuit, qui annis x. exſtitit Episcopus Leodiensis electus & confirmatus, & in ordine Subdiaconatus; mortuo autem fratre dimiſit Episcopatum, & duxit uxorem, ut poſtea dicemus.

## MCCCCVI.

Solis Ecclypſis.

Anno Friderici Abbatis VI. in die SS. Viti & Modeſti Martyrum, mane circa horam ſeptimam, ſolis magna fuit Ecclypſis ſive defectio, quam in annis ſequentibus prælia, & incommoda plura in Regno ſubſecuta ſunt.

Aqueniſes in verba Ruperti Regis jurant.

Eodem anno Cives Regalis oppidi Aqueniſis, poſteaquam per annos jam quinque Ruperto Romanorum Regi contumaces, inobedientes atque rebelles exſtitiffent, & multa propterea ſuſtinuiſſent incommoda, videntes quòd in concepta rebellionem ſua diutius non poſſent ſuſſistere, maximè cum Wenceslaus apud Bohemos otio torpens deſeruiſſet omnes, qui ejus ſequebantur partes, pœnitentiâ ducti ſunt, & veniam poſtulantes per medium Friderici Archiepiſcopi Coloniensis in gratiam ſuſcipiuntur.

In Moguntinenſes Comitum, Baronum & Nobilium conſpiratio.

Anno prænotato, Comites, Barones, Milites ac Nobiles multi Rhenenſes, Franci Orientales, Buchones, Wetteravij, Haſſij, Thuringi & Saxones cum alijs propter necem Friderici Ducis Brunſuiceniſis apud Fridiſlariam ante quinquennium, ut ſupra diximus, inſidioſè perempti, & quædam alias cauſas, ut ipsis videbatur, rationabiles, in unum conſpirantes poſt Dominicæ Reſurrectionis Feſta, Moguntinenſium ſe hoſtes Civium & inimicos publicos pronuntiârunt, multaque illis mala fecerunt, vias & aquarum comitatum ex omni parte obſervantes, ne quis ex eis exire vel intrare poſſet, nec unde viverent, alimenta inferri. Neceſſitate igitur coacti Cives Moguntini, ſtipendiarios mercede plures conduxere ſoldatos: quorum luſtratione & metu hoſtium incurſiones, & machinamenta deſtruerent inſidiarum; & quia diutius iſta duravit adverſitas, pecuniam cives non modicam ſtipendiario expoſuere conductui, aliâſque impenſas facere neceſſarias oportebat, ad extremam paupertatem & inopiam cum tempore paulatim devenerunt, quouſque tandem Regni libertate amiſſâ, ſervi ſunt facti Eccleſiæ. Nocte quâdam hoſtes in unum adunati cum ſilentio in manu valida ad portam Civitatis venerunt, quam gravi portam nuncupant, ſimulantes ſe Urbis ſoldatos; præmiſerant enim pauciores ceteris in inſidijs latitantibus. Cumque decepti narratione cuſtodes aperuiſſent portas, mox ab hoſtibus interfecti ſunt, atque dato ſigno his, qui latuerant, omnes convenerunt in unum, poſitoque in portis & turribus præſidio cum potentia, nullo reſiſtente, intraverunt Civitatem. Deinde currentes ad ædes divitum, & eorum qui fuerunt de Senatu, fractis januis intraverunt, plures natu majorum in ipſa nocte, truncatis capitibus, occidentes; timor autem irruit in cives propter horrorem tenebrarum tantum, quòd egredi domum nullus audebat. Hoſtes verò turmatim incedentes per Urbem illorum domos & ædes duntaxat infringebant, quos aut divites eſſe

Audax nobilium facinus in Moguntinos.

Cives Moguntini poſtiores necantur in domibus nocte.

tes esse noverant, aut in consulatu potentes. Cæde peractâ, & multis in civitate secretè peremptis, à nullo prohibiti, hostes cum præda multa per ejusdem portas civitatis, per quas intraverant, exierunt sani & incolumes.

Eodem anno Innocentius septimus, qui propter seditiones Romanorum jam pridem urbe digressus Viterbij refederat, precibus senatorum, & populi victus, Romam revertitur, & plures de novo creat Cardinales. Inter quos fuit Angelus Carrarius Patriâ Venetus, quem fecit ad titulum S. Marci presbyterum Cardinalem, habuitque in Pontificatu immediatum Successorem Gregorium XII. nuncupatum. Petrus quoque Philardi natione Cretenfis Basilicæ XII. Apostolorum presbyter Cardinalis, qui postea Pontifex Alexander V. Otto etiam de Columna, ad velum aureum Diaconus Cardinalis, qui postea in consilio Constantiensi factus Papa Martinus V. nuncupatus est.

Innocentius Papa VII. moritur.

His factis eodem anno Innocentius Papa non diu post moritur. Quo mortuo atque in Ecclesia S. Petri cum honore sepulto, Cardinales ingressi conclave iterum se juramentis obligarunt, ut quicumque in Pontificem fuisset electus, ad tollendum schisma & unionem Ecclesiæ procurandam, omnem velit possibilem adhibere laborem. Confirmatis jurejurando decretis Angelus Carrarius patriâ Venetus tituli sancti Marci Presbyter Cardinalis, in Papam eligitur, & Gregorius XII. in sua obedientia nominatur, & præfuit annis duobus, mensibus septem: vir bonus, sapiens, doctus, moribus & conversatione sincerus. Ordinatus autem Pontifex, quod prius juraverat cum alijs, denuo spontaneâ voluntate, juramento, & propriæ manus subscriptione confirmavit. Deinde satis benignè scripsit Benedicto Antipapæ, qui tum apud Gallos in Avenione Pontificem gerebat, exhortans eum ad Papatus abdicationem, offerens se idipsum indubitanter esse facturum. Benedictus in dolo tantidem ferè syllabis quasi consentiens Gregorio rescripsit: pro conveniendi loco urbs Saona decernitur, tempus nominatur. Gregorius ut agnus in simplicitate sua venit ad locum determinatum: cui Benedictus, ut dolosa vulpes paravit insidias, volens eum capere, si potuisset. Quibus cognitis retrocessit Gregorius, & deinceps perverso homini non confidit. Irati sunt Principes Galliæ contra Benedictum, videntes manifestè, quòd unionem non quæreret, nec pacem Ecclesiæ optaret, sed potius divisionem: quorum ille potentiam veritus palatium armis & commeatu munivit, in quo per aliquot menses obsessus, tandem paratis ad fugam navibus in Cataloniam, unde fuerat oriundus, adnavigavit, habitòque in Perpiniano consilio suorum, quo tutior esset, ad castellum Pamschole locum munitissimum confugit: ubi diutius immoratus est, & novos Cardinales creavit, quia priores pro majori parte recesserant ab eo ad Pisanum Concilium, ut in sequentibus post triennium dicemus, eo quòd noluit obedire Principibus.

Gregorius Romæ fit Papa XII. contra Benedictum XIII.

Benedictus infidiatur Gregorio, unde Galli recedunt ab eo.

#### MCCCCVII.

Anno Friderici Abbatis septimo, Indictione Romanorum xv. Cives in Colonia ædificare & construere cœperunt novum illud magnūque & sumptuosum in illa urbe Prætorium, quod vulgariter civium nuncupant domum, & in septem annis consumnaverunt. Hujus impensæ Prætorij, ut ferunt, quinquaginta florenorum millia constant, dum singula exposita in id ædificij per septennium computantur.



Cler<sup>o</sup> Wor-  
matienſis  
cum Civi-  
bus inivit  
concor-  
diam.

Eodem anno in menſe Julio circa feſtum ſancti Jacobi Apoſtoli concordia inter Clerum & Cives Wormatiennes facta eſt per medium Ruperti Regis Heidelbergæ commorantis, & Ludovici filij ejus, Comitſ Palatini Baviariæque Ducis, & ſic intraverunt Civitatem Canonici, poſtea- quam biennio ferè exulaverant, multaque litigando & placitando cum Civibus conſumpſerant.

Dux Au-  
ſtriæ con-  
tra Abba-  
cellenſes  
procedens  
ad bellum  
fugatur.

Anno prænotato Abbaſcellenſes adjutorio Suitenſium, quibus erant conjurati, reſumptis viribus in Marcham Ducis Auſtriæ ducunt exerci- tum, quam obſidione preſſam diutius tandem capiunt, ac Suitenſibus dono concedunt. Ab eo tempore Marcha omnino ab Auſtriæ Domo de- fecit; quamvis antè multis annis ſe viriliter ab incurſione conjuratorum omnium defenderit. Dux igitur Domus Auſtriæ contractis mille ducen- tis viris Abbaſcellam obſidione vallavit, quod cùm vidiffent Abbaſcel- lenſes, de monte præcipiti, quem prius conſcenderant, curſim decendenſes contra aſcendenſes hoſtes ex alpium præcipitio lapides mittunt ingentes, quorum occuſione Auſtrales perterriti fugiunt, quinquaginta eorum at- que trecentis ſaxorum volubilitate peremptis, & ſic obſidione ſoluta reſceſſerunt.

#### MCCCCVIII.

Abbaſcel-  
lenſes à  
Comite  
Brigantij  
ſuperati  
occidun-  
tur.

Anno Friderici Abbaſis octavo, Indictione Romanorum primâ, idi- bus Januarij, conjurati Abbaſcellenſes una cum Suitenſibus iterum tentâ- runt obſidere Brigantium. Unde Comes Wilhelmus auxilio ſociorum armatus venit conſtanter liberare obſeſſos: congreſſione factâ cum Abba- cellenſibus victor extitit, & penè omnes occidit. Erat in exercitu Comitſ Brigantij nobilis quidam de Landenberg, nomine Berengerus, qui voce magnâ clamavit: *Sic ſocij ſic: interficite omnes viros & mulieres, lactentes & parvulos ſimul; ne forte viventes in perniciem nobilium conſpirent, quemadmo- dem fecerunt patres eorum.* Cæteri tamen qui aderant nobiles interficere par- vulos, aut mulieres minimè conſenſerunt; quamvis per continuos ſeptem annos à conjuratis Abbaſcellenſibus damna ſulcepiffent graviffima: multo- rum etiam caſtra deſtruxerunt.

Leodien-  
ſium con-  
tra Epico-  
pum ſuum  
atrox belli  
princi-  
pium.

Eodem anno facta eſt Leodienſium ſtrages magna tali occasione. Ad- miniſtrabat per id tempus Leodienſem Eccleſiam, ut ſupra diximus, Joan- nes filius Alberti & frater Wilhelmi Ducum Baviariæ Comitumque Pala- tinorum Rheni, Hannoniæ, Hollandiæ, Seelandiæque, & cùm annis fermè ſedecim fuiſſet Epico- pus, electus, confirmatus, & Subdiaconus, ad ulteriora tamen procedere contempſit, nulloque die rem divinam fece- rat, ſuæ nobilitati detractum iri forſitan ratus, ſi Presbyterum ſe gereret. Recuſantem igitur ſatisfacere juramento, & Pontificum ſubire munus, cujus occupabat locum, & nomen portabat otioſè, Leodienſes in oppido Trajecti ſuperioris, quod ab adfluente flumine vulgariter Maſtrich nun- cupamus, commorantem obſederunt, magnum fortem & copioſum habentes exercitum. Erant eis & aliæ cauſarum diverſarum rationes con- tra Pontificem, quæ juſtæ fuerint ſive injuſtæ, noſtrum non eſt judicare. Notum eſt penè omnibus, qui nomen Leodij audiverunt, quàm ſit popu- lus in turbatione furioſus, & ſuper conſilio inops, qui nihil ratione agat, ſed omnia tumultu in perniciem ſui, & frequentem ſubverſionem.

Leodienſes  
Epico-  
pum  
in Trajecto  
obſident.

Wilhelmus igitur ut fratri ſubſidio eſſet, contractis ex ſua gente copijs,  
Burgundiæ

Burgundiæ Ducem per nuntios orat, ut in auxilium venire festinet, Wilhelmi namque uxor filia Burgundi fuit. Non aspernatus orantem Joannes Dux, copiis abundè contractis, Wilhelmo se pugnaturus contra Leodienses confociat. Præmittuntur in agrum Leodiensem levis armaturæ milites, qui fata vicósque incendunt, ut hoc damno permoti Leodienses (cõmunibus Patriæ incommodis) obsidione solutâ succurrere cogerentur.

Flagrantibus passim vicis Leodienses intermissâ obsidione acies moverunt in hostes, quibus congressi vincuntur, superantur, & eorum plus quàm 16000. in uno die occiduntur, Deo vindictam illis, quam meruerant, retribuente. Cùm enim obsiderent memoratum Ecclesiæ oppidum Mastrich, nimiam exercebant crudelitatem in mulieres & virgines, quæ propter inopiam ab ipso fuerunt oppido expulsæ, abutentes eis, & postea præscindentes eorum ubera, & vestes usque ad pudibunda. Sunt qui scribant, Leodiensium in eo conflictu 35000. occubuisse; ex parte verò Ducum Hollandiæ & Burgundiæ, qui exercitum adduxerant centum millium pugnatorum, decem duntaxat ceciderunt. Facta sunt hæc vicesimâ die mensis Septembris anno memorato, & sic Joannes victis Leodiensibus, ut prius sine ordinatione permansit.

Leodiensium in bello sedecim millia perempti esse feruntur.

Anno item prænotato Cardinales tam Gregorij, quàm Benedicti videntes periculum Ecclesiæ pertinaciâ & contentione Pontificum quotidie augeri, & ambos in executione juramentorum negligentes, missis remisissisque inter se litteris, quemadmodum videretur succurrendum negotijs, coeperunt habere consilium. Placuit igitur postremò, ut in annum proximè tunc futurum Generale apud Pisas indiceretur Concilium, ad cujus citati examen ambo Pontifices, quicquid ratione vel auctoritate Concilij juberentur, subirent. Mittuntur ab utràque obedientia solemnes Nuntij oratorésque ad Pontifices, per quos cujusque partis rogavère Cardinales, ut venire ad indictum Concilium ambo dignarentur. Benedictus ad se missis respondit: *Controversiam non de fide, sed de Pontificatu inter eum versari & Gregorium, nihilque ad Cardinales pertinere negotium, ipse cum adversario tempore suo esset acturus.* Irridens ergo & contemnens nuntios Benedictus, inanes abire permisit. Gregorius verò: *Non ad Cardinales, dixit, congregationem pertinere Concilij, se Romanum esse indubitatum Pontificem, suâq. solius fore auctoritatis, Generale indicare Concilium, vel revocare, membraque caput, non caput membra debere sequi.* Ad Forum igitur Julij secessit metu Cardinalium Gregorius & Principum, qui jam in utriusque conspiraverant depositionem Pontificis, inde ad Ariminum, ubi positis insidijs habitu transmutato vix manus capientium evasit. Cardinales cum eo remanserant pauci, quibus novos creando superaddidit plures. In tot verò adversis semper animo fixus erat & immobilis, ut nunquam à sua potuerit opinione revocari.

Concilium Pisanum ad annum futurum à Cardinalibus indicitur.

Gregorij Constantia,

Anno præscripto Rupertus Germaniæ Rex Conventum Principum Regni magnum apud Constantiam indixit, quibus ad nutum Regis convenientibus multa pro utilitate Reipublicæ in communi fuerunt tradita. Inter alia Rex jussit adesse Cunonem Abbatem Monasterij S. Galli, simul & rebelles subditos Abbatellenses, qui paulò ante ut supra diximus, in bello juxta Brigantium per Wilhelmum Comitem de Werdenberg, de Montfort, & de Monte sancto parum confusi ad aliqualem videbantur humilitatem

Conventus fit Principum in Constantia,

Concordia  
fit inter  
Abbatem  
S. Galli, &  
ſuos Abba-  
cellenſes.

humilitatem eſſe compulſi. Rex igitur & Principes auditis propoſitioni-  
bus & querelis memorati Abbatis, & nobilium totius Sueviæ, quos conju-  
rati penitus delere, ſi potuiſſent, & extirpare cogitaverant. ſimul & Abba-  
cellenſium reſponſis, ſuas ſtudioſè interpoſuere vices, & concordia inter  
eos reformatâ Abbacellenſes Domino ſuo Abbati Monaſterij S. Galli  
fecerunt obediētes.

Hiems anno memorato fuit & longa & frigidiffima; incipiens enim  
frigus intenſum cum nivibus & glacie multa in Feſto S. Martini duravit  
uſque ad ſolemnitatem Purificationis Beatæ Mariæ ſemper Virginis.  
Poſthæc pluviâ ſuperveniente & multâ & aliquantulum calidâ glaciem,  
ſimul & nivem diſſolvit, & inundatio aquarum ſecuta eſt maxima, quæ  
pontes Rheni & aliorum fluminum fregit multos, domos & ædificia ſub-  
vertit.

#### MCCCCIX.

Concilium  
Piſanum  
per Cardi-  
nales & E-  
piſcopos  
celebratur.

Anno Friderici Abbatis nono, Indictione Romanorum ſecundâ,  
Concilium Generale magnum in Civitate Piſana, præterito anno per  
Cardinales Regis & Principes indiſtum, ſub ingenti ſolemnitate fuit cele-  
bratum. Ad quod utriuſque Pontificis Gregorij videlicet & Benediſti  
Cardinales penè omnes cum multis Archiepiſcopis, Episcopis, Abbatibus,  
Prælatiſ, Principibus, abſentiũque oratoribus convenerunt, animo &  
intentione ſuccurrendi Eccleſiæ, ut ſchiſmate ſublato unitas reformaretur  
Chriſtiana.

Alexander  
fit Papa v.  
Ordinis FF.  
Minorum.

Inprimis igitur Pontifices ambo de Papatu contendentes Gregorius &  
Benediſtus à Concilio citati, vocati, & expectati non comparentes, neque  
per ſe, neque per legitimos quoſcunque procuratores, ut contumaces, re-  
belles, & Spiritui Sancto inobediētes reputati ſunt, & propterea per defini-  
tivam Concilij ſententiam à Pontificatu, & ab omni, ſi quod habuiſſent,  
jure depoſiti, & conſequenter, ut Hæretici & Schiſmatici declarati, con-  
demnati, & publicati ſunt. Omnibus quoque per orbem Chriſtianis  
interdictum eſt ſub pæniſ & cenſuris Eccleſiaſticis, ne quempiam eo-  
rum Pontificem credant, teneant, aut dicant Romanum, néque manda-  
tis ipſorum obediāt, nec timeant cenſuras. Poſt abrogationem duorum  
Pontificum utriuſque Cardinales, quotquot erant in Concilio præſentes,  
in unum conveniunt, & intrantes ex more Recluſorium, Petrum Philardi  
natione Cretenſem Ordinis FF. Minorum dictum de Candia, Tituli Baſi-  
licæ duodecim Apoſtolorum Presbyterum Cardinalem unanimiter in  
Romanum Pontificem elegerunt, qui vocatus Alexander V. præſuit men-  
ſibus duntaxat xi. vir certè in Theologicis doctiſſimus, qui multa ſcripſit  
volumina ante Papatum.

Schiſma  
continua-  
tur.

His autem non obſtantibus, quæ in Concilio fuerant concluſa, me-  
morati duo Pontifices abrogati ſua in ſententia perſtiterunt, & uterque  
verum ſe & indubitatum Chriſti Vicarium, & legitimum Petri ſucceſſo-  
rem credidit, geſſit, & pronuntiavit. novos ſibi conſtituentes Cardinales.  
Chronographi tamen omnes Pontificatum utriuſque hoc anno finitum,  
denuntiant. licet non ceſſerint, ſed permanſerint uſque ad Conſtantiēſe  
Concilium.

Anno prænotato vigesiſmâ primâ die menſis Maij, obiit Blanca Maria  
Henrici Anglorum Regis filia, & uxor Ludovici Comitſ Palatini, de  
quorum



quorum nuptijs dictum est anno Friderici Abbatis secundo, unicum relinquensei filium nomine Rupertum, sextum annum ætatis agentem, qui & ipse vigesimo ætatis suæ anno matrem secutus sine liberis obiit. Ludovicus autem secundam duxit uxorem nomine Mechtildem filiam, ut supra diximus, Amedei Ducis Sabaudia, foeminam magnæ pietatis & Religionis, de quâ genuit Ludovicum Patrem Philippi, qui successit in principatu; Fridericum, qui postea tutor Philippi fuit: Rupertum Archiepiscopum Colonientem, & duas filias, quarum altera Monialis fuit in Gandavocum sanctâ Coletâ; altera in alio quodam Cœnobio, tertia autem filia nupsit Alberto Duci Austria, qui frater erat Friderici Imperatoris III. prius verò nupsit Comiti Wirtenbergensium, postea Alberto. Iste Ludovicus Comes Palatinus Rheni Bavariaeque Dux Ruperti Regis filius piæ devotionis instinctu sepulchrum Domini Hierosolymis visitavit. Reversus in Patriam, barbam, quam peregrinantium consuetudine nutriverat, nunquam postea permisit abradi, & propterea suo tempore Dux vulgo dicebatur Barbatus. In senio visu deficiens, Dux cæcus nominatus est, & postremò depositus à regimine, ut infra.

Eodem anno mortuus est Wilhelmus Dux Bavariae, Comes Palatinus Rheni, Hollandiae, Hannoniae & Seelandiae, unicum relinquens filiam, nomine Jacobam, quæ Patrem cupiens in memoratis sequi Comitibus Hollandiae, Hannoniae & Seelandiae, contendensque principatum omnem ad se jure devolutum ad ejus venire possessionem, non potuit Joanne patruo Leodiensium supra dicto Episcopo prohibente, qui mox fratre mortuo potenter omnia ejus Dominia obtinuit, & usque ad mortem, violenter occupavit, non obstante, quòd filia fratris contradixit. Denique idem Joannes, cum esset Subdiaconus & Leodiensem Ecclesiam electus & confirmatus in annum jam ut Episcopus sextumdecimum, ut supra diximus, tenuisset, amore Posteritatis Pontificatum ipsum resignavit, & dispensante cum eo Constantiensi Concilio, uxorem duxit, de quâ tamen, sicut speraverat, neque filiam, neque filium suscepit.

Wilhelmus  
Dux Bavar-  
iae Hollan-  
diaeque Co-  
mes mori-  
tur.

Joannes di-  
misit Epi-  
scopatum,  
duxit uxo-  
rem, occu-  
pat Comi-  
tatum.

Jacoba verò defuncti Comitis filia, cum se à patruo cerneret paterno privatam dominio, speransque maritali subsidio posse consequi, quod imbecillitas denegabat foeminea, primò nupsit cuidam ex Delphinatu, Galliae Principi. Quo sine liberis mortuo Duci Brabantiae nupsit; & illo sine prole vitâ defuncto fratrem Regis Angliae maritum accepit. Illo etiam absque liberis viam universæ carnis ingressa, quartum duxit nomine Franconem cujusdam Comitis filium, qui & sterilis sterilem invitatus deserens, etiam ipse obiit brevi sine liberis. Post hæc mulier jam viris nobilibus propter quatuor conjugum velociorem interitum aliquantulum suspecta & contemptibilis, compellitur vidua permanere, cum nullus eam postularer uxorem. Vitam deinceps egit vidua, dives admodum ex dotibus maritorum, & in oppido Lutzenburgi Treverensis Diocesis mansionem usque ad mortem continuavit. Ex illo tempore Ducatus Lutzenburgi ad Brabantios pervenit.

Anno item præsignato circa Festum S. Archangeli Michaelis Joannes Comes de Lupfen, & Hermanus Comes de Sulza, qui erat Vicarius seu vicem tenens Friderici Ducis Austriae, in Suevia, in Prigsavio, in Suntgavio, & in Ergavio, contractis copiis in manu validâ fines Basileensium,

Vicarius  
Austriae  
Ducis de-  
vastare co-  
pit Cives  
Basilienses.

T c

ingressi

Ludovicus  
Comes Pa-  
latinus ten-  
tat pro con-  
cordando.

Baſilienſes  
armati ob-  
ſidione cin-  
gunt Ys-  
ſtein & ca-  
piunt.

Ludovicus  
Comes Pa-  
latinus ire-  
rum agit  
pro con-  
cordiâ.

Alexander  
Papa v.  
moritur.

Jonnes fit  
Papa vice-  
ſimus ter-  
tius annis  
ſere quin-  
que.

ingreſſi ſunt, & venientes uſque ad civitatem omnia in circuitu devaſta-  
runt, incendia & depravationes hoſtiliter exercentes, & munitiones quaſ-  
dam capientes, igne ſuppoſito funditus deſtruxerunt. Joannes quoque  
Dux Burgundiæ Friderico Aſtriæ Duci affinitate junctus multa Baſilien-  
ſibus intulit damna, parùmque abſuit, quin res bello videretur terminan-  
da. Rebus autem ſic in turbatione male diſpoſitis, Ludovicus Comes Pa-  
latinus Rheni Baviariæque Dux amator pacis & quietis cupiens inter diſſi-  
dentes reformare concordiam, diem ad ſe conveniendi feſtum omnium  
Sanctorum in oppido Mülhuſen conſtituit: in quo & ipſe venturum ſe  
fore promiſit. Feriâ igitur ſecundâ poſt omnium Sanctorum ſolemnia  
convenerunt ad locum determinatum vocati: ubi Princeps memoratus  
cauſas & querelas diſſenſionum cùm audiſſet, ſtudioſè laboravit pro  
pace: ſed illâ vice diverſos in unam non potuit revocare ſententiam.  
Igitur ſine concordia diſceſſerunt ab invicem: gravioribus malis & turba-  
tionibus cauſam relinquentes. Baſileenſes autem in ſua reverſi, conſeſtim  
auxilio Bernenſium in manu validâ civitatem exeuntes cum Machinis  
& Bombardis oppidum Rheinfelden nuncupatum obſidione cinxerunt.  
Verum his qui erant in oppido fortiter agentibus, ſine effectu, obſidione  
ſolutâ, receſſerunt. In die verò S. Martini oppidum aliud Yſſtein nomi-  
natum obſederunt, expugnaverunt, & ceperunt. Iterum poſtea Ludovi-  
cus ſæpè dictus Comes Palatinus Baviariæque Dux, in die S. Nicolai Epi-  
ſcopi vocatis ad ſe partibus in oppido Keiſersberg pacem & concordiam  
inter diſſidentes tandem reformavit. Interea Baſilienſes non expectato  
ſine tractatus in Keiſersberg contractis iterum copiis dominium Baden-  
vveiler nuncupatum hoſtili incurſione devaſtant, ferro & igne magnam  
villanis atque pauperibus inferentes deſolationem. Hujus facti occasione  
violatur concordia per Ludovicum in Keiſersberg, ut diximus, concluſa:  
licet Rudolphus Marchio de Hochberg Dominus in Rötlen ſummâ dili-  
gentiâ cum Palatino Comite pro concordia laboraſſet. Unde necdum  
pace reformatâ, diſſenſiones, devaſtationes, & incurſiones ab utrâque  
parte duraverunt uſque in ſequentem annum, ut dicemus.

MCCCCX.

Anno Friderici Abbatis decimo, Indiſtione Romanorum tertiâ, Ale-  
xander Papa quintus Bononiæ moritur, & ibidem in Eccleſia Ordinis ſui,  
Fratrum Minorum S. Franciſci, cum honore debito ſepelitur. Qui, cùm  
moriturus ageret in extremis, omnia in Piſano facta Concilio, ut bona &  
ſancta collaudavit: aſſerens conſcientiam ab omni ſcrupulo eſſe inconta-  
minatam. Ultima ejus verba cum difficultate ad Cardinales, qui circum-  
ſtabant, lachrymantes, prolata ita fuerunt: *Pacem meam do vobis, pa-  
cem meam relinquo vobis*: Quibus dictis expiravit. Quo mortuo atque  
ſepulto Patres conclave apud Bononiam intrantes Baltaſarum de Coſſâ  
Neapolitanum tituli S. Euſtachij Diaconum Cardinalem in Pontificem ele-  
gerunt: qui Joannes viceſimus tertius in ſua obedientia dictus præſuit  
annis quatuor menſibus decem uſque ad Concilium Conſtantienſe, in quo  
ſe Pontificatu abdicavit, ut ſuo inferius loco dicemus. Eo gerente Ponti-  
ficatum adhuc Gregorius & Benediſtus in ſua obedientia perdurabant Ro-  
manos ſe Pontifices nominantes. Et hi tres Eccleſiam Dei confundebant,  
de Papatu contententes uſque ad memoratum Concilium.

Eodem

Eodem anno vicesimâ primâ die mensis Maij, obiit Rupertus Germaniæ Rex, & Imperator destinatus Romanorum, in oppido Regali Oppenheim, anno Regni sui decimo: cujus corpus Heidelbergam relatum, in Ecclesiâ Sancti Spiritus medio in choro sepelitur. Super cujuscumque tumulum, hoc epitaphium cernitur esse scriptum: Rupertus Baviaræ Dux, Comes Rheni Palatinus, Romanorum Rex, justus, pacis & religionis amator, dignus Deo visus, qui pro justitiâ pateretur, hujus sacræ ædis & collegij institutor, hic cum castissimâ conjugē Elisabetha, Norici Montis Burggravia quiescit. Iste Rupertus Comes Palatinus, sicut ex epitaphio patet, insignem illam Sancti Spiritus Ecclesiam in oppido suo Heidelberg juxta Neccarum flumen Wormatiensis Diocesis à fundamentis novam erexit, fundavit, & construxit: ad cujus ministerium Canonicos posuit, quibus de hujus vitæ necessarijs copiosè providit. Filium reliquit Principatus sui hæredem nomine Ludovicum, de quo plura diximus; qui genuit alium nominis sui Ludovicum. Ille autem genuit Philippum: Philippus autem genuit Ludovicum, qui hodie annos habens ætatis quinque & triginta principatur. Idem Rex memoratus Rupertus, antequam sublimaretur in Regnum, anno Godfridi Abbatis Hirsburgiæ sexto, qui fuit Dominicæ Nativitatis millesimus, trecentessimus, octogesimus sextus, Gymnasium universale in oppido præscripto Heidelberg instituit, fundavit, & copiosè providit, quod Urbanus Papa sextus concessis privilegijs consuetis approbavit. Cujus Gymnasij Rector primus, & litterarij certaminis institutor fuit à scholâ Parisiorum rogatu principis evocatus, Marsilius de Ingen, Doctor in divinis suo tempore multum eruditus, de cujus lucubrationibus mentionem fecimus in eo volumine, quod de Ecclesiasticis scriptoribus composuimus.

Rupertus  
Rex Ger-  
manorum,  
& Impera-  
tor Roma-  
norum  
obiit.

Universi-  
tas Heidel-  
bergensis à  
quo, &  
quando sit  
instituta.

Joannes Papa vicesimus tertius auditâ morte memorati Regis Ruperti statim oratores misit solemnes cum litteris ad principes Regni electores, magnis viribus exhortans, monens, & orans, ut Sigismundum Ungariæ Regem filium Caroli quondam Imperatoris quarti, & fratrem Wenceslai Regis Bohemiæ, originem ex Comitibus sive Ducibus Lutzenburgij Theutonicis habentem, in Germaniæ Regem dignarentur eligere, per cujus assistentiam se non dubitabat subsidium contra Gregorium & Benedictum habiturum. Principes verò electores Papæ litteris receptis, oratoribusque auditis ad regale oppidum Frankfurt juxta Moganum conveniunt, & cum inter se multa consultaissent & varia, non invenientes illâ vice meliorem, Sigismundum Ungariæ Regem prædictum ad preces Romani Pontificis in Regem Germaniæ concorditer elegerunt, virum strenuum, & ad omnia peragenda promptissimum. Fuit enim princeps singulari prudentiâ insignis, constantiâ, magnanimitate, pietate, religione, beneficentiâ, & liberalitate nulli suo tempore secundus. Corporis quoque dispositione Majestatem præseferbat imperialem, doctrinâ & eruditione scripturarum, cum notitiâ multarum linguarum idoneus ad omnia videbatur. Sæpius cum Turcis infidelibus pugnavit, quorum regulos captos in prælio duos & triginta securi percussit. Ejus industriâ, labore, impensisque magnum illud Constantiense Concilium indictum & celebratum fuit, schisma quoque perniciosissimum, quod annis duraverat non minus sex & triginta, ejus fuit industriâ & cooperatione sublatum. Missis etenim

Sigismun-  
dus unga-  
riæ Rex ad  
imperium  
eligitur.



nuntijs per totam Italiam, Galliam, Hispaniam, Angliam, Daciam, & Poloniam omni conſenſu nationum, diſiſam in unum revocavit Eccleſiam, quemadmodum inferius loco ſuo plenius per ordinem dicemus. Regnavit igitur Sigismundus ab hinc annis ſeptem & viginti. coronamque Imperij accepit.

Inter Duces  
Austriae &  
Baſileenſes  
eſt facta  
concordia.

Anno præſcripto mediante Rudolpho Marchione de Hohenberg facta eſt concordia inter Duces Austriae, & Cives Baſileenſes in oppido Enſen, de quorum diſſenſionibus guerris & bellis anno tranſacto breviter diximus. In ea reformatione pacis Caſtellum Yſſtein, quod Baſileenſes anno præterito ceperant, eorum fuit poteſtati conceſſum, quod mox cauti futurorum ſpeculatores, nequid ex eo paterentur mali, ut ante, funditus deſtruxerunt.

#### MCCCCXI.

Diſſenſio  
inter Ludo-  
vicum Pa-  
latinum &  
Comitem  
in Span-  
heim.

Anno Friderici Abbatis undecimo, Indiſtione Romanorum quartâ, diſſenſiones graviffimæ inter Ludovicum Comitem Rheni Palatinum Rupertiquondam Regis filium, & Joannem Comitem in Spanheim ultimum, exorta fuerunt ſuper diſiſione Comitatus; mortuo enim ſine liberis Comite Simone, qui frater Joannis fuerat, Eliſabertha relictâ uxor ejus jam vidua, contentiones pro dote ſua cum Joanne fratre Simonis incurrit: cujus potentiam habens ſuſpectam, prædicti Comitis Palatini ſe ſuaque ruitioni commiſit. Joannes rem non armis, ſed judicum cognitione dirimendam committens, victoriam obtinuit. Interveniente tamen concordia mulier jus ſuum omne Palatino Comiti reſignat, atque per talem occaſionem pars una Comitatus memorati Spanheimenſis ad juſceſſit Palatinatus ab illo tempore uſque ad præſentem diem. Et notandum, quod Comites Spanheimenſes ab olim duos habuere Comitatus, quorum primus dicebatur anterior, & hic titulo de Spanheim propriè inſignitur, habens oppida & vicos Crüzenach, Sprendlingen, Kirchberg, Gamundiam, Spanheim cum alijs multis. Alter verò Comitatus dicebatur vulgò poſterior, titulum habens de Starckenburg, caſtello videlicet Cis-Moſellano, in quo ſunt oppida Thranerbach, Caſtellum, cum villagijs multis ſimul atque caſtellis. In diſiſione autem præſcriptorum Comitatum, poſt mortem Joannis ultimi Comitis, multæ factæ ſunt variationes, & uni uſtermini alterius interpoſitione confuſi, ut pauci reperiantur hodiè, qui fines noverint ſingulorum. Quatuor ſunt enim, qui noſtris diebus Comitatum poſſident memoratum. Ludovicus Comes Palatinus Bavariaeque Dux, & Princeps elector in anteriori Comitatu de Spanheim habet partem. Alexander Comes Palatinus Bavariaeque Dux, & Comes Veldentiae ſimiliter in anteriori partem habet. Joannes, qui moratur in Simeren Comes Palatinus Rheni Bavariaeque Dux & Comes in Spanheim partem habet in utròque Comitatu. Chriſtophorus Marchio in Baden & Hohenberg Dominus in Rötlen partem habet in Comitatu Starckenburg & in Winterburg cum proximè adjacentibus.

Ludovicus  
Palatinus  
partem  
Comitatus  
Spanheimenſis  
obtinet.

Comitatus  
Spanheimenſis in  
partes quatuor diviſus.

Marchio  
Badenſis  
quomodo  
ad Comitatum Spanheim per-  
venit.

Quod ſi placet ſcire, quomodo ad ipſum Marchionem ſit devoluta iſta Comitatus portio, notandum, quod Joannes ultimus Comes ſupra dictus in diſſenſione, quam olim habuit cum Henrico patruo, & Simone fratre Comitibus, poſt obitum patris metu amborum ad tempus apud Marchionem Rudolphum exulavit, cujus ope & vitæ neceſſaria habuit, & patruo  
vita

vitâ defuncto ad paterni Comitatus portionem pervenit: Simone autem fratre postea mortuo sine liberis, cum & ipse filios non haberet, nec se habiturum speraret, hospiti suo volens esse gratus, Marchionem ad partem Comitatus admisit, & contra Palatini vim socium fecit.

Anno prænotato in principio mensis Maij, Thuricenses, Lucernenses, Suitenses, & cæteri Helvetiorum conjurati copijs sociorum contractis in Longobardiam traduxerunt exercitum, & Cumam oppidum Domini Mediolanensis obsidione vallantes expugnant & capiunt, positisque in eo præsidijs, circumcirca vagantur, omnia hostiliter devastantes. Turrim in valle, quam Eschental nuncupant, subfodientes, dejiciunt, in qua non pauciores, quam homines quinquaginta ipso casu perierunt.

Regressis posthæc ad propria Helvetijs, Cumani ab eorum fide promissâ resiliunt, & necato præsidio rursus Mediolanenses intromittunt. Quod ubi ad conjuratorum pervenit noticiam, resumptis iterum armis in Longobardiam revertuntur, & quidquid demoliri poterant, igne ferrôque hostili incursione devastant. Bellenzona oppidum capiunt, cujus incolas in sua verba jurare compellunt. Contra quos Mediolanenses ad pugnam veniunt, recuperatôque oppido Bellenzona simul & arce, Helvetios cædunt, fundunt, & confusos in propria redire compellunt.

Eodem anno Sigismundus Germaniæ Rex noviter, ut dictum est, paulo ante institutus, Romam iturus pro suscipiendâ Imperij coronâ, cum Veneti, gens impatiens Domini, iter transituro conarentur interdicerè, iratus duodecim in eos peditum millia, equitum octo millia præmisit, & capto primo inpetu Foro Julio, Tarvisium obsidione vallavit. Huic verò tanto exercitui Carolus Malatesta quidam à Venetis objicitur, qui cunctando magis, quàm dimicando imperiales milites remoraretur.

## MCCCCXII.

Anno Friderici Abbatis duodecimo, Indictione Romanorum quintâ, nonâ die mensis Januarij, mortuus est Joannes de Egloffstein Episcopus Herbipolensis, Francorumque Dux Orientalium, anno Principatus sui nono, vir per omnia modestus, amator Cleri, & subditorum suorum propugnator acerrimus. Obijt autem in oppido Vorcheim Bambergensis Diœcesis, veneno, ut fertur, nescio cujus peremptus. Quo mortuo atque sepulto, mox in Episcopum & Ducem Ecclesiæ memoratæ fuit electus Joannes de Brunn Canonicus, unanimi consensu Canonicorum, & præfuit annis octo atque viginti, mense uno, & sex diebus, vir sumptuosus nimium, qui pauperem Ecclesiam suo tempore fecit, & reliquit pauperiorem: cujus inopiæ materiam simul & causam dedit non ultimam, quòd Concilio interesse Constantiensi diutius, & multa consumere oportuit: nec minus quia pauperrimam Ecclesiam omnino invenit.

Eodem anno conjurati Suitenses contracto suorum non parvo exercitu superatis montibus iterum Bellenzona oppidum Mediolani obsidione vallarunt. Erat in oppido ipso Capitaneus quidam cum nonnullis armatis & incolis, tanto silentio res quasque agentes, ut conjurati oppidanos timore perculsos oppidum deseruisse putarent. Cum igitur securos se existimarent Suitenses, & sine ordine hinc inde licenter discurrerent, hoc ipsumque latentibus innotuisset, mox erumpens Capitaneus super eos irruit, centumque & mille conjuratorum cædens interfecit, cæteri salu-

Conjurati  
Suitenses  
devastant  
Lombardiam.

Joannes de  
Egloffstein  
Herbipolensis  
Episcopus  
mortuus.

Joannes de  
Brunn fit  
Episcopus  
Herbipolensis,  
præfuit annis  
xxviii.

Suitenses  
Lombardiam  
intrantes,  
superantur  
confusi.

Thomas de  
Hafelbach  
Doctor  
Viennensis.

rem fugâ quærentes, non ſine confuſione ad ſua redierunt. Claruit his temporibus in Gymnaſio Vienneniſi Auſtriæ juxta Danubium Thomas de Hafelbach natione Theutonicus Theologiæ in eâdem ſcholâ Lector Ordinarius, vir quidem doctus, ſed nimîâ prolixitate ſpernendus. Nam ut ferunt uno & viginti annis commentarios legit, quos comportaverat in Iſaiam Prophetam, & ad finem primi capitis non pervenit. Scripſit etiam in ſententias Petri Lombardi commentariorum libros quatuor, de præceptis decalogi librum unum. De quinque ſenſibus hominis librum unum. Orationes quoque ſermones, & varias Epiſtolas ad diverſos cum quibusdam alijs, quæ non vidi. Thomas de Kempis Regulæ S. Auguſtini Canonicus in Cœnobio montis Divæ Agnetis prope oppidum Svvollenſe Trajectenſis Diœceſis, homo devotus, & multæ lectionis multa ſcripſit hæc ipſâ tempeſtate, de quibus vidi ſubjecta. De Contemptu mundi libros iv. Sermonum ad Novitios libros iii. Dialogum ad Novitios lib. i. Sermone ad fratres lib. i. De vitâ ſolitariâ lib. i. De tribus Tabernaculis lib. i. De verâ conjunctione lib. i. Hortulum Roſarum ſpiritualium lib. i. Alium, quem prænotavit vallem liliorum lib. i. Alphabetum Monachi lib. i. Conſolatorium Pauperum lib. i. De qualitate Monachorum lib. i. Manuale parvulum ſive parvulorum lib. i. Doctrinale juvenum lib. i. De vanitate mundi lib. i. Cætera, quæ ſcripſit, ad noticiam meam non venerunt.

Thomas de  
Kempis  
Canonicus  
S. Auguſtini  
multi multa  
ſcripſit.

Claruerunt  
alii multi  
ſcriptores  
Germaniæ  
ſuis tempo-  
ribus.

Joannes quoque Brammart Carmelita Conventus Aquenſis, & multo tempore inferioris Germaniæ Prior Provincialis. Michael Herbrand ex Duren Prior Conventus Cruzenacenſis in Comitatu Spanheimenſi ejuſdem Ordinis. Petrus de Spina Ordinis S. Auguſtini Eremitarum. Jordanus ejuſdem Ordinis. Rheinhardus de Fronthoffen Ordinis S. Dominici. Henricus de Hachenberg ejuſdem Ordinis cum quibusdam alijs natione Germanis hæc ipſa tempora, docendo & ſcribendo varia, illuſtrarunt: de quorum lucubrationibus jam dudum in Catalogo illuſtrium virorum Germaniæ fecimus relationem.

#### MCCCCXIII.

Sigifmundus  
Imperator  
Papam ſolici-  
tat pro  
Concilio  
celebrando.

Anno Friderici Abbatis Hirſaugiani xiii. Indictione Romanorum vi. Sigifmundus Imperator tædio nimio ferens atque graviffimè, quòd ſancta Mater Eccleſia ſub tribus de Papatu contendentibus tam diu miſerabiliter in periculum animarum ſcinderetur, ductuſque Zelo Religionis Chriſtianæ communis, nec ſe potens ulterius continere, quin tentaret ſerioſius, quod animo conceperat, Joanni Papæ XXIII. iterum atque iterum ſæpius atque importunè ſcripſit, monens, rogans, & conteſtans eum per diſtictum Dei futurum examen, ut juramento ſatisfaciat: locum & tempus celebrandi Concilij generalis ſine dilatione ulteriori ſtatuat: & naufraganti Eccleſiæ ſuccurrat.

Pontifex ergo, qui maluiſſet Concilium in Italiâ celebrari, quàm extra, nimîâ Cæſaris importunitate victus, duos ad eum miſit Cardinales, cum plena atque irrevocabili poteſtate nominandi locum, & determinandi tempus Concilij celebrandi, jurans, promittens & ſubſcribens, ſerata & grata habiturum omnia, quæ Imperator cum duobus illis Cardinalibus pro Concilio indicendo convocando & habendo concluſiſſet. Igitur Cardinales illi duo miſſi conſideratis cauſis, rationibus, & circumſtantijs multis, poſt diuturnam conſultationem de loco & tempore celebrandi



brandi universalis Concilij, tandem Spiritu Sancto inspirante cum Sigismundo Cæsare in unam convenere sententiam, pro loco nominantes Constantiam urbem Sueviæ, tempus verò annum proximè futurum cum sequentibus deputantes, quæ deputatio Imperatori multum complacuit. Quod ubi Pontifex intellexisset, quantum doluerit, nemo facile dixerit. Maluisset enim habere Concilium, sicut diximus, in civitate aliquâ Italiæ potius, quàm Germaniæ, & in eâ potissimum, ubi plus juris habebat Imperator, quàm ipse vel Romana Ecclesia. Sed non est mihi dubium, quin omnipotens Deus ita omnia fieri ordinaverit, quo divisa & periculosissimè scissa Mater Ecclesia post longam calamitatem suam aliquando sibi metipsum unita coalesceret: habuerat enim Pontifex in voluntate, sicut prius dixerat apertè, quasdam in Italia sibi placentes duntaxat nominare Civitates; ex quibus unam Imperator cum Legatis mittendis pro celebrando Concilio, & non aliam teneretur eligere. Mutavit postea sententiam, & fortè non suâ voluntate, sed nutu potius divino: contulitque mittendis Cardinalibus ad Cæsarem, priorum oblitus, de nominando Concilij loco plenam omnimodo & liberam potestatem. Quâ necessitate compulsus, quod per missos Cardinales cum Imperatore fuit conclusum, ulterius revocare non potuit. His auctoritate non minus Joannis Papæ XXIII. quam Imperatoris Sigismundi, omniumque pene Cardinalium tractatis, conclusis, & munimentis necessarijs abundè roboratis, Nuntij & Oratores cum litteris auctoritate memoratâ per universum orbem mittuntur ad Reges & Principes, ad Archiepiscopos & Præsules, ad Abbates & Prælatos, ad Gymnasia & liberas Civitates: quibus futurum anno tunc proximo celebrandum intimatur Concilium, ad quod omnes & singuli vocantur, invitantur, & citantur, qui Comitibus interesse generalibus de jure, vel ex introductâ consuetudine tenentur.

Anno prænotato Stephanus Comes Rhæni Palatinus Baviaræque Dux filius Ruperti quondam Regis Germanorum, & frater Ludovici Comitibus Barbatum uxorem duxit filiam ultimi Comitibus in Veldenz unicam, cum quâ ipsum Veldentia Comitatum sibi & suis obtinuit hæredibus. Et notandum, quod Veldenz Castellum vetustissimum, à quo Comitibus nomen & titulum habuerunt, in Diocesi est Trevirorum haud procul à Mosella flumine situm, quatuor aut quinque à Spanheim Castello vel Monasterio versus Treverim directè pene distans miliaribus. Ex hac muliere Stephanus memoratus Comes hos genuit filios: Fridericum Ducem Baviaræ & Comitem in Spanheim patrem Joannis, qui morabatur in oppidulo Simmeren tribus à Cœnobio Spanheim miliaribus: Ludovicum Ducem cognomento nigrum, Patrem Alexandri, qui in Meysenheim oppido manere consuevit: quod duobus à Spanheim distat miliaribus. Rupertum, qui postea factus est Episcopus Argentiniensis: Stephanum qui fuit Canonicus, & multo tempore Decanus Ecclesiæ Colonienfis: Joannem, qui primò fuit Episcopus Monasterienfis, postea Primas & Archiepiscopus Ecclesiæ Magdeburgensis in Saxoniâ, virum omni sanctitate conspicuum. Porro Fridericus & Ludovicus patre mortuo principatum ejus satis inæquali, ut multis videbatur, partitione diviserunt. Fridericus enim præter Simmeren oppidum & Castellunam unâ cum dominio in Bolanden Wormatiensis Diocesis, cum pertinentibus ad ea, nihil consecutus est proprij, sed

Constantia Sueviæ Civitas nominatur pro Concilio celebrando.

Quod semel placuit, displicere non debet amplius. Ita fiat.

Stephanus Dux in Simmeren apud Cynos notos uxorem duxit.

Quinque filij Stephani Palatini Ducis Baviaræ, Comitibus in Spanheim.

sed in anteriore Comitatu Spanheim cohæredes & participes habet indivisibiles, Palatinum videlicet, & Marchionem de Baden. In posteriori verò Comitatu Starckenburg omnia cum eodem Marchione habet in communi. Ludovicus autem duos obtinuit integros Comitatus, Gemini pontis, id est, Zvveybrucken, & Veldentia, de quo dictum est, in quibus nemo, præter filium ejus Alexandrum & fratres ejus hodie quidquam habet communie.

## MCCCCXIV.

Concilij  
Constantiensis  
initium.

Jordanus  
Cardinalis  
Episcopus  
Hostiensis  
primus in-  
travit Con-  
cilium.

Anno Friderici Abbatis XIV. Indictione Romanorum VII. post octavas Dominicæ Resurrectionis Concilium generale magnum anno præterito, sicut diximus, indictum auctoritate Joannis Papæ XXIII. per industriam & cooperationem Imperatoris Sigismundi inchoatum est in Civitate Constantiensi, & triennio duravit. Principium habuit lentum & tardum: progressum verò meliorem, & multorum Principum, Episcoporum, & Prælatorum frequentiam celeberrimum, finem quoque in executione negotiorum omnium felicem & optatum. Primus omnium ex Cardinalibus Constantiam intravit Jordanus Episcopus Hostiensis vir doctus & magnæ auctoritatis, die videlicet XIII. mensis Augusti anno prænotato, præmissus à Papa Joanne XXIII. ut præpararet, disponderetque omnia, quæ ad vitam necessaria videbantur.

Pænituiffe  
indicti  
Concilij  
Joannem,  
ejus dicaci-  
tate proba-  
tur.

Eodem anno in mense Octobri Joannes Papa XXIII. cum sua comitiva movens à Bononiâ per agrum Veronensem & Vallem Tridentinam, alpibusque transmissis iter versus Constantiam direxit. Cumque venisset ad Montem Arlesberg nuncupatum, currus quo vehebatur, nivis & glaciei lubricitate motus cecidit, & Papa collapsus in terram cum furore murmuravit. Accurrentes subito familiares, & metuentes, ne læsus Pontifex esset à casu, ad jacentem in curru dicebant: *Quomodo res agitur, Beatissime Pater? sanane sunt omnia?* Quibus irâ commotus ille respondet: *Hic jaceo in nomine diaboli: quare Bononia non mansi?* Consurgens à terrâ familiarium manibus cum curru levatus captum iter continuavit irâ plenus atque furore. Cumque venissent ad summitatem montis, unde Constantiam videre jam potuit, ingemiscens ad familiam dixit: *Sic vulpes capiuntur.* Audientibus dare volens intelligere paucis, quantum cæpti operis cum pænituisset, quod videlicet Concilium indixisset. Igitur XXVII. die mensis Octobris anno memorato appropinquans Constantiæ Papa Joannes, illo die non intravit: sed mansit in Cœnobio, Crüzlingen dicto, extra portas Civitatis, donec paratis omnibus à Clero & populo die posterâ cum solemnitate debita introduceretur.

Joannes  
Papa XXIII.  
cum suis  
intrat Con-  
stantiam.

Anno igitur Dominicæ Nativitatis præsignato XXVIII. die mensis Octobris, quæ fuit festivitate Sanctorum Simonis & Judæ Apostolorum solemnis, Joannes Papa XXIII. cum processione à Clero & populo honorificè, ut verus Christi Vicarius ante portam susceptus intravit Constantiam, & Orationibus in Ecclesia Cathedrali præmissis datâque solemnî benedictione aulam Episcopalem pro mansionem accepit, novem Cardinalibus cum comitantibus, & alijs multis prælatis.

Eodem quoque anno VII. die mensis Novembris, venerunt & alij sex Cardinales de Obedientia Papæ Joannis sæpè dicti, qui & ipsi cum honore debito fuerunt suscepti, & per singula hospitia dispositi. Post hæc XIV. die

die Novembris iterum de obedientia ejus venerunt & alij Cardinales quinque, & auctus est brevi numerus eorum.

Anno prænotato XII. die mensis Novembris, priusquam prænominati quinque advenissent Cardinales Pontifex sæpe dictus curiam fieri mandavit, in quâ convenerunt Cardinales quatuor & viginti, Patriarchæ duo, Archiepiscopi & Episcopi plures: quibus simul adunatis Pontifex in tertium diem mandavit fieri solemnem in urbe processionem, ordinavitque preces communes, & alia, quæ ad promerendum Spiritus Sancti gratias ex more necessaria esse videbantur. His ritè peractis nihil restare putabatur, nisi exordiri Concilium, & causam tractare serius, propter quam fuerat indictum; sed omnium consensu Imperator Sigismundus videbatur expectandus, qui primus & maximus post Deum auctor Concilij fuit.

Processio  
fit per Civi-  
tatem so-  
lemnis.

Igitur XXIV. die mensis Decembris anno prænotato, hoc est, in vigiliâ Dominicæ Nativitatis Imperator Sigismundus unâ cum Ludovico Saxo-  
num Duce oppidum Regale Uberlingam (quod uno duntaxat à Constantia milliario distat) ingreditur, quem Barbara ex Comitibus Ciliæ uxor ejus, Elisabeth quoque Regina Bosniæ, & Anna ex Burggravijs Norici Montis Comitum de Wirtenberg coniux cum honesta & splendida suorum comitiva sequebantur.

Misit ex Uberlinga Imperator confestim nuntios ad Pontificem, suum denunciâns adventum, & rogans, ut sui præsentiam ad medium noctis Missale Officium præstolari dignaretur. Erat autem frigus satis intensum. Ad secundam itaque noctis vigiliam Cæsar intrat Constantiam, sine pompâ solemnitatis diurnæ, armisque in hospitio exutus, vestimentis cultioribus reinduitur, moxque ad Curiam Episcopi Constantiensis Papam salutaturus properat, cum quo intravit Ecclesiam.

Rex Sigis-  
mundus  
nocte Nati-  
vitatis Do-  
mini intrat  
Constantiam,

Ad medium verò noctis Papa Joannes indutus ex more Pontificalibus ad majus Altare in principali Basilicâ, divina, hoc est, primam celebraturus Missam, processit; ad quam Sigismundus Rex ornatus habitu Diaconatus, cappâque choralis & coronâ Regali gladium tenens in manu dextera, Evangelium legit: *Exijt edictum à Cæsare Augusto, ut describeretur universus orbis.* Alias quoque duas missas, in aurora videlicet simul atque in die, idem Papa Joannes cum solemnitate magnâ cantavit, in quarum fine populum benedixit.

Anno prænotato XIX. die mensis Novembris, post medium noctis horâ septimâ, minuto XXXI. in Onolzbach natus est Pater Friderico tunc Burggravio Norico, brevi postea Brandenburgensium Marchione Albertus, pater Joannis, & avus paternus Domini Joachim, qui hodie Marchiam sapientissimè regit memoratam; vixit autem Albertus iste annis LXXII. de quo postea.

#### MCCCCXV.

Anno Friderici Abbatis Hirsaugiani XV. Indictione Romanorum VIII. primâ die mensis Januarij, in quo nos annum in progressu hujus operis exordimur, inceptum est Concilium Constantiense, & deinceps per triennium duravit. Duo etenim anni, qui hunc immediatè præcesserunt, ad Concilij quidem rationem, non autem ad ejus celebrationem pertinent: quorum primus fuit intimationis; secundus convocationis; tres verò duntaxat celebrationis, sessionis, & executionis negotium extiterunt.

Concilium  
Universale  
in Constantiâ  
hoc anno  
cepit  
celebrari.

U u

Eodem



S. Brigitta  
in Concilio  
canoniza-  
tur à J an-  
ne Papa.

Eodem anno ſecundâ die menſis Februarij, quæ fuit Beatæ Mariæ ſemper Virginis Purificatione ſolemnis, Joannes Papa XXIII. in principio Concilij generalis apud Conſtantiam ad preces multorum tam procul tunc abſentium, quàm etiam in Concilio præſentium, B. Brigittam Suediæ Principis olim filiam viduam Sanctorum catalogo adſcripſit. Huic S. Brigittæ Canonizationi præſentes interfuerunt Cardinales novem, & viginti, Patriarchæ iv. Archiepiſcopi XLVII. Epifcopi CLX. Sæcularium verò Principum, Ducum, Comitum, Abbatum, Doctorem, atque Nobilium ingens erat numerus.

Eodem anno, v. die menſis Februarij, venerunt ad Conſtantiam v. Cardinales de obedientia Gregorij Papæ XII. inter quos fuit Joannes Archiepiſcopus Ragufinus, vir græcè & latinè, ac in varietate ſcripturarum doctiſſimus, quem Gregorius Legatum unum de Latere creaverat; unde poſt dies paucos idem Cardinalis Ragufinus Concilium auctoritate mittentis ſe Gregorij Papæ ratificans confirmavit. Miſerat idem Gregorius ad Concilium Carolum Malateſtam virum prudentem & inſignem, quem Procuratorem conſtituerat irrevocabilem ad reſignandum Papatum, ſi tamen & reliquos duos cedere contingeret.

Petrus de  
Lunâ, Be-  
nedictus  
XIII. nemi-  
nem miſit  
ad Conci-  
lium.

Petrus autem de Lunâ, qui Benedictus XIII. in ſua obedientia dicebatur, neque per ſe ad Concilium venit, neque Procuratorem aut Nuntium aliquem miſit, ſed perſeverans in pertinacia, contemnensque admonitiones, preces & citationes Concilij, finem rei expectavit, & confidens in Caſtello Paniſcolæ munitiſſimo, neminem ſe timere confirmavit.

Sigifmundi autem Cæſaris frater Wenceslaus Bohemiæ Rex, quem etiam adminiſtratione Imperij, propter ignaviam ſuam deſiſſimum ſupra jam diximus, rogatus, monitus, atque citatus ad Concilium venire contempſit, indignitate animi laborans forſitan, quòd à Germaniæ Regno fuerit deſectus. Certum & manifeſtum eſt, eum ſchiſmatis & hæreſis Bohemorum cauſam præſtitiffe non ultimam, qui & hæreticis favit, & veros Chriſtianæ fidei cultores perſecutus fuit. Intuitu Fratris diſſimulatum eſt. Metu tamen, ut opinio fuit, cenſurarum miſit ad Concilium nomine ſuo & Regni Bohemiæ Joannem Huſs virum quidem ingenio & eruditione ſcripturarum inſignem, ſed multis erroribus plenum, & peſſimum, de cujus hæreſibus multa diximus anno Friderici Abbatis ſecundo. Qui cùm animadverteret, quòd Patres in Concilio verba ſimul & opera ceperunt aliquantulum habere ſuſpecta in ipſius moribus & converſatione, timuit, & metuens ſuam non poſſe latere hæreſim, occultè fugit ex urbe.

Joannes  
Huſs Hære-  
ſiarcha  
mittitur ad  
Concilium  
à Bohemijs.

Notum erat omnibus, quòd ipſe Joannes Hæreſiarcha eſſet, qui Bohemiam Wicleſiſtarum maculaſſet errore, & propterea Patres de Concilio, verborum ejus ſimul & operum inquiſitores occultos poſuerunt. At poſteaquam Hæreſiarchæ fuga ſenatui urbis Conſtantiensis innotuit, miſerunt poſt eum milites, qui repertum ſecundo fermè à Conſtantiâ milliario in quâdam tabernâ blaſphemantem Concilium ruſticorum prodicione ceperunt, & in Civitatem reduxerunt invitum. Reductus verò in urbem Joanni Papæ primò traditur, deinde apud Prædicatores carceri mancipatur.

Joannes  
Papa jurat,  
ſerenuntia-  
turum Pa-  
patui.

Anno prænotato primâ die menſis Martij, Joannes Papa XXIII. ad instantiam

instantiam Regis Sigismundi & Patrum de Concilio, promisit, juravit & scripsit in hunc modum, qui sequitur: *Joannes Episcopus servus servorum Dei universis Christi fidelibus presentes litteras inspecturis salutem & Apostolicam Benedictionem. Universitati & vestrum singulis innotescat, quod propter quietem totius Populi Christiani proficor, promitto, spondeo, voveo & juro Deo & Ecclesie, & huic sacro Concilio, sponte & liberè dare Pacem Ecclesie per viam mea simplicis Cessionis Papatus, & etiam facere & implere cum effectu juxta deliberationem presentis Concilij, si & quando Petrus de Luna, Benedictus XIII. & Angelus Corvarius Gregorius XII. in suis obedientijs nuncupati, Papatui quem pretendunt, per se vel Procuratores suos legitimos similiter cedant. Et etiam in quocunque casu cessionis aut alio, in quo per meam cessionem poterit dari unio Ecclesie ad extirpationem presentis schismatis. Acta sunt hæc in Constantia anno Domini 1415. primâ die Martij, Pontificatus nostri anno quinto.*

Anno præscripto in Dominica Palmarum Joannes Papa memoratus Officium Missæ in Ecclesia Cathedrali solemniter decantans, Rosam ex more benedixit, quam Sigismundo Regi donavit. Missarum verò sollemnitate peractâ, Pontifex Regem, Cardinales, Patriarchas, Archiepiscopos, Pontifices, & Principes, qui aderant omnes, suam invitavit ad mensam, quibus epularum diversa genera copiosè fecit ministrari.

Alterâ verò die post Palmas convenit universa multitudo Prælatorum, Cardinales 34. Patriarchæ 4. Archiepiscopi 47. Episcopi 160. & Principes omnes ad Ecclesiam Cathedrali, in cujus choro prima sessio Concilij habita est. Tres in superiore chori loco erant positæ sedes cæteris eminentiores & magis ornatae, in quarum una sedebat Joannes Papa XXIII. in alia Carolus Malatesta vice ac nomine Domini sui Gregorij Papæ XII. tertia Benedicti Papæ XIII. absentis & contumacis vacabat.

Sedentibus in ordine suo Prælati atque Principibus inchoata est sessio, in cujus principio visum est omnibus utile fore atque necessarium, ut Ecclesiæ SS. de uno imprimis provideretur Capite, quatenus unus Christus unum haberet Vicarium, unum Ovile, unum Pastorem, atque unum totius populi Christiani fidelis Concilium unum intueretur Præsidentem. Data est posthæc omnibus potestas libera, quâ unusquisque circumfidentium licitè posset in medium proferre, quidquid putaret conducibile ad universalis Ecclesiæ utilitatem. Auditi sunt per ordinem singuli, & unusquisque, Notarijs dicta excipientibus, quod sibi videbatur bonum, proferbat.

Itaque datâ libertate loquendi, multa crimina, scelera, & mala in ipsum Pontificem Joannem XXIII. Concilio Præsidentem dicta sunt à multis, qui se probaturos omnia sub pæna talionis ipso audiente publicè obligârunt. Quadraginta, nec minus, facinorum capitula in eum dicta sunt, quorum aliqua Christianæ fidei erant contraria, reliqua si non damnarentur, grave Christianis omnibus videbantur scandalum paritura. Cupit deliberandi tempus Pontifex graviter accusatus, & liberâ voce pollicetur, omnia sibi objecta scelera & posse, & velle se cum veritate revellere.

Sessione illâ tandem solutâ Pontifex malè sibi conscius de suo in Concilium adventu doluit, & ne Papatui cedere invitus cogeretur, fugam si posset subire cogitavit. Consilio igitur & auxilio Joannis Archiepiscopi Moguntini & Friderici Ducis Austriæ, mutato habitu cum paucis è familia

Joannes  
Papa in die  
Palmarum  
Rosam be-  
nedictam  
dat Regi.

Sessio in  
Concilio  
Constantiensi  
prima est ha-  
bita alterâ  
Palmarum.

In Joannem  
Papam  
XXIII. præ-  
sidentem  
plura dicta  
sunt crimi-  
na.

Joannes  
Papa XXIII.  
de Constantia  
fugit in  
Schaffhaus-  
en.

grifeo indutus veſtimento, equum conſecutus parvulum auſugit, & clauſculò de Conſtantia, neſciente Concilio, reſceſſit. Conſenſâ deinde naviculâ Friderici Ducis præparatâ miniſterio, per fluenta Rheni ad oppidum ipſius Ducis Schaffhauſen incognitus omnibus deſcendit: inde ad Neukirchen, ulterius ad Friburg iturus, & exinde in Burgundiam. Fugit autem de Conſtantia xx. die menſis Martij anno prænotato.

Fridericus  
Aſtriæ  
Dux priva-  
tur à Rege  
bonia.

Cognito Rex Sigismundus, quòd Pontifex Joannes Friderici Aſtriæ Ducis fuſſet auxilio, cunctis eum bonis, feudis, caſtris, urbibus, oppidis, villis, agris & poſſeſſionibus per ſententiam privat, proſcribit, & omnes ei ſubjectos à juramento & fidelitate ipſius abſolvit, & quidquid in Regno habuerat, aliorum poteſtati & manibus diripiendum conceſſit.

Quibus Duci Friderico renuntiatis extimuit, & ſalvo conductu per Nuntium impetrato, ad Regem mox perſonaliter venit, gratiam petijt, & veniam ſub conditione. Die igitur 27. menſis Martij, anno præſignato, Dux Fridericus & ſe & ſua omnia Majeſtati Regiæ ſubjecit, & reducturum ſe Pontificem publicè juravit. Joannes verò Moguntinus Archiepiſcopus, qui Conſtantiam intraverat cum Equitibus quadringentis, eo quòd in fugam Joannis Papæ conſenſerat, à Patribus de Concilio poenitentiam ſuſcipiens, veniam impetravit.

Joannes  
Papa xxiii.  
à Concilio  
capitur &  
carceri  
mancipa-  
tur.

Die autem poſterâ Dux Fridericus Aſtriæ ſatiſfacturus juramento, quod Regi Sigismundo præſtiterat, Joannem Pontificem inſequitur, captumque ac multum renitentem ad Conſtantiam reduxit. Concilio itaque decernente Pontifex in proximam Rheni inſulam ducitur, & in Monafterio S. Marci Evangeliftæ noſtri Ordinis Augiæ majoris, quod Richenau dicitur, cuſtodie mancipatur.

Interea Patres de Concilio viros quosdam graviffimos atque doctiffimos in Judices delegerunt, qui crimina Joanni Papæ jam memorato objecta diligentiffimo examine diſcuterent: accuſationum capita ſimul & confirmationes teſtium audirent, & quidquid conſtaret certiffimè probatum, ad Concilij notitiam referrent. Quid opus rem differre circuitu? pluſquam quadraginta ſclerum capitula fidelium teſtimonio audita & probata ſunt contra Joannem Pontificem, quæ nec ipſe quidem reus potuit revellere.

Relatis verò ad Concilium Papæ Joannis erroribus atque ſcleribus, ſufficienti imò & ſuperfluo teſtimonio fide dignorum probatis, omnes qui audierunt, mirabantur ingemiſcentes, quòd homo tantus, & in tali dignitate poſitus Eccleſiaſtica, tot in fide Chriſtiana errores admittere potuit, tot crimina, tot ſclera, & enormitates contra bonos mores fidelium commiſit. Probatum namque fuit contra eum coram deputatis à Concilio judicibus, quòd in fide multipliciter eſſet erroneus, & in moribus ultra modum vitioſus. Miſſâ deinde ad eum relatione compertorum per viros ſolemnes, ubi in Augia majore detinebatur in carcere, non ſolùm non negavit objecta, ſed ultro conſeſſans indignum ſe omni Pontificatus honore proclamavit. Unde omnibus, qui erant in Concilio præſentes, in eandem ſententiam concordantibus, Joannes ipſe Pontifex vicesimus tertius à Papatu ſolemni proceſſu deponitur, & ſecuriore cautelâ & pace fidelium ad carcerem damnatur. Aderat Proteſtor electus Concilij Ludovicus Comes Rheni Palatinus, Bavariæque Dux vir magnanimus & fidelis Eccleſiæ, qui Conſtantiam cum quadringentis equitibus pridem intrave-

Joannes  
Papa xxiii.  
per Conci-  
lium Con-  
ſtantienſe à  
Papatu de-  
ponitur.

rat, &



rat, & in his, quæ pertinebant ad arma, promptissimus Patrum advolabat defensor. Lecta & pronuntiata coram omnibus Joannis à Papatu depositionis sententia, jam non Joannes, non Papa, non Pontifex, sed Balthasar Cossa, ut prius, vocabatur. Depositionis quoque ad eum sententia per Notarios in carcerem mittitur; quam ut legit, confirmans & lachrymans dixit: *Iuste hæc patior, iuste mecum agitur, qui nomine solo Pontifex, moribus suis semper iniquus.*

Concilij autem decreto Balthasar Cossa jam à Pontificatu depositus, Ludovico Comiti Palatino committitur: à quo ductus ad oppidum Heidelberg usque ad ulteriorem Concilij deliberationem in Castello juxta Rheni fluentia Manheim nuncupato custodiæ per triennium honestæ, sed tamen firmissimæ mancipatur. Fuit autem ejus à Papatu facta depositio in Vigiliâ seu profesto Corporis Christi. Miserabilis jam homo ex supremo factus omnium infimus incarceratus & captivus, unum id modicum nullis precibus obtinere à Concilio potuit, ut linguæ Italicæ vel unicum haberet ministrum. Ad eum nullus permittebatur ingredi, præter ministros linguæ Theutonicæ pauculos, quorum nec ipse intellexit sermones, nec loquens intelligebatur ab illis, sed nutibus loquebatur ad nutus.

Nec diu postea eodem anno quartâ die mensis Julij, Carolus Malatesta vir certè ut supra diximus, eruditione simul & experientiâ rerum insignis, quem Gregorius Papa XII. Vicarium suum miserat ad Concilium cum plena potestate resignandi ejus nomine Papatum, si reliqui ambo vel alter eorum suo similiter Pontificatui renuntiaret, sedens in sede Domini mitentis, cum videret omnium Patrum unam eandemque esse sententiam, ut se Pontificatu etiam abdicaret Gregorius, dixit: *RR.<sup>mi</sup> PP. pro unienda sancta Matre Ecclesia, prò dolor! pluribus jam annis miserabiliter scissa atque divisa, paratus sum facere, quod à Domino meo Gregorio XII. ut scitis, accepi in mandatis. Video enim, quòd unitas Ecclesie fieri non possit, nisi tres isti Pontifices de Papatu contendentes jus suum, si quod habeant, omnes simul resignent.* His dictis mandatum suum coram omnibus legi publicè fecit, ac deinde nomine Gregorij Papæ XII. ut procurator, Pontificatum resignavit. Hanc renuntiationem Papatus Gregorij, qui deinceps Angelus Corrarius, sicut ante Papatum dictus est, per Carolum Malatestam procuratorio nomine factam sponte, voluntariè, liberè ac sine omni metu vel coactione, Patres de Concilio summis præconijs extollentes gratanter acceptarunt, & ne cedenti tantis honoribus viderentur ingrati, ipsum Angelum Corrarium renuntiantem, auctoritate Spiritus Sancti Cardinalem, & Agri Piceni Legatam designavère perpetuum. Sed non diu supervixit, animi, ut opinamur, languore consumptus, quòd ex Domino factus fuerit servus.

Interea dum hæc agerentur Constantiæ, audientes Bohemi hæretici, quòd Joannes Hufs eorum Princeps erroris detineretur captivus, ejus compatriotam, atque discipulum Hieronymum de Praga virum certè doctum & latino sermone promptissimum occultè miserunt ad Constantiam, ut si quovis posset ingenio, captum liberaret magistrum. Venit ergo Constantiam Hieronymus paucis cognitus, vel nullis, nisi forsitan suæ gentis hominibus. Multa secretius ingeniosè tentavit, pecunijs plura industriose præsumpsit, sed neque ad magistri colloquium venire, neque liberare captivum potuit.

Balthasar  
olim Papa  
H. ide bergam  
ducitur.

Gregorius  
Papa XII.  
renuntiat  
per Procuratorem.

Hieronymus  
& Bohemus  
hæreticus intra-  
vit Constantiam.

Hieronymus occultè fugit de Conſtantia.

Hieronymus de Praga in nemore captus Conſtantiam reducitur.

Joannes & Hieronymus reperti ſunt in hæreſi peritinnaces.

Verùm ubi conatus ſuos videret inanes, ne nihil omnino egiſſe putaretur, ſchedulas conſcripſit plurimas, in quibus præceptoris ſui Joannis Huſs captivi vanis argumentis innocentiam declaravit, aſſerens eum virum ſanctum, doctum, & Catholicæ fidei integritate ſingulariter præcipuum, parem quoque Apoſtolis, & propterea innocenter eſſe captivum. Deinde conſcriptas hoc modo ſingulas papyri ſchedulas valvis Eccleſiarum ſingularum nocturno tempore cum cera infixit, & factò manè reſceſſit. Die verò jam adveniente viſæ, ac lectæ ſunt ſchedulæ ab intrantibus Eccleſias multis, quæ cùm ad notitiam Patrum de Concilio fuiſſent perlatæ, non parva de auctore ſecuta fuit diſquiſitio, non enim ſubſcripſerat nomen ſuum Hieronymus. Igitur factâ inquiſitione per civitatem diligenti, civis quidam pauperculus, cum quo fuerat in hoſpitiò, ſecretò inventus eſt, qui dicebat, ſe Bohemum quendam habuiſſe in domo, qui oblitus gladij ſui manè primo diluculo reſceſſiſſet. Miſſi ſunt illicò poſt eum milites, qui magna cum feſtinatione inſequentes eum in nemore Bohemico repere-runt ſedentem in taberna, & Concilium præſumptuoſâ loquacitate, damnantem. Captus itaque in taberna Hieronymus ad Conſtantiam re-ducitur, & mox præſentatur. Repertæ ſunt penes eum litteræ Bohemo-rum ſigillis roboratæ, cum ſuæ, tum Joannis Huſs ad Concilij ſeſſores perſeverantiæ præcepta continentes. In carcerem verò poſitus examini Patrum reſervabatur. Captum ferunt clamitâſſe: *Regis Sigismundi ſalvum ſe habere conduſſum*. Quem ſive habuerit, ſive non habuerit nescio, quòd captus fuerit ſcio. Ad audientiam Concilij poſterâ die ambo ſunt ducti Huſſones, Joannes videlicet, & Hieronymus, & ſuper cauſa eorum adventus ſimul & clauſtini ab urbe reſceſſus diligenter examinati. Joannes autem Hieronymo ætate quidem præſtantior, doctrinâ tamen & facundiâ inferior primus eſt auditus, deinde Hieronymus, & quò paucis multa concludam, poſt examen articulorum de fide inventi ſunt ambo in hæreſi pertinaces, ac multis pernicioſiſque infecti erroribus. Moniti ergo & rogati multipliciter à multis, ut reſipiſcentes ad Eccleſiaſticam redirent unitatem, contemnentes ad carcerem remiſſi ſunt, uſque ad pleniorẽ Concilij deliberationem.

Interea Patres ſuper fidei rationem à Concilio generaliter ordinati, cupientes captivos revocare ab errore, ſi poſſent, quotidie ſubmiſerunt ad eos in carcerem viros quosdam in omni ſcientiâ ſcripturarum peritiſſimos, ut diſputarent, & loquerentur cum eis. Si fortè reſipiſcerent, ac reverterentur ad ſanctæ Matris Eccleſiæ unitatem. Sed cùm multi ad eos intromiſſi fuiſſent præſtantiſſimi, & magnæ auctoritatis viri, nihil cohortando profecerunt, illis in opinione reproba manentibus. Erant enim immobiliores truncis, & nullâ poterant vel auctõritate vel ratione perſuaderi, ſed in ſuo ſteterunt errore pertinaces; nam ſæpius victi argum-entationibus, ratione quoque & testimonijs concluſi ſcripturarum, ſe nunquam fatebantur ſuperatos: ſe in doctrinâ veraces, ſe in converſatione ſancti Evangelij veros eſſe imitatores dicebant, ſinceroſque Chriſti diſci-pulos & Apoſtolorum ſequaces. Romanam verò Eccleſiam carni & ſanguini eſſe deditam, & cæteras per orbem diſperſas multum à traditionibus aberrare Apoſtolorum inferebant, propterea quòd opes, divitias, honores, & voluptates ſectarentur. Multis, ut ſupra, dictum eſt, erroribus

erroribus ambo infecti totam ferè Bohemiam suis hæresibus macularunt, in quibus perstiterunt usque ad mortem pertinaces, nec persuaderi ab aliquo poterant, ut malè dicta revocarent.

Relatione ad Concilium factâ, quòd Hussiones ambo Joannes & Hieronymus in hæresi sua perstarent fixi & pertinaces, decreverunt Patres concordi sententiâ, membra Ecclesiæ putrida & insanabilia, quæ à senectutis prudenter submissis recusassent recipere medicinam, ne reliquum corpus inficerent, rescindenda. Igitur publico in confesso omnium decernitur, igne cremandos Hæresiarchas esse, qui doctrinam Ecclesiæ spernerent, fidem contumaciter flocci penderent, & salutis monita irriderent. Unicum hoc fore cunctis remedium visum est, per quod Wicleffistarum pernitiola hæresis de medio Bohemorum auferri posset, & extinguere, quamquam secus accidit, incinerationem eorum infinitis malis sequentibus.

Anno igitur Dominicæ Nativitatis prænotato, sexto die mensis Julij, quæ fuit Octava Petri & Pauli Apostolorum solemnitate memorabilis, decreto Concilij Joannes Huss Bohemus Hæresiarcha pertinax impænitens, extra Constantiam ligatus ducitur, & maximâ hominum inspectante catervâ, ignibus crematur, formidabilem cunctis vivendi, cum alacritate magna ut videbatur, suscipiens finem. Nam sicut litteris eorum, qui dum ureretur, astiterunt, comperimus adnotatum, animo constanti suscepit mortem, & quasi ad epulas invitatus properavit ad ignem, nullum præferens tristitiæ signum, quale miseris familiariter solet adesse cremandis. Tantum confidentiæ dedit opinio non æstimati perfidiæ erroris, ut lætus moreretur, Martyrem se credens veritatis, cum pro impietate pateretur. Cineres exusti ne à Bohemis raperentur hæreticis, in lacum sunt projecti aquarum. Hieronymus autem de Praga, ætate quidem junior, sed facundia & eruditione, sicut antea diximus, longè præstantior, Joanne combusto, adhuc detinebatur in carcere, hæresi plenus & pertinax, quem Patres summis conatibus reducere ad saniora laborabant varijs modis, & documentis, sed non potuerunt. Videntes tandem, quòd post vincula, carceres, & tot piensissimas admonitiones in sua pertinacia persisteret obstinatus, mortis in eum sententiam dari permisissent, qualem præceptor, imò seductor ejus Joannes accepisset. Anno itaque memorato 17. die mensis Septembris Hieronymus de Praga Bohemus in hæresi Wicleffistarum pertinax obstinatus, & ad ignem sententialiter condemnatus extra urbem Constantiensem, in eum locum, in quo Joannes fuerat exustus, ducitur, & lætus intrepidusque, ac cantans Salve Regina, crematur, homo certè doctus facundus & eloquens, cui similem eruditione non habuit Bohemia, si fidem non temerasset Sacrosanctam atque Catholicam. Cineres ejus lictores in lacum vicinum projecerunt.

Hic Hussitarum amborum finis extitit, hanc mercedem impietatis suæ uterque accepit. Accesserunt posthæc amborum discipuli, quo secretius potuerant, incinerationis locum, & subfodientes terram, pro reliquijs in Bohemiam deportaverunt, quam & ostendunt, & venerantur usque in præsentem diem. Bohemi verò schismatici, doctrinam Joannis & Hieronymi sequentes, Martyrij palmam eis concesserunt non minorem, quam Romani Petro & Paulo Apostolis contribuunt Jesu Christi, quotannis eorum cum suis laudibus memoriam religiosâ uti existimant festivitate in templis venerantes.

Verum

Joannes & Hieronymus ut hæretici ad ignem sunt judicati.

Joannes Huss Bohemus Hæresiarcha Constantiæ comburitur.

Hieronymus à Praga in hæresi pertinax Constantiæ comburitur.



Multa Christianorum  
millia perimuntur à  
Bohemis  
hæreticis.

Hussitarum  
triginta  
nullia communican-  
tes sub u-  
traque spe-  
cie conve-  
niunt.

Theodoricus de  
Moers fit  
Archiepiscopus  
Colonie  
annis 48.

Tuicium à  
Montensibus incen-  
ditur in  
odium Ar-  
chiepiscopi.

Monasterium Eyfa-  
lie fracta  
nube to-  
tum fere  
desolatur.

Verum posteaquam Bohemi Hussitanæ factionis perditissimi homines audiverunt suorum Hæresiarcharum apud Constantiam interitum, irati & commoti sunt, & in Ecclesiasticos ac sanæ doctrinæ viros nimis crudeliter sævientes, multos gladijs, igne, præcipitio, & fustibus necaverunt. Monasteria & Ecclesias in Praga & extra speciosissimas igne submisso funditus destruxerunt; Monachos Sacerdotes & Clericos sine judicio innumeros perimentes. Wenceslao quoque mortuo, Hussitarum multitudo nimis invaluit, & veros in Regno Christianos gravissimè persecuta fuit; nam Monasterium illud famosissimum, Aula Regia dictum, eorum rabies in fundamentis delevit; in cujus quidem Cœnobij Ambitu vetus & novum Testamentum litteris majusculis in tabellis parietibus affixis sumptuosissimo opere integrum fuerat scriptum; convenerunt namque Hussitarum plus quam triginta millia, Ecclesiam Dei persequentes, Tempia omni ornatu spoliantes & destruentes: Sacerdotes Monachos & Laicos sine commiseratione occidentes. Patentibus in campis ornatas posuere mensas, super quibus à Sacerdotibus suis in contemptum Sacramenti sacrum Corpus & Domini sumentes Sanguinem susceperunt. Quanta malorum scaturigo facta sit populo Christiano hæc Hussitarum impietas, nemo scribere sufficit, nemo forsitan non expertus credit. Verum ad præsens de his satis diximus, jam nunc ad alia properemus.

Anno præsignato vicesimâ primâ die mensis Septembris horâ septimâ minuto tricesimo nono post meridiem, nascitur Fridericus postea Imperator, ejus nominis tertius, patre genitus Ernesto Austriæ Duce. Vixit annis novem & septuaginta, de quo inferius ordine suo plura dicemus.

Eodem anno mortuus est Fridericus ex Comitibus de Sarverda; Coloniensium Archiepiscopus anno Pontificatus sui quâdragesimo quinto, & in majori Ecclesia Coloniae sepelitur. Post quem Theodoricus ex Comitibus de Moers in Archiepiscopum eligitur, & per Concilium Constantiense confirmatur, Sede Apostolica vacante per biennium à Renuntiatione Joannis atque Gregorij, ut paulò ante diximus. Ordinatus in Archiepiscopum Theodoricus præfuit annis fermè octo & quadraginta, & Ecclesiam valde locupletavit.

#### MCCCCXVI.

Anno Friderici Abbatis sexto decimo, Indictione Romanorum nona durante Concilio Generali apud Constantiam, facta est inter Theodoricum Archiepiscopum & Cives Colonienses gravis dissensio. Coloniensium verò defensor & auxiliator contra Archiepiscopum fuit annuo conductus stipendio Dux Montensis, qui missis equitibus villam Tuiciensem, quæ ad Rheni fluentia in opposito urbis Coloniae sita est, incendio fecit cremari, ne præsidium in eam locaret Archiepiscopus ad expugnationem Civitatis.

Eodem anno nubes quâdam nocte in aère divisa, sive resoluta subito cecidit super oppidum Monasterij Eyfaliæ dictum in Territorio Ecclesiæ Treverensis cum impetu, dormientibusque cunctis aquarum incursum portas cum muro & ædificijs pluribus dejecit, domos cum hominibus multis subvertit, majorémque oppidi partem cum inhabitantibus delevit.

Anno prænotato Sigismundus Rex in Concilio generali apud Constantiam personaliter existens, crematis jam igne Hæresiarchis Joanne

Huss

Hufs & Hieronymo ; metuénsque ne Hussitarum error, quem per Bohemiam contra divitias & honores Cleri simul & Ecclesiasticam dignitatem prædicaverant, in omne tandem Germaniæ serperet Regnum, summis conatibus laborabat, ut novam Cleri quandam introduceret reformationem. Sunt qui scribant, eum non satis in hac reformatione synceram pro Sacerdotibus mentem habuisse ad finem, quod ex eo patet libello, quem Fridericus quidam ejus minister Hussita potius quam Christianus, Cleri hostis & adversarius in lingua theutonica nomine ipsius Sigismundi Regis composuit, & reformatorium Cleri prænotavit, in quo modum destruendi Ecclesiam & Clerum omnem potius, quam reformandi commendavit. Verùm Patres & Domini Cardinales, Episcopi & cœteri fidelium Rectores, qui aderant, considerantes, quòd propositus reformandi modus, omni Clero & maximè Prælati utramque Jurisdictionem habentibus esset in omnimodam destructionem citò & indubitanter futurus, unanimi consilio Regis contradixere proposito, qui ex abundantibus sub reformationis prætextu intenderet facere mendicantes, quasi non fuerint olim in Ecclesia sancta Dei plures & sine numero Pontifices, Episcopi, Abbates, Prælati, Sacerdotes & Clerici, quorum sanctissima vita & conversatio in medio, ut ita dicam, divitiarum relucens, Evangelicam populo fidei ostenderit perfectionem. Ut verò importunitatem Regis vincerent ratione, dixerunt reformationem Cleri non posse fieri, nisi prius & Presbyteri Papam, & caput haberet Ecclesia. Fuerunt multi sæculares & laici, quorum corda incenderat avaritia, qui ut bona Clericorum, Hussitarum exemplo, suis applicare usibus potuissent, magnis apud Regem precibus instabant, consulentes, ne inchoatum opus Reformationis intermitteretur. Mallent enim hi petrones iniqui ministros Ecclesiæ mendicos esse, quàm divites, non Deum sed bona Clericorum avidè sicientes. Unde sicuti ex memorato reformationis clarè patet libello, Regis intentio fuit, S. Pontifici, Cardinalibus, Episcopis, Abbatibus, Monachis & Clericis legem ad necessaria hujus vitæ possidenda restrictam constituere, & unicuique pro conditione sui statûs certam pecuniarum summam in annuos sumptus assignare. Quicquid autem superesset Ecclesiæ reddituum, fisco importaretur communi, & in usus servaretur bellicos contra Turcas Christi adversarios pugnandi.

Modus re-  
formandi à  
Rege pro-  
positus non  
placuit  
Concilio.

Laicorum  
Avaritia  
Clerico-  
rum bona  
rapere con-  
cupivit.

Anno igitur prænotato videns Rex Sigismundus, quòd Concilium in ejus subdolum Reformationem non vellet præbere consensum, donec novus crearetur Pontifex, cujus auctoritate fierent omnia, necessariò duxit negotium differendum. Sublatis autem duobus de Papatu contendentibus, Joanne & Gregorio, tertius in quo major apparebat in abrogando difficultas, restabat Petrus de Luna, Benedictus tertius decimus in sua obedientia nuncupatus. Sigismundus igitur tollendi schismatis, atque uniendæ pacis Ecclesiæ ardentissimus sollicitator, assumptis aliquot Oratoribus Concilij ad Reges Hispaniæ, Arragoniæ, Galliæ, & Angliæ Benedictum sequentes in propria persona vadit, singulos per Ordinem rogat, ut abdicent Benedictum, Concilium sequentes.

Rex Sigis-  
mundus  
pro schis-  
mate auge-  
rendo plu-  
rima per-  
gravit Re-  
gna.

Reges Regi consentientes rogati, cùm audissent Benedictum in sua opinione pertinacem, qui nullâ poterat ratione moveri ad cedendum, licet prius juraverit, quòd alijs duobus renuntiantibus, & ipse sine mora

cedere veller, adhærent Concilio, & illum ut schismaticum abjurant. Hujus Rei nuntius cum ad Concilium à Rege missus Sigismundo pervenisset, mirum in modum Patres lætificavit, qui Deo gratias magnificè retulerunt. Ipse autem Rex aliquandiu post hæc in Gallia & Anglia remoratus est, cupiens ad concordiam revocare, quamvis non potuit, Reges dissidentes. Interea nihilominus continuabatur Concilium non obstante Regis absentia, sessionesque publicæ in Ecclesia celebrabantur, & fiebant omnia, quæ necessaria negotiorum expeditio requirere videbatur in nomine & virtute Spiritus Sancti.

## MCCCCXVII.

Anno Friderici Abbatis Hirsaugiani septimo decimo, Indictione Romanorum decima, Constantiæ adhuc durante Concilio tricesima die mensis Januarij, Sigismundus Rex, peragratis pro unionem faciendam Ecclesiæ, Regnis Galliarum, Hispaniarum, Arragoniarum, Angliarum, aliisque provinciis multis peracto feliciter negotio Constantiam reversus ingreditur, & à Concilio magnâ susceptus reverentiâ simul & ingenti lætitiâ collaudatur. Et merito quidem omni laudandus est tempore, qui tantos itinerandi labores, totque impensas, quales ante eum nullus fecit, pro Ecclesiæ bono Catholicæ ac reformanda unitate communi, subire minimè unquam recusavit.

Negotium  
Petri de  
Luna olim  
Papæ, tra-  
ctatur in  
Concilio.

Posteriore die Rex ingressus Concilium, legationis se prosperum habuisse iter, litteras adhæssionis Regum firmissimæ in medium reposuit, oratorisque eorum brevi ad Concilium venturos prænuntiavit. Omne Concilium in quinque fuit nationes divisum, quarum auctoritate cuncta gerebantur. Postquam igitur Benedictus antea in Concilio Pisano depositus, pertinax in sua rebellionem permanere compertus est, gerens se Papam, cum non esset, perduransque in sua sententia immobilis, cæperunt Patres de Concilio negotium ejus maturius discutere, & de abrogatione iterum tractare.

Papa Bene-  
dictus in  
Concilio  
iterum de-  
ponitur &  
Schismaticus  
decla-  
ratur.

Anno igitur Dominicæ Nativitatis prænotato, decimo octavo die mensis Martij, in quadragesima, posteaquam Patres in Concilio materiam & negotium Petri de Luna quandam Benedicti tertij decimi Papæ, dudum ut diximus, in synodo Pisana Generali abrogati, cum summa diligentia examinando discusserunt, nationum omnium consensu sententiam in eum protulerunt. Accensis ergo & extinctis in majori & singulis Constantiæ templis ex more candelis pulsatisque campanis, rejectis rationibus omnium, qui cum eo sentire videbantur (erant autem pauci) Petrus de Luna iterum privatur Pontificatu, auctoritate totius Concilij, & veluti Schismaticus & Hæreticus condemnatur, anathematizatur & publicè denuntiatur. Nihilominus Apostolica Sedes, ab illo die adhuc vacavit mensibus septem, atque diebus viginti, usque ad festum S. Martini, ut per ordinem dicemus.

Omnes no-  
stri Ordinis  
Abbates  
Provinciarum  
Mogunti-  
næ à Con-  
cilio citan-  
tur.

Eodem anno Patres de Concilio Constantiensi memorato, considerantes sacrosanctum Ordinem nostrum sub norma Divi Legislatoris Monachorum Benedicti (de quo sancta Mater Ecclesia tot olim habuit Romanos Pontifices, tot Cardinales, Archiepiscopos, Episcopos Prælatos & Monachos doctrina & sanctitate insignes) nimiam vivendi licentiâ collapsum, & totum penè miserabiliter in utroque statu desolatum, ex eo maxi-  
mè



mè quòd à multis retro annis Capitula provincialia jure præcepta celebrari de triennio in triennium fuerint intermissa, neglectæ Visitationes, & nonnulla in Monasterijs Observantiæ Regularis servata integritas. Consulentes igitur Ordini Patres, & cupientes monasticam reformare Observantiam diu nimis collapsam, diem celebrandi Capituli in Cœnobio Petri domus Constantiæ determinarunt ultimam Februarij, ad quod omnes & singulos Abbates memorati Ordinis Provinciæ Moguntinæ citarunt sub pœna privationis Abbatialis & cujuslibet alterius dignitatis, ni comparerent.

Hæc autem sunt nomina Dioecesium Provinciæ Moguntinæ simul & Monasteriorum Ordinis, quæ sub eis constructa noscuntur, quorum Abbates ad Capitulum auctoritate Concilij fuerant citati. In Dioecesi Moguntina illo tempore ista fuerunt Cœnobia; Hirsfeldia, Selgenstatt, S. Jacobi prope Moguntiam, Spanheim, S. Joannis Baptistæ in Ringavia, Reinhausen, Bursfeldia, Northeim, Breittenavve, Steina, Hasungen, S. Petri in Erfordia, Salfeldia, Reinharzpronna, Homburg, Gerode, S. Jacobi Scotorum in Erfordia, Cella Paulina, Oldesleven, S. Albani prope Moguntiam, in quo modo sunt Canonici, Blidenstatt, quam nunc etiam inhabitant Canonici.

Nomina  
Dioecesium  
& Monasteriorum  
nostri Ordinis  
Provinciæ  
Moguntinæ.

Moguntina  
Dioecesis.

In Dioecesi Spirensi sunt Hirsaugia, Wissenburg, Lympurg nunc exustum, Gozavve, Odenheim, in quo Monachi apostatarunt ab Ordine nostrâ ætate, & postea in oppidum Bruchsal translati sunt, Hunsheim jam sunt Canonici, Clingenmünster, cujus Monachi abjecto habitu similiter apostatarunt ab ordine.

Spirensis.

In Dioecesi Herbipolensi Monasteria sunt ista. Sancti Stephani in Civitate, Sancti Jacobi in Suburbanis, cui hodie præsum inutilis, Schvvarzsch, Theris, Murhart, Uraugia, Schluchtern, Amerbach, Fulda, Neustatt, Pantz, Veiolstorff, Steinach, Monichaurach, Monichroten, S. Burchardi, jam sunt Canonici, Camberg similiter abjecto habitu recesserunt ab Ordine.

Herbipolensis.

In Dioecesi Augustensi. Sancti Udalrici in Civitate, S. Crucis in Werdea, Elchingen, Lorch, Dekingen, in Faucibus, Ottenbeüren, Neresheim, Dierhaupten, Yrse, Fultenbach, Prenzahausen, Benediktenbeüren, Bezelspronna, Elvvangen, quod apostatantibus Monachis hodie Canonici occupant.

Augustensis.

In Dioecesi verò Constantiensi Monasteria sunt Ordinis, S. Galli, S. Gregorij in Mure, Campidonense, S. Blasij, Alperspach, Sanctæ Mariæ ad Eremitas, Duplicis aquæ, id est Zvvifalten, Sanctorum Petri & Pauli in nigra sylva, Rinaugia, Ifne, Steina, S. Ruperti, S. Marci in Augia majore, Petri domus in Constantia, Bregantium, Schaffhausen, Ochsenhausen, Wiblingen, S. Joannis in Turtal, in Truba, in Fischingen, Blaubeüren, Weingarten, Montis Angelorum, in Walseinhausen, Cœnobia sunt Ordinis nostri numero sex atque viginti.

Constantiensis.

In Dioecesi Argentinensi. Schutera, Schvvarzsch, Gengenbach, Sanctæ Walpurgis, Mauri Monasterium, Ebersheim Monster, Ettenheim Monster, Altorff, Hugshoffen, Selz apostatæ nunc, Neuvviler similiter apostatæ.

Argentinensis.

In Dioecesi Eichstattenensi quinque sunt Ordinis nostri Monasteria, Castellense, Wilzburg, Blankenstetten, Heidenheim, Wernizahusen similiter.

Eichstattenensis.

- Curienfis**  
**Diœccelis.** In Diœcesi Curienfi, Monasterium Differtinenſe, Monasterium Fabarienſe vulgariter Pfeffers, ſanctæ Mariæ in Vinſtgavve, S. Joannis.
- Halberſtat-**  
**tenſis.** In Diœceſi Halberſtattenſi Saxoniz, S. Ægidij in Brunſchvvig, in Luthera Regali, Huſburg, Iſenburg, Hildensleben, Eltersdorff, nunc Cella Mariæ, Rynsdorff, Wimmelburg, Göſeck, Ballenſtetten, Conradisberg, quod nunc inhabitant Carthuſienſes, illo tempore adhuc Ordinis noſtri fuit.
- Verdenſis.** In Diœceſi Verdenſi juxta Verderam fluvium in Saxonia duo ſunt Ordinis noſtri Monasteria tantum S. Michaelis in Lünenburg & in Oldenſtatt.
- Hildeshei-**  
**menſis.** In Hildesheimenſi quatuor ſunt. S. Michaelis in Civitate, & Gerardi, Ringelheim & Cluſenſe.
- Padelbron-**  
**nenſis.** In Diœceſi Padelbronnenſi Abtinhoffen in Civitate, Corbeia, Hulmershaufen, Mariæ Monasterium, Flechtorff, numero Cœnobia ſunt quinque.
- Bamber-**  
**genſis.** In Diœceſi Bambergenſi exempta, Monasteria ſunt quatuor tantum, quæ Provinciæ noſtræ per Benedictum Papam XII. in Extravagante, quæ incipit, ſummi Magiſtri dignatio, dudum ſunt adjuncta; Mons Monachorum, Michelsfeld, S. Ægidij Norinbergæ, Wiſſenau.
- Wormati-**  
**enſis.** In Diœceſi verò Wormatienſi, Moguntino ſimiliter Archiepiſcopo, ut Metropolitano ſubjecta, nullum habemus Monasterium, præter duo Monialium.
- Capitulum**  
**Ordinis in**  
**Constantia**  
**celebratum**  
**eſt.** Igitur per Concilium Generale citati ad Conſtantiam omnes præſcriptorum Monasteriorum Ordinis noſtri Abbates pro celebrando Capitulo Provinciali, quod multis annis in Moguntina provincia, ſicut & in alijs Germaniæ omnibus neglectum fuerat & intermiſſum, Abbates qui potuerant, proprijs convenerunt in perſonis; qui autem legitimo detinebantur impedimento, procuratores ſuâ vice miſerunt ſufficientes.
- Anno itaque prænotato, ultima die menſis Februarij Sede Apoſtolica vacante, Conſtantienſi durante Concilio, in unum convenientes Moguntinæ Provinciæ Abbates in Monasterio Petri domus in Civitate ipſa Conſtantienſi, diu intermiſſum celebrare Capitulum. Pro cujus initio præſidentes quatuor à Concilio fuerunt Abbates deputati, Ludovicus videlicet Trenorchienſis Cœnobij Abbas Cabillonenſis in Gallia Diœceſis, & Thomas Eboracenſis Monasterij Abbas, cujus & Diœceſis erat. Hos duos alienigenas Concilium præpoſuit noſtratibus propterea, quòd ex longa conſuetudine in celebrandis Capitulis fuerunt experti, ut formam noſtris darent & modum, quemadmodum & Innocentius olim Papa III. in Concilio ſtatuerat generali, ut libb. III. *De ſtatū Monachorum, capitulo*: In ſingulis mandans, ut Ordinis noſtri Abbates, in principio hujus Novitatis, duos advocarent de Ordine Ciſtertiienſium, à quibus modum & formam diſcerent celebrandi Capitulum. His à Concilio fuerunt adijuncti è noſtris Siſridus Abbas in Elvvangen Auguſtenſis Diœceſis, & Joannes Abbas Monasterij S. Georgij Conſtantienſis Diœceſis. His quatuor præſidentibus inchoatum celebratum & conſummatum fuit Capitulum Ordinis noſtri primum in Conſtantia.
- Abbates S.**  
**Georgij &**  
**in Elwan-**  
**gen fuerunt**  
**Compræſi-**  
**dentes.** In hoc Provinciali Ordinis noſtri Capitulo Abbates multi fuerunt præſentes, inter quos nonnulli Zelum Dei habentes, ſummo ſtudio & maximâ diligentia, pro institutione Regularis obſervantiæ laborantes deſudarunt,

darunt, quibus Patres de Concilio assistentiam ad omnia necessariam præstiterunt. Per modum igitur Constitutionum imprimis multa providè satis & utiliter decreverunt, quæ non minus ad Reformationem statum Monasteriorum temporalis, quam spiritualis accommodata videbantur; Regulam namque S. P. N. Benedicti per singula Capitula inspicientes ubicunque Abbatum & Monachorum vitam, & mores invenerunt esse contrarios, novis Constitutionibus necessaria apposuerunt remedia. Quas quidem Constitutiones dudum jussu Præsidentium à tempore memorati Capituli usque ad annum Dominicæ Nativitatis 1493. per Capitula Ordinis Provincialia xxviii. annis septuaginta sex celebrata in diversis locis abbreviantes, in unum volumen comportavimus; conjungentes ei & visitandi formam, & modum celebrandi Capitula, quæ sunt impressa.

Edictis autem in memorato Capitulo statutis pro reformatione Ordinis necessarijs, & Concilij auctoritate confirmatis, omnes tunc præsentibus in eo Abbates jurare in animas suas, Procuratores verò absentium in eorum animas, quorum erant substituti, similiter Concilij auctoritate jurare & promittere compulsi sunt, quòd propositam, conclusam & litteris commendatam in eodem Concilio simul & Capitulo, Regularis observantiæ Reformationem in se & Monachis suis infra annum admittere, & fideliter deinceps custodire & praticare, nec ab ea temere in perpetuum recedere velint & debeant, sub pœna depositionis ab omni Jure & dignitate Abbatiali.

His & cœteris omnibus de consuetudine agendis in Capitulo memorato ritè præmissis apud Constantiam in Monasterio Petri domus nuncupato trans pontem in suburbio Civitatis, post editionem statutorum, præscriptamque datam & juratam ab omnibus reformationis formam intra annum suscipiendam, & cum effectu prædicandam in singulis Monasterijs sæpè nominatis, per omnes memoratæ Provinciæ Diœceses, certi sunt deputati Visitatores ex Abbatibus Zelum Dei & observantiæ habentes, qui commissa sibi perlustrantes Cœnobita, status singulorum Capitulo referant futuro. Deinde Præsidentes mandato Concilij Generalis decreverunt, celebrationem futuri Capituli non differendam in triennium, sed proximo anno immediatè tunc sequente, apud Moguntiam in Monasterio S. Albani Mart. fore anticipandam, ad videndum, qui Abbates juramento non satisfecerint de suscipienda reformatione infra annum, & ut negligentes ad eam per Censuram compellerentur Ecclesiasticam. Nominati sunt etiam in ipso Capitulo Abbates, qui debeant in futuro præsidere videlicet Abbas Fuldenfis Herbipolensis Diœcesis, Campidonensis Constantiensis Diœcesis, S. Udalrici in Augusta, ejusdem Diœcesis, & Abbas in Reichartsbronna Moguntinæ Diœcesis, nec minus & alij Officiales in Capitulo deputati, ut sunt Missæ cantator sollemnis, Concionator sermonis, Promotor Ordinis, & quis absentium debeat recipere ac justificare procuraciones, quem nunc Thesaurarium Capituli usitato vocabulo nuncupamus. Posthæc in promulgatione culparum eorum, qui comparuerunt, Charitatis Ordine servato, injunctisque pro modo culpæ satisfactionibus cum absolutione Jurisdictionis Ordini concessa, Benedictio data est, à Præsidente vocali pro itinerantibus consueta, & in sua singuli redierunt.

Forma Reformationis datur omnibus per modum Constitutionis.

Joannes Trithemius Abbas abbreviat statuta.

Visitatores per singula Monasteria Provinciæ deputantur.

Moguntia pro loco futuri Capituli deputatur à Concilio.



Fridericus  
Abbas Hir-  
ſaugiæ fuit  
in Concilio  
Conſtan-  
tienti.

Fridericus Abbas hujus Monafterij Hirſaugienſis à præfato Concilio Conſtantiam vocatus, ut antiquæ & famoſiſſimæ Abbatæ Princeps multo tempore interfuit non ſine impenſis magnis; qui cùm intereſſet celebra-  
tioni Provincialis Capituli, audirétque novas Concilij ſimul & antiquas Patrum Conſtitutiones, nec non ſermones exhortatorios plures doctiſſimorum virorum, qui præcepto Concilij verbum Reformationis in medio loquebantur Abbatum, non mediocriter corde compunctus, ſupra aſſumenda infra annum Reformatione concluſa non invitus, ſed ſpontaneâ voluntate, atque libenter cum alijs juravit.

Caſtellen-  
ſium Re-  
formatio ſum-  
pſit initium  
à Concilio.

Erat enim homo convenientiæ bonæ, Deum timens, & cupidè audiens monita ſalutis. Duabus igitur movebatur cauſſis ſive rationibus, quòd concluſam in Capitulo, atque juratam ab omnibus Reformationem animo ſuſcipere delectabatur volente atque promptiſſimo: quarum prima fuit; conſideratio periculi animæ propriæ: ſecunda verò memoria Hirſaugianæ reformationis antiquæ. Sed reverſus ad Hirſaugiam poſt finem Concilij Reformationem concluſam & juratam, ſuis Monachis ſæpiùs cum lachrymis ingemiſcendo propoſuit; qui unâ ſententiâ omnes pertinaciter reſtiterunt, unde nihil potens proficere cum ſubditis, ſe reformans Deo negotium commiſit; veruntamen non fuit ex toto infructuoſus pro Reformatione Ordinis noſtri labor iſte Concilij, quamvis non reduxit ad obſervantiam Monachos omnes. In tribus etenim Monafterijs obſervantia diſciplinæ Regularis ab illo tempore multum convalu-  
it: & plura per ſucceſſum Monafteria reformavit. Nam ut ſupra diximus, anno Friderici Abbatis quarto, Reformatio Caſtellenſis incæpta per Abbatem Ottonem, vires & robur magnum ſuſcepit à Conſtanti-  
enſi Concilio, & in multa per ſucceſſum temporis Monafteria ſuccrevit, licet & in Caſtello, & in alijs iterum penetota defecerit.

Et Melli-  
cenſium.

Notandum verò, quòd Concilium Conſtantiense non ſolum Abbatibus Moguntinæ Provinciæ celebrationem triennalis indixit Capituli, ſed mandavit id ipſum cunctis alijs etiam Abbatibus omnium provinciarum Germanici Regni. Cœperunt & illo tempore in omnibus Germaniæ provincijs intermiſſa diu iterum celebrari Capitula, viſitationes Monafteriorum frequentari, & plura in diverſis Diœceſibus reformari Cœnob-  
ia. Eſt Monafterium noſtri Ordinis Mellicenſe juxta Danubium in Auſtriæ Ducatu, non ultimæ reputationis & formæ, cujus inſtauratio diſci-  
plinæ multa per Auſtriam & Bavariam Monafteria laudabiliter reforma-  
vit, licet poſtea cum tempore plura eorum ut hodie cernimus, in priſtinam ſint relapſa deformationem. Reformatio autem quæ nomen ex loco primordij ſumpſit, Bursfeldenſis omnium celeberrima, quale his temporibus habuerit initium, quàm breviter & veraciter poterimus ad no-  
ticiam poſteriorum, ſcripturæ teſtimonio referemus. Cùm anno prænotato ſicut diximus, omnes Provinciæ Moguntinæ Abbates à Concilio fuiſ-  
ſent citati ad Conſtantiam, aſſuit inter procuratores abſentium, Monachus quidam nomine Joannes de Monafterio Rheinhaufen Moguntinæ Diœceſis à ſuo Abbate miſſus ad Concilium. Iſcùm vidiffet Zelum & diligenti-  
am non minus quorundam Abbatum præſentium in Concilio quàm Patrum ipſius ſynodi generalis, atque labores, quos pro reforma-  
tione Ordinis noſtri faciebant, audiſſetque ſermonibus multis à doctiſſi-  
mis

Et Bursfel-  
denſium.

mis Viris, quam periculosum sit Monachos contra Regulam Claustralium usque ad mortem in deformitate vivere, & jurasset in animam sui Abbatis Rheinhausenensis, à quo fuerat missus, de suscipienda infra annum, contremuit. & mente compunctus illustratione divinâ, nihil magis quàm satisfacere promissis cogitavit. Reversus post celebrationem Capituli ad Monasterium suum, quæ & qualia fuissent apud Constantiam dicta, ordinata, & conclusa simul atque jurata, per ordinem Abbati & Confratribus suis cuncta singillatim aperuit, & viribus totis ut Reformationem assumerent, intensius rogavit. At illi hominem in primis cœperunt irridere; postea verò perseverantem in proposito etiam contumelijs & opprobrijs afficere: *Quid inquit, ad nos tua pertinent juramenta? si multa promissisti aut jurasti, nihil ad nos; tu videris quomodo satisfeceris.* Cùmque hæc multis continuarentur diebus, cerneretque Monachus ille devotus, quòd nihil omnino posset efficere, pro sua sollicitus anima, remedium aliud cœpit mente cogitare.

Dux erat illo in tempore Brunsvvicensis, nomine Otto, cujus uxor fuit soror Landgrafij Thuringiæ, mulier Christo multum fidelis atque devota, non procul à Rheinhausen in oppido Gamundiæ suo cum Duce. Hanc Monachus ille præfatus accedens, omnia quæ habebat in corde suo, coram ea exposuit, & ut cooperari dignaretur ad juratam in Concilio Reformationem propter Deum, quàm humillimè rogavit. Cujus desiderio sancta mulier congratulans, omnia se pro viribus acturam promisit, quæcunque postulavit. Contigit interea Monasterij Abbatem in Clusa mori, quod mox ut mulier devota cognovit, egit apud maritum suum Ducem Ottonem, quòd sæpe dictum Joannem Monachum de Rheinhausen Abbatem præfecit Monasterio Clusensi, Hildesheimensis Diocesis. Ordinatus Abbas Joannes pauper Monasterij penè desolati, omne studium adhibuit, quo & Fratres, & locum in utròque statim ad Regulæ puritatem informare potuisset. Sed grave nimis est, in mente consueta vitijs, semina plantare virtutis sine gratia Dei speciali: non ferentes austeritatem Rectoris Monachi perversi, omnes paulatim ab eo recesserunt. At ille collectis Novitijs paucis (plures enim nutrire non potuit) & se & illos ad Regulæ puritatem instituit, & in magna paupertate conversatus, Deo in omni sanctitudine ministravit. Vacabat interea Monasterium S. Thomæ Apostoli, prope villam, quæ Bursfeld ab olim fuerat nuncupata (sed hodie non comparet) Moguntinæ Diocesis, extremâ inopiâ & pauperie desolatum, in quo unicuique tantum erat Monachus, cui ut ferunt, vacca unica ministrabat victum, censibus cunctis ab antea per Monachos turpiter distractis, Ecclesia straminibus male contexta, stabulum fuit adventantium pecorum, quæ anno Dominicæ Nativitatis millesimo nonagesimo octavo ab Henrico Northeimensi Comite erat fundata, Deo canentium, lucidus in ipso Chorus Monachorum. Verum quia locus est in solitudine, aquis & nemoribus dives, placuit Joanni memorato Abbati de Clusa, quietis amore transire ad Bursfeldiam, & inchoatam deinceps ibidem continuare sanctam Ordinis Reformationem. Accedente igitur consensu Ducis Ottonis, Monasterio Clusensi relicto, ad Bursfeldiam Joannes Abbas cum paucis Monachis suis se contulit, & ibi sanctam, quam apud Clusam inchoaverat, Reformationem in maximâ paupertate usque ad mortem laudabili perseve-

rantia

Joannes Monachus de Rheinhausen pro Reformatione, Ducis implorat auxiliū,

Monasterium Bursfeldense illo tempore fuit pauperrimum.

Joannes Abbas Clusam dimittit, & venit ad Bursfeldiam cum suis.

Joannes  
Rode Ab-  
bas S. Mat-  
thiae Tre-  
verensis re-  
formator.

rantiâ continuavit; erant enim ambo Cluſa videlicet ſimul & Bursfeldia, in extrema paupertate conſtituta, in tantum, quòd nemo ſpem Reſtitutionis eorum habere videretur. Sed ubi Regnum Dei primum in veritate quaeritur, omnia hujus vitæ neceſſaria divinâ ordinante Providentiâ copioſè adijciuntur. Fuit in diebus illis Abbas Monasterij S. Matthiae apud Treviros, Joannes Rode, vir doctus & magnæ Religionis, quem Otto Trevirorum Archiepiſcopus de Carthusia extractum, noſtri Ordinis induerat habitu, in eum ſcilicet finem, ut præſatum utròque in ſtatu reformaret Cœnobium. Hic inprimis Monasterium ſuum præſatum S. Matthiae, non ſine maximis laboribus, periculis & inſidijs eorum Monachorum, quos deformatos in eo reperit, ad Regularis vitæ obſervantiam reformare ſtudit, conſtitutiones non minus laudabiles, quam neceſſarias edidit, & receptis ad Ordinem Novitijs, Conventum optimè reformatum brevi adunavit.

Quatuor  
Monachi à  
S. Matthiae  
ad Bursfel-  
diam miſſi.

Hujus præſtantiffimi viri reformationem vitam & famam audiens Joannes ſupradictus Abbas Bursfeldenſis, ad eum pedibus Trevirim venit cum litteris ſupplicatorijs Ducis Brunſchvicenſis Ottonis; à quo eſt magno ſuſceptus gaudio, & quidquid voluit impetravit; veniens enim vir ſanctus ad Treverim, laudabilem Joannis Rode Abbatis inſtitutionem palam vidit; vitam quoque tam paſtoris quam ſubditorum Regulæ conformem atque ſanctiſſimam experimento didicit: conſtitutiones & ceremonias ab eo conſcriptas pro conſervatione Regularis Obſervantiæ legit & collaudavit. Rogavit itaque Abbas Abbatem, Joannes Joannem pauper divitem, Bursfeldenſis Trevirenſem, litterarum Ducis auxilio ſuffultus, ut ſibi pro novæ Reformationis complemento fratres quatuor bonæ conſtitutionis adjungeret, & eas quas prudenter fecerat conſtitutiones reſcriptas communicaret. Cujus ſancto deſiderio venerabilis Abbas Joannes Rode favorabiliter conſentiens, ſuas ei conſtitutiones libentiſſimè contulit, & fratres quatuor adjunxit. Ex eo tempore paulatim obſervantiæ Regularis diſciplina in Bursfeldiam à S. Matthiae Trevirorum tranſuſa, mirabiliter crefcere & augmentari cœpit, atque in paucis annis multa Ordinis noſtri Monasteria, per Saxoniam, Franciam Orientalem, Turingiam, Sueviam, Treverenſes, Argentinenſes, Rhenenſes, Colonienſes, Friſiam, Weſtſalliam, & alias Germaniæ Provincias reformavit. Audientes enim tam ſæculares quam ſpirituales per Germaniam totam Principes, devotam atque ſanctiſſimam Bursfeldenſium Monachorum converſationem, & inprimis maximè per Saxoniam, omnes ſubjecta ſibi Monasteria noſtri Ordinis ad imitationem eorum ſanctam fecerunt reformari. Crevit in brevi numerus Monasteriorum ex Bursfeldia reformatorum, & in cunctis Germaniæ finibus eorum ſancta converſatio laudibus erat celebrata, nec quiſquam de eis malè poterat loqui, niſi reprobus eſſet, quippiam mali. Primum ex Bursfeldia Monasterium eſt reformatum Cluſa, deinde Rheinhausen, poſtea Northeim & quædam alia; quorum ordinem vel tempus reformationis enarrare per ſingula, nihil conducit hitoriæ, quorum ſiquis vel nomina & ſeriem ſcire voluerit, acta Capitulorum annalium revolvat, in quibus omnium denotantur Monasteriorum Capitulo Incorporationes.

Ex Bursf l-  
dia refor-  
mantur  
paulatim  
multa Mo-  
nasteria.

Reformatione



Reformatione autem de Bursfeldia per certa Ordinis nostri Monasteria paulatim diffusâ Patres illorum Abbates, viri sanctissimi, timentes, ne cum tempore in pristinas Monachi successores relaberentur difformitates, de remedio maturâ deliberatione habuerunt consilium. Placuit ergo in communi omnibus, ut unam inter se confœderationem seu unionem facerent fraternæ ac mutuæ charitatis, cui se Abbates reformati simul & in futurum reformandi subijcerent, & sub juramento fidelitatis perpetuò unirent. Hujus unionis sanctæ institutionem Pius confirmavit Papa II. & multis eam privilegijs ac libertatibus, Apostolicâ auctoritate cumulavit. Constitutione quoque perpetuâ sanxerunt primi Ordinis nostri sub unionem memoratam Bursfeldensium ferventissimi Reformatores, quòd singulis annis in unum debeant convenire locum ipsius unionis cuncti Abbates, ad celebrandum annale Capitulum pro conservatione sanctæ Reformationis memoratæ. Hujus quoque annalis Capituli necessariam celebrationem Pius Papa prædictus, simili auctoritate confirmavit. Ab eo tempore celebratio Capitulorum annalium cæpit, & continuatur usque in præsentem diem.

Itaque Joannes memoratus ex Rheinhausen Monachus Abbas in Bursfeldia, divinâ sine dubio Providentiâ factus vir magnæ Religionis & sanctæ conversationis, primus sub hac unionem reformatorem, collapsum in Saxonia Ordinem nostrum mirificè instaurans sublevavit. Eo tandem feliciter mortuo, successit in Abbacia Bursfeldensi Joannes de Hagen, vir & ipse non minus Religiosus, quàm doctus, qui Reformationem inchoatam laudabiliter continuavit, & plura Cœnobia reformavit. Moritur autem undecimo die mensis Augusti anno Domini MCCCCLXIX. Post quem Theodoricus in Abbacia succedens præfuit annis XVI. Cui successit Joannes, & præfuit annis similiter sedecim, homo senex, Zelosus pro regulari disciplina, & Christo multum devotus. Post hunc in Abbacia Bursfeldensi successit Henricus, qui hodie præest in annum duodecimum, Zelator prudens Ordinis, pius & integerrimæ conversationis.

Nomina Monasteriorum Ordinis nostri, quæ per annos jam ferè nonaginta ex fonte Religionis Bursfeldianæ sunt reformata, huic operi nobis placuit inferere, propterea quòd posteritati eorum cognitio aliquid posse conducere videatur. Tempus & Ordinem, quibus unumquodque reformationi colla submisit, annotare non potui. Sed in genere ut occurrebant memoriæ quæque assignavi, principium sumens à Diœcesi Moguntinensi. Primum igitur omnium in Moguntina Diœcesi Monasterium reformatum Bursfeldia fuit, ex cujus institutione sequentia observantiam susceperunt. Monasterium Rheinhausen, Monasterium in Clusa, Monasterium in Northeim. Monasterium S. Petri in Erford, Monasterium in Homburg, Monasterium S. Jacobi prope Moguntiam, Monasterium S. Joannis in Ringavia, Monasterium S. Martini in Spanheim, Monasterium B. Mariæ in Gerode, Monasterium in Oldesleben, Monasterium in Selgenstatt, Monasterium in Reinharzpronna, Monasterium in Staina, Monasterium in Breydenavve. Monasteria reformata Moguntinæ Diœcesis sunt XIV.

In Diœcesi verò Spirensi tempore primum est reformatum hoc præfens Monasterium Hirsaugiense, de cujus instauratione suo tempore di-

Y y

cemus.

Unio Bursfeldianæ Reformationis confirmatur à Papa.

Abbates Bursfeldenses, numero quinque ab initio Reformationis.

Nomina Monasteriorum ex Bursfeldia reformatorum.

In Diœcesi Moguntina sunt quatuordecim.

In Spirensi quatuor.

cemus. Monasterium S. Mariæ in Golzavve, Monasterium in Wiſſenburgo, Monasterium S. Crucis in Lympurg, quod Comes de Liningen ante hoc ſeptennium incendio ſubvertit, & ideo in Wachenheim reſident Monachi.

In Diœceſi  
Herbipo-  
polenſi  
ſeptem.

In Diœceſi Herbipolenſi reſormata ſunt iſta. Monasterium S. Proto-  
Martyris Stephani in Civitate, Monasterium S. Jacobi tranſpontem in  
ſuburbanis, Monasterium Schvvarzach, Monasterium Uraugienſe,  
Monasterium in Monichaurach, Monasterium S. Michaelis prope Veiol-  
dorff. Monasterium Monichroten, ſunt reſormata numero ſeptem.

In Bamber-  
genſi  
unum.

In Diœceſi Babenbergienſi exemptâ, reſormatum eſt ſub unione Burs-  
feldenſi, unicum duntaxat Monasterium S. Michaelis Archangeli in Mon-  
te Monachorum extra mœnia Civitatis, in quo S. Otto Epiſcopus jacet.

In Conſtan-  
tienſi  
unum.

In Diœceſi Conſtantiienſi reſormatum eſt unicum tantum Monaſte-  
rium S. Benedicti Abbatis in Alperſpach, in quo Caput ejuſdem Sanctiſſi-  
mi Legislatoris noſtri habetur, & facit multa miracula ſuper dœmoniacis  
hominibus.

In Argenti-  
nenſi tria.

In Diœceſi Argentinienſi reſormata ſunt inſtitutione Bursfeldenſium  
Monasterium B. Mariæ ſemper Virginis in Schuttera, Monasterium in  
Hugshofen, & Monasterium in Eberſtein. Hæc duo Cœnobia reſormavit  
anno præterito Joannes Wedel ex Monacho hujus Monaſterij Hirſaugien-  
ſis primus in obſervantia Bursfeldenſi Abbas in Schuttera.

In Halber-  
ſtatenſi  
novem.

In Diœceſi Halberſtatenſi reſormata ſunt, Monasterium in Huſburg,  
Monasterium in Luthera regali, Monasterium in Uſenburg, Monaſte-  
rium in Hildesleven, Monasterium Cellæ Mariæ prope Eltersdorff. Mo-  
nasterium Reinsdorff. Monasterium in Wimmelburg, Monasterium in  
Ballenſtatt, & Monasterium in Göſeck, numero Cœnobia ix.

In Werden-  
ſi unum.

In Diœceſi autem Werdenſi provinciæ Moguntinæ unicum eſt re-  
ſormatum Ordinis noſtri Monasterium Aldenſtatt, ſeu Vetus Uſſen nun-  
cupatum ſub unione, Capitulo & obſervantia memorata Bursfeldenſium.

In Hildes-  
heimenſi  
quatuor.

In Diœceſi Hildesheimenſi reſormata ſunt iſta. Monasterium S. Mi-  
chaëlis in Civitate, Monasterium S. Godhardi prope Civitatem, Mona-  
ſterium in Ringelsheim, & Monasterium in Cluſa, ſunt numero iv.

In Padel-  
bronnienſi  
quatuor.

In Diœceſi Padelbronnienſi reſormata ſunt, Monasterium Abdin-  
ckenhoffen in ipſa Civitate, Monasterium B. Mariæ, dictum Mariæ  
Monſter. S. Viti Martyris in nova Corbeia, Monasterium in Illechdorff,  
numero ſunt quatuor.

In Treviro-  
rum no-  
vem.

In Diœceſi Trevirorum ſub Capitulo & unione Bursfeldenſium ſunt  
reſormata, Monasterium S. Matthiæ extra muros Urbis Trevirorum,  
quod olim S. Eucharij dicebatur, à quo Bursfeldenſis reſormatio robur, &  
conſtitutiones ut ſupra diximus, neceſſarias accepit. Monaſteriū S. Mariæ  
ad Martyres extra Civitatem, Monasterium S. Martini, contiguum Ci-  
vitati, Monasterium S. Luttvini in Mediolacu, Monasterium S. Mauri-  
rij in Tholeia, Monasterium S. Mariæ in Lacu, Monasterium S. Florini  
Martyris in Schönnavve, Monasterium S. Mariæ prope Ducale oppidum  
Luzenburg, Monasterium S. Mariæ in Gronavve, ubi caput S. Sebaſtianij  
Martyris oſtenditur.

In Colo-  
nienſi qua-  
tuordecim.

In Provincia ſimul & Diœceſi Colonienſi reſormata ſunt, Monaſte-  
rium S. Martini Colonia, Monasterium S. Pantaleonis in Colonia, Monaſte-  
rium

rium S. Heriberti in Tuitio, Monasterium S. Nicolai in Bruvviler, Monasterium S. Ludgeri in Werthina, Monasterium in Graffschafft, Monasterium S. Pauli in Civitate Trajectensi, Monasterium S. Laurentij in Oesbruck prope Trajectum, Monasterium S. Adelberti in Eckmunda, Monasterium in Stauria, Monasterium Lisbornense, Monasterium in Iburg, Monasterium in Civitate Myndensi, quæ sita est juxta fluvium qui Wessera dicitur. In alijs diversis provincijs atque Dioecesibus Magdenburgensi & Bremensi reformata sunt sub unione Bursfeldensium plura Coenobia, videlicet: Monasterium S. Joannis prope Civitatem Magdenburgensem. Monasterium in Gladbach Colonienfis Dioecesis. Monasteriū in Hulmershausen, Padelbronnensis. Monasterium in Civitate Bremensi, Monasterium in Amesleven, Monasterium in Cismaria, Monasterium SS. Petri & Pauli prope Civitatem Mersburgensem, Monasterium S. Jacobi Apostoli in oppido Pegaviensi, Monasterium in Monichen Nienburg, Monasterium S. Georgij prope Nüvvenburg Civitatem. Monasterium Bosaviense haud procul ab urbe Cizicensi. Monasterium Oratorij S. Nicolai in Dacia, Monasterium in Siloe. Monasterium Schynna. Monasterium in Raster ten prope Mare. Monasterium in Burgele. Monasterium in Hasungen Moguntinæ Dioecesis. Monasterium in Herzfeld ejusdem Bremensis Dioecesis. Monasterium Gemblacense. Monasterium Præposituræ in Clara Aqua. Hæc sunt nomina Monasteriorum observantiæ & reformationis de Bursfeldia, cujus institutio sancta ex Concilio Constantiensi, ut supra diximus, sumpsit exordium, & adhuc singulis annis incrementa capit. Numerus itaque Monasteriorum Abbates habentium, quæ cum Bursfeldia hodie sunt reformata, summam complectitur 88. Prælatos, & unum in Clara aqua. Monialium etiam ex hac unione plura sunt reformata Coenobia, quorum recensere nomina superfluum judicavimus.

In diversis  
provincijs.

Nonaginta  
sunt Abba-  
tiæ Refor-  
mata.

Anno Dominicæ Nativitatis prænotato, hoc est, Friderici Abbatis Hirsaugiensis xvii. in urbe Constantiensi adhuc generali durante Concilio, Sigismundus Rex Germanorum, & tunc futurus Imperator, qui Marchiam Brandenburgensem per Carolum iv. patrem ejus emptam à Ducibus Baviaræ, ut supra diximus, anno primi Wichardi Abbatis x. possidebat, cum gentem illius potius indomitam cerneret, quàm voluntariè subjectam, consilio Principum habito, Fridericum Burggravium, qui morabatur in Onolsbach, virum bellicosum in Marchionem Brandenburgensem sublimavit, conferens ei cum principatu Electorio, quidquid ad Marchiam pertinebat, in suam & filiorum ejus perpetuam possessionem. Fridericus autem in Marchionem Brandenburgensem solemniter creatus, propter ferocitatem gentis non potuit habere pacificum ingressum; Nobiles enim terræ, potentioresque in oppidis Cives, Villas, Castella, oppida, proventus meliores ad principatum pertinentes impignorata possidebant, & ideò totis viribus obsistebant, ne principi novello ad Marchiam pateret introitus. Conspirantes ergo in unum Cives & Rustici cum Nobilibus, conductisque, undecunque poterant, militibus ad resistendum venienti se præpararunt. Fridericus autem novellus Marchio contractis copijs per Turingiam, & Mysnensem Marchionatum, contra inobedientes atque rebelles intrat: cujus adventum incolæ terræ audientes, armati contra eum processerunt ad bellum. Congredientes igitur, &

Fridericus  
Burggra-  
vus Nori-  
cus fit Mar-  
chio Bran-  
deburgensi.

Marchio-  
nis Frideri-  
cum re-  
cusabant  
admittere.



tur, & diu ancipiti certamine pugnantes, ab utraque parte plures in ore gladii ceciderunt: poſtremò tamen Exercitus Friderici Marchionis fuſus eſt, dânsque terga ſalutem fugâ quæſivit. Verùm quia ut vulgo dicitur, pecunia nervos præſtat in prælio, Marchioni fuit neceſſaria commutatio rerum, quâ mediante pecuniâ Exercitum repararet fortiorem, cujus tandem viribus populum ſubjugaret recalcitrantem. Cùm ergo domi tantum pecuniarum quod ſufficeret, non haberet in promptu, coactus fuit hinc inde mutuare, maximè à Nürenbergensibus vicinis ſuis, quibus propterea quosdam proventus annuos & Jurisdictiones in ipſo Nürenbergensium oppido ſimul & nemora haud parvi pretij aut impignoravit, aut venditione perpetuâ contradidit. Contracto autem denuo Exercitu pugnatorum magno atque prævalido, rursus Marchiam pugnaturus ingreditur, & jam vel acquirere omnia ſimul, vel perdere etiam acquiſita meditatatur.

Fridericus  
Burggra-  
fius poten-  
ter obtri-  
nuit Mar-  
chiam om-  
nem.

Videntes Marchionitæ potentiam principis, & quòd viribus jam inferiores congregi tutò minimè poſſent, arma deponunt, ſe Friderico ſubijciunt, & ut Domino unico & proprio in perpetuum ſubmittunt, licet poſtea filio ejus Alberto ſimiliter, & Joanni, aliquoties inobedientes extiterint atque rebelles.

Diviſio in-  
ter fratres  
Joannem  
& Frideri-  
cum facta  
eſt.

Iſte Marchio Fridericus ex Norici Montis Burggravio primus genuit Albertum Marchionem, Albertus autem genuit Joannem, & Fridericum. Hi duo fratres paternum inter ſe principatum diviſerunt. Joannes obtinuit Marchiam Brandeburgensẽ totam ſolus cum titulo & principatu electorio; Fridericus autem Burggraviatum Norici Montis totum & quidquid ad eum pertinet, conſecutus eſt ſolus, in quo Joannes præter titulum nihil juris habuit, ſicuti & frater ejus, titulo excepto, nihil in Marchia poſſidet Brandenburgẽſi, ſed diviſi ſunt principatus. Joannes Marchio genuit Joachim, Albertum, Annam & Urfulam. Joachim duxit uxorem Eliſabeth, filiam Joannis Daciæ Regis, quæ ſterilis in annum ferè quintum poſtea concepit & peperit filium nomine Patris ejus Joachim, & duas filias, qui omnes hodie ſuperſunt. Albertus Canonicus & præbyter vivit cum fratre Moguntinæ & Trevereniſis Eccleſiarum. Anna nupſit Friderico Duci Holſatiæ, hoc eſt, Holſtein, fratri Joannis Danorum Regis. Urfula verò Duci de Megelnburg, & ante biennium obiit.

Adolphus  
Comes  
Clivenſis à  
Rege crea-  
tur in Du-  
cem.

Anno item prænotato viceliſimâ octavâ die menſis Aprilis Sigifmundus Rex apud Conſtantiam exiſtens tempore Concilij uniſverſalis Adolphum Comitem Clivenſem de conſenſu principum, qui tunc erant præſentes, in Ducem creavit, adijciens ei titulum Comitatus de Marca. Ex illo tempore Comitatus Clivenſis in Ducatum ſublatus perſeverat uſque in præſentem diem.

Eodem anno in menſe Auguſto Adolphus Dux Monteniſis, in contentione perſeverans cum Duce Lotharingiæ pro terra Barenſi, quam uterque ſui Juris eſſe dicebat, Lotharingiæ tamen Dux erat in poſſeſſione, ſicut & hodie eſt, contracto non parvo ſuorum exercitu, venit in ipſum Comitatum Barenſem, qui Ducatui Lutzenburgenſi contiguus eſt. Verùm nihil memoriâ dignum fecit, ſed conſumptis victualibus in ſua conſuſus eſt reverſus. Quid verò poſtea ſit geſtum pro eodem Comitatu, dicemus inferius, anno Friderici Abbatis Hirſaugienſis viceliſimo quarto hiftoriam continuantes.

Anno

Anno item præscripto, Joānes ex Comitibus Palatinis Rheni, Dux Hollandiæ, Hannoniæ, Seelandiæ, Baviaræque, filius Alberti, & frater Wilhelmi, de cujus morte dictum est anno Friderici Abbatis nono, posteaquam annis pluribus Leodiensis Ecclesiæ Pontifex electus & confirmatus extitisset, simul & Subdiaconus, impetratâ dispensatione à Constantiensi Concilio, dimisit Episcopatum, & duxit uxorem sperans se liberos habiturum, per quorum successionem Comitatus Hollandiæ maneret in potestate Bavarorum. Sed fefellit eum spes, quia octo annis supervixit, & sine liberis mortuus fuit.

Joannes  
Leodiensis  
Episcopus  
dimissa Ec-  
clesia ducit  
uxorem.

Eodem anno Constantiensi durante Concilio, fuerant in ipsa Civitate præsentibus inter multos alios duo principes Baviaræ Duces, Ludovicus & Henricus diuturno sese odio persequentes. Die quâdam Henricus insidijs paratis irruens super Ludovicum gravissimo eum vulnere sauciavit & fugit. Confestim Rex Sigismundus ad capiendum illum equites misit, qui celeri cursu rapti post eum, fugientem comprehendere aut noluerunt, aut nequiverunt. Dux iste Henricus postea in anno Jubilæo per terram suâ edicto prohibuit publico sibi omnes subjectos, ne pro indulgentijs pergerent Romam, veritus, quòd Provincia evacuaretur pecunijs. Sed eodem anno moriens nullum deinceps vel usum pecuniarum habere potuit, vel curam. Filium reliquit nomine Ludovicum, cognomento divitem, qui duxit uxorem Saxoniarum Ducis filiam, de qua genuit Georgium Ducem, qui ante hoc ferme decennium obiit, & Margaretham uxorem Philippi Comitum Palatini.

Henricus  
Dux patet  
Ludovici  
cognomen-  
to divitis.

Anno memorato cum in Concilio Constantiensi de restituenda unitate Ecclesiastica, emendandisque moribus Clericorum frequens haberetur Tractatus, visum est omnibus id fieri non posse Apostolicâ Sede vacante. Unde de novo Pontifice eligendo habitus est sermo, quo decreta Concilij majorem deinceps auctoritatem haberent. Cum igitur hac de re verbum haberetur, placuit ex unaquaque Natione viros sex deputare doctos, qui unâ cum Cardinalibus Conclave ingressi, Romanum & summum deligerent Pontificem. Erant autem deputatæ in Concilio quinque Nationes, quarum suffragijs negotia gerebantur universa, videlicet Italica Germanica, Gallica, Hispanica & Anglicana. In his comprehendebatur omne Concilium.

Anno igitur Dominicæ Nativitatis prænotato millesimo quadringentesimo septimo decimo, die verò Novembris octavâ, quæ fuit quatuor Coronatorum Martyrum festivitate solemnis, conclavè deputati ex Nationibus cum Cardinalibus duobus & triginta ingressi, præter omnium spem & opinionem, cum jam quadriennio vero Pontifice caruisset Ecclesia, multique schismatici eam graviter turbassent, undecimâ die mensis memorati, hoc est in festo S. Martini Episcopi horâ diei tertiâ, Otto de Columna, patriâ Romanus, sancti Georgij ad Velum aureum Diaconus Cardinalis, Pontifex creatus est, qui propterea quòd in die S. Martini fuit electus, nomen Martini quinti accepit, & præfuit annis tredecim, mensibus tribus, vir bonus & justus. Nec diu postea sacro approbante Concilio Ademarum patriâ Florentinum, virum doctissimum, sancti Eusebij Presbyterum Cardinalem Legatum à latere suo in Arragoniam, mittit, qui sub pœnis & Censuris Ecclesiasticis Petrum de Luna, qui se

Martinus  
fuit Papa  
quintus &  
præfuit an-  
nis XIII. &  
mensibus  
III.

Petrus de  
Luna in ſua  
obſtinatio-  
ne pertinaci-  
ter per-  
manſit.

Benedictum nominabat tertium decimum, admoneret, ut ſe Pontificatu abdicaret. Cardinales autem qui cum Petro ſentiebant, intelligentes ultimam Concilij & Pontificis ſententiam, Petrum ipſum adeunt, rogantque, ut exemplo & Gregorij & Joannis ob ſalutem & ſui & Eccleſiæ, cedere velit, quo tandem ſchiſma tollatur è medio, quod tot annis duravit. Reſpondit Petrus cavillationibus quibusdam, id ſibi nequaquam integrum eſſe, ut Pontificatum abdicet, ſe tamen cum Martino conventurum, ſi vera ſint, quæ de hominis integritate & humanitate dicerentur, ſinerent ſibi id negotij, nec ea de re amplius ſolliciti eſſent. Ex quatuor Cardinalibus, qui cum eo remaſerant, duo videntes pertinaciam ejus ad Martinum defecerunt. Duorum verò qui cum eo maſerant alter fuit Carthuſienſis, alter Julianus dobla vocabatur. Martinum ſecuti ſunt omnes deſerto & contempto Petro de Luna, præter eos ſolos, qui cum ipſo erant in Panichala munitione ejus.

#### MCCCCXVIIII.

Monachus  
Aponata  
Bohemorum  
ſua prædicatione  
auxit  
perniciem.

Anno Friderici Abbatis octavo decimo, Indictione Romanorum undecimâ, ſurrexit quidam pſeudo Monachus Præmonſtratenſis Ordinis nomine Joannes in Civitate Pragenſi, plenus errorum & hæreſum Joannis Huſi & Hieronymi de Praga, apud Conſtantiam incineratorum. Qui in memorata Civitate ſermones faciens ad populum, ſanctam fidem Catholicam multiplici pravitate ſœdavit, hæreſes docens manifeſtas, & Wicleſiſtarum perverſa dogmata populi auribus inculcans. Quæ res cum ad Archiepiſcopum fuiſſet delata, prædicationis ei officium interdixit. At ille munitus Hæreticorum auxilio, Eccleſiam Carmelitarum ampliſſimam ſimul & altitudinis mirandæ invaſit ( Fratres enim prius à ſchiſmaticis fuerant expulſi ) & in ea ſpeluncam ſequacium ſuorum conſtituit, ibi publicè prædicavit Hæreticis, & Romanam Eccleſiam, Pontificem ejus, Cardinales quoque, Episcopos, Abbates & Clauſtrales omnes impiâ loquacitate taxavit. Ad ejus perſuaſionem hæretici ſingulis ferè diebus in contemptum Chriſtianorum, Dominici Corporis Sacramentum per plateas in patulo fecerunt portari, & quotidie ſub utraque ſpecie non conſeſſis publicè communicabant.

Erat autem Nicolaus quidam Imperij Schiſmaticorum Princeps, quo ductore hæretici Wenceslaum Regem accedunt, poſtulantes ſibi & Eccleſias quasdam concedi Chriſtianorum. Tunc Wenceslaus in amaritudine conſtitutus, & quid faceret ignarus, ſecluſis vulgi turbis & ad Nicolaum converſus dixit: *Tu, quâ me Regno ejices, orditus es telam; ego laqueum ex ea faciam, quo te brevi continges ſtrangulari.* Quod audiens malorum inventor abiit, & popularis tumultus contra Regem & fideles magis ac magis concitavit.

Rex interdixit hæreticis Dominicum Corpus circumferre in urbe.

Continuò Rex inter mortis & vitæ periculum conſtitutus, reſumpto utcumque animo, ne ulterius Corpus Dominicum ab hæreticis publicè portari ſinerent per plateas, Conſulibus novæ Civitatis Pragenſis imperavit. Sed hæretici ad Eccleſiam Carmelitarum concurrentes, Euchariſtiam per multas in Civitate plateas armati publicè circumtulerunt. Erat quidam Catholicus Presbyter in urbe, ante cujus domum cum tranſirent Sacramentum portantes armati, de fenestra illa clamabat: *Quid facitis ô viri? cur ſanctum Domini Corpus in deſpectum circumfertis quotidie? ceſſate precor, ceſſate*



*cessate, non est res bona, quam facitis.* At illi mox impetu facto domum ejus infringunt, ingredientique omnia diripiunt, & furentes insanè domum subvertunt.

Deinde concurrentes cum ingenti clamore prætorium obsidione val-  
larunt; Consules verò timore perculsi fugâ sibi quæsivere salutem. Septem autem qui remanserunt in prætorio, & cum eis Judex raptim in-  
tercepti, ex altissimis in forum fenestris projecti sunt, quos inferius stan-  
tes lanceis & verubus insaniens & furiosus populus excepit, dirum cer-  
nentibus spectaculum præbentes. Quidam verò à secretis Wenceslai Re-  
gis, ubi ad sedandum cum trecentis Equitibus tumultum occurrisset, fu-  
rentemque populum inspiceret, non ausus appropinquare savientibus, in  
fugam conversus est, & vix manus eorum aufugit. Hæc ubi ad Regem  
fuissent relata, hæreticorum detestabatur insaniam, & non mediocriter  
rebus etiam metuebat suis. Tum astans Pincerna Regis coram omnibus  
dicit: *Ego hæc omnia præsciveram esse futura.* Iratus Rex surrexit cum impetu,  
& apprehensum manibus Pincernam, suis cum pedibus subjecit, extracto-  
que pugione conabatur eum occidere. Sed retractus ab his, qui pro-  
pius stabant, ægrè vitam concessit jacenti. Nimio autem pavore,  
correptus Pincerna, dissolutione paralytis obriguit, & infra xviii. dies è vi-  
ta discessit. Joannes verò apostata ministrare populo Sacramentum  
sub utraq; specie non cessavit.

Consules  
septem &  
Judex in  
Praga tru-  
cidantur ab  
hæreticis.

Pincerna  
Regis cum  
hæreticis  
Pragen-  
bus conspi-  
rare vitus.

Joannes  
Monachus.

Eodem anno postquam Concilium Generale non sine gravissimis im-  
pensis & damnis Prælatorum in quintum jam annum durasset, nihilque  
amplius in eo tractandum restaret, nisi Reformatio morum Cleri simul  
& Laicorum, essetque tempus adhuc breve nimis & inconveniens, placuit  
Martino Pontifici, sacro comprobante Concilio, Reformationem ipsam  
in aliud differre tempus. Unde concordî sententiâ statuerunt proximè  
futurum Generale Concilium in Papia celebrandum post annos quinque,  
in quo Reformatio hujusmodi tunc ageretur.

His in Concilio factis, ordinatis & conclusis, literisque Apostolicis  
ritè confirmatis, posteaquam triennio duraverat sessionibus XLIV. in eo per  
ordinem celebratis dissolvitur, hæc verba mandante Pontifice ab Ibaldo  
S. Viti in Matello Diacono Cardinali, audientibus cunctis in Ecclesia dictis:  
*Domini ite in pace.* Abeundi potestate omnibus concessâ, singuli redierunt  
in sua, anno prænotato videlicet circa finem mensis Aprilis.

Concilium  
generale in  
Constantia  
finem accep-  
tit.

Anno præscripto in principio mensis septembris, hoc est, primâ die,  
celebratum est Provinciale Capitulum Ordinis nostri secundum, cum  
continuatione dierum sequentium, ut moris est, Moguntia, in Cœnobio  
Fratrum Eremitarum S. Augustini; in quo præederant Fuldenfis, Cam-  
pidonensis, Udalrici Augustensis, & Reinhartsbronnensis Monasterio-  
rum Abbates, in præcedente Capitulo apud Constantiam celebrato, anno  
proximè transacto, ut supra diximus, deputati. Et quia Generale Con-  
cilium in Constantia celebratum ante menses quatuor, ut diximus, fuit  
dissolutum, plures nostræ provinciæ Abbates jam metu liberati, & jura-  
mentorum suorum obliti, Reformationem conclusam & juratam con-  
tempserunt.

Capitulum  
Ordinis  
Provincia-  
le secun-  
dum, cele-  
bratur Mo-  
guntia.

Primus omnium contemptor Dei, Ordinis & Juramenti solemnisque  
voti Regularis impius transgressor fuit Abbas Monasterij S. Albani propè  
Moguntiam,

Monaste-  
rium S. Al-  
bani trans-  
fertur in Ec-  
clesiâ Col-  
legiatam,

Moguntiam, qui ſpiritus Apoſtaticos atque malignos ſecutus, ne reformationem, quam in Concilio juraverat, cogeretur aſſumere, maluit cum ſuis reprobis Monachis ab Ordine apoſtatare; miſſis enim ad Romanum Pontificem nuntijs ac litteris falſitate plenis, ab ordine ſancto quærit recedere, & falſis Papam narrationibus non metuit circumvenire. Credidit Pontifex pro veris falſa narrantis, & indulſit poſtulantibus, narratione deceptus, quòd negaſſet indubiè, ſi cognoviſſet veritatem. Omnium itaque primi apoſtatanum ab Ordine ſacro Monachorum poſt Conſtantiènſe Concilium Abbas & Monachi fuerunt S. Albani, ex malis Clauſtralibus facti Canonici pejores. Quorum perfidiam & alij plures poſtea fuerunt ſubſecuti.

Et hæc fuit cauſa, quòd Provinciæ Capitulum apud S. Albanum non poterat celebrari, quemadmodum in Conſtantia ultimò fuerat conſtitutum, quia jam tunc Monachi cum Abbate ſuo in translationem conſpiraverant, & negotium publicè agebatur. Ideoque Patres neceſſitate compulſi, præter conſuetudinem Capitulum extra locum Ordinis apud Auguſtinenſes, ut diximus, celebrârunt. Præfuit eo tempore Monafterio S. Jacobi prope Moguntiam Anſelmus de Dirmſtein Abbas in ordine xxiii. qui & ipſe cum Monachis ſuis apoſtataſſet, niſi eum prohibuiſſet inopia.

Monafterium S. Jacobi propter inopiam manſit in ordine.

Anno item memorato inter Carolum Galliarum Regem ejus nominis vi. & Henricum Regem Angliarum, graviffimæ diſſenſiones ortæ ſunt, quæ per annos quatuor cum maximo Gallorum incommodo uſque ad mortem utriuſque duraverunt. His nonnulli Gallorum Principes in unum vel etiam in diverſa contra Regem Carolum conſpirantes malum auxerunt.

Joannes Burgundiæ Dux Galliam devaſtat hoſtiliter.

Joannes quoque Dux Buugundiæ contractis copijs in manu valida Galliam ingreditur, igne ſimul & ferro cuncta per circuitum hoſtili furore demolitur. Pariſienſem deinde Civitatem obſidione circumdans poſtremò violenter obtinuit, cujus ſpolia militibus in prædam conceſſit. In eotumultu per milites Ducis plures in Civitate fuerunt occiſi, forſitan propterea, quòd ritè jam victi ſe conarentur defendere: inter quos Pontifices, Presbyteri, Clerici, & ſtudentes, ut tum ferebatur, plures occubuerunt. Poſtremò intervenit concordia, cujus finem anno dicemus ſequenti.

Inter Archiepiſcopum & Cives Colonienſes diſſenſio.

His etiam temporibus inter Theodericum Archiepiſcopum, & Cives Colonienſes magnæ fuerunt diſſenſiones, ex quibus multa acceperunt ambæ partes incommoda. Exitus nuſquam patuit Civibus tutus; nec inferri quidquam permittebat Archiepiſcopus; milites enim non ſolum, per terras diſpoſuerat, ſed etiam ad omnia littora Rheni, quorum cuſtodia interdiceret omnem com meatum, quamquam non ſine gravamine magno inutilium, quas ob id facere debuerat, impenſarum. Tandem poſt utrinque data & accepta incommoda principum interpoſitione concordati ſunt.

Otto fit Archiepiſcopus Trevirorum & præfuit annis xii.

Anno prænotato iv. die menſis Octobris moritur in oppido Confluentia Wernherus de Falckenſtein Archiepiſcopus Trevirorum anno Pontificatus ſui xxx. ibidem in Eccleſia S. Caſtoris cum honore conſueto ſepultus. Poſt quem Otto de Comitibus Ziegenhaim majoris Eccleſiæ Præpoſitus in Archiepiſcopum Trevirorum concorditer à capitulo fuit electus, & præfuit annis xii. vir optimus, amator & reformator Clauſtralium, Pater pauperum, & ſtrenuus deſenſor omni tempore ſubditorum.

Hic

Hic mox ut est Archiepiscopus ordinatus Judæos omnes Civitate Trevirorum fecit expelli cum rebus & parvulis eorum, quorum nullus Trevirim reversus est usque in præsentem diem. Erant autem eo tempore in Civitate Trevirorum abundantes Judæi, propriam & clausam haud procul à foro habentes plateam, quæ & hodie extans nomen habet Judæorum. Causam eorum expulsionis breviter annotamus.

Cùm junior esset memoratus Otto, & simplex Ecclesiæ Trevirorum Canonicus, nullâ tenacitate ligatus, plura quàm solvere potuit aliquando, fortassis mutuò accepit. Quâdam igitur vice indigentia præssus pecuniarum, Judæorum petivit auxilium, promittens eis fideliter omnia mutuatâ redditurum. Judæi autem, qui prodigalitem hominis noverant, nihil ei mutuare voluerunt, iratus ille juravit dicens: *Juro per Deum, si eam potestatem aliquando affectus fuero, Judæos de Civitate expellam.* Post plures igitur annos, cùm jam ut diximus in Archiepiscopum esset electus, Judæi & suæ denegationis & juramenti illius non immemores, aureorum numerorum non modicum pondus in sportula fustum, pomis, nescio qualibus, opertum ad eum pro congratulationis officio miserunt, rogantes, ut illud benigno acceptet animo, brevi recepturus ampliora, quibus ille respondit: *Ita ad patibulum cum donis & muneribus vestris, quoniam ego, quod mente statui, Deo miserante perficiam.* Post paucos deinde menses omnes Judæos expulit è Diœcesi tota.

Quæ fuerit  
causa indi-  
gnationis  
Archiepisc.  
contra Ju-  
dæos.

Eodem quoque anno, postquam Martinus Papa V. soluto Constantien- si Concilio pervenisset ad Florentiam, bienniôque moraretur in ea, Balthasar quondam Joannes Papa XXIII. adhuc in Manheim Castello à Ludovico Palatino Comite in annum jam tertium tenebatur captivus. Rogabant Florentini Martinum Pontificem, & maximè Cosmus de Medicis, ut eum liberare de captivitate dignaretur. Quod ei se facturum Pontifex promisit. Nec mora, Legatum mittit in Germaniam Palatino scribens Comiti, ut hominem liberatum à carcere mittat Florentiam.

Martinus  
Papa roga-  
tur pro ca-  
ptivo Joane  
nc xxiii.

Interea Balthasar Cossâ moræ impatiens cùm audisset dissolutum esse Concilium, & se datum in oblivionem, rogavit ad se venire Ludovicum, & persolutis in manus ejus xxx. millibus florenorum libertatem impetravit. Fuerunt qui dicerent, ipsum Palatinum tantam auri mensuram non satis justo titulo suscepisse à captivo, multis opinionem suam rationibus confirmantes, & propterea divinam postea ultionem subivisse. Constat quidem eum in senio cæcum, claudum & surdum effectum, atque à filio à Principatu dejectum fuisse, ut infra dicemus; utrum verò divinâ id ultione sit factum, an non, nostræ non est facultatis judicare.

Balthasar autem liber factus, intravit Italiam habitu peregrino, & ab amicis cum gaudio susceptus aliquamdiu latuit, cum quibus multa & varia consilia tractavit, alijs suadentibus, ut securo receptus loco iterum se gereret Pontificem: alijs verò in contrarium sentientibus. Tandem ipse divino inspiratus consilio, nullâ pactione sive cautione receptâ Florentiam venit, ad pedes Martini cecidit; ipsumque ut Canonicè electum & verum Christi Vicarium salutavit. Cujus infelicitati compatiens Pontifex, & quia spontaneus ad obedientiam venit, eum Cardinalem fecit, & Tusculanum Episcopum, summâ usus humanitate ad eum semper. Ac verò Balthasar de summis ad inferiora detractus dietim se consumens tri-

Liberatus  
à carcere  
Joannes  
xxiii. venit  
ad Marti-  
num Flo-  
rentiam.

Ibidem  
moritur.



ſtitia, & mærore animum poſt paucos meſes defecit: & moriens Florentiæ cum pompa ſolemni ſepelitur in templo S. Joannis: cui memoratus Coſmus de Medicis honorificentiffimum conſtrui fecit ſepulchrum tali epitaphio inſcriptum: *Balthaſaris Coſſæ Joannis XXIII. quondam Papæ corpus hoc tumulo conditum eſt.* Et iſte finis fuit ipſius Papæ Joannis.

Coſmus de  
Medicis  
theſaurus  
Joannis  
XXIII. Papæ  
obtinuit.

Fama & opinio fuit eo tempore hominum, quod Coſmus de Medicis, qui prius obſcurior erat, nec multum abundans, pecuniâ memorati Balthaſaris opes ſuas in tantum auxerit, ut & primarius apud Florentinos Cives, & ditiffimus omnium apud Italos, ac fortâſſe apud exteras nationes deinde ſit habitus ipſe, & filij filiorum ejus uſque in præſentem diem.

#### MCCCCXIX.

Wences-  
laus Rex  
Bohemiæ  
Sigismundi  
frater mo-  
ritur.

Joannes  
Ziſchka  
Huſſitarum  
Princeps  
ſceleſtiſſi-  
mus.

Anno Friderici Abbatis XIX. Indiſtione Romanorum XII. Wenceslaus Bohemiæ Rex moritur, cujus Regnum Sigismundus ejus frater obtinuit, jam trium Regnorum potentiffimus Rex, Germaniæ, Ungariæ, Bohemiæ, atque Romanorum Cæſar, & Imperator. Verumtamen ad Bohemiam non ſtatim potuit habere ingreſſum, propter multitudinem rebel- lantium hæreticorum, ſed in Ungaria ſe continuit. Erat in curia Regis Wenceslai nobilis quidem genere, ſed impius aſtione, cui nomen fuit Joannes Ziſchka, vir in rebus bellicis ſatis exercitatus altero carens oculo, quem in prælio amiſerat, infectus Huſſitarum veneno, cædis & rapinæ ſemper avidiffimus, qui mortuo Rege collectâ prædictorum hominum multitudine in Eccleſias impetum fecit: imagines Sanctorum dejiciens fregit delevit, & ignibus cremandas injecit; aſſerens templa & Eccleſias non ſanctis, ſed Soli Deo eſſe conſecrandas.

Thaborita-  
rum no-  
men &  
principium  
unde pro-  
venerit.

Venerunt eo tempore ex montibus Pragæ 400. viri leprâ Huſſitarum infecti, quos Ziſchka collaterales ſibi faciens ad locum quem crucem appellant, proſectus eſt. Convenerunt ad Ziſchkam in eo loco ſupra 40000. virorum, qui omnes fuerunt hæretici, qui fiduciam habentes in multitudine ſua non in Deo, ad omne facinus animum relaxârunt. Multa poſt hæc mala per Ziſchkam in Bohemia facta ſunt; diſſidia, lites contentiones, ſeditiones, ſupplantationes, vaſtationes, homicidia, incendia, & variæ in Regno deſolationes. Hujus maligni hominis malefacta, tot ac tanta fuerunt, ut horrorem inferant auditoribus. Multa millia hominum interfecit: Sacerdotes quoque Catholicos mille ſexcentos per tempus omne ſuæ tyrannidis propriâ manu interfecit; omnes enim Clericos ad ſe duci juſſit captivos, non permittens, ut ab alio quoquam interficerentur, dicens: *Scriptum eſt: nolite mittere manus veſtras in Chriſtos Domini* deridens Presbyteros. Nec multo poſt oppidum Tabor, cum aliud præſidium non haberet, firmiſſimis ædificavit mænijs, & Commilitones ſui Thaboritæ deinceps nuncupati ſunt: qui poſteâ circa Danubium diſſuſi multa viatoribus & populo terræ mala intulerunt. Nam ſepes plures & altas in campis, terrâ uſque ad ſummum implentes, fortalicia inexpugnabilia conſtruxerunt: in quibus & tutò latere potuerunt, & ubique exercere rapinas.

Adamita-  
rum hære-  
ſis peſſima  
reſuscita-  
tur in Bo-  
hemia,

Erant illo tempore in Bohemia hæreſis Adamitarum ſtolidiſſimi ſectatores, protoparentem Adam nudum, ut ipſi gloriabantur, imitantes. Senioreſem unum quempiam ſequebantur, quem pro reverentia ſectæ Adam nuncu-

nuncupabant. Omnes incedebant nudi, connubia habentes promiscua: seniore suum Adam Filium Dei nominantes in magno honore habuerunt, sine cujus permissione, atque licentia mulierem cognoscere nullus præsumebat. Nam ut quisque libidine incensus, in quamcunque mulierem, filiam, sororem, neptem vel matrem exarsisset, manu apprehensâ ducebat ad seniore dicens: *In hanc concealuit spiritus meus.* Respondebatque senior: *Crescite & multiplicamini, & replete terram.* Quo dicto licenter ille matrem cognoscebat. Cæteros omnes homines contemnebant, servos nuncupantes, se verò solos nobiles & liberos esse gloriabantur, propterea quòd non essent de coacto meretricionatu (sic enim appellabant matrimonium) sed in omnimoda libertate, prout spiritus patrem & matrem uniuscujusque incitasset ad coitum. In fossis & secretis domibus convenientes (sicut dictum est anno Friderici Abbatis secundo) sacra quædam sua peragebant, post quorum finem extinctis lucernis se tenebris credebant. Cumque senior dixisset: *Crescite & multiplicamini, & replete terram;* mox absque discretione consanguinitatis vel ætatis mutuos ruebant in amplexus turpitudinem exercentes.

Spurcissima opinio  
Adamitarum de  
libertate &  
matrimonio.

Erat & alia hæresis perniciofa eo tempore in Bohemia, quam Orebitarum nuncupabant: cujus auctor fuit quidam Rodericus Presbyter natione Moravus; qui Religione contemptâ publicè duxit uxorem: quâ mortuâ secundam accepit: docens exemplo Apostolorum, Presbyteros debere uxoribus uti. Contra hunc Hæresiarcham Martinus Papa quintus Crucem nominatim fecit prædicari: quamvis hæc hæresis in pluribus annis vix tandem potuerit extirpari. Hujus detestandæ sectæ homines, quoties Catholicos deprehendissent Sacerdotes, aut igne cremabant, aut nudos rigente hyeme super glaciem colligatos, donec morerentur, dimiserunt. Eos verò, quos parvi æstimavere momenti, defectis virilibus abire permiserunt dicentes: *Ad quid vobis testiculi, qui non vultis uxoribus uti?*

Hæresis  
Orebitarum uxores  
concessit  
habere Sa-  
cerdotibus.

Joannes verò Zischka patronus hæreticorum, ut omnia tumultu agerentur à Pragensibus Christianis simul & hæreticis vocatus in auxilium contra Sigismundum Regem, contractis copijs, prius suorum consilio Sacerdotum templa, & Monasteria destruxit, asserens Soli Deo & nulli Sanctorum Ecclesiam esse dicendam. Hinc uno impetu Ecclesiarum pretiosissimarum plures, & multa Claustralium utriusque sexus sumptuosa Cœnobia miserabili vastatione hæreticorum funditus destructa fuerunt. Quam ob rem magna tandem inter Pragenses & Zischkam fuit exorta dissensio: quia nimis temerariè & contumaciter pro suo libitu omnia faciebat. Reversus ergo ad suos Taboritas multa contra Regem Sigismundum, & in circuitu Catholicos omnes, mala commisit, rapinas, incendia, & crudelissimas hominum neces. Capti enim oppidis, vicis atque Castellis, omnes Sacerdotes cum populo, & infantibus igne cremavit. Contra cujus sævitiam Christiani sæpius pugnaverunt, sed ab eo semper sunt victi, & interfecti. Postremò tandem ubi Sigismundus Rex pacem facere cum eo constituisset, peste correptus in itinere mortuus est, & apud inferos perpetuò sepultus.

Joannes  
Zischka de-  
struxit Ec-  
clesias &  
Monasteria.

Impiissi-  
mus Zisch-  
ka tandem  
peste con-  
sumitur.

Anno prænotato vicesimâ tertiâ die mensis Septembris, obiit Joannes ex Comitibus de Nassavv, Archiepiscopus Moguntinus anno Pontificatus sui vicesimo quarto: cujus Cadaver in Ecclesia Moguntina principali jacet

Joannes  
Archiepiscopus  
Moguntinus mori-  
tur,

Conradus  
Rheingraff  
ſit Archie-  
piſcopus  
Mogunti-  
nus annis  
quindec-  
cim.

humatum. Hic præſul ſtaturâ brevis, ſed ingenio valdè fuit aſtutus. Unde proverbium vulgare dicebatur: *Biſchoff Henſchin, iſt ein beſchiſſen Menſchin.* Bene rexit Eccleſiam, & bona plura fecit. Huic in Archiepiſcopatu ſucceſſit electione Canonicâ Conradus ex Comitibus Rheni de Lapide nuncupatis in Gudelsheim villa, electus decimâ die menſis Octobris poſt mortem prædeceſſoris ſui die ſeptimâ decimâ: Et præfuit annis fermè quindecim, amator cleri, & ſtudioſus deſenſor populi.

Joannes  
Dux Bur-  
gundiæ in  
ſidioſè oc-  
ciditur  
aſtante  
Rege.

Eodem anno facta eſt concordia inter Carolum Regem Gallia, & Joannem Ducem Burgundiæ poſt multas devaſtationes in Regno factas, tam per Angliæ Regem, quàm per ipſum Ducem memoratum. In ſignum verò pacis firmiſſimæ Rex unâ, & Dux Corpus Domini noſtri Jeſu Chriſti Hoſtiâ per Sacerdotem in duas partes diviſâ ſuſceperunt, ille unam & iſte aliam partem communicans. Litteris etiam neceſſarijs, & juramentis oportunitis pax illa ſufficienter, ut apparebat, confirmata extitit, & omnia tranſacti temporis geſta veniam acceperunt. Nec diu Dux poſtea memoratus, nihil ſuſpicans mali, nihil metuens, & nihil de pacis firmitate dubitans, in præſentia Regis à quodam milite peremptus eſt; quod Regis ordinatione factum fuerit, nec ne, mihi ſatis non conſtat. Major tamen fuit numerus eorum, qui Ducem Regis machinatione crederent occiſum, quàm illorum, qui ſentirent contrarium. In ſignum verificatæ opinio- nis fuit, quòd homicidam Ducis non ſolum Rex non punivit, ſed etiam in curia ſua, ut prius liberum introitum habebat & exitum. Metu tamen inſidiarum idem miles poſtea quandiu vixit, ſemper & ubique armatus inceſſit, loricam ſub veſte indurus, gladium portans à latere, & ſuſtem à baltheo dependentem.

Philippus  
Dux Bur-  
gundiæ ne-  
cem patris  
vindicat in  
Gallo.

Hanc Ducis mortem Philippus ejus filius mox ut audivit, vindicare cepit. Aſſumpto itaque Rege Anglorum Henrico in auxilium, Galliam totam igne & ferro per annos 4. hoſtili incurſione devaſtavit, Pariſium & plures munitiones alias expugnavit, obtinuitque ac funditus ſubvertit. Regem de Gallia in Civitatem Bituricenſem fugavit, incluſitque, ut quoquam egredi non auderet; unde jam non Gallia, ſed Bituricenſis Rex appellabatur Carolus, propterea quòd Philippo vaſtante Galliam præter eam Civitatem nullam haberet aliam, & nullibi eſſet ſecurus. Poſt annos 4. concordia inter eos facta eſt.

MCCCCXX.

Capitulum  
Provincia-  
le Ordinis  
noſtri ter-  
tium in  
Fulda ce-  
lebratur.

Anno Friderici Abbatis XX. Indictione Romanorum XIII. quintâ die menſis Maij, celebratum fuit in Monasterio Fuldenſi, tertium, Ordinis noſtri Provinciale Capitulum, in quo præfederunt iſti: Fridericus Abbas hujus Monasterij Hirſaugienſis, Lampertus Abbas Montis Monachorum, Babenbergienſis, & Henricus Abbas S. Godhardi prope Hildeſheim. In eo Capitulo Patres multa & varia pro reformatione Monaſteriorum & perſonarum Ordinis tractaverunt, omnia quoque ſtatuta præcedentium duorum capitulorum denuo produxerunt in medium, pauca de novo adiicientes. Sed monachorum nimis inveterata deformatio non admittit diſciplinam, donec tandem Bursfeldina convaluit inſtitutio, quæ mediantibus Episcopis & principibus multos reformavit invitos, qui ſuâ ſponte ad Regulam ambulare contempſerunt.

Eodem



Eodem anno Martinus Papa V. ad instantiam Sigismundi Regis Cardinalem Anglicum Regiâ stirpe natum misit in Germaniam Legatum prædicare Crucem contra Bohemos Hæreticos, qui Monasteria & Ecclesias Dei temere succendentes, fidelem ubique populum unâ cum Sacerdotibus Monachis & Clericis crudeliter occiderunt. Rex igitur Sigismundus Legati confortatus præsentia litteras per totam Germaniam ad Principes terræ destinavit, monens & rogans, ut armati venirent quantocius in auxilium sibi contra gentem rebellem hæreticam schismaticam & perversam. Ad cuius mandatum convenit maxima pugnatorum multitudo, quam in tres diviserunt exercitus. Primum exercitum ducebant Saxonie Duces, Comites 2. Barones, & Cives urbium Stagnalium, quæ vulgariter Seestätt nuncupantur. Secundum constituerunt Franci Orientales, quorum Dux erat Fridericus Marchio Brandenburgensis. Tertium duxit Otto Archiepiscopus Trevirorum, quem sequebantur Rhenenses, Bavari, & Regni Cives Alemanniæ. Nemore transmissio Bohemico in unum convenerunt, castra in planitie camporum per ordinem collocantes.

Prima Christi-  
stianorum  
expeditio  
contra Bo-  
hemos.

Quod hæretici audientes collecto raptim milite in occursum fidelibus contendunt. Catholici autem, nescio quo metu perculsi, cum audissent contra se venire schismaticos, necdum viso hoste relictis papilionibus bellicisque instrumentis, & quidquid habuerant, omnibus fugerunt. Quibus properè fugientibus occurrit Legatus & attonitus interrogavit, cur fugerent; quo audito multum hortabatur, ut pedem sisterent, & contra schismaticos viriliter certarent. Quod cum frustra niteretur, turpis fugæ socius necessariò factus est. Nec destiterunt Catholici prius fugere, quam persequi cessassent hæretici, quibus prædam non modicam reliquerunt.

Catholici  
nemine  
persequen-  
te fugerunt  
de Bohe-  
mia.

Claruit his temporibus in Bavaria Joannes Monachus Ordinis nostri Coenobij Castellensis in Dioecesi Eichstatteni homo studiosus, doctus, & multæ lectionis, qui scripsit in Regulam sanctissimi P. N. B. duo magna volumina. Breviarium Bibliæ librum unum, de Passione Domini sermones XL. De illustribus viris Ordinis nostri, librum unum, sermones quoque multos & varios non inelegantes ad Monachos. Cætera quæ lucubavit, necdum vidimus.

Joannes  
Monachus  
Castellen-  
sis scribit  
super Re-  
gulam.

Joannes quoque oriundus de Erfurdt hæc tempora lucubrationibus suis reddidit clariora. In magno quippe Concilio Constantiensi scribendo & disputando contra Hussitarum errores facile obtinuit Principatum. Scripsit inter alia super sententias Petri Lombardi libb. IV. Commentariorum quoque in Genesim lib. I. In exodum librum unum. In Leviticum lib. I. In omnes Epistolas Pauli libb. XIV. Alia insuper scripsit, quæ non vidimus.

Joannes  
Zacharias  
Erfurdeus  
Theologus  
plura scri-  
psit.

Nicolaus de Dinckelspül, patria Suevus, divinarum scripturarum Doctor insignis, unus ex quinque nationibus deputatorum de sex nationis Germanicæ ad eligendum Romanorum Pontificem in Concilio Constantiensi, magno his temporibus in Austria pretio habebatur apud Viennenses, legendo, & scribendo, de cuius lucubrationibus vidi subjecta. In IV. libros sententiarum Petri Lombardi libb. IV. Quæstiones sententiarum, lib. I. De VII. donis Spiritus Sancti, lib. I. De decem præceptis lib. I. Super oratione Dominica, lib. I. De octo beatitudinibus, lib. I. De tribus poenitentiae partibus lib. I. De vitijs capitalibus libb. II. Sermones de Tempore

Nicolaus  
de Dinckel-  
spül Theo-  
logus mul-  
ta compos-  
uit.

& de SS. composuit plures. Alia quoque multa lucubraſſe dicitur, quæ ad notitiam meam non venerunt.

Petrus de  
Roten-  
heim Mo-  
nachus  
Mellicenſis  
Poëta plura  
ſcripſit.

Petrus de Roſenheim Monachus Mellicenſis ad ripas Danubij fluminis in Auſtria Ordinis S. Benedicti, homo in divinis ſcripturis ſtudioſus, & non parum eruditus, ſcripſit his ferme temporibus metro & proſâ haud ſpernendæ lectionis opuscula, è quibus extant ſubjecta. Hortatu Nicolai de Dinckelſpül Doctõris ſupra dicti ſcripſit ad Brandam Cardinalem Papæ Clementis Legatum per Auſtriam metricum opus ſuper totius Bibliæ capitula, quod prænotavit. Roſeum memoriale divinorum eloquiorum. Hiſtoriam quoque ſui temporis brevem, ſermones, & epiſtolas varias composuit, & alia quæ non vidi.

MCCCXXI.

Conventus  
cum Rege  
ſit principũ  
Nurenber-  
gæ contra  
Bohemos.

Anno Friderici Abbatis XXI. Indictione Romanorum xiv. Sigismundus Rex Conventum indixit Principibus Regni omnibus, apud Nürenberg oppidum, in quo multi comparuerunt, alij per ſe, alij per ſuos procuratores: aderat in eo conventu miſſus à Papa Martino ejus nominis V. Julianus Cardinalis S. Angeli Apoſtolicus Legatus. Conſenſu igitur Principum, Epiſcoporum, Ducum, Marchionum, Comitum & Civium Regni ſecunda in Bohemos expeditio decernitur, rursùmque Fridericus Marchio Brandenburgensis Dux belli primus & principalis declaratur.

Secunda  
Chriſtiano-  
rum expe-  
ditio con-  
tra Bohe-  
mos.

In hanc expeditionem Otto Archiepiſcopus Trevirorum, Conradus Archiepiſcopus Moguntinensis, Theodoricus Archiepiſcopus Colonienſis, Joannes Epiſcopus Herbipolenſis, Franciaque Dux Orientalis, Epiſcopus Babenbergensis, Epiſcopus Auguſtenſis, Epiſcopus Eichſtattenſis, & alij plures Epiſcopi & Abbates, Ludovicus Comes Palatinus Rheni, Fridericus Dux Saxonie, Albertus & Chriſtophorus Duces Bavarie; Joannes & Albertus Marchiones Brandenburgensis; ſocietas magna Suevorum, quam S. Georgij eo tempore nuncupabant. Cives, Principes & Communitates Regni omnes præcepto Regis auxilia miſerunt.

Exercitus  
Chriſtiano-  
rum Lxii.  
millium  
intravit Bo-  
hemiam.

Convenerunt ergo ex diverſis Regni partibus in eam expeditionem ſupra quadraginta equitum millia, numerus verò minor fuit peditum. Fridericus igitur Marchio Brandenburgensis Dux & Capitaneus belli, habens in latere Cardinalem & quosdam alios Principes cum valido Chriſtianorum exercitu intravit Bohemiam, villasque mox Hæreticorum incendit, oppida ſubvertit, in quibus non ſolum avaricia, ſed etiam nimia crudelitas militum Chriſtianæ humanitatis meſuram exceſſit, qui obvios ſine diſcretionem ſexûs vel ætatis necabant quoscumque, aliisque exercentes turpia, quæ non decebant Chriſtianos. Hæretici verò mox ut cognoverunt Chriſtianorum adventum, contractis copiis tumultuariè ut poterant, in eorum properabant occurſum. Quod ubi Chriſtianiſ innotuit, omnium rursus pavor mentes invaſit, & priusquam hoſtem cernere poſſent vel audire, turpem illam fugam ſubiverunt. Hortabatur quosque Julianus Cardinalis forti animo exſpectare hoſtem, dicens: geri bellum pro Chriſtiana Religione, ideoque turpiſſimum fore Germanis, quos metuit orbis terrarum, hoſti necdum viſo tergum dare & fugere, ſed fruſtra omnis adhortatio fiebat, apud eos maximè, quorum metus pudorem evicerat. Inter fugiendum projecta ſunt ſigna, multi quoque ut ad fugam eſſent promptiores, arma ſua projecerunt in terram & fugerunt.

Iterum Ca-  
tholici fu-  
gam ineunt  
nemine  
perſequen-  
te eos.

runt, ac si hostis, qui adhuc longè aberat, nec videri poterat, astartet in dorso. Videns autem Cardinalis, quòd omnes rapido cursu fugerent, invitus fugit & ipse. Altera Christianorum turpis ab auditu schismaticorum fuga describitur.

Quòd nostri toties fugam iniere turpem, non à facie, sed auditu Bohemorum, causam, seu verius opinionem causæ, quam à senioribus accepimus dudum, qui fuerant fugarum participes, simul & metus, breviter dicemus. Joannes Zischka, de quo plura jam diximus, capitaneus Princeps & defensor Hæreticorum mulierem quandam habuit sibi familiarem, cujus maleficia permittente Deo, simul & diabolo cooperante mirandæ habebantur virtutis & efficacæ. Nam quotiescunque bellum in schismate movissent Catholici, ad eam Zischka uti ad Apollinem suum, habebat recursum, quæ mox arte diabolicâ Christianis maximum immisit pavorem, nec destitit ab operatione maleficij, donec suos intellexisset esse victores, & Christianos omninò fugatos. Certum est, quod Zischka multa cum nostris bella commisit, & victor semper evasit.

Maleficio  
fugavit Zi-  
schka Chri-  
stianos.

#### MCCCCXXII.

Anno Friderici Abbatis vicesimo secundo, Indictione Romanorum xv. Martinus Papa V. juxta quod pronuntiari fecerat in Concilio Constantiensi cum suis Cardinalibus ad Papiam se contulit, & indictum Concilium celebrare cœpit. Expectabantur Nationes, cum ecce Papiam pestis subito invasit; unde præsidentes Concilij & locum & tempus mutare coacti sunt. Placuit ergo cunctis ex sententia Pontificis Senas migrare, quo major ex omni natione multitudo, quàm ad Papiam potuit convenire. Nec diu post propter subdolas in Pontificem machinationes Alphonssi Regis Arragoniæ dissolutum est Concilium, approbatis, quæ ad fidem pertinent constitutionibus. Verùm ne Conventum Christianorum Martinus Pontifex subterfugere putaretur, Concilium aliud generale post annum sextum proximè sequentem apud Basileam Germaniæ Civitatem celebrandum indixit: de quo tempore suo, quod occurrit, loco dicemus. Atque hoc modo schismatum, & discordiarum jacta semina per quosdam improbos, Pontificis prudentia suo tempore extinxit.

Concilium  
Generale  
apud Pa-  
piam cele-  
brari cœ-  
ptum est.

Concilium  
Basileense  
per Marti-  
num Pa-  
pam V. in-  
dicitur.

Eodem anno tertiâ die mensis Maij cum trium dierum continuatione sequentium celebratum est Ordinis nostri quartum Provinciale capitulum in Monasterio sanctorum Marcellini & Petri Martyrum in oppido Selgenstatt Moguntinæ Diœcesis. In quo præfederunt, Albertus Hirsfeldensis, Georgius Castellensis, & Theodericus in Amorbach Monasteriorum Ordinis nostri Abbates. In eo Capitulo multa fuerunt pro reformatione Ordinis utiliter statuta, quæ habentur.

Capitulum  
Provincia-  
le Ordinis  
quartum  
celebratur  
in Selgen-  
statt.

Anno prænotato Sigismundus Rex convocatis Episcopis & alijs Principibus Germanici Regni ad Ratisbonam Baviariæ Civitatem plura cum eis habuit consilia super expeditione denuo movenda in Bohemos rebelles atque schismaticos. Aderat in eodem conventu Principum Branda Cardinalis Apostolicæ Sedis Legatus, qui jussione Martini Papæ V. veniam & remissionem pollicebatur omnium peccatorum cunctis arma in Bohemos moventibus. Ejus hortatu, & petitione simul Sigismundi Regis, concluderunt Principes jam tertiò impios debellare Bohemos.

In



Inter Bava-  
riæ Duces  
fit concor-  
dia.

Tertia  
Chriſtiano-  
rum expe-  
ditio in  
Bohemos  
ſchiſmati-  
cos facta  
eſt.

Univerſi-  
tas Lova-  
nienſis in  
Brabantia  
fundatur.

Caſtrum  
Hohenzol-  
ra deſtrui-  
tur.

Scholaris  
puer à Ju-  
dæis Augu-  
ſtæ in arbo-  
re ſuſpen-  
ditur.

In eodem Conventu Principum mediante Sigismundo Rege facta eſt concordia, & reformata pax inter diſſidentes Bavariæ Duces, qui per decem & octo meſes in magna diſſenſione concertantes, non ſine oppreſſione, & injuria ſubditorum ſibi mutuò hinc inde igne ſimul & ferro plura intulerant damna. Igitur Principes & Cives juxta conditum in memorato Ratisbonenſi conventu miſſis & acceptis undecunque auxilijs, magnum pugnatorum contraxerunt exercitum, & Legato comitante prædicto in Bohemiam moverunt. In primo quidem introitu, ſicuti annotranſacto fecerant, crudeliterne dicam, an fortiter, nescio, ſævientes, villas & munitiones quaſdam obtinuerunt: interfectiſque habitatoribus cunctis ſine diſcretionem ſexus vel ætatis, ſubverſerunt: cupiditate poſtea & avaritiâ nimium ſuccenſi milites fortunam ſenſere contrariam. Contractis enim Schiſmatici copijs in Catholicos aciem dirigere ſtatuunt, Joanne Ziſchka ſæpe dicto ducente exercitum, qui non minus præfatæ mulieris pugnabat maleſicio, quàm lanceâ vel gladio. Denique Sigismundus Rex cùm videret milites Catholicos plus ad prædam voluntarios, quàm ad pugnam, iratus eſt, metuensque totius Regni ſubverſionem Bohemiæ, capti pænitere cepit, nam ſine ordine hinc & inde turmatim vagantes, nihil aliud quàm ſpolia quaſierunt. Interea Bohemi audacter cum exercitu appropinquantem alios Catholicorum occiderunt, alios jam tertio turpem verterunt in fugam. Actum tunc de ſchiſmaticis omnino fuiſſet, ſi Catholici fidem & Religionem avaritiæ præpoſuiſſent.

His temporibus Joannes Dux Brabantiae univerſale Gymnaſium in oppido ſuo Lovaniienſi fundavit, quod Martinus Papa quintus confirmavit, permittens in eo fieri omnium lectiones facultatum, præterquam in Theologia. Ejus tamen in Pontificatu ſucceſſor Eugenius quartus indulſit etiam Theologiæ lectiones

Anno prænotato poſt mortem Comitris de Wirttenberg relicta uxor ejus vidua comitatum per annos aliquos ſtrenuè gubernabat. Quotem- pore Comes de Zolren in ſuperbiam elatus deſpexit mulierem, quaſi regimini principatus indignam, eam ſubſannando his inter alia verbis: *Num vulva hujus mulieris fatulenta me vult, aut poterit denuò abſorbere?* Mulieri nuntiata ſunt hæc Comitris verba: ad quem ita ſcripſit: *Non ſolum te, ſed etiam Caſtrum tuum Hohenzolra, & omnia quæ ad jus tuum pertinent, mea devorabit vulva; ut diſcas te non mulierem inertem irritaſſe ſed principem tuam.* Igitur contractis mulier copijs auxilio Civium Regni terram Comitris memorati hoſtili apparatu intravit: omnia per circuitum igne ferroque devaſtans; deinde Caſtellum Hohenzolra nuncupatum ſitu & munitione fortiffimum per annum ferè totum continuâ obſidione valla- vit, quod tandem violenter capiens anno videlicet præſcripto funditus deſtruxit, & adhuc redijt victrix.

Eodem anno perfidi Judæi, qui morabantur in Auguſta Rhetiorum, Juvenem quendam ſcholarem nomine Ludovicum Etterin ex Bruk in Ergöv oriundum blanditijs & promiſſionibus extra Civitatem in proximum nemus ſeducentes, ſuſpendio necaverunt. Omnipotens autem Dei juſtitia innocentis pueri mortem latere non ſuſtinens miraculoſè manifeſtavit: ut & fidelibus per ſigna & beneficia ſanitarum conferret remedia, & ſceleratiſſimis homicidis, quæ meruerant in utroque ſæculo tormenta.

Puer

Puer enim coruscans miraculis in Augusta cum honore sepultus est: Judæi autem ignibus combusti.

MCCCCXXIII.

Anno Friderici Abbatis vicesimo tertio, Indictione Romanorum primâ, post mortem Rudolphi & Alberti Ducum Saxoniae sine virili semine, Sigismundus Rex contulit Ducatum unâ cum Principatu seu titulo electionis Friderico Misnensium Marchioni, contra quem se Fridericus Marchio Brandenburgensium potenter opposuit, asserens Saxoniae Ducatum sibi de jure competere; verum ubi suis conatibus intellexisset Regem & quosdam Principes esse contrarios, admisit concordiam, acceptisque à Marchione Misnensium Thuringiae Landtgravio florenorum millibus, juri quod habere videbatur renuntiavit. At superstes adhuc erat Henricus frater praedictorum Ducum Rudolphi, & Alberti; quem renitentem Sigismundus Rex Ducem fecit, & intitulavit Lövvemburgensem, id est, de Burgo leonis cum hæredibus suis, ablato ab eis titulo Ducatus Saxoniae simul & electionis Regni usque in praesentem diem.

Ducatus  
Saxoniae  
Marchioni-  
bus Mis-  
nensium  
conceditur.

Eodem anno in vigilia Nativitatis sancti Joannis Baptistæ obiit Reinhardus Dux Juliacenſis & Geldrenſis sine liberis. Post cujus mortem Arnoldus Comes de Ekmunda Geldria Ducatum obtinuit non minus favore incolarum, quàm juris patrocinio suffultus. Pro quo quidem Ducatu multis jam annis etiam temporibus nostris inter Maximilianum, & Reinhardum contentio duravit. Ducatum verò Juliacensem Adolphus Dux Montensis auxilio Theodoricæ Archiepiscopi Colonienſis potenter obtinuit: quem simul Ruperto filio suo donavit. Iste Rupertus mortuo jam dicto patre Adolpho, utrumque Ducatum Juliacensem videlicet & Montensem obtinuit, qui simul conjuncti sic permanent usque in praesentem diem.

Arnoldus  
Comes de  
Ekmunda  
fit Dux Gel-  
drenſium.

Anno praenotato, Carolo Rege Gallorum ejus nominis sexto viam universæ carnis ingressus, & apud S. Dionysium sepulto, Regnum Gallorum filius ejus Carolus septimus accepit, cujus mater fuit Elisabeth Bavariae Ducis filia. Regnum eo tempore Gallorum hinc à Burgundionibus, inde ab Anglis, nec minus ab his, qui se rebus consulere dicebant, miserabiliter laceratum jacebat, & in tantam pervenerat desolationem, ut Carolo memorato Regi septimo Bituricenses tantum parerent; & Bituricensis Rex ipse ab hostibus vocaretur; eodem namque anno paulo ante matrem Caroli sexti supradicti Regis obierat Henricus Rex Angliae, cui Henricus filius in Regno successit, levis homo & magnarum rerum audax & cupidus, qui se Regem Franciae, Angliaeque publicis atque privatis litteris, & forensi sigillo, monetæque quam cuderat, novâ, appellabat. Itaque Henricus cum ex vetustissima Eduardi Regis tertij querela, tum ea, quam dicturus sum ex causa, Regnum Galliae suum esse dicebat; nam dum Catharina Caroli sexti filia Henrico hujus Henrici Regis genitori daretur uxor, conditiones istae fuerunt interpositae, litterisque & sigillis utriusque confirmatae: *Si prae Henrico vitâ defungeretur Carolus, Galliae Regnum Henricus adiret: sin autem Henricus ante Carolum decedens filium relinqueret, ipse Regnum possideret.* Nullâ de Caroli filio, si forsan nasceretur aliquis, ut contigit, mentione habitâ.

Carolus  
septimus  
fit Rex  
Gallorum.

## MCCCCXXIV.

Anno Friderici Abbatis vicesimo quarto, Indictione Romanorum ſecundâ, mortuus eſt Erneſtus Dux Aſtriæ pater Friderici poſtea Imperatoris tertij, vir mitis & manſuetus, cultor Dei, amator Cleri, & pauperum ſingularis deſenſor, nec minus bello ſtrenuus, quàm in pace glorioſus.

Quintum  
Ordinis  
noſtri capi-  
tulum Pro-  
vinciale  
Herbipoli  
celebratur.

Eodem anno quartâ decimâ die menſis Maij, celebratum fuit quintum Ordinis noſtri Provinciale capitulum in Monasterio S. Stephani Proto-Martyris apud Herbipolim, in quo præſederunt Baldevvinus Luneburgienſis, Theodoricus Northeimenſis, Appello Sunsheimenſis, & Helfridus ſancti Joannis Rinckaugiienſis Monasteriorum ejuſdem Ordinis Abbates. In eo capitulo plura fuerunt pro reformatione Monasteriorum ſtatuta, quæ in actis habentur ejuſdem.

Anno prænotato Adolphus Dux Montenſis in manu ſuorum valida contra Ducem Lotharingiæ intravit denuo Comitatum Barenſem, & in paucis diebus magnam ejus partem obtinuit; verum poſtea cùm jam remiſſior factus in Monasterio quodam monialium voluptatibus carnis nimium indulgeret, nocte quâdam captus eſt, & in manus Ducis Lotharingiæ præſentatus, apud quem anno toto permansit captivus, nec prius liberari potuit, quàm ipſe cum filio ſuo Ruperto Duce Juliacenſi omne jus, quod ei competere videbatur ad prædictum Comitatum de Bare, in perpetuam poſſeſſionem detentori ſuo reſignavit. Itaque Lotharingiæ Dux terram Barenſem obtinuit uſque in præſens.

Inter Epi-  
ſcopum &  
Cives Wor-  
matienſes  
renovatur  
diſſenſio.

Eodem quoque anno inter Epiſcopum & Cives Wormatiienſes magna fuit ſuborta diſſenſio, propter certas in Civitate juridiſctiones Eccleſiæ, quas ad jus ſuum Urbani vocare laborabant. Ludovicus autem Comes Palatinus Rheni, Baviariæque, qui morabatur in Heidelberg, juſtas Epiſcopi partes tuebatur contra Wormatiienſes, cui cùm reſiſtere poſſent minimè, tandem Epiſcopo ſua reddere, pacem & concordiam petere, factamque ſuſcipere & ſervare coguntur.

## MCCCCXXV.

Anno Friderici Abbatis vicesimo quinto, Indictione Romanorum tertiâ, mortuus eſt Joannes Comes Palatinus Rheni, Baviariæque natus Dux, nepos quondam Ludovici Imperatoris quarti, filius autem Ducis Alberti ſine liberis. Iſte fuit Joannes ille, qui relicto Epiſcopatu, quem electus confirmatus & Subdiaconus non minus ſedecim annis tenuerat, uxorem duxit diſpenſante cum eo Conſtantiienſi Concilio, poſt obitum Wilhelmi fratris ſui, ut diximus, anno Friderici Abbatis nono, Comitatus Hannoniæ, Hollandiæ & Seelandiæ contradicente Jacoba fratris filia, ut ſupra dictum eſt, occupavit.

Burgundiæ  
Dux obti-  
nuit Hol-  
landiam  
Hannoniâ  
& Seelandiam.

Poſt mortem hujus Ducis & Comititis memorati Joannis, Jacoba filia fratris ut proximior hæres, iterum ſe de Comitatibus paternis cepit intrmittere, cui Dux Burgundiæ Philippus filius ſororis quondam Ducis Alberti reſtitit, & armatâ manu Hollandiam, Hannoniam, Seelandiam intrans, omnem terram illam ſibi potenter ſubjecit. Et ita prædicti tres Comitatus, quos Baviariæ Duces per annos ferme octoginta poſſederant, in deditiorem Ducum Burgundiæ pervenerunt uſque in præſentem diem. Primus ex Burgundionibus poſſeſſor fuit Dux Philippus, poſt quem Carolus filius ejus, qui filiam ſuam unicam nomine Mariam dedit Maximilia-

no



no Archiduci Austriæ, postea Regi Germanorum, uxorem; qui tertius possedit Hollandiam, post quem filius eorum Philippus Rex Castellæ quartus. Quo in Hispania mortuo, Carolus filius ejus hodie Principatur in Hollandia.

Eodem anno Dominus Otto Archiepiscopus Trevirorum piæ devotionis igne succensus mare cum patientia & humilitate non modica transijt, & sanctum Domini in Hierusalem sepulchrum visitavit, secum deferens pretiosa ornamenta altaris, armis insignita Pontificalibus, quæ pro ministerio cultus divini fratribus Minoribus in Monte Sion in memoriam suæ peregrinationis donavit.

Anno prænotato convenit magna militarium sive nobilium multitudo in regali oppido Sueviæ Efslingen dicto, ferales quasdam exercitationes inter se facientes in medio fori, quas torneamentum usitato vocabulo nuncupant.

Tornea-  
mentum  
Nobilium

#### MCCCCXXVII.

Anno Friderici Abbatis vicesimo sexto, Indictione Romanorum quartâ, Ludovicus Comes Palatinus Rheni Bavariæque Dux, ac Princeps Elector filius Regis quondam Ruperti, qui morabatur in Heidelberg, homo pius & inclytus, pro suorum remissione delictorum, mare devotus transijt, & sepulchrum Domini Hierosolymis visitavit: inde feliciter ad patriam reversus, barbam quam ex more nutrierat in peregrinatione, deinceps radi non permisit, sed in memoriam itineris sancti perpetuò servavit. Unde nomen Ducis barbati consecutus deinceps apud vulgares quandiu vixit non amisit.

Ludovicus  
Comes Pa-  
latinus  
Rheni visi-  
tat Domini  
sepulch-  
rum.

In eadem peregrinatione fuit socius itineris atque laboris Joannes ultimus Comes in Spanheim, vir non indoctus, & arcanorum naturæ valde cupidus, qui non modicam pecuniarum quantitatem professoribus secretarum artium, ut sunt Alchimistæ, Astronomi, Aruspices, magi & necromantici, exposuit; semper enim habuit in curia sua homines aliquos talibus vanitatibus intentos, à quibus etsi deciperetur sapius, etiam manifestè, nunquam tamen persuaderi potuit, ut eos à se repellere consentiret. Nam usque adeò curiositati vanæ consensit, ut se posse intelligere speraret latratus canum, & voces avium.

Joannes  
Comes in  
Spanheim  
ultimus.

Anno prænotato mortuus est Joannes de Fleckenstein Episcopus Wormatiensis octavâ decimâ die mensis Maij, anno Pontificatus sui sexto decimo, ante quem Episcopus fuit Matthæus de Cracovia Polonus, qui obierat anno Friderici Abbatis circiter nono in majori Ecclesia Wormatiensi sepultus. Hinc verò Joanni de Fleckenstein in Pontificatu Wormatiensi successit Fridericus de Domneck majoris Ecclesiæ præpositus, & præfuit annis decem & novem in paupertate Ecclesiæ.

Fridericus  
de Dom-  
neck fit Episcopus  
Wormatiensis an-  
nis XIX.

His quoque temporibus per continuum fermè septennium Angli cum Burgundionibus Galliam devastantes intollerabiliter clade affecerunt, ut paulo ante diximus. Erat illis diebus apud Valliconem in Gallia puella quædam viginti annorum nomine Joanna, quæ supra sexum & ætatem sapiens mirabilia aggredi non timebat. Nescio enim quo instinctu venit ad Regem Carolum septimum, asserens se missam à Deo, quatenus illi Regnum Gallorum restitueret ablatum. Vestem ergo simul & animum muliebrem deposuit, virilem utrumque assumpsit, accingentque

Joanna  
puella ad-  
mirabilis  
pugnat pro  
Rege Gal-  
lorum.

A a a 2

gladio

gladio latus armata caballum aſcendit, ſeque exercitus Ducem exhibuit: multa cum Anglis & Burgundionibus prælia geſſit, & ſæpius triumphavit, quouſque tandem ab Anglis capta, ut ſuo loco dicemus, cremata ignibus fuit.

Capitulum  
Ordinis  
Provincia-  
le ſeptimū  
Erfordiae  
celebratur.

Anno prænotato vicesimâ primâ die menſis Aprilis, celebratum fuit ſextum Ordinis noſtri Provinciale Capitulum Erfurdiae apud ſanctum Petrum, in quo præfederunt Joannes ſancti Laurentij Martyris in Uraugia, Henricus ſancti Ægidij in Brunſchvich, Georgius ſancti Ægidij in Nürenberga, & Nicolaus in Brenzahaufen Monasteriorum Ordinis noſtri memorandi Abbates. Plura in eodem conventu patrum pro reformatione Ordinis laudabiliter inſtituta fuerunt, quorum tenores in actis capituli de verbo ad verbum continentur.

MCCCCXXVII.

Inter Me-  
diolani Du-  
cem Philip-  
pum & Ve-  
netos fit  
concordia.

Anno Friderici Abbatis vicesimo ſeptimo, Indictione Romanorum quintâ, inter Ducem Philippum Mediolani, & Venetos, qui Florentinis confœderati multa in Longobardia conſtituerant prælia, pax & concordia reformata eſt; nec aliter Veneti in concordiam conſentire voluerunt, niſi Bergomum à Duce Mediolani, quaſi pro impenſis belli habitis, in ſuam prius recepſſent poteſtatem. Brixiam verò anno præterito violentâ manu ceperunt. Plures deinde Civitates, oppida & caſtella inſatiabilis Venetorum dominandi libido non ſolùm à Mediolanenſibus, ſed etiam ab Austriæ Ducibus, atque vicinis in circuitu principibus partim dolo & fraude, partim violenter eſt conſecuta, quorum occasione his etiam noſtris diebus multa oriuntur bella.

Inter Epiſc.  
Spirenem  
Rhabanum  
& Cives  
pro liber-  
tate con-  
tentio.

Eodem anno Rabanus de Helmſtatt Epiſcopus Spirenſis pro libertate privilegiorum, libertatum atque bonorum tam Cleri, quàm Eccleſiæ memoratæ, gravem & diuturnam cum Civibus ſuis habuit diſſenſionem, non ſine magno utriuſque partis incommodo. Hujus cauſâ diſcordiæ memoratus Pontifex in Clerum ſuum non eatenus conſuetum exactio- nis pondus impoſuit, per quod non minus Clerum, quàm antea Cives in odium ſui provocavit.

Cùmque & à Monasterijs maximè noſtri Ordinis, quæ tunc in ejus Dioceſi erant ſeptem, & verbis mollibus & minis charitativum postula- ret ſubſidium, omnes uno ore, unaque ſententiâ reſtiterunt, dicentes ſe ab omni exactione ejus liberrimos.

Fridericus  
hujus Mo-  
naſterij  
Abbas de-  
fenſor li-  
bertatis.

Fridericus quoque hujus Monasterij Abbas inter Prælatos Eccleſiæ Spirenſis non ultimus, ſed antiquâ & longâ conſuetudine non minus quàm Apoſtolice Sedis gratiâ Primas, ſingulari pulſabatur instantiâ, ut Epiſcopi precibus conſentiret, qui cùm eſſet vir prudens, & monaſticæ amator puritatis, optimè intellexit, quorſum hæc petitio nova Epiſcopi protenderet caudam: unde & poſtulantibus inconſueta reſpondit. *Ego Monasterium Hirſaugia ab omni precaria exactiōe cujuſcūque Principis & Epiſcopi reperi liberrimum, & à ſacro ſancta Sede Apoſtolica ſingulari gratiâ privilegiatum, cujuſ libertates inſuper & manutenere ac deſendere juravi, quod pro viribus etiam facturus ſum uſque ad mortem. Nihil dederunt antecēſſores mei Epiſcopo, & ego nihil ei dabo. Si vim inferre perrexerit, Judicem habemus com- munem, qui & illi & mihi ſuperior eſt, Pontificem Romanum, ad cuius pedes contra injuriantem deponam neceſſariò querelam.* Tacuit Epiſcopus, & Abbatis conſtantiâ admirans laudavit.

Hirſaugia  
libera dat  
nulli tribu-  
tum.

MCCCCXXVIII.

## MCCCCXXVIII.

Anno Friderici Abbatis XXVIII. qui & ultimus fuit, Indictione Romanorum VI. Sigismundus propter continua in Bohemos bella pecunijs, ut dicebat, exhaustus à Martino Papa V. litteris impetravit consensum, ut sicut à Civibus & Rusticis Regni Germaniæ, ita & ab omni Clero per latitudinem ejus, pecuniarum posset levare subsidium. Exactio itaque gravistam Clero, quàm populo per omne Regnum indicitur, à qua liber nemo habebatur. Qui mille florenorum possessionem habebat, ad fiscum Regium pendebat duos, qui verò centum, quartam floreni partem dare cogebatur. Reliqui omnes & singuli viri, & mulieres, filij & filiæ, servi & ancillæ, mercenarij, & familiares, quicumque & cujuscunque, quotquot annum impleverant ætatis xv. nullo penitus excepto tredecim obulos Hallenses, quorum duodecim faciebant unum album rotatum, & viginti quatuor albi tunc temporis florenum unum Rhenensem, solve ad instantiam Regis compellebantur.

Sigismundus Rex contributionem exegit à Clero & populo.

Hanc magnam & insolitam pecuniarum contributionem Rex Sigismundus, ut pugnaturus contra Bohemos Schismaticos, ab omni Clero & populo totius Regni Germanici satis importunè exegit, quamvis eam non ab omnibus impetraverit. Militaris etenim Ordinis homines per Sueviam & Franciam Orientalem, & simul pauperes suæ jurisdictioni subiectos huic exactiōi se submittere nullatenus consenserunt, dicentes se liberos esse à tributo, corpore tamen non pecuniā, si necesse fuerit, libenti animo pro Ecclesia, & regno pugnuros. Major autem pars reliquorum Germaniæ hominum impositam sibi collectam à Rege solvebat; cujus nihil aut parum contra Schismaticos fuit expositum.

Suevi & Franci Orientales Nobiles non consenserunt Regi.

Æstas fuit anno prænotato nimis humida, & aquarum inundatio frequens & multa, quæ intulit mortalibus multa incommoda, in agris, frumentis, pratis, hortis, & vinetis, & primò famem & caristiam magnam, ac deinde pestilentiam per universum penè Germaniæ Regnum horribilem induxit.

Anno prænotato XIII. die mensis Novembris, Fridericus Wifflinger hujus Monasterij Abbas XXXVII. jam senio & morbo plurimum gravatus moritur, anno Regiminis sui vigesimo octavo. Cujus corpus ante altare Catharinæ Virginis & Martyris debito cum honore sepelitur. Vir certè memoriā dignus, & in sua conversatione optimus, quamquam subiectos sibi Monachos ad regularis vitæ observantiam reducere minimè potuerit. Gravatum ære alieno Monasterium reperit, quædam solvit, sed omnino reddere liberum à debitis, sicuti voluisset, nequaquam prævaluit.

Fridericus II. Abbas Hirsaugiensis XXXVII. moritur.

## De Wolframmo, hujus Monasterij Hirsaugiensis Abbate XXXVIII. qui præfuit annis xxxi. mensibus ix. diebus viii. & gestis illius temporis.



Anno igitur Dominicæ Nativitatis prænotato MCCCCXXVIII. currente, Indictione Romanorum præscriptâ, XVI. die mensis Novembris, Prior & Conventus hujus Monasterij Hirsaugiensis in unum convenientes de ordinatione Novi pastoris neces-

Wolframmus Master h. Ab. bas XXXVIII.



Præfuit an-  
nis XXXII.

sarium cæperunt habere tractatum. Præmissis itaque Orationibus consue-  
tis, Missarumque celebrationibus adjunctis, Wolframum cognomento  
& familia Mayser unanimi consensu Abbatem elegerunt, virum provi-  
dum & regularis observantiæ præcipuum Zelatorem: qui confirmatus &  
benedictus juxta morem per Rhabanum de Helmstatt Spirenses Epi-  
scopum præfuit huic Monasterio in utroque statu satis utiliter annis XXXI.  
mensibus IX. diebus octo, non sine multis laboribus & tribulationibus  
magnis.

Wolfram-  
mus Abbas  
patria fuit  
Suevus.

Patriâ Suevus erat honestis parentibus ortus; cujus & nomen fami-  
liæ Mayser & genus inter Nobiles Alemanniæ notum permanet usque  
in præsentem diem, qui & ipse puer Monasterio huic à parentibus obla-  
tus, sub magisterio seniorum vivendi modum didicit, & observavit in-  
ventum. Nam & Fridericus Abbas, cujus historiam per seriem annorum  
digessimus, singularis devotionis affectu Monachos suos libenter ad regu-  
laris observantiæ integritatem reduxisset; unde sæpius ad eos piæ exhorta-  
tionis verbū tam in quotidiano capitulo culparum, quam extra fecit; quod  
in ore Wolframmi Spiritus Dei reposuit, & in corde ejus fructuosè plantavit.  
Factus enim Abbas verba sanctæ admonitionis, quæ toties à bono præce-  
ptore Friderico audierat, opportunitatem nactus convertit in opera, &  
eam Regularis vitæ observantiam, quæ à Mellicensi in Austria Cœnobio  
nomen habere cæpit, de cujus exordio supra diximus, anno Friderici  
Abbatis XVII. primitus huic Monasterio introduxit; quæ parvo durans  
tempore, malitiâ hominum causante rursus evanuit; diximus enim  
anno Friderici Abbatis memorato, quòd Mellicensium reformatio  
in multis Cœnobijs feliciter cæpit, sed in paucis valdè permansit. Con-  
siderans Wolframmus, quòd in observantia Mellicensium non esset con-  
stantia, sed paulatim in pristinam laberetur deformitatem, propterea  
quòd ipsi Mellicenses Provinciali Capitulo de triennio in triennium essent  
contenti: & suæ reformationis nullum omnino celebrarent Conven-  
tum, neque visitationis officium debita & necessaria cum diligentia exer-  
cerent; cupiensque posteritati non minus consulere ad salutem, quàm  
illis, qui tunc vivebant sub eo in humanis, observantiam unionis, & refor-  
mationis Bursfeldianæ, de qua supra diximus, anno Friderici Abbatis  
XVI. introduxit, sicut anno regiminis sui XXIX. plenius dicemus.

Abbas  
Wolfram-  
mus obser-  
vantiam  
Me licen-  
sem assump-  
sit.

Abbas  
Wolfram-  
mus obser-  
vantiam  
Bursfel-  
densium  
introduxit.

Erat autem Wolframmus Abbas, quantum ad corporis dispositio-  
nem pertinebat, staturâ bene proportionatus, plus crassus, quàm maci-  
lentus, capite rotundus, facie pulcher & decorus, incessu tardus & quâ-  
dam gravitate venerandus, eloquio dulcis & singulari facundiâ haud  
mediocriter disertus, plus tamen vernaculâ linguâ, quàm sermone  
latino. Ingenio tamen vigeat subtili, & vivace memoriâ; unde & in  
rebus agendis sive disponendis consilio prudentissimus habebatur, & om-  
nia quæ ad curam sui regiminis pertinebant magnâ prudentiâ gubernavit.

Moribus & conversatione fuit integerrimus, regularis quoque ob-  
servantiæ, quam introduxerat, non solum amator, sed custos quoque &  
operator tam in se quàm in subditis suis omni tempore vigilantissimus.  
Summo studio semper curabat se dignum omnibus Christi exhibere pa-  
storem, pro quibus nullum timuit unquam subire, aut ferre laborem.  
Verbis utebatur paucis atque rationabilibus; & sermo vanus de ore ipsius  
rarissimè

rarissimè procedebat. Mitis erat bonis ; severus indisciplinatis , & quidquid verbis boni docuit , operibus in se verum & sanctum demonstravit.

MCCCCXXIX.

Anno Wolfframmi Abbatis primo, Indictione Romanorum VII. Joannes Episcopus Herbipolensis Orientalisque Franciæ Dux unicus, rursus ædificare cepit castellum in ipsa Civitate Wirzburgensi , quod olim Gerhardus de Schvvarzenburg Episcopus inchoaverat, sed neuter eorum perfecit.

Joannes Episcopus Herbipol. ( castellum ædificare cepit.

Eodem anno X. die mensis Aprilis , quæ fuit Dominica secunda, post festum Dominicæ resurrectionis, celebratum fuit septimum Ordinis nostri Provinciale Capitulum in Cœnobio S. Michaelis Montis Monachorum propè Bamberg. In quo præfederunt Georgius Castellensis, Ortuvinus S. Petri Erfurdensis, Henricus de Gulpen S. Ægidij Nürenbergensis, & Hugo S. Benedicti in Alberspach Monasteriorum Ordinis nostri Abbates.

Capitulum Provinciale Ordinis septimum Bambergæ celebratur.

Claruit his temporibus apud Treviros Joannes Rhode Abbas Monasterij S. Matthiæ Ordinis nostri , patriâ Mosellanus ex urbe Trevirorum oriundus , vir æternâ memoriâ dignus , vitâ & conversatione religiosissimus, qui regularis observantiæ celeberrimus instaurator extitit, ex cujus laborioso fundamento nostra Bursfeldensis reformatio non parvum incrementum accepit, quemadmodum supra diximus, anno Friderici Abbatis XVII. Hic quondam litteris dedit operam in Heidelberg , Gymnasio, ubi Doctor Decretorum factus, jam tunc mente & corpore mundum videbatur contemnere, & ad tantæ Religionis introitum aspirare.

Joannes Rhode Abbas S. Matthiæ reformator apud Treviros.

Indereversus in patriam cùm esset Metensis Ecclesiæ Canonicus ac S. Simeonis Trevirensis Decanus, atque Curiae Episcopi Officialis Judex, tandem pro Christi amore contempsit omnia, ingressusque sanctam Congregationem Monachorum Carthusiensium prope Trevirim non sine admiratione multorum cunctis validum S. conversationis exemplum reliquit. Nec diu postea contra voluntatem suam à fratribus in Priorem domus unanimi consensu eligitur , & in tanta conversatione perseverat.

Joannes Rhode factus ex divite Canonico est Monachus.

Postremò ad instantiam Ottonis Archiepiscopi Trevirorum præcepto Martini V. Papæ de Carthusia invitatus extrahitur, & Abbas memorati Cœnobij S. Matthiæ prope Trevirim ordinatur. Factum est hoc non ambitionis intuitu, nec avaritiæ causâ, sed Christianæ studio pietatis. Cernens enim Otto memoratus Archiepiscopus regularis disciplinæ observantiam in omnibus suæ Diœcesis Ordinis nostri Monasterijs penitus collapsam, & cupiens mores ad puritatem Regulæ reformare claustralium, sæpeditum virum, quo meliorem habere non potuit, ad reformationis hujusmodi officium judicavit idoneum, quem & scientiâ litterarum & moribus sanctis optimè noverat imbutum.

Joannes fit Abbas S. Matthiæ ex Monacho Carthusiæ.

Ordinatus autem Abbas imprimis Monasterium S. Matthiæ, sibi commissum reformare studuit , propter quod multis laboribus , & infinitis se periculis constanti animo subjecit. Nam Monachi contra puritatem S. Regulæ in laxitate nimia conversantes, cùm dolerent assueta relinquere, multis modis & varijs insidijs de morte sancti Reformatoris ceperunt cogitare. Sed auxiliante altissimo Joannes veluti alter Helias pro Domo Dei Zelatus in spiritu tanto prævaluit, & Monasterium suum S. Matthiæ Apostoli & quædam alia vicina reformavit.

Joannes Rhode Abbas factus reformavit Monasterium S. Matthiæ.

Introductâ

Joannes  
Rhode Ab-  
bas verbo  
& exemplo  
reformator  
optimus.

Introducťa postremò reformatione sancta, & improbis ejectis foras claustralibus, qui colla sua regulari subicere observantiæ recusaverant, Joannes reformator studiosissimos quosque introduxit Novitios, quibus non minus exemplo sanctæ conversationis, quàm verbo sedulæ admonitionis viam regularis observantiæ ac puritatis omni tempore ostendit. Et ne sanctum Reformationis, quod inchoaverat opus, per ignorantiam posteritatis, temporis interiret successu, novas ex collatione Veterum constitutiones edidit, in quibus observantiæ regularis per singula capita, juxta proprietatem regulæ sanctissimi Legislatoris nostri Benedicti pulcherrimâ ratione simul & copiosissimè providit.

Constitu-  
tiones  
Bursfel-  
densium ex  
Trevirensi-  
bus prodie-  
runt.

Ex quibus constitutionibus, ut supra diximus anno Friderici Abbatis XVII. Joannes Abbas & primus reformator Monasterij Bursfeldensis, & modum vivendi secundum puritatem regulæ assumpsit congruum: & instituta nostra, quibus nomen Patres nostri postea Ceremoniale dederunt, cum tempore acceperunt fundamentale documentum. Scripsit etiam de vita & regimine Abbatis librum non abijciendum. Moritur autem primâ die mensis Septembris anno Wolframmi Abbatis XI. Abbatia suæ Trevirensis xx.

MCCCCXXX.

Otto de  
Ziegen-  
heim Ar-  
chiepisco-  
pus Trevi-  
rorum mo-  
ritur.

Anno Wolframmi Abbatis secundo, Indictione Romanorum VIII. mortuus est Otto ex Comitibus de Ziegenheim Archiepiscopus Trevirorum ex morbo calculi, quo diu laboravit in oppido Confluentia. Cujus corpus Trevirim relatum in Principali Basilica sepultum est ante Chororum ad latus dextrum introitus coram Altari Beatissimæ semper Virginis Mariæ, quod ipse de novo erigens dotaverat, humili sepulchro. In cujus memoriam quotidie manè post matutinas, Missa canitur una de Beatissima Virgine Maria per Chorales, sicut ipse adhuc vivens instituerat in altari memorato juxta ejus tumulum cum organis & debita solemnitate.

Caput S.  
Matthiæ  
Apostoli à  
Confluente  
transfertur  
in Trevi-  
rim.

Fuit autem vir optimus, & benè rexit Ecclesiam Trevirensensem annis XII. pacem conservans in terra, & Cleri non minus reformator quàm Monachorum. Caput sanctissimi Apostoli Matthiæ, quod multis annis in Castello Montis, qui dicitur Herbilstein trans Rhenum prope Confluentiam oppidum, inter Archiepiscoporum thesauros latuerat, ad majorem suam Ecclesiam Trevirensensem cum ingenti devotione donavit, in qua debito cum honore servatur usque in præsentem diem. Sunt qui dubitant ipsum caput esse S. Matthiæ Apostoli, asserentes quòd caput sit potius cujusdam sancti Matthiæ Jerosolymorum Episcopi. Sed mihi satis curioso hujus rei inquisitori persuasum confiteor, ipsum esse verum caput Matthiæ Apostoli; quod sancta Helena mater Constantini cum integris ossibus ejus quondam ab Jerusalem cum alijs sanctorum reliquijs multis ad Trevirim transferens apud S. Eucharium extra muros collocaverat; qui locus nunc Monasterium S. Matthiæ Apostoli nuncupatur.

Jacobus de  
Sirck ab  
una parte  
capituli in  
Archiepisc.  
eligitur.

Ottone autem Reverendissimo Præsule mortuo atque sepulto, Canonici discordantes in electione, cladem Ecclesiæ Trevirorum irrecuperabilem suscitaverunt. Una siquidem pars eorum, quæ & major erat numero, & sanior consilio, Jacobum elegit de Sirck majoris Ecclesiæ Trevirorum Canonicum atque scholasticum & Herbipolensis Ecclesiæ præpositum,



positum, virum optimum, vitâ & conversatione honestissimum, prudentiâ & consilio nulli Canonorum suo tempore secundum.

Contra quem Fridericus de Crovia præpositus, Henricus de Pittingen Canonicus cum quibudam alijs paucis elegerunt Udalricum de Mander-  
scheid, cui ut consanguineo & amico adhæserunt Comites de Wirtenberg una cum nobilibus terræ. Unde non jure, sed armis Jacobo potentior factus, mox oppida, castella, & munitiones Ecclesiæ Trevirensis per totam Diœcesim in suam accepit potestatem, & subditos Ecclesiæ omnes in sua verba jurare coegit. Quanta hinc mala fuerint subsecuta, nobilis illa Trevirorum sensit Ecclesia, quæ tunc ære gravata alieno, deinceps manet onerata usque in præsentem diem.

Udalricus de Mander-  
scheid ab  
alia parte  
in Archie-  
piscopum  
eligatur.

Jacobus igitur necessitate compulsus cum auxiliantem non reperiret in patria, Romani Pontificis adiutorium invocavit. Papa igitur Eugenius ejus nominis IV. citatis ad se partibus, post longam concertationem, electionem amborum cassavit, & ad instantiam Ludovici Comitis Palatini Archiepiscopatum Trevirorum Rhabano de Helmstatt Spirensi Episcopo donavit. Hinc iterum nova præcedentibus adjuncta sunt mala, & Ecclesia Trevirorum plusquam in quadringentis florenorum millibus detrimentum substantiæ temporalis sustinuit. Totius enim patriæ Comites, Barones & Nobiles, Udalrico adhæserunt, & Apostolica mandata contemnentes admittere Rhabanum in Archiepiscopatum recusarunt. Jacobus autem Papæ obediens de Ecclesia se non amplius intromisit.

Rhabanus  
Episcopus  
Spirensis  
fit Archie-  
piscopus  
Trevirensis.

Cives autem Trevirenses ob reverentiam Apostolicæ Sedis Rhabano, ut vero Archiepiscopo suo adhæserunt. Unde commotus indignatione, magna Udalricus, contractis undique copijs amicorum, Civitatem ipsorum obsidione biennali obsedit, machinis, & multis insidijs eam capere gestiens, si potuisset. At Cives auxilio Ludovici Comitis Palatini, qui stabat pro Rhabano, fortiter agentes, hostium incurtus omnes cassaverunt. Biennio tandem elapso non sine confusione solverunt obsidionem, plus incommodi passi, quàm intulerant obsessis.

Romanus autem Pontifex posteaquam intellexisset mandata contemni, Udalricum ut invasorem Ecclesiæ cum omnibus adhærentibus sibi excommunicavit; & omnem terram Diœcesis (exceptâ Civitate Trevirorum, quæ sequebatur partes Rhabani) Ecclesiastico interdicto suppositum. Quod quidem interdictum annis plus quatuor duravit, non sine animarum periculo plurimarum.

Postremò Archiepiscopus Conradus Moguntinus, Archiepiscopus Coloniensis, & Fridericus Episcopus Wormatiensis, jussione Romani Pontificis vices interposuere suas; & inter dissidentes pacem & concordiam sub certis conditionibus reformarunt, ita videlicet, quod Rhabano cessaret Udalricus; verùm priusquam ista fieret inter dissidentes concordia, & anni præterire plures, & mala patriæ infinita, quæ summatim optimâ isthuc ratione paucis concludimus, ne per annos singulos in eis occupari specialiter compellamur.

Udalricus  
per concordiam cessat  
Rhabano  
contentionis  
anno IV.

Rhabanus itaque confirmatus in Archiepiscopum Trevirorum, superatoque per concordiam adversario, post quintum contentionis annum Trevirim ut Archipræsul ingreditur, & à Civibus amicis honorificè saluatur. Concordia enim facta est anno Wolfframmi Abbatis XI. sicuti per

Rhabanus  
à Civibus  
Trevirensibus ut  
vetus Archie-  
piscopus  
incipitur,

Bona  
Eccleſiæ  
Treviro-  
rum data  
in pignus.

Udalricus  
in Itinere  
Romano  
apud Thu-  
regum  
moritur.

Rhabanus  
hoſtem ſe  
Civium  
Spireſium  
ſcripſit pu-  
blicum.

Eccleſia S.  
Germani  
extra ur-  
bem per  
Spireſes  
deſtruitur.

Julianus  
Cardinalis  
pro Conci-  
lio ad Baſi-  
leam à Pa-  
pa mitti-  
tur.

ordinem ſuo dicemus loco ; ceſſit Jacobo de Sirck ante ipſum præelecto. Veruntamen Comes de Wirtenberg etiam poſt concordiam , ut præmiſimus factam non ceſſavit armis & inſidijs moleſtare Rhabanum , inferens Eccleſiæ ſanctæ Trevirorum igne ſimul & ferro multa incommoda , præſertim in eo pago , quem Engengavium nuncupant Incolæ , inter Confluentiam , Andernacum & Monasterium noſtri Ordinis , quod à proximo ſtagno Lacum nuncupamus. Nec quieſcere potuit iſta Comitum in Rhabanum perſecutio , quo uſque tandem pro impenſarum reſuſione , quas contra eum pro Udalrico fecerat , Caſtella quædam & villas , Schönek videlicet in Euphalia , Dunam quoque , Schönberg , Kempnich , Hammerſtein , & quædam alia , pro quadraginta quinque florenorum millibus in pignus accepſſet cum uſufructu annuo , donec ab Eccleſia Trevirorum redimantur. Interea Udalricus amicorum conſilio uſus Romam ire ſtatuit , delaturus contra æmulum querelas neſcio quas , ſperans ſe ad minus impetraturum , ut in Archiepiſcopatu Trevirorum ſaltem Rhabano ſuccederet. Qui cum veniſſet ad oppidum Thuregum Helvetiorum , morbo corripitur , & moriens ibidem ſepelitur. Rhabanus ergo jam in Archiepiſcopatu ſecurus & quietus ſolâ vexabatur inopiâ , & qui paucis Spiræ potuiſſet eſſe contentus Epicoſopus , apud Treviros multis jam Archiepiſcopis indigebat. Epicoſopatum Spirenſem annuente Papa Eugenio uſque in ultimum vitæ ſuæ annum cum Archiepiſcopatu Trevirorum retinuit , quem ante mortem ſuam Nepoti Reinhardo reſignavit , quemadmodum ſuo inferius loco dicemus anno Wolframmi Abbatis X.

Iſte Præſul Rhabanus , multas , ut ſupra dictum eſt , contentiones habuit cum Spirenſibus pro libertate Eccleſiaſtica. Unde Pontificatus ſui anno xxii. qui fuit Friderici Abbatis Hirſaugienſis xviii. publicum ſe Civium Spirenſium hoſtem ſcripſit , & denuntiavit inimicum , contractiſque undecunque pugnatorum copijs magnâ eos clade affecit , Ludovico Palatino Comite non ſegniter ferente auxilium. Vias omnes armatorum cuſtodiam præcluſit , ut nihil omnino Civitati poſſet inferri neceſſariorum , & nec egredi quiſquam , nec ingredi ad eos aliquis permittebatur.

Civestamen metuentes obſidionem urbis , ut litteras Epicoſopi diffidationis accepſſent , mox armati Civitatem egreſſi Eccleſiam S. Germani & omnes in circuitu habitationes Canonicorum igne ſubmiſſo funditus deſtruxerunt. Concordiâ tandem factâ per Sigismundum Regem inter Epicoſopum & Spirenſes , coacti fuerunt Eccleſiam & domos Canonicorum omnes , quas impio furore deſtruxerant , reædificare , & omnia in integrum reſtituere. Deinde poſt annos XLIV. Fridericus Comes Palatinus Rheni bellum gerens contra Joannem Epicoſopum , ipſam eandem Eccleſiam denuo deſtruxit , quæ nunc in Civitatem translata , ac nova constructa cernitur.

Anno prænotato Martinus Papa V. Julianum Cardinalem S. Angeli miſit in Germaniam , ut Concilium Generale inchoaret apud Baſileam , & ſuo in nomine præſideret , cæterâque faceret omnia , quæ ad illius conſummationem pertinerent. Qui veniens Baſileam intimavit Concilium futuro tunc anno proximo celebrandum : diſpoſitiſque rebus in Ungariam ad Sigismundum Regem Legatus Sedis Apoſtolice proſectus eſt , in

cauſâ

causâ videlicet Bohemorum, quos per Regem compelli rogavit, ut veniant ad Concilium.

Hyems hoc anno fuit humida, & calida & ver temperatum: in die autem Joannis ante portam Latinam, quæ fuit 6. mensis Maij, vis tanta frigoris erupit, ut vineta penè omnia destruxerit, non solum in Sueviâ, sed per totam fere Germaniam. Unde paucitas vini pretium auxit in tantum, quod ama vini una quatuor Hallensium libris in Suevia vendebatur. Die quoque ejusdem mensis duodecimâ iterum frigus inhorruit, & quod reliquum fuit in vitibus, per universam Orientalem Franciam destruxit.

Vineta in principio Maij frigore percunt.

Eodem anno Bohemi Schismatici Hussitæ collectis in unum viribus cum ingenti turmâ pugnatorum Bohemiam egressi, Marchionatum Misnensium intrârunt numero, ut ferebatur, non pauciores octoginta virorum millibus, incendio & rapinâ omnia devastantes: Marchio autem Misnensium contra eos magnum adunavit exercitum, sed tamen cum eis congredi non audebat, quanquam in exercitu centum quinquaginta millia virorum produxisse diceretur. Unde Bohemi liberè diripientes omnia ingentem abduxere prædam. Inde contra Marchionem Brandeburgensem sive Burggravium Nürenbergensem Fridericum faciem dirigentes, oppida illius nonnulla ceperunt, ac funditus destruxerunt, videlicet Plavven, Barreut, Kurpfenberg, Kulenbach, & Villas in circuitu plures, quarum nomina ignoramus. Posthæc intrârunt cum potentiâ & furore terram & dominium Episcopi Babenbergensis, cui multa intulerunt mala, villas & oppida sine cujusquam resistentiâ subvertentes non pauca, & omnia diripientes.

Hussitæ Bohemi Schismatici & raras fidelium devastant hostiliter.

Contra Burggravium Nürenberg.

Contra Babenbergenses.

Inter alia verò mala, quorum non est numerus, etiam insigne illud Ordinis nostri Monasterium Michelfeld memoratæ Babenbergensis Diocesis, sublatis omnibus, incendio funditus everterunt, quod postea restitutum est. In omnem Franciam Orientalem exivit Bohemorum terror, qui mentes Clericorum & Civium Babenbergensium usque adeò concussit & perturbavit, quòd relictâ Civitate penè omnes fugerunt vel ad nemora, vel ad alias urbestiores, Clenodia sua, quæ secum portare nequiverant, vel in domibus vel in campis suffodientes in terram, quæ terris pace redditâ sæpius quæritantes usque in præsentem diem non omnia repererunt. Episcopus autem cum suis Civibus consilio habito, cum Bohemos de terra expellere armis non possent, astutiâ tentârunt. Ad unius igitur anni spatium treugas sive pacem ab Hussitis pro duodecim florenorum millibus emerunt, quibus Bohemi acceptis à Babenbergensibus recesserunt, quamquam eis multa prius mala incendio & prædâ intulissent. Inde faciem verterunt contra Nürenbergenses, & in ipso itinere Graffenberg incendio subverterunt. Nürenbergæ Cives cum vidissent, quòd eorum furori ex æquo non possent resistere, de pace cæperunt consultare. Missis igitur nuntijs ad exercitum Schismaticorum pacem petunt, & mediante pecuniâ impetrant. Veruntamen plura in circuitu Monasteria, oppida, & villas igne concremârunt, homines interfecerunt, & cum prædâ multâ in sua redierunt. In reversione quoque Aurbach oppidum igne submissò destruxerunt; incubuerat enim timor eorum super multas terræ Gentes & nationes, propter nimiam eorum crudelitatem, cum nemo esset, qui furori eorum auderet resistere. Præ nimio autem timore

Michelfeld Ord. nostri Monasterium à Bohemis incenditur.

A facie Schismaticorum Christiani relictis Civitatibus fugerunt.

B b b 2

Homines



Homines Franci & Bavari Saxones & Thüringi, Misnenses & eorum vicini relictis, ut dictum est, Castellis & urbibus ad nemora vel ad remotiora loca plurimi fugerunt. Cives quoque Herbipolenses audito Bohemorum excursu, de consensu Episcopi fossata & muros urbis, quos Gerhardus de Schvvartzenburg Præsul quondam dejecerat, restituere & ædificare cæperunt nimio terrore perterriti.

Joannes de  
Baden postea Trevi-  
rorum  
Archiepisc.  
nascitur.

Anno prænotato xiv. die mensis Junij, horâ quintâ minuto 53. post medium noctis manè natus est Joannes postea Trevirorum Archiepiscopus Patre Jacobo Marchione Badensium genitus, qui vixit annis novem & sexaginta, mensibus quoque duobus & sex diebus, de quo plura suo inferius tempore & loco, si annuerit Dominus, dicenda erunt.

MCCCXXXI.

Eugenius  
IV. sic Papa  
sedet an-  
nis xvi.

Anno Wolframmi Abbat̃is III. Indictione Romanorum ix. Martinus Papa die xxvi. mensis Februarij Romæ apoplexiâ tactus moritur, & apud S. Joannem Lateranensem sub æneo tumulo sepelitur. Cui Gabriel Candelmerius patriâ Venetus in Pontificatu successit, qui dictus Eugenius IV. præfuit annis xvi. electus anno prænominato xiii. die post Martini obitum, hoc est, v. nonas Martij.

Carolus  
Dux Lotharingiæ mo-  
ritur.

Eodem anno primâ die mensis Maij obiit Carolus Dux Lotharingiæ, post cujus mortem inter Ducem Barensem & Comitem de Widmont gravis est subsecuta dissensio, quorum uterque jure hæreditatis se proximum ad Lotharingiæ Ducatum confirmabat, nec eos quisquam renovare ad concordiam potuit, quo minus bellum atrocissimum ex dissensione oriretur.

Bellum fit  
atrox in  
Ducatu  
Lotharingiæ.

Anno igitur prænotato die 2. mensis Julij, quæ Festo Visitationis Beatissimæ Mariæ semper Virginis in Ecclesia Dei erat sollemnis, factum est prælium magnum inter memoratos principes in Regno sive Ducatu Lotharingiæ prope novum Castrum, in quo multi Comites & Nobiles fuerunt ex Provinciâ Cis-Rhenana cum Duce Barensi mercede conducti: Marte ambiguo satis diu pugnatum est, & multi ab utrâque parte ceciderunt, plures tamen ex parte Ducis de Bare, qui amisit in eodem conflictu sexcenta & duo millia virorum. Postremò tamen Comes de Widmont obtinuit victoriam. Sol eodem die ac per sequens biduum sanguinolentus ibidem apparuit.

Comes de  
Widmont  
obtinuit vi-  
ctoriam.

Quarta Ex-  
peditio  
Christianorum in Bo-  
hemos  
Schismaticos.

Anno item prænotato xiv. die mensis Augusti factum est quartum inter Christianos & Schismaticos Hussitas bellum in Bohemiâ, de quo nostri parum laudis reportarunt propter eorum superbiam, & inordinatum modum præliandi. Habebant Christiani, ut tum ferebatur, in suo exercitu centum millia pugnatorum & tredecim millia currum. In principio certaminis Christiani fortiter pugnarunt, sed rumore in exercitu, quasi plures advenissent in auxilium Bohemorum, excitato subito nostri fugere in proximos montes, & nemora cæperunt, quos insecuti Hussitæ decem eorum millia occiderunt, & sex millia currum cum multa præda comprehenderunt. Julianus Cardinalis S. Angeli Sedis Apostolicæ Legatus pro Fide Christi Zelator integerrimus, videns fugam Christianorum, compulsus fugere & ipse lachrymans dixit: *Heu peccata nostra persequuntur nos.*

Eodem

Eodem anno in die S. Mariæ Magdalenæ, tempestas æris magna est suborta, quâ nimium horribiliter insonante fulgur de Cœlo cecidit, & Ecclesiam S. Catharinæ in Oppenheim succendit, in qua duo homines ex nimio terrore subito fuerunt mortui, & sex alij pro semimortuis deportati. Quicquid in agris frumentorum aut fæni remansit, in totum perijt eâ tempestate.

Ecclesia S. Catharinæ in Oppenheim fulgure incenditur.

Anno præscripto Anglis & Burgundionibus oppidum in Gallia, quod Compendium nuncupatur obsidentibus, Joanna admirabilis illa puella de qua diximus anno Friderici Abbatis XXVI. subsidium ferens obsessis, cum oppidum ingressa esset, paulo post eruptione in hostem factâ, in medium illorum concluditur, nec redire ad oppidum permissa est, licet multum conaretur. Capta igitur ab Anglis in Rothomagum ducitur, & tanquam malefica ignibus crematur, dato ei pro crimine, quod virili veste usa fuisset Foemina. Prius tamen quàm sententiam acciperet mortis, frequenti foro & crebris consultationibus puellam hostis tentavit, de fide atque Religione Christi multa scrutatus. Arbitrabatur enim, mulierem magiâ aliquâ edoctam à Carolo Rege assumptam esse, & propterea illum à Catholicâ veritate aberrantem Regno penitus indignum. Combustam anno prænotato in mense Majo puellam Rupertus Gaguinus refert.

Joanna mirabilis puella ab Anglis capta comburitur.

Hoc ipso anno Sigismundus Rex Germanorum unâ cum Legato Sedis Apostolicæ Juliano Cardinale S. Angeli profecturus ad Basileense Concilium Generale inchoandum, venit ad oppidum Comitis de Wirtenberg Tübingen cum mille ferme equitibus, quos Comites omnes splendide in Tübingen, Balingen & Schorndorff susceptos hospitio aluerunt, nihil ab eis recipientes. Eugenius autem IV. mox Pontificatum ut fuerat adeptus, Julianum suprascriptum Cardinalem S. Angeli, quem Martinus Papa V. Legatum miserat priori anno ad Basileam pro Concilio celebrando, confirmavit.

Sigismundus Rex cum Legato Apostolico venit in Tübingen.

Anno item prænotato in mense Novembri die 19. subito nix magna frigus maximum subsecutum fuit, hyems asperrima fuit in tantum, quod omnia penè flumina Germaniæ usque ad diem Conversionis S. Pauli glacie cooperta molendi hominibus magnam fecere difficultatem.

Eodem anno mense Decembri, Julianus Cardinalis S. Angeli Apostolicæ Sedis Legatus Generale, quod Martinus indixerat, Concilium apud Basileam Civitatem Germaniæ inchoavit. Rege Sigismundo & multis Episcopis præsentibus; quod felicem & jucundum habuit introitum, sed finem sive exitum debilem & confusione plenum. Mox etenim confluent ex omni natione totius Europæ ad Concilium Pontifices Prælati & Principes, Germani, Galli, Anglici, Hispani, & Ungari, & in brevi tempore maxima hominum multitudo convenit. Imprimis Patres de Concilio Eugenium Papam per litteras & solemnes nuntios rogaverunt, ut venire ad Concilium dignaretur, propterea, quod morum reformatio sine eo fieri non posset. Quo negligente, ne dicam, contemnente, secundo, & tertio citatur, ac postremo tanquam rebellis & inobediens à Papatu auctoritate Concilij deponitur, & Amadeus quondam Sabaudix Dux tunc Monachus Carthusiensis in Pontificem eligitur, & Foelix ejus nominis IV. in sua obedientia nominatur.

Basileense Concilium incipitur.

Concilium Basileense primo confirmatur à Papa, sed postea revocatur.

Verum quia hæc per seriem decem annorum, quibus duravit Concilium, facta sunt, singula suis locis atque temporibus per ordinem notanda reservamus.

Multitudo  
Rustico-  
rum obse-  
dit Worf-  
matiam  
propter  
Judæos.

Anno item prænotato 20. die mensis Decembris, coadunata multitudo trium millium Rusticorum Worfmatiam inopinatè cinxerunt vociferantes & clamantes: *Tradite nobis Judæos, alioquin incendemus Civitatem.* Senatus de muris faciens verbum bonis eos sermonibus abire persuasit. Imaginem Crucifixi Jesu Christi præferebant in vexillo, & more rusticorum incedebant armati. Duces eorum sive Capitanei fuerunt pro majore parte sculteti ex vicinioribus in circuitu villis, qui omnes nimio in Judæos odio propter usuras laborabant.

MCCCCXXXII.

Inundatio  
aquarum  
maxima  
fuit.

Anno Wolframmi Abbatis IV. Indictione Romanorum x. hyems fuit asperissima multis nivibus abundans; quibus tandem cum glacie resistentia vis aquarum erupit, ut domos, Ecclesias & villulas juxta Rhenum plures funditus everteret, & multa hominibus damna inferret.

Capitulum  
Provincia-  
le Ordinis  
nostri VIII.  
in Augusta  
celebratur.

Eodem anno xi. die mensis Maij, quæ fuit Dominica tertia post Pascha, celebratum fuit Ordinis nostri octavum Provinciale Capitulum apud S. Udalricum in Augusta, in quo præfederunt Ortvinus S. Petri in Erdtordia, Joannes in Steina, & Henricus in Amorbach Moguntinensis, Constantiensis, & Herbipolensis Diocesium, nostri Ordinis Monasteriorum Abbates.

Sigismundus  
Rex pro  
Imperio  
intrat Ita-  
liam.

Anno prænotato Sigismundus Rex Germanorum magno cum exercitu in Italiam profectus, duplicem causam itinere uno expedivit, quorum altera fuit Corona Imperij, altera verò Basileensis confirmatio inchoati Concilij; Eugenius namq; Papa sicuti prius dictum est, Concilium in principio confirmavit, quod cum anno præterito fuisset inchoatum, cerne-  
rètque omnes ad illud confluere nationes, poenitentiâ ductus non diu postea revocavit, quem informaturus, ut revocationem cassaret, Sigismundus Rex in Italiam profectus est. Audiens Eugenius Sigismundi Regis in Italiam adventum territus est, & per nepotem suum Franciscum occultè sollicitavit Florentinos, ut introitum venienti prohibentes intercluderent. Ad quos missi Camerarij nepotis nuntij Florentinos in Papæ sententiam traxerunt. Rex autem Sigismundus invitis Eugenio & Florentinis agrum Senensem Germano stipatus milite intravit, & sex mensibus ibidem commoratus est. Veneti quoque Florentinis confederati Sigismundo iter præcludere, ne Romam peteret, conabantur, sed frustra: quia Philippus Mediolani Dux partes sequebatur ejus, quo auxiliante factum eorum contempsit.

Eugenius  
Papa Regis  
adventum  
impedire  
conatur.

Rex in agro  
Senensi  
moratur  
sex mensi-  
bus.

Venetorum  
10000.  
perimun-  
tur.

Eodem anno in mense Octobri Rege Sigismundo in Senensi agro moram, ut diximus, faciente unà cum Philippo Duce Mediolani, dolosi Veneti viginti millibus equitum & peditum versus Mediolanum procedentes Civitatem ipsam Duce absente per insidias & traditionem capere nitentur. Quod mox ut Regi Sigismundo innotuit & Duci (erant non procul à Mediolano) in manu Germanorum validâ persecuti sunt eos, & inopinatè inventos decem ex eis millia occiderunt, pluribus eorum captis, reliqui turpiter fugientes hinc inde fuere dispersi, quos Germani usque ad Civitatem Cumanam persecuti sunt.

Operæ



Operæ pretium fore existimo, si familiare Venetis unum è pluribus beneficium eo tempore contra Sigismundum tentatum, ad notitiam posteritatis litterarum firmitate perduxero: præmoniti discant Germani & Reges & Principes in periculis nunquam Venetis esse credendum, qui ut suam possent ampliare Rempublicam, contradicenti etiam S. Petro non parcerent, quin veneno interire cogeretur, si manifestum forsitan in illum non auderent patrare homicidium, de quorum dolis & fraudibus plura suo loco dicemus. Superati, victi, & confusi à Rege Sigismundo Veneti ad fraudes convertuntur occultas. Duos è suis submitunt, qui corrumpant pecuniâ Archistabularium Regis, ut scelus, quod erant facturi, silentio tegat. Consensit ille amore pecuniarum seductus, deditque Venetorum subordinatis, sicut petierant sellam, super quam Rex equitaturus sedere consueverat, quam illi veneno artificiosè circumlitam in locum reposuere consuetum. Jacebat in stramine puerulus dormiens cujusdam domicelli minister, qui ex strepitu intrantium sulcitus, audit omnia verba veneficorum, quæ habuerant cum Archistabulario, viditque illos veneno Regiam inficere sellam, stabularium quoque à submissis acceptare pecuniam, & continens secum timore in abdito, ne perciperetur ab eis, omnia diligenter considerabat. Egressis tandem cum Archistabulario veneficis surrexit de latibulo etiam ipse puer, & omnia, quæ viderat, suo domino nuntiavit. Quid plura? ad Cæsarem puerulus introducit, Archistabularij in dominum suum traditio secretè aperitur. Puero imperatur silentium, mandaturque Domino ejus, similiter ut negotium teneat secretum. Posterâ mox die Cæsar vocat Archistabularium, & dissimulans omnia, præcepit ut equum Regium, similiter & suum, præpararet ad spatiandum. Fecit ille, quod jussus erat, & ornatum equum scilicet Regium sellâ venenatâ duxit ad Cæsarem. Cui Imperator: *Tu inquit, meum ascende Caballum, & præcede ante me, ego interea tuum ascendo, ut videam, quàm convenienter meus incedat.* Respondit Archistabularius: *Abstine, ut ego servus pauper & modicus equum vestra Majestatis ascendam.* Cæsar urgebat ut ascenderet, excusabat ille multis & varijs modis recusans ascendere sellam Regiam, quam veneno noverat intoxicatam. Prævaluit tamen imperium Regis, & Archistabularius post multas tergiversationes vanè consumptas sellam ascendere mortiferam compulsus est. Cæsar equum traditoris ascendens cum alijs ministerialibus suis cursum direxit in Campum, & agitato caballo hinc inde semper stabulario nunc à latere, nunc verò præcedente in fronte quasi in modum exercitij Tyronum sese in horam longam omnes fatigare coacti sunt. Faciebat hoc Rex Sigismundus de industria, ut veneno diuturnâ exercitatione calefacto citius operaretur in traditorem. Cùmque post longam exercitationem & cursum equorum plurimum ex industria diutius continuatum, Sigismundus Rex stabularium examinandum super beneficio fecisset assistere, consilio totius Curiae adstante, & convictum atque confessum jussit custodiæ mancipari. Quem etsi omnes unâ sententiâ ignibus judicarent cremandum, tamen Cæsar illum interficere noluit, sed dixit: *Penas sustineat, quas meruit longas, & mortem, quam nobis paravit, diu cruciantem ipse patiat.* Nec diu postea tibia & crura ejus caperunt intumescere, & paulatim caro computruit, quo usque tandem ad interiora corporis venenum serpens vitam

Venetorum facinus nefandum contra Sigismundum Regem.

Puerulus dormiens in stabulo vidit Venetorum veneficia.

Imperator stabularium super Sellam venenatam sedere compulit.

Archistabularius veneno perijt, quod Cæsari parari consensit.

vitam extinxit. Plura Veneti his præſumpſerunt ſimilia, & quaſi paternum ſequentes vitium, quos ferro interimere nequeunt, veneno occidunt.

Rex Sigif-  
mundus  
Romæ Im-  
perialem  
ſuſcepit  
Coronam.

Igitur Sigifmundus Rex ſuperatis Alpiſus, victiſque dolofiſ Venetiſ & jure contemptiſ Florentiniſ Romam in manu validâ glorioſus ingreditur, ſuſceptuſque cum ingenti honore tam à Clero quàm à populo, Imperij Coronâ per Eugenium Pontificem donatur, anno Regni ſui in Germania ſecundo atque vigefimo, & imperavit deinceps annis quinque. Regrediens de Vaticano ad Lateranum plures in ponte Adriani tam ex Germaniſ quàm ex Italiſ juxta conſuetudinem milites creavit.

Poſthæc Imperator Sigifmundus Romam egreſſus cùm ſuiſ per Flaminiam iter fecit, ad Ferariam deinde viam continuans ad Mantuam pervenit, ubi Joannem Franciſcum Mantuæ Dominum in Marchionem ſublimavit, & ejus filio nomine Ludovico Barbaram Joanniſ Marchioniſ Brandeburgenſiſ filiam dedit uxorem, ex qua nata eſt Barbara Eberhardo Comiti Wirtenbergenſi, ac primo poſtea Duci uxor ſteriliſ copulata, de quibuſ infra ſuiſ temporibuſ & lociſ pleniorẽ faciẽmuſ mentionem.

Eugenius  
Papa ad in-  
ſtantiã  
Imperato-  
riſ ite-  
rum con-  
firmat  
Concilium  
Baſileenſe.

Imperator Sigifmundus Romæ cum Papa Eugenio exiſtens ab eo precibuſ & multiſ rationibuſ impetravit, quòd Concilium Baſileenſe iterum confirmavit, & ſe ad illud in propria perſona venturum repromiſit. Unde & quõſdam à Cardinalibuſ Imperatori abituro conjunxit, qui eum ad Baſileam præcederent, & neceſſaria pro ejus adventu præpararent. Sed poſt Imperatoriſ à Roma diſceſſum, iterum mutavit propoſitum, & non ſolùm venire ad Concilium renuit, ſed etiam illud nondiu poſtea denuo revocavit.

Conventus  
Principum  
in Argenti-  
na ob regale  
ſubſi-  
dium.

Anno prænotato in feſto ſancti Matthiæ Apoſtoli Conventus Argentinæ factuſ eſt multorum Principum, Epiſcoporum, Abbatum, Ducum Comitum, Nobiliũ & Oratorum Civitatum Regni Germanici, Sigifmundo Rege adhuc in Lombardia exiſtente & bellum cum Venetiſ agente. Et hæc erat eorum Conventus cauſa, ut mutuò inter ſe tractarent, quid Regi memorato reſponderent, pecuniarum à ſubdiſ Regni poſtulanſi ſubſidium, quatenus aucto miliciſ ſtipendio iter ſibi tutum pararet ad urbem contra Venetoſ. Poſt multoſ tractatuſ tandem finaliter concluſerunt, ut multitudiniſ eſt proprium, nihil pecuniarum Regi mittendum. Unde & nomine omnium reſcripſerunt excuſationeſ variã, multa ſe contra Bohemoſ expoſuiſſe præteritiſ temporibuſ aſſerenteſ, inopiãque preſſoſ non habere, quam mitterent pecuniam, ideòque precarentur Regiam Majeſtatem, ut negatam non malè ferret petitionem. Reſponſo tali Sigifmunduſ accepto tacuit, & poſtea Imperator coronatuſ non communiter omnibuſ, ſed ſingulariter ſinguliſ ſcripſit in hac forma verborum: *Princeps dilecte, noveris noſ Omnipotentis Dei gratiã ſuperatiſ & confuſiſ adverſarijſ Romæ nuper Imperiali Coronâ fuiſſe de more inſignitoſ, quod tibi, ut nobiſ congaudeaſ, minimè voluimuſ eſſe celatum. Sciaſ quòd bellico apparatu neceſſariò multa conſumpſimuſ, & ære alieno gravati ſumuſ; cupienteſ autem ſummo honore in Germaniam reverti, neceſſarium duximuſ primò ſatiſfacere Creditoribuſ, quibuſ noſtra conſtant Clenodia obligata. Quapropter dilectionem tuam ſerioſius requirimuſ, & monemuſ, ut nobiſ omni excuſatione poſtpoſita decem millia florenorum expendere in ſubſidium non graveriſ, quo & tuam erga noſ bonam agnoſcamuſ Voluntatem, & in veniendo ad te pro hiſ perſonaliter, ſi poſtulata negaveriſ,*

Imperator  
indultriõẽ  
multam  
exegit pec-  
uniam à  
Regnicoliſ.

non

*non gravemur.* In hunc modum pluribus scripsit singulariter, cœteris ignorantibus rem, ab uno postulans florenorum triginta millia, ab alio plus, & ab alio minus, secundum quod unumquémque posse arbitrabatur. Similiter fecit cum inferioribus Regni Civibus. Et quia seorsum postulabat à singulis, & tali quidem industriâ, quòd omnes in unum pro deliberando, ut prius convenire non poterant, magnam summam pecuniarum brevi comportavit, cum unusquisque metueret vel solus esse, vel ultimus, qui subsidium non præstaret Imperatori postulanti.

Imperator  
vincit indu-  
stria contumaces.

Anno prænotato Feria 2. post Dominicam Oculi in Quadragesima. Rhabanus de Helmstatt Episcopus Spirensis ab Eugenio Papâ quarto de Archiepiscopatu Trevirorum litteras provisionis suæ contra Udalricum de Manderscheidt, & ejus defensorem Henricum Comitem de Virnburg, Moguntia, Spira, atque Wormatia, in valvis Ecclesiarum per Notarios publicari fecit.

Rhabanus  
Spirensis  
Jus suum  
ad Eccle-  
siam Trevi-  
rorum pu-  
blicat.

Eodem anno 27. mensis Junij obiit Bernardus Abbas Spanheimensis XVIII. anno ætatis suæ 78. assumpti verò Regiminis 42. necdum completo, de cujus gestis in historiis dicti quondam Cœnobij mei latam satis feci mentionem. Post quem Gobelinus de Cruzenach ordinatus Abbas præfuit annis septem.

Gobelinus  
fit in Span-  
heim Abbas  
XIX.

Anno præscripto inter Episcopum Joannem de Brunn, & Cives Herbipolenses, magna iterum fuit suborta dissensio. Duravit hæc discordia plusquam ad triennium, quo Cives continuè ducentos equites in urbe habebant stipendio conductos, quorum Capitaneum similiter mercede constituerant Ottonem Palatinum Comitem Bavariæque Ducem, qui eodem tempore morabatur in oppidulo Mosbach. Episcopus autem cum suis in Castro, quod Dominæ nostræ appellatur consistens, quotidie Bombardis & machinis lapides mandavit in urbem jactari. Præceperat autem Jaculatoribus, ut Ecclesijs omnibus parcerent.

Inter Epi-  
scopum  
Joannem  
de Brunn &  
Cives Her-  
bipole- es  
discordia.

Eodem anno Rex Poloniae confœderavit se cum Bohemis Schismaticis contra Basileense Concilium, & universam nationem Teutonicam, exceptis Austriæ Ducibus tantum, sed nihil memoriâ dignum aut fecerunt aut tentarunt.

Rex Polo-  
niæ confœ-  
deratur  
Bohemia.

Hoc ipso anno Conradus Archiepiscopus Moguntinus auxilio Francofurtensium obsidione vallavit Hattstatt. Quod post multos labores, & diuturnam impugnationem tandem in die S. Laurentij cepit.

Anno prænotato 9. die mensis Septembris nova Civitas Pragensis ex nimia inundatione aquarum pro majore parte cum lapideo ponte cecidit, & multos homines in horâ prandendi oppressit. Per circuitum quoque terram in longitudine viginti quatuor milliarium, & in latitudine quatuor aqua totam operuit: Urbes Villasque & domos sine numero subvertit, & multam cladem habitatoribus importavit.

Aquarum  
inundatio  
subvertit  
Pragam.

Eodem anno in mense Novembri Procopius Presbyter Bohemus cum ducentis Equitibus Hæreticis venit ad Basileam nomine totius Regni Hussitarum auditurus, quæ media Concilium proponeret, quibus pax in Ecclesia & unitas jam diu confusa, tandem reformari potuisset. Erat autem Procopius Presbyter Dux exercitus Thaboritarum, & in omnibus malis imitator & successor Joannis Zischæ, de quo plura diximus. supremus Hæreticorum Capitaneus, Ecclesiæ Romanæ hostis acerrimus, &

Procopius  
Hussitarum  
Princeps  
cum suis in  
Bohemia  
revertitur.



omnium Catholicorum persecutor extremus. Qui cum audisset propositionem Concilij suis opinionibus adversam, 20. die mensis Decembris Basileam exijt, & relationem facturum genti suæ auditorum, reversus in Bohemiam fuit.

Fratres in  
Richen-  
bach contra  
Hirsaugien-  
sem se cri-  
gunt.

Histemporibus facta est dissensio inter Wolframmm Abbatem hujus Monasterij Hirsaugiensis, & Fratres in Prioratu de Richenbach. Monasterium namque Richenbach à primâ fundatione suâ usque in præsentem diem pleno semper Jure fuit & est Abbati Hirsaugiensi subjectum, & ad ipsum pertinet instituere simul & destituere in eo Priorem, quoties sibi utile fuerit visum & oportunum. Anno autem prænotato post mortem Prioris Fratres loci non requisito Abbate (quod prius nunquam fuerat præsumptum) ex se alium constituerunt. Quod posteaquam Abbati innotuit, Electores præsumptuosos correcturus properavit, quos omnes in rebellionem conspirasse invenit. Cum autem se Jure nescio quo conarentur defendere (sequebantur enim consilia quorundam, à quibus fuerant decepti) & nullâ possent ratione induci, ut piè monentem sequerentur Abbatem, à Wolframmo citantur ad Generale Concilium Basileense, ubi cum advenissent, Judices acceperunt, qui sententiam pro Abbate tulerunt, ista, quæ dicimus auctoritativè decernentes. Imprimis videlicet, quòd Abbas Hirsaugiensis pro tempore existens, sicut ex antiquo semper habuit, ita deinceps perpetuò sit habiturus omnimodam super Monasterio in Richenbach & plenariam Jurisdictionem, in ipsiusque sit potestate solius, instituendi, ordinandi, continuandi, destituendi, deponendi, vel mutandi Priorem ejusdem Cœnobij, quando & quoties sibi visum fuerit expedire, sine contradictione Fratrum ibidem vel alterius cujuscunque. Simile judicium de reliquis ejus loci Officialibus fuit promulgatum, quos Abbas instituere & destituere potest, quotiescunque, & quando voluerit.

Privilegia  
Monasterij  
Hirsaugiensis.

Deinde Judices deputati à Concilio privilegijs Monasterij Hirsaugiæ diligenter examinatis recognoverunt, statuerunt, & confirmarunt, quòd Abbas, quoties in memorato Cœnobio Priorem voluerit instituere, non de ipsâ Congregatione, sed de Conventu Hirsaugiensi assumat idoneum, ne Fratribus in Richenbach superbiendi detur occasio, aut materia infidelitatis. Tertio nihilominus decreverunt, quòd plenum dominium ejusdem Cœnobij, sicut diximus, resideat penes Abbatem pro tempore existentem juxta privilegium & constitutionem primæ fundationis beati Wilhelmi Abbatis; & quòd Priores in Richenbach quolibet futuro tempore existentes neminem sine scientiâ & voluntate Hirsaugiensis Abbatis ad Ordinem suscipiant. Quarta Judicum Concilij fuit Constitutio, quòd Prior in Richenbach quolibet ævo existens Abbati suo Hirsaugiensium in præsentiam Fratrum singulis annis de receptis & expositis plenam dare & facere teneatur rationem, sicuti à temporibus beati Wilhelmi quotannis factum est, nemine recalcitrante. His per Comitium determinatis Fratres de Richenbach compulsi fuerunt se Abbatis obedientiæ subjicere, & Actioni temerariæ quam inceperant renuntiare.

Inter Archi-  
episcopum  
Moguntinum & Du-  
cem Hassiæ  
contentio.

MCCCCXXXIII.

Wolframmi Abbatis quinto anno Indictione Romanorum undecima inter Conradum Archiepiscopum Moguntinum & Ludovicum Hassiæ

siæ Landtgravium gravissimæ dissensiones exortæ belli causam dederunt. Præcesserunt autem congressum, ut fieri solet, incursiones, deprædationes, & incendia, quo usque tandem animis concitatis Landtgravius hostem sese, & inimicum Ecclesiæ Moguntinæ publicum declaravit. Contra quem Archiepiscopus contractis hinc inde copijs processit ad prælium, & commisso diu ancipiti bello tandem Ludovicus obtinuit Campum multis ab utraque parte cadentibus. Ex parte verò Archiepiscopi ducentos (alij dicunt sexcentos) Landtgravius abduxit captivos, qui libertatem non sine incommodo Archiepiscopi, & Ecclesiæ Moguntinæ pecuniâ multâ comparare coacti sunt.

Archiepisc: in bello superatur à Landtgravio.

Eodem anno Udalricus de Manderscheid Decanus Coloniensis & Canonici Ecclesiæ Trevirorum, qui, ut supra diximus, contemptor mandatorum Eugenij Papæ, cum Rhabano de Helmstatt Spirensium Episcopo contendebat de Archiepiscopatu Trevirensi, contractis undique copijs civitatem Trevirorum auxiliante Comite de Virnburg Henrico per biennium obsedit, Castra ponens in montibus vicinis, de quibus machinis & lapides projecit in urbem & ignem; Cives autem Ludovici Palatini Comitibus auxilio, qui Rhabani partes plurimum fovebat & tuebatur, cautissime custodiebant Civitatem. Unde cernens postremò Udalricus, quod nihil posset proficere, obsidione solutâ recessit, plus damni reportans & incommodi, quàm suis intulerat adversarijs.

Civitas Trevirorum biennio fuit obsessa propter Rhabanum.

Anno prænotato Hyems fuit asperrima & frigidissima: Sabbatho namque post Circumcisionem Domini Rhenus nimium exundans Wormatiæ ad forum pene ascendit. Moganus Herbipolim usque ad forum piscium penetravit: 12. mensis Januarij nix multa subito cecidit, quam pluvia subsecuta fuit, & post biduum frigus intensum, quod omnia flumina congelavit.

Eodem anno Feria sexta ante Pentecosten Conventus fit Principum in oppido Regali Franckfurt juxta Moganum, sed quia plures fuerunt absentes, nihil memoratu dignum actum fuit aut conclusum: nam, ut paulò ante diximus, Cæsar plurimorum consilia, ut contribuerent, industriâ prævenerat.

Conventus Principum,

Hoc ipso anno in die Pentecostes, quæ fuit trigesima prima & ultima mensis Maij, Sigismundus Rex Germaniæ, quod supra jam per anticipationem diximus, Romæ apud S. Petrum Coronam Imperij Romani de manu Eugenij Papæ suscepit, præsentibus Regina, Regibus Hispaniæ, Arragoniæ, & Portugalliæ simul & Duce Mediolani Philippo astantibus. Deinde Pontifex mediantibus Regibus memoratis, inter Sigismundum Imperatorem, Philippum Mediolani Ducem, Januenses, Venetos & Florentinos pacem reformavit ad annos quinque duraturam. Concilium quoque Basileense ad Imperatoris instantiam iterum confirmans, iterum postea revocavit, quemadmodum supradiximus, & ordine congruo dicemus.

Sigismundus Rex Romanæ fit Imperator.

Anno item præscripto mense Junio circa Festum sanctæ Trinitatis inter Ducem Montensem & Ducem Geldrensem fit bellum, & ab utràque parte non pauci ceciderunt. Capitaneus Ducis Montensis fuit Rupertus Comes Junior de Virnburg: cui Senatus Coloniensis ut defensori suo contra Geldrensem octingentos miserunt armatos, obtinuitque Victoriâ.

Inter Ducem Montensem & Geldrensem factum prælium.

Inter Du-  
cem Bur-  
gundiæ &  
Regem  
Galliæ.

Eodem quoque anno durante adhuc bello, quod Philippus Burgundiæ Dux in Vindictam paternæ necis per annos jam plures cum Anglis contra Gallorum Regem Carolum VII. continuaverat; egressus de Gallia Rex ipse memoratus, cum triginta, ut ferebatur, millibus pugnatorum, totam Burgundiam occupans hostiliter devastavit. Quod ubi Philippo Duci innotuisset, qui tunc erat in Brüssel oppido Flandriæ contractis armatorum viginti millibus tam ex suis, quàm ex Anglicanis expeditionem movit contra Gallum in Burgundiam; & facta congressione victoriam obtinuit, ac plus quàm duodecim (ut ferebatur) millia Gallorum interemit. Inde progressus denuo Galliam infinitis cladibus affecit, & Regem fugere coëgit.

Carolus  
Burgundiæ  
Dux hoc  
anno nasci-  
tur.

Eodem anno 10. mensis Novembris horâ quartadecimâ post meridiem minuto 29. in Brabantia natus est Carolus Philippi Ducis memorati Filius, qui multa cum Gallis & alijs gentibus bella constituit in vitâ suâ. Vixit annis 44. & in bello, quod contra Ducem Lotharingiæ habuit, prope Nanse à conjunctis Suitsensibus interemptus interiit.

Ludovicus  
Palatinus  
Comes cum  
Rhabano  
tendit ad  
Trevirim.

Anno etiam prænotato Feria quarta post Festum SS. Apostolorum Petri & Pauli Ludovicus Comes Palatinus Rheni Bavariæque Dux & Princeps Imperij Elector mandante imò & orante Papâ Eugenio, cum mille ducen- tis Equitibus & tribus fere millibus ex ordine pedestri Heidelbergam, exiensiter versus Trevirim direxit, introducturus Rhabanum Archiepiscopum in Civitatem si posset, aut certè ad minùs Civibus obsessis ab Udalrico laturus auxilium. Venit usque ad Tholeiam nostri Ordinis Cœnobium pervetustissimum, à sancto Pirminio Episcopo Dolensi Divi Mauri discipulo quondam constructum, & ibidem triduo substitit, cernensque, quod illâ vice Archiepiscopum introducere non posset, missis Trevirensibus auxiliarijs retrocessit. Post hæc nihilominus Feria tertia post Festum S. Jacobi Rhabanus Trevirim furtivè ingressus est nesciente Udalrico, & possessionem Archiepiscopatus accepit.

Bellum  
Teutonicorum  
in  
Prussia cum  
Polonis at-  
que Bohæ-  
mis.

His quoque temporibus Rex Poloniæ habens in auxilium Procopium Presbyterum Schismaticum, de quo præcedente anno mentionem fecimus, cum viginti millibus Hussitis de Bohemiâ terram Teutonicorum militum in Prussia hostiliter devastare cœpit. Contra quem dicti Ordinis milites ad prælium cum suis venientes atrociter pugnârunt, & victoriam consecuti Procopium nefandissimum Hæresiarcham cum viginti millibus, tam ex Polonis, quàm ex Bohemis interfecerunt, pluribus eorum in captivitatem abductis.

Inter Cle-  
rum & Ci-  
ves Mogun-  
tinos dis-  
sensio.

Inter Clerum & Cives Moguntinos hac tempestate magna fuit dissensio pro conservatione privilegiorum Ecclesiæ, quibus illi continuè violentiam intulerunt. Unde totus Clerus Moguntiam egressus habitabat in Altavilla, & in Rhingaugia, ut potuit hinc inde dispersus, quo usque tandem intervenit concordia. Anno autem prænotato Feria quinta post Festum S. Jacobi Apostoli, convenerunt in oppido memorato Altavilla Conradus Archiepiscopus Moguntinus, Theodoricus Archiepiscopus Colonien- sis; & cum eis Episcopus Leodiensis commissionem habentes à Basileensi Concilio, ut inter dissidentes concordiam reformarent. Aderant ex parte Cleri Comites decem & septem cum nobilibus multis: ex parte verò Civium missi quidam ex Spirensibus, Wormatiensibus, & Fran-



Frankenfurtenſibus, verum in illa diæta non fuit inter eos reformata Concordia.

Fuerunt his temporibus circa Rhenum in Suevia, in Francia Orientali, & in eorum confinibus multi Latrones ex eorum ordine, qui de generis nobilitate ſine virtutum operibus gloriantur: qui vias itinerantium obſidebant in inſidijs latitantes, & ſpoliabant omnes, quotquot poterant invadere prætereuntes.

Latrones & prædones devaſtant Regnum.

Anno præſcripto undecima die menſis Octobris intravit Baſileam Sigismundus Imperator ex Italiâ reverſus cum viginti duntaxat Equitibus, exercitu poſt ſe relicto. Patres autem de Concilio tunc laborabant ſuper deſiſtione Eugenij à Papatu, propterea quod tertio & quarto citatus venire contemneret. Quibus Imperator totis viribus reſtitit, metuens Eccleſiæ turbationem, quæ & brevi poſt ſubſecuta fuit, aſſerens & litteris comprobans manifeſtis, quia Concilium approbans confirmaverit, & ſe perſonaliter venturum promiſerit.

Imperator Sigismundus ex Italia veniens intravit Concilium

Eodem quoque anno duodecima die menſis Novembris, quæ fuit quinta FERIA poſt Feſtum S. Martini Sigismundus Imperator ſedens apud Baſileam in ſede Majeſtatis Jacobum Marchionem de Baden conſuetis Regalibus infeudavit. In ea pompâ ſolemni Wilhelmus Comes Palatinus Baviaræque Dux Imperialem globum tenebat manibus; Conradus de Winſperg ſceptrum, & Marſchalcus de Pappenheim in dextrâ ferebat gladium.

Eodem tempore memoratus Imperator Sigismundus litteras & nuntios per Regnum Germaniæ deſtinavit univerſum, quibus omnes Principes Archiepiſcopos, Epicoſcos, Abbates Regales, Duces Baronéſque & Regni Cives ad Baſileam vocans Civitatem, Imperiali citavit edicto ad reformandam in terris pacem, & reformandos non ſolum mores Lai-corum, ſed etiam Cleri. Cujus mandato plures conſentanei & obedi-entes venerunt, multi etiam manſerunt abſentes. Unde Imperator aliam, indixit regnicolis diætam conveniendi Baſileæ ad Feſtum Epiphaniæ Domini anno ſequenti proximo, ad quam omnes citavit ſub amiſſionis pæna Regalium, & omnium privilegiorum.

Conventus Principum apud Baſileam.

MCCCCXXXIX.

Anno Wolfframmi Abbatis Hirſaugiani VI. Indictione Romanorum duodecimâ mortuus eſt Conradus ex Comitibus Rheni Archiepiſcopus Moguntinus 10. die menſis Junij anno Pontificatus ſui XV. in Eccleſia principali Moguntina ſepultus cum honore, Clero, ut ſupradictum eſt, à Civibus expulſo, & in Ringaugiâ exulante.

Conradus Archiepiſcopus Mogunt. moritur.

Hujus tempore Pontificis multi fuerunt in Moguntiâ Judæi, quos omnes Rex Sigismundus neſcio quam ob cauſam præceperat carceribus mancipari, à quibus magnam auri quantitatem pro mercede libertatis extorſit, Cives etiam Moguntini hujus Epicoſci temporibus Clerum omnem præter Fratres quatuor Mendicantium Ordinum & Monachos S. Jacobi in Monte ſpecioſo de Civitate violenter expulerunt, fractiſque domibus eorum ſpoliarunt. Poſt mortem verò Archiepiſcopi Conradi conveniunt in oppido Bingen Canonici majoris Eccleſiæ, quia Moguntiam intrare non permittebantur, & præmiſſis Jure præmittendis Theodoricum Schenck de Erbach unanimiter in Archiepiſcopum elegerunt, virum,

Judæi Moguntinenſes ab Imperatore capiuntur.

Theodoricus Schenck de Erbach fit Archiepiſcopus annis xvj,

bonum, manſuetum atque pacificum, qui præfuit annis quinque atque viginti, & multa bona fecit Eccleſiæ. Ipſe reformationem unionemque noſtram Bursfeldenſem ſimul & Annale Capitulum primus in ſua Diœceſi Moguntinâ collaudavit, & privilegijs uti Apoſtolicis conceſſit.

Anno prænotato ſignum circa principum menſis Aprilis in Cœlo mirabile apparuit multis. Videbantur enim Circuli ſeptem in modum Arcus Iridis contra Arcum mirabili ordine diſpoſiti, ut ab vero Iridis arcu ſeptem alij minores viderentur oriri.

Hyems etiam hoc anno fuit aſperrima, cujus frigus & horror nimis diu perſeuerans homines & jumenta graviter affligendo tribulavit.

Bohemi per  
Imperato-  
torem vo-  
cantur ad  
Baſileenſe  
Concilium.

Eodem anno in Concilio Baſileenſi proficiente numero Principum & Prælatorum, Sigismundus Imperator ſcripſit Bohemis monens & exhortans eds benigniſſimè, ut qui ſe de Religione audiri cuperent, ad Concilium quantocius properarent, nec plus ſaperent, quam Univerſalis Sacroſancta Mater Eccleſia; quin potius cum Synodo ſancta in his, quæ ad fidem pertinent, fideliter conſentirent. Quòd ſi rationes in contrarium haberent legitimas, benignam eis pollicebatur audientiam, litterasque ſecuri miſit ſalvi conductus, promittens eis ſub Fide Imperiali, nèque in veniendo ad Concilium nèque in ſtando ibidem, nèque in redeundo ad

Bohemi  
cum trecentis  
equitibus vene-  
runt ad Ba-  
ſileenſe  
Concilium.

propria quidquam foretimendum. In eandem formam Synodus ſacroſancta ſcripſit Bohemis, ſecuritatem Itineris, & quæcunque vellent dicendi & proponendi omnimodam promittens facultatem. His litteris Bohemi receptis legationem trecentorum equitum rurfus mittunt ad Baſileam, cujus Principes fuerunt Wilhelmus Coſta non tam dignitate equeſtri quam Eccleſiarum direptione & deſtructione famoſus, Joannes Rockenzana Pragenſium Pſeudo-Epiſcopus, Nicolaus Galerius Taboritarum Sacerdos iniquus, & Petrus Anglicus patriâ multitudine ſce-  
rum commiſſorum jam dudum proſcriptus. Sunt, qui ſcribunt etiam cum his advenſiſſe Procopium Holi, id eſt, raſum, quem ſuperius in

Bohemi  
cum magna  
benevolen-  
tia uſcipi-  
untur à  
Concilio.

Bello Polonico cecidiſſe & legimus & ſcripſimus. Poſtridie autem in Concilium vocati Bohemorum Legati venerunt, quos Julianus Cardinalis Præſidens Concilij benignè allocutus eſt, & luculentâ oratione ad ea, quæ pacis & Catholicæ unitatis erant, ſapientiſſimè adhortatus eſt. Oratione finitâ Cardinalis libertatem loquendi, quicquid vellent, indulſit Bohemis, qui pauca reſponderunt, neceſſariam non habentes ſacundiam: nihil tamen ea vice dixerunt Evangelio & ſacræ Scripturæ non conforme. Poſtulabant autem ſibi audientiam dari in publicâ ſeſſione, ubi & eorum Laici cum noſtris intereſſent, quo innocentiam ſuam Univerſali patefacere poſſent Eccleſiæ, & ſe veros Chriſti Evangelij ſectatores publicè demonſtrare. Auditi ſunt in publicâ ſeſſione, uti petierant, & eorum articuli, quibus ab Eccleſiâ diſſentiunt, patenter coram omnibus recitati. Deinde ſelecti ſunt ex Bohemis quatuor, & ex Catholicis totidem viri ad examinandum & diſputandum per ſingulos articulos, ſi & utrum ſancto convenirent Evangelio. Diſputatum eſt continuè diebus quinquaginta, & poſtremo in ſingulis victi articulis Huſſitæ, cùm ſe victos minimè fate-  
rentur, ad tractatus mutuos negotium tranſtulerunt, ſi fortè amicè poſ-  
ſent ad meliora induci. Sed obſcuratum eſt inſipiens cor eorum, & ideo in ſuis vanitatibus obdurati ſicuti ad venerunt Schiſmatici, ſic in ſua quoque  
redierunt.

Diſputatio-  
ne vincun-  
tur Bohemi  
ſed conver-  
ti recuſant.

Annus

Anno item prænotato non multò post discessum Bohemorum à Concilio Basileensi memorato, Sigismundus Imperator contractis iterum copijs in Hussitas movit exercitum, cui Meinhardum Baronem Catholicum præfecit Capitaneum. Aderant in eadem expeditione Duces Austriae & Misnenses cum multis Christianorum millibus. Factâ autem congressione cum Thaboritis pugnatum est acriter, & ceciderunt uno die in exercitu Schismaticorum plusquam duodecim millia virorum, cæteri fuga sibi consuluerunt. Nec tamen potuerunt nostri semen pessimorum extinguere, usque in præsentem diem. Ex Catholicis autem in eo bello tria millia virorum ceciderunt.

Expeditio Christianorum quinta in Bohemos Schismaticos.

Eodem anno sexta die mensis Octobris in nocte Ventus horribilis & validus à mari Anglico veniens subitò, simul & à parte Aquilonis per ascensum Rheni, & omnes illi adjacentes Regionem usque in Longobardiam, tam in aquis, quam in aëre maximam excitavit tempestatem, quæ turres domos, & arbores fortissimas absque numero subvertit, homines & Jumenta inopinatè plura allidens oppressit, & infinita mortalibus damna intulit. Nam in totâ Civitate Herbipolensi in fenestris, & domorum regulis plusquam trium millium florenorum attulisse damnum Civibus invenitur.

Ventus, qui turres & domos subvertit.

Anno etiam præscripto in die Festo S. Marci Evangelistæ subitò frigus inhorruit, quod Vinetorum vim per totam pene Franciam Orientalem destruxit: unde parùm vini crevit hoc Anno; Præpositus namque majoris Ecclesiæ, qui singulis annis septuaginta tria vini plaustra reponere, pro Canonorum præbenda ex statuto compellitur, hoc anno ex omnibus decimationibus Marchiæ Herbipolensis undecim plaustra duntaxat levavit.

Vineta frigore læduntur in die S. Marci.

MCCCCXXXV.

Anno Wolfframmi Abbatis VII. Indictione Romanorum XIII. hyems per tres menses duravit asperrima, cujus intenso frigore sementa, Vineta & arbores in multis locis graviter læsa perierunt. Unde & parùm vini crevit eo anno, tam in Orientali Francia, quàm in partibus Cis-Rhenanis. In solâ verò Alsatia læsionem Vineta non senserunt.

Hyems trium mensium fuit asperrima.

Eodem anno 26. die mensis Junij, quæ fuit Dominica post Festum S. Joannis Baptistæ proxima, celebratum fuit Ordinis nostri Capitulum Provinciale nonum Basileæ apud Prædicatores mandato Concilij Generalis. In quo præfuerunt Ortvinus S. Petri in Erpfurdia, Fridericus S. Marci Evangelistæ in Augiâ majore, Joannes S. Gregorij in Steyna, & Henricus in Faucibus Monasteriorum Ordinis nostri venerandi Abbates. Ad hoc Ordinis nostri Capitulum citati fuerunt omnes Provinciæ Moguntinæ Abbates, quemadmodum olim ad Constantiam auctoritate Generalis Concilij, & multa pro reformatione status Monastici serius pertractata, quæ mentes non penetrabant omnium. Aderat in Concilio Joannes Rhode Abbas S. Matthiæ Trevirorum vir sanctus & regularis disciplinæ instaurator vigilantissimus, quem Patres de Concilio Generalem Visitatorem & reformatorem Ordinis per Moguntinam & alias Dioeceses constituerunt. Aderat etiam Wolfframmus hujus Monasterij Hirsaugiensis Reverendissimus Abbas, & cum magna devotione mentis, quæ pro reformatione Ordinis tunc à Concilio proponebantur Abbatibus, audivit.

Capitulum Provinciale Ordinis nostri IX. Basileæ habitum.

Wolfframmus Abbas Hirsaugiensis fuit Basileæ in Concilio.

Consilio



Consilio denique memorati Abbatis S. Matthiæ Trevirorum Joannis Rhode inductus, reformationes, institutiones & consuetudines observantiæ sæpius dictæ Bursfeldensis, repudiata Mellicensium infructuosa plantatione, Hirsaugiæ postmodum senex introduxit, ut infra suo loco dicitur.

Eugenius  
Papa Con-  
cilium cele-  
bravit Flo-  
rentiæ cum  
suis.

Concilium  
Basileæ  
contra Eu-  
genium per  
Censuras  
agere vo-  
luit.

Anno prænotato Eugenius Papa Concilium Basileense, quod prius approbaverat de consensu omnium Cardinalium, revocans transfert Ferrariam, ad quod ipse cum omni Curia sua se contulit à Bononia Civitate, in qua eatenus consueverat residere. Verùm congregata multitudo hominum apud Ferrariam, subito pestis invasit urbem, unde compulsus necessitate Papa Eugenius ad Florentiam transfert Concilium. Interea Patres, qui apud Basileam fuerant congregati, non attenta revocatione Papæ, inchoatum ritè continuavere Concilium, & per Censuras Ecclesiasticasque ad privationem Papatus contra Eugenium tanquam Schismaticum procedere statuerunt. Imperator autem Sigismundus unà cum Juliano Cardinale S. Angeli, qui Concilio tum præsidebat, se Patrum decreto constanter opposuit, & ne Papa deponeretur Eugenius, multis modis & rationibus impedit. Enimverò ad memoriam revocare studuit, quanta in Ecclesia Dei mala protulerit Schisma tunc præteritum, quod cum infinitis laboribus, impensis atque periculis vix tandem in Constantiensi Concilio fuerat ablatum: se quoque daturum operam Cæsar ipse promisit, ne Papa impediret Basileense Concilium, sed ejus acta probaret confirmaretque, & revocaret malè prolatam sententiam.

Miserabilis  
puella sub-  
mergæ Hi-  
storia.

Innocens  
puella per  
Ducem  
submersa.

Anno item prænotato Ernestus Dux Baviaræ, qui morabatur in Oppido Monacensi, 12. mensis Octobris die puellam quandam speciosissimam cujusdam Barbitonforis sive Balneatoris in Straubingen filiam, quam filius ejus Dux Albertus nimio dilexit amore, habuitque loco uxoris Concubinam, de ponte apud Straubingen ligatis manibus & pedibus, absente tunc filio, in Danubium fecit præcipitari & submergi, rem peragens indignam Christiano Principe, ut sui generis intuitu juvenculam perderet innocentem. Quid enim si filius (cessante omni maleficio) dilexit in tantum puellam, ut ejus amore nobilem recusaret desponsare uxorem quamcumque? nec primus inter principes fuit, nec ultimus, qui nobilitati præposuit pulchritudinem: Aut si rusticam, pulchram, & moribus virtutibusque decoratam etiam desponsasset in occulto sibi uxorem, quia com- placuit, eratne propterea tanquam malefactoris puella innocens aquarum submergenda fluctibus? Plures legimus nobilissimos principes humili ex genere sibi placentes elegisse uxores. Albertus igitur Dux cum facinus paternum in amantissimam sibi puellam primum audivisset commissum, præ nimio dolore cecidit in mentis defectum, & qui vivam ultra debi- tum amaverat, pro mortua cadens in terram, ut mortuus jacebat. Re- sumptis demum viribus in se reversus, & lachrymans nimium in ira per- turbationis cum furore juravit, se capiti suo non daturum requiem, nisi mortem innocentis sibi que dilectissimæ puellæ in patrem suum & in omnes, qui consilium vel auxilium tantæ impietati dedissent, vindica- set. Contractis ergo hinc inde pugnatorum copiis Dux Albertus bellum patri filius indicit, villas incendit, Rusticos capit, spoliatur & occidit, tan- tæque genitori damna inferre studuit, ut quolibet hoste sævior esse vi- deretur. Tandem post multa, quæ sustinuit mala, Pater à Filio petit con-  
cordiam,

Jurat Filius  
necem  
puellæ se  
vindica-  
tum in Pa-  
trem.

cordiam, quam sub hac obtinuit conditione, ut videlicet Ecclesiam super Sepulchrum innocentis puellæ construere faceret, Beneficium Sacerdotale instituens in eadem Capellâ dotaret, ita ut pro ejus anima, quæ innocenter periit, singulis diebus perpetuò Missa una loggeretur. Et sic reformatur Concordia.

Histemporibus inter Joannem de Brunn Episcopum Herbipolensem & Cives suos magna fuit suborta dissensio, Civibus avitam rebellionem contra Clerum suscitantibus. Anno igitur Dominicæ Nativitatis prænotato 25. die mensis Aprilis, quæ fuit solemnitate S. Marci Evangelistæ Festiva, Joannes memoratus Præsul cum magno suorum exercitu obsedit Herbipolim, & quinque in circuitu Molendina Civitatis incendio concremavit. Cernens autem quod urbem obtinere non posset, soluta obsidione ad Oxenfurt Oppidum duxit exercitum, quod fortissima obsidione per dies duodecim impugnans tandem expugnavit, & violenter cepit.

Inter Episc.  
& Cives  
Herbipolen-  
ses dis-  
sensio  
XVIII.

Eodem anno in Vigiliâ Nativitatis Beatissimæ Mariæ semper Virginis, quæ fuit septima die mensis Septembris, Cives prædicti Herbipolenses contra Episcopum suum rebelles & inobedientes de Civitate ad pugnam egressi sunt, & confertis manibus haud procul à Monasterio Cellensi Præmonstratensis Ordinis juxta Moganum siti, quo itur ad Wertheim, in monte malè perierunt. Nam alij per milites Episcopi, gladio fuerant occisi, alij capti, atque pecuniâ redempti, & alij fugâ turpi mortem evaserunt. Postremò inter eos concordia facta est.

Cives Her-  
bipolenses  
superantur  
ab Episcopo  
juxta Cel-  
lam.

Anno etiam prænotato 25. die mensis Maij, Ludovicus Comes Palatinus Rheni Baviaræque Dux & sacri Princeps Elector Imperij jam senex, semicæcus, claudus & surdus suo regimine spoliatus est, per Ludovicum filium, Ottonem Fratrem, Comitem quoque de Liningen Emichonem, & totum Curia suæ Consilium, qui deinceps in amaritudine animi vixit annis fermè duobus, & obiit anno Wolfframmi Abbatis Hirsaugiensis nono. Ludovicus igitur Patri abrogato in principatu succedens præfuit annis XIV. uxorem habuit Margaritam filiam Amadei Sabaudia Ducis, qui postea factus Papa contra Eugenium, Felix in sua Obedientia nuncupatus est, de qua genuit Filium unicum nomine Philippum, paternæ virtutis simul & principatus Hæredem, de quo latius suo tempore loquemur. Fuit autem Ludovicus iste Pater Philippi vir bonus, pius, justus atque benignus, ab omnibus præceptoribus optimè institutus, amator Cleri, defensor pauperum, & Judex æquus omnium subditorum. Fratrem habuit nomine Fridericum tutorem postea Philippi justissimum & optimum principem, qui plura in Palatinatu reformavit Cœnobîa, & ad Régularis observantiæ tramitem reduxit, de cujus magnificè gestis ordine suo inferius quod restat eloquemur.

Ludovicus  
Barbatus  
Comes Pa-  
latinus à  
Principatu  
deponitur.

Verùm, ut Genealogia Comitum Palatinorum scire cupientibus fiat manifesta, placuit nobis sermonem à Rege Ruperto altius repetere. Igitur Rupertus Germanorum Rex, de quo supra diximus anno Friderici Abbatis primo & secundo, Palatinus Comes Baviaræque Dux habuit uxorem nomine Margaritam Burggravij Nürenbergensis filiam, de qua genuit Filios sex & tres Filias, quorum ista sunt nomina. Rupertus Pipan, Fridericus Amberg, Ludovicus Barbatus, Princeps Elector, Joannes in

Genealogia  
Palatino-  
rum  
Comitum à  
Ruperto  
Rege usque  
ad nos.

D d d

Neuenburg,

Neuenburg, Stephanus in Zvveienbrucken, latinè, Gemini pontis, & Othonem in Mosbach. Filiarum verò nomina ista fuerunt. Agnes, Margarita, & Elisabeth numero tres.

Rupertus  
Pipan Comes  
Palatinus sine  
liberis mor-  
tuus est.

Rupertus primogenitus Ruperti Regis Germanorum, qui ut supra diximus anno Dominicæ Nativitatis xciv. supra mccc. contra infideles pugnaverat Turcas non satis foeliciter unà cum Joanne Burgundionum Duce & multis alijs principibus, vix evadens in magna paupertate cum paucis venit in patriam, & non multò post uxore carens sine liberis moritur, cujus Cadaver in Amberg oppido sepelitur.

Fridericus  
Amberg  
Comes Pa-  
latinus sine  
liberis mo-  
ritur.

Fridericus Amberg secundo genitus Ruperti Regis ante patrem juvenis etiam sine liberis moritur, & similiter in prædicta Ecclesia Ambergensi tumulatur, & sic principatus Electorius ad tertio genitum Jure devolvitur.

Ludovicus Barbatus tertio genitus Ruperti Romanorum Regis Comes Palatinus Rheni Bavarizque Dux & Princeps Elector duas habuit uxores, quarum prima fuit Regis Anglorum Filia nomine Blanca, de qua filium genuit nomine Rupertum cognomento Engelland, qui ante Patrem sine liberis moritur, nec diu post mortua est & mater ejus Blanca Henrici Regis memorati filia. Qua mortua Ludovicus alteram duxit uxorem Mechtildem Ducis Sabaudiz filiam, de qua genuit tres filios, Ludovicum Pium Patrem Philippi, de quo jam plura diximus, genitoris in Principatu successorem, Fridericum Philippi, ut dicemus postea Turorem, & Rupertum Archiepiscopum Coloniensem.

Joannes  
Comes Pa-  
latinus Pa-  
ter Christo-  
phori R. gis  
Danorum.

Joannes quarto genitus Ruperti Regis Comes Palatinus Rheni & Dux Bavariz duas habuit uxores, prima fuit Catharina filia Ducis Pomeranorum, ac Stetinensium, quæ peperit ei sex filios: Christophorum Regem Daniae, Suediz & Norvvegie, Othonem quoque, Joannem, Joannem alterum, Fridericum, & Adolphum, hi quinque omnes in pueritia sine liberis obierunt. Altera fuit uxor ejus filia Ernesti Ducis Bavariz in Monaco, de qua liberos non habuit. Dux iste Joannes multa pro unitate fidei Catholicæ patravit contra Schismaticos in Bohemia, & plures ab eis insidias simul & damna perpeffus est. Moriens tandem in senectute bona sepultus est in Neuenburg Bavariz cum Patribus suis.

Stephanus  
Palatinus  
Gemini  
pontis Fra-  
ter Frideri-  
ci Cynono-  
ti.

Stephanus quinto genitus Ruperti Germanorum Regis Comes Palatinus Rheni & Dux Bavariz uxorem habuit Sophiam ultimi Comititis in Veldenz & Zvveibruken filiam, cum qua & duos Comitatus prædictos Veldenziz & Gemini Pontis obtinuit, & filios ex ea quinque suscepit, quorum ista sunt nomina: Fridericus primogenitus, qui dictus est Cynonotus, id est, Hundtsrucken, propterea quod partem Comitatum in

Fridericus  
Bavariz  
Dux Cyno-  
notus.

Spanheim & in Starkenburg consecutus morabatur in Symeren Oppido in paganis, qui Hundtsrucker dicuntur, situato. Hic duxit uxorem Ducis Geldriz filiam nomine Margaritam, quæ peperit ei tres filios & duas filias apud Trevirim Moniales. Primus fuit Joannes patris successor in principatu, qui genuit Joannem hodie in Symeren principantem ex filia Comititis de Salm, & uxor ejus filia Christophori Marchionis Badensis.

Joannes  
Dux Cyno-  
notus.

Rupertus secundo genitus Friderici Episcopus fuit Ratisbonensis. Fridericus autem tertio genitus hodie adhuc vivens Canonicus est Treverensis, Moguntinensis, Colonienfis & Argentinensis, vir moribus & vita honestissimæ conversationis. Secundo genitus Ducis Stephani Ludovicus fuit



fuit cognomento Niger, qui Ducatum Veldenzia simul obtinuit & Gemini pontis. Uxorem habuit Gallicanam, quæ peperit ei duos filios, & unam filiam nostri Ordinis juxta Bopardiam Monialem. Primogenitus Ludovici nomine Caspar ducta uxore cum esset impotens & inutilis adgenerandum, testiculos sibi patre nesciente fecit præscindi. Unde commota uxor ab eo discessit ad genitorem suum reversa, & Dux Caspar pro fatuo habitus dolo fratris custodiae mancipatus est usque in præsens. Secundogenitus nomine Alexander fratri captivo succedens in Ducatu hodie claudus ex morbo pustularum & valetudinarius terram gubernat suam. Genuit autem Ludovicus Dux Niger & alios filios ministerio dicatos Ecclesiastico, quorum mihi ignota sunt nomina. De præscriptis suo tempore latius dicemus.

Ludovicus  
Dux Niger.

Alexander  
Dux.

Otho Sextogenitus Ruperti Regis cognomento Mosbach, propterea, quod ipsum Oppidum Mosbach cum alijs ad illud pertinentibus à Patre acceperat in hæreditatem, & morabatur in eo, habuit uxorem filiam Ducis Bavariæ in Landtshuta commorantis, de qua genuit Othonem Mosbach, qui nostris temporibus sine uxore permanens etiam sine liberis est mortuus, & sic Mosbach cum omnibus pertinentijs suis ad manus Philippi Comitis Palatini iterum revolvitur, Rupertum quoque Episcopum Ratisbonensem, Joannem Canonicum, & Albertum Episcopum Argentinensem; & in istis Genealogia Ducis Othonis memorati defecit.

MCCCCXXVI.

Anno Wolframmi Abbatis VIII. Indictione Romanorum xiv. durante Basileensi Concilio Eugenius Papa suum apud Ferrariam urbem, ut supra diximus, Concilium inchoavit.

Concilium  
Ferrariæ  
celebratur  
à Papa Eu-  
genio con-  
tra Basi-  
leense.

Interea Græci venerunt navigiosque Venetias, facturi unionem cum Ecclesiâ Romanâ, sed cum tutò propter pestem Ferrariam accedere non possent, aliquandiu ibidem substiterunt. Laboratum est haud mediocriter per Patres tunc apud Basileam congregatos, ut ad eorum Concilium accederent Græci pro unione facienda, quod nisi Papa Eugenius cautè prævenire studuisset Concilium transferendo, suum libenter illi fecissent.

Eodem anno Albertus Comes Palatinus Rheni Bavariæque Dux filius Ernesti, filij Joannis, filij Stephani, filij Ludovici Imperatoris IV. de quo paulò ante fecimus mentionem, duxit uxorem Annam Ducis Brunsvvicensis filiam, nuptijs in oppido Mönchen cum ingenti pompâ celebratis, de qua genuit plures filios & filias. Quorum primogenitus nomine Albertus uxorem habuit filiam Friderici Imperatoris III. Maximiliani Cæsaris nostri Sororem, quæ inter plures liberos Wilhelmum peperit primogenitum, qui hodie patris obtinet Ducatum.

Dux Bava-  
riæ Alber-  
tus filius  
Ernesti du-  
xit uxorem.

Anno prænotato Fridericus Dux Austriæ postea Imperator Romanorum ejus nominis III. filius Ducis Ernesti annum ætatis habens primum atque vicesimum, de cujus nativitate supra diximus anno Friderici Abbatis Hirsaugiensis XV. piæ devotionis instinctu sanctum Domini sepulchrum cum multa nobilium comitiva visitavit in Hierosolymis, militiamque suscepit.

Fridericus  
Austriæ  
Dux sepul-  
chrum Do-  
mini visita-  
vit.

Eodem anno tertia die mensis Augusti, Richardus Mosbach Decanus majoris Ecclesiæ Herbipolensis & Fridericus Schæderer Canonicus exercitum Ecclesiæ duxerunt contra Cives Herbipolenses, Ochsenfurt oppi-

Canonici  
Herbipo-  
lenses Du-  
ces fiunt  
exercitus.

dum occupantes, quo potenter recuperato ſecum nonnullos abduxere captivos, inter quos fuerunt Eytelvvolfus de Wernberg, de Hain, de Gich milites, cum alijs nobilibus multis.

Vineta fri-  
gore læſa  
per Fran-  
ciam Orien-  
talem.

Anno item prænotato in principio Maij frigus Germanica Vineta per totam Franciam Orientalem graviter læſit, unde parùm vini crevit, Præpoſitus namque majoris Eccleſiæ Herbipolenſis, qui communibus annis ducenta vini plauſtra conſuevit habere, hoc ipſo anno ex omnibus decimis ſuis uno tantum plauſtro vini cogeſſe eſſe contentus. In alijs tamen plerique regionibus Germaniæ multum vini crevit, maximè in Alſatiâ, Cis-Rhenum, & circa Moſellam.

MCCCCXXXVII.

Comitatus  
Spanheim  
inter Pala-  
tinos & Ba-  
denſes divi-  
ditur.

Anno Wolſframmi Abbatis IX. Indictione Romanorum xv. obiit Joannes ultimus in Spanheim ſine liberis in Caſtello ſuo Cis-Moſellano Starckenburg nuncupato, & in Eccleſia Parochiana oppidi Tranerbach ſepultus eſt. Cujus ambo Comitatus Spanheim videlicet anterior dictus, & Starckenburg, ſicut hodie manent, fuerunt diviſi inter Ludovicum Palatinum Rheni Comitem Baviaræque Ducem, ac Principem Electorem Heidelbergæ commorantem, Stephanum quoque Palatinum Rheni Comitem, Baviaræ Ducem, Gemini pontis & Veldenziæ Comitem, qui morabatur in Zveienbrucken, & Jacobum Marchionem de Baden inferiori, ubi & habitandi reſidentiam faciebat. De hac diviſione Comitatum præſcriptorum plura notavimus anno Friderici Abbatis XIII. ubi Stephanum Comitem Palatinum Rheni Baviaræque Ducem Ruperti Regis filium, Sophiam ultimi Comitis Gemini pontis & Veldenziæ diximus accepſiſſe uxorem, cum qua utrumque comitatum obtinuit. ſimul & Spanheimenſem unâ cum Starckenburg, quia propinquitatis Jure hæres fuit unica quatuor præſcriptorum Comitatum; nam quicquid Palatinus Comes, aut Marchio Badenſis in Comitatibus Spanheim & Starckenburg, hodie Juris habent, non ex genere propaginis, ſed ex donatione poſſident inter vivos.

Eodem Anno Feria quinta poſt Feſtum SS. Philippi & Jacobi Apoſtolorum in principio menſis Maij, iterum frigoris & grandinis horrenda tempeſtas Vineta circa Herbipolim devaſtans vini copiam deſtruxit, licet non in tantum, ſicut præcedenti anno, nam menſura vini octo novemque vendebatur denarijs apud Herbipolenſes. Denique panis inopiâ laboratum eſt apud eoſdem per totum annum uſque ad Feſtum Paſchatis anni ſequentis.

Sigismundus Imperator in Moravia conſtitutus ægrotare cepit.

Anno prænotato Sigismundus Imperator ſenio conſectus graviter ægrotare cepit, qui vocatis ad ſe primoribus Regni Ungariæ ultimam voluntatem ſuam, ut animo diſpoſuerat, ordinavit: Succeſſorem ſibi deſignans in utroque Regno, Bohemiæ ſcilicet & Ungariæ, Albertum Ducem Aultriæ generum ſuum virum ſtrenuum, juſtum, & regio honore dignum: quem ut concorditer ſe promitterent ſucceſſuros, precibus evicit. Ad Bohemos item, ut idem facerent, ſe mortuo, litteras præordinavit vivens, atque Oratores, qui teſtamentum ejus pro ſucceſſione Alberti ad Regnum Bohemiæ aperirent.

Imperator Sigismundus leptu-  
genarius in Moravia moritur,

His rite ordinatis ſimul & Sacramentis Eccleſiaſticis præmunitus Imperator Sigismundus diem clauſit extremum anno prænotato, octavo die

die Decembris, anno ætatis suæ septuagesimo: Regnorum Ungariæ quinquagesimo primo, Bohemiæ decimo septimo, Germaniæ vigesimo septimo, & Imperij Romani anno quinto, & in Ecclesia Waradinenfi honorificè sepultus est.

Mortuo Imperatore Sigismundo Regnum Germanorum cum Imperio Romano vacavit in annum sequentem. Ungari autem, ut rogati fuerant, generum Sigismundi Cæsaris defuncti Albertum Austriæ Ducem susceperunt in regem, sed eâ conditione juramento firmatâ, quod nec Germanorum, nec quodcunque regnum susciperet; sed unicè Ungariæ regno deberet esse contentus, quod tamen minimè servavit. Posteaquam enim Ungariæ regnum fuerat assecutus, legatos à socero deputatos misit in Bohemiam, ut ejus defuncti ultimam publicarent voluntatem Bohemis, & regnum peterent sibi testamentario jure delegatum. Bohemi legatorum oblatâ oratione persuasi Albertum in regem suscipiunt anno Wolfframmi Abbatis Hirsaugiani decimo, die mensis Maij sexta.

Albertus  
Austriæ  
Dux fit Rex  
Ungariæ.  
nota.

Anno etiam præscripto in mense Septembri moritur Adolphus Dux Juliæ & Montensis sine liberis, justo DEI judicio, ut qui proprium peccarat in patrem, Pater esse non mereretur, cujus corpus in abside meridionali Ecclesiæ S. Pantaleonis nostri Ordinis in Colonia sepultum est. Qui continuus in vita bellis nimium exhaustus inops penè ac pauper decessit. Principatum suum ære alieno gravatum relinquens Gerhardo nepoti de Ravenspurg fratris sui filio, quem & pacificè intrans obtinuit.

Adolphus  
Dux Montensis &  
Juliæ  
sine  
liberis moritur.

Fames hoc anno magna fuit in terris, & frumentum in charo pretio præcipuè circa Rhenum & Mosellam, in Hollandia quoque, Seelandia & Hannonia & Francia Orientali, ut paulo ante diximus, quæ mortales graviter afflixit: nec solum homines multos, sed etiam plura jumenta peremit.

Anno prænotato ultima die mensis Decembris, obiit Ludovicus Barbatus, Comes Palatinus Rheni Bavarizque Dux & Princeps Elector, filius quondam Regis Germanorum: Ludovicum Pium ex Mechtilde filia Ducis Sabaudiz Amadei, papæ postea Felicis, legitima filium relinquens hæredem. Cujus frater secundogenitus Ludovici Barbatum Fridericus non duxit uxorem, ne principatus iteraretur divisio: genuit tamen ex nobili quadam fœminâ filium nomine Ludovicum, qui hodie Comes est in Lövvenstein, cujus matrem, ut ferunt, priusquam moreretur, in facie Ecclesiæ duxit uxorem. Rupertus autem tertio-genitus Ludovici Barbatum Archiepiscopus fuit Coloniensis post Theodoricum, & ante Hermanum: de quo suo tempore latius dicemus. Filias reliquit etiam tres, quarum una Gandavi fuit monialis cum sanctâ Coletâ. Secunda similiter fuit Monacha Coloniz. Tertia primò nupsit Comiti de Wirtenberg, & postea Duci Austriæ Alberto fratri Friderici Imperatoris tertij.

Ludovicus  
Barbatus  
Comes  
Palatinus  
Rheni &  
Dux Bavariz  
obiit.

Uxor Comitis  
Wirtenberg  
Palatina  
Mechtildis.

MCCCCXXXVIII.

Annus iste Wolfframmi Abbatis decimus sub Indictione Romanorum prima, ab introitu fratrum primo de Fulda in Hirsaugiam sexcentismus, fuit divina miseratione continuatus. In quibus quidem annis sexcentis, quidquid actum circa Monasterium vestrum, ô Fratres Hirsaugienses charissimi, dignum invenire potui, in hoc opus chronicorum comporavi, non sine laboribus multis & vigilijs in noctem sæpe continuatis.

Sexcentismus  
Hirsaugien-  
sium annus  
hic est.

D d d 3

Unde



Oratio pro  
Trithemio.

Unde quicunque Hirſaugianorum hæc legerit fratrum, dicat jam precor mente fideli ad Dominum: *Miferere Domine DEUS anima famuli tui Joannis Trithemij Abbatis, & omnia ejus peccata remitte per innocentiffimam mortem unigeniti Filij tui Domini noſtri JESU Chriſti, qui tecum vivit & regnat in Unitate Spiritus S. DEUS per omnia ſecula ſeculorum, Amen.*

Anno prænotato circa medium quadageſimæ convenerunt Principes Electores, & habitis inter ſetraçtatibus neceſſarijs viceſimo die menſis Martij, Albertum Ducem Auriæ Sigismundi defuncti Imperatoris generum Regem Germaniæ ad Romanorum Imperium concorditer elegerunt, virum optimum ſtrenuum & pium, qui annis tantum præfuit duobus. Verùm ut paulò ante diximus, juramento ſe adſtrinxerat Ungaris, quod neque imperium deberet aſſumere Romanum, neque aliud quodcunque regnum: vix tandem precibus Friderici Ducis Auriæ induçti Ungari conſeſſerunt, ut regnum aſſumeret Germaniæ cum Imperio Romano ſibi Franckfurdia oblatum. Quo tandem ſuſcepto ad Aquasgrani ducitur, & per manus Theodoricæ, Archiepiſcopi Coloniënſium ſolemniter in Regem unctus coronatur.

Eugenius  
Papa Lega-  
tionem ad  
Baſileenſe  
Concilium  
miſit.

Eodem anno ab Imperatore Sigismundo viam uniuerſæ carnis in Moravia, ut diximus, ingreſſo, Eugenius Papa neminem habens quem timeret, Concilium Baſileenſe ſtatuit revocare, ſed metuens ne ſchiſma in DEI Eccleſia ſequeretur, miſit ad illud Nicolaum Abbatem noſtri Ordinis de Sicilia Panormitanum Archiepiſcopum Monarcham Juristarum, cum alijs quibuidam viris ſolemnibus, per quos Patres monuit Baſileæ congregatos, ut à captis deſiſterent, & ſibi, ut vero Chriſti Vicario in omnibus fideliter obedirent. Qui quidem Archiepiſcopus cùm Baſileæ in Concilio, tum Ratiſbonæ & Franckenfurti in conventu principum, & alibi multas orationes pro Eugenio habuit, & cauſam ejus fideliter promovit, ſed impedire Concilium non potuit. Nam Patres apud Baſileam conſtituti, non obſtante Legatione Archiepiſcopi Panormitani, Eugenium Papam cum ſuis Cardinalibus ut ad Concilium veniret citaverunt, quem ut in ſua opinione permanentem viderunt, contra eum tanquam ſchiſmaticum procedunt, atque poſtremo deponunt abſentem à Pontificatu, & Amadeum Eremitam Ducem quondam Sabaudia in Papam elegerunt, Felicem ejus nominis quartum appellantes.

Concilium  
Baſileenſe  
Papam Eu-  
genium ter-  
tio citavit.

Mechtildis  
Ludovici  
Barbati  
uxor mori-  
tur.

Anno prænotato prima die menſis Julij, obiit Erneſtus Dux Baviaræ in Eccleſia Monacenſi ſepultus, filium relinquens nomine Albertum, per quem Genealogia Ducum Baviaræ continuatur, quemadmodum paulo ante diximus.

Eodem anno duodecima die menſis Maij, obiit Heidelbergæ Mechtildis uxor quondam Ludovici barbati Comitæ Palatini Baviaræque Ducis, de quo plura in ſuperioribus per ordinem jam diximus, mater pauperum pientiſſima.

Mons Gi-  
gantum ab  
Joanne  
Herbipol.  
Epifcopo  
obſidetur.

Anno item prænotato viceſima quarta die menſis Auguſti, Joannes Epifcopus Herbipolenſis contractis ſuorum copijs caſtellum prædonum Rüſſenberg nomine, munitiſſimum obſedit, quod per dies plures machinis & varijs modis impugnans, cùm expugnare non poſſet, ſolutâ obſidione reſceſſit, cautione acceptâ, quod hoſtes Eccleſiæ deinceps non hoſpitentur.

Eodem

Eodem anno Rhabanus de Helmstatt Archiepiscopus Trevirorum & Spirensis Ecclesiæ antistes jam senio gravatus, quorundam consilio indutus, Joannem Episcopum Leodiensem in Coadjutorem suum pro Trevirorum Ecclesia assumpsit. Quod majori parti Canoniceorum haud parum displicuit, & damna non parva (sicut plures eo tempore opinabantur) dictæ provenerunt Ecclesiæ.

MCCCCXXXIX.

Anno Wolfframmi Abbatis Hirsaugiani undecimo, Indictione Romanorum secundâ, Patribus in Concilio Basileæ congregatis, per censuras contra Eugenium Papam procedentibus, ipsumque à Pontificatu deponere instituentibus, quod & eodem anno factum est, Ludovicus Delphinus Viennensis Galliæ & Comes Armeniacus cum viginti quinque millibus pugnatorum ab ipso Pontifice, ut dicebatur, in dissipationem Concilij suscitari venerunt in Alsatiam, & prædas cum incendio ac nece pauperum rusticorum circa Basileam, Argentinam, Colmariam, & Alsatiam totam sine misericordia crudeliter exercebant, villanis ad urbes confugientibus tantum salvis.

Imprimis igitur confœderati Suteses anno prænotato in mense Augusto, primò feliciter, postea verò infeliciter cum Delphino & Armeniacis pugnaverunt, & plusquam duodecim millia eorum peremerunt, quorum omnia bona rapientes in suos usus converterunt. Ex Sutesibus etiam in secundo congressu pauci remanserunt, sed penè omnes fuerunt occisi, quod eis propterea contigit, quia nec suis obedire Capitaneis voluerunt, nec monitis Basileensium optimis fideliter denunciatis acquiescere, quin potius unicum à Basileensibus missum, qui eis nuntiavit innúmerabilem Armeniacorum multitudinem ultra flumen latere, comprehensum interfecerunt, arbitantes Basileenses eorum gloriâ invidiosè torqueri, & contra prohibitionem suorum Capitaneorum amne transmissio succubuerunt. Nihilominus fortissimè agentes in medio inimicorum conclusi, & ab ortu solis usque ad occasum pugnantes, cum se viderent in mortis articulo constitutos, non pauciores XIII. millibus hostium occiderunt.

Biennio & 6. mensibus turba ista malignantium Armeniacorum devastavit Alsatiam, nemini deferens, nemini servans fidem & litteris & Sacramentis confirmatam; nam promissis quoscunque potuerunt decipientes, ut rebus & corporibus persisterent salvi, posteaquam fuissent munitionibus intromissi, direptis omnibus, nihil promissorum servabant. Sic intromissi fuerant in Walzhuot, in Lauffenburg, in Seckingen, in Reinfelden, & in alijs Helvetiorum, & Alsatorum oppidis & castellis pluribus. Multa per illud triennium fecerunt incolis mala, diripientes omnia quæcunque potuerunt invenire, pauperes, qui se redimere pecuniâ non potuerunt, infinitis & horrendis cruciatibus affectos sine misericordia in arboribus suspendebant.

Postremo anno Wolfframmi Abbatis XIV. Ludovicus Comes Palatinus Rheni, Bavarique Dux & Princeps contracta multitudine pugnatorum, auxilio vicinorum Principum & Civium Regni Germanici, Basileensium, Argentinensium, Schlettstattsensium, & aliorum haud procul à Basilea in ipsos Armeniacos potenter irruit, & multis eorum peremptis, reliquos in fugam convertit. Delphinus autem cum paucis vix evasit Comitibus

Armeniaci Galli devastant Alsatiam in odium Comitiſ, ciliſ,

Armeniaci superantur à Sutesibus.

Armeniaci dicebantur die arme Jäcken die Schnäcken veld die Schneider.

Armeniaci per Ludovicum Palatinum Comitem caſſi fugantur,

&

& nobilibus suis, quos adduxerat, multis in diversis locis amissis. Non adjecit amplius redire in Alsatiam, Germanorum expertus fortitudinem.

Constitu-  
tio Basile-  
ensis Con-  
cilij pro re-  
formatione  
Ordinis  
nostri edi-  
tur.

Anno prænotato, Patres de Concilio apud Basileam congregati ad instantiam quorundam Ordinis nostri Abbatum (quorum Deus corda inclinaverat ad observantiam regularem) constitutionem unam pro Reformatione Monasteriorum satis utilem edentes, Provinciali capitulo Moguntinæ provinciæ & Bambergensis Diocesis tradiderunt: quæ incipit: *Inter curas multiplices, quibus in occurrentium rerum & negotiorum, &c. Datum Basileæ x. Calendas Martias, anno à Nativitate Domini MCCCCXXXIX.*

XII. Abba-  
tes ordi-  
nantur visi-  
tatores per  
Concilium.

Eodem tempore Concilium Basileense memoratum ex Abbatibus Ordinis nostri duodecim visitatores per Moguntinam provinciam deputavit, inter quos erat vita & eruditione præcipuus Joannes Rhode Abbas Monasterij S. Matthiæ Apostoli extra muros Trevirorum, de quo plura diximus. Hi XII. Abbates habebant visitare & reformare auctoritate Concilij Generalis omnia & singula Monasteria per dictam provinciam Moguntinam ubilibet constituta, tam Monialium quam Monachorum. Et notandum, quod juxta constitutionem Benedicti XII. Provincia Moguntina cum Bambergensi Diocesi exempta, quantum ad Cœnobia pertinet Ordinis nostri, unum facit Capitulum provinciale, Abbatis habens hodiè c. & xx. De qua Provincia ab Ordine translata sunt à tempore Concilij Constantiensis in Ecclesias Canoniorum sæcularium decem Monasteria. Provinciæ autem Colonienfis & Trevirensis pro una computantur, in qua sunt fermè LX. Monasteria, quorum Abbates unum faciunt Provinciale Capitulum. Provinciæ quoque Magdeburgensis & Bremensis in Saxonia computantur pro una, in qua Monasteria nostri Ordinis sunt xv. quorum Abbates similiter faciunt capitulum, cui & Abbates Caminensis Diocesis sunt incorporati. Provincia Salzburgensis in Bavaria Ordinis nostri clara habet Monasteria, quorum Abbates unum faciunt provinciale capitulum. Harum sex Germaniæ provinciarum Ordinis nostri Abbates, quatuor faciunt Capitula Provincialia, quibus omnibus & singulis in Concilio Visitatores fuerunt Ordinati.

Ordinis  
nostri sunt  
provinciæ  
82. & fa-  
ciunt capi-  
tula 32.

Sunt autem totius Europæ Provinciæ LXXXII. cum insulis in mari Mediterraneo & Germanico adjacentibus, quarum Ordinis nostri Abbates faciunt capitula provincialia xxxii. Sed hodiè in paucis capitula provinciis servantur propter Abbatum superbiam & nimiam deformitatem Monachorum. Tria in Germania scimus Capitula de triennio in triennium servari, videlicet Moguntinensium unum, Trevirensium & Colonienfium unum, Bremensium & Magdeburgensium similiter unum. In cæteris verò Provinciis, ubi Provinciale Capitulum servetur, aut ubi non servetur, nostram fugit scientiam.

Capitulum  
Ordinis no-  
stri x. cele-  
bratur Nü-  
renbergæ.

Anno item prænotato in Dominica tertia post Festum Dominicæ Resurrectionis, quæ fuit xxvi. die mensis Aprilis, celebratum fuit decimum à tempore Concilij Constant: Ordinis nostri provinciale Capitulum Nürenbergæ apud S. Ægidium. In quo præfederunt Hartungus S. Petri in Erphurdia, Georgius S. Ægidij in Nürenberga, Nicolaus S. Blasij in Nigra Sylva, & Henricus in Amorbach Monasteriorum nostri Ordinis Abbates. In eodem Capitulo Bulla seu Constitutio Basileensis Concilij, de qua paulo ante jam dictum est, præsentibus, & cæui Patrum,



fuit exhibita, quam debita cum reverentia suscipientes omnibus mandaverunt servandam capitulo subiectis.

Eodem anno Rhabanus de Helmstatt Archiepiscopus Trevirorum suam considerans ætatem senio gravatam, eo quod Ecclesiæ suæ deinceps utiliter præesse non posset, habito suorum consilio, & imprimis Coadjutoris sui Joannis Episcopi Leodiensis, Archiepiscopatum Trevirensis Jacobo de Sirka, qui ante ipsum in dissensione cum Udalrico de Manderscheit, ut supra diximus, anno Wolfframmi Abbatis secundo, electus fuerat, resignavit de consensu totius Capituli, reservata sibi pensione annua, de facultatibus Ecclesiæ, ut posset vivere, quibus ritè peractis ad Ecclesiam suam Spirensis, unde venerat, reversus est.

Capitulum  
Ordinis no-  
stri x. cele-  
bratur Nün-  
tenberge.

Jacobus autem in Archiepiscopum Trevirorum per Concilium Basileense confirmatus, & in Castro Meyenberg consecratus præfuit annis xvii. Vir optimus, animo præstans, & per omnia magnificus, qui magnanimitate, & prudentia sua omnes sibi, vel Ecclesiæ adversantes potenter superavit: & majoris Ecclesiæ suæ quosdam rebelles ad obedientiam revocavit. Enim verò cum vitam & mores eorum prave attentaret corrigere, illi in rebellionem erecti, quò disciplinam pastoris effugerent, se legibus subjecerunt civilibus; quod cum Archiepiscopus in propria persona detulisset ad Romanum Pontificem, litteras ab eo compulsorias impetravit, quibus Papa præcepit eos, aut beneficijs cedere omnibus, aut civilitati, quam temerè assumpserant, renuntiare.

Rhabanus  
de Helm-  
statt Archi-  
episcopus  
Trevirensis  
Jacobus re-  
signat Ec-  
clesiam.

In primo suo ad Ecclesiam Trevirorum introitu Jacobus omnia penè reperit desolata, Archiepiscopatum ære alieno nimis gravatum, omnes proventus annuos & census, oppida, Castella, & Telonia creditoribus impignorata ratione bellorum, quibus Rhabanus Archiepiscopatum sibi acquisiverat. Nam ut eo tempore invenimus computatum, ad quatuorcentena millia florenorum Ecclesia Trevirensis in primo introitu Jacobi ad Archiepiscopatum creditoribus tenebatur, pro quibus omnia fere erant obligata. Et quamvis promptuaria cuncta reperisset exhausta & vacua, cogebatur tamen à principio dare Joanni Episcopo Leodiensi, qui fuerat Coadjutor Rhabani, sexaginta florenorum millia, Antecessori suo mutuata.

Jacobus de  
Sirka fit  
Archiepiscopus  
Trevirensis  
annis xvii.

Omnia bo-  
na Ecclesiæ  
Trevirensis  
impignora-  
ta pro  
400000.  
florenis.

Anno autem præcedente Rhabanus priusquam resignaret Archiepiscopatum Trevirorum, hoc est, anno Wolfframmi Abbatis X. die mensis Januarij 8. de consensu Capituli in favorem nepotis Reinhardi de Helmstatt majoris præpositi, etiam Spirensis Ecclesiam resignavit, cujus Episcopus fuerat annis xxxv. Commendatarius verò quamdiu fuit Archiepiscopus Trevirorum, annis vii. qui simul computati faciunt annos xlii. in tertio Ecclesiæ cessit Trevirorum.

Post resignationem voluntariam Rhabani de Helmstatt in Episcopatu Spirensi nepos ejus Reinhardus de Helmstatt major præpositus, consensu totius Capituli succedens præfuit annis ferme xvii. homo quietus & tranquillus, sub cujus regimine, ut suo loco dicemus, major Ecclesia Spirensis igne fuit exusta.

Reinhardus  
de Helm-  
statt fit Epi-  
scopus Spi-  
rensis annis  
xvii.

Anno prænotato xiv. die mensis Septembris obiit Gobelinus Abbas Monasterij quondam mei Spanheimensis anno regiminis sui octavo non completo. Huic in Abbatia Spanheimensi successit Fridericus de Nak-

Fridericus  
fit Abbas  
in Span-  
heim.

E c e

heim,

heim, & præfuit annis v. menſibus vii. diebus vi. Monachis in magna deformitate viventibus, & Monafterio in utrôque ſtatu ſpiritualium & temporalium nimis collapſo.

Joannes de  
Brunn Epi-  
ſcopus Her-  
bipolenſis  
capitur in  
Hirtzhorn.

Eodem anno Joannes de Brunn Epicoſopus Herbipolenſis & Franciæ Orientalis Dux unicus, quam ob cauſam nescio ( niſi forſitan debitorum à Domicellis de Cornu Cervi hoc eſt Hirtzhorn ) capitur, & 3. menſium ſpatio detinetur captivus. Fuerunt qui dicerent, hunc Pontificem Eccleſiam ære nimium gravaffe alieno, & inter multos creditores etiam ab illis de Hirtzhorn ſummam notabilem mutuo accepiffe pecuniarum, quam in tempore non reſtituerit conſtituto, ideò manus eorum incidiffe captivum, quod veritati ſatis apparet eſſe conſentaneum.

Anno item prænotato xiv. die menſis Novembris, obiit Rhabanus de Helmſtatt quondam Epicoſopus Spirenſis & Archiepiſcopus Trevirenſis. Spiræ ſepultus in medio Eccleſiæ Principalis anno Pontificatus ſui xliii. nondum completo. Vir prudentia ingenio conſilio & animi conſtantia ſingularis, qui pro deſenſione libertatis Eccleſiaſtica totum libens ſemper expoſuit quod fuit. Ad honeſtos pro patria labores natus, omnibusque omnia factus veluti alter Machabæus Clerum de injuſta ſervitute Civium prudentia ſimul & armis potenter liberavit.

Anno Wolframmi Abbatis præſignato vinum apud Francos noſtros Orientales in caro pretio fuit; nam à principio anni uſque ad Feſtum S. Jacobi menſura vendebatur una pro x. denarijs novis. Circa feſtum autem Archangeli Michaëlis vinum iterum tantum ſubitò vileſcere cepit, ut una menſura pro uno denario venderetur. Frumenta toto anno in vili pretio fuerunt; nam ſiliginis maldrum unum duobus talentis, hoc eſt, decem ſolidis, quorum xxvii. florenum faciunt, emebatur.

Eodem anno xviii. die menſis Septembris hora prima, minuto quinquageſimo nono poſt meridiem, natus eſt Comes Bertholdus Comes in Henneberg, qui poſtea ex Decano majoris Eccleſiæ factus eſt Archiepiſcopus Moguntinus: vixit annis lxxvi. Archiepiſcopus fuit annis xxi.

Albertus  
Rex Ger-  
manorum  
moritur.

Anno item prænotato xxvii. die menſis Octobris, hoc eſt, in Vigilia SS. Simonis & Judæ, obiit Albertus Rex Germaniæ, Bohemiæ, Ungariæ, Dalmatiæque, Dux Aſtriæ, & Comes Tyrolis, in Alba Regali ſepultus anno regni Germanici ſuſcepti ſecundo, minus 4. menſibus, & 21. diebus, Princeps magnificentia & liberalitate omnium clariffimus, quo dignus non erat mundus, & ideò in brevi complevit tempora multa. quia placuit Deo anima ejus, propterea citò abſtulit eum de medio tenebrarum, ut gaudeat in æternum.

Joannes  
Rhode Ab-  
bas S. Mat-  
thiæ apud  
Trevirum  
obiit.

Eodem quoque anno prima die menſis Septembris obiit Joannes Rhode Abbas Monaſterij S. Matthiæ Apoſtoli extra muros Trevirorum, anno ætatis ſuæ lxxiv. Abbatialis verò dignitatis xx. vir moribus & converſatione integer & ſanctus: qui furores Monachorum carnalium ſua prudentia domuit, eorum vitia corripuit, Buſſfeldinæ Obſervantiæ fundamenta primus collocavit; de cujus Opusculis & vita in ſuperioribus plura jam diximus.

Eugenius  
Papa per  
Concilium  
Baſilenſe  
abſcens de-  
ponitur,

Anno memorato xvii. die menſis Novembris Patres in generali Concilio apud Baſileam congregati Eugenium Papam ſæpius citatum rogatum & vocatum jamque diu expectatum, ſed venire contemnente, ut ſchiſmaticum

schismaticum atque rebellem Ecclesiæ à summo Pontificatu per sententiam deposuerunt absentem. Quæ præsumptuosa res cum ad ejus notitiam devenisset, nequaquam animo concidit, sed habito sæpius conventu Cardinalium, discussaque Græcorum & Latinorum dissensione, tandem eo ventum est, ut Græci rationibus victi faterentur, Spiritum S. à Patre simul & Filio procedere, Purgatorium esse, Corpus quoque Dominicum in azymo sine fermento pane triticeo fore dicerent consecrandum. Denique ut infirmaret Concilium Basileense Eugenius, suâque partes roboraret, in publico residens consistorio XVIII. Cardinales de novo creavit, quorum in numero duo Græci fuerunt, Nicanus & Ruthenus, per quos Græcos in fide Romanæ Ecclesiæ sperabat facilius posse contineri, qui tamen brevi postea iterum defecerunt.

Igitur Eugenio per Concilium Basileense à Pontificatu, sicut diximus, deposito, mox ordinati sunt ex Patribus nonnulli, quibus potestas data fuit, ut novum Ecclesiæ Pontificem eligerent. Qui secedentes à multitudine conclave ingressi sunt, & scrutatis ex more votis, Amadeum Monachum Eremitam Ducem quondam Sabaudia in Papam concorditer elegerunt. Mittuntur statim ad Ripaliam Cœnobium, in quo degebat, nuntij & Oratores, qui vocent electum ad Pontificatum, qui consurgens venit ad Concilium, & præmissa Consecratione solemniter Pontificium munus libens subivit oblatum. Nuncupatus est in sua obedientia Felix V. & præfuit in ea annis IV. postea cessit Nicolao V. Eugenio jam vita defuncto, quemadmodum suo loco dicemus.

Amadeus Monachus fit Papa in Concilio Basileensi Felix V. dictus.

Eo tempore in cœlo tres soles apparuisse leguntur, divisum in 3. partes statum Ecclesiæ, ut multi opinabantur, significantes. Nam una pars sequebatur Eugenium ut verum Christi Vicarium, in qua fuerunt Itali, Lombardi, Apuli, Galli, & Hispani. Alia verò pars Felici adhærebat, in qua erant Teuthonici, Burgundiones, Sabaudi, & penè Germania tota. Tertia pars eorum hominum fuit, qui neque Felicem sequebantur, neque Eugenium, & idè se neutrales nominabant, existimantes hanc viam tutiorem, si duobus de Papatu contendebat, neutrum observent. Sed meo judicio cæteris periculosius erraverunt, cum præsertim sapienti non sit dubium, alterum ex duobus legitimum fuisse Pontificem, sive Felix fuerit, sive Eugenius. Quomodo ergò neutralis bonâ conscientia esse possum, quando non vacat Ecclesia, quamvis nesciam, quis duorum sit Pontifex? satius igitur & tutius in simili casu est, rationis judicio unum sequi & observare, quem verum credas esse Pontificem, quam neutraliter utrumque contemnere.

In partes tres Ecclesia dividitur, & tres in cœlo soles videntur.

Periculosius erraverunt neutrales.

Quis qualis & quantus fuerit iste Papa Felix, Germanici Regni honor, cui Sabaudia est antiquo jure subjecta, me paucis, ut dicam, impellit. Amadeus igitur, de quo nobis est sermo, Comes fuit Sabaudia, quem Imperator Sigismundus olim in Constant: Concilio sublimavit in Ducem, qui non diu post susceptum honoris titulum divino inflammatus amore Ducatum Sabaudia Ludovico filio suo reliquit, mundum cum suis delicijs pro DEI honore contempsit, & quibusdam associatus nobilibus, Monasterium Carthusiensis Ordinis, quod Ripalia nuncupatur, ingressus, Domino in magna devotione militavit.

De origine vita & moribus Papæ Felicis V.



Inde vocatus per Concilium Baſileenſe ad Summi Pontificatus apicem, novem in ſua miniſtravit obedientia juſticiam annis: quibus evolutis, & mortuo Eugenio voluntariè ceſſit Nicolao V. ut ſuo plenius ordine dicemus. Erat enim vir optimus, vita & converſatione præclarus, ingenio promptus, eloquio dulcis, pius & juſtus, eruditione quoque ſcripturarum ſufficienter inſtructus. Ejus filia nomine Margaritha nupſerat Ludovico Pio Comiti Palatino Bavarixque Duci Principi Electori, cui peperit Philippum Palatinum, qui ante hoc fermè quinquennium obiit, ut inferius dicitur. Ludovico autem defuncto Margaritham Udalricus Comes de Wirtenberg duxit uxorem, de qua tamen liberos non ſuſcepit.

Felix Papa multos pro ſua parte creavit in Concilio Cardinales.

Felix autem in Pontificatum ſublimatus, pro confirmatione partium ſuarum nonnullos apud Baſileam Cardinales inſtituit, inter quos erat Joannes de Ragufio Ordinis Prædicatorum S. Theologiæ Doctor, Græcæ & Latinæ peritus, qui & Baſileæ obiit, & Bibliothecam ſuam valdè raram & pretioſam Conventui ſui Ordinis commendavit cum omni ſupelleſtili ſua in perpetuam poſſeſſionem.

Nicolaus Abbas Siculus & Archiepiſc. Panormitanus & Cardinalis noſtri Ord.

Nicolaus quoque Siculus Abbas Monacenſis Cœnobij Ordinis noſtri in Sicilia ex Catana civitate oriundus Archiepiſcopus Panormitanus, quem Eugenius Papa miſerat Baſileam ad revocandum Concilium, rationibus & auctoritate victus Concilio adhæſit, & per Felicem Cardinalis honore donatur; fuit enim vir in utrôque Jure peritiſſimus, & multa ſcripſit, quæ hodiè manifeſta ſunt omnibus.

Fridericus Dux Austriæ Pater Sigismundi Archiducis moritur.

Anno item prænotato xxiv. die menſis Junij, quæ fuit nativitas S. Joannis Baptiſtæ ſolemnis, obiit Fridericus Dux Austriæ, filium relinquens parvulum, nomine Sigismundum, cum theſauro magno, quem ad redimenda Dominia ducatus impignorata non ſine labore diuturno vivens congregaverat. Fridericus autem Dux Austriæ poſtea Imperator III. tulit Sigismundum parvulum cum theſauris magnis, & duxit in Austriam Tutoris peragens officium, ubi ſub tutela erat pluribus annis, donec tandem instantibus Tyrolanis & vallis Oeni populis, quorum erat Princeps, ſuo dominio pleno Jure inſtituitur.

#### MCCCCXL.

Monasterium S. Jacobi Moguntia à Bursfeldenſibus reformatur.

Anno Wolſframmi Abbatis XII. Indictione Romanorum tertia, Monasterium S. Jacobi Apoſtoli quondam Scotorum in monte Specioſo prope Moguntiam instantia & cooperatione Theodorici Archiepiſcopi Moguntini reformatum eſt, ex Monasterio Bursfeldenſi, ſub Joanne II. de Bubenheim Abbate, qui in reformationem memoratam conſenſit anno regiminis ſui ſecundo. Quo tandem anno Wolſframmi Hirſaugienſis viceſimo quarto vita defuncto, ſucceſſit Lubertus vir omni religione decorus, annis decem. Poſt quem Eberhardus de Venlo annis 7. Quoad Montem Monachorum prope Bamberg translato ſucceſſit Joannes de Itzſtein annis 3. Illo etiam cedente, & Abbatiam S. Joannis in Ringaugia ſumente ſucceſſit Hermannus Prüſs patria Moguntinus annis 44. minus duobus menſibus, vir optimus & ſempiterna memoria dignus. Quo mortuo, & in medio chori ſepulto, Joannes de Gerauo major cellerarius in Abbatia ſuccedens hodie tertium Abbatiffat annum. Plura Cœnobia ex eodem Monasterio deinceps fuerunt reformati.

Eodem

Eodem anno, Sabbato post Erhardi Festum, in principio mensis Januarij obiit Joannes de Brunn Episcopus Herbipolensis, & Dux Franciæ Orientalis, in Castro montis Dominae nostræ S. Mariæ, cujus corpus in majori Ecclesia cum honore fuit sepultum. Reliquit Ecclesiam Herbipolensem nimis exhaustam, & multis debitis involutam; nam quidquid habuerat in proventibus, & censibus annuis, totum pro ære alieno fuerat impignoratum, ut vix præsul unde viveret cum difficultate posset acquirere. Miseria fuit insignem tunc videre memoratam Ecclesiam in tanta paupertate constitutam, ut non tantum gloria esset spoliata, quam prius habuerat, sed etiam fidem apud omnes publicam amisisset. Unde parum abfuit, quin propter multitudinem debitorum alienanda in manus Fratrum Ordinis Teuthonici misera venisset. Post Joannem electus fuit à Capitulo Sigismundus Saxoniae Ducis filius, qui aliquandiu coadjutor ipsius Joannis fuerat: homo pacificis actionibus delectatus: confirmatus autem & ordinatus in Episcopum præfuit annis 3. de quo etsi copiosa sit mihi materia, nescio quid scribam, propter vanam de ipso hominum æstimationem, aliis eum stultum & fatuum, alijs verò prudentem & optimum virum asserentibus. In prima opinione fuerunt Canonici, & penè Clerus omnis, quorum sectatores ita reliquerunt in scriptis, quòd post fatuitates multas pueriliter commissas penè solus aufugerit ad fratres suos Duces in Saxoniam, & ibi manserit usque ad mortem, nec reversus ad Herbipolim deinceps fuerit, fratribus ob verecundiam ne elaberetur, mirò illum studio custodiri facientibus. Qui verò sequebantur opinionem memoratæ contrariam, eum propterea exosum atque despectum fuisse à Clero dicunt, quòd civibus nimium assentiens, eorum se fidei potius, quam Canonicorum suorum credidisset, favoremque populi pluris æstimaret, quam devotionem auctoritatem & libertatem omnium Clericorum. Opiniones hodiè vulgarissimas dixi, quorum me scriptorem non judicem exhibui.

Anno item supra dicto circa medium quãdragesimæ, convenerunt apud Franckfurdiam principes Electores: Theodoricus Archiepiscopus Moguntinis, Jacobus Archiepiscopus Trevirorum, Theodoricus Archiepiscopus Colonensium, Ludovicus Palatinus Comes Rheni Bavariaeque Dux, Ernestus Dux Saxoniae, & Fridericus Marchio Brandenburgensis, & habitis inter se tractatibus ex more necessarijs, tricesima die mensis Martij, Fridericum Ernesti filium Austriae, Styriae, Carinthiaeque Ducem & in Tyroli Comitem unanimi consensu in Regem Germanorum & Imperatorem Romanorum elegerunt, quem ad Aquasgrani ducentes solemni pompa coronarunt. Sex & viginti annorum erat cum regnare cepisset, tribus & quinquaginta annis regnavit in Germania, quorum solus expendit quadraginta sex, cum filio autem Maximiliano 7. annis regnavit. Undecim annis sine Imperij corona regnavit, & quadraginta duobus annis imperavit gloriosè coronatus; Erat enim vir optimus, bonarum litterarum studio competenter imbutus, ingenio subtilis, consilio cautus, actione præcipuus, pacificus mansuetus pius justus atque munificus, amator Cleri, defensor pauperum, & virorum omnium cultor & amator Doctorum. Uxorem postea duxit coronatus Imperator Leonoram Lusitaniae seu Aragoniae regis filiam, de qua genuit Maximilianum Regem & Cæsarem, filiam quoque unam, quam Albertus Bavariae Dux habuit uxorem.

Joannes de  
Brun Her-  
bipolensis  
Episcopus  
moritur.

Sigismun-  
dus Dux  
Saxonum  
fit Episco-  
pus Herbi-  
polensis an-  
nis tribus.

Fridericus  
Dux Au-  
striae fit Rex  
Germano-  
rum annis  
33.

Leonora  
filia Regis  
Lusitaniae  
uxor Fride-  
rici Impera-  
toris III.

Regina Un-  
garie filiū  
commen-  
davit Regi  
Friderico.

Bohemi  
Ducem Ba-  
varie Al-  
bertum  
Regem  
petunt ſed  
reſutantur.

Bohemi  
Fridericum  
Regem pe-  
tunt ſed ac-  
ceptare  
contempſit.

Albertus  
Marchio  
Branden-  
burgenſis  
tentat  
Oxenfurt.

Eodem tempore, quo Albertus Germaniæ Ungariæ Bohemiæque Rex. de quo paulo ante dictum eſt, vitam cum morte commutavit humanam, Eliſabeth uxorem ſuam partu gravidam reliquit. quæ non diu poſt obitum mariti filium peperit nomine Ladislaum. Cùm autem Fridericus Dux Austriæ jam dictus in Regem Germaniæ fuiſſet electus, venit cum eo mulier jam memorata, Ladislaum filium ſuum jam pridem apud Albam regalem 4. meſes habentem ætatis, in regem Ungariæ coronatum ſecum adducens, cum regni corona nimium pretioſa; non enim confidebat Ungaris, & idcò filium Regi Friderico educandum prudenter comiſit, & coronam regni Ungarici ad tempus ſervandam commendavit; quod fideliter fecit utrumque. His pro quibus venerat, apud Fridericum regem peractis, Regina cum ſua comitiva in Ungariam reverſa eſt, & regnum loco filij aliquandiu prudenter gubernavit. Interea Bohemi auditâ morte Regis Alberti, qui ut ſupra diximus, in Moravia obierat, diem ſtatuunt in unum conveniendi pro electione novi regis Bohemi celebranda; nesciebant enim quod Regina peperiffet filium. Innotuit autem mulieri conſilium Bohemorum, & miſſis ad conventum Legatis regem prohibuit eligendum, ſignificans ſe legitimo ex Rege filium regni legitimum peperiffe hæredem. His Bohemi auditis in duo ſcinduntur. Altera decernebat pars Ladislaum pro rege ſuſcipiendum, altera verò non pueris regnum deberi ſed viris, qui poſſint & regere ſubjectos, & deſenſare contendens, regem omnino ſtatuit eligendum, ſatis fore Ladislao, ſi poſt 24. ætatis annum vocaretur ad regnum. Et hæc pars invaluit. Scrutatis igitur votis eorum, quibus de rege nominando fuerat delegata poteſtas, Albertus Dux Bavarie, qui olim apud regem Wenceslaum enutritus linguam probè noverat Bohemicam, tunc quidem in Bavaria conſtitutus in Bohemiæ Regem concordî voto eligitur. Placuit electio cæteris, mittuntur conſeſtim nuntij ad electum, atque ut veniat in regnum ſibi deſtinatum à Deo, multis precibus rogatur. Quibus ille gratias egit, imprimis, quod eum ex omnibus unum elegiſſent in regem, multumque ſe idcirco debere Bohemis. Regali boatu proclamans. Sed cùm regis Alberti Ladislaus extet legitimus filius & hæres, ſibi non fore decorum aſſeruit, ut regnum etiam vocatus ab incolis terræ uſurpet alienum. Hac reſponſione Bohemi accepta, honoratîque muneribus ad ſuos in Bohemiam tristes reverſi ſunt. Repulſi autem ab Alberto Bohemi, Legatum ad Fridericum regem miſerunt, orantes, ut regnum Bohemiæ tutorio nomine ſuſcipiat gubernandum, quouſque puer adoleſcat Ladislaus. Renuit Fridericus oblata ſubire, indignum aſſerens illius uſurpare hæreditatem, cujus tutelam ſuſcepiffet corporalem. Sed neque tutorio nomine Regnum Bohemiæ gubernare poſſe reſpondit, propterea quod cùm Regno Germaniæ & Romanorum plurimum eſſet occupatus, ipſi potius regni gubernatores eligerent, donec parvulus ad legitimam perveniat ætatem. Cuius acquieſcentes conſilio Bohemi, gubernatores quosdam regni conſtituunt, inter quos non ſatis firma concordia extitit, & ideo reſpublica in manus tandem hæreticorum devenit.

Eodem anno quarta die menſis Decembris, quæ fuit ſolemnitate S. Bar-  
baræ Virginis & Martyris feſtiva, venit Marchio Brandenburgienſis, qui  
morabatur in Onolſpach cum armatorum exercitu, inſidioſè capiens no-  
cturno



Ætarno tempore castellum & oppidum Ecclesiæ Herbipolensis Oxenfurt invadere, & expugnare. Præmisit ergo viros 50. ut muros præoccupantes ascenderent & venienti exercitui portas oppidi priusquam dies illucesceret, aperirent. Sed errante per noctem in tenebris ductore copiarum, & tardius cum exercitu veniente ante oppidum, utpote jam illucescente die, innotuere tradimenta civibus, & correptis armis viros illos 50. qui jam oppidum per muros intraverant, omnes ceperunt, & armis denudârunt. Interea tandem supervenit exercitus, forisque ante muros portarum refectionem expectabat, in quem cives è muris, & turribus misere bombardas, & subito cuncti turpiter dispersi, fuga quæsiwere salutem. Cecidit ibi Erckengerus de Sensheim Capitaneus exercitus memorati Marchionis, & bombardarum impulsu etiam alij perierunt.

MCCCCXLI.

Anno Wolfframmi Abbatis tertiodecimo, Indictione Romanorum quarta, ultima die mensis Aprilis, quæ fuit Dominica tertia post Festum Resurrectionis Domini, & Salvatoris nostri Jesu Christi, celebratum fuit undecimum Ordinis nostri provinciale Capitulum, in quo præfederunt Hartungus S. Petri in Erfordia, Georgius S. Ægidij in Nürenberga, Nicolaus S. Blasij in Nigra Sylva, & Henricus Beatæ Mariæ semper Virginis in Amorbach Monasteriorum Ordinis nostri Abbates, qui etiam in proximo capitulo præfederunt.

Capitulum  
Ordinis xi.  
Nürenber-  
gæ celebra-  
tur.

Hyems fuit hoc anno diuturna & asperrima, nivésque magnæ super faciem terræ fuerunt & continuæ, à festo S. Martini Episcopi usque ad Purificationem B. Mariæ semper Virginis, quorum frigore incommoditate simul & prolixitate non tantum homines pauperes, sed etiam jumenta afflictabantur.

Anno prænotato inter Ludovicum Baviaræ Ducem cognomento Gibbosum, & patrem ejus Ludovicum Ducem, qui morabatur in Ingolstatt, magna fuit suborta dissensio, quæ tandem plenum dedecore finem accepit. Nam consilio & auxilio Marchionis Brandenburgensis Alberti, Patrem in oppido Neuburg juxta ripas Danubij obledit, cum oppido cepit, & rem perpetuâ infamiâ notandam perpetravit; captum namque patrem in prædam Marchioni Alberto dimisit, quem ille Henrico Duci Baviaræ in Landshuta commoranti acerrimo ejus adversario pro magna vendidit summa pecuniarum, quam solvere cogebatur, si voluit liberari. Sed hæc impietas filij magna in patrem divina dictante justiciâ morte citius est vindicata præmaturâ, ut qui genitorem dehonestavit proprium, brevi moriens sine liberis, pater esse non posset.

Ludovicus  
Baviaræ  
Dux Gibbo-  
sum pa-  
trem suum  
expugna-  
vit.

Eodem anno Theodoricus de Moers Archiepiscopus Colonienfis magno pugnatorum congregato exercitu Sufatum Westphaliæ oppidum obsidione vallavit. Cives autem firmitate murorum adjuti se fortiter defendebant. Unde cernens postremò Archiepiscopus, quod locum sicut speraverat, obtinere non posset, concordiam fecit ut potuit, & ad propria non sine damno reversus fuit.

Archiepisc.  
Colonienf.  
Sufatum  
obsedit, sed  
capere mi-  
nime po-  
tuit.

Anno prænotato, Godfridus præpositus in Rote, de promissione & consensu Wolfframmi Abbatis Hirsaugiani, ad cujus jurisdictionem Coenobium ipsum sine medio pertinet semperque pertinuit à prima fundatione sua, usque in præsentem diem, præposituram ipsam resignavit.

Præpositus  
in Rote re-  
signat offi-  
cium suum.

acceptâ

acceptâ penſione annuâ florenorum ſeptuaginta , quibus vitam deinceps in privato ſuſtenteret. Iſte Godfridus cappam ſericam ſatis pretioſam, & crucem argenteam Hirſaugiæ piâ devotione donavit, quæ ibidem in Eccleſia ſervantur uſque in hanc diem.

## MCCCCXLII.

Inter Un-  
gariæ Regi-  
nam & Ula-  
diſlaum  
Polonum  
diſcordia.

Anno Wolframmi Abbatis quarto decimo, Indictione Romanorum quinta, magni fuerunt in Ungaria tumultus pro regno inter Eliſabeth Reginam Alberti quondam Regis relictam uxorem Ladislai pueri matrem, & Uladiſlaum quondam Poloniæ regem, quem nonnulli ex primoribus Ungariæ contra eam vocaverunt in Regnum. Quibus Eugenius Papa recognitis Julianum Cardinalem Cæſarienſem Legatum miſit in Ungariam, quò cùm perveniſſet, multum pro concordia & pace laboravit, & ecce ubi res optato fini appropinquare videretur, ſubitò Regina carnis debitum ſolvit, & Polonus regnum obtinuit. Ladislao ſub Regis Friderici manente tutela, ut ſupra dictum eſt, lætantibus alijs, alijs verò nimium contriſtatis.

Fridericus  
Dux Au-  
ſtriæ Aquif-  
grani coro-  
natur in  
Regem  
Germaniæ.

Eodem anno menſe Julio, Fridericus Aſtriæ Dux, quem anno ſuperiori diximus apud Franckfurt abſentem in Germaniæ regem electum, ad Regale oppidum Aquasgrani cum principibus multis proficiſcitur, & in Eccleſia B. Mariæ ſemper Virginis per Theodoricum Colonienſem Archiepiſcopum ſolemni pompa inunctus coronatur. Annis verò undecim poſt electionem ſuam ad imperij coronam propter ſchiſma, quod fuit inter Eugenium & Felicem, properare diſtulit, quam tandem à Nicolao V. Romæ ſuſcepit.

Vinum cre-  
vit in abun-  
dantia  
multa.

Anno prænotato magna per totam Germaniam copia vini crevit, & in tantum viluit, ut cavata vini, quæ duodecim urnas continet apud Francos Orientales, urna vero una menſuras quatuor & ſexaginta, pro florenis duobus paſſim venderetur, & erat vinum non tenue non vile non dume- titium, ſed nobile dulce & optimum, quale in multis retro non creverat annis. Fuitque in omni terra Germaniæ vini abundantia magna, frumentorum quoque omnis generis tanta exuberantia, ut horrea deficerent pluribus, in quibus naſcentia reciperentur; erat enim totus annus valdè temperatus in ſingulis quatuor partibus ſuis, aura quoque meſſis tempore ſereniſſima, quo factum eſt, quod fruges ſiccæ domibus introductæ diutius ſervari potuerunt.

Wolfram-  
mus Abbas  
Hirſaugien-  
ſis in  
Schonrein  
renovat.

Eodem anno cùm Prior Monaſterij Schonrein Abbati Hirſaugiano immediatè ſubjectus in Diœceſi Herbipolenſi cenſus & proventus ejusdem Cœnobij annuos renovare laboraret ſui juffione Abbatis Wolframmi, Comes de Ryneck, qui locum & fratres tutari debuerat, multipliciter in contrarium nitebatur, ruſticis contra æquitatem faciens aſſiſtentiam, ne cenſuum fieri contingeret neceſſariam renovationem. Unde jure com- morus Wolframmus Abbas poſt multas contentiones cum Comite habi- tas ad Schonrein in propria perſona deſcendit, & ſicuti patet in regiſtris, ibidem cenſus invitis comitibus renovavit.

## MCCCCXLIII.

Hyems  
longa fuit  
& multis  
duriſſima.

Anno Wolframmi Abbatis quinto decimo, Indictione Romanorum ſexta, hyems fuit longa ſimul & frigidiffima, durans à feſto S. Martini penè uſque ad medium menſis Maij, defeceruntque in multis locis pabula  
jumentis,

jumentis, & erat ingens miseria tantam videre inopiam rusticorum. Unde plures cum nec fenum haberent, nec stramina, ne penitus interirent jumenta, alij denudatis domibus suis, quæ straminibus erant coopertæ, pabula ut poterant cum aqua calida fecere jumentis, alij jumenta sibi mactaverunt in escam: nonnulli etiam non habentes, unde pecora nutrent sua, præ nimia fame jam semimortua in campos & nemora minantes devoranda lupis concesserunt.

Eodem anno Sigismundus ex Ducibus Saxonie Herbipolensis Episcopus, posteaquam in tertium annum præfuisset Ecclesie, tadio civium aut injuria Canoniorum affectus, nescio, Deus scit, Herbipolim deseruit, & clam fugiens cum paucis in Saxoniam reversus est. Fuerunt qui scriberent, cum innata fatuitate & stultitia concitatum, ut fugeret, nullamque penitus à quopiam suscepisse injuriam; mores enim præferebat nimium pueriles, quibus multum est factus contemptibilis, maximè viris prudentibus, qui nihil in eo dignum Pontifice præter nomen & schema corporis esse judicabant; nam cunctis ut pueris puer affabilis extitit; mulieribus & puellis levem & nimium familiarem se præbuit, inter cives, quasi unus ex eis sine maturitate Pontificia conversatus est leviter. Igitur in Saxoniam reversus ad Fratres, multa querulabatur adversum Canonicos Herbipolenses, metu se mortis Herbipolim asserens deseruisse, sed non resignasse Pontificatum. Quid plura dicam? Fit postremo inter dissidentes concordia, Sigismundus fratrum suorum consilio persuasus & inductus Ecclesie memoratæ renuntiat, pensione annua sibi reservata, unde vivat. Mansit autem sub custodia fratrum Ducum in Saxoniam, & annis plurimis supervixit. Verum quia ut supra diximus, Herbipolensis Ecclesia fuit illis temporibus ære alieno nimium gravata, pensio hæc annua Sigismundo adscripta per plures annos tam per Godfridum Episcopum, quam per Joannem ejus successorem extitit neglecta, quæ in magnam postremo summam fuit à Ducibus computata; Rudolpho namque de Scherenberg post Joannem de Grumbach ejus successorem in Episcopum sublimato, Duces Saxonie restantem pensionis jam dictæ summam ab eo magnam exigebant, quod aut solvere, aut eos Ecclesie inimicos sentire, compelli videbatur. Erant tum, qui consulerent Rudolpho, belli fortunam expectandam potius, quam tantam pecuniarum summam nullo debitam jure Ducibus solvendam. Quibus ille, ut vir pacificus & non improvidus respondebat: *His pecunijs, quæ postulantur à nobis, primum belli apparatus coadunare non possemus, quem etsi haberemus ad manum, nesciremus nihilominus, qui finis pro nobis, an contra nos sequeretur. Unde, inquit, meo judicio melius est, pecuniâ comparare pacem, quam bellum fovere incertum.* Dedit ergo Saxonie Ducibus interveniente concordia florenorum 34000. & sic imminetia sibi mala prudenter declinavit.

Post resignationem Sigismundi Godfridus Schenck de Lymburg in Episcopum Herbipolensis Ecclesie concorditer fuit electus, & præfuit annis fermè XII. vir magnanimus & prudentie singularis, qui primus omnium in moneta & litteris publicis, Friderico rege Germanorum postea Imperatore consentiente, se Ducem Francorum scripsit Orientalium, & Wirzburgensem Episcopum, causam ut hoc faceret, relatione seniorum audivimus hujuscemodi. Albertus Marchio Nürenbergensis

F f f

Nüren-

Sigismundus Episcopus Herbipolensis clam fugit in Saxoniam.

Sigismundus resignat Pontificatum recepta pensione annua.

Godfridus Schenck de Lymburg fit Episcopus Herbipolensis.



Episcopus  
Herbipol.  
Ducem ſe  
ſcribit  
Orienta-  
lium Fran-  
corum.

Nürenbergenſiumque Burggravius Princeps bellicoſus & ſemper contra memoratum Pontificem in armis, titulum ducatus Francorum Orientalium uſurpare videbatur, propterea forſitan, quod nemo ſe huius principatus Ducem ſcriberet, neminem fore exiſtimans contradicendum. Sed Godfridus Pontifex non ferens hanc injuriā Eccleſiæ ſuæ intentari, quæ Ducatum Francorum S. Burckhardo ante 690. annos non ab imperio, ſed à regno Germaniæ per Pipinum & Carolum Magnum reges donatum jure poſſedit, quamvis fortè nullus Episcoporum ſe Ducem antea ſcripſiſſe inveniretur, Marchioni Alberto contradixit, & titulum Ducatus malè uſurpatum deponere compulit, & ne quis ſimilia tentaret impoſterum, ſe, ut diximus, Episcopum Herbipolenſem, & Orientalis Franciæ Ducem, quamdiu vixit in humanis, nominavit & ſcripſit. Quem ſecuti per ordinem ſucceſſores Joannes de Grumbach, Rudolphus de Scherenberg & Laurentius de Bybera, qui hodie octavum decimum Episcopizat in annum, omnes titulum Ducatus memorati ſuis epistoſis inſcribunt.

Unde Du-  
catus Fran-  
corum ad  
Eccleſiam  
pervenit  
Herbipol.

Quo autem jure id faciant, altius quam præſens Chronicon inchoavimus, occurrit repetendum. Anno Dominicæ Nativitatis DCCLI. Indictione Romanorum IV. S. Burckhardus Monachus natione Anglicus per S. Bonifacium Archiepiſcopum Moguntinum decimus nonus Herbipolenſis Eccleſiæ ordinatur Episcopus, & præfuit in ea annis XL. Eo temporum ordine latiffimum erat regnum Francorum, totam penè completens Germaniam & Galliam, cui præfuit Hildericus ſolo nomine Rex, Pippinus verò Majordomus, Pater Caroli Magni cuncta Regni negotia disponebat. Igitur Francorum proceres memoratum S. Burckhardum & Folradum Presbyterum Abbatem Romam miſerunt ad Zachariam Papam, ut conſulerent eum ſuper regno, quid melius in futuro eſſe putaret.

S. Burck-  
hardus  
Romam  
pro Regno  
à Francis  
mittitur.

Romanus Pontifex auditâ legatione miſſorum, decrevit melius & utilius fore pro confirmatione Regni, ut ille qui facit laborem, ſit dicaturque Rex, quàm Hildericus omni tempore otioſus. Mandavit ergo per eoſdem S. Bonifacio Archiepiſcopo Moguntino, ut abrogato Rege Hilderico inutili Pipinum Majorem domus in Regem Francorum ungeret & coronaret. Anno igitur Dominicæ Nativitatis DCCLII. in civitate Sueſſionum D. Bonifacius Archiepiſcopus in præſentia S. Burckhardi & multorum præſulum abrogato & in Monasterium truſo Hilderico Pipinum unxit in Regem. Pipinus igitur in Regem Francorum ſublimatus, ne S. Burckhardo Episcopo pro ſuis laboribus & beneficijs videretur ingratus, imo pro Dei Omnipotentis honore totiùſque regni ſalute Civitatem Wirtzburg & Ducatum Franciæ ſæpius dictæ Orientalis, de conſenſu Caroli Magni poſtea Imperatoris filij ſui, & 100. Principum Regni Franciæ Eccleſiæ memoratæ Herbipolenſi liberè tradidit in perpetuam proprietatem. Jure igitur quilibet Episcopus Herbipolenſis pro tempore exiſtens Francorum ſe Ducem ſcribit unicum, cùm hoc privilegium Eccleſiæ à pientiffimis Regibus conſtet ſoli conceſſum.

Ducatus  
Francorum  
datur Her-  
bipolenſi  
Eccleſiæ  
per Pipi-  
num Re-  
gem.

Lauffen-  
burgum  
obſidetur à  
Bernenſi-  
bus, ſed  
non capi-  
tur.

Anno prænotato in die Nativitatis B. Virginis Mariæ, Bernenſes & Solodorenſes apud Helvetios contracto ſuorum exercitu, auxilio Baſileenſium, Lauffenburg contra omnem juſticiam obſidione dura vallarunt, & per dies 14. fortiter obſederunt: & licet muros tam oppidi, quam arcis in plerifque locis impulſu bombardarum dejecerint, intrare tamen

tamen neutrum potuerunt, civibus se constanter defendentibus, & machinis lapides continuè dirigentibus in hostem. Postremò considerantes memorati iniusti obfessores, quod nihil proficerent contra obfessos, pace datâ & acceptâ, non sine damno suo ad propria redierunt.

Eodem anno Wolfframmus Abbas hujus Monasterij Hirsaugiensis Ecclesiam parochialem in Walse de consensu Cardinalis & Episcopi Augustensis ordinarij loci præposituræ Noth cum omnibus emolumentis suis incorporavit.

Præpositura in Noth.

Hoc ipso anno Eugenius IV. Papa Romam ex Florentia reversus, S. Nicolaum Tolentinatem Ordinis FF. Eremitarum D. Augustini Episcopi, de consensu Cardinalium SS. Catalogo adscripsit, virum perpetuâ memoriâ dignum, qui in vita & morte infinitis penè miraculis clauit, & multorum corda sua prædicatione ad Deum convertit.

S. Nicolaus Tolentinas canonizatur.

MCCCC XLIV.

Anno Wolfframmi Abbatis XVI. Indictione Romanorum VII. Dominica post Festum Dominicæ Resurrectionis, quarta decima videlicet die mensis Maij, celebratum fuit duodecimum Ordinis nostri provinciale Capitulum, apud S. Petrum in Erpfurdia, in quo præfederunt Abbates Monasteriorum ibidem, S. Galli in Suevia, S. Ægidij in Nürenberga, & S. Protomartyris Stephani in civitate Herbipolensi.

Eodem anno Fridericus Rex Germanorum regni principibus indixit conventum apud Nürenberg oppidum ad Festum Purificationis celebrandum. Convenientes autem paulo tardius circa medium quadragesimæ principes, varios cum rege tractatus habuerunt, quibus Reipublicæ consultum iri sperabant. Invaserat eodem tempore fines Christianorum impudentissima gens Saracenica, & plura fidelibus intulit mala. Contra hanc Rex Fridericus multa tractavit cum principibus, expeditio Christianorum in Turcas magna concluditur, subsidia plurimorum in communi promittuntur, sed conventu principum dissoluto nihil aut parum ex conclusis in effectum deducitur, quin potius ad sua quique reversi promissorum oblici sunt, & privata communibus prætulerunt.

Conventus principum cum Rege apud Nürenberg agitur.

Interea Uladislaus Poloniae Rex, qui sibi Ungariam vendicabat, vir juvenis fortis & audax, habens secum in Ungaria Julianum Cardinalem Cæsareum Apostolicæ Sedis à Latere, ut ante diximus, Legatum, incurSIONem Turcarum ægrotulit animo, & Christianæ fidei zelo succensus arma in eos movere decrevit. Contractis igitur quotquot potuit ex Poloniae Regno simul & Hungariæ pugnatorum millibus ingentem contra Saracenos Turcas exercitum duxit, & factâ congressione inter Adrianopolim & Danubium, diu ab utraque parte satis atrociter fuit dimicatum. Magnus impiorum fuit exercitus: de quo nostri adjuvante Deo in Festo S. Martini xxx. millia cum sedecim eorum capitaneis sive principibus occiderunt. Ex nostris etiam plures ceciderunt, inter quos Uladislaus supradictus Rex Poloniae, Ungariæque, & Julianus Cardinalis Cæsareus Apostolicæ Sedis Legatus vir Deo dilectus cum nobilibus & fidelibus multis pro fide Christiana ceciderunt, quos in Christo vivere credimus.

Christianorum expeditio in Turcas prope Danubium.

30000. Turcæ à Christianis cæduntur in bello.

Anno prænotato incolæ Sufatensis oppidi in Westphalia repudiato Domino suo Theodorico Archiepiscopo Colonienfium, qui se Ducem scribit Angariæ, protectorem & defensorem sibi assumunt Ducem.

Oppidum Sufatense in Westphalia obsidetur.

F f f 2

Clivensem,

Clivensem. Hinc multiplicata sunt mala per universam terram memorati Ducatus Angariæ, in quo etiam oppidum Susatense dignoscitur situatum. Contractis etenim copiis Archiepiscopus, Bohemorum quoque adjutus occursum, magnum adunavit pugnatorum exercitum, & ingressus Ducatum Angariæ, omnia incendio ferro & rapina devastavit, munitiones villas & castella circa Susatum plura subvertit, nobilesque multos & ignobiles comprehendens secum abduxit captivos.

Ducis Julias  
ensis bel-  
lum contra  
Geldrenses.

Eodem quoque anno factum est prælium atrox & magnum inter Arnoldum Ducem Geldriæ, & Gerardum Ducem Juliacensem, in quo Juliacenses numero pauciores magnam adversariorum multitudinem converterunt in fugam, pluribusque occisis campum, ut dici solet, obtinuerunt cum triumpho victoriæ.

His etiam temporibus inter Ducem Lotharingiæ & cives Regni Germanici Merenses dissensio fuit exorta gravis, quæ dietim crescens tandem parturit bellum. Adhæsit Lotharingiæ principi Carolus Gallorum, Rex VII. una cum Ludovico filio suo Duce Viennensi Delphino, qui Helvetios non sine detrimento suorum maximo, ut supra jam anticipativè diximus, impugnavit. Convenientes igitur in unum tres isti principes cum ingenti pugnatorum exercitu, Mediomatricum urbem, id est, Metim per gyrum obsederunt. Firmatâ obsidione Fridericus Rex Germanorum, ut Gallus scriptor Gaguinus memorat, de Helvetijs questus, quod suo rebellarent imperio, Carolum orat, quatenus sibi partem militiæ transmittat in gentis correptionem rebellantis; petitionem Gallus libenter admisit, confestimque Ludovicum Delphinum jam dictum Basileam cum copiis destinavit, bella cum Helvetijs plura gessit, aliquando victor, victus interdum. Postremò tamen superatus confususque in toto, & sine honore fugatus, quemadmodum supra dictum est. Alij Delphini Ducis in Helvetios motum Eugenio Papæ adscribunt, per quem Basileense Concilium se posse destruere speraverit, Fridericum Regem excusantes.

MCCCCXLV.

Monaste-  
rium Kyr-  
garten  
Wormatiæ  
datur Re-  
gularibus.

Anno Wolframmi Abbatis septimo decimo, Indictione Romanorum octava, obiit Fridericus Episcopus Wormatiensis, qui Moniales Cisterciensis Ordinis in Cœnobio Kyrsgarten Wormatiæ commorantes, propter inordinatam vitam earum expulit, & Canonicos Regulares S. Augustini de bona observantia Widisheim reposuit. Quod quidem, Cœnobium in ultimam devenerat paupertatem, sed Fratrum industria & labore brevi sub bonis constitutionibus restitutum.

Ludovicus  
de Ast fit  
Episcopus  
Worma-  
tiensis die-  
bus 40.

Huic in Episcopatu Wormatiensis Ecclesiæ per electionem Fratrum Canonicam immediatè successit Ludovicus Canonicus & Ludovici Palatini Comitissæ secretis sive Cancellarius, vir morum integritate simul & eruditione scripturarum clarus; qui priusquam confirmaretur vel ordinaretur in Pontificem, amicorum consilio super hoc habito, quadragesima die post electionem suam Episcopatum cum omni jure suo in manus Capituli resignavit, malens in humilitate sua consistere, quam in alto periculum subire. Fuit autem oriundus ex cognatione de Ast, utriusque Juris Doctor & præpositus.

Rheinhardus de Sickingen fit  
Episcopus  
Wormatiensis an-  
nis 36.

Post cujus resignationem electus fuit Reinhardus de Sickingen homo non multæ eruditionis, bonus tamen & honestæ conversationis, qui præfuit



fuit annis ferme 36. & satis providè WORMATIENSEM rexit Ecclesiam. Cujus tempore Coenobium nostri Ordinis in novo Castro, id est. Neuenburg prope Heidelberg ad observantiam regularem fuit reductum. Ipse etiam reformavit aliud Monasterium ejusdem Ordinis Monialium in Löbenfels. cui plura fecit bona, & semper in observantia manu tenebat.

Eodem anno Concilium Basileense commissionem & auctoritatem dedit Joanni Bursfeldensis Monasterij Clarissimo Abbati, corrigendi & emendandi Ordinarium divinatorum officiorum, quem emendatum enucleatum & examinatum Sedes Apostolica pro Monachis reformatis & reformandis, atque capitulo annali unitis, & uniendis in perpetuum confirmavit.

Anno prænotato, Ludovicus Comes Palatinus Rheni Bavariaeque Dux & Princeps Imperij sacri Elector, filius quondam Barbatii & nepos Ruperti Regis Germaniae, qui morabatur in Heidelberg, uxorem duxit Margaretham filiam Amadei quondam Ducis Sabaudiae, tunc verò Papæ Felicis IV. & Sororem Ludovici, qui Ducatum paternum Sabaudiae tunc strenuè gubernabat: de qua genuit filium unicum nomine Philippum, qui ei in principatu Palatino successor fuit.

Ludovicus Comes Palatinus filiam Papæ Margaretham duxit uxorem.

Hoc ipso anno decima septima die mensis Februarij, Fridericus de Nackheim Abbas Monasterij quondam mei Spanheimensis, in ordine succedentium vicesimus, paupertate inopiæque oppressus, ac senio confectus Abbatiam resignavit anno regiminis sui sexto necdum completo. Huic in Abbatia primus atque vicesimus successit Conradus Humbrecht de Ganiodoro Monachus conventualis, & præfuit annis sedecim, & 20. diebus, qui reperit Monasterium ære gravatum alieno, & Monachos numero paucos, & conversatione nimium deformatos.

Conradus Humbrecht fit Abbas in Spanheim.

Anno etiam præscripto Eugenius Papa IV misit in Basileam duos Episcopos Thomam & Joannem, viros potentes in opere & sermone, committens eis, ut viribus adhibitis totis navarent operam, si Patribus in eo congregatis possent, quavis ratione, persuadere, quatenus aliquando solverent, quod celebrabant Comitium, tollereturque malè præsumpta neutralitas. Venientes ergo ad Basileam duo memorati Pontifices, Legationis suæ munus strenuè peregerunt, & tandem post multos sermones Patribus ut Concilium dissolverent persuaserunt, sub illa tamen conditione, quod Eugenius Papa ratificaret approbaret & confirmaret omnia & singula per Concilium acta & conclusa, toto suæ durationis tempore, sola institutione Amadei Papæ Felicis IV. manifestè excepta.

Eugenius Papa laborat pro solutione Basileensis Concilij.

Patres itaque de Concilio priusquam ab invicem discederent, oratores quosdam nomine Concilij missis duobus Episcopis adjunxerunt, qui Romam pergentes publicè in consistorio vice ac nomine totius Concilij Basileensis debitam Eugenio Papæ reverentiam, & obedientiam solemniter præstiterunt, ipsum profitentes verum & indubitatum Christi Vicarium, successorem Petri Legitimum, atque Universalis Ecclesiæ Pontificem unicum solum, atque Catholicum. His Romæ feliciter & maturè peractis missarum solemne apud S. Joannem Lateranensem per unum Episcopum Cardinalem fuit decantatum, Cardinalibus & Prælatibus omnibus, qui erant in Urbe, adstantibus. Duo autem Episcopi, qui Legationis suæ officium tam faustè peregerunt, pro unitate Ecclesiæ, Cardinales mox facti sunt.

Eugenius Papa à Concilio ut verus Papa salutatur & recipitur.

Verum dum hæc Romæ agerentur, Eugenius Papa corporis languore detentus præsens non erat in consistorio; quapropter necesse fuit Oratores jacentem in Palatio valetudinarium accedere, & quidquid habebant in cornissis, prius cum ipso secretius, quam in Consistorio publicè pertractare.

Acta Con-  
cilij confir-  
mantur.

Lætatus est Papa Eugenius in his, quæ audivit de Concilio per Legatos, & libenter eorum annuens petitionibus ratificavit approbavit & confirmavit acta & conclusa per Concilium Basileense, in solum Felicem ut Pontificem non consensit.

Marianæ  
Conceptionis  
puritas  
confessa in  
Concilio  
Basileensi.

Nicolaus Papa V. etiam Eugenij successor immediatus memorati Concilij acta confirmavit in omnibus, quamquam sint nonnulli purissimæ Conceptionis Marianæ detractores, qui Concilium ipsum Basileense canino latratu impugnent, propterea quod Patres in eo constituti maturâ deliberatione præhabita, consilio & assensu plurium eruditissimorum virorum inducti, & sicuti non dubitamus, à Spiritu S. inflammati dixerunt, B. Virginem Dei Genitricem semper intactam, Virginem Mariam omni laude verè dignissimam, & Evâ primâ matre omnium sub innocentia factâ meritò magis innocentem, nullo unquam subjacuisse originali peccato, sed ejus animam semper puram & innocentem à contagione omni indubitanter præservatam.

Anno prænotato, Carolus Marchio Badensis uxorem duxit Friderici Regis Germaniæ postea Imperatoris III. sororem, nuptijs in oppido Pforzen solemniter celebratis, de qua liberos genuit plurimos. Christophorum scilicet, qui hodiè Marchionatum de Baden cum filiis senior possidet: Fridericum quoque Trajectensem Episcopum. Cæterorum nomina mente non tenemus.

#### MCCCCXLVI.

Eugenius  
Papa IV.  
Romæ mori-  
tur.

Anno Wolframmi Abbatis XVIII. Indictione Romanorum 9. Eugenius Papa IV. post longam ægitudinem 27. die mensis Februarii, Romæ moritur, & in Ecclesia S. Petri Apostolorum Principis sub marmore sepelitur. In cujus tumulo hoc epitaphium legitur.

Epita-  
phium.

*Eugenius jacet hic quartus cor nobile. Cujus  
Testantur vite splendida facta sua.  
Istius ante sacros se præbuit aliter abortu,  
Alter ab occasu Casar uterque pedes.  
Alter ut incipiat fidei documenta Latina,  
Alter ab aurato cingat honore caput.  
Quo Duce & Armenij Græcorum exempla secuti  
Romanam agnôrunt Æthiopesque fidem.  
Inde Syrij ac Arabes mundique in sinibus Indi,  
Magna sed hac animo cuncta minora suo:  
Nam valida rursus Teucros jam classe petebat,  
Dum petis ast illum sustulit atra dies.*

Nicolaus  
fit Papa V.  
annis octo.

Vacat tum sedes diebus 12. Huic in Summo Pontificatu successit Nicolaus V. Thomas Sarzanus ante vocatus à Sarzana oppido Lunensis agri oriundus, vir humili parentela procreatus, sed virtute, doctrina, comitate, gratia liberalitate & magnificentia tanto Pontificatu dignus: in quo præfuit utiliter annis octo.

Eodem

Eodem anno 17. die mensis Aprilis, quæ fuit Dominica Palmarum, noctu mare fracto aggere in Hollandia haud procul ab oppido, quod Dordracum vocant, subito, & cum impetu terminos suos egrediens plusquam centum millia hominum cum pecoribus, & rebus omnibus suffocavit.

Centum millia hominum in Hollandia submersit mare.

Eadem quoque die Palmarum in Comitatu Zutphaniæ tonitrua fuerunt magna, & coruscationes nimium horribiles, ceciditque ab aere fulgur inturrim Ecclesiæ B. Virginis Mariæ, ac tredecim peremit. plures graviter & mirabiliter læsit, ceteros in pavorem maximum concitavit.

Anno prænotato Theodoricus Archiepiscopus Coloniensis iterum contractis copiis pugnatorum expeditionem movit contra Sufatenses in Westphaliā. Cives autem ubi exercitum ejus intellexissent jamjam appropinquantem, de oppido turmatim egrediuntur armati, & impetu facto irruerunt in obviam venientes, pugnantque viriliter, & alios occidunt, alios capiunt, alios in fugam convertunt. De captivis quorum plures Nobiles & locupletes erant, Sufatenses incliti & divites facti sunt, & plusquam 50. millia florenorum extorserunt, præter spolia multa, quæ tam ab ipsis, quam à fugientibus collegerunt.

Theodoricus Archiepiscopus Coloniensis movet in Sufatensium iterum.

Eodem quoque anno, Bastardus Philippi Ducis Burgundiæ Antonius, qui Luzenburgensem Ducatum vice Genitoris regebat, malignum in Trevirenses animum gerens, cum armis non posset, insidijs & occulta traditione Trevirim se capturum sperabat. Duos ergo de Senatu Trevirorum viros Belial mercede conduxit, multisque promissionibus in opus propositæ traditionis concitavit. Quorum alter Wigandus Schenck, alter verò Joannes Longus vocabatur. Qui cum Luzenburgi essent in hospitio, per Bastardum à Treveri secretius vocati, & in stuba soli (ut putabant) de modo traditionis Trevericæ mutuò consultarent ad invicem, Divino contigit nutu, ancillam domus latentem in angulo, eorum audire sermones. Unde avisati per hospitem Treverenses, mox ad se reversos traditores capiunt, tormentis exponunt, confessosque maleficium animi, capitibus truncant, & in quatuor partes divisos ante portas Trevericæ Civitatis membra eorum, ut mos est talibus fieri, suspendunt.

Bastardus Burgundiæ Dux Trevirim occupare studet.

Anno prænotato Udalricus de Wirtenberg duxit uxorem Elisabeth filiam Henrici Ducis Baviaræ, nuptiasque Stutgardia cum magna pompa celebravit, de qua genuit Eberhardum Comitem de Wirtenberg, postea secundum Ducem, qui cum Ducatum aliquamdiu rexisset, post primum Eberhardum Ducem Barbatum, sine liberis profugus obiit in terra aliena, sub ditione videlicet Palatini Comitum Philippi. Henricum quoque Comitem idem Udalricus genuit, cujus filius nomine Udalricus hodiè Dux III. terram gubernat Wirtenbergenfium.

Eodem anno se fratres Prioratus in Richenbach denuò contra Wolfframmum Abbatem Hirsaugiensem erexerunt in rebellionem, sicuti anno ejus quarto prius fecerunt, ut supra dictum est, sed per industriam Joannis Abbatis in Selsa tunc Ordinis nostri Argentinæ Diocesis ad concordiam revocati sunt.

Fratres in Richenbach rebellant Abbati.

MCCCCXLVII.

Anno Wolfframmi Abbatis XIX. Indictione Romanorum 10. mensis Maij die 7. celebratum fuit Ordinis nostri capitulum provinciale XIII. apud

Capitulum Ord. nostri provinciale XIII. in Constantia celebratur.

Con-



Constantiam in Monasterio Petridomus, in quò præfederunt ejusdem Ordinis nostri Abbates, Petridomus in Constantia, S. Ægidij in Nürenberga, S. Stephani Protomartyris in Herbipoli, & S. Gotthardi in Hildesheim, & multa utiliter statuerunt.

Theodoricus Archiepiscopus Colonienf. cum Bohemis obsidet Sufatum.

Eodem anno post festum S. Joannis Baptistæ, Theodoricus Archiepiscopus Colonienfis animum adversus Sufatenses omnino gerens inimicum, decrevit eos jam tertio in manu valida potenter invadere, & si potuerit, penitus delere. Conductis igitur ex Bohemia stipendio 26000. pugnatorum, adjutorio quoque Ducum Saxonie, Hildesheimensis Episcopi, & aliorum complurium, magnum in Westphaliâ produxit exercitum, & Sufatum obsidione fortissima cinxit. Est autem oppidum ipsum muris, turribus, & fossatis optimè munitum: Cives animosi atque fortissimi, & potius interire parati, quam subire jugum servitutis. Desolaverunt hostes in circuitu terram, spoliaverunt pauperes, rusticos interfecerunt, nemini parentes, oppidum tamen obtinere non potuerunt, civibus fortiter agentibus.

Bohemi sceleratissimi truncati sunt omnes.

Soluta obsidione Bohemi Schismatici & bestijs crudeliores, quinec Deum timebant, nec homines reverebantur, per Ducatum Montensem & Clivensem diffusi, omnia incendio & ferro desolaverunt, rapinas ubique facientes, Monasteria & Ecclesias omni ornatu & rebus spoliaverunt, sacra Dominici corporis vasa, fulo in terras sacramento, rapuerunt, Moniales & Deo dicatas Virgines, quas ornavit senium, ignibus concremarunt, juniores verò & vultu decoras publicè & sine verecundia stuprantes abegere captivas. Sed non tulit Divina Majestas tantam impietatem hæreticorum diu inultam, nam populus terræ in unum concurrens, & cum impetu super abeuntes irruens, nihil tale suspicantes omnes in impetu furoris occidit, ut nec unus quidem remanserit ex eis, Deo illis reddente mercedem impietatis, quam meruerunt.

Conventus principum in quo Nicolaus Papa verus suscipitur.

Sed etiam Theodoricum Archiepiscopum Coloniensem, qui Bohemos Schismaticos evocari fecerat, & per hoc omnium iniquitatum principium in terris dedit memoratis & causam, multa post hæc mala invenerunt, ægritudines, pericula, damna, incommoda & variæ tribulationes, ut disceret, non decere Christianum Pontificem, fideles tradendos infidelibus ad puniendum, pro inobedientia non fidei, sed domini temporalis.

Anno prænotato Rex Fridericus convocavit omnes Archiepiscopos, Pontifices, Abbates, Principes, Duces, Marchiones, Comites, Barones, & Cives Regni, ad Aschaffenburg oppidum Ecclesiæ Moguntinæ juxta ripas Mogani. Quibus convenientibus inter multos & magnos tractatus unanimi fuit consensu definitum, Nicolaum Papam V. unicum solum & verum esse Christi Vicarium, ipsique ut Petri legitimo successoris fore obediendum. Amadeum verò, quem sui nuncupaverunt Felicem, Antipapam esse atque Schismaticum, & propterea deferendum ab omnibus, nec ei penitus adhærendum. Et ista mandata Regis Friderici per universam fuerunt denunciata Germaniam.

Henricus Abbas S. Ægidij à Nürenberg, vir doctus.

Claruit his temporibus Henricus de Gulsten Abbas Monasterij S. Ægidij in Nürenberga Ordinis D. P. Benedicti, vir doctus & magnæ reputationis, qui in Concilio Basileensi, & extra multa fecit in favorem Monasticæ reformationis, & observantiam Regulæ, quam aliàs sermone, docuit

docuit, in sua conversatione laudabilem ostendit, Scripsit excellentis ingenij sui nonnulla opuscula, de quibus tantum invenimus subiecta. Super septimâ distinctione de poenitentia lib. 1. Item super Distinctione de Consecratione lib. 1. De Passione Domini lib. 1. Cætera me latent.

Joannes ex oppido Dicburg, cognomento de Francofurdia, Theologus Gymnasij Heidelbergensis non indoctus, & his temporibus clarus apud Ludovicum Palatinum Comitem multo in pretio fuit. Scripsit & ipse contra Hussitas Bohemos tractatum; contra Feimeros, id est, latentes Scabios Westphalici Judicij, qui se scitos nominant, brevem & pulchrum libellum. De contractibus lib. 1. Et alia plurima. Hic missus à Palatino Comite ad Ludovicum Ducem Sabaudia filium Amadei, sive Papæ Felicis, ut sororem ejus Margaretham Domino suo postularet uxorem, elegantem dixit Orationem sic incipientem: *Verbum mihi est ad te, O. P.*

Joannes de  
Francofur-  
dia Theolo-  
gus.

Wynandus de Stega Villula Cis Rhenana Canonicus Ecclesiæ S. Joannis in Hengia propè Herbipolim, & Pastor Ecclesiæ Parochialis in Bacharach, quod duobus à Bingen distat milliaribus in descensu Rheni fluminis: vir in Jure & omni varietate scripturarum doctus; hebraicæ linguæ non minus, quàm maternæ, id est, Theutonicæ peritus: causarum advocatus apud Herbipolenses multo tempore fuit. Scripsit in V. libros Moyssi Commentarios libros totidem. Interpretationum Bibliæ Correctorium libb. iv. Reliqua non vidi.

Wynandus  
de Stega  
Canonicus

MCCCCXLVIII.

Anno Wolfframmi Abbatis XX. Indictione Romanorum xi. Cives oppidi Regalis Eslingen, auxilio quorundam aliorum Civium Regni contracto milite, Comitum Wirtenbergensium terras hostili cæperunt incursione vastare. Quibus recognitis Comes Udalricus mox suorum viribus adjutus in hostes irruit, & quasi leo rugiens eorum exercitum, violenter dissipavit, occidens alios, & plures capiens, cæteris conversis in fugam.

Cives de  
Eslingen à  
Comite  
Wirten-  
berg prossi-  
gantur.

His temporibus cum præter unicam viduam Ducatus Luzenburgeris nullum haberet legitimum heredem, & populus terræ Dominam suam, de qua loquimur, jam propter senectutem ejus despiceret, variæ inter quosdam Principes pro ipso disputationes fuerunt subsequutæ. Philippus enim Burgundiæ Dux pro memorato Luzenburgeris Dominio tanquam proximior hæres, totis viribus certabat. Contra quem Wilhelmus Dux Saxonie animosè certabat, asserens terram Luzenburgeris sui juris esse propterea, quod eam à Friderico Germanorum Rege III. in pignus pro summa pecuniarum notabili suscepisset. Diu duravit ista contentio, & postremò finem accepit talem.

Luzenbur-  
gi Ducatus.

Wilhelmus Dux Saxonum, ut diximus, data Regi Friderico non parva summa pecuniarum, Ducatum prædictum quasi hæredibus carentem, & ob id revolutum ad Regnum, ab eo suscepit in pignus, misitque in eum Comitem quendam de Glichen cum viris armatis compluribus, ut Ducatûs caperet realem sive corporalem possessionem. Qui veniens ad oppidum Luzenburg, in brevi tempore majorem Ducatûs partem obtinuit sine contradictione aliqua: Nobilibus terræ in verba Saxonum facillè jurantibus, propterea quod & Dominam suam contemnerent, & proprijs, non publicis commodis inhiarent. Obtentâ majore Ducatûs

Wilhelmus  
Dux Saxo-  
niæ obti-  
nuit Duca-  
tum Luzen-  
burg.

parte, Comes cum paucis reſidebat in oppido: regionem verò militum Domini ſui commiſerat diſpoſitioni per loca gubernandam.

Domina  
Luzenbur-  
gi contra  
Saxones  
invocat  
Burgun-  
dum.

Verùm poſtquam Saxones jam ſe per omnia in Ducatu ſecuros exiſtimarent, atque potentes, Domina terræ, quæ fuerat ultima Ducis Wenceslai relicta vidua, & ex ſtirpe Ducum Baviaræ progenita, videns & dolens ſe contemptam & deſertam à ſubditis ſuis, atque Nobilibus ſimul & Saxonibus inſenſam, nuntium cum litteris ſecretò miſit ad Philippum Burgundiæ Ducem, ſcribens ei & promittens, omnem ſe terram Luzenburgenſem ejus imperio ſubdituram, modo veniat ipſe, vel mittat exercitum, qui Saxones potenter expellat.

Philippus  
Dux Bur-  
gundiæ ob-  
tinuit Du-  
catum Lu-  
zenburg.

His recognitis Dux Philippus corde læto jucundus mulieri ſtatim ſecretè reſcripſit, omnia ſe pro ejus arbitrio facturum, datoque & accepto inter ſe modo, quo tutius atque ſecretius omnia fierent, dies negotio ſtatuitur, opportunitas exſpectatur. Terminò inſtante, quem præfixerant rebus occultè perficiendis, Dux Philippus miſit ad oppidum Luzenburg Capitaneum unum cum decem millibus viris armatis, qui nocte venientes ordinatione mulieris, & quorundam Civium intromiſſi ſunt in oppidum, & arcem, & omnia ſub ſilentio in ſuam receperunt poteſtatem. Saxones qui erant in Oppido & arce, omnes fuerunt capti paucis exceptis, qui ſalutem fugâ quæſierunt. Cæteri verò qui erant per Ducatum in diverſis munitionibus deputati Cuſtodes, poſtquam audierunt Luzenburg à Burgundionibus captum, facti pavore deſperati omnes fuga lapſi in Saxoniam unde venerant magna cum confuſione revertuntur. Et ſic Ducatus Luzenburgi devenit ad Burgundos uſque in præſens.

Philippus  
Comes  
Palatinus  
moritur.

Anno prænotato xiv. die menſis Julij horâ tertiâ poſt meridiem in oppido Heidelberg, moritur Philippus Rheni Palatinus, Baviaræque Dux, Patre Ludovico pio, matre verò Margaretha filia Amadei primi Ducis Sabaudia. Vixit annis lxx. menſibus iv. diebus xiii. de quo per temporum ordinem conſequenter dicemus reliqua.

Solis defe-  
ctio fuit.

Eodem anno xxix. die Auguſti, horâ diei ſextâ, facta eſt ſolis defectio, quam Græco vocabulo Ecclypſin, id eſt, celationem nuncupant, quam in diverſis Regionibus varij motus & multa prælia ſequenti anno fuerunt ſubſecuta, in Anglia, in Gallia, in Apulia, in Flandria, per totam ferè Italiam, & in multis Germaniæ locis; fuitque terra latronibus, raptoribus & ſcleratiſſimis plena homicidis, qui vias, itineraque mercatorum obſervabant in nemoribus latitantes, & neminem tutò ſinebant tranſire.

#### MCCCCXLIX.

Pestilentia  
magna fuit  
per totam  
Europam  
& plures  
contum-  
pſit.

Anno Wolſframmi Abbatis XXI. Indictione Romanorum xii. magnâ peſtis totam penè Europam occupans, innumerabilem multitudinem mortalium conſumpſit. Miranda generis humani calamitas! quàm citò ſe homo ſenſit infectum peſtilentiæ veneno, ſine mora concidit ægrotus, non medicina cuiquam profuit, imò vix tempus dabatur vocandi Medicum; nec ſi vocatus fuiſſet, præ timore accedere conſenſiſſet infectum. Idem penè fuit punctum ſentire adeſſe, & mori. Aliqui primo die moriebantur ſtatim infecti, alij ſecundo, tertium verò diem pauciſſimi ſupervixerunt infirmi: media pars hominum in Europa Chriſtianorum hanc peſtem non evaſit.

Eodem



Eodem anno confœderati in unum Theodoricus Archiepiscopus Moguntinus, Episcopus Bambergensis, Episcopus Eichstettensis, Carolus Marchio Badensis, Udalricus Comes Wirtenbergensis, & Albertus Marchio Brandenburgensis, bellum quibusdam Civitatibus Regni indixerunt. Contracta igitur multitudine pugnatorum Albertus Marchio contra Nürenbergenses (quibus multum erat infensus) exercitum duxit, & omnia per circuitum hostiliter vastavit. Cives primo hostium occurſu territi, sese in oppido continuerunt, sed postea resumptis in animo viribus, contractisque mercede copijs militum, in agros principum, & præcipue Marchionis Alberti potenter eruperunt, ferro & igne omnia hostiliter devastantes. Duravit ista Alberti cum Civibus contentio in annum sequentem, donec postremo exhaustis bursis & promptuarijs utriusque partis egestas pacem composuit.

Confœderatio fit Principum contra Civitates regni.

Anno prænotato Felix Papa IV. in Concilio Basileensi quondam contra Eugenium electus, anno Pontificatus sui x. nondum completo, precibus Friderici Regis Germaniæ & quorundam aliorum Principum inductus atque persuasus, Nicolao cedere statuit, & renunciare papatui consensit certis sub conditionibus, quas in suo procuratorio manifestè expressit.

Amadeus, qui & Papa Felix Nicolaus cedere consentit.

Prima Conditio fuit: *Ut Amadeus ipse post resignationem Pontificatus sui mox per Nicolaum institueretur Cardinalis SS. Romana Ecclesiæ simul & de latere Pontificis Legatus per Germaniam & Sabaudiam suam.*

Prima Conditio.

Secunda Conditio fuit: *Ut Cardinales omnes, quos in suo Pontificatu crearat, in eorum dignitatibus permanerent, & per Romanam Ecclesiam providerentur sicut ceteri, erant enim viri in omni scriptura doctissimi.*

Secunda.

Tertia Conditio fuit: *Ut Papa Nicolaus ratificaret omnes Institutiones, Constitutiones, & Ordinationes Episcoporum, Abbatum, Prælatorum & Clericorum per Felicem factas, simul & Beneficiorum collationes, provisiones, commissiones, & cetera ejus acta omnia, quæcunque in sua obedientia fecisset, ut Papa.*

Tertia.

Quarta Conditio fuit: *Ut Papa Nicolaus omnia & singula in Basileensi Concilio facta, statuta, conclusa sive decreta, autoritate sua Apostolica ratificaret, approbaret & confirmaret, decerneretque ipsum Concilium in Spiritu Sancto legitime fuisse congregatum, & inter Concilia Ecclesiæ numerandum.*

Quarta.

Itaque Romam venientibus ad Nicolaum Pontificem Amadei Procuratoribus cum plena potestate resignandi, salvis Conditionibus præscriptis, Cardinalium & Prælatorum, qui erant in urbe, adunatur Concilium; in medium Amadei postulatio proponitur, Conditiones interpositæ referantur. Consultatione habitâ placuit tam Prælatis, quam Summo Pontifici pro bono pacis & unionis Ecclesiasticæ, Amadeo postulata concedere, perniciosumque schisma propositis medijs auferre. Concessit itaque Nicolaus Papa Amadeo, quæ postulaverat: & Procuratores omne Jus ejus, quod habuit vel habere potuit ad Papatum, juxta mandatum, quod acceperant ab eo, in Consistorio publico resignarunt. Et facta est lætitia magna in populo non solum Romano, sed in omni quoque gente totius Orbis Christiani, gaudentibus & lætantibus cunctis timentibus Deum, quod Ecclesiam suam à schismate liberasset.

Nicolaus Papa Conditiones Amadei omnes admittit.

Nicolaus  
Papa con-  
firmat acta  
& geſta  
Concilij  
Baſileenſis.

Nicolaus ergo Pontifex de conſenſu & conſilio Cardinalium ratifica-  
vit, approbavit & confirmavit acta & geſta Baſileenſis Concilij anno præ-  
notato, xxii. die menſis Junij, ſicut patet in Bulla quam dedit.

Ludovicus  
Comes Pa-  
latinus pa-  
ter Philippi  
moritur.

Eodem anno xiii. die menſis Auguſti, moritur Ludovicus Comes  
Palatinus Rheni, Bavariæque Dux & Princeps Elector, Heidelbergæ in  
Choro Eccleſiæ S. Spiritus cum honore ſepultus, filium reliquit unicum,  
undecim menſes habentem ætatis, nomine Philippum, quem genuit ex  
Margaretha Amadei Ducis Sabaudiaſupradiſti Feliceis Papæ filia, & reli-  
cta quondam Ludovici Regis Siciliae, quæ tertio poſtea nupſit Udalrico  
Wirtenbergenſi Comiti.

Fridericus  
Palatinus  
Philippi ſic  
tutor annis  
xxvi.

Moriturus autem ipſe Ludovicus Princeps Chriſtianiſſimus, filium  
ſuum memoratum unigenitum Philippum, uxorem quoque Margaretham,  
& omnem Principatum ſuum Friderico fratri ſuo commendavit, qui non  
habuit uxorem, ſub tali videlicet conditione: ut ipſe Tutoris ageret offi-  
cium, quo uſque Philippus decimum octavum compleverit annum: quo,  
miſerante Deo, completo, Tutoris officium exſpiraret, & Philippus pa-  
ternum liberè haberet Dominium. Sed fratre mortuo Fridericus ſuper-  
vixit annis xxvi. & nomen Tutoris non depoſuit, nec Principatum, ut  
promiſerat, Philippo reſignavit: ſed quandiu vixit, officium Tutoris  
tenuit, & prudenter omnia gubernavit.

MCCCC.

Annus Ju-  
bilæus Ro-  
mæ cele-  
bratur.

Anno Wolframmi Abbatis XXII. Indictione Romanorum xiii. Ni-  
colaus Papa IV. Jubilæum, id eſt, annum Remiſſionis peccatorum Romæ  
celebravit. Ad quem ex omni Chriſtianorum orbe infinita penè multi-  
tudo hominum convenit; quorum tanta copia fuit, ut non ſolum domos,  
ſed etiam plateas urbis implerent, & nocte ſub dio plures dormire com-  
pellerentur. Nicolaus autem Pontifex Romanus ſua providentiâ diſpo-  
ſuerat, ut nihil eorum deeſſet peregrinantibus in urbe, quæ ad vitæ ſu-  
ſtentationem videbantur neceſſaria. Romam tunc non urbem vidiffes,  
ſed orbem, præ nimia hominum frequentia, in tantum confluentibus ex  
omni Europa peregrinis, ut in plateis ſeſe comprimerent, & non facile  
niſi per longos circuitus de Eccleſia ad Eccleſiam tranſirent.

Ducendi  
homines  
Romæ  
compreſſi  
multitudi-  
ne percunt.

Unde quadam die tanta hominum multitudo ad S. Petrum euntium,  
& redeuntium in ponte S. Angeli ſibi mutuò venit obviam, quod præ ni-  
mia preſſura ſeſe urgentes, non minus quam cc. homines in Tyberim  
ceciderunt, fueruntque ſubmerſi. In Eccleſiis etiam tanta compreſſio in-  
trantium & exeuntium fuit, ut ſe mutuò collidentes graviter plures læ-  
derentur. Unde neceſſe fuit deputare cuſtodes, qui impetum populi  
cohiberent.

Eodem anno Jacobus Archiepiſcopus Trevirorum, & Conradus  
Epicoſopus Metenſium cum cxi. Equitibus Romam pro Indulgentijs pro-  
fecti ſunt Jubilæi, quos Papa Nicolaus magnâ ſuſceptos humanitate non  
ſine honore dimiſit. Inter plura quæ Archiepiſcopus prædictus à Summo  
Pontifice tunc impetravit, unum fuit, ut Gymnaſium generale, ſive Uni-  
verſitatem litterariam in Civitate Trevirorum poſſet inſtituere, more  
cæterarum Privilegiatarum, in qua omnium facultatum legerentur  
lectiones.

Anno prænotato contentionibus & bellis inter Principes & Civitates  
Regni

Regni adhuc durantibus, Comes de Wirtemberg adiutorio suorum per Sueviam satis magna clade affecit Cives & oppida Regni sibi vicina.

Albertus quoque Marchio Brandenburgensis, vir audax, strenuus & bellicosus multorum Principum suffultus auxilio, inimicitias contra Cives Regni & maximè Nürenbergenses animo tenacissimo per biennium continuavit. Novem cum eisdem Nürenbergensibus praelia idem Marchio commisit, in quorum octo victor gloriosus extitit, in uno tantum superatus fuit. Nec prius de pace admisit tractatum, donec exustis villis, destructis agris, interfectisque cultoribus terræ contendentibus pecuniæ defecerunt.

Albertus Marchio contra Nürenbergenses octies victor extitit.

Eodem anno iv. die mensis Novembris, Waltherus de Ehingen, Civis Ulmenfis, vir prudens & potens inter suos, junctis sibi copiis Civitatum regni, pugnatorum non parvum adunavit exercitum, cum quo terras Comitum de Wirtemberg hostiliter invadens, omnia ferro & igne in circuitu devastavit. Contra quos Comites memorati Udalricus & Ludovicus validum suorum & amicorum miserunt exercitum, simulque propè Eslingen oppidum Regni concurrentes atrox committitur bellum, in quo Civium Regni à Comitibus superatur Exercitus, & victoriam Comites consequuntur. Ex parte autem Civium in eo bello plures ceciderunt, inter quos occubuit etiam Waltherus de Ehingen, Capitaneus Ulmenfis, & Hieronymus Bassinger de Nördlingen Campiductor cum alijs multis.

Comites in Wirtemberg contra Civitates regales bellum.

Anno prænotato quinta die mensis Maij, vel ut alij scripserunt vi. hora circiter post medium noctis prima, per incuriam & negligentiam eorum, qui circa organum laboraverunt in die, ignis magnus in Ecclesia Spirensi accensus, turrim, campanas, organum & tectum Ecclesiæ totum consumpsit, & magnum Capitulum damnum intulit; erant enim Clerici simul & Laici vino æstuant, qui ventosas organi perungentes, malè custodierunt ignem, quo circa organi locum incenso per funes campanarum (dictu mirum) ad superiora ascendit in turrim, & Ecclesiam devoravit; cuius negligentia causa duo Vicarij majoris Ecclesiæ combustæ custodes, & fabricæ magistri Joannes & Christianus in Udenheim captivi ducuntur.

Ecclesia major Spirensis incendio miserabili concrematur.

His temporibus in Civitate Moguntina Germaniæ propè Rhenum, & non in Italia, ut quidam falsò scripserunt, inventa & excogitata est ars illa mirabilis & prius inaudita imprimendi & caracterizandi libros per Joannem Guttenberger civem Moguntinum, qui cum omnem penè substantiam suam pro inventione hujus artis exposuisset, & nimia difficultate laborans, jam in isto, jam in alio deficeret, jamque propè esset, ut desperatus negotium intermitteret, consilio tandem & impensis Joannis Fust æque Civis Moguntini rem perfecit inceptam. In primis igitur caracteribus litterarum in tabulis ligneis per ordinem scriptis, formisque compositis Vocabularium Catholicon nuncupatum impresserunt, sed cum iisdem formis nihil aliud potuerunt imprimere, eò quod characteres non fuerunt amovibiles de tabulis, sed insculpti, sicut diximus. Post hæc inventis successerunt subtiliora, inveneruntque modum fundendi formas omnium Latini Alphabeti litterarum, quas ipsi matrices nominabant, ex quibus rursus æneos sive stanneos characteres fundebant, ad omnem pressuram sufficientes, quos prius manibus sculpebant. Et revera sicuti ante 30. fermè annos

Ars impressoria librorum apud Moguntiam reperiata est.



Omnia ar-  
tis prima  
inventio  
difficilis.

In laudem  
artis im-  
pressoriae  
mensurata  
exclama-  
tio.

Wilhelmus  
Præpositus  
in Roth  
contra Ab-  
batem se  
erigit.

Fridericus  
Rex Roma-  
nor. pro Co-  
rona Imper-  
ij Romam  
pergit.

Fridericus  
Rex à Nico-  
lao Papa  
coronatur  
Imperator.

ex ore Petri Opilionis de Gernsheim civis Moguntini, qui gener erat primi artis inventoris, audivi, magnam à primo inventionis suæ hæc ars impressoria habuit difficultatem. Impressuri namque Bibliam, priusquam tertium compleissent in opere quaternionem, plusquam 4000. florenorum exposuerunt. Petrus autem memoratus Opilio, tunc famulus, postea gener, sicut diximus, inventoris primi, Joannis Fust, homo ingeniosus & prudens, faciliorem modum fundendi characteres excogitavit, & artem, ut nunc est, complevit. Et hi tres imprimendi modum aliquandiu tenuerunt occultum, quousque per famulos, sine quorum ministerio artem ipsam exercere non poterant, divulgatus fuit, in Argentinenses primò, & paulatim in omnes nationes. *O felix nostris memoranda impressio sacris! Deserat quasi totum quod fundis in Orbem; omnes te summis igitur nunc laudibus ornant. Inventore nitet utraque lingua tuo. Nunc parvo doctus quilibet esse potest, te duce quando ars hæc mira reperta fuit.* Et hæc de Impressoria mira subtilitate dicta sufficiant, cujus Inventores primi Cives Moguntini fuerunt. Habitant autem primi tres artis Impressoriae inventores, Joannes videlicet Guttenberger, Joannes Fust, & Petrus Opilio gener ejus Moguntiae in domo zum Jungen dicta, quæ deinceps usque in præsens Impressoria nuncupatur.

Anno item prænotato post obitum Gotfridi Præpositi in Roth, Wilhelmus de Stetten per Wolframmm Abbatem Hirsaugiensem Præpositus fuit institutus. Qui paulò post in superbiam elevatus Abbatem suum cepit contemnere, & ejus imperio temerè contraire; volebat enim ipse, si potuisset, Advocatiam præposituræ, quam Comites de Oetingen in feudum recipiunt, alienare penitus, & eis in perpetuam concedere proprietatem. Quod ut mox Wolframmo Abbati Hirsaugiensi certa relatione innotuit, omnes eorum conatus impedivit. Conspiraverant in unum Comes & Præpositus, alter cupiens advocatiam præposituræ liberam, alter ut à jurisdictione Abbatis fieret absolutus. Sed Wolframmm non minus jure, quam prudentiâ utriusque conatum repressit.

#### MCCCCLI.

Anno Wolframmi Abbatis XVIII. Indictione Romanorum XIV. Fridericus Rex Germanorum III. cum magna Comitiva Principum atque Nobilium & exercitu 12000. pugnatorum pro Corona Imperij Romam proficiscitur, quem Helionora Eduardi Regis Lusitaniae filia sibi noviter desponsata comitatur. Qui cum Romam pervenisset 16. mensis Martij, coronam ferream, quam Mediolani propter varios bellorum tumultus suscipere non voluit, in Ecclesia S. Joannis Lateranensis ab uno Cardinalium jussu & autoritate Romani Pontificis Nicolai Papæ V. accepit. Deinde 20. die mensis Martij, quæ fuit IV. Dominica quadragesimæ, in qua pro introitu Missarum: *Latare Jerusalem*, in Ecclesia Dei cantabatur, Nicolaus Papa V. ipsum Regem Fridericum Romæ in Ecclesia S. Petri una cum Leonora desponsata sibi conjugè Imperatorem solemnè pompa coronavit, qui deinceps imperavit annis duobus & quadraginta, vir mitissimus, amator Cleri, & pauperum defensor humanissimus, pacificus, prudens, quietus, & in omnes munificentissimus.

Missam Pontifice cantante, novus Imperator legit Evangelium: *Exijt edictum à Casare Augusto, &c.* Tenensque in manu vibravit gladium, sum-

psit

psit deinde cum Pontifice prandium. Inter prandendum fertur Papa dixisse ad Cæsarem: *Multa de te gloriosissime fili prænuntiata sunt mala, quas faciturus Ecclesie, si fidem adhibere prædictionibus huiusmodi debeamus.* Cui Imperator respondit: *Mea intentio pro Ecclesia Dei bona & recta est, si Deus aliud de me aut per me ordinare voluerit, in ipsius potestate est, qui solus omnia novit, potest & disponit secundum suam rectissimam voluntatem.* Et notandum, quod multi spiritum sibi Prophetiæ temeraria præsumptione usurpantes multa de Friderico Imperatore III. mala prædixerunt esse futura, quod videlicet esset futurus Ecclesiæ Romanæ persecutor, Romanorum Pontificum, Prælatorum Ecclesiæ Universalis inimicus & destructor, Cleri & pauperum oppressor, tyrannus impius, crudelis, maleficus, infidelis & fidei Christianæ hostis, desertor & osor, quæ omnia, frivola, ficta, falsa & mentita fuerunt. Constat enim omnibus, qui noverunt eum, quod cunctis diebus regni sui simul & Imperij per annos 53. in fide Christi semper princeps fuit Catholicus & Christianissimus, nunquam Ecclesiæ molestus, nunquam tyrannus, nunquam crudelis. Romanos Pontifices, Cardinales, Episcopos, cæterosque Prælatos Ecclesiæ simul & omnem Clerum in reverentia debita unicuique semper habuit, & unumquemque pro conditione statûs ejus ut DEI ministros honoravit. In omni conversatione sua mansuetissimus semper exitit, justitiam coluit, pacem dilexit, nulli contumeliam fecit. Manifestum est ergo prædictiones de illo malas omnes exitisse mendaces.

Vaticinia de Friderico III. falsa multa fuerunt prædicta.

Imperator Fridericus semper Ecclesiæ fidelis fuit & subjectissimus.

Coronatione Imperiali solemniter peracta, Cæsar Fridericus Romam digrediens cum omni populo suo intravit Neapolim, & Rege Alphonso, qui tum Regnum Apuliæ, Siciliaeque occupaverat, Arragoniæ regno paterno interim gubernatoribus credito, amicè salutato, nuptias cum Helionora desponsata sibi Regis Portugalliæ sive Lusitaniæ filia solemnium pompa celebravit, de qua postea genuit Maximilianum Cæsarem hodie feliciter imperantem, & filiam unam, quæ nupsit Alberto Duci Baviariæ, ut suo loco dicemus. Cæsar itaque peractis in Italia, pro quibus intraverat, rediit in Germaniam.

Imperator Fridericus uxorem ducit Helionoram in Neapoli.

Anno prænotato, Nicolaus Papa V. misit in Germaniam Nicolaum de Cusa Patria Mosellanum SS. Romanæ Ecclesiæ Tituli S. Petri ad Vincula Presbyterum Cardinalem, Episcopum Brixientem in Bavaria, Legatum Sedis Apostolicæ de Latere cum Indulgentiis Jubilæi. Qui venit ad Treverim nativitatis suæ metropolim, ac deinde ad alias regni partes Germanici, & Jubilæi gratiam per semetipsum in cancellis prædicans nuntiavit.

Anno eodem 23. die mensis Maij, quæ fuit Dominica quarta post Festum Dominicæ Resurrectionis, fuit celebratum quartum decimum Ordinis nostri Provinciale Capitulum Herbipoli in Monasterio sancti Proto-Martyris Stephani: in quo Nicolaus de Cusa Cardinalis Legatusque Apostolicæ Sedis memoratus cum quatuor Abbatibus præsedit propria in persona. Nomina verò Abbatum com præsentium ista fuerunt, S. Ægidij in Nürenberga, S. Burckhardi prope Herbipolim, S. Petri in Erpfurdia, & S. Gothardi prope Hildesheim, Monasteriorum Ordinis nostri Abbates. In eodem Capitulo prædictus Cardinalis in Dominica præscripta: *Cantate*, Pontificalibus indutus Missam solemniter decantavit;

Capitulum Ordinis nostri Provinciale 14. Herbipoli celebratur, præsentente Nicolao de Cusa Cardinali Legato.

Perjuri plu-  
res in de-  
formitate  
manſerunt.

vit; poſt cujus finem omnes & ſinguli Abbates per ordinem accedentes ad ſummam memoratæ Eccleſiæ aram ſive altare, in manus ipſius Legati ante altare ſedentis ſub jurejurando promiſerunt, quod infra annum, conſuſam in Capitulis Reformationem ſine dilatione vellent aſſumere, & tam in ſe, quàm in ſubditis ſuis fideliter obſervare. Simile juramentum fecerunt procuratores abſentium in animas eorum, quorum procuratores fuerant conſtituti. Juraverunt omnes: ſed obſervantiam infra annum pauci acceptarunt: ſic ergo plures facti ſunt deierantes.

Cardinalis  
Nicolaus  
de Cuſa  
multa fecit  
in favorem  
unionis  
noſtræ.

Prædictus Cardinalis Nicolaus Cuſanus vir undique doctiſſimus in ſua Legatione multa conſtituit, ordinavit & fecit per Germaniam pro reformatione, honore & utilitate Ordinis S. P. N. Benedicti, & præcipuè in Dioceſi Moguntina, in qua ſuo tempore obſervantia Bursfeldenſis magnificè pullulare cæpit: multas in favorem ejus edidit conſtitutiones: obſervantiam, unionem & Capitulum annale Bursfeldenſiam auctoritate Legationis ſuæ primus approbavit. Quæ omnia poſtmodum Pius Papa ſecundus auctoritate Apoſtolica confirmavit: & privilegia, quæ olim Papa Eugenius IV. obſervantiæ Congregationis S. Juſtinæ de Padua contulerat, unitis & uniendis Bursfeldenſium Capitulo Monasterijs conceſſit. Multa ſcripſit iſte Cardinalis Theutonicus, quorum & in libro de ſcripto-ribus Eccleſiaſticis jam dudum mentionem fecimus: & in ſequentibus anno Bernardi Abbatis quarto, quo ab hac vita migravit ad Chriſtum, latius dicemus.

Ludovicus  
Comes in  
Wirten-  
berg obijt.

Anno item prænotato pace inter Principes & Civitates Regni necdum plenè firmata, correptus peſte Ludovicus Comes de Wirtenberg, frater Comitum Udalrici ſupradicti, in Urach moritur, & apud Carthuſienſes in Guttenſtein cum honore ſepelitur. Uxorem habuit Mechtildem Ludovici Palatini Comitum filiam, de qua genuit duos filios, Ludovicum, qui adoleſcens ſine liberis deceſſit, & Eberhardum cognomento Barbartum poſtea Primum Ducem in Wirtenberg, Virum juſtum, incly- tum & prudentiſſimum. Is in Comitatu Patri ſuccedens uxorem duxit Mechtildem Ludovici Marchionis Mantuani filiam nomine Barbaram, de qua genuit unicam filiam, quæ juvencula mortua eſt. Reliquit etiam Comes Ludovicus memoratus duas filias, Mechtildem quæ nupſit Land- gravio Haſſiæ, peperitque duos noviſſimos Wilhelmos, quorum adhuc ſenior vivit: & Elifabeth quæ primò nupſerat Comiti de Naſſavv, & poſtea Comiti de Stollenberg.

Eberhardus  
barbatus  
filius ei ſuc-  
ceſſit.

Bernardi-  
nus Ord.  
Minorum  
Canoniza-  
tur.

Nicolaus Papa V. eodem anno D. Bernardinum Patriâ Senenſem Ordinis Fratrum Minorum B. Franciſci ſignis & miraculis clarum in vita ſimul & poſt mortem, aſſenſu Cardinalium Catalogo Sanctorum adſcripſit.

#### MCCCCLII

Anno Wolframmi Abbatis XXIV. Indiſtione Romanorum xv. Fridericus Comes Palatinus Rheni Tutor & patruus Philippi, contractis copiis bellatorum contra Comites de Luzelſtein proceſſit ad prælium. Cujus adventu perterriti Comites in Caſtello ſuo ſe continuerunt, non audentes cum tanta multitudine dimicare. Unde Fridericus firmata obſidione Luzelſtein per ſeptem dies & duos meſes fortiter impugnans, tandem in profeſſo S. Martini Caſtellum cum oppido violenter obtinuit,

&



& omnem Comitatum suo Dominio subjugavit. Comes autem ex Luzelstein prius occultè fugerat, nec Palatino congregi audebat. Causam belli, quantum possumus, breviter dicemus. Ludovico pio Comite Palatino Rheni patre Philippi viam universæ carnis ingresso, sicut anno Wolfframmi Abbatis XXI. dictum est, Fridericus frater, qui erat sine uxore, consensu procerum curiæ Palatinatûs, auctoritate quôque & confirmatione Sedis Apostolicæ Tutor infantis Philippi constitutus est; & cum titulo Electorij Principatus Imperij Romani Palatinum & Principem Electorem se & scripsit, & gessit in omnibus: non Tutorem se nominans, sed Dominum.

Causa quæ fuerit  
dissensionis  
inter Palat.  
& Comites.

Displicuit ista prærogativa, ne dicam potestas, vicinis Principibus, & in primis Theodorico Archiepiscopo Moguntino: Stephano quôque Duci Gemini Pontis, & filijs ejus Friderico & Ludovico, Carolo Marchioni de Baden, & Comitibus quibusdam, præcipuè illis de Luzelstein, qui singulari odio Comitem Palatinum Fridericum prosequabantur, & insequabantur. Unde contractis ut potuerunt latrunculis, frequentes hostilisque incursiones fecerunt in terram ejus, & multas pauperibus clades igne, ferro & rapina intulerunt. Adhæserunt autem prædictis Comitibus de Luzelstein occultè principes memorati, quorum seducti pollicitationibus, quidquid potuerunt mali, semper in Palatinum præsumpserunt. Post multas tandem injurias Comitum, quas terræ pauperibus intulerunt, evigilans Palatinus, qui alioquin Princeps erat mitissimus, diutius eorum tantam insolentiam dissimulare non potuit, sed contracto milite Luzelstein obsedit, cepit, & Comites de terra eorum fugavit usque in præsentem diem.

Comita-  
tum Luzel-  
stein Fride-  
ricus Pala-  
tinus obti-  
nuit gla-  
dio.

Eodem anno, postquam Fridericus Imperator de Italia reversus est in Germaniam, omnia tumultu fieri, maximè in Austria & Ungaria comperit: constitutum namque in Nova civitate, oppido Austriæ, cum Ladislao adolescente duodenne, filio Alberti Regis Ungariæ quondam atque Bohemiæ, obsidione cinxerunt Australes; quibus se Bohemi ducentis Equitibus & mille peditibus adjungunt, Ladislaum memoratum puerum Regem suum importunè postulantes. Sed Fridericus Imperator voces eorum contemnens, dare Adolescentem Bohemis ut minorennem, & necdum idoneum ad regnum non consensit.

Imperator  
Fridericus  
in Nova  
civitate  
Austriæ à  
suis obside-  
tur.

Cunctis igitur, quos secum habuit in oppido, militibus bello aggredi fortiter statuit obsidentes. Commissum est atrox bellum, & Cæsariani tam virtute, quàm fortitudine multitudinis superati terga dederunt, & in oppidum, unde processerant, revertuntur. Tandem mediantibus Sigifmundo Archiepiscopo Salisburgensium, & Carolo Marchione de Baden, Cæsar inductus Ladislaum Bohemis tradidit, & pax soluta obsidione reformata fuit.

Bellum fit  
inter Cæsa-  
rem & Au-  
strales ante  
novâ Civi-  
tatem.

MCCCCLIH.

Anno Wolfframmi XXV. Indictione Romanorum prima, Monasterium S. Joannis Baptistæ in Ringaugia per Monachos Cœnobij S. Jacobi propè Moguntiam reformatum est, & ad unionem Capituli annalis observantiæ Bursfeldensis receptum. Quam quidem reformationem Nicolaus Cusæ Cardinalis tunc in Germania Legatus & Rudolphus de vici-

Monaste-  
rium S.  
Joannis in  
Ringaugia  
reforma-  
tur.

no vico Rüdesheim Episcopus Uratislaviensis consensu Archiepiscopi Moguntini Theodorici, summa diligentia promoverunt: & quia Monasterium ipsum per diuturnam in utroque statu deformationem in magnam devenerat paupertatem, ut Monachi jam tunc reformati non haberent, unde viverent, Archiepiscopus ordinariâ, & Cardinalis Apostolicâ authoritatibus Cœnobium eis, Cluſa dictum, in pede montis positum, & jam monialibus vacuum, aut propè vacandum, in perpetuam tradiderunt possessionem.

Constantinopolis ab Imperatore Turcarum capitur.

Eodem anno tricesima die mensis Maij, Mahumetes Turcarum Princeps anno tyrannidis suæ tertio, nobilissimam, famosissimamque Græcorum urbem Constantinopolim maxima vi armorum, terra mariq; impugnans, 50. die obsidionis cepit, & stragem Christianorum in ea miserabilem fecit; omnes enim utriusque sexus homines, qui excessissent quintum ætatis annum, gladio jussit occidi: sacerdotes Monachos & Clericos omnes quotquot reperit, inauditis tormentis affectos trucidavit. Moniales Virgines & speciosas juvenculas sive mulieres primò spurcissima hbidine polluerunt, deinde alias peremerunt, alias duxere captivas. Constantinum Paleologum Imperatorem Græcorum Mahumetes capite truncavit. O quid mali non præsumit mens impia! Civitate obtenta non satis fuit scelestissimo homini sævisse in homines, nisi etiam sæviret in Deum & Sanctos. Omnes in Urbe SS. Ecclesias polluit: Reliquias eorum quotquot reperit, ornatu spoliatas in lutum projici, militibus, ut equites desuper decursitarent, in lutumque calcibus equorum mergerent præcepit. Sed ubi milites tantam ossibus mortuorum contumeliam inferre trepidarent, prior ipse cum equo suo super busta Divorum insiluit, & conversus ad milites impia voce clamavit: *Quisquis vestrum me secutus non fuerit, per magnum Dei nuntium Mahomet juro, quod hodie morietur.* Hac voce conterriti milites equos unanimi cursu agitantes Sanctorum Reliquias in lutum demerserunt.

Reliquiæ Sanctorum conculcantur in lutum.

Templum quoque S. Sophiæ, id est, æternæ Sapientiæ Dei Patris in orbe toto famosissimum, quadringentis per circuitum turribus ornatum, & multis SS. Corporibus ac reliquijs gloriosum, turpiter prophanans stabulum fecit equorum. Heu quid non præsumit impietas! Omnes Christianæ fidei libros, SS. Martyrum gesta & Passiones, Comentariorum Patrum, & quidquid scriptum reperit, quod ad pietatem & eruditionem cultorum virtutis suspicabatur pertinere, in unum jussit comportari, & impletas complures naves vetustas & perforatas libris & voluminibus pretiosissimis & multis in profundum maris fecit demergi, existimans se fidem Christianam tali crudelitate per universam gentem Græcorum deleturum.

Libri omnes Christianorum lacerantur & submerguntur in mari.

Igitur Constantinopoli capta Turcarum Princeps Mahometes Amurati filius totum in brevi Græcorum imperium obtinuit, & multa deinceps Christianis mala fecit, de quibus jam scribere laxius, non est opportunum. Statui enim Germanus Scriptor à principio narrationum mearum, in exterarum Nationum gestis, quæ amplo sunt scripta boatu, non diu morari.

Magister Thutoniorum in Prussia su-peratur à Rege Polonia.

His quoque temporibus magni tumultus in Prussia fuerunt exorti, & multorum sanguine vix tandem sedati. Nam Pruteni contra Magistrum Theutonicorum in unum conspirantes sese in rebellionem gravissimam crexerunt,

erexerunt. Ex quibus oppidorum & castrorum LV. cives & incolæ ad Regem Poloniæ defecerunt. Unde contractis copijs ab utraque parte animis ferocibus itur ad bellum, sanguis effunditur multus, & diu ancipiti Marte pugnatur. Rex tandem Poloniæ Victor obtinuit campum, & ordinis Theutonicorum plures occidit. Parum tunc abfuisse constat, quod militia Theutonicorum Prussiam totam perdidisset.

Rex autem Poloniæ victor in campo factus cum exercitu suo ulterius progreditur, & primò cepit montem Regium, id est, Königsberg oppidum, deinde Marienbrug & plura in circuitu oppida & Castella. Postremò etiam principale terræ oppidum nomine Dantiscum ad Polonos defecit. Sunt qui scribant, eam Theutonicorum cladem ex culpa eorum fuisse causatam, quod sine pietate in subditos exercerent tyrannidem.

Pruteni  
plures à  
Dominis  
suis Theu-  
tonicis ad  
Polonos  
deficiunt  
usque in  
hunc diem.

Anno prænotato Wolfframmus Abbas hujus Cœnobij Hirsaugiensis contentiones magnas & diuturnas habuit, cum Philippo Comite de Rineck, qui Prioratum Cœnobij de Schontem in suis juribus nimium inquietavit. Unde Postremò partes ambæ in Othonem Palatinum Comitem Bavarixque Ducem, qui morabatur in Mosbach, compromittentes, conditiones pacis, ut sonant litteræ ab eo composita, anno præscripto susceperunt.

MCCCCXIV.

Anno Wolfframmi Abbatis XXVI. Indictione Romanorum II. Henricus Rex Portugalliæ regnum suum ampliari cupiens, mare Oceanum armato cum milite navigio ingreditur, & si quæ sint Insulæ hominibus incognitæ perferutatur. Invenit ergo insulas in mari plurimas, nunquam eatenus ab hominibus inhabitatas, inter quas una fuit cæteris major atque præclarior, fontibus irrigua, pingui gleba satis admodum dives, nemoribus & pratis adornata, & hominibus ad colendum valde idonea. In hanc Insulam diversarum occupationum & artium homines misit, qui eam inhabitarent, & colerent, singulisque annis tributum ad fiscum regium, more cæterarum gentium Regi subjectarum persolverent. Magnam Zuccari copiam præbet hæc Insula; cujus tanta in ea conficitur multitudo, ut universa Christianitas jam abundet Zuccaro.

Insularum  
in mari per  
Henricum  
Portugal-  
liæ regem  
inventio.

Eodem anno XII. mensis Maij, quæ fuit tertia post Festum Dominicæ Resurrectionis Dominica, in Selgenstatt celebratum fuit Capitulum Ordinis nostri Provinciale XV. in quo præfederunt Wolfframmus hujus Hirsaugiensis, Christianus S. Petri in Erpfurdia, Udalricus in Wiblingen, Bertholdus S. Stephani Proto-Martyris in Herbipoli Monasteriorum Ordinis nostri Abbates, qui multa pro reformatione Ordinis statuerunt.

Capitulum  
Ordinis no-  
stri Provin-  
ciale XV. in  
Selgenstatt  
celebratur.

Anno prænotato Nicolaus Papa V. nimio dolore mentis anxius propter Constantinopolitanum lamentabile excidium, totus in recuperationem die ac nocte occupata cogitatione æstuabat. Misit ergo Prædicatores & Nuntios in omnes Christiani Orbis nationes, qui Cruciatam & Passagium prædicarent in Turcos, & animos fidelium ad tanti recuperationem Imperij concitarent. Venerunt Missi quilibet in Regionem sibi à Pontifice Maximo deputatam; prædicaverunt Crucem, sed paucis, ut contra infideles pugnarent, aut pecunias contribuerent, persuaserunt. Omnes enim quæ sua erant, nimis avidè quærentes, communia neglexerunt.

Nicolaus  
Papa V.  
crucem  
prædicari  
contra Tur-  
cas manda-  
vit.

Hhh 2

Eodem



Joannes de  
Capistrano  
missus à  
Papa prædi-  
cavit in  
Germania.

Eodem anno in mense Octobris venit ad Herbipolim civitatem Francorum Orientalium F. Joannes de Capistrano Italus, Ordinis Minorum de Observantia, Doctor sacrae Theologiae, Generalis Inquisitor haereticae pravitatis & Apostolicae Sedis Nuntius, vir doctus & sanctae Conversationis, qui multis diebus in eadem Civitate per interpretem praedicavit. Ab Herbipoli descendit in Franckfurt, inde ad alias Civitates & oppida Regni, & ubique summa cum diligentia & fervore Crucem praedicavit.

Draculus  
Waiwoda  
tyrannizat  
in Wala-  
chia.

His ferme temporibus homo quidam Paganus ac infidelis, nomine Draculus Waiwoda Princeps Walachiae, inauditam tyrannidis suae crudelitatem exercebat in homines, & maximè Christianos, quorum infinita millia sine causa innocentes peremit. Postremò tandem captus à Matthia Rege Ungariae Romam mittitur, ad fidem Christi convertitur, & baptizatus deinceps religiosissimè conversatur. Unde principatui suo restitutus in omni bonitate vitam suam consummavit. Cujus horribilia facta circumferuntur, in quodam libello dudum impressa, quae & risum & horrorem legentibus movent.

#### MCCCCLV.

Nicolaus  
Papa V.  
Romae moritur.

Anno Wolframmi Abbatis XXVII. Indictione Romanorum III. hyems fuit dura & multum frigida. Eodem anno xxv. die mensis Martij, quae fuit Annuntiatione Dominica solemnis, Nicolaus Papa V. sive tadio animi, quo maximè cruciabatur post captam Constantinopolim, sive febri & podagrâ, quibus frequentius laborabat, infirmatus, anno Pontificatus sui VIII. moritur, & in Ecclesia S. Petri sepelitur. Homo sempiternâ memoriâ dignus, amator omnium Religiosorum, & praesertim eruditorum, pacis cultor, & Justitiae Princeps unicus.

Calixtus fit  
Papa III. &  
praefuit an-  
nis 3. &  
mensibus 3.

Huic in Pontificatu Electione Cardinalium VIII. die mensis Aprilis, successit Alphonsus cognomento Borgia, natione Hispanus, patria Sabinae Valentinae Diocesis, generosis parentibus ortus, & vocatus Calixtus ejus nominis III. praefuit annis III. & mensibus totidem, vir optimus & in multis probatus.

Joannes de  
Grumbach  
fit Episcopus  
Herbipol. & præ-  
fuit annis  
XI.

Eodem anno feria tertia post Dominicam Palmarum, obiit Gottfridus Schenck de Lymburg Episcopus Herbipolensis & Dux Franciae Orientalis in majori Ecclesia sepultus, anno Pontificatus sui XII. de quo dictum est supra, anno Wolframmi Abbatis XV. Huic in Pontificatu successit Joannes de Grumbach, & praefuit annis XI. homo quidem ignarus litterarum, sed tamen Clerici amator semper & strenuus defensor; amicis humanus & multum affabilis, inimicis verò terribilis, & singulari apparatu metuendus. Animosus fuit in hostes, bellicosus & strenuus, qui non facile quemquam timeret, ingenio promptus, consilio cautus, & ob id Regibus & Principibus gratus, civibusq; Regni haud mediocriter acceptus. Benè rexit Ecclesiam sibi commissam, veruntamen aere alieno gravatam non liberavit.

Calixtus  
Papa cruce-  
m prædica-  
ri mandavit  
contra Turcos  
Impios.

Anno praenotato Calixtus Papa III. qui ante Pontificatum voto se adstrinxerat in Turcas omnia facturum pro recuperatione Constantino-  
polis, quae posset; jam Papa factus magno conabatur studio implere, quod voverat. Misit ergo statim à principio sui Pontificatus plures per orbem Christianorum Praedicatores, qui Crucem contra Turcos praedicarent, hortarenturque populum ad contribuendum aërum necessarium pro

pro conducendis armatis. Plenarias denique omnium peccatorum Indulgentias concessit his, qui contriti & confessi semel in vita, & semel in morte quinque Ducatorum Eleemosynam in operis tanti subsidium contribuissent. Auctoritatem etiam Commissarijs deputatis omnimodam dedit in multis casibus reservatis absolvendi, & dispensandi, cum his qui contribuissent in subsidium temporalia bona secundum eorum facultates. Et isti Prædicatores Cruciatæ per totam Germaniam, Galliam, Hispaniam & Ungariam missi, pecuniam penè incredibilem toto anno in unum comportaverunt.

Anno etiam præsignato Ludovicus cognomento Niger Comes Palatinus Rheni, Bavarizque Dux, Comes in Spanheim, Veldenzia, & in Zveibrucken, filius Stephani Ducis & Pater Friderici apud Symmeren commorantis inter Cynonotos, homo inquietus, molestè ferens, quod Fridericus Tutor Philippi se Principem scriberet Electorem, prædas contra eum & incendia pauperum exercere cepit. Quem Fridericus secundò & tertio per litteras ac nuntios charitativè præmonuit atque rogavit, ut à malè capris desiderijs, & incursionibus desisteret, ac pauperes Palatini Principatus de cætero non turbaret.

Ludovicus  
Dux Niger  
Palatinum  
rapinis &  
incendio  
fatigat.

Ludovicus autem nihili pendens monentem, in suo proposito perseverabat, & suo more, ut ceperat, incursiones, deprædationes, incendia pauperum terræ Palatini continuavit. Unde commotus Fridericus, magnum suorum adunavit exercitum, & oppidum Bergzaberen, ubi Dux Ludovicus præsidia locaverat sua, obsedit, & diebus xxiv. fortiter impugnans, tandem in Festo S. Tiburtij Martyris expugnavit & cepit. Postea inter eos concordia tali sub conditione facta est, quod Fridericus oppidum Ludovico deberet restituere, & Ludovicus deinceps nihil mali contra Fridericum & Palatinum attentaret, sed non mansit in fide.

Oppidum  
Bergzabe-  
ren à Fride-  
rico Palat.  
obsessum  
capitur.

Erat eodem tempore Richardus de Homburg vir bellicosus & inquietus, qui & ipse partes Friderici Palatini Comitis memorati varijs incursionibus fatigabat. Contra cujus insolentias Dux ipse Fridericus contracto milite Castellum ejus Koleberg nuncupatum haud procul à Weissenburgo situatam obsidione cinxit, & brevi in suam potestatem recepit. Erat enim Princeps timens Deum & amans justitiam, propterea in cunctis prosperè agebat.

Justitia  
vincit om-  
nia.

His temporibus fundatur Coenobium Canonorum Regulæ S. Augustini de observantia Capituli Windenheimensis, quod Eberhardi Clusa dicitur, in Diocesi Trevirensi haud procul à villa nativitatis meæ Tritenheim, ex elemosynis fidelium populorum, cujus tale fuit principium. Erat in villa proxima Cismosellana Dispardia homo quidam simplex & rectus, qui ferventiore in Deum Spiritu devotionis incitatus, vitam agere solitariam cupiebat. Nomen ejus fuit Eberhardus, à quo & Monasterium Eberhardi Clusa nuncupatur usque in præsentem diem. Secedens igitur Dispardia Eberhardus, mansuiculam sibi construxit in loco parvam, ubi nunc Monasterium cernitur constructum, in qua solitarius Domino deserviens residebat. Imaginem Beatæ Mariæ semper Virginis in cellula sua habebat vespertinam, quæ paulatim coruscare miraculis incipiens magnum in brevi concursum populorum ad se concitavit, ex quorum Eleemosynis & oblationibus Monasterium cum tempore satis

Clusa Eber-  
hardi sit  
Monaste-  
rium pro  
Canonicis  
Regularibus.

magnificum, ut hodie cernitur constructum est, cujus primam Ecclesiam Jacobus de Sirck Archiepiscopus Trevirorum in propria persona consecravir.

MCCCCLVII.

Calixtus  
Papa III.  
Classem  
misit in  
Turcos, sed  
parum pro-  
fecit.

Anno Wolfframmi Abbatis XXVIII. Indictione Romanorum IV. Calixtus Papa III. animo destinatus in Turcos, omnia studia sua in recuperationem urbis Constantinopolitanæ, licet frustra, convertit. Bello igitur publico Turcis indicto Ludovicum Aquileiensem Patriarcham & S. R. E. Cardinalem Classi præfectum constituit, & validum Christianorum exercitum Crucesignatorum per mare in hostes fidei destinavit.

Joannem quoque Cardinalem S. Angeli Legatum misit in Ungariam ad congregandum exercitum Crucesignatorum. Machumetes enim Princeps Turcorum cum infinita suorum multitudine, superata Mysia inferiore, contra terminos regni Ungariæ properabat, nihil magis sitiens, quam sanguinem fidelium. Venit ergo ad Nicopolim civitatem insignem, quæ alio nomine Schiltavv nuncupatur, in qua memoratus erat Legatus Apostolicus, & Joannes Capistranus cum universo Christianorum exercitu, quam mox arctissima obsidione vallavit, & multis diebus vexavit.

Christiani  
ex Nicopo-  
li erum-  
pentes  
interfecerunt  
Turcorum  
40000.

Christiani autem, qui erant in Civitate, muros & turres animosè defensabant, quod cernentes Turci, die quadam impetu facto ad muros cum machinis audacter properabant, cupientes proprio interitu sequentibus se parare introitum. Sed Christiani exhortatione Joannis de Capistrano inter pugnandum usque ad mortem pro sanctissima fide animati, portam Civitatis unam aperientes subito erumpunt, Joanne Apostolico legato vexillum S. Crucis præferente, Turcos invadunt nihil tale metuentes, eosque magna virtute prosternunt, occidunt, & reliquos in fugam convertunt: quadraginta millia Turcorum à Christianis in eo bello ferebantur occisa. Facta sunt hæc anno Nativitatis Dominicæ prænotato in Festo S. Mariæ Magdalenæ. Multi etiam inter fugiendum aquarum occursum perierunt. In hujus victoriæ memoriam simul & gratiarum actionem Calixtus Papa Festum Transfigurationis Dominicæ octavo Iduum, Augusti quotannis celebrandum instituit, ad quod omnes Indulgentias Festi Corporis Christi extendit.

Joannes de  
Capistrano  
moritur.

Nec multò post hanc gloriosam Christianorum de Turcis Victoriæ Joannes Capistranus vir devotissimus, & omni Sanctimoniâ vitæ conspicuus in Domino quievit. Ferunt eum in conflictu Christianorum cum Turcis ante Nicopolim in die S. Mariæ Magdalenæ, quo feror maximus tum erat æstatis, nimio defatigatum clamore, quo populum indefinenter admonebat & precabatur, ut fortiter pugnaret pro fide Christi, quem essent in Baptismate professi, morbum incidisse gravem, quo & mortuus fuerit. Obijt eodem quasi tempore Joannes alter Huniades Ungarus, qui malleus fuerat Turcarum, & in multis bellis cum eis habitis, semper victor evasit.

Joannes  
Huniades  
malleus  
Turcarum  
obijt.

Terræ mo-  
tus in Apu-  
lia.

Eodem anno maximi per Apuliam & Neapolim terræ motus fuerunt, quibus agitata multa ædificia solotenus corruerunt, Castellis etiam non paucis corruentibus, multa millia hominum miserabiliter interierunt. Inceperunt autem isti terræmotus nimium horrendi v. die mensis Decembris



bris inter horam x. & xl. in nocte, & xxv. ejusdem mensis circa horam vi. mane iterum auditi fuerunt.

In mense Junio Cometes apparuit in gradu xv. Cancri, & per mensem videbatur in Oriente, varia prodigia brevi secuta prænuntians. In Sabinis vitulus duo habens capita nascitur: Romæ sanguis è nubibus cecidit: apud portum Veneris in Liguria carnes pluvia dedit: & in agro Piceno puer natus est dentes habens sex, & caput insolitæ magnitudinis. Hæc omnia futuræ calamitatis manifesta præsignaverunt indioia.

Cometes apparuit.

His quoque temporibus magnus & mirabilis concursus puerorum ad memoriam S. Archangeli Michaelis ad montem Garganum in Normandia fieri cæpit, & per intervalla multis annis duravit. Miranda puerorum, & præter consuetudinem ætatis devotio, ut subito non vocati per hominem, neque promissionibus inducti, relictis parentibus & cognatis, imò ne consultis quidem, tantum iter assumerent; nec sumptus alios in itinere, quam quos daret odiosa cunctis mendicitas, haberent, aut cogitent. Convenientes enim per turmas ex Germania ferè tota proficiscebantur ordine statuto pueri duodecim annorum & supra, cantilenas quasdam de sancto Michaele cantantes in plateis vicorum & civitatum, quibus unus vexillum imagine depictum ejusdem Archangeli præferebat. Conjungebant se his pueris, ut plurimum ætate seniores, qui curam eorum habentes, & in via dirigentes, à periculis incautos præservarent. Omnes verò per quos iter faciebant homines, commiserationem habebant in eos, & victum eis copiosum ministrabant. Duravit iste puerorum concursus per intervalla usque ad memoriam nostram, qui vidimus eos turmatim sæpius cum vexillo incedentes.

Puerorū ad S. Michaelē in Normandia concursus mirabilis.

Anno prænotato, xxviii. die mensis Maij, obiit Jacobus de Sirck Archiepiscopus Trevirorum, & in Ecclesia B. Virginis cum debito honore sepelitur anno Pontificatus sui xviii. vir certè optimus & æterna memoria dignus, qui multa bona fecit in diebus suis. Conventum Fratrum Minorum S. Francisci in Confluentia reformavit. Monasterium Insulæ Rheni non procul à Confluentia novum construxit, in quod Canonicos Regulæ S. Augustini de Observantia Windesheim collocavit: omni tempore Pontificatus sui pacem tenuit, & plures dissidentes Principes in concordiam revocavit.

Jacobus Archiepisc. Trevirorum moritur.

Post mortem ejus xxi. die mensis Junij, anno præscripto, convenientes in unum Canonici pro Electione novi Pontificis, vota sua in duo dividerunt; nam una pars Canonorum numero minor Dietherum ex Comitibus de Isenburg Canonicum Trevirensē & Moguntinensē in Archiepiscopum elegit. Contra quem major pars Capituli Joannem ex Marchionibus de Baden, filium Jacobi Marchionis, & fratrem Caroli, annum xxii. ætatis agentem in Archiepiscopum postulavit. Et quamvis Dietherus Confirmationem ejus apud Sedem Apostolicam varijs impedire modis conaretur, minimè tamen potuit. Sed Calixtus Papa III. de processu informatus, qui fuerat in Electione servatus, repudiato Diethero, Joannem ad Archiepiscopatum confirmavit. Præfuit autem Ecclesiæ Trevirorum annis xlvi. Princeps mansuetissimus, liberalis, affabilis, justus & rectus, amator Cleri, defensor pauperum, ac magnificus conservator subditorum. In pace & tranquillitate magna pluribus annis suam

Dietherus de Isenburg.

Joannes Badensis Marchio fit Archiepisc. Trevirorum annis xlvi.

suam gubernavit Ecclesiam; sed in senectute pravorum consilio deceptus, cum Boppardianis contentionem perniciosam incepit, cujus occasione pecunijs bursam & promptuaria Ecclesiæ cuncta frumentis & vino penitus evacuavit, & debita non pauca contraxit, de quibus ordine suo latius dicetur.

Sifridus de Veningen fit Episcopus Spirensis annos III. menses V.

Eodem anno, XIX. die mensis Martij, obiit in Castro Udenheim Reinhardus de Helmstatt Episcopus Spirensis anno Pontificatus sui XVII. in majori Ecclesia Spirensi cum honore sepultus. Huic in Episcopatu successit Sifridus de Veningen, XXIX. die mensis Martij electus, & confirmatus per Calixtum Papam III. præfuit annis III. mensibus V. & duobus diebus; vir bonus, justus & rectus, qui brevi tempore multa bona fecit Ecclesiæ. In primo namque anno Pontificatus sui castrum Wesavve diu alienatum cum proventibus suis redemit pro octo millibus florenorum. Deinde sub Pio Papa II. sancta in Christum devotione motus Romam profectus est, & à memorato Pontifice Romano Privilegia, gratias & Indulgentias plures impetravit.

Montfort Castellum prædonum per Fridericum Palatinum destruitur.

Anno item prænotato, Fridericus Comes Palatinus Rheni, Tutor Philippi, XV. die mensis Octobris, ex Heidelberg oppido cum exercitu pugnatorum digrediens auxilio Theodorici Archiepiscopi Moguntini Castellum Montfort latibulum latronum & commune receptaculum prædonum obsedit, quinque diebus fortiter impugnans, tandem VI. die cepit ac funditus destruxit, nec postea reædificari potuit usque in præsentem diem sine consensu Archiepiscopi Moguntini ac Palatini Comitis pro tempore existentium. Moguntina etenim Ecclesia plura sustinuit damna retroactis temporibus ab illis, qui mansionem in Montfort habuerunt, quia Spanheimensi Comitatu fuit contiguus locus, similiter & dictæ Diocesi.

#### MCCCCLVII.

Ladislao regi Bohemiarum & Ungariarum Regis Galliarum filia desponsatur.

Anno Wolframmi Abbatis XXIX. Indictione Romanorum V. ex parte Ladislai Regis Bohemiarum & Ungarorum adolescentis filij quondam Alberti Regis, nuntij & Oratores mittuntur in Galliam, qui Caroli Regis VII. filiam nomine Magdalenam illi desponsarent uxorem. Qui cum venissent ad Regem Carolum, summo cum honore suscepti sunt, & exposita Legatione sua, pro qua venerant, facile quod voluerunt, impetrarunt. Illis apud Gallos adhuc existentibus, nuntius tristis & nimium infelix post eos mittitur, qui Ladislaum interiisse nunciavit. Cujus immatura mors non solum Bohemos & Ungaros, sed exterorum quoque Principum animos haud mediocriter contristavit. Multorum fuit opinio sublatum veneno, alij dicebant illum in Camera nocturnis horis per Georgium hæreticum, qui regnum post eum invasit, fuisse strangulatum.

Ladislaus obiit.

Matthias fit Rex Ungarorum annis XXXII.

Eodem anno Ladislao rege per venenum apud Pragam in Bohemia miserabiliter sublato, sive ut aliorum tenet opinio, strangulato, Matthias Joannis Huniadis filius in Regem Ungariæ constituitur electione procerum, regnavitque annis XXXII. & multa contra Turcos commisit prælia, sæpe Victor Dei favore pravorum existens gloriosus. Cunctis enim diebus & annis, quibus vixit & regnavit in Ungaria, malleus erat Turcorum, sicut olim & Genitor ejus: & magnus ipse Mahumet Princeps eorum Matthiam hunc regem ut bellicosissimum & fortunatum semper timebat.

Eodem

Eodem anno, die xiii. mensis Februarij hora ii. minuto xlv. post meridiem nascitur Maria Caroli Ducis Burgundiæ unica filia, quæ postea nupsit Maximiliano Archiduci Austriæ, de quo concepit & peperit Philippum regem Castiliæ, & Margaretam, quæ primò nupsit Regi Hispaniæ, & postea Duci Sabaudie, vivens nunc vidua.

Maria Caroli Ducis Burgundiæ filia uxor Maximiliani nascitur.

Maximilianus autem Friderici Imperatoris III. filius, hodie Rex Germaniæ ac destinatus Cæsar Romanorum natus fuit anno præcedente, hoc est, Wolfframmi Abbatis Hirsaugienfis anno xxviii. uno anno duntaxat senior Mariâ, xxi. die mensis Martij, horâ iii. minuto li. post medium noctis, Matre Helionora Lusitaniæ ac Portugalliæ regis filia, de quo suo loco plura dicenda restant.

Maximilianus Rex Germanorum nascitur.

Anno prænotato Wolfframmus Abbas hujus Monasterij Hirsaugienfis considerans reformationem novellam Mellicensem, quam ante aliquot annos suo introduxerat Monasterio, stabilitatis nullum habere fundamentum: & perpendens, quod Observantia Bursfeldensium à Sede Apostolica approbata & confirmata quotidie in melius proficeret, & in reformatione optima laudabiliter perseveraret, statuit in animo suo Monachos ejusdem Observantiæ ad Hirsaugiam introducere, quorum exemplo posset etiam alios reformare. Missis ergo ad Moguntiam nuntiis impetravit ab Eberhardo Abbate montis S. Jacobi quosdam Fratres boni Zeli & optimæ institutionis, per quorum sanctam conversationem observantia Regularis disciplinæ secundum traditionem unionis Bursfeldianæ in hoc Monasterio Hirsaugienfi laudabiliter instituta permanet, in præsentem diem.

Hirsaugia Observantiam Bursfeldensem hoc anno suscepit.

Eodem anno sexto die mensis Augusti, Romæ moritur Calixtus Papa III. post quem Cardinales in Pontificem elegerunt Æneam cognomento Picolhomineum, patriâ Senensem, virum undecunque doctissimum, quem Pium II. nuncuparunt. Præfuit autem universali Ecclesiæ annis vi. & multa bona fecit pro communi utilitate Christianæ Reipublicæ. Unionem nostram Bursfeldensem, observantiam quoque, & annale Capitulum auctoritate Apostolica confirmavit, & omnia privilegia, quæ olim Eugenius Papa IV. observantialibus S. Justinæ de Padua concesserat, amore Ordinis ad nostram quoque observantiam unitis & uniendis extendit.

Æneas Sylvius fit Pius Papa II.

Anno etiam prænotato Mahumetes impius Turcorum tyrannus Corinthum tunc adhuc Christianorum urbem obsedit. impugnavit & cepit, atque in omni Peloponeso tributa imponit Christianis, multis eorum millibus miserabiliter interfectis. Demetrius autem & Thomas Paleologi Constantini ultimi Græcorum Imperatoris filij inter se de Regionis imperio contendebant, unde Turco auctæ sunt vires, & brevi totum imperium eorum obtinuit.

Mahumetes Turcorum Princeps urbem Corinthiorum obtinuit.

MCCCCLVIII.

Anno Wolfframmi Abbatis XXX. Indictione Romanorum vi. Udalricus Comes de Wirtenberg auxilio Marchionis Brandenburgensis Alberti, contra Fridericum Comitem Palatinum Rheni, Baviariæque Ducem Tutorem Philippi hostiles gerens animos, Castellum Widem obsidione vallavit, cepit ac funditus destruxit. Quo facto Albertus Marchio cum suis ad propria reversus est, Comes autem Udalricus per agrum Heilbronnensium iter faciens, ab altera parte Neccari fluminis Fridericum supra dictum Comitem Palatinum desertorem oppidi memorati

Udalricus Comes de Wirtenberg Castellum Widem subvertit.



Heilbronn, 6000. peditum & mille octingentos Equites habentem offendit. Quo recognito Comes plena via cum ſuis, qui etiam fatigati erant ex fervore ſolis, & numero pauciores, ſicut ceperat graditur, & ad conſpectum hoſtium conſultò non pervenit.

Aquarum  
inundatio.

Eodem anno feria ſexta poſt Dominicam quadrageſimæ primam, maxima fuit inundatio aquarum, Rheni, Moſellæ, Mogani, Neccari & aliorum Germaniæ fluminum ex montibus venientium. Reſolutis enim nivibus copia maxima crevit aquarum, quæ domus, ædes & habitationes hominum plures non ſine graviffimo eorum damno & periculo ſubvertit. In oppido Creuſenach Nabus fluvius ſupra modum exundans Parochialem Eccleſiam in inſula eiſdem fluminis conſtitutam totam implevit, altaria ſubvertit, concuſſit parietes, & damna intulit plura civibus.

Dux Bava-  
riæ Ludo-  
vicus de-  
bellat Mar-  
chionem  
Albertum.

Anno prænotato, Ludovicus Dux Baviariæ cognomento Dives filius Henrici & pater Georgij Principum, congregato ex Bavaris, Bohemis & Auſtralibus magno pugnatorum exercitu, Civitatem Eichſtattenſem obſidione circumvallavit. Amicis autem ſe interponentibus tandem inter eum & Episcopum concordia reformata eſt, & ſoluta obſidione diſceſſit. Itaque poſt hæc eundem exercitum duxit contra Marchionem Albertum Brandenburgienſem, cujus duo Caſtella Landeck & Nauſſ obſedit, cepit, ac funditus ſubvertit. Contra quem Albertus ipſe Marchio proceſſit ad bellandum, habens ſecum Wilhelmum Ducem Saxoniz ſimul & copioſum exercitum. Sed congreſſi non ſunt, nec aliquid memoria dignum fecerunt. Concordia tamen inter eos facta eſt, ſub ea videlicet conditione, quòd Marchio Albertus Duci Ludovico litteras nonnullas à Cæſare Friderico impetratas contra eum, ad manus deberet reſtituere, & feuda ſua, ut Nürenbergius Burggravius ab Eccleſia Herbi-polenſi (quod prius recuſaverat) acceptare. His pro pace concluſis Principes concordati receſſerunt.

Ludovicus  
Dux Bava-  
riæ reus  
læſæ Maje-  
ſtatis à Cæ-  
ſare judica-  
tur.

Poſt hæc in Dieta quadam Nürenbergæ habita Marchio Albertus Ludovico Duci Baviariæ litteras & privilegia, quæ contra eum à Friderico impetraverat, juxta prius concordata, in prætorio Senatûs reſtituit, quas ille mox coram omnibus publicè laceravit. Quod cùm in noticiam Cæſaris perveniſſet, iratus eſt, & Ducem Ludovicum reum læſæ Majeſtatis declaravit; cujus rei occasione multiplicata ſunt mala ſuper terram.

Ludovicus  
XI. Rex ſit  
Gallorum.

Eodem anno Carolus Rex Gallorum VII. obiit, cui Ludovicus XI. ejus nominis, filius in regno ſucceſſit, & annis xxv. regnavit, homo aſper & vehemens, conſilio præceps, ingenio varius, & domeſticis vix ſatis apertus, qui patri antea diutius fuerat rebellis, contumax & inobediens, & propterea exul à Regno, vitam in Hannonia pauperem debebat, inde mortuo patre vocatur ad regnum, ac divitijs inopiam relevavit.

#### MCCCC LIX.

Capitulum  
Ordinis  
noſtri Pro-  
vinciale  
XVII. cele-  
bratur Nü-  
renbergæ.

Anno Wolſframmi Abbatis XXXI. Indictione Romanorum VII. celebratum fuit XVII. Ordinis noſtri Provinciale Capitulum in oppido Nürenberg apud S. Ægidium, in quo præſederunt Georgius memorati ibidem, Bertholdus S. Ægidij in Brunschwigg, Eberhardus S. Jacobi propè Moguntiam, & Henricus in Ettenheim-münſter Cœnobiorum ejusdem Ordinis noſtri Abbates.

Eodem

Eodem anno, vi. die mensis Maij, obiit Theodoricus Schenck de Erbach Archiepiscopus Moguntinus anno Pontificatus sui XXV. & in majori Ecclesia cum antecessoribus suis honorificè sepelitur, præsul optimus, qui satis providè in utrôque statu rexit Ecclesiam suam, & multa fecit opera bona.

Theodoricus  
Archiepiscopus  
Moguntinus moritur.

Eodem anno posteaquam vacasset sedes Moguntina XLIII. diebus, convenerunt in unum Canonici, & xviii. die mensis Junij Dietherum ex Comitibus de Isenburg Canonicum in Archiepiscopum elegerunt, qui præfuit annis fermè tribus. Contra hunc Dietherum erexit se Adolphus ex Comitibus de Nassau Canonicus, & toto triennio pro Archiepiscopatu cum eo lites continuavit, cujus ratione contentionis infinita mala fuerunt subsecuta, de quibus per ordinem suo tempore dicemus. Postremò tamen Adolphus victoriam obtinuit, & Dietherus resignare Archiepiscopatum compulsus fuit.

Dietherus  
fit Archiepiscopus  
Moguntinus annis  
ferè III.

Anno prænotato secunda die mensis Septembris, obiit Sifridus Episcopus Spirensis, post quem die mensis ejusdem xvii. per Capitulum fuit electus Joannes Nix de Hochenek dictus Enzberger, & præfuit annis v. Is quorundam consilio deceptus adhæsit Carolo Marchioni Badensium. Ludovico quoque Comiti Palatino ac Duci Bavarie cognomento Nigro, & quibusdam alijs, contra Fridericum Palatinum Tutorem Philippi, per quod Ecclesiam suam valde læsit & damnificavit in multis, totam Diocesim rapinis exponens & incendio, non solum hostium, sed etiam, quod gravius fuit, amicorum.

Joannes  
Nix fit Episcopus  
Spirensis annis  
fermè v.

Anno item præsignato, Fridericus Imperator III. mandavit Civibus Regni, ut arma sumerent in Ludovicum Ducem Bavarie cognomento Divitem, quem propter laceratas Nürenbergæ litteras Imperiales, ut paulò ante diximus, læsæ Majestatis reum declaraverat. Simile mandatum dedit Alberto Marchioni Brandenburgensi, & nonnullis alijs in vicino Comitibus. Cives ergo Regni omnes in superioribus Germanie partibus (præsertim Nürenbergenses) mandato Cæsaris obedire parati, arma capiunt, & Marchioni Alberto contra Ducem Ludovicum Bavarie auxilia imperata transmittunt. Dux igitur Ludovicus accepto nuntio diffidationis à Marchione Alberto & Civibus Regni, magnum rursus Bavarorum & Bohemorum contraxit exercitum, & ingressus terram Marchionis, oppida, Castella, munitionesque illius cepit, plurimas villas incendit, prædam abduxit, & damna pauperibus multa fecit. Non diu postea cum Ludovicus Dux pro quibusdam negotijs intrasset occultè Bohemiam, innotuit Marchioni absentia ejus à patria. Unde contractis copijs & auxilijs Civium, terras ejus ingreditur, & pari furore omnia vastans, rapiens & incendens resistente nullo demolitur. Tandem per Bohemie regem ad concordiam revocati sunt, & oppida sibi restituerunt ablata.

Fridericus  
Imperator  
Marchionem  
Albertum contra  
Bavarie  
Ducem incitat.

Ludovicus  
Dux & Marchio  
Albertus se  
mutuò devastant.

Anno etiam præscripto, Pius Papa II. omnium consensu Cardinalium & multorum consilio Prælatorum Mantuam ire cum omni Curia sua decrevit, ut convocatis ibidem ad se omnium Regum & Principum totius Christiani Orbis Nuntijs & Oratoribus in Turcos generale Passagium ordinaret. Venit ergo Mantuam anno prænotato prima die mensis Junij, multorum Oratores Principum eò præsentem invenit, aliosque brevi venturos aliquandiu expectavit. Duravit autem iste Oratorum Con-

Pius Papa  
Oratores  
Principum  
ad Mantuam  
convocavit.

ventus mensibus octo, in quo multa fuerunt tractata & conclusa contra nefandissimos Turcos, quorum parvus sequebatur effectus. O quid non præsumat invidia, & quid mali non merentur hominum peccata!

Monachus  
unus Hir-  
saugiensis  
ad Papam  
mittitur.

Eodem anno Wolframmus Abbas hujus Monasterij Hirsaugiensis misit Fratrem unum ex Monachis Conventualem ad Convocationem Mantuanam pro negotio Præposituræ suæ in Roth Augustensis Diocesis coram Pio Papa II. expediendo, simul & in alijs causis Monasterij arduis. Missus fuit cum eodem Monacho Joannes Naclerus Doctor per Wolframmm Abbatem ad Romanum Pontificem Pium, ut causam verbis & scriptis redderet meliorem. Wilhelmus etenim Præpositus in Roth, ut supra diximus, Wolframmo Abbati rebellis & inobediens, litteras quasdam libertatis & exemptionis à Pio Pontifice II. impetravit, ut videlicet auctoritate propria ad Monachatum posset suscipere Novitios, & omnia facere pro arbitrio sine majoritate Hirsaugiensis Abbatis, cui Præpositura pleno jure à prima fundatione semper & fuit, & manet subjecta. Unde Abbas Wolframmus Privilegiorum Monasterij sui acerrimus defensor per eos quos misit ad Papam, litteras surreptitias impetravit revocari, & cassatis omnibus malè indultis Præpositum ad obedientiam revocavit.

MCCCCXX.

Monaste-  
rium in El-  
wangen ab  
Ordine no-  
stro trans-  
fertur.

Anno Wolframmi Abbatis XXXII. qui & ultimus fuit, Indictione Romanorum VIII. Monasterium Elvvangense apostatantibus Monachis reprobis cum Abbate, procul dubio inutili & mendace, ab ordine sanctissimi P. N. Benedicti in Collegiatam Ecclesiam sæcularem translatum est. Horum pravissimorum, apostatantiumque Monachorum levitatis, ne dicam impietatis, exemplum plures Monachi ordinis nostri postea secuti sunt, & abjecto habitu simul & omni Monastico schemate. Omnipotenti Deo mentiri contra votum non timuerunt.

Albertus  
Dux Bava-  
riæ mor-  
tuus est.

Eodem anno mortuus est Dux Baviaræ Albertus filius quondam Ducis Ernesti in Monaco, reliquit ex filia Ducis Brunshvicensis uxore sua quinque filios. Joannem qui sine liberis obiit. Sigismundum, Christophorum, Wolfgangum & Albertum, qui Patri in Ducatu successit, & Christophorum Germanum suum se natu majorem aliquandiu tenuit in vinculis. Tres etiam genuit filias, quarum prima nomine Elisabeth Duci nupsit Saxoniar, secunda Margaretha nupsit Comiti Mantuano; tertia verò nomine Anna Monialis pro Christi amore fuit inclusa apud Monacum. Albertus autem Patri succedens in Principatu vixit annis XLVII. duxitque uxorem filiam Friderici Imperatoris Romanorum III.

XVIII.  
Principes  
inimici  
sunt Comi-  
tis Palatini.

Anno prænotato Dietherus Archiepiscopus Moguntinus, Joannes Nix Episcopus Spirensis, Albertus Marchio Brandenburgensis, Ludovicus Dux Baviaræ Niger, Carolus Marchio de Baden, Udalricus Comes de Wirtemberg, Emicho Comes de Liningen, & plerique alij Comites & Militaris Ordinis homines in unum conspirantes, se Friderici Comitis Palatini, Tutoris Philippi hostes & inimicos publicos denuntiaverunt, causas singuli singulas prætendentes. Archiepiscopus etenim Dietherus, propterea quòd Fridericus partes defenderat Adolphi contra eum: Comes autem de Wirtemberg Udalricus Margaretham filiam Ducis Sabaudiar, relictam Ludovici Comitis Palatini fratris, memorati Friderici & genitoris Philippi duxerat uxorem, cujus dotem præcedentis Matrimonij juxta conditum

Causæ di-  
scordiarum  
inter Pala-  
tinos &  
Comitem  
in Wirten-  
berg.



condictum jure postulare videbatur. Contra hanc Udalrici Comitis postulationem Fridericus Comes Palatinus respondendo negativè respondēbat, quòd Margarehta memorata quondam fratris uxor Matérque, secum ex Camera Palatinatús in clenodijs jocalibus & alijs præter Corporis sui necessarium ornatum vel usum detulerit in valore non minus centum millium florenorum, reddat illa prius, & dotem reciperet promissam. Alijs aliæ fuerunt causæ, maxima tamen omnium causa fuit, quia Fridericus Imperator non solum permisit, sed etiam præcepit, ut bellum contra Fridericum Palatinum Comitem moverent prædicti Principes, propterea quòd videretur nimium superbus, arrogaretque sibi titulum Electoris Imperialis, Philippo, cujus erat Tutor, debitum, Imperialibus præceptis rebellis & inobediens, eò quòd Ludovico Duci Baviariæ consentiret.

Imperatoris jussio major causa fuit.

Fridericus igitur Comes Palatinus tot inimicis circumseptus nequam est mente fractus, aut perturbatus animo, sed contractis suorum copijs principatum inprimis suum per circulum armatis munivit, ac deinde cum reliqua parte Exercitus Schauenburg castrum Ecclesiæ Moguntinæ in Montensi strata situatum obsidione vallavit, quod octava die cepit, quæ fuit Dominica prima post Resurrectionem Domini nostri Jesu Christi. Erat autem Castellum illud muris, turribus atque fossatis optimè munitum, bombardis, balistis, victualibus & cunctis necessarijs provisum, in quo reperit Equites decem & octo, pedites verò triginta, quos omnes Heidelbergam misit in vincula captivos. Concordia, quam diximus inter Ludovicum Ducem Baviariæ cognomento Divitem, & Albertum Marchionem Brandenburgensem anno prænotato per Regem Bohemiæ factam, non placuit Friderico Comiti Palatino, unde & consilio iterum violata est, factique sunt inimici ad invicem acriores, quam fuerant prius, steterunt ergo hi duo Principes Fridericus & Ludovicus Comites Palatini & Duces Baviariæ contra decem & octo Duces, Marchiones & Comites, multo tempore concertantes, & plura damna sibi mutuò intulerunt. Nomina Principum, eis adversantium ista fuerunt. Fridericus Imperator III. Albertus Marchio Brandenburgensis Princeps Elector, qui ut Burgravius Nürenbergensis morabatur in Anolsbach. Wilhelmus Dux Saxonie Elector. Dietherus Archiepiscopus Princeps Elector. Joannes Archiepiscopus Trevirorum Princeps Elector. Georgius Episcopus Metensis. Joannes Episcopus Spirensis. Ludovicus Comes Palatinus Baviariæque Dux, Niger, Comes Veldenzia & Gemini Pontis. Carolus Marchio Badensis. Udalricus Comes de Wirtemberg. Emicho Comes de Liningen, & alij plures. Ludovicus igitur Dux Baviariæ Dives adjutorio præfati Ducis Friderici Electoris in Amberg bellum fortiter gessit contra Marchionem Albertum & civitates Regni in superioribus terræ partibus circa Nürenbergam, & mirantibus cunctis ubique vicit, ubique feliciter triumphavit, hostes suos penè omnes miserabili calamitate affecit.

Schauenburg à Palatino obsidetur & capitur.

Contra Palatinum & Baviariæ Ducem XVIII. Principes inimici fiunt.

Ludovicus Baviariæ Dux Marchionem & Civitates Regni persequitur.

Interea Fridericus Comes Palatinus habens secum Ludovicum Landgravium Hassiæ cum multis armatis mercede conductum, Rheno flumine transmissò Petersheim oppidum Ecclesiæ Moguntinæ haud procul à Wormatia distans obsedit. Erant tunc in ipso oppido Viri & plures, & fortissimi ad ejus defensionem ab Archiepiscopo destinati, Joannes vide-

Petersheim  
à Friderico  
Comite Pa-  
latino ca-  
pitur die S.  
Udalrici.

licet Comes in Nassau. Wilhelmus Comes in Wertheim, Otho Comes in Hennenberg, Philippus Comes de Liningen, Henricus Comes in Runckel, & nobiles multi, quorum nomina ignoramus. Aderant & Ringaugienses incolæ vinitores in magno numero ad custodiam loci & pugnam ab Archiepiscopo deputati. Comes autem Palatinus cum suis fortiter impugnavit oppidum, quod & cepit tandem non paucis adversariorum occisis, pluribus autem captis. Reperit in oppido quingentos equos sellatos & prædam non modicam, quæ omnia fecit asportari in villam proximam Westhofen, & inter milites suos, ut fieri solet, distribuit. Capti fuerunt supra dicti Comites quinque, nobiles quoque & ignobiles numero 613. qui se pecuniâ redimere coacti fuerunt, pauci fugâ lapsi evaserunt.

Inter Die-  
therum  
Archiepisc.  
& Palati-  
num Con-  
cordia fa-  
cta est.

His peractis cum Fridericus Comes Palatinus contra Dietherum, Archiepiscopum ulterius disponderet procedere, Wilhelmus Hassiæ Landgravius, & quidam alij, de concordia coeperunt inter eos habere tractatum. Igitur pax inter eos reformata est, his Conditionibus salvis. Comes Palatinus pro impensis quas fecit 30. millia florenorum, habebit in pignus castella Schauenburg, Dissenheim, & Hentschuchsheim cum villis & omnibus proventibus eorum, quorum tamen omnium redemptio prædictâ summâ pecuniarum in arbitrio stabit uniuscujusque Archiepiscopi pro tempore existentis. Ringaugienses etiam vinicolæ novem millia florenorum dabunt ipsi Comiti Palatino, pro quibusdam rebus & proventibus seu jurisdictionibus, quas apud villam Lorch jure seu gladio acquisierat. Ab hac autem Concordia seclusi fuerunt Ludovicus Dux Niger, Comites de Liningen, Marchiones ambo & cæteri omnes, qui cum eis senserunt superius nominati. Comes autem Palatinus contra Ducem Ludovicum Nigrum duplicem irascendi causam mente gerebat; quarum una erat, quod primam concordiam apud Zabernam prius factam & juratam non servavit: altera verò, quod specialiter conjuraverat cum Diethero Archiepiscopo Moguntino & Comitibus de Liningen contra ipsum, quod promiserat antea se nunquam facturum. Insuper contractis copijs regale oppidum Ingelheim occupaverunt, incenderunt, muros dejecerunt, ac funditus destruxerunt. Oppidanis autem in aulam Caroli Magni Cæsaris, quæ & castrum est amplum, & Canonorum Regulæ S. Augustini Cœnobium fugientibus, mox ab hostibus fuerunt obfessi. Interea Palatinus magno cum exercitu nuntiatur venturus, quod illi audientes soluta obsidione recesserunt. Post quorum recessum Palatinus cum exercitu suo venit propè Moguntiam, & pauculas ædes Canonorum apud S. Victorem, S. Albanum & S. Crucem in campis primo impetu subvertit; quod factum aliquos terruit, & ut pecuniâ se præservarent ab incendio imminente, concitavit. Datis enim Palatino Comiti quatuor millibus florenorum Clerus Moguntinus domos, ædes, agros, frumenta & bona sua, ne perirent incendio, providè liberavit. Post hæc Petersheim quod pertinebat ad Archiepiscopum, ut diximus, obsedit & cepit. Concordiâ autem cum Archiepiscopo factâ Palatinus Comes exercitum duxit contra Ludovicum Ducem Nigrum, & eum in oppido suo Meisenheim, quod milliaribus à Spanheim vix distat duobus, fortiter obsedit. Cernens verò Ludovicus, quod multitudini hostium non posset resistere, maximè cum Archiepiscopus jam defecisset ab eo, pacem petijt & impetravit. Fit ite-

Comes Pa-  
latinus  
contra Lu-  
dovicum  
prævaluit.

rum

rum concordia, & his conditionibus firmatur. Dux Ludovicus mediam partem quingentorum florenorum, quos annuè cedentes habet in telonio Bacharacensi, Palatino jam remittet, ac deinceps perpetuò non repetat vel ipse, vel hæres in æternum. Aliam verò medietatem à Palatinis Comitibus in feudum (cui nunquam renuntiari possit) suscipere sit jure perpetuo astrictus. Castrum quoque Scharffenberg sine contradictione in manus Palatini resignabit. Ab ea Concordia Comites de Liningen fuerunt seclusi unà cum cæteris inimicis Palatinatûs supranominatis. His peractis Comes Palatinus animo fervens in Comites de Liningen duxit exercitum, & in primis Castrum Hasloch obsedit, cepit, incendit, funditûsque devastavit. Plures ibi subditorum invenit captivos, quibus liberatis non modicam deportari prædam præcepit. Inde movens Mynfeld Castellum eorundem Comitum obsedit, cepit, spoliavit, & igne submisso terræ cœquavit. Hæc & plura his similia gessit Fridericus Comes Palatinus anno prænotato, quorum reliqua in annos præservantur sequentes, ut suo ordine dicemus & loco.

Comes Palatinus devastavit terram Comitum de Liningen.

Anno item prænotato, 8. die mensis Maij, horâ 1. minuto 36. post meridiem, natus est Fridericus Marchio Brandenburgensis patre Alberto, & duxit postea uxorem filiam Regis Poloniæ, de qua genuit Casimirum, Georgium, Albertum Ordinis Theutonicorum in Prussia, Joannem, Fridericum Herbipolensis Ecclesiæ Præpositum, & alios filios & filias, quorum nomina ignoramus. Ipse autem Fridericus senior hodie vivens adhuc ætatis annum agit 54. sed uxor ejus anno abhinc uno mortua est.

Fridericus Brandenburg. Marchio nascitur.

Anno etiam præsignato cùm Nicolaus de Cusâ Episcopus Brixinensis in Bavaria & SS. Romanæ Ecclesiæ tituli S. Petri ad Vincula Presbyter Cardinalis jura memoratæ Ecclesiæ Brixinensis acrius tueretur, à Sigismundo Archiduce Austriæ capitur, & honestæ custodiæ mancipatur. Unde Pontifex Maximus Pius II. indignatione commotus contra Sigismundum, eum excommunicavit, & terram ejus Ecclesiastico Interdicto supposuit. Cardinalis autem fugâ tandem lapsus Romam pervenit, & Papam gravius contra Ducem incitavit. Factum est ergo ad ipsius Cardinalis instantiam, ut Papa in Ducem multiplicaret Censuras, & quantum in ipso erat, neminem exterorum per ejus terram, id est, Comitatum Tirolis inpunè transire permittebat. Cujus rei occasione pauperes terræ dicti Comitatus graviter affligebantur. Habebat eo tempore Dux Sigismundus à secretis Doctorem quendam in Jure peritissimum, nomine Gregorium Heimbürgum patriâ Francum Orientalem. Is cùm esset latinè simul & theutonicè omnium suo tempore facundissimus, multa dixit, scripsit & fecit pro eo. Appellationem à sententia Summi Pontificis ad futurum Concilium pro Sigismundo conscripsit admirabilem, & pro ejus absolutione petenda Romam in persona propria perrexit. Sed Pontifex Ducem absolvere non voluit, nisi prius Cardinali satisfaceret pro contumelia, quam intulerat. Postremò tamen Dux humiliatus veniam & absolutionem à Papa impetravit.

Nicolaus Cusa à Sigismundo Duce Austriæ capitur.

Gregorius Heimbürg pro Duce Sigismundo plura fecit.

Eodem anno Mahumetes Turcorum Imperator Thomam Paleologum Constantini ultimi Græcorum Imperatoris filium, qui regnabat in Peloponeso, fugavit. Demetrium ejus fratrem captivum abduxit, & Regnum eorum totum occupavit, multis Christianorum millibus occisis, maximè

Mahumetes Turcorum Princeps Peloponsum & Pontum capit.



maximè Clericis & Monachis. Deinde contra Regem Trapezuntij ducens exercitum, prælio commiſſo cum cepit & interfecit, & Pontum obtinuit, ſicque totam Græciam ſibi ſubjugavit.

Wolffram-  
mus Abbas  
hujus Mo-  
naſterij  
Hirſau-  
gienſis mo-  
ritur.

Anno prænotato Wolfframmus Abbas hujus Monaſterij Hirſaugienſis jam ſenio gravatus & morbo, lecto decubuit, & tandem 20. die menſis Auguſti moriens ad Dominum migravit, anno ætatis ſuæ LXV. Regiminis autem XXXI. menſe nono, die 8. vir bona memoria dignus, qui bene & laudabiliter præfuit, & Monaſterio plura bona fecit: Reformationem Bursfeldenſium primus introduxit, & laudabiliter continuavit, quod omnium bonorum operum ejus maximum fuit. Domum Abbatialem circa portam & multa ædificia in Monaſterio & extra conſtruxit; Capellam S. Nicolai pervetuſtam in majori Baſilica depoſuit, & quatuor altaria repoſuit.

Sancti Bru-  
nonis Ab-  
batis ſepul-  
chrum  
odorem  
fudit cœle-  
ſtem.

Mortuo autem Wolfframmo Meiſer jam dicto Abbate, cum ante altare SS. Virginum pararetur ſepulchrum, in eo loco, ubi à latere corpus jacebat humatum Brunonis ex Comitibus de Wirtenberg quondam, Monachi & Abbatis Hirſaugiani, qui obiit anno Chriſtianorum MCXX. ut longè ſupra diximus, contigit propter loci anguſtiam tumulum ipſius Brunonis ab una parte paululum aperiri, ſubito per foramen exiguum ſepulchri viri ſancti tanta fragrantia cœleſtis odoris prorumpit, ut omnes qui erant in Eccleſia, verteret in ſtuporem. Fratres curioſitate ducti, ac ſcire cupientes, unde odor tam rarus procederet, Brunonis tumulum latius aperiunt & corpus integrum cum ſuis indumentis, ut videbatur, invenerunt. Aperto autem ſepulchro mox ad æris tactum corpus in cinerem reſolvitur, ſed odor ille ſuaviſſimus multò magis ampliatur. Interea cum hæc fierent, ordinatione Divinâ contigit hominem quendam pauperem, claudum & cæcum adſeſſe in Eccleſia, qui ubi tantam inſoliti odoris fragrantiam naribus hauſit, unde proveniret, ductorem ſuum interrogavit. Audiens verò geſtæ rei ordinem dixit: *Verè ſamulus Dei magnus fuit homo iſte.* Ductus igitur propè ſepulchrum S. Brunonis, genua flexit in terram, & cum lachrymis oravit ad Dominum, cum ſumma fiducia dicens: *Domine Deus qui tibi fideliter ſervientes copioſè in cælo & in terra remuneras, rogo te ob honorem hujus ſancti ſamuli tui, cujus ſacrum Corpus tanta fragrantia fundit odorem, miſerere mei pauperrimi caci & claudi. & aperi oculos meos, ut videam & enarrem mirabilia tua.*

Oratio cæci  
ad ſepul-  
chrum S.  
Brunonis.

Cæcus &  
Claudus  
iſte ad ſepul-  
chrum  
S. Brunonis  
curatus eſt.

Hæc poſteaquam tota mentis devotione ad tumulum D. Brunonis apertum cum lachrymis peroraſſet, viſum ſimul & greſſum Dei miſeratione & meritis S. Brunonis recepit, mirantibus qui aderant cunctis. Et publicatum eſt miraculum iſtud per totam Regionem, & omnes qui audiebant, mirabantur Deum laudantes. Conſilio autem inter ſe habito Fratres, Oſſa Divi Brunonis intacta relinquentes denuo ſepulchrum clauſerunt, & Wolfframmi corpus ad latus ejus cum timore ſepelierunt.

Post cujus mortem Abbatia Hirſaugienſis vacavit diebus 14.  
in quibus abſentiam Fratrum in Prioratibus  
præſtolabatur adventus.

De

## De Bernardo hujus Monasterij Hirsaugiensis

Abbate XXXIX. qui præfuit annis xxii. & aliquot diebus, variisque gestis illius temporis.



Nno Dominicæ Nativitatis memorato MCCCCLX. Indictione Romanorum viii. die mensis Septembris xiv. Prior & Conventus hujus Monasterij Hirsaugiensis. posteaquam Abbatia vacasset Rectore xxiv. diebus, convenerunt in unum ad locum Capitularem, & invocatâ gratiâ Spiritus Sancti præmissisque orationibus consuetis, in Abbatem concorditer elegerunt Bernardum ex suis Conventualem, qui per Joannem Episcopum Spirensen confirmatus juxta morem, & ordinatus, præfuit annis xxii. & paucis diebus, in quibus multa bona fecit Monasterio, quemadmodum in sequentibus per ordinem enarrabimus.

Bernardus  
Abbas  
xxxix. an-  
nis 22. præ-  
fuit.

Fuit enim vir moribus & conversatione valde notabilis: amator & conservator Monasticæ Disciplinæ constantissimus, utpote qui Regularem observantiam Bursfeldensium in se & in subditis suis vigilantissimè custodivit. Erat naturâ homo mitis, mansuetus, affabilis, justus & rectus; bonis & Deum timentibus per humilitatem socius, superbis & cervicosis Monachis corrector & judex severus: in Deum fuit singulari cultu devotus, & in orationibus convenientibus horis quasi continuus. Ingenio promptus, consilio cautus, actione fuit præcipuus. In pauperes misericors extitit, & egenis tempore famis pecuniâ & frumento largissimè subvenit. Propterea benedixit eum Dominus Deus in miserationibus suis; quia Monasterium, quod ære gravatum alieno reperit, in paucis annis liberum & absolutum à cunctis debitis restituit.

Conversa-  
rio Abbatis  
Bernardi.

Monachorum & Monialium reformatore fuit devotissimus, & plura Cœnobيا non solum nostri Ordinis, sed etiam aliarum Religionum, suo vel labore, vel consilio ad Regularis observantiæ integritatem revocavit. Monasterium namque S. Benedicti in Alpersbach nostri Ordinis Constantiensis Diœcesis per ipsum reformatum, unioni Bursfeldensium incorporatum est. Limburgense ipsius consilio & auxilio per Monachos S. Jacobi Moguntinos reformatum est, quod nunc prò dolor videmus exustum. Cœnobium quoque Monialium S. Laurentij nostri Ordinis ipse primus reformavit. In Sebach Spirensis Diœcesis non procul à Limburg. cum Dei adjutorio similiter Abbatiam nostri Ordinis in Lorch ipse primus reformavit. In oppido Wile Cœnobium Fratrum Eremitarum S. Augustini reformavit. Moniales quoque in Urspring, in Pfulligen similiter. Octavum Reformationis suæ Monasterium fuit sororum in Altburg Beguttarum, quibus auctoritate Apostolica expulsis propter earum vitæ impuritatem, sorores de tertia Regula S. Dominici nuncupatas, bonæ conversationis & reformationis in locum reposuit; quarum imitatrices hodie ipsum locum inhabitantes, bonæ & irreprehensibilis vitæ introductam observantiam laudabiliter custodiunt: & de laboribus manuum suarum sine cuiuspiam hominis injuria vivunt. Contra hanc reformationem in Altburg Beghardi fratres, qui per diversas cellulas in nemore Hirsaugiano

Bernardus  
Abbas Hir-  
saugiensis  
octo Cœ-  
nobia re-  
formavit.

Beghardi  
restitunt.

K k k

saugiano

ſaugiano morabantur, ſe contumaciter oppoſuerunt; dolentes ſibi ſimiles improbæ converſationis ſorores de latibulo iniquitatis expulſas. Unde contra Bernardum religioſiſſimum Patrem plures machinationes inſidioſas ſtruxerunt, ſed nihil prævaluerunt: quin potius foveam inciderunt quam fecerant, & in laqueo, quem inſidioſè abſconderant proximo ſuo Abbati, comprehenſus eſt pes eorum.

Patria Bernardi Abbatis & parentes in oppido Gernſpach.

Bernardus iſte Abbas Patriâ fuit Marchionita ex oppido Gernſpach in Marchionatu Badenſi oriundus, & honeſtis parentibus licet humilibus ortus. Qui poſt prima litterarum rudimenta in prioratu Hirſaugienſi Richenbach Monachus factus eſt, & vitam laudabiliter continuavit, quam Regulæ S. P. N. Benediſti credidit eſſe conformem. Verùm poſteaquam Wolſframms Abbas Regularem obſervantiam ad Hirſaugiam introduxit, Bernardus Monachus Richenbach deſeruit, & amore Diſciplinæ Regularis ad Hirſaugiam venit: ubi à Wolſframmo Abbate charitative ſulceptus, & congregationi Reſormatorum adſcriptus in omni humilitate converſationem ſuam inſtituit, & ſeruentur continuavit. Ordinatus deinde Abbas prioris vitæ puritatem non remiſit, ſed augmentavit; præbens ſe Monachis ſuis omni tempore non ſolum verbo, ſed multò magis exemplo ſanctiſſimæ Converſationis dignum & imitabilem coram Deo & hominibus paſtorem. Numerum Deo ſervientium Fratrum brevi tempore notabiliter auxit; ſuper quibus ut rectè incederent, ſummi Paſtoris amore ſtudioſiſſimè vigilavit. In innocentia cordis ſui gregem Dominicum ſibi commiſſum ſollicitè pavit verbo, pavit exemplo; & ne in itinere ſanctæ converſationis trium ſubſtantialium votorum errarent, pavit alimento.

Bernardus Abbas Cœnobium melioravit in 18780. florenſis

Tempore introitus ſui ad Abbatiam invenit Monasterium ære alieno gravatum in 12000. florenorum, & cuncta penè ruinosa ædificia: & quia vir erat timens Deum, benedixit ei Dominus, ut qui ſpiritualia Chriſto Salvatori auxit obſequia, in temporalibus nunquam deficeret. Unde miſericordiâ adiutus præmiſſâ florenorum 12000. tempore ſui regiminis integrè ſolvit, & in ſtructuris Monasterij, ornatu Eccleſiæ, cœmendisque proventibus annuis plus quàm 6000. florenorum expoſuit, ita quod ſumma pecuniarum omnium, quibus Monasterium hoc Hirſaugienſe ad pinguiorem reduxit fortunam tempore ſui regiminis, facit florenorum 18780. quemadmodum in ſequentibus ſuo ordine dicemus. Unde meritò poſteritas Hirſaugienſium omnis Bernardum Abbatem ut fundatorem ſuum alterum recognoscens æterna habebit in memoria, qui Monasterium reædificans & ornans à debitis omnino fecit liberum, quod plus quam ducentis annis ſemper ære alieno fuerat gravatum.

MCCCC LXI.

Unitrium Obſervantiarum Ord noſtri faciendæ Episcopo Eichſtattensi à Papa committitur.

Anno Bernardi Abbatis primo, Indictione Romanorum ix. Pius Papa II. per Apoſtolica ſcripta mandavit Episcopo Eichſtattensi, ut conſumptis aliquibus viris Religioſis, & in monaſticis Diſciplinis exercitatis, ad ſe vocaret nobiliores trium Ordinis noſtri Obſervantiarum Patres Abbates, Mellicenſium, Caſtellenſium & Buſſfeldenſium, habitoque cum eis neceſſario tractatu, tres ipſas Obſervantias in unitatem reduceret; & ſi qui intervenirent defectus, Apoſtolica authoritate ſuppleret. Convenientibus autem ad Commiſſarium Apoſtolicum prædictum Episcopum vocatis Abbatibus



Abbatibus certis, plures inter se habuere tractatus; sed tantam diversitatem rituum, consuetudinum, morum, & constitutionum trium Observantiarum in unitatem reducere nullatenus potuerunt. Bursfeldenses enim, quorum strictior observantia est Regulæ S. Benedicti magis conformis, ad laxiora Mellicensium & Castellensium noluerunt retrocedere: & Mellicenses cum Castellensibus, quorum reformatio fuit laxior & Regulæ minus consentanea, observantiam Bursfeldensium, ut duram refutarunt.

Ex eo tempore plures deinceps Patrum factæ sunt conventiones in diversis locis non sine magnis expensis & fatigationibus, sed inter eos fieri nunquam potuit uniformitas, usque in præsentem diem. Nostri etiam temporibus Bertholdus ex Comitibus de Hennenberg Archiepiscopus Moguntinus plures inter eos sæpe habuit pro eodem negotio tractatus, quibus & ipse frequenter interfuit, sed intentionem suam in effectum deducere non potuit. Manent ergo tres Observantiæ Ordinis nostri memoratæ procul ab invicem differentes: quarum duæ, Mellicensis & Castellensis quotidie deficiunt: tertia autem Bursfeldensis de die crescit in diem, proficit & ampliatur.

Trium observantiarum unio fieri non potuit.

Eodem anno Dietherus de Isenburg Archiepiscopus Moguntinus anno Pontificatus sui tertio per sententiam Pij Papæ II. ab Archiepiscopatu deponitur, & Adolphus de Nassau jubente Papa in Archiepiscopum sublimatur, & præfuit annis XIV. post cujus obitum Dietherus iterum Archiepiscopus factus præfuit annis VII. Interea verò quòd Adolphus præfuit Ecclesiæ Moguntinæ, Dietherus pro sustentatione sua possedit oppida & Castella in Hoeft & Steinheim cum omnibus proventibus eorum, quæ sunt duo meliora Ecclesiæ Moguntinæ commoda sive clenodia. Causæ depositionis Dietheri subiectæ ferebantur.

Dietherus Archiepiscopus Moguntinus deponitur.

Prima causa depositionis fuit: *Quod mandatis Summi Pontificis inobediens & rebellis extitit, annuatimque Sedi Apostolica non persolvit 24000. florenorum, quos Romano Pontifici dare quilibet Ecclesiæ Moguntina novellus Archiepiscopus confirmandus introducenda consuetudine cogitur.*

Causa depositionis. Prima.

Secunda verò causa fuit: *Quod infra sibi tempus constitutum in confirmatione Apostolica neque Sacerdotium assumpsit, nec se ordinari Archiepiscopum fecit.*

Secunda.

Tertia depositionis ejus causa fuit: *Quod Nuntios & Legatos Sedis Apostolicæ cum reverentia non suscepit, honorem eis debitum non impendit; sed eorum litteris, mandatis, commissionibus & factis contrarius, rebellis & inobediens fuit.*

Tertia.

Quarta causa fuit: *Quod Friderico Palatino Comiti adhaesit, quem Apostolica Sedes illo tempore ad informationem, & instantiam quorundam Principum Regni Germanici ut rebellem & inobedientem condemnarat.*

Quarta.

Ex hac depositione Dietheri Ecclesiæ Moguntina damna incurrit multa. Dietherus enim vociferans & clamitans injuriam sibi factam à Papa, Friderici Comitis Palatini auxilium contra Adolphum invocavit. Cujus adjutorio Dietherus IX. oppida Ecclesiæ Moguntinæ in sua obedientia retinuit, cætera verò ad Adolphum ejus adversarium subito defecerunt.

Fridericus Palatinus Comes adhaesit Diethero.

Verum quia Dietherus pecuniâ recompensare Palatini labores simul & expensas in his motibus factas minimè potuit, alienare bona Ecclesiæ compulsus fuit. Igitur subscripta Ecclesiæ Moguntinæ Castella & oppida, Starckberg, Heppenheim, Bensheim, Morlebach, omnemque Stratham

Montensem

K k k 2

Montana  
Strata im-  
pignoratur  
Palatino  
procentum  
millibus  
ſlorenorū.

Die Berg-  
ſtraſa.

Ludovicus  
Dux Niger  
adhæſit  
Adolpho  
pro Span-  
heim.

Marchio de  
Baden.

Comes de  
Wirten-  
berg.

Dux Saxo-  
num Wil-  
helmus.

Comes Kō-  
nigſtein.

Dietherus  
& Comes  
Palatinus  
excommu-  
nicantur à  
Papa.

Montenſem cum univerſis proventibus ſuis ei pro centum millibus ſlorenorum in poſſeſſionem tradidit: quorum tamen omnium pro eadem ſumma Jus redemptionis Eccleſiæ Moguntinæ reſervavit. Terra eſt modica, Strata Montenſis, inter Heidelberg & Dietburg oppida conſtituta, habens oppida, caſtra & villas non parvæ utilitatis, quam Siſridus quondam Archiepiſcopus Moguntinus de Monasterio Lauriſſenſi, tunc noſtri Ordinis, quomodo uſurpaverit, & ſuæ incorporaverit Eccleſiæ, longè ſupra diximus anno Dominicæ Nativitatis MCCXXXII. Manet autem ſub ditione Comitum Palatini terra memorata uſque in præſentem diem.

Adolphus autem contra potentiam Comitum Palatini Diethero aſſiſtentis, auxilium Ludovici Ducis Nigri, qui morabatur in Meyenheim oppidulo, invocavit, aſſignans ei pro ſtipendio, quicquid habuit Moguntina Eccleſia in Comitatu & diſtrictu Spanheimenſi, Bickelnheim, videlicet, caſtrum & villam, Sobenheim oppidum, Montzega oppidum Nusbaum villam, Ulmenam oppidum, & villas plures alias in circuitu, cum omnibus proventibus & utilitatibus earum, ſub certa pecuniarum ſumma, redemptione ſalvâ. Quæ omnia Fridericus Comes Palatinus ſapediſtus jure belli non diu poſtea ſuo imperio ſubjecit.

Carolo autem Marchioni Badeniſi Adolphus Archiepiſcopus pro ſtipendio contulit in pignus quaſdam villas, videlicet Algesheim, Gavybikelenheim & nonnullas alias in circuitu cum omnibus proventibus & utilitatibus earundem.

Udalricum Comitem de Wirtemberg in auxilium contra Dietherum Adolphus invocavit, & conduxit ſtipendio 20000. ſlorenorum in prompta pecunia. Erat autem Comes Udalricus homo bellicoſus & audax ſimul & potens valde.

Wilhelmum quoque Ducem Saxoniarum & Henricum Comitem de Schvvarzenburg Thuringum ſibi Adolphus contra Dietherum & Fridericum Comitem Palatinum fecit ſtipendiarios, aſſignans eis pro mercede quædam in Eysfeldt dominia. Comitem verò de Regio lapide vulgariter Königſtein, ſororis ſuæ maritum auxiliatorem habuit, cui pro ſtipendio Comitatum Holffheim aſſignavit. Cernis in quantam injuriam nobilis illa Moguntina devenerit Eccleſia, in cujus deſolationem duo Pontifices acriter contendentes omnia pene deſtruxerunt.

Adhæſerunt Adolpho contra Dietherum & alij Principes & Comites multi, Joannes videlicet Archiepiſcopus Trevirenſis, Georgius frater ejus Epicoſpus Metenſis, Joannes Epicoſpus Spirenſis, Albertus Marchio Brandenburgicus. Cum Diethero ſenſit Fridericus Comes Palatinus, Henricus Landgravius Haſſiæ, Philippus Comes de Katzenelenbogen, Philippus & Joannes Comites de Iſenburg, Fratres ejus. Cives quoque Moguntini cum Diethero contra Adolphum ſenſerunt.

In primis igitur poſtquam Romanus Pontifex Pius II. audivit, quod Dietherus non curaret ejus ſententiam, ſed Archiepiſcopum ſe gereret contra Adolphum, Excommunicationis ſententiam in eum fulminavit, & in omnes, qui partes ejus ſequebantur. Fridericum quoque Comitem Palatinum, propterea quod partes Dietheri defenderet, cum omnibus ſibi adhærentibus excommunicavit & interdixit, & multiplicata ſunt mala in terra his Principibus ſubjecta.

• Die.

Dietherus autem in arce Moguntina existens, auxilio Palatini & aliorum sibi consentientium milite contracto plurimo descendit in Ringaugiam. & incolas ejus, homines quidem satis audaces, non dico temerarios, aut promissionibus, aut armis in suas partes compellere nitebatur. Audientes autem Ringaugij Comitum Palatini cum Diethero contra se adventum, confestim ad præsidia sua confluunt, & se venientibus non armis, sed latibulis opponunt. Verum propter nimiam æris inclementiam, exercitus Palatinus diu manere non potuit, alioquin Ringaugij necessario in sententiam Dietheri pervenissent. Soluta igitur obsidione, quantocius Principes ad sua redierunt.

Posthac rumor venit ad aures Dietheri sub nomine certæ promissionis, quod si descenderet ad Ringaugios, ad ejus dicionem transirent. Credidit homo hominibus, collectoque rursum exercitu in Ringaugiam cum potentia descendit, & rumorem promissionis falsum & mentitum invenit. Unde confusus, iratus & deceptus ad Moguntiam cum suis reversus est.

Comes autem Palatinus postquam semel in hostes sævire capit, non potuit quiescere, sed tanquam unicus molossus, quem plures circumstant catelli latrantes, nunc in istum, nunc verò in illum copiarum suarum impetum vibravit & morsus. Et primò quidem, his, quæ diximus, per eum transactis, expeditionem movit contra Udalricum Comitem de Wirtemberg, & ejus terram incendio, præda & ferro, multiplici incursione hostiliter devastavit.

Comes autem contracto exercitu 10000. pugnatorum, iv. Kalen. Julij contra Heilbronnæ Regni oppidum, quod erat sub defensione memorati Comitum Palatini, movit exercitum. Quod ubi cives intellexerunt loci, missa legatione ad Comitem, ea quæ fuerunt pacis rogabant, & impetraverunt.

Interea Fridericus Comes Palatinus cum una exercitus parte contra Ludovicum Ducem cognomento Nigrum processit ut hostis, quippe sæpe deceptus, & oppidum Gaubikelenheim, in primis obsedit, cepit, murisque & terras in circuitu ejus solotenus deiecit; in quo CLX. pedites captivavit. Duravit ista Principum & Episcoporum superscriptorum contentio per integrum annum, & non sine multorum damno, periculo & sanguine continuatur insequentem.

Anno prænotato circa Dominicam quinquagesimæ, Nagoltha circa Monasterium istud Hirsaugianum resolutis nivibus in tantum creverat, quod nimius fluentium aquarum impetus amborum montium ima contingebat. Non est visa tanta aquarum inundatio propè Hirsaugiam in hominis memoria.

Eodem anno Ludovicus Rex Galliarum XI. ad instantiam & petitionem Pij Papæ II. abrogavit, extirpavit & delevit radicitus de regno suo & Delphinatu Viennensi usum, consuetudinem & nomen legis sive constitutionis in Concilio Basileensi quondam editæ, quam Sanctionem Pragmaticam vocaverunt, quæ auctoritati Sedis Apostolicæ non parum derogabat. Misit ergo Romam ad Pium Pontificem Oratores suos insignes, inter quos fuit Joannes Goffredi Atrebatensis S. R. E. Cardinalis, qui publico in Consistorio & obedientiam nomine prænominati Regis præstiterunt Pontifici, & memoratæ Sanctioni Pragmaticæ sub testimonio Regalium litterarum sine coactione renuntiaverunt. Litterarum Regalium accepimus talem copiam.

K k k 3

Ludovicus

Iterum Dietherus frustra descendit ad Ringaugios.

Palatina expeditio contra Wirtemberg.

Comes Wirtemberg 10000. contra Palatinum misit.

Ludovicus Rex Galliarum Pragmaticam Sanctionem abrogat.



Copia litte-  
rarum re-  
gis Gallo-  
rum ad  
Pium Pa-  
pam II.

Ludovicus Dei gratia Francorum Rex, tibi Sanctiſſimo & beatiſſimo Patri noſtro Pio Papa II. obedientiam & plenos devotionis affectus. Deum ſolum ſcien-tes eſſe, cujus providentiâ bene conſulitur rebus humanis, meliusque regna & urbes religione cingi atque defendi, quàm armis & mœnibus. Te Vicarium Dei viventis ea veneratione proſequimur, ut ſacra ( præſertim in Eccleſiaſticis rebus ) monita tua veluti vocem Paſtoris audire, illiſque parere prompta mente velimus. Qua-propter Beatiſſime Pater, eſi quadam conſtitutio in Regno noſtro, quam Prag-maticam vocant, magno Prælatorum Conventu, magnæque temporis deliberatione conſcluſa fuerit, & jam callum obducens quietum propè fixeris ſtatum: Tu tamen his ad nos litteris, illam à Regno noſtro auferri, explodi abrogarique flagitas. Nobis quoque dilectus & fidelis Conſiliarius noſter Joannes Episcopus Attrebatenſis, quem cum poteſtate Legati de latere ad hoc noſtrum Regnum miſiſti, commemora-vit ea, ad qua per ipſum tibi nomine noſtro pollicenda, vovenda, & promittenda, Nos antequam Regnum ſuſciperemus, Religionis inſtinctu quodam deduxerat. Nos noſtra promiſſa exequi ( accedente moderatrice rerum Eccleſiaſticarum Tua aucto-ritate ) ſtudemus ac volumus. Et id quidem tanto volumus animo propenſiore, quanto nobis Regnum Francia ſlorens, & bello vacuum tuetur Deus & protegit.

Rex Gallo-  
rum obe-  
dientiam  
promittit  
Summo  
Pontifici.

Omnibus itaque viſtimis potiorem obedientiam intelligentes, aſſenſimus his, qua Tuo nomine nobis aperta ſunt: ipſam ſcilicet Pragmaticam Sanctionem Tibi, tuæque Sedi eſſe inſenſam, utpote qua inſeditione & ſchiſmatis tempore, atque per ſeditionem ſectioniſque à Sede tua figuram, nata ſit, & qua dudum Tibi, à quo ſacra leges oriuntur & manant, quantamlibet eripit auctoritatem, omne Jus, & omnem legem diſſolvit. Inde enim exoritur, quod idem Conſiliarius nomine Tua Sanctitatis adſtruxit, ut dum per Pragmaticam ipſam ſumma in Eccleſia tua Sedis aucto-ritas minuitur, dum Prælati in regno noſtro quoddam licentiæ templum præſtruitur, dum congruens unitas ad alia regna, & conformitas tolli videtur, abroganda ſit ipſa Pragmatica, pellendæque à Regno noſtro, quippe quæ adverſus ſedem tuam omnem Eccleſiarum matrem ab inferioribus Prælatiſ lata ſit, tanquam ( ut ſcriptura loquitur ) quomodo ſe elevetur virga contra, aut baculus, qui utique lignum eſt. Quæ quidem Beatiſſime Pater, licet plerique docti homines conſutare niterentur, atque diſluere, multæque nos debortarentur abrogare Sanctionem ipſam. Te tamen Principem totius Eccleſiæ, Te Antiſtitem ſacrorum, Te Dominici gregis Paſtorem proſitemur & ſcimus, Teque jubentem ſequimur. Tibi & Beatiſſimi Petri Cathedra conſentimus & jungimur. Itaque ſicut mandavi, Pragmaticam ipſam à Regno noſtro, noſtroque Viennenſi Delphinatu, & omni ditione noſtra, per præſentes pellimus, ſtirpitûſque abrogamus, & quam, qualémve ante Pragmatica ipſius editionem Eccleſiarum, Beneficiorum, aliarumque rerum ſpiritualium diſpo-ſitionem, cenſuram, moderationem in regno noſtro, ditioneque noſtra Tui præde-ceſſores, Martinus V. & Eugenius IV. Romani Pontifices habebant & exercebant, talem, eandemque noſtro adjutori Beatiſſimo Petro, Tibique ſucceſſori reddimus, præſtamus & reſtituimus cum ſummo imperio, cum iudicio libero, cum poteſtate non coarctata. Tu enim cum ſcias, quid aucto-ritate divinitus Tibi tradiâ poſſis, quas pro Regni noſtri & Eccleſiarum in ea tranquillitate poſtulabimus, non negli-ges res neceſſarias, poterisque ſemper quod optimum fuerit iudicare. Utere igitur deinceps in Regno noſtro poteſtate tuâ ut voles, eamque exerce. Nam ut hominum memoriâ nulla contentione capite uno atque unâ mente ducuntur, ſic tuis ſacris Decretis Eccleſia Prælati in regno noſtro & Delphinatu, conſonantiam & obedi-entiam plenam refundent.

Utatur ſua  
poteſtate  
Pontifex,  
jubet Rex.

Quod

*Quod si forte obnitentur aliqui aut reclamabunt, Nos in verbo regio pollicemur, ac Tuae Beatitudini promissimus, exequi facere tua mandata omni appellationis aut oppositionis obstaculo prorsus excluso, eosque qui Tibi contumaces fuerint, pro tunc iussu comprimemus & refrenabimus. Datum Turonis sub magno sigillo nostro die xx. mensis Novembris, anno Domini MCCCCLXI. & Regni nostri primo.*

Hac renuntiatione Pragmaticæ Sanctionis (quâ Galli soli contra Romani Pontificis auctoritatem utebantur) per Oratores Romæ facta, non solum verbo, sed etiam præmissarum testimonio litterarum, Jus suum Romana Ecclesia recepisse jam tunc in regno Gallorum videbatur antiquum, nisi & ipse Rex Ludovicus postea conversus in tyrannidem promissa negasset, & abrogata denuo usurpasset; ut enim docuit experientia rerum certissima testis, Gallorum Reges semel usurpatam Pragmaticam Sanctionem (quamvis abrogatam ut diximus) defendunt, servant & continuant in multis usque in præsentem diem. Unde Julius Papa II. hoc anno, quo hæc scribimus defunctus, Romæ in Concilio Lateranensi anno proximè ante mortem suam, in iv. Sessione, quibusdam viris doctissimis examinandam & damnandam commisit.

Gallorum  
reges soli  
Pragmaticam  
Sanctionem  
sequantur.

Nos etiam ad noticiam posteritatis judicavimus conducere, si Pragmaticæ Sanctionis Principium, editionem & capita, his Chronicis nostris inferamus.

Igitur apud Basileam Germaniæ Civitatem Eugenij IV. Romani Pontificis assensu congregato Concilio, hi quibus Ecclesiasticarum rerum cribratio fuerat commissa, leges communi omnium sententia sanxerunt, quas Carolus Rex Gallorum vii. pater supradicti Ludovici XI. libenter complectens, mox in Regno suo praticari mandavit. Et inde Pragmaticæ Sanctionis nomen acceperunt, quarum ista sunt Capita.

Quando  
capit. it,  
quid vel  
qualis sit  
Pragmatica  
Sanctio.

*Primo. Romanus Pontifex quoque decennio Generalem synodum loco quo volet posthac congregato. Si negligens erit, potestas esto Patribus id designandi: convocati Concilij locum, nisi necessum erit, Pontifex non mutato.*

Caput primum  
Pragmaticæ  
Sanctionis.

*Secundo. Basileensis Concilij auctoritas & ipsius consistentia Decretorum perpetua esto, quia nemo unquam, nec ipse Romanus Pontifex tollere, infirmare aut transferre præsumito.*

Caput ii.

*Tertiò. Romanus Pontifex majores Ecclesias, Metropoles scilicet & Episcopales, Collegiataque, & eas quibus præficiuntur Abbates, & Ecclesiasticas dignitates, quæ per Electionem sibi deligere Rectorem consueverunt, nemini reservato, præter eas quæ Jure scripto, vel Romani Principatus causa sibi permittuntur. Huic decreto non contravenito. Si intercedat causa præter legem faciendi, id Apostolicis scriptis exprimito, idque dum ad Pontificatum quispiam adsumetur, se servaturum jurato.*

Caput iii.

*Quarto. Ecclesia Pastore destituta, hi penes quos est eligendi potestas, die ac loco definito conveniunt, peccatorum suorum confessionem agunt, & Eucharistiam sumunt. Mox confidentes jurejurando præmisso, non negligenter, non dolose, non timide cum qui gerenda dignitati sit idoneus elegunt. Principibus fas non esto pro quopiam commendando molestis precibus, aut violenta comminatione premere aut cogere Electores.*

Caput iv.

*Quinto. Electionis formam & Electi merita Confirmatores Prælati inquirunt. Scriba & Notarij moderatum salarium accipiunt.*

Caput v.

*Sexto. Romanus Pontifex, quem sanctitatis normam præ se ferre oportet,*

Caput vi.  
huius

huic Sanctioni nequaquam derogato. Si contemneret. & inde scandalum exurgat, ad subsequens Universale Concilium deferatur.

Caput VII. Septimò. Electiones etsi pro Canonum auctoritate legitima esse videbuntur, si inde aut Ecclesia, aut Patria, vel Respublica turbari formidabitur, cum hujusmodi Electio ad Romanum Pontificem forte refertur. & ea diligenter examinata, nulla dici merebitur, alteram Electionem his, quorum refert, indicito. Electum verò confirmari aut benedici ab alio, quàm ab eo, qui sine medio electo superior est, fas non esto. Si in Pontificis curia præsens Electus erit, à Pontifice Benedictionem, si volet, accipito. Juramentum postea suo Pralato præstato. Secus qui faciet, centum aureorum multa eum castigato.

Caput VIII. Octavò. Universali synodo ejusq; definitionibus & decretis, omnis Catholicus, etiam Romanus Pontifex eatenus obedito, quatenus fides & schismatum exscindenda seditio postulat.

Caput IX. Nonò. Pragmatica Sanctionis Caput est de auctoritate Concilij. Quæ synodus Sancto Spiritu auctore vocata concedit, eam sicuti Constantiana Concionis Patres definiere, à Christo Deo auctoritatem protinus obtinere credito.

Caput X. Decimò. Ecclesijs Dei eos Sacerdotes & Patres præficio, qui doctrinâ sint & vitâ illustres, ut creditum sibi populum sollicitè instituant, & Deo obedientem, gratumque reddant.

Caput XI. Undecimò. Expectativis præterea gratijs, unde plurima oriri mala constat, locum esse non finito.

Caput XII. Duodecimò. Beneficia (vivo eorum Rectore) nemini reservato. Cum autem administratore vacabunt, eorum quibus conferre oportebit, mores & merita, graduati ne sint, an secus, cognoscito.

Caput XIII. Decimo tertio. Decretum de Theologo per quâque Metropole præbendendo, ad Episcopales quoque Ecclesias extendito, ut in illis præbenda Theologo conferatur, qui in aliqua Generali Academia decennem litteris operam navavit. Beneficio donatus Verbum Dei prædicato, & per quâque hebdomadas semel atque iterum sacras Litteras audire volentes, explanato. Negligenti quotidiana stipendia subtrahito.

Caput XIV. Decimo quarto. Porro de his, qui gradu alienius disciplina perfecti sunt, hunc ordinem observato. Primum post hanc Sanctionem vacuum possessore beneficium, Doctori, vel Licentiato, vel Baccalario conferito. Duo deinceps, quæ Rectore carebunt, bene merentibus Clericis concedito. Quod his duobus successivum erit, illud graduatus obtineto.

Caput XV. Decimo quinto. Igitur Scholastici gradu insignes sua nomina Beneficiorum Collatoribus, dum quadragesima agitur, scripta quottannis tradunto. Beneficiorum præter Decretum collatio facta, inanis esto.

Caput XVI. Decimo sexto. E locis, qui ab urbe quatuor dierum itinere distant, in Jus vocandi Romam, nisi in majoribus causis, Jus non esto.

Caput XVII. Decimo septimò. Qui damno aut injuriâ gravabitur, eum qui proximus est superior, appellato. Si tale est damnum, quod per ejus sententiam restituï potest; alioquin si ad Romanam Ecclesiam iudex per exemptionem pertinebit, causam definiendam ad eum, qui ejusdem regionis est, iudicem (si metus abest) Pontifex committito.

Caput XVIII. Decimo octavò. A gravamine aut interlocutione Judicis, secundo non provocato, eum qui frustra & inaniter ante latam sententiam appellat, quindecim florenis, præter ceteras litis impensas multato.

Decimo



*Decimo nonò. Triennem alicujus Beneficij & quietum possessorem non turbato, nisi hostilitate, metu, vel gravi impedimento tardatus eris, ne per id triennium impetere potueris possidentem.* Caput XIX.

*Vigesimò. Cardinales viginti quatuor tantum Divina & humana scientia eruditos, annorum triginta, boni nominis ac generis legitimi, qui Reipublica Christiana consulere possint, Pontifex de suorum Fratrum consilio praficito.* Caput XX.

*Vigesimo primò. De dignitatibus & beneficijs Ecclesiasticis quibusvis collatis aut conferendis, nihil prorsus, sed neque Annatas, neque fructuum primitias, neque ut vulgo dicitur Deportum, Pontifex exigit. Notarijs & scribis mercedem, qui beneficium recipit, solvito. Hujus Decreti prævaricatori pœnam Simoniacis debitam infligito. Nihil præterea Juris aut tituli in beneficijs contra hanc prohibitionem impetratis sibi acquisitum intelligat.* Caput XXI.

*Vigesimo secundò. Clerici qui Ecclesiarum & Divini cultus obsequijs deputantur, rem omnem divinam & Dei laudes, sanctè, distinctè & graviter celebrato. Ad JESU nomen caput reverenter demittunt. Decanos & reliquos per Ecclesias præfectos hujus statuti prævaricatores castigato.* Caput XXII.

*Vigesimo tertio. Consuetudinem, quâ inductum est, cum qui in aliqua horarum Choro adfuerit, omnium distributionum participem esse, tollito, idque ad Decanos & Præpositos, qui suarum prætextu dignitatum rei Divina non adfunt, extendito.* Caput XXIII.

*Vigesimo quarto. Quos noveris, dum res Divina agitur, per Ecclesiam aut juxta illam deambulare, aut confabulari, totius diei quo hoc fecerint, distributionibus privato. Iterum verò in hoc ipso delinquentes, unius mensis stipendio multato.* Caput XXIV.

*Vigesimo quinto. Tabulam, ubi designentur hi, qui definitis hebdomadibus sua officia exequi debent in Choro, appendito. Negligenti, totius diei stipem denegato.* Caput XXV.

*Vigesimo sexto. Fidei symbolum non truncate, sed ad verbum absoluto decantato. Camenas vulgi in Ecclesia canere Laicos prohibeto.* Caput XXVI.

*Vigesimo septimò. Rem Divinam (quam Missam appellamus) sine ministro nunquam celebrato. Dum eam facis, vocem exaltato, quæ à circumstantibus exaudiri possit. Secus agentem corripito.* Caput XXVII.

*Vigesimo octavo. Canonicos qui se debitoribus obnoxios ita constituunt, ut si statuto die debito se non absolverint, interdictorei Divina cohibentur, à stipendijs Ecclesia toto trimestri abstinento, nec quicquam inde quam diu Divinis abstinebunt, percipiunt.* Caput XXVIII.

*Vigesimo nonò. Solemnibus diebus dum major Missa fieri debet, capitulum non cogito, per integram alioquin hebdomadam transgressores quotidiana stipe privato.* Caput XXIX.

*Trigesimò. Spectacula ludorum, comestationes, choreas, nundinationes, ludibria & larvatas personas incedere, ab Ecclesijs & sacris locis arceo. Contemptorem Clericum trimestri proventu abstinere jubeto, reliquos censura Ecclesiastica cohibeto.* Caput XXX.

*Trigesimo primò. Clerico cujusvis statûs concubinam foventi, à secunda hujus Sanctionis promulgatione non resipienti, beneficiorum suorum perceptionem menses tres interdicito, & eos fructus in Ecclesiis, unde percipiuntur, utilitatem impendito. Hanc autem constitutionem in synodis &* Caput XXXI.

*capitulis promulgari quotannis imperato. Nec minus Laicos admoneto nullam præter legitimam uxorem turpi copulâ contingere.*

Caput  
xxxii.

*Trigesimo secundo. Excommunicatos ante latam sententiam & revera denuntiata, non vitato, nisi tam notoria Excommunicatio erit, quæ non valeat ignorari.*

Caput  
xxxiii.

*Trigesimo tertio. Nulli omnino Genti, Communitati vel loco sacris interdicto, nisi per semet, aut per privatos, aut officiales, id est, per suos magistratus culpam admiserit. Iniquum siquidem est, ob uniuscuiusque privati hominis delictum ferire innocentes.*

Caput  
ultim.

*Trigesimo quarto. Nullius litteris, quibus quempiam beneficiò aut suo jure se abdicasse narratur, nisi testibus aut fidei documento id factum esse constet, credito.*

Finis est hîc jam Pragmaticæ Sanctionis Capitum, quam ut paulò diximus ante, Carolus Gallorum Rex VII. (auctoritate Concilij Basileensis) in Parlamenti senatu promulgari mandavit, VIII. die mensis Julij anno Dominicæ Nativitatis MCCCCXXXVIII. Indictione Romanorum I. Reliquæ nationes ad instantiam Romanorum Pontificum ea usæ non sunt; Gallia sola pragmatizans in ea perseverat in præsens.

MCCCC LXII.

Joannes  
Trithemius  
postea Ab-  
bas in Span-  
heim, hoc  
anno nasci-  
tur.

Anno Bernardi Abbatis II. Indictione Romanorum x. die mensis Februarij prima, horâ undecimâ, minuto xxxiii. post meridiem in nocte, Ego Joannes Trithemius compiler hujus operis, Abbas postea in Spanheim, ac deinde apud sanctum Jacobum in suburbanis Wirzburgensium, Ordinis D. P. Benedicti, patre Joanne de Heidenberg, matre Elisabeth de Longovico, in peccatis natus sum, sed in Christo regeneratus fonte baptismatis in villa Trittenheim Dioecesis Trevirorum juxta litus Mosellæ, tribus in descensu à civitate Treverica milliaribus, anno Pij Papæ II. quarto, Regni autem Friderici Imperatoris XXII.

Udalricus  
fuit Abbas in  
Spanheim  
annis v.

Eodem anno, Conrado Abbate Monasterij Spanheimensis mortuo ac sepulto, Udalricus de Zeiskheim in Abbatia successit, & præfuit annis v. diebus xxiii. & Monasterium prius ære nimis gravatum alieno, per inutile regimen suum debitis quotidie majoribus involvit: Census & proventus quotquot occultè potuit, vendidit, & pene omnia dissipavit.

Adolphus  
cum Princi-  
pibus suis  
devastat  
Palatina-  
rum.

Anno prænotato, posteaquam inter Fridericum Comitem Palatinum Defensorem Dietheri de Isenburg, & Adolphum de Nassavv cum adherentibus ei, longa concertatio durasset, etiam fessis aliquantulum partibus, amicorum consilio per oratores Principum de pace fuit tractatum. Igitur convenientibus in unum, quibus consultandi pro pace legatio fuerat commissa, sub certis clausulis atque capitulis negotium concordia in medium fuit propositum. Placuit ergo in communi omnibus pro eo, quod non haberent concludendi potestatem, ut singuli suis Principibus super conditionibus pacis atque capitulis facerent relationem, & quidquid illis in communi placeret, in proximo conventu eorundem firmaretur. His actis discessum est. Adolphus autem impatiens morarum, conventum pro concordia facienda exspectare contempsit, sed in exterminium Dietheri socium exercitum concitavit. Rumor quippe falsus exierat, cujus fuit credulitate deceptus, quia Palatinus, qui dicebatur esse in Bavaria, manserat occultè in patria. Igitur Carolus Marchio Badensis, Georgius Episcopus Metensis, Fridericus & Udalricus Comes de Wirtemberg contracto

contracto milite adunaverunt exercitum 600. videlicet Equitum, & 6000. peditum, & terram Palatini Comitis (quem longè extra patriam credebant absentem) devastare cæperunt. Et in primis quidem Heidelberg oppidum obsidione cinxerunt; quod cum Comes intellexisset, viros secum armatos, quotquot videbantur necessarij, secum assumens, occultè nocturno tempore intravit oppidum, & paucissimis cognitus, custodias & defensores per muros & turres sufficienter collocavit. Videntes autem postridie obsessores, quod expugnare oppidum non possent, soluta obsidione inde recesserunt, expeditionem ulterius moventes. Deinde haud procul ab Heidelberg oppido residentia Comitis Palatini castra posuerunt, quibus locatis auxiliarij missi ab Adolpho 400. supervenerunt equites, peditumque 3000. paucisque diebus quieverunt. Ultimâ verò die mensis Junij anno præcedente mane in aurora, tres Principes Georgius Metensis Episcopus, Carolus Marchio Badensis, & Udalricus Comes de Wirtemberg cum multis alijs Comitibus atque Nobilibus peditatu in castris relicto, cum solo equitatu 1000. circiter virorum in agrum Heidelbergensem iter defleunt, & pedetentim equitantes igne cuncta villagia & curtes Religiosorum devastare simul & incendere cæperunt. Fridericus autem Comes Palatinus per exploratores de hostium intentione mane certificatus, cum septingentis equitibus & peditatu multo, cum adhuc tenebræ essent, Heidelbergam exivit, & in proximo nemore, ubi hostes transitori fuerant, se abscondit. Supervenit à casu Dietherus de Isenburg cum 300. equitibus, & se Palatini copijs latenter conjunxit. Postquam ergo tres memorati Principes cum equitatu pertransissent, in nemore, haud procul à Seckenheim villa, Palatinum cum suis latitantem, & jam pervenissent inter angustias Rheni & Neccari, ubi nullus erat locus fugæ nisi retrorsum, surgunt de insidijs, qui latuerunt Palatinenses, & impetum facientes à tergo præcedentes invadunt, percutiunt, vulnerant & occidunt. Quò fugerent jam miseri ab hostibus & equis præclusi? Videntes ergo Principes jam sæpediti, quòd nullus esset evadendi locus, nisi ferro tantum relictus, tumultuario impetu conversi contra venientes dimicare cæperunt contra 4000. mille, & contra multos pauci: ceciderunt in eo prælio multi ex trium parte Principum, inter quos duo fuerunt nobilissimi Comites, alter de Helffenstein, alter verò de Salm. Capti autem fuerunt Georgius Episcopus Metensis, Carolus frater ejus Marchio Badensis, Udalricus Comes de Wirtemberg, & alij Comites nobiles & ignobiles ferme 500. Reliqui non occisi gladio per fugam salvati sunt. Captivi omnes in oppidum Heidelberg cum magno triumpho ducti fuerunt, & vinculis mancipati, sese tandem pecuniâ multâ redemerunt. Acta sunt hæc in Campo latissimo non procul à Landenburgo, ultimo Junij.

Georgius Metensis Episcopus Jacobi Marchionis de Baden quondam filius & Caroli frater Germanus, pro liberatione sua de captivitate Palatino Comiti Friderico 45000. florenorum dare compulsus fuit. Denique se cum omni militia sua & tribus in Lotharingia castellis Bergard, sancti Theobaldi, & S. Crucis Palatino perpetuò scripsit obnoxium. Carolus Marchio Badensis pro sua liberatione Palatino promisit, scripsit & dedit centum millia florenorum, ut diximus. Verum quia tanta pecuniarum summa non erat in promptu ad manum, tali conditione suo triumphatori

L I I 2

satisfecit.

Heidelberg oppidum Comitis Palatini obsidione tingitur.

Tres Principes Palatinatum devastant.

Comes Palatinus latuit in nemore cum 4000.

Comes Palatinus obtinuit victoriam contra Principes.

Episcopus Metensis in 45000. florenorum multatus est.

Marchio Badensis in 100000. multatus fuit.



Comes  
Wirtenber-  
genſis mul-  
tatur in  
centum  
millibus.

satisfecit. Quidquid in Comitatu Spanheimenſi habuit, Palatinatui ſub redemptionis titulo tradidit. Oppida quoque in Strata Montenſi, Beſeckheim, Bensheim, cum telonio & caſtello, ſimili ſub redemptionis jure aſſignavit. Inſuper omni redemptionis juri, quod ſe habere ſuper oppido Heidelſheim & Eppingen prætendebat, venationibus quoque & piſcationibus inter Selz & Gemersheim in terra & Rheno, pro quibus antea lis & contentio fuerat, in perpetuum renuntiavit. Oppidum denique Pforzheim Palatinatui feudale conſtituit, & ſe cum omni poſteritate ſua & litteris & juramento neceſſarijs, in perpetuum eidem obnoxium fecit. Udalricus autem Comes de Wirtenberg pro centum florenorum millibus à Palatino fuit ſimiliter mulctatus. Quorum in promptu fuerunt ſoluta 40000. viginti autem millia florenorum Comiti memorato ab Adolpho de Naſſavv Moguntino Archiepiſcopo contra Dietherum ſuper ſtrata Montenſi aſſignata, idem Comes Palatino Comiti reſignavit, & ſic fuerunt ſoluta florenorum 60000. De reliquis verò 40000. Comes de Wirtenberg Comiti Palatino penſionem dabit annuam 2000. florenorum, quam neceſſarijs monimentis confirmavit. Marbach inſuper oppidum Palatino feudale conſtituit, & ſe cum omni militia ſua Palatinatui obnoxium ſcripſit. His factis Principes liberati fuerunt.

Episcopus  
Spirensis  
per Comitē  
Palatinum  
ad pacem  
compelli-  
tur.

Principibus in captivitatem actis, ut dictum eſt, Fridericus Comes Palatinus contra Joannem Nix Episcopum Spirenſem traduxit exercitum, & imprimis oppidum Rottenburg cum caſtello annexo circumdedit obſidione, expugnavit & cepit. Poſtremò ad instantiam Capituli Eccleſiæ Spirenſis concordia ſub tali conditione facta eſt. Caſtellum cum oppido Rottenburg ſimiliter & Werſau perpetuò juris ſint Palatini. In nemore quoque Spirenſis Eccleſiæ dicto Luſhart omnis venatio ſoli cedat Palatino cunctis temporibus. His ita concluſis poſt miſerabilem Eccleſiæ Spirenſis deſolationem, poſt rapinas & incendia multa, pax reformatur Eccleſiæ, non ſine incommodo ejus maximo.

Inter Mar-  
chionem  
Branden-  
burgenſ. &  
Ducem Ba-  
variae con-  
certatio.

Anno prænotato, Albertus Marchio de Brandenburg adſociatus civibus Regni mandante Friderico Imperatore III. iterum contra Ludovicum Bavariae Ducem cognomento Divitem, validum produxit exercitum, & ingreſſus terram ejus rapinâ & incendio cuncta devaſtare cepit. Ludovicus autem valido Bohemorum & Bavarorum contracto exercitu Ulmenſium & Marchionitarum terras ingreditur, & omnia incendio & rapina demoliri & deſtruere conabatur. Nec erat qui potentiae roboris ejus poſſet reſiſtere: Navv villam opulentiffimam cum alijs ſexaginta numero cepit, ſpoliavit & deſtruxit, quorum major pars ad dominium pertinebat civium oppidi Ulmenſis. Et hæc paululum ante quadrageſimam circa carnis privium facta ſunt per eundem.

Ludovicus  
Dux Mar-  
chionem  
fugavit ab  
obſidio-  
ne Hei-  
denheim.

Poſtea eodem anno, xvi. die menſis Junij, Albertus Marchio Brandenburgēſis, Udalricus Comes Wirtenbergenſis ( necdum captus à Palatino ) cum civibus Regni & multis nobilibus obſederunt Heidenheim oppidum Eichſtattenſis Diœceſis. Quod ubi Ludovico innotuit, cum exercitu venit, & eos ab obſidione fugavit, caſtra eorum obrinnit, atque nobilium plures cepit ac nonnullos occidit. Multam in caſtris Marchionis ſubſtantiam in auro, argento, armis, equis & curribus reperit, & oppidum liberavit. Marchio autem metu territus auffugiens in Albeck proximum

mum castrum se recepit. Comes verò de Wirtenberg ad Marchionem, Badensem descendit, & cum eo ultima die mensis Junij à Palatino Comite, sicut dictum est, captus fuit. Dux posthæ Ludovicus Marchione fugato Hengen castrum & oppidum simul obsidione firmissima circumdedit. Venit contra eum denuo Albertus Marchio cum exercitu suo, liberaturus inclusos in oppido cives, quos tamen liberare non potuit; nam Ludovicus & oppidum & castrum violenter obtinuit, & congressione facta multos de exercitu Alberti gladio prostravit.

Ludovicus  
Dux oppi-  
dum & ca-  
stellum  
Hengen ob-  
tinuit.

Eodem anno in mense Octobri, Adolphus de Nassavv, quem Pius Papa II. abrogato, sicut diximus, Diethero de Isenburg, Archiepiscopum instituerat Moguntinum, consilio suorum habito urbem capere Moguntinam cupiebat. Cives enim Moguntini partes Dietheri sequebantur. Ludovicus igitur Dux Bavarie cognomento Niger, qui morabatur in Meisenheim, Alvvicus Comes de Sulz, Eberhardus de Königstein, & quidam alij ex Nobilibus hujus Provinciae onus subeuntes, Olvvinum & Dudonem Cives Moguntinos traditores urbis in consilium admiserunt, quorum informatione res erat peragenda. Cumque tempus adesset negotio præstitutum in Vigilia SS. Apostolorum Simonis & Judæ, memorati Comites unâ cum Duce Ludovico, Ringangienlibus quoque, & armato milite non minus plurimo in profunda nocte, cum silentium jam quietum tenerent omnia, cum scalis & machinis ad fossatum civitatis in eo pervenerunt loco, ubi propter difficilem aditum custodibus non videbatur opus, & falce facto tramite per vepres & dumeta muros aggrediuntur, scalasque applicantes viribus totis parabant ascensum. Interea dum scalas apponerent muris, vidit quispiam muro insidentem, eminentemque noctuam, quæ sedens uno fixa in loco super murum jam extendit, jamque depressit vocem. Cumque hoc in longam faceret horam, territi fuere cernentes, propterea quod latere fortem super muros arbitrarentur custodiam; nam propter tenebrarum horrorem clarè quid esset, discernere non poterant. Propè jam erat, si paulò diutius durasset spectaculum, ut scalis à muro depositis infecto negotio retrocessissent metu perculsi. Cum ecce subito bestia devolans metu liberavit fermè desperatos. Jam deinceps facti alacriores per scalas conscenderunt erectas, atque successivè silentèrque introgressi traditorum auxilio custodias occupant, proximamque urbis portam, quæ Gavij porta nominatur, applicatis machinis infringunt, & aperiunt, per quam totum exercitum foris præstolantem intromittunt. Expergefacti cives tam ex clamore vigilum insolito, quam ex fragore portarum & hostium strepitu, correptis armistumultuariè, quid agerent, non satis scire potuerunt. Primo itaque impetu in paucos hostes irruerunt pugnaturi, sed fracta urbis porta mox equites, peditesque hostiles ingressi civitatem, suis audaciam & vires contra miseros addiderunt. Coadunati tandem cives fortiter contra hostes pugnaverunt, & cum eos bis terque retrocedere compulissent, numero tamen eorum tandem superati sunt, & quadringentis eorum occisis succubuerunt. Nam hostes ab una parte cum civibus acriter pugnant; & in alia parte civitatem per traditores fecerunt incendi, unde miseri cives & urbem ardere videntes, & se imparibus cum hoste viribus decertare non posse considerantes, projectis armis deditionem fecerunt. Quo facto civitate pulsi sunt omnes, qui arma

Adolphus  
Mogun-  
tiam capere  
tentat.

Olwin &  
Dudo ci-  
vium suo-  
rum  
traditores.

Noctua  
muro insi-  
dens diu-  
tius luit &  
terrui ho-  
stes.

Moguntia  
civitas ab  
Adolpho  
Archiepisc.  
capta est.

Cives spo-  
liantur &  
trucidan-  
tur.

Prædam  
hostis in  
urbe Mo-  
guntina  
ingentem  
reperit.

ferre potuissent, tam celeriter exire coacti, ut ne salutatio quidem suorum concederetur. Egrediebantur enim necessitate urgente omnes, uxoribus, liberis, amicis & bonis omnibus in hostium potestate relictis, & ibant egentes atque mendici. Prædam hostis reperit ingentem, quæ non unius civitatis, sed penè totius Patriæ thesaurus esse videbatur. Omnium namque in circuitu Monasteriorum, Ecclesiarum, Nobilium & rusticorum bona mobilia in civitatem fuerant reposita metu hostilitatis à facie inimici. Nemini parcebant nec Clericis, non Claustralibus, non Civibus, sed quidquid in tota civitate poterant invenire, absque ulla miseratione rapuerunt. Videres ministros Christi Sacerdotes unà cum Judæis crudeliter captos, & in Altam Villam satis crudeliter & ignominiosè duci ligatos. Omnes enim qui cum Adolpho non senserunt contra Dietherum, à Papa Pio II. denunciabantur excommunicati. Et quicumque in Civitate Moguntina prius quàm caperetur, non sentiebant cum Diethero contra Pium Pontificem Romanum, ejus censuras & sententias, interdictum, & Adolphi promotionem contemnendo, urbe pellebantur.

Eberhardus  
Abbas S. Ja-  
cobi cum  
suis Mona-  
chis Mo-  
guntinæ de  
Monasterio  
suopellitur.

Præfuit illis diebus Monasterio S. Jacobi nostri Ordinis in Monte Specioso juxta mœnia foris civitatem Eberhardus de Venlo Abbas, vir experientiæ & prudentiæ multæ, secundum instituta Bursfeldensium unà cum Monachis suis optimè reformatus. Is cum Papæ mandata constantissimè in se & in Monachis suis observaret, nec in præsentia Excommunicatorum & interdictorum ab eo consentiret celebrare Divina, jussus est Monasterio cum suis deserto, procul abire. Qui Christi Vicario malens obedire, quàm Diethero, & ipse discessit ab urbe, & Monachos suos præcepit exire de Cœnobio; Prior itaque processionaliter unà cum conventu per mediam Civitatem transiens exivit de Cœnobio signum S. Crucis Othone de Selbach nobili præferente Donato. Tres duntaxat seniores in Monasterio ad sarcinas, ut solet dici, remanserunt. Fratres autem hinc inde dispersi, alij apud S. Matthiam propè Treverim, alij verò in Colonia apud S. Martinum, alij in alijs locis mansiones receperunt ad tempus. In ea nocte dum civitas Moguntina caperetur ab Adolpho, Dietherus præsul abrogatus unà cum Philippo Comite de Kazenelenbogen erant in castro, quod urbi jacet annexum, Fridericum Comitem Palatinum expectantes, qui illò erat postera die venturus. Audito autem tumultu, & intellecto quod hostes præoccupassent civitatem, per murum submissi navicula Rhenum sulcantes evaserunt. Comes enim Palatinus consilio Mathematici sui Matthiæ de Kemnaten præmonitus nunquam induci potuit, ut in Moguntia vel una nocte permanisset, eò quòd urbem sibi periculosam astra prænuntiarent.

Dietherus  
per murum  
submissus  
in navicula  
fugit per  
Rhenum.

Lanstein  
oppidū ab  
Archiepisc.  
Treviso-  
rum frustra  
bis obside-  
detur.

Interea verò dum hæc in Moguntina Diœcesi gererentur bella, Joannes ex Marchionibus de Baden Archiepiscopus Trevirorum volens & ipse mandatis obedire Apostolicis, & exterminare Dietherum, Lanstein oppidum, quod parum distat à Confluentia juxta Rhenum (cujus incolæ partes Dietheri sequebantur) bina obsidione vallavit. Est autem prædictum oppidum in Diœcesi quidem Trevirorum, sed Jure Domini Ecclesiæ pertinet Moguntinæ. Obsessi ergo ab Archiepiscopo Cives fortiter egerunt, murorum & turrium firmitate defensi; hostes tandem defatigatos sine effectu recedere compulerunt. Alterà post hæc vice Archiepiscopus denuo



denuo contra eos firmavit obsidionem, & denuo sine effectu cum damno Ecclesiæ suæ & confusione abire compulsus est. Postremò fatigatis Principibus & exhaustis ærarijs, de concordia reformanda inter Dietherum & Adolphum cepit haberi tractatus, qui apud Frankenfurt oppidum Regni tali fuit conditione postea conclusus: Dietherus Archiepiscopatum Ecclesiæ Moguntinæ cum omnibus bello vel pace contractis eatenus debitis Adolpho resignavit, & pro sustentatione sua, quamdiu viveret in humanis, Lanstein oppidum Castellum & telonium, oppidum quoque Hoeft, Castellum & telonium, Steinheim oppidum & telonium, Dieppurg quoque oppidum cum omnibus proventibus eorum liberè suscepit, & sic tandem pax reformata est, post omnimodam penè desolationem.

Concordia  
inter Adol-  
phum &  
Dietherum  
fit Fran-  
kenfurti.

In hac negotiorum compositione Friderico Palatino Comiti pro impensis cum Diethero habitis contra Adolphum, assignati sunt 1000. floreni annui census super telonio in Erenfels, cum 20000. florenis redimibiles. Pro novem verò millibus florenorum, quos Ringaugienses Palatino se daturos promiserant, dum Petersheim oppidum caperetur, ut supra diximus, & necdum satisfecerunt, ipsum oppidum Petersheim sub titulo redemptionis fuit assignatum, usque in præsentem diem non redemptum.

Adolphus itaque in Archiepiscopatu jam deinceps quietus, & liberatus ab infestatione Dietheri, Comitisque Palatini, præfuit annis XIII. Civitatem verò Moguntinam, quæ prius Regni Germanici fuit libera, in servitutem sibi & successoribus suis redegit, quam etiam possident in præsens tempus. Erat autem Civitas memorata dum caperetur ab Adolpho, ære nimium gravata alieno, tantisque involuta debitis, ut si capta non fuisset, brevi in seipsa miserabiliter fuisset desolata. Post captivitatem verò suam, debitis simul ac libertate nudata, creditores omnes nihil solvendo fefellit, emolumentum solvens Ecclesiæ Pontifici, sed gravamina non admittens debitorum; quod jure vel injuriâ fiat, nihil mea interest. Novi Monasterium, cujus Rector eodem anno senatui Moguntino & civium Communitati centum & mille florenos Rhenenses pro annua pensione in prompta pecunia tradiderat, cautionibus ex more præmissis. Sed Urbe capta nihil Monasterio illi vel pensum, vel restitutum est usque in præsentem diem. Simile contigit multis, quoniam Præsul Moguntinus proficuum Civitatis accepit, sed gravamina refutavit.

Moguntia  
Civitas Re-  
galis libera,  
in servitu-  
tem redigi-  
tur.

Post captivitatem Moguntinam, cum Adolphus jam Pontificatu potiretur, & urbe, extorribus facultatem indulsit in eam regrediendi sub certis tamen legibus, ut omnes in ejus verba sine contradictione jurarent. Tunc etiam supradictus Abbas Eberhardus cum Monachis suis ad Cœnobium S. Jacobi reversus est, & gratiam apud Pontificem Adolphum pro constantia sua in eum exhibita, reperit singularem.

Exules Mo-  
guntini re-  
vertuntur  
in Urbem.

Anno igitur prænotato Fridericus Comes Palatinus Cultor, & Amator Justitiæ, subditorum suorum pauperum curam gerens pervigilem, Parlamentum, quod Curiale Judicium nuncupant, instituit, in quod viros Jure peritos cum certis Nobilibus Assessores & Judices collocavit, qui Justiciam administrarent omnibus, nulli facientes injuriam.

Curiale Ju-  
dicium  
Heidelberg  
instituitur.

Eodem anno vicesima prima diemensis Augusti, quæ fuit Sabbatho post Festum Assumptionis Beatissimæ Mariæ semper Virginis, domus scribarum.

barum ſive Cancellariæ Principis Palatini Heidelbergæ, caſuali fuit igne incenſa & exuſta, cum libris nonnullis atque Regiſtris. In cujus locum Fridericus eam quæ hodie cernitur, ſatis pulchram & ſumptuoſam brevi reſtituit.

Mytilene  
Inſula cap-  
tur à Turcis  
impijs.

Eodem quoque anno Mahumetes Turcorum Imperator crudelis Mytilenem Chriſtianorum Inſulam opulentiffimam hoſtili devaſtat incurſu: quam multis credentium millibus occiſis & captis, ſuo imperio ſubjecit.

MCCCC LXIII.

Anno Bernardi Abbatis tertio, Indiſtione Romanorum undecima, die menſis Februarij tertia decima, obiit Theodoricus ex Comitibus de Mœrs Archiepiſcopus Coloniſis, anno Pontificatus ſui quadreſimo octavo, & in majori Eccleſia cum honore ſepelitur: vir ſapiens, prudens & magnificus, qui ſuis utiliter præfuit; & quod hodie magni æſtimatur apud noſtrates, temporalium rerum poſſeſſiones in auro, argento, vino, frumento, ædificijs & proventibus annuis valdè ampliavit.

Rupertus  
Comes Pa-  
latinus fit  
Archiepiſc.  
Coloniæ  
annis XVII.

Quo mortuo atque ſepulto, convenientes in unum Eccleſiæ Canonici penultima die menſis Martij anno prænotato in Archiepiſcopum unanimi conſenſu elegerunt Rupertum ex Comitibus Palatinis, Bavarizque Ducibus Concanonicum ſuum, qui Frater erat germanus Ludovici Pij Patris Philippi, & ſapiffimè nominati Principis Friderici ſimiliter uterinus. Confirmatus autem & ordinatus juxta conſuetudinem, Archiepiſcopus præfuit annis decem & ſeptem in tribulationibus multis: & poſtea ſicut diximus ſuo loco, miſerabiliter interijt.

Imperator  
Fridericus  
à ſuis Vienne  
obſide-  
batur in  
caſtro.

Eodem anno Fridericus Imperator tertius cum Maximiliano filio; à ſubditis ſuis in Arce Vienneniſi auxilio & conſilio Ducis Alberti fratris ſui, duriffima obſidione circumdatus eſt. Obſeſſis vim faciebant obſidentes, & arcem machinis atque bombardis ſine intermiſſione fortiter impugnabant. Et quod fuit omnium graviffimum, victualia deficiebant obſeſſis. Igitur neceſſitate compulſus Imperator Georgium Bohemiæ Regem, hæreticum per litteras invocavit; qui veniens & pacem faciens, cum de obſidione ſuorum tali moderamine liberavit, ut nec victor eſſe videretur idem, nec ſuperatus.

Anno item prænotato victualium magna fuit copia. Nam una vini menſura apud Moſellanos Rhenanos, & Francos pro uno vendebatur denario ſive obulo Hallenſi: quorum duodecim faciunt ſolidum unum. Frumentum etiam vili pretio vendebatur; quia ubique fuit abundantia.

Cœnobium  
Montis  
Monacho-  
rum Bam-  
bergæ re-  
formatur.

Hoc ipſo anno Pius Papa ſecundus mandavit Georgio de Schauenburg Epifcopo Babenbergenti, & Eberhardo de Venlo Abbati Montis S. Jacobi prope Moguntiam, ut Monachos deformatos, qui non conſentirent colla ſubmittere obſervantiæ Regulari, de Cœnobijs Montis Monachorum juxta Babenbergam expellerent: & Reformatos ſub unione Bursfeldenſium in locum eum relocarent. Quod cum maxima difficultate, multisque laboribus & impenſis vix tandem efficere potuerunt: ſanctum Diabolo impediante negotium per Monachos reprobos, & eorum in malignitate amicos. Cœnobio autem reformato Eberhardus auctoritate Pij Papæ Abbas eidem præficitur, cui mox in Abbatia S. Jacobi Moguntina Joannes Itzſtein ſubſtitutus præfuit annis tribus; poſtea cedens, in Monafterio S. Joannis Abbas factus eſt.

His

His temporibus Mahumetes Turcorum Rex nobile Regnum Christianorum Bosniæ, quod olim Misia vocabatur superior, ab Oriente habens Thraciam, à meridie Dardaniam, ab Occidente Dalmatiam & Montem Scardum: ab Aquilone verò Danubium & Daciam Sarmaticam, in manu suorum valida intravit, & cepit, multis Christianorum millibus credentibus Deo peremptis.

Regnum Bosniæ sive Misie superioris, devastatur à Turcis.

Stephanus autem Rex Bosniæ ultimus, fallacibus Mahumeti Turcorum Regis blandimentis ex fortissimo quodam Castello suo eductus, & mox captus, jussu perfidissimi Tyranni crudeliter vivus excoriatus est. Quo mortuo etiam Patrem ejus venerandum senem capite truncavit. Deinde vocatos ad se Potentiores Regni, sub falsa pollicitatione omnes ad unum interfecit. Reliquum verò populum, qui gladium evadere potuit, in servitutem redegit, Regnóque universo vastato, atque direpto filium suum secundo genitum, Regem illi præfecit. Regina Bosniæ Stephani Regis uxor de manibus Turcorum cum paucis elapsa Romam venit anno sequenti, ad Paulum Papam secundum, à quo benignè & honorificè fuit excepta: & quam diu vixit, de bonis Ecclesiæ nutrita.

Stephanus Rex Bosniæ excoriatur vivus.

## MCCCCXLIV.

Anno Bernardi Abbatis quarto, Indictione Romanorum duodecima, Pius Papa secundus compositis ut potuit rebus Romæ & in Italia, contra Turcos expeditionem, quæ apud Mantuam dudum fuerat indicta, sed Principum ambitione & avaritia eatenus intermissa, repetijt: & in propria persona perficere decrevit. Præmiserat autem anno transacto litteras & nuntios in omnes Christianas Nationes ad Reges & Principes, ad Clerum & Laicos, rogans & monens, qua potuit instantia, ut arma contra spurcissimam gentem Turcorum quantocius sumerent, & Christianis in periculo constitutis pro Dei amore subvenirent. Clericis denique & Monachis, ut armati contra fidelium rabiem dimicare possent, indulgit: & cunctibus in expeditionem ipsam Asiaticam peccatorum omnium veniam repromisit. Ipse autem podagra laborans, corpore infirmus, sed animo constans, è Roma se hoc anno portari fecit Anconam: & ibi decumbens in grabatulo, promissum sibi Regum & Principum præstolabatur adventum. Offendit in itinere maximam hominum multitudinem ex Germania, Hispania, & Gallia prorumpentem: qui omnes una sententia ire in Turcos statuerunt. Verum quia nec pecunias secum ad sumptus contulerant sufficientes, nec ad bellum videbantur idonei, Pontifex eos à peccatis absolvit, & ad sua redire præcepit. Reversi autem in sua Germani pauperes, alij spoliati, alij seminudi non sine periculo & damno confusi, à suis cum ludibrio suscepti sunt.

Papa Pius expeditionem indicit Christianis contra Turcos.

Pius autem Papa secundus, in itineris motu fatigatus, & febre correptus, dum classem quam summo labore, & multis expensis paraverat in Turcos, à Pisis Venetisque Anconæ expectaret, triremibus tamen è specula procul visis quarta decima die mensis Augusti, hoc est in Vigilia Assumptionis Beatissimæ Mariæ semper Virginis, moritur: cujus cadaver à suis relatum ad urbem, in Basilica S. Petri Apostolorum Principis juxta Altare S. Andreae Apostoli fuit honorificè tumulatum. Hic Pontifex multa bona fecit Ecclesiæ, & Privilegia quæ olim Papa Eugenius quartus

Pius Papa secundus Anconæ moritur.

M m m

Congregas-



Congregationi S. Juſtinæ de Padua contulit, ad noſtram Obſervantiam Bursfeldenſem extendit.

Caput S  
Andræ  
Apoſtoli ex  
Peloponeſo  
Romam  
transferitur.

Ejuſtempore Pontificatus Thomas Palæologus Porphyrij quondam filius Peloponeſi Princeps Chriſtianus Romam gratiâ peregrinandi viſitaturus, caput ſanctiſſimi Andræ Protoapoſtoli ſecum attulit: quod ne in contaminationem deveniret Turcorum, memorato Pontifici donavit. Pontifex autem caput ab eo ſuſcipiens, in medio pontis obviam factus proceſſionaliter cum ſumma reverentia & honore ad Eccleſiam S. Petri re-poſuit, in ſacello ad hoc digniſſimè præparato, in quo continetur & veneratur à populo uſque in hunc diem.

Catharina  
Senenſis.

Catharinam de Senis Compatriotam ſuam Ordinis S. Dominici multis in vita virtutibus & revelationibus claram Sanctorum Catalogo inſcribi Pontifex ipſe memoratus ad multorum preces & instantiam libens mandavit.

Paulus ſic  
Papa ſecun-  
dus annis  
VII.

Anno igitur prænotato ultima die menſis Auguſti, Cardinales Petrum Barbonem patria Venetum Eugenij quondam Pontificis quarti ex ſore Nepotem Cardinalem S. Marci, hominem non multæ litteraturæ in Papam unanimiter elegerunt: qui ſuſcepto Pontificatu præfuit annis ſex, menſibus decem, diebus viginti octo: homo in agendis prudens, caute- loſus & expertiſſimus.

Capitulum  
Ordinis  
noſtri Pro-  
vinciale  
XVIII. cele-  
bratur Her-  
bipoli.

Eodem anno Dominica tertia poſt Feſtum Reſurrectionis Domini Jeſu Chriſti, celebratum fuit capitulum Ordinis noſtri Provinciale octa- vum decimum, in Civitate Herbipolenſi apud ſanctum Stephanum: in quo præſederunt Bertholdus ejusdem loci Abbas, Joannes S. Michaelis in Hildesheim, Melchior S. Udalrici in Auguſta, & Eberhardus Montis Monachorum prope Babenberg Monasteriorum noſtri Ordinis memo- rati venerandi Abbates.

Cænobium  
S. Burck-  
hardi Her-  
bipoli  
transferitur  
ab Ordine.

Anno prænotato quintadecima die menſis Maij, Romano Pontifice Pio ſecundo adhuc vivente (qui poſtea in Auguſto ſicut dictum eſt obijt) falſis narrationibus decepto, conſentiente ac diſpensante, Joannes de Al- dendorff patria Haſſo, Abbas Monasterij S. Burckhardi juxta Herbipolim unâ cum Monachis ſuis habitum, nomen, & Congregationem ſanctæ Reli- gionis Monastiæ Ordinis noſtri metu & odio Reformationis depoſuit, & Monasterium ipſum in Eccleſiam ſæcularem tranſmutavit: factique ſunt ex malis Monachis Canonici peiores; & qui primam fidem irritam fecerunt, omnes mala, ſicut audivimus ab his, qui noverunt eos, & ſubi- tanèâ morte deceſſerunt.

Joannes  
Nix Episco-  
pus Soiren-  
ſis resigna-  
vit Episco-  
patum  
ſuum.

Eodem anno octava die menſis Auguſti, Joannes Nix, Episcopus Spirensis, qui contra Fridericum Palatinum Comitem Apoſtolicis man- datis obediens, inconfultè bellando plura Eccleſiæ Spirensi damna intule- rat, Pontificatum ſuum de conſenſu tam Capituli ſui, quàm Papæ resigna- vit; trienniôque ſupervivens in oppido Pforzheim ex animi mærore defecit, & ibidem ſepultus fuit; nam præter multa damna ſuperius enu- merata, quæ Palatinus Comes propter eum intulerat Eccleſiæ Spirensi, etiam domos & habitationes Clericorum omnes in circuitu Eccleſiæ S. Germani extra urbem, & duo molendina capituli, incendio fecit cremari, eo ſcilicet anno, quo Moguntia fuit capta, clarâ die nullo penitus reſi- ſtente, quinta videlicet die menſis Julij. Eo tempore totius Cleri ſuſpicio fuit

fuit, Seuatum ac Cives Neometenses ab ejus incendij procuratione non ex toto fuisse immunes, quippe qui multis indicijs factum laudasse notati sunt.

Post resignationem Joannis Nix, Matthias de Rammingen, majoris Ecclesiae Canonicus, necdum Capitularis, & Friderici Comitis Palatini Cancellarius, provisione Pij Papae secundi Episcopus ordinatur Ecclesiae Spirensis, & prudentissimè praefuit annis xiv. vir doctus, devotus, & magnanimus, qui virtute ac sapientia Ecclesiam sibi commissam in utroque statu optimè rexit, Jura, Privilegia, ac Libertates ejus manutenuit, divini cultus ornamenta multipliciter auxit, collapsa aedificia restituit, & multa bona patravit.

Matthias  
fit Episco-  
pus spiren-  
sis annis  
xiv.

## MCCCCLXV.

Anno Bernardi Abbatis V. Indictione Romanorum xiii. Adolphus Dux Geldriae regnandi libidine succensus Patrem suum Ducem Arnoldum noctu dormientem, & nihil mali de eo suspicantem, nudum in lecto jacentem capit, in custodiam reponit, & multo tempore captivum tenet; quod impium scelus divina Justitia non transivit inultum, sed durâ satis animadversione vindicavit & punivit.

Arnoldus  
Dux Gel-  
driae à pro-  
prio filio  
captus in-  
carceratur.

Eodem anno Canonici & Cives Leodienses post multas contentiones & lites in Curia Romana habitas, & extra, contra Joannem de Burbon electum & confirmatum suum Antistitem innata rabie & feritate utentes, adhuc illo vivente, & nec deposito, neque resignante, Marcum Jacobi Marchionis de Baden quondam filium, Fratrem autem Caroli Marchionis, Joannis quoque Archiepiscopi Trevirorum, & Georgij Metensis Episcopi, propria auctoritate, ne dicam temeritate in Dominum & Defensorem suum, contra Joannem advocârunt. Hunc Joannes & Carolus memorati Fratres navigio Coloniam, & inde cum 200. Equitibus Leodium perduxerunt, quem Leodienses cum gaudio & honore magno susceperunt.

Marcus itaque susceptus à Leodiensibus in Dominum & Ecclesiae Administratorem, post recessum Fratrum suorum non diu cum eis stetit in concordia. Cùm enim Castellum quoddam, patriam Joannis de Burbon Episcopi, deditibus se his qui intus fuerant sub conditione vitae ac liberæ abitionis, primo congressu cepisset, priusquam in auxilium venturi Leodienses adessent, maximi tumultus inter eos suscitavit occasionem. Audientes namque cùm supervenissent, quod suo arbitrio & sine eorum consilio liberam obsessis permisisset abeundi potestatem, nimio furore commoti sunt, & comprehensos viros jam jam abeuntes, usque ad unum omnes peremerunt. Marcus autem cum suis fuga lapsus, vix manus eorum effugere potuit, rediēsq̃ue per Coloniam ad suos, reverti ad Leodienses amplius non consensit.

Marcus de  
Baden à  
Leodiensi-  
bus fugere  
compulsus  
est.

Erat supradicto Jacobo Marchioni quintus adhuc filius nomine Bernardus, qui ut publicè multorum ferebatur testimonio, Castitatis amore virgo permanfit usque ad mortem. Hic à pueritia sua doctus timere Deum, in omni puritate vitam suam custodivit; nam etsi arma tractavit ut Princeps, neminem unquam offendit, neminem læsit, nemini contumeliam vel injuriam fecit. Multo tempore in Curia Cæsaris Friderici militavit, sed vitia Curialium non contraxit, mente & opere Monacho semper similior, quàm militi. Amator erat pauperum, & diligentissimus Advocatus egenorum. Quoties in circumeundo Impera-

Bernardus  
ex Baden  
Marchio  
vir sanctæ  
vitæ.

toris Curiam Monachum vel Clericum pauperem, ſive ruſticum aut quemlibet alium vidiffet, qui propter humilem ſui conditionem vel inopiam, deſideratum ad Cæſarem vel Officiales ejus non poterat obtinere acceſſum, ipſe pro Dei amore fidelis Advocati ſumens officium, cauſam pauperis promovit & egit, nec ſolicitare deſtitit, donec pauperem juſta petentem ſuo deſiderio ſatiaſſet.

Bernardus  
de Baden  
Elemoſy-  
narius Piſi-  
ſimus.

Tantæ miſerationis & pietatis fuit in pauperes, ut quidquid habere potuit, totum in uſus eorum ſine diſcretionem perſonarum erogârit. Frequenter etiam tempore hyemali cum pauperem vidiffet algentem, interioribus ſe veſtimentis ſpolians, nudum pro Dei amore, quanto potuit ſecretius veſtivit. Ad nudam carnem cilicium, aut laneam portabat caſiſiam, quam tamen cultioribus veſtimentis deſoris indutus, ut decuit Principem, ſagaciter occultabat. In Orationibus fuit aſſiduus, & ſæpe lætantibus alijs, ipſe tacitus compunctionis vi lacrymas & preces Domino ſecretus effundebat.

Bernardus  
nunquam  
dormivit,  
niſi prius  
Confeſſus.

Nunquam ex eo tempore, quo ſanctam hanc vivendi conſuetudinem aſſumpſit, dormitum ſe reſoluit, niſi prius confeſſionem earum negligentiarum, quæ forſitan occurriffent in die, ſacerdoti Capellano, quem ſemper habuit ad manum, compuncta devotione feciſſet. Dicebat enim: *Nihil eſt Chriſtiano homini fore periculoſius, quàm in eo dormire ſtatu, in quo mori non audeat, propterea quod multi ſuffocantur in ſomnis, & nemo ſcire poſſit, quo tempore, loco, aut modo carnis debitum morti ſolvere compellatur.* Quod vir Deo dilectus prudenter conſiderans, ne imparatus præoccuparetur à morte, omni tempore & loco in timore Domini vigilans mortem exſpectabat.

Bernardus  
Marchio  
Deo dile-  
ctus obiit.

Moritur tandem ætate virili, plenus operibus bonis, & ſicuti dicit ſcriptura: *Placens Deo factus eſt Dilectus, & vivens inter peccatores translatus eſt. Raptus eſt enim, ne malitia mutaret intellectum ejus, aut ne ſictio deciperet animam illius. Placita erat Deo anima illius, propter hoc properavit educere illum de medio iniquitatum. Conſummatus in brevi, explevit tempora multa.* Multa in hujus viri ſanctiſſimi laudem reſtarent dicenda, quæ nòs ante xxx. ferme annos cum admiratione multa audivimus, relatione Notabiliſſimum virorum, qui cum eo Curiam Cæſaris olim fuerunt ſecuti, ſed non eſt nobis in hoc loco jam opportunitas & tempus ſingula per ordinem enarrandi.

Herman-  
nus Mar-  
chio de Ba-  
den omnia  
propter  
Deum con-  
temnens  
occultè  
receſſit in  
Monaste-  
rium,

Memini, me longè ſuperius in medium paucis propoſuiſſe hiftoriam Hermannſ Marchionis de Baden viri potentiſſimi, qui tempore Gregorij Papæ VII & Henrici Imperatoris IV. circa annum Dominicæ Nativitatis MLXXXII. divino ſpiritu inflammatus, ac ſoli Deo famulari deſiderans, mundum Principatum tunc opulentiffimum, uxorem & liberos, familiares & amicos, & omne quod habuit, amore cœleſtis Regni deſervit, & nullo præter uxorem ſuam ſciente, ſolus occultè fugiens, Monasterium Cluniacenſe apud Burgundiones in habitu pauperis Ruſtici nulli cognitus intravit, malens abjectus latere in domo ſervorum Domini, quàm glorioſus, dives, & potens habitare in medio peccatorum.

Suſceptus autem à S. Hugone tunc temporis Abbate Cluniacenſi in ordine Converſorum, tanta ſimplicitate capit converſari, tantæque humilitate ſe omnibus propter Deum ſubjecit, ut quaſi alter Paulus quon-  
dam



dam simplex Eremita nihil scire præter Christum JESUM & hunc pronobis crucifixum, videretur. Hunc S. Hugo custodem pecorum Monasterij Cluniacensis constituit, utpote qui nullius vel artificij, vel operationis exercitium didicisset. Magna res, & mutatio Dei Excelsi dextræ mirabilis! Marchio de Baden potentissimus fit abjectissimus propter Deum Monachus; Princeps ditissimus, pauperrimus; quem Reges metuebant ac Principes terræ, Pastor fit pecorum; qui leges dabat populis, voluntariè Monachorum subijcitur Institutis; mansit in sancta conversatione sua usque ad mortem incognitus, & in sanctissima humilitate & patientia curam egit pecorum, quem socium & concivem nunc esse Sanctorum non dubitamus Angelorum. Cujus relicta uxor in Christo devotissima, post ejus discessum occultum, se totam convertit ad Deum, eleemosynis, jejunijs & orationibus vacans continuis, & quantum valuit, se omni tempore divinis obsequijs mancipavit. Ipsa impensas B. Wilhelmo contulit, quibus Monasterium Hirsaugiæ majus construxit, quemadmodum suo loco longè superius diximus.

Marchio  
potentissi-  
mus fit cu-  
stos peco-  
rum.

In morte  
recognitus

Anno prænotato, Adolphus Archiepiscopus Moguntinus de consensu Capituli sui & Romani Pontificis Pauli II. confirmatione, Henricum ex Comitibus de Wirtenberg filium Udalrici Comitis memoratæ Ecclesiæ Canonicum in Coadjutorem assumpsit, qui officium coadjuvantis aliquamdiu satis prudenter administrans, omnium in se convertit amorem: & dubium non fuit, si in eo mansisset ordine, in quem fuit à Domino vocatus, quin ad apicem Pontificatus fuisset assumptus. Veruntamen non diu postea dimisso quoungebatur officio Coadjutoris, etiam Canonicatum deseruit, & ex Comitibus de Bitsch uxorem duxit, de qua genuit Udalricum Ducem Wirtenbergensem in ordine III. qui hodie principatur, & Georgium Comitem, qui adhuc juvenis vivit sine uxore cum matre. Ipse autem Comes Henricus debilis & infirmus his diebus rarò ad lucem egreditur.

Henricus  
Comes in  
Wirten-  
berg Coad-  
jutor fit  
Episcopi  
Moguntini.

## MCCCC LXVI.

Anno Bernardi Abbatis VI. Indictione Romanorum XIV. hyems fuit asperissima, & jumentis in pluribus locis defecerunt pabula, similiter & pauperibus terræ alimenta. Eodem anno feria IV. post Festum Dominicæ Resurrectionis, obiit Joannes de Grumbach Episcopus Herbipolensis & Dux Franciæ Orientalis, anno Pontificatus sui XII. & in majori Ecclesia Wirzburgensi sepelitur, qui multis laboribus & inopia rerum fatigatus, Episcopatum & ære alieno gravatum reperit, & involutum debitis reliquit.

Joannes  
Episcopus  
Herbipoli  
obiit.

Quo mortuo atque sepulto eodem anno ultima die mensis Aprilis, in Episcopum capitulariter fuit electus Rudolphus de Scherenberg, qui confirmatus à Paulo Papa II. præfuit annis XXIX. vir magnæ prudentiæ, tranquillus atque pacificus, qui sua industria Ecclesiam Herbipolensem ab omni ære alieno reddidit liberam, & successoris dimisit omnibus rebus optimè provisam.

Rudolphus  
de Scheren-  
berg fit  
Episcopus  
Herbipo-  
lensis annis  
XXIX.

Anno prænotato Udalricus de Zeiskheim Abbas in Sponheim, posteaquam annis V. & diebus XXIII. cum dispendio gravi præfuisset, & debita multa contraxisset, non potens ulterius in regimine subsistere, Abbatiam in manus sui Conventus resignavit, assignata sibi pensione annua,

M m m 3

unde

unde viveret. Post quem Otho ex Colonia Monachus quondam S. Pantaleonis, tunc Prior Sponheimensis, in Abbatem electus præfuit annis III. mensibus IV. diebus XVI. vir bonus & satis providus, quamvis nihil aut parum in utroque statu proficere potuit, propter debita nimia, & malitiam Monachorum.

Georgius  
Bohemiæ  
Rex hæreti-  
cus, depo-  
nitur à Re-  
gno per  
Papam.

Eodem anno Paulus Papa II. Georgium Bodebracium Bohemiæ Regem, fautorem, defensorem, ac participem Hæreticorum Hussitarum, prius declaratum hæreticum in publico Consistorio Romæ, mendacem, perjurum, & datæ fidei super sancta Christi Evangelia in manibus duorum Episcoporum violatorem denuntians, hæreticum damnat, Regiâ dignitate simul & nomine per sententiam privat. Deinde Regnum Bohemiæ Matthiæ Regi Hungariæ tradens commendat, præcipiens illi per Apostolica scripta, quatenus bellum moveat in pertinacem. Imperator etiam Fridericus ad petitionem Romani Pontificis Matthiam in Regem Bohemiæ contra Georgium libens confirmat, qui mox bellum hæretico indicit.

Andreas  
Monachus  
in Spon-  
heim Com-  
pilator Tra-  
ctatum  
moritur.

Anno prænotato, XVIII. die mensis Aprilis, moritur Andreas de Trajecto inferiori Monachus Sponheimensis, homo admodum eruditus, carmine & prosa scriptor exercitatus, qui inter alia lucubravat soliloquium hominis ad Deum suum lib. I. De Profectu virtutum, lib. I. De Abstinencia carniū Monachis sanis secundum Regulam, lib. I. De usu Floccorum in Ordine nostro, lib. I. Epistolarum ad diversos, lib. I. De Moguntinorum Excidio elegiaco carmine, lib. I. Epigrammatum lib. I. Sermones quoque varios ad Fratres composuit, & alia quædam minora sed instructa Opuscula.

#### MCCCCXLVII.

Capitulum  
Ordinis  
nostri Pro-  
vinciale  
XIX. cele-  
bratur  
Bambergæ.

Anno Bernardi Abbatis VII. Indictione Romanorum XV. die mensis Aprilis XIX. quæ Dominica erat post Festum Resurrectionis Dominicæ tertia, in Monte Monachorum prope Bambergam celebratum fuit Ordinis nostri Capitulum Provinciale XIX. in quo præfederunt Joannes Bursfeldensis, Melchior Augustensis, Henricus S. Michaelis Hildesheimensis, & Joannes S. Crucis in Werdea, præclari Abbates.

Puer se-  
ptennis la-  
tinè theu-  
tonicèque  
ornatè lo-  
quitur.

Eodem anno venit quidam homo pauper à Basilea, ut asseruit, ad Moguntiam, parvulum circumducens filium nomine Theodoricum, annum ætatis septimum agentem, qui verbis, moribus & gestibus tam se maturum & compositum coram hominibus exhibuit, ac si vir quadraginta fuisset annorum, latinè, theutonicèque loquebatur expedite, ornatè, tamque disertè, ut eum Oratori etiam facundissimo comparandum, qui audivisset, nemo dubitarit: ad interrogata quælibet tam promptè, tam propriè, tamque prudenter potuit respondere, sive latino, seu theutonico postularetur eloquio, ut audientes omnes verteret in stuporem. Unde viri plures docti & Religiosi, spiritum aliquem in eo latere credebant ex Cacodæmonibus, sive Phytone, quia non videbatur consuetudine naturali possibile, ut in tali constitutus ætate puer, latini sermonis tantam potuisset apprehendisse peritiam, sine ministerio spiritus.

Philippus  
Dux Bur-  
gundiæ mo-  
ritur, vir  
bellicosus.

Anno prænotato in mense Junio, mortuus est Philippus Dux Burgundiæ vir prudens & bellicosus, qui multa strenuè gessit in diebus suis prælia, quibus nominis sui famam non solum in procul distantes extulit Regio-  
nes.

nes, Christianorum atque credentium, sed etiam Saracenorum infidelium. Nam David Trapezundarum Rex, Georgius Rex magnus Persarum, Turcomannus Mesopotamiæ Rex Mahometista, Gregoras Dux Georgianæ Provinciæ, Morutus Wohutenck Armeniæ minoris Princeps, cum quibusdam alijs in unum confœderati, bellum inferre Turco decreverunt. Miserunt ergo Nuntios & Oratores suos ad eum solemnes, cum donis & promissionibus multis, instantissimè orantes, ut sicut Romano Pontifici Pio II. promiserat, etiam Turcum à parte Occidentali bello impeteret.

Ludovicus denique Antiochenus Patriarcha, cum eisdem Oratoribus personaliter veniens in Burgundiam, eidem Philippo supplicabat. Fama enim ad memoratos Reges & Principes Orientales pervenerat, ipsum & multa posse, & grandia fecisse pro Christianorum Republica, & propterea potentiam ejus cum Romani consilio & auxilio Pontificis in Turcum flagitabant. Sed Philippus Dux sive avaritia pavidus, sive suorum consilio retractus, tam sanctum, tam necessarium Christianis bellum assumere contempsit, in non parvum fidei Catholicæ detrimentum, immemor voti quod emiserat. Promiserat enim Omnipotenti Deo & ejus Vicario Romano Pontifici Pio II. cum in lecto decumberet ægrotus, si miserante Altissimo mortem & ægritudinem ipsam posset evadere, quod contra Turcos personaliter cum toto Exercitu suo quantocius vellet proficisci. Vovit, convaluit; sed votum non implevit, atque ita vir sanctus, qui homines nunquam fallere consueverat, nunc Deum & ejus Vicarium Romanum Pontificem & Ecclesiam Catholicam fefellit, cum detrimento & incommodo Religionis Christianæ, communi maximo.

Legati Regum Extremorum Philippo mittuntur.

Post Philipppum Carolus filius ejus Burgundiæ Ducatum obtinuit, quem annis ix. strenuè gubernans bella & prælia multa in terris constituit. Erat autem vir magnanimus, fortis, severus, atque terribilis; sed Justus, Pius, & liberalis, divinarumque obsequiorum ferventissimus Observator; qui etiam Patre adhuc vivente multa & ingentia ferocitatis suæ facinora gessit, quorum suo tempore & ordine scriptores Historiarum plures fecerunt mentionem. Uxorem habuit Margaretham Anglorum Regis filiam, de qua unicam genuit filiam nomine Mariam, de qua supradiximus ante decennium, quando fuit nata vivente adhuc Philippo. Hanc duxit uxorem Maximilianus Archidux Austriæ Filius Imperatoris Fridrici III. postea Germaniæ Rex & Cæsar Orbis.

Carolus Burgundiæ Dux annis ix. vir Justus.

Eodem anno Leodienses contra Joannem de Burbon Pontificem suum, animos continuantes hostiles, sibi metipsis necem, & Civitati excidium paraverunt. Habebant enim sibi ex multo tempore Duces Burgundiæ infensos & adversos, ac propterea jam dictum Pontificem suum, Caroli Ducis ex sorore Nepotem suscipere, ut paulo ante diximus, in Episcopum recusabant. Unde ad instantiam ejusdem Præsulis Paulus Papa II. Legatum misit ad Leodium, Tricaricensem Episcopum, ut concordiam inter dissidentes Domino auxiliante quantocius reformaret.

Leodienses contra Episcopum suum, & Carolum Ducem rebellant.

Verum priusquam Legatus veniret ad Dioecesim, Leodienses Tungris oppidum, in quo tunc erat Joannes Episcopus memoratus, obsidione circumdantes fortissimè impugnant, ipsum ad necem postulantes; qui dimissus per murum fugit cum paucis, veniensque ad Avunculum Ducem

Leodienses Episcopum in oppido Tungris obsidione circumdant.

Carolus



Carolus, temeritatem civium ſuorum neceſſitate adductus accuſavit. Querelâ Nepotis Dux animo concitatus in iram, Leodiensibus bellum indicit. At illi ut promptiores fierent ad rebellandum, Ludovicum Regem Gallorum xi. promiſſionibus multis in auxilium vocârunt. Qui ſe venturum cum exercitu adverſus Carolum promiſit. Sed non ſervavit fidem quam promiſit; imò ſefellit Leodiensēs, & nullam Carolo reſiſtentiam fecit, nec miſeris fruſtra in eum ſperantibus auxilia miſit.

Carolus  
Dux Bur-  
gundiæ ob-  
ſidet Leo-  
dium.

Carolus ergo Dux contra Leodiensēs movit exercitum, Civitatem obſedit & fortiter impugnare cepit. At incluſi Cives non habentes auxilium aliquod exterorum, & conſiderantes quod Caroli viribus nequaquam poſſent reſiſtere, ea quæ ſunt pacis, ab eo decreverunt poſtulare. Sed pacem aliter obtinere non potuerunt ab eo, niſi ſub certis clauſulis & conditionibus ejus arbitrio impoſitis.

Conditio  
pacis l. in-  
ter Ducem  
& Leodi-  
enſes.

I. Conditio fuit: *Quod pro impenſis belli factis ipſi Leodiensēs Carolo Duci perſolverent pecuniarum ingentem ſummam, quam poſtularat ab eis, centum millia videlicet florenorum, ſine mora interpoſita.*

Condit. II.

II. Conditio fuit: *Ut muros in circuitu Civitatis omnes & turres deſcerent, foſſata implerent, omniæque vaſa machinas, & arma bellica ſive deſenſoria extra urbem exportarent, & in manus Ducis deponerent. Quæ Conditio in omnia Leodiensibus ſubjecta Caſtella, oppida, & munitiones extendebatur.*

Condit. III.

III. Conditio: *Ut potiores de ſenatu & populo, qui contra Joannem de Barbon Episcopum Leodiensē conſpiraverunt, proſcriberent ex urbe, alios ad tempus, alios verò in perpetuum cum uxoribus, liberis, & omni familia eorum.*

Condit. IV.

IV. Conditio: *Quod Civitas memoratum Antiſtitem ſuum cum omni honore & reverentia ut verum legitimum & unicum Pontificem ſuum reciperet, fidelitatem juramento promitteret, & in cunctis humiliter obediret.*

Condit. V.

V. Conditio fuit: *Quod Cives Leodiensēs ipſi ſuo Pontifici pro damnis & impenſis, quas in Curia Romana, & extra, habuit & fecit, per omne tempus contentionis ac Rebellionis eorum, ſummam notabilem perſolverent.*

Condit. VI.

VI. Conditio quam Dux Carolus Leodiensibus impoſuit, iſta fuit: *Quod ei perpetuo tributo quottannis in 30000 florenorum deberent eſſe obnoxij, tenerenturque juſſi ab ipſo toties milites Burgundionibus mittere in auxilium armatos, quotieſcunque bellum eſſent acturi contra quoslibet.*

Conditio-  
nes acce-  
ptæ.

Iſtis Conditionibus à Duce propoſitis, à Civibusque acceptis, & juratis, ſoluta obſidione, pax fuit conceſſa, ſed non diu ſervata, ut anno ſequenti dicemus.

#### MCCCCLXVIII.

Ruperti  
Archiepiſc.  
Colonienſ.  
malorum  
initium.

Anno Bernardi Abbatis VIII. Indictione Romanorum I. Rupertus Archiepiſcopus Colonienſis nimia paupertate & inopia depreſſus, cum habere non poſſet, unde juxta decentiam ſtatus ſui viveret, conſilium & auxilium Capituli ſimul & Vaſallorum invocavit. Omnia enim Caſtella, oppida & telonia cum redditibus ac proventibus eorum, unde Pontifices vivere ſolebant, & ſtatim manuteneſe dignitatis, per Antecceſſores ejus fuerant impignorata pro ſummis pecuniarum maximis, & menſa Episcoporum in ultimam penè redacta paupertatem.

Fuit eo tempore Decanus memoratæ Eccleſiæ Colonienſis Stephanus Comes Palatinus Rheni, Bavariæque Dux, Friderici Cynonoti, & Ludovici cognomento Nigri, Ducum Baviaræ Frater Germanus, qui contra

memo-

memoratum Archiepiscopum Rupertum cognatum suum, nescio quam ob causam, feroci quadam displicentia (ne dicam odio) laborabat. Is quo potuit ingenio, Canonorum suorum ab eo mentes & animos sedulo avertebat, ipsumque multorum detractionibus brevi objecit.

Necessitate igitur compulsus, & inopia gravi oppressus memoratus Archipræsul Rupertus, cum neque à Capitulo, neque à vasallis suis consilium obtinere potuisset, quo ex tanta relevaretur miseria, rem armis aggredi statuit, & vasallis Ecclesiæ impignorata Castella, oppida, sive telonia manu auferre violenta, quod ei in maximum cessit malum; cujus occasione tandem Episcopatum amisit & vitam. Destitutus namque suorum auxilio, Friderici Palatini Comitis Germani sui, qui Tutor erat Philippi, subsidium invocavit contra eos, qui bona Ecclesiæ tenebant impignorata. Qui Fratri compassus egenti, misit ei pecunias, frumenta & viros armatos, in quorum violenta manu plura Ecclesiæ bona, quæ fuerant alienata, subito recuperavit. Ex qua re omnium in se vasallorum, atque Nobilium terræ odium concitavit.

Rupertus  
Archiepiscopus  
bona impi-  
gnorata  
Ecclesiæ  
violenter  
recuperat.

Eodem anno Carolus Dux Burgundiæ, contractis undique copiis magnum exercitum pugnatorum duxit in Galliam contra Ludovicum ejus nominis Regem undecimum, & per plures dies ibidem commoratus multa Regno intulit damna. Interea Leodienses anno præterito, sicut diximus, per ipsum Ducem subacti, Carolum, cum turres muros, & cuncta Civitatis simul, & aliorum oppidorum, quæ ditioni eorum fuerant subiecta, propugnacula & munitiones diruissent; arma quoque, machinas, bombardas, tormenta, & quidquid bellici habuerant apparatus, tam in urbe, quam in alijs locis sibi subiectis, in potestatem Carolo tradidissent; quotannis etiam triginta millia florenorum solvere Duci sacramentis sese obligassent, negareturque à Carolo Exulibus in Civitatem regressus, jam penè desperati, novæ rebellionis causam sibi metipsis in supremum præstiterunt excidium. Cum etenim Ludovicus Rex Gallorum contractis copiis exercitum duceret contra Burgundum Veronæ agentem, arbitrati Leodienses proscripti, quod eos tempus juvaret, ad iter se (non sine consilio Galli) festinantissimè cohortantes, intempestæ noctis silentio, Leodium muris & oppugnaculis denudatum, sine difficultate intrarunt, expulsoque Ducis subsidio Concives suos ad resumendam libertatem facile induxerunt. Civitatis itaque statum suo arbitrio novum ordinantes, muros & turres cum propugnaculis erigere, & reformare quanto citius sunt aggressi. Quibus visis & auditis in circuitu Leodiensium comprovinciales territi sunt, & accedentes Episcopum rogant, ut eos contra Leodienses rebelles defenderet, qui talia sine eorum consilio præsumpissent. Episcopus ergo contractis, ut potuit mille circiter Equitibus, & peditum duobus ferme millibus, Hasselt oppidum intravit, quod Leodienses certis inditijs noverat obsessuros. Erant in eodem tunc oppido penè omnia Leodiensium arma, quibus per Ducem Carolum fuerant spoliati. Aderat etiam cum memorato Episcopo Leodiensium, Episcopus Tricariensis, quem Paulus Papa secundus miserat Legatum, ut inter Ducem & Leodienses reformaret concordiam. Postridie autem mille centumque ex Leodiensibus viri fortes & animis concitati, convenientes in unum armati, ad primum Galli cantum oppidum Hasselt muris exutum, per notos

Carolus  
Burgundiæ  
Dux hosti-  
liter deva-  
stavit Gal-  
liam.

Leodienses  
iterum con-  
spirant in  
Carolum  
Ducem  
Burgun-  
diæ.

Episcopus  
Leodiensis  
cum Lega-  
to Aposto-  
lico Hasselt  
oppidum  
ingreditur.

Episcopus  
Leodiensis  
cum Lega-  
to Aposto-  
lico a Leo-  
diensibus  
capitur.

Dux Bur-  
gundia Car-  
olus pa-  
cem com-  
ponit cum  
Rege Gallo-  
rum.

Carolus  
Dux Bur-  
gundia au-  
xilium Gallo-  
rum obte-  
dit Leodiū

Civitas  
Leodiensis  
per Caro-  
lum Ducem  
Burgundia  
capitur.

sibi aditus ingrediuntur; ædes Civium violenter perfringunt, bonaque diripiunt, & magnum in oppido tumultum faciunt. Attoniti Cives ad clamorem insolitum, & à somno prorumpentes, stupidi quid agerent, aut quò diverterent ignorantes, non armis, sed fuga salutem querere cæperunt: quorum plures beneficio noctis evaserunt; reliqui omnes in captivitatem cum armis fuerunt abducti. Inter captivos Leodium ducti sunt Joannes Episcopus Leodiensis & Legatus Apostolicus supradictus Episcopus Tricaricensis, cum multis eorum ministris, atque Nobilibus. Plures etiam in eodem tumultu civium & exterorum, qui pro defensione oppidi convenerant, fuerunt occisi, qui aut neglexerant, aut non poterant fuga invenire salutem. Leodienses verò in suam potestatem recepto Hasselt oppido spoliaverunt omnia diripientes, arma quoque, bombardas, & machinas cum omni apparatu bellico, quibus spoliati fuerant à Duce Carolo, ad Leodium reduxerunt. Muros etiam & turres, propugnacula, & quidquid in Civitate Leodiensi jussu Ducis Caroli dirutum fuerat, brevi reedificantes, ad resistendum se Burgundis præpararunt.

Verum ubi rebellio & perfidè acta Leodiensium Duci Carolo renuntiata fuissent, mox pacem arcanam, & nulli tunc temporis cognitam cum Ludovico Rege Gallorum firmavit; nec solum ad pacem Gallum reduxit Burgundus, sed etiam quod magis est, in auxilium contra Leodienses rebelles & perjuros, socium itineris constituit. Carolus itaque Burgundia Dux sæpe memoratus, irâ & furore fremescens in Leodienses, pace cum Gallis reformatâ, omne robur exercitus duxit contra Leodium, secum habens in magno pugnatorum numero, Ludovicum Regem Gallorum.

Venit ergo in manu suorum valida ad Leodium, ducens collectum ex omni penè Germania, Burgundia, & Gallia exercitum, plus quàm centum millium pugnatorum, & obsedit ex omni parte Civitatem in mense Novembri, anno Christianorum prænotato. Obsidione autem firmata, urbem varijs modis impugnavit, & Cives in ultimam desperationem perduxit. Qui consilio inter se habito, supradictos duos Episcopos Tricaricensem Legatum Apostolicum, & Leodiensem, quos secum detinebant captivos, in castra miserunt ad Carolum: ut ea quæ pacis erant, pro Civibus postularent. Carolus autem se juramento constrinxerat, non se pacem daturum, nisi obtenta Civitate suam & suorum contumeliam plenè ac per omnia satis atrociter vindicasset. Episcopos in urbem redire non permisit, nec ut aliquid remandarent Civibus concessit. Videntes autem Leodienses, quod neque Pontifices redirent ad urbem, nec aliquid remandarent siue bonum siue malum, sed atrocius continuaretur Civitatis impugnatione, simul & quod Rex Gallorum Ludovicus contra eos venisset, de quo tale nunquam fuissent suspicati, maxime cum dederit eis rebellisandi consilium, in ultimam sunt desperationem prolapsi. Unde Primates Civitatis, utcunque potuerunt, noctu per muros demissi, navigio Mosæ fluminis beneficio quæſivere salutem, dimissis in Civitate uxoribus, liberis, Monachis, Clericis, & plebe incompota, & ad res arduas minus idonea, quos fors ad interitum omnes reservabat. Carolus verò Dux urbis impugnationem fortiter continuans, duo millia suorum perdidit, & tandem post multos labores Civitatem primoribus destitutam, violenter expugnavit, & cepit. Quam Galli primò introgressi,

&



& post eos Burgundi, cædem in miseros Cives nimis crudelem, non ut Christiani, sed potius ut Turci & Saraceni perfidissimi sævientissimique sine ulla miseratione (pròh nefas!) exercuerunt. Erat autem Civitas ipsa situ, structuris, ædificiisque pulcherrima, Ecclesias Parochiales habens duas, atque triginta, Collegiatis octo numero, Monasteria quinque Abbates habentia, Mendicantium virorum tres Conventus, præter Moniales, sorores, & Capellas cum hospitalibus pauperum multas. Cives in ea fuerunt ad bella paratissimi plures quàm viginti millia, rerum omnium copia multa, & ingentes divitiæ, quæ omnes in prædam & direptionem sævis hostibus uno die cesserunt.

Capta igitur Civitate memorata Leodiorum, quàm se crudelem, quàmque truculentum & sævum in Cives jam nimium miserabiliter exhibuerit hostis, nec ego sine horrore mentis revocare possum ad memoriam, nec sine detestatione facti litteris commendare. Mox enim ut urbem Galli cum Burgundionibus fuerunt ingressi, passim omnes obviam trucidarunt, nulli parcentes gradui, non sexui, non ætati. Monachos Claustrales. Presbyteros. Clericos, Mulieres, Virgines, pueros & infantes una sævi hostis sententia interemisset omnes, nisi Ludovici Regis clementia, nimis & supra modum Ducis animum retinisset iratum, ne sæviret ut voluit.

Omnes tamen in Civitate Sacerdotes capti fuerunt, & vel occisi, vel ad man<sup>u</sup> Episcopi tracti & incarcerati, quorum fame plures interierunt. Quidquid masculi fuit generis à vicesimo ætatis anno & supra, Ducis mandato in ore gladij periit: reliquos verò junioris ætatis masculos una cum mulieribus, virginibus & infantibus perforatis navibus imposuit, & in Mosa flumine submersit. O quot millia hominum tunc innocenter perierunt, qui neque verbo, neque facto quidquam peccaverunt in hostem! Nec si Turcorum gens impia hanc Leodiensibus intulisset cladem, majorem in eos sævitiam & crudelitatem exercere potuisset. Muros & tures Civitatis, & omnia Civium habitacula, domos & aedes submisso igne funditus destruxit, pontes quoque & cuncta ædificia, præter Ecclesias, deiiciens subvertit. Quidquid reperit in universis Monasterijs, Ecclesijs, & domibus cunctis, victor sævus diripuit, & nec sacri Altaris ornamentis Leodicatis abstinuit. Nihil in tota Civitate reliquit intactum, sed omnia quæ reperit secum deportavit. Hoc miserabile Civitatis Leodiensis excidium per Carolum Burgundiæ Ducem perpetratum, tam fuit crudele, sævum, impium, & immane, ut litteris ritè commendari meà nequaquam operâ possit, licet ab his qui tunc interfuerunt fuerim informatus. Ab eo tempore Dux Carolus, qui antea cunctis extitit formidabilis, & in rebus bellicis semper victoriosus, paulatim deficere cepit, & Deo Sanguinem procul dubio vindicante innocentem, nullum postea feliciter bellum gessit, sed bonam (ut ajunt) fortunam deinceps semper & ubique sensit contrariam, sibi que novercantem. Unde & ipse postea in bello cecidit, & Burgundiæ Ducatus ad externos pervenit.

Anno prænotato, Matthias Episcopus Spirensis tertia die mensis Januarij, Canonicorum sancti Germani Collegium in Civitatem transtulit, & in Divi Mauritij Basilicam, ubi nunc est, cum omnibus ornamentis, rebus & privilegijs collocavit. Fridericus enim Comes Palatinus, ut paulo

Crudeliior  
Ducis Bur-  
gundiæ  
mox ira in  
populum  
Leodica-  
sem.

Mulieres &  
parvuli  
submer-  
guntur in-  
nocentes  
jussione  
Ducis.

Ducis Bur-  
gundiæ  
crudelitas  
in Leodios,  
divina vin-  
dicatur ira.

Collegium  
S. Germani  
Spire  
transfertur  
in Civita-  
tem.

Eccleſia S.  
Germani  
fuit Mona-  
ſterium Or-  
dinis B. P.  
Benedicti.

ſupra diximus, in odium Joannis Nix Epifcopi, omnes Canonico-  
rum domos, apud S. Germanum extra Civitatem Spirenſem incendio deſtru-  
xerat, unde ne ſimile deinceps contingere poſſet, in urbem conſultò  
transfertur Collegium, quamvis non ſine detrimento Canonico-  
rum. Fuit autem Eccleſia memorata S. Germani à prima Fundatione Regis Franco-  
rum Dagoberti Monafterium Monachorum, & Abbatia Ordinis Divi  
Patris noſtri Benedicti, in quo plures viri notabiles & ſancti claruerunt.  
Poſt multos verò annos quidam Epifcopus Spirenſis nomine Joannes,  
circa Dominicæ Nativitatis annum centeſimum ſupra milleſimum, Ca-  
nonicos qui fuerant in Eccleſia S. Michaelis prope Sunsheim oppidum,  
tranſtulit in memoratam Divi Germani Baſilicam extra muros Spirenſes,  
& Monachos noſtri tunc Ordinis in locum eorum apud Sunsheim repo-  
ſuit, qui & iſti noſtris diebus à S. Religione receſſerunt.

Anno item prænotato, Adolphus Archiepiſcopus Moguntinus omnia  
& ſingula Privilegia Obſervantiæ noſtræ Bursfeldenſi per Summos Pon-  
tifices, vel Sedis Apoſtolicæ Legatos indulta vel conceſſa, in ſua Dioceſi  
admiſit, & auctoritate ordinaria confirmavit.

#### MCCCCXIX.

Palatinus  
exercitum  
ducit in  
agrum Co-  
lonienſem.

Anno Bernardi Abbatis nono, Indiſtione Romanorum ſecunda,  
Fridericus Comes Palatinus Tutor Philippi, contracta bellatorum multi-  
tudo, navigio per Rhenum bombardas & machinas, per terram verò  
exercitum in agrum duxit Colonienſem, pro ferendo Germano ſuo Ru-  
perto Archiepiſcopo contra eos auxilio, qui oppida, caſtella, & alia  
Eccleſiæ bona, ſub impignorationis titulo detinebant. Erant autem,  
Nobiles & Vaſalli Eccleſiæ memoratæ potentiores, qui hæc ipſa bona  
tenebant impignorata, quicū nollent ea gratis, & ſine pecunia Pon-  
tifici ſæpedito reſtituere, arma in eos movit, & Fratris præfati auxilio  
plurima violenter obtinuit, quorum iſta ſunt nomina: Bunna oppidum  
cum telonio, Nuſſia oppidum, Lochnech oppidum cum Caſtello. Zul-  
vvich oppidum, Bruel oppidum, caſtrum, atque telonium, Nurburg  
caſtrum in Euphalia, Altenaer caſtrum, Rinbach oppidum, caſtrum &  
telonium, Caſtellum quod nominatur, die Hart. Andernach oppidum,  
caſtrum & telonium, Rolandſeck caſtrum, Guttenavve caſtrum & op-  
pidum, Zuns oppidum, caſtrum & telonium, Lyns oppidum, caſtellum,  
& telonium, Guttenberg caſtrum, Kempen oppidum, & caſtrum, Er-  
penrod caſtrum, Keyſervverd oppidum, caſtrum, & telonium, Nyett  
caſtrum, Pappenberg caſtrum, Hersberg caſtrum; & alia plura, quorum no-  
mina jam memoriæ noſtræ minimè occurrunt. Omnia præſcripta oppida,  
caſtella, & telonia, cum alijs multis Fridericus Comes Palatinus Rheni, non  
pecunijs, ſed armis, & comminationibus ab illis, quibus impignorata  
fuerant, obtinuit, & Ruperto Fratri Archiepiſcopo Colonienſium reſigna-  
vit. Ex qua re omnes penè Vaſalli Eccleſiæ, ac Nobiles terræ, occasione  
ſumpta, cum ſe graviter læſos conquererentur, unanimi conſpiratione  
facta, contra ipſum Rupertum Archiepiſcopum inſurrexerunt, & mul-  
tiplicata ſunt mala per totam Dioceſim Colonienſem, neque ceſſaverunt  
à tumultu, donec tandem & Pontificatu & vita privaretur Archiepiſco-  
pus Rupertus, poſt mortem Fratris Palatini, ut infra dicemus.

Nobiles &  
Vaſalli  
Colonien-  
ſis Eccleſiæ  
contra Do-  
minum  
ſuum.

Porro

Porro Fridericus Comes Palatinus Rheni Frater Archiepiscopi Ruperti pro laboribus suis & impensis, quas fecerat in memoratis occupationibus cunctis, Keyserverda oppidum, castrum, & telonium impignorata, pro certa summa pecuniarum, accepit cum omnibus proventibus eorum, quæ post annos aliquot Hermannus Archiepiscopus Ruperti successor immediatus data pecunia redemit Ecclesiæ.

Eodem Anno, cum insigne Monasterium Sanctorum Petri & Pauli Apostolorum in oppido Wissenburg Spirensis Diocesis nostri Ordinis, Sedi Apostolicæ immediatè subjectum, propter malum & inordinatum regimen Jacobi de Burg eo tempore Abbatis in ultimam devenisset paupertatem, essetque gravatum ære alieno plus quàm in viginti florenorum millibus, & omnia fermè bona vel impignorata, vel prorsus alienata, viverentque in eo sine lege Monachi, apposuit animum Fridericus Comes Palatinus, ut ad Regularis observantiæ tramitem reduceretur. Commissione igitur impetrata à Sede Apostolica vocavit ad se Eberhardum de Venlo Abbatem Montis Monachorum prope Bambergam, & Hermannum Abbatem Montis S. Jacobi prope Moguntiam, viros in Observantia strenuos, & longo usu exercitatos, quorum consilio negotium optatum perduxit ad effectum, licet cum magna difficultate, multisque laboribus & impensis. Cum enim prædictos duos Abbates cum alijs viris ac notabilibus suis à secretis, pro Reformatione dicti Monasterij misisset ad Wissenburg, senatu consentiente ac jurante, se manutenturum quidquid pro Monachorum Observantia fuisset inchoatum, stabat in ambone Judocus de Calba Concionator Heidelbergensis sacrae Theologiæ Professor insignis, Dei Verbum faciens ad populum, Commissarijs rei præsentibus. Et ecce tumultus in oppido sævientis populi oritur, in altum clamor extollitur, Monasterium armatis vinitoribus obsidetur. Clamabant omnes una sententia vociferantes: *Tollite Monachos istos ruricolos, qui nobiles viros de Cænobio suo expellere laborant. Occidantur pediculosi Nebriones, qui loca sibi vendicant aliena.* Ad clamorem tanti civium tumultus territi sunt omnes, qui venerant ad reformandum, & alij se in sacristiam recludentes absconderunt, alij verò in Monasterij locis, ubi poterant, latibula quæsierunt. Sedato tandem per senatum furentis populi tumultu, incæptum negotium perficiebatur, & sancta Reformatio Bursfeldianorum Observantiæ fuit introducta, Monachis antiquis deformatis à facie Regularis Disciplinæ fugientibus, & novis bene reformatis ex Monasterio S. Jacobi prope Moguntiam in locum eorum repositis.

Anno prænotato, undecima die mensis Augusti, obiit Joannes de Hagen Abbas Monasterij Bursfeldensis in Observantia Regulari secundus, vir per omnia Religiosus, ac timens Deum, qui suo tempore plura Ordinis nostri Monasteria reformavit. Huic in Abbacia successit Theodoricus, & strenuè præfuit annis xvi.

Eodem anno in mense Augusto, reformatum fuit Monasterium sancti Martini in Spanheim Ordinis nostri, ex Monasterio S. Jacobi prope Moguntiam, opera & impensis Friderici Comitæ Palatini, Bavaricæque Ducis, ac Principis Electoris, & alterius Friderici Ducis, qui morabatur apud Cynonotos in oppido Simeren, consensu & permissione Adolphi Archiepiscopi Moguntini, per Conradum Rotenburgium S. Joannis in

Monasterium nostri Ordinis in Wissenburg reformatum à Palatino.

Commissarij Apostolici pro Reformatione ad Wissenburg veniunt.

Cives Wissenburgenses contra Reformatores insurgunt.

Monasterium S. Martini in Spanheim reformatum hoc anno.



Ringaugia, & S. Jacobi prope Moguntiam Monasteriorum Ordinis noſtri memorandos Abbates. In qua Reformatione Otho de Colonia tunc Abbas, Officium reſignavit, & Præpoſitus Monialium factus eſt in Monte S. Ruperti. Huic in Abbatia ſucceſſit Joannes de Colenhufen Monachus S. Jacobi Moguntia, & præfuit annis tredecim, menſibus undecim & tribus diebus, in magna paupertate, vir doctus & optimus, qui poſtea translatus fuit ad Selgenſtat.

Castrum  
Bugsberg  
Latronum  
& Prædo-  
num lati-  
bulum ob-  
ſidetur.

Anno item prænotato, Adolphus Archiepiſcopus Moguntinus, Rudolphus Epicoſopus Herbipolenſis, & Fridericus Comes Palatinus Rheni, Baviaræque Dux Tutor Philippi, auxilio Civium Regni contractis copijs Caſtrum Georgij, Arnoldi, & Michaelis de Roſenberg nomine Bugsberg, obſidione cinxerunt, in quo ſeſe latrones viarum, atque prædones ſceleratiſſimi recipere ſolebant, qui prope ſalutis immemores, Imperialiūque mandatorum contemptores, & Pacis Regni communis impij turbatores, non ſolum bonis quolibet ſpoliaverunt itinerantes, ſed & prius inaudita ſcelera in Sacerdotes Domini commiſerunt. Amputatis namque virilibus Miniſtros Eccleſiæ ſacrilegis manibus caſtraverunt, ex quibus nonnulli doloribus nimium urgentibus moriebantur. Poſt hæc quædam instrumenta ferrea ſeris occultiſſimè clauſa excogitaverunt, quibus reſticulos tam Clericorum quàm Laicorum comprimentes, cū nemo ſeras aperire poſſet niſi ipſi, venire miſeros quocunque juiſſent, compellebant. Hæc & his ſimilia plura facientes mala nomen infamiæ ſibi perpetuum contraxerunt, quod non dubiæ apud inferos vindictæ ſemper manebit obnoxium, quia non ſolum graviter in his peccaverunt, ſed etiam alijs prævæ actionis præbuerunt exemplum. Si peccatum non dimittitur, niſi ablatum reſtituatur, quis dubitaverit raptores atque latrones iſtos perpetuæ damnationi non obnoxios fore, qui omnia quæ poſſunt injuſtè diripiunt, nunquam reſtituunt, & ſic moriuntur. Obſidione autem firmata in anno ſequenti, Caſtellum per dictos Principes durè ſatis impugnatur, & poſtremo expugnatum capitur, in quo ſexaginta fuerunt Nobiles pro ejus deſenſione congregati, qui omnes fuga lapſi ſunt. Duraverat memorata obſidio diebus uno & viginti, in quibus obſeſſores caſtrum bombardis & machinis ſine intermiſſione fortiter quaſſare non ceſſarunt. Quod captum illis de Roſenberg ſub certis conditionibus poſtea fuit reſtitutum. Acta fuerunt hæc anno ſequenti in quinta Feria Cœnæ Domini. Inde moventes exercitum, Schupf Caſtellum quoddam ſatis munitum, octo diebus obſidentes, tandem in octava Reſurrectionis Domini funditus deſolârunt.

Schupf lati-  
bulum præ-  
donum de-  
ſtruitur.

Imperator  
Fridericus  
Romam  
proficiſci-  
tur.

Anno etiam præſignato, Fridericus Imperator tertius cauſâ devotionis Romam cum decenti Comitiva profeſtus eſt, & cum ſingulari, magnoque honore à Paulo Papa ſecundo, & Civibus Romanis ſuſcipitur. Agebat Imperator apud Pontificem, ut commune Chriſtianorum bellum indiceretur Georgio hæretico atque ſchiſmatico, qui ſe Bohemiæ Regem gerebat: quo ſuperato deinceps expeditio in Turcos ordinari poſſet ſecurior, petivitque, ut Benedicſtione Apoſtolica Matthias Ungariæ Rex tam in Turcos, quàm Bohemos expeditionis utriuſque Capitaneus ordinaretur. Inſuper monebat Papam, ut venire in Germaniam dignaretur, aſſerens quod perſonali præſentia ſua omnem totius Regni militiam facile moveret

veret in expeditionem contra Turcos. Sed persuaderi Pontifex non potuit, ut Italia dimissa in Germaniam proficisceretur, & sic nihil in Turcos actum fuit.

Imperator cum Pontifice de S. Joanne Lateranensi rediens versus sanctum Petrum ex mole Adriani substitit, & milites Auratos in ponte aliquot creavit. Inde ad Palatium ambo reversi cibum simul acceperunt. Nec diu postea Cæsar ipse Româ digressus res per Italiam & Longobardiam distortas ubique gloriose composuit, & in Germaniam ocius remeavit.

Imperator  
Milites Ro-  
mæ creavit

Eodem anno quidam Nobilis nomine Conradus de Kauffung à Duce Saxonum patria proscriptus & rebus, cum se vindicare quovis modo cogitaret, audax facinus non metuit attentare. Nam veniens nocte quadam ad munitissimum Castellum nomine Alciburgum, scalis artificiosè constructis per muros ascendit, cameramque, in qua tunc Albertus & Ernestus uterini Fratres Adolescentes filij Ducis Saxonie dormiebant, per fenestram intravit: dormientes pueros Pædagogi auxilio cepit, cautèque funibus demissos per murum vendendos in Bohemiam abducere cum eorum Pædagogo tentavit. Mane factò cum introgressi Puerorum custodes eos non reperissent, suo clamore populum omnem ad persecutionem furis concitaverunt. Jam sylvam intraverat Herciniam Conradus, quæ Bohemiam à Saxonia dividit, in qua omnino se putabat securum, apud Carbonarium quendam reficiendi gratiâ deponens captivos Principes, maximè intuitu Junioris, quem & longioris itineris fatigatio vexabat, non minus, quàm jejunium. Interim dum Carbonarium vicinam transmittit ad villam, ut emeret esurientibus escas, supervenerunt cum impetu Saxones, & fugato timore Conrado una cum socijs, nobilem prædam in locum suum reduxerunt.

Albertus &  
Ernestus  
filij Ducis  
Saxonum  
noctu  
abducti,

Saxones  
filios Ducis  
sui cum tri-  
pudio re-  
duxerunt.

Anno prænotato, Eduardus Rex Anglorum, socer Caroli Ducis Burgundie, consilio & auxilio Regis Gallorum Ludovici undecimi, doloque Procerum suorum à Regno suo dejicitur, & Henricus eodem Regno antea pulsus in locum ejus restituitur. Qui restitutus mox suadente auxiliūque promittente Gallo, bellum indicit Burgundo, ad quem Eduardus Rex pulsus confugerat. Unde vehementer commotus in iram Dux Carolus, exercitum ducentorum millium peditum, ac decem & octo equitum millium, cum Eduardo misit in Angliam contra Henricum: quorum fortitudine confortatus Eduardus Regnum suum in brevi recuperavit, & adversariorum plurimos occidit. Deinde confirmatus in Regno Eduardus Henricum cepit, & in dolio malvatici vini extinxit, multosque Procerum cum illo sentientes interfecit.

Eduardus  
Anglorum  
Rex ab  
Henrico à  
Regno de-  
pellitur.

#### MCCCCLXX.

Anno Bernardi Abbatis decimo, Indictione Romanorum tertia, apud sanctum Petrum in Erphurdia, quinta decima die mensis Maij, celebratum fuit vicesimum Ordinis nostri Provinciale Capitulum: in quo præfederunt Guntherus ejusdem loci, Melchior S. Udalrici Augustensis, Sebaldus S. Ægidij in Nurenberg. & Paulus Beatæ Mariæ semper Virginis in Elchingen, Monasteriorum Abbates.

Capitulum  
Ordinis  
nostri Pro-  
vinciale vi-  
cesimum  
celebratur,

Eodem anno Cives oppidi Wissenburgensis, qui anno transacto in verba & sententiam Palatini juraverant, quod Abbatem Henricum &  
Monachos

Monachi  
Wissenbur-  
genſes re-  
formati, à  
Civibus ex-  
pelluntur.

Monachos de obſervantia ad Monasterium ibidem laudabiliter introdu-  
ctos, ut ſupra diximus, fideliter deberent, velléntque fovere, manuteneré,  
& contra inſultus deſormatorum antiquorum & expulſorum defendere:  
mutato conſilio, & immemores Juramentorum, deſormatos Monachos  
antiquos iudicio Apoſtolico ut inutiles & votorum ſuorum tranſgreſſores,  
per Palatinum Comitem expulſos, in habitu muliebri nocturno tempore  
ad oppidum intromittunt, & expulſis reformatis, ad Cœnobium iterum  
reponunt. Wiricum dictum Hoffart manifeſtum Palatini Comitis ho-  
ſtem, & alios inimicos ejus ſoventes, in oppidum ſuſceperunt hoſpitio, &  
licet eorum eſſet protector, tamen ipſi non ſatis fideliter in illum reſpi-  
ciebant. Præſectum quóque ſeu Vicetenentem ipſius Palatini captum &  
ſpoliatum, contumelijs & injurijs plurimis affecerunt, & alia contra eum  
nonnulla ferebantur commiſiſſe delicta, quibus iram ejus, non gratiam  
meruerunt.

Wiffen-  
burg oppi-  
dum obſi-  
detur à Co-  
mite Pala-  
tino Friderico.

Unde commotus animo Palatinus, oppidum Wiſſenbourg in manu  
ſuorum valida obſedit, & locatis in deſerta Præpoſitura 4. turrium militi-  
bus, totam ferè hyemem urbem fortiter impugnavit. Tandem Argenti-  
nenſes, & quidam alij Cives Regni vicinioreſ, inter Comitem Palatinum,  
& Wiſſenburgenſes pro pace laboraverunt, quorum interventu concordia  
ſub certis fuit conditionibus reſormata, & ſoluta obſidio.

Veruntamen Wiſſenburgenſes in conſeſſione pacis acceptæ non diu  
permaſerunt, ſed litteris & Nuntijs ad Imperatorem miſſis, qui tum erat  
in Aultria, Comitem Palatinum deſtructorem Regni & perſecutorem  
civium ejus proclamârunt. Cujus ut inſolentiam & tyrannidem poſſent  
reprimere, Cæſari ſupplicabant, quatenus Regni Capitaneum, & Cæſa-  
reæ Majeſtatis Vicarium per Alſatiam & circumjacentes Regiones conſti-  
tueret cum plena poteſtate bellandi contra ipſum Palatinum Fridericum.  
auxilio Civitatum, Ludovicum Comitem Palatinum Baviariæque Ducem  
cognomento Nigrum, Patrem Ducis Alexandri, qui morabatur in Ge-  
mino ponte, vulgariter Zveibucken; conſenſit petitionibus eorum  
Fridericus Imperator, conſtituitque Ducem Ludovicum Regni Capita-  
neum. Quod mox ut Friderico Palatino Comiti ſupradicto innotuit,  
ſuorum non parvum exercitum & quaſi leo rugiens ad prædam contra  
Ducem Ludovicum proceſſit ad prælium. Sed Ludovicus Dux ad ejus ve-  
nire congreſſum non audebat. Palatinus igitur Comes Fridericus terram  
Ducis Ludovici cum potentia ingreſſus, multas brevi tempore munitiones  
illius obtinuit. Et imprimis obſedit Stralburg Caſtrum, & Schriesheim,  
& in octo diebus utrúmque obtinuit, & præda oppidanis dimiſſa, Nobiles  
& præſidium Ducis Ludovici captivos abduxit. Ex peditibus verò ſede-  
cim in oppido & Caſtello inventis fecit ſubmergi. Inde movens exer-  
citus Armsheim oppidum Ducis memorati obſedit, quod bombardis,  
& machinis fortiter impugnans, tandem in die Commemorationis S. Pauli  
cepit, & obtinuit. Non erat ei mos vel conſuetudo pauperum exurendi  
domicilia, ſed pecunia redempta, prout unus quiſque ſolvere poterat,  
intacta relinquebat. In oppido jam dicto Nobiles reperit 18. Equites verò  
42. quos omnes captivos fecit abduci. Pedites autem reperit 40. quos ad  
oppidum Alzen proximum tranſmiſit captivos, deinde turres & muros  
per gyrum oppidi funditus deſtruxit, & foſſatum ſolo adæquavit. Quadra-  
ginta

Schries-  
heim oppi-  
dum cum  
Caſtello à  
Palatino  
capitur.

Armsheim  
à Palatino  
capitur.



ginta verò pedites, quos in Alzen diximus fuisse deductos, quasi omnes fecit submergi; habebat enim quasi pro lege consuetudinem, ut comprehensum neminem sineret vivum, qui ex ejus dominio ad hostes spontanea voluntate defecisset. Post hæc movit exercitum ad Wachenheim, & oppido proximè supereminens in monte Castellum situ & arte munitum, obsedit impugnavit & cepit, quod aliquandiu in locum præsidij tenuit, sed posteaquam & oppidum cepit, ipsum Castellum, ut hodie cernitur, funditus destruxit. In eodem Castello magnum reperit apparatus bombardarum. Capto autem castro mox oppidum Wachenheim obsidione vallavit, quod tamen illa vice non obtinuit. Enimverò cùm audisset Duce[m] Ludovicum & Regni Capitaneum adjunctis sibi Comitibus de Bitsch & Liningen cum magno pugnatorum exercitu per Alsatiā venire in terram Palatinatūs, animo & intentione ut omnia desolaret, obsidione soluta, machinisque bellicis in Didesheim oppido Ecclesiæ Spirensis transpositis, cum exercitu obviam hostibus venit. Ludovicus autem cognito Palatini adventu tum retrocessit, nec stare coram eo se posse confidit, novit enim vires Palatini expertus.

Castrum  
Wachen-  
heim à Pa-  
latino capi-  
tur.

Post hæc memoratus Comes Palatinus munitissimum Castrum Ruprechtseck obsidione cingens, bombardis & machinis fortiter impugnavit, quod subfossū tandem violenter obtinuit, in quo multam provisionem ad victum necessariam reperit, arma quoque, machinas bellicas, equos, & supellectilem variā invenit. Viros etiam militares, quos nobiles vocant, cepit numero 13. inter quos fuerant præcipui Reinhardus Comes Hirsutus, qui vulgariter Ruchgraff dicebatur, & Joannes de Landeck Capitaneus, Equites non nobiles cepit numero 46. & nonnullos pedites.

Ruprecht-  
seck Ca-  
strum à  
Palatino  
capitur.

Interea dum hæc fierent per Comitem Palatinum, nebulones quidam armati, quos Dux Ludovicus in oppido Wachenheim ad custodiam contra Palatinum posuerat, in vigilia Assumptionis B. Mariæ semper Virginis, eruptione facta Monasterium vicinū Limburg nostri Ordinis turmatim intrarunt, & fractis violenter januis Cœnobij omnibus, quidquid præter libros & Sanctorum Reliquias invenire poterant, rapientes ad oppidum reversi sunt.

Anno etiam prænotato Mahumetes Turcorum Imperator cum classe 400. navium & exercitu centum millium pugnatorum Euboeam Insulam Christianorum præclarissimā invasit, & impugnavit, quam tricesima tandem die obtinuit, & multa fidelium millia crudelissimè interemit.

Turcus Cal-  
cedonem in  
Eubœa sub-  
vertit.

#### MCCCCXXI.

Anno Bernardi Abbatis undecimo, Indictione Romanorum IV. Fredericus Comes Palatinus exercitum 14000. pugnatorum in propria persona duxit contra Ludovicum Ducem Nigrum Regni Capitaneum, & imprimis oppidum ejus Wachenheim quod obsederat anno transacto ante hyemem sicuti diximus, iterum obsedit, in vindictam maximè, quod Cœnobium Limpurg ex eo spoliaverunt. Obsidione igitur firmata Palatinus oppidum bombardis & machinis fortiter impugnans, tandem in die S. Bonifacii Archiepiscopi & Martyris obtinuit. In quo cepit ex nobilioribus viros octo, Equites inferioris ordinis triginta quinque, Pedites verò septuaginta, quorum quinquaginta quatuor fecit submergi in aquam, propterea quod pauperes rusticos interfecerant, domos succen-

Wachen-  
heim à Pa-  
latino capi-  
tur.

O o o

derant,

derant, Eccleſias & Monafterium Limpurgenſe ſpoliarant. Reddidit malefactoribus vicem dictante Juſtitia: & ceteros abduxit captivos. Deinde muros & turres oppidi omnes ſubvertit, & foſſatum per circuitum ſolo adæquavit, bombardas & machinas ſibi ſervavit.

Bochen-  
heim ambæ  
Villæ à Pa-  
latino ca-  
ptæ deſtru-  
untur.

Poſthæc movit exercitum in Bochenheim Villas majorem & minorem, utrâmq; foſſatis & propugnaculis bene munitam, quæ pertinebant Comitibus de Liningen, ambasque obſidione cepit, foſſata complanavit, & propugnacula deſtruxit. In his reperit Nobiles quatuor, Equites quindecim, & pedites viginti, ex quibus nonnullos in aquam fecit ſubmergi. Ex Nobilibus autem, prius quàm villæ caperentur, nonnulli fuga lapſi noctis beneficio evaſerunt. Villas juſſit incendio cremari, ac funditus deſtrui. Facta ſunt hæc anno Dominicæ Nativitatis prænotato, quarta decima die menſis Junij ut ſupra.

Ulmen op-  
pidum ob-  
ſidetur à  
Palatino.

Inde movens exercitum Palatinus Ulmen oppidum cum Arce, obſidione vallavit; quod impignorum pro certa ſumma pecuniarum ab Eccleſia Moguntina Dux Ludovicus tenebat, ex quo plura Palatino intulerat damna. Obſidione firmata, Canonici memoratæ Eccleſiæ præcogitantes, quod futurum forſitan eſſe videbant, quoniam ſi oppidum & Caſtellum in virtute bellica ſemel in manus perveniſſet Palatini, ad Jus Eccleſiæ deinceps minimè poſſet revocari, talem cum eo iniere concordiam.

Sub Condi-  
tionibus  
his ſolvitur  
obſidio.

Conditio prima Concordiæ fuit: *Ut Palatinus Nobiles, Equites & alios, qui ex parte Ludovici erant, in oppido, vel in Arce, ſine læſione cum rebus ſuis omnibus, quò vellent, ſalvos abire ſineret.*

Secunda  
Conditio.

Secunda Conditio iſta fuit: *Quod Canonici Eccleſiæ Moguntina Caſtrum cum oppido ad manus ſuas reciperent & poſſiderent; ita tamen, quòd Ludovicum Ducem vel ſuos perpetuò deinceps non intromitterent.*

Tertia Con-  
ditio.

Tertia fuit Conditio Pacis: *Quod Canonici Moguntinenſes Palatino Comiti perſolverent quatuor millia florenorum pro habitis expenſis, & quòd nullus perpetuò ſoveri ſeu teneri debeat in eodem oppido, qui damnum velit inferre Palatino.* His factis atque conſiſis in die S. Jacobi Apoſtoli anno præſcripto, ſoluta fuit obſidio.

Lamsheim  
obſidetur à  
Palatino.

Exinde Comes Palatinus Lamsheim ſitu, muris, propugnaculis, foſſatis, agris & milite ſatis munitum obſedit: in quo illo tempore fuerunt viri nobiles quatuor & triginta cum Equitibus, Pedites verò ex conjuratis Helvetiorum mercede conductis, plus quàm trecenti. Obſidione autem firmatâ, oppidum ab hoſtibus fortiffimè impugnabatur: quòd videntes Helvetij pedites, qui Palatini vires jam prius fuerant experti, de ſua cæperunt timere ſalute. Igitur conſilio inter ſe habito licentiam & ſecuritatem abeundi à Palatino Comite poſtulantes, obtinuerunt, oppidum ſine custodia dimittentes, ſub ea tamen conditione, quòd illa durante contentione inter ipſum & Ducem, ſe amplius bello non intromittant. Poſt quorum reſeſſum Palatinus oppidum fortitudine & deſenſione nudatum in ſuam poteſtatem accepit. In quo reperit Philippum Luſſer, ex Didesheim Capitaneum Ducis Ludovici cum alijs Nobilibus quindecim, Equitibus uno & triginta; Peditibus verò quatuor & viginti, quos quidem pedites in foſſato fecit ſubmergi. Oppidani autem in verba Palatini

Palatini jurantes salvi corpore, rebusque manserunt Facta sunt hæc quarta die mensis Augusti, quæ fuit Dominica post Vincula Petri.

His peractis Comes Palatinus obsedit Durckheim oppidum Comitatus de Liningen præcipuum. Pro cujus munitione Comites ipsi per annos viginti antea defudantes, neque laboribus neque impensis pepercerunt, quod muris, fossatis, turribus & propugnaculis fortissimum reddiderunt. Sed quid destruere manus hominum nequeunt, quod construere potuerunt? Comes enim Palatinus in vicino Monialium nostri Ordinis Cœnobio Sebach personaliter constitutus oppidum fortissimè impugnabat, & varijs capere modis annisus est. Hi autem, qui erant in oppido, viriliter incursantibus restiterunt, & hostium plures astu & ingenio peremerunt. Postremò tamen octava decima die mensis Augusti, quæ fuit Festo S. Martyris Agapiti solemnis, oppidum à Palatino capitur, muri, turres, cum Arce destruuntur, & fossatum in gyro complanatur, sicuti hodie videtur. Uxor tunc Emichonis Comitis ex Duroburgo veniens ad Palatinum precibus obtinuit sibi donari Durckheim, & ipsum Castellum Hartenburg, propterea quod esset ei adscripta in dotem, alioquin dubium non est, quo minus utrumque funditus ab illo fuisset eversum & destructum. Reperit autem Comes Palatinus in memorato oppido Durckheim Philippum & Dietherum Comites de Liningen, Petrum Comitem quendam Gallicanum, Nobiles quatuor & viginti, Equites centum sex, Pedites conductos stipendio quadraginta, oppidanos unum & quinquaginta, rusticos ex diversis locis Comitatus de Liningen pro defensione intro vocatos septuaginta, quos omnes captivos pro pecunia postea libertati donavit.

Durckheim  
oppidum à  
Palatino  
capitur.

In ea expugnatione Durckheimensi de exercitu Palatini ceciderunt occisi ducenti viri, inter quos plures fuerunt Nobiles atque potentes. Ex parte verò Comitum de Liningen octoginta novem interierunt; absconderant enim Durckheimenses in fossato vel circa foveam terra subtiliter opertam, in cujus fundo palos fixerant acutos: cùmque Palatini milites cum impetu ad muros vellent irrumpere, subito in foveam ceciderunt occultam. At illi quibus talis negotij fuerat commissa industria, præparatis antea pulveribus ignem submiserunt in foveam, & lapsos in eam cunctos necaverunt. Meliores inter suos Nobilitares Palatinus ibidem amisit.

Nobiles  
multi Pala-  
tini ante  
oppidum  
Durckheim  
cecidērunt

Post hæc Palatinus movit exercitum contra Ducem Ludovicum, obseditque Sobernheim oppidum Ecclesiæ Moguntinæ, ipsi Ludovico, ut supra diximus ab Adolpho Archiepiscopo pro certa summa pecuniarum impignoratum. Oppidani non habentes à Duce Ludovico defensionis aliquod subsidium, cùm tantæ multitudini nequaquam possent resistere, in manus se obsidentis Palatini cum oppido tradiderunt, anno prænotato in die sancti Bartholomæi Apostoli, & ita salvi manserunt sub Palatinatu usque in præsens.

Sobern-  
heim oppi-  
dum.

A Sobernheim movit exercitum ad Monzegen oppidum, quod brevi cum Merzheim & Nusbaum villis munitis, in suam potestatem accepit: quæ similiter fuerunt Juris Ecclesiæ Moguntinæ, sitæ in Comitatu Spanheimensi, emptæ quondam cum alijs supra & infra notatis, per Wernerum Archiepiscopum ab uno Comite de Spanheim Henrico.

Monzegen  
oppidum.



Bickelnheim.

Caſtellum poſt hæc Bickelnheim & utrâmq̃ue ejusdem nominis Villam obſedit, expugnâvit, & cepit. Erat in ipſo Caſtello ex parte Ludovici Ducis Capitaneus ſeu vicem tenens homo quidam patria Ringaugienſis nomine Conradus Schlarpp ex Giſenheim oriundus, qui caſtrum ſuſceperat cuſtodiendum. Verum poſteaquam Ducis ſui auxilium implo- raſſet, exſpectaſſetque aliquandiu, & nullum penitus adveniret, Caſtrum in manus Palatini tradidit, & ipſe cum his quos ſecum habuit peditibus, quò vellet liber abire permiſſus eſt.

Landsperg & Moſchelen, à Palatino capi- untur.

His geſtis Palatinus Comes à Bickelnheim movens exercitum vigeſima ſexta die menſis Auguſti, quæ FERIA erat ſecunda poſt Feſtum S. Bartholomæi Apoſtoli, Caſtellum Landsperg & vicum Moſchelen cum arce obſedit, & fortiter ſatis impugnare cæpit. Tunc primum Dux Ludovicus videns quod deſolatus eſſet ab omnibus, neminẽmq̃ue haberet auxilian- tem, & quia ſuis viribus Palatino nequaquam poſſet reſiſtere, poſteaquam plura jam oppida & caſtella perdidiffet, ſuorum uſus conſilio Procerum veniam rurfus ab eo poſtulavit.

Concordia inter Palatium & Ducem Ludovicum facta.

Anno igitur Dominicæ Nativitatis prænotato facta eſt inter Fridericum Comitem Palatinum, & Ducem Ludovicum tertia concordia, & ſecunda die menſis Septembris Heidelbergæ concluſa, ſcripta & ſigillo- rum munimentis confirmata. In ea Concordia fuit concluſum, quod omnia oppida & Caſtella, quæ Palatinus Cõmes toto diſſenſionis eorum tempore de manibus Ludovici Ducis obtinuerat, perpetuò deinceps ad Dominium Palatinatus debeant pertinere, ſine impedimento cujuſcũ- que, ſicut & hodie pertinent: quorum iſta ſunt nomina.

Nomina oppidorum quæ amiſit Ludovicus.

In Comitatu Spanheimenſi Sobernheim oppidum, Monzegen oppi- dum, Bickelnheim caſtrum & duæ villæ, Merzheim villa, Nusbaum villa, Bois villa, cum alijs pertinentibus ad prædicta: quæ omnia Dux Ludovicus ab Eccleſia Moguntina, ut ſupra dictum eſt, ab Adolpho Ar- chiepifcopo contra Dietherum ſuſceperat impignorata, & olim pertine- bant ad Comitatum Spanheimenſem jam dictum. In Strata montenſi caſtrum & oppidum Schriesheim, in Gavio majori Armsheim oppidum, Gaubickelnheim oppidum, Waldertheim oppidum cum viculis quibuſ- dam & villis eorum. In Gavio Wangionum oppidum & caſtrum de Wachenheim. Lamsheim quòque oppidum & Ruprechtſeck caſtrum cum alijs. Ulmenam nihilominus oppidum & caſtrum Dux Ludovicus perdidit, quamvis in Dominium Eccleſiæ Moguntinæ, & non Comitæ Palatini, ut diximus, pervenerit.

Concordia præſcripta non placuit omnibus.

Non placuit Romano Imperatori Friderico iſta concordia, qui ad- verſus Comitem Palatinum multiplices ob cauſas animum gerebat indi- gnabundum. Dux autem Ludovicus jam tertio non ſine maximo Princi- patus ſui detrimento expertus iram Leonis, Imperatorem ipſum jam deinceps maluiſſet habere adverſarium, quàm ejus mandato rurfus Comi- tem impugnare Palatii: cæteri quoque in circuitu Principes penè omnes magno cum periculo rerum ſuarum experti, quid vires poſſent memorati Comitæ Palatini, contra eum pedem movere amplius non audebant, quia incubuit timor ejus ſuper eos vehementer.

Monachi Obſervan- tiæ Bursfel- denſis redu- citi ad Weiſ- ſenburg.

His ritè peractis, idem Comes Palatinus Weiſſenburgenſes cunctorum jam deſtitutos auxilio monuit, quatenus Monachos de Obſervantia Burs- feldenſi,

feldensi, remotis & expulsis deformatis antiquis, quantocius reciperent, aut bellum & obsidionem denuo experirentur. At illi consilio inter se habito, satius judicabant. Monachos reformatos intromittere; quam propter antiquos deformatos, vitæ & rerum suarum extremum periculum subire. Expulsis ergo Monachis antiquis deformatis, expulsi prius reformati ad locum revocati & introducti sunt, manéntque reformati usque in præsentem diem.

Eodem anno vicesima tertia die mensis Octobris, sæpedictus Comes Palatinus confœderatione prius facta cum Nicolao Duce Lotharingiæ, coadunato pugnatorum exercitu, oppidum Maurimonsasterium & Castellum vicinum Geroldseck, in quibus prædones & inimici prænominati Ducis Lotharingiæ sua receptacula consueverant habere, obsedit, impugnavit, & cepit, murosque per gyrum & fossata destruxit, latronibus nocturna fuga salutem quærentibus.

Maurimons-  
ster à Pala-  
tino capi-  
tur.

Rursus eodem anno mense Decembri memoratus Princeps duo prædonum Castella, quorum alterum dicebatur Dortzbach, alterum verò Waltbach, in pago quem Odenwald vulgò nuncupamus, obsedit: quorum primum septima decima die mensis Decembris obtinuit, secundum verò die sequenti. Latronum in Castellis ipsis tunc existentium alij fuerunt occisi, alij verò capti, cæteri autem fuga lapsi manus persequentis evaserunt, ne & ipsi caperentur.

Dortzbach  
& Walt-  
bach habi-  
tacula præ-  
donum  
capiuntur,

Anno prænotato vicesima octava die mensis Augusti hora ferme noctis secunda, Paulus Papa secundus apoplexiâ tactus in cubiculo solus moritur, anno Pontificatus sui sexto, mense decimo. Post quem Cardinales eodem anno nona die mensis Augusti, Franciscum de Savona Ligurinum Ordinis S. Francisci Generalem quondam Ministrum, in Pontificem unanimiter elegerunt; qui Sixtus ejus nominis quartus fuit nuncupatus. Præfuit annis tredecim: vir ingenio profundus, doctrina clarus, vita & conversatione per omnia sincerus.

Sixtus fit  
Papa quar-  
tus annis  
XIII.

Eodem anno Fridericus Imperator tertius Conventum Principum Regni magnum habuit in Civitate Ratisbonensi, ubi inter alia multa varij habebantur tractatus de bello in Turcos movendo. Sed omnia terminabantur in verbis, cunctis quæ sua sunt quærentibus, non quæ Reipublicæ Jesu Christi.

### MCCCCLXXII.

Anno Bernardi Abbatis XII. Indictione Romanorum v. in mense Januario circa Festum S. Agnetis Virginis, & Martyris, apparuit Cometes in plaga Occidentali, nigro colore rutilans, major quantitate omnibus, quos in terra vidimus, duravitque octoginta diebus, & magnitudine sua mortalium tunc plures perterrituit.

Cometes.

Eodem anno Rupertus ex Comite Palatino Archiepiscopus Colonien- sis Germanus Friderici sapius dicti Principis, magnam suorum contra se displicentiam concitavit. Nam inter ipsum & Canonicos majoris Ecclesiæ, quorum Congregationem Capitulum nuncupant, magna contentione suborta, proventus eorum & census in vindictam rebellionis ubicunque potuit, extra Coloniam præoccupavit, & in usus proprios convertit. Hinc nimium commoti (& forsitan non immeritò) Canonici quidquid contra eum poterant agere, toto mentis studio consiliati sunt. Adhæse-

Inter Archi-  
episcopum  
& Capitu-  
lum suum  
Colonien-  
sis discessio.

Erardus  
Bock, Fri-  
dericus  
Schouff, Ba-  
ſilius Tra-  
ditor.

Novesij  
tres ut Tra-  
ditores ca-  
pite ple-  
ctunt.

Reinhardus  
Episcopus  
Wormatiensis  
prope Co-  
loniam  
capitur.

Diffau lati-  
bulum Præ-  
donum à  
Palatino  
destruitur.

runt eis Cives Colonienses, adhæserunt Bonnenses. Novesij quoque, & omne robur nobilitatis in patria, qui penè omnes unanimi consensu rebellârunt. Archiepiscopus autem ipse, cùm experimento rebellionem suorum didicisset, graviter tulit, & quomodo suam posset ulcisci contumeliam, sedulò cogitabat. Erant inter consultantes rebus Pontificijs nonnulli, quorum sententiam malè secutus Præsul, Novesium capere viribus cùm non posset, insidijs & dolo aggressus est. Dicebantur eo tempore subordinati fuisse tres viri, magnisque promissionibus conducti, videlicet Erardus Bock, Fridericus Schouff, & Basilius quidam, per eos quibus Archiepiscopus rerum commiserat summam, ut oppidum in manus ejus traderent per insidias; recesserant enim, sicut jam diximus, Novesij ab obedientia Archiepiscopi.

Verùm Basilius aquam utròque sciens portare humero, & in una re bis traditor factus, à Novesijs accepta pecunia, socios suos jam dictos in eorum notitiam secretius tradit. Qui cùm navigio per flumen Rheni descendissent Novesium, accepto Cives à bis traditore signo, mox eos in littore capientes torturis examinârunt. Quid plura? Interrogati consilium aperiunt, cervicibusque amputatis, trunci quatuor in partes dividuntur. Hinc gravem commotus in iram Rupertus, necatis factam clamavit injuriam: asserens nec se, nec suos unquam de traditione Novesij qualecunque habuisse consilium. Mandavit ergo Novesijs & jurejurando denuntiari fecit, scirent, quod & illatam ab eis contumeliam, & innocentibus mortem, totis viribus, quo possit ingenio cogitaverit in proximo vindicare. Jam deinceps in apertam rebellionem conspirârunt.

Eodem anno Fridericus Comes Palatinus ubi tantam audivit inter Fratrem Archiepiscopum & Canonicos ejus Colonienses discordiam, misit ad Coloniam Reinhardum Episcopum Wormatiensem, cum alijs quibusdam à secretis, ut si quovis ingenio possent, concordiam inter eos reformarent. Missi ad Coloniam veniunt, causam adventus sui aperiunt. Sed pacem inter dissidentes facere nullatenus potuerunt. Abeuntes ergo sine pacis vel concordiae effectu tristes, cùm navigio pervenissent paulum supra villulam Rondekirchen, omnes capti, & nescio quorsum abducti; jam enim Palatinus odio habebatur non tantum à Capitulo, sed etiam à Civibus, & omnibus terræ Nobilibus, propterea quod Archiepiscopo adhæserit: cujus odij prima causa fuit violentia, quam fecerat his qui bona Ecclesiæ tenuerant impignorata, quando sine pecuniarum solutione occupavit omnia.

Anno prænotato, circa Festum S. Martini Episcopi, Palatinus Comes Fridericus missis exercitibus suis Castellum quoddam Diffau in Bohemico nemore situm, in quo Prædones latibula sua habere solebant, obsedit, cepit, ac funditus destruxit, latrones in eo repertos interfecit, & Dominum Castri ad Amberg misit captivum. Itaque superatis hostibus pacem bello comparavit, & ambulanti in Principatu suo, itinera purgavit.

Anno item prænotato, aquarum tanta inundatio resolutis nivibus irrupit, ut vallem Hirsaugianam ab utrâque parte operuerit. Capellam B. Mariæ semper Virginis prope Cluse totam implevit, & Altare majus suo incurſu cooperuit, multaque circum habitantibus pericula simul & damna intulit.

Eodem



Eodem anno Bernardus Abbas hujus Monasterij Hirsaugienſis Petrum inobedientem, & rebellem Præpoſitum in Roth depoſuit, reduſtūque Hirſaugiam carceribus mancipavit, quia non ſolum ad ejus regimen fuit inutilis, ſed etiam ſemetipſum pro ſua perſona, ſimul & ipſam Præpoſituram cum omnibus pertinentibus ad eam, ab obedientia & jurisdictione Abbatis, ac Monasterij Hirſaugienſis alienare tentavit, quibus tamen ſemper à prima fundatione ſua manſit ſubjecta.

His etiam temporibus Fratres Prioratūs S. Gregorij Papæ in Richenbach, Abbati & Monasterio Hirſaugienſibus immediatè ſubjecti, contra Abbatem Bernardum iterum temerè in ſuperbiam elati Priorem ſuo arbitrio inſtituere contendebant, quod eatenus nec jure poterant, nec conſuetudine. Unde Bernardus Abbas Jurium & Privilegiorum Monasterij ſui deſenſor acerrimus cauſam ad Ordinarium ſuum Episcopum Spirenſem detulit, Jus ſuum non ſolum litteris, verum etiam poſſeſſione ac præſcriptione manifeſta probavit. Quibus coram Episcopo declaratis, oſtenſis & probatis, talem ipſe Præſul ſententiam dedit, quod videlicet ſolius ſit Abbatis Hirſaugienſis pro tempore exiſtentis Priorem in Richenbach pro ſuo arbitrio inſtituere, quoties utile, vel neceſſarium judicaverit: cui Prior ipſe in omnibus teneatur obedire.

Inter Abbatem Hirſaugienſem & Fratres in Richenbach contentio,

#### MCCCCLXXIII.

Anno Bernardi Abbatis tertio decimo. Indiſtione Romanorum ſexta, Canonici majoris Eccleſiæ Colonienſis contra Rupertum Archiepiſcopum ſuum jam propter ſpolium à Sede Apoſtolica eorum ad inſtanciam excommunicatum, Hermannum ex Landgraſijs Haſſiorum Concanonicum ſuum Eccleſiæ B. Mariæ ſemper Virginis in Regali oppido ad Aqualgrani Præpoſitum in Gubernatorem & Adminiſtratorem Eccleſiæ ſuæ conſtituerunt. Qui erat vir non ſolum nobilitate præcipuus, ſed etiam prudentia, conſilio & actione præclarus, qui etiam Ruperto poſtea in Archiepiſcopatu ſucceſſit. De quo poſtea loco & tempore convenientibus latius dicemus. Huic mox Gubernatori factò Noveſij, Andernachij, Bunnani, & plerique alij deficientes à Ruperto fidelitatis Juraſenta præſtiterunt. Quorum ſuffultus auxilio non pauca brevi Caſtella Eccleſiæ obſedit, cepit, ſibiſque & Capitulo memorato potenter, nullòque reſiſtente ſubjecit.

Hermannus Haſſiæ Comes ſit Gubernator Eccleſiæ Colonienſis contra Rupertum,

Eodem anno in Dominica die ſecunda poſt Feſtum Reſurreſtionis noſtri Salvatoris, celebratum fuit Capitulum Ordinis noſtri Provinciale primum atque vicesimum Nürenbergæ apud S. Ægidium; in quo præfederunt venerabiles Patres Domini Abbates: Theodoricus in Bursfeldia, Guntherus in Erpfurdia, S. Ægidij in Nürenberga, & Joannes S. Crucis in Werdea, qui varia pro reformatione Ordinis ſtatuerunt.

Capitulum Ordinis noſtri Provinciale XXI. celebratum.

Hoc ipſo anno publicè dicebatur, quòd Carolus Burgundiæ Dux animum contra Ludovicum Gallorum Regem undecimum gerens inimicum, propter fractum Jusjurandum, & fidem fractam violatamque pacem, ſubordinaverit hominem quendam nomine Joannem, quem promiſſione mercedis quinquaginta millium florenorum conduxerit, ut Regem memoratum veneno ſecretius è medio tolleret. Qui veneficus induſtriæ coci regalis notatus traditus & captus, maleficæ mentis veneficium

Ducis Burgundi in Regem Gallorum excogitatio.

ficium confefſus in tortura, multitudine civium apud Pariſios inſpectante capite truncatus eſt. In cujus rei fidem paratum penes eum reperere venenum.

Fridericus  
Imperator  
cum Filio  
Maximilia-  
no venit  
Wilam.

Anno prænotato Fridericus Imperator tertius cum Filio ſuo Maximiliano venit ad Regale oppidum Wilam, quod in Suevia ſitum eſt in pago, qui Wiringovve nuncupatur: quem Bernardus Abbas hujus Monafterij Hirſaugienſis rogatus à Civibus cum Proceſſione Pontificalibus indurus ſolemni pompa ſuſcepit. A quo tunc precibus impetravit Mathildâ Ducisſâ Auſtriæ mediante Advocatiam villæ Burbach Monafterio incorporari, quam prius in feudum militares quidam de Brunen ſuſceptam ab Abbate Hirſaugienſi tenebant.

Æſtas anno præſcripto calida fuit, & ſicca in tantum, quod non pluerat ſuper terram à quarta die menſis Julij, uſque ad Feſtum S. Michaelis Archangeli, creverunt ergo vina illo anno matura valde, ſimul & optima.

Eodem anno Bernardus Abbas hujus Monafterij pro decore Domus Dei Baciolum paſtorales totum argenteum novum fieri fecit, & comparavit pretio centum & viginti quinque florenorum aureorum monetæ Rhenenſis. Caſulas quoque & varia ornamenta ſacerdotalia ſimul & Levitica pro miniſterio ſacri Altaris plura diſpoſuit, debita ſolvit, numerumque Fratrum notabiliter auxit.

Jacobus  
Rex Cypri  
moritur  
Civis Venet-  
us.

Anno prænotato moritur Jacobus Rex Cypri non ſine veneni ſuſpitione, unicum relinquens filium ex Veneta uxore: quo & ipſo extincto, Regnum Veneti occupârunt. Hujus uſurpationis juſ quale fuerit, faciemus manifeſtum. Cum olim Jacobus jam dictus poſt obitum Patris cum Fratre contenderet de Regno, & contra eum prævalere non poſſet, confugit ad Venetos, eorum petens auxilio reſtitui paternum in Regnum. Veneti morem ſecuti antiquum reſponderunt: *Eis non licere deſenſare bello vel ope peregrinum, niſi prius inter Venetos relatus eſſet ut Civis.* Conſenſit Cyprius Rex natus, Civis dici Venetus; nemo dubitet neceſſitate magna compulſus. Civis autem Venetus eſſe non potuit, niſi uxorem duceret, Cive genitam Veneto. Ecce quò trahit cupido Veneta Regem egenum! uxor itaque datur Venetijs nata popularis Filio Regis nomine ſuperbo, Filia S. Marci, ducentorum millium ducatorum ex ærario publico dos aſſignatur ſponſæ; celebrantur nuptiæ, & in Cyprum claffis præparatur.

Regnum  
Cypri quo  
jure inju-  
riofis ſibi  
uſurpave-  
runt Veneti.

Venetorum itaque providentia Jacobus Exul adjutus, urbanam Rex ducit uxorem, ex Filio Regis fit Civis Venetus, in Regnum profugus reſtituitur, Frater adverſarius vincitur, atque ſuperatur. Fuerunt qui non dubitaverint, omnia hæc providenter acta per Venetos, ut Regno Cypri tandem potirentur. Unde cum tempus conveniret actioni, primò ſublatus fuit ipſe Jacobus antidoto Marcianq, ſecundò Filius, tertio uxor patri eſt reſtituta, S. Marco Filia, quartò Veneti arte & ingenio Regnum ſunt conſecuti.

#### MCCCCXXIV.

Sacriſtia  
Hirſau-  
gient con-  
ſtruitur.

Anno Bernardi Abbatis XIV. Indictione Romanorum VII. hyems fuit dura, frigida, & nivibus continuata, & eodem anno Bernardus ipſe Abbas ſacriſtiam & bibliothecam deſuper à fundamentis conſtruxit, & debita

debita nihilominus multa persolvit: locum etiam Capitularem novum, ut hodie cernitur, juxta ambitum ædificavit.

Anno quoque eodem Fridericus Imperator III. in Civitate Trevirorum antiquissima Conventum solemnem Principum per menses ferme duos celebravit, & Sanctorum Reliquias plurimas precibus suis obtinuit à diversis, quas in Austriam deportavit. Magna enim fervebat devotione ad sacra Busta Sanctorum, & singulari ea studio undecunque potuit, colligebat.

Apud Tre-  
viros Con-  
ventus  
Principum.

Aderat ibidem inter alios Principes etiam Carolus Dux Burgundionum ultimus, qui mansionem in Monasterio S. Maximini Ordinis nostri extra Civitatem habebat, in quo magna usus pompa, divitiarum suarum & potentiae magnitudinem varijs novitatibus conabatur ostendere. Solus in mensa residebat, solus festinanter manducabat, & neminem secum, dignabatur in eadem tabula recumbere. Ministrantium tamen Nobilium astabat ingens multitudo, qui ut videri posset ab omnibus, ingrediendi Refectorium, in quo edere solebat, cunctis dabatur facultas. Invitabat aliquoties ad refectorem Fridericum Imperatorem, Joannem Archiepiscopum Trevirorum, Adolphum Archiepiscopum Moguntinum, Rupertum Archiepiscopum Colonensem, & quosdam Principes alios, quibus in eodem Refectorio Monachorum singulas mensas singulis jussit preparari.

Burgundus  
Dux Caro-  
lus Justitiæ  
Cultor sin-  
gularis.

Habebat secum Ministeriales ex Burgundia, & alijs Nationibus plures, quibus furtum, & rapinam sub poena mortis interdixerat, & si quis ei furtum, aut rapinam fecisse delatus fuisset, etiam in re minima, sine misericordia mox eum fecit suspendi. Hujus rei gratiâ, ne procul abesset supplicij furca delinquentibus, arborem nucum foris ante Monasterium S. Maximini, in quo degebat, in horto cujusdam pauperis pecunia comparavit; in quam suæ nationis malefactores quotquot delati vel accusati fuissent, suspendit. Unde & suis metum incussit, & laudem sibi Justitiæ apud omnes Mosellanos acquisivit. Nec frustra duodecim aureis nummis dictam arborem comparavit; in qua multi successivè, sicuti tunc vidimus, fuerunt suspensi pro varijs criminibus.

Obierat paulo ante Nicolaus Lotharingiæ Dux, qui titulo Regni Siciliae gaudebat, licet, ut hodie quoque, alius Regnum occuparit. Carolus igitur memoratus Burgundiæ Dux multis precibus, & varijs modis tam per se, quàm per alios apud Cæsarem Fridericum occultè laborabat, ut eum in Siciliae Regem sublimatum coronaret. Jam enim prius diadema, sceptrum, pilam, & reliqua omnia, quæ ad hujusmodi solemnitatem pertinent, fecerat parari, & erant in promptu, nec dubium erat in ejus animo, quin fieret quod volebat.

Regnum  
Siciliæ affe-  
ctabat Dux  
Burgundiæ  
Carolus.

Cæsar autem superbiam & arrogantiam hominis detestatus, quo petitionem ejus temerariam rationabili modo refelleret, negotium prudenter de die in diem protrahebat, quo usque tandem sibi videbatur abeundum. Dispositis ergo navibus, die quodam summo mane per Mosellam descendit, ad Confluentiam; & inde per Rhenum ascendit ad Moguntiam, ulteriusque ad alia Regni loca Germanici.

Regnum  
Siciliæ dare  
Carolo Im-  
perator re-  
cusabat.

Videns Carolus sua frustratum se petitione, atque delusum à Cæsare, doloit, sed iram dissimulans, mentem ad alia convertit. Ad instantiam

P p p

enim



enim Ruperti Archiepiscopi Colonienſis magnum pugnatorum contraxit exercitum, vindicaturus injurias de Capitulo, & ſubjectis rebellibus ei quomodolibet irrogatas. Conſtituit ergo Ducem Archiepiſcopus Advocatum, Defenſoremque ſuum, & totius Archiepiſcopatus contra quoslibet injuriantes, & præſertim adverſus Decanum Stephanum, & Capitulum Eccleſiæ majoris ſimul, & Hermannum de Haſſia Gubernatorem ſibi contrarium.

Carolus  
Burgundiæ  
Dux obſe-  
dit Nove-  
ſium oppi-  
dum.

Herman-  
nus Guber-  
nator Co-  
lonienſis  
deſenſat  
Novæſium.

Anno igitur Dominicæ Nativitatis prænotato, xxix. die menſis Auguſti, Carolus Dux Burgundiæ memoratus ad petitionem Ruperti ſæpe- dicti Archiepiſcopi Novæſium Colonienſis Eccleſiæ inſigne oppidum, propter cauſas ſuperius dictas in manu ſuorum valida obſedit, & per menſes x. & dies xxvii. fortiter ſæpius machinis & bombardis impugna- vit, ſed expugnare non potuit. Circumdederat oppidum per gyrum undique, & varijs modis introſilire tentavit, licet fruſtra id fecerit, conſu- mens infructuoſè omnes conatus ſuos, novercante ſibi fortuna non ſolum tunc, ſed etiam poſtea in omnibus, & clamante forſitan adverſus eum ſanguine Innocentium vindictam, quorum tot millia ut ſupradictum eſt, apud Leodium innocenter & ſine cauſa ſæviſſimâ crudelitate peremit. Novæſij autem Cives, etſi arctiſſima eſſent obſidione vallati, animis ta- men nequaquam fuerunt dejecti, ſed animante illos Hermannò Haſſiæ Comite Gubernatore Colonienſis Eccleſiæ, qui toto tempore obſidionis cum eis in oppido permanſit, fortiter reſtiterunt, & nec minis, nec tor- mentis poterant ſuperari. Arctabantur aliquoties inedia & penuria panis, in tantum videlicet, quòd edere carnes equinas fuerant compulſi. Concluſerat enim Dux omnes introitus & exitus viarum, tantâque obſer- vavit induſtria cuncta, ut neque per terram, neque per aquam in oppidum cuiquam pateret acceſſus.

Philippus  
Comes Pa-  
latinus  
Rheni ducit  
uxorem.

Eodem anno Philippus Comes Palatinus Rheni Bavariæque Dux, Ludovici Pij Principis Electoris quondam filius, uxorem duxit Margare- tham Ludovici Ducis cognomento Divitis filiam, ſororem Georgij Divi- tis: & in oppido Amberg nuptias in Dominica quinquageſimæ in ſolemni pompa celebravit, anno ætatis ſuæ xxvi. Ad regimen tamen Paterni Principatus, quamdiu Fridericus vixit Patruus, non pervenit. Supervixit autem poſt ejus conjugium Tutor ipſe Fridericus annis tribus.

Margaretha verò Philippi uxor peperit ei filios & filias ſubſequentes: Ludovicum primogenitum, qui Patri ſuccedens in Principatu hodie do- minatur. Philippum Friſingenſem Episcopum. Rupertum Ducem, qui habuit uxorem filiam Ducis Georgij Avunculi ſui, & obiit ante Patrem. Fridericum qui hodie ſine uxore Tutorem ſegerit filiorum Ruperti Fratris antedicti, Georgium Episcopum Spirenſem, Henricum Præpoſitum S. Albani Moguntiæ, Joannem Episcopum Ratisbonenſem, Wolffgan- gum Canonicum Herbipolenſem. Filiarum iſta ſunt nomina: Eliſabeth, primùm nupſit Landgraſio Haſſiæ Wilhelmo, quo ſine liberis mortuo data eſt in conjugium Badenſi Marchioni Philippo. Amalia & Helena, quarum altera nupſit Duci Meckelburgenſium, altera verò Duci Pome- ranorum & Stettinenſium. Catharina Monialis eſt noſtri Ordinis in Cœnobio Nünburg prope Heidelberg Wormatiienſis Diœceſis. Porro  
Barbara

Barbara cùm esset annorum xiv. virgo moritur, & Otho Henricus in pueritia sua obiit. Reliqui adhuc hodie vivunt omnes.

Anno etiam prænotato. Eberhardus Comes de Wirtemberg filius Ludovici, qui postea in Ducem fuit à Maximiliano Rege sublimatus, uxorem duxit nomine Barbaram, Marchionis Mantuæ filiam, & nuptias in oppido suo Stutgard solemni pompa celebravit. Liberos tamen de ea non habuit, præter unicam filiam, quæ in pueritia morte fuit sublata.

Eberhardus  
Comes de  
Wirten-  
berg ducit  
uxorem.

Eodem anno circa principium mensis Septembris, Cives quidam Mercatores Basileenses cum mercimonijs suis navigio descenderunt per Rhenum ad nundinas profecturi Franckfurdianas. Cùmque paululum præternavigassent oppidum Rhinavve, omnes cum rebus suis capti fuerunt per Dominos de Geroldseck, & in oppidum Schuttern ducti captivi. Habebant enim Domini memorati causam litis aliquam contra Basileenses. Argentineses autem Cives mox ut gestæ rei ordinem cognoverunt, contractis copijs cum bombardis & machinis, Schuttern obsederunt, impugnarunt, & ceperunt: dejectisque muris & turribus etiam fossatum terræ cœquârunt; & liberatos cum rebus eorum captivos, salvos & incolumes abire fecerunt; erant enim confederati cum Argentinesibus.

Cives qui-  
dam Basile-  
enses capi-  
untur à  
Dominis in  
Gerold-  
seck.

MCCCC LXXV.

Anno Bernardi Abbatis quintodecimo, Indictione Romanorum octava, Jubilæus, hoc est annus remissionis à Paulo Pontifice, prius per universum Orbem Christianum institutus, Romæ celebratur à Sixto Papa quarto, ubi multitudo populi convenit maxima ex omni Natione, quæ sub cœlo est. Memoratus enim Pontifex Paulus secundus, pensculans mortalium paucos ad eam pervenire posse ætatem, ut tempus Jubilæi annorum quinquaginta contingant, volensque devotioni Christianorum salubriter providere, constituit Jubilæum deinceps de anno vigesimo quinto in quintum atque vicesimum esse celebrandum.

Jubilæus  
Romæ  
celebratur  
à Sixto Pa-  
pa IV.

Eodem anno vicesima quinta die mensis Martij, Simon puer Tridentinus, à perfidis Judæis sanguinem Christianum avidè sitientibus occiditur. Super cujus tumulum Cives Tridentini insignem construxerunt Ecclesiam, in qua ferunt miracula fieri quotidie plura, ad invocationem dicti Simonis. Judæi autem sceleratissimi omnes, quotquot eorum criminis reostenebat conscientia, inculcati, capti, & per torturam examinati, confessi rei ordinem, combusti sunt, paucis exceptis, qui salutem fuga quæsierunt.

Simon puer  
Tridentinus  
à Judæis  
ibidem  
perimitur.

Anno prænotato, vicesima octava die mensis Junij, Carolus Burgundiæ Dux ad instantiam Imperatoris Friderici tertij castris incensis obsidionem Novesium solvit, & non sine detrimento suorum inde recessit. Venerat enim contra eum ad liberandum Novesium Imperator cum exercitu pugnatorum non parvo, tam à Principibus, quàm à Regni Civibus in unum destinato. Verùm Cæsar ut parceret sanguini Christiano, prius pacem consilio tentare, quàm armis maluit: egitque cum Burgundo bonis verbis, atque tandem persuasit, quòd obsidione soluta cum suis discessit.

Novesium  
obsidio sol-  
vitur à  
Carolo.

Eodem tempore Cæsar prudenti usus consilio, quo Dominium Familiæ dilataret Australis, pacemque firmaret connubio, Mariam Caroli Ducis sæpediti Burgundiæ unicam filiam, Maximiliano filio suo despon-

Maximilia-  
no Archidu-  
ci Austriæ,  
Maria Bur-  
gundiæ de-  
sponsatur.

Lotharingæ Ducatum Carolus Dux Burgundiæ obtinet.

savit uxorem, cum qua ditissimos, amplissimósque & plures obtinuit Principatus, videlicet Ducatum simul & Comitatum Burgundiæ, Ducatum Brabantiae, Ducatum Lymburgensem, & Ducatum Geldriae, Comitatum quoque Flandriae, Comitatum Palatinum Hannoniae, Seelandiae, Hollandiae, Namurci, & Zutphaniae, Dominatúmque Frisiae & Mechliniae. Genuit autem Maximilianus ex prædicta Maria Philippum Regem Castellae & Margaretham. Carolus autem Dux Burgundiæ Maximiliani socer obsidione Novesij soluta exercitum movit in Lotharingiam in primo mensis Decembris, anno prænotato, & fugato Duce Reinhardo, quem Renatum alij nuncupârunt, omnem Ducatum ejus in brevi obtinuit, & fidelitatis Juramentum, quod Homagium vocant, à cunctis terræ habitatoribus suscepit. Verùm non diu postea Reinhardus auxilio Conjuratorum Suitsium, Ducatum recuperavit amissum, quem ubi Carolus iterum bello repetere voluit, ab ipsis Conjuratis, sicuti dicemus, cum alijs occisus fuit.

Hermanus Hassiae Landgravius, quem sibi Canonici Ecclesiae Colonienfis à cunctis successit.

Anno igitur præscripto post Caroli Ducis à Novesio discessum, Hermannus Hassiae Landgravius, quem sibi Canonici Ecclesiae Colonienfis Gubernatorem contra Rupertum Archiepiscopum, sicut diximus, delegerant; reliqua oppida, castella, munitiones, & villas Ecclesiae omnes penè successivè obtinuit, & Ruperti Dominium brevi minoratum fuit. Omnes enim paulatim recesserunt ab eo præter paucissimos, qui tamen ejus miserabilem desolationem in nullo poterant relevare. Sic subitò cecidit Præsul iste Rupertus, qui genere, honore, & dignitate suis persecutoribus præstantior fuit.

Adolphus Archiepiscopus Moguntinus in Alta Villa moritur.

Eodem anno sexta die mensis Septembris, obiit Adolphus de Nassavv Archiepiscopus Moguntinus, in Castro Altae Villae, cujus Corpus in majori sepelitur Ecclesia Moguntina. Is cum lecto decumberet ægritudinis, jam prope moriturus, percunctantibus Canonicis, quem sibi designaret successorem, respondit: *Esse meum non sit, mihi denominare succedentem, tamen ex quo consilium meum requiritis, fideliter dicam, pro vestra utilitate quod sentio: Dietherus de Isenburg, qui ante me fuit Archiepiscopus, meliora quæque sibi per concordiam assignata pro suo statu detinet Ecclesiae bona, sicut notum est omnibus; nec dubium, quin & pecunias habeat multas, & non parva estimationis clenodia: consilio hunc meo iterum in Archiepiscopum eligit, & omnia quæ habet, cum eo ad Ecclesiam revertentur. Quod si neglexeritis, timendum est, quod in amicos & consanguineos ejus, quidquid habet pecuniarum aut clenodiorum, post mortem suam deveniat.*

Dietherus iterum fit Archiepiscopus Moguntinus annis VII.

Placuit jam morituri Pontificis consilium omnibus, & eo sepulture tradito Dietherum nil tale cogitantem denuo in Archiepiscopum concorditer elegerunt. Qui confirmatus per Sixtum Romanum Pontificem secundò jam deinceps præfuit annis sex & mensibus totidem, satis modeste, in multis Ecclesiae utilis, quamquam nec debita solverit omnia per eum & Adolphum contracta, nec oppida, castella, & emolumenta rede-merit impignorata. Inter alia quæ magnificè fecit, castrum in fine Civitatis Moguntinae lapideum totum à fundamento novum, atque pulcherrimum, sicut cernitur hodie, parum ante mortem suam construxit, quod arcem S. Martini nuncupavit. Est enim S. Martinus Ecclesiae Moguntinae Patronus. Construxerat prius in eodem loco jam bis Præsul factus Arcem ligneam totam, quam anno sequente consumpsit incendium: unde

cavere



cavere volens in futurum simile periculum, de solido lapide novum reedificavit. Gymnasium quoque universale primus in Civitate Moguntina novum instituit, quod Sixtus Papa IV. consuetis ornatum Privilegijs ad ejus instantiam confirmavit. Moguntia locus est meo judicio studentibus aptus, ubi & victualium omnium copia exuberat, puritas aëris sanitatem habitantis diutius conservat, & urbis amœnitas ingenia litteris dedicata confortat. Unum est solum, quod profectum institutionis bonæ debilitat, quia non est, qui Lectores in omni facultate sufficienter provideat.

Universitas  
Moguntina  
per Diethe-  
rum consti-  
tuitur.

Anno iterum prænotato, XIII. die mensis Decembris, obiit Joannes Archiepiscopus & Primas Ecclesiæ Magdeburgensis in Saxonia, vir honestissimæ conversationis, & singularis pietatis ac Devotionis in Dominum Deum. Qui licet Princeps magnus esset genere ac dignitate, non erubuit rem divinam ad Altare sacrum fermè quotidie agere, divinisque carminibus crebrius interesse, SS. Ordines postulantis conferre. Abbates suos personaliter benedicere, Ecclesias, Altaria, vestes, ornamenta cultûs divini consecrare, & se Pontificem potius, quàm Principem in omnibus exhibere. Genere namque fuit Comes Palatinus Rheni, Bavarix Dux & Comes in Spanheim, cujus Pater Stephanus Dux memoratus in Gemino Ponte, cujus Fratres extiterunt Dux Fridericus apud Cynonotos in Simeren habitans, Dux quoque Ludovicus cognomento Niger, & Stephanus Colonia Decanus.

Joannes  
Archiepisc.  
& Primas  
Magdebur-  
gensis obiit.

Post mortem hujus memorandi Pontificis, Ernestus Dux Saxonix adhuc puer filius Ducis Ernesti senioris in administrationem Ecclesiæ Magdeburgensis assumitur, & in successorem defuncti Præsulis à Papa Sixto confirmatur. Vixit autem deinceps Administrator primò, postea verò in Archiepiscopum consecratus, & præfuit in toto, annis 37. mensibus octo: Fratres habuit tres, Albertum videlicet post Dietherum Archiepiscopum, Ecclesiæ Moguntinæ Administratorem, qui adolescens obiit, Fridericum Ducem Saxonix Principem Electorem Imperij, & Joannem Fratrem hodie viventes.

Ernestus sic  
Archiepisc.  
Magdebur-  
gensis an-  
nis 38.

Circa principium Administrationis hujus Ernesti magna inter Cives oppidi Regalis, quod à salis confectione Hal nuncupatur, in Saxonix finibus, seditio fuit exorta. Senatus namque bifariam divisus, Civium quoque malè divisit unitatem. Qua seditione diutim crescente, una pars Senatus & Civium in alterius partis odium habito inter se consilio secretius oppidum in manus ipsius Ernesti & Magdeburgensis Ecclesiæ tradere statuerunt. Die adveniente statuta, venit Ernestus cum suis exercitum, perducens armatum, aperiuntur jussione traditorum portæ, turmatim populus Ecclesiæ ingreditur, Ernestus oppido potitur, quod in præsentem usque diem libertate spoliatum regali, Ecclesiæ servit sub tributo.

Hal oppi-  
dum Regale  
in servitu-  
tem quo-  
modo ve-  
nerit.

Eodem anno Cives Novesiani sive Nusienses in memoriam accepti beneficii perpetuam à Friderico Imperatore III. qui eos obsidione Ducis Burgundiæ Caroli diuturna liberavit, statuam ei æneam in foro ante S. Quirini Martyris Templum ut victori, liberatorique suo erexerunt.

Cæsari sta-  
tua Nove-  
sij posita  
est.

MCCCC LXXVI.

Anno Bernardi Abbatis XVI. Indictione Romanorum IX. celebratum Ordinis nostri Capitulum Provinciale XXII. in Dominica tertia post Pascha, Bambergæ in Monte Monachorum. In quo præfuerunt Marti-

Capitulum  
Ord. Pro-  
vinciale  
XXII. Bam-  
bergæ cele-  
bratur.

nus in Schvvarzach prope Dietelbach, Hermannus S. Jacobi prope Moguntiam, Henricus in Blavvbeüren, & Joannes S. Ægidij in Nürenberga, Monasteriorum Ordinis noſtri Abbates. Eodem anno magna peſtilentia fuit & multa millia hominum in diverſis locis maximè circa Moſellam & Rhenum miſerabiliter conſumpſit. Vidimustamen Juvenes, Adoleſcentes, & in florida ætate conſtitutos maſculos & fæmellas ſine numero infectos, convaluiſſe pauciſſimos, plures autem poſt infectionem die altero vel ad longum tertio, vitam commutaviſſe cum morte, quorum inter edendum alij, ridendo alij deceſſerunt è vita.

Inauditus  
fit homi-  
num con-  
curſus ad  
Niclaus-  
haufen.

Anno prænotato, apud Francos Orientales in Dioceſi Wirzburgenſi factus eſt concuſſus populorum, ex remotioribus etiam locis magnus & admirabilis, qualis antea non eſt viſus, ad hominem quendam nomine Joannem de Niclaushaufen ruſticorum idiotam, indoctiſſimum, paſtorémque porcorum, qui neſcio quo ſpiritu ſuo ſeduçtus, an alieno, publicè in campis & in pratis, nonnunquam etiam per fenestram è domuncula aliqua ruſtica, & in arboribus, populo nova quædam ore tumultuario prædicebat ſimplici & fatuo, cùm nec loqui potuerit, nec aptè ad propoſitum aliquid cogitare. Ferunt illum aliquoties hominis cujuſdam clauſtralis mendici occulto ſuſurro, quid prædicaret edoctum, & ob id frequentius per fenestram loquebatur ad plebem, ut doctorem ſuum ad aurem ſine nota poſſet habere præſentem, quod poſtremò fit manifeſtum. Tanta multitudo hominum, non ſolum ex Francia ipſa Orientali, ſed etiam ex Bavaria & Suevia, ex Alſatia & partibus Rheni, ex Wetteraugia, ex Haſſia, ex Buchonia, ex Thuringia, ex Saxonia & Miſſinia quotidie ad miſerandum fatuellum hunc turmatim fluebat, ut frequenter uno die 10000. hominum, aliquando 20000. nonnunquam etiam triginta millia conveniſſe apud villulam Niclaushaufen, ſit proditum. Nova enim contra Clerum & Principes dogmatizabat, quæ ſibi viſibiliter & ſenſibiliter finxit à Beatiffima Virgine Maria in campis, dum paſceret porcos, eſſe revelata. Propterea ſimplex populus eum ut virum ſanctum colebat, & venerabatur ut Dei Prophetam, & Doctorem veritatis in ſalutem Fide- lium divinitus ſuſcitatum, utpote quem Dei Parens tam manifeſtè ac placidè præ cunctis mortalibus dignaretur alloquio. Unde ſicuti audivimus ab his, qui præſentes interfuerunt, tanta quotidie circa eum populi multitudo convenire ſolebat, ut à preſſura irruentium deſiderio viſendi hominem nonnunquam periclitaretur. Sæpius etiam ut edendo, bibendo, egerendo, vel dormiendo naturæ ſatisfaceret vix locum habere potuit & tempus. Omnes qui convenerant, maximo deſiderio quærebant eum ut Dei hominem, & ſanctum videre, alloqui, & tangere, quicun- que enim contingere manibus etiam veſtem potuiſſet, ſanctificatum ſe, beatumque computabat. In tantam ſtulticiam multitudo imperitorum hominum prolapſa eſt, ut unusquiſque habere aliquid ex indumentis ejus, quo ſanctificarentur tanquam de Reliquijs Sanctorum, ingenti oparet deſiderio. Scindebant cultris, manibúſque carpebant, quoties cuique permittebatur acceſſus, de veſtimentis fatuelli petias, & uſque adeò rumpebant de illo, quidquid poterant contingere, ut miſer nudatus fermè quotidie nova compelleretur indumenta providere: quæ mox erant in promptu ex oblationibus convenientium. Ubique ſtultum comitabatur multitudo

Una die tri-  
ginta mil-  
lia homi-  
num con-  
veniſſe no-  
tatum.

Homo fa-  
tuellus ut  
Propheta,  
& ſanctus  
habebatur  
à ſtultis.

multitudo stultorum, qui processionaliter eidem obviam facti flexis ante illum genibus, compositisque manibus ad invicem dicebant: *Ora pro me Deum vir sancte.* Tunc manu parumper extensâ signum crucis contra orantem faciebat. Quem tali benedictione signabat, magnâ se felicitate credebat esse beatum, & jam coram Deo cunctis peccatis absolutum. Continuabatur iste populorum concursus & occurfus non solum diebus, sed etiam noctibus, erantque per gyrum à villa Niclaushausen ad longam distantiam tuguria plura, & speluncæ secus viam, in quibus pincernæ morabantur & coci, qui transeuntibus vendebant necessaria victûs. Præ nimia populi multitudine securitas ambulandi fuit ubique omnibus, quia turmatim incedebant, nocturnisque horis dormiebant in pratis, aut in campis sive nemoribus, & nullus quidquam periculi metuebat. Fingebantur plura miracula vel in Ecclesia villæ memoratæ, vel coram fatuello Henselin facta, cum nec unum contigerit in veritate, sed omnia simul fuerint conficta, falsa & ementita. Oblationes in auro, argento, clenodijs, pecunia, cera, & vestimentis, multæ magnæque ad locum ipsum factæ sunt per eos, qui stultâ devotione certabant, quæ neque ad Dei honorem, neque ad Ecclesiæ cujuslibet utilitatem fuerunt expositæ. Nam exusto tandem, sicut dicemus, miserabili fatuello, & cessante concursu, oblationes cunctæ obvenerunt partim Archiepiscopo Moguntinensi Diethero ut Primati Provinciæ, partim Rudolpho Wirzburgensi Episcopo ut Ordinario loci, & Comiti de Wertheim ut Domino temporali. Archiepiscopus Moguntinus partem suam pecuniarum in constructione Arcis novæ apud Moguntiam de ligno expendit, quæ dum vix esset consummata, igne casuali, vel ut multorum tenebat opinio, cœlesti, succensa in cinerem prorsus redacta est. Dicebant tum plures, quibus cordi fuerat concursus ad Niclaushausen, sed jam violentiâ Principum extinctus: *Videte, quomodo Beata Dei Genitrix Virgo Maria Fidelium oblationes apud Niclaushausen sibi factas, & in usum conversas alienum sustinere non potuit.*

Genova stantes ut virum Dei, Misericordiam adorabant.

Miracula fingebantur plura, sed factum est nullum.

Castrum Moguntia fuit exustum.

Sed jam nunc operæ pretium fore rati sumus, ut omnes, aut saltem principales Articulos errorum proferamus in medium, propter quos & concursus populo fuit interdictus, & homo miser incineratus.

Primus Articulus falsus, confictus, & ementitus fuit: *Quia dixerat sibi Beatissimam Dei Genitricem semper Intactam Virginem Mariam in albo habitu visibilem apparuisse, dum pasceret gregem porcorum in campis, & ea quæ vel ipse confinxerat, vel suo à seductore acceperat, revelasse atque præcepisse, ut ea nomine ejus omni populo predicaret.*

Articuli errorum dicti seductionis.

Secundus Articulus fuit: *Quod ipse sua presumptione, non Dei jussu aut Virginis Mariæ, quemadmodum fingens mentiebatur, vitam Clericorum publicè arguebat, coram multitudine populi, asserens Dei Matrem dixisse: Annuntia populo Fidei meo, & dic quod Filius meus avaritiam, superbiam, & luxuriam Clericorum, & Sacerdotum amplius sustinere nec possit, nec velit. Unde nisi se quantocius emendaverint, totus mundus propter eorum scelera periclitabitur.*

Tertius Articulus: *Hæreticarum hæreseos imitabatur venenum, asserens nec decimas exigendas à populo, nec annuos census, nisi quantum unusquisque sua sponte, cui, & quando volueris dare propter Deum. Non enim permittebat, quod Sacerdotes*

Sacerdotes



*Sacerdotes Domini, & hi quibus decimarum uſus conceditur ab Eccleſia, eaſ petere, vel exigere poſſint à populo.*

Quartus Articulus fuit: *Quia non ſolum Laicos concitabat in odium Clericorum, vitam & mores eorum ſine cuiuſquam exceptione deteſtabiliter improbando, ſeu etiam juſ decimarum, & cenſuum ſimpliciter negando; ſed omnem quoque Jurisdictionem Eccleſiaſticam conabatur ſupprimere, & mandata Sacerdotum non curare.*

Quintus Articulus fuit: *Quòd conſtanter aſſerebat ſibi Dominam noſtram dixiſſe ſanctam Mariam: Dic omni populo, quòd Filius meus vult, & mandat, quòd omnia pedagia, telonia, precariae exactiones, præſtationeſque, ſubventiones Prælatorum, Principum, atque Nobilium, ſimul & cuncta gravamina pauperum, penitus deponantur.*

Sextus Articulus: *Quia mendaciter dixerat ſibi divinitus revelatum, ut ſupra, quòd venationes, piſcationes, aquarum & nemorum uſus cunctis Fidelibus Chriſti pro uniuſcujuſque libitu deberent eſſe communes, pauperi ſicut diviti, & ruſtico ſicut Epifcopo, vel Principi.*

Magnum præſcripti errores periculum minabantur Eccleſiæ.

Odium Laicorum contra Miniſtros Eccleſiæ.

Pſeudo propheta captivus ad Arcem Herbipolenſem ducitur.

Hæc & plura hiſ ſimilia cùm idiota memoratus quotidie idiotis prædicaret, & cum ſumma devotione libentiſſimè audiretur à populo, qui naturâ moveretur ad nova, & ſemper quærit jugum excutere dominantis, parum abſuit, quo minus aliquid pernicioſæ novitatis contra Clerum & Principes per eos fuiſſet attentatum. Magnæ hominum ruſticorum & imperitorum multitudines quotidie convenientes, nihil tractabant aliud, niſi quomodo ea, quæ ſæpe dictus Henſlin eiſ præceperat, quaſi ex ore Dei prolata, opere perficerent. Et quid ruſtico dulcius contingere poſſet, niſi ut liberatus ab omni præſtatione cenſus ac ſervitutis, omnia deinceps cum Clericis & Principibus haberet communia? Laico verò quid optabilius evenire poſſet, quàm ſi Clerum & Sacerdotes omni privilegio & libertate ſimul, & perceptione decimarum, cenſuum, & proventuum ſacri Altaris conſpiceret eſſe nudatos? Utrumque jam tunc moliebatur iſte Laicorum ad Niclaushauſen concuſſus, qui ſolum hoc juxta fatuelli ſermones intendere videbatur, quòd & ruſticis libertatem, & ſervitutem Clero imponeret. Sed peregrinatio ſtultorum, quæ principium ex Deo non habuit, citò finem accepit. Rudolphus enim Wirzburgenſis Epifcopus, qui loci, ut diximus, ordinarius fuit, poſt multa populis per Dioceſim ſuam aviſamenta facta, poſt interdictam ad Niclaushauſen peregrinationem, poſtque prohibitiones ubique locorum, è quibus ad novellum fatui properabant antiqui, dictas, cùm videret populi maleſanam quotidie nimium augeri ſtulticiam, timeretque paulatim evenire, quod cernebatur præ oculis fieri poſſe, conſilio ſuorum uſus, tale remedium, & neceſſariò quidem, excogitavit. Miſſis nocte quadam Apparitoribus ſuis hominem pſeudopropheta in proxima villula prope Niclaushauſen dormientem cepit, atque in ipſa nocte Herbipolim duxit. Mane factò poſteaquam multitudo populi, quæ apud Niclaushauſen convenerat, intellexit captum adoleſcentem, & Herbipolim perductum, nimio replebatur furore, & ſine armis, ſine machinis, in baculis arcem Epifcopi, meritis ſui adoleſcentis, capere ſe poſſe confidebat. Quid plura? Omnes quotquot convenerant ſimul, turmatim verſus Herbipolim properabant, viri, mulieres, virgines, juvenes & ſenes, numero ſermè ſex millia, non pauciores,

pauciores, & venientes ante castrum Pontificis, quod Mons S. Mariæ nuncupabatur, magna voce clamabant: *Reddite nobis Adolescentem, reddite sanctum & Innocentem, alioquin & Arcem & Civitatem subvertemus.* Miranda populi furentis, etsi stulta confidentia! in tantum omnes à majore usque ad minorem detinebat insania, ut crederent indubitanter muros arcis illico esse casuros, si propius accedentes nomen sui Adolescentis invocarent. Unde se mutuò cohortantes unanimi sententia decreverunt, non prius à Castelli obsidione discedere, quàm aut suum rehaberent Prophetam, aut Arcem funditus destruxissent. Non enim in armis & machinis bellicis, quas minimè habebant, sed meritis sanctitatis sui Hanselini, omnem spem & confidentiam ponebant. Neque verò possibile fuit in eorum æstimatione, quod Beatissima Dei Genitrix semper Intacta Virgo Maria Mater pietatis, Adolescentem in tanta posset necessitate captivum deferere, cui toties (ut ipsi falsò credebant) tam clementer, ne dicam familiariter, dignata fuerat apparere. Attoniti sunt hi, qui fuerant in Arce ad tantæ multitudinis adventum, & prima facie nescientes, qui essent, aut unde venissent, plus quàm credi potest mirabantur. Tandem cum rei causam intellexissent, metum deposuerunt, jacula bombardarum statuantes immittere in turbam. Sed Pontifex ne hoc facerent indixit. Consilio namque accepto foras misit ad turbam, quæ convenerat, virum quendam à secretis prudentem Conradum Huttenum, cum Equitibus paucis, ut persuaderet multitudini, ut à malè captis desisteret, nec se mortis periculo sine causa tam pertinaciter implicaret. Is cum venisset ad eos extra castrum in monte consistentes, quid vellent, aut unde, & quare venissent, inquisivit. At illi respondentes dixerunt: *De sancta Maria nostra Domina in Nielaushausen venimus, cujus famulum (den Jungling sic enim nominabant miserandum) habere volumus. Quem nisi redideritis nobis, hinc non discedemus, donec eum in manu liberemus violenta, & castrum hoc funditus evertamus.* Quibus ille dixit: *Boni Amici, rem meo iudicio non modo stultam, sed vobis etiam nimis periculosam tentatis, qui tantæ fortitudinis castrum vos expugnaturos confiditis, cum omnes sitis inermes, & neque bombardas, neque machinas ad opus tale necessarias habeatis.* Post multos & varios pro, & contra dictos sermones, ægrè vix tandem persuasi à viro nonnulli ut discederent, audito quòd Cives Herbipolenses essent in armis, & bombardæ omnes ex castro in eos paratæ, recesserunt. Major tamen numerus in loco fixus manebat. Viro autem in Arcem reverso, cum illi contemnerent abire, jussu Præsulis bombardistæ castrenses, lapides machinis circumcirca projicientes, neminem lædere volebant, existimantes, quòd terrore bombardarum & necis metu essent abituri. Cumque machinarum jacula non in se, sed aliorum fieri cernerent omnia, non bombardistarum industriâ id fieri credebant, sed meritis Adolescentis captivi, quem servandum incolumem à Virgine Maria, non dubitabant, de loco cedere contempserunt, quousque tandem jocus in serium eis perniciosum mutaretur. Igitur postquam viderunt Castrenses, quòd rusticana multitudo ut loco cederet, neque militis Conradi Hutteni, qui, sicut diximus, ad eam fuerat missus, oratione poterat persuaderi, neque bombardarum coruscatione terreri, serio jam opus esse rati, armatos in turbam socordem Equites miserunt, bombardarumque jacula in eam fuderunt, ut qui

Multitudinis quàm simplex & vana credulitas fuerit.

Verba Conradi Hutteni ad Rusticos.

Suadenti utiliora pauci consentientes de multis abierunt.

Jacula bombardarum Equitèscumque armati in Rusticos mittuntur.

ſervati jocum ſpreverant, ſuo jam diſcerent interitu, quàm frivole & inconſultè deceptoris ſui tentare liberationem præſumpſerint. Videntes enim quòd jacula bombardarum ſine impedimento meritorum Hanſelini Adoleſcentis captivi penetrarent in cuneum, cernentéſque armatos Equites in ſe jam adventare deſtinatos, fugæ præſidia nimis tardè quæſiverunt. Interierunt imperitorum è turba illo die plures, alij bombardarum fulmine metuendo extincti, atque alij Equitum lanceis perforati. Hunc habuit finem impia ſtultorum devotio, qui novitatibus falſis inducti, contra veritatem nudi pugnârunt.

Propheta mendax veritatem aperire compellitur in tortura.

Porro tympaniſta ſubulcus, Adoleſcens Hanſelin Pſeudo-propheta, populique ſeducor captivus, quid in ſe veritatis haberent vulgata de eo vaticinia, interrogatus per cordam, omnia ficta eſſe, falſaque & e mentita confeſſus eſt, & Monachum ſupradictum vagum, mendicum, & verſipellem excogitaſſe omnia voce liberâ dixit. Qui quidem Monachus poſteaquam fatuellum audivit captivum, quàm procul potuit, fuga ſalutem quæſivit. Verùm quia cooperatione vel mali dæmonis, vel non ſatis rectæ credulitatis nonnulla in hac hominum peregrinatione, miraculis narrabantur ſimilia, fuere nonnulli etiam prudentes viri, quos executio hujus negotij pavidos reddidit, ac metuentes, licet intentione diverſâ. Enimverò illi quorum incauta devotio rem divinitus credebat habere principium; inter quos Civium Herbipolenſium fuere plures, in necem Adoleſcentis conſentire valdè timebant; nec hoc ſolum, ſed etiam ſi traheretur ad mortem, ſperabant illum interfici, Deo præſervante, non poſſe: aut ſi permittente Deo necaretur, ſubitò vindictam adeſſe in foribus. Alij verò quibus mens erat ſanior (inter quos Episcopus fuit cum ſuo Clero) non Dei vindictam propter mortem hominis metuebant iniqui, ſed ne malignorum ſpirituum nequitia, qui ſuperſtitionibus gaudent, aliquid machinaretur doli aut fraudis, vehementer ſanè & rationabiliter timebant; non enim Dei hominem, ſed mancipium diaboli Hanſelinum judicabant.

Varia erat apud homines negotij hujus æſtimata opinio.

Pſeudo-propheta judicatur ad incendium ignis.

Demum ſententia mortis in hominem lata eſt: utpote in eum qui SS. Orthodoxam atque Catholicam fidem Chriſtianorum, ſuis erroribus maculare ac pervertere tentaverit, eoſq; dogmatizaverit Articulos falſos, de quibus jam ante fecimus mentionem. Ductus ergo in eam planitiem, quæ retro Monasterium eſt meum, circa domum leproſorum, cunctis penè civibus aſtantibus in armis, ut ignibus traderetur, ſedebat ligatus. Interea duo malefactores eo cernente capitis acceperè ſententiam. Quibus truncatis dixit ad liſtorem Hanſelinus: *Siccine & mihi facturus es?* Cui ille: *Non, inquit, ſed aliud tibi paratum eſt balneum.* Necdum enim conſpexerat rogum, aut ſi viderit eum, forſitan ignorabat tamen quid eſſet. Cùm autem ligaretur ad palum comburendus, carmina quædam ſeu Rhythmos de Domina noſtra in lingua theutonica compositos altâ voce canebat. Inter aſtantes fuerunt plures, qui hominem incombuſtibilem fore credebant, propter meritum ſanctitatis, quo dignum eſſe cenſebant, qui à Dei Parente ſervaretur illæſus. Unde propius ſtare metuebant, formidantes, ne forſan ignis divino furore diſperſus consumeret inuentes. Alij vel dæmonis operatione, vel quolibet maleficio deſenſum adoleſcentem non poſſe comburi timebant. Unde & ſpiculator eo metu laborans,



laborans, omnes pilos ejus fecerat abradi, ne quod maleficium sive dæmonium in eis latere potuisset.

Ligatus ad stipitem adolescens suas personabat cantilenas, qui mox ut igne submisso sensit ardorem, flebili voce tertio clamabat: *ô VVe ô VVe ô VVe*. Interclusâque ignibus voce nihil deinceps loquebatur, sed voracibus flammis consumptus, in cinerem resolutus est. Nihil in his omnibus miraculorum apparuit; nihil quod innocentiam vel exurendi, vel etiam exusti doceret, monstratum fuit. Veruntamen ne frivola stultorum, devotio Martyrium ex temeritate confingeret, spiculator jussus omnem pulverem projecit in flumen. His peractis jam deinceps omnis populi concursus ad Niclaushausen cessat.

Hanselînus  
Adolefcens  
de Niclaus-  
hausen  
comburi-  
tur.

His quoque temporibus cùm Sigismundus Archidux Austriae Comes in Tyroli, qui morabatur in Insprugg, quandam notabilem summam pecuniarum Conjuratis deberet Helvetijs, ratione bellici apparatus, quo ei antetriennum servierant in obsidione Walzhut, & vel non haberet in promptu, unde solveret, vel quavis alia ratione motus, quatuor oppida Walzhut, Lauffenburg, Rheinfelden, & Seckingen, cum omnibus, quæ sui juris erant in Alsatia, in Brisgavia, & in Nigra sylva, Carolo Duci Burgundiæ sub redemptionis titulo vendidit, & assignavit.

Carolus  
Burgundiæ  
Dux pecu-  
nia com-  
paravit  
Alsatiam.

Carolus itaque Dux Burgundiæ homonimium in quietus, bello contra Rheinhardum Lotharingiæ Ducem occupatus, Petrum quendam de Hagenbach, ex rustico Nobilem, ex Nobili Equitem factum Auratum, virum in armis strenuum, per Alsatiam & loca memorata vicetenentem, seu Vicarium suum constituit: & omnem ei potestatem commisit. Qui primum veniens in oppida & loca supraddicta, Juramentum fidelitatis, ut fieri solet, nomine Domini sui Caroli Ducis memorati suscepit, astantibus his, quos Archidux Austriae Sigismundus in testimonium suæ miseræ voluntatis.

Origo No-  
bilium de  
Hagen-  
bach.

Confirmatus in Vicetenentem Burgundiæ Ducis, sicut dictum est, Petrus de Hagenbach, eo Republicam more gubernavit, quo vulgatum juxta proverbium rustici solent in gloriam sublimati. Repente namque tyrannidem exercere in subditos cepit, pauperesque non solum gravare modis studuit varijs, sed etiam legem erubuit minimè violare divinam. Virgines Civium suorum filias corrumpere, seducere, nolentesque libidini consentire suæ violentare consuevit: nec hoc solum, sed neque votatis Deo, neque maritatis parcere voluit. Consuetudines populi antiquas, Privilegia quoque & libertates à Regibus & Principibus Austriae concessas & nunquam violatas infregit, abstulit, atque mutavit, gentique novitates intolerabiles, multas & varias induxit. His contumelijs incitati homines terræ, quomodo ab ejus tyrannide liberari possent, secretum inter se habuere consilium, placuitque ut caperetur.

Petrus Ha-  
genbach  
tyrannisat  
in Alsatia.

Cùm ergo in fine quadragesimæ venisset in oppidum Brisach, & inter alia bonis moribus Christianorum contraria sive adversa, Civibus in forum congregatis mandaret, ut omnes ad laborandum idonei fossatum urbis in proxima die solemnæ Dominicæ Resurrectionis purgare debuissent, ab eis capitur, & carceri mancipatur. Post Pascha maturo consilio plurimorum, de multis accusatus sceleribus & convictus judicatur ad

Petrus Ha-  
genbach  
capitur in  
Brisach, &  
capite  
truncatur.

mortem, eduſusque extra oppidum anno tyrannidis ſuæ ſecundo, ſecuri percutitur, & interiit latantibus cunctis, quos contumelijs affecerat.

Granse à  
Burgundiæ  
Duce obſi-  
detur, &  
capitur,

Anno prænotato. Carolus Dux Burgundiæ magno ſuorum adunato exercitu, movit in Helvetios, & imprimis Granſonam oppidum in manu valida obſedit: quod machinis & bombardis ſine intermiſſione fortiter impugnavit. Nec minus obſeſſi per eum, in oppido ſe viriliter deſenſabant. Interea conjurati Suitenſes in magno pugnatorum numero congregati, obſeſſis in auxilium venire ſtatuērunt. Sed aliquantulum tardius properantes, cū illi adventum nescirent iſtorum, & nimium urgerentur à Duce, accepta ſecuritate vivendi ab eo, & quo vellent abeundi, oppidum in manus ejus tradiderunt. Dux autem oppido potitus, omnes Helvetios, Alemannos atque Germanos in eo repertos, non minus ſexcentos viros contra fidem quam eis dederat, ante arcem in arboribus fecit ſuſpendi. Acta ſunt hæc anno præſcripto in fine menſis Februarij.

Dux Bur-  
gundiæ ab  
Helvetijs  
ſuperatus  
fugatur,

Helvetijs tandem ſine ordine appropinquantibus, Dux è caſtris prorumpens obviam primæ cohorti factus eſt, & bellum commiſit. Non diu pugnavit, & ecce Nuntius retrocedens, quid paterentur ſocij, qui præceſſerant, ſocijs nuntiavit. At illi feſtinantes in auxilium eorum properabant. Videntes Burgundi exercitum tantæ multitudinis Helvetiorum contra ſe deſcendentem de monte, nimio pavore correpti fugere ceperunt, in quorum medio Dux enſe nudato eques diſcurrens clamabat: *ſtate viri, ſtate & nolite fugere.* Sed nihil clamando, cædendoque proficiens fugere tandem cum fugientibus & ipſe compulſus eſt. Unde pauci eorum fuerunt interfecti propter fugæ velocitatem, quòd eos Helvetij conſequi non potuerunt. Enimverò tam anxia fuga erat, quod armis, & cæteris omnibus abjectis, nullus eorum retroſpicere præſumebat. Ibi Dux Carolus, & omnes qui cum eo fuerunt, clenodijs cunctis, pecunijs & rebus ſuis ſpoliati ſunt. Quæ omnia in poteſtatem Suitenſium pervenerunt. Bombardas obtinuerunt in ea fuga Burgundionum plurimas; vaſa quoque aurea, & argentea ſine numero; lapides pretioſos inæſtimabilis pretij: veſtes auro, & gemmis intextas, quæ Ducis fuerant, & Principum ejus plurimas; annulos aureos cum pretioſiſſimis gemmis; uniones quoque magnos & multos. Inter aliam quoque ſupelleſtilem Dux amiſit aureum ſigillum ſuum magnum, quod in memoriam tantæ victoriæ apud Lucernenſes ſervatur uſque in præſentem diem. Adamantem etiam unum magnum & pretioſum, quem ipſe Regno comparavit, hunc poſt Conjurati vendiderunt. Pugionem quoque ſuum amiſit, cujus manubrium ſapphyris, hyacinthis, adamantibus, rubinis, & alijs pretioſis lapidibus mirabili arte & ingenio fuit ſuperduſtum. Tabulam inſuper auream trium pondo marcarum, in qua Sanctorum fuerunt Reliquiæ, raræ ac pretioſæ. Digitum quoque, ſive pollicem ſancti Andreae Apoſtoli auro incluſum. Orarium unum quod vulgò: *Pater noſter*, appellant, ex magnis & pretioſiſſimis lapidibus compoſitum. Calicem ſimiliter aureum, & alia plura. Facta ſunt hæc anno Dominicæ Nativitatis præſcripto, prima die Martij.

Clenodia  
Ducis Bur-  
gundiæ  
amiſſa per  
Suitenſes  
obtentæ.

Granſon  
oppidum  
recupera-  
tur à Sui-  
tenſibus,

Alterâ mox die Suitenſes caſtra metati ſunt ante Granſonam in eo loco, ubi ſua Dux Carolus tentoria poſuerat, & expugnato conſeſtim oppido Burgundos omnes, quos Dux in eo locaverat, ſtrangulatos funibus.

bus, per muros foras eiecerunt. Deinde suspensos in arboribus suos ante castrum à Carolo, deponentes, apud Fratres minores in oppido Granfon sepulturæ commendârunt. His ritè peractis unusquisque ad sua reversus est, victoria & spolio plenus. Carolus igitur Dux Burgundiæ in semetipso graviter confusus, non solum, quòd sua perdiderat omnia, sed etiam quòd ab Helvetijs tam esset turpiter fugatus, quemadmodum se vindicare posset de Conjuratis, anxie nimis cogitabat. Exercitum igitur dispersum vix tandem cum magno labore in unum reductum, Mortena oppidum fortissima obsidione vallavit, & die noctuque machinis & bombardis ab omni parte graviter impugnavit. Contra quem Reinhardus sive Renatus Dux Lotharingiæ in propria persona cum suis, & Suitensibus processit ad bellum. Prælium fit atrox nimis, & cruenta luctatio: Bombardistæ namque Ducis Caroli ordine primo stantes in capite exercitus, contra venientes Helvetios, & Lotharienses jacula sine intermissione horrenda miserunt, aciem confundere laborantes. Sed Helvetij festinanter non minus quàm audacter impetu factò Bombardistas occiderunt, & machinis occupatis Burgundiones aggrediuntur, cædunt, percutiunt, & in fugam denuo convertunt. Fugit iterum Dux Carolus non cum sed inter primos, relictis omnibus, quæ habebat, quem insequentes Helvetij plus quàm triginta millia Burgundionum occiderunt, & oppidum Mortena obsessum liberaverunt. Acta sunt hæc anno memorato, 22. die mensis Junij.

Mortena  
obsidetur à  
Carolo Bur-  
gundio-  
num Duce;

Carolus  
Burgundiæ  
Dux iterum  
fugatur à  
Suitensi-  
bus.

Eodem anno supradictus Lotharingiæ Dux Reinhardus auxilio Helvetiorum & Argentinensium obsedit Nanse oppidum, sibi, ut supra diximus, à Carolo præreptum, quod fortiter impugnans tandem recuperavit, Burgundionibus cunctis inde fugatis vel interemptis.

Nanse re-  
cuperatur à  
Reinhardo  
Duce Lo-  
tharingiæ.

Anno item prænotato Bernardus Abbas hujus Monasterij Hirsau-giensis, inter plura, quæ vel construxit de novo, vel antiquata renovavit ædificia, etiam domum infirmorum pro Fratribus ægrotantibus à fundamētis, ut hodie cernitur, novam erexit, non sine magnis sumptibus & impensis. Multa etiam utensilia domus pro necessitate Fratrum & hospitum disposuit, pro quibus pecuniam successivè non parvam expendit.

MCCCCLXXVII.

Anno Bernardi Abbatis XVII. Indictione Romanorum x. Carolus Dux Burgundiæ, qui cunctis principibus metuendus esse volebat, crubescens, & graviter animo ferens à Lotharingensium se Duce superatum: cupiensque tantam in eo simul, & in alijs vindicare contumeliam, resarcitis copijs pugnatorum ex Salinis oppido Sequanorum, quatuordecim millium eduxit exercitum, & Nanse denuo fortissimè obsedit. Cùmque in ipsa consistens obsidione novas præstolaretur copias in auxilium sibi ex Flandria destinandas, Renatus Lotharingiæ Dux habens mercede conductos Helvetios sive Suitenses unâ cum Australibus, Argentinensibus, & his, quos ei Ludovicus Rex Gallorum XI. miserat in auxilium, contra eum venit, partitòque agmine altero prope fluvium Mosellæ, altero verò per viam militarem versus Nanse festinanter contendit. Carolus autem, cùm ex adverso suos ad pugnam binis ordinasset aciebus, Jacobum Galeotum ad proximè adjacentem sinistrorsum monticulum, in quem Helvetiorum pars quædam diverterat ab equitibus, numeroso peditum exercitu sibi juncto misit in hostem. At Helvetij, qui cum in Colle steterant

Nanse op-  
pidum à  
Burgundo  
obsidetur.

Bellum in-  
ter Caro-  
lum Bur-  
gundum &  
Reinhardum Lo-  
tharingum;

¶ ¶ ¶

conversâ



conversâ in Burgundos facie magno eos impetu excipiunt, Caroli pediatum in fugam convertunt. Illi autem Lothariensium partis, qui ad Mosellæ ripas iter habebant, sine mora in Galeotum moventes totum ejus exercitum fuderunt. Cûmque Burgundos insequendo Helvetij pervenissent usque ad pontem Mosæ, haud procul à Nansæ, tum fugientes in duas divisi turmas urgentibus à tergo persecutoribus Helvetijs una pars flumini se credidit & submersa est. altera pars cæsa interiit: reliqui ad proximi nemoris latibula divertentes sine misericordia ab incolis trucidantur.

Carolus  
Dux Bur-  
gundiæ ab  
Helvetijs in  
bello peri-  
mitur.

Non cessavit Lotharingus hostem persequi, donec superveniens nox atra quietem persequentibus necessariò indixit. Burgundiæ verò Dux Carolus dum fugâ quærit salutem, labente, cui infederat, equo in terram, tribus acceptis vulneribus, altero in capite secus aurem dexteram usque ad molarem pertingente, altero in femore, & tertio ad anum, extinctus est anno prænotato septima die mensis Januarij ætatis suæ anno XLIV. necdum completo, Nansæ humili sub lapide sepultus. Et iste finis Burgundiæ Ducis extitit, qui animo non minor videbatur sibi magno Alexandro. Unde quidam brevi dictorio annum mortis ejus & causam volens exprimere, dixit: *Cernite nVnC dVCes BVrgVndVM gLorIa neCat*, hoc est, anno Domini MCCCCLXXVII. ambitione Burgundus interiit.

Margare-  
tha Caroli  
Ducis uxor  
fuit, Maria-  
que filia  
unica.

Uxorem habuit Margaretham Angliæ Regis filiam, quæ multis post eum annis apud Mechliniam vixit in Brabantia, de qua filiam genuerat unicam nomine Mariam, eotempore, ut supra dictum est, Maximiliano Archiduci Austriæ postea Cæsari desponsatam, annum tunc habentem vicesimum ætatis, cum qua Maximilianus ipse consecutus est multa dominia & Principatus hæreditario Jure, de quibus paulo antehac fecimus mentionem. Genuit autem ex ea Philippum Archiducem Austriæ, qui postea factus est Rex Castiliæ in Hispania, & Margaretham, quæ nupsit Regi Hispaniæ, quo mortuo nupsit Duci Sabaudia, quo etiam mortuo vidua manet in præsens.

Renatus  
Dux totum  
Lotharin-  
giæ Duca-  
rum recu-  
perat.

Post mortem verò Ducis Caroli Reinhardus Dux Lotharingiæ omnem Ducatum suum, quem illo vivente amiserat, sine difficultate recuperavit. Helvetijs promissam antea pecuniam ratione auxilij, quod ei præstiterant, fideliter solvit, fidem amicis, quamdiu fuit in humanis, omni tempore servavit. Fuit enim vir non solum in armis strenuus, sed etiam studio & eruditione Litterarum insignis, & præsertim in Mathematicâ & Astronomiâ, ac singularis devotionis in Deum. In eo quoque loco, ubi corpora mortuorum in bello jacebant Burgundionum, Sacellum condidit. Sacerdotemque in omnibus necessarijs provisum in eo constituit, qui pro defunctorum requie Dominum deprecetur, & crucem pro memoria tam ejus quàm facti, ubi fuerat occisus, habenda erexit. Conventum Fratrû S. Francisci Minorum in oppido Nansæ à fundamentis novum construxit, & multa eis pro Christi amore beneficia impendit. Cum Metensibus plures habuit contentiones, sed tamen contra eos prævalere non potuit. Hunc Ducem Innocentius Papa VIII. postea ut legitimum hæredem titulis & regnis donavit Siciliæ & Hierusalem: qui Regem se deinceps duorum Regnorum scribens & nominari præcipiens ad nullius possessionem pervenit. Rem narramus notam. Eo tempore, quo ho-

Cœnobium  
Minorum  
in oppido  
Nansæ fun-  
dat.

nore

nore nominis regij à Papa fuerat donatus, statuit edictum per omnem Principatum suum, ut sub multâ quartæ partis floreni jamjam antea subditi omnes publicè & privatim illum non Ducem, sed Regem Siciliae nominarent. Quoties autem Ducem nominaret aliquis, toties dictam pecuniam solveret pro pænâ. Contigit die quadam Dominicâ, ut Presbyter quidam Villanus post sermonem, ut fieri solet, inter orandum diceret: *Oremus pro Domino nostro Duce Lotharingia.* Cujus verba Scultetus astans confestim interrupit, alta voce dicens: *Hem, hem Domine Plébane pendite sex albos:* Cui Presbyter: *Indulge mihi hac vice,* inquit, *Domine Scultete, quoniam impræmeditatè locutus sum labente Lingua; sed amplius me non audies nisi Regem compellantem.*

Ridendum  
Ducis man-  
datum  
ponitur.

Eodem quoque anno Renatus Dux Lotharingæ prædictus non solum Ducatum suum, ut dictum est, recuperavit, sed etiam Burgundiæ Principatum nomine Ludovici Regis Gallorum XI. totum occupavit, gratum se Gallo cupiens exhibere, cujus & milite & pecuniâ magnificè adjutus, suum principatum recuperaverat amissum. Ex eotempore Ducatus Burgundiæ Regi Ludovico subiectus, Mariâ Caroli filiâ hærede legitimâ non Jure sed violenter exclusâ, sub ditione Gallorum permanet usque in præsentem diem.

Burgundiæ  
Ducatum  
Rex Gallo-  
rum præ-  
occupat.

Anno item prænotato Ludovicus Gallorum Rex memoratus audito Caroli Ducis interitu, non contentus regno proprio, nec Burgundiæ Ducatu alieno, quem per Lotharingæ Ducem, ut diximus, sibi usurpaverat, etiam reliqua ejus dominia, si posset, invadere cogitabat. Contractis igitur copijs pugnatorum magno cum exercitu sub festinatione movit in Flandriam. Et primò quidem venit ad Noviomeneses brevique deinceps Mondiderium, Peronam, Abbatis Villam, Monstroliumque oppidum, quod duobus fermè à S. Judoco distat milliaribus cum aliquot locis usque ad Atrebatas occupavit. Porro Atrebatas Gallorum subire ditionem penitus recusabant, & recepto in Urbem præsidio Flandrensi constantissimè illis repugnabant. Rex ergo Civitatem firmissima obsidione cingens acriter satis impugnare cepit: cujus potentia cum Civés non valerent diutius resistere, corporibus salvis & rebus in ejus verba juraverunt, & oppidum Abbatæ S. Vedasti nostri Ordinis centum ferè passibus à Civitate Atrebatensi distans satis munitum, in quod ex alijs locis recenter expugnatis à Gallis, plures confugerant, qui regio exercitui non parùm extitere molesti. Contra quorum insultum Rex Ludovicus capta Civitate muros & fossata confestim instaurari fecit, & oppidum ipsum S. Vedasti fortiter obsedit. Hi verò qui erant in oppido quàm parùm timuerint Gallos, & quanto eorum laboraverint odio, ex eo clarescere potest, quod per privatos & publicos parietes Furcas sculpebant appensis albis Crucibus tanquam ipsum Regem Gallósque suspendio dignos judicarent. Fuerunt etiam qui pudendas corporis partes revelatas è muris Gallo militi ostenderent. Postremò tamen concordiam tali modo cum Rege inierunt. Imprimis, quod ipsi cum oppido in fide & potestate Regis Gallorum jurati debeant permanere: fiscum & vectigalia quæstores regij administrarent, & pecuniam inde quæsitam Maria Caroli quondam Burgundiæ Ducis unica filia reciperet ab ipsis ministris regijs, donec

Ludovicus  
Rex Gallo-  
rum Flan-  
driam ho-  
stis ingre-  
ditur.

Civitas  
Atrebatæ-  
sis à Rege  
Gallorum  
obsidetur  
& capitur.

Regi

Regi ut primario ſuo Principi fidem perſolverit, interim oppidani nulum præſidium regium reciperent. Et ſic quieverunt.

Hiſdinium  
à Gallis ob-  
ſidetur &  
capitur una  
cum arce.

Poſthæc Ludovicus Rex Hiſdinium oppidum Flandriæ obſedit & cepit, & paulo poſt arcem, ejeſtis hiſ, qui in eam confugerant cum ſuis fortunis, militibus. Omnes tam in Hiſdinio quàm in oppido S. Vedasti oppidani, nec minus Cives Atrebatenſes Mariam Caroli Ducis filiam quamvis longè à ſe in Flandriâ manentem non ſecus, quàm Numen aliquod obſervabant & venerabantur, ita ut quidam in Maximiliani Archiducis odium, cui illa fuerat deſponſata, per Galliæ Regem damnati ad mortem, cùm ſecurim cervici diſtriſtam imminere cernerent, & unico verbo potuiſſent evadere, mori pertinaciter maluerunt quam dicere; *Vivat Rex*; tantam fidem ad Dominam ſuam habuerunt.

Conabatur  
Gallus  
ſponſatam  
Maximilia-  
no præri-  
pere.

Interim Ludovicus Rex Gallorum quanquam ſciret optimè Mariam Caroli Ducis quondam Burgundiæ filiam Maximiliano Duci Cæſaris Friderici III. filio deſponſatam, nihilominus cupiditate dominiorum ejus vehementer incenſus magnopere conabatur, quomodo eam ad ſe traheret. Promittit itaque puellæ maritum ex regio genere dare, nec ſinere eam diſpendio aliquo affici, ſed ditionem quæ ad eam pertineret, tanquam ſuam deſenſare omni tempore, ut filiæ pater. Cujus rei cauſâ per multas intermediarum Perſonas animum ejus occultè ſollicitat, quod in aperto cum deſponſata fieri non potuit, ſed omnia fruſtra & ſine effectu. Erat enim puella non ſine cauſa Gallis inſenſa, quippe qui multa in patrem ejus mala commiſerant, & in necem illius conſilium & auxilium miniſtraverant. Prætulit ergo non ſine ratione fallacibus veraces, Gallisquæ Germanos, non immemor, quid olim Joanni proavo contigerit ſuo, qui coram Rege Galliæ fraudulentè & dolosè fuit occiſus poſt confirmatam Sacramento concordiam. Noviffimè miſit ad eam Oliverium ignobilem quendam Tonforem ſuum, qui fuit patriâ Flandrenſis, exiſtimans per illum ſe poſſe eî perſuadere, non enim Gallo alicui Principi confidebat, ne fortè legationis munere fretus regno pernicioſum quidpiam machinaretur. Oliverius autem poſteaquam ad Mariam venit, ſolita temeritate uſus, vel quod ita in mandatis acceperat, petit ſecretum cum ea colloquium. Quod cùm pudori & celſitudini puellæ non conveniret cum tali nuntio maximè verbum habere ſecretum, non obtinuit, quod petivit, ſed ea, quæ commiſſa ſuſceperat à Ludovico, dicere præſentibus ad hoc delectis à Maria, illum oportuit, quo facto inanis abire juſſus eſt.

Tonforem  
ſuum Oli-  
verum fru-  
ſtra miſit  
ad Mariam.

Flandren-  
ſes Maxi-  
milianum  
præferunt  
Regi Gallo-  
rum.

Denique Flandrenſes, quorum fidei puella fuit commiſſa, tamenſi omnem belli cauſam vitare cuperent, Gallis tamen contemptis maluerunt credere & adhærere Germanis. Varijs enim modis Rex Ludovicus apud eos ſatagebat, ut puellam in ſuam poſſet abducere poteſtatem, non ejus vel amore vel utilitate, ſed quòd eam Maximiliano non favebat propter lata ſponſata dominiæque ac ſplendidos Ducatus & Principatus. Sed ſpe ſua fruſtratus & opinione deceptus, Dei conſilium immutare non potuit.

Rex Angliæ  
Fratrem  
ſuum con-  
jicit in  
Carcerem,

Anno prænotato, Edmundus Rex Angliæ in Fratrem ſuum proprium, qui Dux erat Clarentiæ, duram & impiam tulit ſententiam, cujus hæc fuiſſe cauſa memoriæ traditum eſt. Conſtituerat idem Clarentiæ Dux Margarethæ ſorori, quæ Duci Burgundiæ Carolo, ut prius dictum eſt, olim



olim nupserat, contra Gallum auxilia ferre imploratus & rogatus, non minus per eum, quàm etiam per neptem suam Mariam. Verùm, quia hoc præsumpsit absque Regis & Fratris consensu, priusquam in opus mutaret consilium, ab eo captus est & in vincula positus, multis diebus squalore carceris crudeliter afflictus. Tandem ad præsentiam Eduardi Fratris perductus, talem ab eo sententiam moriendi accepit, ut videlicet ex Londoniensi arce foras extra Civitatem ad patibulum traheretur, ibi conspiceret intestina sua cremari, cui mox caput securi amputaretur, & Cadaver truncum quatuor in partes divideretur. Crudelis & nimis horrenda Fratris in Fratrem sententia, etiamsi grandia peccasset. Sed à tam ignominiosa damnatione matris intercessione temperatum est. Ejus tamen supplicij genustale fuit. In dolio malvatico vino referto extinctus est vivus, & deinde truncatus capite. Alteram mortis causam nonnulli posuerunt, quòd Eduardo Fratre expulso regnum affectaverit. Gaudet siquidem Anglorum gens vel exactione & exilio, vel nece suos Reges frequentius commutari.

Dux Clarentiæ in malvatico à Fratre Rege submergitur.

Eodem anno Maximilianus Archidux Austriæ cum magno suorum exercitu contra Regem Ludovicum Gallorum venit in Flandriam, cujus adventu territus Rex Galliarum dimisso Hisdinio secessit ad Tornacum & inde Atrebatum. De pace multi sunt habiti tractatus, sed pacis nulla diu confidentia stetit. Gallo more suo fidem servante Germanis. Postremò tamen unius anni statuuntur induciæ, quas Treugas nuncupat vulgus, & Rex Gallus Turonum revertitur.

Maximilianus Archidux Gallum pellit ex Flandria.

Anno item præscripto Gymnasium universale apud Suevos in oppido, quod Tubingen nuncupatur. Constantiensis Diocesis Provinciæ Moguntinæ, operâ & impensis Eberhardi Barbatii Comitis de Wirtenberg & matris ejus Mechtildis Archiducis Austriæ, quæ genere soror fuit Ludovici & Friderici Comitum Palatinorum Bavaricæque Ducum, quæ primò nupserat Ludovico Wirtenbergensi Comiti, ut supradiçtum est, Fratri Udalrici, de quo concepit & peperit jam dictum Eberhardum. Ludovico autem vita defuncto nupsit Archiduci Austriæ, quo etiam sine liberis mortuo ad filium est reversa. Verùm quia majoris æstimationis est Archidux quàm Comes, titulum sibi ab ultimo & non à primo marito retinuit. Sixtus ergo Papa IV. ad preces hujus Mechtildis & filij ejus memorati noviter institutum Gymnasium auctoritate Apostolica confirmavit, & privilegijs ad instar Bononiensis gratiosè munivit. In quo Gymnasio plures deinceps viri docti floruerunt.

Universitas Tubingensis à Comite Wirtenbergensi instituitur.

Anno etiam prænotato, XII. mensis Decembris, obiit Fridericus Comes Palatinus Rheni Bavaricæque Dux Tutor Philippi, Frater jam dictæ Mechtildis, Ludovici quoque Patris Philippi, & Ruperti Archiepiscopi Coloniensis. Cujus Corpus in habitu Fratrum Minorum apud eosdem in oppido Heidelberg sub marmore cælato in absidula dextrorsum solemni pompa fuit sepultum. Post hunc Philippus Ludovici Pij quondam filius annum ætatis agens XXIX. hæres legitimus & unicus Principatum paternum suscepit regendum, quem modestissimè gubernavit annis XXXVI. Uxorem duxerat prius, ut supradiçtum est, Margaretham sororem Georgij Ducis Bavaricæ cognomento Divitis, quæ vixit cum eo annis XXVII. mulier honestissimæ conversationis: de horum Principum liberis etiam

Fridericus Comes Palatinus moritur.

R r r

supra

ſupra diximus, & infra ſuo loco iterum dicemus, annum & diem nativitatſ cujuſque largiente Domino brevi narratione recensentes.

Apud Flo-  
rentinos  
Julianus de  
Medicis in  
Eccleſia  
occiditur.

Archiepiſc.  
Piſanus  
cum alijs  
multis Flo-  
rentiæ ſu-  
ſpenditur.

Anno quoque memorato Florentini Cives in Italia pace fruentes optimâ Juliano & Laurentio de Medicis Rempubicam gubernantibus ac moderantibus tali occasione in tribulationis foveam inciderunt. Ferdinandus Rex Neapolitanus invidus eorum paci, adſcito ſibi Hieronymo Comite de Immola Raphaelem Diaconum Cardinalem S. Georgij, nepotem Sixti Pontificis IV. & Franciſcum Salviatum Archiepiſcopum Piſanum cum trecentis viris alijs Florentiam deſtinavit, ut Fratres jam dictos de Medicis, quomodo poſſent, occiderent. Quare venientes Florentiam, Salviato jam nominato Archiepiſcopo Piſano Miſſam canente in Templo S. Liberatæ, horâ inſidiarum compoſitâ, Julianus de Medicis in ipſa Eccleſia nihil ſuſpicatus à Sicarijs præordinatis confoſſus interiit, Laurentius autem haud parùm vulneratus evaſit. Hinc ortâ ſeditione magnâ inter Cives miſſi à Ferdinando capti ſunt omnes, è quibus Piſanus Archiepiſcopus, Prior quoque, Lector, & Seniores Conventus S. Dominici cum alijs multis perpetrati ſcleris, ut dicebatur, conſcij & cooperatores ſuſpendio necati ſunt ante Prætorium urbis, ut conſuetudo eſt Italis. Multi etiam ex factioſis trucidati pœnas impietatis dederunt. Cardinalem verò S. Georgij ad cautelam Florentini ſecum detinuerunt, volentes animum Pontificis explorare prius. Sixtus autem Papa IV. auditis hiſ, quæ Florentiæ geſta ſunt de Archiepiſcopo Piſano, & nepote, ad instantiam Regis Ferdinandi & Comitis Hieronymi (cujus nepos ex ſore ſuit Raphael Cardinalis captivus) Florentinos, ut excommunicatos vi Canonis Eccleſiaſtico Interdicto ſuppoſuit, & bellum Civibus indixit, quorum agros inſequenti anno gravi prælio devaſtavit.

#### MCCCC LXXVIII.

Matthias  
Epitcopus  
Spirenſis  
moritur.

Anno Bernardi Abbatis XVIII. Indictione Romanorum ix. obiit Matthias de Ramungen Epitcopus Spirenſis anno Pontificatus ſui xiv. cujus Cadaver in majori Eccleſia Spiræ ſepultum eſt in Capella, quam ipſe ſub honore Beatiffimæ ſemper Virginis Mariæ conſtruxerat à fundamentis novam ad ſeptentrionalem plagam, vir optimus, corpore craſſus, mente in Chriſtum devotus, actione præcipuus, qui multa bona fecit Eccleſiæ ſuæ, & Canonicos S. Germani tranſtulit in Civitatem. Cancellarius multo tempore fuit Palatini Comitis Friderici, & officium ſuum utrũque etiam in Pontificatu ſine reprehensione adimplevit.

Ludovicus  
de Helm-  
ſtatt fit  
Epitcopus  
Spirenſis  
annis  
xxvii.

Huic in Epitcopatu ſucceſſit Ludovicus de Helmſtatt Canonicè per Capitulum electus, qui eo tempore Archiepiſcopi Moguntini Dieteri Vicarius in ſpiritualibus fuit, quoniam utrobique Canonicus erat. Is confirmatus per Sixtum Romanum Pontificem IV. annis præfuit xxvii. Fuit autem vir honeſtiſſimæ converſationis, modeſtiâ, honeſtate & integritate morum nulli Pontificum Germaniæ ſecundus. Rarò intermiſit niſi occupatione multâ præpeditus, quo minus Paſſionis Dominicæ myſterium ad altare ſanctum quotidie celebraret, etiam coram infimæ conditionis hominibus. Nunquam de incontinentia notatus eſt, quod illo tempore in Pontificibus Germaniæ multis rariffimum fuit. In ſubditos ſuos clementiſſimus extitit, in pauperes miſericors, amator paucis & tranquillatis.

Hoc

Hoc unum ei vitio dari potest, quod naturâ potius quam voluntate aliquantulum plus iusto pusillanimis erat, & timidus in resistendo his, qui aut moribus erant reprobi, aut Jus Ecclesiasticæ libertatis temere violabant. Eo namque præfulante in Diœcesi Spirensi consensu Philippi Comitis Palatini, sine quo fieri non potuit, machinatione verò eorum, qui manibus ipsum principem ducebant in foveam delicti, translatus est ex Ordine Monachorum Cœnobium Klingenmünster, & facti sunt ex Monachis Canonici deteriores. Hos secuti Abbates & Monachi Christo mendaces in Odenheim & Hausheim similiter ab Ordine recesserunt.

Tria Monasteria Ordinis nostri translata in Diœcesi Spirensi.

Eodem anno secunda die mensis Julij, quæ fuit solemnitate Visitationis Beatissimæ Mariæ semper Virginis Intactæ festiva, circa horam ferme tertiam post meridiem, Heidelbergæ natus est primogenitus Philippo Comiti Palatino ex Margaretha Ducis Georgij filia nomine Ludovicus, qui Patri succedens in principatu postea, hodie annum ætatis agit xxvii.

Ludovicus Comes Palatinus natus scitur.

Anno præscripto, vigesima secunda die mensis Junij horâ secundâ, minuto 40. post meridiem Brugis in Flandria natus est Philippus Maximiliani Archiducis Austriæ ac Mariæ Burgundiæ primogenitus postea Castiliæ Rex in Hispania.

Hoc ipso quoque anno cum Rupertus Archiepiscopus Colonienfis post obitum Fratris omnium destitutus auxilio neminem haberet, cujus posset implorare consilium aut suffragium, & Hermannus Hassiorum Landtgravius, quem sibi Capitulum statuerat, ut supra diximus, gubernatorem Ecclesiæ contra Rupertum, omnia Castella, oppida, telonia, proventus quoque annuos & census in suam subegisset potestatem, inops & pauper unde posset vivere non habebat. Et, heu generis humani mutabilem statum! non satis fuit novercanti fortunæ hominem profapiâ, dignitate simul & potentiâ nulli Germanorum inferiorem Principum in extremam egestatem dejecisse, nisi Leanam induta etiam in carcere mori lamentabilem compelleret. Verendum tibi Hassia, ne solvas peccatum.

Circa Festum Pentecostes anni superscripti, pauper Archiepiscopus necessario quò profecturus, cum eo die prandium in ejus mensa Hermannus Gubernator supradictus sumpsisset, in quodam ejus Castello, ubi mansionem habebat, medio itinere captus est per Henricum Landtgravium Fratrem ipsius Hermannii, ductusque captivus in quodam Castello Blanckenstein custodiæ mancipatur. In ea miserabili captivitate biennio supervixit, de cujus morte & sepulturâ infra dicemus.

Rupertus Archiepiscopus à Landtgravio Hassiæ captus detinetur.

Eodem anno Ludovicus Rex Gallorum rupto fœdere pacis, quod cum Maximiliano statuerat anno priore, denuo movit exercitum in Burgundiam, & quædam oppida cepit, inter quæ Dola Civitas expugnata est, & everfa. Hinc motus non indignè Maximilianus grandem coëgit exercitum, & movens ex Flandria in Picardiam Morinos obsidione vallavit. Habebat in exercitu Maximilianus quadraginta millia pugnatorum. Contra quem procedentibus Gallis atrox bellum committitur, & multi ab utràque parte ceciderunt, ex Gallis videlicet undecim millia, & ex Burgundis quinque millia. Cameracenses quoque per id tempus ejecto Gallorum præsidio sese Maximiliano ut vero & primario Principi subjecerunt. Secuti horum exemplum Buchinienses militem intromiserunt Flamingum Gallis omnibus necatis.

Bellum Maximilianum cum Gallis juxta urbem Morinorum.

R r r 2

Induciæ



Induciæ  
ſtatuuntur  
ſeptem an-  
norum.

Induciæ poſthæc inter Ludovicum Regem Gallorum & Maximilia-  
num Archiducem atque Flandrenſes duraturæ ſeptennio conſtitutæ ſunt,  
quas Galli more ſuo & conſuetudine non diu ſervaverunt. Rupto enim  
fœdere multa damna & mala hinc inde Maximiliano & Flandrenſibus  
intulerunt.

Marianæ  
Conceptionis  
puritatem  
impugnare  
periculolum.

Circa hæc tempora erat Frater quidam Ordinis Prædicatorum in  
Conventu Pforzheim contra puritatem Conceptionis B. Mariæ ſemper  
Virginis ſolita præſumptione conſpirans. Qui cùm in die Feſto ejuſdem  
Conceptionis verbum facturus ad populum in Eccleſia conſcendiſſet am-  
bonem, atque poſitionem ſuam, quam Græci Thema nuncupant, de hac  
ipſa materia ſecundum opinionem Marianæ ſempiternæ puritati contra-  
riam, ut fieri ſolet, in medium deduxiſſet, apoplexiâ ſubitò taſtus cecidit,  
relatûſque à Fratribus in Cellam infirmorum eodem die vita deceſſit.  
Quo caſu plures aſtantium perterriti, ejus temeritatem, qua contra Matrem  
Dei fuerat locutus, vindicatam eſſe crediderunt. Sed utrùm hæc mors  
tam horrenda naturalis fuerit, an vindictæ divinitus actæ, quis tutò judi-  
cabit? Nihilominus plura feruntur ſimilia in terrorem & pœnam illis  
facta, qui Beatiffimam Dei Genitricem maculare præſumpſerunt.

Wiltberg  
Cœno-  
bium.

Anno prænotato, Bernardus Abbas hujus Monafterij Hirſaugienſis  
commiſſione Sixti Pontificis IV. ſimul & Comitſ Eberhardi reformavit  
Cœnobium ſorum ſive Monialium in Wiltberg Ordinis Prædicatorum.

#### MCCCC LXXIX.

Capitulum  
Ordinis  
noſtri Pro-  
vinciale  
xxiii Nü-  
renbergæ  
celebratur.

Anno Bernardi Abbatis XIX. poſt Paſchatis Feſtum Dominicâ ſecun-  
dâ, celebratum fuit Ordinis noſtri xxiii. Provinciale Capitulum in oppido  
Nürnberg apud S. Ægidium. In quo præfederunt Martinus in Schvvar-  
zach, Leonardus in Caſtello, Bernardus jam dictus in Hirſaugia, & Her-  
mannus S. Jacobi prope Moguntiam Cœnobiorum Ordinis memorati  
Abbates, in quo Capitulo plura pro reformatione ſtatuta fuerunt.

Ludovicus  
Bavariæ  
Dux Dives  
moritur.

Eodem anno mortuus eſt Ludovicus Dux Bavariæ cognomento  
Dives vir animoſus, fortis & ſtrenuus, qui prælia multa & varias conten-  
tiones habuit cum Alberto Marchione Brandenburgienſi & Civitatibus  
Regni: Uxor ejus nomine Hedvvigis filia Regis Poloniæ fuit, quæ pepe-  
ricei filium unum nomine Georgium, qui Patri ſucceſſit in Ducatu, &  
unam filiam nomine Margaretham, quæ nupſerat Philippo Comiti Pala-  
tino, ut diximus.

Anno prænotato, in principio menſis Januarij, hoc eſt, ſub Octavis  
Epiphaniæ Domini, Equites Franciæ Orientalis, Sueviæ quoque, Saxoniz  
partiûmque Rheni plures numero convenientes in unum apud Wirzburg  
Urbem Francorum ſub Rudolpho Epifcopo Tyrociniſſimum ludum, quem  
Torneamentum vocant, habuerunt. Similia poſthæc Torneamenta  
Heidelbergæ Wormatiæ & Moguntiz habita ſunt.

Joannes de  
Weſalia  
Doctor  
examina-  
tur.

Anno item præſignato, in menſe Februario, Inquiſitor Hæreticæ pra-  
vitatſ Joannes de Elten Ordinis Prædicatorum Conventus Colonienſis  
divinarum ſcripturarum profeſſorum non ultimus, per Dietherum Ar-  
chiepiſcopum vocatus ad Moguntiam, in præſentia complurium docto-  
rum virorum examen contra Joannem de Ruchrad dictum de Weſalia  
ſuperiore, SS. Theologiæ Doctorem, examen Judiciale inſtituit ſuper qui-  
buſdam

busdam Articulis erroneis, quos Concionator Wormatiæ prædicasse ad populum ferebatur.

Quorum primus fuit: *Quòd Ecclesiarum Pralati Leges condendi nullam haberent potestatem, neque addendi quippiam his, quæ Christus & Apostoli docuerunt, ulla permissa facultas. Imò dixisse ferebatur: Quòd neque Apostoli, neque Summi Pontifices eam potestatem Jura condendi acceperint à Christo.* Articulus primus.

Secundus Articulus fuit: *Quòd nulli mortalium quantumlibet sancto vel erudito liceat Evangelium aut Verba Christi Salvatoris nostri exponere, interpretari, vel explicare. Item quod sacra scriptura non sit eo spiritu interpretata vel exposita per sanctos Doctores, quo scribentibus primò fuit infusa.* II.

Tertius Articulus: *Indulgentias dixerat esse pias Christianorum fraudes, eosque homines, qui pro Indulgentijs Romam petunt, fatuos & stultos, cum id, quod tam procul querunt, domi possent invenire, si de peccatis suis essent verè contriti & confessi, haberentque propositum emendandi.* III.

Quartus Articulus: *Mandata Papæ aliorumque Pralatorum Ecclesiæ neminem, si transgrediantur, obligare ad peccatum mortale, propterea, quòd ipsi potestatem non habeant Jura sive Leges condendi, sicut in primo dixit.* IV.

Quintus Articulus: *Quia dixit, quòd in nullo homine sit, neque fuerit unquam Peccatum Originale, ac in eo concludit parvulos sine Baptismo decedentes non damnandos, neque ullam panam habituros sive sensus, sive damni.* V.

Sextus Articulus: *Quòd omnes Presbyteri sive Sacerdotes auctoritate, potestate ac dignitate pares sint Episcopis, nec realiter in aliquo differant ab eis, sed hominum duntaxat institutione solo nomine discrepent ab invicem.* VI.

Septimus Articulus: *Quòd Papa Episcopi, & Sacerdotes Ecclesiæ populo Christiano nihil conferant ad salutem, sed fide, concordia, & pace salvari possint omnes Christiani fideles sine ministerio Sacerdotum.* VII.

Octavus Articulus: *Quòd Ecclesiæ, Papa, vel Episcopi neminem ad jejunandum possint obligare nolentem, cum non habeant auctoritatem condendi Jura vel Canones, ut supra dixit; & propterea quòd Christus nullum præceperit Jejunium, non esse necessario jejunandum. Adiciebant præterea nonnulli cum in ambo dixisse: S. Petrus post Christi Ascensionem, quia piscator erat, Jejunium quadragesimale primus instituit, ut pisces suos eò carius venderet.* VIII.

Nonus Articulus: *Quòd extrema unctio non sit Sacramentum, quia non per Christum, sed per Apostolos & Ecclesiam postea fuerit instituta, maneatque Oleum post consecrationem ab Episcopo factam non aliter, quàm prius erat.* IX.

Decimus Articulus: *Græcorum sequebatur errorem dicens, Spiritum S. à Patre tantum & non à filio procedere, seductus ex non sobrio intellectu sacrosancti Evangelij; quasi Verba Christi Salvatoris nostri hoc sonent expressè.* X.

Undecimus Articulus fuit: *Quòd contra Ecclesiæ constitutiones prædicaverit intusando multitudinem statutorum ejus, sic dicens: Grave & periculosum est his temporibus esse Christianum, propter laqueos Censurarum & Canonum Ecclesiæ.* XI.

Duodecimus Articulus fuit: *Quòd horas Regulares sive Canonicas Clericis ab Ecclesiæ indictas prædicavit esse superfluas, & minus necessarias, sentiens in eo cum Hussitis, qui Sacerdotale ministerium per Ecclesiam in multiplicatione orationum censebant esse gravatum, & studium litterarum præferebant horis.* XII.

Decimus tertius Articulus fuit: *Quòd benedictiones & exorcismos, qui* XIII.

*fiunt in Eccleſia ſuper aquam, Sal, Palmas, herbas, panes, ceteraſque res inanimatas, dixit eſſe vanitatem & nullius utilitatis, errorem in hoc ſecutus Græcorum.*

XIV. Decimus quartus Articulus fuit: *Quòd Eccleſia conſuetudinem in diverſorum Sanctorum Feſtivitatis per annum celebrandis improbavit dicens: præter diem Dominicum, Nativitatis & Reſurrectionis nullius ſancti Feſtum celebrandum.*

XV. Decimus quintus Articulus fuit, de continentia Clericorum: *Quam dixit eſſe ſuperſtitioſam & à Romanis Pontificibus contra Evangelium exogitatam, & ideo Sacerdotibus minimè neceſſariam, ſed eorum eſſe arbitriũ, ſi velint continere vel non, propterea quòd neque Chriſtus, neque Apoſtoli continentiam præceperint.*

XVI. Decimus ſextus fuit: *Quòd dixit, ſacroſanctam Eccleſiam Catholicam, quæ una eſt, & à Spiritu ſancto regitur ac gubernatur, poſſe non ſolum errare, ſed etiam, quod in multis de facto erraverit, maxime in Conſtitutionibus ſuis, in Canonizationibus Sanctorum, in Cenſuris, in Jubileo & Indulgentijs, multiſque alijs; quæ omnia primus articulus, ut ſupradictum eſt, includit.*

Super his & nonnullis alijs, ut ferebatur Articulis delatus, accusatus & examinatus per dictum Inquiſitorem Hæreticæ pravitatis, quorſdam ſe prædicaffe negavit, quorſdam aliã intentione dictos, malè ab auditoribus declarabat acceptos; ſimul tamen omnes damnando revocavit anno, quo ſupra, in Dominicâ quinquageſimæ: *Eſto mihi*, quæ fuit dies menſis Februarij 21. cujus Libri omnes eo ſpectante combuſti ſunt. Plura ſcripta reliquit in Logica, & in alijs facultatibus, quæ apud Erpfurdianos in pretio habentur, obijtque brevi poſtea ex animi triſtitia & mæore.

Maximilianus Archidux Austria devaſtat Geldriam,

Eodem anno Maximilianus Archidux Austria auxilio Ducis Clivenſis cum magno pugnatorum exercitu intravit in Geldriam, Ducatum ſuo dominio ſubjecturus, quem incolæ terræ ad libitum admittere recusarunt. Unde commotus oppidum Ducatus præcipuum Neomagum nomine firmâ obſidione vallavit. Oppidani autem die quãdam eruptione facta Maximiliani exercitum verterunt in fugam, & quicquid in caſtris remanſerat, rapuerunt. Ex eo tempore uſque in præſentem diem per annos ferme xxxiv. indeficiens & continuata ſemper fuit contentio Maximiliani cum Geldrenſibus. Cujus rei cauſam ut altiùs repetamus operæ pretium fuerit.

Cauſa Geldrenſium unde provenit.

Ultimo Geldrenſium Duce ante aliquot annos ſine virili ſemine mortuo, Comes quidam de Egmunda Hollandiæ ut hæres proximus Ducatum tanquam ſui juris uſurpavit, Germanorum Rege Friderico, ad cujus feudum pertinet, irrequiſito. Quod cum Cæſari jure diſpliceret, monuit Arnoldum (hoc enim Comiti nomen erat) quatenus Ducatu Geldriæ abſtineret, aut Principum ſe judicio præſentaret. Contempſit utrũque Arnoldus, & Ducatum non inſtitutus legitimè ut oportuerat multis annis poſſedit.

Ducatus Geldriæ per Imperatorem datur Carolo Burgundo.

Hinc motus Fridericus Cæſar, cum alijs Regni negotijs implicatus per ſe debellare non poſſet rebellem, deliberavit alicui Principum Geldrenſium conferre Ducatum, qui contumacis poſſet humiliare ſuperbiam. Erat in illis diebus potentiffimus inter Principes Regni Germanici Carolus Burgundiæ Dux, qui viciniora Geldrenſibus loca tenebat, hoc eſt Brabantiam, Lympurgum, Artheſiam, Salinas, Sequanos populos, Hannoniã quoque, Hollandiam Seelandiam & Friſiæ partem: hunc dare frænum



frænum atque flagellum recalcitranti Cæsar Fridericus animo deliberravit & dedit. Carolo res placuit, titulum Ducatus acceptavit, gratum se reddidit. In illo tempore fuit apud Cynonotos Fridericus Comes Palatinus Rheni Dux Baviaræ, Comesque in Spanheim, vir optimus, qui sororem Ducis Geldriæ Margaretham nomine habuit uxorem foeminam honestissimæ conversationis, de qua genuit Joannem Ducem in Symmeren, Rupertum Episcopum Ratisbonensem, Stephanum Decanum Coloniensem & Fridericum Canonicum Trevirensensem, qui solus hodie superest. Hic religiosissimus Dux Jus sibi competere ad Geldriæ Ducatum ratus, propinquitatem uxoris, apud Cæsarem pro eodem laborabat, sed non erat ei potentia, ut armis posset Comitem Arnoldum pellere.

Fridericus  
Baviaræ  
Dux Comesque  
in Spanheim.

Carolus igitur Ducatu Geldriæ donatus à Cæsare, non diu postea coëgit exercitum, & in manu valida Geldriæ Ducatum intravit, omnia, quæ non erant in munitionibus, incursione hostili devastans. Erat Arnoldo Comiti filius nomine Carolus puer quinque aut sex annorum, quem Dux Burgundiæ Carolus ad fugam impositum vasi, cum socio traditione cujusdam cepit, & in Flandriam abduxit haud procul à Noviomago. Hic puer genesis nactus sub infortunato sydere infantiam, ab infantia sua usque in hunc diem multis tribulationibus & calamitatibus subjectus fuit. Primò enim captus fuit per Carolum Ducem Burgundiæ, sicut diximus, & in Flandriam abductus. Post mortem verò Ducis Caroli devenit in potestatem Archiducis Maximiliani. Deinde post annos aliquot, cum jam adolevisset, in expugnatione Tornick urbis inter alios Maximiliani milites à Gallis captus est, & Parisium deductus, ubi pluribus annis in exilio mansit captivus. Qui tandem Comitis ultimi de Moers fidelitate ac studio liberatus dato filio proprio in obsidem pro eo, venit in Geldriam, & ab incolis ut verus hæres & Dominus admittitur. Plura deinceps pro Ducatu bella inter ipsum & Maximilianum gesta sunt, semperque utrobique mansit incerta victoria, & pacis sæpius actæ constantia nulla fuit.

Carolus  
Dux Geldriæ puer à  
Burgundo  
Duce captus.

Cujus Caroli Ducis unicam sororem, Renatus Dux Lotharingiæ habuit uxorem, repudiata, & in Cœnobium detrusa priore, nullam ob culpam, nisi quòd ei sterilitatem objecit, cujus illa causam non sibi sed marito, sicut audivimus, imponit, dicens: *Invita & involuntaria Monialis, sterilis non essem, si maritum, ut superinducta sentit, habuissem.*

Renatus  
Dux Lotharingiæ  
suam repudiavit  
uxorem, quia  
steriliserat.

Anno quoque prænotato, conjurati Suteses hortante Sixto Pontifice Maximo bellum Mediolanensibus indicentes, viciniore eis loca & homines magna clade affecerunt, igne & ferro in circuitu omnia devastantes. Quibus malè peractis cum ad sua cum præda redirent, quinquaginta eorum spolia sectantes in montibus remanserunt. In quos Lombardorum turmatim irruens exercitus ab eis cæsus est, & octingenti eorum occisi.

Conjurati  
Suteses  
moti contra  
Mediolanos  
Papa jubente.

Eodem anno circa principium mensis Novembris, Eberhardus Comes de Wirtemberg contractis copiis equitum & peditum in Comitatum Provinciae Nellenburg sive pagum, quem vulgus Hegövv nuncupat, exercitum movit contra Sigismundum Archiducem Austriæ, & castrum, Hochenkrehen munitissimum, quod eorum fuit Equitum, qui de Fridingen nuncupantur, obsedit. Causa obsidionis fuit, quòd Joannes & Ire-

Eberhardus  
Comes  
Wirtembergensis  
obsedit Hochenkrehen.

hana

Inter Sigif-  
mundum  
Archidu-  
cem, & Co-  
mitem  
Eberhar-  
dum diſſen-  
ſio.

hans de Fridingen quafdam villas ipſius Comitſ incenderant, & ruſticos in memoratum caſtrum abduxerant propriâ temeritate captivos. Igitur obſidione firmata, cum ſine intermiſſione Comes oppugnaret caſtellum, hi qui laborabant obſeſſi, videntes tantæ multitudini ſe non poſſe diutius reſiſtere, quæ pacierant, ceperunt à Comite poſtulare. Dedit pacem Comes rogatus, & certis ſub condiçionibus obſidionem amovit, ut videli- cet arx illa Hohenkrehen & ſibi & ſuis omni tempore pateret ad libitum. Obſidione autem ſolutâ Comes Eberhardus liberatis captivis ad ſua redijt, verum Sigifmundus Archidux Auftriæ cum audiviſſet hæc, animo contra Eberhardum commotus litteras ad eum miſit indignatione plenas, jubens, ut ab invaſione & occupatione Comitatus Nellenburg & montis Metburg quantocyus deſiſteret, experiretur alioquin brevi, quid ira poſ- ſet læſi & injuriati. At Comes animo conſtans & imperterritus per litteras Duci reſpondit, ſe præſcriptionem & poſſeſſionem dicti montis Metberg decem ſupra centum annorum poſſe docere, quare petere, ut cum ſineret eſſe quietum. Ad Cæſarem poſtremò cauſa utriuſque conſenſu translata eſt, qui ſecum aſſumens certos Regni Principes montem Metberg ut erat proprium Comiti adjudicavit, caſtrum verò Hohenkrâhen juri haben- tium permiſit.

Ludovicus  
Gallorum  
Rex iterum  
devaſtat  
Burgun-  
diam.

Anno item prænotato, Ludovicus Gallorum Rex deficientibus à ſe Burgundionibus ad Maximilianum, coadunato ſuorum exercitu Burgun- diam denuo intravit, circumducenſque phalangas per Sequanos, Arthe- ſiam, Hannoniâque villas igne ſuccendit, & quafdam munitiones de- ſtruxit. Sed Maximiliano cum ſuis militibus fortiter occurrente, Rex Ludovicus retrocedere compellitur, & Gallorum viginti millia per Germanos trucidantur.

MCCCCLXXX.

Rhodus In-  
ſula & Civi-  
tas obſide-  
tur à Turca  
tribus  
menſibus.

Anno Bernardi Abbatis XX. Indiçtione Romanorum XIII. Turca- rum Imperator Mahumetes de Conſtantinopoli Civitate Græcorum in magnitudine navium multa per mare deſcendens ad Inſulam Rhodiano- rum in manu valida centum millium pugnatorum urbem Rhodiensem 22. die Junij obſedit, & per tres menſes continuos ſine intermiſſione for- titer impugnavit. Sed miſeratione divinâ largiente, virtute, prudentiâ, & indiſtriâ Petri Dambuſſon Magiſtri militum S. Joannis Baptiſtæ in Hieruſalem nihil profecerunt immaniſſimi Canes; Chriſto namque ſuis donante Victoriâ major pars exercitus Turcarum caſa interiijt, cum reliquis tandem Imperator ad ſua reverſus eſt, cladem maximam & in- gentem confuſionem reportans.

Frater Ni-  
colaus mi-  
rabilis Ere-  
mita cla-  
ruit apud  
Helvetios.

Fuit his diebus apud Helvetios homo quidam nomine Nicolaus ex villa quadam Flûhe nuncupata, qui propter ſupernæ felicitatis amorem, quidquid in mundo habuit, cum uxore liberisque reliquit, & ſecedens in vaſtæ ſolitudinis Eremum haud longè à finibus Lucernenſium in Con- ſtantiensî Dioceſi vitam duxit ſolitariam, non minus admirabilem, quàm raram & cunctis ſæculis prius inauditam. Nam ut multorum veridicâ relatione cognovimus, annis viginti nihil omnino manducavit, præter morſellos tres panis, quos Epifcopo Conſtantiensî Eccleſiæ ſub virtute ſanctæ Obedientiæ mandante cum difficultate maxima, ne videretur in- obediens, vix potuit deglutire.

Multa

Multa fuit de hoc viro per universam Germaniam disceptatio ubique, alijs eum venerantibus ut sanctum, alijs fidem his dare, quæ dicebantur de illo, recusantibus. Sed verè & absque ulla hæsitazione credat omnis posteritas his, quæ dicebantur de abstinentia ejus continua, & quod plus quàm viginti annis nihil manducavit, & religiosissimè vixit.

Magnus fuit ad eum ex tota Germania concursus peregrinantium, virorum, quibus ille monita salutis omnibus dabat, & rectæ conversationis, quanquam terrarum omnium penitus haberetur ignarus. In moribus Christianæ vitæ institutionibus consiliator fuit acutus & solidus, sanctoque conformis Evangelio, quippe qui verbo & exemplo multos ab iniquitate ad melioris vitæ tramitem convertit: habebat enim singularem gratiam non solum admonendi simplices, sed etiam consolandi tristes & animo dejectos, quam ei virtus divina contulerat propter omnimodam mentis suæ puritatem. Frequenter etiam à viris quibusdam doctioribus tentandi causâ interrogatus de fidei articulis, de Sacramentis, de virtutibus & vitijs, ad singula tam prudenter, tam Catholicè proprièque respondebat, ut nemo Deum timens & amans non sentiret, gratiam in eo habitare, loqui, & operari Spiritus Sancti.

Ad F. Nicolaum Eremitam concursus fit hominum.

Capellulam habebat in solitudine juxta cellam suam, quam ei construxerant Helvetij Suitenses ex magna devotione, quam ad eum habebant, in qua & Missam audire plerumque solebat, & Dominici Corporis frequenter participare Sacramento. Jejunium, sicut diximus, erat ei sine cibo semper continuum, Vigiliæ sanctæ multæque, & orationes ad Deum sine intermissione cum lacrimis devotæ. Posteaquam nomen ejus per universum regni Germanici orbem cum laudis honore capit prædicari, nimius diuturnus fiebat ad eum concursus populorum, æstate maximè, nam penè omnes, qui ad memoriam Domine Nostræ apud Eremitas ex diversis Germaniæ regionibus causâ devotionis peregrinabantur, etiam ad eum proficisci nullum putabant esse laborem, nec se quisquam peregrinationi satisfacisse arbitrabatur suæ, nisi Fratrem Nicolaum & vidisset, & fuisset allocutus.

Sanctissimè vixit.

Nicolaum videlicet multi cupiebant.

Unde cum propter nimium peregrinorum concursum & occursum in sua devotione plurimum aliquando impediretur, nec posset venientibus sui denegare accessum, locum in solitudine interiore sibi constituit, ad quem orandi causâ singulis ferme diebus mane vel meridie secessit. Unde jam deinceps non qualibet horâ, sed certis horis copiam sui dabat, non quibuslibet adventantibus, sed illis, quos inspirante gratiâ Spiritus Sancti prænoverat dignos. Convenerant enim aliquoties nonnulli curiositate potius ducti quàm devotione, quorum causas singulorum adventum sagaciter noverat discernere, ut dubium non sit, Spiritum in eo Prophetiæ habitasse per gratiam.

Præcius futurorum.

Multa etiam Confoederatis futura prædixit Helvetijs, quæ illis postea evenerunt. Inter alia plura dixit adeos: *Si manseritis in terminis vestris, nemo vos poterit superare, sed cunctis adversarijs vestris omni tempore fortiores eritis atque victores: si autem cupiditate seu libidine dominandi abducti dilatare Imperium ad externos exeperitis, non diu Vestra permanebit fortitudo.*

Nicolaus Eremita dissentientes ad concordiam revocabat.

Cum aliquando inter oppidanos & villanos confœderatos Helvetiorum gravis esset suborta dissensio propter Solodurenses & Friburgenses, quos



quos instanter orantes ad confederationem illi volebant admittere, isti recusabant, post multos hinc inde tractatus unanimiter tandem in Fratrem Nicolaum Eremitam arbitrati sunt, qui propter sanctimoniam vitæ in cunctis dubijs & rebus arduis securum ad illum omni tempore habebant recursum, & erant illis verba consilia & persuasiones hujus viri non secus quàm olim Pythij Apollinis oracula. Obijt tandem anno salutis MCCCCLXXXVII. ut ibidem dicemus, non sine opinione Sanctitatis in sua Capella sepultus.

Carolus  
Burgundiæ  
Ducem se  
quidam  
fingeat in  
Bruchsal.

His temporibus venit homo quidam vagus in oppidum Bruchsal, quod tribus ferme à Spira distat milliaribus, quem Carolo Duci quondam Burgundiæ, qui ambos viderant, persimilem esse dicebant, qui licet publice non fateretur, se Carolum esse, sicuti non erat, delectabatur tamen Dux Carolus æstimari & dici. Unde multas & varias confictiones excogitavit, quibus vulgi opinionem de se conceptam fortiolem ubique ampliaret. Interea manducabat ut canis, humi dormiebat, orabatque multa, pauca loquebatur, maximæ fuit poenitentiae simulator astutus, quam pro delictis suis voluntariè dicebat assumptam, & completo in ea septennio fore terminandam. Omni Feria vi. cibum non manibus ut homo, sed linguâ lambendo de terra carpebat ut Brutum, & signa quædam poenitentiae magnæ miranda & stupenda sine fructu ostendit. Morabatur in hospitio quodam publico in memorato Bruchsal oppidulo, cujus interfigne monstratur folium, auditoque rumore negotij per circuitum, plures ad eum quotidie nobiles confluebant pariter & ignobiles, inter quos opinionum fuit divisio varia, alijs pertinaciter contendentibus, quod ipse veraciter Dux esset Burgundiæ Carolus, alijs verò non minus constanter negantibus. Multa erant in simulato Carolo signa, quæ se plures vidisse in vero prædicabant, & ipse interrogatus quis esset, neque Carolum se esse dicebat, neque omnino negavit, sed verborum involucris omnes urbanè satis fallens decepit. Postremò timens manifestari, tempusque observans conveniens fugæ, recessit occultè non sine quorundam oppidanorum incommodo & damno, qui simulationi ejus adhibuerunt fidem spe lucri magni & gloriæ futuri honoris, nam per omne Regnum Germaniæ hujus simulationis occasione fama communiserat, & multorum opinio, Carolum Ducem non esse peremptum à Suitsibus, ante Nanse, ut dictum est anno tertio transacto, sed vivum, & post septennium simulatae necis, hoc est, octogesimo quarto ad sua reversurum.

Philippus  
Comes Pa-  
latinus Epi-  
scopus Fri-  
singensis  
nascitur.

Anno prænotato, septimo die mensis Maij, natus est Heidelbergæ secundogenitus filius Philippo Comiti Palatino, Bavariaeque Duci ac Principi Electori, paterno vocatus nomine Philippus, qui postea Episcopus fuit Ecclesiæ Frisingensis in Bavaria, hodièque agit ætatis annum tertium atque tricesimum, dum ista scriberemus.

Margaretha  
filia Maxi-  
miliani  
Archiducis  
Austriæ  
nascitur.

Eodem anno nata est Margaretha Maximiliani Archiducis Austriæ & Mariæ de Burgundia conjugis filia, quæ post triennium pacis intuitu mediantibus Flammingis Carolo Regi Gallorum viii. Ludovici post mortem uxor futura sponsata fuit, postea verò repudiata, ut suo loco dicemus, ambitione Ducatus minoris Britanniae, filio Regis Hispaniae Ferdinandi nupsit, cui filiam peperit, qui hodie regnat post Patrem. Quo mortuo  
Ducem

Ducem Sabaudiaë maritum accepit. Illo etiam mortuo in Brabantiam est reversa, & in statu continentiaë vitam agit vidualem.

Anno etiam præscripto, xxvi. die mensis Julij, obiit in sua captivitate miseranda nobilis ille Princeps Rupertus Comes Palatinus Rheni Bavariaëque Dux Archiepiscopus Colonienfis, anno Pontificatus sui XVII. in multis tribulationibus necdum completo, Hassiorum in Castello Blanckenstein, ubi triennio fuerat captivus. Cujus Cadaver Bunnam relatum etiam sepulturaë debito honore ad tempus jacuit privatum extra Capellulam quandam juxta murum, dicebant enim adversarij ejus, quorum plures erant, quòd in Excommunicatione ipse obiisset, ideo privarunt eum Ecclesiasticâ sepultura. Postea tamen jubente Romano Pontifice in Ecclesia S. Cassij Collegiata Bunnæ Ossa illius reposita sunt. Magno ejus odio laborabant oppidani Bunnenses, & quotquot illius noverant esse fautores, omnibus, quibus poterant, modis persequi non cessabant. Quod ut clarius agnoscat posteritas, unius immanitate facti breviter ostendemus.

Rupertus  
Archiepisc.  
Colonien-  
fis in sua ca-  
ptivitate  
moritur.

Habebat idem Archiepiscopus Rupertus in Pontificalibus Vicarium Generalem nomine Henricum Ordinis Fratrum Prædicatorum Conventus oppidi Confluentini SS. Theologiae Doctorem, qui partes Domini sui solo sermone defendens, (opere namque minimè potuit) inter prædicandum in ejus commiserationem populum simplicem hortabatur. Hunc die quâdam juxta Rhenum navigium præstolantem, nonnulli ex oppidanis comprehenderunt, ligatumque funibus & constrictum sub ascellis, ne dilaberetur, per medium fluminis ad latus navis ab uno littore in aliud usque ad collum in aquam demersum cachinnantes traxerunt, gladiisque & hastiolis pupugerunt, vulneraverunt, & multis contumelijs affecerunt. Expulsus dein à suffraganeatu, ad Conventum suum reversus est, quem Berchtoldus Archiepiscopus Moguntinus postea Vicarium suum in Pontificalibus constituit.

Henricus  
Suffraganeus Colo-  
nienfis à  
Bunnensibus capi-  
tur.

Post mortem Ruperti Hermannus Administrator & Gubernator Ecclesiæ Colonienfis per Capitulum ante septennium, ut supra dictum est, constitutus, communi omnium consensu in Archiepiscopum eligitur 2. die mensis Augusti, qui confirmatus à Sixto Papa IV. præfuit annis xxviii. in bona pace gubernans Ecclesiam, præter eas contentiones, quas habuit cum Senatu & Civibus urbis Colonienfis, quæ omnes triennio ante mortem ejus fuerunt bono medio extinctæ, paxque & concordia inter eos reformatæ sunt.

Hermannus  
Hassius fit  
Archiepisc.  
Colonien-  
fis annis  
xxviii.

Hermannus iste Archipræsul magnificus frater fuit Landtgravij Hassiorum, & ante Pontificatum, ut supra dictum est, Præpositus Ecclesiæ Beatæ Mariæ semper Virginis apud Aquasgrani, qui toto tempore obsidionis Novesij contra Ducem Burgundiaë Carolum in ipso permanens oppido, Capitanei, nomine Capituli & Ecclesiæ Colonienfis, gessit officium. Erat sanè vir principatu dignus, qui non solum prudentiâ, sapientiâ, consilio & actione inter Pontifices reliquos præminebat; verum etiam corporis dispositione, & Majestate quadam cæteros anteire videbatur. In moribus suis cum amicis fuit sub maturitate honesta jucundus, adversarijs verò severus ac metuendus, in pauperes valde misericors extitit, & in omnibus locis quocumque venisset, quotidie magnas eleemosynas fecit. Nam &

Hermannus  
Archiepisc.  
Princeps  
magnificus  
Novesij  
defensor.

Hermanus  
Archiepiſc.  
reformator  
Clauſtra-  
lium.

Hermanus  
Archiepiſc.  
magnæ hu-  
militatis &  
manſuetu-  
dinis.

Hermanus  
Archiepiſc.  
in omnes  
munificus  
& ſine ava-  
ritia dives.

Hermanus  
Archiepiſc.  
Dominicæ  
Paſſionis  
meditator  
aſſiduus.

in publicis Conventibus Principum Auguſtæ, Wormatiæ, Nürenbergæ, Ratiſbonæ, Ulmæ, Franckfurdia, Coloniaque, & in quibuslibet alijs locis frequenter habitis, ad Januam hoſpitij ejus major pauperum multitu- do ſtipem præſtolans reſidere conſuevit reſectionis horâ, quàm apud reliquos penè omnes. Unde quaſi proverbij more dicebatur hoſpitium ejus inquirentibus: *Si manſionem requiris Archiepiſcopi Coloniensis, ibi procul dubio invenies eam, ubi multitudinem pauperum videris congregatam.* Refor- mator quoque Monachorum ſimul & Monialium vigilantiffimus extitit, & plura in ſua Diœceſi Monasteria reformavit. Bona Clauſtralibus multa fecit, maximè regulari obſervantiâ decoratis, non tantùm in ſua Diœceſi, verùm etiam in omnibus locis, ad quæ illum contigit declinaſſe, mitten- do eis eleemoſynam pecuniam, aliquando florenos quinque, aliquan- do decem, interdum plus, interdum minus, ſingulis Monasterijs & Con- ventibus distribuendo. Audientiam quoque Abbatibus, Monachis, Clericis, & Clauſtralibus cunctis omni tempore facillimam præſtitit, & quanto potuit annuſ, conſolator & advocatus omnium accedentium, ſemper pientiffimus fuit. Princeps, cùm fuerit genere & dignitate maxi- mus, nulla tamen potuit notari ſuperbia, nulla mentis elatio, nulluſve pauperum & humilium contemptus, quin potius tanta in ore ejus lucebat humilitas, ut ſimplices & pauperes Monasteriorum Abbates inter lo- quendum familiariter ſuos Dominos appellaret, quorum & cauſas in perſona propria clementiſſimè audivit, & quanta licuit celeritate juxta vires in bonum perduxit finem.

In omnes fuit munificus non ſolùm in ſuos, verùm etiam in exteros, multisque largitatis ſuæ beneficia plura gratis impendit, à quibus nihil viciffitudinis recepit. Quapropter Omnipotens Deus benedixit operi- bus ejus, ut quanto plura dedit Monasterijs atque pauperibus, tanto magis abundaret. Non imitabatur pecuniarum anxioſi incubones, qui tanto ſtudio ſequuntur avaritiam, ut nihil amplius curent quàm terrena, nihil avidius quærant & ſiciant, quàm caduca.

Hermannus iſte Præſul æternâ memoriâ venerandus, ſanctarum vir- tutum incedens tramite, medium tenuit cum beatis, quoniam quidem, neque avarus extitit in colligendis pecunijs, neque prodigus in exponen- dis, ſed moderamine uſus Chriſtianæ pietatis, ſic animum ſuum accom- modavit rebus temporalibus, ut non omitteret æterna; ſatis enim pru- denter in utrôque ſtatu gubernavit Eccleſiam, quia & ſpiritualia præpo- ſuit temporalibus, & hæc illis pro conſervatione neceſſaria non omiſit. Quam ſtudioſus & diligens fuerit in his, quæ divinum reſpiciunt cultum, nemo facile dixerit. Nam etſi multis varijs, atque continuis diſtineretur occupationibus & negotijs Eccleſiaſtici Principatus, oratione tamen ſuas non ſolùm Canonicas, ſed etiam privatas, ſeu peculiareſ quotidie ſingu- lari cum devotione perſolvebat. Meditationes quaſdam cum Orationi- bus de Paſſione Domini noſtri Jeſu Chriſti, à Theodorico de Oſenbruck Ordinis Fratrum Minorum inſigni declamatore breviter compoſitas, quotidie cum ſumma devotione legere conſuevit. Miſſam omni die in ſpiritu contritionis & humilitatis audivit. Feriam ſextam in memoriâ Dominicæ Paſſionis, & Sabbathum ad honorem Beatiffimæ Dei Geni- triciſ ſemper Virginis Mariæ per totum annum continentiſſimè jejunavit.

Amavi



Amavit Clerum, dilexit amore paterno Claustrales, pauperum omnium advocatus extitit subditorum, omni tempore pacificus fuit: Justitiâ, mansuetudine, pietate, misericordiâ in pauperes Christi, benevolentia & humanitate in hospites, cultu, amore, & devotione mentis in Deum nullo Pontificum suo tempore inferior fuit. Honestissimæ conversationis extitit, non turbulentus, non elatus, non pomposus, sed modestus, quietus, humilis & maturus tam verbis quam factis. Animo tamen constans erat & libertatis Ecclesiasticæ defensor acerrimus, ingenio subtilis, consilio promptus, prudentiâ cautus, experienciâ magnus, actione præcipuus, sermone luculentus. Ecclesiam Coloniensem, quam ære nimis gravatam alieno reperit, auxilio adjutus Divino brevi tempore omnibus ex debitorum gravaminibus liberavit. Inter multa quoque pietatis opera, quibus Omnipotenti Deo se ministrum semper curabat exhibere devotum, in oppido suo Briël juxta Castellum residentiæ Pontificalis Cœnobium Ordinis Fratrum Minorum de Observantia novum à fundamentis construxit, quod ornamentis Ecclesiasticis, Libris atque Sanctorum Reliquiis, cunctisque necessariis utensilibus domus magnificè dotavit. Primus in eo Conventu Guardianus, id est, Custos Fratrum constitutus fuit supra jam dictus Frater Theodoricus de Osenbruck vir doctus & religiosissimus, qui cum prædicator esset insignis, magno populorum honorabatur concursu.

Hermanus  
Archiepisc.  
omnium  
virtutum  
decere fuit  
ornatus.

Hermanus  
Archiepisc.  
novum  
construxit  
Cœnobium  
minorum.

Anno etiam prænotato, moritur Sigismundus Dux Saxonie quondam Episcopus Herbipolensis ante Gotfridum, qui depositus fuerat ante annos XXXVII. ut longè supra diximus anno Christianorum, MCCCCXLIII. Post cujus mortem Ernestus & Albertus fratres ejus Saxonie Duces contra Rudolphum Herbipolensem litis actionem instituerunt, magnam ab eo summam pecuniarum ratione pensionis annuæ Fratri olim promissæ, sed annis XXXVII. non solutæ, satis importunè postulantes, precibus interponentes minas, quod nisi quantocius satisfaceret, arma in eum movere cogerentur. Rudolphus autem pacis amator, non ignarus, quid faciant bella, concordiam subiit, & florenorum tria & triginta millia Ducibus urgentibus solvit, malens pacem emere, quam nutrire bellum.

Sigismundus  
quondam  
Episc.  
Herbipolensis  
in  
Saxonia  
moritur.

Hoc ipso anno mortua est Margaretha Ducis Sabaudie Amadei Felicisque Papæ quondam Filia, quæ primò nupsit Ludovico Pio Comiti Palatino Rheni Bavarieque Duci, Sacri Imperij Archidapifero ac Principi Electori, de quo concepit & peperit Philippum, qui successit Patri suo in Principatu, Ludovico autem mortuo nupsit Udalrico Wirtenbergensium Comiti, sicuti diximus.

Margaretha  
Mater  
Philippi  
Comitis  
Palatini  
moritur.

Eodem quoque anno mortuus est etiam ipse Udalricus Comes de Wirtemberg memoratus uxorem secutus, Princeps magnificus, humanitate, mansuetudine, beneficiâ, virtute simul & prudentiâ insignis, & ab omni populo sibi subiecto dilectus ut pater, Stulgardie in Collegiata Ecclesia S. Crucis cum tribus legitimis uxoribus suis nobilissimis, quas successivè duxerat, cum debito honore sepultus. Reliquit autem duos filios Eberhardum, & Henricum, quorum primus mortuo Eberhardo ex patruo nepoti Duci postea facto, sicut dicemus, in Ducatu successit, & sine Liberis obiit. Henricus autem uxore acceptâ filiâ Comitis de Bitsch inter

Udalricus  
Comes  
Wirtenbergie  
obiit.

alios Liberos genuit Udalricum, qui hodie Wirtenbergensem pulso Eberhardo patruo strenuè gubernat Ducatum, Patre adhuc vivente, sed infirmo.

Hydruntum urbs  
Calabriæ à  
Turca impi-  
ssimo  
capitur.

Anno etiam præscripto, Mahumetes crudelissimus Turcarum Rex de sua dolens confusione, quòd neque Ungaros neque Rhodianos vincere potuisset, Italiam suis tentare armis in odium Christianorum omnium cogitavit. Contractis igitur copijs ex Velcera Civitate sua, quæ circa mare Adriaticum est sita, navigio simul & terra movit in Apuliam, & Hydruntum obsedit, impugnavit, & cepit, non quidem in propria Persona, sed per Capitaneum suum. Quantam nefandissimi Turcæ urbe capta crudelitatem patnaverint in Christianos, miserabile nimis est cogitare, duodecim millia hominum Deo fidelium occiderunt, Archiepiscopum virum, senem & religiosum Pontificalibus induerunt, crucemque tenentem in manibus cum ferra lignea per medium dividerunt, Clericos & Monachos omnes interfecerunt, virgines & matronas suâ libidine polluerunt, senesque occidentes, Juvenes utriusque sexus reliquos venales in Græciam duxere captivos.

Anno item prænotato, Bernardus hujus Monasterij Abbas Dormitorium fratrum, & hyemale refectorium sub eo novum à fundamento construxit, & in eam, ut hodie cernitur, formam perduxit.

Waldeck  
Castrum  
Bernardus  
Abbas Mo-  
nasterio  
compara-  
vit.

His etiam temporibus idem Abbas Bernardus castrum Waldeck cum omnibus proventibus suis, agris, pratis, sylvis, aquis, aquarumque decursibus, cultis & incultis, quæsitis & inquirendis cum parte Nagolthæ fluminis pro quatuor florenorum millibus emptione perpetuâ comparavit à quibusdam nobilibus de consensu Hæredum eorum omnium expresso, sicut Emptionis litteræ manifestius contestantur. Refectorium similiter æstivale cum ea parte Dormitorij, quæ respicit ad meridiem, his ferme temporibus Abbas memoratus à fundamentis novum construxit: Tabulam quoque cum imaginibus & picturis non minus pulchram, ut cernitur, perquam pretiosam super altare majus hoc ipso anno prænotato, fieri mandavit. Candelabra etiam duo magna, quæ stant coram summo altari, de aurichalco eodem anno comparavit.

Cœnobium  
in Cruzen-  
ach Fra-  
tram Mi-  
norum no-  
vum con-  
struitur.

His quoque temporibus Fridericus Comes Palatinus Rheni Baviaræque Dux & Comes in Spanheim, qui morabatur apud Cynonotos in oppido Simeren, Princeps omnium suo tempore devotissimus ad honorem Omnipotentis Dei Cœnobium Ordinis Minorum Fratrum S. Francisci Confessoris in oppido Cruzenach de novo construxit, quod tamen morte præventus filio suo Duci Joanni perficiendum commendavit. Qui patri succedens in Principatu factus est etiam Religionis & devotionis paternæ hæres atque successor integerrimus, brevique captum opus complevit, & fratres cum ingenti lætitiâ introduxit. Oppidanus quidam Stauronesij de ligno pyri Imaginem S. Wolffgangi Pontificis sculpi fecerat, quam ex devotione super altare in eodem loco primùm, ubi fundabatur Cœnobium memoratum, collocavit. Ad quam Imaginem tantus brevi concursus populorum factus est, ut ex oblationibus eorum sufficientes ad structuræ consumationem provenirent impensæ. Miracula ibidem facta recitabantur plura, quorum opinione & famâ incitati per gyrum populi quotidie cum eleemosynis votivalibus concurrebant. Nec signorum

Concursus  
fit populi  
ad S. Wolff-  
gangum in  
oppido  
Cruzen-  
ach.

rum cessavit opinio, quo usque Fratres de Observantia minores ad locum introducti, quietem amantes, & quæstum detestantes Imaginem deposuerunt. Et sic jam deinceps miracula cessaverunt, & concursus populi successivè in brevi penitus defecit.

MCCCCLXXXI.

Anno Bernardi Abbatis XXI. Indictione Romanorum xiv. Monasterium S. Crucis in monte Limpurg dicto prope Bureckheim Ordinis S. Benedicti Spirensis Diocesis reformatum est per Hermannum Pruss S. Jacobi prope Moguntiam, & Joannem de Colenhausen S. Martini in Spanheim, Bernardum quoque jam dictum in Hirsburgia Monasteriorum ejusdem ordinis memorandos Abbates. Primus ibi Abbas de Observantia Bursfeldensium institutus fuit Bonifacius de Venlo Monachus S. Jacobi Moguntini, & præfuit annis ferme duobus. Post hujus obitum Abbas institutus fuit Anselmus Ulner ex Dieburg, & præfuit annis XI. quo resignante Macharius Weis de Furbach Abbas constituitur, & præfuit annis decem circiter, quo memoratum Coenobium tempore guerrarum, quæ fuerunt inter Regnum & Philippum Comitem Palatinum, per satellites Comitis de Liningen ex Duroburgo Castello proximo hostiliter erumpentes fuit incensum & funditus destructum, ut suo loco infra dicemus.

Monasteriū  
S. Crucis in  
Limpurg  
reforma-  
tur.

Eodem anno ultimâ die mensis Maij, obiit Mahumetes Turcarum impiissimus Rex, qui multa Christianis intulit mala, filios relinquens duos paternæ crudelitatis hæredes, quorum natu major Bagiasch, sive Hildrimi dictus favore Turcarum mox Regnum sibi usurpans paternum, fratrem Zizimi nomine violenter exulem fecit, qui fugiens à facie Germani primùm exulavit apud Rhodios, postea Romæ in Italia, deinde apud Regem Galliæ, cujus veneno interiit. His duobus in Græcia pro imperio contendentibus Hytruntum civitas anno priorè capta, sicut diximus, per Mahumetem scelestissimum canem, recuperatur à Christianis: & expulsis Turcis, omnis Apulia mundatur à pollutione Mahumetica.

Mahumetes  
Rex  
Turcarum  
magnus  
tyrannus  
mortuus.

Anno prænotato quartadecimâ die mensis Maij, natus est Rupertus tertio genitus Philippi Comitis Palatini Baviaræque Ducis in oppido Heidelberg. Qui cum esset annorum decem & octo, jussu Patris duxit uxorem, Georgij Baviaræ Ducis cognomento divitis avunculi sui filiam, cum qua vixit annis fermè septem.

Rupertus  
Comes  
Palatinus  
nascitur.

Anno etiam præscripto, mortuus est Joannes Dux Clivensis, & Comes de Marca, Princeps bellicosus & strenuus, qui cum Maximiliano Archiduce Austriæ multa contra Gallos & Geldrenses prælia fortiter gessit. Duos reliquit filios, quorum natu major Patri successit in Ducatu: minor autem Canonicus fuit Colonienſis & Trajectensis, qui pro ejusdem Ecclesiæ Pontificatu frustra laboravit.

Hoc ipso anno Joannes de Caluse, qui nunc est hujus Monasterij Hirsburgiensis quadragesimus secundus Abbas, Monasterium intravit, sacri Ordinis habitum suscepit, & anno revoluti probationis consuetæ, Ordinem ipsum secundum regulam Divi P. Benedicti professus est, in quo deinceps non solum irreprehensibiliter, sed etiam laudabiliter vixit, & vivit usque in præsentem diem. Est enim naturâ homo bonus, pius, mansuetus, tranquillus, pacificus, & Monasticæ quietis amator; cujus innocentia vitæ meritò fratrum in se convertit amorem. Ex eo namque die,

Joannes  
postea in  
Hirsburgia  
Abbas xxi,  
fit Monachus.



die, quo ſanctæ Religionis habitum aſſumpſit, ſummo ſemper conatu Monachum ſe verum & imitabilem cunctis exhibere ſtudiit. Nulli gravis, nulli oneroſus, ſed humilis, quietus, & manſuetudinis clauſtralis obſervator diligentiffimus ante faciem ſuam gradiebatur.

Fames magna Germania afflixit & Galliam totam.

Anno etiam ſupra notato, fames in omni terra fuit grandis, & inopia victualium utique magna, præſertim in Gallia, Picardia, Flandria, Brabantia, Hollandia, Hannonia, in Ducatu Clivenſi, Geldrenſi quoque, apud Moſellanos, Colonienſes, Trevirenſes, Moguntinos, ciſque Rhénanos & Suevos, quorum plures inedia perierunt. Creverat enim frumenti pretium ſex partibus ultra conſuetum, ita ut modius, qui communibus annis venumdari pro uno denario conſuevit, iſto non minus, quàm ſeptem denarijs venderetur. Penuria panis maxima pauperes afflixit, longâ quippe inedia vexati, cùm acceptum dono cibum plerique dentibus comminuerent, ſtomacho clauſis arterijs committere nequiverunt.

MCCCCXXXII.

Unio comitatum Wirtenbergienſium.

Anno Bernardi Abbatis XXII. qui & ultimus fuit, Indiſtione Romanorum xv. Eberhardus Barbatus Comes in Wirtenberg homo prudens & aſtutus conſilio, ſciens quòd juxta Dominicam ſententiam: *Omne Regnum in ſeipſo diviſum deſolabitur, & domus ſupra domum cadet*: Cùm Principatus Wirtenbergienſium eſſet in duo partitus, quomodo in unam revocaretur Monarchiam prudenter excogitavit. Habebat enim duos ex patruo nepotes, ut dictum eſt ſupra, Eberhardum videlicet Comitem, & Henricum, qui unam partem tenebant comitatus: Stutgardiam ſcilicet cum pertinentibus ad eam. Ipſe autem poſſidebat Urach alteram Comitatus partem cum oppidis & Caſtellis & viculis ſuis. Conſilio itaque ſenioris Eberhardi conſentientes Junior & Henricus, Comitatum diviſum reducerunt in unum, ſtatuentes & litteris confirmantes, quòd regimen principatus Wirtenbergienſium perpetuò deinceps maneat indiviſum penes unum: de cujus manu hæredes reliqui annuam pro ſuſtentione ſui pecuniarum recipiant portionem. Hæc unitate prudenter concluſa, per populum quoque terræ unanimiter collaudatâ, & ſequenti anno conſenſu Principum in Conventu Francofurtenſi per Fridericum Imperatorem confirmatâ, ſenior Eberhardus Juniori præſtitit facultatem acceptandi, utrum vellet præeſſe Comitatu, aut vitam in privato cum pace vivere quietam. Conſilio ſuorum accepto, qui non ignorabant, ſeniores Eberhardum pro communi Patriæ utilitate ad regimen fore meliorem: ceſſit Principatu, proviſione quinque vel ſex millium florenorum annuâ contentus. Porro Henricus frater Junioris Eberhardi propter continuas infirmitates ſuas, quas & hodie patitur, ſimili vivit proviſione quietus, qui ſolus progeniem Comitum, nunc Ducum de Wirtenberg continuat.

Joannes Trithemius ſit Monachus in Spanheim.

Anno prænotato, primâ die menſis Februarij, ego Joannes Trithemius hujus operis compiler anno ætatis meæ viceſimo præciſè completo ad conversionem veni, & habitum ſanctæ Religionis in Monafterio Divi Martini Præſulis in Spanheim in Dioceſi Moguntinenſi Ordinis S. Benediſti de obſervantia Bursfeldenſium aſſumpſi, præſidente Joanne Colenhaufen Abbate.

Mechtildis mater Comitæ Eberhardi moritur.

Eodem anno moritur Mechtildis mater ſenioris Eberhardi circa Feſtum S. Bartholomæi Apoſtoli, quæ ſoror fuit Ludovici Pij, & Friderici Itrenui

strenui Comitum Palatinorum Rheni Bavariaeque Ducum. Hæc, ut supra diximus, primò nupserat Ludovico Wirtenbergenfium Comiti, peperitque seniore Eberhardum Barbatum postea Ducem. Ludovico autem vita defuncto nupsit Archiduci cuidam Austriae. Quo etiam mortuo ad filium reversa reliquum vitae in viduitate peregit. Hæc vidua huic Monasterio Hirsaugiensi fuit ut mater, & multa illi bona fecit. Omnem namque decimationem vini simul & frumenti cum Ecclesia parochiali villæ Böblingen huic Monasterio pro Dei amore legavit. Sacerdotale quoque aurifrigium valdè pretiosum, hoc est, cappam choralem, casulam sive planetam cum duabus dalmaticis totidem stolis, & tribus manipulis ex chlamide Ladislai Regis quondam Bohemiae factam, Ecclesiae Hirsaugiensi piâ donatione largita est. Mitram Pontificalem, qua Hirsaugianus utitur Abbas, Monasterio duplicem dedit, quarum altera & pretiosis lapidibus auroque intexta, est rubea: & altera unionibus decorata est alba. Denique & alia plura Hirsaugiensi donavit Ecclesiae, & gravamina Principum multa Cœnobio præter Justitiam intentata suis precibus avertit.

Eadem mater Monasterij Hirsaugiensis.

Anno præscripto Eberhardus Comes de Wirtenberg, senior, cognomento Barbus Romam causâ devotionis cum notabili suorum Comitum profectus est, & Sabbatho ante Dominicam mediæ quadragesimæ urbem ingressus, sequenti die, quæ fuit Dominica *Latare*, à Sixto Pontifice aureâ Rosâ donatus fuit, & tam ab ipso Papa, quàm à cætu Cardinalium penè omnium magno cum honore susceptus. Eodem tempore Comes Eberhardus à Sixto Papa obtinuit auctoritatem & licentiam transferendi sæculares Canonicos de Collegiata Ecclesia, quæ fuit in oppido Urach ad Hernberg, & in eorum locum reponendi Fratres, qui de communi vita nuncupantur, propterea quòd Apostolorum exemplo sine proprio socialiter vivant in communi sub uno Præposito. Indulgentias etiam plurimas impetravit pro eadem Ecclesia in Urach, quam reversus in sua magnificè construxit, & sufficienter dotavit, in qua & Rosam auream à Pontifice donatam, cum Reliquijs Sanctorum collocavit.

Eberhardus Comes ex devotione Romam vadit.

Anno item prænotato, Dominicâ in Albis, Sixtus Papa IV. Romæ apud S. Petrum in præsentia multorum Cardinalium, Episcoporum, Prælatorum, & hominum, adstante cum suis etiam Eberhardo Comite jam dicto Wirtenbergenfi, Eustachium, qui & Bonaventura de Balneo Regio, quintum Ordinis sui, hoc est, Fratrum minorum S. Francisci Ministrum Generalem ac postea S. R. E. Cardinalem, Sanctorum Catalogo magno cum honore adscripsit; in cujus canonizatione tunc Rupertus de Liciis ejusdem Ordinis Orationem dixit. Obijt autem S. Bonaventura sub Gregorio Papa X. anno videlicet Dominicæ Nativitatis MCCLXXXIII. in Concilio Lugdunensi; sepultus ibidem in Ecclesia Cathedrali miraculis ut ferunt coruscans.

S. Bonaventura Ord. Minorum à Sixto Canonizatur.

Eodem anno, Maria de Burgundia Maximiliani Archiducis Austriae conjunx in venatione de equo, cui insidebat, cecidit, & fractâ cervice miserabili morte decessit. Philippum relinquens filium, qui postea factus est Rex Castiliæ in Hispania, & ante patrem mortuus est, relictis duobus filiis Ferdinando & Carolo, de quibus loco suo plenius dicetur, & Margaretham, quæ sponsata fuerat Carolo Regi Gallorum VIII. sed repudiata propter ambitionem Ducatus Britanniae primò nupsit Regi Hispaniarum,

Maria Maximiliani uxor obiit anno ætatis suæ XXVI.

T t t

postea

poſtea Duci Sabaudiaë, quo etiam mortuo ad Patrem reverſa eſt, & vidua in Brabantia hodie vivit.

Dietherus  
Archiepiſc.  
moritur  
hoc anno.

Anno etiam prænotato, vii. die menſis Junij, obiit Dietherus de Iſenburg Archiepiſcopus Moguntinus, anno Pontificatus ſui ſecundarij vi. & menſe ſimiliter vi. in majori Eccleſia ſepultus cum tali Epitaphio: *Bis Præſul factus Comes Iſenburg Dietherus: Moguntinam arcem ſtruxerat, atque ſcholam; fuit enim vir optimus, qui Clerum dilexit, & Clauſtralibus multa beneficia impendit.*

Post cujus obitum Albertus Erneſti Saxonum Ducis filius annu-  
agens ætatis xviii. per Capitulum in Adminiſtratorem Eccleſiæ Mogun-  
tinaſſumitur, & cum favore non parvo multorum à Sixto Pontifice IV.  
confirmatur. Supervixit deinceps biennio tantum, & ne malitia tem-  
porum, ut fieri ſolet, intellectum ejus depravaret, ſublatus eſt. Ejus fratres  
fuerunt Erneſtus Magdeburgenſium tunc adminiſtrator, poſtea Archiepi-  
ſcopus & Primas Germaniæ, Fridericus Princeps Elector, & Joannes  
Duces Saxonie & Miſniæ.

Reinhardus  
Episcopos  
Wormatiæ  
obiit.

Eodem anno, xxi. die menſis Julij, obiit Reinhardus de Sickingen  
Episcopos Wormatiensis anno Pontificatus ſui xxxvi. & in Capella S. Ægi-  
dij Abbatis, quam ipſe de novo conſtruxerat, juxta majorem in Wormatia  
Eccleſiam ſepelitur. Mutuaverat iſte Præſul de portione ſua hæreditaria  
cuidam Principi duodecim millia florenorum ſub bona fide, ſicut in tali-  
bus fieri ſolet. Moriturus autem præcepit, ut omnis illa pecunia Mona-  
ſterijs, Eccleſijs atque pauperibus exponeretur, imò ſolveretur propter  
Deum; dcc. ex his floreni per ipſum Principem uni Monasterio ad ſtru-  
cturam donati ſunt, reliquorum ſolutio differtur ad Græcas Calendas.

Joannes  
Camera-  
rius Dal-  
burgius fit  
Episcopos  
Worma-  
ticiſis.

Post hunc Joannes Camerarius Dalburgius majoris Eccleſiæ Præpoſi-  
tus, Wormatiensis Episcopos factus eſt, & præfuit annis xxi. in magna æſti-  
matione hominum. Fuit enim vir in omni facultate doctiſſimus, triùm-  
que linguarum Hebraicæ, Græcæ, & Latinæ peritus, & unicum Germa-  
norum decus, qui non ſolum noſtris, ſed etiam exteris nationibus admira-  
bilis propter omnimodam eruditionem ſuam apparebat. Ad hunc Re-  
verendiſſimum Pontificem ego Joannes Trithemius Abbas poſtea Span-  
heimenſis opus de ſcriptoribus Eccleſiaſticis lucubravi. Amator etiam  
fuit librorum omnium noſtra tempeſtate ardentiffimus, qui multa volu-  
mina Hebraica, Græca, & Latina in omni ſcripturarum varietate rariffima  
congregavit.

Capitulum  
Ordinis  
noſtri Pro-  
vinciale 24.  
celebratur  
in Blaubeu-  
ren.

Anno præſcripto, Dominicâ tertiâ poſt Paſcha, quæ ab Introitu Miſſæ  
dicitur: *Jubilare*; celebratum fuit xxiv. Ordinis Provinciale Capitulum in  
Monasterio S. Joannis Baptiſtæ in oppido Blaubeuren apud Suevos Con-  
ſtantiensis Diœceſis, in quo præſederunt Georgius ſancti Stephani in Her-  
bipoli, Georgius in Wiblingen, Udalricus montis Monachorum, & Joannes  
ſancti Ægidij in Nürenberga Monasteriorum ejuſdem Ordinis Abbates.

Episcopos  
Leodiensis  
occiditur.

Eodem anno Joannes de Burbon Episcopos Leodiensis cum Archiduce  
Maximiliano fideliter ſentiens, inſidijs & ſubordinatione Ludovici Regis  
Gallorum xi. per Wilhelmum de Arnburg fuit occiſus, & Cadaver ab  
eodem Parricida nequiſſimo ante fores Eccleſiæ majoris conſpiciendum  
populo projectum. Nec multo poſt & ipſe homicida ſimili dolo ab alio  
interemptus eſt in vindictam commiſſi ſcleris, & multiplicata ſunt  
mala



mala in terra Leodiensium, per Rupertum de Arnburg Wilhelmi necem acriter vindicantem.

Anno item prænotato, Bernardus Abbas hujus Monasterij primum latus de ambitu, quo itur ad Capitulum de Ecclesia, novum à fundamentis incepit, quod morte præventus successorì perficiendum reliquit. Domum etiam pecualem trans pontem apud S. Aurelium novam cum universis habitationibus suis construxit. In oppido Wil frumentariam similiter domum ædificavit.

Eodem anno in mense Septembri memoratus Abbas Hirsaugienſis Bernardus jam senio gravatus, multisque laboribus nimium exhaustus ægrotare capit, paulatim crescente morbo tandem Christo vocante ab hac miserabili peregrinatione ad patriam transmigravit æternam, anno regiminis xxii. sepultus ut jusserat in Introitu Ecclesiæ circa altare omnium Sanctorum, vir apud omnem Hirsaugienſium posteritatem sempiterna memoria dignus. Merito namque secundus fundator hujus Monasterij censendus, quippe qui omnia ejus bona ære alieno in duodecim millibus, ut supra dictum est, gravata reperit, cuncta penè intus & extra ædificia ruinosa vidit.

Enimverò quod nullus in ducentis annis ante eum Abbas potuit, Hirsaugiam à cunctis oneribus debitorum liberrimam reddidit, impignorata omnia redemit: & ædificia Cœnobij nova multa condidit, antiqua reparavit. Majus tamen omnium, quod fecit, jure præfertur cæteris, quia non solum Monasterio utiliter præfuit in temporalibus, sed in spiritualibus etiam omnia tam in se, quàm in subiectis ad Regulæ puritatem reformavit: fuit enim regularis observantiæ magnus Zelotes, & cuncta ad Dei gloriam faciebat.

Bernardus  
Abbas Hir-  
saugie  
XXXIX.  
moritur.

Bernardus  
hic Abbas  
merito se-  
cundus  
fundator  
dicendus  
est.

## De Georgio hujus Monasterij Hirsaugienſis

Abbate XL. qui præfuit annis duobus, minus xx.  
diebus, varijsque gestis illius temporis.

**R**ost obitum Reverendissimi Abbatis Bernardi anno Dominicæ Nativitatis memorato MCCCCCLXXXII. Indictione Romanorum xv. xviii. die mensis Octobris, quæ fuit feria sexta post Galli, convenientes ad locum Capitularem Prior & Fratres hujus loci, post invocationem Spiritus sancti, aliasque orationes consue-  
tas, Georgium Præpositum in Roche Conventualem præsentis Monasterij unanimi consensu in Abbatem elegerunt, qui per Ludovicum de Helmstatt Episcopum Spirensen confirmatus & Benedictus præfuit duobus annis xx. diebus, vir bonus, simplex, & quietus.

Georgius  
fit Abbas  
Hirsaugienſis XL.  
annis duobus.

Hic de Moguntia venerat ad Hirsaugienſe Cœnobium ex S. Jacobo cum primis Reformatoribus, inter quos usque ad senectam & senium vixerat inculpatè, nulli molestus, sed gratus omnibus, & in regulari observantiâ singulari devotione studiosus. Ordinatus posthac à Bernardo Abbate in Roth, se in utròque statu satis utilem exhibuit rectorem, &

Georgius  
Abbas vita  
& moribus  
fuit tran-  
quillus.

T t t a .

proventus

proventus Eccleſiæ parvo tempore notabiliter augmentavit, ædificia plura de novo erexit, antiqua & ruinoſa ſummo cum ſtudio cuncta reparavit.

Sed poſteaquam in Abbatem fuerat ſublimatus, non eam regendi gratiam in majoribus habuit, quam in minoribus conſtitutus utiliter & fructuoſè miniſtravit. Unde factum eſt, ut cum ſenioribus ſuis, & his maximè, qui fuerant in officijs poſiti, gravem diſſenſionem incurrerit, è quibus nonnulli ad tempus exulare coacti ſunt. Poſt multas tandem turbationes inter eum & conventum ſubortas, conſiderans ſenio ſe gravatum ad onera paſtoralis curæ portanda minùs idoneum, Abbatiam reſignavit.

Fridericus  
Comes Pa-  
latinus na-  
ſcitur.

Eodem anno nonâ die menſis Decembris Heidelbergæ naſcitur Fridericus quartogenitus Philippi Comitæ Palatini Baviaræque Ducis ac Principis Electoris, qui hodie xxxi. ætatis annum agens, ſuper liberos Ruperti fratris in Bavaria relictos, ut ſuo loco dicetur, Tutorem ſe gerit.

#### MCCCCLXXXIII.

Maximilia-  
nus Orato-  
res pro  
pace mittit  
ad Gallos.

Anno Georgij Abbatis I. Indiſtione Romanorum I. Ludovico Rege Gallorum xi. valetudinario manente, Maximilianus Archidux Anſtriæ Oratores ſuos ex Flandria miſit in Galliam rogatus ab illo, ut de pace communi tractarent. Videbat enim Rex Ludovicus, quod in humanis diutius manere non poſſet, ſed mori propediem oporteret, voluitque propterea Maximilianum, cujus vires in bello & nervos multipliciter fuerat expertus, Carolo filio, quibus poſſet medijs facere prius amicum, à quo regnum ſuum alioqui fore metuebat avertendum.

Margaritha  
filia Maxi-  
miliani  
Carolo  
deſponſa-  
tur Gallo.

Venientes itaque ad Ambaſiam Oratores Maximiliani, ubi Rex decumbebat infirmus, Pax & concordia inter eos facta eſt, & inter alia fœderis capita, hoc erat non ultimum, quod Carolus Ludovici filius Margaritham ex Maria filiam (de qua paulò ante dictum eſt) dum utriusque legitima ætas eſſet, acciperet uxorem. Quibus ritè conſeclis donantur à Ludovico Legati triginta millibus ſcutorum aureorum, præter pocula argenti cælati, quod Rex illorum cauſâ prius cudi præceperat. Erat autem Margaritha infra bimatum, & à Gandavis educabatur in Flandria. Igitur redeuntibus Gandavum Flamingis Oratoribus fit apparatus ingens de Margaritha ad Gallos ducenda: nec minus curabat Rex Ludovicus magnâ pompâ, quomodo eam à Flamingis glorioſè ſuſciperet.

Ludovicus  
Gallorum  
Rex infir-  
mus muſi-  
câ petit le-  
vari.

Anno igitur prænotato ſecundâ die menſis Junij Margaritha Pariſium ingreditur infans puella, & paulo poſt ad Ludovicum Regem deducitur, ubi jacebat infirmus, feſtûmque deſponſationis communi latitiâ celebra-  
tur. Non erat Ludovico à morbo requies: ſèque indies magis ac magis debilitari ſentiebat, & mortis metu angebatur; nemo enim fuit illo vivendi cupidior. Hinc Turonum ſe portari jubet, excogitans à Muſica valetudinis ſuæ levamen quærere. Quam ad rem accerſiri mandat omnis generis muſici instrumenti luſores, quos centum & viginti conveniſſe conſtat. Inter quos fuerant ovium paſtores, qui multos dies non procul à Regis cubiculo continenter modulabantur ejus conſolandi cauſâ, & ne ſomno quo gravabatur nimium ſuccumberet; quanquam nihil aut parum relevaretur.

Juſſit

Jussit præter hoc hominum genus alterum longè diversum ad se convenire, solitarij namque & qui Eremum incolebant homines, quique opinione sanctitatis plurimi æstimabantur, foeminae quoque spectatae Religionis Turonum convenerunt; quibus id negotij mandatum est, Deum indefinenter orare pro salute Regis, ut vivere diutius posset; erat enim cupidissimus vitæ. Sed mortis definitæ terminum nemo producere potest. Moritur ergo post multa & prius inaudita sine fructu excogitata medicamina in palatio Turonensi anno prænotato penultima die mensis Augusti, & in templo Divæ Mariæ semper Virginis apud Clery sicut vivus ordinaverat sepultus est.

Ludovicus  
Rex Gallo-  
rum unde-  
cimus Tu-  
ronis mori-  
tur.

Post Ludovicum regnavit super Gallos filius ejus Carolus octavus, annis fermè quatuordecim, puer sex annorum, cum regnare cepisset: & fœdera rupit, quæ pater cum Archiduce Maximiliano statuerat, Margarethamque sibi ut diximus desponsatam, remisit in Flandriam ad patrem, cupiditate Ducatus Britanniae minoris incensus, cujus Dominam nomine Annam jam ritè Maximiliano sponsam, præripuit violato jure uxorem.

Carolus  
octavus re-  
gnat in Gal-  
lia post Pa-  
trem annis  
xiv.

Anno prænotato, septima decima die mensis Julij, Joannes de Colenhausen Abbas Monasterij sancti Martini præsulis in Spanheim Ordinis Divi Patris Benedicti auctoritate Alberti Moguntinae Ecclesiae administratoris & Fratrum postulatione factus est Abbas Cœnobij Sanctorum Marcellini & Petri Martyrum in oppido Selgenstatt, & præfuit ibidem annis novem. Postea senio gravatus & morbo Abbatiam resignavit: & mensibus triginta supervixit: vir doctus, religiosus, integer, & omni tempore honestæ conversationis.

Joannes de  
Colenhaus-  
en fit Ab-  
bas in Sel-  
genstatt  
annis ix.

Eodem anno vicesimâ nonâ die mensis Julij, ego Joannes Trithemius patriâ Mosellanus tantâ successione indignus confratrum meorum electione Abbas in Spanheim quintus atque vicesimus fui electus, præsentibus Hermannò sancti Jacobi prope Moguntiam, Conrado sancti Joannis Baptistæ in Ringaugia, & Joanne supra dicto in Selgenstatt Monasteriorum Ordinis nostri Abbatibus. Confirmatus autem per administratorem Ecclesiae Moguntinae Albertum, & ordinatus à Bertholdo Pariadense Pontifice ejus in Pontificatu Vicario, Spanheimensi Monasterio inutilis præfui annis viginti tribus, mensibus duobus, & quatuordecim diebus. Quibus in paupertate magna & multis laboribus exactis, quorundamque perfidiâ exacerbatus animo Abbatiam sancti Jacobi Apostoli apud Wirzburg, in qua hoc historiarum opus lucubravi, Fratrum electione assumpsi, & Spanheim cum ingratis Cynonotis voluntariè resignavi, ut suo loco inferiùs veniet dicendum.

Joannes  
Trithemius  
fit Abbas in  
Spanheim  
annis xxiv.

Anno prænotato, sextâ decimâ die mensis Novembris, Heidelbergæ nascitur Elisabeth in ordine liberorum quintogenita Philippi Comitis Palatini Bavariaeque Ducis, & Principis Electoris. Hæc postea cum annorum esset quindecim, Wilhelmo Hassorum Landtgravio nupsit, apud Franckenfurt oppidum regni celebratis magnâ pompâ nuptijs. Quo infra biennium sine liberis mortuo ad Patrem revertitur: & paucis in viduitate annis exactis secundo nupsit Philippo Marchioni de Baden filio Christophori magnifici Principis Badensis.

Elisabeth  
Comes Pa-  
latina Hel-  
delbergæ  
nascitur.

Anno etiam prænotato Georgius Abbas Monasterij hujus Hirsaugien-  
sis ambitus primum latus, quod ejus antecessor Abbas Bernardus, ut supra

T t t 3

diximus



diximus, inchoaverat, perficere ſtatuit, & ad finem teſtudinem perduxit. Alias etiam ſtructuræ in Monafterio, & exinde in curtibus continuando aſſumpſit, quas tamen omnes propter brevitatem ſui regiminis conſumere non potuit.

Cœnobium  
Monialium  
in Sebach  
reforma-  
tur.

Eodem quoque anno Georgius Abbas de commiſſione Ludovici Spirenſis Eccleſiæ antiſtitis reformavit Cœnobium Monialium S. Laurentij Martyris in Sebach noſtri Ordinis, quod parum diſtat à Monafterio Limpurgenſi, & vitam in eo regularem introduxit. Aliud quoque Cœnobium Monialium nescio cujus Ordinis in Sefflingen, idem ad religionis obſervantiam reformavit.

MCCCCLXXXIV.

Bertholdus  
Comes de  
Heſenberg  
ſit Archie-  
piſcopus  
Mogunti-  
nus.

Anno Georgij Abbatis II. Indiſtione Romanorum II. hyems ſatis nivola fuit & putrida: eodemque anno primâ die menſis Maij, obiit Albertus è Saxoniæ Ducibus Adminiſtrator Eccleſiæ Moguntinæ anno ætatis ſuæ viceſimo, adminiſtrationis verò ſuæ ſecundo bonæ ſpei adoleſcens: cujus Cadauer cum honore debito in majori Eccleſia ſepelitur. Poſt cujus mortem Bertholdus ex Comitibus de Heſenberg Decanus per Canonicos unanimi conſenſu eligitur: & confirmatus ab Innocentio Papa octavo, ſequenti anno in Archiepiſcopum à Joanne Dalburg Wormatiensium Antiſtite Moguntinæ ordinatur. Præſuit autem in Archiepiſcopatu annis uno & viginti, vir aſtutus conſilio, & æſtimationis inter Principes magnæ, qui mox in principio ſui Pontificatus Clerum durè ſatis gravare cæpit: pecuniam exigendo, quam ſubſidium vocant, per Cenſuras Eccleſiaſticas, ultra quàm catenus fieri conſuevit, non ſolum à ſæcularibus, ſed etiam à Clauſtralibus, quos præ cæteris, nescio cauſam, aliquantulum durius aſpernabatur. Erat alioquin Princeps magnificus, qui cunctis Germaniæ optimatibus Ingenio, Prudentiâ, Sapientiâ, conſilio, rerumque magnarum experienciâ facilè præſtabat: ad cujus ſententiam Rex Maximilianus quaſi ad Patris aurem pendeat, urpote qui Archicancellarij officium in ejus palatio multo tempore ſequendo Curiam prudentiſſimè adimplevit.

Sixtus Papa  
quartus  
moritur.

Eodem anno in menſe Auguſto, mortuus eſt Sixtus Papa quartus Pontificatus ſui anno XIII. apud S. Petrum in Vaticano ſepultus impenſis Juliani Cardinalis S. Petri ad Vincula ex fratre nepotis, qui poſt Alexandrum ſextum factus eſt Papa Julius ſecundus. Creaverat enim Papa Sixtus toto ſui Pontificatus tempore Cardinales viginti: inter quos Julianus S. Petri ad Vincula ex fratre nepos unus extitit: qui patrum ſicut diximus pompoſè nimium ſepelivit. Hic Papa Sixtus feſtum Præſentationis Beatæ Mariæ ſemper Virginis inſtituit, & ſolemnitatem Conceptionis ejus confirmavit. Feſtum quoque S. Annæ aviæ Chriſti, & S. Joſeph nutritij Domini in Eccleſia fieri juſſit.

Innocen-  
tius ſit Papa  
octavus,  
qui annis  
præſuit  
VIII.

Sixto in Pontificatu Romano ſucceſſit Joannes Baptiſta patria Genuenſis, Cardinalis Presbyter tituli S. Cæciliæ, qui dictus Innocentius VIII. Eccleſiæ præſuit annis VIII. diebus ſex atque viginti, vir optimus, affabilis, manſuetus, eloquio facundus & comis, morumque honeſtate ac maturitate inſignis. Hic Innocentius Papa Lupoldum Auriæ olim Ducem ſignis & miraculis coruſcantem Sanctorum Catalogo ad inſtantiam Friderici Cæſaris tertij adſcripſit.

Anno

Anno prænotato, vicesimâ primâ die mensis Februarij, natus est Joachim Brandenburgensium Marchio, Stetinenſium Pomeranorûmque Dux, sacri quoque Imperij Archicamerarius, ac Princeps Elector, filius Joannis Marchionis & nepos Alberti, qui cùm esset annorum decem & septem, Joannis Danorum Regis filiam duxit uxorem, de qua genuit filium paterni nominis Joachim: & alterum nomine Joannem: duas quoque filias, quarum nomina memoriæ non occurrunt, sperantes quòd liberos habiturus sit cum tempore plures.

Iste princeps Joachim ad litteras à Patre in juventute positus, quantum profecerit in lingua latina, testes sunt mecum omnes, qui noverunt eum. Non solum latinè legit, intelligitque perfectè, verum etiam, quod rarissimum est apud Germaniæ Principes, latinè scribit ornatas concinnas & disertas epistolas, suo ingenio, ad inventionem, & manu. Nam & S. Pontifici decimo Leoni nuper proprio ingenio & manu facundiâ latinâ plenam scripsit & misit Epistolam. Interfuimus olim pluries, quod cum Raymundo Cardinali S. Mariæ novæ Sedis Apostolicæ Legato in mensa loquebatur omnia non modò latinè, sed etiam ornatè in tantum, quòd cuncti mirabantur assidentes. In historijs tam veterum quàm novorum peritus & studiosissimus est. In Mathematicis quoque disciplinis super omnes, quos noverim, Principes eruditus. Mirabili, & prope divino viget ingenio, quo factum est, ut sine difficultate magna evaserit doctus: omniumque doctorum eruditorumque hominum unicus Mæcenas, amator & promotor omni tempore singularis. Cujus sententiæ fidem confirmat, & quanti pendat viros literarum studio deditos, ostendit Gymnasium illud generale, quod apud Franckenfurt oppidum suum, cis-Oderam, novum instituit, privilegijsque multis & necessarijs proventibus magnificè dotavit, ad quod viros undecumque doctissimos magnis beneficijs adscivit. Ejus conversatio cum doctis est assidua, quorum in sua curia nutrit multitudinem copiosam: in quos non tantum verbis affabilis, sed etiam donis munificus est.

In moribus & verbis maturus & non severus, jucundus, non dissolutus, humanus, non crudelis, mansuetus, non superbus. Et quanquam rei theoricæ, Philosophicæ maximè deditus, principatum tamen suum non minùs diligenter, quàm prudenter modestissimè gubernat. Subditis charus: bonis per dignationem socius: malis reprobis judex & censor austerus: Justitiæ cultor & amator est maximus: quippe qui nullius in judicio personam recipit: reum pro muneribus neminem absolvit. Verum quia tranquillus adhuc vivit in humanis, ratio nos admonet, ne calamum ultra laxemus.

Anno prænotato vini abundantia crevit ubique terrarum per Germaniam totam, ubi vitium exercetur cultura, quantam nullus mortaliu[m] præcessisse in memoriam potuit revocare. Nec prius nota fuit hæc vini copia tanta, quam in vindemia botros colligere homines cæpissent. Quo factum est, ut multis vasa deficerent: cùm pro tanta vini multitudine se paucissimi præparassent. Vendebatur tum vini plaustrum pro uno aureo nummo, & vas pro tribus. Henricus Abbas in Weissenburg, cui hoc anno vini plaustra creverunt, sicuti ejus ab ore audiui, quatercentum, sub eadem vindemia propter defectum vasorum centum sexaginta plaustra

Joachim  
Marchio  
Brandenburgensis  
laudatissimus.

Joachim  
Marchio  
amator,  
cultor &  
benefactor  
doctorum.

Joachim  
Marchio  
Justitiæ  
cultor,  
pius, mansuetus &  
rectus.

Vini abundantia inaudita.

Ruſtico-  
rum ingra-  
titudo Dei  
fuit benefi-  
cij provoca-  
ta.

ſtra vendidit pro totidem florenis monetæ communis. Venditores erant multi: emptores verò pauciſſimi. Nam uſque ad eò vinum hoc anno viluerat, quod muki vini cultores cæmentationes parietum non cum aquâ, ſed veteri vino maluere conficere. Alij propter vaſorum penuriam, ut novum reciperent, vetus in terram effuderant. Plures etiam non habentes vaſa pro tanta vini ſufficientia multitudinem, botros in vitibus dimiſſos colligere deſpexerunt: nonnulli quoque ruſticorum in rabiem verſi, cum Deo gratias agere dubuiſſent, in blaſphemiam ora laxârunt, verba fundentes, quæ non expedit recitare. Sed in ſequentibus annis vindictam ingratitudo recepit.

Georgius  
Abbas Hir-  
ſaugienſis  
XL. reſi-  
gnat.

Eodem anno, xxix. die menſis Septembris, quæ fuit ſolemnitate S. Arch-  
angeli Michaelis feſtiva, Georgius hujus Monafterij Hirſaugienſis Abbas, conſiderans ſe ad curam paſtorales propter multas conditiones non eſſe idoneum, Abbatiam propriâ ſponte ac liberâ voluntate anno regiminis ſui ſecundo reſignavit. Fuit autem Georgius iſte Abbas homo ſenex, manſuetus, atque tanquillus amator pacis & quietis. Verùm quia hujus Monafterij Abbatia virum requirit laborioſum expertum in multis, & ſuper omnia vigilantiffimum, qui non ſolùm ſpiritualia diligentiffimè curet, ſed etiam temporalia prudenter adminiſtret, humeris ſuis impor-  
tabile onus voluntariè depoſuit, & reverſus ad privatæ converſationis tramitem biennio ſupervixit. Cui Fratres pro ſuſtentatione vitæ annuam penſionem assignârunt certam pecuniarum ſummam, honeſtam hominis ſenectutem providè cogitantes. Nec diu poſteà cum ille apud exteros ſibi deligeret manſionem, Blaſius Abbas & Fratres religioſâ intenſione contradixerunt, aſſerentes illum non debere cum alterius profeſſionis hominibus habere manſionem, ſed potius inter noſtros regulariter con-  
verſari. Fit tandem Spiræ inter eos concordia per Hermannum Abba-  
tem S. Jacobi Moguntinum, & alios convocatos tali ſub conditione, quod in prioratu Richenbach Monafterio Hirſaugienſi abſque medio ſubjecto reliquum vivendi tempus cum ſua proviſione debeat ſeorſim reſidere tranquillus, quod & fecit quamdiu ſupervixit, obiit enim quartâ die menſis Auguſti, anno Blaſij Abbatis ſuccedentis ſecundo.

## De Blaſio hujus Monafterij Hirſaugienſis

Abbate XLI. qui præfuit annis xviii. menſibus ix.  
diebus xvii. & varijs geſtis.

Blaſius ſic  
Abbas XLI.  
annis xix.



Nno Dominicæ Nativitatis MCCCCLXXXIV. Indictione Romanorum ii. poſtquam venerabilis ſenior Georgius Abbatiam in manus, ut dictum eſt, ſui conventus liberè depoſuit & reſignavit, Prior cum Fratribus die præſtitutâ pro novi paſtoris electione ad locum Capitularem unanimis convenerunt. Præmiſſis autem celebrationibus Miſſarum & orationibus conſuetis, Blaſium, qui major cellerarius aliquandiu fuerat, in Abbatem hujus Monafterij XLI. unanimi voto elegerunt, qui confirmatus à Ludovico de Helmſtatt Spirenſium Epifcopo, & ſolemni pompâ ordinatus, præfuit annis xviii. menſibus



bus IX. diebus XVII. vir staturâ non incompositus, longior tamen, quam brevis, corpore macilentus, & congruâ membrorum proportionem dispositus, capillis simul & supercilijs nigrescentibus. Patriâ Suevus erat ex Oettingen oppido natus, parentibus liberis ortus atque honestis, Patre Henrico, matre verò Catharina genitus. Qui florida in ætate apud Hirsaugiam Monachus factus multo tempore sub Abbate Bernardo majoris Cellerarij, sicut dictum est, strenuè gessit officium, & secundum D. P. N. Benedicti sententiam omnia fideliter pro fratrum necessitate ministravit. Erat sanè vir magnæ prudentiæ & industriæ singularis, qui natus ad ardua videbatur, ingenio subtilis & ad quælibet præcogitanda promptus & callidus, quem nemo facile deceperit: animo constans & imperterritus, qui non cedere adversantibus novit, sed vincere potius, & triumphare. In agendis & procurandis rebus Monasterij temporalibus multum fuit diligens, providus, & circumspectus, & substantiam rei familiaris in utroque officio valdè ampliavit. Post mortem Bernardi Abbatis in ea turbatione, quam sub Georgio diximus exortam, dolo & suggestionem quorundam æmulo- rum ad breve tempus exulare coactus fuit apud fratres Weissenburgenses, sed inde revocatus cum honore ad Monasterium, non diu post in Abbatem sublimatur. Non reddidit vicem his, qui exulandi præstiterant causam, sed omnes patienter toleravit, sciens dixisse Judicem universorum: *Mihi vindictam, & ego retribuam*. Hâc sententiâ motus ad injurias fratrum patientissimus fuit, & contumelias sibi quandôque illatas prudentissimè dissimulavit: suâ enim prudentiâ vicit omnes motus subditorum, qui nonnunquam satis protervè in eum pravorum consilio surrexerunt. Quæ scribimus, non ad ignominiam præsentium Hirsaugiani Conventus Monachorum, sed ad cautelam futurorum ut referantur, obsecramus.

Blasij Abbatis Patria, parentes, mores & vita.

Blasius Abbas ad injurias patientia.

Paucis ante mortem ejus annis diabolo seminante, ac pravo hominum consilio interveniente, magna inter Abbatem ipsum & Conventum fuit suborta dissensio, nullâ existente legitimâ causâ, propter quam dissentire ab invicem debuissent, sed erant quidam aliarum Professores Religionum scioli simul, & nonnulli sæculares, qui varijs modis pacem inter eos crebrò perturbabant. Crevit in tantum dissensio, quod Patres de Annali Capituli unionis & observantiæ Bursfeldensium quatuor deputaverunt Abbates, quorum unus eram, ut Monasterium visitarent, & discordantes revocarent ad pacem. Visitavimus haud minùs tertio, & semel inquietatum pelagus vix tandem cum multis laboribus, nec sine magnis Cœnobij expensis ad tranquillitatem potuimus reducere. Et quamvis dissensionum causæ nec magnæ essent, nec legitimæ, quia tamen ex commissione Præsidentium toties visitare cogebamur, jam ab ista, jam verò ab alia parte vocati. Hirsaugiensium nomen, honor & gloria non solùm per Sueviam, sed per totam unionem nostram ubique non parvum sumpsere detrimentum, alijs Abbatem, alijs verò Conventum, nonnullis utròque damnantibus. Postremò in se reversi Monachi sanis acquievère consilijs (erant enim plures inter eos viri prudentes) recognitisque diaboli versutijs pacem receperunt oblatam. In omnibus Blasij prudentiam consideravimus prævalere malignitatibus temporum, qui passus injuriam, quasi nesciret, dissimulavit.

Dissensio inter Blasium Abbatem & Conventum gravis.

MCCCC LXXXV.

Bertholdus  
in Archie-  
piſcopum  
Moguntia  
conſecra-  
tur.

Anno Blaſij Abbatis l. Indictione Romanorum iiii. in Dominica media quadrageſimæ, quâ *Letare Jeruſalem* pro Miſſæ Introitu cantari conſuevit in Eccleſia Dei, Berchtoldus ex Comitibus de Hennenberg in Archiepiſcopum Eccleſiæ Moguntinæ electus & confirmatus, Moguntia conſecratus eſt miniſterio Joannis Camerarij Dalburgij Wormatiensis Epilcopi, conſtantibus ſibi Ludovico de Helmſtatt Epilcopo Spireniſi, & Bertholdo Panadenſe Epilcopo, qui Vicarius erat in Pontificalibus Archiepiſcopi Moguntini. Aſtabant etiam ſuis ornamentis thiarilque induti Abbates noſtri Ordinis Hermannus Abbas ſancti Jacobi Moguntinus, Conradus Abbas ſancti Joannis in Ringaugia, Joannes Abbas in Selgenſtat, Anſelmus Abbas in Limpurg, Joannes in Blidenſtat, Conradus Abbas in Amorbach Herbipolenſis Dioceſis, Joannes Trithemius Abbas in Spanheim, & alij tam noſtri Ordinis, quam Ciſtertiensis ac Præmonſtratenſis complures.

Capitulum  
Ordinis no-  
ſtri Provin-  
cialis xlv.  
Auguſt  
celebratur.

Eodem anno Dominicâ tertiâ poſt Paſcha, quæ fuit xxiv. dies menſis Aprilis, celebratum eſt quintum atque vicesimum Ordinis noſtri Capitulum Provinciale apud S. Udalricum in Auguſta, in quo præſederunt Joannes S. Ægidij in Nürenberg, Henricus ſanctorum Petri & Pauli Apoſtolorum in Weiſſenburg, Paulus in Elchingen, & Joannes Trithemius ſancti Martini in Spanheim Ordinis memorati Abbates. Verba fecit Weiſſenburgienſis.

Abbas cum  
Monachis  
ſuis in Salſa  
apoſtatavit  
ab ordine.

His etiam temporibus Abbas & Monachi Cœnobij Salſenſis in Dioceſi Argentinenſi Ordinis noſtri, conſectis falſis, & e mentitis narrationibus ſuis Innocentium Papam malè informantes, habitûque ſacræ Monastiæ Religionis abjecto temerè ab Ordine reſceſſerunt. Monasterium in Eccleſiam ſæcularem transferentes, & facti ex Monachis reprobis malis atque perversis Canonici peſſimi, diſſolutiſſimi, Deoque mendaces, & Angelis apoſtatanſibus ſimillimi, non diu ſupervixerunt, ſed morte horrenda in brevi omnes ſublatis pœnas temeritatis ſuæ dederunt. Simile contigit omnibus, qui noſtris temporibus ſimilia præſumpſerunt.

Joannes fit  
Abbas  
Burfelden-  
ſis.

Anno prænotato, ſecundâ die menſis Januarij, hoc eſt, in octavis Proto-Martyris Stephani, obiit Theodoricus Abbas Monasterij ſanctorum Thomæ & Nicolai apud Burſfeldiam, qui tertius fuit in obſervantia regulari, homo integerrimæ converſationis, qui multa fecit bona pro reformatione Ordinis noſtri per Saxoniam. Poſt hunc Joannes in Abbatia ſuccedens præfuit annis ſedecim, menſibus quatuor, vir & ipſe multum religioſus, qui plura in Monasterio ædificia ſumptuoſa de novo conſtruxit.

Atrebatum  
à Maximi-  
miliano  
capitur.

Eodem anno ſextadecimâ die menſis Martij horâ circiter quartâ, fuit magna ſive totalis defectio ſolis, quam Græci nominaverunt *ecclypſin*, quam Fratres multi curioſius, & ſine medio per apertum intuentes, non parvam acuminis videndi læſionem per dies manentem plures acceperunt.

His etiam temporibus Ludovico Rege Gallorum undecimo, ut paulò ante dictum, eſt mortuo, & Carolo filio ejus adhuc puerulo ſuccedente, non immemor Archidux Maximilianus eorum, quæ Galli ſæpius contra fidem juratam egilſſent mala, contractis copijs de Flandria movens in

in

in Picardiam, Atrebatensem urbem noctu ingressus capit nullo resistere, vel audente, vel potente; Præfectum urbis dormientem intercipit. Post menses aliquot arcem ad majorem mercatum, & munitiones civitatis adversum oppidum sancti Vedasti à Ludovico Rege Gallorum extructas funditus subverterunt. Antiquo etenim jure ad Regnum Germaniæ pertinet Atrebatum.

Civitas Atrebatensis à Maximiliano Archiduce capitur.

Anno prænotato, Innocentius Papa VIII. magistro Insulæ Rhodiorum mandavit, nescio unde motus, ut Zizimum fratrem Bagiasich Regis Turcarum ad se Romam transmittat. Itaque ad Papæ instantiam Zizimus per Priorem de Alvernia Romam perductus est, & mansit ibidem annis novem. Postea Carolo Regi Gallorum à Papa Alexandro donatus & abductus, non diu vixit.

Zizimus frater Turcarum Regis captus Romam mittitur.

Eodem quoque anno Blasius hujus Monasterij vigilantissimus Abbas plura comparavit suo Cœnobio bona, inter quæ duximus annotare subjecta. In primis auxit & ampliavit proventus annuos in Waldeck & villa Kenthen, in summa librarum Hallensium octoginta quinque super fundo, qui nuncupatur feudum piscatoris. In eodem loco fundum specularij dictum pro libris Hallensium octoginta quinque similiter comparavit. Curtem quoque in Schaffhausen à sacerdote quodam de Wil nomine Wolffgango emit pro florenis aliquot, & Partem fluvioli nuncupati die Wuren pro triginta libris Hallensium comparavit.

Blasius Abbas in diversis locis plura comparavit bona.

MCCCCXXXVI.

Anno Blasij Abbatis secundo, Indictione Romanorum quarta, Wilhelmus de Arenberg, qui Joannem de Burbon Episcopum Leodiensem ante quadriennium sicut dictum est prius insidiosè occiderat, per fratrem succedentis Episcopi Joannis de Horn simili dolo capitur, & ductus Trajectum superius oppidum juxta Mosam capite truncatur. Sicut fecerat, ita factum est ei, & qui pactum violavit manum temerè mittens in Christum Domini, fidem invenire non meruit, quam ipse minimè servavit. Composuerat enim prius cum Joanne de Horn Leodiensium antistite super parricidio in antecessorem ejus commisso, & pace reformatâ inter eos nihil suspicabatur mali de aliquo. Ejus occasione sceleris plura sunt mala subsecuta: Rupertus etenim de Arenberg fratris necem vindicans, Leodiensium inimicus factus est, & multa eorum millia passim occidit.

Wilhelmus de Arenberg peremptor Episcopi Leodiensis occiditur.

Eodem anno, vicesimâ die mensis Februarij, quæ fuit secunda feria post Dominicam *Reminiscere* in quadragesima, Franckenfurt oppido Regali in Ecclesia S. Bartholomæi Apostoli Maximilianus Archidux Austriæ, ad instantiam Friderici Imperatoris tertij genitoris sui præsentis in Regem Germanorum electus est, annum agens ætatis tricesimum primum, cujus Electores isti fuerunt: Bertholdus ex Comitibus de Hennenberg Archiepiscopus Moguntinus, Joannes ex Marchionibus de Baden Archiepiscopus Trevirorum, Hermannus ex Landtgravijs Hassiæ Archiepiscopus Coloniensis, Philippus Comes Palatinus Rheni, Ernestus Dux Saxonie, & Albertus Marchio Brandenburgensis.

Maximilianus Archidux in Germaniæ Regem eligitur.

Eodem anno post Festum Dominicæ Resurrectionis, Maximilianus Rex cum principibus multis navigio descendit ad Coloniam, indeque per terram ad Aquasgrani, ubi cum magna pompa & solemnitate Patre

Maximilianus Aquigrani coronatur.

U u u 2

Imperatore



Maximilia-  
ni Regis  
Germano-  
rum tituli  
usuales.

Imperatore astante per ministerium Hermanni Archiepiscopi Colonien-  
sis supra dicti juxta consuetudinem antiquitus introductam quintâ die  
mensis Aprilis, quæ fuit quarta feria post *Quasi modo geniti*, in Regem  
Germanorum inungitur & coronatur, qui deinceps hodie regnat feliciter  
titulum hujuscemodi habens. *Maximilianus Dei gratia Romanorum Rex  
semper Augustus, Hungaria, Dalmatie, Croatia, &c. Rex, Archidux Austria,  
Dux Burgundia, Lotharingia, Brabantia, Stiria, Carinthia, Carniola, Limpurgi,  
& Geldria, Comes Flandria, Habsburgi, Thiroli, Phiri, Kiburgi, Arthesij, &  
Burgundia, Palatinus Comes Hannonia, Hollandia, Selandia, Namurci, &  
Zuthphania, Marchio S. R. I. Burgauiag, Landgravius Alsatia, Dominus Frisia,  
Sclavonia, Portus Naonis, Salinarum, & Mecblina, & cetera.* Sunt & alia  
quædam in ejus jure dominia, quorum titulis ubique non utitur.

Albertus  
Marchio  
Branden-  
burgensis  
obiit.

Eodem tempore, quo Maximilianus apud Franckenfurt in Regem  
fuit Germanorum electus, obiit ibidem Albertus Marchio Branden-  
burgensis Princeps Elector, bellicosissimus, qui multa prælia gessit, & quasi  
omni tempore victor gloriosus evasit. Reliquit autem duos filios Joan-  
nem & Fridericum, quorum primogenitus ipse Joannes patri mox in  
Electoria dignitate succedens, duos genuit filios, Joachim Principem Ele-  
ctorem, & Albertum Archiepiscopum Magdeburgensem, Annam, quæ  
nupsit Duci Holfatenfi, & Ursulam, quæ nupsit Henrico Duci Mega-  
lopolitano, & ante biennium mortua est. Fridericus autem duxit ux-  
orem filiam Regis Poloniae nomine Sophiam, quæ peperit ei Casimirum,  
Albertum, Georgium, Fridericum, Joannem, & quatuor filias, quarum  
nomina præter Barbaram memoriæ jam non occurrunt.

Lex pacis  
dicta der  
Landfried  
ab Impera-  
tore condi-  
tur.

Anno etiam prænotato Fridericus Imperator tertius convocatis regni  
Principibus apud Aquasgrani, filio jam, ut diximus, in Regem coronato,  
legem de pace decennali servanda tulit, in qua universis & singulis regno  
& imperio subiectis mandavit, ut pacem per annos decem servarent ad  
invicem, neque alter alterum viâ facti in persona, vel in rebus offenderet.  
Contrarium facientes banno Imperiali subjecit, ita videlicet, quod nulla  
declaratione præmissâ, in personis & in rebus à quolibet impunè spoliari  
possint.

Eodem anno decimâ die mensis Februarij, natus est Heidelbergæ  
oppido Georgius sextogenitus Philippi Comitis Palatini Bavariæque Du-  
cis, qui postea major Præpositus fuit Ecclesiæ Moguntinæ, & hodie vivit  
Episcopus Spirensis, electus & confirmatus, annum agens ætatis septimum  
atque vigesimum.

Abbas in  
Zwifalten  
contra  
Tutorem  
suum fru-  
stracogitat.

Anno etiam prænotato, Monasterij Zvifalten nostri Ordinis, Con-  
stantiensis Diocesis Abbas, novitate suâ quærens disturbia, sese unâ cum  
dicto Monasterio suo à tuitione Comitum de Wirtemberg tentavit sub-  
ducere, & defensionem Austriæ Ducum in toto commendare. Acceptum  
igitur vexillum Sigismundi Archiducis Austriæ, qui morabatur in In-  
spruck, suspendit in Monasterio, ut signum alienatæ tuitionis esset mani-  
festum. Quod cum audisset Comes Eberhardus Barbatus, Monasterium  
potenter intravit, vexillum Ducis Sigismundi deposuit, laceravit, pro-  
jectumque in terram pedibus calcavit, reposuitque suum, quod propterea  
attulerat. Eâ da re magnam Friderici Imperatoris tertij indignationem  
contraxit,

contraxit, interveniente tamen rege Maximiliano gratiam rursus promeruit, & tuitionem retinuit.

Anno item præsignato parum vini crevit, unde & pretium ejus valdè ascendit, quare multorum ingratitude satis clarè vindicata: anno namque abundantiae vini, de qua paulò superius fecimus mentionem, centum vini plaustra nobis creverunt in Spanheim, sequenti anno, hoc est, ab isto proximo de omnibus crescentijs, decimis, & censibus unum duntaxat plaustrum habuimus. Anno autem qui fuit secundus ab anno copiarum prædicto, hoc est, isto prænotato, duo tantum plaustra nobis provenerunt ex omnibus. Et vini plaustrum, quod abundantiae anno vendebatur pro uno floreno, hoc anno pro viginti vix poterat inveniri, frumentorum, nihilominus vile pretium fuit. Nam tria siliginis maldra pro uno dabantur floreno, nec erant, qui emerent.

Eodem anno quarta die mensis Augusti, obiit in Cella S. Gregorij Papæ apud Richenbach, quæ prioratus est Monasterio Hirsaugiensi sine medio subiectus. Georgius quondam hic Abbas ante Blasium, ibidem sepultus. Hoc etiam anno Blasius Abbas quasdam possessiones in valle Waldeck pro centum florenis à quodam Andrea Steiden emptione perpetuâ comparavit. Denique pro agris & pratis nonnullis prope castrum Waldeck centum quinquaginta exposuit, & in Wil censum duorum aureorum pro quadraginta florenis eodem anno Monasterio comparavit.

Georgius  
quondam  
Abbas hu-  
jus Mona-  
sterij obiit.

In fine hujus anni vicesimâ quintâ die mensis Decembris, hoc est, in Festo Nativitatis Domini Nostri Jesu Christi, obiit Conradus de Rotenberg Hassius, Abbas montis sancti Joannis Baptistæ in Ringaugia, & in Abside Australi sepelitur ante altare sancti Benedicti: vir doctus, religiosus, & in observantia regulari studiosissimus. Qui cum esset amator & Capellanus Beatæ Mariæ semper Virgini devotissimus, scripsit in ejus laudem satis pulchrum & commendabile volumen, sumpta de singulis membris ejus (sub titulo botri) materia laudis, cui titulum convenientem imposuit talem: *De Vineâ Domini Sabaoth*. Et incipit: *Fundamenta ejus in montibus sanctis*. Lucubravit & alia nonnulla, quorum titulos in libro de scriptoribus Ecclesiasticis per ordinem consignavimus. Ad hujus devotissimi Patris sepulchrum nos tale lusimus Epitaphium, & in tabella scriptum parieti affiximus.

Conradus  
Abbas  
montis  
S. Joannis  
vir sanctus  
obiit.

*Siste parum gressus, paulumque morare viator,  
Conradi Rotenberg hic quia busta vides.  
Monsacer hunc tenuit, Rhenus quem conspicit amnis,  
Moribus, ingenio par cui nullus erat.  
Hujus Cænobij fuerat clarissimus Abbas,  
Virtutum cultor Religionis amans.  
Primus enim nostræ jecit fundamina vitæ,  
Quæ Bursfeldensi nomine clara viget.  
Sobrius, & castus, pius, integer, atque quietus,  
Cui cibus & culus parvus & asper erat.  
Hic etiam magno Christi genitricis amore  
Captus erat, laudes scripsit & ille suas.*

Conradi  
Abbatis  
Epitaphiū  
à Joanne  
Trithemio  
compositum.

*Ipfè pius magno fratrum dilectus amore,  
 Extinctusque die, quâ ſacra virgo parit.  
 Ergo Deum juſtâ cuncti ratione precamur,  
 Ut ſibi ſidereo det reſidere polo.  
 Hoc tibi pro merito poſuit Trithemius Abbas,  
 Quem tua de Spanheim vota tulere patrem.*

Ordinarij,  
 & Cerimoniarum  
 Auctor.

Interfuit enim Electioni meæ, ut ante triennium eſt dictum: *Fecit noſtræ fundamina vite.* Quoniam mandato Capituli annalis, Ordinarium divinatorum ſimul & conſtitutiones obſervantiæ noſtræ, quas uſitato nomine ceremonias nuncupamus, ipſe lucubravir, emendavir, diſtinxit, & impreſſioni commendavir.

Bingionum  
 cum ſuis  
 Dominis  
 pro venatione  
 diſſenſio.

Anno item prænotato magna inter oppidanos Bingenſes & Dominos eorum Canonicos majoris Eccleſiæ Moguntinæ fuit ſuborta diſſenſio, propter venationes in nemore Bingionum, quarum uſum à multis retrò annis oppidani (ut aſſerebant) liberum ſemper habuerant, & in poſſeſſione quicta. Contradicebant hiſ Canonicis, & omnem ejus venationem interdicientes, hanc libertatem venandi non oppidanis, ſed ſibi ut Dominis eorum ſolis competere aſſerebant. Interpoſuit Bertholdus Archiepiſcopus vices ſuas ad concordandum, auditisque querelis partium pro Canonicis tulit ſententiam, & oppidanos non debere intendere venationibus, nec juſ habere venandi penitus judicavit. Hoc ſuum decretum litteris atque ſigillis confirmatum, partibus perpetuò tradidit obſervandum. Conſenſit abſque voluntate ſenatus, non jure ſed injuria vociferans judicatum: cum (ut ipſi dicebant) à tempore, cujus initij nemini ſit memoria, & juſ venandi ſemper habuerint & uſum. Non diu ſterit violenta concordia; dolentes namque Bingij præreptam ſibi venationem avitam, contemptis ſpretisque litterarum monimentis jam pridem datis & acceptis, juſ venandi reſumere ſuum tentaverunt antiquum. Armatam igitur multitudinem juventutis quadam die cum canibus & retibus venatorijs in ſylvam miſerunt, exiſtimantes ſe tali uſurpatione præſcriptionem poſſe continuare intercifa. Verùm ſecus quàm ſperaverant accidit. Archiepiſcopus enim Bertholdus ad instantiam Canonicorum cum quadringentis viris armatis ad Bingen ſecretiùs redijt, & ante lucem mane per poſticum ad caſtellum Klopp, quod oppido in monte adjacet, intromiſſus fuit. Semper enim Canonici ſuum in eo caſtello ſolent habere præſidium. Igitur vicesimâ ſeptimâ die menſis Novembris, anno præſignato, memoratus Archiepiſcopus ad arcem Bingionum latenter intromiſſus, ad ſe vocavit ſenatum: quorum alios conjecit in vincula carceris, alios extra Diœceſin proſcripſit. Prima dehinc die menſis Decembris Senatum, Scabinos, Judices, & Officiales novos inſtituit, & rempublicam pro ſuo arbitrio reformavit. Ne verò in emptionibus, locationibus, & impignorationibus bonorum immobilium doli committerentur, & fraudes, novum ſenatui dedit ſigillum atque commune. Prius enim quilibet Judex ſive ſcabinus quaslibet litteras venditionis coram ſe lectas ſuo roborabat ſigillo: fiebantque deceptiones multæ; cum ſæpius una domus aut vinea impignoraretur aut venderetur duobus.

Bingiones  
 factam ſuper  
 venatione  
 concordiam  
 violarunt.

Bingionum  
 Senatus  
 proſcribitur  
 vetus,  
 inſtituitur  
 novus.



MCCCCLXXXVII.

Anno Blasij Abbatistertio, Indictione Romanorum v. in mense Martio, Nicolaus mirabilis Eremita apud Helvetios sive Suitenses obiit, & in sua capella solitudinis, ut petierat, sepelitur, de quo ante septennium retro plura scripsimus. Verè namque Eremita fuit nostrâ tempestate admirabilis, qui vixit in solitudine temporibus multis, & in xx. annis nihil penitus manducavit. Scio, nec dubito, mirabitur super his posteritas omnis, in duasque divisa partes, nos altera mendacij arguet, altera ignorantia. Sed neque mendaces in hac parte sumus, neque veritatis ignari, quippe qui plus quàm centies mille hominum testimonio confirmatam recensemus historiam, non vulgarium modò, non Suitensium aut Lucernensium, gentilium ejus tantum, sed summorum quoque Principum, Sixti videlicet Papæ IV. Innocentij VIII. Friderici Imperatoris III. Archiducis Austriae Sigismundi, Thomæ Constantiensis Episcopi, & complurium aliorum Pontificum, Ducum & Prælatorum, quorum alij proprijs in personis, alij per suos Oratores, procul sit dubium, sagacissimos indaginem veritatis facientes, omnia invenerant esse probata.

Nicolaus  
mirabilis  
Eremita  
Helvetio-  
rum obiit.

Nemo igitur posterorum dubitet, in ambiguum nemo revocet, hodie sunt manifesta, probata, & in omnium Germanorum penè cognitione certissima, quòd iste Eremita Nicolaus in proximis xx. annis, qui mortem ejus continuatim præcesserunt, nihil omnino manducavit, discernendi gratiam ultra mensuram suæ conditionis habuit, profunda Scripturarum mysteria referare potuit, plenus prophetiæ spiritu plurima prædixit. Unum producamus in medium, cujus exemplo plurima fiant manifesta.

Nicolaus  
Eremita  
sapientiâ  
plenus &  
Propheta  
magnus  
fuit.

Abbatem novimus quendam Ordinis nostri, virum doctum per omnia & religiosum, sed aliquantulum plus rerum temporalium, ac divitiarum hujus mundi cupidum, tenacem & avarum. Is cum aliquando ex ordinatione Provincialis Capituli Monasteria Ordinis nostri per Diocesim Constantiensem visitaret, curiositate magis, quàm devotione motus Eremitam hunc etiam videre voluit mirabilem. Comitem itineris & socium habuit Visitationis Conradum Abbatem in Wiblingen memoratæ Constantiensis Diocesis, virum moribus & conversatione valde notabilem, atque veracem, à quo nos factum audivimus. Cumque pervenissent ad Eremitam Nicolaum, cepit eum alter ille Abbas multis tentare sermonibus, de varijs interrogare quæstionibus scripturarum, quamquam sciret illum litteras ignorare.

Abbas quidam Nico-  
laum tenta-  
ns confu-  
sus est.

Ad omnia promptissimè respondit Eremita, humillimum se habuit in cunctis, nec aliquod impatientiæ signum ostendit, quamvis plurimum urgeretur ab Abbate, qui omnino voluit experiri, quid in eo lateret. Inter multa, quibus illum Abbas tentator vexavit, dicebat: *Tunc es ille, qui se gloriatur in tot annis nihil comedis?* Cui Eremita respondit: *Bone Pater ego nunquam dixi, nec dico me nihil comedere.* Rursus cum urgeret ille cupiens irritare mansuetum, de avaritia incidit sermo, & dixit ad Eremitam: *Quid est avaritia?* Respondit ille dicens: *Quid de avaritia me interrogas hominem indoctum & nihil habentem, cum tu utpote vir doctus & dives, non solum melius me noveris, quid sit, sed etiam sis jam satis expertus, quid operetur in corde hominis avaritia, quando priori anno, 27. plaustra vini optimi, non sine avaritia incendio, pro vili pretio comparasti, qua anno revoluta vendidisti*

Nicolaus  
providè  
Abbatis  
latentem  
denudat  
audaciam.

pro.

*pro magno pondere auri? Sed avaritiam tuam intercipientis Episcopus tuus cupiditate suâ punivit; cum te invito & reclamante vinum omne illud 27. plauſtro- rum & tibi & Emptori præripuit, & suis cellarjjs violenter introduxit, pro quo tibi nec unum obolum persolvit, nec in antea soluturus est. Hæc avaritia testimonio in fronte tua scripta sunt, in corde radicata, & tibi non sine marore manifesta.*

Nicolaum  
Eremitam  
spiritum  
habuisse  
prophetiæ  
certum est.

Obstupuit his dictis Abbas, & vehementer consternatus animo, nihil ultra potuit respondere. Et quis non obstupeſceret, audiens, ea referare in publicum hominem idiotam, plusquam 60. milliaribus à loco facti procul distantem, quæ nullâ relatione hominum præsertim in vasta soli- tudine accepit? Nulli sit dubium, quin ea non ab homine perceperit ali- quo: sed per Spiritus Sancti revelationem, cui toto corde solus servivit.

Avaritiæ  
historia,  
quam dixe-  
rat memo-  
rato Abba-  
ti.

Hujus autem facti talis fuit historia. Memoratus Abbas tempore vindemiarum 27. plaustra vini coëmerat à vini cultoribus, pro quolibet plauſtro sex florenos pendens Rhenenses. Anno sequente crevit pretium vini, ac vendidit memoratum vinum cuidam civi Nürenbergenſi, quod- vis plauſtrum pro xxiv. florenis. Quod audiens Episcopus, pravorum instigatus consilio, priusquam emptor suos disponderet currus, vinum omne rapuit, & navigio impositum sua in cellaria perduxit. Non enim jaeuerat in Monasterio vinum, sed in villagio, ubi fuerat per Abbatem comparatum. Et sic avaritia punivit avarum, quod latere non potuit sanctum Eremitam Christo dilectum.

Experimen-  
to didice-  
runt Helve-  
tij sanctita-  
tem Nico-  
lai.

Multa denique memoratus F. Nicolaus multis vera prædixit, & ab omnibus, qui noverant eum, ut verax Dei servus & propheta habitus est. Nectemerè quidem. Conjurati namque Suitenses de Lucerna imprimis, cum famaretur nihil comedere, tantâ eum solitudine industriâ & saga- citate observabant, primò secretius ipso nesciente, postea etiam manifestè ipso sciente, ut non fuerit possibile cibum inferri per aliquem quovis modo vel ingenio, quod eorum curiositatem latuisset. Et revera scimus illius gentis sævitiam, & populi terræ furorem, qui si fraudem, deceptio- nem aut simulationem in homine reperissent, sine misericordia confe- stim ab eis fuisset occisus. Archidux quoque Austriæ Sigismundus Physicum suum Doctorem Burckardum de Horneck virum non minus doctum, quàm rerum novarum sagacissimum inquisitorem, qui hodie octogenarius nobiscum vivit apud Peapolim, ad eundem misit Nicolaum observandi causâ, utrum fama continuati esset vera jejunii, an falsa. Dili- gentissimâ curiositate per plures dies ab eo observatus & noctes, certius certo probavit, eum nihil manducare. Simili curiositate Sixtus Papa quartus, Fridericus Imperator tertius, Episcopus Constantiensis, & multi Principes alij hominem tentantes observari fecerunt, & veram extitisse famam observantiæ perpetuæ omnes invenerunt: fertur post mortem pluribus clarere miraculis.

Capitulum  
Ordinis  
nostri Pro-  
vinciale  
xxvi cele-  
bratur.

Anno prænotato, Dominicâ tertiâ post Pascha, quæ fuit vi. dies Maij, celebratum fuit Ordinis nostri Capitulum Provinciale xxvi. apud Mogun- tiam in Monasterio sancti Jacobi. In quo præfederunt Henricus Weissen- burgensis, Conradus in Wiblingen, Bertramms sancti Gothardi prope Hildesheim, & Joannes in Selgenstatt Monasteriorum Abbates.

Ortus Ligæ  
Suevicæ.

Eodem anno magna illa civium regni Germanici confœderatio, quam Ligam vulgariter Suevicam nuncupant, Imperatoris Friderici, &

Regis

Regis auspicio Maximiliani sumpsit exordium, eâ videlicet ratione & causâ, ut sese mutuis auxilijs contra indictæ pacis quoslibet violatores unanimi firmitate defenderent. Quæ quidem civium confœderatio nonnullis Principibus Germaniæ valdè displicuit, pluribus etiam placuit, qui & in eorum consortium pari amore transierunt. Brevi namque tempore valdè crevit ista societas, & multis nimium cæpit esse formidabilis.

Quantum verò bonum hæc tanta confœderatio protulerit regno, quantam Civibus pepererit pacem, quot contentiones & bella alioquin futura extinxerit atque prævenerit, nemo vel mediocriter expertus poterit ignorare. Omnes enim Principes, Episcopi, Duces, Abbates, Comites, & Cives regni, quotquot in hanc jurarunt Ligam seu confœderationem, sic sibi mutuò sunt coadunati, ut quidquid unum concernit, omnes concernere videatur. Multi sunt: justi sunt: formidabiles sunt: & suorum defensores acerrimi, quod non sine rerum suarum gravi dispendio nonnulli fuerunt experti, qui mutire in eos præsumpserunt. Communibus impensis cum opus fuerit, militant, suorum libertatem acriter defensant, justitiam singulis administrant, neminem nisi prius læsi perturbant, & ideo fortes, constantes, & unanimes in sua confœderatione perseverant, annis jam xxvi. usque ad præsentem diem.

Quantam hæc Confœderatio pacem hominibus dederit.

Anno item prænotato, Fridericus Imperator, & Maximilianus Rex apud Nürenberg oppidum regni Conventum indixerunt Principibus, ubi multis convenientibus inter varios tractatus multa fuerunt proposita, dicta & agitata de bello in Turcas movendo: sed præter verba, nihil aliud sequebatur, omnibus quæ sua sunt quærentibus, non quæ Jesu Christi.

Conventus fit Principum Nürenbergæ.

His temporibus, Archidux Austriæ Sigismundus bellum indixit Venetis, Germanorumque coadunato exercitu Roveritum Venetorum oppidum obsedit, cepit, ac funditus destruxit. Venetorum autem Capitaneus Athesi fluvio transmissio exercitum movit ad urbem Tridentinam: contra quam exercitus Sigismundi festinans ad pugnam congregitur, bellum atrox committitur, & ambiguo Marte diutius pugnatur. Tandem Germani obtinuerunt victoriam, & Venetorum plurimi fuerunt occisi, alij præcipites in flumine demersi, reliqui salutem fugâ quæsierunt, & ompesturpiter ad sua redierunt confusi. Eo bello Ruperti Severinatis filius Antonius Maria Dux Venetiani exercitus ad singulare certamen, quod *Monomachiam* græci vocant, provocare Germanos non metuens, vel ut suæ gentis gloriam quæreret, vel ut nominis famam posteris suis commendaret, citò poenas dedit temeritatis. Joannes enim Comes de Monte solis vulgariter Sonnenberg præsumptuoso congregiendi eum vicit & occidit.

Bellum Sigismundi Archiducis in Venetos.

Anno quoque præsignato, Innocentius Papa VIII. decimam omnium proventuum partem à Monachis & Clericis Regni Germanici Censurarum sub fulmine postulavit. Cumque harum novitatum rerumque Nuntij & Exactores per singulas Dioceses discurrere cæpissent à Pontifice deputati, fiunt mox Clericorum hinc inde Conventus, varia habentur consilia, & postremò metu Censurarum à Papa non rectè informato, ad Papam benè informandum appellatio cunctorum adhesionis interponitur. Fridericus autem III. Imperator timens, ne vel Clerici fieret à Papa discessio, vel in Ecclesia Dei aliqua divisio, Pontifici scripsit, & eum à malè cæptis prudenti consilio & efficaci persuasione revocavit.

Decimam omnium proventuum à Clero Innocentius exigit.

X x x

Eodem



Bellum inter  
Walesios  
Suitenses,  
Mediolanen-  
ses.

Eodem anno, xxviii. die mensis Aprilis, factum est atrox bellum inter Ducem Mediolani & Cives urbis Walesiæ, qui secum habuerunt conjuratos Suitenses in auxilium contra Lombardos. Ancipiti Marte pugnatum est diu, & multi ab utraq; parte ceciderunt, vulnerati plures, nonnulli abducti sunt captivi, donec pax inter eos fuit reformata.

Henricus  
Comes  
Palatinus  
nascitur.

Anno prænotato, xv. die mensis Februarij Heidelbergæ oppido nascitur Henricus septimogenitus Philippi Comititis Palatini Rheni Bavarici-que Ducis ac Principis Electoris; qui annum hodie agens xxvi. præpositus est Ecclesiæ S. Albani prope Moguntiam.

Udalricus  
Wirtten-  
bergæ Dux  
nascitur.

Eodem quoque anno natus est Udalricus Comes de Wirttemberg patre Henrico & matre Comititis filiâ de Bitsch, quem infantem adhuc & in cunabulis jacentem Eberhardus senior Comes Barbatus per duos à Secretis cum nutrice ad Stutgardiam occultè fecit deferri, ibique nutriri, ac summa cum diligentia educari. Hic est Udalricus ille Princeps magnificus, qui hodiè annorum ætatis xxvi. Ducatum Wirttembergensium strenuè gubernat, pacem servat, justiciam cunctis administrat, divitijs, gloriâ, virtute ac potentiâ nulli Ducum secundus, non minus ad bellum (si oportuerit) quàm ad pacem dispositus.

Census &  
proventus  
hujus Mo-  
nasterij au-  
cti hoc an-  
no.

Anno etiam prænotato, Blasius Abbas hujus Monasterij proventus & census annuos notabiliter augmentavit. Censum unius floreni annum pro viginti à Leprosorio apud Wilam redemit. Bona quoque & possessiones in Lützenhart prope Bergenhausen centum viginti auri nummis comparavit. Pro curte quadam Dizingvilla, quingentos & quinquaginta similiter exposuit. Unam quoque & viginti Hallensium libras dedit pro reliqua parte Würen fluminis prope Schaffhausen villagium. Viginti quoque libras Hallensium, pro quibusdam agris & pratis in Waldeck exposuit.

#### MCCCCLXXXVIII.

Maximilia-  
nus Rex à  
suis subdi-  
tis in Flan-  
dria capi-  
tur.

Anno Blasij Abbatis IV. Indictione Romanorum vi. cum Rex Germaniæ Maximilianus paucis comitatibus familiaribus descendisset in Flandriam, Philippi filij sui rebus consulturus, qui annum ætatis tunc agebat sub tutoribus decimum, à Burgensibus consilio Gandavensium cum suis omnibus capitur, ac diutius in custodia cujusdam habitationis honesta detinetur, cunctis ab eo seclusis familiaribus, præter coquum, ut ferebatur, unicum. Enimverò cum Philippus Archidux, quem secum habebant in Flandria, puer adhuc, non esset ad regimen Principatum terræ idoneus, & Patris ordinatione non per incolam terræ, sed extraneos omnia disponentur & fierent, indignabantur Flandrenses, quasi viderentur despecti: & seditione factâ manus in Regem injecerunt violentas.

Causam ut  
Regem ca-  
perent  
Flammingi  
variâ in-  
tulerunt.

Inferebant etiam, quod Regentes ac Præfecti, quos Rex terræ præposuerat, annis jam pluribus retroactis incredibilem pecuniarum levassent summam, quam ubi, cui, quomodo vel in quem usum exposuissent, nulli fecerint rationem. His ergo nimiam importunitate Regem urgebant, volentes inprimis, quod omnes deponeret Præfectos terræ ac Regentes: se quoque penitus abdicaret renuntiaretque omni juri Comitatus Flandriæ: & jam deinceps omnem administrationem Principatus filio permitteret liberam & absolutam: quem ipsi pro suo recognoscerent Domino, & alium neminem, neque Patrem. Renitentem postulat Regem diutius

diutius furiosi detinere captivum, venenato consilio Venetorum, prope in ejus necem parati, sic more suo scribentium: *Homo mortuus non facit guerram.* Quorum consilium, qui non intelligit, nihil intelligit. Sed armis pugnant Germani, non invisibili magisterio. Nihilominus ex familia ejus atque nobilibus aliqui vesaniâ Brugenſium fuerunt occisi: ceteri fugâ labentes vix evaserunt.

Interea Fridericus Imperator tertius Pater Maximiliani Regis audiens filium à Brugenſibus captum, imprimis aviſat Romanum Pontificem Innocentium octavum de facto, qui Majestatis læsæ reos statim excommunicat. Deinde Principum & Civium regni auxilio congregavit exercitum: & descendit cum multis Principibus atque nobilibus in Flandriam, ut liberaret filium. Habuit autem in suo exercitu Equitum tria millia, quadringentos & viginti duos, peditum verò duxit quinque millia nongentos & viginti quinque. Currus autem habuit ducentos & viginti duos.

Cum his veniens in Flandriam, quidquid erat in villis & agris extra munitiones, irato devastare animo cepit. Brugenſes autem cum audissent Cæsaris adventum, non confidentes oppidi sui muris atque fossatis, captivum Regem tradidere Gandavis. Quod ubi Cæsar intellexisset, Gandavum obsedit ac fortiter impugnavit. Decimo sexto Maij cernentes Gandavi, quod Cæsaris viribus diutius non possent resistere, humiliari pacem ab eo petunt, & sub certis conditionibus impetrant; plurimorum judicio veniâ indigni videbantur. Et sic pater filium potenter liberavit.

Anno prænotato, septima die mensis Maij, nascitur Heidelbergæ oppido Joannes octavo genitus Philippi Comitis Palatini Rhæni Bavarie: quæ Ducis ac Principis Electoris: qui hodie annorum quinque atque viginti Ratisbonensis in Bavaria Episcopus habetur & confirmatus, bonæ indolis & spei Princeps.

His ferme temporibus Monasterium in Elvvangen Ordinis Divi Patris nostri Benedicti, Augustensis Diocesis, in quo viri olim non solum eruditione omnimodâ scripturarum, sed etiam vitæ merito complures sanctissimi claruerunt, perjurio, mendacio & apostasiâ perversorum, impiorum & Deum negantium, Abbatis & Monachorum, ab Ordine translatus est in Ecclesiam Sacerdotum (malè dicerem Canonorum) sæcularium. Canonicus etenim Regularis est: qui Regularis est, regulariter vivit, qui autem regulariter vivit, Ordinem suum rectè custodit, & ab eo nullatenus recedit. Sed isti Monachi & Abbates Apostatantium socij Angelorum, quales fuerint, quàm temerarij, quàm iniqui, perversi & irregulares, non meo sermone fuerit ostendendum, cum eorum sit impio facto satis manifestum. Et quid tam impium, quid tam temerarium & sceleratum, quàm votum Deo solemniter factum revocare? Et non modò verbis, verum & factis, mente, corde & ore, totisque & viribus & conatibus negare? Monasticum schema semel pro Deo voluntariè assumptum temerè abijcere, Deo mentiri, dolum & fraudem committere? Monachis constructam mansionem nullâ justitiæ causâ existente in habitationem sæcularium transferre Clericorum? Sed ne repente videar Concionator factus, neglectâ quam capî historiâ, impetum spiritus cohibebo. Videant isti, quàm boni sint Canonici, qui Monachi prius fuerunt mali; cum ex

Imperator  
contra  
Flamingos  
congrega-  
vit exerci-  
tum.

Gandavum  
à Cæsare  
obsidetur.  
Rex quoque  
dimittitur.

Joannes  
Palatinus  
Comes Ra-  
tisbonensis  
Episcopus  
nascitur.

Monaste-  
rium EL-  
wangen  
transfertur  
ab Ordine.

Omnes  
Monachi  
ab Ordine  
suo rece-  
dentes sunt  
mali.

Canonico malo per ſanctæ converſionis aſcenſum ſæpe factus ſit Monachus bonus & ſanctus; cùm à bono deſcendere, bonum non faciat, ſed malum.

Inter Abbatem ſancti Galli & oppidanos ejusdem diſſenſio.

Anno etiam prænotato, gravis diſſenſio fuit exorta inter Udalricum Abbatem ſancti Galli in Suevia & ejus oppidanos ſuos ibidem, ſimul & eos, qui Abbacellenſes vulgo nuncupantur, & ex tali occasione: cùm prædictum Monasterium ſancti Galli ejus in oppido conſtitutum, conſuetudine introductâ per incuriam præcedentium Prælatorum, diurnis ſimul & nocturnis horis ſit omni tempore apertum, ut cunctis oppidanis, non ſolum in die, ſed etiam in nocte ſemper pateſcat introeundi facultas; nec tantum viris, ſed & mulieribus quibuſcunque: conſiderans Abbas memoratus, quàm eſſet hoc institutioni Monastiæ adverſum, cupiensque cum ſuis Monachis regularem ſub quiete in Cœnobio ſervare diſciplinam, valvam Monasterij claudere nocturnis maximè temporibus, ut par erat, ſuorum conſilio deliberavit.

Oppidani ſancti Galli Monasterij portas violentè effringunt.

Verùm non ignarus malorum, quæ contingere poſſent, ſi hæc abſque ſenatus præſumpſiſſet conſenſu, mentem ſuam in eorum non ſemel ſed pluries cum ſumma diſcretionè atque modestia refert conſilium. rationibus multis eam Monasterij clauſuram oppidanis ipsis non minus fore honeſtam, quàm Monachis pro cuſtodia regularis diſciplinæ omnino neceſſariam. Cùmque multis rationibus ageret cauſam, nullum tamen ab eis potuit obtinere reſponſum. Unde poſtremò illorum diſſimulatione contemptâ Monasterium claudi nocturnis horis præcipit. Claudebatur itaque jūſſu Rectoris nocte primâ, claudēbatur ſecundâ, claudēbatur & tertiâ, & ecce in ipſa nocte furioſi homines armis induti quaſi ad bellum ante fores Monasterij conveniunt: portas omnes & valvas violentè effringunt, Monasteriūque clamantes ingreſſi, nihil ferocitatis ſtultæ omittunt.

Abbas Monasterij in alium locum transferendi licentiam obtinuit.

Hac eorum temeritate motus Abbas, conſilium ſuū habuit, & Monasterium transferre ſi poſſet extra oppidum, cogitavit. Quod quia fieri non potuit ſine auctoritate majorum; primò conſenſum Romani Pontificis Innocentij octavi obtinuit, deinde Friderici Imperatoris tertij permiſſum ſimiliter impetravit. Et quia funiculus triplex non facile rumpitur, in eo Provinciali Capitulo, quod antetriennum tunc Auguſtæ celebravimus, Abbas ſæpe dictus miſſo ex ſuis Monacho etiam Ordinis impetravit conſenſum; ut novum in loco ſibi conveniente Monasterium conſtrueret. Sed antiquum in oppido minimè deſolaret, quo minus in utròque teneret Conventum, & utrūque ſub unius Abbatia titulo juxta regulam gubernaret.

Abbas Monasterium novū conſtruit in loco, qui Roſchach dicitur.

Indulgentiâ igitur Superiorum de conſtruendo novo Monasterio, ut diximus obtentâ, conductis operarijs Abbas in eo loco, qui Roſchach nominatur, & in fundo Monasterij ſancti Galli proprio, diſtâtque uno ab oppido milliario, aut paulo plus, copiam habens aquarum, lapidum, lignorum, calcis, arenæ, & omnium, quæ vel ad manſionum conſtructionem erant neceſſaria: vel ad ſuſtentationem Monachorum quolibet tempore oportuna. Capit ædificare Cœnobium novum, amplum, & pulchrum, quemadmodum prius in mente ſua idealiter fuit conceptum. Capellam in primis ſtatuit, in qua Miſſam Monachi quotidie coram laboraturis



raturis in die celebrabant. Deinde ambitum, Refectorium, Dormitorium, Infirmitorium & alias Monachorum officinas pulchrâ dispositione, regulari ordine, & monasticâ locavit institutione. Magnæ fuerunt impensæ, operarij multi, labores continui, ita quod in triennio mediam Cœnobij partem consummavit.

Interim dum circa novum Monasterium ædificandum Abbas Udalricus & sui fratres occuparentur in annum jam quartum à nullo prohibiti, à nullo impediti, imò contradicente nullo, sive jure sive injuriâ saltem manifestè, & sanctum opus magnis impensis ultra consummationis medium perfecissent: consurgunt subito Abbacellenses cum oppidanis sancti Galli, fremunt & conspirant in malum contra Dominum suum, contractisque armatorum manibus mille quingentorum virorum, anno prænotato, vicesimo quarto die mensis Julij, hoc est, in vigilia sancti Jacobi Apostoli venerunt ad Roschach, & Monasterium novum igne submisso cum omnibus structuris funditus everterunt.

Monasterium in Roschach ab oppidanis destruitur.

Abbas tam insigni contumeliâ læsus, quod prius fecerat sapius, iterum provocat eos ad Conjuratos Suienses; quos eorum consuetudine, quatuor nuncupant angulos, vel si mavis angulares, Thuricenses videlicet, Lucernenses, Suienses & Glaronenses, aut si foret necessarium, ad conjuratos omnes, & quorsum illi partes decreverint remittendas. Sed obstinati Abbacellenses cum Divi Galli oppidanis, quemadmodum proprium spreverant Dominum, ita Confoederatos sibi quadrangulares impieratis spiritu penitus contempserunt.

Abbas graviter læsus Conjuratorum inveniat Judicium.

Sed Conjurati suorum non ferentes inobedientiam, contractis copijs oppidum sancti Galli obsederunt, & tam ipsos rebelles oppidanos, quam Abbacellenses ad subjectionem & obedientiam redire compulerunt. Post hæc oppidani & Abbacellenses memorati, cum Domino suo Abbate sancti Galli in concordiam redeunt, omne damnum quod Monasterio ejus intulerant & rebus, Conjuratorum judicio rependere coacti sunt: quarum summa impensarum quadraginta florenorum millia excedit. Abbas verò destructum à furiosis Monasterium iterum apud Roschach instaurans ædificat, perficit, & in finem deducit opus: in quo & Monachos jam habet & Priorem.

Oppidum sancti Galli obsidetur & pax reformatur.

Anno Dominicæ Nativitatis prænotato, ultima die mensis Julij, Blasius Abbas hujus Monasterij Hirsaugiensis animarum Christi ovium vigilantissimus Pastor, ex magna & singulari devotione, quam mente gerebat ad sanctum Aurelium Episcopum, primum Hirsaugiensium Patronum, cupiens demonstrare & opere, cum suo toto Conventu processionaliter Ecclesiam ultra pontem Nagolthæ ipsius accessit: Missam indutus Pontificalibus de eodem solemniter cantavit; sacra ejus ossa de tumulo levans, ne humiditate nimia computrescerent, loco sicciore ac decentiore summâ pietate locavit.

Corpus S. Aurelij Hirsaugie levatur tumulâ.

MCCCCLXXXIX.

Anno Blasij Abbatis V. Indictione Romanorum septimâ, Monachi Cœnobij S. Nicolai Pontificis in Camberg haud procul ab oppido Sueviæ, quod à salis decoctione Hal sive Hallesum nuncupatur, in oppido castri Limpurg, Diabolo persuadente omnis mali amico, & Abbate ipsorum Joanne de Holtz præcedente omnis boni inimico, monasticæ segregatio-

Camberg Monasterium transfertur ab Ordine.

Xxx 3

niq

Camberg  
non Cano-  
nicis, sed  
Monachis  
fundatum  
est.

nis habitu abjecto, Professionis chirographo temere abnegato, Deo cui se devoverant contempto, ex Monachis malis, iniquis atque perversis, facti sunt Canonici, non boni, non regulares; sed quod erant prius in occulto, jam deinceps in aperto, sine regula iniusti, lascivi, Domino mendaces, Christo inutiles, sibi quemetipsis crudeles: atque insigne Monasterium, quod olim comites de Rottenburg non pro Canonicis sæcularibus, sed pro Monachis Ordinis Divi Patris Benedicti, circa Nativitatis Dominicæ annum millesimum octogesimum octavum, ut ibidem diximus, fundaverant, in Ecclesiam sæcularem transstulerunt, falsis Papam narrationibus decipientes.

Advocatia]  
Præpositu-  
ræ Rotten-  
sis ad Hir-  
sauw per-  
tinet.

Eodem anno, Comes de Oettingen sine scitu, sine consensu, & sine requisitione Abbatis Blasij, vendidit advocatiam Præposituræ in Rott Friderico Marchioni Brandenburgensi, qui morabatur in Onolzbach. Quod ubi ad notitiam Abbatis memorati pervenit, se constanter opposuit, & tam Marchionem, quàm Comitem jure convenit. Postremò Eberhardus Comes de Wirtenberg cognomine Barbatus se medium interposuit, & inter dissidentes concordiam tali pacto reformavit: quòd advocatia super Rott Monasterio Hirsaugiensi debeat sine mora restitui, & cum eo deinceps manere perpetuò. Facta sunt hæc in Gammundia Sueviæ oppido Regali anno prænotato.

Blasius Ab-  
bas hoc an-  
no multa  
construxit  
& varia.

His quoque temporibus Blasius Abbas jam dictus piscinam in horto Conventuali majorem fieri ordinavit. Pro cuius consummatione quadringentos auri florenos exposuit. Secundum quoque latus de ambitu cum fonte in annis quinque perfecit, pro quo mille centumque auri nummos expendit. Organum in Ecclesia centum quinquaginta florenis renovavit. In corpore quoque majoris Ecclesiæ Monasterij ad aquilonem, Capellam à fundamentis novam construxit: tabulam super Altare posuit, sedilia in ea locavit: pro quibus omnibus auri nummos quadringentos exposuit. Capellam hanc in memoriam & honorem omnium Sanctorum fecit consecrari, in qua & postea, sicuti vivus ordinaverat, juxta parietem mortuus requiescit sepultus. Domum quoque balneariam cum æstivario parvo ducentis & quinquaginta florenis ædificari fecit. In Luzenhart domum pro familia, stabulum pro jumentis, & horrea construxit, pro quibus ducentos florenos expendit.

MCCCCXC.

Capitulum  
Ordinis no-  
stri Provin-  
ciale xxvii.  
celebratur.

Anno Blasij Abbatis VI. Indictione Romanorum viii. Dominica secunda post festum Paschatis, quæ fuit vicesima quinta dies mensis Aprilis, Nürenbergæ apud sanctum Ægidium celebratum fuit septimum atque vicesimum Ordinis nostri Provinciale Capitulum: in quo præfederunt Georgius sancti Stephani Herbipolensis, Joannes sancti Ægidij Nürenbergensis, Henricus Blaubeurensis, & Blasius Hirsaugiensis Monasteriorum Abbates.

Oppidum  
Bingen Ec-  
clesiæ Mo-  
guntinæ  
crematur  
incendio.

Eodem anno tricesima die mensis Maij, quæ fuit solemnitate Pentecostes insignis, oppidum Bingen quod à Moguntia Civitate in descensu Rheni fluminis quatuor ferme distat milliaribus, casuali fuit incendio magna ex parte combustum. Incipiens autem flamma circa forum & muro superiori portam contiguam, usque ad inferiorem, quæ dividit oppidum à Rheno, domos 240, consumpsit: Capellas etiam SS. Laurentij &

& Nicolai devoravit: Prætorium Senatûs cum litteris, registris & privilegijs civium nonnullis in cinerem resolvit, & damna multa fecit.

Anno prænotato, Matthias Rex Ungarorum Viennæ in arce moritur, malleus Turcorum, qui multa in eos bella gesserat victor & gloriosus triumphator, cujus Cadaver in Ungariam relatum, in Alba Regali sepelitur. Quo mortuo Maximilianus Germanorum Rex, Viennensem urbem, novam quoque Civitatem, & reliquas Austriæ munitiones, quas ille ante paucos menses Friderico Imperatori III. non minus dolo, quàm fortitudine abstulerat, armis & gladio potenter expulsis Ungaris obtinuit, patrique restituit.

Matthias  
Ungariæ  
Rex mori-  
tur.

Post Matthiæ Regis obitum Rex Germaniæ Maximilianus Regnum Ungariæ sibi jure debitum ingredi paravit, sed præventus ab Uladislao filio Regis Poloniæ Bohemorum Rege, bellum contra eum statuit movere; quod & sine mora fecisset, nisi mediantibus amicis facta fuisset inter eos sub conditionibus certis amica pacis concordia. Uladislauus itaque Maximiliani consensu in Regem Ungariæ confirmatus hodie regnat pacificè in annum jam XXIII. pro majori temporis parte debilis & infirmus.

Uladislauus  
regnat su-  
per Ungar-  
os.

Eodem anno, Renatus Dux Lotharingiæ cum Metensibus graves habens inimicitias, multis ac varijs æstuabat cogitationibus, quo modo urbem capere potuisset. Est autem Metis (quondam Mediomatricum dicta) Civitas Regni Germanici opulentissima, muris, turribus atque fossatis valdè munita, & quod magis consuevit hostibus incutere terrorem, à viris prudentissimis gubernata, & tam circumspectè omni tempore custodita, ut non facile à quoquam capi posset vel obtineri. Dux ergo Renatus post multam deliberationem contractis copijs spem habens urbis potiundæ (quanquam secus acciderit) eam obsidione vallavit, ac fortiter oppugnare cepit. Metenses autem non solum muris & turribus muniti, sed etiam viris armatis atque fortissimis bombardis, machinis bellicis, & quidquid ad illas requiritur, lignis quoque, victualibus, & cunctis ad defensionem necessarijs in triennium ad minus copiosè provisi, ut eorum est consuetudo, hostem viriliter exceperunt. Cernens verò Dux Metensium animos & vires insuperabiles, facti pœnituit, & solutâ obsidione cum dispendio recessit.

Civitas  
Metensis à  
Duce Lo-  
tharingiæ  
frustra ob-  
sidetur.

Anno prænotato Innocentius Papa VIII. Romæ consilium privatum cum suis Cardinalibus habuit, ad quod omnium penè Europæ Regum & Principum Oratores litteris evocavit. Quorum multis ad eum convenientibus causam proposuit, consensum postulavit. Et hæc ejus propositio fuit, ut expeditio totius Christianitatis moveretur in Turcos, pro cuius instituto, quia multis opus esset pecunijs, tale medium adinvenit: misit in universam Germaniam plenarias Indulgentias Jubilæi non solum pro vivis, sed etiam pro defunctis, quæ sicuti eatenus fuerunt raræ, ita etiam plurimorum disputationi expositæ. Summa disputationis hæc erat: Quòd Papa de plenitudine potestatis non solum viventibus contritis & confessis pœnam possit remittere peccatis alioquin debitam, sed etiam omnium in Purgatorio existentium animarum ita remittere pœnas, ut ipsum Purgatorium si velit penitus evacuare possit. Habuit hæc assertio nova impugnantes, habuit & assertores, qui varia in utrâque partem,

Innocen-  
tius Papa ad  
se Romam  
vocat Ora-  
tores Prin-  
cipum.

ut



ut movebantur, ſynthemata ſcripſerunt; cautiùs tamen quàm liberiùs, ne fortè proſcriberentur & ipſi.

Raymundus Archidiaconus cum Indulgentiis mittitur.

In hoc opus gratiarum à Pontifice Romano in Germaniam mittitur Raymundus Beraudi Alniensis, Xanctoniensisque Ecclesiarum Archidiaconus, poſtea Cardinalis, vir doctrina ſcripturarum & morum integritate Deo indubitanter amabilis, qui ſyncerâ & optimâ intentione Chriſti negotium promovit, & in Cruciatam contra impiſſimos Turcos multa florenorum millia congregavit. Vidiffes admirabilem in ſimplicitate populi fidem, in fide devotionem, in devotione largitatem, in largitate constantiam.

Cruciata per totam Germaniam prædicatur contra infideles.

In cunctis Germaniæ Civitatibus, & in omnibus fermè oppidis Crux videbatur erecta, pro collectura pecuniarum in opus Dei arca ſimiliter appoſita, Conſeſſores ordinati complures, & Commiſſarij ſecundum operis exigentiam, ubique ſine ſuperfluitate diſpoſiti: concurrebant ſine numero homines devotione armati, non minùs, quàm peccatis, confitebantur, abſolvebantur, juxta impoſitam eis quotam pecunias contribuebant in arcam, alij plus, alij minus, prout quemque, aut juvit ſubſtantia, aut impulit devotio. Multa certè florenorum millia ex ea gratiarum largitione per Germaniam fuère collecta, quorum tamen nescio ſi vel unus denarius in prædicatum Cruciatæ opus contra Turcos fuerit expoſitus. Raymundum tamen, omnes qui noverunt, virum rectum, integrum & ſanctum de malè conſumptis eleemoſynis pauperum Chriſti judicant innocentem, quippe qui nihil optabat magis, quàm ut Chriſtianorum in Turcos ſuo tempore moveretur expeditio.

Inopia panis totam afflixit Alemanniam.

Eodem anno panis magna penuria fuit, & Sueviam totam fames nimium occupavit. Unum namque ſiliginis maldrum ſex Hallenſium, libris monetæ Wirtenbergenſis comparare volentibus neceſſarium fuit. Vinum denique hoc ipſo anno majori ex parte nimio frigore periit in vitiſbus, & multa calamitas cum inopia & egeſtate pauperes afflixit.

Sex Inſulæ Fortunatæ inhabitari ceperunt ab hominibus.

His etiam temporibus Hiſpaniarum Rex Ferdinandus Inſulas, quas vetuſtiores dixère Fortunatas, hominibus fecit habitabiles, & regno ſuo per omnia ſubjeit. Sunt autem ſex numero in majori Oceano, poſitæ poſt S. Jacobum de compoſtella inter meridiem & occidentem; quarum prima vocatur Ombriona, in qua nulla unquam eatenus fuerunt ædificia. Secunda vocatur Junonia major, in qua una duntaxat fuit ædícula conſtructa. Tertia dicitur Junonia minor, & eſt majori quàm proxima. Quarta nominatur Capraria magnis abundans ſerpentibus. Quinta dicitur Nivaria propter nives in ea manentes perpetuas. Sexta vocatur Canaria, quia canibus & magnis & multis abundat. Has Inſulas multi veterum propter ingentem fertilitatem & magnam aëris temperiem, terreſtrem Paradylum eſſe putarunt.

Amalia Comitiffa Palatina Duxque Pomeranorum naſcitur.

Anno ſupra notato, xxv. die menſis Julij Heidelbergæ oppido naſcitur Amalia nonogenita Philippi Comitſ Palatini Bavarixque Ducis ac Principis Electoris, quam poſt annos xxiii. ut ſuo loco dicemus, Georgius Pomeranorum ac Stetinenſium Dux filius Bogislai Ducis accipit uxorem anno poſt obitum Philippi patris ejus quinto.

MCCCCXCI.

MCCCCXCI.

Anno Blasij Abbatis VIII. Indictione Romanorum IX. Dominica tertia post Pascha, quæ fuit XXIV. mensis Aprilis, circa medium noctis, oppidum Mons Thabor nuncupatum, quod vulgo Monthabor appellant, Trevirensis Dioecesis, quatuor distans à Confluentia miliaribus, igne casuali, nescitur quomodo, incensum, cum Ecclesia, domibus, turribus & propugnaculis totum in tribus horis exustum periit & in favillam redactum fuit, non sine incommodo maximo incolarum.

Mons Thabor oppidum Archiepiscopi Trevirensis comburitur.

Eodem anno, Monasterium nostri Ordinis, quod Clingenmünster nuncupatur, in Dioecesi Spirensi non procul ab oppido Landavv, ad instantiam perversorum Abbatis & Monachorum inibi regularem vitam professorum, sed irregulariter viventium, in Ecclesiam sæcularem translatum est. Legitima translationis nulla extitit causa, sed falsis narrationibus mentem Papæ circumvenientes nihil aliud timebant quàm reformari, nihil quærebant nisi perniciosam vitæ libertatem. Nec diu supervixit ex Abbate malo Præpositus peior, apostatantium Dux, inimicus veritatis, mendacij cultor, amator tenebrarum, sed brevi horrendâ & subitanâ sublatus morte, quàm malè fecerit votum retractans solemniter factum, tardè cognovit, cum ejus judicio astitit, cujus normam violavit.

Clingenmünster Cœnobium ab ordine nostro transferretur.

Anno prænotato Carolus Rex Gallorum VIII. Margaritam Regis Germanorum Maximiliani filiam sibi à Patre Ludovico XI. ante IX. annos, ut supra diximus, cum magna solemnitate desponsatam, remisit ad Patrem in Flandriam, opere demonstrans se vacuum fide, avaritiâ plenum. Erat autem Margarita duorum annorum, & Carolus agebat sextum, quando sponsalia inter eos fuerunt celebrata. Mansit ergo in Gallia novem annis, & cum remitteretur ad patrem, annum agebat undecimum. Quæ autem fuerit causa remissionis Margaritæ ad patrem, dicam paucis, ut noverit posteritas omnis, nullam in virgine fuisse culpam, nec patrem Gallo, quâ remitteretur, præbuisse occasionem, sed Carolum levitate motum, ambitione & avaritiæ stimulis concitatum, egisse, quod non debuit, quodque vix jure potuit. Annam Britannicæ Ducis filiam Rex Maximilianus per suos legitimos procuratores sibi futuram desponsaverat uxorem, cum ea ut unicâ hærede habiturus & Britannicæ Ducatum. Quod ubi Gallo innotuit, ut Ducatum potuisset habere, Britannicæ rapuit hæredem, & uxorem duxit contra Jus & æquitatem, Maximiliano prius legitime desponsatam, non sine scandalo plurimorum. Hæc fuit causa, non alia.

Margartha Maximiliani filia repudiatur à Gallo sine causa.

Maximiliani Regis sponsa Britannicæ Ducis rapitur à Gallo.

Eodem anno, vigesimo primo die mensis Augusti, nascitur Heidelbergæ oppido Barbara decimogenita Philippi Comitæ Palatini Bavaricæque Ducis ac Principis Electoris. Vixit annis quatuordecim & virgo moritur plorata.

Barbara Comes Palatina nascitur.

His temporibus Eberhardus Comes Wirtenbergensis cognomine Barbatus, ad honorem Omnipotentis Dei novum in vasta solitudine Monasterium construxit cum Ecclesia, Ambitu, Refectorio, Dormitorio & alijs mansionibus necessarijs, in eo loco, qui ab antiquo Schönbach nominatur, quod magnistandem consummatum impensis, providâ largitione sufficientissimè dotavit. Consummato Monasterio, non Monachos cujusvis regulæ approbatæ, non Canonicos regulares, non denique sæculares

Ordinis S. Petri nova religio in Suevia instituitur.

Y y y

introducitur

introduxit Canonicos; sed novum quoddam genus hominum, qui nullam profitentur alicujus Ordinis regulam, sed vivunt in communi; & ob id Fratres de communi vita nominantur. Hos ad novam introducens domum, quam plantaverat auctoritate Apostolicâ, griseum habitum in flavum commutavit, statuens ut Ordinis sancti Petri Fratres nuncuparentur & essent; in cujus Patroni memoriam clavem de albario panno lineo ante pectus tunicæ portarent assutam. Et hæc ejus prima institutio fuit, ut in eum sancti Petri Ordinem reciperentur de Comitatu Wirtenbergenſium duntaxat oriundi, pauperes sive depauperati, honestæ tamen conversationis presbyteri lex, de illorum genere quos nobiles vocant sex, & de oppidanis seu villarijs similiter sex, & quod nobiles deberent præesse cæteris, etiam Sacerdotibus. Sed hæc ultima constitutio sic postea mutata fuit, & hodie servatur, ut non ex nobilibus Laicis, sed ex Sacerdotibus unus sit Prior, cui cæteri omnes teneantur obedire.

Bingiorum  
temeritas  
in Palati-  
nentes.

Bingij gra-  
vant Pala-  
tinenſes in-  
conſuetis  
exactioni-  
bus.

Moniti à  
Palatino  
Bingij con-  
temnunt.

Emporium  
de Bingen  
transferetur  
ad Monſter  
villam.

Anno prænotato, post incendium oppidi Bingen, de quo anno proximè elapſo diximus, cum oppidanorum magistri, præfecti & telonarij non solum Laicos & pauperes rusticos, sed etiam Sacerdotes & Monachos in Principatu Comitis Palatini, & Ducis Joannis Bavariæ commorantes, novis & inconſuetis gravarent in foro hebdomadali exactionibus, malum grande ſibi metiſſis paraverunt. Ex antiqua enim conſuetudine ultra memoriam hominum introducta forum ſive emporium hebdomadatim in prædicto Bingiorum oppido quartâ feriâ ſervabatur, ad quod omnes in circuitu ad tria milliaria homines de Palatinatu, aut empturi aliquid aut vendituri conſuebant. Bingij autem ſive avaritiâ ducti, ſive Palatinenſium odio concitati, Clericos, Monachos ſimul, & Laicos ex Principatu Comitis Palatini oppidum introgreſſos, qui aliquid emiſſent, teloneis novis, exactionibus inconſuetis & alijs vexationibus inſolitis ultra meſuram antiquitatis gravabant, irridebant, nolentſque indebita ſolvere verberabant. Præſumpſerunt & alias novitates, ne dicam præſumptiones penè innumeras, pedagia & telonia exigentes violenter & cum verberibus, à religioſis atque clauſtralibus, qui non ſolum jure & privilegio, ſed etiam introductâ poſſeſſione, atque manifeſtè probatâ apud majores eorum fuerunt ab omni talium præſtatione ſemper immunes atque liberrimi. Super his Bingij ſimul & eorum Domini majoris Eccleſiæ Moguntinæ Canonici ſæpius interpellati à multis, ut ab injuſta & inconſueta pedagiorum exactione pauperum & Clericorum Palatinenſium deſiſterent, & Patrum ſuorum vellent terminiſſe contenti, ac ſi fabulam ſurdo recites, nihil curaverunt. Unde pauperum clamoribꝯ tandem compulſus Albertus Gôler de Ravenspurg vicem tenens & Præfectus Philippi Comitis Palatini apud Stauroneſum, vir temporibus aptus, ad ipſius notitiam Principis omne detulit negotium. Philippus igitur Palatinus Comes volens commoditati ſuorum conſulere, & pauperes ab oppreſſione liberare Bingiorum, forum ſeu emporium feriâ quartâ hebdomadatim ſervandum apud Monſter villam, quam à Rheni Comitibus paulò ante comparaverat, juxta Nahum fluvium non longè ab oppido Bingen ſervari mandavit, ſub magnis pœnis interdicens ſuis, ne quis emporium Bingiorum accederet, ſeu quidquam venale inferret. Qua conſtitutione publicata ubique per continuos tres annos emporium fuit apud



apud Monſter villam prædictam, ad quod Rhenenſibus cunctis liber omni tempore permittebatur acceſſus; ſimul & emendi vendendique facultas, ita tamen quòd nihil hîc emptum oppido inferrent Bingiorum. Afflixit hæc translatio fori haud parùm Bingios, & magnam panis ac frumentorum eis penuriam induxit. Soli etenim ipſi publico Principis edicto ab acceſſu Monafterienſis emporij huius arcebantur. Nam præter vinum, piſces & aquam, ſimul & ſal, quidquid ad victum pertinet, Bingijs difficulter aliunde, quàm ex Comitatu Spanheimenſi & Palatinatu infer-  
tur. Enimverò neque frumentum habent, neque legumina, neque ſcœnum ſtramen, neque ova, neque carnes, neque butyrum, & his ſimilia. Humiliati ergo poſt triennium vix impetrare potuerunt à Palatino Canonici, ut emporium Bingiorum oppido habendum denuo redderet.

His temporibus fuerunt & aliæ diſſenſionum cauſæ plures inter Bertholdum Archiepiſcopum Moguntinum & ſupra dictum Philippum Palatinum Comitem, quarum importuna nimietas bellum ſine dubio inter eos tandem peperiffet, ſi non prudentia ſuperaffet malitiam. Quis alteri tunc injuriam fecerit, omnibus erat manifeſtum, & quod eo tempore unius patientia conſultè diſſimulare ſtudit, poſt annos ferme tredecim in altero ſatis clarè cum afflictione multorum juſtitia vindicavit. Ita nihil eſt ſtabile, nihil firmum, nihil conſtans in humanis, quoniam ut veraciter dixerat expertus: *Cuncta ſub ancipiti pendent mortalia caſu, & ſpondent propria mobilitate fugam.* Unde meo judicio non ſatis prudenter ſuum moderatur officium, qui cùm habeat fortem & potentioſiorem timere ſupra ſe, vel æquales contemnit, irritat, provocat & deſpicit, vel inferioreſ contra juſtitiam affligit. Eſt providentia in Coelis ima & ſumma intelligens, diſcernens & moderans omnia, quæ eſſi ad tempus multa diſſimulat, non tamen in æternum. Diſſenſionum iſta fuerunt capita. Via eſt publica & ſtrata regalis per pontem ſuper Nabum fluvium haud procul ſupra oppidum Bingen, per quam itur & reditur de Bacherach & alijs inferioribus locis cis Rhenanis ad Alzen. Wormatiam. Heidelbergam, & reliqua Gavij ſuperioris loca. Hanc publicam ſtratam Bingij ſeu dominorum fuorum juſſione, ſeu propriâ temeritate (parùm ad me) præter antiquam conſuetudinem ab utraque pontis & fluminis parte interpoſitis repagulis & ſeris obſtruxerunt, aliquoties in die ſemper autem in nocte, ut eques nemo tranſiret. Quam eorum novitatem cùm Philippus Comes Palatinus diſſimulare nec poſſet nec vellet, utpote qui nuntijs tam ſuis, quàm regali-  
bus iter neceſſarium omni tempore non minùs in nocte quàm in die tuebatur apertum, Bingijs bis, ter, quaterque mandavit, ut pontem & vias per illum ad aſcenſum & deſcenſum neceſſarias non clauderent, oppidum verò ſuum quantâ vellent clauſurâ munirent. Sed Bingij mandata Principis contempſerunt. Unde Albertus Goler de Ravenspurg ante dictus apud Stauroneſum oppidum præfectus Palatini Comitſ, vir magnanimus, audax, in multis prudenter expertus, ad mandatum ſui Principis nocte quadam cum paucis Stauroneſum egreſſus, Bingionum oppidum acceſſit, & valvam exteriorem ferramentis quibuſdam volubilibus artificioſè compoſitis, ita clauſit, & ad invicem firmavit, quòd aperiri non poterat, niſi frangeretur. Quo magno ſub ſilentio artificioſiſſimè factò, retroceſſit ad pontem, & omnia repagula, clauſuras & ſeras pulvere  
bombar-

Inter Archiepiſcopum Moguntia & Palatinum longa diſſenſio.

Stratam regalem & publicam Bingij claudere volebant.

Comes Palatinus monuit Bingios, ne publicum iter clauderent.

Albertus Goler Præfectus in Creuznach maliculis Bingiorum ſeras confregit.

Albertus  
Goler quan-  
to ingenio  
Bingios tri-  
bulavit.

Valvas  
portarum  
Bingij deji-  
cere quo-  
modo com-  
pulti fue-  
runt.

Albertus  
Goler to-  
ties destru-  
xit quoties  
Bingij ædi-  
ficarunt.

Monaste-  
rium Divi  
Ruperti,  
non Palati-  
ni, ſed Ar-  
chiepiſcopi  
eſt.

De Salvo  
conductu,  
inter Archi-  
epiſcopum  
& Palati-  
num con-  
tentio.

bombardarum, factaque in ligneis repagulis foramina plura ſimili pul-  
vere implevit & clauſit: ex parte parvis foraminibus inducillis artificioſè  
relictis, per quæ ignis haberet ingreſſum. Omnia tam ſecretè tamque  
prudenter ordinavit, ut neque vigiles in arce, quæ oppido ſupereminet,  
neque leproſi juxta pontem habitantes quidquam audire ſeu videre po-  
tuerint, quia ſonitum fecit nullum, & ignem abſcondit. Cunctis ut voluit  
ordinatis vicinum montem cum ſuis aſcendit, ut inde proſpectaret exit-  
um negotij. Interea per fila ſulphurata paulatim ignis aſcendens tan-  
dem factus eſt contiguus intromiſſis pulveribus, cum ecce ſubitò flamma  
erumpens repagula & ſeras in mille partes cum tanto fragore diſiecit, ut  
decem bombardas crederes unâ vice ſimul & ſemel emiſſas. Proſpiciunt  
ab arce cuſtodes, ſuper pontem lapideum ignem cernunt, in repagulis  
ardentem, ſed neminem audiunt, neminemque vident. Conſternati  
nimium in oppido Bingij, & hoſtem aſſeſſe putantes muros conſcendunt  
& turres, bombardas in incertum emittunt neminem ferientes. Demum  
veniunt cum clavibus ad portam Burgimagiſtri, emiſſuri quempiam ad  
explorandum, quid ageretur in ponte. Sed fruſtra tentant, quia valvam  
aperire non poterant. Hinc magis territi & nimio ſtupore attoniti quid  
paterentur, quidvè agerent penitus ignorabant. Manè autem factò cum  
valvam in ſecuri & aſcia dejeciſſent, claves invenerunt volubiles, quibus  
ligna ſeſe contingentia ex adverſo ad invicem fuerant artificioſâ inven-  
tione memorati hominis colligata, & omnes mirabantur. Sed non ceſ-  
ſarunt propterea Bingij occludere vias, quo minùs novas ſuper pontem  
reſtituerent fortiores prioribus clauſuras. Verùm Stauroneſi Præſectus,  
quem nihil horum potuit latere, paucis diebus diſſimulans iterum nocte  
venit ut priùs, ignem ſuppoſuit, clauſuram ut antea deſtruxit. Quid  
multis loquamur? Quoties Bingij repagula poſuerunt nova, toties ab  
Alberto varijs modis ingenioque ſubtili fuerunt incenſa. Nec aliqua  
profuit eorum cuſtodia, tanta fuit hominis in conſilio prudentia. Evicit  
nihilominus tandem in hac parte Comes Palatinus iudicio regis & prin-  
cipum juſtificatus, coëgitque Bingios Pontem cum via dimittere liberum  
& apertum, non minùs in nocte quàm die. Quinquennio duravit iſta  
diſſenſio.

Secundum inter memoratos Principes diſſenſionum caput hoc erat:  
contendebat Palatinus Comes Monasterium ſancti Ruperti Monialium  
noſtri ordinis in oppoſito Bingiorum oppidi ab altero Nahi fluminis  
littore ad ſuum pertinere dominium. Sed hoc jure non potuit, quod non  
ſolùm negavit præſcriptio, ſed ex fundatione ſimul & privilegio Papali  
citatus in teſtem ego, ut notitiam exiſtimatus habere geſtorum tranſacti  
temporis, luce clarius oſtendi, Palatinum Comitem nihil juris in eo  
Cœnobio penitus obtinere, quod ſoli Archiepiſcopo Moguntino pro tem-  
pore exiſtenti tam in ſpiritualibus quàm in temporalibus eſt ſubjectum,  
de cujus fundatione ſanctâ Hildegarde inſtituente longe ſupra diximus,  
anno Dominicæ Nativitatis milleſimo centeſimo quadreſimo ſeptimo.

Tertius diſſenſionum articulus fuit de itineris ſecuritate præſtanda  
(quam noſtri vocant Salvum conductum) à molendino Bingiorum per  
pontem uſque ad Eccleſiam ſancti Clementis, & villam Drehtigeshaufen  
juxta Rheni deſcenſum: quam iuriſdictionem ſibi utrèque vendicare

• COR-

contendebat. In hac tamen contentione Archiepiscopus jure prævaluit, ac possessione præscripsit, ut videlicet in suo dominio temporali duntaxat salvò conducere habeat iter facientes. Nihilominus diu prius duraverat inter eos ista contentio, antequam cederet juri præsumptio, non quidem amore, sed necessitate compulsa. Ceteras verò causas dissensionum inter Ecclesiam Moguntinam & sæpeditum Comitem Palatinum consultâ ratione transimus, non quod ignoremus, sed quia nescire putamur. Quid enim ad nos, quod nihil ad nos? Historiam transacti temporis complurium scripsimus annorum, semper liberi, semper securi, semper & tuti, neminem uspiam timentes. Nunc autem in ea pervenimus, quæ nostrâ sunt gesta ætate, inter magnos & potentes, quorum palmæ comparantur & manus. Historiam compellimur abbreviare, scientes, quia dies mali, & veritas odium parit maximè in eos, qui Principum non sinunt latere perperam facta. Ero tamen scriptor fidelis, & sicuti plura intermittam necessariò vera, ita nulla inferam falsa.

Fuit his diebus in Curia Comitis Palatini Marscalcus quidam nomine Joannes de Drott, patriâ Thuringus, Germanus Thilmanni Mersburgensis Episcopi, homo præsumptuosus potius quàm audax, temerarius non prudens, Cleri & Monachorum contemptor, & parum de pietate sentiens Christianæ Religionis, consilio subdolus, actione perversus, qui suis artibus pravis usque adeò dementaverat Principem, ut sine illo vivere non posset. Omnium tunc in curia existentium fuit opinio, Comitis Palatini animum maleficis dæmonisque artibus per Marscalci memorati fraudes captivatum. Usque adeo enim hujus perversi hominis astutia prævaluit apud mansuetissimum Principem, quòd eum tandem in Excommunicationem Ecclesiæ perduxit.

Erat enim tunc temporis Abbas Monasterij Weissenburgensis exempti in Diocesi Spirensi Henricus de Homburg Hassius, vir in observantia regulari strenuus & summa pietate devotus. Hic primò apud Bursfeldiam Monachus factus & religiosissimè conversatus, post annos aliquot Abbas in Cœnobio Mersburgensi constituitur, qui cùm privilegia & jura Monasterij acrius defenderet, Episcopum memoratum Thilmannum contra se fecit adversarium. Crevit paulatim inter eos contentio, quo usque tandem Abbas se nimium sentiens gravatum, ad Apostolicæ Sedis audientiam Episcopum citavit, & contra eum victoriam tandem obtinuit.

Nihilominus crudelitatem prædicti metuens Episcopi, quam habuit exploratam post victoriam causæ, Abbatiam in manus Fratrum suorum spontaneâ voluntate resignavit. Sciebat enim ab inimico reconciliato, præsertim potentiore cavendum, in quo fidei nulla poterat esse constantia, sed quotiens læsum se cogitaret ab infirmiore, totiens animum relaxaret ad vindictam. Ut autem ex uno ejus facto intelligas sævitiam Episcopi, quod crudeliter, si non fecit per se, fieri tamen per suos consensit. Conradus, qui nunc Abbas est in Gößeck, Capellanus erat memorati Abbatis Romæ causam agentis, qui & litteras citationis & alias quaslibet ex curia deferebat in patriam. Hunc die quâdam ministeriales Episcopi non procul à Mersburg obvium habentes capiunt, & irruentes in eum parùm abfuit quin occidissent, nisi ab uno rationem tantisper sequente

Initium historie tribulationis Monasterij Weissenburg.

Henricus Abbas prius in Mersburg, postea in Weissenburg.

Contentio inter Episcopum & Abbatem Mersburgenses Romæ.

Conradus Monachus Abbas in Gößeck.



Episcopus  
Mersbur-  
genfis accu-  
fatur apud  
Papam.

fuiſſent prohibiti. Furore tamen Petrino ſævientes amputaverunt auri-  
culam ejus dexteram. Quæ crudelitas cùm ad notitiam Sixti Romani  
Pontificis querulatione perveniſſet Abbatis; nimium commotus contra  
Episcopum ſententiam excommunicationis in eum fulminavit, & niſi preces  
Erneſti Saxoniz Ducis interveniſſent, à dignitate Pontificia fuiſſet depofi-  
tus. Hinc rancor in Abbatem ſumpſit exordium, & ſævæ perſecutionis  
Episcopo ſuiſque materiam præſtitit contra virum ſanctum.

Denique poſt annos paucos cùm Fridericus Comes Palatinus Mona-  
ſterium Weiſſenburgenſe reformaſſet, quemadmodum ſupra diximus,  
Henricus iſte quondam Mersburgenſis promotione Patrum Abbas illic  
fuerat inſtitutus. Verùm mortuo tandem Friderico, & in Principatu  
ſuccedente Philippo, cùm Joannes de Drott ſupradictus miles in ejus curia  
cunctis eſſet potentior ſimul & tyrannior à ſecretis, multis modis variis-  
dolus & fraudibus memoratum Abbatem Henricum tribulavit, injurioſè  
cupiens vindicare, quod ille olim apud Mersburg Abbas in Episcopum  
Fratrem ejus non injuriâ, ſed jure commiſerat; eo namque tempore  
Monasterium Weiſſenburg cum oppido ſub tuitione fuerat Comitum  
Palatini.

Joannes  
Drott Ab-  
batem Hen-  
ricum in-  
juſtè per-  
ſecutus.

Per annos plures duravit iſta crudelis in virum ſanctum tyranni per-  
ſecutio, & quantis potuit injurijs, contumelijs & gravaminibus cum omni  
tempore moleſtavit. Nemora, ſylvas, venationes, aquas, piſcationes,  
villas, caſtella, decimas, cenſus, proventus, juridiſctiones & libertates  
Monasterij Weiſſenburgenſis violenter occupavit, rapuit & poſſedit, Ab-  
bate non ſemel nec iterum, ſed centies (ſi dixerò plus non mentiar) voci-  
ferante ad Principem, & contra violentum ſacrilegum juſticiam poſtulan-  
te, ſed fruſtra; nam aliquoties audientiam obtinuit, juſticiam verò nun-  
quam; ad omnia enim quæ præſumpſit impietas, ſemper tacuit, & diſſi-  
mulavit implorata etiam cum lachrimis æqua potestas.

Abbas Ro-  
mam pro-  
fectus Pa-  
latinum  
cum Tyran-  
no citavit.

Evolutis in tanta miſeria multis diebus, menſibus quoque & annis,  
cernens Abbas Henricus, quòd propter denegatam ſibi juſticiam nihil  
omninò proficeret, ſed quotidie iſtarent graviora, conſilio accepto à  
quodam Principe, Romam petiit, & ſacrilegum tyrannum una cum  
Palatino Comite ad tribunal Innocentij Papæ octavi citari fecit; illum,  
quia raptor & violentus invaſor bonorum Monasterij Weiſſenburg-  
genſis extitit; iſtum verò, quòd injuriantem contra juſticiam temere  
defenſavit.

Palatinus  
cum ſuo  
Maſcalco  
Romæ à  
Papa ex-  
communi-  
catur.

Citati autem fuerunt & quidam alij miniſteriales Principis, inter quos  
fuit & Joannes de Morsheim, qui juffu Domini ſui Scabinos in villa qua-  
dam mutaverat juridiſctioni Abbatis immediatè ſubjecta. Quid plura?  
Omnes qui fuerant citati, pro defenſione induere contemptum, & neque  
per ſe, neque per legitimos procuratores Romæ comparuerunt. Pro-  
ceſſit Abbas gradatim in cauſa litis adverſum contumaces, donec eos po-  
ſtremò Excommunicationis involvit cenſuræ. Jam tunc primum evi-  
gilare cæperunt ſopore pernicioſo depreſſi, & varias quærere vias, quo-  
modo ab his laqueis poſſent evadere, quod ideò fieri non potuit, quia  
raptor ſacrilegus reſtituere ablata recuſavit. Manſit ergo excommuni-  
catus, ab illo tempore uſque ad mortem, excommunicatus obiit, excom-  
municatus ſepultus fuit.

Joannes  
Drott in  
excommu-  
nicatione  
manſit uſq;  
ad mortem.

Comes

Comes autem Palatinus Papæ censuras timuit, non contempsit, & quia Princeps erat Catholicus, dici excommunicatus patienter ferre non potuit; Romam procuratorem misit, absolutionem petijt, sed contradicente læso impetrare non potuit. Sæpius tamen interea fuit absolutus sub spe concordia ad breve tempus cum reincidentia termino lapso, quamvis concordia nulla intervenerit unquam. Multa enim tentavimus media non sine gravibus expensis, plures indicendo & servando conventiones Spiræ, Heidelbergæ, Weissenburgi & alijs locis, sed concordiam invenire nunquam potuimus, dum à Principe magna peterentur, & nihil se debere Cœnobio responderet. Interposuere vices regni Principes multi, Joannes Trevirorum, Hermannus Colonienſium, Bertholdus Moguntinensium Archiepiscopi, Ludovicus Spirensis, Albertus Argentinensis, Joannes Wormatiensis Episcopi, Christophorus Marchio Badensis, Joannes Palatinus Comes Baviaræ Dux Comesque in Spanheim, Wilhelmus Hassiorum Landtgravius, Georgius Baviaræ Dux, Eberhardus Junior Wirtembergensium Dux, & Alexander Dux Baviaræ, Comes Geminipontis & Veldentia, non simul unà, sed vicibus diversis, vel per se, vel per suos Oratores magna cum diligentia pacem & concordiam facere cupientes, Sed neque omnes, neque singuli quicquam profecerunt, causam dixi, Abbate namque in litis pendentia existente apud Romanos, non erat penes conventum plena concordandi potestas, idcirco tempus consilio redimentes 60000. florenorum pro damnis expensisque in curia & extra habitis exigebant. Quis daret? Palatinus? Sed damnum ipse non fecerat. Sacrilegus ipse Marscaleus? Sed unde solveret, tantam pecuniarum summam non habuit, nec si habuisset, reddere consensisset; fuit enim obstinatus, induratus, perversus & contemptor Ecclesiæ factus, utpote qui nec Deum timuit, nec hominem reverebatur. Mansuetissimum Principem reperit, qualem suis adulationibus, dolis & sinistris machinationibus fecerit, noverunt, qui nōrunt. Sed parcendum dormientibus, à quibus ut perijt confessio, ita penitus cessavit & contra inculpationes defensio. Seductus nihilominus & à se procul abductus Princeps nobilis, clemens, humanus, magnum famæ, æstimationis, & rerum suarum detrimentum incurrit, dolis & fraudibus Joannis de Drott Marscalci impij circumventus.

Magna dissensio concordiam non admittit.

Omnium causa & auctor malorum fuit impius ille Drott.

Postremò tandem annis fermè tredecim in contentione pernicioſa consumptis, concordiam, ut suo loco dicemus, qualemcūque fecit desperata necessitas. Sed operæ pretium fore judicamus, & reliqua summam perstringere, quæ sub litis pendentia in eadem causa facta sunt.

Erat Conventus Monachorum de Observantia Bursfeldensium eo tempore apud Weissenburg notabilis & insignis, numero non pauciores triginta, qui posteaquam Abbas Romam petijt, usque adeò dispersi sunt in omnem terram, ut quatuor duntaxat in loco remanserint. Cujus quidem dispositionis duæ fuerunt causæ; altera videlicet, quòd omnes census & proventus, quos extra oppidum habebant, lite per totum durante præripiebantur ab adversarijs: altera verò, quòd pecuniam certè non modicam pro litis actione Romam mittere Abbati videbatur necessarium, quam pluralitas Fratrum domi consumpsisset. At posteaquam Joannes de Drott se ad instantiam Abbatis à Papa intellexisset excommunicatum,

Conventus 30. Monachorum in dissensione dispergitur

Omnia Monasterij bona extra oppidum occupantur à tyranno.

non

non solum contempsit, sed in furorem actus graviora præsumpsit, & peccato peccatum accumulans omnium in se bonorum hominum censuram provocavit. Castellum S. Remigij, quod non longè ab oppido Weissenburg distat, expulso præsidio Monachorum, occupat, villas Monasterij, curtes & proventus omnes invadit, capit & usurpat, & quamdiu vixit, violentâ possessione retinuit. Quæ cum innotuissent Abbati, graviora in eum fulmina procuravit censurarum, & auxiliores ejus omnes Comites & nobiles Papali sententiæ subjecit.

Henricus  
Abbas Ro-  
mâ digre-  
ditur, &  
Florentiæ  
obiit.

Interea post annos aliquot Henricus Abbas Philippum Comitem Palatinum, Joannem de Drott, Emichonem Comitem de Liningen, Comitem quoque alium de Birsich & complures alios habens in Excommunicatione Papali, cum ægritudinem incidisset, consilio medicorum secessit urbe, veniensque valetudinarius ad Florentiam mortuus est, & ibidem sepultus.

Quod mox ut Procuratori Comitum Palatinum Romam denuntiatum est, Papam accessit, & nomine Principis sui Monasterium de Weissenburg in sæcularem transferri Ecclesiam petijt, & consensum impetravit, sub ea tamen conditione, si Maximiliano Regi translatio ipsa placeret.

Translatio  
Monasterij  
Weissen-  
burg impe-  
tratur.

Expedit Bullam procurator (in scio Principe) tribus florenorum millibus, & certum per nuntium eam ad Heidelberg destinavit. Latabantur omnes, qui sua non Deum quærebant, putantes jam se de Monachis reportasse triumphum. Verum secus accidit quàm speraverant, Rex namque Maximilianus in translationem renuit præbere consensum, non ignarus, quantam Abbas & Monachi paterentur injuriam. Sic delusa pravorum ambitio in marorem commutavit de iniquitate lætitiā. Accepit & mercedem suam procurator iniquus, qui Monasterium comparavit, justè damnatus exilio.

Wilhelmus  
fit Abbas  
Weissen-  
burgen-  
sium, &  
translatio  
revocatur.

Interim verò quòd Procurator Bullam translationis Romæ impetravit à Papa, Monachi Weissenburgenses ejus fraudis ignari cum bona mora diem pro electione novi constituerunt Abbatis. Quâ instante Wilhelmum Priorem Conventus Abbatem suum unanimiter elegerunt, qui litteris Maximiliani Regis promotus mox Romam pro Confirmatione simul & litis continuatione profectus est, & spes vanas, ne dicam iniquas, Monasterij translationem optantium serpentinâ prudentiâ & columbinâ simplicitate delusit. Cernens etenim Romanus Pontifex, quòd Maximilianus Rex non solum non vellet in translationem præbere consensum, sed Electum insuper litteris promotorialibus commendaret, fecit utrumque, quod & rogabatur, & decebat eum, quia confirmavit Abbatem, & revocavit illicitè præsumptam Monasterij translationem. Confirmatus Abbas Romæ permansit vigilans in causa, ne sinistris informationibus, aut subverteretur negotium, aut excommunicationis vinculum temerè rumperent inimici.

Wilhelmus  
Abbas de  
curia re-  
vertitur  
mortuo  
tyranno.

Tandem Joanne de Drott omnium auctore malorum in excommunicatione Papali mortuo, & asini sepulturâ terræ commendato, vultum aliquantisper serenavit Noverca bonorum fortuna: & Monachos Weissenburgenses omnipotentis Dei miseratio, intuitu clementiore respexit. Enimverò securus redijt ad Cœnobium Abbas, & insidias tyranni jam non metuit extincti. Veruntamen cum Palatino Comite pacem firmam

&



& aliqualem refusionem damnorum & expensarum non subito consecutus est; quousque tandem nisa est rota in medio rotæ, per quam florenorum quindecim millia exposuit. Joanne autem de Drott morte serâ defuncto, pars ablatarum possessionum & rerum Monasterio non ipsius ordinatione (quippe qui statuit nihil omnino restituendum) sed Principis fuit imperio restituta. Pars sub litera remansit. Et nunc de miserabili tribulatione Monasterij Weissenburgensis quondam Regalis & insignis summarie dictum est satis, historiæ cursum prosequamur.

Anno Dominicæ Nativitatis prænotato, secundâ die mensis Julij, hoc est, in solemnitate Visitationis innocentissimæ, castissimæ, gloriosissimæque semper intactæ Virginis Mariæ, cujus & amator, cultor & venerator est ardentissimus Joannes de Calve postea hujus Coenobij Hirsau-giensis vigilantissimus Abbas, qui hodie, cum hæc scribimus, præest, primam in ordine Sacerdotij Missam cantavit, latantibus in cœlo Angelis & congaudentibus in Cœnobio Monachis; illis quia collaudatorem, istis quia commilitonem susceperunt.

Joannes de  
Ca ba Mo-  
nachus hic  
primam  
cantavit Mis-  
sam.

Eodem anno simul & transacto Blasius hujus Monasterij Abbas, reditus & proventus ejusdem, ut sequitur, notanter ampliavit: imprimis enim octo maldrorum avenæ censum comparavit añuum in Osteltzheim pro sexaginta quinque florenis. In Wila triginta solidos annui census emit. Ita Hessicken curtem unam pro ducentis florenis comparavit, de qua Monasterio proveniunt singulis añis septem maldra siliginis & avenæ maldra octo. Speltæ quoque septem, & duæ urnæ vini. In Gechingen & Tuffringen duas partes decimarum emit pro florenis ducentis. Curtem in Schaffhausen à quodam cive de Wila comparavit pro centum sexaginta nummis auri. In Riderchingen duas libras & solidos sex annui census pro sexaginta libris. In Talbingen, Sultz & Effringen pro quibusdam curtibus & censibus exposuit sexcentos viginti quatuor florenos.

Census per  
Blasium  
Abbatem  
aucti.

Eodem quoque anno idem Abbas Blasius in Castello Stamheim novam domum & Capellam à fundamentis construi fecit: pro quarum consumatione supra ducentos auri florenos exposuit. Domum quoque frumentariam in Herrenberg novam pro ducentis florenis constituit. Hoc ipso etiam anno latus tertium ambitus Monasterij consummavit: in quo plus quam quatuor centum florenos expendit. Piscinam circa infirmitorium, & aliam parvam in horto Conventuali eodem anno fieri mandavit, in quibus ducentos quinquaginta florenos exposuit. Refectorium Fratrum hyemale ampliavit, quod picturis, fenestris & cælaturis pulchrè satis ornavit impensis trecentorum florenorum. Fenestras cum rotundis (id est Schyben) & picturis ad tria latera ambitus Monasterij fieri jussit; pro quibus plus quàm trecentos auri florenos exposuit. In quarto verò latere picturas sine rotundis fecit duntaxat. Imaginem quoque Crucifixi Jesu Christi Salvatoris nostri, quæ stat in gradibus chori erecta, pro uno & triginta florenis emit, ad quam plures Indulgentias à multis impetravit.

Structura  
& ædificia  
per Blasium  
hoc tempo-  
re facta.

Anno item prænotato, venit ad Regale oppidum Wil Maximilianus Rex Germanorum, quem Blasius hujus Coenobij Abbas civium supplicatione rogatus, & Pontificalibus ex more indutus cum processione Cleri, ac populi pulchrâ ordinatione solemniter obviam factus ad oppidum intro-

Maximilia-  
nus Rex à  
Blasio susci-  
pitur.

duxit: & in domum Hirſaugianam in eodem oppido poſitam debite cum honore ſuſcepit hoſpitio.

MCCCCXCII.

Regnum  
Granatæ  
cum urbe  
per Hiſpan-  
niæ regem  
capitur.

Anno Blaſij Abbatis octavo, Indiſtione Romanorum decima, die Menſis Januarij ſeptima, Ferdinandus Hiſpaniarum Rex meritò Chriſtianiffimus cum Eliſabetha uxore ſua regina, & exercitu toto decern videlicet millium equitum, & quinquaginta millium peditum Granatam Baticæ regionis civitatem Baudelis Mauritaniz Regis Mahumeticæ perfidiæ ſectatoris, quam biennio firmâ impugnatione obſederat, Trium- phator Chriſto largiente intravit: eliminatâque Saracenorum ſpurcitâ ur- bem ipſam cum univerſo Granatæ regno Chriſtianis reſtituit, quod Mau- ri vaniſſimi profeſſores Mahumeticæ vanitatis annis octingentis occu- paverant, Regem Granatæ in ultimos Hiſpaniæ fines relegavit: Sarace- nos expulit omnes: Dei cultum non ſolum in civitate, ſed per totum quo- que Regnum more Chriſtianorum inſtituit: pro cujus reverentia Eccle- ſias multas fabricavit.

Judæi Cor-  
pus Chri-  
ſti in Ster-  
nenberg la-  
cerant.

Eodem anno perfidiſſimi canes Judæi in oppido Sternenberg, quod ſitum eſt in Ducatu Megaloburgenſi, venerabile Sacramentum Dominici Corporis in duabus hoſtijs, altera majore, altera minore à quodam Sacer- dote Petro nomine, pretio comparantes incredibili furore malè tracta- verunt. Pernicioſâ etenim curioſitate ducti, cultellis & aculeis hoſtias pungentes, tentabant experiri, quid in eis Divinitatis lateret, quas vene- rantur Chriſtiani. Et ecce Deo miraculoſè in ſuo Corpore præſtante mira- culum, ſanguis de puncturis ſubitò fluere cæpit, & menſam cruor totam reſperſit. Receſſerunt ad ſacrilegum Sacerdotem Judæi ſcelerati, factum aperiunt, conſilium petunt.

Sacramen-  
tum ſub  
terra repe-  
ritur ſan-  
guinem.

Communi tandem conſultatione particulas ſanguinem fluere non ceſ- ſantes in terram defodiunt, & abeuntes jam latere factum penitus in antea confidunt. Territi ſunt impij, non compuncti: conturbati non compun- cti. Latere factum quomodo potuit, quod Deus miraculo fecit manife- ſtum? Non enim poterat abſcondi ſub terra, qui cælum fecit gubernât- que & terram.

Sacerdos  
capitur,  
damnatur,  
que ad  
ignem,  
cuius mira-  
contritio.

In notitiam res miraculo cruoris devenit populi fidelis. Capiuntur Judæi, examinantur, crimen aperiunt, atque triginta eorum numero ignibus traditi concremantur. Presbyter autem qui Dominicum Corpus tradiderat impijs pro vili pretio, captus eſt ſimiliter cum Judæis: qui ſeorſim examinatus, cum multis lachrimis ſuum confeſcebatur peccatum. Cùmque ad mortem duceretur extra oppidum igni cremandus, tantâ miſerante Deo contritione reſolutus eſt, tantis cum lachrimis ſuum accu- ſabat reatum, totque ululando potiùs quàm lamentando gemitus emiſiſſe atque ſingultus, quòd omnes ad commiſerationis fletum provocavit. Cùmque ad locum perveniſſet ſupplicij, ſtans in liſtoris poteſtate ligatus, vidit inter promiſcuum vulgi concurſum, ſtantem in amaritudine ma- trem, quam propiùs accedere magna cum iſtantia rogavit, cui & dixit: *Juſtum eſt, mater, dignum eſt, & neceſſarium te lachrimari, & flere multum ſine modo, ſine meſura, ſine conſolatione, quamdiu vixeris in hoc mun- do, propterea quòd me filium peperisti, lactaſti, & nutritiſti tam impium, malum & ſcleratum; qui Dominum Majeſtatis cæli & terra, Creatorem ubique glorioſè regnantem*

regnantem impijs tradidi Judais rursus crucifigendum. Va mihi omnium indignissimo peccatori! Va mihi & iterum va, qui Salvatorem vendidi, tradidi, atque cum Juda negavi. O quid feci! O quid panarum & suppliciorum non commerui! Quis mihi det omnium tormentorum genera & cruciatus posse in corpore meo experiri & sustinere usque in finem seculi, pro tam horrendis sceleribus meis! O si fieri posset, ut pro meo scelere tanto, centies ignibus tradar, centies moriar, centiesque resolver in pulverem! Hæc dicens cum lachrimis multis continuavit verbum ad matrem: Peto: inquit, abs te mater unam petitionem, quam ut mihi promittas te facturam, post mortem meam oro. Cui mater se facturam promisit juxta vires quodcumque postulaverit. At ille: Rogo, inquit, ut tres mihi peregrinationes in pane & aqua, laneis duntaxat induta, nudis pedibus facias. Primam ad Aquasgrani: secundam ad S. Jacobum in Compostella: & tertiam ad limina Apostolorum Romam. Et quotiens interrogata fueris ab aliquo, quare tam duras agas peregrinationes, dicito, quod ideo, quod me tam nefandum, tam improbum & sceleratissimum pepereris filium, qui Corpus Domini Judais vendiderim tradiderimque pro pretio blasphemandum. Et vide ne unâ dormias nocte, ubi aliâ quieviisti, nihilque omittas eorum, qua rogavi. Promisit mater filio, quod petiit, & fideliter implevit.

Duram pro filio mater peregrinationem assumpsit.

Deinde conversus ad Judicem & populum astantem: Domine Judex & vos optimi cives, audite precor, attendite paucis. Justissime lata est in me omnium totius mundi hominum sceleratissimum peccatorem sententia mortis, qui mille mortibus dignus sum: quia Judam imitatus, Salvatorem Judais vendidi: ordinis mei oblitus simul & presbyterij dignitatem contra Dominum executus. Et quamvis sum Juda longè deterior, quoniam ille Christum Judais mortalem, ego autem vendidi gloriosum. Unde etsi peccatum meum sit maximum, nequaquam tamen Judam imitabor desperando, quem pro dolor peccando secutus sum: sed confido in misericordiam Dei, quod me recipiat pœnitentem, quem tam enormiter peccantem patienter tulit, & non subito extinxit. Mortem commerui: mortem quantumlibet duram non solum patienter sustinebo, sed ex voluntate quoque subibo libenter. Verum non est satisfactio condigna pro tanto scelere mori. Precor vos Judices, ut pro uberiore pœnitentia immanissimi sceleris mei permittatis, quatenus diuturniore cruciatu inteream, & amputentur mihi primum digiti manuum & pedum articulatim: deinde manus & pedes: postea nares & aures: consequenter brachia & tibia: postremo corpus truncum unâ cum abscisis membris imponatur super rogam, & ignibus concremetur. Non enim sum ceterorum instar malefactorum morte dignus, sed acerbior atque turpissimâ, quâ longior sive prolixior nulla queat inveniri. Hæc ejus miranda contritio multos astantium provocavit in fletum: quorum alij petitionem ex cōmiseratione decreverunt admittendam: alij verò ex pietate negandam. Sed ille tantâ petitionis instantiâ rogans lachrimansque perseveravit, quod moti tandem Judices tantis fletibus consenserunt, ut fieret quod postulaverat. Miranda hominis contritio, stupendâque in tali articulo mortis devotio! Membratim truncatur sicut petierat, & in tantis cruciatibus voluntarijs summam exhibuit patientiam. Postremo jam truncus dixit cum gemitu: Deus propitius esto mihi peccatori, & clementer accipe hos corporis mei durissimos cruciatus pro satisfactione sceleris mei. Et cum præ nimio dolore atque sanguinis effusione inciperet jam penè deficere, truncus super rogam ponitur, & igne supposito brevi compendio suffocatur: tunc & abscissa membra in ignem projecta

Petri Sacerdotis verba ad Judicem & populum.

Salutem se sperare manifestat.

Membratim Sacerdos ut rogaverat, dividitur & comburitur.



cremantur. Et iſte finis huius miſerandi Sacerdotis fuit: cujus animæ poenitentiam tam magnam & manifeſtam, quis dubitare poſſet veniam obtinuiſſe apud Deum?

Dominici  
Sacramen-  
tum Corporis ſtupen-  
dis coru-  
ſcat mira-  
culis.

Corpus autem Dominicum ſumma cum veneratione, præcedente Clero, & populo ſubſequentē ad Eccleſiam reportatum in ſacello ponitur, & pro miraculi teſtimonio cum puncturis ſanguine rubricatum hodie ſervatur. Fit illico ad Sternenberg magnus populorum concurſus, non ſolū de locis vicinioribus, ſed etiam de remotis, & uſque in præſentem diem ſtupenda in eo loco ad invocationem Domini noſtri Jeſu Chriſti fiunt miracula.

Miraculum  
unum ē  
multis.

E quorum numero penè innumerabili unum nos poſteritati commendare ſumus perſuaſi, quod ſuâ raritate fidem ſimul & omnem credulitatem hominum procul videtur excedere: quanquam in toto Magdeburgenſi Ducatu cunctiſque finibus ejus adeò famâ ſit celebri divulgatum, ut neminem latere queat. Neque enim nos hoc tam ſtupendum miraculum, ullâ vel credere vel ſcribere ratione poſſemus, niſi veraciter factum non modò vulgarium narratione, ſed etiam Principum illius terræ manifeſto ſciremus teſtimonio. Eſt autem tale mirabile miraculum.

Homo con-  
tractus &  
reptans  
manibus,  
ſanatur &  
erigitur.

Erat in regione illa homo quidam paupercululus, & contractus, qui more pecudis incurvatus manibus & pedibus reptando ſuper terram inceſſit. Neque enim ſtare aliquando potuit: neque in altum ſe quomodo-libet erigere. Is cū tanta fieri miracula crebrius audiret in Sternenberg, ſuſpirans animo referentibus dixit: *O ſi & ego eſſem ibi, confiderem me ſanitatem omnino recepturum, ſed quomodo illuc perveniam, qui nuſquam progredi poſſum?* Cui aſtantium dixit aliquis: *Non deſperaveris, ſed reptando incipe proficiſci ut poteſ; dabitque auxilium Deus, ut pervenias.* Acquievit conſilio pauper monentis, & tandem poſt multos labores ad locum pervenit. Et ecce mira clementia Chriſti! oravit homo cum lachrimis, Deo miſerante convaluit, & jam non rependo ſed gradiendo ad locum unde venerat, remeavit. Stupebant omnes, qui noverant eum, qui quem contractum reptantēque incedere ſolitum, nunquam erectum viderant, incedentem rectè tam ſubitò conſpiciebant. Et notum factum eſt hoc miraculum non ſolū in oppido illo, ſed per totam regionem.

Recta fides  
cum ora-  
tione poteſt  
omnia.

Pervenit rumor ſigni ad Caſtellanum oppidi, hominem incredulum, temerarium & ſuperbum, qui non ſolū referentibus factum non credidit, ſed eos cum irriſione & quadam blaſphemia contempſit. Miſit tamen, & pauperem fecit aſſeſſe ſanatum. Cui dixit aſtanti: *Tunc es ille, qui te ſanatum affirmas in Sternberg ad invocationem Sacramenti?* At ille reſpondit dicens: *Ego ſum, gratias ago Domino Deo, qui me ſanavit.* Ad quem Caſtellanus: *Ergo ſani ſunt omnes, qui peregrinantur illuc?* Reſpondit pauper in ſua ſimplicitate: *Sani certè.* Ad quem Caſtellanus canem videns à caſu præterire claudicantem, ſpiritu blaſphemiæ tumens cum indignatione: *Tolle, inquit, canem hunc quem cernis claudicantem, & ducito illum ad Sternberg peregrinatum, ut ſanitatem recipiat, qui dixiſti omnes ibi ſanari.*

Caſtellanus  
miraculo  
incredulus  
à Deo ſenſit  
vindiſtam.

Caſtella-  
nus inſa-  
nit, turrit,  
latrat &  
mordet ut  
canis.

Hæc cūque tumido ſpiritu protuliſſet, mox veſanus effectus latrabat ut canis, & in medium proſiliens canum ſuorum illos mordebat ut canis. Deinde prorumpens de Caſtello cucurrit veſanus in oppidum latrans & mordens inter canes quaſi unus ex ipsis: & quod mirandum eſt  
amplius,

amplius, crevit subito ex spina dorsi hominis cauda canina vestibus longior præeminens ultra unius mensuram palmæ. Capitur à suis in medio canum larrantium & mordentium, & vinctus in Castellum reducitur, pro cuius liberatione peregrinatio cum donis & oblationibus ad Sternberg ab uxore & familia promittuntur: quibus completis insaniâ quidem liberatus est, caudam verò caninam habere compulsus est in testimonium facti, quamdiu vixit. Et ecce denuò mirando succedit mirabilius; quoniam nullâ arte, nullo ingenio, nullo vestimento, caudam, ne videretur, abscondere potuit. Nam si largiora fecit vestimenta, prolixior subito fuit & cauda; si breviora, brevior; semper tamen ultra mensuram palmæ longior eminebat visibilis.

Historiam scripsi, non fabulam; rem gestam, non confictam; non mendacium, sed veritatem plurimorum testimonio comprobata. Cujus quidem rei gestæ tot ante septennium, cum in Marchia essemus Brandenburgensium, ac tales audivimus testes, ipsum videlicet Electorem Imperij Marchionem Joannem, Henricum Megaloburgensium Ducem, Senatores Vefulinos, aliósque tantos, quibus non credere meritò judicemus iniquum. Omnipotens ille mundi Creator & Rector Deus, qui Nabuchodonosor Babyloniarum Regem inter boves fœnum manducantem fecit, blasphemum ut voluit, humiliare potuit.

Anno quoque supra notato, in mense Septembris, Fridericus Imperator mundi tertius, & Maximilianus Rex Germanorum filius ejus semper invictus, Conventum Regni Principibus apud Confluentiam oppidum Archiepiscopi Trevirorum consensu indixerunt unanimi, quorum multis in præsentia constitutis Raptus desponsatæ Maximiliano Annæ Ducis Britanniarum per Carolum Regem Galliarum præsumptus in medium proponitur, & quid fieri decernant Principes, consultatio communis habetur. Erant tum qui bellum Gallo indicendum consulerent, utpote qui non solum leges temerasset Germanas inferior, sed jus etiam violasset Imperij simul & Christianæ veritatis. In id tandem convenit pars sanior, temporis concedendum, cum Britanniarum Ducatus, neque Germaniarum Regno, neque Brabantiarum Principatui eâ tempestate conduceret. Maximilianus itaque Rex consilio Principum levigatus animum remisit iratum.

His temporibus fuerunt quidam homines perditissimi, eorum de ordine, qui se nobiles non verentur gloriari, cum impietatis plus habeant, quàm virtutis, Bertholdi Archiepiscopi & Ecclesiæ Moguntinæ hostes, imò raptores iniqui, quos penitus judicamus indignos, quorum nomina in nostris Commentariis memoriam posteritatis consequantur, vel immortalitatem. Hos à crudelitate facti quidam nostrorum Testipremos appellavit, pro eo quòd Clerum & Sacerdotes Domini per Diocesim Moguntinam persequerentur in invasione hostili, capientes eos, atque captivos abducentes, & pro pecunia crudeli nimis punitione torquentes. Eos verò quos captivos abducere qualibet occasione non poterant, inauditâ hætenus, ut sequerentur per se ad loca eis præfixa cum pretio redemptionis, impietate cruciabant. Habebant enim seras quasdam ferreas diabolicâ non dubium excogitatione adinventas, sub quarum arcta clausura testiculos Sacerdotum comprimebant. Has autem seras semel clausas, præter ipsos qui clauserant, nemo poterat aperire. Denique tam artificiosè fuerant fabricatæ,

Unius historia facta plurimorum est comprobata testimonio.

Conventus fit Principum in Confluentia cum Cæsare & Rege.

Incursores Moguntinæ Ecclesiæ vastant.

fabricatz, ut nulla conjunctio potuiſſet notari partium; tamque duratum erat ferrum, ut limæ nullam admitteret corroſionem.

Unde cujuſcunque teſtes tali ferramento fuiſſent compreſſi, non poterat liberari ab alio, quàm ab his qui ſeram impoſuiſſent. Nec ſatis erat ſingula instrumenta ſingulas habuiſſe clauſuras, ſed quodlibet unum quatuor, aut quinque ſeris occultiſſimis claudebatur, ut ſi caſu forſitan una fuiſſet inventa ſive aperta, reliquæ tamen penitus latuiſſent. Compreſſis ergo teſtibus hoc instrumento Clericus ſi voluit liberari, neceſſe fuit eum Teſtipremos cum pecunia ſeu liberationis pretio ſequi ad locum quem determinaiſſent. Sacerdotum plures calamitate iſta durante in diverſis locis per Moguntinam Diœceſim à perversis teſtipremis iſtis fuerunt capti, cruciati, vulnerati, ſpoliati, abducti, & nonnulli ſupplicijs varijs ſine culpa interfecti.

Alexander  
ſic Papa VI.  
& præfuit  
annis XL

Item anno prænotato, xxvi. die menſis Julij, obiit Romæ Innocentius Papa VIII. anno Pontificatus ſui viii. Poſt hunc in Pontificatu ſucceſſit Cardinalium promotione ſuffectus Theodoricus Cardinalis Episcopus Portuenſis natione Hiſpanus, Apoſtolice Sedis Vice-Cancellarius, dictuſque Alexander ejus nominis VI. apud S. Joannem in Laterano, xxvi. die menſis Auguſti, quæ fuit dies Dominica poſt Feſtum S. Bartholomæi Apoſtoli, pompâ ſolemni coronatus eſt, & præfuit annis xi. & paucis diebus.

Judæi om-  
nes fuerunt  
expulſi Hi-  
ſpania per  
Regem.

Eodem anno Ferdinandus Rex Hiſpaniarum ad instantiam uxoris ſuæ & quorundam Fratrum Minorum omnes de Regno ſuo Judæos infra certum terminum præcepit exire, & quicunque poſt præfixum terminum inveniretur remanſiſſe, per totum regnum ſine miſericordia occideretur. Interdixit etiam, quòd neque aurum, neque argentum, neque lapides pretioſos ſecum deferrent, ſed pro his vinum, frumentum, oleum aut pannos emerent ab incolis regni ſecundum juſtam pretij æſtimationem, abducerentque ſecum, quòd vellent navigio. Erant enim auro, argento, gemmis pretioſis ultra modum locupletati, ideòque ne ſuo modo ſpoliarent Hiſpaniam, omnia hæc poſt ſe relinquere compulſi ſunt. Navibus itaque diſpoſitis exiverunt unâ vice de Hiſpania centum viginti quatuor millia Judæorum, & claſſem per mare Mediterraneum verſus Conſtantinopolim verterunt, ac direxerunt. Remanſerant etiam ultra terminum eis præfixum in Hiſpania plus quàm tria millia, quos navibus perforatis Rex juſſit imponi, & in profundum æquoris demergi, quorum bona omnia ad ſuum ſiſcum præcepit referri.

Imperator  
Fridericus  
movet ca-  
ſtra contra  
Ducem  
Bavariæ  
generum.

Anno item prænotato Fridericus Imperator III. contractis undique copijs exercitum movit contra Ducem Bavariæ Albertum, qui morabatur in oppido Monacenſi. Et hæc fuit cauſa diſſenſionis inter eos. Habebat Cæſar ipſe filiam unam Regis Maximiliani ſororem, quam Dux Albertus ( quoniam maturior erat ) invito patre ſibi accepit uxorem, ipſâ tamen conſentiente. Nec diu poſtea quaſi propter eam jure poſſet, Ratisbonam Regni Germanici urbem non ultimam Civium conſenſu dominio ſuo ſubjugavit, & contra voluntatem Cæſaris aliquandiu poſſedit. Cùmque ſæpius moneretur ab Imperatore, ut abſtineret à civitate Regni, & non adverteret, iratus tandem Fridericus ex Liga Suevorum & aliunde magnum pugnantium conduxit exercitum, & movens in Bavariam juxta

Lici



Lici fluminis ripas castra locavit. Videns autem Dux Albertus quorum res tenderet, pacem postulans obtinuit, & Ratisbonam urbem Regno iterum restituit.

Concordia  
fit inter Co-  
sarem &  
Ducem  
Bavarie  
Albertum.

Eodem anno septima die Novembris, cecidit è nubibus æris in pago qui nuncupatur Sungavve prope oppidulum, quod dicitur Ensisheim haud procul à Basilea Civitate Germaniæ, fulgetra sive lapis miræ magnitudinis, pondo, sicut audivimus ab his, qui viderunt, librarum videlicet 255. hoc est, centenariorum duorum simul atque semissis, & quinque libra- rum. Qui quidem lapsis ex violentia cadendi duas in partes fuit divisus, ejus pars major ante fores Ecclesiæ memorati oppidi Ensisheim cum fer- rea catena in testimonium veritatis & memoriam usque in præsentem diem videtur suspensa.

Anno item prænotato, ultima die mensis Decembris, quæ finis est anni, obiit Melchior Abbas Schonaugien- sis, Ordinis nostri, Diocesis Tre- virorum, vir doctus & Regularis observantiæ cultor integerrimus, qui visitando, exhortando, librisque Divini cultus emendando & imprimen- do per annos quatuor & viginti, quibus in Abbatia laudabiliter præfuit, multa pro decore & utilitate observantiæ nostræ Bursfeldensis bona fecit, pro quibus haud dubium æternæ felicitatis præmium recepit. Fuit enim vir optimus, ingenio promptus, consilio cautus, actione præcipuus, con- scientia purus, vita regulari sibi durus & rigidus, nihil eorum negligens, quæ ad rectæ conversationis Monasticæ pertinent rationem. Eo die quo de hoc mundo erat migraturus, in lecto jacens ægritudinis plenâ utens ratione & loquelâ, Missam fecit coram se celebrari (habebat siquidem altare consecratum in Camera) cui diligentissimè intendebat, prædixerat enim illâ die se & horâ moriturum. Cùmque Sacerdos post Dominici Corporis & sanguinis participationem in lavando & tergendo calice mo- ram faceret, ille clamavit: *Festina Frater complere Missam, ne fraudes me benedictione finali, quia manere diutius non possum.* Complevit illic Missam Sacerdos, deditque optatam benedictionem morituro, quâ datâ dixit Abbas: *Accedite nunc Fratres.* Quibus astantibus dixit: *Pax Christi sit sem- per vobiscum charissimi Fratres, Ego nunc vado, orate pro me.* Statimque sub- junxit: *Domine JESU Christe Fili Dei vivi in manus tuas commendo Spiritum meum.* Et subito expiravit, cujus Fratres Cadaver non sine opinione sanctitatis terræ commendaverunt. Scripsit autem nonnulla, ingenij sui præclara opuscula, è quibus nos vidimus subjecta. De Mandato Capitulì annualis elucubravìt declaratorium Cæremoniarum & Ordinarij Divi- norum Observantiæ nostræ Bursfeldensis, in uno volumine, quod præno- tavìt opusculum pacis, libros duos. Monotessaron Dominicæ Passionis ex quatuor unâ pulcherrimâ continuatione fecit, librum unum. Accentua- rium & modû cantandi atque legendi pro unione Bursfeldensium, librum unum. Orationes quoque multas in utroque Capitulo editas, plenâque dixit eruditione. Et alia nonnulla, quorum hac vice memoriam non tenemus.

Melchior  
Abbas S.  
Florini Ma-  
tyris in  
Schonau  
obiit.

Melchior  
Abbas  
mortem  
suam præ-  
scivit &  
prædixit.

Melchioris  
Abbatis  
quædam  
opuscula.

Eodem anno, Blasius hujus Monasterij Abbas insignis quædam bona & possessiones in villa Kenten pro quadraginta quinque florenis Monaste- rio comparavit. Hoc ipso quoque anno piscinam circa domum pe- eorum trans pontem circa sanctum Aurelium novam fieri constituit, pro  
cujus

cujus conservatione plus quàm tercentum florenos auri exposuit, & piscibus eam adimplevit.

## MCCCCXCIII.

Helena Comes Palatina nascitur.

Anno Blasij Abbatis nono, Indictione Romanorum xi. die mensis Februarii ix. Heidelbergæ nascitur Helena undecimo-genita Philippi Comitis Palatini, Baviaræque Ducis ac Principis Electoris, quæ postea cum annorum esset viginti, parentibus jam vita defunctis nupsit Fratrum promotione adjuta Henrico Duci de Megaloburg, qui prius uxorem habuit sine liberis mortuam Joachimi Marchionis Brandenburgensium sororem nomine Ursulam, Princeps ut ferunt nimis speciosa atque modesta.

Capitulum Provincia-  
le xxviii.  
Hirsaugie  
celebratum  
est.

Eodem anno Dominica tertia post Pascha, quæ fuit xxviii. dies mensis Aprilis, celebratum fuit Ordinis nostri xxviii. Provinciale Capitulum hic in isto Monasterio Hirsaugiensi, in quo præfuerunt Joannes Trithemius tunc Spanheimensis, Conradus in Wiblingen, Bartholomæus S. Crucis in Werdea, & Andreas Montis Monachorum propè Bambergam, Monasteriorum Ordinis memorati Abbates. Blasius verò hujus Monasterij Abbas cum ingenti læticia Patres, qui convenerant, suscipiens, & in viualibus abundè tractans, laudem & honorem totius Capituli reportavit.

Insulæ qua-  
tuor in ma-  
ri Indico  
reperit  
sunt per  
Hispanos.

Anno prænotato, Ferdinandus Hispaniæ Rex posteaquam opulentissimum Granatæ Regnum unà cum urbe suo dominio potenter subjecit; terrâ non contentus, etiam mare disquirendum putavit. Ordinatis igitur navibus Christophorum quendam præfectum constituit, quem ad inquirendas Cosmographis incognitas per mare Insulas destinavit. Suscipiens ille naves ab Oriente in Occidentem direxit, æquorque sulcans spacia multa, quatuor tandem reperit Insulas mari circumdatas Indico, quarum in Europa prius apud Cosmographos cognitio nulla fuit. Unde novis Insulis nomina etiam nova imponentes, primam S. Salvatoris nuncuparunt; secundam verò de Conceptione S. Mariæ vocarunt; tertiam autem in memoriam Regis sui Ferdinandam dixerunt; quartam verò Hispaniola nuncuparunt in memoriam Hispanici Regni, unde oriundi erant. Quales autem sint Insulæ jam dictæ, in qua parte orbis sitæ, qui populi & habitatores earum, quibus ritibus vivant, aut moribus, in ea continetur Epistola, quam memoratus Christophorus scripsit, & ubique circumfertur impressa.

Fridericus  
Imperator  
III. moritur  
anno regni  
sui 54.

Anno item prænotato, xix. die mensis Augusti, moritur Fridericus Imperator III. in oppido Austriæ Linz, anno ætatis suæ septuagesimo nono, Regni verò Germanici quinquagesimo tertio, mense quarto; Romanorum autem Imperii, anno quadragesimo quarto, ex abscissione, cruris putridi, cujus Cadaver ad Viennam delatum in Cathedrali Ecclesia S. Proto - Martyris Stephani tumulatur in sepulchro, quod sibi dudum satis pretiosè fecerat præparari. Filium reliquit Maximilianum Regem Germanorum & unam filiam, quam Albertus Dux Baviaræ, ut diximus, habuit uxorem.

Turcarum  
gens impia  
devastat  
Croa-  
tiam &  
Carnio-  
lam.

Eodem mense quo Imperator obierat, nefandissimi Mahometis sectatores Turci magna cum multitudine pugnatorum de finibus suis egressi Croatiam & Carniolam incursione hostili vastarunt; omnia rapina, ferro & igne crudelissimè more suo depopulantes. Contra quorum insultus incolæ regni & provinciæ Christiani, utpote numero & viribus longè

longè impares pugnaturi, ab eis facillè superantur, cæduntur & capiuntur. Nam decem Christianorum millia in ea Turcorum incurfione occifa, ferebantur & capta.

His ad Maximiliani Regis noticiam relatis, funeralibus (quæ genitori paraverat celebranda) in aliud tempus convenienter fufpenfis, magnum pugnatorum congregavit exercitum, Turcos de Croatia expulfurus. Sed Turci strage factâ quam diximus, vicis & urbibus incensis, cum præda & captivis retrocefferunt, nec Regis præstolabantur adventum. Rex ergo Maximilianus præsidio fufficienti per Croatiam pofito in Austriam redijt, & funeralia quæ aliquandiu intermiferat, genitori mortuo celebravit.

Maximilianus Rex contra Turcos movit in Croatiam.

Anno igitur prænotato, feptima die mensis Decembris, quæ fuit Sabbathum post Festum S. Nicolai, Viennæ Austriæ in Cathedrali Ecclesia S. Stephani Proto-Martyris Maximilianus Rex Patri funeralia celebrari mandavit in Principum multorum præfentia, Episcoporum, Abbatum, Ducum, Comitum, atque Nobilium. Aderant & missi Oratores Romani Pontificis Alexandri, Regum quoque Galliæ, Hispaniæ, Bohemiæ, Ungariæ, Poloniæ, Apuliæ, Siciliæ, Daniæ, & omnium penè Germaniæ Principum, multarumque Civitatum Regni. Sacerdotes qui Missas celebrabant illa die pro anima defuncti Imperatoris numerati fuerunt, & octingenti adfuisse inventi.

Funeralia Viennæ Imperatoris celebrantur.

Eodem anno, durante Capitulo Provinciali mortuus est Jacobus de Oppenheim hujus Cœnobij Hirsaugiensis Monachus de primis Reformatoribus unus, vir in divinis scripturis admodum eruditus, nec minus vitæ merito, quàm scientiâ doctrinæ venerabilis. Qui Novitiorum Magister pluribus annis extitit, quos verbo & exemplo vivere ad puritatem Regularis Observantiæ instruere ac docere non cessavit. Scripsit de titulis Psalmorum quædam synthemata. De utilitate quoque Psalmorum Opusculum. Orationes ad Deum & sanctos supplicatorias plures. Carmina & Rythmos de diversis rebus majorum; Epistolas quoque multas elegantes ad diversos hinc inde lucubravat amicos.

Jacobus Monachus hujus Cœnobij scriptor insignis moritur.

Anno etiam prænotato, Joannes de Calve Monachus hujus Cœnobij, & post mortem Blasij Abbas, ut infra suo loco dicemus, Magister Cocorum institutus est, in quo quidem officio per biennium fermè Fratribus diligenti sollicitudine ministravit, ambulans coram eis in simplicitate cordis, & nihil eorum negligens, quæ habuit in commissis. Tam enim sollicitum in suo se ministerio, tamque studiosum se exhibuit per omnia, quòd Blasius Abbas majoribus dignum & aptum judicans biennio transacto in majorem cellerarium Monasterij ordinavit.

Joannes nunc Abbas hujus Monasterij sic Magister Cocorum.

Hoc ipso quoque anno prænotato Blasius Abbas ligneum in Ecclesia Monasterij tabulatum, simul & in duabus ejusdem absidibus fieri fecit, pro qua structura 150. florenos exposuit. Tabulam etiam in refectorio positam hyemali ad mensam Præsidentis, in qua de picta est Cœna Domini pro 34. florenis fieri disposuit. Eodem quoque anno Tabernaculum quod est supra majus altare fabricari mandavit, pro quo florenos 80. impendit.

MCCCCXCIV.

Anno Blasij Abbatis X. Indictione Romanorum duodecima, mensis Martij die xxvi. quæ fuit Feria quarta, & die altera post Festum Dominicæ Annuntiationis. Blanca Maria Galeatij Ducis quondam Mediolani filia,

Maximilianus secundam ducit uxorem, sed sterilem.

A a a a

Maximi-



Maximiliano Germanorum Regi prius desponsata venit ad oppidum Inspruck, & ingente cum pompa suscipitur, nec diu post celebratis solemniter nuptijs Regi conjungitur, cum quo vixit annis fermè quindecim, & sine liberis obiit. mulier corpore parva, sed animo magno, suæque gentis amatrix.

Maximilianus Rex movet in Geldriam contra Carolum.

Eodem quoque anno in mense Julio, Maximilianus Germanorum Rex & Cæsar Augustus contractis undique copiis exercitum movit in Geldriam contra Carolum, qui se gessit pro Duce, geritque usque in præsentem diem. Qui audiens Regis adventum, quia non satis erat viribus ad resistendum paratus, secessit quo potuit secretius in Lotharingiam, & ibi latuit, quamdiu voluit. Maximilianus autem Rex omnem Ducatum & quidquid extra mentionem erat, prædâ incendiôque vastavit, gentem tamen suo imperio rebellem usque in hunc diem subjungere non potuit, licet prius & posterius crebrò tentaverit. Erat autem exercitus Maximiliani Regis satis magnus & validus, in quo plures fuerunt, qui magis inopiâ compulsi, quàm vel justitiâ, vel Regis incitati profectu militabant, nebulones perditissimi, sine religione, sine pietate, sine miseratione prædam sequentes, non Principis cujuscunque victoriam. Hi sceleratissimi stratiotæ quanta pauperibus terræ incolis mala fecerint, præter, imò contra bellandi jus & æquitatem, nec ego dixerim facilè, nec si dicam credituri sunt posteri, & illi præcipuè quibus pietas Maximiliani Regis fuerit explorata. Dicam tamen vel unum, cujus insinuatione reliqua credibilia fiant, non ad Maximiliani clementissimi Regis injuriam, vel contumeliam, cum eo nesciente facta sint hæc omnia mala, sed ut noverint cuncti mortales, quàm reprobi sint omnes & longè à salute, qui sua sponte bella sequuntur.

Aurifugæ puerum quendam affaverunt propter pecuniam.

Ruricola quidam pauper audiens Maximiliani Regis adventum, dimissis in villa liberis & uxore, in proximum sese oppidum Novimagium tutelæ gratiâ recepit. Venit cum exercitu Rex, & ante oppidum castra locavit. Interim verò quod in papilionibus residebat exercitus, dilabebantur aurifugæ prædones quidam scelestissimi occultè, & discurrentes per vicos & domos rusticorum prædæ inhiabant. Venerunt in mansionem rustici memorati, & inventa uxore cum liberis, ubi esset maritus, urgebant. Audientes autem, quòd in oppidum fugisset, mortem comminabantur, nisi pecuniam daret pro vita. Cùmque lachrimans illa juraret, se nullam penitus habere pecuniam, puerum quem lactabat, de manibus ejus rapuerunt, & colligatum lanceæ nudum affare ceperunt ad ignem. Quod videns illa cum non haberet unde parvulum redimeret, quanto maiore cruciaretur, unusquisque poterit cogitare. Nec puerum affare crudeles stratiotæ cessaverunt, donec spiritum exhalaret.

Cœnobium Monialium S. Ruperti propè Bingen reformatur.

Anno prænotato, Cœnobium S. Ruperti Monialium nostri Ordinis per beatam Hildegardem olim in monte juxta Nahum flumen in oppidi Bingiorum opposito constructum reformari cepit mandato Bertholdi Archiepiscopi Moguntini, per Gerlacum Abbatem Tuitiensem. Cujus quidem reformationis occasione turbationes plurimæ fuerunt subsequutæ inter Philippum Comitem Palatinum & Ringaugienses. Monialium autem deformatarum aliæ recesserunt causam augentes dissensionum; aliæ verò in Cœnobio remanserunt observantiæ Regulari submittentibus colla cum

tum his, quæ de Schönaugiensi Monasterio advenerant. Non post multos dies cum diabolus paci & saluti animarum sibi præreptarum invideret, doleretque prostibulum earum Monialium, quæ matres esse mallet, quàm virgines, in domicilium castitatis & pudicitiae reformatum, tentavit si posset ædificium pietatis subvertere totum. Misit ergo cogitationes amaritudinis nequam in corda earum, quas de antiquis diximus remansisse cum novis, & omnes unâ nocte (præter anus duas progredi non valentes) de Monasterio clam submissæ per muros abierunt in terram Palatini Comitum eis proximam, proximorum contra reformatas auxilium invocantes. Census autem sive proventus memorati Cœnobij annuales, sive in frumentis, sive in pecunijs, & plures numero, & pretio majores in dominio habet Palatini. Per continuum ergo triennium profugæ Moniales sua confugia in Palatinatu habentes, amicorum & cognatorum suorum violento patrocínio census & proventus Monasterij omnes in Palatini Principatu ubicunque cedentes rapuerunt in usus proprios convertentes. Quod quàm injustè ac temerè fecerint, nemo qui Regularis vitæ materiam intelligit & puritatem, poterit ignorare. Interea Ringaugienses, quibus animo semper est aurea libertas, nescio cujus rumore falso concitati (quasi Palatinus Comes Monasterium S. Ruperti machinaretur invadere) montem ipsum præoccupare statuerunt, ne videlicet Palatinensibus pateret accessus. Erat enim inter Moguntinos & Palatinenses eo tempore, sicut diximus, non parva similtas. Ringaugienses ergo trecentos viros armatos cum machinis & bombardis ad præoccupandum Cœnobium S. Ruperti miserunt, qui multo tempore ibidem permanentes non parva sororibus loci damna intulerunt. Domos enim intra muros Cœnobij & plures numero & pulchras ædificio funditus destruentes igne consumpserunt. Denique murum Cœnobij exteriorem in circuitu, cum tandem abire conclusissent, funditus dejecerunt, ne si post eorum discessum Palatinus occuparet Monasterium, aliquod præsidium in eo defensionis contra Bingiorum oppidum haberent impugnandum. Et quidem vana hæc Ringaugiensium suspicio fuit, cum Palatinus Comes nunquam in mentem acceperit, quòd vel occupare Monasterium, invaderè oppidum Bingen cogitasset. Quod ubi tandem experimento sicut loquimur verum didicissent, post impensas factas inutiliter nimis in sua redierunt.

Moniales  
fugitivæ  
census Mo-  
nasterij in  
Palatinatu  
occupant.

Ringau-  
gientes Mo-  
nasterium  
S. Ruperti  
præoccu-  
pant.

Eodem quoque anno, ultima die mensis Octobris, oppido Heidelbergæ, nascitur Wolfgangus duodecimogenitus Philippi Comitum Palatini, Bavariæque Ducis & Principis Electoris, qui postea Canonicus fuit Ecclesiæ Wirtzburgensis, hodièque annum ætatis agens nonum decimum studio litterarum incumbit apud Parisios.

Wolfgangus  
Comes  
Palatinus  
nascitur.

Anno item prænotato, Carolus Rex Gallorum auditâ morte Ferdinandi Regis Neapolitani, & quòd Alexander Papa VI. Alphonsum per Joannem nepotem suum Cardinalem coronasset in Regem, contractis terrâ marique copijs in Italiam celerius movit. Campaniamque mox, deinde Neapolim fugato Alphonso sibi subjugavit. Enimverò stipatus quinquaginta millibus pugnatorum Italiam præsidio destitutam invasit, omnia vitæ necessaria suâ multitudine consumens, tantamque victus penuriam inducens Italiæ, Apuliæ quoque & Calabriæ, ut pauperes multi

Carolus  
Rex Gallo-  
rum cum  
exercitu  
intrat Ita-  
liam.

Causæ ob  
quas Galli  
Romam  
obsidere  
cæperunt.

præ inopia panis fame perirent. A Pisanis & Florentinis invitatus atque susceptus urbes eorum pacificè ingressus est. Inde contra urbem Romam dirigens pedem Calabros obviam habuit milites, qui progressum interdicerere frustra conabantur. Factâ enim congressione Calabri cum Gallis, eorum in acie mille, Gallorum verò trecenti ceciderunt. Unde nihil morati versùs Romam iter Galli maturabant. Inter autem eundem, captis nonnullis Ecclesiæ castellis & urbibus, multis etiam datis in prædam, nullo ætatis, sexûs, seu conditionis habito respectu homines, ut pecudes, sine causa, sine pietate, sine aliqua necessitate passim trucidarunt. Cùmque Romam pervenissent, urbem obsidione cinxerunt, causam in primis duplicem contra Pontificem assignantes. Quarum altera fuit principalis, quòd Papa regnum Neapolitanum post obitum Ferdinandi Regis Carolo Regi Gallorum (sicut ipse asseruit) hæreditatis jure debitum, concessisset Alphonso, eùmque sicut diximus in regem fecisset coronari. Altera fuit causa, quòd Pontifex audito Gallorum adventu regis Alphonfi & Calabria Ducis præsidium contra Gallos recepisset in urbem. Fuerunt & aliæ plures causæ displicentiarum Regis contra Pontificem, quas consultò transimus.

Alexander  
Papa intro-  
misit Gal-  
los sub con-  
ditione  
paciæ.

Malè serva-  
ta conditio.

Pontifex autem tantâ multitudo hostium obsessus, ad cavendum graviora mala, Regem postremò intromisit in urbem, sub ea videlicet conditione in fide jurata, quòd eum, Cardinales populùmque Romanum in eorum personis & rebus tutos per omnia servaret, securòsque & illæsos. Quæ quomodo servaverint Galli, testimonium præbuerunt opera eorum, spoliationes, violentiæ, cædes, ruinæ domorum & effractiones, prædæ, furtæque. Sed & ipse Pontifex metu Gallorum in arcem S. Angeli fugere compulsus est. Postremò tamen si voluit ab incursione Gallorum liberari Papa, necesse fuit inire concordiam, non qualem ipse voluit, sed qualem Rex Carolus in medium produxit. In ea Confœderatione Pontifex Regi tradere compulsus fuit munitiones quasdam Ecclesiæ versùs regnum Neapolitanum: præsidium quoque Regis Alphonfi dimittere, ad Regnum Neapolis & Sicilia Gallum investire. Postulavit etiam tunc Rex Carolus & obtinuit Zizimi fratrem Bagiazith Imperatoris Turcorum, quem à Rhodianis ante annos fermè novem Papa Innocentius acceperat, quasi per eum Turcos omnes à finibus Regni Apuliæ Gallus Rex posset expellere. Sed Galliam Zizimi non pervenit, quia in itinere Neapolitano mortuus fuit.

Carolus  
Rex Gallo-  
rum Re-  
gnum Nea-  
politanum  
obtinebat.

His Romæ compositis, Rex Carolus movit in regna Neapolis & Sicilia, quæ ambo mox ut potuit videre, obtinuit, Alphonso Rege fugato, & jam nullo penitus resistente. Audax Caroli facinus & memoriâ dignum, quòd adolescens annum ætatis agens septimum decimum, qui viri neque nomen, neque virtutem habere potuit, intra unius anni spatium, totam ferè Italiam penetrans ad instar fulminis, quæque obstantia pessumdedit, atque in suam Apuliæ regnum potestatem redegit. Sed quid? Cùm nihil stabile in humanis, posteaquam enim omnia, quæ volebat in Apulia, suo imperio subiecisset, relicto ubique suorum præsidio in Galliam reversus est, & omnia quæ vel in Italia, vel in Apulia cum maximis impensis acquirerat, brevi sine labore magno ad pristinos possessores revoluta sunt.

Anno



Anno memorato, Blasius Abbas Monasterij duas villulas Hugstatt & Altenbubach cum omnibus juribus & Pertinentijs earum pro florenis 782. comparavit ad communem hujus Coenobij profectum & utilitatem. In villa quoque Itenmaden quinque florenos annui ceusus emit pro centum.

Hujus Mo-  
nasterij  
centus aucti  
& hoc anno  
structuræ  
factæ.

Eodem anno, quartam Ambitus partem construxit, pro qua structuræ 500. florenos exposuit. Verùm artificis vel ignorantia, vel negligentia, postquam ipsa pars ad plenum fuerat consummata, funditus eam propter scissuras & rupturas, quas habuit plurimas, dejicere cogeatur, quia stare non potuisset, & restaurare de novo; latomus per artis suæ magistros ad hoc specialiter vocatos, ut judices in centum florenis Abbati condemnatus fuit.

## MCCCCXCV.

Anno Blasij Abbatis XI. Indictione Romanorum XIII. die mensis Aprilis XXVIII. moritur Rudolphus de Scherenberg ultimus in genealogia sua. Episcopus Herbipolensis & Dux Franciæ Orientalis anno Pontificatus sui XXIX. ætatis verò centesimo in majori Ecclesia sepultus, Princeps per omnia certè magnificus, & apud omnem posteritatem Würzburgensium Canonorum aternâ memoriâ dignus, utpote qui Ecclesiam Herbipolensem in multis millibus florenorum aere alieno gravatam reperit: quam suâ industria Deo miserante à cunctis debitorum oneribus liberavit; & successoris thesaurum non parvum in auro, argento, frumentis & vino dereliquit. Multis ante mortem annis veteri morbo calculi Præsul iste laboraverat. Moriturus autem suis commisit, ut cum vitâ defunctus juxta morem antiquum veniret exenterandus, facerent etiam aperiri vesicam, prospecturi oculis, quantos sustinuerit calculi dolores. Factum est quod jussit, & ecce vesicâ exenteratâ repperunt in ea lapidem pondo unciarum sedecim, quæ libram unam faciunt paduanam, quæ drachmas octo prouincia capiunt una. Hunc lapidem in Aquisterio majoris Ecclesiæ Herbipolensis pro testimonio dictorum repositum conspeximus.

Rudolphus  
Episcopus  
Herbipo-  
lensis me-  
ritur anno  
Pontifica-  
tus XXIX.

Eodem anno duodecima die mensis Maij, quæ fuit feria tertia solemnitate sancti Pancratij Martyris festiva, Laurentius de Bibera majoris Ecclesiæ Præpositus à Capitulo in Episcopum Herbipolensem & Franciæ Ducem Orientalem concorditer electus fuit. Vir prudens, consilis cautus & actione præcipuus, amator Cleri, defensor populi, cultor pacis, omniumque Claustralium observantiam vitæ Regularis custodientium fautor, promotor, & benefactor singularis: & qui Ecclesiam ædificijs, proventibus & bonis meliorem reddere, quantum cum Deo potest, quotidie non cessat, suâ scilicet prudentiâ & industriâ sine cujuscunque injuria.

Laurentius  
de Bibera  
fit Episco-  
pus Herbipo-  
lensis.

Anno prænotato Conventus Principum in Wormatia magnus fuit, & diu duravit, ubi convenerunt inprimis isti Principes majores: Maximilianus Germaniæ Rex, Imperator Romanorum electus, Bertholdus Archiepiscopus Moguntinus, Joannes Archiepiscopus Treverensis, Hermannus Archiepiscopus Colonienfis, item Archiepiscopus Salisburgensis, qui & obiit in Franckenthal, Philippus Palatinus Comes Rheni, Fridericus Saxoniæ, Joannes Marchio Brandenburgensis, Otho Dux Baviaræ dictus de Mosbach, quoniam ibi morabatur, Georgius Dux Baviaræ cognomento Dives, Albertus de Monaco de Bavaria, Joannes Dux Baviaræ in Spanheim, Alexander Dux Baviaræ Comes in Veldenz, Wilhelmus Dux

Conventus  
Principum  
Wormatiæ.

Montis & Juliacenſis, Reinhardus, quem quidam Galli malè Renatum fingunt, Dux Lotharingiæ, Ericus Dux Brunſchvviſenſis, Joannes Dux Clivenſis, Chriſtophorus Marchio de Baden, Wilhelmus Landtgravius Haſſiæ. Affuerunt & alij plures Epifcopi, Principes, Abbates, Duces, Comites, Barones, Nobiles, Civium Regni Oratores, quos omnes nominatim exprimere nimium fieret tædioſum. Neque enim conſtat noſtrâ memoriâ talem fuiſſe conventum, in quo tot Principes Germaniæ convenerint perſonaliter.

In eodem Conventu anno prænotato, xiv. die menſis Julij, Maximilianus Rex ornamentis regalibus ex more indutus, & ſedens in ſolio Majeſtatis loco eminentiori ad hoc fabricato ex tabulato ligneo, in ea planicie urbis, per quam de S. Martino itur ad Carmelitas in ſuburbanum, circumdantibus inprimis Principibus Electorij Ordinis, ac poſtea quibuſdam alijs, in multa Principum, nobilium, & populi frequentia, quibuſdam novellis Principibus Regalia ſeu feudalìa ex antiqua conſuetudine poſtulantibus conceſſit.

Comes  
Wirtenber-  
giæ Eber-  
hardus  
creatur in  
Ducem,

Deinde xxi. die menſis Julij, anno prænotato Maximilianus Rex proprio ut ferebatur motu, ad nullius inſtantiam Eberhardum ſeniores Barbatum Comitem de Wirtemberg virum ſciens prudentem, ſtrenuum, & non minus armis, quàm rebus atque divitijs potentem, in publica Principum conſeſſione de Comitum numero in Ducem ſublimavit, adhibitis in eo negotio ſolemnitatibus debitis & conſuetis. Ex eo tempore Duces in Wirtemberg ex Comitibus facti Duces glorioſè perſeſerant uſque in præſentem diem.

Multa in eo  
Conventu  
tractata  
ſunt contra  
Turcos &  
Gallos.

Duravit autem Principum Congregatio, quaſi menſibus quinque, & multa in ea tractata fuerunt pro utilitate Regni communi. Inter alia in medium producta fuerunt conſilia, quomodo Rex Gallorum pelleretur de Italia, qui plura temerè contra Romanam Eccleſiam, & ejus tentavit Pontificem: & non minus Imperij Jura per Lombardiam & Italiam ubique violavit. De movenda in Turcos expeditione multa fuerunt dicta, multa concluſa, & nihil ſequebatur in actu. Cujus fuerit culpa, quid mea intereſt, qui non judicantis, ſed ſcribentis ſumpſi officium? Habebatur etiam conſideratio de Camere Regaliſ judicio, in quo unicuique adminiſtraretur juſtitia. Indicta tum fuit conſenſu Principum generalis quædam contributio per univerſum Germaniæ Regnum, in ſubſidium contra Turcos per quinquennium duratura, in qua omnes Religioſi & ſæculares, Clerici & Laici, liberi & ſervi, viri & mulieres, ſceminæ viduæ & virgines, quicunque tertiumdecimum contigerat annum, ſic per ſingula capita fuerunt taxati, quod viginti quatuor homines in uno quoque anno contribuerent aureum florenum unum. Et nihilominus quilibet Monachorum Abbas, Præpoſitus aut Prior localis, clauſtraliũque Prælatuſ & ſinguli pro ſe in dignitate aliqua conſtituti ſolverent unum florenum, præter hoc quoque dare pro ſubditis & familiaribus tenebantur. Ponamus exemplum: Ego qui tunc Abbas eram in Spanheim, ſit quod Monachos converſos atque donatos habuerim viginti quatuor, ſervos & ancillas, ve etiam præbendarios viginti quatuor, exigebant à me collectores, ne dicam importuni exactores, quolibet anno tres florenos; primum pro me, ſecundum pro ſubditis, tertium pro familiaribus, & ſic fieret ſumma contri-

Contributio  
contra  
Turcos in-  
dicitur,

contributionis meæ per quinquennium florent quindecim. In primo quidem anno (ut loquar de his quæ mihi sunt nota) in Comitatu Spanheimensi & circumcirca per illam partem Diocesis Moguntinæ Claustraliū simul & Clericorum plures tributū eis impositum solverunt. Laicorum verò nullus dedit vel obulum. Quod considerantes quidam astutiores in Clero, quippiam solvere & ipsi recusarunt, metuentes futurum quod contigit, licet Commissarij pertinaciter instarent. Qui solvit, perdidit, qui non solvit, nihil peccavit, quia contributio per annum sequentem continuata non fuit; & quod primo collectum fuerat, in præordinatum à Principibus usum minimè pervenit.

Anno prænotato, decimo die mensis Septembris, in villa Burgstatt non adeò procul à Wormatia mulier quædam pauperis rustici uxor monstrum enixa est, peperit enim puellas duas corporibus, manibus, pudendis, pedibusque per omnia distinctas, quarum & duo erant capita, ora, nares, oculos & aures habentia distinctim propria. Frontibus autem sibi mutuo cohærebant taliter compactæ seu concretæ, quod nullâ poterant arte separari ab invicem, quin statim morerentur ambæ. Vixerunt ultra triennium non sine bona stipe parentum, & crebrò cum altera dormiret, altera vigilabat, alterâ flente una ridebat. Postremò unâ moriente altera supervixit aliquantis diebus, vixissetque diutius, nisi Cadauere sororis putrescente jam etiam fœtore fuisset extincta.

Eodem quoque anno Christophorus de Angeloch Abbas Monasterij Ordinis nostri homo temerarius, ignarus & perditæ præsumptionis, qui ante paucos annos simulato devotionis spiritu Regularis disciplinæ observantiam Ludovico Spirensium Episcopo mediante assumpserat, Fratres ex Hirsburgia duos, ex Gozauia duos, ex Spanheim duos ad Odenheim Coenobium suum deformatis tunc omnibus expulsis intromisit, ad obedientiam suscepit, Monasterio incorporavit, & per annos fermè quatuor sicut legitimos Conventuales habuit, hoc anno turpiter expulit, & antiquos deformatos iterum recepit, cum quibus eodem mox anno ab ordine apostatavit. In quem Tetrastichon quidam tunc fulminavit: *Deposui Benedictæ tuam rapinæque Petrinæ Vestem, sic Ditem fallere posse ratus. At mihi nil prodest vestis mutatio, nam me prodit calvities, & mea lingua levis.* Verè mendax dicere potuit, qui me præsentem in reformationem sub iurejurando consensit & secundum Regulam sanctissimi P. N. se victurum semper in antea promisit, sed omnia factis & verbis turpiter negavit.

Horum apostatantium Monachorum pravitatis exemplum Abbas in Neuvviler & Monachi sceleratissimi eodem penè tempore sequentes Argentinenſium Episcopo (sicuti fecerunt & reliqui) dissimulante Ordinem sanctum, quem fuerunt legitimè professi, cum habitu abiecerunt, facti ex Monachis malis Canonici pessimi, ex mendacibus perjuri, & ex devotis Deo focij & imitatores apostatantium Angelorum. Omnis apostata brevis vitæ, quod verificatum testamur in multis, quorum major pars subitaneâ & miserabili morte interierunt, poenam suæ temeritati debitam recipientes. Responsum cujusdam viri nobis bene cogniti, quo taxavit apostatam his liber inferre. Cum ex permissione Apostolica in præsentia Episcopi Argentinenſis Commissarius habitum sanctæ Religionis auferret à Monachis memorati Coenobij, cappam monachalem Abbati primò de-

traxit,

Monstrum  
in Burgstatt  
puellæ duæ  
in frontibus  
conjunctæ.

Odenheim  
Monasterium  
Spirensis  
Diocesis  
transfertur.

Neuvviler  
transfertur  
ab Ordine.

Abbas apo-  
stata faceto  
cujusdam  
hominis  
responsa  
taxatur.



traxit, super mensam reponens Rocketum, quod superpellicium nuncupant, ut Canonicus fieret, eum induit. Astabat inter plures ministerialis quidam Episcopi Nobilis, qui mox cappam Abbatis arripuit, & eâ se induens per jocum circumstantibus dixit: *Ecce quàm pulcher ego sum Monachus.* Quod cernens apostata Abbas iurepavit illum dicens: *Non licet vobis joculari cum his rebus, habitus enim sanctus est, & Deo consecratus Monachorum.* Cui ille dixit: *Quid ergo? habitus sit sanctus, vel non sit, quem nequam abiecit, nequam induit,* se comparando apostatæ non inferiorem. Riserunt omnes hominis facetum responsum.

Eodem anno, Blasius Monasterij venerabilis Abbas novo Duci Wirtenbergensium Eberhardo de consensu & voluntate Conventûs mille florenos præstitit, pro quibus singulis annis Monasterio huic floreni proveniunt. 50.

MCCCCXCVI.

Eberhardus  
Dux Wir-  
tenbergen-  
sium pri-  
mus mori-  
tur.

Anno Blasij Abbatis XII. Indictione Romanorum XIV. die mensis Februarij 25. Eberhardus Dux Wirtenbergensis & in Teck, quem ob multiplices animi dotes atque virtutes Maximilianus Germaniæ Rex anno præcedente, sicut dictum est, Wormatiæ in Comitij motu proprio cum solemni pompa ex numero Comitum inter Duces collocarat, excoriatione vesicæ, alijsque corporis doloribus cruciatus diem clausit extremum, anno necdum in Ducatu expleto. Cujus corpus ut petierat, habitu Fratrum Ordinis S. Petri, quem ipse ut supra diximus, instituerat, involutum, & ad novum Monasterium ab eo constructum in nemore Schönbach erectum solemni funere sepelitur.

De vita  
moribus &  
conversa-  
tione Eber-  
hardi.

Fuit autem Eberhardus iste Princeps staturâ quidem corporis aliquantulum brevior, sed magnaminus ad quævis ardua, promptus & imperterritus, consilio providus & cautus, sermone succinctus, moribus omni disciplina principali ornatus, vita & conversatione singulari maturitate venerandus. Ad Deum rectitudine mentis devotus existit, in cujus quotidiano cultu nihil eorum, quæ ad quemlibet pertinent Christianum Principem vel optimum, neglexit. Nova etenim templa pro Christi honore suis impensis plura condidit, nec minus antiqua & penè collapsa restauravit. Monachos bonæ, Religiosæque vitæ sectatores in magna reverentia habuit, eorumque causis, & necessitatibus operam suam gratiosè omni tempore accommodavit. Sacerdotibus Dei & Ecclesiarum honorem pro Christi amore debitum exhibuit, & eorum Privilegia, libertates, immunitates inviolata conservavit.

Malæ vitæ  
homo non  
erit bonus  
Judeus.

Quantum ad suam personam pertinebat, vitæ custos erat Christianæ, rectæ atque Catholicæ, Deum timens & recedens à malo. Dei & Ecclesiæ mandatis obediens propriam curavit salutem. Cum vicinis Principibus & Civitatibus Regni, quantum in ipso erat, semper fuit pacificus, atque inter alios dissidentes mediator ad pacem studiosus. Justum & æquum se judicem populo suo in omnibus semper exhibuit, & scienter à via justitiæ nunquam temerè declinavit. Neque passim, quod multi quidem faciunt, quibuslibet in suo Principatu judicandi potestatem commisit, sed viros ex multis elegit pauciores doctos & in Jure peritos, Nobiles quoque moribus & vitâ probatos, non raptos, non fures, non adulteros, non fornicatores, non concubenarios, non deflores virginum, non usurarios, non vitijs deturpatos publicis, ut populum terræ judicarent. Nam etsi scri-  
pturarum

pturarum fuerit ignarus, utpote Principum consuetudine in juventute neglectus, multum tamen conversatione virorum Doctorum & allocutione consueverat delectari. Quâ id fecerit intentione, temerè non judicandum. Inter omnes Germaniæ Principes nostrâ, quos novimus, tempestate, nullus fuit, qui Curiam suam tot viris omnifariam eruditis, promotisque in aliqua facultate doctoribus manuteneret ornatam, ut Comiti Wirtenbergensium aliquo modo videatur comparandus. In Conventibus denique Principum publicis Wirtenbergensium ipse Comes Eberhardus, si ad numerum Doctorum respicias atque nobilium, facilè semper & ubique obtinuit principatum, quorum & consilio Comitatum feliciter gubernavit. Magna in Principe virtus, si aut ipse Philosophus, aut casto Philosophorum consilio Rempublicam sibi moderetur commissam; ut Princeps iste modestissimus fecit, cujus lateri nunquam defuerunt viri Doctores in Theologia: in Jure tam humano, quàm Divino: in historijs quoque & Medicinis peritissimi, quorum valde delectabatur contubernio, & ad varias disputationum seorum studia concitabat. Denique in favorem Doctorum virorum, quos piâ semper mansuetudine amavit, in oppido suo Tubingen universale gymnasium Apostolicâ, ut supra diximus, auctoritate instituit, quod magnificè satis dotavit. Collegiatam nihilominus Ecclesiam in eodem oppido erexit: Monasterium quoque novi Ordinis sui sub titulo D. Petri Fratribus vitæ communis in Schönbach construxit.

Post mortem hujus clarissimi Principis Eberhardi Ducis Wirtenbergensium primi, vocatur ad Ducatum à primoribus terræ junior Eberhardus senioris defuncti ex patruo nepos, filius videlicet Udalrici Comitis, qui frater fuerat Ludovici genitoris Eberhardi primi Ducis jam memorati. Is Eberhardus Junior eo tempore profugus vitam extra patriam agebat senioris metu, in quem deliquerat, expulsus: qui proximus hæres juxta dudum concordata vocatus ab inuolitis venit, Episcopo comitatus Augustensi, & certis nobilibus, à suis jam debito honore suscipitur, Dux & Patriæ Princeps consalutatur. Rexit autem, ne dicam destruxit, Wirtenbergensem Ducatum annis ferè duobus: postea ut dicemus fumositate cerebri agitated Principatum deseruit.

Erat ei consuetudo, sicut vidimus, dum cibum caperet, nunquam, sedere ad mensam, sed stare semper, si autem aliquando tantisper sedere placuisset, interea cessabat penitus ab edendo, bibere tamen licebat dum voluit. Hunc etiâ in mensa Regis Maximiliani & quorumlibet Principum edendi morem servabat. Non erat mihi tanta fiducia, ut causam hujus novitatis ab eo sciscitarer, quia homo fuit inhumano fidere natus. duos tamen à secretis conveni, ut mihi dicerent, quid vanitas ista significaret. Ambo se nihil præter incertam vulgi opinionem habere dicebant. Erant enim viri docti vitâ & moribus integerrimi, & ideo potius à remotis, quàm à secretis in curia tenebrionum habiti. Primus opinabatur, quoniam Dux non parum erat ventrosus (ut ego sum) nimium, ne crassitudo excederet, stando potius ederet, quàm sedendo. Ad quem ego: *Mà dia, Porci apud nos edunt stantes, ut Dux vester, non sedentes, & nihilominus incrasantur & pinguescunt. Dormiat potius stans, edatque sedens, & consummabitur ista, quam tu proposuisti, opinio.* Secundus opinionem suam introducturus

Junior Eberhardus fuit Dux Wirtenbergensis annis 2.

Dux iste Junior non sedebat inter edendum, sed stabat semper.

Porci stantes manducant & pinguescunt ut iste.

dixit: *Sunt qui credant Ducem noſtrum, olim cū Comitē ageret proſugum in terra non ſua, vagūmque & egenum, ſe hoc aſtrinxiffe voto: Si pacem, quietem & abundantiam rerum neceſſariarum fuerit aſſecutus, cibum deinceps non capturum ſedendo ut homo, ſed ſtando ut pecus. Riſi non Ducem ſed opinionem, quamquam ſi & illum, non erraſſem, quoniam omnes mihi conteſtabantur Wirtenbergenſes, qui hunc novēre Ducem, quā in eo verificata fuerit Pſalmiſtæ ſententia dicentis: *Homo cū in honore eſſet non intellexit; comparatus eſt jumentis inſipientibus, & ſimilis factus eſt illis.* Sepelienda ſunt multa non mortua; quis enim tutò ſcriberet omnia maximè his temporibus, quæ perperam geruntur à magnis & potentibus? Ea tamen mihi conſideratio, ut Dei ſervum decet, eſſe debet, & eſt, in conſcribendis Principum geſtis poſteritatis proſectum & ſanctam utilitatem magis quærere, quā curioſitatem.*

Capitulum  
Ordinis  
Provincia-  
le xxx. ce-  
lebratur in  
Selgenſtatt.

Anno prænotato, Dominicā quartā poſt Paſcha, quæ fuit prima dies menſis Maij, celebratum fuit Ordinis noſtri Capitulum Provinciale nonum atque vigefimum in Monafterio Sanctorum Martyrum Marcel- lini & Petri apud Selgenſtatt oppidum Diœceſis Moguntinæ; in quo præſederunt Hermannus S. Jacobi propè Moguntiam, Bernardus in Nort- heim, Conradus S. Udalrici in Auguſta, & Joannes S. Ægidij in Nüren- berga Monafteriorum Abbates.

Burgen-  
ſium apud  
Staurone-  
ſium oppi-  
dum perni-  
cioſa ſeditio.

Eodem anno, facta eſt ſeditio magna inter oppidanos Creuzenach in Comitatu Spanheimenſi, cujus iſta fuit occaſio. Albertus Göler de Ravenspurg loci præſectus quendam incolam oppidi reſtruxit in carcerem pro delicto quod commiſerat. Cujus amici querimoniam deferentes ad vicinos, & illi rurfum ad alios, jus civile clamitabant, aſſerentes hominem in oppido commorantem modò fide jubentes dare poſſit, non eſſe incarcerandum, ſed jure contra eum procedendum. His clamoribus concitati animo plures per oppidum diſcurrunt, carcerem violenter confringunt; victum auctoritate propriā, ne dicam temerariā educunt. Inter clamandum quoque, ut conſuetudo eſt populi furentis, etiam in Principes verba contumelioſa fulminarunt, plus furori concedentes ſuo, quā judicio rationis.

Ad notitiam res deſertur Principum. Seditionis auctores capti reponuntur in carcerem. Poſt dies paucos adveniunt proprijs in perſonis vindictam in eos facturi, qui turbationem ſuſcitaverant, Philippus Comes Palatinus Rheni, Baviaræque Dux & Elector, qui Heidelbergæ apud Budoras morabatur: & Joannes ejusdem generis Comes Palatinus, Baviaræque Dux & Comes in Spanheim, cujus reſidentia fuit in oppido Simeren apud Cynonotos. Producentur in forum captivi, læſæ Majeſtatis rei judicantur, puniunturque ut perjuri, & qui fidem Dominis ſuis juratam temerè violaffent. Amputabantur quibuſdam manus dexteræ, duo quibus pejeraverant digiti; alij ferro ignito adurebantur in fronte, atque perforatis alij maxillis torquebantur, populo cum Principibus in medio fori proſpectantibus. Nonnulli etiam marſupijs exenteratis, ut Plautus inquit, cruciatus pecuniā redimebant.

Burgen-  
ſium apud  
Andernach  
contra præ-  
ſectum  
ſeditio.

Anno item prænotato, ſimilis memoriæ ſeditio facta eſt in oppido Coloniensium Archiepiſcopi Andernach Trevirenſis Diœceſis, cujus oppidani contra loci præſectum, quem Hermannus Archiepiſcopus poſuerat,



Fuerat, insurgentes, periculofam fufcitaverant in populo turbationem. Enimvero dominationem præfidiij graviter ferentes confpirant in eum, parumque abfuit, nifi fugiffet in arcem, quin fuiffet occifus ab eis. Fuit enim homo feverus, immitis & crudelis, duo in fe habens quafi generalia Præfeftorum vitia, quorum altero mafupium nummis dilatare fuum, altero Principis gratiam nancifci & habere favorem fummo opere curabat. De Deo, de iuftitia, de confcientiæ munditia, fi quid in eo follicitudinis fuit, locum obtinuit procul dubio in ftudijs ejus poftremum. Novimus hominem cum Poeta intus & in cute, Domino fub fideliter fervivit cum injuria plurimorum, fed quo fine, quâ mercede, audiant fimiles, & Deum timentes ita ferviant homini, ut Creatori omnium noverint dare actorum fuorum exactam aliquando rationem. Proverbio dicitur: *Principibus fideliter ferviendum, fed timide confidendum*. Diem viximus, quâ memoratus Hufmann (fic enim dicebatur) præfeftus, qui multis annis Domino fuo mortali contra immortalẽ in pluribus cum injuria pauperum fervivit, cunctis ab eo fpoliatus eft bonis, in carcerem conjeftus, in carcere miferabiliter & mortuus. Hoc illorum pro meritis præmium, qui Principes in interitum concitant fubditorum. Deus præferendus eft homini, & publica iuftitia privata utilitati. Venit Archiepifcopus Hermannus ad oppidum Andernach in manu fuorum valida, fumpturus de his qui feditionem commoverant, legum declaratione vindictam; verum cum effet Princeps omnium fuo tempore mitiffimus, Deum timens, & iuftitiam unicuique cum pietate miniftrans, neminem eorum qui fuerant delati, aut membro permisit truncari, aut quovis genere cruciatus in carne torqueri, fed alios in carcere fervavit ad tempus, alios pecuniâ taxavit, atque alios in exilium proferipfit, poenam unicuique moderans juxta modum delicti.

*Seditio-  
num Prin-  
cipes extra  
provin-  
ciam pro-  
fcribuntur.*

Anno præfcripto, cum Ecclefia Padelbornenfis in Weftphalia propter continuas Epifcopi ægritudines, fenium quoque & varios in corpore morbos grave in utroque ftatu difpendium pateretur, Canonici ejufdem confilio cum Epifcopo maturâ deliberatione habito, Hermannum Coloniensem Archiepifcopum in administratorem fufcipiunt, qui Alexandri Papæ VI. auctoritate confirmatus administrator per annos xii. manfit, quibus fupervixit.

His quoque temporibus morbus ille turgentium puftularum, quem nullo medicis ufitato nomine exprimere poffum, à Gallis incipiens per Italos venit in Germanos. Habuit autem fuæ infectionis peftiferæ principium in Hispania, ab Hispanis pullulavit in Gallos, à quibus in Italiam profectis contra Regem Neapolis Alphonsum, infecit & Italos, & illi quoque Germanos malorum fuorum conftituerunt participes. Unde apud Gallos morbus ifte nuncupatur malum Hispanicum; apud Italos malum Neapolitanum; & apud Germanos malum Gallicum, aliàs Malfranzos. Eft autem mirabilis, contagiofa & nimium formidanda infirmitas, quam etiam deteftantur leprofi, & eâ infectos fecum habitare non permittunt, meruentes graviore, quam fit lepra, infici morbo.

*Morbus  
Gallicus.*

Eodem anno Philippus Archidux Auftriæ Maximiliani Regis Germanorum filius annum agens ætatis octavum decimum Patre jubente duxit uxorem, Ferdinandi & Elifabethæ Regum Hispaniæ filiam; cum qua

*Philippus  
Archidux  
Auftriæ  
annorum  
18. ducit  
uxorem.*

vixit in Brabantia, ubi reſidentiam habebat conſuetam annis decem, & genuit ex ea filios duos Ferdinandum & Carolum; quorum alter hodie regnat in Hiſpania, alter ſub tutela Maximiliani Regis avi paterni Dux commoratur in Brabantia.

Anno etiam præſignato, ſexta die Maij in oppido Heidelberg. naſcitur Orto Henricus decimo tertio genitus Philippi Comitæ Palatini Bavarix-que Ducis & Principis Electoris, qui puer in innocentia ſua mortuus tranſivit.

Inter Abbatem & Conventum orta diſſenſio.

Eodem anno magna inter Blaſium Abbatem & maiorem partem Conventûs huius Monafterij Hirſaugienſis fuit exorta diſcordia, quæ loco non parvum in utrôque ſtatu diſpendium generavit. Erant enim qui pacem inter eos turbabant homines quidam faciles ad detrahendum proximo ſuo; qui mendacia quædam, ut nos confidimus in Abbatem falſò conſicta, circumferebant, non ſolum inter Fratres, verùm etiam apud ſæculares, ſummo id ſtudio meditantes, ut Abbatem quovis modo poſſent à ſua dignitate Abbatiali dejicere. Credebant falſis delationibus Fratres, & in tantum deceptore omnium bonorum diabolo cooperante crevit diſſenſio, ut in duas partes unio Conventûs ſcinderetur. Viri ſenes conſilio maturi & prudentiores de Conventu ( non mentior ) contra Blaſium Abbatem ſteterunt, cauſas quidem veriſimiliter allegando rationabiles, quas tamen probare nequiverunt. Quid opus eſt multis, me paucis pro Viri & Fratrum abſolvam honore.

Quatuor Abbates deputati eramus ad viſitandum per annale unionis noſtræ Capitulum: viſitavimus, & per viginti continuos dies ſummis conatibus pro pace laborantes inquietum pelagus revocare ad tranquillitatem nequaquam potuimus. Quid plura? Ut vel aliquantulum cedendo magis quàm reſiſtendo mitigaremus furorem, Abbatem non ſine diſpendio rerum temporalium ab adminiſtratione uniûs anni tempus ſuſpendere cogebar, omnem in utrôque ſtatu auctoritatem penes Priorem & Cellerarium conſtituentes. Anno autem tranſacto iterum viſitantes adminiſtrationem Blaſio Abbati reſtituimus, & pacem ut licuit reformavimus. Triennio iſta duravit turbatio; quoſque tandem in ſe reverſi Abbas cum Fratribus rancorem omnem depoſuerunt.

MCCCCXCVII.

Monasterium prope Sunſheim tranſfertur ab ordine.

Anno Blaſij Abbatis XIII. Indictione Romanorum xv. Monafterium S. Michaelis Archangeli propè Sunſheim in Kreichgavio Spirenſis Dioceceſis ab Ordine ſanctiſſimi P. N. Benedicti Alexandro Papâ diſpenſante ad falſas Monachorum informationes, & Ludovico diſſimulante Pontifice Spirenſium ordinario loci, tranſfertur in Collegiatam Eccleſiam ſæcularem; cujus Monachi & Abbas vicinorum ſuorum in Odenheim provocati exemplo, votum S. Religionis Omnipotenti Deo ſolemniter factum unâ cum habitu converſionis ſuæ turpiter abiecerunt.

Boppardiani ſe contra Archiepiſc. Trevirenſ. erigunt.

Eodem anno Burgenſes oppidi Regalis Boppardix juxta Rhenum, quod Eccleſiæ Trevirorum à temporibus Caroli quondam Imperatoris IV. ut ſupra diximus, uſque in præſentem diem dignoſcitur impignortum, quorundam nobilium ſibi adhærentium conſilio & auxilio animari ſe contra Joannem Archiepiſcopum Trevirenſem Dominum ſuum in utrâque iuriſdictione unicum contumaciter crexerunt. Nobiles enim

terræ

terræ quasdam in Boppardia libertates & jurisdictiones à multis retrò annis in possessione quietâ habuerunt, quos Archiepiscopus quorundam consilio seductus inquietare tentavit. At illi Burgenfibus juncti Officiales & Vicariosive Ministeriales Archiepiscopi omnes de oppido ejecerunt, clausisque portis multo tempore ad resistantiam se parârunt, neminem intromittentes, de quo possent habere aliquam suspicionem. Mendicos omnes unâ sententiâ excludebant.

Anno igitur prænotato, xxii. die mensis Junij, Archiepiscopus Trevirorum prænominatus conducto exercitu stipendiario Boppardiam obsedit, & per aliquot dies fortiter impugnavit. Nec minus audacter, qui erant in oppido, se defendere conabantur adversum obsidentes. Verùm non erant obsidentibus numero pares, neque poterant aliunde quicquam exspectare salutis; idcirco post maturam deliberationem inter se habitam, oppidum sub certis conditionibus Archiepiscopo duodecimâ die obsidionis suæ tradiderunt: nonnullis ab utrâque parte machinarum, seu bombardarum ictibus miserabili morte sublati. E quibus unum ex militarium ordine novimus Joannem de Schvvalbach virum bonum, integrum, & timentem Deum, qui stabat super murum armatus: vidit bombardista quidam in exercitu, incensoque pulvere lapidem machinæ tam validè in eum jaculavit, quòd superiorem corporis partem ab inferiore divisit, ac si gladio pro lapide utius fuisset. Denique tanta violentia fuit in impetu lapidis expressi, quòd caput eminus projectum per aëra cum parte corporis superioris nunquam potuit inveniri.

Joannes itaque Trevirorum Archiepiscopus, eos quos conduxerat in adiutorium Principes, pecuniâ remunerare promissâ, mox oppido capto fuit astrictus. Aderat enim Philippus Comes Palatinus cum viro- rum non parvo exercitu in Cœnobio monialium nostri Ordinis propè oppidum & circa, mansionem & castra statuens. Wilhelmus autem Hassiorum Landtgravius cum magno exercitu ab alia parte Rheni ex oppido Boppardiorum fixerat sua tentoria, & lapides machinis in oppidum mittebat. Aderant & alij Principes, Comites & nobiles multi mercede conducti, quorum solatio marsupium Trevirensis Ecclesiæ penitus evacuavit, & magnam ad inopiam redegit. Magnam siquidem pecuniarum summam in eo negotio exposuit, quoniam uni Principum florenorum triginta millia, alteri viginti millia, alteri verò plus, alteri minus, secundum uniuscuiusque vel numerum pugnatorum, quos adduxerat, vel impensas quas se fecisse dicebat, persolvere coactus est, & tamen parum emolumenti ex omnibus habuit.

Anno item memorato, xiii. die mensis Julij, reformatum est Monasterium S. Jacobi Apostoli majoris in Suburbanis Civitatis Wirzburgensis transpontem jussione Apostolicâ, Papæ scilicet Alexandri VI. per Laurentium Episcopum Herbipolensem Orientalisque Franciæ Ducem, & Fratres observantiæ Regularis Bursfeldianæ unionis eâdem die de Cœnobio S. Proto-Martyris Stephani fuerunt introducti, qui sine Abbate sub Priore Domino Deo militarunt annis vii. Conrado Abbate memorati Cœnobij S. Stephani ex commissione prædicti Reformatoris Domini Laurentij Episcopi, vigilante super eos, viro per omnia religiosissimo, & in observantia regulæ monasticæ studiosissimo, cujus sollicitudine & instantiâ

Oppidum  
Boppardiam  
ab Archie-  
piscopo  
Treviro-  
rum obsi-  
detur.

Magnam  
pecuniam  
Principibus  
Archiepisc-  
pale dare  
cogitur.

Monaste-  
rium S. Ja-  
cobi Herbi-  
polense re-  
formatum.



ego Joannes Trithemius eandem Abbatiam D. Jacobi post annos novem assumpsi, & Spanheimensem cum ingratis Monachis plenam inutilium curarum, meoque proposito penitus contrariam dimisi.

Quæ fuerint causæ moventes Episcopum ad reformationem.

Causa movens ad reformationem dicti Monasterij S. Jacobi præfatum Episcopum Laurentium Deus principaliter fuit, ad cujus obsequium Embricho quondam Wirzburgensium antistes anno Nativitatis Dominicæ MCXL. Indictione Romanorum III. idem Monasterium fundavit, in quo & sanctissimi viri plures per successum temporis claruerunt, qui Omnipotenti Deo in omni pietate mentis & corporis servierunt. Deinde successores eorum paulatim à recto tramite conversationis monasticæ deviantes, & in utroque statu nimium deficientes in profundum malorum delapsi sunt. Ad tantam postremò venerunt inopiam, ut non habentes unde viverent, Monasterium sæpius vacuum dimitterent. Nam aliquando Abbas in eo fuit sine Monachis, cum meretricibus consumens, quod reliquum fuerat, aliquando Monachus sine Abbate unus; interdum nec Monachus in eo fuit, nec Abbas, sed scriptor aliquis, aut Laicus Monasterium suo nutu in eo cum uxore, aut concubina sedens regebat. Et hoc non semel contigit, sed pluries, quemadmodum ex eorum libris constat manifestum.

Cœnobium fuit sine Abbate & Monachis.

Anno denique memorato, Philippo Abbate ultimo deformatorum in eodem Cœnobio vitæ defuncto, qui nullum Monachum habuit, Monasterium utpote vacuum, & nulli aliorum jure debitum, Episcopi mansit ordinatione providendum, qui Monachos sicut diximus de bona regulari observantia introduxit. Qui cum ordinarius sit simul & hæreditario jure fundator, potueritque suâ auctoritate ordinariâ facere omnia, quæ fecit, maluit tamen consensum Romani, summique intervenire Pontificis, quàm ut dicerent amuli tenebrionum defensores Ergasterij, passas injuriam de prostibulo pulsas esse meretrices. Rem in ea reformatione Laurentius fecit antistes, omni dubio remotissimo, gratam Deo, acceptam Superis, Pontificali officio dignam, animæ suæ proficuum, Christianæ Religioni conformem, præsentibus cum honestate utilem, posteris memoriâ venerandam; si quis sentit contrarium, carnem sapit non Deum. O si tam securi essent in suis conscientijs coram Deo, qui Monasteria in Ecclesias cum Monachis transferunt sæculares, quàm hic præsul est noster Laurentius, qui repudiatis deformatissimæ vitæ Monachis, Cœnobium sibi pleno jure subiectum secundum normam S. Benedicti Monachis regulariter viventibus instauravit. Utinam sic fuissent antistites, qui Laurentium præcesserunt, non tot ab ordine sancto Monachi apostatassent, nec tot nobis essent ablata Monasteria.

Tutius est reformare Monasteria quàm in sæculum transferre.

Sine comodo suo rarus, qui laudat Monachos apostatas.

Dissimulavit si non consensit Joannes de Nassauve Moguntinus Archiepiscopus in translatione Monasterij S. Albani, Bertholdus de Hennenberg, in dimembratione Cœnobij S. Ferrucij Martyris in Blidenstatt. Joannes de Grumbach Episcopus Herbipolensis cum Monasterio S. Burckhardi, Rudolphus Episcopus ibidem in translatione Monasterij Camberg. Quid dicam de Ludovico Spirensium Episcopo, sub quo translata fuerunt ab ordine nostro in sæculares Ecclesias Collegiatas Monasterium in Klingenmünster, Monasterium Odenheim, & Monasterium in Sunsheim. Nonne & sub Alberto ex Comite Palatino Argentinensium Episcopo

Episcopo translata sunt nostris temporibus Monasterium in Sels & in Neuvviler? vereor et si fas est, non dubito, sed credo, non Deum esse in causa, quoties Principes in ejusmodi tractationes consentiunt. Triennium est, quod simia intecta & bellua coronata, regularis observantiae temerarius & pertinacissimus osor, detestator & blasphemator Abbas Cœnobij nostri Ordinis Murhardt Herbipolensis Diœcesis volens præcedere Monachos in apostatando ad infernum, habito cum eis pravitate diabolicæ consilio unanimiter concluderunt, ut Camborgensium exemplo, & aliorum similium recederent ab Ordine. Miserunt ergo Priorem suum Conventualem ad Curiam Romanam, qui Bullam translationis ab Ordine falsis narrationibus, ut cæteri similes, à Julio Papa II. impetravit. Res acta innotuit Udalrico Duci Wirtenbergensium Defensori Monasterij, qui Zelo Dei motus & Ordinis Bullam impetratam subdolè, atque repositam in Augusta Civitate Rhatiorum apud Bavaricos præripuit, & impiorum conatus magno fervore penitus impedivit. Comprehensum quoque Priorem, qui Bullam impetraverat, posuit in carcerem, in quo pretium recepit, quod meruit.

Nec eo contentus, Oratores suos ad Laurentium sæpè dictum misit Episcopum postulans ei Ordinarium dari consensum, & mitti Commissarios aliquos de suis ad Monasterium quantocius reformandum. Libenter acquievit Episcopus, quippe cui summè amica est in Claustralibus Observantia Regularis, & nihil magis detestatur in Monachis, quàm si contra normam Ordinis sui vitam ducunt inordinatam. Misit ergo suis impensis duos Abbates & unum à secretis, qui communicato ad invicem consilio Monasterium ad Observantiam quomodo esset reducendum, formam Ducalibus præscripserunt. Itaque non post multos dies Abbas Monasticæ disciplinæ contemptor iniquus deponitur, & cum reprobis Monachis procul foras eliminatur: introducti sunt Fratres de Cœnobio Lorch, qui vitam & observantiam profitentur, & custodiunt Regularem. Utinam sic fecissent Episcopi & Principes supradicti, sub quorum dominio tot Ordinis nostri Monasteria sunt translata, essent procul dubio in suis conscientijs tutiores coram Deo, si reformassent ea per Monachos bonos, quàm quòd malos in Canonicos transire permisissent.

Sed historia nos vocat, prosequamur vocantem, & paucula quæ restant, de reformato Monasterio S. Jacobi breviter continuemus. Ingredientibus locum Fratribus de S. Stephano pro reformatione deputatis, tantà fuit Monasterium inopiâ pressum, ut quod uno die sufficere posset ad victum, præter panem & vinum canonicalis præbendæ majoris Ecclesiæ non haberent. Non erat in Monasterio vinum, non frumentum, non pecuniarum quidquam, sive multum sive parum, non aliquid omninò quod coqueretur, nec ligna, quibus foveretur ignis ad coquendum. Sed neque utensilia domus ad quotidianum usum habebantur necessaria, non lectisternia, non mensalia, non mapalia, non manutergia, non scutellæ, non disci, coclearia, non stramenta Fratribus ad nocte quiescendum. Quid multis? Breviter dico totum, si dixero nihil penè fuisse repertum. Hoc unum tamèn invenerunt, Cœnobium are nimis alieno gravatum.

Erat in tempore illo Procurator fisci memorati Pontificis Laurentij Joannes Hikerich, patriâ Francus Civitate Wirzburgensi oriundus, vir

Deum

Dux Wirtenbergiæ in factis Murhardt laudandus merito.

Cœnobium S. Jacobi ultimâ fuit inopiâ pressum.

Joannes Hikerich fiscalis & promotor S. Jacobi,

Deum timens, & profectibus Monasterij S. Jacobi valdè congaudens. Quidquid enim ex mortuorum testamentis computatione factâ, legatis debitisque solutis uspiam residuum mansit, ex commissione sui Pontificis ad profectum & utilitatem Fratrum & Cœnobij eorundem promptissimâ devotione impendebat. Solicitator ad Præsulem & quoslibet vitâ defunctorum executores ultimæ voluntatis pro Monasterij & Fratrum necessitate relevanda vigilantissimus fuit, quorum causas coram ipso Pontifice Antistite, alioquin loco & Monachis suâ sponte valdè inclinato, summâ diligentiam promovit. Ejus devorione ac studio dabantur necessaria Fratribus, soluta sunt debita, & pulchrè intrinsecus renovata, variisque decorata ornatibus, ut hodie videretur, Ecclesia. Unde meritò supradictum Laurentium Pontificem, secundum Monasterij nostri fundatorem habemus, & dicere possumus; cujus fidelissimum in hoc opere sancto Ministrum & Cooperatorem fuisse Joannem Hikerich affirmamus.

Carolus  
Rex Gallo-  
rum VIII.  
sine liberis  
moritur.

Anno supra designato, vii. die mensis Aprilis, obiit Carolus Rex Gallorum VIII. sine liberis, anno ætatis suæ xvii. necdum impleto, cujus Cadauer cum magna pompa ultimâ die mensis ejusdem de Ambasia per Civitatem Parisiensem delatum ad Monasterium S. Dionysij cum majoribus suis Ecclesiasticam in eo accepit sepulturam. Uxorem habuit Annam Britanniarum Duce[m], quam, ut supra diximus, Ducatus ambitione rapuerat Maximiliano Regi prius legitimè desponsatam, cum qua tres genuit liberos, qui tamen omnes decesserant infantes. Unde moriturus doluit maximè, quòd filium non haberet, qui succederet in Regno. Et quis novit sensum Domini! si forsan divina in eo Justitia vindicaverit? quia Maximiliano Germanorum Regi desponsatam rapuit, & Margaretham sponsatam sibi virginem ad patrem sine causa remisit?

Alterius  
sponsam  
rapuit,  
suam dimi-  
sit.

Ludovicus  
fit Rex Gal-  
lorum XII.

Quo mortuo Ludovicus ejus nominis XII. Aurelianorum & Valesij Dux Mariâ Cliveni matre natus, qui quarto stirpis gradu Carolum contingebat, dum Blesis agit, Rex assumitur: statimque sepulto Carolo Rhemis inungitur, & hodie regnat super Gallos in annum xvi. Mox consensu Alexandri Papæ dimissâ Joannâ uxore legitimâ, quoniam non satis pulchra ei videbatur, Annam Caroli relictam sibi copulavit. dato Joannæ in partem successionis Bituricensium Ducatu.

Maximilia-  
nus Rex  
devastat  
superiorem  
Burgundiam.

Interea dum hæc agerentur in Gallia, Maximilianus Germanorum Rex contractis copijs exercitum movit in Sequanos, id est, superiores Burgundos, in alteram Burgundiam impetum facturum. Quod cum innotuisset novo Regi Ludovico, tumultuarium contra eum misit exercitum, quanquam viribus imparem Germanorum. Concurrentibus tamen in mutuum conspectum partibus atrox bellum committitur, & à Germanis mox Galli superantur, haud paucis eorum interemptis. Verùm instante jam hyeme interpositæ sunt induciæ, quas Treugas vocant.

Joannes  
Veri Ord.  
Prædicato-  
rum impu-  
gnat Con-  
ceptionem  
B. V.

Eodem anno in Festo purissimæ Conceptionis Beatissimæ Mariæ semper Virginis, quam præservatam ab omni macula culpæ Originalis octavâ die mensis Decembris sancta veneratur Ecclesia, quidam Frater Ordinis S. Dominici Theologus Parisiensis verbum salutis dicturus ad populum in Dieppe oppido Rothomagensis Dioecesis, amplo inter alia boatu clamabat, eandem Castissimam Dei Genitricem non fuisse præservatam ab originali peccato, sed post contractum mox purgatam & mundatam à Deo



à Deo. Erat ei nomen, qui hoc dixit, Frater Joannes Veri. Ex hac temeraria positione magnum in populo Dei scandalum fuit secutum, propterea quòd S. Romana Ecclesia, Cardinales quoque, Archiepiscopi & Episcopi, penè omnes Doctores Parisienses, Colonienfes, Lovanienses, cum alijs multis simul & Claustralium Regularium Professores cuncti cum toto populo Christiano præter paucos Fratres Ordinis memorati, sentiunt, credunt, docent & prædicant, Beatissimam Dei Genitricem peccato nunquam subjacuisse Originali, sed præservatam & immunem semper ab omni macula delictitæ Originalis quam Actualis in æternum.

Verùm postquam prædicatio jam dicti Fratris Joannis Veri ad notitiam fuit delata Patrum, Theologicæ facultatis Doctorum Parisiensium, ad eorum examen fuit citatus, & sequenti anno, 16. mensis Septembris propositiones suas publicè revocare compulsus. Denique sub jurejurando coram omnibus promittere coactus est, quòd nunquam deinceps aliter credere, sentire, docere, scribere, aut prædicare debeat, aut velit de Conceptione totius pulchræ semper Intactæ Virginis Mariæ, quàm eadem Schola Parisiorum determinavit, quæ præservatam non dubitat credere, sentire, ac prædicare, quemadmodum anno sequenti latius dicitur.

Anno igitur prænotato, Albertus Saxonie Dux jubente Maximiliano Rege magnum pugnatorum congregavit exercitum, & intravit Ducatum terræ Geldriensis, habere tamen Caroli Ducis congressum non potuit, eò quod in oppidis & munitionibus suo more latitaret. Unde rapinâ igne ac ferro devastatâ crudeliter Regione, datisque paulisper inducijs recessit.

Anno superius notato, Abbas & Conventus Monasterij Cisterciensis Ordinis, quod Alba nuncupatur, in Diocesi Spirensi sub tuitione & defensione situatum Ducum Wirtenbergensium, nescio quâ causâ vel ratione moti, Christophorum Marchionem de Baden in tutorem auctoritate propriâ suscipere non in parvam rerum suarum jacturam præsumentes, ejus vexillum in eminentiori loco ipsius Monasterij publicè fixerunt. Quæ novitas cum ad aures Eberhardi Ducis pervenisset secundi, volens ille Jura suorum inconvulsa servare majorum, anno prædicto, 15. die mensis Decembris cum 500. peditibus simul & nonnullis equitibus ipsum Cœnobium potenter intravit, vexillum Christophori Marchionis Badensis erectum temerè dejecit. Diu res postea cum gravi dispendio Monasterij apud quosdam Principes Regni actitata est, & postremò sub conditione hujuscemodi concordata, quòd videlicet Duces Wirtenbergenses, qui pro tempore fuerint, earum Albenfis Monasterij villarum, curtium, & possessionum sive rerum debeant esse tutores, quæ sunt in eorum situata Ducatu, & extra nemus in campestribus Suevorum: Marchio autem Badensis earum sit rerum atque bonorum tutor protector sive defensor, quæ in sylvestribus & in suo Dominio sunt.

Eodem quoque anno quidam homo rusticanus & malefactor timens à potestate capi, & ad ultimum supplicium judicari, quò fieret à pavore securus, ad Monasterium præsens Hirsaugiense confugit. Quod audiens Dux Eberhardus Junior, missis equitibus miserum de Monasterio extrahi manu violentâ præcepit. Venerunt ad Cœnobium missi, hominem violentè capientes abduxerunt, qui cum acceptâ sententiâ mortis ad ultimum jam duceretur supplicium, Abbas vices suas interposuit, postulans à Duce

Joannes Veri compellitur malè prædicata revocare.

Albertus Saxonie Dux devastavit Geldrie Ducatum.

Pro defensione oritur contentio.

Blasius Abbas privilegiorum Cœnobij defensor fuit accersimus.

hominem sibi liberum ad Monasterium restitui, aut poenam dare, quam privilegium Regale imponit his, qui ausi fuerint immunitatem Coenobio violare concessam. Quàm primum Dux consilium suorum admittens liberum dimisit hominem, timens & Regem offendere, & poenam pro facto positam incurrere. Laudandus in his merito Blasius est Abbas, qui Ducem maluit offendere, quàm Monasterij sui libertatem & privilegium pro viribus non manutenere ac defensare. Similia olim pluries fuere tentata, mansit tamen semper inviolata libertas.

MCCCCXCVIII.

Wilhelmus  
Hassiorum  
Landgravius ducit  
uxorem.

Anno Blasij Abbatis XIV. Indictione Romanorum primâ, Wilhelmus Hassiorum Landgravius senior uxorem duxit Elisabeth filiam Philippi Comitis Palatini, Bavariæque Ducis ac Principis Electoris, annum agentem ætatis quintum decimum, nuptijs apud Franckenfurt Regale oppidum solemnibus pompâ celebratis. Vixit cum ea duntaxat unius anni spatio, & sine liberis decessit, unde Elisabeth reversa cum sua dote ad patrem aliquanto tempore in statu viduali permansit, & postea nupsit Philippo Marchioni de Baden, Senioris Christophori filio.

Monasterium in  
Blidenstatt ab ordine  
transfertur.

His etiam temporibus Eckardus Abbas & Monachi S. Ferrucij in Blidenstatt, Ordinis nostri, Moguntinæ Diocesis, dispensatione Romani Pontificis Alexandri falsis narrationibus impetratâ, à sancta Religione Monastica recesserunt, votum Deo factum simul & Ordinem cum habitu abjicientes, nullâ translationis suæ causam habentes aliam quam omnino depravatam sceleribus voluntatem, & odium pertinax disciplinæ Regularis, facti ex Monachis dissoluti Clerici, quales ex similibus fieri solent semetipsi turpiores. Si Æthiops lavando fit albus, & Apostata Monachus erit Canonicus bonus.

Statutum  
Parisiensium de  
Conceptione contra  
Maculistas.

Anno prænotato Professores SS. Theologiæ Gymnasij Parisiensis & cæteri Doctores, quorum interfuit, omnes in unum convenerunt 17. die mensis Septembris, hoc est, alterâ die, quâ Joannes Veri Ordinis Fratrum Prædicatorum Theologus, de Conceptione semper Intactæ Virginis Mariæ in Ambone malè prædicatum revocavit errorem, unanimique constitutione sanxerunt, determinârunt & statuerunt: quòd nullus deinceps dictæ universitati inscribatur, & præsertim in Theologia lectiones audieturus, nisi prius Juramento confirmet manifesto, quòd eam positionem assertæ credulitatis, quæ credit, & sentit & docet Beatissimam Dei Genitricem semper totam pulchram & Intactam Virginem Mariam, ab Originali peccato speciali privilegio Spiritûs S. præservatam, & illi nunquam subjacuisse vel ad punctum, credere velit atque tenere, ac illi adhærere, eamque pro viribus defensare. Erant autem Doctores & promoti in Theologia numero præsentibus 82. qui hoc Decretum pro defensione purissimæ Conceptionis Marianæ statuerunt, qui omnes juraverunt, se huic veritati adhæsuros, ut legimus in ipso statuto.

Colonien-  
ses & Mo-  
guntinen-  
ses cum  
alijs simili-  
ter statue-  
runt.

Horum exemplo provocati Theologiæ facultatis Professores Universitatum Colonienfis, Moguntinensis, & quarundam aliarum, simili pietate moti ad Sanctissimam Dei Genitricem, quam omni laude, quæ non derogat Creatori, noverunt longè dignissimam, Hieremiâ quoque & Joanne Baptistâ tanto meliorem, quanto præ illis nomen accepit dignitatis, quo Mater Dei nominaretur & esset, nec Evâ matre cunctorum mortalium

mortalium inferiorem, quam Divina potentia ex Adæ costa sine originali macula produxerat innocentem, statuerunt in suis Gymnasijs consimilia perpetuò juranda servandaque, ut ad Lectionem Theologiæ nullus admittatur deinceps, nisi juret prius, ut supra.

Eodem anno factus apud Friburgum in Brisgauia Conventus Principum Maximiliani præcepto, duravit non paucis diebus, in quo multa pro communi Reipublicæ commodo & utilitate fuerunt proposita, plura tractata, nec pauca in diversis negotijs conclusa, de bello videlicet in Turcos movendo, de continuando judicio Camera Regalis ante triennium apud Wormatiam satis providè instituto & erecto, de pace firma ubique servanda in Regno, & de coercendis rebellibus puniendisque latronibus & violantibus pacem. Alia quoque multa fuerunt satis utiliter proposita, quæ utinam fuissent & practicata.

Anno præscripto, Maximilianus Rex quorundam Principum suorum præsentia simul & copijs adjutus iteratò movit contra Ducem Carolum in Geldriam, exercitum pugnatorum habens ingentem, cepitque nonnullas in ea munitiones, cepissetque forsitan plures, nisi hanc expeditionem propter conjuratorum Suitensium incursiones coactus fuisset intermittere. Enimverò gens illa Suitensium homines nunquam quieti, Rege absente incursiones faciebant hostiles in Comitatum Tyrolanum, & in alia Domûs Austriacæ Dominia eis vicina, propter quod necesse fuit eorum temeritati finem imponere.

Eodem anno mortuus est Joannes ultimus Comes de Moërs sine liberis, Colonia apud S. Pantaleonem nostri Ordinis in abside meridionali cum suis progenitoribus & clypeo seu gloria Insigniorum sepultus. Post cujus mortem Archiepiscopus Coloniensis, Dux Montensis, Dux quoque Geldrensis & alij Principes, à quibus feudale quippiam habuerat, quidquid hoc erat, ut liberum in Jus suum quisque revocavit, Comes verò de Wieda Moers Castellum defuncti Comitatus obtinuit, in quo & hodie nunc residet.

Anno item prænotato, Leonberg oppidum Ducis Wirtenbergensium situm in Suevia, casuali quodam sed miserabili casu & igne incenditur, & domus in eo non minus 40. cum stabulis & horreis concremantur, in grave damnum incolarum. Factum est hoc incendium die Simonis & Judæ Apostolorum.

Eodem anno Hieronymus de Ferrara Doctor SS. Theologiæ Ordinis FF. Prædicatorum S. Dominici, vir certè in scripturis eruditus, & qui antehac docendo, prædicando, & suæ Religionis plures per Italiam Conventus reformando, multa bona fecerat, & laudabilem duxerat vitam, postquam Florentiæ aliquandiu miracula & horrenda quædam nova prædicasset ad populum, & inter alia contra Summum Pontificem Alexandrum VI. linguam vibraret procacem, ob idque libenter audiretur à populo, & ab omnibus haberetur, ut Homo sanctus & Dei Propheta viventis, quippe qui multa in ambone proponebat occulta, quasi ex revelatione Angelica sibi nuntiata, cum tamen conficta essent, & falsa, tandem Romanam contra se provocavit Censuram. Alexander enim Pontifex audiens, quòd animos Florentinorum contra Ecclesiam sollicitaret Romanam, semel, bis, & tertio monuit hominem, ut desisteret à malè cœptis,

Conventus  
Principum  
fit in Fri-  
burgo Bris-  
gaviæ.

Expeditio  
Maximilia-  
ni Regis ad-  
versus Ca-  
rolum in  
Geldriam.

Joannes  
Moërs Co-  
mes ulti-  
mus sine  
liberis mo-  
ritur.

Leonberg  
oppidum  
Sueviæ  
comburitur.



quem in sua contumacia firmatum atque rebellem tandem fecit ut hæreticum examinari, convictum atque confessum quædam, quæ malè commiserat, ignibus tradi atque concremari. Hujus facti processus quoniam circumfertur impressione vulgatus, hodie paucos esse puto, qui nesciant.

Turci devastant Regnum Poloniæ.

Anno etiam prænotato, Turcorum gens impia cum magno exercitu intravit Poloniam, & in latitudine s. milliarium crudeliter omnia devastavit igne sæviens, & quidquid extra munitiones erat, aut gladio necavit, aut captivum abduxit, villas incendit, homines & jumenta abegit, plures occidit, & strage factâ miserabili cum spolijs atque captivis multis in sua repedavit.

Sepulchrū S. Aurelij renovatur.

Eodem anno, Blasius hujus Monasterij Abbas penultimâ die mensis Julij, Tumbam S. Aurelij Pontificis aperuit, ossa ejus cum magna reverentia extraxit, & conspicienda Fratribus ostendit. Deinde Missam de eodem sancto Pontificalibus indutus, debita cum solemnitate cantavit, quâ celebratâ reposuit sacra Busta in cryptam retro summum altare, ubi prius jacuerat, loco mundato, pulchriusque ornato schedulam apponens, Fratrum nomina continentem.

Hoc ipso anno idem Blasius tabulam cum picturis & Imaginibus ad altare S. Nicolai Pontificis fieri mandavit, pro cujus perfectione operis florenos 130. ad laudem Dei & decorem Domus suæ exposuit.

MCCCCXCIX.

Capitulum Ord. nostri Provinciale xxx. celebratur.

Anno Blasij Abbatis XV. Indictione Romanorum secundâ, Dominica III. post Pascha, quæ fuit 21. dies mensis Aprilis, celebratum fuit tricimum Ordinis nostri Provinciale Capitulum in Cœnobio S. Stephani Proto-Martyris apud Francos in Civitate Herbipolensi, in quo præfuerunt Joannes de Spanheim, Andreas Montis Monachorum, Joannes S. Michaelis in Hildesheim, & Thomas SS. Marcellini & Petri Martyrum in Selgenstatt, Monasteriorum ejusdem Ordinis Abbates.

Bellum Surensum contra Maximilianum Regem.

Eodem anno, in primo mensis Martij, Suizeri Confœderati homines nimium quietis impatientes terminos suæ temeritatis egressi, Domus Austriæ fines incendio & rapina demoliri & vastare hostili præsumptione cæperant. Erat eo tempore Maximilianus Rex in bello Geldrensum, ut prius dictum est, occupatus, qui mox ut conjuratorum molitiones audivit, intermisso Geldrensum negotio cum toto exercitu venit ad Constantiam. Incæperant enim jam sui auxilio Suevicæ Confœderationis motui Suizerorum potenter obsistere. Utrum conjurati justam belli causam habuerint, injustamne, non est meum dare sententiam, qui judicis non occupo locum, sed hoc dico, hoc scribo, hoc litteris posteritati commendo, quod omnes hodie nôrunt, qui nobiscum in Germania vivunt, omnes dicunt, qui mores Surensum nôrunt, quoniam homines sunt naturâ superbi, Principibus infesti, rebelles, & jam ex multo tempore contrarij, & inobedientes Dominis, contemptores in alijs, usurpatores in semetipsis, in bello subdoli, fraudem habentes amicam, in pace nunquam satis constantes, nec justitiam ipsi, quod jure deberent, sequuntur, in his maximè, ubi de præsumpta eorum libertate res agitur. Dico tamen, quod in bello sunt non solum audaces, sed prudentes etiam, & sibi mutuò in omni necessitate fidelissimi auxiliores, nec alter alterum in periculo deserit, nec dives pauperem contemnit.

Suitensium descriptio.

Hoc est laudandum.

Maximiliano

Maximiliano igitur in urbe Constantiana existente, miserunt ad eum Principes Regni, ut iusserat, auxilium contra Helvetios, alius plures, alius verò pugnatōres armatos numero pauciores. Miserunt & cives Regni suppetias in ministerium Regis contra Helvetios, quos omnes numero & viribus liga sive confœderatio Suevica longè superavit; nam & magis Helvetijs erant vicini, & graviori versabantur in periculo. Enimverò si conjurati Suintenses Regnum illo tempore, uti speraverant, evicissent, primi eorum tyrannidem Suevi, ut viciniore, fuissent experti. Convenerunt in eam expeditionem cum Rege Maximiliano contra factiosos Suintenses multi Comites, Barones, Milites & Nobiles, qui conjuratos sine dubio delevissent ad unum, si ordine debito adversum illos processissent. Proverbio namque dicitur: ibi confusio, ubi regnat multitudo: & nunquam diu res bene regitur, ubi plura capita in una Monarchia principantur.

Maximilianus de Gledria venit contra Suintenses.

Consilio inter se apud Constantiam habito, qui cum Rege Maximiliano erant, bipartito agmine moverunt in Helvetios, altero videlicet in Athesi contra eos, qui dicebantur de Confœderatione seu Grisea Liga homines ferocissimos ex montibus Curienfibus adunatos, altero verò ad Rheni flumen à Basilea usque ad Lacum Alemanicum sive Constantiensem. Venerunt itaque in arma duo finitimi populi, atque nunc medijs, nunc secundis, nunc verò tertijs alis, nunquam tamen totis copijs bellatum fuit, licet in diversis locis & conflictibus viginti millia pugnatorum ab utraque parte cæsa referantur. In eo bello conjurati plures munitiones & villas ad Austriæ Ducatum pertinentes incendio penitus destruxerant, multa incolis terræ mala contra Deum & Justitiam inferentes, pro quibus & ipsi non minora receperunt.

Maximilianus Rex devastat superbos Helvetios.

Accesserunt Helvetijs in auxilium sicut diximus, homines de Grisea Liga nuncupati, Rhatia superioris, qui & Curienfes incolæ, satis bellicosi, eisque parent Abbacellenses, gens rebellis, & à Domino suo proprio Abbate S. Galli transfuga, justitiæ ac pacis inimica, sanguinem sitiens & prædam, quos tamen Suevicæ Confœderationis viri bellicosi haud modicè humiliârunt, igne simul & ferro per circuitum vastantes, damna & cædes plurimas eis intulerunt. Ad ultimum apud Rauracos inter partes durè fuit pugnatum, & multi Suizerorum ceciderunt. Verùm post obtentam de conjuratis victoriam, in tentorijs licentioribus victores de parte Maximiliani depositis armis degentes, dum otio vacant, hoste contempto, Helvetij resumptis viribus, & ex cæde suorum facti animis ferociore, subito in Regales nil tale metuentes irruunt, & plures eorum hostiliter occidunt. Ceciderunt in eo conflictu ex utraque parte 1500. viri, inter quos fuerunt in parte Regis occisi Henricus Comes de Fürstenberg, Wickert Comes de Birsich, & Baro de Castelvart, cum alijs ex militari ordine viris multis & in armis exercitatis.

Liga Grisea i. e. Curienfes fuerunt ex parte Conjuratorum.

Anno prænotato, 29. die mensis Augusti, quæ fuit decollatione B. Joannis Baptistæ solemnis, Galeatii Mediolani Ducis Orator & Vicarius, qui propterea missus fuerat à Domino suo, ut pacem & concordiam inter Maximilianum Regem & Suizeros conjuratos reformaret, post multos tandem labores apud Basileam Germaniæ civitatem inter eos pacem composuit. Huic negotio ex parte Regis interfuit Casimirus Marchio

Concordia Basileæ facta inter Maximilianum & Suintenses.

Brandenburgenſis, Philippus Comes in Naſſavv, Paulus de Liechtenſtein miles, Paulus de Absberg, & Cyprianus Sarentinus à ſecretis Regius. Ec hic tandem poſt meſem quintum ceſſavit iſta miſeranda populorum commotio, in qua ſicut dictum eſt, plusquam 20000. hominum perierunt.

Hæretici  
Bohemi &  
Conjurati  
Helvetij  
quid ſunt  
in Regnoſ

Hæretici  
Papam,  
Conjurati  
Suiſeri  
contem-  
nunt Im-  
peratorem.

Helvetij  
nunquam  
ſuis termi-  
nis erunt  
contenti.

Serpit iſta  
lues ut can-  
cer, Princi-  
pibus ca-  
venda.

Duæ ſunt in Germania gentes, quæ cladem aliquando pernicioſiſſimam regno allaturæ videntur, niſi Omnipotens Deus providentiâ ſuâ frenum imponere dignetur maxillis eorum. Utraque ſerpit, ut morbus cancer nimium contagioſus, utraque quotidie dilatat terminos ſuos; altera corrumpendo Sacroſanctam fidem Catholicam, altera inſidiando Germaniæ Regno non minus quàm Imperio, quæ ad hoc intendit principaliter, ut extinguat omnem juſtiæ principatum. Duo hic, ut ſcriptura loquitur, in mundo ſunt gladij & ſufficiunt, alter ſpiritualis in manu Romani Pontificis, alter ſæcularis in manu eſt Imperatoris. Vide nunc quemadmodum hæretici, qui ſunt in Bohemia, Romani Pontificis auctoritatem deſpiciant, & ſuas hæreſes paulatim in Moravos, & vicinas illis Regiones plantare non deſiſtant. De his paulò ſuperiùs tempore Sigifmundi & Concilij Conſtantiensis, qui ſunt & quales, quantumque gladio noceant ſpirituali, ſatis nos dixiſſe meminimus. Sed vide etiamnum, quid agant iſti Helvetij conjurati Suiſenſes, quid intendant, & quorſum feratur eorum incorporata ſuperbia, qui temporalem gladium & Regni & Imperij non minus extinguere cupiunt, quàm Bohemi hæretici ſanctam auctoritatem Papæ. Cerne, precor, & conſidera, in annis, quibus noſtra poteſt reminiſci memoria, quemadmodum gens illa terminos ſuos dilatavit, in Germanici exterminium Regni, Baſileam (quis neſciat?) urbem Regiam ſuis implicuerunt conjurationibus (& ſi dici fas eſt) conſpirationibus apoſtatam & perjuram fecerunt. Conſtantiæ niſi cum ſuo Pontifice conſtantem toties ſolicitata jam diu ſimiliter decepiſſent. Argentina Civitas regni vigilans eſto, in te ſunt oculi conjuratorum, ut perjures. Væ tibi Culmaria, & nemus Franci Hegenonis, Rodopolis à conjuratione perfidorum non erit immunis. Quid expectabimus, niſi ut præeuntes ad interitum ſequatur Neometis, & quidquid in circuitu eſt Budarorum. O Wangionopolis altero claudicans pede à primo introitu Paleſtinæ ſalutis, in illo tempore claudicabis, imò trunca jacebis utròque. Jam in te ſeminarium eſt mali, quod concupiſcis. Non ceſſabit in libertatem ſuperbia, donec aut Regni Principes cum tempore & ſucceſſivè exterminet omnes, aut exterminetur ab eis. Quieſcere non poteſt, neſcit meſuram, ſtare penitus ignorat, augetur vel minuitur ſemper.

Anno prænotato facultas Theologica Univerſitatis Almæ Colonienſis ſtatuit, ſanxit, atque decrevit Conſtitutione firmâ & perpetuâ, ſentendum, credendum, docendumque, ac pro viribus ubique defendendum ab omnibus ſibi membris jam ſuppoſitis & in futurum ſupponendis, quod Beatiffima Dei Genitrix ſemper Immaculata Virgo Maria præſervata fuerit ab omni macula culpæ ſive peccati Originalis, munere Pietatis Divinæ ſingularis, & quòd nunquam peccatum contraxerit, vel habuerit etiam ad breviffimum inſtans. Quicumque huic Poſitioni maturâ deliberatione factæ contra ſentire, facere aut docere in antea præſumpſerit, ab ipſa ſit Univerſitate ſecluſus, omnibùſque privilegijs, emolumentis & libertatibus



libertatibus ejus in perpetuum privatus. Item placuit adjicere & hoc, ut nullus deinceps admittatur, in Theologia studens, nisi prius juraverit hoc statutum de Conceptione servare illibatum.

Eodem anno moritur Wilhelmus Hassiorum Landtgravius, qui filiam Philippi Comitis Palatini Elisabeth, ut priori diximus anno, habuit uxorem sine liberis. Unde mulier 16. annorum redijt ad patrem, & post annos paucos Philippo nupsit Marchioni de Baden, quod sæpè diximus. Huic Wilhelmo in Hassiorum Principatu successit patrui ejus minor filius ejusdem nominis Wilhelmus, homo tyranno similior quàm Principi, sicuti nos, pròh pudor, experientia docuit in bello, quod contra Palatinum Comitem jussu Regis postea egit Maximiliani. Hujus frater æquè Wilhelmus natus major infirmus detinebatur in custodia clausus.

Wilhelmus Hassiorum Landtgravius sine liberis obiit.

Alter Wilhelmus defuncto successit.

Post mortem senioris Wilhelmi Hassiorum Landtgravij uxore ad patrem, sicut diximus, reversa, magnæ inter Philippum Comitem Palatinum genitorem puellæ, & Wilhelmum juniorem Landtgravium fuerunt exorta discordiæ ratione dotis mulieri adscriptæ dudum à marito. Nam Palatinus loca & oppida dotis in usum filiæ conservanda, quam diu viveret, habere voluit. Sed Landtgravius pertinaciter contradixit, asserens, sibi licere pecuniâ redimere dotem puellæ assignatam. Duravit ista perniciosa contentio annis quinque, & tandem post belli finem, quod sequebatur, fuit extincta.

Inter Palatinum & Landtgravium dissensio.

Anno prænotato, nonâ die mensis Septembris, quæ fuit altera post Festum Nativitatis Beatæ Mariæ semper Virginis, Clerus Wormatiensis propter multa, ut asserbat, gravamina, quibus molestabatur à civibus, propriâ sponte de Civitate sunt egressi, & decem annis foris manserunt. Canonici majoris Ecclesiæ secesserunt ad oppidum Laudenburg, ubi residentia est Episcopi. Canonici autem Beatissimæ Virginis ad Oppenheim, & illi de S. Martino ad Peterstein secundum antiquitus introductam consuetudinem. Cives autem cum summa diligentia per totum illud decennium portis urbis continuam adhibuere custodiam, ne quis Clericorum, qui fuerant egressi, denuò haberet introitum. Erant ergo decem annis Ecclesiæ sine ministris, domus Clericorum vacuæ atque deserta, & populus sicut oves in montibus errantes. Plebani tamen & Fratres Ordinum mendicantium in civitate remanserant. Clerus itaque mox ut de civitate fuerunt egressi, curam pro defensione libertatum & privilegiorum suorum habentes, actionem contra cives instituerunt coram JUDGE Apostolico, quo in contumaces ferente sententiam, Wormatienses aliquamdiu fuerunt anathematizati, interdicti, & execrationi suppositi. Multi Principes inter eos pro concordia sæpius laborârunt, sed erat durum contra durum, quorum neutrum alteri cedere novit. Tandem elapso decennio sub contentione partium continua, non sine magnis expensis earundem, Friderico Duce Saxonum intermediente reformata est pax, ut suo loco dicemus.

Clerus de Wormatia exijt, & decennio foris mansit.

Cives Wormatienses fuerunt excommunicati sæpius.

Eodem quoque anno, Sabina filia Baviaræ Ducis Alberti, desponsatur Udalrico Duci Wirtenbergensium, annum ætatis agenti undecimum, quorum nuptiæ post annos duodecim apud Stutgardiam fuerunt celebratæ, ut ibi dicitur.

Sabina desponsatur Udalrico Duci Wirtenberg.

Anno

Heidingsfeld venditur Ecclesiæ Herbipolensi.

Anno supra notato, in diebus hebdomadæ Pentecostes, facta est seditio inter Senatum & Burgenfes Communitatis oppidi Heidingsfeld, præfente Domino eorum Christophoro de Guldenstein Bohemo, cujus causa fuit exorta turbatio. Communitas enim recognovit & suscepit eum ut verum Dominum suum, sed qui erant de consulatu, jugum domini ejus cupientes excutere, Marchionem Brandenburgensem Fridericum sibi ut Dominum proclamabant. Quid plura? sive traditione suorum, quod ipse constanter asseruit, sive motu proprio (nihil meâ interest) Christophorus à Marchione capitur, & aliquandiu captus detinetur. Liberatus tandem, & rebellium præsumptionem temerariam non immerito detestatus, oppidum Heidingsfeld Herbipolensi Ecclesiæ vendidit.

Mediolani Dux fugatur à Ludovico Rege Gallorum.

Anno item præscripto, in mense Septembri, Ludovicus Gallorum Rex duodecimus cum magno exercitu, faventibus sibi Januensibus, Legatis quoque Apostolicis simul & Venetis, Sabaudianis, & Mantuanis Longobardiam ingreditur, & Duce fugato Mediolanum sexto die mensis Aprilis cum ingenti pompa intravit, & tam à Clero quàm à populo honorificè susceptus, liberator patriæ salutatur. Ludovicus autem Sfortia Dux cum Ascanio fratre Cardinale, sublatis prius thesauris à facie ejus fugerat, & veniens cum duobus filiis suis ad Regem Maximilianum in Inspruck ibi mansit ad tempus. Rex autem Gallorum Duce fugato non solum Mediolanum, sed totum Ducatum brevi obtinuit, & ab omnibus Longobardiæ incolis sine resistantia susceptus fuit. Inde progrediens Romam pervenit, & ulterius movens exercitum contra Neapolim ire decrevit. Interea Rex Angliæ fines Gallorum bello devastare cæpit, quâ necessitate compulsus Rex Ludovicus rebus per Longobardiam compositis, & præfidijs ubique locatis, per Sabaudiam mense Decembri in Galliam revertitur.

Rupertus Comes Palatinus ducit uxorem.

Anno prænotato, carnis-privij ultimâ, quam ab introitu Missæ: *Esto mihi*, nuncupant, Rupertus tertio genitus filius Philippi Comitis Palatini Baviaræque Ducis annum agens ætatis octavum decimum uxorem duxit filiam Ducis Georgij avunculi sui, Romano Pontifice Alexandro dispensante, nuptijs Heidelbergæ cum ingenti pompa celebratis, decimâ die mensis Februarij. Vixit cum ea in septimum annum, & relictis duobus liberis quasi uno tempore obierunt.

Catharina Comes Palatina nascitur.

Eodem anno quartadecimâ die mensis Octobris, Heidelbergæ nascitur Catharina quartadecimò genita Philippi Comitis Palatini, Baviaræque Ducis, ac Principis Electoris, quæ hodie Monialis est nostri Ordinis in Cœnobio Neuenburg propè oppidum Heidelberg. Post quam uxor ipsius Palatini cessavit parere.

Adam Abbas S. Martini Colonienfis moritur feliciter.

Anno memorato, penultimâ die mensis Februarij, obiit Adam Abbas Monasterij S. Martini in Colonia de oppido S. Wendelini Treverensis Diœcesis oriundus, vir sanctissimæ conversationis, & Regularis Observantiæ nostræ Bursfeldensis cultor ferventissimus & propagator insignis, qui non sine multis laboribus, periculis & impensis plura Ordinis tam Monialium quàm Monachorum per Diœcesin Coloniensem & Trajectensem reformavit Cœnobia, quorum incolas ad melioris vitæ semitas verbo & exemplo revocavit. Non fuit nostrâ ætate similis illi cujuscunque etiam Religionis alius, nec surrexit post eum quisquam usque in præsentem diem

diem, tam Zelosus amator, custos & reformator disciplinæ Regularis in se sibi que subjectis. Unde plurimum fuit pater & visitator Monasteriorum in urbe Colonienſium ſimul & extra, non ſolùm noſtri Ordinis, ſed etiam aliorum ex commiſſione Archiepiſcopi. Erat vir converſatione ſincerus, maturus & integer, conſcientiâ purus, in jejunio ſtrenuus, in oratione devotus, atque die ſimul & nocte penè continuus. In docendo eruditus, in exhortando validus, in conſolando firmus & efficax, in monendo ſolidus, in corrigendo mixtâ pietate ſeverus. Nemo illum unquam reperit otioſum, nemo vidit levem aut diſſolutum, verbum ex ejus ore nunquam audivi otioſum. Sacræ lectionis, quocunque proficiſcebatur, ſecum ferebat libellos, & frequenter dum potuit, aut ipſe aliquid ædificationis legit, aut Capellanum ſuum vel Notarium audivit legentem. Erat enim ſatis doctus, tam in Jure Canonico, quàm in divinis ſcripturis, quod ex lucubrationibus lector facilè intelliget. Inter quos libellus eſt prænotatus tali inſcriptione. *Sermo Magiſtralis de S. Benedicte*, incipiens, *Ego in innocentia mea ingreſſus ſum*. Multa ſcripſit monita ſalutis ad ſibi commiſſos. De hujus viri operibus inferam vel unum, quo ejus integritas poſteritati fiat manifeſta.

Converſatio hujus Abbatis ſancta & integerrima fuit.

Eſt Cœnobium Monialium in Colonia noſtri Ordinis, ad S. Agatham nuncupatum, in quo fuit Monialis una, quam dæmonium multis & varijs modis tribulando vexavit, aliquando viſibiliter in ſpecie viri æthyopis, tauri, lupi, aut alterius monſtri apparens, aliquando inviſibiliter terrendo eam, & in terram elidendo, trudendo & percutiendo miſerabiliter & enormiter valdè. Pro qua Sorores cùm orationes, jejunia, & diſciplinæ facerent ad Deum, & nihil proficerent, in magnâ turbatione fuerunt. Quanto enim plures orabant, tanto miſeram dæmonium crudelius vexabat. Unde cuſtodiam ejus neceſſariò habentes die ac nocte circa eam vigilare cum timore maximo coacti ſunt. Quoties illa dæmonium vidit, mox tota contremuit, ſed nihil præter motum ſeu collisionem patientis cæteræ poterant videre Sorores. Tam violentum erat dæmonium illud, quod patientem de manibus quatuor Monialium tenentium eam aut excuſſit, aut omnes ſimul impuſſionis violentiâ in terram proſtrârit.

Dæmonium per Cenſuram expulit.

Poſtremò ubi nihil profecerunt quæcunque adhibita remedia, prædictus Adam venerabilis Abbas, cujus providentiæ & ſolicitudini memoratum Cœnobium fuerat commiſſum, ſe judicem negotio exhibuit, atque dæmonium illud per verba ſimul & litteras citavit, ad certum terminum ut compareret, dicturum coram eo, quo Jure Dei famulam tribularet. Inde non comparens præfixo in termino, iterum litteratoriè, ut conſuetudinis eſt, monuit, & Cenſuram Excommunicationis contumaci minatus fuit. Cùm verò nec ſic quidem compareret dæmonium, ſedens pro tribunaliſſus Abbas, ut judex, hanc tulit ſententiam in ſcriptis. *Nos Adam Abbas Presbyter & Servus Omnipotentis Dei Patris & Filij & Spiritûs Sancti. Quoniam Dei auctoritate ipſius omnium Conditoris te ſpiritum, quicumque es, qui hanc famulam coram aſtante toties vexare ac tribulare præſumpſiſti, citavimus, monuimusque, ut noſtro compareres judicio, allegaturus cauſam, ſi quam haberes adverſus eam, alioquin ad intelligendum te Cenſuris noſtris involvendum, ſi non diſceſſeris ab ea. Tu autem comparere deſpiciens, nihil in ea te Juris habere patenter oſtendis. Idcirco auctoritate Omnipotentis Dei Patris & Filij & Spiritûs Sancti, & totius*

Abbas citat dæmonium.

Sententia in dæmonem contumacem.

D d d d

Eccleſia



*Ecclesia mandamus & precipimus tibi, quatenus mox post promulgationem hujus sententiae ab hac Dei famula, & toto isto Cœnobio recedas, & deinceps redire non praesumas, sub pœna Excommunicationis lata sententia, quam si nostris mandatis feceris contrarium) in te fecimus in his scriptis. In cujus rei fidem propria manu subscripsimus.* Ab illa die recessit à Moniali dæmonium, & amplius eam non vexavit, sicuti ex ejus ore audivimus, & ceteras Moniales omnes unanimiter contestantes. O virum sempiternâ memoriâ dignum, cujus Imperio dæmones exire compelluntur.

Historia  
dæmonum  
horribilis  
cum Mo-  
nialibus  
facta.

Libet his, qui post nos futuri sunt, terribilem commendare historiam; quam ex ore præfati Abbatis accepimus, qui vidit, interfuit, & audivit eam fieri simul & factam. Est Monasterium quoddam Monialium in partibus Frisiae, in quo antepaucos annos dæmones visibiliter apparentes tantâ importunitate molestârunt ipsas Moniales, ut neque die pacem haberent, neque nocte. Ascendere per fenestras in specie juvenum videbantur, & saltare in dormitorium, & per cellas discurrere singulas: dormientibus se conjungere, atque in stratis jacentibus vim inferre turpitudinis non cessantes. Igitur his malis incipientibus territæ nimium Moniales, quædam relicto Cœnobio ad parentes & cognatos abierunt: reliquæ autem in Monasterio permanentes à dæmonibus obsessæ sunt omnes. Jam deinceps miranda cum eis fecerunt apparentes nihilominus inter eas tanquam visibiles in diversis figuris, virorum, canum, ursorum, simiarum, aliarumque diversarum bestiarum, & inaudita turpitudinis coram eis & cum eis commercia exercebant. Postremò autem taliter intus & foris sunt ludificatæ Moniales, quòd & certis intervallis ipsæ dæmones esse putarentur (*ut ita dixerim*) incarnati. Conveniebant more consueto ad Chorum: horas confuse ululando magis, quàm canendo faciebant Canonicas: Missam tamen ad finem cantare minimè poterunt, dæmonibus vocem interrompentibus. Quotiescunque enim Missam cantare solebant, omnia satis compositè & ordinatè faciebant sine confusione usque ad *Sanctus* exclusivè. Mox verò ut canendo pervenissent ad *Sanctus*, humanas voces mutârunt in diabolicas, mixtim ululando & horribiliter clamando, non uno sed vario modo atque confuso, cum tanto horrore, quòd nemo sine maximo eas timore poterat audire. Cadebant in pavementum spumantes, & volutabantur sicut porci, quarum vocem emittebat quasi lupi una: alia ut canis: atque singulæ singulorum bestiarum more clamabant: ita quòd nemo poterat dubitare, quin dæmonum voces essent non humanæ. Nec quisquam fuit tam magnanimus, qui hos clamores audire sine maximo horrore potuisset. Missâ tandem celebratâ, quieverunt à vociferando, & similes dormientibus jacebant ad horam. Postea in se reversæ, quasi nihil passæ incolumes & sanæ mentis videbantur. Non enim continuè, sed per intervalla insaniebant. In Missâ tamen semper à *Sanctus* vexabantur inclusivè usque ad finem. Unde perturbati Sacerdotes Missam coram eis celebrare nullus audebat. Sive enim legeretur Missa coram eis, sive cantaretur, idem semper patiebantur ad *Sanctus*.

Frater Ord.  
Minorum  
Missam  
coram eis  
celebrat.

Audiens quidam Frater Ordinis Minorum de Observantia hanc miserabilem novitatem, curiositate ductus voluit experiri veritatem, & veniens ad Cœnobium, Missam cantare in Monialium præsentia cœpit.

Respon-

Responderant celebranti modeste, & canebant ordinate, quousque Præfatione finitâ *Sanctus* diceret in altari. Tum subito Moniales pro cantatione fletus, ululatus, latratus tam diversos, tam varias & horribiles voces emittebant, quod frater ille celebrans penè desperasset semetipsum in altari. Cùm difficultate magna & timore incredibili Missam legendo continuavit: quâ finitâ dixit, in tanta se anxietate fuisse, in quali vel quanta nunquam fuerit in omni vita sua: nec aliter sensisse, quàm si totus exercitus adfuisset inferni: nec se pro toto mundo velle denuò Missam coram eis celebrare.

Contigit post hæc, memoratum virum venerabilem Abbatem S. Martini causâ Visitationis per Diocesin Trajectensem venire ad partes illas, & inter plura Monasteria etiam illud visitare Cœnobium, in quo daemones dictas vexabant Moniales, qui rogatus ab incolis loci, conjuravit eos, & præcepit, ut causas dicerent, quare Deus permiserit eis tantam saviendi potestatem in Moniales? Cui dæmonium respondit. *Causa peccatum est.* Cæpit nonnulla Monialium revelare delicta, quæ melius est silentio transire quàm scribere, cùm nihil ædificet si sciatur, sed noceat potius infirmis.

Adam Abbas S. Martini conjuravit dæmonium.

Anno prænotato, Blasius hujus Monasterij Abbas novam domum frumentariam construi fecit in Herrenberg oppido, impensis ducentorum florenorum, ubi ante annos octo & aliam pro simili pretio, ut supra diximus, ædificaverat. In Castro Stambem eodem anno fecit novam domum, pro cujus structura exposuit centum quinquaginta nummos auri Rhenenses. Ad altare quoque S. Sebastiani Martyris in Ecclesia Monasterij majoristabulam eodem anno fieri mandavit, pro qua centum flores exposuit.

MD.

Anno Blasij XVI. Indictione Romanorum tertiâ, Alexander Papa sextus annum Remissionis (quem Jubilæum Hæbrei nuncupant) Romæ celebrat: ad quem continuè durans toto anno maximus hominum concursus ex Germania & Anglia Ungariâque præcipuè factus est. Currebant viri & mulieres, viduæ & virgines, monachi & moniales, senes & juvenes, rustici & nobiles, divites & pauperes, cum tanto fervore, cum tanta devotione & alacritate, quod mirum fuit, remissionem suorum consequi peccatorum cupientes. Non curabant Obedientiam Claustrales, sed multi absque licentia suorum Fratres Romam currebant & Sorores.

Jubilæus Romæ celebratur à Papa.

Eodem anno Joannes Archiepiscopus Trevirorum Jacobum ex Marchionibus de Baden Christophori filium in Coadjutorem de consensu majoris partis Canonicorum assumpsit: quem Alexander sextus sub spe successionis in Archiepiscopatu confirmavit. Decanus autem majoris Ecclesiæ cum alijs Canonicis quatuor, se contra Jacobum erigentes nitebatur Confirmationem hanc Papæ, quantum ad successionem pertinet, varijs modis impedire, sed non potuerunt. Prævaluit enim Jacobus, & Joanne post triennium mortuo Archiepiscopus factus est, licet non diu supervixerit.

Jacobus de Baden fit Coadjutor Archiepiscopi Trevirorum.

Anno prænotato undecima die mensis Julij, Bagiasith Rex Turcorum in propria persona Modon urbem Græciæ pulcherrimam & opulentissimam, quæ fuit sub dominio Venetorum, obsedit, habens in exercitu suo centum millia pugnatorum, quam triginta diebus fortiter impugnans, tandem nonâ die mensis Augusti expugnavit, & Deo permittente obti-

Modon Civitas in Morea Christianorum, capitur à Turca.

D d d d 2

nuit,

auit, in qua multa Christianorum millia crudeliter interfecit. Fuit autem Civitas Modon Archiepiscopalis Christianorum; quanquam & multi essent in ea de fide S. Pauli Apostoli, qui nuncupantur de cingulo, sita in Morea, & in finibus seu angulo Achaiae. Morea praeter unum exitum strictum ab omni parte circumsepta est mari.

Conventus  
fit Principum  
in Augusta.

Eodem anno Conventus fit Principum in Augusta Rhaetorum, in quo & Rex Maximilianus cum multis Principibus personaliter comparuit. Plura denuo fuerunt proposita, tractata & conclusa, & praesertim de expeditione in Turcos; quae tamen mansit in suspenso usque in praesentem diem. Generalis etiam contributio pecuniarum pro necessitatibus Regni communis fuit indicta: sed unoquoque suos nimium condente subditos, non habebant pauperes, unde solverent.

Soror quaedam  
Lucia Christi  
stigmatibus  
insignita.

Claruit histemporibus apud Italos in Civitate Ferrariensi Soror quaedam Virgo nomine Lucia, de tertia Regula S. Dominici Ordinis Fratrum Praedicatorum, Dominicae Passionis meditatrix devotissima, quinque vulneribus, sive stigmatibus Crucifixi Salvatoris instar visibiliter insignita. Quae etsi continuum sentiat eorundem vulnerum dolorem, quartis tamen & sextis feriis per amplius cruciabatur. Haec in ea stigmata multi notabiles viri palpârunt & viderunt, qui testimonium miraculo perhibent, & confitentur veritatem.

Cruces apparuerunt  
in vestibus  
hominum.

Anno praenotato Cruces apparuerunt in lineis vestimentis hominum in camisijs, in linteaminibus, in mensalibus, in peplis mulierum, in albis Sacerdotum, & Corporalibus, non solum in his, quae in quotidiano habebantur usu, sed etiam in illis, quae abscondita jacebant in cistis, ad quae nullus poterat aëris penetrare influxus. Ceperunt autem imprimis apparere circa Rhenum, ac deinde per totam Germaniam, in Suevia, in Francia Orientali, in Bavaria, in Austria, in Bohemia, in Saxonia, in Dacia, in Polonia, in Hollandia, in Brabantia, per Galliamque totam; non sine timore & horrore magno mortalium: subito & insperato apparuerunt, ut cadere quodammodo putarentur de coelo, ita quod aliquando cum *Salve Regina* cantaretur in Ecclesia, XL. vel L. homines insigniti Crucibus subito viderentur, maximè in peplis mulieres. Erant autem Cruces parvulae, confusi & subrubri coloris, ac si pannus aliquâ pinguedine mixti coloris fuisset intinctus. Non poterant aliquâ lotione deleri, sed post nonum diem ut plurimum per se evanescebant. In quibus etiam cum Crucibus magnis apparuerunt multae Cruces parvulae, characteres in modum graecarum litterarum, clavi quoque, lancea, spinea corona, virga, flagella, & reliqua Dominicae Passionis insignia, eratque videre terribile miraculum. Astantibus enim in Ecclesia Canonicis apparuerunt in Rocchetis eorum, simul & in pallis Altarium, & praesertim in peplis mulierum, non omnium, sed quarundam, & solum in lineo. Magna mortalitas has Cruces secuta est.

In lineis  
pannistan-  
tium appa-  
ruerunt.

Caput S.  
Annae à Mo-  
guntia fur-  
tively trans-  
fertur in  
Duren.

Anno praesignato, Canonici Ecclesiae S. Stephani Proto-Martyris in Moguntia, turrim ipsius templi, ut hodie cernitur, in altum erigentes, habebant artificem inter alios artifices lapicidam unum, qui multis diebus pro diurna mercede in ea structura laboraverat. Is argenteam imaginem pectoralem, in qua cerebellum erat S. Annae Matris Deiparentis intactae Virginis Mariae furatus cum ipsis reliquijs aufugit, deveniensque ad Du-  
ren



cem oppidum Ducatus Juliacenſis in Diœceſi Coloniënſi, ſacrum verticem cum argento Eccleſiæ ibidem Parochiali donavit. Acceperunt Durenſes furtum cum gaudio magno, & ſacras Reliquias in honore maximo habere cæperunt, ſummæque venerantur uſque in præſentem diem. Statimque fit magnus populorum concuſſus non ſolùm de vicinis locis, ſed etiam de remotioribus, qui haud parvas conferunt oblationes.

Canonici autem memoratæ Eccleſiæ S. Stephani multos labores & expenſas pro ſanctiſſimi Capitis reſtitutione fecerant, ſed Durenſes citati ad Regem Maximilianum, ad Raymundum quoque Cardinalem Apoſtolicæ Sedis Legatum, excommunicati etiam nihil curaverunt, nec unquam induci poterant, ut Caput tantum redderent, quod furtivè ablatum eſſe ſciebant.

Durenſes nullâ uſque ſunt induci ratione, ut Caput reſtituant.

Anno etiam prænotato, Ludovicus Sfortia Dux Mediolani contracto mercenario exercitu Conjuratorum Suitenſium & aliorum, intravit in Longobardiam, & recuperavit Mediolanum. Inde converſus Novarienſem Civitatem obſedit, impugnavit & cepit. Contra quem Gallorum exercitus in magna veniens potentia eum cum ſuis in urbe obſedit. Erant in utrôque exercitu plures conjuratorum Suitenſium mercede conducti, qui ſibi mutuò congredi recuſantes, grande malum Duci paraverunt. Cùm enim contra Fratres ſuos pugnare grave ducerent, Gallus Civitatem obtinuit, & Ducem ne fugeret, obſervari cauſiſſimè præcipit. Conjurati verò, qui erant in urbe, acceptâ licentiâ egrediendi per unam Civitatis portam in ordine, Ducem in medio agminis veſtitum quaſi unum ex ſuis collocarunt, ut cum eis incognitus per medium inimicorum à dextris & à ſiniſtris in armis ſtantium poſſet exire. Sed cognitus à Gallis captus eſt, ductuſque in Galliam obijt in vinculis. Scio quod plurimorum hodie ſententia eſt & fortis opinio, quòd Conjurati acceptâ pecuniâ tradiderint eum Gallis, quod verum ſit an falſum, ego ſicut nescio, ita judicare non volo. Reliquit filios duos apud Regem Maximilianum. Rex autem Gallorum Ludovicus Ducatum Mediolani obtinuit annis XII. poſtea filiorum Ducis alter nomine Maximilianus eum Cæſaris ope recuperavit.

Ludovicus Dux in Galliam ducitur captivus.

Eodem anno, XXII. die menſis Februarij, naſcitur Carolus Archidux Austriæ Patre Philippo, matre verò Anna, Avo paterno Maximiliano Rege Germanorum, materno verò Ferdinando Rege Hiſpaniæ victorioſiſſimo. Vivit hodie in Brabantia annum agens ætatis ſuæ XIII.

Carolus Archidux Austriæ naſcitur.

Anno prænotato in menſe Octobri, moritur Albertus Dux Saxonie frater Erneſti Principis Electoris, tres relinquens filios, Georgium in Principatu ſucceſſorem, Henricum qui moratur in Friburgo, & Fridericum Moguntinæ Eccleſiæ Canonicum, & poſtea Ordinis Theutonicorum in Pruſſia. Iſte Dux Albertus multis annis ex commiſſione Maximiliani Regis bellum geſſit contra Gröningenſes in Friſia, ſæpiùs victor gentis, quæ fidem non ſervat.

Albertus Dux Saxonie moritur.

Hoc ipſo anno facta eſt magna diſſenſio inter Nobiles Franciæ Orientalis, & Cives oppidi Norimbergeniſis, propter militem quendam Conradum Schott, qui multa multis intulerat mala; poſtremò per Comitum Palatinum concordati ſunt.

Nobiles Franciæ & Norimbergeniſium diſſenſio.

Anno præſcripto, I. die menſis Junij, maxima fuit inundatio aquarum in valle Hirſaugiana, quæ totam Eccleſiam S. Aurelij uſque ad genua

implevit. In Capella B. Mariæ ſemper Virginis etiam altare cooperuit. Domus quoque pecoris aquis plena fuit. Quintâ die menſis ejusdem, major ſubitò inundatio venit, quæ muros ædificiâque plura in certis locis præſertim circa Regale oppidum Wyl penitus ſubvertit. In pratis & hortulis multa pauperibus damna fecit, agros & pascua in vallibus graviter læſit.

Sepulchrum S. Wilhelmi apertur.

Eodem anno, 4. die menſis Maij, Blaſius Abbas hujus Monasterij tumbam B. Wilhelmi quondam Abbatis præſente toto Conventu aperiri fecit, & mox odor ſuaviſſimus de tumulo exivit. Corpus verò quod annis 9. & 300. ſub terra jacuerat, integrum repertum fuit cum baculo, ſandalijſ, dalmatica & planeta ſine mitra, quæ omnia erant ſerica.

Hoc ipſo anno, confugerat in Monasterium hoc præſens, homo quidam neſcio cujus criminis reus, locum quærens refugij & immunitatis; quem Burgenſes de oppido Calve armati ſequentes violenter de Monasterio rapere voluerunt. Quod mox ut Fratribus innotuit, portas Cœnobij præcluſerunt, & pro libertatibus & privilegijs ſuis fortiter conſtantes tandem rationibus illis perſuaſerunt, quod ceſſantes à præſumptione capta receſſerunt.

Anno prænotato, Blaſius Abbas hujus Monasterij domum Abbatialem veterem, quæ miſerabili incendio penè conſumpta erat, depoſuit, & novam lapideam, ſicut hodie cernitur, conſtruxit, pro qua plusquam octingentos auri nummos expoſuit. Alia etiam nonnulla conſtruxit, quæ ſummariè dicemus.

#### MDI.

Margaretha Comitſ Palatini Uxor Heidelbergæ moritur.

Anno Blaſij Abbatis XVII. Indiſtione Romanorum iv. in die Converſionis S. Pauli Apoſtoli, obiit Margaretha uxor Philippi Comitſ Palatini Bavarizque Ducis ac Principis Electoris, Heidelbergæ in Choro Eccleſiæ S. Spiritûs honorabiliter ſepulta, mulier honeſtiſſimæ converſationis. Cujus tricenarium diem funeralem in proxima ſequentē quadrageſima in memorati Spiritûs Sancti Eccleſia cum ſolemni pompa celebrari fecit, præſentibus ibidem oratoribus Maximiliani Regis & multorum Regni Principum. Aderant etiam Ludovicus Epicoſpus Spirenſis, & Joannes Wormatiensis, qui rem celebrabant divinam, & multi Abbates ex Palatinatu propterea vocati.

Aderat & Blaſius hujus Monasterij Hirſaugienſis venerabilis Abbas, miſſus nomine vice & ex parte Domini ſui Principis Udalrici Comitſ de Wirtenberg, cujus & locum tenuit in Choro, & in menſa, ſicut moris eſt Principum. Pro pauperibus & mendicis coquina in campis extra oppidum fuerat diſpoſita, ubi maxima convenit multitudo, qui omnes abundè reficiebantur.

Capitulum Ordinis noſtri Provinciale xxxi. celebratur.

Eodem anno, ii. die menſis Maij, quæ fuit Dominica III. poſt Feſtum Paſchatis, celebratum fuit xxxi. Ordinis noſtri Provinciale Capitulum in Monasterio S. Salvatoris apud Fuldâ, in quo præſederunt Joannes Trithemius Spanheimenſis, Joannes S. Ægidij Norinbergenſis, Joannes Huſburgenſis, & Joannes in Elchingen Monasteriorum Ordinis S. Benedicti Abbates, qui nihil novi conſtituerunt.

Anno prænotato, in Feſto Epiphaniæ Domini, ſub ſumma Miſſa, quando homines erant in Eccleſia, venit Joannes de Elck cum quibuſdam equitibus

equitibus & peditibus armatis per naves in Rheno & per terram. & nullo resistente intravit Boppardiam oppidum Regale Trevirensi Ecclesiæ dudum impignorum; ejectioneque omnibus qui fuerant ex parte Archiepiscopi, super muros in turribus, & ad portas custodes de suis constituit, & neminem ex Trevirensibus intromisit. Castellum similiter obtinuit, & telonium cum omnibus pecunijs occupavit.

Boppardie  
capitur à  
militaribus  
iterum.

Anno item præsignato, facultas Theologica Gymnasij Moguntinensis exemplo Doctorum Parisiensium & Colonienſium laudabiliter provocata, 13. die mensis Octobris determinavit, statuit & decrevit, sentiendum, & defendendum fore, quod Beatissima genitrix semper Intacta Virgo Maria nunquam subjacuerit peccato originali, sed præservata sit privilegio Gratiæ Dei singulari. Statuit etiam, quod nullus deinceps apud Moguntinos debeat Theologiam audire, aut in eadem promoveri, nisi prius juraverit, quod opinionem contrariam non velit tenere.

Constitu-  
tio Univer-  
sitatis Mo-  
guntinæ  
contra Ma-  
culistas.

Surrexit his temporibus in Perside homo quidam nomine Sichin, quem alij Sophoi nuncuparunt, de stirpe Hassan Cassani Regis Persarum potentissimi, qui Dominio suo Parthiam, Panchæam, Mediam, Mesopotamiam, Armeniam, & magnam Orientis partem armis subjecerat, & obierat anno Dominicæ Nativitatis MCCCCLXXVIII. Cujus filius major natu ceteris fratribus interfectis Regnum sibi usurpavit paternum. Quo etiam postea mortuo, prædictus Sophoi Asambeti Hassan Cassani ex fratre nepos se intromisit de Regno: & convocatis ad se cunctis proscriptis, fugitivis, latronibus, malefactoribus, egenis & quibuscunque inopiâ pressis magnum brevi adunavit exercitum, cum quo Persidem ingressus obtinuit Regionem, interfectis omnibus, qui levare manus contra eum præsumpsissent. Omnem prædam militibus divisit; qua ex re tantum favorem & amorem consecutus est omnium, ut nullus fuerit, qui non pro eo mori esset paratus, vel quælibet subire pericula.

Novus in  
Persia Rex  
Sophoi,  
quem Pro-  
phetam no-  
minant.

Multa in hostes prælia gessit, & si non semper, frequentius tamen victor extitit, & in paucis annis numero pugnatorum, potentiâ virium & gloriâ Regnorum mirabiliter auctus & dilatatus fuit in tantum, quod hodie non solum Turcarum Regi, sed omnibus etiam Orientis Regibus Principibus atque Tyrannis terribilis apparet ac metuendus. Plura de hoc homine in principio sui Regiminis dicebantur nova simul ac miranda, quorum noticiam certam non habemus, & ideo transimus. Triennio ferme de illo duravit rumor in tota Europa magnus, alijs dicentibus, illum Prophetam Dei esse novum atque potentem: qui totum mundum sibi subiecturus sit, & omnes Religionum diversitates revocaturus in unitatem. Erant, qui hominem ipsum dicerent esse finalem illum Antichristum, alij nescio quid aliud eum in orbe magnum somniabant esse futurum.

Sophoi Re-  
gnum recu-  
peravit &  
amplia-  
vitum.

Sed plus omnibus latabantur cæci & infelices Judæi per totam Europam ubilibet constituti, hunc suum rati Messiam, quem semper expectant nunquam futurum, quippe qui dudum jam venit Dominus noster Jesus Christus filius Dei vivi, credentibus in eum Salvator, ipsis autem Judæis & cunctis fidelibus Judex. Mittunt sibi mutuo nuntios Judæi, atque munuscula, spem erigunt, confortant animo desperatos, multa promittunt, maxima pollicentur, hunc esse testantur, quem sibi Salvatorem diu sunt præstolati,

Judæi hunc  
Sophoi  
suum spera-  
bant esse  
Messiam.



præſtolati, quo videlicet regnante magnum Palæſtinæ ſint brevi domini-  
um recepturi. Sed erraverunt decepti ut ſæpius, quoniam Sophi nul-  
lam gentem, ut dicitur, magis habet inviſam, quàm Judæorum.

Joannes  
Mercurius  
Italus mi-  
randa pro-  
fiteſtur, ſed  
vana.

Nihil ſcire  
convinct-  
tur, qui ſe  
omnia ſcire  
arbitra-  
tur, ut  
Mercurius  
iſte.

Alchimiſta  
pauper  
ignarus, ſi  
autem no-  
vit, cur  
pauper?

Mercurius  
examina-  
tur à Medi-  
cis, proba-  
turque ſine  
lingua do-  
ctus.

Apparuit hiſ temporibus in Gallia homo Italus nomine quidem pro-  
prio Joannes, ſed per arrogantiam ipſe Mercurium ſe voluit appellari:  
uxorem habens & liberos: ſervos & ancillas, qui una cum ipſo lineis  
duntaxat erant induti, ſinguli ſingulas catenas ad collum ferreas portan-  
tes, eo videlicet amiſtu incedentes, quo Damis Magiſtrum, & Philoſtratus  
ſcripſit inceſſiſſe Thianæum Apollonium. Hujus Thianæi Philoſophi magi  
(ut vulgi ſe tunc habebat opinio) Mercurius iſte imitatore ſe gloriabatur,  
atque diſcipulum, & pollicebatur magna, inuſitata, & proſus mirabilia,  
(quid ſi dicam incredibilia) ſe nãmque veterum omnium Hæbreorum,  
Græcorumque, Latinorumque ſcientiam omnem perfectiſſimè gloria-  
batur aſſecutum, contemnens veteres penè cunctos, tam Philoſophos, quàm  
Theologos, cùm præter ſe unum omnes diceret fuiſſe indoctos, & nullum  
ex eis omnino ſapientem extitiſſe in arcanis. Unde profitebatur ſe in  
omni ſcientia mundi converſatum, myſteria & arcana rerum naturalium  
intelligere omnia, profundaque poſſe inveſtigare omnium ſcripturarum,  
& nihil ignorare illorum, quæ ſcire homo quicumque poſſit in mundo.  
Magnam in publico gravitatem præſeferebat, moribus & inceſſu quãdam  
ſeveritate maturus, ducebátque vitam cum mendicitate ſatis auſteram.  
Se natum ad res ſummas teſtabatur. Divino ſe numine plenum aſſeruit, &  
grandia poſſe clamavit. Metallorum veram tranſmutationem, quam  
Alchimiſtæ omnes non minus fatuè, quàm laborioſè inquirunt, Mercu-  
rius iſte promittebat, voluitque videri omnia ſcire, & nihil penitus igno-  
rare. Se infelicia poſſe felicitare, & felicia poſſe mutare in infelicia  
gloriabatur, quod non dæmonum auxilio, ſed arte magices naturalis,  
(quam priſci Reges & ſapientes habuiſſent in pretio) fieri oportere dice-  
bat. Erat autem ſicut audivi ab hiſ, qui cum eo locuti ſunt, homo quaſi  
ſine litteris, & neque ſatis linguæ peritus latinæ. Aliquanto tempore  
Lugduni manſit in Gallia, non poſtremo loco habitus apud Ludovicum  
Regem Gallorum, qui convocatis Doctõribus medicinarum, præcepit  
ut examinis gratiã cum eo de ſcientia diſputaret. Parentes mandato  
Regio Doctores Mercurium conveniunt, colloquuntur & diſputant,  
promptulum ad cuncta inveniunt, ſtupent & mirantur hominem ſine  
litteris ad ſufficientiam latini ſermonis ingenium habere tam profundum,  
maximè in medicinis. Redeuntes poſt examen ad Regem Doctores,  
dixerunt illum ſupra hominem ſapere, ſed unde hæc tanta habuerit, vel  
in eo lateat ſecretum, ſe proſus ignorare.

Donavit iſte Mercurius Regi Ludovico enſem, centum octoginta gla-  
diolis reſertum, & mirabili ſatis ingenio fabricatum, clypeum cum ſpeculo  
ſingulari factũ ingenio, quod neſcio quid virtutis continere debeat occul-  
tæ. Pollicebatur denique Regi filium ex Regina naſciturum, quem ipſe fe-  
licitare poſſet vellétque ſupra felicitatem magnorum Alexan dri & Caroli  
Regum, etiamſi contrarium aſtra minarentur. Annos vivendi ſupra na-  
turæ periodum viginti ſuã ſe arte Regi daturum pollicebatur. Profite-  
batur & alia non ſolùm miranda, ſed etiam ut mihi videtur impoſſibilia,  
niſi per Deum, qui ſolus omnia poteſt. Utrum ex Deo quippiam habuerit  
calium.



talium, ego scire non potui. Aurum quo fuerat honoratus à Rege Ludovico, mox ut Castellum exivit, pauperibus totum distribuit, suos nihil reservans in usus. Hæc primò litteris, postea sermone accepi à duobus viris doctis Eustachio & Narcisso, quorum alter hodie Lugduni, alter vivit Parisijs. Testem adducotertium Joannem Virdungum de Hasfurt, Comitis Palatini Mathematicum, qui & ipse apud Budoras hodie vivit in humanis cum suo Principe Ludovico. Plura brevitatis causâ de hoc homine intermitto, ne fiam prolixior. Quò devenerit, vel ubi nunc sit mirabilis iste Mercurius, ego scire minimè possum.

Verùm ista nobis de Mercurio scribentibus occurrit Ferrandus, qui anno Christianorum millesimo quadringentesimo quadragésimo quinto, juvenis annorum viginti, miles auratus, artium Philosophiæ, Medicinæ, simul ac Theologiæ, atque Juris utriusque Doctor cum octo equis de Hispania venit in Galliam, & suâ ineredibili scientiâ omnes Parisiensium Doctores vertit in stuporem. Erat in omni facultate scripturarum longè doctissimus, vitâ & honestate conversationis morigeratissimè compositus, non superbus, non elatus, non vanè gloriosus, ut Joannes ille Mercurius, de quo diximus, sed humilis, mansuetus atque modestus, & omni reverentiâ decoratus. Quoties loquebatur cum viris eruditis, se puerum dicebat esse indoctum, nec dignum, qui cum peritis debeat habere colloquium, cùm tamen latinè disertè, eruditè, atque prudentissimè loqueretur in omnibus. Mirabili & penè incredibili vigeat memoriâ, quippe qui novum & vetus Testamentum, Nicolaum quoque de Lyra, scripta S. Thomæ de Aquino, Alexandri de Ales, Bonaventuræ, Joannis Scoti, & aliorum in Theologia complurium, decretum quoque, & omnes utriusque juris libros, in medicinis similiter Avicennam, Galenum, Hippocratem, Aristotelē, Platonem, Albertum, omnesque Philosophiæ libros tam plenè atque perfectè commendaverat memoriâ, ut similem non habuerit alterum. In allegando fuit promptissimus, in disputando solidus & acutus, semper vincens, à nullo unquam superatus. Linguas denique Hæbraicam, Græcam, Latinam, Arabicam & Chaldaicam perfectè noverat loqui, scribere, legere & intelligere, quod in tali juvene nimis fuit mirandum. Missus Romam orator per Regem Castellæ ad summum Pontificem Eugenium quartum, in omnibus Galliæ Italiæque Gymnasijs publicè disputans convicit omnes, ipse à nullo unquam vel in minimo convictus. Varia de ipso fuit apud Parisienses opinio, alijs magum, aut dæmonio plenum judicantibus, alijs contrarium sentientibus. Nec defuerunt, qui Antichristum fore putarent: quorum opinionem vita hominis per omnia Christiana redarguit.

Contempsit autem post annos paucos omnem scientiam hujus mundi, & pro Christi amore sæculo valedicens ad insulam navigavit Majoricam, factusque Eremita solitarius Omnipotenti Deo usque ad mortem in sancto proposito servivit: scripsit ante conversionem in Almagestum Ptolomæi commentaria quædam subtilissima. In Apocalypsin quoque Beati Joannis Apostoli pulcherrimam expositionem & semipropheticam lucubravit. In Eremitorio autem suo & multa scripsit, & certè miranda opuscula: quorum prænotationes memoriæ non occurrunt. Præter illud opusculum quod *Perianacriseon boni numinis* prænotavit, in duobus

E c c c

libris

Pelagius  
Ferrandus  
Corduben-  
sis homo  
admirabi-  
lis,

Memoria  
viguit om-  
nium li-  
brorum vi-  
vacissima,

Disputator  
fuit in omni  
facultate  
acutissi-  
mus.

Pelagius fuit  
Eremita  
pro Christo  
in Majorica  
insula,

Libanius  
Gallus.

libris, tractatu res incognita mihi. Ejus fuit discipulus & omnium hæres voluminum Libanius Gallus omnium hujus tempestatis Doctorem quos ego noverim facile doctissimus: apud quem vidimus plura Divi Pelagij opuscula, quorum lectio nostrum excellit ingenium.

Crucigeri  
Pœnitentes  
veniunt ex  
Italia in  
Germaniam.

Anno supradicto venerunt ex Italia viri tunicis, aliqui lineis induti, alij verò lanceis grisei coloris, nudis pedibus & discoopertis capitibus incedentes, qui Crucem de ligno parvulam in manibus singuli portabant, & neque saccum habebant, neque peram, neque baculum, neque pecuniam, vinum & cerevisiam non bibebant. Præter Dominicam omni die jejunabant, olera & radices cum sale manducantes & aqua, sine alicujus appositione pinguedinis, carnes, pisces, ova, butyrum, caseum aut lac nunquam manducabant. In Ecclesia se prosternebant in modum Crucis super terram prolixius orantes: nec ultro viginti quatuor horis in uno loco vel hospitio manebant, nisi forsitan infirmitas aliquem manere diutius compulisset: circumierunt per civitates, oppida & villas bini simul aut terni, aliquando plures. Cibum ostiatim cum esurirent, & non ante mendicantes.

Plures inter eos fuerunt ex ordine Clericorum Sacerdotes, Diaconi & Subdiaconi: qui præter tunicam, Zonam, Crucem ligneam & breviarium nihil penitus habebant. Coloniam & Aquasgrani omnes visitare solebant. Et erat eis voluntaria ista pœnitentia: uni ad tres annos, alteri ad quinque, nonnullis etiam ad septem juxta voti qualitatem, quo se prius unusquisque diutius aut brevius ita servaturum spontaneâ voluntate obligaverat. Annis enim finitis, quos unusquisque ad pœnitendum cum peregrinatione assumpserat, mox ad sua reversus ab ea institutione, si voluit, cessabat. Per continuum fere septennium duravit ista pœnitentium peregrinatio, & nunc plures, nunc pauciores hujus conversationis viri per Germaniam circumire videbantur. Erant cum eis in ea peregrinatione nonnulli etiam Germani, qui simili se constrinxerant voto pœnitendi; quia recipiebant omnes in suâ peregrinationis Comites, præter Monachos & mulieres.

Fames &  
inopia fru-  
menti ma-  
gna.

Eodem anno per totam Sueviam fames magna & multa frumentorum inopia pressit mortales. Argentinenses verò Cives, qui tempore ubertatis sibi providerant, in ea necessitate communi frumentis abundabant: qui & non minus charitativi ad omnes, quam providi ad semetipsos, cunctis undecunque adventantibus frumenta vendebant in foro competenti.

Monasterium in  
Gengenbach de-  
buit reformari.

Anno item prænotato, Philippus Comes Palatinus & Albertus Argentinæ Episcopus, quorum ille tunc erat in temporalibus, iste verò in spiritualibus Dominus, ad instantiam Senatus oppidi Gengenbach memoratæ Diœcesis vocarunt ad se Heidelbergam quosdam Ordinis nostri Abbates de Observantia Bursfeldensium, cum quibus secretum habuere tractatum de reformando Monasterio dicti Ordinis in oppido Gengenbach constituto, cujus Monachi nimis deformatè vivebant. Complacuit res sancta concilio, dies in quadragesima circa Dominicam *Latere* statuitur, in qua cum Monachis reformatis apud Schutterense Cœnobium, Reformatores debeant comparere Abbates: & interea mitti debeant quidam à secretis, qui monasterium Gengenbach auctoritate utriusque Principis



cipis præoccupent, ac viam parent ad reformatum. Die præstituta conveniunt Abbates cum Fratribus ex diversis Monasterijs ad reformationem sæpediti Coenobij coassumptis, quemadmodum Heidelbergæ fuerat conclusum, ad Schutteren. Joannes videlicet Spanheimensis, Blasius in Hirsaugia, Marcarius in Limpurg, Joannes in Schutteren, & Gerhârdus in Alberspach Monasteriorum Ordinis nostri Abbates, Monachos reformatos adduxerunt secum, ex Spanheim unum, ex sancto Jacobo Moguntia duos, & ex sancto Joanne Ringaugiensi similiter duos, ex Hirsaugia duos, ex Selgenstatt duos, ex Alberspach duos; verum unus consiliarium Comitis Palatini non satis ad negotium cautus, cum esset in itinere versus Gengenbach, Civem ex Argentina obvium habuit, cui sciscitanti quò pergeret, arcanum inconsideratè aperuit, & rem in toto confudit. Nam civis ille doctor Argentinensis famulum suum eadem sub nocte misit ad Gengenbach, & quid esset in foribus scripsit Abbati. Auditis his Abbas contractis mox privilegijs Monasterij, monimentis quoque litterarum, registris censuum, clenodijs, & quicquid in promptu habere potuit, summo diluculo, priusquam venirent Palatines, de Monasterio recessit, & ad Argentinam declinavit. Cum autem venissent ad Monasterium Ordine præpostero, & comperissent Abbatem cum omnibus clenodijs recessisse, Palatines infecto negotio ad sua confusi redierunt. Abbates etiam qui apud Schutteren convenerunt, cognitis impedimentis reformati, cum suis Monachis, quos adduxerant, in sua sunt reversi.

Abbates  
quinque  
cum Mona-  
chis XI. in  
Schutteren  
conveni-  
unt.

Abbas de  
Gengen-  
bach cum  
clenodijs  
fugit Ar-  
gentinam.

Eodem anno circa festum Dominicæ Resurrectionis ad mandatum Regis Germanorum Maximiliani conventus Principum Nürenbergæ factus est, & multis diebus cum magna Principum & aliorum frequentia duravit.

Anno item prænotato, Cives Regiæ urbis Basiliensis Regi Maximiliano simul & Regno Germaniæ sine aliquo medio subiecti, proprii & jurati, sine scientia, sine voluntate & sine consensu (ut ferunt) confederationem inierunt cum Suitensibus conjuratis perpetuam. Et facta est Basilea Conjuratorum angulus novus. Scriptæ sigillatæ & datæ sunt hujus alienatæ Confederationis litteræ in oppido Lucernensi nonâ die mensis Junij anno dicto.

Basilea Ci-  
vitas Regni  
Conjurato-  
rum Suiten-  
sium as-  
sumpsit  
foedera.

Eodem anno decima die mensis Augusti, quæ fuit Martyrio sancti Laurentij festiva, in eodem Lucernensium oppido ad Suitensium conjurationem suscepti sunt oppidani de Schaffhausen, qui ut talium moris est, eadem die juraverunt, litteras dederunt, & acceperunt, & sunt facti Suitenses.

Anno etiam præscripto, Alexander Papa sextus Raymundum Cardinalem sanctæ Mariæ novæ Gurcensem Episcopum cum gratia & indulgentijs Jubilæi ad Germaniam Legatum misit de Latere magna cum facultate. Qui aliquandiu in Tridentina Civitate moratus est: propterea quod ei necdum constabat, utrum Maximilianus & Principes Regni Electores, quorum intererat, vellent eum admittere, nec ne. Tandem de admissione certior factus venit in Inspruck ad Maximilianum Regem, & mansit cum eo aliquot mensibus, annoque sequente venit ad Nürenbergam, ubi tunc erant Principes.

Raymun-  
dus Cardi-  
nalis in Ger-  
maniam  
Legatus  
mittitur.

Eodem anno Cardinali Raymundo adhuc apud Tridentum existenti. Blasius Abbas præsentis Monasterij misso ad eum nuntio gratiam ab eo Jubilæi plenariam, sicuti fuit & dabatur anno præterito in urbe Roma. pro se, pro Fratribus quoque, familia & omnibus sibi commissis impetravit.

## MDII.

Raymundus Cardialis Moguntiam ingreditur Legatus.

Anno Blasij Abbatis XVIII. Indictione Romanorum quintâ. Sabato post Dominicam Passionis, Raymundus Cardinalis sanctæ Mariæ novæ Gurcensis Episcopus & Apostolicæ Sedis Legatus intravit Moguntiam, per quem gratia remissionis Jubilæi publicatur per totam Diocesin. Eriguntur in cunctis penè oppidulis Cruces, trunci pro custodia parantur oblationum; quàm à principio lentus fuerat hominum concursus propter inopiam sive incuriam eorundem, crevit nihilominus postea cum tempore devotio populi: & multum in diversis locis pecuniarum pro defensione fidei Christianæ offertur. Per totam namque Germaniam nuntij destinantur atque Commissarij: sed non æquè in omnibus locis proficiunt. In Norvvegiam destinatus commissarius non tantam de indulgentijs & dispensationibus levavit pecuniam, quantam pro impensis exposuit.

Pestilentia per totam Germaniam sævians multos consumpsit.

Eodem anno, magna ubique per omnem Germaniam pestilentia grassabatur, & multa millia hominum consumpsit, præsignata, ut multorum fuit opinio per Cruces, quas in lineis vestibus hominum ante bienium apparuisse diximus, quarum casus in annum duravit tertium, non simul & semel in locis omnibus, sed jam in isto, tunc verò in alio. Videbantur etiam nonnulli Cruces habuisse in suis corporibus ad cutem, qui ut plurimum omnes eodem anno, vel sequente fuerunt consumpti à peste.

Joannes Abbas de Bursfeldia moritur.

Anno prænotato, vicesimâ primâ die mensis Maij, obiit Joannes Abbas Monasterij sanctorum Thomæ Apostoli & Nicolai Episcopi in Bursfeldia, quartus in reformatione Abbas: homo simplicitatis & humilitatis cultor & amator præcipuus, in Observantia Regulari strenuus, vitâ & conversatione integer & sanctus, ingenio subtilis, eloquio disertus, & in divinis scripturis non mediocriter doctus, quod ejus testantur opuscula, quæ ad ædificationem tam suimetipsum, quàm Fratrum suorum lucubravit. Equibus extat de profectu Claustralium opusculum unum in tres partes divisum, eruditionis ac totius ædificationis plenum. De Novitiorum institutione multa & varia conscripsit, quorum prænotationes memoriæ non occurrunt. Magnæ humilitatis vir extitit: & in omni extremitate victus & amictus juxta Regulam Divi Patris nostri Benedicti semper contentus fuit.

Post hunc Henricus institutor Novitiorum fit Abbas, homo & ipse in omni Religione conspicuus, ingenio mitis, eloquio dulcis, amator & custos tam in se, quam in suis Observantiæ Regularis fidelis & integerrimus.

Gerlacus Abbas de Tuitio capitur à Coadjutore Archiepiscopi Trevirensis.

Eodem anno Gerlacus de Breitbach Abbas Monasterij Tuitiensis nostri Ordinis juxta Rheni flumen in opposito Colonie Agrippinæ, navigio ascendit versus Treverim ad Capitulum Provinciale apud sanctum Matthiam celebrandum. Cùmque pervenisset ad Pallatiolum haud procul à Treveri oppidum, ubi resedentiam habere consuevit Archiepiscopus, quotiens Trevirorum appropiat urbem, à ministerialibus Jacobi Marchionis de Baden Coadjutoris Ecclesiæ Trevirensis violenter captus est, & quatuor mensibus in custodia cum Monacho Capellano detentus. Causam

sem hujus captionis eo tempore cognovimus talem. Germanum habuit Ecclesiæ Trevirensis Canonicum nomine Othonem de Breitbach, qui memorato Jacobo Coadjutori Archiepiscopi multum adversabatur: fecitque contra eum processus quoddam in valvis Ecclesiæ Trevirorum publicari sub nomine dicti Fratris sui Gerlaci Abbatis tanquam Apostolici Commissarii, qui falsitatis arguebatur. Verum scimus, quod Abbati sit facta injuria, qui se commissarium in ea causa nec scripsit, nec exhibuit Apostolicum, sicuti nec fuit, nec esse concupivit. Si quid ergo fraudis aut doli commissum in eonegotio fuit, non Abbati sed Germano ejus Othoni totum adscribendum, qui cum sit homo in curialibus multum peritus & expertus Doctor, essetque unà cum suis consentaneis per Alexandrum Papam (cujus obnitebatur ordinationi) ad Jacobi Coadjutoris instantiam excommunicatus, Germani sigillum Abbatis præfatione commentitiâ præripuit, litteras quales voluit absolutionis scripsit, quas sub nomine Abbatis memorati Tuitiensis publicavit. Quod si & ipse Otho fuit innocens, majori contumeliæ meritò adscribitur totum.

Anno item prænotato, rustici quidam in Dominio Ecclesiæ Spirensis juramentorum suorum temerarij transgressores contra Dominos suos Episcopum & Canonicos in unum conspiraverunt, in juramento se mutuò obligantes more Suizerorum, & paulatim numero crescentes in occulto multiplicati sunt. Et nisi tempestivè conspiratio eorum denudata fuisset, in brevi evasissent multitudine insuperabiles. Sumpsit autem hæc Liga rusticana (quam sibi Buntshue vulgariter nuncupabant) exordium in villa quadam Spirensis Diocesis Undergrünbach dicta per rusticos duos, qui astutiâ suâ paulatim in eandem conjurationem traxerunt plures, non solum in ea villa, sed etiam in circuitu per gyrum in alijs multis. Et sicuti quidam eorum in tormentis confessi sunt, media pars virorum oppidi Bruchsal in eam conjurationem dederunt consensum. Mittebant hinc inde per vicos & oppida sollicitatores suos occultos, qui multos in eandem contra Principes, Clerum & omnem majoritatem dominij provocarent.

Duos jam sibi capitaneos præfecerant, qui multitudinis congregandæ ad bellum essent ductores, quibus & ceteri omnes sine contradictione obedirent. Vexillum sibi ordinaverant fieri bicoloratum, album videlicet & blavium, in quo imago Crucifixi Salvatoris deberet esse depicta, sicuti Beato Gregorio dicitur apparuisse, ad cujus latus alterum sotular unum in signum Ligæ sotulariæ formaretur, in altero verò rusticus genuculando staret complofis manibus depictus, super cujus verticem ita scriptum legeretur in vulgari: *Nichts dann die Gerechtigkeit Gottes*. Hoc est: *Nihil quarimus, nisi Justitiam Dei*. Sed in sequentibus ex confessione captorum facile ostendemus, quod Justitiam Dei non quæsierunt iniqui, quin potius eam impugnare & exterminare laborabant. Divinâ etenim providentiâ disponente consilium impiorum denudatum est, & plures eorum capti sunt, qui primi conjurationis auctores extiterunt. Exponuntur quæstionibus, & arcanum impietatis suæ faciunt manifestum, quod ut liquidius pateat omnibus, per articulos placuit litteris commendare.

Articulus primus confessionis eorum: dicebant se hanc sotulariam societatem eâ intentione principaliter incoepisse, ut posteaquam aucti

Liga sotularia rusticorum contra Clerum & omne dominium.

Capitaneos ordinaverant belli & vexillum Conjunctionis.

Liga sotularia manifestata destruitur.

Articulus Ligæ primus.



numero ad bellum viderentur idonei, & poſſe ſufficere, jugum omne ſervitutis violenter excuterent, & ſibi omnimodam libertatem more Helvetiorum armis vendicarent.

II. Secundò confeſſi ſunt, quòd unusquiſque, dum in eorum temeritatem juraveſſet, primum quinquies Orationem Dominicam cum Angelica ſalutatione ad memoriam quinque principalium vulnerum Chriſti dicere flexis genibus teneretur, in eum finem, ut Deus eorum propoſito ad juſtitiæ proſperum largiretur effectum.

III. Tertio, Symbolum ſibi conſtituerunt Dominam noſtram S. Mariam, Beatum Joannem, ſignum verò inter ſe maturæ cognitionis hoc poſuerunt: dicebat ad alium interrogans hujus conjurationis, ſcire cupiens, ſi & ille conjuraſſet: Was iſt euch für ein Weſen? Reſpondebat interrogatus, ſi fuit de conjuratione: Wir mögen vor den Pfaffen nicht geſehen. O iniquitas ruſtica ſemper Clero moleſta.

IV. Quartò, in tormentis & extra confeſſi ſunt, quòd intentio eorum fuerit omnem Principatum, & Dominium extinguerè, propoſuerintque, mox ut multiplicatè fuerint, ad præliandum contra quocumque turmatim cum vexillo procedere, & omnes ſibi obſiſtentes ſine miſeratione aliqua trucidare.

V. Quintò dicebant, quòd concluſiſſent inprimis oppidum Bruchſal, quod eſt ditionis Episcopi Spireniſis, invadere, in quo jam mediam partem virorum conjuratam ſibi gloriabantur habere; quo, ut ſperabant facile obtento, procederent ulterius armati contra Marchionatum de Baden omnia devaſtantes.

VI. Sextò concluſerant, quòd bona Monafteriorum, Eccleſiarum quoque Cathedralium, & Collegiatarum, ſimul & Clericorum per circuitum omnium, violenter direpta inter ſe velint ſuo arbitrio dividere, & miniſtros Eccleſiæ humiliare, & quantum poſſent, multis peremptiſ ac fugatis, in paucitate degere.

VII. Septimò inter ſe convenerant, quòd ſemel ad vaſtationem Regionis in multitudine ſufficienti congregati, ultra viginti quatuor horas poſt habitam de reſiſtentibus victoriam, non deberent in uno loco remorari, ſed potius ad ulteriora ſemper proficiſci, quouſque omnia ſuæ ſubjecerint conjurationi.

VIII. Octavò, tantam habuerunt in præſumptione fiduciam, quòd putabant ſe omnino jam certos, quoniam ſi conveniſſent vel ſemel ad expeditionem belli, jam nemo eis contradixiſſet ſubjectorum hominum, ſed ruſtici omnes oppidani & cives univerſi amore libertatis ſpontaneâ voluntate, non compulſi, in eorum veniſſent conſortium.

IX. Nonò confeſſi ſunt, quòd inter eos concluſum fuerit, ut feriâ ſextâ in profeſto S. Georgij Martyriſ, inſimul convenire debuiſſent, & armatâ manu oppidum Bruchſal manè diluculo invadere, quod per traditionem eorum, qui erant interius, conjuratorum obtinuifſent, ſi non fuiſſet aliâ occasione impedita concluſio.

X. Decimò confeſſi ſunt, quòd principalis intentio eorum fuerit contra Monafteria, Eccleſias Cathedralis, & Collegiatas, omnemque Clerum, quos & bonis omnibus ſpoliare decreverant, & dominium eorum ſupprimere,

primere, censûsque & decimas dare de cætero neque Clero neque Principibus, sed neque nobilibus intenderant.

Undecimò sunt confessi, quòd concluderint inter se bello & armis libertatem sibi vindicare omnimodam, & deinceps nullius pati dominium: non dare censum alicui, non decimas, non precarias Principibus, non vectigal, nec aliud quicquam, sed velint ab omni tributorum gravamine penitus esse liberati.

xi.

Duodecimò proposuerunt, venationes, piscationes, pascua, nemora, & omnia quæ Principum consueverunt exceptione usibus deservire privatis, in communitatem revocari; ut cuique Rustico liceret venari, atque piscari, ubi & quando voluerit, sine impedimento, vel prohibitione cujuscunque omni tempore & loco.

xii.

Tertio decimò decreverunt in manu suorum valida procedere primò contra Marchionem Badensem, contra Episcopum Spirensen, contra Monachos & omnem Clerum, sicut diximus, in circuitu. Et quicumque contradixisset eis, sine misericordia interficeretur tanquam Justitiæ Dei contrarius inobediens & rebellis. Hæc & alia plura in perniciem Reipublicæ contra Principes Episcopos & omnem Clerum excogitaverat vesana Rusticorum temeritas, in Underngrünbach, in Jolingen, in oppido Bruchsal, alijsque in villis & locis diversis, quorum Omnipotens Deus malitiam suâ bonitate præveniens non permisit, ut consequerentur effectum. Manifestatâ enim conjuratione impiorum plures ex eis capti sunt & mancipati vinculis, de crimine per tormenta, ut est moris, interrogati.

xiii.

Quæ res delata ad aures Maximiliani Regis, animum ejus haud mediocriter commovit, utpote, qui optimè noverat, quanta hæc præsumptio Rusticorum si prævaluisset, mala intulisset Reipublicæ, quæ brevi destruxisset Regnum & omnem Principatum. Unde ut præveniretur, quod imminebat periculum, cunctis Regni Principibus atque Prælati per editum Regale mandavit, quatenus in hujusmodi perjuros nebulones & Petrones animadvertant, eosque juxta sceleris qualitatem sic puniant, ut cæteri metuentes, qui viderint, vel audiverint, similia non præsumant. Præscripsit nihilominus pœnam in litteris, quâ essent singuli plectendi. Et ista fuit constitutionis pœnarum ab eo definita sententia. Omnes & singuli, qui conjuraverunt in hanc Ligam Sotulariam contra Principes, vel Dominos suos, ætatis legitimæ cum jurarent existentes, voluntariè & scienter una cum capitaneis hujus maledictæ societatis, & quicumque juramentum receperunt ab alijs, & qui consilium, vel auxilium huic pestiferæ novitati præstiterunt, morte jussit turpissimâ condemnari: & ut traditores in quatuor partes eorum corpora viventium dividi, scindi atque secari, & bona eorum omnia Dominio confiscari. Atque in majorem terrorem cæterorum liberos eorum proscribi extra patriam in exilium præcepit. Capitaneos verò & primos incæptores hujus conjurationis ad caudas equorum ligari mandavit, & foras trahi ad locum mortis destinatum; alijsque etiam singulis pro qualitate commissorum pœnas determinavit speciales.

Mandato  
Regis Ma-  
ximiliani  
conjurati  
traditores  
capti sunt

Anno igitur Dominicæ Nativitatis prænotato, penultimâ die mensis Maij, quæ fuit secunda FERIA post Festum Corporis Christi, convenerunt in oppido Heidelberg Legati & Oratores quorundam Principum, mandante

Rege

Convoca-  
tio fit Prin-  
cipum Hei-  
delbergæ  
contra Li-  
gam Sotus-  
ariam

Rege Maximiliano. & conſilium habuerunt cum Philippo Comite Palatino ſuper his negotijs, quorum jam fecimus narrationem, ad præcavendum in antea, ne ruſticana temeritas ſimilia contra Dominos & ſuperiores ſuos valeat amplius attentare. Conceperunt ergo certum modum, & quosdam ordinaverunt articulos, quorum uſu & præctiçâ facilè jam erit conjurationes ſubditorum præcavere. De conjuratis autem quotquot inveniri poterant, ſumptum eſt ſupplicium juxta decretum Regis, & ceſſavit iſta nova turbatio, alijs occiſis, alijs mutilatis, ſeu aliter punitis, fugientibus multis.

Conventus  
fit Principum  
in Nürenberg.

Trium ob-  
ſervantiarum  
Ordinis noſtri  
unio ſæpe  
frustra  
tentatur.

Eodem anno, fit Conventus hic in oppido Regali Nürenberg, mandato Regis Maximiliani, qui quidem lentè cæpit, ac diutius duravit. Prævenerat alios Principes Regio nomine Bertholdus ex Comitibus de Henenberg Archiepiſcopus Moguntinus, qui Patres trium Obſervantiarum Ordinis noſtri Mellicenſum videlicet, Caſtellenſum & Bursfeldenſium ſæpius antea ſollicitaverat, ſummo enirens ſtudio, ut poſſet omnes in unam Obſervantiam Regulæ ſanctiſſimi P. N. Benedicti conformem, adunare. Quæ illum conſideratio in hoc permoverit opus, etſi nos minimè lateat, parum tamen ad rem pertinet ſi ſcribamus, cùm ex altero bonus certavit affectus; ex altero ſit indignatione laboratum. Conſenſerunt tamen Duces familiarum ejus audire propoſitum, quamquam conſtaret ex prænotis, fieri non poſſe in tanta diverſitate unionem; neque enim Bursfeldenſibus, qui recentiores, & ob id ferventiores in diſciplina Regulari, animus fuit aliquid remittere obſervantiæ ſuæ, neque Mellicenſibus & Caſtellenſibus quicquam placuit aſſumere conſtitutionis alienæ. Ad complacendum tamen Archiepiſcopo memorato Præſidentes & Definitorum annalis Capituli obſervantiæ Bursfeldenſis apud S. Pantaleonem in Colonia præcedenti anno celebrati ordinaverunt ex ſuis quatuor Abbates, videlicet Joannem Trichemium Spanheimenſem, Macarium Limpurgenſem, Thomam Selgenſtattenſem, & Conradum S. Stephani Herbipolenſem, ut cùm vocati fuerint à præfato Archiepiſcopo, coram eo comparere debeant, ejusque audire propoſitiones, & quibus inniteretur medijs unitatis, advertere.

Comiſſarii  
quatuor  
Abbates  
Nurenbergam  
revocantur  
ad Archiepiſc.

Anno igitur prænotato, ſæpe dictus Archiepiſcopus ad ſe Nürenbergam vocavit prædictos quatuor Abbates, qui octavo die menſis Julij, coram eo comparentes negotium audire & tractare cæperunt una cum ſex alijs Mellicenſum & Caſtellenſum Obſervantiarum Abbatibus, qui ad idem fuerant negotium vocati. Magno conabatur anniſu Bertholdus de tribus obſervantijs facere unam, ſed magna ſe difficultas interpoſuit, & ideò fieri unitatem eo tempore impoſſibile fuit. Enimverò ſicut nobis ad inferiora deſcendere, laxiorémque vivendi formulam aſſumere non placuit, ita illis noſtra converſatio quaſi dura, & importabilis fuit contraria. Calumniabantur in obſervantia noſtra multa, quæ per Articulos complacuit annotare.

Prima Cavillatio  
contra reformationem  
Bursfeldenſium.

Primum quod carnem ſapientibus in Obſervantia Bursfeldenſium diſplicet, nomen eſt humile: cujus diſplicitiæ cauſa quam ſit vana, & temeraria, nemo, qui Dei Spiritu agitur, ignorat. *Verecundum eſt, inquit, ut tam inſignis Religionis Obſervantia nomen à Campo ſuſcipiat ruſtico, quæ potius nuncupari debuerat ab aliquo Monafterio inſigni Regali noſiſſimo & magno.*

Ad



Ad quam Cavillationem breviter respondemus: Merito nomen *Observantia* à loco ubi capit imponitur, ut laus primi reformatoris etiam posteris commendetur. Non locus *observantiam*, sed locum *observantia* commendat. Scio, *Pramonstratensis*, *Cisterciensis*, *Carthusiensis*, *Vallis umbrosa*, pluresque Religiones *Claustralium* alia, nomen sui retinent Principij, quod sicut honorem ostendit auctoritatis, ita nulli contumeliam infert subsequenti. Nec verè Monachus est formatus, qui de nomine loci, vel exultat, vel confunditur, quia non locus Monachum, sed locum bonus Monachus reddit gloriosum.

Secundò. Visitationes in *Observantia Bursfeldensium*, simul biennale & annale Capitulum detestantur nobis adversarij dicentes: *Occupationem esse omnino superfluum, & inutilem pecuniarum expositionem, sive in itinere consumptionem.*

Secunda  
Cavillatio;

Ad hanc breviter dicimus: Quod celebratio Capituli annalis & Visitationes Monasteriorum in Ordine conservant *Observantiam Regularem*. Propterea *Mellicenses & Castellenses* à primo fervore ceciderunt, quia Capitula non celebrarunt; de Visitationum expensis, quam injustè murmurent, si quis scire desiderat, *Benedicti Papa XII.* de hac ipsa materia in Bulla extravagante legat. Quantum est si biennio semel Visitationibus tuis tres florenos tantum exponas? Nunquid vel propter eà Monasterium destituis tibi commissum, vel mendicus panem quaris ostiatim? Dum ea facis quæ sunt Ordinis, non facis malum, quia bonum est Ordo, & nihil sine Ordine bonum: memento Canonis, in quo dicitur. Hoc tollit fiscus, quod non accipit Christus. Verè, quod exponere debitum Ordini contemnis & negligis, in alium usum converti sine ordine videbis.

Responsio  
ad secundam.

Tertiò: *Jejunia* nostra culpant strictissima, continuum reprehendunt silentium, & disciplinas maximè detestantur, quas in Adventu Domini, & in Quadragesima ter in hebdomade consuevimus ab Abbate, vel Priore suscipere.

Jejunia &  
silentium  
Monachorum  
ornamenta.

Nec locus capit, nec tempus, nec ratio permittit Historiæ, ut his longo sermone cavillationibus ordinemus responsum, præsertim cum ea calumnientur Conversationis nostræ Principia, quæ in Regula S. P. N. *Benedicti* fundantur. *Jejunium* quod servamus ipse mandavit, silentium nobis ipse præcepit, Disciplinas verò per Adventum, & Quadragesimam non ex præcepto Regule suscepimus, sed exemplo Patrum, quorum penitentiam novimus, approbatam.

Quarto loco modum nostrum orandi cantandi & legendi reprehendunt: Propterea quod vel in quibusdam discrepamus à veteribus, vel legendas, & historias Sanctorum plures in Choro lectionibus non miscemus.

Ad istam cavillationem plura adduceremus, nisi nos ratio ad alia compelleret festinare. Audiant tamen *Mellicenses*, audiant & *Castellenses* si volunt: Ordinarius noster Divinorum Officiorum per Apostolicam Sedem examinatus, & confirmatus est, quis vestrum confirmavit? Necessaria in opere Divino admittimus, superflua rescamus.

Ordinarius  
Bursfelden-  
sis confir-  
matus est.

Quid multis? In unum convenientibus nobis mentem suam & desiderium super uniendis tribus observantijs memoratis aperuit Archiepiscopus, sed audicæ rerum difficultate cæpit & ipse negotium remittere, & de sui executione propositi aliquantulum desperare. Remansit ergo trium observantiarum separata divisio, ut antea fuerat, in præsentem diem, pro quarum unione facienda multi sæpius ante annos 30. laborarunt licet frustra, inter quos *Eichstättensis* Episcopus commissionem habens Apo-

Uniotrium  
observan-  
tiarum sæ-  
pius frustra  
tentatur,

ſtolicam non ultimus magno ſtudio deſudavit, ſed unionem perficere non potuit.

Raymundus Cardinalis Legatus venit ad Hirſaugiam.

Anno ſupra ſcripto, 28. die menſis Maij, Raymundus Cardinalis Tituli S. Mariæ novæ Gurcenſis vulgariter nuncupatus Apoſtolice Sedis à Latere in Germaniam Legatus ab Alexandro Papa VI. cum gratia Jubilæi deſtinatus, & Principum conſenſu per Maximilianum admiſſus venit ad Hirſaugiam, ſuſceptuſque cum ſummo honore ab Abbate & Fratribus, manſit cum eis diebus non minus quatuordecim ſine Monafterij gravamine ſuis in expenſis. Qui ne hoſpitio videretur ingratus, denuo gratiam Jubilæi Fratribus contulit, & multa Cœnobio Hirſaugienſi privilegia perpetuò valitura conceſſit. Habebat in ſuo Comitatu Conradum Ordinis Carmelitarum Episcopum Nicopolitanenſem, qui fuit aliquando Vicarius Episcopii Metenſis in Pontificalibus. Hic Juſſione ipſius Legati ultimâ die menſis Maij, duo in Eccleſia Hirſaugienſi Altaria conſecravit, alterum in honorem S. Annæ Aviæ Chriſti, alterum in honorem S. Aurelij Confefſoris, & poſtulantibus Abbate cum Fratribus, utrûmque Indulgentiis ditavit, majoribus tamen S. Annæ, quam ſpeciali devotionis venerabatur affectu. Receſſurus tandem Fratres ad locum Capitularem convocat, præmiſſâque exhortatione, plenâ charitatis, & eruditionis, omnium ſe orationibus commendat, & gratiam Jubilæi, ſicut diximus, iterum petentibus donat, ſtatimque inde profeſtus eſt.

Elifabetha Duciffa Wirtenbergiſ in Hirſaugia hoſpitatur.

Eodem anno Peſtilentiâ ſæviente per totam fermè Germaniam, & multos in Civitatibus oppidis caſtellis, & villis utriuſque ſexus homines ubique conſumente, Domina Elifabetha uxor Eberhardi profugi ſecundi Ducis Wirtenbergienſis & in Teck, quondam filia Alberti Marchionis Brandenburgienſium, ærem cupiens ad tempus declinare corruptum, venit cum ſua familia præſens ad Monafterium Hirſaugienſe, manſitque in eo ſine gravamine aliquo proprijs in expenſis ſex menſibus ſummâ quiete manſuetudine & tranquillitate, familiam habens in ſua comitiva honeſtatis admirandæ, qui omnes cum ſua Principe toto illo tempore non ſecus converſabantur in omni pace ſilentio & modestia, quàm ſi aut Monachi fuiſſent, aut Moniales; nulla vox ibi reſonabat incompoſiti clamoris, non cantilenæ audiebantur ullæ, non rixæ, non contentiones, non ludi exercebantur, neque ſpectacula, ſed omnia cum ſilentio fiebant, & honeſtate Principali: Fratres in locis Conventualibus manebant, quieti ſine incurſu, vel occuſu cujuſcunque, & Domina cum ſuis in habitatione veteris Abbatiz juxta portam ſibi deputatam reſidebat, unde per curiam ad exteriorem tranſibat Eccleſiam, interiora Monafterij Fratrum uſibus dimittens libera, neminem ſuorum ingredi permittebat.

Elifabetha matrona devotiſſima plura contulit Monafterio,

Mulier hæc Princeps in Deum religioſiſſima, etſi Monafterio huic Hirſaugienſi nunquam fuerit oneroſa, ſed etiam omnia ſemper uſque ad quadrantem etiam minimum legaliffimè ſolverit, & quæcunque oblata receperit: nihilominus, ut maternum animum ſuum erga Fratres Domino in humilitate ſervientes manifeſtius oſtenderet gratioſum, multa pro decore Domus Dei contulit ornamenta in uſum miniſterij Chriſti. Nam blavij coloris cappam choralem ſericam ſatis pretioſam dalmaticâſque duas, & planetam Sacerdotalem cum omnibus ad miniſterium Divinum neceſſarijs Eccleſiæ contulit, pro quibus nullum Fratribus gravamen viciffitudinis

ciffitudinis indixit, sed Dei solius remunerationem exspectavit. Casulas denique sacerdotales octo viridis coloris optimi panni lanei Sacristiæ Monasterij obtulit, clenodia quoque & jocalia de argento Monasterio similiter contribuit: & alia non pauca Monasterio beneficia ostendit.

## MDIII.

Anno Blasij Abbatis XIX. Indictione Romanorum VI. hyems dura fuit atque prolixa: quam æstas subsecuta est calida nimis & dura siccitatis occurfu: quoniam in 4. mensibus non pluit super terram, maximè quia pluvia nascentijs humi fuerat necessaria. Unde fœnum ante maturitatis tempus aruit, & avena pauca crevit, quò factum est, ut omnia frumenta in pretio nimium ascenderent. Adhuc sæviens pestilentia consumpsit mortales, & pecorum ingens mortalitas fuit, præstiteruntque jam tunc, quæ apparuerunt Cruces ante biennium, significationis suæ formidabile triplicis futuræ calamitatis principium.

Eodem anno, 19. mensis Februarij, quæ fuit Dominica sexagesimæ proximè post Festum S. Valentini Martyris, obiit Joannes ex Marchionibus de Baden Archiepiscopus Trevirorum anno Pontificatus sui LVII. ætatis verò LXXIX. cujus corpus in majori Ecclesia Trevirensi fuit sepultum in sarcophago, quem sibi fecerat in vita præparari. Reliquit Ecclesiam satis tenuem, & ære non parum gravatam alieno, cujus inopiæ causam, nonnulli triplicem assignarunt. Prima fuit Bellum, quod cum Boppardensibus habuit, in quo plus quam centum florenorum millia expendit. Secunda fuit nimia ejus in alienos clementia, quippe qui multis multa contulit ingratis, & qui nihil tale vel ab eo, vel ab Ecclesia Trevirorum meruerunt. Ex cujus ore paucis ante obitum mensibus audiui. *Nihil, inquietabat, magis cruciat animum meum, quàm eorum ingratitude, quibus non merentibus benefeci: quoniam ecce quos exaltavi de stercore, fecique magnos & divites, jam contemnunt me, & partes contra me sequuntur mihi adversas.* Causam deficientiæ tertiam suorum quidam Alchimistarum deceptionibus adscribentes cum plus quam triginta millia florenorum in ea vanitate referunt expendisse. Quam ipse de se opinionem suorum, & novit & redarguit esse falsam, asserens me aliquando præsentem subjurejurando, quòd in Alchimistarum schola ne dicam Sophistria quingentos, & non plures magistris errorum discipulus instituendus exposuisset auri florenos. Sit ita vel non sit, tribus calamitatibus pressum constat, quarum occasione pauper evasit.

Huic in Archiepiscopatu successit Jacobus ex Marchionibus de Baden Christophori ex fratre Nepotis primogenitus, qui prius Coadjutor ejus fuit, ut ante biennium supra diximus, cui & Alexander Papa VI. de successione providebat, licet Decano, & plerisque alijs non placeret. prævaluit tamen, & Joanne Genitoris Patruo viam universæ carnis, sicut est dictum, ingressio, Archiepiscopatum obtinuit, & annis in eo supervixit octo tantum, homo certè eloquio, & ingenio talis, cui similem ea non tulit ætas. Hic antecessori suo funeralia solemni pompâ celebrari fecit in oppido Confluentino Feria 3. post Dominicam Quadragesimæ 2. Patre Christophoro præsentem, ubi multorum comparuerunt nuntij & Oratores Principum Regni.

Hyems prolixa & æstas seu calidissima.

Joannes Archiepiscopus Trevirorum obiit anno Pontificatus sui LVII.

Pœnituit cum assumpti Coadjutoris Jacobi jam contemptus à suis.

Jacobus Marchio Badensis sit Archiepiscopus Trevirensis annis VIII,



Febres pe-  
ſtilentiales  
cum diſen-  
teria affli-  
gunt genus  
humanum,

Anno prænotato, poſteaquam diræ ſævitia peſtis Epidimiæ huma-  
num genus pluſquam 12. meſes graviter oppreſſiſſet, & tertiam partem  
hominum in quibuſdam, mediam in pleriſque (*non mentior*) conſumpſiſ-  
ſet, nova & dira ſupervenit ægritudo mortalibus, cujuſ multi tabeſcentiâ  
interierunt. Fuerunt enim febres peſtilentiales in hominibus per totum  
Regnum Germanum ubique, fuerunt calores, & dolores capitis ferè in-  
tolerabiles, fuerunt & diſenterix fluxus horribiles, cui miſeriæ curam  
adhibere etiam periti medici non noverunt. Annus totus nimium cala-  
mitate plenus nil niſi malum figurabat, in quo plures viri notabiles mor-  
borum nimietate oppreſſi deceſſerunt.

Joannes  
Camera-  
rius Dal-  
burgius  
Epiſcopus  
Wormatiæ  
obiit.

Joannes  
Dalburgius  
trium fuit  
linguarum  
peritus.

Eodem anno, 27. die menſis Julij, quæ fuit FERIA 5. poſt Feſtum S. Jacobi  
Apoſtoli, circa undecimam horam poſt meridiem in nocte, Heidelber-  
gæ moritur Joannes Camerarius Dalburgius Eccleſiæ Wormatienſis Epi-  
ſcopus anno Pontificatus ſui XII. cujuſ Corpus relatum in Wormatiam  
in majori Eccleſia debito honore traditur ſepulturæ: miſerabilem caſum  
tanti Pontificis flentibus per Germaniam cunctis hominibus bonis, & viris  
facultate qualibet eruditis, cui ſimilem inter Epiſcopos noſtrâ ætate non  
habuit Germania, nec fortè in multis ſequentibus habitura. Fuit enim  
trium principalium linguarum Hæbreæ, Græcæ, Latinæ ſatis admodum  
peritus, & plura in his congregavit volumina, in omni penè facultate lit-  
teraria rara & pretioſa, in quorum lectione, quoties à curis Reipublicæ  
vacare potuerat, ſummâ delectatione verſabatur. Erat enim Philippi  
Comitis Palatini Archicancellarius, & ſupremus à ſecretis, cujuſ ratione  
officij neceſſe fuerat ipſum continuo in multis occupari. Præceptorem  
habuit in litteris Hæbraicis & Græcis Rudolphum Agricolaſ Frifiſum ex  
Grüningen oppido natum; hominem unde quaque doctiſſimum, in Ec-  
cleſia Fratrum Minorum Heidelbergæ ſepultum, quo docente maximum  
utriuſque linguæ notiæ conſequutus eſt documentum.

Opuscula  
Joannis  
Dalburgij  
Epiſcopi.

Epiſcopus  
Worma-  
tienſis no-  
ſtræ tempe-  
ſtate doctiſ-  
ſimus.

Inter noſtræ tempeſtatis Pontifices facile doctiſſimus extitit, quem  
non ſolum Germani, ſed Itali & Galli ſæpius mirabantur orantem, dum  
& Romæ ſub Innocentio Papa publicè peroraret in Conſiſtorio, & Pariſijs  
coram Rege Ludovico. Scripſit ingenij ſui quædam opuscula in Mathe-  
matica præcipuè, ſed præ nimij & continuis occupationibus Reipublicæ,  
quibus detinebatur, in hanc lucem pauca edidit inopinatâ morte præven-  
tus. Vidimus in ejus Bibliotheca Laudenburgi oppido ejus reſidentix  
inter alia, quæ jam abſolverat, de inventione, ratione & qualitate mone-  
tæ lib. unum. De origine nobilitatis lib. 1. De numerorum arcanis my-  
ſterijs lib. 1. De Convenientia linguarum Græcæ & Theutonicæ multa  
comportavit, in quibus pluſquam tria millia vocabulorum extraxit, con-  
ſignavitque Theutonice, quæ & Græcis conſonant, idemque ſignificant.  
E Græco ſermone orationes nonnullas tranſtulit in Latinum, & quædam  
alia. Verè Mæcenæſ hoſpes, & patronus omnium bonorum atque do-  
ctorum virorum hujus tempeſtatis unicus extitit Joannes Dalburgius,  
inter Doctores doctiſſimus, inter eloquentiores facundiſſimus, inter  
Philophos Plato, inter Muſicos Timotheus, inter Oratores Demotheus,  
inter Aſtronomos Firmicus, inter Arithmeticos Archimedes, inter Poetas  
Virgilius, inter Coſmographos Strabo, inter Pontifices Auguſtinus, inter  
Cultores

Cultores pietatis Numa Pompilius. Huic in Pontificatu successit Reinhardus de Sickingen vir bonus & honestæ conversationis.

Anno prænotato, 18. die mensis Augusti, Romæ obiit Alexander VI. anno Pontificatus sui undecimo cum certis diebus completo, apud S. Petrum solemni pompâ sepultus. Fertur autem venenato interiisse poculo, quod Valentinus filius ejus cuidam paraverat Cardinali, quem destinaverat necandum insidiosè, verùm errore ministri factum est, quod haussit Papa venenum, Cardinalis autem salvus evasit, cui fuerat ab impio homicida paratum.

Alexander  
Papa VI.  
Romæ ve-  
neno filij  
moritur.

Post Alexandrum Cardinalium electione unanimi summum in Pontificem creatus est Franciscus de Piccolominibus tituli S. Eustachij Diaconus Cardinalis Senensis vulgariter nominatus; & dictus est Pius III. præfuitque diebus tantum 26. Vir certè ingenio clarus doctus, & longâ rerum experienciâ venerandus, Pij II. ex Laodemia sorore nepos; quare mox ut Pontificatum fuit adeptus, cœpit in Gallos conspirare, graviter ferens, eorum tyrannide Apuliam Lombardiam, & Italiæ partem non modicam occupari, sed morte præventus oppetiit sedecim Pontificatus sui diebus exactis, non sine suspicione veneni eorum, qui partes tantum sequebantur Gallicanas.

Pius fit Pa-  
pa III. &  
præfuit die-  
bus tantum  
26.

Quo sublato Julianus Cardinalis Presbyter S. Petri ad vincula Hostiensis Episcopus PP. suffragio in Papam electus, & Julius dictus ejus nominis secundus, præfuit annis 10. vir strenuus & longo tempore in curiæ negotijs valdè expertus, qui Ecclesiam S. Petri Romæ sumptuoso apparatu construxit, Concilium quoque Lateranum Generale celebrare cœpit, bella contra Venetos, & alios Ecclesiæ rebelles plurima gessit, Ravennam & alia multa recuperavit.

Julius fit  
Papa II. &  
præfuit  
annis x.

Anno etiam præsignato, cùm Udalricus Dux Wirtenbergensis sub tutoribus constitutus, quos ipsi Regentes nuncupabant, eorum nutu ipse regeretur simul & Ducatus, vices suas Maximilianus Rex interposuit, amotis Regentibus omnem administrationem Principatus eidem ut legitimo hæredi moderandum commendavit, cùm annum ageret ætatis 16. Pensiculabat enim jam tunc Maximilianus Rex in Adolescente animum generosum, nobilem atque maturum, tum ingenio tum viribus pro ætate mirabiliter decoratum, qui satis ad gerendas res, & Patriæ defensionem videretur idoneus. Erat sanè tum Adolefcens supra ætatem intelligens, ingenio subtilis, eloquio facundus & affabilis, & quod maximè commendatur in Principe, mansuetus, non severus, non crudelis, non superbus.

Dux Wir-  
tenbergen-  
sis Udalri-  
cus Maxi-  
miliano  
charus.

Ad mandatum itaque Maximiliani Regis convocantur in oppido Ducalis residentie Stutgardiam, Prælati, Abbates, Nobiles, & Communitates terræ Wirtenbergensis, quibus congregatis Legati Regales astiterunt, & præceptum Regis confirmantes documento litterarum, & vivo sermone luculenter exposuerunt, eam in animo Monarchæ residere sententiam, patriæ non conducere ad utilitatem, si diutius regatur dominio plurimorum, sed convenire melius, ut unius moderamine Principis gubernetur.

Consultatio de his inter eos facta est, matura cum deliberatione, quibus tandem placuit obedire edictis majoris, & unum habere potius, cui rerum committeretur summa, quàm plures; depositis igitur magistrati-

Udalricus  
Dux guber-  
nacula  
Principatus  
sui accipit.

bus Dux Udalricus Adoleſcens, ſicut diximus annorum 16. gubernator patriæ unus aſſumitur, & à cunctis ut Princeps Wirtenbergenſium verus & legitimus ſalutatur.

Conventus  
ſit Princi-  
pum Ele-  
ctorum in  
Franckfurt

Eodem anno, in menſi Octobri, circa Feſtum SS. Apoſtolorum Simo- nis & Judæ, factus eſt in oppido Regali Franckfurt conventus quorun- dam Principum, & diebus ferme 14. duravit. Convenerant enim Her- mannus Archiepiſcopus Coloniensis, & Bertholdus Archiepiſcopus Mo- guntinus, Jacobus Archiepiſcopus Trevirorum, Philippus Comes Pala- tinus Rheni, & Joachim Marchio Brandenburgensis, quinque videlicet Electoriæ dignitatis Principes. Porro ex parte Friderici Ducis Saxonie comparuit Henricus de Banavv auratus eques doctiſſimus; cauſas autem conventus eorum paucis voluerunt eſſe manifeſtas. Aderant etiam in eodem conventu Legati Maximiliani Regis Germanorum, Raymundus quoque Presbyter S. Mariæ novæ Cardinalis Epicoſopus Gurcenſis & Apo- ſtolice Sedis Legatus per Germaniam de latere, vir doctus & integerri- mus, de Colonia navigio aſcendens per Rhenum & Moganum cum Fami- lia ſua venit ad Franckfurt, & in eodem conventu finem legationis fecit. Inde poſt dies 14. iterum deſcendit ad Moguntiam, poſtea verò per Wor- matiam ad Spiram, & deinde per Auguſtam in Italiam proſectus eſt. Qui veniens Romam à Julio Pontifice maximo & Cardinalibus ſummo cum honore ſuſceptus eſt, & magnis divitijs auctus Viterbij dominium accepit.

Regina Da-  
ciæ de ca-  
pritate  
Suedorum  
liberatur.

Anno etiam prænotato, Regina Daciæ uxor Joannis Regis & mater Chriſtierni hodie in Daciâ regnantis, quæ per 4. annos in Regno Sueciæ manſerat captiva, indiſtriâ & ope Raymundi memorati Cardinalis, cum legatione ſua fungeretur in Ducatu Holſatiæ, Civiumque Lubecenſium, auxilio liberata eſt, & in Daciâ cum honore & gaudio reducta. Cum enim Daciæ Rex memoratus ante annos 4. accepturus Regnum, Sueciam cum uxore & navibus multis fuiſſet ingreſſus: Suedi nolentes eum regnare ſuper ſe, reſiſtere occurrenti cœperunt, & eo cum ſuis vix evadente navi- bus, Regina remanſit captiva.

In Eccleſia  
Eichſel  
multa ſunt  
per ſanctas  
miracula.

His temporibus facta ſunt plura miracula & virtutes ſanctatum in Eccle- ſia parochiali villæ cujuſdam Eichſel dictæ, Conſtantiensis Diœceſis, non procul ab oppido Reinfelden, quod eſt Baſiliensis Diœceſis, ad memoriam & invocationem 3. SS. Virginum in eadem Eccleſia corporaliter quieſcen- tium, videlicet Kunegundis, Wiberadis, & Mechtildis, quæ licet ab Eccleſia Romana canonizata non ſint, ut ſanctæ tamen habentur ab incolis terræ, & miraculis quotidie coruſcant ingentibus. Audiens hunc miraculorum rumorem Legatus Apoſtolice Sedis Raymundus, cum eſſet apud Baſi- leam, miſit ad prædictum villagium Eichſel unum à ſecretis, anno præno- tato Jacobum videlicet Merboldum Clericum Bambergensem pro inqui- ſitione veritatis eorum, quæ fama ſparſerat. Qui veniens ad locum Feria 4. poſt octavas Pentecoſtes, quæ fuit Vigilia Feſti Corporis Chriſti, vidit mulierem uno oculo cæcam per 16. annos, ad memoriam & tumbas præ- dictarum ſanctarum illuminari, & defectum oculi penitus auferri, ſicque veteris deinde in ea nullum apparuit morbi veſtigium.

Mulier cæ-  
ca illumi-  
natur in ea-  
dem Eccle-  
ſia.

In Sabbatho ſequenti venit mulier, quæ biennio contracta fuit, adeò quòd continuo lecto decumbens nuſquam progredi potuerit, neque ambulare,



ambulare, neque de stratu se movere; hæc audiens, quod miracula in Eichsel fierent, ad memoriam, & invocationem prædictarum sanctarum, se vovit cum oblationibus ad easdem, & ecce voto hujusmodi facto subito convaluit, surgensque de grabato, in quo jacebat, per se sana votum promissum adimplevit.

Adolescens annorum 18. cum esset adhuc puer in tertio anno constitutus incipiens jam loqui, ex tonitru & coruscatione loquelam amisit, & per annos quindecim loqui non potuit. Ejus Parentes & amici cum audissent, quod miracula tanta fierent in Eichsel, votum pro salute ipsius ad SS. Virgines emisit, quod mox ut cum eo perfecerunt, loquutus est sine impedimento, ac si mutus nunquam extitisset: multa & facta sunt & quotidie fiunt ad memoriam sæpè dictarum Virginum miracula, quæ brevitate causâ omittimus.

Mutus ad invocationem SS. loquitur,

Anno præsignato, 22. die mensis Julij, quæ fuit solemnitas B. Mariæ Magdalena festiva, Blasius hujus Monasterij Abbas quadragesimus primus senio & morbo gravatus, sacrisque præmunitus Ecclesiæ Sacramentis, & datâ benedictione Fratribus, non tam moriens, quàm dormiens in Domino quievit, anno regiminis sui octavo decimo mense nono, die verò septimo decimo. Cujus Corpus in Capella omnium Sanctorum, quam ipse à fundamentis construxerat novam. Fratres non sine lachrimis multis debito cum honore sepelierunt, funeralia pro ejus salute celebrantes magnifica, convocatis è vicinia Sacerdotibus multis.

Blasius Abbas hujus Monasterij 41. obiit,

Quanta fecerit huic Monasterio bona tempore sui regiminis in construendis novis ædificijs, in reparandis antiquis, in augmentandis proventibus, & comparandis Ecclesiæ ornamentis, & in præcedentibus partim annotavimus, & replicare hoc loco non gravamur. Fuit enim vir talis, cujus memoriam justè Hirsaugiana celebrabit familia æternam, nec fuit in trecentis annis Hirsaugiensium Abbas aliquis, qui Monasterium in structuris, clenodijs, ornatibus, & bonis temporalibus, ut ipse, dilataverit. Structuras etenim tam in Monasterio, quàm extra in possessionibus ejus meliores fecit plusquam in decem millium æstimatione florenorum. Abbatiam ædificavit novam, ambitum quoque per tria latera cum fonte aquarum viventium: Refectorium tam hyemale, quàm æstivale, non sine magnis sumptibus fecit utrumque novum cum picturis. Cæteras ædificationes ejus novas atque structuras per ordinem majori ex parte jam ante dixeram.

Blasius Abbas quanta huic Monasterio fecerit bona,

Non minorem summam pecuniarum exposuit ad communem utilitatem Monasterij, pro fundis & bonis temporalibus, pro agris, pratis, nemoribus, aquis, aquarumque decursibus, simul & piscationibus, quemadmodum in præcedentibus juxta seriem annorum, in quibus factæ sunt hujusmodi emptiones, ex parte jam diximus. Pro clenodijs argenteis & inauratis, scyphis, atque pectorijs non minus quàm mille florenos exposuit. Ecclesiam tabulis picturis, ornamentisque divini ministerij valde decoravit, & cunctis Monasterij officinis quæque vasa, instrumenta & domus utensilia numero & pretio meliora comparavit. Constat enim, quod Monasterium sub ejus Regimine structuris possessionibus proventibus melioratum est, in summa viginti quatuor millium florenorum.

Res Monasterij auxit in viginti quatuor millibus florenorum.

Qui



Blasius Ab-  
bas invidiâ  
æmulorum  
non caruit.

Qui cùm talis esset tam utilis Monasterio, tantûsque prudentiâ circumspeditione rerûmque penè omnium experienciâ insignis prælatus, invidiâ tamen pravorum hominum simul & quorundam odio Fratrum carere non potuit, quorum improbitate ad tempus graviter exercitatus fuit. Ad hunc Blasium Abbatem ego Joannes Trichemius tum Abbas Spanheimensis librum Περδικὸν de ordinis nostri ruina lucubravi, & scripsi ab eo rogatus, qui liber ad mensam legebatur Abbatum, quando Capitulum Provinciale ante decennium hic agebatur in Hirsaugia.

## De Joanne secundo, hujus Monasterij Hirsaugiensis Abbate XLII. qui hæctenus præfuit XIII. annis.

Joannes  
Hafmann  
Abbas Hir-  
saugiensis  
XLII.



Nno Domini nostri Jesu Christi prænotato millesimo quingentesimo tertio, Indictione Romanorum sextâ, post mortem & sepulturam Blasij Abbatis æternâ memoriâ digni, qui sicut diximus obierat in die sanctæ Mariæ Magdalænæ, hoc est, vigesimâ secundâ die mensis Julij, Prior & Fratres hujus Monasterij Pastoris solatio destituti, ne viduitatis suæ incommoda diutius deploraret Ecclesia, diem mensis Augusti secundum pro electione novi statuerunt Abbatis. Vacavit interim Abbatia diebus decem, quibus absentium à Monasterio præstolabatur adventus. Instante autem termino præfixo jejunium Fratres triduanum juxta morem Ordinis præmiserunt. Et in ipso electionis die Missâ de Spiritu Sancto solemni devotione cantatâ, singulis quoque Sacerdotibus sacrificium Deo Patri offerentibus, communicatis non celebrantibus, ad locum Capitularem DEI nomine se contulerunt: ubi præmissis iterum orationibus, & factis juramentis consuetis feliciter negotium incæperunt.

Via com-  
promissi  
mixtâ ser-  
utinio in ele-  
ctione pro-  
cesserunt.

Complacuit autem omnibus per viam compromissi mixto scrutinio ad electionem procedere: propterea quòd hic eligendi modus & communior sit, & securior. In tres ergo de Conventu Fratres compromiserunt seniores viros per omnia maturos, boni testimonij & Religiosissimæ conversationis, de quorum integritate nihil fuerat dubitandum; Joannem videlicet de Rodt Priorem quondam in Reichenbach, & in Schönrein, Joannem quoque Gächinger procuratorem in Gilstein, & Conradum de Rudlingen custodem & præpositum S. Aurelij transpontem. His tribus ceteri omnes scrutandi vota singulorum commisserunt officium, sub eo videlicet moderamine conditionis, ut singulorum votis in secreto receptis, & per notarium coram duobus testibus in scedulam signatis illum vice & nomine totius Conventus eligerent nominarent, & publicarent Abbatem, qui multitudine votorum excelleret; quòd si duo vel plures paribus convenirent in votis, non habentes in numero superantem, penes compromissarios ipsos maneret auctoritas, quem judicaverint magis idoneum eligere ac nominare pastorem. Scrutatis igitur per Ordinem votis singulorum pars major numero & potior Auctoritate Conventus in Abbatem hujus Monasterij Hirsaugiensis quadragesimum secundum concorditer elegit Joannem cognomine Hafmannum de Calve majorem cellerarium, virum ingenio mitem placidum & mansuetum moribus

Joannes  
Abbas ele-  
ctus est co-  
gnomine  
Hafmann  
ante major  
cellerarius.



moribus integrum Religiosum & honestum, qui ut se nominari audiret in Abbatem esse Conventualiter electum, obstupuit, & electioni consentire recusavit. Nihil enim minus cogitaverat, quam se futurum Abbatem, non quòd alicujus malefacti eum terreret conscientia, sed quia semper de sua humilitate contentus maluit subesse humiliter alteri, quàm alijs præesse cum periculo. Tamen victustandem precibus Fratrum præbuit electioni de se factæ consensum, confirmatúsque à Ludovico Spirensi Episcopo, & per ejus in Pontificalibus Vicarium ex more benedictus, cum debita solemnitate, hodie agit in Abbatia annum decimum.

Abbas iste Joannes natus in oppido Leonberg parentibus liberis & honestis, sed majori vitæ suæ parte nutritus in oppido Calve, patriâ Suevus, in pueritia positus ad studium litterarum, cum esset ingenio docilis, brevi tempore multa discendo profecit. Deinde Spiritu Sancto indubitanter vocante, venit ad Monasterium anno Domini millesimo quadringentesimo octuagesimo primo, & Monachus factus est sub Bernardo Abbate, qui cum esset Juvenis ingenio naturali præditus bono, & memoria vicensingulari, citò apprehendit docente Magistro, quicquid ad institutionem Novitiorum pertinet simul, & quomodo Monachum vivere oporteat secundum intentionem sanctissimi Legislatoris nostri Benedicti, Patrumque sanctiones observantiæ Bursfeldensis. Hæc Juvenis cum in Novitiatu simul & primo tyrocinio Monachatus sui perfectè didicisset, memoriæque tenacissimè mandasset, ne videretur otiosus auditor legis, in cujus verba juravit, summo studio summoque conatu & maximâ diligentia, qua nunc fieri potuit annisus est, ut non minus opere quam scientiâ Monachus evaderet. Unde sicut audivimus ab ijs, qui hominem intus & in cute noverunt, pluribusque annis cum eo in Domo Dei ambulantes conversati sunt; ex eo tempore quo semel habitum S. Conversationis assumpsit, & deinceps usque in horam, quâ fuit Abbas electus, tam purè tam Religiosè, tam humiliter tamque innocenter in medio Fratrum conversatus est, ut monasticæ virtutis exemplar cunctis non minus esset quàm socius. Enimvero considerans, quare venerit ad Monasterium, & cupiens voto satisfacere, quod distinxerant Deo labia ejus, pacificè tranquillè & irreprehensibiliter transivit ante faciem suam, nulli gravis, nulli molestus, nulli onerosus, sed obsequiosus omnibus, humilis obediens, & ob id dilectus universis. Nemo illum vidit sine ratione iratum, nemo risu aut levitate resolutum, nemo unquam expertus est illum injuriosum. Verùm ne videar hominem adhuc in carne viventem, aut nimio favore, aut adulationis studio laudare contra inhibitionem Viri sapientis, impetum dicendi cohibeo, & his qui post me finem ejus, & quod restat vitæ, reliquum scripturi sunt, gesta & virtutes tanti viri posteris imitanda relinquo, paucis tamen adjectis, quæ ad rationem ipsius historiæ videntur pertinere.

Monachus igitur factus cum velut alter Aoth ambidexter haberetur & esset, quod paucis contingit, primò per Abbatem Blasium magister coquorum institutus est, in quo ministerio biennio Fratribus diligentissimè & inculpatè servivit. Deinde major cellerarius ab eodem Abbate Blasio factus Marthæ officium strenuè gessit nonum in annum, qui juxta Pauli sententiam bene ministrando providentiâ Dei haud dubium ordinantè gradum optimum ascendit. Jam nunc Lector, si placet ausculta, & ne fias

G g g g

Judex

Joannes  
Abbas Pa-  
triâ Suevus  
erat.

Joannes  
Abbas con-  
versatione  
vitæ verè  
fuit Mona-  
chus.

Joannes  
Abbas in  
medio Fra-  
trum sine  
querela vi-  
tam pere-  
git suam.

Joannes  
ve ut Aoth  
ambidexter  
ad omnia  
natus est.



Judex temerarius, si ego satis faciam officio meo honestâ necessitate compulsum.

Joannes  
Abbas qua-  
lis sit Nico-  
laus Base-  
lius aperit.

Joannes  
Abbas est  
discretionē  
præcipuus  
justus &  
mansuetus.

Conradus  
de Leon-  
berg Prior  
Hirsaug-  
iensis de-  
votissimus.

Georgius  
Bavariæ  
Dux cogno-  
mēto dives  
moritur.

Ordinatus Abbas Joannes iste, de quo nobis est sermo, qualis erga Deum fuerit, qualis erga seipsum, qualis erga sibi Fratres commissos, & qualis erga proximum, breviter posteritati, si possum, litteris faciam manifestum, non meâ opinione, non relatione vagâ, non intentione adulandi perversâ, sed narratione, informatione, & scriptis quondam charissimi apud Spanheimensis Monasterij gymnosophistas Discipuli mei Fratris Nicolai Baselij ex Durckheim oppido Comitum de Liningen Monachi Hirsaugiensis, & memorati Abbatis docti Magistri epistolarum, cujus ego verba subjungam, qui nescit mentiri, & adulari non consuevit. *Venerabilis*, inquit, *Pater Joannes Hasmann de Caluwe*, posteaquam novem annis *Martha* officium (majoris videlicet Cellerarij) strenuè utiliter & inculpate sub moderamine Blasij Abbatis recolepta memoria administrasset, quarto nonas Augusti, quæ fuit solemnitate sancti Stephani Papa & Martyris festiva, in Abbatem eligitur. Vir magna humilitatis, animo constans integer & sincerus, sine dolo, sine fraude, sine malignitate, devotus purus, & pientissimus in Deum: durus, circumspectus, ac vigilantissimus circa semetipsum in omnibus, quæ ad conscientia serenitatem pertinent: in observantia Disciplina Regularis tam in se, quàm in alijs subditis suis omni tempore studiosissimus, in corrigendis Fratrum delictis juxta præceptum sanctæ Regula summâ discretionē utitur, bonis factus per humilitatem socius, malis autem, & qui verba Paternæ admonitionis despiciunt, durus, & severus. Dissimulare nescit scelera subditorum, sed mox radicitus amputare nititur, Patrem se benevolis & modestis verbis & operibus exhibens pientissimum. Duris autem corde austerum magistrum, durum correctorem. Super omnia pacem diligit inter Fratres, nec ullâ ratione patitur, ut alter ab altero quâlibet occasione perturbetur. Qui licet curam secularium negotiorum necessario gerat pro communi utilitate continuam, tamen internæ conversationis studium nullatenus intermittit. Ad Deum est in amore fervidus, ad se in conscientia serenus & purus, ad subditos justus rectus pius & mansuetus, in pauperes misericors, & munificus; quem in bono conservare proposito semper dignetur altissimus.

Priorem habuit Conventus nomine Conradum Patriâ Suevum ex Ducali oppido Leonberg oriundum, virum in observantia Regularis disciplinæ studiosum, cujus adjutorio ut dexteræ manus non mediocriter relevatus, & interiora componit securior, & exteriora majori tranquillitate dispensat. Magna res est, & singulis quibûsque Abbatibus multum necessaria, si Priores & Cellerarios habeant bonæ rationis, intelligentes Zelosos, atque fideles, in quorum ministerio securè quiescant. Talis certè est Conradus Prior memoratus Religionis monasticæ zelosus, amator custos & conservator in se, & Fratribus omni tempore studiosus, diligens & integerrimus; in quo Abbas securè possit quiescere, utpote qui verbo & exemplo talem se gerit in omnibus, qualem & Regula & observantia nostra Priorem requirit. Andream quoque Cellerarium consequutus fidelem, intelligentem, & morum integritate venerabilem, secunda interna respicit, quia ministerio ejus in exterioribus adjutus in se redire frequentius post occupationes & multas & varias permittitur.

Anno prænotato, mortuus est Georgius Dux Bavariæ cognomento dives, unicam relinquens filiam nomine Elisabeth, nuptam Ruperto filio Philippi

Philippi Comitis Palatini Bavariaeque Ducis ac Principis Electoris, quem admodum supra diximus anno nonagesimo nono supra quadringentesimum atque millesimum, dispensatione Romani Pontificis, quia juncti fuerant in secundo gradu consanguinitatis. Mater enim Ducis Ruperti soror fuerat Ducis Georgij, qui Dux Georgius re simul, & cognomine dives tantum in auro, argento, unionibus & lapidibus pretiosis, reliquit thesaurum, quod ei nullus in Germania Princeps aestimatione poterat comparari.

Hanc ejus mortem infinita penè mala subsequuta sunt. Prius enim quàm moreretur, generum suum Ducem Rupertum de Heidelberga cum uxore & liberis ad se vocavit in Bavariam, cupiens eum hæredem instituere Ducatus sui, & omnium quæ possidebat. Venit ad socerum generum cum uxore & liberis anno fermè prius, quàm obiret, habitavit cum eo in Bavaria, & oppida quædam atque munitiones socero mandante in dedicationem accepit. Moriturus autem Dux Georgius sæpe dictum Rupertum generum suum ex testamento hæredem universorum instituit, eumque violenter ad Bavariae Ducatum introduxit. Quæ res Alberto Bavariae Duci, ut hæredi proximiori displicuit, & testamentum Ducis Georgij reclamavit. Sed Georgius Dux quam diu vixit, manu tenuit Generum, & sedulo ne discederet à testamento, se mortuo, admonebat. Quo tandem vita defuncto cum Dux Albertus postulando nihil proficeret, Regis judicium imploravit.

Inter Albertum & Rupertum Bavariae Duces dissensio.

Rex igitur Maximilianus vocatis ad se partibus, ut verus amator pacis & cultor justitiæ conabatur summo studio inter Duces reformare concordiam: propositisque multis & varijs remedijs nihil apud Ducem Rupertum (quem tamen singulari prosequeretur favore) profecit. Erat autem Dux Rupertus amabilis, inclitus, mansuetus, & humanus valdè, qui Regis non detrectasset in omnibus sequi decretum, si res in ejus posita fuisset arbitrio. Annum ætatis tum agebat vicesimum secundum. Habebat in consilio quosdam à Patre sibi deputatos in directores, quorum arbitrio agere cuncta oportebat. Hi fiduciam ponentes in multitudine thesaurorum, Regis contempserunt sententiam, non prævidentes mala, quæ sequenti anno ex tali sequuta fuerunt inobedientia. Non semel sed sæpius Rex Maximilianus pietate motus Adolescentem admonuit, ut propositas sibi æquas condiciones acceptaret concordiae & pacis: ubi cum semper reperit contumacem, Banno tandem imperiali cum omnibus ei adhaerentibus notavit, quod anno sequenti cum contingerit, temporis ordini scribendum reservamus.

Maximilianus Rex conabatur inter eos reformare concordiam.

Dux Rupertus concordiam à Rege propositam contempsit.

#### MDIV.

Anno Joannis Abbatis I. Indictione Romanorum septimâ, Provinciale sive generale Ordinis nostri Capitulum, quod juxta recessum in Monasterio Fuldensi ante triennium scriptum hoc anno debuerat celebrari apud S. Udalricum in Augusta, propter malitiam temporum & imminencia bella, quæ jam tunc miserunt in altum radicem inter Maximilianum cum Principibus & civibus Regni, & Rupertum Comitem Palatinum & Patrem ejus Philippum Principem Electorem, necessario fuit intermissum, & usque in annum Christi millesimum quingentesimum sextum suspensum.

Capitulum Ordinis nostri provinciale bienno propter bella suspenditur.

Bellum totius Regni Germanici contra Palatinum instituitur.

Eodem anno, poſteaquam Maximilianus Rex Germaniæ Romanorūque electus & deſtinatus Imperator ſingulari benignitate, multā clementiā, & labore conatus ſuos fruſtra conſumpſiſſet in eo diſplicitiarum negotio, quod pro Ducatu Baviariæ mortui Ducis Georgij, ut paulo ante diximus, hærebat inter Duces Rupertum & Albertum, & Dux iſte Rupertus teſtamento inniteretur ſoceri, & non vellet obedire decretis Regalibus conſilio ſuorum deceptus, imperiali banno cum omnibus ſibi adhærentibus notatur. Verū non attendens interdictum Regale Dux Rupertus contractis undique copiis munitiones Ducatus ſoceri nonnullas occupat, & omnia quæ illius fuerant, ſua eſſe teſtatur. Requiſitus & præmonitus ediſto Regio Philippus Comes Palatinus genitor Ducis Ruperti, ne filio exbannito faciat aſſiſtentiam, dubius & anceps diu animo fluctuabat: ex altera parte affectu paterno urgebatur ad ſubveniendum filio, ex altera verò Regio terrebarur ediſto. Et quid faceret in tali Pater neceſſitatis articulo conſtitutus? Si filium deſeruerit, judicabitur impius atque crudelis. Si adhæſerit, ſi conſilium, vel auxilium pro eodem dederit, inobediens Regiæ Majeſtati cenſetur meritò atque rebellis. In tali ambiguitate nutans vicit tandem affectus in eo paternus, & diſſimulatā interim, quam Regiæ Majeſtati debebat obedientiā, naturam prætulit legibus humanis.

Comes Palatinus propter adhæſionem filij exbannitur à Rege.

His recognitis Maximilianus Rex totius Regni Principes, & cives unā cum miniſterialibus in bellum contra Ducem Rupertum, ejusque genitorem Philippum Comitem Palatinum & omnes cum eis ſentientes convocat: bellūque indicit Regni commune eiſdem, tanquam in eos, qui mandatis Regalibus inobedientes fuerant atque rebelles contumaces, & ob id omni privilegio nudatos. Conceſſit etiam ut unicuique liberè & impunè liceret eos ut Regiæ Majeſtatis contemptores, & exbannitos invadere, ſpoliare, trucidare, & interficere.

Nomina Principum contra Palatinum perſonaliter moyentium.

Et ecce conveniunt ad mandatum Regis mox in unam ſententiam Principes multi, Cives quoque penè omnes in viciniâ Regni, Comites ſimul & nobiles, & quaſi ex condiſto in Palatinum Comitem, & filium ejus unanimi conſenſu arma contulerunt. Et hæc ſunt nomina Principum. Rex, Fridericus Marchio Brandenburgensis, Albertus & Wolfgangus fratres Baviariæ Duces, & in cauſa Principales, & Wilhelmus Landtgravius Haſſiæ, Udalricus Dux Wirtenbergensis, Alexander Comes Palatinus Baviariæque Dux & Comes Veldentiæ, Henricus Dux Brunſvicensis: auxilia miſerunt Regi Maximiliano contra Palatinum, Episcopus Auguſtenſis, Joachim quoque Marchio Brandenburgensis Princeps Elector; Cives inſuper Regni, Argentinenſes, Auguſtenſes, Ratisbonenſes, Nürenbergenses, Ulmenſes, ex tota Liga Suevica cum alijs multis nobilibus & Comitibus in perniciem Palatini unanimiter conſpirantes arma moverunt. Plures etiam Comites & Militares, qui prius cum Palatino ſenſerant, hâc ſuperveniente neceſſitate Regis que urgente Imperio ab eo defecerunt.

Quatuor contra Palatinum producuntur exercitus.

Rege itaque Maximiliano præcipiente, quatuor à locis in Palatinum movetur expeditio, quam ipſe primam ordinavit in Bavaria. Secundam Udalricus Wirtenbergensium Dux. Tertiā Wilhelmus Haſſiorum Landtgravius, & quartam Alexander Dux Baviariæ & Comes in Velden-

ſia.



tia, qui tamen parum fecit, quia multum non potuit. Bertholdus Archiepiscopus Moguntinus, Laurentius Episcopus Herbipolensis, & Albertus Episcopus Argentinensis, Ludovicus Episcopus Spirensis, Reinhardus Episcopus Wormatiensis, Christophorus Marchio Badensis, Joannes Dux Bavariae & Comes Spanheimensis: Cives quoque Spirenses & Wormatienses, quia conterminant finibus Palatini Comitum terrae, ne se periculo involverent, quod eis è vicino iminebat, permissione seu dissimulatione Regis à tumultu bellico quieverunt.

Initium sicut dictum est, hæc mala sumpserunt in Bavaria contra Ducem Rupertum Regio decreto inobedientem atque rebellem, in quem arma moverunt Maximilianus Rex Germanorum, Albertus & Wolfgangus Duces Bavariae, Fridericus Marchio Brandenburgensis, Episcopus Argentinensis, & tota confœderatio Suevica cum Regni Civibus in circuitu universis. Qui omnes in unum convenientes numero & viribus magni & formidabiles nimium, ducatum qui aliquando fuerat Ducis Georgij, hinc inde per gyrum vastarunt, incendio & ferro cuncta desolantes, munitionesque castella & oppida non pauca obtinuerunt. Nürenbergenses denique proprium exercitum ducentes contra Philippum, multa ei damna circa oppidum Amberg in Bavaria fecerunt, utpote qui & viciniore erat, & se lætos aliquoties ab eo graviter animis ferebant. Miserat in Bavariam Philippus equites filio, qui ferrent auxilium in necessitate constituto, quanquam conduxerint parum.

Primus exercitus fuit Regis Maximiliani in Bavaria.

Ex Bohemia etiam non parvum exercitum mercede pugnatorum conductum Rupertus evocaverat, contra quos Rex Maximilianus non longè à Ratisbona personaliter properavit ad bellum, habens in Comitatu Fridericum Marchionem Brandenburgensem, & Albertum Bavariae Ducem cum alijs Comitibus atque Nobilibus multis. Facto igitur congressu bellum atrox committitur; & aliquandiu ambiguo Marte pugnatur. Victoria tandem Regi cessit Maximiliano, & Bohemorum exercitus ab eo contritus est, è quibus in ore gladij ceciderunt mille sexcenti viri, capti fuerant similiter sexcenti, reliqui fuga lapsi necessarium salutis per fugium quæsi verunt. Rex autem Maximilianus obtentâ contra Bohemos victoriâ milites plures creavit auratos, & partes hostiles in eo conflictu valdè infirmavit & contrivit.

Rex Maximilianus fudit exercitum Bohemorum in Bavaria.

Eodem anno durantibus in Bavaria guerris, Monasterium Cisterciensis Ordinis Waltaxa nuncupatum jussu cujusdam tyranni militis & Capitanei Marchionis Friderici fuit incensum, & majori ex parte igne consumptum, sine scitu vel consensu Principis sui, quemadmodum ejus ab ore proprio audivi, & credidi probationibus necessarijs sufficienter informatus. Mox enim ut principi factum innotuit, de curia sua incendiarium ejecit, cujus caput fecisset amputari, si non precibus multorum à sententia fuisset retractus. Verùm Domino Deo sibi factas ulciscente injurias non diu auctor incendij mansit impunitus, sed veniens cum alio quodam in contentionem, ab eo fuit interemptus, & sicut timendum est, duplici morte damnatus; scriptum est enim: *Qui templum Dei destruit, & ipse à Domino destruetur.* Liberet, si conduceret aliquid, tempestatis nostræ mores detestari humanos, quos hodie tam enormiter cernimus depravatos, in his maximè, qui de generis nobilitate gloriantur, quos rectius dumerinos

Monasterium Waltaxa in Bavaria crematur ab hostibus.

Incendiarium Monasterij vindicta Dei consumpsit.



Equites Maximilianus Rex appellare consuevit quàm nobiles, qui latrocinia & rapinas sequentes nec Deum timent, nec homines reverentur. Sed de his postea dicemus.

Maximilianus Rex  
contra Palatinum  
venit in  
Alsatiam.

Rex autem Maximilianus post habitam de Bohemis victoriam exercitum divisit, cujus alteram partem cum Duce Alberto & Marchione Frederico dimisit in Bavaria contra Ducem Rupertum, cujus vires jam tunc multum fuerant debilitatæ & imminutæ, alteram verò secum duxit in Alsatiam, Philippum Comitem Palatinum Ruperti Ducis genitorem impugnaturus. Qui cum debellaretur à multis simul & semel in diversis locis, non potuit singulis ad pugnam occurrere, sed cogeatur patientiam in tribulationibus prudenter exhibere. Contractis enim mercede copiis duos habebat exercitus, quorum alterum filio misit in Bavariam ferre auxilium, alterum Heidelbergæ secum retinuit, quem contra incursores hinc inde per Palatinum Ducatum, prout requirebat necessitas negotiorum, ordinavit. Unde cum resistere omnibus non posset, in multis prudenter dissimulavit, confidens de mansuetudine Regia, quòd gladium suum non ad internecionem extenderit omnimodam, sed ad paternam correctionem. Munierat jam ante satis fortiter principaliora oppida sua Heidelberg, Germersheim, Alzen, & alia per Principatum Castella, præceperatque commorantibus in rure subditis, ut res suas omnemque supellectilem, & quicquid à facie inimici optarent remanere securum, in viciniora sibi oppida atque castella transferrent, domos in villis stramine tectas operimento nudarent, ut nulla relinqueretur hostibus, aut spoliandi, aut incendendi facultas. Erant autem dies miseriarum pleni, & nusquam tuta fides in terra.

Palatinus  
exercitus  
ad patriæ  
tutitionem  
locatur.

Maximilianus multa  
obtinuit  
per Alsatiam.

At verò Maximilianus Rex posteaquam in Alsatiam, sicut est dictum, traduxit copias, Argentinenis auxilio regni terras & oppida impignorata Palatinatui, sine sanguinis effusione invasit & obtinuit, Geroldseck Castellum & Comitatum, Offenburg, Ortenberg, Gengenbach, & quidquid in circuitu Juris fuerat Palatini. Post hæc Rheno transmissio, Hagenavve, Luzelstein, Weissenburg, & omnem Regionem, quam nostri dicunt *Landvogten* nuncupant, suæ subjecit ditioni nullo resistente, sed cunctis eum ut verum, & proprium dominum suum cum reverentia & honore ubique suscipientibus. His peractis Christophorus Marchio de Baden vices suas interposuit, & Regem, ne contra Palatinum progredere ulterius, precum instantiâ revocavit. Rex autem, qui Comitem Palatinum corripere & humiliare animo destinaverat, non delere, facilius acquievit, & retracto pede humiliatū ad gratiam recepit, quem si voluisset, in brevi totaliter destruxisset, viribus totius regni adjutus. Non enim possibile fuit, ut unus Regni Princeps (alioquin satis potens) imperum tot principum non læsus sufferret, qui duobus, vel tribus indubiè restitisset.

Secundum  
contra Palatinum  
exercitum  
duxit Wirtenbergensis.

Interea dum Rex Maximilianus cum Principibus & civibus Regni bellum contra Philippum Comitem Palatinum, & ejus filium Ducem Rupertum gereret in Bavaria, Udalricus Dux Wirtenbergensis cum jussu Regum propriam adversus memoratum Principem habens actionem, anno prænotato in mense Majo se litteris Heidelbergam publicè missis, hostem & inimicum, ut fieri solet, manifestat ejusdem. Deinde contractis copiis ad numerum, ut ferunt viginti millium pugnatorum peditum, & octingen-



ostingentorum equitum, terras Palatini Comitis ingreditur, & in primis Monasterij Mulbrunnensis (quod Cisterciensis est Ordinis) possessiones & villas igne & ferro devastavit, quæ sub tuitione fuerant ipsius Philippi Comitis memorati. Wersen villam dicti Cœnobij cum alijs incendio cremavit, pecora rusticorum abegit, eisque plura incommoda & damna fieri permisit.

Postea ipsum Cœnobium Mulbronnense, quod in modum Castellifatis erat munitum, obsidione vallavit, in quo Palatinus Comes trecentorum virorum præsidium collocaverat. Abbas cum Fratribus ad urbem secesserat Spirensis, paucis senioribus in Monasterio relictis. Construxerat in monticulo ex opposito Monasterij paulo prius Comes Palatinus pro defensione loci fortalicium quoddam in arcis modum fortiter munitum, non sine multis impensis, quod Dux Udalricus in primis aggressus est, quassatumque machinis cepit, & opus inchoatum sine intermissione jaciendo lapides continuavit. Videntes autem, qui erant in Monasterio, quod tantæ potentæ Ducis non possent resistere, quodque nullum de suo principe haberent auxilium, quamvis sæpius implorassent, sub certis conditionibus Duci Monasterium tradiderunt. Dux itaque Monasterium introgressus potenter obtinuit, & eos, qui fuerant de parte Comitum Palatini, juxta conditum liberè, quo vellent abire permisit, susceptaque loci Advocatiâ Monachos revocavit. Inde progrediens fortissimum Knichgensium agrum potenter subegit, & Palatini oppidum Bretheim obsidione cinxit, castra ponens ab ejus parte versus aquilonem. Obsidione firmatâ confestim muros, turres, & ædificia oppidi quæque bombardarum ictibus fortiter capit impellere ad ruinam, & magno conabatur annis potentæ suæ viribus obtinere victoriam. Sed qui erant in oppido & numero & audaciâ viri potentes in papiliones Ducis machinas direxerunt, & se constanter & oppidum fortiter defensarunt. Erant enim pugnatōres in oppido ad res bellicas instructi, quos nec metus in fugam, nec pusillanimitas Mulbronnensium instar facile converteret in traditores; unâ namque dierum cum Wirtenbergenses bombitonantes atque machinarum custodes otio, vino & somno dediti nihil minus, quàm oppidanorum suspicarentur excursum, Palatinenses de oppidulo otio homines memoratos vacantes quasi securos inveniunt, aggrediuntur, cædunt occiduntque, & bombardas nonnullas hostium violenter secum abducunt; ingens fit subito clamor, & grandis sub confusione tumultus, dum præ gaudio Palatinenses attollunt in aëra voces, Wirtenbergenses autem ex subita incursione attoniti vociferantes, quid paterentur eorum tonantes, nescirent. Ex quibus nonnulli post excursum Palatinarum partium retrocedentes minus caute secuti, cum portam invenissent apertam, introgressi sunt, protinusque clausis valvis crudeliter occisi, sed & plures in captivitatem abducti.

Ceciderunt in eo tumultu ex utraque parte viri ducenti, & supra, plures tamen de Wirtenbergensium exercitu quàm Palatinorum. Sedatis postremò tumultibus Suevi mortuos suos in cæmeterio quodam non longè posito sepelierunt. Duravit ista oppidi Bretheim per Ducem Udalricum obsidio diebus uno atque viginti, quibus effluxis venit in papiliones Ludovicus filius Philippi Comitum Palatini primogenitus, quem Dux

Udalricus

Mulbronna  
Cœnobium  
à Duce  
Udalrico  
obsidetur  
& capitur.

Bretheim  
oppidum à  
Duce Udal-  
rico obse-  
sum non  
capitur.

Oppidani  
faciunt ex-  
cursum in  
Ducis exer-  
citu.



Udalricus de Wirtenberg cum honore suscepit, & in tentorium suum latenter introduxit. Quid inter se tractaverint, aut quas condiciones pacis dederint, & acceperint, me latet usque in præsentem diem: solum hoc habeo compertum, quòd Udalricus Dux Wirtenbergensis mox post Ludovici recessum obsidionem amovit.

Peseckheim  
oppidum à  
duce Udal-  
rico & ob-  
sidetur &  
capitur.

Brethemij obsidione solutâ inde movit exercitum Udalricus Dux, & munitissimam arcem Palatini Comitis Peseckheim firmissimâ obsidione coarctavit, lapides sine intermissione bombardarum violentiâ intromittens, quibus haud parùm tribulavit obsessos. Qui cùm impetum machinarum ferre diutius non possent, neque auxilium se scirent aliunde habituros, communi decreto munitionem Duci Udalrico sub conditione salutis tradiderunt. Dux autem oppidulo cum arce obtento victor in-

Leuenstein  
Castrum à  
Duce Udal-  
rico obli-  
detur &  
capitur.

greditur, & abire traditores permittuntur. Ultra progressus contra Ludovicum Comitem de Leuenstein, qui erat in parte Comitis Palatini, quia ex patruo nepos, omnem Comitatum ejus incendio & vastatione hostili destruxit penitusque desolavit. Castrum quoque memorati Comitis

Leuenstein obsedit, & in quatuor diebus obtinuit, ipso Comite Ludovico in Bavaria cum Duce Ruperto existente. Verum post annos quatuor Dux Udalricus quorundam nobilium precibus ad misericordiam flexus castellum Leuenstein cum cæteris ablatis omnibus prædicto Comiti sub certis conditionibus restituit, unâ villâ duntaxat exceptâ, cujus incolæ nullâ ratione poterant induci, ut jam deinceps consentirent sub ditione Comitis esse Ludovici, causas habentes varias. Consequenter Dux Udalricus in Comitatum de Winsberg movit exercitum, & incensis per circuitum, villis magnam terris intulit desolationem. Post Comitatus hostilem vastationem ipsum Castellum Winsberg obsidione vallavit, quod similiter expugnavit in paucis diebus, & per deditionem obtinuit. Rursusque progrediens novam Civitatem Palatini Comitis oppidulum simili facilitate capiens in suam redegit potestatem. Deinde Meckmul cinxit obsidione, quod etiam brevi suæ potestati subjecit.

Winsberg  
Castrum à  
Duce Udal-  
rico & ob-  
sidetur &  
capitur.

His per tempus, quo inter Regnum & Palatinum capta duravit contentio, per Ducem Udalricum XVIII. annum ætatis agentem gloriosè imò nullo resistente peractis, mandato Regali subsecutæ sunt treugæ, à bello cessatum, & tandem sicut dicemus, facta concordia. Animus in Adolescente fuit Principe magnus, cujus impetum nisi Regia cohibuisset auctoritas, damna Palatinis graviora intulisset. Laudamus eum, quoniam in ea parte Christianum servavit modum pugnandi, quo & Monasterijs & Ecclesijs Deo consecratis pepercit, quippe qui neque incendio consecrata Domino templa subvertit, neque servorum Dei Cœnobيا spoliavit, sed animo strenuus, potentiâ virtuosus, ac pius in Deum, quoad fieri potuit, Ecclesiæ ministris pepercit.

Tertium  
contra Pa-  
latinum  
exercitum  
ducit Ale-  
xander Co-  
mes Veld-  
entia.

Tertium contra Palatinum circumduxit exercitum Alexander Comes Palatinus Bavariæque Dux & Comes in Veldentia Mosellanus, qui morabatur in Gemino ponte, filius Ludovici quondam cognomento Nigri. Hic anno Dominicæ Nativitatis prænotato, in Vigilia sancti Petri & Pauli Apostolorum Capitaneum suum cum exercitu parvo rusticano & magis ad prædam idoneum quàm ad pugnam, in terras misit Palatini, Spanheimensi conjunctas atque vicinas Comitatus, qui Monasterium Wilhel-

mitarum,



mitarum, quod Mariæ porta nuncupatur parùm distans à Spanheim, intrantes crudeliter spoliarunt, abigentes pecora, & omnia, quæ invenire poterant, secum in Meisenheim oppidum abduxerunt. Erat autem Feria sexta & Vigilia sicut diximus Apostolorum, nihilominus quidam in exercitu petrones repertas, quæ præcedente vespere superaverant, carnes devorabant. Spoliato Cœnobio retrocesserunt, & quasdam in itinere villas de Palatini dominio igne supposito incenderunt, Merxheim, Nusbäum, & alias per circuitum oppidi Sobernheim. A Priore nihilominus & Fratribus memorati Cœnobij Wilhelmitarum ducentos extorsere florenos, ut ab incendio, quod minabantur Monasterio, temperarent. Quis hic modus bellorum, ubi & Deo dicatis locis minatur incendium? Inde capitaneus exercitus Ducis Alexandri copias contra Palatinum, duxit in partes Westrasia, atque per provinciam discurrens instabilis villulas quasdam incendio cremavit, pecunias à Monasterijs & Ecclesijs in Ottenburg, Clingenmünster, Uthersthal, Hartvvichshausen, sancti Lamberti Monialium, & alijs in circuitu, ne incendio perirent, extorsit, spoliavit, & sine commiseratione graviter afflixit. Posthæc Buleckheim villam Comitum Palatini ab oppido Landavv Spirensis Diœcesis uno duntaxat milliario distantem obsedit, & fortiter ut potuit impugnare cæpit. His autem, qui fuerant in præsidio collocati, villam constanter defendentibus, omnes hostium defecere conatus. Interea Comes Palatinus exercitus sui partem in auxilium misit obsessis, quorum adventu territus hostis obsidione solutâ discessit, plura passus incommoda, quam hostibus forsitan suis potuerit inferre.

Villam Buleckheim obsident Alexandri, sed capere non possunt.

Dum hæc agerentur, Dux Alexander morbo laborans non fuit in exercitu, cujus absentia factum est, ut milites conductitij prædam sitientes plus hostem spoliare contenderent, quàm vincere. Discurrentes enim per totam regionem in circuitu Novæ Civitatis oppidi omnia per violentiam rapuerunt non solum in domibus & possessionibus rusticorum, sed etiam in Monasterijs & Ecclesijs Sanctorum. Non tamen omnes, qui fuerunt in exercitu, in hunc modum rapacitatis vitio intendebant, sed viri perditionis duntaxat, quibus nihil de timore Dei, nihil de publica honestate, sed totum de avaritia constabat. Quòd timor Dei non fuerit ante oculos eorum, ex eo fecerunt manifestum, quia neque Deo dicatis locis pepercerunt, neque Monachis, neque Ecclesiæ Dei ministris, utpote qui avaritiæ facibus insanabili desiderio inflammati sacrilegas manus in res divino cultui consecratas temere miserunt, spoliarunt templa Dei ornamentis cunctis, altaria pallis & linteamentis benedictis, & quod eatenus in Christianorum publicis bellis nusquam reperi factum, linteos tactu Domini pretioso Corpore sanctificatos (qui corporalia nuncupantur) rapuerunt de sacrosanctis Ecclesijs, & in suos usus illicitos deputarunt, ex quibus alij suis uxoribus fecerunt pepla, alij sibi applicuerunt ad pectoralia.

In absentia Ducis male habet exercitus.

Inauditum nefas! ex corporalibus pannis facere pepla mulierum.

Anno prænotato, 9. die mensis Augusti, pedites cum equitibus Alexandrinorum, qui erant in oppido Meisenheim (quod duobus ferme à Monasterio Spanheim distat milliariis) circa solis ortum mane irruperunt in villam Budesheim juxta oppidum Creuzenach inopinatè, raptisque omnibus inventis eam ignibus incenderunt. Fumo per aëra surgente

Budesheim villa prope Creuzenach ab Alexandrinis incenditur.

H h h h

in



in altum, Palatinenſes, qui erant in oppido jam dicto, turmatim contra hoſtes exiverunt uſque ad villam procedentes ardentem. Sed Alexandrini mox ut villam incenderant, fugerunt, & abductis nonnullis ex Budesheim & Hufſelsheim ruſticis una cum inventis pecoribus & ſpolijs ad Meiſenheim præſidium ſuum reverſi ſunt,

Windes-  
heim villa  
120. florenſis  
ſervatur ab  
incendio.

Die undecimo menſis Auguſti, Capitaneus Ducis Alexandri Henricus de Schvvarzenburge eques auratus ruſcolas villæ Windesheim Cœnobio Spanheimenſi vicinæ pro 120. florenſis, ab incendio liberos dixit atque ſecuros, noluit enim incendere villam, quamvis ſub ditione Palatini conſtitutam, propterea quòd Dux Alexander patronus & collator eſſet Eccleſiæ Parochialis. Villam quoque Waldenhausen, quæ Juris eſt nobilium de vicino caſtello Dalburg, pro 300. florenſis liberam ab incendio fore promiſerunt Alexandrini.

Alexandri-  
ni pecora  
iacularum  
villæ Bi-  
ckelheim  
abigunt.

Die quarto menſis Septembris, mane ante ſolis ortum exeuntes de Meiſenheim Alexandrini ſilenter intraverunt Comitatum Spanheimenſem, vaccasque 120. & porcos 20. juxta villam paſcentes abegerunt. Villam quidem capere niſi ſunt, ſed non potuerunt, quam incolæ prius foſſatis ſepibus, & propugnaculis munitam die & nocte diligentius cuſtodiebant. Die autem ſequenti mane ſurgentes viri de Bickelenheim numero viginti auxilio quorundam de oppido Sobernheim ante ſolis ortum ſe haud procul ab oppido Meiſenheim in nemore abſconderunt, donec pecora egrederentur ad paſcua, quibus more ſolito egreſſiſe rumpunt de inſidijs, qui latuerunt viri, pecora non ſuſpiciantibus Alexandrinis abigunt, & Bickelenheim velociter introducunt.

Sobernhei-  
menſium  
pecora abi-  
guntur.

Unde nono die menſis memorati Septembris Alexandrini ruſus de oppido Meiſenheim turmatim exeunt, & circa nonam horam de mane in agrum Sobernheimenſis oppidi cum ſilentio irruentes omnia, quæ invenerant, pecora, nullo percipiente in oppido, ſecum ducentes ad Meiſenheim minaverunt. Eſt autem inter Sobernheim, & Meiſenheim unius duntaxat milliariſ distantia.

Caſtellum  
Zuſch ab  
Alexandri-  
nis ſpolia-  
tum incen-  
ditur.

Vigeſimo poſthac die menſis Septembris, quæ fuit ſexta FERIA poſt Feſtum Exaltationis ſanctæ Crucis, Alexandrini mane diluculo venientes ad Caſtrum Zuſch in nemore ſitum, quod Saonus nominatur à Spanheimenſibus. Trevirenſibus autem & Moſellanis Hydorus, donec egrederentur ad paſcendum pecora latuerunt. Eſt autem nemus hoc in majori parte latitudinis unius theutonici milliariſ, in minori ſemiſſis, cujus initium à Rheno inter Bingiones & Bacherachios captans per Comitatum Spanheimenſem Cynonotósque Trevirenſes & Lotharingios in fines porrigitur continuatum ſine intercapedine Metenſium. Ea pars nemoris memorati, quæ ſub Moguntina continetur Diœceſi, nuncupatur Saonus, illa verò quam Diœceſis comprehendit Treverica. Hydorus nominatur, ſylva certè quercubus, paſcuis, & glandibus dives.

Joannes de  
Hohenſtein  
captivus  
abducitur  
per eodem.

Itaque latitantes in inſidijs tecti nemore Alexandrini, mox ut pecora de Caſtello viderunt exire, ſubmiſerunt in habitu ruſtico antea diſpoſitos, qui portas, antequam clauderentur, præoccuparent. Quorum conſeſtim inſecuti veſtigia ceperunt nullo reſiſtente Caſtellum, ipſiſque domicellum Joannem de Hohenſtein adhuc dormientem in lecto ceperunt abducen-  
tes captivum. Deinde omnem ſcrutantes ſuppelleſtilem in prædam ſumentes



sumentes abducunt , & Castrum igne supposito redigunt in favillam. Non enim confidebant integrum se posse retinere Castellum, propterea quòd & Jure Feudali Archiepiscopo subjiceretur Trevirorum, & Joannes de Hohenstein Dominus castelli neque Palatino, neque alteri alicui hac durante guerrâ serviret. Unde cunctis rem medullitus intelligentibus visum est Alexandrinos gravem, & non dissimulandam fecisse injuriam. Sed quid? non Judex judicat? Transeamus.

Vigesimo octavo die mensis Septembris, Alexandrini de oppido Meisenheim rursus egressi Merxheim villam, ut supra diximus sub tuitione Philippi Comitis Palatini positam, quæ Juris erat immediati Svvidegeri de Sickingen equitis aurati, qui tunc in exercitu Ducis Ruperti fuerat personaliter occupatus in Bavaria, & Joannis captivi de Hohenstein memorati spoliaverunt, & igne submisso, quod reliquum fuerat à priore incendio, funditus destruentes, in favillam redegerunt magno damno incolarum. Eodem quoque die pars una exercitus Alexandrinorum villam & castellum Seyn Svvidegeri militis de Sickingen, jam dicti spoliaverunt, & per incendium funditus destruxerunt irruentes more suo per turmas.

Merxheim villa per Alexandrinos spoliata incenditur.

Seyn Castellum & villa per Alexandrinos destruitur.

Dum hæc omnia, quæ diximus fierent, & quædam alia plura memoriarum non occurrentia nostræ, mandato Ducis Alexandri contra Philippum Comitem Palatinum tempus mensium quinque consumebatur, quo bellum duravit, intereaque agebantur, quæ sunt dicta prius de Maximiliani Regis in Bavaria exercitu, Ducis quoque Udalrici de Wirtemberg, & quæ sumus dicturi de crudeli vastatione Wilhelmi Landgravij provinciarum Hassianorum. Verum quia breviter descripsimus Alexandri Ducis memorati gesta contra Philippum Comitem Palatinum, sicut nostræ occurrebant memoriarum, ordo jam postulat rationis, ut quid Palatinenses auferint adversum partes ipsius Ducis Alexandri, quantum nobis constare poterit, breviter dicamus.

Imprimis autem Nicolaus Brunonis, vel, ut propius accedam, Brunus de Schmideberg ex parte Palatini Capitaneus eorum, qui apud Stauronesum erant in præsidio, vir audax, fortis, & bellicosus in Vigilia Nativitatis sancti Joannis Baptistæ, contractis ex Stauroneso copiis Alexandri Ducis villas duas circa Nahum fluvium in vicino positas, Hufen videlicet inferius, & superius invasit, spoliavit, incendit, ac præter Ecclesiam funditus destruxit: viros ruricolos, quotquot invenire potuit, cum pecoribus & præda captivos abduxit, quos pecuniâ interveniente postea liberos abire permisit. Sequenti die Festo Divi Baptistæ Joannis villam Rode simili vastatione deprædatus incendit, & nonnullos ex rusticis captivos abduxit. Reliquas etiam in circuitu villas, curtes, & quicquid sub tuitione fuerat Alexandri Ducis, hostili incursione devastans spoliavit, incendit, ac funditus destruxit.

Quid Palatinenses egerint contra Alexandrinos.

Post hæc 19. die mensis Julij, venit ab Heidelbergâ Joannes Landeschad de Steinach eques auratus Palatini Capitaneus & Dux exercitus cum armatorum copiis ad oppidum Creuzenach, & manserunt ibi diebus sex, incrementum sui & machinas bombardarum expectantes. Quibus interea cum Bombitonantibus advectis 26. die mensis Julij, Stauronesum in magna multitudine per ordinem exierunt, primò pedites ac deinde pulchro

Exercitus Palatini congregatur apud Stauronesum.

apparatu diſpoſiti equites iter contra Ducis Alexandri Principatum dirigentes. Erat autem mane circa horam ſeptimam, quando primi exire ceperunt, & ordine ſequentes alij continuo paulò poſt nonam horam ultimi exiverunt, fuit enim copioſus exercitus.

Palatinenſes Monaſterium S. Diſibodi ſpoliarunt.

Eodem die venerunt cum feſtinatione ad planiciem, quæ eſt inter montem ſancti Diſibodi & Odernheim Ducis Alexandri oppidulum, & ibi caſtra fixerunt. Erant autem in ipſo Monaſterio montis S. Diſibodi quinquaginta Stratiotæ pro cuſtodia loci ab Alexandro deputati, qui cùm vidiffent exercitum Palatinenſium advenire, conſeſtim relictò præſidio fugerunt. Ingreſſi Monaſterium Palatinenſes duos vel tres Monachos duntaxat invenerunt, cæteris cum Abbate hoſtium metu jam pridem ad loca tutiora translatis. Magnam Petrones crudelitatem in Cœnobio exercuerunt, quam veritatis amore tranſire non poſſumus. Vini plauſtra non minus quinquaginta in Cellario repererunt, quod, ſi eo modèſtè fuiſſent uſi, exercitui multis diebus potuiſſet ſufficere, ſed paſſim omnes, qui volebant irruentes ſine ordine, ſine modèſtia, ſine diſcretionem vinum potabant, & multo plus effundebatur in terram, quàm in uſum verteretur humanum. Enimverò cùm instrumenta non haberent, vel ad perforandum opercula vaſorum, vel in quibus poſſent recipere vinum: lanceis & pugionibus aperuerunt foramina, & bibentes, quantum poterant, reliquum deſluere in terram permittebant. Quidquid in Monaſterio repererunt, ſine timore Dei totum rapuerunt, non relinquentes, vel cochlear unum, vel aliud quicquam minimum, nam plumbum de teſtis, atque fenestris, ferreos clavos de ligneis parietibus, pallas de altaribus ſimul & corporalia furtivè ſuſtulerunt. Non milites, non nobiles, non equites iſta fecerunt, ſed nudi pedites & ruſtici petrones, qui vel juſſi, vel ultronei ſe conjunxerunt exercitui. Nihil reliquerunt intactum, nihil integrum, nihil non violatum. Verùm Abbas providus futurorum calices, privilegia, libros, & quæque Monaſterij pretioſa Clenodia tempeſtivè ad Meiſenheim fecerat transferri. Fuerunt tamen nonnulli, qui de nobilitate gloriantur in Sobernheim oppido Palatini domicilium habentes, qui ſublata publicè de Monaſterio torcularia, vaſa quoque vinaria, lectiſterna, ſcamna, menſas, fœnum, ſtramina, & quicquid invenerunt uſuſilium ſeu rerum domesticarum, impune rapuerunt, & curribus multiplicatis in ſua nullo contradicente fecerunt abduci.

Cotirodorum à Palatinenſibus capitur.

Eodem quoque die, videlicet ſanctæ Matris Annæ, Palatinenſes oppidum antedictum Odernheim, quod Cotirodorum veteres nuncuparunt, obſidione cinxerunt, & machinis bellicis ſive bombardis acriter impugnarunt. Nec minus, qui erant in oppidulo viri & mulieres, turribus & muris conſenſis, balisſtis, bombardis, & lapidum ejectione fortiter ſe deſenſare conati ſunt. Superati tandem multitudine impugnantium Odernheim, cùm ſe nec deſenſare poſſent diutius, nec aliunde ſperarent auxilium, & ſe & oppidum ſub certis quibuſdam conditionibus in manus Palatinenſium tradiderunt, die ſcilicet 28. menſis Julij, quæ fuit Dominica & Martyrio ſancti Pantaleonis feſtiva, circa quintam horam poſt meridiem obſidionis die tertiâ.

Odernheimenſes viſti,

Oppidum Palatinenſes ingreſſi, & per domos diſcurrentes, quicquid invenire poterant diripiebant. Oppidani autem cum uxoribus & liberis ſuis

suis ad Ecclesiam confugerant Parochialem, inquam etiam res suas quasque meliores ante triduum comportaverant, in qua salvæ manserant. Joannes etenim Landschad miles & Capitaneus Palatini memoratus cum esset Christianæ pietatis amator simul & justitiæ cultor, nullâ potuit ratione persuaderi, ut quempiam suorum Ecclesiam permetteret ingredi. Omnia ergo salva manserunt, quæ in Ecclesiam fuerant reposita, nec minimum quid ex eis fuit ablatum, positis jussu capitanei ad januam custodibus, qui nulli concederent introitum. Deinde convocati ad Forum oppidani, ut moris est, in verba Comitis Palatini omnes juraverunt. Erat quidem parvum oppidum, sed muris, turribus & fossatis optimè munitum, habens ab Oriente Planum fluvium non facilè transmeabilem; propterea confisi de firmitate loci per triduum oppidani, quamvis pauci essent numero, fortiter steterunt, promissum à Duce præstolantes auxilium, quo non veniente bello præposuerunt salutem. Capto autem oppidulo Palatinenses muros & turres per gyrum dejicientes impleverunt fossata, ne relinqueretur Alexandrinis occasio, vel spes aliqua recuperationis. Perierunt ab utraque parte nonnulli bombardarum lapidibus miserabiliter obruti.

Inde moventes exercitum Palatinenses per terras Alexandri Ducis iter versus Luteram Palatini oppidum instituerunt, plures in medio villas adversariorum depredantes, incendio vastaverunt. Procedentes autem ulterius ordine capto Alexandrinos ab obsidione villæ Pikelheim, de qua diximus, fugaverunt. Pepercit in his omnibus Philippus Comes Palatinus Alexandro nepoti, quem indubitanter perdere potuisset, si ambo æquali odio laborassent, quorum alter plus voluit, quam potuit: alter noluit, quantum inferre mali potuit inimico.

Post hæc 18. die Septembris, Nicolaus Brunus de Schmidberg Capitaneus Palatini Comitis in Stauroneso contractis oppidanorum copiis terram Ducis Alexandri rursus intravit, Moschelen inferius cum alijs quibusdam villis per circuitum spoliatis incendit, rusticos nonnullos abduxit captivos, pecora quoque multa abegerunt, qui cum eo erant Stratiotæ. Tanta fuit in oppido Stauroneso equorum, boum, & ovium copia ex Principatu Ducis Alexandri raptorum, quantam prius in his terris nemo viderat unquam. Vidimus tunc oves quingentas venundari pro florenis quinque atque viginti, equos, porcos, vaccas pro vilissimo comparari pretio. Emptoribus tamen quibusdam, quod de rapina comparaverant, Tholosanum est versum in aurum, ut pœnas avaritiæ luerent, qui scienter injustè acquisita vili pretio sibi usurpaverant.

Quartum contra Philippum Palatinum Comitem exercitum duxit Wilhelmus Hassiorum Landtgravius, secum habens proprijs in personis Henricum Ducem Brunsvvicensem, Henricum quoque Ducem Mechelburgensem, Emichonem Comitem de Liningen, Comitem de Lippia, Comitem de Königstein, aliósque plures Comites & nobiles, quorum aliqui odio Palatini laborantes, ut proprias causas prætendentes spontaneâ voluntate militabant; alij stipendio fuerant ab eo conducti.

Contractis itaque suorum copijs Princeps memoratus de Hassia egrediens cum magno exercitu venit ad Franckfurdiam, quem Franckfurdenses mandato compulsi regio per oppidum & pontem Mogani tran-

Palatinenses devastant terram Ducis Alexandri ubique,

Nicolaus Brunus devastat & incendit villas Ducis Alexandri

Quartum contra Palatinum exercitum duxit Landtgravius Wilhelmus.



Bensheim  
obſidetur  
à Landgra-  
vio, non  
capitur.

ſire permiſerunt. Qui movens exercitum in terram Palatini. Bensheim oppidum in Strata montana firmiſſimâ obſidione vallavit. Verùm Palatiniſium exercitus ab Heidelbergâ miſſus cum machinis, & bombardis in auxilium obſeſſorum, uſque adeò terruit hoſtem, quòd mox obſidione ſoluta ſine effectu receſſit, & omnes in circuitu villas juris Palatini ſpoliavit, incendit, & funditus evertens deſtruxit.

Lauriſſa  
Monaste-  
rium ſpo-  
liatur cun-  
ctis bonis  
per Haſſios.

Monasterium Laureacenſe Præmonſtratenſis Ordinis, quod aliquant- do fuit Ordinis noſtri, & una de quatuor Abbatijſ Regalibus Germanici Regni, cunctis rebus & bonis inventis ſpoliavit, frumenta & vinum in proximas munitiones ſuas territorij de Geravv, quæ fuerunt aliquando Philippi Comitis ultimi de Kazenelenbogen, fecit abduci, non ſine in- juria Dei & incommodo Fratrum graviffimo. Novum caſtrum, quod Fridericus Comes Palatinus Tutor quondam Philippi & patruus in ne- more conſtruxit ad ſiniſtram de Wormatia pergentibus ad Laudenbur- gum, & ex ſuo nomine Friderichſpurg nominavit, pulchrum & amænif- ſimum igne ſubmiſſo in favillam redegit, Lamperten, & omnes in cir- cuitu villas ſpolians incendit, & inventos ruricolos captivos abduxit. Deinde Caſtellum Stein nuncupatum haud procul à Wormatia traditione Caſtellani obtinuit. Cùmque omnia deſolaſſet ab iſta parte Rheni, quæ potuit, à Wormatiensibus tranſitum navigio per Rhenum in aliam par- tem ſibi concedi poſtulavit. Sed Wormatiensès Jura vicinitatis illæſa cu- ſtodire volentes non permiſerunt.

Philippus  
Comes Pa-  
latinus  
Heidelbergæ com-  
moraba-  
tur.

Interea dum hæc agerentur, Philippus Comes Palatinus in ſua mu- nitione fortiſſima reſidebat Heidelbergæ, ſinem & exitum rei expectans. Caſtrum ejus reſidentia muris, turribus, montibus & ſitu fortiſſimum, eſt, nec facilis patet accessus, in quo tot machinas repoſuit bellicas atque bombardas numero & magnitudine ingentes, quantas vel quales ante hac apud unum principem non vidimus in Germania. Oppidum quoque Heidelberg ſatis ante munierat, & victualia pro triennio ſufficientia præ- paraverat, viros etiam audaciâ & fortitudine potentes pro loci deſenſio- ne in præſidio habuit, & hoſtium adventum ſecurus expectavit.

Wilhelmus  
Landgra-  
vius non  
acceſſit ad  
Heidelbergam.

Hæc non ignorans Landgravius in terminis Stratæ Monteniſis lan- ceâ pugnat & ludit, ſed oppido Heidelberg metu bombardarum appro- pinquare non voluit, neque per Fluvium Neccarum ad ſuperiora Comit- is Palatini villagia tranſivit. Et cauſa forſitan erat etiam alia, quòd bombar- das tantæ molis & fortitudinis ſecum de Haſſia non adduxerat propter lo- corum diſtantiâ, quibus vel muros potuiſſet deſicere, vel impugnare Civitates. In argumentum veritatis adjungo, quòd in toto calamitatis hujus tempore nec oppidum aliquod munitum caput violenter, neque caſtellum, niſi per deditionem eorum voluntariam, qui ad deſenſionem poſiti animis deſecerunt cuſtodia propoſitum abijcientes.

Landgra-  
vius apud  
Mogun-  
tiam tranſ-  
duxit exer-  
citum  
ſuum.

Videns ergo princeps Landgravius, quòd per Wormatiensès non poſſet ad Ultra-Rhenana Palatini habere commeatum, neque aliunde conquirere naves, quæ tantam exercitus multitudinem ſine periculo per Flumina Rheni tranſducerent, deſcendit ad Moguntiam, & conſenſu, uti dicebatur, eorum, qui locos & vicos tenebant Epifcopi (tunc in Aſchaffenburgſo reſidentis quietè) contractis undique navibus apud Weiſ- ſenavv villam de oppido S. Viſtoris extra Moguntiam traduxit exercitum.

Venerat



Venerat jam tunc hora, in qua Clerus Moguntinus vices rependit Palatino pro damnis, calumnijs, contumelijs, quibus per annos decem, & amplius ab Officialibus ejus in Alzen & Creuzenach non mediocriter fuerat læsus & gravatus, quemadmodum in superioribus ex parte jam diximus. Non sunt nobis incognita mala, pericula, & damna, quæ omnis in Moguntia Clerus in censibus, in redditibus annuis, & libertatibus passus est per dissimulationem memorati principis, & per ejus in vicino ministeriales; justè an injustè nihil ad nos. Erant quidam ex nobilium genere, qui causas, & querelas contra Ecclesiam Moguntinensem prætendentes adversus Bertholdum Archiepiscopum, & omnem per totam Diocesin Clerum multis annis incursum fecerunt hostiles, frumenta decimarum, curtium, & aliarum possessionum, si pecuniâ Clericorum interpositâ non redimerentur, in agris & horreis igne concremant. Quid loquar de Testipremis, parricidis & Sacerdotum detentoribus? quorum tanta nostris diebus fuit crudelitas in Comitatu Spanheimensi & circumcirca, ut nec Monachi Cœnobia, nec Presbyteri villagia quoque tutò egredi possent. Parco autem, ne historiam nimium exaggerando etiam cum veritate videar excessisse.

Hostes Ecclesie Moguntinæ multa fecerunt mala Clero.

Wilhelmus itaque Hassiorum Landgravius postquam consensu, permissione, & auxilio Moguntinensium navigio traduxisset exercitum, castra posuit in villa Schornsheim non longè à Moguntia, omniâque in circuitu usque ad Oppenheim, quæ juris erant Palatini, devastavit, villas spoliavit, incendit, ac funditus destruxit. Magna fuit in exercitu ejus quorundam impiorum crudelitas, eorum maximè, quos incendio præfectos Brandmeister vulgò nuncuparunt, qui Ecclesias non solum villagijs contiguas, sed etiam aliquantulum remotas, cum servare potuissent, ex industria proprio igne supposito unâ cum viculis incenderunt & destruxerunt.

Landgravius castra posuit in villa Schornsheim.

A Schornsheim Landgravius movens exercitum per terras circumduxit Comitatus Palatini usque ad Alzen, & ibi non procul ab oppido castra metatus est. Positis autem papilionibus per gyrum, cuncta in agris frumenta, quæ jam erant maturitati proxima, equorum multitudine consumpsit, & reliquum conculcando destruxit, villas incendio dedit, spoliavit rapuit, & nec Deo consecratis Ecclesijs pepercit. Quidquid enim rerum, & substantiæ pauperum rusticorum in Ecclesias propter majorem fuerat securitatem repositum, totum cessit in prædam exercitui Hassiorum: omnia etiam vasa & ornamenta Ecclesiarum, quas non incenderant, diripuerunt.

Est oppidum inter Oppenheim & Alzen Gaviodorum nuncupatum Regni Germanici antiquissimum, quod à multis retrò annis Palatinatui dignoscitur impignorum. Ad hoc oppidum Landgravius exercitum ubi admovit, nimio pavore perterriti Cives in occursum ejus properant, portarum ei claves præsentant, & se suosque & oppidum ejus ditioni submitunt, quorum levitatem, ne dicam, perfidiam etiam hostis ipse detestabatur, quod oppidum habentes muris, turribus atque fossatis munitum tradidissent, nullâ adhuc necessitate compulsi. Unde in pœnam perfidiæ cunctis traditores bonis spoliavit, dimissoque oppido retrocessit, & viros omnes in eo repertos secum captivos abduxit. Omnes in circuitu

Gauodernheim oppidum Regni in manus venit Landgravi.

Gavij



Gavij villas ſpoliavit & incendit, quæ ad dominium pertinebant Comitſ Palatini, his duntaxat exceptis, in quibus Clerus Moguntinus vel curtes habuit, vel decimationes, quibus rogatus ab eis libenter pepercit. Multam in Gaviotam Oppenheimenſi, quam Wormatiensſi circa Alzen & Stauroneſum, qui Nahagavv appellatur, prædam in frumento & vino & in varijs uſus humani rebus Landtgravius reperit, cepit, & in ſua ſecum abduxit. In duabus namque villis Saulheim & Weſthoffen plus quam mille vini optimi plauſtra invenit. Quid vel quantum in alijs tam multis & magnis putandus eſt reperiffe villis atque caſtellis per meticuloſam deditionem obtentis?

Palatinenſium exercitus venit contra Landtgravium.

Interea cum Landtgravius poſitis circa oppidum Alzen caſtris, omnia ſicut diximus, devaſtaret, compaſſus nec immerito ſuis Comes Palatinus diſperſum convocavit exercitum, & miſit eum ſub manu Capiranci ſui Joannis Landſchad contra Haſſios ad Alzeiam. Quorum adventum Landtgravius cognito, non duxit eorum expectare præſentiam, ſed movens inde per tria ferè milliaria noſtra diſceſſit inter duo noſtra villagia Blinch & Genzingen juxta Nahum fluvium ſpatio dimidij milliariſ à Strauroneſo ſive Creuzenach oppido caſtra locans, quinque ibi diebus in paſilione manſit. Ad quem venit in caſtra Dux Alexander cum mille ducentis viris, qui dudum ei contra Philippum Comitem Palatinum fuerat confœderatus, & habuerunt inter ſe diutius optata colloquia. Riferunt Ducem primores Haſſiorum, quòd Princeps tam inclyti nominis contra potentiffimum adverſarium Comitem Palatinum videlicet majorem, non haberet exercitum. Dux verò Alexander peractis hiſ, pro quibus venerat, in Meiſenheim reverſus eſt.

Haſſij omnia in circuitu Nahagaw devaſtaverunt.

Non vacabant otio in ſtatione Haſſij, ſed more ſuo circumcurrentes per totam regionem, omnia diripientes, villas cum Eccleſijs crudeli malignitate incenderunt. Habebant enim convenientes moribus ſuis flammarum præpoſitos, qui nec Deum timebant, nec hominem reverebantur, de quibus nemo dubitet, quoniam Omnipotens Deus & ſuas & pauperum ſuorum aliquando vindicabit injurias, ſi non in hac vita, in futura tamen, & forſan in utràque.

Imprimis autem ſpoliaverunt Armsheim villam, & incendio ſubverterunt, quæ non longe diſtat à Flanheim in via euntibus de Bingen ad Alzeiam: Eccleſiam quoque in ea novam pretioſam atque pulcherrimam, quæ ante paucos annos in memoria hominum ex oblationibus fidelium ad memoriam Dominici Sanguinis illuc concurrentium fuerat conſtructa, ſpoliatam vaſis & ornatibus cunctis incenderunt funditus deſtruentes, Sacerdotibus aſtantibus & lachrimantibus.

Basenheim cum Eccleſia, Lansheim cum Eccleſia, Armsheim cum Eccleſia.

Deinde villam, quæ Wansheim dicitur, ſpoliatam ſimiliter incenderunt, Baſenheim quoque villam & Eccleſiam ſimili veſaniâ ſpoliantes concremarunt. Lansheim quoque villam magnam cum Eccleſia pulchra & campanis funditus incendio deſtruxerunt, omnia diripientes quæcunq; inveniunt. Viri ejus loci audientes videntèſque inimicorum adventum, in nemus vicinum reſceſſerunt.

Heidesheim villam juxta rivulum ſitam, qui aurea ripa nominatur ab incolis terræ, cunctis bonis ſpoliatam igne ſubmiſſo totaliter everterunt, villam etiam Kappeslaubersheim, Erbsbuddesheim curtem novâ & plures

per



per circuitum Nahagavij & Stauronesi. quorum omnium nomina memoria hac vice non occurrunt. cum Ecclesijs spoliaverunt, incenderunt, & penitus desolaverunt. Benzenheim, Genzingen, Bleinch & Wizenheim cum nonnullis alijs villis magnis non incenderunt ad preces quorundam simul & interveniente pecuniâ. quam Brandschagung nuncupant, spoliarunt tamen pauperes omnibus, quæ reperire potuerunt, & secum abduxere.

Est villa milliario distans à Creuzenach, fossatis. mûro, sepibus & propugnaculis admodum satis munita, nomine Sprenlingen, cujus incolæ jam bello instante rogaverunt Palatinum, ut eos cum bombardis tantum, cum pulveribus & alijs necessarijs provideret, asserentes se & numero, & fortitudine ad defensionem villagij sufficere, nec stratiotarum indigere suffragio. Fecit Palatinus sicut petierant, noluitque gravare alienigenarum insolentiâ viros tam audacter promittentes parietes defendere domesticos; est enim villa non parvi momenti. Veniente in regionem illam exercitu Hassiorum solo ejus auditu territi nimium viri omnes, relicto villagio cum bombardis, rebus, mulieribus & liberis ad Alzeiam oppidum fugerunt: sic rusticorum stetit præsumptio, quæ grandia proponit in hostem, dum procul est, & fugit ante præsentem.

Reperit in eo villagio multam Landtgravius prædam, vini plaustra quater centum, frumentorum ingentem copiam, bombardas & variam in domibus rusticorum supellectilem. Erant enim homines admodum locupletes sub ditione Comitis Palatini Ducis Joannis in Simmeren habitantis indivisibili dominio constituti, quibus annuè contribuunt 500. auri florenos pro taxâ, quam ipsi precariam nuncupant subventionem. Villam ne incendio periret destinato, consuetudine Hassiorum acceptâ pecuniâ Landtgravius immunem fecit.

Cœnobium est Fratrum Canonice Regularium S. Augustini de Windesheimensium observantia Fratrum, quod Comites de Spanheim olim fundârunt, non longè ab eo loco situm, ubi inter Stauronesum & Sprenlingen castra posuerunt Hassij, in quod cum impetu irruentes non parva Servis Dei damna fecerunt & incommoda. Jussu tamen principis temperatum est, ne desolaretur in toto, pro qua liberatione ab incendio Prior loci ducentos auri nummos Landtgravio dare compulsus est, non attentâ paupertate seu inopiâ, quâ Fratres premebantur.

Interim verò quo Landtgravius apud Bleinchen villam in papilionibus traxerat moram, & plures de exercitu hinc inde vagantes omnia sicut dictum est, per anteriorem Comitatum Spanheimensem devastarent, spoliarent, & incenderent, nonnulli eorum extra ordinem discurrentes, à Palatinensibus perempti sunt, quorum aliqui mox in campis occidebantur, plures etiam ad oppidum Creuzenach ducebantur captivi homines Hassij pauperes & rustici, qui mandato Landtgravij, cujus & subditi erant, venire in hanc necessitatem fuerunt compulsi. Nobiles verò & equites Stauroneso minimè appropinquârunt.

Landtgravio autem præfato in loco per quinque dies cum exercitu commanente fama exijt, Joannem Landtschad Capitaneum Palatini cum toto exercitu ad oppidum Creuzenach contra Hassios esse venturum, sicuti & post biduum venit. Quod ubi Hassiorum innotuit principi, summo mane diei sequentis castra incendit, & exercitum versus Bingen abduxit.

Viri de Sprenlingen omnes fugerunt à facie Hassiorum.

Landtgravius prædam in Sprenlingen reperit multam.

Schwabenheim Cœnobium Regularium ab Hassijs invaditur.

Landtgravius castris incensis movit exercitum versus Bingen.

abduxit. Tanta subito nebula seu caligo ex incensione castrorum surrexit, quod omnem circa regionem fumo & foetore implevit usque adeo, quod Palatinenses in oppido nihil penè viderent.

Villa Münster cum Ecclesia spoliatur & exuritur per Hassios.

In eo transitu de loco papilionum ad Bingen Landgravius villam Monasterium dictam Bingijs proximam, quam Philippus Comes Palatinus ante paucos annos emerat à Comitibus Rheni, ut supradictum est, una cum Ecclesia satis pulchra iussit incendi, ac penitus in favillam desolari. Omnes autem de villa rustici metu Hassiorum prius fugerant, mulieribus duntaxat relictis cum parvulis. Sed & Presbyter loci Parochus simili pavore correptus discesserat. Ministris iniquitatis iussa perficientibus stetit jam villa in medijs flammis, Landgravius verò cum Ducibus de Vico Brunonis & Megaloburgensi totòque suorum exercitu ab alia parte Nahi fluminis parvi & ubique transmeabilis equo insidens interitum villagij simul & Ecclesiæ malè gaudens prospectabat intuebatùrque.

Ardente jam in parte superiore Ecclesiâ, cum nullus adesset Sacerdos præter Magistrum Henricum plebanum Ecclesiæ Bingiorum virum doctum morumque honestate integerrimum, & verbi Dei præconem infatigabilem, qui ad hoc venerat, ut precibus incendium, si posset apud Principem obtinere, impediret, sed non potuit. Is ergo cum videret ardere templum, Christianâ pietate commotus accurrit, & SS. Corporis Dominici Sacramentum de Hagiotheca manibus cum vasculo extraxit, flexisque in terram genibus cum multis lachrimis dixit: *Heu, heu, heu Domine Deus, siccine permittis humanam prævalere nequitiam, ut Te de sanctuario tuo eijciat, domum tuam incendat, Teque migrare quasi hominem in aliena compellat!* Surgensque confestim de terra, quoniam incendium ab omni parte urgebat, & portans in manibus Dominicum Corpus iter cum eo versus Bingen incæpit. Inter multa, quæ dixit mærore plenus, & amaritudine magnâ perturbatus, sic fertur increpasse malignos: *O scelestissimi hominum, quando parcetis hominibus, qui creatori nostro parcere non novistis? Quem hodie persequimini, aut cui majorem infertis contumeliam? Contra Dominum universorum pugnat, Omnipotenti Deo bellum indicitis: Salvatorem vestrum de mansionem suam fugere compellitis, ejus templum cum pauperum domicilijs concrematis. Credite Principes, credite Duces, credite omnes, quoniam Justus & omnipotens Conditor & Rector totius universitatis, qui tantam à vobis hodie perfert injuriam, in longinquum non differet vindictam.* Hæc dicens cum lachrimis iter continuavit incæptum, & portavit in Ecclesiam Bingiorum venerabile Sacramentum. Fuerunt, qui dicerent, Landgravium ad preces Bingiorum hanc in Monasterium exercuisse sævitiam, qui optarent villam semel destructam non amplius restaurari, memores injuriarum, quas ante 12. annos ut supra diximus, ablato ab eis per triennium emporio, sustinuerunt, quod Albertus Gôler de Ravenspurg Palatini Comitibus apud Stauronesum præfectus transtulerat.

Increpatio Magistri Henrici plebani contra Incendiariorum Ecclesiæ.

Landgravius cum exercitu suo intravit oppidum Bingen.

Monasteriensi villâ cum Ecclesia succensâ & ardente, Landgravius cum suis oppidum Bingiorum intravit, quem Bingij magno cum honore suscipientes, ut hostis victorem communis ingenti lætitiâ salutârunt. Mansit in eo loco die uno, quo interim capta milites dividerent & venderent spolia. Erant sanè tunc temporis Bingiorum corda Palatinensibus haud mediocriter infensa, & tam apertè, tamque manifestè, ut latere nec

nec possent, nec vellent. Si Moguntinos & maximè Clerum, si denique Ringavios (de cæteris tacebo) adscribam, certè non erravero. Quid enim? omnes, qui Palatino Comiti Philippo in hac turbatione fuerunt contrarii, etiam subditis ejus procul dubio extiterunt inimici. Ego autem, qui præco (si dici fas) harum tribulationum omnium sum positus, nihil aut parum causarum sive occasionum ignoro, saltem eorū malorum, quæ sumus perpeSSI duro sub genere vindicandi, possem, si expediret, dicere multa, quibus nota paucis fierent manifesta. Sed in quem finem, ut nulli fieret vulgari æstimatione injuria? Transeo tamen consultò, ne aut in altera parte vindictam, aut in altera videar quæsisisse adulationem.

Igitur Princeps Hassiorum Landtgravius ab oppido Bingiorum postera die movens exercitum, stratâ publicâ per terram versus Moguntiam iter assumpsit, cūque ad regiam villam Ingelheim, in qua magnus Carolus olim perhibetur nascendi sumpsisse principium, quæ tunc sub ditione extitit Comitis Palatini, pervenisset, castra inter Rhenum & Salisam rivulum ad meridionalem villæ plagam locavit, non dubius animo, quin aulam Caroli Regiam, quæ hodie Cœnobium Canoniorum est S. Augustini, nullo contradicente posset cum spolijs obtinere. Est autem locus ipse muris, turribus & fossatis per gyrum bene munitus, in quo & multæ sunt mansiones rusticorum, in quem viri & mulieres villagij omnes cum liberis & rebus suis confugerant, & ordinatis machinis præparaverant se ad defensionem contra venientem Palatini hostem: sicut enim longè supra diximus temporibus Caroli IV. Ingelheim ambæ villæ regales cum oppidis Lutern, Oppenheim, & Gauodernheim à Regno impignoratæ sunt Palatinatui usque in præsens.

Positis itaque castris Landtgravius in loco memorato copias misit, quæ Aulam in villa Ingelheim inferiori, aut primo si possent incurfu caperent, aut si reniterentur, qui fuerant interius, obsiderent. Villani autem qui erant in Aula, videntes è turribus & muris exercitum appropinquare hostilem, portas dimiserunt apertas, ordinatis hinc & inde bombardis in occulto non solum intrinsecus post valvas, sed etiam in turribus & super muros, tantòque omnia silentio peregerunt, quòd neque vox audiebatur cujusquam, nec ullus tumultus.

Accedentes verò Hassij agminibus ordinatis contra portam Aulæ exteriorē, cū eam reperissent apertam, & neminem viderent vel audirent, putabant metu fugisse omnes, & festinatione nimia valvas dimisisse reſeratas. Cūque jam primi secundæ appropinquarent portæ, qui latuerant Palatinenses, subito præordinatas incendunt ex omni parte bombardas, quarum facies in turmam obviam fuerant omnes directæ. Fit mox clamor ab utraque parte magnus, & ingens tumultus: cadunt Hassij plures bombardarum ictibus tacti, retrocedere vel declinare medijs, ad partem cæteri tutiorem festinare. Clausis deinde portis ad muros villani conscendunt & turre, jacula vibrant in hostes, & multos eorum occidunt. Hæc strage suorum acceptâ Landtgravius jussit admoveri machinas, & Aulam à plaga meridionali obsidione vallari. Hi verò, qui fuerunt in munitione, videntes quorsum res tenderet, cum tanto impetu lapides bombardarum miserunt in hostes, quòd obsidionem nullo poterant ingenio firmare, sed abire necessitate compulsi sunt. Multi Hassiorum in

Landtgravius castra locavit contra Ingelheim villam Regiam.

Villani omnes in Aulam regalem tatis tutam confugerunt.

Hassiorum exercitus ante Aulam in Ingelheim fuerat.



hoc tumultu perierunt, quorum cadavera juffit Landtgravius ſepeliri in vicino.

Haffiorum  
plures in  
domibus  
obruuntur  
incenſis à  
mulieribus.

Denique incendio quamplures eorum interierunt, quibus ſepulturam ignis præbuit. Enimverò Landtgravio cum exercitu villagio appropinquante, mulieres juffu virorum de Aula egreſſæ omnes villæ domos igne ſuppoſito incenderunt, quod alioquin Haſſos non dubitabant facturos. Cum ergo Haſſij perveniſſent ad locum, quia putabant, quòd ſuorum quippiam vicum ſuccendiſſent, ceperunt quidam ſpoliorum avidi per domos ardentes diſcurrere, & ſi quid eſſet relictum, quod raperent, diligentius inveſtigare. Quorum plures cadentibus ſuper ſe domibus in Cellarijs & alibi ſub igne miſerabili morte perierunt, ſpe lucri fruſtra decepti, cum prius omnia per villanos in Aulam fuerint deportata.

Landtgravius  
apud Moguntiam  
Rheno tranſmiſſo  
ducit exercitum.

Videns autem Landtgravius, quòd ſine magna ſuorum clade nihil poſſet inferre Palatinis in Aula concluſis, removit caſtra, & cum toto exercitu ſuo Moguntiam, & paucis in urbe Moguntina peractis diebus copias navigio per Rhenum traducit, indeque progreſſus caſtellum quoddam Hohenburg nuncupatum, quod erat Comitſ de Hanauvven partes Comitſ Palatini defendentis, obſidione cinxit, expugnavit, & poſtremo per deditionem eorum, qui intus erant, obtinuit. Per dies igitur aliquot impugnando prædictum Comitem de Hanauvven, & alios Palatini fautores ab iſta parte Rheni Landtgravius moram traxit. Et quia mente concluſerat Rheno tranſmiſſo copias reducere in terram Palatini, & cujus jam villas ſpoliaverat & incenderat non munitas, etiam caſtella & oppida munita, quæ prius contingere non potuit, machinis & bombardis debellaret, cum magno labore, & multis impenſis, quicquid inſtrumentorum, & machinarum habere potuit, ad ſe fecit adduci, bombardas videlicet & numero multas & ſatis ingentes.

Palatiniſes  
præoccupant  
Rhenum,  
ne Haſſijs  
reditus pateat.

Venit internuntius ad Stauroneſum (ubi tum eramus) qui certiffimâ exploratione præmiſſâ nuntiabat, Landtgravium in via conſtitutum cum exercitu ſuorum magno, habentem bombardas & machinas bellicas multas, & apparatus terribilem, illiùſque eſſe propoſiti, quòd copias Rheno iterum apud Moguntiam tranſmiſſo in terras Palatini velit reducere, & munitiones per Gavium omnes violenter expugnare. Jam enim non parvam machinarum partem per Franckfurdianos, & Mogani pontem ad Ruſelsheim caſtellum ſuum traduci fecerat. Audientes hæc, qui erant in Creuzenach Palatarum partium deſenſores, contractis ſine mora copijs, in manu valida tranſierunt verſus Moguntiam, & villam Weiſſenavv ſimul & montem S. Viſtoris præoccupârunt. Landtgravio interdicturi commeatum: non enim alio Rhenum tranſire potuit loco, quàm ibidem propter pondus machinarum, quas per Moganum traducere ad caſtellum in oppoſito Moguntia villam non potuit. Diſplicuit Moguntinenſibus non mediocriter, quòd montem S. Viſtoris & villam ſubjectam præoccuparent Palatiniſes, quamvis nihil in contrarium præter indignationem vacuam nervis poſſent apponere. Landtgravius autem cum didiciſſet, quòd Stauroneſij montem præoccupâſſent & vadum, ſubſtitit, & procedere ulterius diſſimulavit. Miſit tamen pedites quosdam ad tentandum, ſi navigio Rhenum tranſire quoquo modo poſſent illæſi. Qui cum veniſſent ad vadum, & jam naves intrâſſent, ceperuntque

piſſentque alteram remigare in partem, bombardas ordinatas in eos ſolverunt igne Palatiniſes, & retrocedere compulerunt. Retraxit itaque pedem Landtgravius, & propoſitum revocavit.

Quintâ die menſis Auguſti, anno prænotato, Palatiniſes venerunt in magna multitudine ad montem S. Viſtoris, & manſerunt in eo ſex diebus non ſine damno & incommodo Clericorum, qui prius ad Civitatem omnes confugerant adventu eorum perterriti. Nec prius inde volebant recedere, quàm Canonici Moguntiniſes una cum civibus & Archiepiſcopi locum tenentibus promitterent, ac litteris cautionibùſque neceſſarijs firmarent, quòd Landtgravio tranſitum deinceps ultra Rhenum nullatenus eſſent conceſſuri. His promiſſionibus cum ſufficiente cautela ſulceptis Palatiniſes 12. die menſis Auguſti ad ſua redierunt.

Promittunt  
Moguntini  
Palatiniſibus  
repellere Haſſios.

Cernens autem Landtgravius, quòd per Moguntinos tranſitum habere non poſſet, aliud in Palatinum deſtructionis non parvæ medium adinvenit. Eſt oppidulum cum adjacente in monticulo Caſtro nomine Cuba in deſcenſu Rheni ad dexteram, parùm diſtans ab oppido Bacherach, ſatis pingue habens telonium, quod utrùmque Juris & dominij eſt Comitſ Palatini. Exiſtimans verò Landtgravius rebus ſuis optimum fore profeſtum, ſi hoc oppidum unâ cum telonio poſſet acquirere, contractum prius illuc admovit exercitum, & decimo octavo die menſis Auguſti Caſtra in monte contra oppidum locavit, ab eadem videlicet parte fluminis quaſi ex oppoſito Bacherach. Non enim potuit exercitum propius locare, propterea quòd oppidum naturali ſitu munitum non ſit acceſſibile multitudini, habens ab Oriente præruptos, & altiſſimos montes, à meridie verò flumen Rheni ab utraque parte montibus concluſum. Mons verò, in quo caſtra Landtgravius poſuerat inter orientem & meridiem, ſic manet diſpoſitus, quòd obſeſſores in arcem, & in oppidum cum volebant, poterant habere proſpectum, ſi paululum ad ejus cacumen propius acceſſiſſent. Bombardarum tamen jacula haud facilè in oppidum trajicere poterant propter altitudinem montis, à cujus ſi parùm deſcendiſſent cacumine, facilius ab his, qui vel in arce fuerant vel in oppido, lædi machinis potuiſſent, quàm lædere, pro eo quòd bombardarum jacula certius diriguntur aliquantulum elevata, quàm omnino in baſſum depreſſa. Unde plures Haſſiorum, qui cum bombardis à montis cacumine aliquando deſcenderant, Cubanorum jaculis perierunt, cum ipſi nullum aut rarum ex ipſis poſſent attingere, lapidibus projectis in Rhenum cadentibus. Duravit iſta Cubana obſidio 39. diebus, in quibus Landtgravius arcem, & oppidum continuis penè machinarum iſtibus pulſavit. Et licet partem turris & muri de caſtello tandem vi bombardarum dejecerit, arcem tamen propter inacceſſum montis non potuit invadere, his qui fuerant intus viriliter obſiſtentibus. Erant in Cuba quingenti & mille pugnatores, qui Haſſiorum inſultibus fortiter reſiſtentes multos eorum ad legends vuas, quæ jam cæperant matureſcere, in vineta deſcendentes, bombardarum jaculis occiderunt.

Cuba oppi-  
dulum Pa-  
latini obſi-  
detur à  
Landtgra-  
vio Haſſia.

Caſtra Haſ-  
ſiorum in  
monte lo-  
cata non  
attinge-  
bant oppi-  
dum.

Vigeſimo octavo die menſis Auguſti, Joannes de Landtſchad Comitſ Palatini ductor exercitus à Stauroneſo cum 300. equitibus & populo terræ in multitudine magna exiens in auxilium Cubanorum contra Haſſios venit ad Bacherach, & poſterâ die caſtra metatus eſt in monte juxta

Caſtra Pala-  
tina in op-  
poſito Haſ-  
ſiorum in-  
termedio  
Rheni po-  
ſita.

oppidum jam dictum directè in opposito papilionum Lantgravij, eràtque inter duos exercitus istos grande satis intervallum simul, & præterfluens Rhenus, & nihilominus bombardarum se jaculis mutuò impetebant. Audiebatur strepitus machinarum utriusque partis in alterutrum fulminantium apud Stauronesum in arce, cùm tamen non sit minus quatuor milliarium nostrorum distantia. Partem verò copiarum præfatus Capitaneus noctu misit in Cubam, quod in die non satis tutò fieri potuit propter Hassiorum prospectum, qui lapides instrumentis de monte projiciebant in Rhenum, nemo enim potuerat in die navigio vel terrà intrare, vel exire Cubam, quem Hassiorum in montis cacumine bombitonantes non viderent. In nocte autem liberum Cubani habebant accessum & recessum, cùm eos Hassij neque videre possent, neque fulminibus impedire, aut lædere, vel impetere bombardarum.

Ingenio  
vario multa  
tentavit  
contra Cubanos  
Landtgravius.

Multa ingeniosè tentavit in ea obsidione Landtgravius, & pecuniam pro varijs machinis, & instrumentis bellicis profudit ingentem. Vasa implevit pice, sulphure simul & alijs rebus ardentibus multa, quæ de summitate montis, qui Cubæ supereminet, emittens in oppidum volubili cursu ardentia præcipitavit. Sed omnia frustra, omnia casso labore consumpsit, & non parvum rerum suarum dispendium recepit; nam omnia penè vasa bellica sive bombardæ in castris ad usum habitæ, quam primum semel, aut bis officio servierunt suo, rumpebantur. Quæ utrum fortuito casu seu maleficij alicujus interpositione contigerint, ignoramus, licet in Cuba unus fuerit ex Stratiotis, quem novimus gloriantem, quasi arte quâdam occultissimâ (ne dicam vanissimâ) ipse cunctas noverit confringere bombardas, etiam non præsens, modò videat, vel à longè, vel audiat strepitum facientes.

Cubani  
bombardas  
quasdam  
ab Hassijs  
præcipiunt.

Quarto die mensis Septembris anno prænotato, cùm propter montis altitudinem, in quem Landtgravius castra posuerat, machinarum præfecti non prævalerent jaculis attingere castellum, & multo minus oppidum, quod erat inferius, sed major pars globorum in altum evadens nimium caderet in Rhenum, factis nocte fossatis bombardas majores, quas capitales atque Carthunas appellant, per declivum montis submisère catenis, arbitantes locum ad opus machinarum se reperisse magis idoneum & aptiorem. Mane autem cernentes Cubani Hassios in declivo montis cum machinis laborantes, confestim è castro simul & oppido tam fortiter & sine intermissione jacula in eos direxerunt, quòd necessitate compulsi relictis in loco bombardis sine usu, ad quas nec Hassij poterant accessum habere in die, nec Palatinenses alternis inter se jaculis prohibiti. Sed neque in nocte licuit Hassijs vel custodire illas, vel sursum retrahere, tum quòd Cubani etiam in tenebris certum jam in eos scopum noverant, tum verò quòd magnitudo ponderis retractum non permisit. Postremò tamen machinæ in manus Cubanorum devenerunt. Exeuntes enim nocte quâdam viri audaces cum silentio de oppido, non sentientibus Hassijs, bombardas facili conatu per descensum montis traxerunt ad litus Rheni, & ulterius in Cubam, quos etiamsi Hostes vidissent, prohibere tamen minimè potuissent. Nocte diem 4. mensis Septembris sequente circa undecimam post meridiem horam ortum est in oppido Cuba casuale incendium per negligentiam unius hominis, qui pulverem incensorium

Locus castrorum  
Lantgravij non erat  
expugnationi con-  
veniens.



rium malè custodivìt ab igne, in quo viri undecim miserabili morte perierunt, ex Stauroneso illuc destinati, qui dormientes in superioribus domicilij prius, quàm evigilarent, ab igne fuerant præoccupati, domos viginti flamma consumpsit cunctis metu hostium confluentium ad muros.

Sextâ die mensis Septembris Ludovicus Philippi Comitis Palatini Primogenitus cum quinquaginta equitibus & sexcentis peditibus ab Heidelberg ad Stauronesum, quæ & Creuzenach, oppidum, sequenti die processit ad Bacherach in auxilium Cubanorum, qui annum tunc agebat ætatis suæ sextum supra vicesimum, Princeps animo & viribus constans, pauci sermonis, sed verax & stabilis. Eâdem quoque die venit ad Landgravium obsidentem Cubanos in castra Henricus Brunnsuicensium Dux, secum habens Comitem de Lippe Westfallum cum duobus pugnatorum millibus, bombardas adducens & machinas belli varias.

Ludovicus  
Dux pri-  
mogenitus  
Palatini  
missus in  
subsidium  
Cubano-  
rum.

Anno Domini supra notato. 25. die mensis Septembris, considerans Landgravius post multos labores & gravissimas impensas, quòd Cubam obtinere non posset, posteaquam novem & triginta diebus eam obsedisset, majorâque accepisset ab hostibus damna, quàm intulerit, mane solutâ obsidione recessit. Multa enim suâ sponte (ut ita dixerim) in ea obsidione suscepit incommoda tam in fractis penè omnibus bombardis, quàm in varijs machinis frustra compositis. Globos bombardarum ferreos non concavos, sed solidos plures quàm sexcentos adversum Cubanos inutiliter projectos amisit, quorum major pars in Rhenum cadens submersa fuit. Et sic finis Hassiorum belli contra Palatinum Comitem extitit, in quo uterque non parum detrimenti accepit, quanquam congressi ad pugnam non fuerint. tertio enim Landgravius à facie Palatini declinavit exercitus. Primò videlicet apud Bensheim. Secundò prope Alzen. Tertiò juxta Genzingen, quod idèò forsitan fecit, quia tunc secum non habuit machinas bombardarum.

Cubana ob-  
sidio solvi-  
tur per  
Landgravi-  
um die  
trigesimâ  
nonâ.

Eodem anno Philippus Comes Palatinus in Monasterium Limpurgense nostri Ordinis Spirensis Diœcesis præsidium 400. virorum locavit contra Emichonem Comitem de Liningen, qui dudum, ut supra dictum est, Landgravio confœderatus adversus Principem animos gessit hostiles. Erat nihilominus inter Macarium dicti Cœnobij Abbatem, & memoratum Comitem vasallum ejus juratum gravissima quædam dissensio pro quibusdam in Dureckheim Jurisdictionibus, & alijs in nemoribus & aquarum decursibus bonis temporalibus, quæ causam præstitisse videbantur, ut præsidio Monasterium contra insolentiam hostis muniretur, quanquam id nec postulante, nec volente factum sit Abbate, qui tunc apud Spiram febribus graviter æstuabat infirmus, in Cœnobio existente Conventu cum Priore non sine inopia victualium, quia carnibus non vescerantur.

In Mona-  
sterium  
Limpur-  
gense Pala-  
tinus locat  
præsidium.

Vigesimo tertio die mensis Julij, præsidium intravit Monasterium, & mansit in eo diebus 39. non sine gravi læsione & jactura utriusque status monastici. Interea præcipiente Macario Abbate, Libri, Calices, ornamenta Ecclesiæ, privilegia & Glenodia Monasterij successivè ad Spiram sunt deportata. Remanserant autem plura domus utensilia, lectisternia, vasa coquinæ, tabulæ sive imagines in Ecclesia, & alia sine certo numero Monacho-

Res Mona-  
sterij per  
Abbatem  
& Priorem  
transferun-  
tur in Spi-  
ram.

Monachorum instrumenta, quæ cum F. Gerhardus Baldevvini de Oedmersheim tunc loci Prior (qui nunc mecum est apud S. Jacobum prope Herbipolim) in Spiram transferre disponderet, Fridericus de Spanheim præsidij Capitaneus restitit, asserens non expedire hanc Monasterij translationem, propterea quod rusticis in vicino manentibus cunctis timiditatem simul & fugam incuteret. Cessit necessitate Prior imperanti, & contra voluntatem in Monasterio dimisit omnia & amisit. Vigesimo nono die mensis Augusti decollatione S. Joannis Baptistæ solemnî, Fratres divinum ex more celebrârunt officium, & in medio tumultu armorum, quantum licuit, suum canonem Prioris directione custodierunt. Erat enim Gerhardus Regularis disciplinæ studiosus amator, qui à teneris unguiculis in Cœnobio Lacensi optimè institutus, Abbate Macario postulante, Simone quoque de Petra in Lacu Pastore consentiente, ac me ut visitatore utriusque loci procurante, de memorato Cœnobio ante quinquennium translatus in Limpurg, ibique secundum Ordinis nostri consuetudinem sub obedientia stabilitus & Prior constitutus, quantum in ipso fuit, regularis disciplinæ observantiam in se & in Fratribus integerrimè custodivit.

Rapinas de  
Monasterio  
exercebant  
Palatines.

Interea verò, quod præsidium Comitum Palatini Limpurgensi manebat in Monasterio, incolæ villæ Dureckheim viri omnes ad vicinum castellum Comitum Emichonis de Liningen Duroburgum nomine non minus hostium metu, quàm arcis ipsius defensandæ gratiâ declinarunt. Hi autem qui erant in monte Limpurg nomine Comitum Palatini, ne tempus in otio viderentur consumere, sæpius excursione factâ hostium pecora, & quicquid invenire poterant, rapientes abduxerunt, in Dureckheim oppido maximè rapinas exercentes, sicque ut ferunt, incendendi Monasterij causam, quemadmodum accusantur ab æmulis, non minimam dicuntur præstitisse.

Præsidium  
exercitus  
Palatini  
recessit à  
Cœnobio  
Limpurg.

Vigesimo nono die Augusti circa horam undecimam in nocte Fridericus de Harmsheim Capitaneus Palatini jussu ipsius Principis amovit de Monasterio Limpurgensi præsidium suum, & in alia loca, ut sibi mandatum fuerat, traduxit. Latuit omnes Fratres præter Cellerarium Palatinensem de monte recessus, attamen eos, qui erant in Duroburgo, latere non potuit, qui suos exploratores ubique in nemore & itineribus acutissimè habebant dispositos. Post recessum præsidij suscitavit Oeconomus Priorem & Fratres, dixitque omnes à loco discessisse custodes, & sicut audivit, aliud metuendum eis fore prædixit.

Prior &  
Monachi  
omnes de  
Cœnobio  
Limpurg  
recesserunt.

His Prior & Fratres recognitis, & multis alijs comminationibus hostium in proximo commanentium territi, unanimi vocatione statuerunt loco fore cedendum, animas cupientes suas à periculo salvare potius, quàm perire. Convenientes igitur in chorum nocte mediâ, omnes Matutinale juxta morem persolverunt officium, deinde unusquisque prout potuit, arreptâ sarcinulâ suâ, flexisque in gradibus Presbyterij genibus orationem itinerantium, ut Regula jubet sanctissimi P. N. Benedicti, cum timore dixerunt, valedicentésque non sine lachrimis templo circa tertiam post medium noctis horam Monasterio exierunt, & conjunctim ad Spiram, ubi tunc sicut diximus Abbas jacebat infirmus, profecti sunt. Erant autem numero Monachi & Conversi sedecim, qui non ex levitate, reliquere

reliquere Monasterium, sed hostium metu, quorum furor juramento, ut ferunt, se constrinxerant, Monasterium cum habitatoribus, si qui reperirentur, incensurum, quod facti crudelitas etiam ostendit.

Igitur penultimâ die mensis Augusti, post recessum Palatini praesidij, & Monachorum de Cœnobio discessum sicut diximus ad Spiram, exeuntes manè de Duroburgo Comitibus de Liningen supradicto castello, quod est in proximo, Stratiotæ simul & rustici Durckheimenses nonnulli Monasterium Limpurg armati & pleni furore intrarunt, rapientes & deportantes omnia, quæ invenerunt cum bona mora, nullo penitus resistente. Enimverò sicut diximus, multa remanserant in loco, quæ præ temporis angustia Fratres non poterant Spiram deferre, præsertim contra prohibitionem eorum, qui Monasterium occuparant. Vini enim plaustrâ invenerunt 5. aut 6. Frumenta quoque nonnulla, Calicem unum, Ornamenta Ecclesiæ, libros nonnullos in Bibliotheca dimissos, lectisternia & utensilia domus, coquinæ simul & cellerariæ plura, quæ omnia rapuerunt.

Monasterium Limpurg à Duroburgijs invasum spoliatur.

Anno igitur Dominicæ Nativitatis prænotato, die mensis Augusti penultimâ, filij Belial & iniquitatis ministri ex Duroburgo turmatim procedentes, Limpurg Monasterium hominibus vacuum intraverunt, spoliaverunt, incenderunt, & domicilia Monachorum cuncta unâ cum Ecclesia pulcherrima, & amplissima cremantes igne in cinerem redegerunt. Fuit autem Ecclesia valdè insignis, à Conrado Imperatore quondam II. circa annum Dominicæ Nativitatis tricesimum supra millesimum constructa, & in honorem vivificæ Crucis Domini nostri Jesu Christi, ejusque castissimæ Genitricis semper Intactæ Virginis Mariæ memoriam consecrata, & pro sustentatione Monachorum sub norma divi P. N. Benedicti Deo servientium copiosè dotata, multisque decorata privilegijs, & ornata libertatibus.

Monasterium Limpurg spoliatum incendiatur & comburitur.

Erat sanè templum Dei pretiosum, quo majus in ordine nostro vidi nullum. Cujus latera duo intrinsecus intra Ecclesiæ corpus & absides viginti erant subnixa columnis ex solido lapide præcisus, quarum unaquæque in altitudine pedes habebat 20. in circumferentia verò spissitudinis pedes ferme 12. stabantque singulæ super bases singulas artificiosâ pulchritudine formatas: habentes in summitate singula capitella non parvæ nec separatæ magnitudinis, super quibus arcuati parietes in altum sustentabantur. Longitudo hujus Ecclesiæ pedeseontinebat 350. Latitudo verò 140. Capellæ fuerunt in ea quatuor: Altaria viginti: Turres habebat in fine versus Orientem 3. in quibus companæ 6. numero pendebant: quarum duæ majores non parvæ fuerunt æstimationis & pretij. In Ecclesia quoque stabant imagines Sanctorum ex ligno sculptæ in altaribus, & tabulæ depictæ plures atque pulcherrimæ, & alia non pauca in Dei ministerium deputata, quæ omnia per incendiarios illos, aut deposita sunt, aut in cinerem redacta, campanæ omnes incendij magnitudine perierunt. Columnæ quoque ruptæ sunt, nihil integrum, nihil non destructum in toto Cœnobio remansit. Fugientibus de Monasterio cunctis, senex quidam grandævus nomine Joannes officio scriniator præbendatus amore Dei impotens fugere in loco solus remansit. Is cum diaboli ministros ex

Ecclesia Limpurgensis Monasterij fuit omnium pulcherrima.



Duroburgo cerneret advenire, in Eccleſiam declinavit: quâ per illos incenſâ, & ipſe flammâ conſumptus eſt.

Duodecim  
diebus &  
noctibus  
continuè  
durabat in-  
cendium.

Per 12. dies & noctes continuè duravit incendium, miniſtris impietatis quotidie ſine alicujus hominis prohibitione & metu de Duroburgo excurrentibus, & nequid remaneret integrum in Eccleſia, & Monasterio toto, ignem renovantibus. Tam vehemens incendium exſtitit, quòd non tantum omnia ſtructurarum ligna conſumpſit, ſed etiam muros lapides & ſolidiſſimas columnas pro majori parte deſtruxit. Major etiam Turris Eccleſiæ ardoris vehementiâ in terram corruit. Denique priuſquam incenderetur Eccleſia, ſatellites diaboli omnia perfregerunt altaria, ſigillis manu ſacrilegâ ruptis, & Divorum reliquias quò voluerunt, deportârunt. Quod utrum pro honore & reverentia Sanctorum fecerint, aut ſicut raptorum conſuetudo eſt, pecuniam ſe reperturos ſperaverint, nobis manet incertum.

Sepulchra  
mortuorum  
aperuerunt  
ejectis ca-  
daveribus.

Duæ fuerunt abſides ab utraque parte ſeu latere Chori, quibus in modum Crucis more veterum conſtabat Eccleſia, in quarum ſiniſtra fuit ſepultura loci Abbatum, in dextera verò Comitum de Liningen, quorum Cadavera ſub elevatis à terra lapidibus pauſabant concavatis interius atque muratis. Neſcio quæ moverit ſacrilegos cauſa, quia hæc ipſa mortuorum ſepulchra temerantes aperuerunt, & inter alia corpus Emichonis Comitit, qui Pater fuit hujus Emichonis, integrum extraxerunt, quod filius poſtea translatum ad Dureckheim in Eccleſia parochiali fecit tumulari. Sacramentum Dominici Corporis imminente jam Eccleſiæ incendio Paulus Paſtor in Dureckheim, non ultimus in Concilio malignantium, ſuam deportaverat ad Eccleſiam. Satis hinc conſtat manifeſtè, quòd operarij iniquitatis Eccleſiam animo deliberato unâ cum Monasterio ſtatuerant concremare, quippe qui priuſquam ignem ſupponerent, Sacramentum deportari fecerunt, Altaria violârunt, Sanctorum reliquias pollutis manibus extraxerunt, ſepulchra Comitum aperuerunt, Cadavera ejecerunt, res ſacras cum tabulis & ornamentis deportârunt, ignemque in multis locis Eccleſiæ ſuppoſuerunt. Hic ſinis & conſummatio tam inſignis Monasterij, quod à prima ſui fundatione ſteterat annis quadringentis ſexaginta quatuor, & nunc hodiè jacet incenſum, deſtructum & penitus deſolatum annum ſerè in decimum, necdum reſtitui captum. Quando, quo tempore, quo medio, quibus impenſis, & per quos homines reſtitui debeat, aut poſſit, ſoli Deo eſt cognitum, qui ſolus omnia novit & poteſt. Enimverò quantum ego intelligere poſſum, qui Monasterium cùm ſtaret, optimè novi, ſi aſſent florenorum ſexaginta millia, non ſufficerent, ut reſtaurari poſſet in eam conditionem, in qua vigit priuſquam ab impijs hominibus incenderetur.

Palatinus  
Comes  
ſimul &  
ſemel à  
quatuor  
locis impu-  
gnatur.

Omnia quæ ſcripſimus, annua ſub ſerie prænotata mala, in ea concertatione regni & principum Germaniæ adverſus Philippum Comitem Palatinum facta ſunt, quæ menſibus ſerè 5. duravit, quatuor videlicet per inæquales exercitus, quorum primum in Bavaria duxit Maximilianus Rex & certi cum eo Principes. Secundum in Suevia præceſſit Udalricus Dux Wirtenbergienſium: & ambo ſatis nocuere Palatinatui. Tertius verò parvus & minimum nocens fuit exercitus Ducis Alexandri. Quartus autem crudelis & nimis hoſtilis incendio & rapinâ plus nocuit multis, qui  
ſub

sub manibus Wilhelmi Landtgravij Hassiorum ducebatur. Hos quatuor impugnantium exercitus quia descripsimus, nunc pacem requiramus.

His ergo quæ memoravimus, & multis alijs in perturbatione tumultuosè peractis, tandem circa festum S. Archangeli Michaelis Maximilianus Rex pacem cunctis indixit communem, præcepitque jam deinceps à bello cessandum. Et ne cuiquam videretur subtraxisse patrocinium Juris, Conventum Principibus statuit in mense Julio sequentis anni apud Coloniam celebrandum, in quo si quis aliquid haberet justæ querelæ adversus alium, communi Procerum judicio definiretur: interea mandavit ab omni tumultu quiescendum.

Maximilianus Rex à persecutione Palatini revocat Principes.

Anno prænotato, 20. die mensis Augusti, obiit Rupertus Comes Palatinus Baviaræque Dux Philippi Palatini Principis Electoris tertio generitus filius & gener Ducis Georgij Divitis avunculi sui, bello adversum se adhuc durante, anno ætatis suæ xxiii. filium relinquens, & filiam cum uxore vidua, Ducis Georgij quondam filia, quæ & ipsa post dies paucos moriens secuta est.

Rupertus Palatinus Baviaræ Dux cum uxore sua moritur.

Eodem ferè tempore mortuus est etiam Ludovicus de Helmstatt Episcopus Spirensis anno Pontificatus sui xxvii. non completo, cujus corpus Spiræ in Ecclesia majore sepelitur. Vir maturus integer & semper honestissimæ conversationis, de quo nihil turpitudinis, aut lasciviæ auditum est unquam. Sub hoc Pontifice Klingenberg, Odenheim, & Sinsheim Monasteria Ordinis S. Benedicti, Abbatibus cum Monachis apostatantibus, in sæculares Ecclesias Clericorum translata sunt.

Huic electione Canonorum in Episcopatu successit Philippus de Rosenberg majoris Ecclesiæ Cantor, & præfuit annis ferè 9. podagrâ, sciaticâ & continuâ infirmitate laborans. Hic transtulit collegium Canonorum ex Monachis novum de Odenheim, in oppidum Bruchsal cum omnibus rebus privilegijs & proventibus suis.

Philippus fit Episcopus Spirensis annis 9.

MDV.

Anno Joannis Abbatis Hirsaugiensis secundo, Indictione Romanorum viii. circa medium quadragesimæ, Philippus Comes Palatinus ad se Budoras convocavit Prælatos, Comites, nobiles, & communitates Principatus sui, quibus in aula majori comparentibus, plura cum eis tractavit super conditionibus Pacis reformandæ inter ipsum & Regnum cæterosque Principes, quorum fecimus memoriam.

Philippus Comes Palatinus Heidelbergana convocat Prælatos.

Eodem anno mortuus est Bertholdus ex Comitibus de Hennenberg Archiepiscopus Moguntinus, anno Pontificatus sui xxi. & in Metropolitana Ecclesia Moguntina cum patribus suis antecessoribus sepelitur: qui fuit in Principatu suo vir magnæ authoritatis & providentiæ, ingenio subtilis & promptus eloquio, experientiæ multæ, patientissimûsque laborum. Ecclesiam Moguntinam, quam ære alieno gravatam reperit, ut plurimum ex oneribus debitorum tempore sui regiminis liberavit. Verùm in his Clerum & Claustrales inconsuetis subventionibus multoties gravavit.

Post hunc Jacobus de Liebenstein, Patriâ Suevus, majoris Ecclesiæ Decanus, in Archiepiscopum electus præfuit annis fermè quatuor, homo bonæ conditionis, vitâ & moribus integer, qui morbo calculi & vesicæ laborans quasi continuè, non ita rebus Ecclesiæ suæ præesse valuit, quem admodum ratio temporum postulare videbatur.

Jacobus fit Archiepiscopus Moguntinus annis 14.

Conventus  
fit Regis &  
Principum  
magnus in  
urbe Colo-  
niæ.

Anno prænotato in principio mensis Julij, convenerunt ad Regem Maximilianum in Coloniam multi Principes Regni, quemadmodum antè fuerant jussi, inter quos isti fuerunt præcipui, Hermannus Archiepiscopus Coloniensis, Jacobus Archiepiscopus Trevirensis, Laurentius Episcopus Herbipolensis Duxque Francorum, Georgius Episcopus Bambergensis, Conradus Episcopus Monasteriensis, Christophorus Episcopus Kiemseensis, Petrus Episcopus Tergestinus, Christophorus Episcopus Lambacensis, Matthæus Episcopus Gurcensis, Philippus Comes Palatinus Rheni Princeps Elector, Fridericus Dux Saxonie Princeps Elector, Joachim Marchio Brandenburgensis Princeps Elector, Fridericus Marchio Brunsvvicensis, Ericus Dux Brunsvvicensis, Henricus Dux Laenburgensis, Wilhelmus Dux Juliacensis & Montensis, Henricus Dux de Magdeburgo, Ludovicus Palatinus Philippi primogenitus, Adolphus Comes de Nassavv, Fridericus Comes de Zolra, Philippus Comes de Waldegg, Wilhelmus Landgravius Hassie, Emicho Comes de Liningen, Joannes Comes de Holstein, Reinhardus Comes de Reineck, Sigismundus Comes de Lupfen, Felix Comes de Werdenberg, & plures alij, quorum nomina memorie non occurrunt, Comites, Barones, milites & nobiles adfuerunt.

Regis Man-  
dato pax &  
concordia  
inducitur  
principi-  
bus.

In eo conventu Principum Maximilianus Rex inter discordantes Duces pacem reformavit, & conditiones pacis in medium proposuit, quas servari & custodiri ab omnibus inviolabiliter sub pena criminis læsæ Majestatis partibus mandavit. Summa conditionum in eo fixit sententiam, ut qui tempore guerrarum plura perdidit, careret amissis, & qui multa fuerat lucratus, non compelleretur, saltem in foro contentioso, ad restitutionem. Quòd ita res fuerit, acta demonstrant consequentia, quoniam usque in præsentem diem ablatorum Palatino parum, aut nihil intelleximus restitutum.

Abbas  
Limbur-  
gensis accu-  
sat Emicho-  
nem Comi-  
tem super  
incendio.

In eodem Conventu Principum Macarius Abbas exusti Monasterij Limburgensis coram Maximiliano Rege querelam detulit contra Emichonem Comitem de Liningen, accusans eum & proclamans, ut auctorem incendij, simul & spoliatorem memorati Cœnobij sui. Verùm Rex alijs negotijs Regni plurimum occupatus Jacobo Archiepiscopo Moguntino causam per litteras commisit absenti: inter alia præcipiens, ut post causæ cognitionem tentaret inter partes pro concordia, quòd si eas concordare non posset, negotium cum actis remitteret.

Archiepisc.  
Moguntino  
cognitio  
causæ à Re-  
ge commit-  
titur.

Assumpsit commissionem Pontifex, & partibus citatis ad inquisitionem processit. Accusabat Comitem Abbas super incendio Monasterij reum. Negabat Comes suam voluntate aut scientiam esse commissum, dicens, se illo tempore apud Greiffenberg castellum laborasse febribus, & procul à Limpurg fuisse absentem. Abbas verò pollicebatur, se probaturum, quòd ministri & famuli Comitis de castello ejus Duroburgo turmatim exierint, Monasterium intraverint, spoliaverint, incenderint, castello prædam intulerint, atque per dies 12. quotidie ad montem redierint, & quod non ardebat, iterum bona cum deliberatione igne supposito concremaverint. Respondit Comes, quòd nihil eorum, quæ Abbas dixerat, factum sit de suo vel scitu vel consensu, sed si noverit incendiarios Monasterij sui, conveniat illos, & jure ad restitutionem compellat, quamquam



quam & illos excusare nitebatur, dicens, quòd speluncam incenderint latronum, & non Monasterium, utpote in quo Palatinenses adversarii & rebelles totius Regni mansionem habuerint, de qua rapinas & incendia pauperum in circuitu fecerint, mulieres & virgines introduxerint, vim eis contra omnem honestatem Christianam intulerint, aliáque plura commiserint mala, quæ fieri non soleant ex Cœnobijs Monachorum, sed ex castellis & speluncis latronum. Non dubium se fore dicebat, si Monasterium reperissent, ut Monasterium honorassent, & nec spoliassent illud, nec incendissent. Duravit inter Abbatem & Comitem ista coram Archiepiscopo contentio per triennium, quousquetandem morte sublato Abbate Macario Wernerus in Abbazia successit, qui cùm sit homo quietis amator & pacis, actionem causæ intermisit usque in præsentem diem.

Mors Ab-  
batis Maca-  
rij finem  
imposuit  
contentio-  
ni.

Macarius autem post incensum Monasterium cupiens locum habere, in quo manere posset cum Fratribus suis, Ecclesiam parochialem in oppido Wachenheim à Præposito & Conventu Luterensibus obtinuit, apud quam Cœnobium ædificare novum de consensu Palatini Comititis animo eogitavit. Mansit ergò cum quatuor Monachis apud eandem Ecclesiam in domo presbyteri, cæteris ad diversa loca hinc inde transpositis: ubi & hodie manet Abbas Wernerus cum paucis, qui Monasterium non ibi, sed in priori loco restaurare proponit.

Anno quoque prænotato, 29. die mensis Julij, Maximilianus Rex Germanorum cum Principibus multis ex his, quos apud Coloniam convenisse diximus, navigio descendit in Geldriam, Brabantinis, qui ejus jussu Arnheim oppidum Ducis Geldriæ obsidebant, laturus auxilium. Cùmque pervenisset ad locum destinatum, in multitudine pugnatorum gravi Arnheim sub certis conditionibus per deditionem obtinuit, & oppidanis neque in corporibus, neque in rebus damnum aliquod inferri permisit. Ducem etiam interventu Principum orantem pactis & nonnullis interpositis conditionibus ad gratiam recepit, qui tamen in promissa fide diu non permansit.

Rex Maxi-  
milianus  
cum prin-  
cipibus de-  
scendit in  
Geldriam.

Vigesimo octavo die mensis Julij, Maximilianus Rex cum iisdem Principibus Comitibus atque Nobilibus eo, quo exiverant ordine, Coloniam ingressi sunt, & epulis penè totâ nocte vacaverunt. Omnes denique per Civitatem campanæ sequenti die in signum triumphi & gaudij quòd pax esset data Geldrensis, pulsabantur.

Durante Principum Conventu, Canonicus quidam Ecclesiæ Coloniensis, Hermannus Archiepiscopo multum familiaris & dilectus, cùm quadam die apud eum cœnasset in Curia ejus, & jam noctis sub umbra comitantibus servis duobus redire pararet ad domum, in publica urbis strata per quosdam sicarios præordinatos occisus est. Fuerunt eo tempore graves inter memoratum Archiepiscopum & Cives discordiæ, quæ tamen sequenti anno fuerunt extinctæ, quarum occasione multi Senatum urbis habebant suspectum, quòd subordinatione ipsius hoc homicidium fuerat perpetratum. Quem post octennium excusabimus, cùm sceleris dicemus auctores.

Canonicus  
quidam  
Coloniæ  
in platea  
infidiosè  
occiditur.

Anno item prænotato, Maximilianus Rex Germaniæ contractis undique copijs pugnatorum expeditionem movit in Ungariam, suo Regnum dominio subiecturus. Verùm intervenientibus Episcopis & Pri-

Maximilia-  
nus Rex  
movit in  
Ungariam.

moribus Regni, pacem dedit Ungaris ſub conditionibus certis, & cum populo ſalvo in propria reverſus eſt.

Eodem anno Cometem Budoris vidimus crinitum inter Occidentem, & Septentrionem paucis diebus apparentem, cujus aſpectus terruit intuentes. Cui ſimilis etiam anno ſequentē apparuit, qui & ipſe duravit paucis diebus. Quos non diu poſt mors quorundam Germaniæ Principum ſubſecuta eſt.

MDVI.

Rüttlingen  
oppidum  
incendio  
crematur.

Anno Joannis Abbatis tertio, Indiſtione Romanorum ix. 20. die menſis Januarij, quæ fuit ſolemnitate SS. Martyrum Fabiani & Sebaſtiani feſtiva, Regale oppidum Rüttlingen igne caſuali ſuccenſum ardebat, in quo pluſquam 20. habitationes incolarum vorax flamma conſumpſit. Sed Udalrico Duce Wirtenbergenſium auxiliante, qui gratis ligna civibus donavit, omnes domus combuſtæ brevi in melius reſtructæ ſunt & reſtitutæ.

Capitulum  
Ordinis no-  
ſtri Provin-  
ciale in Au-  
guſta cele-  
bratur.

Eodem anno, Dominica III. poſt Paſcha, quæ fuit 3. dies menſis Maij, Auguſtæ celebratum eſt triceſimum ſecundum Ordinis noſtri Provinciale Capitulum apud S. Udalricum, in quo præſederunt Joannes Rheinharz-Bronnenſis, Volpertus Hirſfeldenſis, Conradus S. Stephani Herbipolenſis, & Martinus in Wiblingen Monafteriorum Ordinis S. Benediſti Abbates. Et nota, quòd celebratio hujus capituli ante biennium fieri debuiffet, quemadmodum in Fulda fuerat conſtitutum, ſed bella Principum impediverunt.

Conſlictus  
inter Caſi-  
mirum  
Marchio-  
nem &  
Nurenber-  
genſes.

Anno prænotato, cùm ex Regali oppido Nürenberg nonnulli cives animis ferventiores ad villam quandam non procul diſtanti in die anniverſaria Dedicationis Eccleſiæ recreationis cauſâ exiſſent, irruit in eos ſubitò Caſimirus Marchio Brandenburgēſis, quem ad menſam opperatam verbis quibuſdam contumelioſis dicebantur invitâſſe, cum tribus, ut ferunt, pugnatorum millibus, & plures eorum occidit, cæteris in urbem recurrentibus. Alij dicunt, utriuſque partis numerum virorum ſimul computando tria pugnatorum millia extitiſſe, quod & mihi probabilius eſſe videtur, informationem accipienti ab uno, qui interfuit. Ceciderunt nihilominus etiam in parte Marchionis quamplures.

Univerſale  
Gymnaſiū  
Franckfur-  
diæ in Mar-  
chia funda-  
tur.

His temporibus Joachim Marchio Brandenburgēſium Princeps Elector, cujus reſidentia eſt in oppido Berlin nuncupato, ſecus flumen cui nomen eſt Sprevus, non Suevus, ut malè legitur apud Ptolomæum, Princeps nobilis, prudens, & doctus, qui noſtrâ tempeſtate inter omnes Germaniæ Principes, quos ego noverim, unicus facilè Mœcenas omnium eruditorum hominum judicio habetur, novum apud Franckfurt oppidum ſuum Cis-Oderam univerſale Gymnaſium fundavit, & anno prænotato, 26. die menſis Aprilis, me cum ipſo tunc exiſtente per 9. menſes in Marchia, primos ejuſdem Univerſitatis Magiſtros atque ſtudentes cum magna ſolemnitate introduxit, fovit & dotavit. Julio Papa ſecundo hancjuſ foundationem confirmante, & privilegia concedente optata. Primus autem Gymnaſij hujus Reſtor & in Theologia ordinarius fuit Magiſter Conradus patriâ Francus ex Buchen villa oriundus, quem vulgò Wym-pfinatem appellant, Doct̃or Lipſienſis, qui ſcripſit ſuper ſententias Petri Lombardi 4. libros, & quædam alia cum tempore in lucem ventura.

Fuerunt

Fuerunt eo tempore, quo ego cum Principe memorato eram in Berlin sive Ursulo mensibus novem, quidam latrunculi ex eorum numero, qui de generis sui nobilitate frustra gloriantur, hinc inde per Marchionatum discurrentes, & quoscunque mercatores, vel alios itinerantes pecunijs, & rebus occultè spoliantes, non curando, sed contemnendo potius itineris tuti Marchionis conductum. Horum improbitate Princeps tandem excitatus, & per semetipsum, & per suos ministeriales observavit latronum incursum, plures eorum cepit, ex quorum necessitata confessione confederatorum in malum & aliorum nomina cognovit. In brevi tempore Principatum suum latronibus purgavit, ut mundum Hercules monstris reddiditque viatoribus itinera satis tutiora. Constat enim mihi, & est in tota Marchia manifestum, quòd intra biennium non minus quadraginta ex nobilium prosapia raptores, vel suspendi fecerit, vel capitibus truncari. Cateri verò malignantium societatis, qui se novèrè culpabiles, relictis uxoribus cum liberis, domicilijs & rebus universis, extra Marchiam fugerunt, nec audebant redire, quamdiu Princeps iste vixerat in humanis. Tanto enim justitiæ fervet amore, quòd neque muneribus, neque precibus etiam Principum, vel amicorum, imò nec minis, nec terroribus libram æquitatis deflectit, sed reddit malefactoribus, quod merentur in capita eorum. Quò fit ut jam nunc ab omnibus timeatur, & nullus remanserit, qui latrocinium in ejus exercere dominio præsumat. Eorum quæ dixi adducam vel unum, quod audiavi & vidi ab eo factum. Erat homo quidam nobilis, de bona prosapia ortus in ducatu Mekelburgensi, multis consanguineis & fratribus dives, qui raptoribus conjunctus, & semel duntaxat participans, captus est in mense Februario anno præcedenti, & in Ursulum ductus, mansitque vinculis alligatus usque post Octavas Dominicæ Resurrectionis. Multæ pro eo factæ sunt preces, multa promissa. Egit pro ejus liberatione Henricus Dux Megalopolitanus, qui Ursulam sororis ipsius Marchionis desponsatam præstolabatur uxorem, personaliter in carnis-privio apud Ursulum præsens. egerunt Marchionissa uxor, Albertus frater, nunc Archiepiscopus Magdeburgensis & Germaniæ primas, soror quoque memorata, sed & fratres & amici ejus, qui tenebatur captivus, & alij multi, nihil tamen obtinere potuerunt. Denique captivus ipse consensu fratrum suorum & se in servum perpetuum, & quidquid in mundo habebat, Marchioni obtulit in proprium, tantum ut vitam ei, quibus vellet conditionibus interjectis, permitteret. Quibus ille respondens ait: *Non decet Principem & rectorem populi justitiam vendere, vel muneribus acceptis nocentem dimittere, vel innocentem condemnare. Unde si centum florenorum millia posset dare homo iste, vel quilibet alius in simili crimine deprehensus, non mutabis sententiam æquitatis apud me atque justitiæ. Et ita mansit animo fixus, reum capite plectens.* Verùm ne quis tyrannidem in eo hanc esse putaret animi constantiam, potius quàm amorem vel observantiam æquitatis, libet paulisper describere hominem, & quàm longè ab eo sit omnis crudelitas, paucis ut possumus, aperire, quamquam satis ad confirmationem propositi esse potuerit, quòd in ejus Nativitate ante annos triginta superius dictum est. Adjicio tamen non adulationis studio, cum forsitan ista nunquam lecturus fuerit, sed amore veritatis, quæ saluum conservat innocentem. Est enim vir Principatu dignissimus, ingenium

Joachim  
Marchio  
Brandenburgensis  
mallicus  
predonum

Joachim  
Marchio  
monstris  
terram  
purgat  
id est prædonibus,

Joachim  
Marchio  
justitiam  
pretio non  
vendit.

Notabile  
verbum.



Joachim  
Marchio  
Trithemio  
notus eſt  
Princeps  
pientiſſi-  
mus.

genium naturâ conſecutus bonum, docile, promptum ſubtile & amœ-  
num: vitâ & moribus integer, modeſtus, pius, humanus, mitis & ſummâ  
benevolentia decoratus, juſtus rectus, & magnâ in Deum ſinceritate devo-  
tus. Non ſpernit pauperes, neque inopum contemnit audire, vel diſcer-  
nere cauſas, ſed facilem cunctis audientiam præſtat. Cum Paulo audi-  
mus eum dicere: *Princeps ſapientibus & inſipientibus debitor eſt, & ſubjectorum*  
*omnium quieti providere debet pro viribus & ſaluti; Dei enim miniſter eſt, ut bonos*  
*affectu pietatis foveat, malis autem vindictam rependat.* Sic loquitur, ſic agit,  
ſine tyrannide juſtus, ſine crudelitate ſeverus, ſine ſuperbia potens, ſine  
temeritate conſtans, quem eo melius novi, quo ei familiarius, & ſi dici  
fas eſt, ſecretius aliquandiu ſum apud Urſulum converſatus. Anno  
namque præcedente in menſe Auguſto, conſenſu & juffione tunc Principis  
mei Philippi Comitæ Palatini apud Coloniam in Conventu Principum  
publico exiſtentis, ubi eram ab ipſo vocatus, intravi cum eo ad Marchiam,  
& manſi apud illum, quemadmodum ſupra dixi, menſibus novem, gra-  
tiâ linguæ docendæ latinæ, quam brevi tempore illo ſatis apprehendit &  
didicit, ut deinceps in ea facultate præceptore ampliùs non indigeat. Ejus  
fidem, cultum, & devotionem in Deum conſultè pertranſeo, ne magni-  
tudine materiæ ſcriptor ineptus ſuccumbam.

Magna Ju-  
dæorum  
perſecutio  
in Civitate  
Ulixibo-  
nenſi,

Anno præſcripto, nonâ decimâ die menſis Aprilis, quæ fuit Octava  
Dominicæ Reſurrectionis, facta eſt in Regno Portugalliæ in Civitate Uli-  
xibona magna Judæorum & ex eis baptizatorum perſecutio, cujus iſta fuit  
cauſa & principium. Erant plures ex Judæis noviter converſi ad fidem,  
qui dicebantur novi Chriſtiani, quorum major pars in aperto Chriſtum  
conſitebatur, ore non corde, in ſecreto verò Moysen & ritus Judæorum  
ſequentes obſervabant. Contigit quòd ſeptimâ decimâ die menſis Aprilis,  
quæ fuit ſexta feria poſt Paſcha, mandato Regis Portugalliæ ſedecim-  
eorum captivi dimittebantur è carcere, qui Paſcha prius cum Judæis cele-  
braverant, agnum Paſchalem, ova & carnes in Quadrageſima more  
Judæorum comederant, & propterea capti fuerant, quos Chriſtiani omnes,  
qui erant in Civitate, dignos incendio judicabant. Cùm ergo dimitteren-  
tur impuniti contra populi voluntatem, omnes contra Regem & guber-  
natorem, quaſi munera ſuſcepiſſent à Judæis, & morte dignis peperciffent,  
murmurabant. Quid moror? grandis in Civitate contra Judæos & no-  
vos Chriſtianos tumultus oritur, in unum conſpirant omnes viri & mu-  
lieres, juvenes & ſenes, clamat omnium ſimul excorſ ſententia: *Tolle im-*  
*pios, tolle ſacrilegos, interfice Judæos, falſos demolire Chriſtianos.* Surrexerunt  
in eo tumultu & conventu S. Dominici duo Fratres, & nescio cujus alte-  
rius Normæ tercius, qui tres populum in perniciem Judæorum vehemen-  
tiùs concitabant. Nam ſinguli per ſingulas urbis plateas & angulos di-  
ſcurrebant, imaginemque Salvatoris noſtri Crucifixi portantes in manibus  
magnâ voce clamabant: *Miſericordia! Miſericordia! veniat & ſequatur nos,*  
*quicunque fidem Catholicam & crucem Chriſti diligit, quoniam Dei amatores*  
*ſumus, & Judæos inimicos omnes interficere volumus & necare.* Ad has cla-  
mantium voces tota commota eſt civitas, & ſequebatur Fratres ſingulos  
ſingula multitudo magna virorum in armis, mulierum quoque & juve-  
num. Nescio Zelus Dei dicendus fervor ſit hic populi, an furor; per totam  
namque



námque diem supradictum Pascatis & noctem in Civitate discurrebant interficientes, quotquot invenire poterant novos Christianos atque Judæos, & cadavera occisorum in planitie S. Dominici projecta in ignem, combusserunt. Cæpit ista Judæorum interfectio horâ tertiâ post meridiem die Dominicâ in octavis Paschæ, anno sicut diximus prænotato, duravitque in diem sequentem usque ad meridiem, in quo temporis spatio unius & viginti horarum, occisi ferebantur homines memoratæ opinionis non minus sexcenti, quorum aliqui vivi, reliqui verò jam mortui, viri, mulieres, juvenes & senes ignibus cremati sunt omnes. Duravit in Judæos memorata persecutio diebus paucis, in quibus eorum ferebantur occisitam in urbe, quàm in proximis villis mille nongentâ triginta. Sed jam nunc quid in persecutores Judæorum Christianos sit actum breviter dicamus.

Judæi à Christianis multi occiduntur in Ulixibona urbe.

Relatione factâ ad Regem, qui tunc milliaribus quatuordecim ab Ulixibona civitate fuerat absens, eorum quæ fuerant acta, vehementer iratus est, & jussit omnes, qui principales fuissent in causa contra Judæos auctores, comprehendi, quorum à prima die Maij usque ad sextum decimum plures quàm ducenti numero sunt carceribus mancipati, inter quos & patres illitros crucigeri fuerant comprehensi. Denique fuerunt post hæc & alij non pauci numero tam ex Villanis, quam ex Urbanis Regio jussu coniecti in tenebras carceris. Ex quibus duo illi Fratres S. Dominici, qui concitaverant populum, inprimis vivi combusti sunt. deinde captivorum alij capitibus cæsi, ad crucem alij suspensi, ceteri bonis privati omnibus, de patria in exilium proscripti sunt. Omnes quoque Fratres S. Dominici decimum nonum transgressi ætatis annum, de Cœnobio fuerunt expulsi.

Vindicta Regis in Judæorum persecutores facta.

Anno prænotato, in mense Augusto, iterum apparuit Cometes, id est, stella caudata, quam tunc Heidelbergæ constituti vidimus inter Septentrionem & Orientem sub urfa majore rutilantem, quæ utriusque signum Leonis & Virginis occupavit, & paucis diebus duravit. Secutum est non diu postea Maximiliani Regis bellum contra Venetos, quod per annos jam plures duravit usque in præsentem diem, de quo suo loco dicemus.

Cometes apparuit.

Eodem anno Philippus Archidux Austriæ, Dux Burgundiæ & Brabantiae, filius Maximiliani Regis Germaniæ, qui Joannam filiam Ferdinandi Regis Hispaniarum habuit uxorem, post mortem Elisabeth reginæ matris uxoris declaratus Rex Castellæ & Legionis, consilio suorum contra voluntatem, ut dicebatur, inductus, cum mille quingentis viris Classem ordinavit à Flandria versus Hispaniam, Regnum suscepturus oblatum. Præfectum Classis constituit Wolfgangum Comitem de Fürstenberg virum nobilem & strenuum, & erant in ejus Comitatu multi viri nobiles, Comites, & Barones, qui omnes cum magno gaudio novum Regem prosequentes consensu navibus iter periculosum acturi, mare sulcabant. Vicecimâ autem die posteaquam in magna tranquillitate navigaverant, & pervenissent non procul ab Insula, quam Cordan veteres nuncuparunt, & est post Aquitaniam ad plagam Occidentalem Sanctonum, habens promontorium ab Aquilone, & Curanum à meridie, subito in mari tempestas orta est maxima, cujus impulsu naves ab invicem separatæ in loca jactabantur diversa, ita, ut nec duæ simul manerent conjunctæ. Salvi ta-

Philippus Archidux Austriæ Rex Castellæ & Legionis declaratur.

Philippus cum suis periclitatur.

men omnes evaſerunt, præter unam navem, quæ cum hominibus ferme centum fuit ſubmerſa, & in profundum abſorpta. Tantus autem ventorum impetus fuit, quòd naves penè omnes retrorſum violenter uſque ad Angliam retruſit, & magnum iter maris paucis conſummavit in horis. Mari tandem optatâ tranquillitate conſeſſâ, Rex Philippus cum ſua navi haud procul ab Anglia inventus eſt ſalvus. Qui autem in cæteris navibus erant vagantes per mare, amiſſum Principem anxîâ mente quærebant, ad quem non ſubitò, ſed per intervalla ſucceſſivè tandem omnes pervenire meruerunt, illis duntaxat exceptis, quos cum una diximus navi conſracta in profundo maris periſſe. Poſtquam ergo ſimul iterum conveniſſent apud Hampton oppidum à latere Albionum, denuò verſus Hiſpaniam navigare cœperunt, patrociniũ S. Jacobi Apoſtoli crebrius invocantes, cujus Baſilicam in Compoſtella ſe viſitatuſ ſeſe unanimi omnes promiſſione foverunt. Unde miſerante Deo & patrociniũ ferente ſalvi tandem ad littus pervenerunt Galitiæ, quo tranſmiſſo atque circumgyrando angulum terræ juxta Caronium oppidum, quod Omena fluvius præterfluit, navibus relictis deſcenderunt in terram, & pedẽſtres ad S. Jacobum proceſſerunt. Votis & orationibus ritè perſolutis iter verſus Regnum Caſtellæ una cum rege & cæteri jam læti aſſumpſerunt. Cũque veniſſent ad civitatẽ Burgis nominatam, Rex Philippus infirmari cœpit, invaleſcentẽque morbo tandem anno prænotato viceſimâ quintâ ibidem in palatio ſuo mortuus eſt anno ætatis ſuæ viceſimo octavo completo, adjunctis menſibus tribus & paucis diebus. Ordinaverat vivus, ut mortuus exenteraretur, & cor mitteretur in Brabantiam ſepeliendum in oppido Bruxellis. Intẽſtina verò ſepelirentur in ipſa Civitate Burgenſi, corpus autem in Granatam juſſit deferri & ibidem ſepeliri, volens in his tribus locis memoriã habere ſpeciale. Reliquit duos filios Ferdinandum, & Carolum, quorum alter hodie cum matre ſub tutoribus regnat in Hiſpania, alter autem adhuc puer vivit in Brabantia. Et hic finis nobiliſſimi principis fuit, cui ſimilem generis nobilitate, regnorum & principatuum multitudinẽ, divitiarũque immenſitate noſtris Germania temporibus habuit neminem, qui, ut ferunt, non ambitione regnandi, ſed aliorum perſuaſus conſilio, relictâ dolci patriã, periculofum iter aſſumpſit, in quo & periit.

Rex Philip-  
pus Burgis  
in Hiſpania  
ſextâ feriã  
moritur.

Abbatiam  
Spanhei-  
miſem  
Joannes  
Trithemius  
reſignat.

Anno Dominicæ Nativitatis prænotato, cũ in me quidam æmuli ſuſcitãſſent livorem, concepi, ut mihi viſum eſt, juſtam animi quandam indignationem, quã malignitate quorundam concitatus, & locum mutare decrevi & gentem, ſciens meæ haud convenire ſaluti cum ingratis Monachis diutiùs converſari. Maturâ igitur deliberatione præhabitâ Monafterium Spanheimenſe cum Abbatia, cui præfueram annis tribus & viginti menſibus duobus & 14. diebus, in ſollicitudine continua & laboribus multis voluntate ſpontaneã reſignavi, & vocatus per Dominum Reverendiſſimum Herbipolenſis Eccleſiæ Antiſtitem Laurentium de Bibera, orientalis Franciæ Ducem, Wirzburg anno prænotato in fine menſis Septembris acceſſi.

Joannes  
Trithemius  
fit Abbas  
Monafterij  
S. Jacobi  
Herbipoli.

Eodem igitur anno, 12. die menſis Octobris, qui fuit ſecunda feria poſt Feſtum S. Dionyſij Arcopagitæ Martyris, in Abbatem Monafterij S. Jacobi Apoſtoli majoris in ſuburbanis memoratæ civitatis ſui electus per prædictum Dominum Laurentium Episcopum, Conradum quoque S. Stephani



S. Stephani, & Georgium S. Felicitatis in Schvvarzach Monasteriorum, Abbates, in quos per Fratres dicti loci coram Notario & testibus legitime fuerat compromissum die mensis ejusdem 14. fui confirmatus ab eodem Pontifice Laurentio, & sequenti die, quo Festum celebratur S. Burckardi Episcopi, realem Coenobij possessionem accepi.

MDVII.

Anno Joannis Hirsaugiani Abbatis quarto, Indictione Romanorum x. hyems lenta & quasi nulla fuit, unde in plerisque locis pestilentia non caruit.

Conventus magnus fuit Principum apud Constantiam.

Eodem anno, Rege Maximiliano precipiente. Conventus Principum apud Constantiam Alemanniae urbem factus est magnus, qui ultra menses quatuor duravit. Nam 16. die mensis Aprilis cepit, & in fine Augusti terminatus fuit. Multa in eo Conventu tractata fuerunt contra temeritatem Venetorum, qui jam tunc & Regno contumaces, & imperio rebelles cum Ludovico Gallorum Rege foedus inierant, & communi perfidia in Maximilianum Regem Germanorum fecerant venenosam conspiracyonem, de quorum gestis reliqua ordine suo breviter tangemus, plenam omnium noticiam non habentes, licet scripta per alios reperiantur.

Maximilianus etenim Rex Germanorum volens in Italiam proficisci pro suscipienda corona Imperij, Principes in Conventum vocavit, mandans alijs, ut se ad comitatum personaliter disponerent, alijs vero precipiens, ut equites & pedites ad iter necessarios juxta consuetudinem antiquam ordinarent. Audientes Veneti, quod Rex transitum pararet in Italiam, veteri laborantes in eum odio & invidia, vario ceperunt deliberare consilio, quemadmodum vias omnes ituro praeccluderent. Cum Rege imprimis Gallorum Ludovico, qui Mediolanum eo tempore cum parte Lombardiae non parva detinebat, ut supra diximus, pacem & foedus constituunt; deinde quosdam & alios Italiae Principes & civitates in suam conjurationem trahunt, quorum auxilio per annos jam septem Imperio manent rebelles non sine proprio detrimento maximo; videns enim pertinaciam eorum Rex Germaniae Maximilianus, bellum superbis indixit, quod usque in praesentem continuans diem graviter eos afflixit.

Venetorum contra Maximilianum Regem contumacia.

In praedicto Conventu Principum apud Constantiam Maximilianus Rex pro anima filij sui Regis Philippi apud Burgas in Hispania sicut diximus praecedente anno defuncti, Funeralia cum magna devotione celebrari fecit in Principum frequentia multorum, simul & aliorum complurium Praelatorum, Comitum atque Nobilium. Aderant & Oratores absentium Principum Civitatum & Communitatum Regni plures in obsequium defuncti Principis pia mente convocati.

Funeralia celebrat filio Maximilianus Rex in Constantia.

Anno praenotato mortuus est Episcopus Brandenburgensis, cujus nomen memoriae non occurrit. Post quem Hieronymus Plebanus Ecclesiae in Corvvifs. promotione Joachim Marchionis Brandenburgensis in Episcopatu successit. Fuit Ecclesia Brandenburgensis memorata similiter & Habelburgensis, quae ambae sunt Cathedrales, & sub principatu Joachim Marchionis constitutae, à multis retrò annis Praemonstratensis Ordinis, quarum Fratres & Episcopi hanc ipsam religionem & habitum, & Regulam semper fuerunt professi. Anno autem praenotato dispensatione Julij Papae secundi ambo Pontifices cum Fratribus suis ab ordine Praemonstra-

Episcopus Brandenburgensis moritur.



tenſi recedentes facti ſunt ſine Regula Canonici ſeculares, qui ut veriſimiliter timendum eſt, vitâ & moribus interius nunquam exiſterunt ſpirituales. Enimverò mihi perſuaſum eſt penitus, verum & bonum Clauſtralem, quam diu eſt bonus & verus, ordinem ſuum, quem profeſſus eſt, non poſſe deſerere, quem ſi deſerat, nec bonus eſt nec verus.

Grandinis  
immenta-  
tempeſtas  
hominibus  
plura intu-  
lit damna.

Anno item prænotato, 4. die menſis Julij tanta grandinis tempeſtas in Suevia ſubitò fuit exorta, maximè in convallibus Ammerthal nuncupatis, in Rottenburgo quoque Cis-Neccarum, circa Tübingen, Horvve, & Ruttingen, quantam nulla memoria hominum noverat, aut vidit, quæ plura mortalibus intulit damna in frumentis, in vinetis, & in fenestris, quarum multas ſine numero confregit.

Eodem anno, Maximilianus Rex Brabantinos denuò contra ducem Geldriæ miſit in bellum, quibus ex ſuperioribus Regni partibus multos ſtratiotas ad prælia voluntarios conjunxit, ſicut enim paulo diximus antè, Carolus Dux Geldrenſium, qui prius in verba Regis Maximiliani juraverat, poſt ejus & principum reſeſſum à Colonia rebellionem priſtinam reſumpſit, & Brabantinos ut prius incurſionibus & rapinis denuò moleſtare cæpit, cui & Ludovicus Rex Gallorum XII. quantum potuit occultè, pecunias & ſubſidia tranſmiſit, & hodiè partes ejus fovere non deſiſtit contra Regem Maximilianum. Cur hoc faciat, quidve intendat, non opus habemus Oedipo, ut myſterium capiamus.

MDVIII.

Conradus  
Celtis Pro-  
tucius poë-  
ta in Vien-  
na mori-  
tur.

Anno Joannis Abbatis quinto, Indictione Romanorum XI. in principio menſis Februarij, mortuus eſt Viennæ in Austria Conradus Celtis Protucius poëta laureatus, vir in litteris humanitatis haud mediocriter eruditus, Græcæ linguæ non ignarus, & Hebræam callens in parte, natione Germanus, patriâ Francus Orientalis ex Wupfeld prope Schveinfurt oriundus, qui ſcripſit vario carminum genere quatuor non parvæ lectionis volumina, quorum primum Germaniam prænotavit illuſtratam, ſecundum Amorum, tertium Odorum, quartum Epigrammatum. Et quædam alia minora proſaicè, quorum titulos annotavimus in libro noſtro de ſcriptoribus Eccleſiaſticis, & alio de Germanis, vixit annis 46. & 3. diebus, in Eccleſia Viennenſi ſepultus.

Philippus  
Comes Pa-  
latinus  
Princeps  
Imperij  
Electo-  
r obijt.

Eodem anno, penultimâ die menſis Februarij, quæ fuit die Lunæ poſt Dominicam Sexageſimæ, obiit in oppido ſuo Germersheim Philippus Comes Palatinus Rheni Baviaræ Dux & Princeps Elector anno ætatis ſuæ 59. menſe 6. cujus corpus Heidelbergam relatum in choro Collegiatæ S. Spiritus juxta tumulum uxoris quondam ſuæ debito cum honore ſepultum eſt, cui filij ſine pompa, quemadmodum vivus præceperat, funeralia celebrârunt. Nam etſi charæ ſuæ conthorali ante annos 7. vitâ defunctæ funeralia exhibuit pompoſa & permagnifica, ſicut vidimus, ipſe tamen jam jam moriturus filijs interdixit hæc omnia, præcipiens, ut in die ſepulturæ ejus 12. viri pauperes novo panno laneo nigri coloris per omnia veſtirentur, qui corpus cum humilitate ſine pompa, ſine vanitate ad ſepulchrum deferrent. Et providâ quidem Dei ordinatione factum eſt, ut non Comites, non nobiles, non divites, non in hoc mundo potentes, ſed pauperes & humiles in humeris ſuis corpustanti principis coram multitudi-  
tudine hominum portarent ad ſepulchrum. Ipſe namque pauperes ante  
portas



portas palatij sui quotidie pro stipe convenientes hilariter pascere consuevit, & quidquid mensis edentium fuisset residuum, in usus eorum expendi totum per eleemosynarium suum proprium, quem ad hoc specialiter deputatum habuit, pro Christi honore mandavit. Invenit itaque misericordia Principis in humilitate meritum, qui libens Christi pauperibus tribuit nutrimentum.

Filios reliquit septem in vita superstites & 4. filias, quorum omnium ista sunt nomina: Ludovicus ipse primogenitus in principatu successit, necdum habens uxorem, & erat tunc annorum ferè triginta.

Ludovicus  
patri suc-  
cessit in  
Principatu.

Philippus annorum 28. Frisingensis in Bavaria tunc Episcopus hodie vivit, Princeps ingenio mitis & mansuetus; qui Clerum & populum sibi commissum hodie regit in omni pace & tranquillitate.

Frater  
Ludovici.

Fridericus annorum tunc erat sex atque viginti, qui hodie sine uxore tutor est filiorum Ducis quondam Ruperti fratris sui in Bavaria, ut supra dictum est, & eundem strenuè gubernat principatum sibi commissum.

Georgius cum Pater moreretur, annorum fuit duorum atque viginti, qui primò fuit præpositus Ecclesiæ Moguntinæ, & nunc Episcopus est Ecclesiæ Spirensis.

Henricus præpositus sancti Albani prope Moguntiam annorum unius & viginti extitit, qui & nunc præpositus est Ecclesiæ Beatæ Mariæ semper Virginis Aquisgrani.

Joannes Episcopus Ratisbonensis in Bavaria fuit annorum viginti, quando pater ab hac luce migravit, homo mansuetus & morum integritate reverendus.

Wolfgangus Herbipolensis Ecclesiæ Canonicus annorum fuit quatuordecim, quando pater obiit, qui apud Gallos Parisienses hodie litteris dat operam.

Elisabeth senior filia patre moriente fuit annorum viginti quinque. Hæc primò nupsit Wilhelmo Hassiorum Landtgravio, quo sine liberis mortuo, ut supra dictum est, post annos aliquot secundo nupsit Philippo Marchioni Badensi.

Sorores  
Ejusdem.

Amalia secunda filia annorum tunc fuit decem, & octo, quæ post obitum Patris anno quinto nupsit Georgio Pomeranorum & Stettinensium Duci, ut infra dicemus.

Helena patre moriente fuit annorum quindecim, quæ nupsit postea Henrico Duci de Meckelnburg, qui primus Ursulam habuit sororem Marchionis Joachim Brandenburgensis, cum quo paucis vixit annis moriens in partu.

Catharina ultimò genita fuit annorum novem, quam pater triennio prius, quàm moreretur, in Monasterio, quod Neuenburg sive novum castrum nominatur prope Heidelberg, virginibus sacris commendavit, in quo Monialis jam est professa.

Anno prænotato in solemnitate S. Gertrudis, quæ fuit feria sexta post Dominicam, *Invocavit*, die videlicet septimâ decimâ mensis Martij, obiit Albertus Dux Baviaræ, qui fuit filius Alberti, qui fuit Ernesti, qui fuit Joannis, qui fuit Stephani, qui fuit Ludovici Imperatoris quarti, qui fuit Ludovici, qui fuit Othonis Baviaræ Ducis, qui habuit uxorem nomine Gertrudem filiam Henrici Comitis Palatini Rheni Heidel-

Albertus  
Baviaræ  
Dux in op-  
pido suo  
München  
obiit.

Alberti ge-  
nealogia.



bergæ commorantis, cum qua Palatinum obtinuit principatum, quem Ducatui Bavarie conjunxit usque in præsentem diem. Genuit autem duos filios de memorata uxore, Ludovicum & Henricum, quo mortuo ipsi duo filij ejus inter se principatum diviserunt. Ludovicus qui & primogenitus obtinuit Palatinum cum Amberga, & certis alijs Castellis, & oppidis in superiori Bavaria.

Genealogia  
Comitum  
Palatino-  
rum.

Henricus verò reliqua Ducatus Bavarie Dominia, ut suo loco diximus, consecutus est. Ludovicus autem habuit uxorem, ut longè supra diximus, Mariam Ducis Brabantie filiam, quam suspicione adulterij iussit occidi, postea duxit Annam Regis Polonie filiam, de qua genuit Rudolphum Comitem Palatinum. Rudolphus autem genuit Adolphum. Adolphus autem genuit ejusdem nominis Adolphum. Adolphus genuit Rupertum Germanie Regem. Rupertus autem Rex genuit Ludovicum barbatum. Ludovicus autem barbatus genuit Ludovicum pium. Ludovicus autem pius genuit Philippum, Philippus genuit Ludovicum, qui hodie sicut diximus Principatum gubernat Palatinum. Uxorem habens filiam Alberti Ducis Bavarie memorati, anno præsignato mortui, & in Munchen sepulti. Reliquit idem Albertus Dux & alios filios & filias de uxore sua, filia Friderici Imperatoris tertij natos: quorum primogenitus nomine Wilhelmus patri succedens in Ducatu hodie principatur. Eorum verò mater soror Maximiliani Regis Germanie, statim post obitum Ducis Monasterium sororum de tertia Regula, quod situm est in oppido Monacensi, plenâ devotione intravit, in quo habitu summâ pietate in Deum hodie fertur sanctissimè conversari.

Concursus  
fit populi  
ad sanctam  
Mariam  
prope Dietels-  
pach.

His temporibus circa oppidum Dietelsbach, quod ferè tribus ab Herbipoli distat milliariibus, in publica via juxta vineta in arena fuit imago quædam Beate Mariæ semper Virginis Vespertinalis vulgò æstimata, in trunco ligneo, ut fieri solet, posita, apud cujus præsentiam multa fieri miracula dicebantur. Concursus fit populi magnus; plura sanitatis beneficia divinitus conferuntur mortalibus, & oblationes fidelium ingentes afferuntur, ex quibus mox fundatur Ecclesia. Hujus piæ concursionis & miraculorum historiam descripsimus ad petitionem Senatus ejusdem oppidi Dietelsbach, in quo principium & causam ejus invenies.

Conventus  
Principum  
indicitur  
apud Moguntiam.

Anno prænotato, Maximilianus Rex Germanie Conventum indixit Principibus ad caput mensis Maij, apud Moguntiam celebrandum. Ubi convenerunt Bernardinus Cardinalis sanctæ Crucis in Hierusalem Apostolicæ Sedis Legatus, Jacobus Archiepiscopus Moguntinus, Jacobus Archiepiscopus Trevirorum, Laurentius Episcopus Herbipolensis, Mathæus Langius Gurcensis Episcopus, Fridericus Dux Saxonie Princeps Elector, & multorum oratores Principum. Rex autem Maximilianus de Colonia expectabatur venturus ad unius mensis spatium, qui cum arduis negotijs impeditus venire non posset, dimissis Principibus alijs eis conventum Wormatie celebrandum indixit ad Festum Nativitatis S. Baptiste Joannis tunc instans. Post dies paucos Rex dimissa Colonia secessit ad oppidum, quod Regenberga dicitur sub ditione Ducis Montensis, ubi paucis diebus commoratus venationi vacabat. Inde ascendit ad Confluentiam, & ulterius ad Boppardiam, ubi & Festum Pentecostes sanctum celebravit. A Boppardia declinavit ad Cynonotos, & per biduum mansit in

Summern,



Simmern, & in Stauroneſo, volens deinceps aſcendere ad Spiram, quò me ante præmiſerat, qui curiam tunc eo jubente tribus menſibus ſequabar Imperialem. Interea miſſi ex Brabantia venientes orabant, ut quantocius deſcenderet ad eos, cauſam allegantes nepotum ſatis arduam. Qui petitionibus eorum acquieſcens in Brabantiam deſcendit, & ſic diſſenſus non eſt ſervata.

Maximiliano itaque manente apud Brabantinos & Flandros, inter ipſum & Ludovicum Regem Gallorum confœderatio facta eſt ſub ea videlicet conditione, ut communi apparatu bellico expeditionem moverent in Venetos. Senſit cum hiſ duobus Regibus etiam Julius Papa II. Ludovicus verò Gallorum Rex, ſicut paulò diximus antè, fœdus inierat cum Venetis contra Maximilianum Germaniæ Regem. Jam verò deſertis illis adhæſit Maximiliano annis quatuor. Sed quâ fide, quâ integritate vel amicitia, exitus rei demonſtravit. Nam & tempore illo toto Geldrenſium Duci Carolo pecunias & ſuppeditas contra Maximilianum Regem occultè impendit, & ſuis per Lombardiam utilitatibus & comòdis intendit privatis, non autem, ſicut juravit & debuit, communibus. Unde & patefactâ infidelitate Gallicanâ, diſſoluta eſt in ejus parte confœderatio fucata. Fœdere inter memoratos Reges pacto in Venetos, mox grandis movetur expeditio Germanorum & Gallorum, ſæpiùſque fuit dubio Marte pugnatum, Venetis aliquando victis, aliquando & vincentibus.

Inter Maximilianum Regem & Regem Gallorum fit concordia.

Duo Reges bellant contra Venetianum.

Anno prænotato, quando Rex Gallorum adhuc ſenſit cum Venetis, bellum atrox fuit Regi Maximiliano cum eis, quod à feſto caput Dominicæ Reſurrectionis, & duravit uſque ad Nativitatem S. Joannis Baptiſtæ. Quo tempore Veneti Tergeſtum, Comitatum quoque Gurcenſem, & quaſdam alias munitiones ad Domum Aſtriæ pertinentes ceperant, partim armis, partim inſidijs & corruptionibus. Tandem ad triennium indiſtæ ſunt treugæ, quæ tamen paucis menſibus durantes interruptæ ſunt.

Eodem anno in menſe Septembri, mortuus eſt Jacobus de Liebenſtein patriâ Suevus, Eccleſiæ Moguntinæ Archiepiſcopus, quarto Pontificatus ſui anno necdum completo, cujus Cadauer in majori Eccleſia Moguntina cum prædeceſſoribus ſuis honorificè ſepelitur. Huic in Archiepiſcopatu ſucceſſit Uriel de Gemmingen major Decanus & in Jure Doct̃or promotus, qui ſequenti anno in Dominica mediæ quadrageſimæ Moguntinæ in Archiepiſcopum ſolemni pompâ fuit conſecratus.

Jacobus Archiepiſcopus Moguntinus obiit. Uriel fit Archiepiſcopus.

Anno prænotato in menſe Octobri, obiit Hermannus ex Landegravio Haſſiæ Archiepiſcopus Colonienſis, & Dux Angariæ, Pontificatus ſui octavo atque viceſimo. & Colonia in principali Eccleſia ſepelitur, qui fuit Princeps manuſuetudine humanitate pietate nulli tempeſtate noſtrâ ſecundus, in pauperes pius miſericors, & eleemoſynarius omnium Principum maximus, qui omnes ad ejus januam venientes pavit, & nullum ſine conſolatione abire permiſit; de quo latius dictum eſt ſupra, ubi de aſſumptione ejus in Archiepiſcopatum fecimus mentionem. Poſt quem electione Canonorum in Archiepiſcopatu ſucceſſit major Decanus nomine Philippus Wirici de ſuperiore lapide filius, & præſulatur in quintum annum. Princeps domesticus & circumſpectus in actibus ſuis; cuius

Philippus fit Archiepiſcopus Colonienſis.

cujus patria eſt in Weſtraſſia in medio fermè itinere de Spanheim pergentibus ad S. Wendelinum ad ſiniſtrum cernentibus caſtellum prædictum.

Alba Mo-  
naſterium  
Monialium  
igne con-  
crematur.

Eodem quoque anno, Coenobium Monialium noſtri Ordinis, quod in Diœceſi Spirenſi conſtructum Alba dicitur, igne caſuali fuit incenſum, & præter ſolam Eccleſiam omnia ſororum habitacula in pulverem ſunt redaſta.

Anno præſignato circa principium menſis Auguſti, apud Suevos & maximè Studtgardiæ horrenda ſubitò pluviarum tempeſtas erupit, quæ muros ſubvertit, & turres, ac domos plures dejecit, cellaria implevit aquis, homines & jumenta ſuffocavit, vineta deſtruxit, & plura mortali-  
bus damna intulit.

#### MDIX.

Abbas Cla-  
rævallis  
Burgundus  
ſpoliatur  
apud  
Franckfurt.

Anno Abbatis Joannis Hirſaugiani ſexto, Indictione Romanorum xii. Sabbato poſt Dominicam quadageſimæ tertiam, quæ fuit dies menſis martij ſeptima decima, Monaſterij Clarævallis Abbas in Burgundia, miſſus ad viſitandum Coenobia Ordinis ſui per Germaniam, cùm veniſſet in terram haud procul à Franckfurt, quæ Weteravia dicitur, inter Fridberg & Lintheim, per quosdam raptores omnibus rebus ſuis ſpoliatus eſt, me tunc in Budingen pro quadam cauſa exiſtente cum Comitibus de Iſen- burguno & viginti diebus. Circumferebat bonus ille Pater ſcutellas octo & certa pocula de argento, & pecuniam non modicam quingentorum videlicet ac mille florenorum, quam pro viatico de Monaſterijs à ſe viſitatis collegerat, ſimul & alia quædam Clinodia, quæ omnia latrones illi rapuerunt. Fuerunt enim plena raptoribus & latronibus hæc tempora præſertim apud Francos noſtros Orientales, apud Wederavios, & in Sue- viæ finibus certis, ex eorum genere, qui ſe vel nobiles velequites gloria- bantur: qui avitæ nobilitatis, & virtutis immemores avaritiam & rapi- nam in delitijs habebant, in tantum, quòd in memoria hominum tam crebra tam multa tamque impunita latrocinia commiſſa non ſunt in his præſertim terris, quas abundare latrocinio noſtriſtemporibus jam dictum eſt. Conqueruntur hanc raptorum inauditam crudelitatem imprimis Mercatores, Clerici quoque & Laici omnes, qui vel in ſe vel in alijs ex- perti ſunt eos paganis eſſe immitiores, qui rebus ablatis etiam corpora interficiunt.

Capitulum  
Ordinis  
noſtri Pro-  
vinciale  
xxxiii Er-  
phurdie  
celebratur.

Anno prænotato, Dominicâ tertiâ poſt Paſcha, quæ fuit dies menſis Aprilis 29. cum duobus ſequentibus diebus, celebratum fuit capitulum Ordinis noſtri Provinciale xxxiii. à tempore Concilij Conſtantiensis, Erphurdie in Monaſterio S. Petri Apoſtoli, in quo præſederunt Bartholo- mæus S. Crucis in Werdea, Henricus in Bursfeldia, Marcellinus in Selgea- ſtatt, & Georgius in Zvvifalten Monaſteriorum Ordinis noſtri S. Bene- dicti Provinciæ Moguntinæ Abbates.

Inter Sena-  
tum & Ci-  
vitatem  
Erphur-  
diennes ma-  
gna ſeditio.

Eodem anno circa Feſtum Gregorij Papæ, graviffima ſeditio inter Senatum & Cives oppidi Erphurdienſis tali occasione fuit exorta. Com- munitatis viri gravamina contra Senatum allegantes in unum conſpirâ- runt, quòd nihil amplius vellent contribuere, niſi prius receptorum & expoſitorum computationem à regentibus accepiſſent. Conſilio igitur accepto miſerunt quosdam ex communitate ad Senatum, qui omnium nomine peterent ſibi aperiri per computum, in quantis & in quibus eorum



eorum Respublica esset gravata præsertim ære alieno, ut scirent, si causam haberent legitimam, toties communitatem gravandi subventionibus.

Erat autem Regens principalis anni præscripti Georgius zu der Puntzen Rerhen nuncupatus, post quem Fridericus Reinbutem, quem præambulum seu præeuntem vocant. Et hi duo quotannis eligebantur ex potioribus civium, quos de profapijs sive de amicis senatorijs appellant. Tertius de communitate institutus, qui apud eos der Doctenherz fuerat nominatus. Hi tres inter Senatores erant Burgimagistri hoc anno, & officio principales, quorum administratio singulis annis consuevit immutari. Totius autem Reipublicæ administratio apud illos fuit in Senatu, qui de familiarum antiquitate gloriabantur. Missis igitur à communitate, Senatus respondit: *Rem concives & novam & difficilem postulatis, ut jam subito & sine deliberatione gravamina vobis rei nostræ publicæ simul & computum receptorum & expositorum aperire debeamus. Idcirco rogamus, habeatis parvo tempore patientiam, & post necessariam hujus negotij deliberationem dabimus vobis honestum responsum.* Abierunt missi cum pace, & communitati renunciârunt, quæ à Senatu acceperunt in commissis. Acquievit populus & tacuit, Senatus responsum aliquandiu expectando promissum.

Nomina  
Burgima-  
gistrorum  
sub quibus  
ista cepit  
turbatio.

Interea Senatus non solum populo nullum dedit responsum, sed etiam novam contributionem imposuit communitati, certo sub termino persolvendam. Hinc orta seditio magna, hinc turbatio ingens fuit secuta. Enimverò convenientes in unum cives uno ore unâ sententiâ Senatui contradixerunt, instantissimè postulantes, ut eis debita & gravamina Reipublicæ singulatim exprimerentur. Verùm cum nihil postulando proficerent, congregati omnes in unum, turmatim armati prætorium intrant, rationem & computum à Senatu omnium requirunt.

Communitas  
in multitu-  
dine furens  
Prætorium  
Senatus  
ingreditur.

Unus è Senatu senior nomine Henricus Kelner, qui magnæ inter alios fuerat auctoritatis, proteruè ac nimis inconsideratè multitudini furiosæ respondit, verba in eam jaculans contumeliosa, quibus ad majorem indignationem provocati Cives Burgimagistrum supradictum Georgium zu der Puntzen Rerhen compulerunt, quod eum in continenti captivitatis iuramentum facerent dare. Juravit ille necessitate compulsus, & captivum in domo sua se mansurum promisit. Et reverà parùm abfuit, quin à multitudine in ipso prætorio fuisset occisus. Eâdem die metuentes turbæ, ne senior elaberetur per fugam, arctæ illum custodiæ mancipârunt.

Henricus  
Kelner in  
Senatu  
senior à  
communi-  
tate capi-  
tur.

Seniore autem per dies plures detento, quotidie crevit seditio civium contra Senatum, & magnum inter eos dissidium fuit subortum. Nam alij Patronum & Protectorem suum invocabant Archiepiscopum Moguntinum, qui solus antiquissimo jure dominus est super oppidum Erphurdianum: alij verò ad Fridericum Saxonie Ducem respiciebant.

Prævaluit autem communitas adversus Senatum, & omniaquæ majoritatis erant, Prætorium scilicet, registra, claves, urbem, castella & alodia in suam recepit potestatem, abjectoque senatu novos Regentes novumque suo arbitrato instituit consulatum. Custodiam quoque castrorum in manus suas recipiens communitas singulis novos ex plebe dedit Rectores.

Communi-  
tas Archie-  
scopum  
Moguntini-  
um ut  
Dominum  
suum inve-  
cat.

Post hæc deputati sunt viri, qui acceptis registris, censuum receptorum & expositorum rationem exquirerent, & in quanta pecuniarum summa ære gravati essent alieno, computarent. Fecerunt ordinati re-

M m m m

ctores,

Sexcenta  
millia  
florenorum  
ſunt Er-  
phurdien-  
ſium debi-  
ta.

ctores, quod jufſi fuerant, & calculatione factâ invenerunt ſummam capitalem debitorum ſexcentorum millium florenorum, de quibus ſingulis annis cenſum dare ſunt obligati florenorum triginta millia. Denique ſumma perceptorum exceſſit ſummam diſtributorum quotannis incertis millibus florenorum, qui fraude fuerunt ſublati.

His compertis miſerunt viros de communitate quosdam ad Archiepiſcopum Moguntinum tanquam ad verum Dominum ſuum, poſtulantes ab eo conſilium pariter & auxilium, quid eſſet in tam arduo negotio ulterius faciendum. Venerunt miſſi ad Archiepiſcopum, & honorificè ab eo ſuſcepti ſunt, qui relationem eorum clementer audivit, conſilium dedit, & miſſurum ſe viros in auxilium promiſit. Interim comperientes antiqui Senatûs viri, quòd communitas legationem miſiſſet ad Archiepiſcopum, animo conſternati ſunt, & pellibus ſuis non mediocriter timuerunt, propterea quòd à multis annis Pontificibus Eccleſiæ Moguntinæ rebelles ſemper fuerant & contumaces. Miſſâ igitur & ipſi legatione ad Saxoniam Duces Fridericum Joannem & Georgium, eorum ſibi favorem & aſſiſtentiam ſecretius procurârunt, communitate rem ignorante.

Equites  
Moguntini  
ad Erphur-  
dientes miſ-  
ſi omnes  
capti ſunt.

Archiepiſcopus quemadmodum promiſerat communitati, ordinavit quosdam equites in auxilium Erphurdianorum, qui cùm perveniſſent in Thuringen, hoſpitium in Cœnobio Georgij vallis nuncupatum ultimâ nocte ſuſceperunt. Quod cùm innotuiſſet Friderico Dunæ præfecto Ducis Friderici Electoris apud Wimariam, contractis mox copiis Monafterium manè diluculo cinxit obſidione. Territi Moguntinenſes, cùm eſſent numero pauciores, tantæ multitudini minimè reſiſtere potuerunt. Datis ergo dextris omnes à Friderico capti ſunt, & ſub jurejurando ſicut moris eſt captivis ſe obligare, ad Archiepiſcopum remiſſi.

Senatus  
Erphurdi-  
enſis anti-  
quus fugit  
occultè  
cum ſuis.

Verùm poſtquam hoc factum innotuit Erphurdianis, conſternati ſunt valdè, & majorem in ſeditionem verſi contra Senatum antiquum, cujus ſubordinatione captos noverant Moguntinos in auxilium ſibi deſtinatos, omnes incarcerare ſtatuērunt. Senatus autem ſuper his certior factus, ſalutem fugâ quæſivit. Singuli enim capitibus metuentes ſuis cum amicis occultè de oppido receſſerunt ad memoratos Saxoniam Duces, & ſedes ſub eorum dominio receperunt, uſque in præſentem diem. Crevit autem quotidie novorum regentium ſævitia, propter quam plures de communitate viri cum uxoribus & liberis, etiam bonis in oppido relictis, occultè receſſerunt, alij ad Gottham, alij ad Wimariam, alij ad Iſenach, atque alij ad alia loca ſub Ducum Saxoniam dominio conſtituta.

Doct̃or  
Henningus  
fugit de  
Erphurdia.

Sed ubi novis regentibus innotuit, quòd non tantum antiquus conſulatus fugeret, verum etiam plures de communitate, qui prius & à principio interfuerant conjurationi, ſtatuērunt ad ſingulas oppidi portas multos cuſtodes, ut fugere deinceps nemo poſſet. Denique plures in fuga deprehenſi carceribus mancipati fuerunt. Henningus Gode oriundus de Havelburg U. J. D. Syndicus Erphurdienſium vir potens in opere & ſermone, cujus Reges conſilio utuntur & Principes, in hac diſſenſione, quamvis Canonicus & Sacerdos, non confidens multitudini, relictâ domo & omnibus, quæ habuit, clam de oppido incognitus receſſit. Poſt cujus diſceſſum communitas omnia bona ejus ſicut & cæterorum, qui fugerant, diripuit, & in uſum proprium convertit. Tantus erat furor populi, quòd

non

non attento gradu sacerdotali, quo fungebatur, si comprehendissent eum, sine misericordia occidissent, propterea quod senatui ut Syndicus adhereret. Sed furentium prudenter declinans vesaniam, Ducem Fridericum accessit, à quo Canonicatum in Wittenberg accipiens ibidem residet usque in presentem diem. Cæteri autem penè omnes, qui fugerunt, in magna vivunt paupertate, quoniam & ea perdiderant, quæ in Erphurdia reliquerunt, & nullum ab his ad quos declinârunt, subsidium inveniunt, quemadmodum inconsultè præsumebant.

Cùm verò Moguntini Equites ad Archiepiscopum suum redijissent, juramento captivitatis obnoxii condoluit, & statim ordinatis alijs, & quidem cautioribus præcedentium incommodo factis, misit eos in auxilium communitatis, non tantum contra Senatum antiquum, sed etiam contra Saxonie Duces, & alios quoscunque adversarios. Ex eo tempore magna inter Archiepiscopum Moguntinum, & præfatos Duces Saxonie fuit exorta dissensio, quæ durat usque in presentem diem. Maximilianus autem Romanorum Rex interpellatus à partibus, commissionem dedit Laurentio Wirzburgenſium Episcopo, ut adjunctis sibi oratoribus à secretis Principum Electorum, & quorundam civium Regni tentaret inter dissidentes, si posset, reformare concordiam. Jam enim bellum grave in foribus erat, nisi interposuisset se.

Discordia inter Archiepiscopum & Duces fit propter Erphurdiam,

Memoratus igitur præsul Laurentius volens Imperialibus obedire mandatis, cupiens magno, si posset, desiderio pacem reformare inter dissidentes, sicuti verè Princeps est omnino pacificus, & Christianæ cultor & amator unitatis præcipuus, convocavit ad se Herbipolim Oratores Principum & Civium à Regia Majestate condeputatorum anno sequenti circa finem mensis Septembris. Convenerunt ergo apud nostram Peapolim Cancellarius Archiepiscopi Trevirorum cum socijs suis, Cancellarius Archiepiscopi Colonienſis similiter, Oratores Comitis Palatini similiter, Cancellarius & Oratores Joachim Marchionis Brandenburgensiū similiter, Oratores Nürenbergensiū similiter, & Oratores Franckofurteniū similiter, & hi à Rege Maximiliano condeputati.

Laurentius Wirzburgenſis Episcopus tractat propacem inter Principes

Quibus in urbe Peapolitana convenientibus partes rogavere Pontificem, ut locū pro concordia tractandi, quem vellet, Erphordianis aliquem designaret viciniorem; consensit Pontifex & oppidum Schmalkalden pro negotio deputavit, quò ipse cum Oratoribus memoratis se contulit, & Casareum exhibuit auditorem. Comparuerunt in loco non Principes ipsi dissidentes, sed Oratores, & à secretis eorum, proponunt causam actores, Reus simul conqueruntur & Actor. Pontifex auditis hinc inde querelis, in medium plura protulit media pacis. Sed durum contra durum nullum admisit medium. Hoc solum regali mandato coadunatus effecit conventus, ut arma deponerent partes, & sententiam causæ Casareæ Majestati remitterent auditores. Ab eo die suspensa manet sententia, bello nihil tentatur in annum jam quartum, sed nec Principes redierunt in concordiam, nec Burgenſes in unitatem. Variæ hodie fiunt incurſiones circa Erphordiam à Ducalibus in cives, & non minus excursiones multæ per Erphordianos in Ducales, ut nusquam sit tuta fides. Verum enim verò Erphurdiana communitas posteaquam surrexit in rebellionem contra senatum, non solum Henricum Kelner seniore inter consules,

Schmalkalden locus tractandi propacis.



de quo diximus, ſed & alios complures in carcerem ſucceſſivè conjecit, inter quos fuerunt ex ſenatoribus Joannes Kranickfeld & Georgius ju der Punten-~~Kerſen~~ / vinculis mancipati, & examini torturarum crudeliter expoſiti.

Henricus  
Kelner exa-  
minatur &  
laceratur  
per tortu-  
ram.

Tandem Henricus Kelner per Scabinorum ſententiam ad furcam ſuſpendendus publicè judicatur, neſcio pro commiſſis, an pro violenter in tortura confeſſatis. Quem intra muros Erphurđianos cruce fabricatâ cùm pro ſenectutis honore laqueo innectere cives decreviſſent, abnuic ille dicens: *Sime furem comprobâſtis, ut furem in loco furibus ordinato, non intra muros ſuspendite.* His verbis aut modicam vitæ dilationem quæſivit, aut certè medio tempore ſperabat ſubordinatione Ducum Saxoniz venturos, qui eum de interitu liberarent. Confeſtim tolluntur in altum furentium voces: *Suspende furem, interfice traditorem, non ſinas vivere tyrannum.* Imponitur miſerabilis ſenex carro, & comitante eum civium armatâ multitudine, foras oppidum ducitur ſicut voluit ad locum furibus deputatum, pedibus tranſire non potuit, quia nimium laceratus in tortura vir ſenex & tenerrimus omnium officio membrorum (linguâ duntaxat exceptâ) privatus fuit. Cachinno ſævientis populi ſenex calamitoſus de oppido, ſicut petierat, educitur, per ſcalam ad ſuperiora crucis trahitur, ſtriçtûſque ad crucem fune collo more furum ſuspenditur. Erat autem homo craſſus & corpore aliquantulum ponderoſus, unde laqueo jam colligatus mox ut de climace liçtoris manu dejicitur, fracto fune de patibulo miſer cecidit ſuper terram. Denuo ſuspenditur, & innexus fortiori laqueo per violentiam ſtrangulatur. Hic finis Henrici Kelner miſerandi ſenis fuit, qui jure vel injuriâ ſit paſſus, meam conſcientiam fugit. Joannes autem Kranichfeld ſimiliter, ut diximus, carceri mancipatus, & diu detentus, & multiplici torturâ fuit examinatus. Hunc tandem liberatum à vinculis ſub jurejurando, quòd ex Erphurdia non diſcederet, in domum ſuam abire, ut captivum permiſerunt, qui malorum expertus, nec furenti ducens plebi credendum, vitam fidei, & exilium prætulit civitati, naçtûſque opportunitatem clàm diſcedens animam fugâ ſalvavit.

Henricus  
Kelner ſu-  
ſpenditur  
in patibulo  
extra oppi-  
dum.

Captivi  
reliqui à cu-  
ſtodia re-  
laxantur, &  
aliqui fuge-  
runt.

Georgius autem dictus juder Punten-~~Kerſen~~ diu & ipſe vinculis detentus, ſæpèque poſitus ad torturam, poſtremò ut captivus in domum ſuam dato captivitatis juramento ire permiſſus eſt. Quid verò de cæteris ſit actum captivis, necdum ſcire potui. In hac turbatione civili graviſſimâ communitas Erphurdiana, ſicut diximus, tandem prævaluit: Senatuum antiquum depoſuit, novum inſtituit, quem annis ſingulis amoveri & immutari ad Feſtum S. Nicolai providâ ordinatione decrevit: quatenus brevitatis temporis non ſinat ſuperbire regentes. Interea enim quintus volvitur annus, in quo temporis ſpatio quinquies etiam immutatus eſt Senatus: quæ quidem conſtitutio ſic erit in futurum continuanda.

Veneti  
Apoſtolice  
Sedi contu-  
maces, à  
Papa Julio  
excommu-  
nicantur.

Anno prænotato, Julius Papa ſecundus Venetorum inſolentiâ provocatus, qui Ravennam, Faventiam & alias civitates plures, oppida & caſtella Romanæ Eccleſiæ violenter occupaverant, & contra juſticiam annis multis poſſederant, ad reſtitutionem compellere anniſus eſt. In primis eos paternè monuit, ut Eccleſiæ Romanæ quantocius injuſtè ablata reſtiterent: quos deinde rebelles & contumaces gladio Spiritus Sancti feriens excommunicavit. At illi ſuo more in ſuperbia pertinaces, Papæ ſenten-  
tiam

tiam contempserunt, & quidquid mali poterant, verbis, scriptis, & factis contra Romanam Ecclesiam tentaverunt. Quâ necessitate compulsus Pontifex Romanus, Maximilianum Germaniæ Regem, ut Protectorem & Advocatum Ecclesiæ, simul & Ludovicum Regem Gallorum contra Venetos in auxilium vocavit: ut qui monentem paternæ pietatis affectu spreverant, quique censuram Ecclesiasticam præsumptuosâ elatione contempserant, materiali tandem gladio compulsi discerent obedientiam.

Papa Reges  
Germaniæ  
& Galliæ  
contra Ve-  
netos invo-  
cat.

Anno igitur præsignato, Maximilianus Rex Germaniæ Romano-  
rumque Cæsar electus, Ludovicus quoque Rex Gallorum duodecimus, & Ferdinandus Rex Aragoniæ simul in unum confœderati, cum alijs Principibus tam Italis quàm Germanis multis ad Romani Pontificis instantiam se Venetis Apostolicæ Sedis simul & Imperij contemptoribus hostes scribunt, & bellum indicunt. Contractis deinde copijs fortitudine virorum non paucis, Venetos aggrediuntur superbos, & multis eorum millibus in ore gladij necatis, civitates & munitiones per circuitum plures capiunt: villas destruunt, depopulantur agros, & universa, quæ sub eorum ditione contingere potuerunt, hostili potestate devastant. Cæpit hoc bellum in Venetos in principio mensis Maij, & per totam duravit æstatem, in quo paucis diebus multa & maxima per Principes sunt patrata.

Maximilia-  
nus Rex  
bellum in-  
dicit Vene-  
tis.

Julius etenim Papa secundus proprium contra Venetos ordinavit exercitum, per quem recuperavit civitates, munitiones, oppida & castella in circuitu multa: quæ Venetorum insatiabilis dominandi cupiditas ante plures annos contra justitiam violenter rapuit, & multo tempore injusto possessionis titulo tenens occupavit. Inprimis ergo Papa Julius Ravennam insignem urbem cathedrâ scilicet Archiepiscopali gloriosam recuperavit, quæ multo tempore ab Ecclesia Romana fuerat alienata. Deinde similiter obtinuit Ariminum civitatem Episcopalem, Faventiam quoque & Cerviam, & plures alias munitiones, quarum vocabula hæc vice memoriæ non occurrunt.

Julius Papa  
bellum  
prodit in  
Venetos &  
multa recu-  
perat.

In eodem quoque bello Cæsar Maximilianus Tergestum cum universis munitionibus anno præterito per insidias & prodiciones à Venetis captum recuperavit. Deinde Paduam civitatem sub ditione Venetorum cepit, quam tamen prodicione civium Veneti non diu postea receperunt. Obtinuit etiam Rovoretum, Reissiam quoque clusam Persenensem, Veronam, Vincentiam, Foro-Julium, Goritzium, Tervisum, Meisterium, & plures alias Venetorum munitiones, quarum vocabula non tenemus. Verùm ex his omnibus Veneti nonnulla sequentibus annis per vim recuperarunt.

Maximilia-  
nus Rex  
multa recu-  
peravit de  
manu Ve-  
netorum.

Ludovicus autem Rex Gallorum pro suo interesse multa obtinuit, sed non satis fraternâ portione acquisita cum Rege Maximiliano divisit, propterea justo Dei judicio, quidquid acquisierat, non diu postea cum Ducatu Mediolanensi totum amisit. Inprimis enim de Venetorum dominio eripuit Bergomum, Cremam, Cremonam, Bresciam, Pisceram, Cerisolum, aliâque oppida & castella multa. Omnia enim, quæ Veneti per multos retro annos, bello, dolo, fraude, seu quolibet alio ingenio à Ducatu Mediolanensi sive justo, sive injusto titulo usurpaverant, Ludovicus recuperavit.

Ludovicus  
Gallorum  
Rex multa  
de manu  
Venetorum  
diripuit.

Conventus  
ſit Principi-  
pum & ci-  
vium Regni  
apud Wor-  
matiam.

Interea cum hæc agerentur in Lombardia contra Venetos, Principes Regni Germanici apud WORMATIAM juffu Maximiliani Regis generalem celebravere Conventum, ad quem Rex ipſe Oratores ſuos miſit à ſecretis, per quos auxilium & ſubſidium pecuniarium à regni ſubditis contra Venetos poſtulavit; capit autem conventus iſte Principum celebrari WORMATIÆ anno prænotato ſextâ die menſis Maij, & duravit diebus ferme triginta quinque uſque in decimam diem videlicet menſis Junij. Principes autem poſt multa conſilia & varios tractatus inter ſe cum regni civibus habitos unâ tandem ſententiâ omnes poſtulatam regi ſubſidium denegabant, cauſas præter impoſſibilitatem allegantes plurimas, quarum conſideratione ab omni contributione ſe liberos fore penitus æſtimabant. Quarum iſta ſunt capita.

Recuſant  
Principes  
ſubſidium  
contribue-  
re Cæſari,  
cujus pri-  
ma cauſa.

Cauſa prima, quam conſiliarijs Cæſareis pro negativo reſponſo dederunt, illa fuit, non eſſe in eorum facultate toties regijs ſubvenire neceſſitatibus, quòd nemini ſit non manifeſtum, quantas regnum in paucis annis fecerit expenſas, in tot conventibus per regiam Majeſtatem indiſtis, in veniendo de longè ſtandóque diutius, & multa conſumendo non ſatis utiliter; præter multa denique, quæ domi negliguntur. Sed & damna rerum & detrimenta pecuniarum quanta ſuſtinuerint cives cum principibus regni paucis jam annis bellum agendo contra Suitenſes, & alios complures, quorum ſingulatim recensere memoriam ſcientibus foret omnino tædioſum. Ex his & alijs rationibus multis inopiam regni allegantes, concluſerunt, non ſolùm nihil ſe regi contribuere poſſe, verum etiam ſe mirari vehementer dicebant, quòd Rex, cui hæc omnia eſſent manifeſta, ſubſidium ab eis poſtulareret.

Bellum al-  
legant Sui-  
tenſium &  
gravamina.

Cauſa ſe-  
cunda.

Secundò. Regni congregatio legatis à Rege miſſis reſpondit, quòd hæc præſertim vice ſubvenire Majeſtati Regiæ nullatenus eſſent obligati, propterea, quòd bellum Venetorum ſine conſilio, vel aſſenſu Principum & civium Regni aſſumpſerit, cum Rege Gallorum & alijs foedus inierit, quæ omnia, cum ſint magna, ardua, & gravia, ſine conſilio & aſſenſu procerum regni facere minimè debuiffet.

Cauſa  
tertia.

Tertiò. Principes & cives Regni ſe ad contribuendum Regi ſubſidium ex eo concludebant non teneri, quòd nescirent, quid utilitatis Regno vel detrimenti, etiamſi contribuerent, inde poſſet provenire, cum dubio Marte omnia fieri cernerent.

Cauſa  
quarta.

Quartò. Dixerunt, ſe non mediocriter timere, nullam Regno, ſi etiam contribuerent, inde proventuram utilitatem, ſed graviora potius detrimenta ſecutura, ſicuti & prius fuerit actum cum duabus contributionibus, quarum altera Coloniae, altera verò Conſtantiæ indiſta fuerat, ex quibus nulla utilitas Regno provenerit, ſed incommoditates, damna, & ſubſanationes adverſariorum & ludibria populi. Tranſierunt magna, quæ prius Regi contulere ſubſidia, quorum proſectum nullum viderint ſubſectum, idcirco neceſſarium fore, ut ſint in antea cautiores.

Cauſa  
quinta.

Quintò. Propterea nihil dicebant ſe velle contribuere, etiamſi poſſent, ne conſentire viderentur in ea, quæ ſine ipſorum conſenſu per Cæſarem ſunt facta, in totius Regni damnum vel detrimentum, ſicuti eſt foedus cum Rege Gallorum Ludovico initum, & maximè ipſius per Maximilianum ad Ducatum Mediolanenſem infeudatio. Adjicientes, quòd hæc omnia fuerint



fuerint dissona plurimum, & adversa his, quæ in ultima congregatione Principum apud Constantiam maturè conclusa extiterant.

Sextò. Subsidij negationem confirmantes dicebant: hætenus nunquam fuisse auditum in Regno, quòd sine communi Principum consilio prius tractato contributio tam grandis & magna subitò & inconvenièntissimo tempore fuerit imposita. His & alijs diversis excusationibus congregatio Principum usà, & oratoribus, quos Cæsar miserat, assignatis perscripta, conventum in proposito solverunt.

Causa sexta.

Verùm postquam exceptiones Principum ad manus Cæsaris pervenerunt, considerans sibi postulatum non solùm de negari subsidium, sed etiam se in certis passibus taxatum, nihil moratus apologiam ad omnes Regni status, & Principes edidit, in qua & suam sufficienter declarat innocentiam, & congregationis memoratæ historiam pulchrâ responsione per singulos articulos secundum ordinem confutavit, sicut patet in ipso apologetico, cujus publicatio facta est anno prænotato vicesimo sexto die mensis Junij in urbe Tridentina.

Rex allegationes Principum omnes litteris confutat.

Eodem anno ultimâ die mensis Maij, apud Bernenses in Helvetia quatuor Fratres sancti Dominici Conventus ibidem, Prior, Lector, Subprior & Custos capri, per torturam examinati, & ad ignem judicati, & miserabiliter combusti sunt, propter quasdam dolosas, falsas, & impias machinationes, quas contra puritatem Conceptionis Beatæ Mariæ semper Virginis occasionaliter excogitasse ferebantur. Quorum confessata & facti processus, cum arte impressoriâ nimium habeantur in publico, nostris isthic inferere chronicis superfluum judicamus. Ad instantiam namque Bernensium Haimo Lausanensis Episcopus loci Ordinarius inquisitionem contra eos fecit, quo astante unâ cum Matthæo Walesiano Pontifice, Achilles Episcopus Castellæ Apostolicæ Sedis Legatus ad hoc missus à Papa Julio miseros ab omni gradu & privilegio clericali deposuit, vicissimâ tertiâ die mensis Maij, quæ fuit quarta feria ante Pentecosten. Deinde sicut diximus, ultimâ die ejusdem mensis, quæ fuit quinta feria post Festum Pentecostes, in prato trans Ararim combusti sunt, in præsentia multorum hominum, & miserabili flammæ ardore in cinerem redacti.

Apud Bernenses in Helvetia quatuor Prædicatores combusti.

Anno prænotato, in mense Augusto, mortuus est Wilhelmus Hassiorum Landtgravius post longam & miserabilem infirmitatem. Non enim post multum tempus bello contra Palatinum peracto, morbum pustularum incidit, quem nostri Gallicanum appellant, de cujus principio dictum est in superioribus, qui paulatim in tantum prævaluit, quòd à nullo medico potuit curari. Quantò enim plures adhibuit medicinas, tantò dolores sustinuit graviores. Computruerunt à nimietate morbi circa faciem & in gutture carnes usque adeò, quòd non solùm suis, sed etiam sibi metipsum factus horribilis tandem longo cruciatu defecit, filium relinquens infantem, qui sub tutoribus hodie cum matre nutritur & regitur.

Wilhelmus Hassiorum Landtgravius moritur.

Eodem anno, mortuus est Joannes Comes Palatinus Rheni Bavarieque Dux & Comes in Spanheim, qui morabatur apud Cynonotos in oppidulo Simmeren filius Ducis Friderici, qui fuit Stephani, qui fuit Ruperti Regis Germaniæ. Reliquit autem Dux iste Joannes unicum filium nomine Joannem, qui Patri successit in Principatu, & hodie vivit in Simmeren residens, & habens uxorem filiam Christophori Marchionis de inferiori

Joannes Comes Palatinus Bavarie Dux & Comes in Spanheim obiit.

feriori Baden. Sepultus eſt in Cœnobio Ravengerspurg Ordinis Canonico-  
rum ſancti Auguſtini, ubi & pater & mater in medio chori jacent ſepulci.

Macarius  
Abbas ex-  
uſti Mona-  
ſterij Lim-  
purgenſis  
Spiræ mo-  
ritur.

Anno prænotato decimâ ſextâ die menſis Novembris, obiit Spiræ  
Macarius Weis de Buchſeck Abbas exuſti Monaſterij Limpurgenſis Ordi-  
nis noſtri, cujus corpus ad Wachenheim relatum in choro parochialis  
Eccleſiæ, quam ſibi pro conſtruendo Monaſterio, ut ſupra diximus, com-  
paraverat, eſt ſepultum. Erat ſanè vir ingenio mixtis, humilis, & manſue-  
tus, vitæ morumque integritate venerabilis, & ſingulari obſervantiâ  
monaſtica converſationis devotus. Cui patria fuit Wederavia, locus verò  
nativus caſtellum, quod vocatur Jaurbach. Annorum duodecim puer  
Monaſterio Limpurgenſi traditur, inventis moribus converſatur. Ve-  
rùm poſteà cùm ad obſervantiam Regularem Bursfeldianæ Congregatio-  
nis idem reformaretur Cœnobium, cunctis Monachis inde recedentibus,  
iſſe cum Anſelmo Ulner ex Diepurg Priore ſolus voluntariè remanſit, &  
collum obſervantiæ ſubmiſit.

Hâc reformatione introductâ, quemadmodum anno primo poſt  
oëtogefimum nobis viciniorem ſupra dictum eſt, ultimus in deformatio-  
ne Abbas Henricus Ulner ex Diepurg ceſſit officio curæ paſtoralis, quia  
pro manutentione regularis diſciplinæ non fuit idoneus. Alios enim  
docere bonum non potuit, quod ipſe neſciens nunquam operatus fuit.  
Mente namque in veteri nova cogitare difficile eſt.

Bonifacius  
Limpur-  
genſis Ab-  
bas I. Re-  
formatus.

Primus igitur Abbas ſub reformatione inſtitutus fuit Bonifacius pa-  
triâ Geldrenſis ex oppido Venlo natus, Cœnobij ſancti Jacobi prope Mo-  
guntiam in Monte Specioſo Monachus, vir prudens, & bonæ converſa-  
tionis, qui præfuit annis fermè duobus.

Anſelmus  
Abbas II.

Huic peſte mortuo ſucceſſit in Abbazia memoratus ſenior Anſelmus  
Ulner ex Diepurg, quem ex deformatis reformatum diximus, & præfuit  
annis undecim, vir quantum ad ſuam perſonam optimus, ſimplex, devo-  
tus, & rectus, ſed penitus Idiota, linguâ balbutiens, & neque in temporali-  
bus, neque in ſpiritualibus ad regimen idoneus, ob quod & Abbatiâ ſpon-  
taneâ & liberâ voluntate reſignavit.

Macarius  
Abbas III.

Poſt hunc Macarius ipſe ſupra dictus familiâ orphanus, Prior  
me præſente cum alijs duobus Moguntino Hermano, & Schönaugienſe  
Melchiorre Abbatibus vocatis, in Abbatem loci fuit electus, & præfuit  
annis decem, ſub quo Monaſterium Limpurgenſe per miniſtros ſervo-  
rum diaboli, ut ſupra diximus, crudeliter & impiè fuit exuſtum.

Wernerus  
Abbas IV.  
Monachus  
Spanheim-  
nenſis.

Macario propter incinerationem Monaſterij & innumerabiles ad-  
verſitates ex melancholia ſine dubio vitâ defuncto, ſucceſſit in Abbazia  
Wernerus Breder de Huffelberg Præpoſitus Novicaſtri prope Franckfurt,  
quondam Monachus meus in Spanheim ante plures annos, qui Monaſte-  
rium reſtaurare in monte Limpurg antiquitus dicto, ubi prius ante in-  
cendium fuerat, intendit, quod utinam Deo miſerante perficiat, quia  
ſolitudo Monachos decet, non civitates & urbes.

Clerus Wo-  
matienſis  
decennio  
exul rever-  
titur ad ur-  
bem, unde  
exivit.

Eodem anno, Clerus Wormatiienſis, qui jam decennio exulaverat  
propter diſſenſiones, quæ inter ipſum & cives vertebantur, ut ſupra dixi-  
mus, mediante Friderico Duce Saxonum & alijs Principibus Regni, qui  
apud Wormatiam convenerant, in concordiam cum diſſidentibus redijt,  
atque intra urbem receptus eſt, poſtquam per totum illud decennium in  
multis

multis dietis coram Papa, coram Raymundo & Bernardino Cardinalibus Legatis Apostolicæ Sedis, coram Rege Maximiliano & pluribus alijs gravissimas fecerunt expensas. Ab ista concordia Episcopus Wormatiensis in sua contra cives actione litem continuans exclusus est.

Anno prænotato Monasterium Beatæ Mariæ semper Virginis ad Eremitas nuncupatum Ordinis S.P.N. Benedicti Constantiensis Diocesis penè totum igne consumitur. Hujus loci primos fundatores longè supra diximus temporibus claruisse divi Præsulis Rhætiorum Udalrici, sanctos videlicet Eremitas Gregorium & Eberhardum, in quo multis annis postea regularis disciplina gloriose viguit, cujus tamen hodie nullum in Monachis ejusdem vestigium cernitur. Concurfus ad hoc Monasterium populorum tam frequens & magnus à multis retrò annis continuatus est, usque in præsentem diem, ad Dominæ nostræ memoriam, cum tot tantisque oblationibus eleemosynarum, ut omnia Cœnobij recta possent esse argentea, si munera fidelis populi ad solius utilitatem Monasterij fuissent expensa.

Monasterium Eremitarum nostri Ord. in nigra sylva comburitur.

NB. A reformatione Helvetica nunc reformatissimum est.

Hoc ipso anno, grandinis immensa tempestas fruges devastans graviter læsit apud Leonberg oppidum Ducis Wirtenbergensis, & in quibusdam alijs locis per Sueviam. Referunt qui viderunt, in ea grandinis tempestate lapides ex aère decidisse magnitudinis ovorum Gallinarum, quibus confractis apparuerunt interius pili, & varia id genus, quorum intuitus maleficij causat suspicionem.

Grandinis immensa tempestas fruges per Sueviam devastat.

Eodem anno facti sunt terræmotus per diversa Germaniæ loca magni & satis impetuoosi, quorum impulsu turres multæ ceciderunt & domus, maximè in Carinthia, Stiria, Tirol, Austria, & Suevia, in Hirsburgia & per quatuor in circuitu milliaria, mense Septembri, post horam videlicet octavam in nocte. Ferunt inquisitores novorum anno prænotato, quartâ decimâ die mensis Septembris, in Constantinopoli, & in multis alijs circumjacentibus locis magnum & horrendum fuisse terræmotum, qui muros circa mare, turres multas, domos & ædificia maxima dejecerit, multaque millia hominum subito extinxerit.

Terræ motus per Germaniam sunt magni.

Anno item prænotato, suburbana oppidi Thermarum Sylvestrium, quod in nigra sylva constitutum, vulgariter Wildbad / in die omnium Sanctorum usque ad portam inferiorem non sine gravissimo detrimento hominum combusta fuerunt.

Eodem anno, die mensis Novembris octavâ, Maximilianus Cæsar apud Rovoretum constitutus litteras per universum Germaniæ regnum emisit, in quibus omnibus & singulis Regni Principibus & civibus mandavit, quatenus ad festum Epiphaniæ Domini proximum anni sequentis Augustæ compareant, ad tractandum pro necessitatibus Regni communibus, quæ apud Wormatiam proposita fuerunt, aut malè intellecta, aut minus bene suscepta.

Conventus Principum.

Anno prænotato, quartâ decimâ die mensis Novembris, Jacobus Abbas Monasterij Beatæ Mariæ semper Virginis in Gotzaugia Spirensis Diocesis nostri ordinis coram me Joanne Trithemio Abbate sancti Jacobi, Conrado Abbate sancti Proto-Martyris Stephani Herbipolensibus, Capituli provincialis in hac parte commissarijs evocatus de Roma per nos ad Peapolim in dicto Monasterio sancti Stephani, Abbatiam suam in manus

Jacobus Abbas in Gotzaugia resignat Abbatiam suam.

N n n n

Fratrum



Fratrum sui conventus, ex certis causis eum moventibus voluntariè resignavit. Hujus quidem facti pro informatione posteritatis, ut nemo dominum, cui subjicitur jure vel consuetudine, facilè contemnat, litteris commendare utile judicamus.

Abbas Marchionem vocavit ad Curiam non satis consultè.

Divisio inter Abbatem & Monachos facta, litis causam finivit.

Memoratus itaque Abbas Zelum habens, sed non secundum scientiam, Christophorum Marchionem de Baden, sub cujus tuitione monasterium est constitutum, pro quibusdam nemoribus, aquis, piscationibus, villis & jurisdictionibus, quæ nulla ætas hominis meminit, in possessione fuisse Monasterij, ad Curiam Romanam sine scitu vel consensu Fratrum suorum citavit. Occultè namque cum uno famulo abiens equester omnem pecuniam & scyphos annulosque aureos secum deportans Romam venit, & omnia brevi tempore ibidem stando consumpsit. Citatus Marchio non satis audaciam non dico temeritatem hominis potuit admirari, quòd Romæ quæreret justitiam, quæ in patria nunquam ei fuerat denegata. Interea Romæ defecerunt pecuniæ Abbati: & non habens unde aut vivere diutius posset, aut negotium litis continuare incaptum. nuntium misit ad Monasterium cum litteris, mandans quatenus pecunias sibi mitterent pro executione causarum necessarias. Quod cum facere penitus recusarent, per monitorium pænale illos compellere nitebatur. Sed Monachi consilio accepto, interposuerunt appellationem contra Abbatem: in qua nihil se debere contribuere ad causam litis responderunt, quam contra eorum incaperat voluntatem: imò nec posse aliquid mittere propter inopiam, sub qua spoliatos dimiserat. Tertiò dicebant sibi non fore tutum sub Marchionis dominio constitutis, proprium impugnare tutorem, præsertim scientibus causam Abbatis contra Principem minus jure fundatam. Cum ejus petitio nunquam posset habere profectum, vel in modico, hujus rei causâ desolatus jam Abbas non minus à proprijs, quam ab alienis, cum non haberet unde viveret, nec etiam tutò redire ad Monasterium, quod inconsultè spoliatum dimiserat, posset, urbe relicta venit ad Tridentum, & inde vocatus ad Herbipolim sicut diximus, ubi pro communi pace tam sui, quam conventus Abbatiam resignavit. annuâ pensione triginta florenorum unde viveret reservatâ.

*M D X.*

Conventus Principum apud Augustam V. mensibus duravit.

Ludovicus Helianus Orator in Venetos acerbis petoravit.

Anno Joannis Abbatis Hirsaugiensis septimo, Indictione Romanorum XIII. conventus Principum apud Augustam Rhætorum anno præcedente per Maximilianum Regem indictus ad Festum Epiphaniæ celebratur: lentè capit, sed diu duravit, à Principio videlicet Januarij, usque ad finem mensis Maij. Convenerunt illuc Germaniæ Principes multi: Oratores quoque Ludovici Regis Gallorum, Ferdinandi Regis Arragoniæ, Uladislai Regis Ungariæ & Bohemiæ, aliorumque, & Regum & Principum ac regni civium plurimorum. Multa in eo conventu contra Venetos tractata fuerunt, quorum adhuc indomita rebellio contra Imperium durabat. Dixit in eo conventu Principum Oratorum Regis Gallorum, unus nomine Ludovicus Helianus Vercellensis senator elegantem orationem latino sermone conscriptam: in qua Venetos acriter taxat: asserens eos primum fuisse piscatores, ex his mercatores, ex mercatoribus per latrocinia, per cades & venena, per nefandissima scelera dominium sibi usurpasse plurimarum urbium, civitatum, atque terrarum.

Magna,

Magna, *inquit*, eorum potentia est: nam eos, qui æstate præcedente quatuor potentissimos Principes Christianorum in patentibus campis expectare sunt ausi, & collatis signis aperto Marte dimicare, profectò potentissimos homines æstimare, & judicare debemus. Sed jam sunt victi, sunt diminuti, ideòque facilius poterunt extingui, quàm si essent integri. Sed nisi vestræ, ô Principes, peregrinantur aures, intelligere debetis, quid jam recuperaverint, ut se jam refecerint. Quod si eos paululum respirare permiseritis, ut hanc unam calamitatem evadant, vereor ne crabrones (ut ajunt) irritaveritis. Nisi ergo hujus venenosissimæ ac surgentis viperæ, dum adhuc titubat, cervices perfreritis; prædico vobis, quòd si non tam citò, at profectò quandòque tamen, etsi non vos, certè vestros successores suo veneno inficiet, ac spiris circumdabit. Est præterea illis consilium domi & ars senatoria, deligunt ex callidissimis & versutissimis senatoribus oratores, quos cum retibus, hamis, & visco peregrè mittunt, non ad pisces, aut aves irretiendas, aut inescandas, sed ad fallendos atque decipiendos Principum animos. Tot & tales sunt laquei Venetorum, quos Principibus miseris parant, ut eos dinumerare nemo queat: quis etiam nisi cautus evadere? Auctoritatem, pecuniam, urbes ac provincias multas Veneti perdidierunt: superbiam, dolos, vaframenta non amiserunt. Age verò præ desiderio, & cupiditate dominandi, si justitiæ, aut honori suo, si ulli hominum, aut Deo ipsi unquam pepercerunt?

Testis est Jacobus Rex Cypri, quem (acceptâ prius in uxorem sancti Marci, ah amara filia! & infaustum matrimonium!) cum filiolo veneno sustulerunt, ut Cypri Regno, & Insulâ novem quondam regnorum capace potirentur. Hujus facti historiam annis retrò plenius digessimus octo & viginti, Dominicæ videlicet Nativitatis septuagesimo tertio minore numero.

Veneti regnum fraude occupant.

Testes sunt, *inquit*, memoratus Orator Franciscus Comes Carmignola, & Bartholomæus Bergomates cognomento Coleo, Venetarum copiarum Duces duo, tunc in re militari præstantissimi; quorum alteri propter facetum seu cavillosum dictum in media curia reorum more caput securi amputari fecerunt. Alterum verò Bartholomæum propter ingentes opes belloâ virtute quasitas clam veneno necârunt.

Testis est Patriarcha Gradenfis, qui & Aquileiensis, quem Histriâ & & dimidiâ parte Venetiæ privaverunt.

Testes sunt iterum duodecim Canonici Aquileienses, quos parum fuit multis opulentis Castellis & oppidis, quæ possidebant, simul spoliâsse cum vita, nisi pro memoria tanti sacrilegij duodecim porcos pingues abraço collo die Jovis ante Quadragesimam singulis annis in arena populo spectante gladiatoribus confodiendos objicerent. O festum sceleratorum truculentum.

Testis est Rex Ungariæ, cujus propè trecentas insulas, decem civitates Episcopales, duas Provincias Dalmatiam, ac Liburniam, tot portus, quingenta circiter millia passuum maritimi litoris occupârunt.

Veneti decem urbes Episcopales Regno Ungariæ detraxerunt.

Testis est Imperator Constantinopolitanus multique proceres ejus, & finitimi Itali, Carrarienses, Scalenses, Mantuani, Ferrarienses, & Mediolani Duces, quorum alios magnis urbibus, Insulis ac Provinciis; alios

N n n n 2

dimidiâ

dimidiâ parte, alios omnibus bonis, alios etiam vitâ multârunt, nullam habentes jure cauſam, niſi dominandi ambitionem.

Teſtes ſunt Germani Reges, Imperatores Romanorum antecellôres tui, Rex Maximiliane, quos Patavio, Vincentiâ, Veronâque dejecerunt.

Teſtes ſunt & Aſtriæ Duces, quos Tarviſio, Felſtro, Concordiâ, Utino, Tergeſto, Coricia, & omni poſſeſſione Italiæ penitus expulerunt, & conantem te ad Imperatoriâ Coronam Romam proficiſci per annos jam quatuor & viginti armis retinuerunt.

Veneti Ra-  
vennam &  
alia plura  
Eccleſiæ  
Romanæ  
doloſè de-  
traxerunt.

Teſtis eſt denique Romanus Pontifex & ipſe ſanctus Petrus Apoſto-  
lus, qui ne ſe cæteris vicinis pulchriorem putaret, Forum Livium, Forum  
Cornelium, Faventiam, Ariminum ſimul atque Ravennam dolo, fraude,  
ſed nullo jure abſtulerunt. Et ut Regno Siciliæ potirentur, quinque urbes  
in Apulia Salentinisſque in laboribus Regum Neapoleos interceperunt,  
inter quas Hydruntum & Brundisium celeberrimo portu fuere princi-  
paliora. Quâdenique arte, quibus dolis & fraudibus Piſam uſurpaverint,  
ut per eam alterum Italiæ ~~latus~~ inferi maris affligerent, Florentiâque  
paulatim attererent, Genuam ad primos motus cum una ex factionibus  
ingrederentur: ac deinde Siciliam, Corſicam, Sardiniam, Baleares,  
Narbonenſem provinciam, omniâque littora Hiſpaniæ uſque ad fretum  
Herculeum claſſibus percurrerent, fatigarent, infeſtarent, affligerentque.

Veneti ſin-  
gulis mare  
deſpondent  
ſibi annis  
per annu-  
lum.

Quanta verò ſit Venetorum arrogantia, ſuperſtitio, & levitatis ma-  
niſeſtæ fatuitas, ex eo patet, quòd ſe maris dominos gloriantes, & ſive  
mariti Thetidis ſunt, ſive uxores Neptuni, ſingulis annis illud ſibi deſpon-  
dent annulo injecto aureo. Arrogantia nunquam prius audita, Elementa  
deſponſare. Romani homines quondam ſapientiſſimi tres urbes tantæ  
potentiæ, quòd pondus Imperij ſuſtinere potuiſſent, propter tria maxima  
vitia deletas eſſe voluerunt: Carthaginem propter perfidiam, Capuam  
propter ſuperbiam, & Corinthum propter avaritiam. Quæ crimina  
qualiter ſint in Venetianis, diligenter attendite, ut hæc & multa alia, quæ  
vix in ſingulis reperiuntur, huic uni civitati propria vitia ſint & peculia-  
ria, factores, factoresſque ſcelerum, inventorésque, ac novarum artifices  
machinarum; quorum cellæ ac meatus corporis nihil aliud ſunt, quam  
ſpiramenta prodicionum. Nemo cum eis mercatur, quem ad extremum  
ad lachrimas non cogant. Nullum bellum à multis ſæculis inter Chriſtia-  
nos geſtum eſt, cujus ipſi auctores non extiterint. Nemo Venetias diver-  
tit, licet ſit acutus, ſit circumſpectus, ſit ſapiens, qui non decipiatur, aut  
aliquâ fucatâ merce, aut falſâ gemmâ circumveniatur, aut à publicanis  
ſyngrapham non accipiat, aut exploratorum in numero ſit. Denique eſt  
ſemper mala crux: quæ deprehenſos miſeros torqueat excrucietque: nec  
habet inter eos perfidia modum, nec locum æquitas.

Veneti Ca-  
puanorum  
exemplo  
ſuperbiſſi-  
mi contem-  
nunt om-  
nes.

Et quæ poteſt oratio par inveniri ſuperbiæ? Hi ſunt homines, qui  
ajunt apud ſe natam nobilitatem eſſe; qui ſoli divites ac modeſti, ſoli  
ſapientes ſibi videntur eſſe in oculis ſuis; nos autem, qui non ut dracones  
erecto pectore tumidi & elatâ cervice incedimus purpurati, qui multa  
millia non cuſtodimus in arca; ſermonem in digitis non conſtituimus;  
argentea fercula non comedimus, eis barbari ſumus, intemperantes,  
ebrij, dementes ac veſani. Principes autem omnes uno vocabulo tyranni,  
hominum mendicabula cenſentur ab eis. Nos odiunt, nos contemnunt,

nos



nos sumus illis materia ad ridendum uberrima : nos Galli multum , sed certè vos Germani non longè minus : nam quæ nuptiæ , quæ comædia , aut fabula Venetijs unquam acta fuit , in qua primarum partium Germanus homo non fuerit introductus ? vestri mores , sermo , victus , habitus , incessus per mimos , & histriones repræsentatus ridere & gaudere Venetianos facit . exultare quoque , triumphare , ac gestire . Tanta est eorum superbia , tantus Germanorum contemptus ac irrisio , quasi non sint homines , sed monstra , vel bruta sine ratione omnes , quicunque nascuntur extra Venetiam .

De avaritia Venetorum profundissima melius est tacere , quam parum loqui . Hoc tamen unum non filebo , quòd cum Germania liberam & immunem à tributo se esse putat ( sicut & esse debet ) cum armis adhuc non potuerint astutissimi sophistæ , benè invenerunt sibi artem , quâ sibi tributariam fecerunt . Locant enim mercatoribus vestris domum ( lo fundico de Todeschi ) triginta supra centum ducatis in singulos dies : non dico singulis annis , quod quidem satis esset , sed dico singulis diebus . Quæ quidem summa facit annuè florenorum Rhenensium paulo minus sexaginta millia . Hoc tributum penditis , ô Germani , singulis annis Venetorum insatiabili avaritiæ , quam orbis non satiaret .

Ad memoriam reducite Principes , quæ vel quanta vobis ac militibus vestris contra fidem intulerint mala , & auribus obturatis nolite voces exaudire perfidorum . Ecce post tanta in rem vestram publicam perfidorum scelera commissa , quomodo nesciunt , audèntque lugubri veste , torto collo , flebilibus oculis , summissâque voce pacem poscere , qui superioribus diebus deprehenso sunt cum scalis & exercitu magno sub mœnibus Veronensibus , ut urbem noctu invaderent , præsidia nostra jugularent ? Et nunc audent dicere , vultis ô Principes Venetiam alterum Italiæ oculum effodere penitusque delere ? Non est tam clementium Principum , illas ædes admirandas velle subvertere , quæ quanquam ex ruinis & trophæis Romanorum & Græcorum , multarumque urbium vetustate constant , tamen quoniam sensu carent , nec aliquid commiserunt mali , non sunt dignæ tantorum Principum irâ . Clamant nunc Venetiani superbiâ contumeliosi & pertinaces , quid fecimus ? quid commeruimus ? O perfidi quid , nisi penitus extingui commeruistis ? Jam petitis pacem , qui fidem nunquam servare didicistis . At non ita dicebatis ante biennium , quando alpes transgressi Danubium atque Viennam Austriæ civitatem infestis signis petere statuistis . Bononiam , Ticinum , & Mediolanum , superiore anno ante finem mensis Maij in vestram potestatem venturas fore jactabatis ; quando Romanum Pontificem Maximum parvum Capellanum , & minimum vos ministrum altaris facturos prædicabatis , & Regem Gallorum Venetias catenatum trahere nitebamini : & Cæsarem Augustum deformissimis picturis , atque inhonestissimis comædijs & spectaculis ignominiosissimè referebatis cum titulo & causa : Hic est Maximilianus Augustus Imperator Romanorum . Detestanda Venetorum superbia !

Viri non estis ô Germani , Cæsareo animo tuo solito Maximiliane , amplius non es Cæsar , si potestis tolerare has rapaces Harpyas , has venenosissimas aspides , tam varias , tam versipelles Circes , tam sanguinarias

Nnnn 3

Tigrides ,

Veneti Corinthiorum exemplo sunt avarissimi & insatiabiles.

Veneti etiam victi manent in superbia , quam cum lacte haurerunt.

Veneti superati , victi & confusi pacem petunt à Maximiliano.

Veneti Harpyæ sunt rapaces Majestatis Cæsareæ contemptores,

Tigrides, ſanctiſſimæ Imperatoriæ Majestatis veſtræ calumniatrices, nomi-  
mini Germano infeſtiſſimas, infeſſiſſimâſque amplius dominari, & in  
Chriſtianos exercere tyrannidem.

Supereſt, ut quæ Veneti contra & adverſum Chriſtianos, contra Re-  
ligionem, imò contra Deum ipſum commiſerunt, pauca ſubjiciamus;  
quidquid enim habent, alienis calamitatibus adepti ſunt. Quotiens deni-  
que Cruciata, id eſt, devota Chriſtianorum conjunctio in Turcos tentata  
eſt, toties à Venetis interrupta, præcipuè ſub Pio Papa II. qui paratis  
omnibus, ubi ſenſit ſanctiſſimam expeditionem artibus Veneticis diſſo-  
lutam, vir acris ingeniij, Chriſtianæ Religionis devotiſſimus cultor, ex  
anim idolore nimio interiit.

Veneti  
Rhodianis  
obſeſſis à  
Turcis au-  
xiliari con-  
tempſe-  
runt.

Rhodus terrâ marique periculoſiſſimâ obſidione premebatur à Tur-  
cis, quam cymbam, aut ſcapham in auxilium Veneti miſerunt? Certè  
niſi Genuenſes Religioſâ pietate Rhodianis miſiſſent auxilia, ſicut Con-  
ſtantinopolis Venetorum perfidiâ, ita & Rhodus in deditionem Turco-  
rum ſine dubio deveniſſet. Hiſtoria cunctis eſt nota, quemadmodum  
Veneti pluribus annis, vario temeritatis ingenio tentaverint, ſi quovis  
modo per fas, ſive per nefas Conſtantinopolim ſuo potuiſſent ſubjugare  
dominio. Quod ubi vidiſſent ſe tantæ urbis potiendæ nullam poſſe inve-  
nire facultatem, Turcis maluerunt, quàm Chriſtianis eſſe captam.

Veneti  
Conſtanti-  
nopolim  
Turcis pro-  
diderunt.

Enimverò cùm Turcus in manu ſuorum graviffima, ſicut dictum  
eſt ſuperius, anno Chriſtianorum MCCCCLIII. Conſtantinopolim terrâ  
marique duriffimè oppugnaret, & classi Venetorum otioſa reſideret in  
proximo, Conſtantine Palæologus Imperator Græcorum obſeſſus per  
nuntios occultos, lachrimabiles deprecationes Venetæ classi Præſecto  
miſit, obſecrans illum per Deum, qui ſedem Patriarchalem conſtituit,  
per Virginem quoque Deiparentem, cujus nomini ipſa civitas fuerat con-  
ſecrata, ut ultimo Regni Orientalis excidio ſubveniret, & ex tanta Vene-  
torum claſſe vel duas in ſubſidium naves transmitteret. Sed ò inveterata  
fraus piſcatorum?

Reſpondit nuntio Imperatoris Venetianorum Præſectus; non eſſe  
moris Venetorum aliena defendere, proinde ſi ſe ac urbem dederent (hoc  
eſt, ſi Venetis ſe ſubmiſerint) cum tota claſſe venturum, ac obſidionem  
ſoluturum: adjecit denique, ſe commiſerari tam duræ Chriſtianorum  
calamitati, ſed ab ſenatu tale habere mandatum, quod ſine periculo capitis  
nullâ ratione tranſgredi poſſet.

Veneti  
ſpolia Con-  
ſtantino-  
politano-  
rum coë-  
merunt à  
Turcis.

Interim Conſtantinopolis capitur, & crudeliſſimè diripitur, ſi un-  
quam civitas direpta fuit, ita ut gemitus cadentium Chriſtianorum &  
mulierum ejulatus è Veneta claſſe perfectè exaudiretur. At jam Venetiani  
ſpe potiundæ urbis amiſſâ, ſpolia civitatis & prædam à Turcis coëmerunt,  
& plenis navibus Venetias remigârunt, reliquias Romani Imperij ſecum,  
ut perfidiſſimi deportantes. O perditiffimi hominum Venetiani! quo-  
modo tam inſignem civitatem in manus hoſtium Crucis Chriſti devenire  
paſſi eſtis, quam facillimè liberare potuiſſetis? O Lamijs, imò dæmoni-  
bus crudeliores, qui tot millia Chriſtianorum, tot Monachos, tot Sacer-  
dotes, tot Virgines, tot mulieres, tot ſenes, tot juvenes, tot parvulos  
& innocentes perire crudeliſſimè gladio impiorum maluiſtis, quàm  
ſalvare!

Quot

Quot præterea Procere, quot civitates Thraciæ, Macedoniæ, Græciæ, Illyridisque fidei Veneticæ (ac si dicerem perfidiæ Punicæ) se tradiderunt, quos omnes aut præcipitaverunt, aut Turcis vendiderunt! clamabant illi miseri cum, Turcis venderentur: ita Veneti! Christiani sanguinis mercatores, ô Christianæ religionis desertores & proditores, quàm impiè perfidissimèque nos tradidistis!

Et quo sermone, quibus verbis, ô Hierosolyma, & tu Judæa sanctissima Terra, quove dicendi ordine vos deslebo! Nolo amplius mihi credi, res jam est annalibus memorata. Credatis Blondo Historiographo ab omnibus approbato. Fama quondam erat Saladinum Ægyptiorum Regem Hierosolymam obsidere (nunquam Religio nostra caruit defensoribus, quanquam nunc ita Principes delicati sunt, ut si limites Regni sui quamvis exiguos usque pervenerint, expeditionem Orientalem se fecisse arbitrentur.) Ad hanc famam multi Procere Venetias cum magnis copijs armatorum convenerunt pro fide Christiana & sancta terra mori parati, postulantes à Venetianis in Syriam navibus pro mercede transduci.

Venetorum  
perfidiâ  
Hierusalem  
à Saracenis  
capta est.

Veneti acceptâ mercede ventos contrarios simulaverunt, in Dalmatiamque peregrinos exposuerunt, & eorum operâ usi sunt ad Jaderam, & alias Civitates, quæ rebellaverant à Venetis, recipiendas. Interim Hierosolyma capitur à Saladino Ægyptiorum, non quidem Christianorum negligentia, ut plerique arbitrabantur, sed dolo & prodicione Venetorum. Quis hic non vociferaret, excandesceret, ingemisceretque! O venenati Veneti, quantam calamitatem vestra induxit perfidia Christianitati? Pisani quandiu floruerunt, & Genuenses, omni tempore Christianis in Oriente laborantibus, suis Classibus subvenerunt. At Venetiani semper infidi ac fraudulentî, semper impij & crudeles, omnes Christianorum necessitates tumidi contempserunt.

Veneti  
Christianis  
obfessis à  
Turcis  
nunquam  
subvenerunt.

Hic multa prætereo de Sophi Persarum Rege moderno, qui maximum cum Turcis bellum gerit, cujus oratores ad Germaniæ Principes missi pro impetrando ab ista parte bellico apparatu Christianorum contra Turcos, cum pervenissent navigio ad perfidos Venetianos, retrocedere infecto Legationis suæ officio compulsi sunt. Fuiſſet tum facile Christianis Constantinopolim, cum toto Græcorum imperio seu Orientis recuperare, si Venetis innata perfidia non obsticisset. Nam Sophi cum innumerabili multitudine Persidem egressus, Turcum impugnabat, contra quem si Christiani ab Occidente processissent, sicut ille ab Oriente, fuisset omnino deletus.

Omitto longè plura de Emmanuele Rege Lusitanorum & Portugalensium, qui cum à tergo Lybiæ in mare rubrum classes miserit jam multas, & Ægypti, Arabiæ, Persidis, Caramaniæ, Indiæ, ac Taprobaniæ fines populatus fuerit, magno à Venetis odio habitus est, quod eos in societatem illius commercij recipere noluit, ob eamque causam fabros, materiam, & arma Saladino Ægyptiorum Tyranno miserunt, ut ædificatâ & instructâ classe Portugalenses à tantis incæpris submoveret. O perfidia! ô insatiabilis avaritia Venetorum! quorum tanta est invidia, & crudelis ambitio, ut infidelibus arma ministrent contra Christianos. Transeo, quæ in Cypro, in Creta, in Ponto, in Peloponneso, & in omnibus Cycladibus adversum Christianos perpetrarunt mala, ne prolixitas cædium parturiat.

Veneti  
contra fideles  
auxilia  
præstiterunt  
infidelibus.

Hydrun-



Veneti Hydruntum cum potuissent salvare, contempserunt.

Hydruntum civitas est Salentinorum extremis in oris Italiae, quam Turci, ut diximus anno Christianorum LXXX. supra CCCC. atque M. gravissimâ obsidione terrâ marique adorti sunt, illamque Italiae Regionem, quæ certè & magna & fertilissima est, ad Garganos usque montes totam flammis exurebant, & jam non Regno Siciliae tantum, sed Romæ sanctuario Dei, sed Italiae, totique Christianitati timebamus. Quis tum Christianorum non ingemuit? Quis opem non tulit? Cum ab Ungaris, ab extremo Septentrione atque ab Occidente undique auxilia convenissent, & non solum Principes & urbium cives, sed etiam familiae Fratrum Mendicantium subsidia præstarent; soli Venetiani, qui tunc Classem paratissimam instructissimamque in anchoris Corcyrae tenebant, qui soli obsidionem solvere potuissent, soli spectatores, non auxiliores esse maluerunt. Quid auxiliores dico? Imò proditores nefandissimi innocentium Christianorum extiterunt.

Venetis auctoribus Turci plura mala intulere Christianis.

Cum enim similitates gererent cum Ferdinando Rege Neapolitano propter Alphonsum ejus filium, qui tunc Hetruriam bello vexabat, timentes ne major fieret, cum ipsi non possent, per Turcos suas injurias ulcisci maluerunt, atque ita spurcissimam gentem Turcorum in Italiam à suis cervicibus in Christianos concitârunt.

Recordamini temporis illius, cum ab omnibus ferè Christianis laboratum est, & moras Turci Regis vix obtinuimus, ut deditionem Hydrunti facerent. Quot millia Christianorum tunc manibus Turcorum trucidata sunt, quantum Christiani sanguinis fufum; quot nobiles matronæ, quot virgines, quot pueri in miseram servitutem rapti sunt, quorum alij adhuc Turcis (fide abnegatâ) serviunt. Alios ego vidi, qui cum jure postliminii reversi essent, vix à parentibus poterant recognosci. Non memini Christianos majorem cladem pertulisse, ô Venetiani, quam vobis auctoribus perpeffi sunt. Sed hi homines oblitici sunt, non tamen Deus tantæ prodicionis ultor obliviscetur. Sanguis clamat super vos, & super filios vestros ante tribunal justî Judicis Dei nostri Jesu Christi.

Veneti plus nocuerunt Christianitati prodicione, quam Turci.

Vos ô Veneti proditores, non Turci, sanguinem illum effudistis, tempus erit, quo vos illorum cædes (atque utinam non cum vestris Venetijs) vestro sanguine rependatis. Quis non omni odio, omni supplicio Venetos existimet dignos? Sed hic magno, forti ac vehementi Oratore foret opus, aut aliquo illorum è numero, qui pleni Spiritu Sancto ad populum concionari solent. Qui si adesset, quantas lachrimas, quantam indignationem excitaret auditorum omnium contra Venetos propter eorum superbiam, avaritiam, ambitionem, crudelitatem, corruptelas, furta, rapinas, oppressiones, sacrilegia, prodiciones, immanitates, impietates, ac scelerum immanitatem!

Veneti malis artibus locupletes facti sunt.

Jam enim Venetiani tam indomabiles facti sunt, ut cum 4. potentissimis Christianorum Principibus de summa rerum auferint decertare, & ne victi quidem quiescere possunt. Qui expilando, subordinando, & corrodendo magnum ex vicinorum urbibus Imperium sibi conflagrere; qui omne aurum, argentum, gemmas, vasa, signa, tabulas, & quidquid pulchri, quidquid pretiosi in toto terrarum orbe reperiri potuit; id totum malis artibus Venetias comportârunt, & congefserunt. Qui mare ac terras intercludentes, mercatores cum mercibus intercipientes, Navarchos

CUM

cum navibus demergentes, venenando, necando, excruciendo, omnia cruore, omnia lachrimis & funeribus compleverunt. Omnia gabellis, dacijs, & portarijs tyrannicâ servitute fœdârunt, subdiderunt, & nimium aggravârunt. Manus sacrilegas in sacrosanctos Domini Sacerdotes miserunt, torquendo eos sine reverentia dignitatis: bona Ecclesiæ Deo dicata prophanârunt: sanctum Christi Vicarium Pontificem Romanum, ut vile mancipium contempserunt; per vulnera & mortes fidelium, & per commoda eorum privata sive propria Christianam Religionem ad has exiguas Europæ angustias, ac latebras deductam penè subverterunt; ut cum Turcorum impijssimo Rege tacitè conspirâsse, ac partiti esse videantur, ut scilicet ille Orientali, ipsi autem Occidentali tandem soli potiantur Imperio.

Sunt Venetiani extinctores & inimici nobilitatis, contemptores Principum, direptores & incendiarij urbium, spoliatores Provinciarum, hostes sacerorum, depopulatores Reipublicæ Christianæ, Osores Cleri, labes & pernicijs humani generis, cum prò pudor neque Turci sint, neque verè Christiani. Utinam aut veri Christiani fuissent, aut veri Turci; nam si veri Christiani fuissent, & Hierosolymam & Constantinopolim, & totum Orientem, ut quondam, etiam hodie Christiani possiderent: aut si veri Turci fuissent, nunquam passi fuisset tam malas herbas omni aconito pestilentiores in nostris penetralibus, in nostris visceribus, ac intestinis tam altè radices ponere, quin eos funditus extirpatos facto agmine ultra portas Caspias rejecissemus. Nunc autem cum & mali sint Turci, & peiores Christiani, atq; modò cum ambobus bella gerant, modò cum utròque societatem simulent, nunc harum, nunc illarum partium nemini sunt fidi, nemini amici, nemini turò fidentes, Religionem Christianam ad parvas Europæ angustias, & penè destructam, sicut diximus, mancā debilem concluderunt, & quæ audistis mala fecerunt.

Siccine dormitis ô Germani Principes! parumper expectate, & dum vos consultationibus vacantes differtis negotium, Veneti nocturnis scalis Veronam aggredientur. Vos potentiâ magni, vos armis inclyti, vos denique viribus & fortitudine cunctis nationibus metuendi, tantam ignominiam contra majorum vestrorum consuetudinem tolerabitis? quos vix ignavi & umbratiles, vix mulierculæ (mediusfidius) tolerare possent. O si nunc viverent illi Cimbri, ac Teutones bellicosissimi, qui cum Mario de orbis imperio dimicaverunt, & illi, qui cum Julio Cæsare, cum Trajano, cum Antonino, cum Fulvio, cum Severo, cum Constantio, & cum alijs pluribus Imperatoribus tot bella gesserunt. Illi quoque Teutones sive Germani, qui Quintilium Varum Romanum Consulem cum tot legionibus occiderunt. Et illi Germani Saxones, qui Britanniam, quæ nunc est Anglia, Scotiam, Hiberniam, Orcades, Galliam, Franciam, Hispaniam, Wandaliciam, Longobardiam, magnam Italiæ partem, tot bellis devictas suo dominio potenter subesse compulerunt.

O vos Germani Principes & procures, penes quos Imperium est non solum Romanorum, sed totius quoque orbis, jure tam divino, quàm humano, cur tantundem à virtute degeneratis avorum? cur non præitis contra hos Christianæ Religionis inimicos, hostes, & destructores? Cur non præferis victrices aquilas, & reliqui Christiani vos sequerentur con-

Veneti nec veri sunt Christiani, nec Turci veri, sed peiores utriusque.

In Veneto- rum perniciem Orator Gallus exhortatur Principes.

Venetos monet primò delendos, postea Turcos, ut hostes fidei utrosque,

tra Venetos primū, qui ſunt ſeges & materia tantorum malorum, ac deinde adverſus ipſos ſpurciſſimos, immaniſſimōſque nominis Chriſtiani hoſtes, inimicos & perſecutores Turcos. Venetianam, precor, ō Proceres, dejicere peſtiferam molem properate: perfringite, oro, Chriſtianæ ſalutis obſtaculum: obſtruite hanc peſtilentiſſimam Mephitim, ſentinam, præcipitium, & ſcaturiginem omnium vitiorum: vendicate & vos & orbem Chriſtianum in libertatem: ſolvite vos à tanto metu perfidorum: eradicare genus improbum, quando & tempus vos juvat, & fortuna. Tuti eſſe non poteritis, quandiu ſub tyrannide Venetorum manent Hiſtria, Liburnia, Dalmatia, Corcyra, Cephalenia, Zacynthus, Creta ſimul & Cyprus. Patefacite iſtas execrabiles, ac diras portas Venetianas, quæ tam diu Chriſtianos adverſus infideles progredi laborantes continuerunt: poſtea Deo auctore aperto Marte majoribus auſpicijs Turcos aggreſſuri.

Venetorum  
hoſtis Ora-  
tor iſte ma-  
ximus fuit  
oratione  
teſtante.

His & multis alijs memoratus Orator Gallus in Venetianos fulmina ſui detorquens ſermonis, maximo quidem enitebatur ſtudio, ſicuti mani- feſtè patet, omnibus illos reddere odioſos, & Principum armis conteren- dos. Quod quidem non tam ſuâ ſponte, quàm Regis Gallorum Ludovici juffu, à quo fuerat miſſus, feciſſe putandus eſt. Sic enim in orationis ſuæ principio dicit: *Ego qui multos defendere, ledere neminem conſuevi, in haſ anguſtias deductus ſum, ut aut ab officio legationis mihi ſit recedendum, aut de improbitatibus, de dolis, de malè meritis Venetorum neceſſariò (non ſine magno dolore) mihi ſit dicendum. Quod ſi aliquorum aures offenduntur, debetis id neceſſitati temporis, ac malignitati illorum, non mea conſuetudini tribuere: quanquam videor in propoſito deſenſionis propemodum perſeverare; nam cùm Venetos accuſo, defendo infinitos mortales: Italiam totam, multasque alias provincias, à quorum faucibus in libertatem revocanda ſunt. Defendo Chriſtianos Orientales, quos ad manus Turcorum venire, ac in morem pecudum maſſari permittunt Venetiani. Defendo etiam Romam, ad quam ſubvertendam (ut ipſi ſua deſideria conſequantur) vocare Turcos, & quaſi porrigere manus videntur. Innocentes defendo, cùm impios ne creſcant, dico ſupprimendos.*

Veneti pa-  
cem fraudi-  
bus quæ-  
runt, do-  
lum tamen  
continua-  
ant.

Anno item prænotato, cùm Venetiani poſt multa incommoda & damna æſtate præteritâ, ut diximus, accepta, poſt neces ſuorum & varias direptiones urbium, jam inciperent deſperare; quippe qui tot potentiſ- ſimis Principibus non erant viribus æquales, arcanum inter ſe habuerunt conſilium, ſi pacem à Cæſare Maximiliano poſſent impetrare. Miſerunt ergo Legatos & Oratores ſuos verſus Germaniam, quibus ut lentè potiùs quam feſtinanter incederent, præceperunt, eo quòd nihilominus interea contra Regem Maximilianum conſuetas molirentur inſidias. Statuerunt enim quaſdam urbes illius ditionis machinis & ſcalis tentare nocturnis: quibus captis nuntios ſeu Oratores haud procul exiſtentes revocare poſ- ſent: ſi verò non caperent, in itinere jam conſtitutos, quaſi neſcios in- ſidiarum procedere ulterius juberent. Sed fraude patefactâ, qui pacem mentibus poſtulabant fucatis, non impetrârunt, ſed majorem Cæſaris & Germaniæ Galliæque Principum indignationem meruerunt.

Veneti do-  
lo, igne, &  
veneno  
multa in  
Maximilia-  
num tenta-  
runt,

Annus jam ſextus volvitur, ex quo bellum Imperiale contra Vene- toſ cepit, & nec hodie quidem finis eſt. Quot fraudes, quot dolos, quot inſidias igne, ferro, veneno interea contra Maximilianum Regem & quosdam Principes ejus Venetiana tentaverit perfidia, & mihi narrare diffi- cile



cile est, & credere posteritati multo difficilius. Mercede corruptos emisserunt plures incendiarios per totam Austriam, Carinthiam, & cæteras provincias illis adjacentes, alios in habitu Fratrum Mendicantium, alios verò in habitu peregrinorum seu pauperum, qui domibus ignem supponerent: oppida, villas, castella & urbes quotquot possent occultè concremarent. Qui separatim incedentes oppida plura & villas per nominatas Regiones tantâ subtilitate malarum artium, tam secretè, tamque occultè, quod mirum fuit, incenderunt, ut nemo tanti sceleris auctores scire potuerit. Postremò tandem Deo sic ordinante capti sunt eorum aliqui, positique ad torturam, rem omnem aperuerunt, Venetorum confessi subordinatione hæc fieri: qui non minus quinquaginta, si non plures, in Germaniam occultos atque secretos destinârunt incendiarios pretio conductos.

Anno igitur præsignato considerantes Venetiani, quòd pacem pro suo arbitrio & inordinata voluntate impetrare non possent, ut Regem viribus redderent infirmiolem, Romani Pontificis gratiam (quam certè nunquam meruerunt) precibus pulsare aggrediuntur. Nam, ut sæpè diximus, Papa Julius secundus, Rex quoque Gallorum Ludovicus, & Arragoniæ Rex Ferdinandus cum Maximiliano Germanorum Rege sub amicitiae legibus in unum confœderari, bellum contra Venetos commune duxerunt. Nec dubium fuit, si pactum inter se quatuor hi Principes fœdus inviolatum & integrum, sicuti juraverant, usque in hunc diem servassent; jam Venetiani, aut penitus essent deleti, aut humillimam in deditionem sub Imperij potestate coacti.

Fortiter quidem cæperunt, & mutuò se cohortabantur in perniciem Venetorum, sed forsitan Omnipotenti Deo non placuit, ut innocens periret cum nocente. Nec dubium mihi esse debuit, quin Venetijs, & in locis Venetianorum dominio subiectis, hodie sint multa millia hominum, quorum Deo sit grata devotio, & integra sine crimine vita. Plura Senatus Venetiani dixit Orator mala: sed bona cuncta præterijt. Julius Papa magnum contra Venetos in campis tenebat exercitum, cui & ipse personaliter multis diebus, ut director supremus interfuit, & Venetianos non mediocriter tribulavit. Qui ubi viderunt se quatuor supradictis maximis Christianorum Principibus diutius non posse resistere: missis ad Papam, sicut dictum est, oratoribus, veniam commissorum postulant; & in gratiam ab eo recepti sunt. Nec aliter Christi Vicarium decuit, qui humiliatis parcere, superbientes ut sanentur, debet humiliare. Ab illo die Pontifex à persecutione destitit Venetorum.

Eodem anno Wilhelmus Landtgravius Hassiorum, filius quondam Ludovici Landtgravij Hassiæ Comitisque in Katzenelenbogen, in Ziegenheim, & Nidde, mortuo Fratre suo Wilhelmo juniore, ut anno diximus præcedente, à vinculis dimissus est anno quinto decimo captivitatis suæ. Ejus detentionis historiam breviter faciemus manifestam. Henricus olim Hassiorum Landtgravius frater Hermannii Archiepiscopi Coloniensis, moriens duos reliquit filios, Wilhelmum & Ludovicum. Wilhelmus duas habuit uxores, quarum ultima fuit Elisabeth filia, ut supra dictum est, Philippi Comitæ Palatini: qui tamen sine liberis moriens Principatum suum omnem Germani filijs dereliquit. Erant autem duo filij

O o o o 2

Ludovici

Veneti  
contempti  
à Cæsare  
Papam in  
suas tra-  
hunt par-  
tes.

Veneti gra-  
viter à qua-  
tuor sunt  
Principibus  
bello attri-  
ti.

Wilhelmus  
Hassiorum  
Landtgra-  
vius è cu-  
stodia di-  
mittitur.

Ludovici uniusque nominis ambo Wilhelmi, quorum major natu rationis usu deficiens Germano Principatum concessit inferiori, assignatâ sibi portione annuâ, unde cum uxore viveret ac liberis. Verum quia periculosè interdum furebat, ne læderet vel se vel alios, jussu Maximiliani Regis custodiæ honestæ fuerat mancipatus.

Homo sacrilegus in Marchia Brandenburgensi Sacramentum furtur.

Anno prænotato, sextâ die mensis Februarij, quæ fuit quarta feria post festum Purificationis semper Intactæ Virginis Mariæ, simul & Martyrio sanctæ Dorotheæ solemnibus, in ipsa nocte circa horam undecimam, homo quidam sacrilegus nomine Paulus From, patriâ Pomeranus, incola Pernaugiensis oppidi sub ditione Joachim Marchionis Brandenburgensis sacri Imperij Principis Electoris, in villa, quæ vocatur Knobloch Diocesis Brandenburgensis, Ecclesiam furtivè intravit, Ciborium perfregit, pyxidem deauratam cum duabus hostijs consecratis, alterâ majore, minore alterâ cum ejus monstratili cupreo similiter deaurato furatus est, & secum venalia deportavit, existimans quæ abstulerat, esse argentea.

Sequente die circa horam octavam, cum iter ageret versus oppidum Spandavv Marchionis memorati (quod duobus ferme ab Ursulo distat miliaribus) super lapidem unum in via, non longè à Stackor quasi fatigatus resedit, furtum extraxit, pretium mercator truculentus secum æstimavit. Cumque vidisset in pyxide sacras Dominici corporis hostias, expalluit: & ignarus quid faceret, alteram deglutivit indignus: alteram verò in sinum abscondit. Confestim irruit in eum horror Domini, & usque adeò tenebræ ac mentis hebetudo miserum invaserunt, quòd longam horam sedens stupidus & cæcus nusquam progredi potuit; sed contempsit infelix monentem se misericordiam Dei: nec intellexit, quemadmodum Apostolus Paulus ita fuit illustratus; quia mox pœnituit cæcatus.

Dominici Corporis Sacramentum Judæo in Spandavv venditur.

Surrexit tandem permittente Deo, & lumen corporale recipiens miserabilis homo corde permansit cæcus: veniensque in Spandavv proximum ad quendam Judæum nomine Salomonem, vascula, quæ furatus erat, sacræ rei, venalia exposuit. Cui Judæus: *Majus aliquid in his vasis, quod si attulisses mihi, forsitan compararem.* Mox sacrilegus alteram de sinu extrahens hostiam, dixit: *Ecce quod quaris in promptu est.* Cui Judæus: *Pro quanto, inquit, dabis mihi hunc Deum tuum?* At ille respondit: *Pro sedecim grossis Marchionis, quorum triginta duo faciunt unum Rhenensem florenum.* Cui mox quinque grossos Judæus proposuit: quos perfidus mercator accipere contemnens, adhuc quatuor apposuit: & sacrosanctum Corpus Domini & Salvatoris nostri pro novem grossis monetæ jam memoratæ ab impio comparavit.

Dominici Sacramenti impius venditor à iudicibus captus est.

Hâc sceleratissimâ venditione peractâ, impius ille mercator ad oppidum Pernavv cum vasculis Sacramentalibus revertitur: quibus in domo sua latenter absconditis, in terram Wendorum, quæ parum distat, Marchiæ contiguam profectus est. Jam enim suspicio maleficij perpetrati de ipso vehemens in populo fuit exorta: propterea metuens comprehendi, avisatus est. Sed diu manere latens apud Wendos non potuit, quemadmodum pœnam divina justitia vocavit. Igitur contemptis avisationibus & æstimatione populorum, quibus se novit suspectum, ad Pernavv denuò regressus, portatile sive monstratile per murum nocturnis in tenebris de domo sua extra oppidum projecit, quod ordinatione Divinâ in arborem cadens sic

sic hærendo in ramis permansit. Manè contigit à casu Burgi transire magistrum, qui viso in arbore monstratili hominem capi mandavit suspectum: qui statim ut captus fuit, sine tortura omnem rei seriem confessus est.

Impijissimus autem Judæus post discessum crudelissimi traditoris Hostiam Dominici Corporis super mensam nudam exposuit: atque pugione sæpius vibrato illam transforare magnis conatibus laboravit. Sed inter tot verbera totque punctiones Hostia Deo volente permansit integra: nec potuit eam Judaica perforare invidia. Concitatus postremò vehementer in iram Judæus, inter multa blasphemiarum verba sic dixit furens & spirans in corpus Dominicum: *Si tu Christianorum es Deus, tunc manifestare in nomine mille demoniorum, & ostende te.* Confestim in tres partes hostia divisa est, quemadmodum in altari dividi solet à celebrante: cujus fractura per circumferentiam sanguineo rutilabat colore. Quo viso Judæus infelix est territus: sed ad pœnitentiam minimè compunctus; induraverat enim perfidia cor ejus: unde ad miracula quidem Dei terreri citius potuit, quàm converti. Post hæc particulas ipsas panniculo involutas in marsupium seu peram deposuit, & secum per mensis spatium portavit.

Judæus  
hostiam sa-  
cram pu-  
gione trans-  
verberat.

Convenerant autem inter se Salomon iste Judæus & alij duo Judæi, videlicet Jacob, qui morabatur in Brandenburg, & Marcus, qui residebat in oppido Stendel. ut quicumque eorum Sacramentum Dominici Corporis quolibet modo, vel ingenio primum consequi posset, ad reliquos duos secretius transmitteret. Unde juxta conditum Salomon sæpe nominatus unam particulam inclusam pyxidi superfigillatæ per filium suum misit ad Jacob in Brandenburg: & aliam ad Marcum in Stendel: tertiam verò particulam apud se retinuit: quam denuo mensæ superpositam pugione transfixit, perfodit, & vulneravit, quousque sanguinis guttulæ visibiliter emanarunt. Cùmque nimio pavore consternatus, quid faceret cum ipsa particula, dubius hæsitaret (quippe qui timebat rem prodi miraculo) tentavit eam assumere primò, sed non potuit: deinde projecit eam in aquam. sed nec deleri potuit, nec annihilari, vel corrumpi. Postea in ignem projecit: sed semper & ubique integra permansit. Quidquid fecit, quidquid tentavit, sacrosanctam Dominici Corporis Hostiam annihilare, corrumpere, vel abscondere non potuit.

Duas ho-  
stiarum parti-  
culas Salo-  
mon misit  
ad alios  
Hebræos.

Postremò cùm tempus adesset, quo Judæi pro solemnitatem Paschatis azymos conficere panes assolent, perfidissimus Salomon particulam sanctam farinae massæque panaceæ commiscuit: & formatam in modum azympi panis massulam in furnum calidum, ut coqueretur projecit: erat autem furnus calens, sed igne jam extracto, ut fieri solet, tenebrosus. Introspectiens verò post paululum Hebræus, furnum conspexit sine flamma lucidum, & sine lumine, vel igne luminosum. Hoc fuit jam tertium Divinæ operationis miraculum, quod Salomon impijissimus vidit: & mente nihilominus, ut prius fuerat, cæcus permansit. O Judæorum cæca semper & nimium crudelis perfidia, quæ signis & miraculis divinitus quantumlibet, vel magnis, vel insolitis dignanter ostensis, non solum ad considerationem non flectitur, sed signis & beneficijs Dei quotidie magis ingrata & contraria induratur.

Judæus  
particulam  
azympo  
commix-  
tam misit  
in furnum.

Confessus est idem spurcissimus Hebræus, quod binâ vice introspi-

Oooo 3

ciens



ciens clibanum Divinitus illustratum, viderit supra panem, cui Dominicum Corpus fuerat involutum, puerulum parvulum, decorum atque pulcherrimum, in longitudine quasi unius palmæ in ipsa luce Divinitus accensâ sensibiliter coruscantem. Sed quod cæco lumen, quod surdo verbum, & quod stulto parabola, hoc & Salomoni huic Judæo signa fuerunt atque miracula; converti noluit, poenitentiam recusavit. Sine tortura confessus est se hæc vidisse miranda, quorum intuitu adeo fuerit perturbatus, ut penè demens factus sit. Venditorem Corporis Dominici captivum scierat, imminere sibi mortem facinori debitam metuebat, & tamen fugere cum vellet, non potuit: sed captus mente & corpore in oppido remansit.

Secunda  
hostiæ par-  
ticula mar-  
tyrizatur  
in Stendel.

Secundam venerabilis Sacramenti particulam Marcus apud Stendel Judæus, ut dictum est, sibi transmissam, convocatis quos potuit. Judæis, punitionibus, & varijs blasphemijs dehonestavit: & postea Hebræis ad Brunonis Vicum transmisit, vel ut alij dicunt, ad Franckfurt oppidum Cis-Moganum.

Tertiam verò particulam Jacob in Brandenburg Hebræus sibi donatam super mensam pugione crudeliter vulnerabat: & continuo sanguinis guttulæ miraculosè de sacrosancta particula eruperunt: quæ usque in præsentem diem constant visibiles. Nam Domino universorum Deo volente ad confirmationem hujus miraculi, tam tenaciter mensulæ sanguis adhæsit, quòd nullâ potuit lotionem deleri. Unde nimium exterritus infelix Judæus, particulam sanctam ad Osterburg Hebræo cuidam nomine Meyer inter Judæos non infimo sanguinolentam transmisit.

Dominici  
Corporis  
Sacramen-  
tum in nu-  
ptijs Judæ-  
orum blas-  
phematur.

Eodem tempore memoratus Judæus Meyer filio suo Isaac desponsavit uxorem: celebratisque ex more nuptijs, Dominici Sacramenti particulam inter duas coopertam scutellas in lecto jacentem portavit ad sponsam dicens: *Merito nunc gaudere debes ô sponsa, & super omnes hebræorum te sponsas honoratam cognoscere, quoniam Deum ad te fero Christianorum.* Deinde perfidissimi canes iterum puncturis & plagis sanctam Hostiæ particulam affecerunt: cui & primam dare punitionem Isaac sponsus infaustus, quasi pro singulari honore jussus est: ferunt posthæc etiam ipsam particulam Judæis missam ad Brunonis Vicum.

Judæi per  
Marchiam  
omnes ca-  
pti ducun-  
tur ad Ber-  
lin oppi-  
dum.

At verò postquam impius ille traditor Christi supradictus solo nomine Christianus in carcerem fuerat conjectus: capti sunt etiam successive Judæi plures in numero, & apud Ursulum sive Berlin Joachim Marchionis oppidum vinculis publicis mancipati: qui inter multa scelera confessi sunt, quòd intra paucos annos transactos vii. Christianorum pueros acubus & puncturis occiderint: exceptumque sanguinem eorum in usum suum expenderint profanum, & omnino superstitiosum. Ex his septem pueris masculis innocentibus unum, prout confessi sunt, à matre ejus propria villana, & rustica pro viginti quatuor grossis coemerunt: alium pro tribus florenis, atque unum pro decem florenis comparaverunt.

Judæi qua-  
draginta  
per senten-  
tiam con-  
demnantur  
ad ignem.

Anno igitur prænotato, nonâ decimâ die mensis Julij, quæ fuit sexta feria post festum divisionis Apostolorum, Joachim Marchio Brandenburgensem, Pomeranorum, ac Stettinensium Dux Rugij Cassubiæque Princeps & dominus, Nürenbergæ Burgravius, sacri Imperij simul & Germanici Regni Archicamerarius & Princeps Elector Christianæ Reli-  
gionis

gionis cultor devotissimus, æquitatis & Justitiæ conservator & distribu-  
tor incorruptibilis. Recognitis Judæorum malè commissis, eos, qui  
culpabiles fuerunt in præmissis, ad judicium scabinorum Berlinensium  
jussit adduci: ubi relectis publicè confessatis, ad ignem sunt per sententiam  
judicati, foras oppidum ad locum supplicij ducti, & incendio concre-  
mati. Fuerunt eorum, qui perierunt incendio, triginta octo in numero:  
inter quos principales fuerunt Salomon cum filio, & genero: Meyer si-  
militer cum filio, & genero.

Judæi tri-  
ginta octo  
ignibus  
concremati  
sunt apud  
Berlin,

Præter hos triginta octo fuerunt & alij tres, qui baptismi Sacramen-  
tum acceperunt: quorum primus Jacob de Brandenburg dictus Georgius  
cum alio baptizato sequenti die capite truncatus, ut Christianus mortis  
debitum solvit. Tertius autem quia in Sacramenti de honestatione cul-  
pam non habuit, quanquam in alijs sceleribus quibusdam reus haberetur,  
vitæ perceptâ indulgentiâ multorum precibus Cœnobium Fratrum mi-  
norum apud Ursulum intravit.

Traditor verò ille Christianus iniquus, qui Sacramentum Dominici  
Corporis Judæis vendiderat, post Corporis sui lacerationem ferramentis  
ignitis, rogo seorsim impositus, juxta scabinorum sententiam in cinerem  
resolutus est. Et sic denovo Marchia Brandenburgensium Judæis purgata  
est; remanserant enim in Ursulo captivi non minus sexaginta, qui de præ-  
missis videbantur innoxij: quos omnes memoratus Princeps Joachim  
cum rebus eorum procul extra Marchiam præcepit abire, ne aut similia  
tentarent in futurum, aut necem illorum, qui pro demeritis justè fuerunt  
combusti, aliquo modo injustè vindicarent.

Paulus ven-  
ditor Sacra-  
menti ferro  
laceratus  
ignito, con-  
crematur.

Eodem anno, Fratres Ordinis Beatæ Mariæ semper Virginis de monte  
Carmelo Capitulum Religionis suæ generale ad Festum Pentecostes in  
Civitate Neapolitana juxta morem celebrârunt. Post finem verò Capituli  
cùm singuli ad sua iter direxissent, Provincialis, Priores, & Fratres de  
Insula Sicilia (in qua Conventus habent xxiv.) navem intrantes versus  
Siciliam navigare cœperunt. Cùm altum Mare Mediterraneum ali-  
quamdiu sulcassent, irruerunt in eos Saraceni de Affrica Pyratæ, simul-  
que omnes cum navigio capientes abduxerunt. Erant autem eorum de  
Ordine viri numero non minus 50. Verùm quò pervenerint, nemo reli-  
quorum de Ordine Fratrum scire potest usque in hunc diem.

Carmelita  
plures à  
Saracenis  
capti du-  
cuntur in  
Affricam.

Hoc ipso anno, Fratres Militiæ Teuthonicorum, qui Prussiam & Li-  
voniam inhabitant, Tartaris, Ruthenis, & alijs Paganis infidelibus, &  
Schismaticis finitimi, & ob id continuis eorum incursionibus inquieti,  
pro comparando adversum illos Christianorum suffragio Cruciatam cum  
Indulgentijs à Julio Papa II. impetratam ab initio Quadragesimæ usque  
ad Festum S. Trinitatis in Herbipoli, ac per totam Diocesim consentiente  
Laurentio Pontifice ubique publicè prædicârunt. Qui & antea per con-  
tinuum triennium easdem Indulgentias in alijs Germaniæ Diocesibus  
publicantes, non modicam pecuniarum quantitatem comportârunt.

Theutoni-  
corum Or-  
dinis Mili-  
tes Crucia-  
tam prædi-  
cant.

## MDXI.

Anno Joannis Abbatis Hirsaugiensis VIII. Indictione Romanorum  
xiv. in Dominica Sexagesimæ, quæ fuit 23. die mensis Februarij, Ludovi-  
cus Comes Palatinus, Bavariæ Dux & Princeps Elector, filius Philippi  
ante triennium, ut supra diximus, defuncti, annum ætatis agens tricesi-  
mum

Ludovicus  
Comes Pa-  
latinus du-  
cit uxorem  
Heidelber-  
gæ,

num tertium Heidelbergæ nuptias celebravit pompâ ſolemni, uxorem ducens filiam Alberti Baviaræ Ducis, qui morabatur in Monachio, ante triennium mortui.

Eodem anno, in Dominica Quinquageſimæ, quæ fuit ſecundâ die menſis Martij, Udalricus Dux Wirtenbergienſium, annum agens ætatis xxiv. duxit uxorem alteram filiam Ducis Alberti, ſororem videlicet illius, quam Ludovicus Comes Palatinus accepit. Nuptias autem in Stutgardia cum magna ſolemnitate celebravit: ad quas invitati convenerant Principes iſti: Wilhelmus Dux Baviaræ, frater ſponſæ Germanus, Fridericus Dux Saxonum Princeps Elector, Ludovicus Comes Palatinus ſupra dictus Princeps Elector, Fridericus frater ejus Germanus, Fridericus Marchio Brandeburgienſis, Henricus Dux Mechelnburgicus, Chriſtophorus Marchio Badeniſis, & filius ejus Franciſcus. Andreas Comes de Sonnenberg, Nicolaus Comes de Salm, Comes unus de Bitſch, & plures alij Comites, Barones, Nobiles, & Ignobiles, equos habentes ut ferunt tam pro curribus, quàm pro ſuis evectionibus plus quàm ſeptem millia.

Bellum Maximiliani Cæſaris contra Venetos continuatur.

Anno prænotato Maximilianus Germaniæ Rex, & Cæſar electus Romanorum, Ludovicus quoque Rex Galliarum XII. & Ferdinandus Rex Aragoniæ, quos confœderatos paulo jam ſuperius diximus, inchoatum ante triennium contra Venetos bellum continuant, non ſine utrarumque partium ſanguine, diſpendio, & detrimento: in quo jam iſti vincuntur, jam illi, & nuſquam ſtabilis victoria. Denique Rex Gallorum non ſatis religioſè fidem Maximiliano Cæſari ſervans promiſſam, Carolo Duci Geldriæ ſecretius pecunias deſtinavit, & viros bellatores.

Conventus fit Principum cum Rege iterum apud Auguſtam.

Eodem anno, Maximilianus Cæſar iterum apud Auguſtam Civitatem Rhætiarum Conventum Principibus Germaniæ indixit: in quo multa denuo contra rebelles Regni, & Imperij, maximè autem Venetos dicta feruntur, atque propoſita, quorum nos plenam noticiam non habemus. Homo quidam natione ſeptentrionalis Barbarus, & incompoſitus, ſtaturâ procerus & horrendus aſpectu, in eodem Conventu Cæſari fuit oblatus, qui carnibus crudis in magna quantitate veſcebatur: vitulum totum, aut mutonem, vel ovem unicâ reſectione crudam devoravit, & adhuc ſe vociferabatur eſurire: quem gente Scytharum exortum eſſe crediderim.

Virgo eſt in Auguſta multis annis neque manducans, neque bibens.

Hujus monſtruoſi hominis voracitati hiftoriam libet inferre contrariam, mirandam quidem, & vix poſteritati credibilem, ſed veram tamen, & certam, & multorum teſtimonio comprobata ſufficienter. Virgo erat his diebus in memorata Civitate Auguſtenſi nomine ( ſi rectè meminimus ) Chriſtina, & hodie ut puto adhuc vivit in humanis, quæ in 12. vel 13. annis continuis nihil omnino manducavit, nihil bibit, nihil egeſſit, urinam nullam emiſit, imò neque dormivit. Quis hoc verum crediderit? quis non fabulam continuo exclamârit? ſi rem tot indiſijs exploratam, veramque inventam nesciret. Teſtis eſt Maximilianus Cæſar, teſtis ſoror ejus vidua relicta Ducis Alberti mulier nunc Chriſto devotiſſima, teſtis Epifcopus Auguſtenſis, teſtis & Senatus, teſtes ſunt, qui experientiam rei ceperunt.

Multorum teſtimonio confirmatur, quòd nec comedit, nec bibit.

Non ſemel, ſed pluries prædictorum teſtium juffione Virgo ipſa Camera inclufa diligentiffimè ſub arcta cuſtodia obſervata eſt, ne quis cibum inferret, aut potum, non modò per diem, ſed plures per menſes, &



& veraciter inventum est, nihil eam penitus manducasse, vel bibisse. Denique prædicta Maximiliani Cæsaris soror, ut hujus famæ posset experiri veritatem, per medium fratris eam de Augusta in curru ad se Monachium fecit adduci, quam in Cœnobiolo suo multis secum detinuit inclusam diebus, cautissimè illam observans, & cubiculi clavem nulli confidens sororum, secum ipsa retinuit, januam clausit, & aperuit: & quòd interea nihil comederit, aut biberit, in veritate comprobavit. In Augusta simili cautelâ sæpius à multis observata, nemo unquam deprehendit prædictis contrarium.

Interrogabat eam aliquando vir doctus in Theologia, & Religiosus, quem novi, unde haberet abstinentiæ hujus inconfuetæ principium: cui illa cum summa reverentia, & humilitate respondit: *Reverende Pater, non putetis, quòd hanc abstinentiam, vel ex devotione, vel ex sanctitate, aut inchoaverim, aut consecuta fuerim; aliter se res habet, quàm plerique opinantur: cum essem adolescentula, gravissimos patiebar stomachi dolores, maximè post cibum: præceperunt Medici, ut parum cibi sumerem ac potus; feci, melius sensi, tamen ex toto non convaleui. Quòd intelligens Medicus jussit, ut biduo, triduo,ve penitus à cibo & potu abstinere. Abstinni sicut jusserat primò per biduum, postea per triduum, postea per octo dies, quatuordecim, & per mensem integrum, nec potum sumpsi, nec cibum. Interea nullos sensi stomachi dolores, qui ex cibo & potu solebant post refectiorem duntaxat oriri. Postremò cum pro debilitate removenda vellem interdum cibum sumere, deglutire non potui sine gravi dolore, & maximâ difficultate, quia ut mihi notum est, meatus ad stomachum ex consuetudine abstinentiæ diuturna clausus fuit, & omnino præstrictus. Et sic meum dolorum, ac necessitate compulsâ omnem cibum ac potum abieci usque in præsentem diem. In tantam quoque nauseam panis, ac cibariorum perveni cum tempore, quòd ea nec visum tolerare sine gravamine possum, nec odoratum. Hæc ipsa de se virgo memorata confitetur interrogata.*

Perquam causam ad hanc pervenerit abstinentiam.

Consuetudo omnia dura alleviat.

Corpus Domini Salvatoris nostri Jesu Christi frequenter cum devotione sumit, diebus maximè Festis, Dominicis, quod nescio an transglutiat, vel terendo in ore species consumat. Petivit à suo Presbytero, ut si fieri posset, particulas quibus esset communicanda pro tempore, faceret aliquanto minores propter sumendi difficultatem, quia nullam, aut valde minutissimam habet in ore salivarum humiditatem. Vitam ducit honestam, & quantum licet hominibus judicare, satis religiosam.

Hæc Virgo vitam ducit honestam, & sæpe communicat.

Varia nihilominus apud plures de ipsa fertur opinio; sunt enim nonnulli, qui non credunt eam sine cibo, vel potu vivere, sed judicant eam potius in occulto manducare, vel saltem aliquod confortativum sumere, quo vita naturæ conservetur; videtur namque impossibile hominem per tot annos sine fomento cibi, & potus posse durare. Sed non est hoc novum, sicut non solum de Nicolao apud Helvetios Eremita sumus certissimi, sed etiam per alios plures similia facta lectione cognovimus. Et sunt nonnulli, qui eam (si vera sunt, quæ fama vulgantur, quòd nihil manducet) non esse hominem, sed Cadaver aliquod occupatum à dæmonio existiment, quòd similia etiam contigerint & novis temporibus, & antiquis, ut referam unum.

Varia est de hac muliere opinio.

P p p p

In

Mulier alia  
fuit apud  
Geldrenses  
nihil man-  
ducans.

In superioribus hujus Operis, atque Voluminis, si rectè memini, paucis annotavi, quòd Arnoldus Dux Geldriæ, matre suâ consentiente patrem Reinhardum coniecit in vincula, & multis detinuit annis captivum. cujus detentionis hæc causa fuit, atque principium. Erat in oppido principali Geldriæ (quod Neomagum vel Newmagen appellant, ubi residentia Ducum esse consuevit) mulier quædam honestissimæ, atque sanctissimæ famæ & conversationis, ut in propatulo hominibus apparebat, quæ in pluribus annis nihil comedit, nihil bibit, nihil egressit, nunquam dormivit. Unde apud Ducis Reinhardi uxorem, apud filium, apud incolas terræ, & omnes in circuitu, qui eam noverunt, ut mulier tanta multo venerabatur honore. In tantam denique familiaritatem, & amicitiam Ducissæ pervenit, ut illa nihil sine consilio ejus, vel parvum faceret, vel magnum; nam dicta ejus oraculo habebantur Apollinis certiora. At posteaquam Principis simul & Arnoldi animos sibi ad omnia senserat obsequentes, magna tentavit.

Magnam  
hæc mulier  
sanctita-  
tem, & mi-  
racula  
ostendit.

Habitabat in tugurio sola, & vitam in paupertate solitariam duxit. semper jejunavit, nunquam dormivit, orationi, meditationi, & contemplationi, ut ferebat, sine intermissione vacavit. Quidquid agebatur in oppido, sive per omnem Ducatum quantumlibet secretè, totum Ducissæ faciebat manifestum, asserens id sibi per Angelum sanctum divinitus revelatum. Ejus consilio, & confectis revelationibus Reinhardus Dux per uxorem & filium coniectus in vincula sine causa usque ad mortem detinebatur captivus. Multa per ejus prava consilia sub specie revelationis divinæ non solum Ducissæ, atque filio, sed etiam alijs multis impensa tam in oppido quàm extra subtiliter facta sunt mala; maximâ enim utebatur industriâ, ne qua in ea falsitas notaretur: quòd eò facilius potuit, quòd magnam hypocriseos experientiam consecuta fuit. Verùm quia sicut diximus, Reinhardo Duce consilio ejus occulto in vincula coniecto per uxorem, & filium, regiminis Ducalis magna fuit immutatio subsecuta: namque ad nutum hujus monstruosæ foeminæ Duces mater & filius omnia, faciebant. Videbant hoc Proceres terræ & indignè ferebant, propterea quòd penè cuncta illius mulieris in malum finem tendebant, licet sub honestissima specie noverit ea palliare.

Mulierem  
non esse,  
sed dæmo-  
nium sa-  
pientes viri  
putabant.

Intantum postremò crevit odium populi, & maximè Cleri, & nobilium contra larvatam bestiam, ut omnes eam perijsse cuperent; eratque omnium opinio apud viros doctiores, atque Claustrales, quòd non esset ex Spiritu Sancto ejus conversatio, neque jejunium religionis, quemadmodum illa fingeat, sed aut simulationis, aut dæmonum intus operationis. Nemo tamen experimentum veritatis aut scivit, aut posuit. Cùmque hæc opinio virorum in notitiam pervenisset Principum, primò quidem indignati sunt, sed postea nihilominus, quoties intuebantur illam, phantasiâ imaginatione concitante, de conspectu ejus horrorem senserunt.

Non mu-  
lier, sed dæ-  
monium in  
fœtulentò  
cadavere  
fuit reper-  
tum.

Venit postremò vir quidam doctus, qui de natura spirituum altius noverat speculari, cui cùm res à Ducibus matre videlicet & filio fuisset proposita, dixit: *Sinite me, & citò experiar, homo sit an dæmonium. Aperiat-  
tur ejus vena in brachio mediana, in qua latet indicium veritati. Nam si homo  
est, sanguinem habet, sine quo nemo vivere potest, & vena qualibet incisa calidum  
emittet*

*emittet cruorem. Si verò demonium est, seu cadaver aliquod diabolicâ in habitatione sustentatum, non sanguinem emittet vena incisa, sed putridam sanie, atque foetentem. Quid plura? ad viri loquentis consilium adducitur mulier, & contra ejus voluntatem mediana incisoria aperitur: confestim putor cum sanie nimium foetens erupit: & nec una guttula sanguinis in toto corpore fuit. Clamavit dæmonium horribili voce maledicens illum, qui hoc Principibus consilium dederat, & relicto cadavere putrido, multumque foetente discedens evanuit.*

Anno prænotato, Senatus Urbis Constantiæ in finibus Suevorum, cum nonnullis de communitate civium in unum conspirantes, & se, & Civitatem submittere, conjungere, ac sociare conjuratis Helvetijs voluerunt. Hinc seditio gravis orta est inter Senatum, & Cives, quibus non placuit è Regno tam perfida discessio, & se propterea constanter Senatui opposuerunt: inter quos Piscatorum societas potior fuit, qui nuntios celeres ad Maximilianum Cæsarem mittentes, cum secretò de conjuratione Senatus certiore reddiderunt. Interea portas armati custodiunt, Senatùmque & reliquos perjuros Cives, ne quis effugiat, observant.

Conjurati  
Helvetij  
Senatum  
Constantiensem in  
suam sententiam  
traxerunt.

Cæsar autem Maximilianus mox accepto hujus perjurij nuntio, cum trecentis Equitibus venit ad Constantiam, quem Senatus recusans intromittere, novam in Civitate seditionem concitavit. Sed Piscatores cum sibi adhaerentibus, qui erant & numero plures, & viribus fortiores, portis violenter apertis Cæsarem cum suis in urbem receperunt. Consternati præsentia Cæsaris omnes, qui erant cum Senatu, & metuentes quam demeruerant perjurij sui poenam, maximè autem qui fuerant Principes & capita factionis, fugâ salutem quæsierunt, quorum pars major exilio suo premitur usque in præsentem diem. Alij capitibus truncati sunt, atque alij poenis alijs sublatis. Jam conjurati aderant Helvetij adhuc missi, imò & vocati à Senatu, ut Jura Civium & urbem in suam acciperent societatem, quos in sua redire Cives compulerunt.

Eodem anno, 4. die mensis Maij, quæ fuit Sabbathum post Festum SS. Apostolorum Philippi, & Jacobi. Comes de Werdenberg Andream Comitem de Sonnenberg satis injuriosè, & fraudulenter nihil tale metuentem in venatione armatus inermem crudeliter occidit. Fuerat inter eos pro quibusdam rebus contentio, quam Udalricus Dux de Wirtemberg ut Princeps amborum sedare, & amicè componere desiderans, ad se causam & partes vocavit, querelas & responsiones audivit, pacis media proposuit. Verùm certis ex causis negotium in aliam protrahitur diartam, quæ prius quàm instaret, Comes occiditur.

Andreas  
Comes de  
Sonnenberg  
ab æmulo nequitiosè  
interfici-  
tur.

Anno prænotato, cum Julius Papa II. contra Bentivolos propter Bononiam bellum gereret in Italia, omnesque Cardinales sibi adesse juberet, alijs Pontifici obedientibus, Bernardinus natione Hispanus Episcopus Sabinensis, & Cardinalis Sanctæ Crucis in Hierusalem, Wilhelmus Episcopus Prænестinus Cardinalis, Franciscus tituli SS. Nerei, & Achillei Presbyter Cardinalis, Renatus de Priett S. Sabinæ Presbyter Cardinalis, & quidam alius, cujus nomen non occurrit, sine consensu Papæ, imò contra mandatum ad urbem Pisanam abierunt. Quos cum litteris, & nuntijs paternè admoneret, ut redirent, non solum contem-

Bernardinus cum IV.  
Cardinalibus à Papa  
Julio discessit.



pferunt, sed quod magis est, propriâ temeritate Concilium contra Papam generale indixerunt.

Conciliabulum Pisæ indicitur per ix. Cardinales contra Julium temeritate propriâ,

Anno enim prænotato, 19. die mensis Maij, quæ fuit secunda feria S. Potentianæ memoriâ venerabilis, coram Notarijs publicis & testibus ad hoc specialiter convocatis Bernardinus S. Crucis Episcopus Sabinensis, Franciscus SS. Nerei, & Achillei Cardinalis Presbyter, Prænestinus quoque Episcopus, & Cardinalis Wilhelmus supra dicti, suis nominibus & pro sex alijs Cardinalibus, quorum mandatum sufficiens exhibebant, Philippi videlicet Episcopi Tusculani Cardinalis Cenomanensis, Hadriani Cardinalis S. Chrysogoni, Renati Cardinalis S. Sabinæ Bainensis, Caroli Presbyteri Cardinalis S. Viti in Macello, Friderici S. Angeli Diaconi Cardinalis, Hippolyti S. Luciae in Silice Diaconi Cardinalis, generale Concilium Pisæ ad primum diem mensis Septembris tunc proximi celebrandum indixerunt: ad quod Julium Papam II. per edictum in valvis plurium Ecclesiarum per Italiam citârunt, ac ipsum Conciliabulum suum litteris, instrumentis, & nuntijs ubique terrarum publicantes intimaverunt, vocantes ad illud Pontifices, Principes, Prælatos, & Doctores.

Bernardinus se Vicarium Ecclesiæ gerit, & Præsidentem Concilij,

Verùm posteaquam hæc summo innotuerunt Pontifici, litteris denuò monuit, contumaces obsecrans, & obtestans eos, ut ab ea, quam inchoaverant, temeritate desisterent, & ad unitatem S. Matris Ecclesiæ redirent, alioquin se contra eos jure necessario processurum. Sed cum alij ad monitionem Pastoris redirent ad Ovile, Bernardinus, Wilhelmus, Franciscus, & Renatus in sua pertinacia permanserunt obstinati, & omnes quotquot potuerunt verbis & scriptis in suam sententiam trahere conabantur. Et primò quidem Pisanam Civitatem pro Concilio generali celebrando deputârunt: postea Mediolanum, ubi Bernardinum in Vicarium Ecclesiæ, & Præsidentem Concilij statuerunt; convenientibusque paucis ex Gallia, & Lombardia Episcopis sessiones aliquas habuerunt. Nec diu postea timentes Mediolanum sibi non fore satis tutum, in Galliam se unâ cum synagoga Sathanæ transtulerunt, & apud Lugdunum, eo quod Rex Galliarum Pontifici Romano infensus esset, considerunt.

Bernardinus cum tribus Cardinalibus omni dignitate privatur,

Anno igitur præsignato, 24. die mensis Octobris, Julius Papa II. ubi vidit monitiones suas apud iv. nominatos Cardinales nihil proficere, & citatos, atque per dies 73. sufficienter expectatos minimè comparere, Romæ in Consistorio publico de Cardinalium suorum assensu & consilio utriusque Juris peritorum complurium, eos ut Hæreticos, Schismaticos, contumaces, & rebelles & omni dignitate Cardinalatus privatos per sententiam deposuit, titulis quoque, insignijs, voce quoque tam passivâ, quàm activâ, Ecclesijs, Episcopatibus, Monasterijs, & cunctis beneficijs Ecclesiasticis, quæ vel in titulum, vel commendam, seu quovis alio modo possederant, privavit, & vel ad illa vel alia quæcunque, vel alia qualiacunque in posterum obtinenda inhabiles fore declaravit: eosque ab omnibus Christi fidelibus evitari præcepit, & pro Cardinalibus deinceps non haberi, nec nominari quidem decrevit, tanquam Hæreticos, Schismaticos, & ut criminis læsæ Majestatis reos, ab omni Communione Ecclesiæ rejecit.

Et mox eodem die litteras scribi mandavit, quibus hanc iv. Cardinalium depositionem & causam notam fecit Maximiliano Germaniarum Regi, Romanorum Imperatori electo semper Augusto, Ludovico quoque



que Gallorum Regi XII. Ferdinando Aragoniæ, Siciliaque Regi, Emanueli Portugalliæ & Algarbiorum Regi, Henrico Regi Angliæ, Jacobo Regi Scotiæ, Uladislao Regi Ungariæ, & Bohemiæ, Joanni Regi & Catharinæ Reginæ Navarra, Sigismundo Regi Poloniæ, Joanni Regi Dania, Carolo Duci Sabaudia, Leonardo Lauredano Duci Venetiæ, & multis alijs per Christianitatem Principibus, Episcopis, Prælati, & Communitatibus.

His per Julium Papam factis & publicatis ubique, paulatim cessavit Cardinalium privatorum tumultus, & infirmati sunt, nec potuerunt stare, licet nihilominus & pro Cardinalibus se gererent, & conciliabulum suum apud Lugdunum pro viribus continuarent. Unde & Pontifex postea Ludovicum Regem Gallorum, ut fautorem hospitem, & defensorem Hæreticorum excommunicavit, & Lugdunum omniâque & singula loca, in quibus prædicti abrogati Cardinales moram traherent, Ecclesiastico supposuit Interdicto. Manserunt nihilominus in sua obstinatione pertinaces usque ad obitum Julij Papæ II. & post Electionem Leonis X. Romam venientes gratiam & restitutionem in integrum sunt consecuti.

Ludovicus Rex Gallorum excommunicatur à Julio Papa.

Causam hujus discessionis quatuor Cardinalium à Pontifice satis ex præcedentibus puto manifestam. Postea enim quàm Papa in gratiam receperat Venetos, recedens à foedere, quod cum Cæsare Maximiliano, & Rege Gallorum Ludovico fecerat: facile jam erat Cardinales Hispanicos & Gallicos in odium surgere Italorum. Gallicana fuit ista practica, quæ Pontificem (si deponeretur Julius) sibi optaverat complacentem. Prope fuit, & in foribus malum, quo etiam Cæsar Maximilianus pravorum consilio fuisset seductus; nam & ipse simul & Rex Ludovicus Gallorum Instrumento publico Pisanum Concilium seorsim indixerunt. Gallia Rex usque ad mortem Julij Pontificis cum pertinacibus apostatis contumax, & excommunicatus perduravit. Cæsar autem Maximilianus bonorum virorum admonitus consilio statim à principio incautè positum retraxit pedem, qui non suâ sponte, ut mihi videtur, & si dici fas est, constat, sed pravorum consilio incautè consensit in negotium, quod credidit esse sanctum. Extat inter alias Epistola ejus ad me una, ex qua mentis suæ declarat sinceritatem, quippe qui multorum in re tam ardua consilium requirit, sicut patet.

Causa Conciliabuli Pisani.

*Maximilianus divina favente Clementia Electus Romanorum Imperator semper Augustus, Joanni Trithemio Abbati S. Jacobi Herbipolensi, olim Spanheimensi. Accepimus litteras tuas, quibus significas te illud singulare, & pulchrum Opus octo questionum nostrarum, de quo edendo te aliàs hortati fuimus, usque ad calcem deduxisse, & jam plenè perfecisse, quod nobis jucundissimum est, eritque & nobis ad maximam satisfactionem, tibi ad perennem famam: quoniam scimus, quæ ex te viro litteratissimo, & integerrimo procedunt, non nisi excellentia, & paria magnitudinis tuæ, & quæ perpetuò à Principibus viris ediscenda sunt. Sed cum jam & bello maximo (propter quod cogimur Italiam petere) & convocanda universalis Ecclesia maxime impliciti simus negotio, non possumus his jam vacare, sed in reditu nostro evocabimus te cum eodem Opere tuo ad nos, & tecum de singulis presentes latius differemus. Ideo eundem librum penes te bene custoditum retinebis, & sicuti dicimus, auctoritate nostrâ, & Serenissimi Regis Francia Fratris nostri charissimi, ac plurimorum Reverendissimorum Dominorum Cardinalium*

Epistola Maximiliani Cæsaris ad Trithemium Abbatem.

Oeſar Tri-  
themium  
Abbatem  
invitat ad  
Concilium

& aliorum Prælatorum indictum eſt concilium univerſale (ſicuti videbis ex copijs authenticis his alligatis huiusmodi denuntiationis) cupimus ut præpares te ad ipſum, & interim quàm primùm nobis ſcribas, quid de hac re ſentias, & quomodo ſi nobis procedendum, & qualiter nos gubernari debeamus, ut illud ad finem deducatur optatum. Data in oppido Oettingen die 4. menſis Junij, anno Domini MDXI. Regni noſtri XXVI.

Et quis non videret, Principis tanti animum perſuaſionibus æmulo-  
rum Romani Pontificis nutantem, ut conſentiret in concilium mi-  
nus legitimè indictum ab his, quibus convocandi ejus nulla fuit auctori-  
tas, fuiſſe perductum? Ego autem ſciens humilitatem meam, nihil ad in-  
terrogata Cæſaris, quid de indicto Piſis Concilio ſentirem, reſcribere  
volebam, quouſque alterâ vice litteris præcepit mihi, ut quid ſentirem,  
quantocius reſcriberem. Itaque neceſſitate coactus hoc modo reſcripſi.

Joannis  
Trithemij  
Abbatis  
S. Jacobi  
Herbipol.  
reſponſiva  
Epiſtola ad  
Cæſarem.

Maximiliano Sereniſſimo Potentiſſimo Inviſtiſſimo Principi & Domino  
Germanorum Regi, Electo Romanorum Cæſari, totius Orbis jure tam divino, quàm  
humano ſoli & unico Imperatori, Joannes Trithemius Abbas S. Jacobi Herbipolis,  
quondam Spanheimenſis, Deum timere, bene agere, Eccleſiam deſervare. Quid  
ſentiam ego de Concilio Piſano nuper indicto, quidque conſulam, ut res cæpta pro-  
ſperum atque felicem conſequatur effectum, iteratis jam Epiſtolis Cæſar potentiſſime  
reſcribam mandâſti. Hucusque ſilui ratione perſuaſus, n. c. litteris Cæſaræ Majes-  
tatis tua quidquam mihi videbatur eſſe reſpondendum. Verùm quia denuo jubes  
ut reſpondeam, breviter & paucis præſentibus quid ſentiam de indicto Piſis Con-  
cilio, Cæſtitudinem tuam reddo certior: licet minor ſum ad conſulendum in hac  
re nova & ſatis periculosa.

Concilium  
indicare  
quando li-  
ceat Impe-  
ratori, &  
Cardinali-  
bus.

Si cauſa indicendi generale Concilium eſt juſta, ſufficiens, & legitima, ſi ne-  
ceſſitas Eccleſiam urget manifeſta, ſi Domini Cardinales, & vos Reges, ſi Princi-  
pes, & Prælati Concilium indicentes, ſeu convocantes, ſolius Dei moventur amore,  
atque zelo Juſtitie, & pro Eccleſie utilitate communi, non livore, non indigna-  
tione, vel odio Romani Pontificis, non ducti ambitione, ſeu avaritiâ, non propriam  
querentes commodum, ſed commune, idque totum purâ & rectâ intentione, ſine  
dolo, ſine fraude Spiritu Sancto illustrante: ſi poſtremo concurrant omnia, qua  
jure divino & humano requirit æquitatis ratio: & ſi Eccleſia naufragium patiens  
aliter reformari non poteſt, ſervato erga Pontificem ordine charitatis, cum debito  
reverentia, & honoris; ſi convenient hæc omnia, tunc res & bene cæpta eſt, &  
proſperum ſine dubio conſequetur effectum.

Concilium  
Piſanum  
indicare  
Cardinales  
jure non  
potuerunt.

Quod ſi res ipſa (ſicuti vehementer timeo) aliâ intentione præſumpta eſt: ſi  
in odium aut depreſſionem Pontificis agitur: ſi quidpiam præpter Deum quaritur:  
ſi Domini Cardinales, eorūque fautores, ſive ſint Reges, ſive Principes, ſiniſtrâ  
machinatione moventur (crede mihi ſapientiſſime Cæſar) nihil boni, nihil juſti,  
nihilque honeſti, nihil utilitatis Eccleſie communis ex hoc ſequetur Concilio: ſed  
ſcandalum graviſſimum orietur in populo Chriſtiano, & vel pernicioſum ſchiſma,  
vel grandis omnium confuſio, qui Concilium ſine auctoritate Romani Pontificis  
indixerunt. Vereor enim (& ſi auſim dicere, ſcio) quod non omnes rectâ & ſince-  
râ moventur intentione, qui ſe Piſano Concilio adſcripſerunt. Unde verò ſciam,  
per interjectam his ſchedulam Majeſtas tua Sereniſſima intelliget. Cuſtodiat ergo  
precor Cæſtitudinem tuam Maximiliane Cæſar Chriſtianiſſime Omnipotens Deus,  
ne anima tua, ne fama percelebris opinio, & ne ſanctum, & Catholicum nomen

tuum



*tuum Concilio impiorum, vel consortio Schismaticorum quâlibet occasione vel modicè polluantur.*

*Longè Deus avertat, & procul sit à sanctis moribus tuis Maximiliane Caesar, ut Concilium impiorum adjuves, & qui te hætenus Principem Christianissimum exhibuisti, nunc des maculam gloria tua, & malam de tua fide suspensionem posteritati relinquant. Non est tuum, non est Regis Gallorum, non istorum Cardinalium, qui se in Instrumento subscripserunt, neque aliorum, quorum allegant consensum, generale convocare Concilium, legitimis causis, ut jam hic, minimè existentibus. Sed hoc munus, hoc officium & privilegium Jussu concedit summo universali, & soli Romano Pontifici: quàm vera dicam, norunt omnes, qui Deum timeant, qui quod justum intelligunt, qui rectum sapiunt, & solam diligunt veritatem. Nec dubium mihi est, quin exitus rei meam confirmabit sententiam, & Christo JESU providente constabit, non fuisse ex Deo præsens Concilium. Habes nunc Sacratissime Caesar, quid ego de indicto Concilio sentiam, salvâ tamen omnium Deum timentium, meliùsque sentientium determinatione atque sententiâ.*

Caesarem monet Trithemius à Concilij prosecutione desistere.

Solius est Romani Pontificis generale Concilium indicere.

*Quemadmodum verò Serenissima Celsitudini tua in hac re sit procedendum, ut effectum consequatur optatum: meum requiris consilium; ab quis ego ut moderatori Orbis Maximiliano vias prudentia ostendam? aut quæ doctrina mea, ut erudiam caput Principum mundi? veruntamen quia præcipis ut Rex, jubes ut Caesar, imperas ut Imperator, credis, confidis, exspectas: non abscondam Celsitudini tua consilium meum (ut credo) fidele, salubre, honestum, utile, & rectum, quod te clementi animo suscepturum, si dubitarem, non scriberem. Igitur in primis consulo, precor, & oro, ut illum Caesar Maximiliane sequaris: de quo scriptura dicit: Beatus vir, qui non abiit in consilio impiorum. Et si dixero Pisanorum, cerè non erravi. Deinde consulo, precor, & oro, si quovis honesto medio fieri potest, ut Majestas tua Serenissima pacem, concordiam, & stabile fœdus cum Romano, & Summo Pontifice Julio ineat, contrahat & confirmet. Tertiò consulo, precor & oro, cautissimus esto, ne te levitas Gallorum seducat, quæ Cardinales Obedientie desertores fovet, manu tenet, atque defendit contra Julium Pontificem, eâ intentione, quæ multis est manifesta. Quarto igitur consulo, oro, & precor, triplicem rumpe funiculum, hoc est, Gallum cum vulturibus suis desertito, alioquin laqueum censura Summi Pontificis incidet cum eisdem. Quintò memineris consulo, oro, & precor, quoniam tibi soli Romanum debetur Imperium, non aliam ob causam, nisi ut Ecclesiam Romanam & Universalem, ejusque Pontificem colas, venereris, atque defendas. Nam si tuo Ecclesia non indigeret Patrocinio, susceptum à Constantino Imperium liberum sibi reservasset.*

Ad secundam interrogationem ista respondet Trithemius.

Caesarem rogat Trithemius, ut reconcilietur Summo Pontifici.

*Julium autem Pontificem secundum, à quo Cardinales isti recesserunt, verum Christi Vicarium, successorem Petri, & legitimum universalis Ecclesiae Pastorem in annum jam octavum habuimus, tenuimus, & venerati sumus, hodièque indubitanter habemus, tenemus & veneramur: contra quem levare calcaneum bonus Christianus nec jure potest, nec debet causis legitimis adhuc non existentibus. Confido etiam, quòd in hoc Schismate Galliam levem fides Germana non sequetur, etiamsi tua Majestas, quòd Deus avertat, capto perseveret in proposito. Sextò super his rebus consulo, precor, & oro, Serenitas tua gloriosissima historias perscrutari faciat transacti temporis, & certè inveniet, qui capita sua contra Romanam Ecclesiam vel ejus Pontifices legitimos erexerunt, & vitam infamiâ notatam, & finem opprobrio, & perpetuâ confusione plenum habuerunt.*

Julium II. Trithemius verum Christi confitetur Vicarium.

Septimò

Concilia-  
buli Pisani  
confusio-  
nem prædi-  
cit Trithemius.

*Septimò. Consilium do, precor, & oro, quatenus Clementia tua meminerit, se unicum sacrosancta Ecclesia Romana à Deo, & ipsa Ecclesia protectorem esse constitutum, & non consentiat illis, qui vel scindere, vel ejus Pontificem disturbare conantur. Videbit (non dubito) Serenitas tua finem hujus Conciliabuli Pisani confusione plenum, & opprobrio, nisi forsitan Romanus Pontifex inductus vel persuasus suum tandem adhibuerit consensum: quod meâ opinione difficilimè fieri posse sentio.*

Concludit  
Trithemius  
Epistolam  
ad Cæsarem.

*Hæc sunt gloriosissime Cæsar Maximiliane, quæ mihi tuo Imperio breviter de proposita materia Pisani Concilij videbantur: in quibus ut confido, satisfeci conscientia propria; qui aliter sentire nec potui, nec debui, quàm quod æquitati scripturarum conforme judicavi. De octo questionum Serenitatis tuæ libello, quem te imperante conscripsi, faciam, quod jubes. Omnipotens Deus Majestatem tuam diu conservet incolumem. Data apud S. Jacobum Herbipolis vicefimâ quintâ die mensis Augusti, anno Domini MDXI.*

Concilium  
Lateranen-  
se Romæ  
inducitur à  
Julio Papa  
II.

Eodem anno decimâ octavâ die mensis Julij, Romanus Pontifex Julius II. de consilio & assensu unius & viginti Cardinalium, ut Conciliabulum illud Pisenum destrueret, generale Concilium Romæ apud S. Joannem Lateranensem indixit, & publicavit in annum sequentem inchoandum, celebrandum, & continuandum, die lunæ videlicet nonâ decimâ mensis Aprilis, quæ fuit secunda feria post Octavas Dominicæ Resurrectionis; quem terminum postea certis ex causis prorogavit in primum diem mensis Maij ejusdem anni, prout clarius ibi dicemus.

Nomina  
xxi. Cardi-  
nium, qui  
Concilio  
subscripse-  
runt.

Hæc autem sunt nomina Cardinalium, qui unâ cum Pontifice indicto Concilio subscripserunt. Episcopus Hostiensis Raphael Cardinalis S. Georgij Camerarius Papæ. Dominicus Episcopus Portuensis Cardinalis S. Marci. Jacobus Episcopus Albanensis Cardinalis Arborensis. Nicolaus Cardinalis Presbyter S. Priscæ. F. Presbyter Cardinalis de claro Monte. Marcus Presbyter Cardinalis S. Mariæ trans Tyberim Senogaliensis. Robertus Presbyter Cardinalis S. Anastasiæ Nannetensis. Leonardus Presbyter Cardinalis S. Susannæ. Christophorus Presbyter Cardinalis S. Praxedis. Sixtus Presbyter Cardinalis S. Petri ad Vincula Vice-cancellarius. Christophorus Eboracensis Presbyter Cardinalis SS. Petri, & Marcellini. Antonius Presbyter Cardinalis S. Vitalis. Petrus Presbyter Cardinalis S. Eusebij. Achilles Presbyter Cardinalis Sixti Bononiensis. F. Presbyter Cardinalis S. Clementis. Joannes Diaconus Cardinalis S. Mariæ in Dominica. De Medicis postea Pontifex Leo decimus. Alexander Diaconus Cardinalis S. Eustachij. Ludovicus Diaconus Cardinalis S. Mariæ in Cosmedin. Marcus Diaconus Cardinalis S. Adriani, & Alphonfus Diaconus Cardinalis S. Theodori. Cæteri verò Cardinales eo tempore fuerunt absentes.

Luterani  
Præmon-  
stratenses  
ab ordine  
suo recesserunt.

Anno prænotato, Præpositus, & Fratres Præmonstratensis Ordinis in oppido Luteræ Wormatiensis Diocesis sub tuitione Principis Palatini, dispensatione Romani Pontificis abjecto Religionis suæ habitu, facti sunt Canonici Sæculares, quod prius ante certos tentaverant annos: sed quàm diu vixit in humanis Philippus Comes Palatinus, Princeps Elector, ad effectum perducere nequiverunt.

Jacobus  
Archiepisc.  
Trevirorū  
moritur,

Eodem anno mortuus est Jacobus ex Marchionibus de Baden Archiepiscopus Trevirorum, anno Pontificatus sui octavo, in florida ætate necdum

necdum annorum quadraginta. Princeps Nobilis, doctus, & satis ad regimen Ecclesiasticum idoneus: de quo una spes fuit omnium, quòd ipse Trevirensē Ecclesiam ex omnibus relevaturus esset oneribus debitorum. Cujus obitus quantum contristaverit Christophorum Patrem ejus Marchionem Badensem, noverunt omnes, qui ejus sunt præsentes contubernio.

Huic in Episcopatu Trevirorum electione capitulari successit Richardus familiae cognomento Griffenklavv Trevirensis Canonicus, vir & ipse prudens, expertus, & ad gubernaculum Ecclesiae multum idoneus: qui hodie praest in sollicitudine.

Richardus  
fit Archie-  
piscopus  
Treviro-  
rum.

Cum eodem anno praefatus Marchio de Baden Christophorus Jacobo filio charissimo defuncto sicut diximus Trevirorum Archiepiscopo funeralia in Baden oppido suo celebrare instituisset: viciniore Principes ad eum complangendum defunctum, ut est consuetudo Proceribus, invitavit; ad quod officium Udalricus Wirtenbergensis invitatus per Marchionem, loco suo Joannem hujus Coenobij misit Abbatem.

Anno etiam praenotato, Joannes hujus Monasterij Abbas memoratus, de consilio, & assensu Fratrum suorum, non ex paupertate, vel inopia, sed propter alias causas rationabiles, atque legitimas, quas dicemus, villam Burbach cum omnibus juribus, censibus, redditibus, proventibus, aquis, vineis, pratis, sylvis, & incultis una cum advocatia vendidit Canonicis majoris Ecclesiae Spirensis pro quatuor millibus, atque sexcentis florenis Rhenensibus in pecunia numerata, quam in promptu solverunt. In hujus venditionis recompensam praedictus Abbas Joannes aliam comparavit villam sub Dominio Wirtenbergensium constitutam nomine Eberdringen cum omnibus utilitatibus suis pro sex millibus florenorum, quae Monasterio & vicinior est, & multum utilior quam Burbach aut fuit unquam, aut esse potuit. Et ne rebus in futurum qualibet occasione mutatis posteritas memoratam villae Burbach venditionem aut levitatis arguat, aut inconsulte factam reprehendat, operae pretium fuerit, causas moventes animos venditorum assignare.

Villa Bur-  
bach Cano-  
nicis majo-  
ris Ecclesiae  
Spirensis  
venditur.

Prima igitur venditionis causa fuit, quòd Burbach villa ipsa in Principatu Comitis Palatini constituta est, & propterea villani caput aliorum inclinantes mandatis Abbatum Hirsaugiensium contrarii semper fuerunt, atque rebelles.

Quae fue-  
rint causae  
venditionis  
villae  
Burbach.  
Prima.

Secunda fuit causa, quòd Abbates Hirsaugienses praeteriti temporis cum incolis villae Burbach multas lites, & contentiones etiam coram Caesare saepius habuerunt, in quibus plus quam duo florenorum millia expendisse illos constat.

Secunda.

Tertia causa fuit, nimia loci distantia, per quam blada, & frumenta pro vili pretio vendere necessarium erat, vel cum magnis & gravibus expensis etiam in ministerijs villanorum ad oppidum Pforzheim perducere.

Tertia.

Quarta causa fuit, quòd villa Eberdringen in proventibus annuis melior est, & Monasterio utilior quam Burbach fuerit unquam in bladis, frumentis atque pecunijs, & omnia minoribus expensis ad Hirsaugiam perferuntur.

Quinta, quòd empta in recompensam noviter villa sub dominio & protectione sita est Ducis Wirtenbergensis, propter quod si aliquando

Quarta.

Q q q q

recalci-



recalcitraverint villani, metu, vel jussione Principis ad obedientiam, Abbatis facilius poterunt compelli.

Sexta.

Sextam causam gravamina Palatinensium præstiterunt, qui prætor Justitiam, & æquitatem alimenta violenter à subditis Monasterij extorquebant, quæ solvere Abbas cogebatur, quarum summa viginti libras Hallensium quotannis transcendebat. His moti causis Abbas & Fratres dictam venditionem admiserunt.

Oswaldus  
Kirschmann  
scriptor in  
oppido  
Calw Hir-  
saugianus.

Fuit eo tempore scriba juratus oppidi Calvvensis nomine Oswaldus Kirschmann, vir probus, prudens & integerrimæ conversationis, hujus Monasterij Hirsaugiensis magnus fautor, singularis Promotor, & fidelis amicus, cujus consilio, prudentiâ, operâ, & summâ diligentia, & Burbach villæ venditio, & Eberdringen emptio factæ sunt: qui & alia multa huic loco fecit bona, pro quibus dignum censemus, cujus memoria vigeat in orationibus Hirsaugiensium Fratrum apud Omnipotentem Deum amodo usque in sempiternum.

MDXII.

Hyems fuit  
lutosâ.

Anno Joannis Abbatis nono, Indictione Romanorum quintâ decimâ, hyems fuit satis remissa, clemens, humida, & lutosâ; unde & in plerisque Germaniæ locis pestis Epidimiæ sæviens plures mortalium miserabiliter consumpsit.

Maximilia-  
nus Cæsar  
venit Her-  
bipolim.

Eodem anno, vicesimâ secundâ die mensis Februarij, quæ fuit Dominica Quinquagesimæ, Maximilianus Cæsar venit Herbipolim, peractoque ibidem carnis privio, sine pompa vel strepitu paucis diebus moratus est. Exinde recedens ad Civitatem Metensem per Westraliam, & Lotharingiam iter deflexit, quem Metenses cum honore magno suscipientes, tributum illi annuum, quod reposuerant, ex more solverunt. Singulis namque annis mille florenos Regi Germaniæ, cujus se recognoscunt esse subjectos, Metenses reponunt, quos neque per suos, neque per regiones Nuntios, vel Oratores, sed cum in propria persona Metim venerit, illi persolvunt. In quot annis Metim non venerit, tot millia florenorum, cum venerit, ei dare solebant.

Laurentius  
Campejus  
Orator  
Apostoli-  
cus venit  
Herbipol.

Venit eodem tempore Curiam sequens Cæsaream Herbipolim Laurentius Campejus Bononiensis utriusque Juris Doctor, & in Rota causarum Auditor, qui postea factus est Episcopus Feltrensis, cujus Genitor fuit Joannes Campejus, vir istâ ætate celebris, cujus memoriam fecimus in libro de scriptoribus Ecclesiasticis. Hunc Laurentium Julius Papa secundus Oratorem misit ad Cæsarem, pro pace inter Ecclesiam & Regnum reformandâ, quæ rebellionem Venetorum, ut supra diximus, haud mediocriter fuerat turbata. Mansit in Herbipoli apud S. Stephanum hospitio receptus, diebus quatuordecim, inde Cæsarem secutus est ad Trevirim.

Apud Tre-  
verim Con-  
ventus fit  
Principum.

Principum  
nomina,  
qui inter-  
fuerunt.

Anno prænotato, ad Festum Dominicæ Resurrectionis, quod fuit undecimâ die mensis Aprilis, Maximiliano Cæsare præcipiente, factus est conventus Principum in Civitate Trevirorum, qui duravit in mensem tertium. In quo Conventu subnotati Principes comparuerunt proprijs in personis. Maximilianus Rex Germaniæ, & Cæsar Romanorum. Uriel Archiepiscopus Moguntinus. Philippus Archiepiscopus Colonien- sis. Richardus Archiepiscopus Trevirorum. Ludovicus Comes Palatinus Princeps Elector. Georgius Episcopus Bambergensis. Wilhelmus Episcopus

**pus Argentinensis.** Matthæus Langius Episcopus Gurcensis. Episcopus Tullensis. Fridericus, Comes Palatinus, Bavarizque Dux, Frater Ludovici Electoris. Joannes Comes Palatinus, Bavariz Dux, & Comes in Spanheim, qui moratur apud Cynonotos in Simmeren. Fridericus Marchio Brandenburgensis, & Casimirus filius ejus. Udalricus Dux Wirtenbergensis. Ericus Dux Brunsvicensis. Joannes Marchio Brandenburgensis, frater Casimiri. Christophorus Marchio de Baden, & Ernestus filius ejus, & Philippus filius.

Eitelfridericus Comes in Zolra. Wilhelmus Comes de Fürstenberg. Felix Comes de Werdenberg. Carolus Comes in Oettingen. Joannes Comes de Isenburg in Budingen. Ludovicus Comes de Nassavv & Saarbrucken. Wilhelmus Comes de Nassavv, & Dietz. Philippus Comes de Nassavv in Wisbaden. Joannes Comes de Scyn. Bernardus Comes de Solms. Joannes Comes de Witgenstein. Hermannus Comes de Wiede. Joannes Comes de Wiede. Theodoricus Comes de Blanckenstein & Dominus in Manderscheidt & Joannes Frater ejus. Georgius Comes de Königstein & Eberhardus Frater ejus. Joannes Comes Rheni de Lapide & Philippus Frater. Emicho Comes de Liningen. Joannes Comes de Hardeck. Philippus Comes de Virnburg. Jacobus Comes de Moers & Saarlverden. Gerlacus Palatinus, & Wilhelmus Comites de Isenburg inferiori. Philippus de Liningen, & Westerbürg. Wiricus de Dune Comes de Limpurg, & Dominus de superiore Lapide. Hartmannus de superiore Lapide. Jacobus Burggravius de Rineck, & alij plures Comites, atque Barones.

Comitum  
aliquorum  
nomina,  
qui Prin-  
cipum  
interfuere  
Conventui;

Aderant etiam Principum absentium Oratores plurimorum, videlicet. Julij Papæ secundi Orator Laurentius Campeius, de quo diximus. Ludovici Regis Gallorum Orator Claudius Episcopus Marsiliensis. Henrici Regis Angliæ Orator Rupertus Eques auratus. Joannis Regis Navarræ Orator. Friderici Saxonum Ducis, Principis Electoris Orator. Joachim Marchionis Brandenburgensium Principis Electoris Orator. Sigismundi Regis Poloniæ Orator. Laurentij Episcopi Herbipolensis Orator Petrus Aufffals Canonicus majoris Ecclesiæ atque Custos. Reinhardi Wormatiensis Episcopi Orator. Philippi Episcopi Spirensis Orator quidam Canonicus. Episcopi Monasteriensis Orator Theodoricus Ketteler Officialis Frisiæ. Magistri Ordinis Teuthonicorum in Prussia Orator, Comes de Isenburg Marschalcus. Wilhelmi Ducis Bavariz Oratores. Ducis Lotharingæ Oratores. Alexandri Comitis Palatini Bavarizque Ducis in Gemino Ponte & Veldentia Comitis Oratores. Wilhelmi Ducis Juliensis Oratores. Wilhelmi Landtgravij Hassiorum Orator Cancellarius: multorumque Civium Regni Oratores huic Principum convocationi interfuerunt.

Oratores  
Papæ, Re-  
gum, Prin-  
cipum, &  
Civitatum  
in Conven-  
tu præsen-  
tium.

Anno prænotato, durante apud Treviros dicto Conventu Principum, Maximilianus Cæsar piâ devotione motus altare majoris Ecclesiæ sancti Petri Apostoli Principale jussit aperiri, ad experiendum, si vera esset historia Trevirorum, in qua legitur, quod Archiepiscopus Trevirorum anno Dominicæ Nativitatis millesimo, ducentesimo, decimo octavo, indictione Romanorum sextâ, temporibus Friderici Imperatoris secundi, & Honorij Papæ tertij tunicam inconsutilem Domini & Salvatoris

Maximilianus  
Cæsar  
Tunicam  
Domini ju-  
bet inquiri  
apud Trevi-  
ros.

Q q q q 2

nostri

noſtri Jeſu Chriſti, cum reliquijs Sanctorum multis intra concavitatem ipſius aræ certis ex cauſis repoſuerit. Nec fuit iſta reſcriptio Dominicæ veſtis occulta, quamvis etiam poſtea noſtris temporibus multi dubitarent, ſed & litteris commendata fuit. & in opinione Trevirenſium, & Moſellanorum vulgatiffima, quod eo melius novi, quoniam & ego Moſellanus Patriâ hanc famam à puero ſemper audivi, & pro majori certitudine in annalibus Trevirenſium Eccleſiæ ſcriptam ſæpius legi.

Tunica Domini inconfutilis in ſummo altari Treviris reperitur.

Ad mandatum igitur Cæſaris Maximiliani adcentes altare Canonici cum reverentia, in diebus Paſchalibus, aperuerunt ſecretius ipſo cum paucis adſtante, in quo tres ciſtulas cum reliquijs ſubſcriptis invenerunt. In prima capſula reperta fuit ipſa Salvatoris noſtri tunica inconfutilis cum inſcriptione tali: *Hæc eſt inconfutilis Domini & Salvatoris noſtri JEſu Chriſti.* Eſt autem tunica ipſa ſine manicis mirandæ compositionis, & peregrini coloris: ſuper Tunicam invenerunt unum taxillum maiuſculum, in quo ſortem miſerunt ſtratiotæ ſuper ipſam Dominicam veſtem: cum taxillo jacuit cultellus rubiginofus, quo in ultima Cœna Salvator noſter uſus fuiſſe creditur. De ligno S. Crucis plures invenère particulas. Hæc omnia S. Helena quondam Imperatrix Mater Conſtantini magni de Hieroſolymis in urbem Trevirorum tranſtulerat.

Sanctorum Reliquiæ.

In alia capſula ſunt inventæ Reliquiæ Sanctorum ſubſcriptorum. De veſte Beatæ Mariæ ſemper Virginis. De panniculo in præſepio. De SS. Daria & Chryſantho. De Smaragdo, & Largo. De S. Irmina prima Abbatiffa in Horreo Trevirenſi. De digito S. Sylveſtri. De S. Paulo Apoſtolo. De ſepulchro Domini. De S. Laurentio. De S. Cyriaco, & complura buſta Sanctorum alia.

Corpus S. Materni Episcopi fuit inventum.

In capſula tertia fuit repertum corpus S. Materni, qui fuit Diſcipulus S. Petri Apoſtoli, & tertius Archiepiſcopus Trevirorum, cujus ſepulchrum apud Monasterium Divi Apoſtoli Matthiæ noſtri Ordinis prope Trevirim oſtenditur. Inventus etiam cum ejus corpore denarius unus argenteus fuit, talem in circumferentia habens ſuperſcriptionem: *Sanctus Maternus.* In una buſſula ſimiliter invenerunt, de veſte Beatiffimæ Mariæ ſemper Virginis: de præſepio Domini: de ſepulchro Domini: de Columna Domini, ad quam fuerat flagellatus: de S. Luca: de S. Georgio. In una capſula argentea inventum eſt cranium de capite S. Cornelij Martyris. Sunt & aliæ reliquiæ Sanctorum pretioſæ in memorata Trevirorum Eccleſia plures, quas à multis annis ſæpe vidimus, inter quas memoriæ occurrunt conſignandæ caput S. Helenæ Imperatricis. Caput S. Matthiæ Apoſtoli, vel ſicut alij dicunt, Patriarchæ Hieroſolymitanæ Eccleſiæ. Caput S. Getulij Martyris. De catena S. Petri Apoſtoli. Superior pars baculi ejusdem S. Petri Apoſtoli, cum quo S. Maternus ſupra dictus poſt quadraginta dies obitus ſui à morte fuerat reſuſcitatus. Inferior hujus baculi pars habetur in Eccleſia Coloniënſi.

Præſcriptæ Reliquiæ coram omni multitudine fuerunt oſtenſæ.

Poſt hæc eodem anno, tertiâ die menſis Maij, quæ fuit inventioni S. Crucis feſtiva, Reliquiæ Sanctorum omnes præſcriptæ tam noviter inventæ, quàm prius in manifeſto habitæ, unâ cum clavo Dominicæ Crucifixionis (cujus penè fueram oblitus) ſuper novum altare ligneum ad hoc in Choro præparatum collocatæ ſunt, & per unum Fratrem Ordinis Prædicatorum Capellanum Archiepiſcopi Trevirenſis ſingillatim per Ordinem



Ordinem ostensetam Cæsari quàm cæteris, qui convenerant, Principibus, in frequentia & multitudine maxima populorum.

Est etiam inter alias Sanctorum in memorata Ecclesia Trevirensi reliquias una particula Mannæ, quo Deus olim Israel in deserto pavit, coloris albi, dispositionis formalis, non rotunda, longitudine ferme unius digiti, latitudinis semissis atque duorum, formâ oblongâ, & spissitudinis non plenè unius articuli. Hoc Manhu per sanctam Helenam ferunt ab Hierosolymis Trevirorum allatum Ecclesiæ. Perhibent enim Treviri palatium Constantini Cæsaris in eo extitisse loco, in quo nunc major S. Petri Apostoli constat Ecclesia. Urbem verò constructam asserunt Abraham Judæorum Patriarchæ anno ætatis tertio decimo, à Trebeta quondam Nini Regis Assyriorum filio profugo à facie Semiramidis.

Manna est  
Treviris.

Anno prænotato, secundâ die mensis Maij, quæ fuit Dominica tertia post Pascha, celebratum in monte Monachorum prope Bambergam fuit Capitulum Ordinis nostri Provinciale tricesimum quartum: in quo præfederunt, Joannes S. Petri in Erphurdia, Joannes S. Udalrici in Augusta, Wolfgangus S. Ægidij in Nürenberga, & Joannes SS. Petri & Pauli Apostolorum in Hirsburgia.

Capitulum  
Ord. nostri  
Provincia-  
le xxxiv.  
Bambergæ  
celebratur.

Eodem anno Maximilianus Cæsar soluto apud Treverim conventu Principum descendit ad Coloniam, & inde ad Brabantiam. Rursus compositis in Brabantia rebus maximè contra Ducem Geldriæ ascendit ad Coloniam, à Colonia verò in Alsatiâ, & apud Landavv, Hagenavv, & Weissenburg quasi totâ hyeme permansit: nuntios, & legatos Principum audivit, pacem populis indixit. Fuerunt his diebus nonnulli Equestris Ordinis, qui cum hostes essent Episcopi Bambergensis, rapinas in ejus salvo conductu exercebant, currus mercimonijs Nürenbergensium oneratos exciderunt, spolia rapuerunt, & quidquid secum non poterant portare, ignibus concremabant. Ad instantiam memorati Præsulis Maximilianus Cæsar Gangolphum Comitum de Gerolzeck Capitaneum regni constituit: cui adjungenstriginta, vel quadraginta Equites à Principibus, & Regni Civibus deputatos ad Bambergam transmisit: ut incursiones latronum auctoritate Regali & Imperiali compesceret. Sed Comes ipse parum aut nihil in eo officio profecit, & annum non permansit.

Maximilia-  
nus Cæsar  
descendit  
Brabantiam.

Anno prænotato, magna seditio Spiræ inter Senatum, & Cives penultimâ die mensis Junij fuit exorta: cujus tumultus causa fuit pecuniarum onerosa exactio, quàm vulgariter Umgelt nuncupant: sub cujus impositione Cives nimium se conquerebantur omni tempore gravari, scire volentes, quò & in quem usum tot pecuniæ fuerint quotannis expositæ. Concurrentes itaque Cives armati die præscriptâ in magno furore, clavis arreptis omnes portas urbis clauferunt, neminem vel intrare, vel exire permittentes. Senatum ab eorum ministracione deponunt, novum ex plebeis instituunt, & furentes per plures dies armati portas muniunt, abrogatorum Consulium domos perfringunt, eosque ad incarcerationum ubique inquirunt. Verùm illi ad majorem Ecclesiam confugerant, quam Cives temerare non audebant. Postremò Cæsaris Maximiliani præcepto seditionis fervor extinguitur, & unitas reformatur.

Spiræ inter  
Senatum  
& Cives  
periculosa  
exorta fuit  
seditio.

Eodem anno, Julius Papa II. Romæ apud S. Joannem Lateranensem generale Concilium præcedenti anno indictum, circa principium mensis

Lateranen-  
se Conciliū  
Romæ ce-  
lebratur.

Q q q q 3

Maij.

Maij celebrare cæpit, in quo ſeſſiones aliquot per intervalla dierum, habuit, ſed morte præventus, ut ſequenti anno dicemus, conſummare inchoatum non potuit, quod utrum ſucceſſor ejus continuet, necdum ſumus certiores.

Maximilianus Cæſar Gallorum deteſtatur perfidiam.

Anno etiam prænotato, poſteaquam Cæſar Maximilianus perfidiam, fraudes, & dolos Ludovici Regis Gallorum multipliciter jam fuit expertus, ab ejus fœdere, quod fuit ſine fide, rationabili occaſione diſceſſit, cùm ille prior pacta violâſſet. Nam & Ducem Geldriæ Carolum, quod in ſuperioribus dictum eſt, contra Cæſarem pecuniâ, milite, armis- que confortavit, occultè ſimul & manifèſtè, quod facere omnino non debuiffet, violator & fidei, & juramentorum. Denique in bello, quod am- bobus commune fuerat contra Venetos. Rex Gallus ſua duntaxat quærens commoda non Cæſaris, pacti conditiones multipliciter fuit tranſgreſſus. Jure itaque deſertorem Cæſar deſeruit, & fœdus cum Romano Pontifice Julio contraxit, de quo latius poſt hæc erit dicendum. Interdixit etiam Cæſar Maximilianus certis ſubpœnis omnibus Regni Germanici Principibus, Comitibus, & Incolis, ne Regi Gallorum ſubſidia ferant, mittant, aut in aliquo ſuffragia miniſtrent. Hoc ediſtum Cæſaris Emicho Comes de Liningen ( de quo ſupra diximus ante octennium, ubi Monasterij Limpurgensis deſcripſimus incendium ) parvi pendens cum aliquot Stratiotis Galliam intravit, miliciam Regi Ludovico contra Cæſarem ſpon- dit; qui tamen brevi poſtea neſcio quam ob cauſam à Gallo repudiatus eſt, & in ſua quæ habet apud Lotharienſes, retrocedere non ſine pudore compulſus; redire nãmque ad Duroburgum non potuit, propterea quòd jam pœnas læſæ Majeſtatis incurrerat. Nam Cæſar Maximilianus con- feſtim, ut eum intellexit declinâſſe ad Gallos, reum læſæ Majeſtatis de- claravit, mandans Ludovico Palatino Comiti, ut omnes profugi Comitibus villas, oppida, caſtella, & munitiones in ſuam reciperet poteſtatem, quod & factum eſt, præter caſtellum Duroburgum, quod cùm ſit fortiter munitum, obtinere non potuit. Erant in ipſo caſtello uxor Comitibus Emichonis cum liberis ſuis, & quidam ſtratiotæ ad loci cuſtodiam de- putati, quorum deſenſione primo incurſu non facilè poterat obtineri. Nihilominus timens mulier, quòd arcem contra vim Palatini diutius præſervare non poſſet, decem vel duodecim dierum ſpatium ad delibe- randum ab eo poſtulans impetravit. Interea nuntios ad Udalricum Du- cem Wirtenbergenſem deſtinavit occultos, rogans ut ſuorum aliquot milites mitteret ſecretius, & Caſtrum acceptaret, majorem de eo ſpem habens reſtitutionis, quàm de Palatino, cujus animum non ſine cauſa, marito ſuo graviter noverat indignatum. Miſit ergo ſuos Dux Udalricus, & Duroburgum ſicuti mulier petierat, decepto Palatino præoccupavit. Poſt menſes paucos audiens Emicho Comes adhuc in Gallia conſtitutus, quòd mandato Cæſaris Palatinus omnem Comitatum ſuum præoccu- pâſſet, mox ad Caſtellum ſui juris, quod Aprimons nuncupatur, in Lotha- ringia ſitum redijt, & litteras excuſatorias ad Cæſarem deſtinavit, in qui- bus ſe paſſum conqueri injuriam, poſtulavitque tutum pro ſui de- ſenſione acceſſum, & pollicebatur ſe innocentem probaturum. Annuic Cæſar, ſalvum itineris conductum poſtulanti dedit, verba excuſantis pa- cienter audivit. Sed erant ſine fundamento ſermones, quos protulit omnes, cùm

Emicho Comes de Liningen læſæ Maje- ſtatis con- demnatur reus.

Emicho Comes co- ram Cæſare comparens reatum di- luere non potuit.

cum testimonia plura in contrarium haberentur ad manum, quibus convincebatur Regi Gallorum adduxisse suffragia, licet ipse negaret, asserens se non in Gallia fuisse, sed in Aprimonte Castello suo memorato. Iratus Cæsar jussit eum quantocius abire. Qui supervixerit exitum negotij, literis commendare poterit sequentia, sitamen voluerit.

Anno item prænotato, Udalricus Dux Wirtenbergensium Abbatem Monasterij Constantiensis Diocesis, quod Zvvifalten sive duplicis aquæ nuncupatur, cepit, & de Cœnobio abductum in Castello suo Nyphen custodiæ mancipavit. Quæ res cum in notitiam Episcopi Constantiensis devenisset, Ducem pro violenta injectione manuum in Prælatum denunciavit excommunicatum. Dux autem hanc denuntiationem receptâ nuntios misit ad Julium Romanum Pontificem, & informatum de causa, absolutionis beneficium ab eo petivit, & impetravit; quod ei memoratus Præsul Constantiensis ex commissione Apostolica impendit. Abbatem verò captivum Episcopo ut ordinario & spiritali spiritualem Dux tradidit, quem ille in Castello suo Mörsburg nuncupato custodiæ mancipavit, ubi & detinetur captivus usque in præsentem diem.

Abbas in Zwifalten à Duce Wirtenbergensium incarceratur.

Eodem die quo Ducem absolvit Episcopus, fecit & Monachum quendam prædicti Monasterij Abbati consentaneum in carcerem detrudi. Causam hujus detentionis veram necdum scire potui, licet varias opiniones audierim à diversis. Sunt enim qui dicant occultam conspirationem fecisse cum Suitensibus conjuratis, & tam se cum Monasterio suo, quàm villanos quosdam in circuitu à dominio & tuitione memorati Ducis Wirtenbergensium Udalrici voluisse subtrahere, & in consortium eorum, quos diximus, Suitensium transire. Adjiciunt nihilominus, qui hujus sunt opinionis, quòd Duce apud Treviros in Conventu Principum existente, nuntius ad eum celer venerit, secretè annuntians, quòd Abbas de Zvvifalten fugam cum thesauris, & pecunijs Monasterij pararet ad Suizeros. Erat autem dives valdè in frumentis, in auro quoque & argento, quæ longo tempore multâ tenacitate non sine injuria Fratrum suorum & inedia congregarat.

Causa detentionis Abbatis variâ opinione famatur ista.

Alij causam afferunt aliam, dicentes, quòd olim Dux Eberhardus Wirtenbergensium primus ( qui post se duodecim Regentes constituerat, quorum unus fuit prædictus Abbas ) moriturus notabilem summam pecuniarum certis ex Regentibus sub bona fide secretius commendaverit, & in usum quem vertere deberent, mandaverit, sicque decesserit. Inter hos quatuor seu tres Comes fuit unus: cujus nomen consultò transimus, & memoratus Abbas Zvvifaltensis; Duce autem mortuo averse in reprobum sensum executores pecuniarum, inter se divisisse & ætinuisse à pluribus æstimati sunt. Contigit interea Conventu Principum apud Treviros durante, Comitem unum, & forsitan principalem defuncti Principis Commissarium ibidem agrotare ad mortem, qui cernens, quòd supervivere non posset, rem gestam Duci Udalrico, qui tum præsens fuit, aperuit: & ubi pecuniam malæ fidei eorum commissam à Duce Eberhardo, invenire posset, revelavit.

Alij causam afferunt aliam, sed adhuc nondum mihi constat veritas.

Has duos opiniones causarum detentionis sæpe dicti Abbatis à pluribus audivimus: sed veræ sint an falsæ, nos determinare non possumus. Constat enim, quòd Dux Udalricus acceptâ licentiâ abeundi à Maximiliano

Ducem non credimus Abbatem sine magna causa captivasse,



liano Cæsare, cui & causam haud dubium aperuit, discedens à Treviri in Sueviam tantâ velocitate pervenit, ut omnes verteret in stuporem; nec dubium mihi est, quin res omnino fuerit ardua: propter quam tanta festinatio Ducis cum serio fuit adhibita. Credo etiam tantum hunc Principem Justitiæ, & æquitatis indefessum cultorem sine magna, & gravissima causa non fecisse, quod fecit, quamvis me lateat. Denique adjiciunt ista referentes, quòd Abbatem Dux invenerit paratum ad fugam.

Equestris  
Ordinis  
Homo Knoringer  
Episcopus  
Constantiensem  
vexat.

Pacem ac-  
ceptare  
contemnit  
Knoringer.

Eodem anno, homo quidam Equestris Ordinis familiâ Knoringer dictus, Episcopum, & Clerum Constantiensis Ecclesiæ hostili machinatione biennio vexavit. Propter quod Udalricus Wirtenbergenſium Dux convocatis ad se apud Tubingen partibus coram magna procerum suorum multitudine, ad pacem & concordiam illos revocare laborabat: in cujus sententiam ambæ partes adunatæ sunt, & ad stipulatâ manu ejus iudicio stare promiserunt. Verùm ubi Dux auditis hinc inde allegatis & responsis dirimere & pacem formare, consilio doctorum, Comitum atque Nobilium suorum, qui aderant, jam jam capisset, essentque arbitrij capita, simul & concordia litteris demandata, Knoringer à proposito resiliit, & neque conclusa per Principem capitula pacis admittere voluit, neque ab impetitione Pontificis & Cleri desistere consensit, non advertens, nec curans, quòd, sicut diximus, ad stipulatâ manu promiserat se ratum & gratum penitus habiturum, quidquid per Ducem fuerit decretum; unde commotus Princeps sub stomachando dixit ad eum: *Knoringer, Knoringer sciens scio, quòd nos neque Pontificem, neque Clerum ejus Constantienses tuis iniquis machinationibus infestari permittemus, sed exponemus pro eorum defensione contra insolentiam tuam & complicum tuorum. quicquid sumus, possumus, & habemus, qui pacis & concordia justas, & æquas condiciones, quemadmodum promisisti, suscipere contemnis.* Et quia sub tuti itineris privilegio venerat, jussus est abire quantocius.

Christiani  
Ungari bel-  
lantes cum  
Turcis ob-  
tinuere vi-  
ctoriam.

Anno item prænotato, treugis inter Ungaros Christianos, & Turcos infideles jam finitis, bellum atrox committitur: & miserante Deo multa Turcarum millia per nostros trucidantur. Fuerunt enim his temporibus magni tumultus in Oriente inter duos Fratres, filios Constantinopolitani Imperatoris, qui patre adhuc vivente de Imperio contendebant: quorum junior nomine Selemlach uxorem habens magni Regis Tartarorum filiam, patrem suum jam senio laborantem, & morbo, viribus soceri tentabat opprimere, & ejus Imperium seniori Fratri nomine Achmat Sultan jure debitum sibi violenter usurpare. Propter quod fugatus à Patre secessit in Tartariam, ubi cum socero aliquanto tempore permansit.

Selemlach  
Patri suo  
Imperatori  
Turcarum  
reconcilia-  
tur.

Interea Sophi Rex Persarum, qui se magnum Prophetam voluit æstimari, de quo & supra diximus, anno Domini millesimo, quingentesimo primo, contra Imperatorem Constantinopolitanum veniens in maxima multitudine pugnatorum, Regnum ejus, & præcipuè Turciam hostiliter devastavit, & multa prælia constituit: quod audiens minor filius Turci memoratus Selemlach, & cupiens reconciliari Genitori suo, quem injuriosè offenderat, exercitum Tartarorum ingentem contraxit: & subito in Persas nihil tale metuentes irruens, multa eorum millia interemit, & reliquos cum Ducibus eorum in fugam turpissimam convertit.

Hac



Hac victoriâ pro genitore obtentâ, litteras & nuntios ad eum Constantinopolim misit, veniam commissorum petijt, beneficium quod Patri contra Persas victor impenderat, allegavit. Placatus eâ fide Pater, ut veniret securè, mandavit, veniam concessit, Regnum promisit. Eâ securitate acceptâ Selemlach à Patre, confestim exercitum per loca tutiora disponens duo duntaxat millia virorum electissimorum secum assumpsit, & iter versus Constantinopolim festinus direxit. Habebat Selemlach occultam intelligentiam cum milicibus Prætorianis, quos Janizeros vocant, qui cum Bassalarijs & ingenti procerum multitudine venienti ad duo millia passuum extra urbem occurrerunt.

Anno igitur prænotato, septimâ decimâ die mensis Aprilis, Selemlach intravit Constantinopolim, & ab omnibustam aulicis quàm popularibus magno cum honore, pompa, & reverentia susceptus, Patris gratiam mox impetravit. Promiserat autem Pater seniori filio Achmat Sultan Imperium, & propterea Juniorem multis sermonibus laborabat retrahere, ut ab ejus usurpatione desisteret, & jus fraternum temerè non violaret. Sed omnia frustra, & incassum fluebant. Die namque vicesimâ tertiâ mensis Aprilis, quæ fuit sexta Turcis festiva feria, nobis autem martyrio S. Georgij solemnis, instantibus Prætorianis milicibus Janizeris, & Aulicis, frementibus undique armis Selemlach à Patre Imperator constituitur, licet cum magna displicentia, & lachrimis fluentibus multis. Sequenti die novus Imperator declaratus Selemlach cum magna Procerum comitiva palatium introgressus impetravit à Patre sedem, ensen, & reliqua insignia Imperatoria: quibus insignitus totâ die sedit, novus Imperator declaratus à Principibus, Aulicis, & omni Populo, reverenter osculatis manibus salutatus, acclamatus, & veneratus; & sic Imperium Orientis sine strepitu armorum, quod apud eos est rarum, obtinuit fratre nesciente, Patrèque invito.

Selemlach  
ad Patrem  
Constanti-  
nopolim  
revertitur.

Selemlach  
Imperator  
à Patre con-  
stituitur.

Eodem quoque anno, in mense Septembri, Fridericus Marchio Brandenburgensis, qui morabatur in Anolzbach, filium suum nomine, Albertum anno præcedente post mortem Friderici ex Ducibus Saxonie magistri ordinis militum Teuthonicorum in Prussia, in ejus locum electum, cum quadringentis equitibus in Prussiam mittit, ubi hodie Princeps Juvenis super Ordinem dominatur.

Hoc ipso anno, inter Pontificem Romanum Julium II. & Maximilianum Cæsarem concordia facta est Romæ coram Papa, Matthæo Gurcensi Episcopo cum alijs præsentibus ex parte ipsius Cæsaris: quæ vicesimâ quintâ die mensis Novembris in Ecclesia sanctæ Mariæ de populo solemniter fuit publicata, sub multis clausulis, & conditionibus, quas brevitatis causâ omittimus.

Inter Ju-  
lium Pa-  
pam &  
Maximilia-  
num Cæsa-  
rem fœdus  
componi-  
tur.

Anno prænotato, vicesimâ nonâ die mensis Decembris, quæ fuit quarta FERIA post Festum Dominicæ Nativitatis, Maximilianus Dux Mediolani Ludovici Sfortiæ quondam Ducis apud Gallos in carcere mortui filius, Gallis per Maximilianum Cæsarem à Lombardia pulsus, Mediolanum in multitudine pugnatorum exercitus Cæsariani victor intravit, & magno fuit honore susceptus, præsentem Matthæo Gurcensi Episcopo cum alijs multis ex parte Cæsaris.

Maximilia-  
nus Dux  
Mediola-  
num & to-  
tam Lom-  
bardiam  
recuperat.

Joannes  
Abbas hu-  
jus loci ab  
Episcopo  
Argenti-  
nenſi voca-  
tur ad re-  
forman-  
dum.

Maurimo-  
naſterium  
inopiâ op-  
primitur.

Anno memorato, Wilhelmus Episcopus Argentinensis, missis ad Hirsaugiam nuntiis, & litteris, Joannem Abbatem ad se venire petivit, qui petitionibus ejus acquiescens iter assumpsit, & ad eum pervenit. Cui Præsul intentionem suam aperiens, & causam, propter quam illum vocaverit, Monasterium Ordinis nostri, quod Maurimonaſterium latinè, vulgari-ter autem *Mohrs-Münſter* nuncupatur, in medium protulit, & ut per Hirsaugienſes reformaretur, Abbatem instantius rogavit. Est autem Maurimonaſterium de fundatione antiqua, quod olim Hirsaugienſes, ut longè supra diximus, ſemel reformaverunt, ſed malitiâ temporum, & negli-gentiâ Prælatorum ſucceſſivè in tantam miſeriam & deſolationem per-venit, quòd neque hodie Abbatem habet, neque Monachum ullum, ſed per hominem poſſidetur & regitur ſæcularem: ære gravatur alieno, pluſquam in ſex millibus florenorum: cuncta ædificia ſunt ruinoſa, & jam magna ex parte collapſa. His viſis & auditis Joannes Abbas oblatum ſibi Monasterium tantis debitis involutum ſuſcipere timuit, quod refor-mare ſine detrimento Monaſterij proprii ſe haud poſſe perſpexit, unde Pontifici, ut aliunde loco provideret, conſuluit, & honeſto excuſationis ob-jecto velamine diſceſſit.

#### MD XIII.

Inter Se-  
natum &  
Cives  
Colonienſ.  
graviffima  
ſeditio fuit.

Anno Joannis Abbatis Hirſaugienſis X. Indictione Romanorum primâ, menſis Januarij die 5. Cives communicatis urbis Colonienſis in-ſeditionem verſi unanimiter omnes contra Senatum conſpirârunt. Qui die præſcriptâ cum lanceis bombardis & fuſtibus armati, Prætorium, in quo Senatus erat, magno cum furore obſederunt, vociferantes & cla-mantes: Ubi nunc ſunt nequiſſimi homines illi, qui nos injuſtis & incon-ſuetis exactionibus gravant, & in ultimam redigere paupertatem conan-tur? ubi ſunt? exeant, veniant, forâſque procedant; nos volumus ratio-nem & calculum habere pecuniarum omnium perceptarum, & expoſita-rum per eos ærarij publici, & quòd omnes novæ & inconſuetæ præſtatio-nes & exactiones penitus deponantur.

Audientes, qui erant in Senatu, has voces populi furentis, videntésque Cives armatos imminere capitibus ſuis, maximè qui ſe noverant peccâſſe in Rempublicam, valdè timuerunt. Ordinaverunt ergo duos vel tres è numero, quos communitati gratos noverant & acceptos, ut multitudini perſuaderent ceſſare à tumultu, qui per fenestras loquebantur ad populum ſermones optimos, cum lachrimis deprecantes, ut à ſeditione pernicioſa deſiſterent, promittentes operam ſe daturus, ut omnia quæcumque vellent, conſequerentur. Vix tandem obtinuerunt cum magna difficultate, ut ob-ſidionem Prætorij multitudo ſolveret, & in propria rediret. Et quia grati fuerant populo, qui rogabant, nec reatum habebant in malè commiſſis, acquievit tandem multitudo, & à Prætorio reſceſſit.

Senatorum  
plures ca-  
pti à popu-  
lo & in vin-  
cula retru-  
duntur.

Sequenti die, quæ fuit ſolemnitate Dominicæ Apparitionis feſtiva, cùm Senatus conveniſſet denuò in Prætorium ad conſultandum de oc-currentibus cauſis atque negotijs, plures tumultum populi metuentes ſe timidè abſentârunt, per quod vehementem de ſe mali ſuſpicionem in plebe peius habitam auxerunt. Unde Cives armis iterum induti per ur-bem diſcurrebant, & quotquot eorum invenire poterant, in vincula conje-cerunt.



cerunt; & in ipsa nocte hortulos quosdam Senatorum super communitatis fundo per violentiam constructos iterum destruxerunt.

Post hæc 10. die mensis Januarij, quæ fuit secunda FERIA post Festum Epiphaniæ Domini, capite truncatus est in foro fœni Theodoricus cognomine Spitz, vir Senatoriæ dignitatis, dives & potens. Deinde feriâ IV. in eodem foro capite truncatus fuit Joannes de Perclam & ipse Senator in urbe potens & dives. Sequenti die in eodem loco capite truncatus est Joannes de Reidt Burgimagister cum alio quodam de Senatu socio suo Burgimagistro; sequente Sabbato proximo capitibus fuere truncati Petrus Rott, Franco von der Linden & Bernardus Epß viri Senatorij Ordinis in Civitate, multum divites & potentes. Truncati fuerunt & alij capitibus tam ex Senatu, quàm eorum iniquitatis ministri plures, nonnulli etiam extra Coloniam proscripti, quorum nomina ignoramus.

Truncantur  
capitibus  
Senatorij  
Ordinis  
potentiores,

Eodem anno in mense Januarij, mortua est Sophia filia Regis Poloniæ & uxor Friderici Marchionis Brandenburgensis, de qua genuit hos Principes, Casimirum primogenitum, Georgium hodie principantem in Ungaria, Albertum Ordinis Theutonicorum magistrum in Prussia, Joannem, Fridericum Herbipolensis Ecclesiæ Præpositum, Wilhelmum, Albertum, Gumbertum, Margaretham, Sophiam, Elisabetham, quæ nupta est filio Christophori Marchionis Badensis, Annam, Barbaram: reliqui tres obierunt.

Nomina  
Liberorum  
Friderici  
Marchionis  
Brandenburgensis

Anno etiam prænotato, in mense Januarij, mortuus est Philippus de Rosenbürg Episcopus Spirensis, anno Pontificatus sui VIII. qui nullum aut paucos in Episcopatu dies vixerat sanus, sed claudus, debilis, & continuus laborans infirmitatibus. Ipse Ecclesiam Collegiatam ex Monasterio nostri Ordinis sub Antecessore suo factam, ut supra diximus, de Odenheim, transtulit in oppidum Bruchsal. Sub eo Cives oppidi Landavv ab obedientia & subjectione Ecclesiæ Spirensis, cui fuerunt à Regno impignorati, oblato redemptionis pretio & se & oppidum in libertatem vendicârunt.

Philippus  
Episcopus  
Spirensis  
moritur,

Post hunc in Episcopatum Spirensen Canonorum sive Capitularium postulatione assumptus est Georgius frater Ludovici Comitis Palatini Rheni, Bavarizque Ducis, ac Principis Electoris, sextogenitus Philippi Comitis Palatini, anno ætatis suæ XXVII. Princeps nobilis, mansuetus, prudens, amator Cleri, pauperumque defensor, de quo spem bonam concipiunt omnes, quod utilis sit Pastor futurus.

Hoc ipso anno, 21. die mensis Februarij, Romæ moritur Julius Papa ejus nominis II. anno Pontificatus sui X. durante Concilio Lateranensi, & necdum firmiter radicato, multò verò minus finito. Iste Pontifex, postquam arma contra Venetos assumpta deposuit, reversus ad urbem struendas multas pretiosas, & sumptuosissimas incæpit, quas tamen morte præventus non omnes consummavit. Ecclesiam S. Petri Apostoli de novo pretiosissimo tabulato lapideo, latiore & ampliorem multo quam antè fuerat, ædificare cæpit. Palatium Apostolicum in toto quasi ampliavit, renovavit, & mirum in modum decoravit. Castellum quoque S. Angeli novis atque profundis amplissimis circumdedit fossatis, quæ Tyberis media influit, ita quod Castellum in medio quasi fluminis positum appareat. Alia quoque tam multa & magna cæpit construere, quod frequenter

Julius Papa  
II. Romæ  
mortuus,

R r r r a

simul



ſimul & ſemel in diverſis ſtructuris ſuis impenſis quatuor millia Operariorum habuiſſe manifeſtum fuit.

Leo ſit ejus  
nominis  
Papa X.

Post Julium Papam mortuum atque ſepultum vacavit Sedes Apoſtolica diebus 16. quartâ verò die menſis Martij, Cardinales xxxix. numero Conclave intrantes juxta conſuetudinem incluſi ſunt. Decimâ autem die menſis ejusdem, Joannes de Medicis Florentinus S. Mariæ in dominica Diaconus in Papam electus eſt, & Leo X. nuncupatus, cujus electio ſequenti die publicata fuit, qui & in Miſſa populum benedixit.

Solis defe-  
ctio ſit.

Eodem quoque anno. 7. die menſis Martij, horâ primâ poſt meridiem ſolis defectio facta eſt, quam Græci Eclypſim nuncupant, cujus dimidia duratio fuit minorum fermè quinquaginta. Quid verò ſignificet, poſt annos ſex, ſeptem, & octo qui vixerint, obſervent, quia tunc ejus apparebunt effectus.

Puer fuit  
Auguſtæ  
ſex annos  
habens æta-  
tis, mirabi-  
lis.

Fuit his diebus puer unus in Civitate Auguſta, ſextum habens ætatis annum, de parentibus natus honeſtis, licet pauperibus, & adhuc omninò mutus, qui mirabiles præ ſe ferebat geſtus, hominum frequentiam quantum potuit fugiens declinabat, ſermones loquentium audiebat & intelligebat, ſed verbum penitus nullum respondebat. Recluſerunt eum parentes in caveam ligneam, ſeu parvum tuguriolum, ne aut fugeret, aut caſu læderetur. Quotiens à cavea ſolatiij cauſâ dimittitur, tunc ſaltat & currit, & jam ſe poſt fornacem, jam ſupra, vel ſub ſedibus & ſcamnis tantâ agilitate abſcondit, ut murilegus potius quàm homo eſſe videatur; nam motu velociſſimus eſt, & quaſi imperceptibiliter jam ſupra jam retrò fornacem eſt. Neminem offendit, neminem lædit, ſed manſuetum ſe ostendit ad omnes; cujus agilitatem cuncti mirantur, quem plerique dæmonio putaverunt obſeſſum, & ob id conſilium Doctorum virorum in diverſis locis conſequitum fuit, quid cum eo ſit agendum, ut veritatis capiatur experimentum; quam quidem novitatem ex eo verius novi, quòd & ipſe pro dando conſilio fui requiſitus.

Anno prænotato, Joannes Rex Daniæ, Norvvegiæ, & Suediæ moritur, qui multis annis graviffima bella mari terræque geſſit, cum ipſis Suedis, qui eum Regem recognoscere vel admittere contempſerunt. Cum Lubecenſibus & finitimis ſuis plures contentiones habuit, ſed poſtremò pacem cum eis fecit. Huic mox ſucceſſit in Regno Chriſtianus filius ejus unicus, qui hodie regnat.

Palatinus  
& Dux Wir-  
tenbergenſis  
conſede-  
rantur per-  
petuò.

Eodem anno Ludovicus Princeps Elector & Fridericus frater ejus Comites Palatini Baviariæque Duces cum Udalrico Duce Wirtenbergenſium foedus perpetuum, & ut litteræ in vulgari ſonant impreſſæ, hæreditarium ſub certis capitulis pro ſe & cunctis hæredibus, ſucceſſoribusque contraxerunt, quod Maximilianus Cæſar auctoritate regali confirmat. Hæc autem novi & perpetui ſanctio foederis tam in Palatinatu, quàm in Ducatu Wirtenbergenſium ubique per patentes & vidimatas ſeu authenti- cas litteras impreſſas publicata fuit & denunciata populo Territoriorum, non ſolum in oppidis, ſed etiam in villulis commoranti.

Monasteriũ  
Prioratus  
in Kniebis  
noſtri Ord.  
incendio  
periit.

Anno quoque prænotato, tertiâ die menſis Aprilis, quæ fuit in Octava Dominicæ Reſurrectionis, Monaſteriolum Kniebis Conſtantienſis Diœceſis Ordinis noſtri, quod Abbati & Monaſterio in Alberſpach ſine medio dignoſcitur ſubjectum, & diſtat à Richenbach Prioratu Hirſaugienſium duobus



mobus ferè milliaribus, fortuito casu incensum, incineratum & combustum est cum Ecclesia, & domibus cunctis, præter unam domunculam blam, quæ ab incendio mansit illæsa. Calices tamen, libri, clinodia, privilegia, ornamenta Ecclesiastica, lectisternia quoque, & major pars utensilium domus, fratrum & familie industriâ ab incendio erepta sunt. Hoc autem Cœnobiolum etiam prius ante 60. annos similiter fuit exustum.

Hoc ipso quoque anno .27. die mensis Octobris, quæ fuit in Vigilia s. Apostolorum Simonis & Judæ, Monasterium Ordinis nostri in Deckingen Augustensis Diœcesis, simili fuit incendio mirabiliter concrematum, non sine maximis damnis & detrimentis inhabitantium Abbatis & Monachorum.

Monasterium Abbatiale in Deckingen Ordinis nostri comburitur.

Ante sexennium (quod in ordine debito signare negleximus) combustum fuit etiam nostri Ordinis insigne Monasterium Pantz nuncupatum Herbipolensis Diœcesis, sed in dominio temporali subiectum Episcopo Bambergensi, cum Ecclesia, domibus, stabulis, & cunctis habitaculis Monachorum.

Anno præsignato Maximilianus Cæsar contracto foedere, ut supra dictum est, cum Regibus Angliæ, Hispaniæ, Aragoniæ, Venetos graviter impugnat; Gallos de Lombardia (quam in annum jam decimum quintum occupaverant) exterminat, & victor gloriosè triumphat; septimâ namque die mensis Octobris, quæ fuit sexta feria post festum S. Francisci, commissum est prælium atrox & magnum inter Cæsarianos & Venetos haud procul à Vincentia, in quo ex parte Venetorum non minus quàm novem millia cecidisse ferebantur, inter quos nobiliores & potentiores eorum plures fuerunt interempti. Multi etiam Comites, Nobiles & potentes ex eis à Cæsarianis in captivitatem fuerunt abducti. Magnam in hoc bello Veneti stragem susceperunt, & meliorem civium suorum partem simul & exercitus robur ac fortitudinem amiserunt.

Venetorum novem millia ceciduntur à Cæsarianis in prælio.

Eodem anno Maximilianus Cæsar unâ cum Rege Anglorum Henrico contractis copiis Picardiam in manu valida contra Ludovicum Gallorum Regem intrârunt, & Civitatem Tervanensem fortissimâ obsidione cinxerunt, in qua præsidium Gallus posuerat quatuor millia virorum. Cùmque obsidio diuturna graviter affligeret eos, qui erant in urbe, jamque alimenta deficerent, missis ad Gallum nuntiis victualia & militum subsidia postulârunt.

Galli superantur à Cæsarianis & Anglicis in Picardia.

At verò Rex Gallus suorum inopiæ ac necessitati subvenire cupiens, misit eis auxilium Lanceariorum 1800. Equitum verò septem millia, & currus alimentis oneratos complures. Cùmque venissent haud procul à Civitate Tervana, per Cæsarianos & Anglicos intercepti sunt, & in fugam compulsi. Quos insecuti Cæsar & Anglicus Rex cum parte exercitus, plures eorum occiderunt, & non minus quàm trecentos quinquaginta cæperunt, inter quos nobiliores & potentiores Regni Gallorum fuisse memorantur. Habebant in exercitu suo Galli Banneria tredecim, quorum Cæsariani novem obtinuerunt: Currus quoque onerarios centum quinquaginta intercipientes acquisiverunt. Ad spatium trium ferè milliarum Cæsariani milites persecuti sunt Gallos, cædentes & perimentes eorum multa millia. Cæsar autem cum Rege Anglorum cum peditatu insecutus est fugientes ad milliare dimidium. Multi etiam fugientium,

Maximilianus Cæsar cum Anglo Tervanam urbem obsedit.

R r r r 3

qui



qui abjectis armis in dumetis latentes se absconderunt, à rusticis atque villanis inventi sunt, & sine misericordia occisi. Quo factum est, ut numerus eorum, qui ceciderunt ex Gallis illo die, certus haberi non possit. Facta sunt hæc anno Domini prænotato, 16. die mensis Augusti.

Civitas  
Tervana in  
deditionem  
Cæsaris  
Maximilia-  
ni venit,

Deinde Maximilianus Cæsar cum suis ab una parte, & Henricus Rex Angliæ ab alia parte cum suis muros Civitatis bombardis & machinis concutientes dejecerunt, & cum jam se ad expugnationem urbis ordinarerent, qui erant introclusi, videntes se viribus impares, pacem à Cæsare postulabant. At ille malens populum salvum esse quam perire, pacem orantibus dedit, eam videlicet conditione, ut rebus & corporibus salvi discederent. Quo facto Cæsar victor intravit urbem, quam Regi Henrico assignavit. Obtinuerunt & alia per circuitum oppida & castella nonnulla, quæ consensu Cæsaris in deditionem memorati Regis Angliæ concesserunt. Est autem Civitas Tervanna in terra Morinorum, à Calesiano portu fermè 12. distans milliaribus theutonicis, cujus Episcopus & Morinensis dicitur simul & Tervanensis, quamquam sit unus Præsul, sicut & Cizensis & Neuenburgensis in Thuringia.

Scoti deva-  
stant extre-  
ma Regni  
Angliæ  
igne & ra-  
pinâ.

Interea dum hæc agerentur in provincia Morinorum, & circa urbem Tervanensem contra Ludovicum Regem Gallorum, Jacobus Rex Scotorum missis exercitibus suis extrema Angliæ cepit hostili incurfione vastare. Gallus enim prius tam ipsum, quam Joannem Daniæ Regem, dum viveret, datis non paucis pecunijs in suam contraxit partem. Veniens itaque in Angliam Scotorum exercitus Dux cum decem millibus pugnantorum, antequam arma capefferent Albiones, decem oppidula & villas quasdam incendio desolaverunt, Rege Henrico & Cæsare Maximiliano, sicut diximus, apud Morinos existente. Verum Albiones nil morati confestim arma corripunt, adversum Scotos procedunt, bellum atrox committunt, & hostes in fugam convertunt. In eo prælio multi Scotorum ab Anglis cæsi sunt, & plures in captivitatem abducti. Namque Angli Scotos ipsos usque in Scotiam fugientes persecuti duo eorum castella, 20. Oppida & villas incendio concremârunt, & non solum recuperârunt ablata, sed magna Scotorum spolia consecuti in Angliam sunt reversi.

Scoti ab  
Anglis cæ-  
duntur,

Cæsar Ma-  
ximilianus  
exercitum  
in Burgun-  
diam misit.

Eodem anno Maximilianus Cæsar conductos multâ pecuniâ Helvetios, quos & confederatos vulgò nuncupamus Suitenses, cum quibusdam Ducibus, Comitibus, nobilibus, equitibus atque peditibus in manu valida pro recuperatione Ducatus misit in Burgundiam, contra Ludovicum Regem Gallorum, qui Burgundiam à tempore mortis ultimi Ducis Caroli, cujus unicam filiam Maximilianus habuit uxorem per annos 9. violenter occupavit, ipse videlicet cum duobus antecessoribus suis. Cùmque Cæsarianus exercitus in Burgundiam pervenisset, Urbem quandam & magnam & opulentissimam, quæ Divion vocatur, & distat à Civitate Viridunensi 10. vel 12. milliaribus nostris, quam vulgus Digion nuncupat, obsidione cinxerunt, & machinis agentes fortiter muros quassaverunt.

Divion  
urbs à Cæ-  
sarianis ob-  
sidetur, à  
perfidis  
venditur,

Interea Galli Principes cùm viderent urbem expugnandam, pacem pecuniâ emere à Cæsarianis tentaverunt, quam Udalricus Wirtenbergensium Dux & alij Principes vendere in præjudicium Maximiliani Cæsaris sine consensu, imò & scitu ejus turpissimum arbitrati, urbem potius expugnandam judicabant; quam si obtinuissent, sicut dubium non fuit, brevi

brevi totam Burgundiam ad Cæsaris deditionem reduxissent. Sed Helvetiani Suitenses more suo factiosi, contempto Principum consilio, sine scitu, sine voluntate, sine consensu Maximiliani Cæsaris pacem, imò Ducatum totamque Burgundiam Gallis vendunt, ex pugnatoribus mercatores facti, & quia pecuniam à Cæsare non modicam, ut Gallum à Burgundia pellerent, jam prius acceperant, pro Gallis contra Cæsarem pro missis muneribus consultabant. O mercatio perfidorum, quos & avaritia cæcos, & contumacia facit elatos. Et ne meis verbis rem videar taxasse, pactum, quod fecerunt cum Rege Gallorum, in grave detrimentum & contumeliam Cæsaris, eorum sermone complectar.

Cum urbis Divionensis mœnia & muri, sicut dictum est, bombardis & machinis ad expugnationem jam essent dejecti, & Principes cum nobilibus non solum parati, sed & avidissimi essent ad expugnandum, soli Suitenses (paucis Capitaneis Basileensium videlicet & Schaffhusensium exceptis) seorsim conspirantes, tale cum Gallis pactum inierunt, Cæsarianis interesse omnino recusantibus.

Anno Domini prænotato, 13. die mensis Septembris, inter Ludovicum Regem Gallorum XII. & conjuratos Suitenses sub his conditionibus pax est firmata in papilionibus ante urbem Divionem, Udalrico Duce Wirtenbergensi, & alijs Comitibus & Regni fidelibus interesse recusantibus.

Prima Conditio: Quod Rex Gallus cum Romano Pontifice quantocius in concordiam redire promittat & debeat, & si quid possidet Ecclesia Romana proprium, sive Civitates sive Castella, vel aliud, quod sine mora restituat.

Secunda Conditio fuit: Quod Suitenses in ea concordia omnes & singulas confederationes prius cum quibuscumque pactas voluerunt permanere sanas integras & inviolatas, sibi que adherentes per totam Galliam esse securos.

Tertia Conditio: Quod Rex Gallus Ducatum Mediolani cum Civitatibus Cremona & Asta cum omnibus ad eas pertinentibus, in manus Conjuratorum Suitensium tradere debeat & consignare. Verum dixit Propheta: Superbia eorum ascendit semper.

Quarta Conditio fuit: Quod Rex Gallorum deinceps nullum ex conjuratis Suitensibus ad bellicam expeditionem contra quemcumque assumat sine consensu & voluntate conjuratorum eorundem omnium, vel saltem majoris partis.

Quinta Conditio fuit: Quod Rex Gallorum conjuratis Suitensibus dare & solvere teneatur & debeat quater centum millia coronarum, quæ faciunt quinque centum millia florenorum Rhenensium, cujus medietatem in promptu solvere promissit, aliam verò medietatem ad Festum S. Martini.

Sexta Conditio: Quod Rex Gallorum Udalrico Duci Wirtenbergensium pro habitis expensis decem millia, & Udalrico Comiti de Absperg duo millia coronarum solvere in continenti teneatur. Verum Dux & Comes memorati Maximiliano Cæsari fideles, perfidiam Suitensium sequi contempserunt.

Septima Conditio fuit: Quod in ista concordia stratiote Suitensium, qui causam adversus Regem sæpe dictum Gallorum in jure habebant pendentem, ratione debitorum nihil detrimenti sentiant, quo minus eum persequi possint.

Octava Conditio fuit: Quod conjurati Suitenses in hac ipsa concordia nihil volunt esse derogatum pactis, & fœderibus suis cum Romano Pontifice & Regno Germania, ceterisque quibuscumque antè contractis, quod idem vult & Rex.

His

Urbs Divion expugnanda relinquitur.

Concordia fit inter Gallos & Suitenses.

Conditio pacis I.

II.

III.

IV.

V.

VI.

VII.

VIII.

Maximilia-  
no Cæſari  
fideles  
Suitenſibus  
conſentire  
noluerunt.

His octo Conditionibus præſumptuoſâ temeritate propoſitis, & à Rege Gallorum per vicarios ſuos admiſſis, obſidio urbis Divionæ ſolvi-  
tur. & Burgundia ſine voluntate Regis Maximiliani à tumultu liberatur.  
Diſcedunt ergo fideles Cæſariani non ſine ratione animis commoti; per-  
ſeverant aliquandiu in papilionibus conjurati, promiſſam expectantes  
pecuniam, à Gallis meritò decipiendi. Verùm enim verò non exiſtente in  
promptu pecuniâ, quæ penderetur, Gallus rem ſuſpedit aſtutiâ, datisque  
obſidibus à conjuratis dilationem certum ad terminum impetravit. At  
Suitenſes cum acceptis obſidibus ad ſua redeuntes, pecuniam ſibi pol-  
licitam uſque in hunc diem præſtolantur, & forſan inviti diutius expe-  
ctabunt.

Gallus dat  
obſides  
conjuratis  
inopes ſub  
forma opu-  
lentorum.

Sunt qui dicant, Suitenſes Gallorum aſtutiâ tali modo fuiſſe circum-  
ventos: viros inopes fortunâ humiles, & qui vitam pro ſtipe portabant  
venalem, Rex Gallus ſericis & pretioſis indui veſtimentis præcepit, annu-  
lis aureis decoravit, mutatiſque nominibus pro magnis divitiis atque  
potentibus eos nominari mandavit, quos conjurati Suitenſes ſibi præſen-  
tatos tales fore putantes, quales dicebantur, in obſides acceperunt, & ad  
ſua reverſi ſunt, digni proſectò decipi, qui fidem & Cæſari promiſſam, &  
debitam ſervare contempſerunt. Verùm quomodo poſt hæc fædiſragi à  
Gallis fuerint dignâ mercede ſoluti, deriſi, & contempti, anno ſequenti  
latius erit dicendum.

Erneſtus  
Magdebur-  
genſis  
Archiepiſc.  
& Primas  
moritur.

Anno item prænotato, 1. die menſis Auguſti, mortuus eſt Erneſtus ex  
Ducibus Saxonie Archiepiſcopus Magdenburgenſis Germanie primas &  
Halberſtatenſis Eccleſie Adminiſtrator, Germanus Friderici Ducis Saxo-  
num Principis, anno Pontificatus ſui xxxviii. vir bonus & manſuetiſſimus  
Princeps, amator Cleri, devotiſſimus cultor DEI, pius in ſubditos, & in  
pauperes miſericors, qui neque ex vana gloria, neque ex ambitione, ſeu  
avaritia, ſed propter neceſſitatem & inopiam Eccleſie Halberſtatenſis  
adminiſtrationem geſſit; nam in tantam paupertatem eadem devenit  
Eccleſia, ut proprium nec hodie queat habere Episcopum.

Albertus  
Marchio  
Branden-  
burgen-  
ſium fit  
Archiepiſc.  
Magdebur-  
genſis.

Eodem anno ultimâ die menſis Auguſti, ſucceſſit Erneſto poſtulatione  
Canonicâ (quia juvenis erat) Albertus ex Marchionibus Brandenburgen-  
ſibus, filius Joannis & frater Joachim Marchionum Principum Electorum,  
Canonicus Trevirenſis & Moguntinenſis Eccleſiarum, quem Leo Papa X.  
in Archiepiſcopum Primatem Eccleſie Magdeburgenſis, & Adminiſtra-  
torem Eccleſie Halberſtatenſis eodem anno confirmavit. Hic Princeps  
Albertus magno fervens deſiderio ad Ordinem Clericatus, Joachim Ger-  
mano fratre conſentiente hoc ipſo anno Presbyter ordinatus, Miſſam in  
Octavis Paſchæ cantaverat, cui Frater apud Coloniam Urſulanam in  
arce ſua Capellam adificavit propriam, in qua Divinum Officium ſingu-  
lis diebus ſepties cum 8. Sacerdotibus ipſe nonus devotiſſimè peragere  
conſuevit.

Joannes  
Marchio  
Branden-  
burgenſis  
filius Joa-  
chim nati-  
tur.

Hoc ipſo anno, 2. die menſis Auguſti, quæ fuit feria tertia, natus eſt  
Joannes Marchio Brandenburgſis ſecundus in ordine filius Joachim  
Principis Electoris, in Caſtro Tangermundano, circa Albim horâ tertiâ  
mane ante meridiem, quem Albertus Patruus ejus Presbyter jam dictus  
Magdeburgenſis poſtulatſus Archiepiſcopus tertiâ decimâ menſis Septem-  
briscum magna pompa baptizavit.

Anno



Anno prænotato, inter Cives & Senatum Wormatienses exorta fuit periculosa seditio. Cives enim de Senatu malam suspensionem habentes propter gravamina & insolitas contributionum exactiones, quibus dietim se gemebant oppressos, calculum perceptorum & expositorum instantius sibi fieri urgebant. Verùm ubi Senatus vidit, quòd civium contra se nimius invalesceret furor atque tumultus, fugâ quæsiere salutem, relictâque civitate ad Weissenburg, & alia loca se transtulit tutiora. Deinde Senatus causam egit adversum cives apud Judicium Camerae Imperialis, quod tunc erat in Wormatia, & juris integritate prævaluit. Judices autem furori civium non fore credendum arbitrati, consistorium ad Spiram transtulerunt, ubi sententiam pro consulatu adversum Urbanos fulminarunt. Veruntamen pax firma differtur, & necdum plenè reformata est inter dissidentes eos usque in præsentem diem.

Inter Senatum & Cives Wormatienses orta seditio magna.

In pluribus denique urbibus Germaniæ anno tam præsentis, quàm præterito cives contra suos Rectores insurgentes gravissimas dissensiones suscitârunt. Coloniae videlicet, Aquisgrani, Daventriæ, in Andernach, in Spira, in Hallis, in Lübeck, in Ratisbona, in Schvveinfurt, & in alijs, quarum vocabula memoriæ non occurrunt. In quibus quidem seditionibus nonnulli regentium furore communitatum suarum in judicium tracti, & ad mortem judicati miserabiliter perierunt.

Seditiones in multis Germaniæ urbibus hoc anno fuerunt.

Anno Dominicæ Nativitatis prænotato, Volpertus Abbas Regalis Monasterij Hirsfeldensis exempti, nostri Ordinis in Diocesi Moguntina, quod S. Lullus Archiepiscopus Ecclesiæ Moguntinæ secundus, Beati Bonifacij Martyris successor olim fundavit tempore Caroli Magni, paupertate, & inopiâ pressus, simul & indignatione oppidanorum Hirsfeldiæ motus, Abbatiam in manus Romani Pontificis Leonis X. resignavit; ut ferunt de Fratrum suorum consensu, & forsitan ad persuasionem quorundam, qui Ordinis profectum non quærebant. Nec dubium est mihi, jam seriò pœnituit, qui cessione suâ in tristitiam alios mittere cogitavit. Quidquid enim Deus non plantaverit, in fine benedictionis fructu carebit.

Hirsfeldensis Monasterij Regalis Abbatiz titulus extinguitur.

Hartmannus ex Burggravijs de Kirckberg Abbas Monasterij Fuldensis mediante Cæsare Maximiliano, ut ferunt, à Papa litteras obtinuit, quòd titulum Abbatialem dicti Monasterij Hirsfeldensis extinguendum consensit, & ipsum locum Cœnobio Fuldensi conjunxit, univit & incorporavit. Unde idem Abbas Fuldensis nonâ die mensis Septembris, anno præsignato Decanum suum, præpositum quoque montis S. Joannis, & Cancellarium suum certis cum alijs Monachis, & equitibus misit ad Monasterium Hirsfeldense, oppidanis quid ageretur nescientibus. Cùmque missi venissent ad Cœnobium, Monachos in unum convocant. Decanum antiquum deponunt, novum ex conventu Fuldensi constituunt, qui vice Domini sui Abbatis & Monasterium in possessionem, & Monachos ad obedientiam suscepit; quibus peractis ad Fuldam redierunt.

Monasterium Regale Hirsfeldense, Fuldensi Monasterio incorporatur.

Decimâ verò die mensis Septembris anno præscripto, Fuldensis Abbas sæpe dictus, cum aliquot equitibus per se venit ad Castellum extra Hirsfeldiam, quod Quercum nuncupant, in quo Abbas Hirsfeldensis re-

Hartmannus Abbas Fuldensis possessionem Hirsfeldiæ occupat.

S f f f

sidentiam

ſidentiam ſuam habere conſuevit; quo in poſſeſſionem ſuſcepto, familiam & quosdam in circuitu villanos in ſuam jurare fidem perſuaſit. Deinde nuntium miſit in oppidum, requirens ab incolis ſimile fidelitatis juramentum. At illi nuntium ſine reſponſo rejicientes, portas oppidi poſt eum clauſerunt, apponentes cuſtodiam, ne cui Fuldenſium de cætero pateret ingreſſus. Per multos dies & noctes oppidani muros cuſtodierunt & portas, & nullâ poterant ratione perſuaderi, ut qui Abbatem & Dominum eatenus ſemper habuerunt proprium, nunc Fuldenſem ſuſciperent alienum. Laborat contra eos apud Cæſarem Abbas Fuldenſis, ſed quid obtinuerit in negotio, necdum ſcire potuimus.

Hanc Hirſfeldiæ calamitatem deformatio Monachorum induxit.

Prò pudor, quòd nobilis illa Regalis Abbatia per inutilem, ne dicam inſipientiſſimum Abbatem, quæ tot annis cum principatu floruit in gloria, datur in opprobrium, & in deſolationem perpetuam. Eſſet meo judicio dignus, qui & ipſe perpetuo in carcere cum ſuis Monachis puniretur. Cauſam breviter ſubjiciam.

Bibliothecam pretioſam Monachi turpiter deſtruxerunt.

Primæ conſiderationis eſt ratio, quòd Regularis vitæ tranſgreſſores tam petulanter, tam improbè, & malè vixerunt à multis annis, quòd Monasterium quondam ditiffimum in ultimam paupertatem perduxerunt. Deinde ut ſciat poſteritas, quàm juſtè omnis vir bonus talium Abbatum & Monachorum deteſtetur veſaniam. Quando Abbas Fuldenſis Caſtellum Eich, ut diximus, in poſſeſſionem accepit, privilegiorum Monasterij litteras quam plures reperit, in ſtraminibus ante canes projectas, quas partim integras, partim laceratas à canibus juſſit recolligi, & ciſtam plenam deportari in Fuldam. Triginta ſunt tranſacti temporis anni, quando Hirſfeldenſis Monasterij Bibliotheca & multis & pretioſis adhuc erat voluminibus decorata, ſicuti ex mihi tunc exhibitò indice, cognovi, quorum hodie pauciſſima dicuntur inveniri. Omnium poſtremo malorum peſſimum eſt, quòd Monachi cum Abbate deformatiſſimi, tanto laborant odio diſciplinæ, obſervantiæque regularis, ut Monasterium funditus perire maluerint, quàm reformari. Sed cum nulla in mentibus reproborum proficiant verba bonorum, Divino relinquamus judicio, quos ſermonibus piæ admonitionis nullâ perſuaſione poterimus emendare.

Nuptiæ duarum ſororum Palatinarum.

Anno prænotato, Henricus Dux Megaloburgenſis mortuâ primâ uxore ſuâ Urfulâ, quæ ſoror fuit Joachim Marchionis Brandenburgienſium Principis Electoris, duxit ſecundam Helenam videlicet Philippi Comitis Palatini quondam filiam, ſororem Ludovici Principis Electoris annorum viginti.

Eodem tempore Georgius Dux Pomeranorum & Stettinenſium uxorem duxit Amaliam memorati Comitis Palatini filiam alteram, annos habentem tres atque viginti, nuptijs ambarum ſororum pompâ principali celebratis.

Hyems diuturna fuit & æſperima.

Hyems hoc anno fuit duriffima, quæ mortales graviter afflixit; cæperunt etenim frigora circa principium menſis Novembris intenſa, & duraverunt uſque ad converſionem S. Pauli: cuncta flumina Germaniæ erant congelata, & in multis locis aquarum penuria magna, quo factum eſt.

est, ut aquâ deficiente homines nec molere possent, nec pinsere, propter quod inopia panis subsecuta pauperes inediâ consumpsit. Apud Francos nostros Orientales circa Peapolim & in alijs locis multis, antequam vindemia adhuc plenè esset collecta, frigus tantum inhorruit, quòd neque statumina extrahere, neque vites humo cooperire vini cultores juxta morem potuerint, unde vineta plurima perierunt.

Eodem anno, Joannes hujus Monasterij Hirsaugiensis vigilantissimus Pastor & Abbas Capellam Beatissimæ Virginis semper immaculatæ Dei Genitricis Mariæ, quam retro Capitolium sumptuosissimo tabulatu lapideo ante biennium inchoavit, unâ cum Bibliotheca desuper pretiosissima non sine magnis impensis ad Laudem DEI omnipotentis & Fratrum suorum utilitatem continuavit.

Capella B. Mariæ semper Virginis cum Bibliotheca constructa.

Huc usque ego Joannes Trithemius Abbas Monasterij S. Jacobi Apostoli majoris in Suburbanis civitatis Francorum Orientalium Herbipolensis, quondam verò Spanheimensis Ordinis Divi Patris Benedicti unionis & observantiæ Bursfeldensium, Chronicon Monasterij Hirsaugiensis vestri, O Joannes insignis Abba & Fratres in Christo Charissimi, per annos ferme sexcentos octoginta tres non sine magno labore compilando perduxì. Utinam rem vobis & posteritati vestræ tam gratam fecerim, quàm mihi laboriosam, ut animam illi meam precibus Deo commendent carne solutam, qui post mea fata, in hoc opere foundationem, progressum, & successionis Abbatum suorum sunt lecturi historiam. Ab hinc jam deinceps vestrum sit Hirsaugiani Paradisi cultores eo modo, quo accepistis à nobis, continuare historiam, & successionibus Abbatum vestrorum res proprias, & quidquid gestorum per Germaniam occurrerit memoratu dignum, annectere, ut Chronicon hoc non modò vobis, sed cunctis lectoribus etiam Theutonicis valeat prodesse.

In hunc annum Domini MDXIII. Joannes Trithemius Chronicon Hirsaugiæ perduxit.

Hæc sunt nomina Fratrum hodie sub Magisterio Joannis Abbatis in Hirsaugia viventium: Conradus de Leonberg, Prior Claustralis regularis disciplinæ custos, & cultor strenuus. Joannes de Wangen Præpositus in Rott, vir prudens, sincerus, & Monasterij sibi commissi tam in spiritualibus, quàm in temporalibus provisor utilis. Henricus de Stamheim Prior localis in Richenbach, vir bonus & integer. Caspar de Rottenburgo ad Neccarum, Prior in Schonrein localis Peapolitanæ Diocesis, homo placidæ conversationis, sine dolo, sine fraude, coram Deo & hominibus, rectus & nulli molestus. Wandelinus de Heidelberg homo singulari industriâ præditus, & jam senio non minus, quàm moribus venerandus. Joannes Rott quondam Prior in Schonrein, vir consilio prudentiâ, & vitæ maturitate meritò laudandus. Conradus de Calva homo tranquillæ conversationis. Leonardus de Magstatt, vir magnæ charitatis & boni consilij, cujus patientiam Omnipotens per annos jam plures multis infirmitatibus probatam copiosius remunerabit. Joannes Tegen de Biblingen, homo circa infirmos fratres singulari charitate obsequiosus. Anastasius de Oningen, aliquando Prior localis in Schonrein, vir devotus, custosque regularis disciplinæ studiosus, & in observatione sancta continuus. Jacobus de Gertringen, homo & ipse religiosæ conversationis.

Nomina Fratrum hodie in Hirsaugia Deo & Abbati subjectorum.

SSSS 2

Conradus



Conradus de Ruttlingen Symphonides Chriſti, prudentiâ conſilio & integritate converſationis nulli confratrum ſuorum inferior. Clemens de Simezheim, ſacræ Theologiæ Profeſſor, homo doctus, humilis, & ſine cujuſcunque injuria, bonæ & tranquillæ converſationis, nulli moleſtus. Henricus de Conſtantia, amator diſciplinæ, vir bonus, & librorum Bibliothecæ decorator fidelis. Andreas de Tagersheim, major Cellerarius, homo pacificus, & pro communi Fratrum utilitate laborioſus. Conradus de Bulach vice-Prior clauſtralis, vir manſuetus, charitativus, bonus & rectus. Albertus de Tagersheim, cujus notiſſimam non habeo ſingularem. Nicolaus Baſelius ex Durckheim, vir in omni varietate ſcripturarum ſtudioſus, eruditus, quem non erubeſco habuiſſe diſcipulum. Michael Heumaden, cujus cum ſequentibus ſola teneo nomina. Joannes de Tagersheim. Bartholomæus de Wila. Albertus de Calvva. Joannes de Tubingen. Nicolaus Stamler. Joannes de Pforztheim. Auguſtinus de Spira. Joannes de Kanſtatt. Joannes de Oettlingen. Joannes de Wila. Fridericus de Wangen. Thomas de Tagersheim. Bartholomæus de Calvva. Michael de Urach. Franciſcus de Leonberg. Joannes Reminger. Georgius de Tagersheim. Jacobus de Alberspach. Simon de Landsberg. Joannes Gertringer. Michael de Darmsheim. Rudolphus de Herrenberg. Albertus de Saltzſtetten. Joannes de Wila. Novitiorum, & qui intra unius anni ſpatium ad Ordinem ſuſcepti ſunt, non recensuimus nomina.

Joannis  
Trichemij  
Abbatis  
S. Jacobi  
Peapolitani  
opulcula.

In calce hujus voluminis placuit mihi lucubrationum mearum indicem ſubnotare breviter, ex cauſa rationabiliter animum movente, quam ſi DEUS voluerit, rebus aliquando Hirſaugianis Fratribus intendo facere manifeſtam, ut, qui teſtamentum condere nec poſſum, quia Monachus, nec debeo: quanto Hirſaugianos amore diligam omnes, ſaltem laboribus meis communicatis ad loci honorem oſtendam. Scripſi ergo imprimis juxta ordinem temporis & ætatis, de viſitatione Monachorum. *Librum unum.* De modo celebrandi capitulum provinciale. *lib. 1.* Super Regulam S. Benedicti. *libb. 2.* Exhortationum ad Monachos. *libb. 2.* De tentationibus Clauſtraliū. *libb. 2.* De Inſtitutione vitæ Sacerdotalis. *lib. 1.* De vitio proprietatis Monachorum. *lib. 1.* De Miſeria & brevitate hujus vitæ. *lib. 1.* De ruina Ordinis noſtri Penſicum opus ad Blaſium Hirſaugienſem. *lib. 1.* De Illuſtribus viris Ordinis noſtri. *libb. 4.* Laudes Ordinis Carmelitarum. *libb. 2.* Ad Gerlacum Abbatem Tuitienſem de Laude ſcriptorum manualium. *lib. 1.* Ad Joannem Dalburgium Wormatiienſem Epiſcopum, de Scriptoribus Eccleſiaſticis. *lib. 1.* De Laudibus S. Annæ Chriſti Aviæ. *lib. 1.* Ad Rutgerum Sicambrum quæſtionum ſolutarum. *lib. 1.* Chronicon Monafterij quondam mei Spanheimenſis. *lib. 1.* Ad Philippum Comitem Palatinum Chronicon breve Ducum Bavariz. *lib. 1.* Vitam S. Irminæ Virginis filiz Regis Dagoberti, primæ Abbatiffæ in Horreo Trevirenſi, cujus caput habetur in Spanheim. De miſeria Prælatorum Clauſtraliū. *libb. 2.* Laudes S. Andreæ Apoſtoli. *lib. 1.* Laudes S. Joſeph nutritij Domini. *lib. 1.* Laudes S. Benedicti Abbatis. *lib. 1.* Laudes vitæ Monaftericæ. *lib. 1.* Laudes veræ Patientiz. *lib. 1.* Monologion hominis devoti ad animam ſuam. *lib. 1.* Laudes & utilitates ſtudij & lectionis Scripturæ ſacræ. *lib. 1.* De miraculis S. Annæ.

Lucubra-  
tiones  
Joannis  
Trithemij.

lib.



*lib. 1.* Ad Nicolaum Kridvvis Canonicum Ecclesiæ Coloniensis de Quæstionibus in Evangelium S. Joannis. *lib. 1.* Ad eundem de Quæstionibus in Psalmos. *lib. 1.* De Triplici regione Claustralium. *libb. 3.* Exercitium Monachorum. *lib. 1.* Breviarium ejusdem exercitij. *lib. 1.* Ad Joachim Marchionem Brandenburgensem Principem Electorem Opus varium & mysticum, quod prænotavi Steganographiam, id est, occultam scripturam. *libb. 2.* Ad Maximilianum Cæsarem opus, quod prænotavi Polygraphiam & multiplicem scripturam. *libb. 6.* Ad eundem Polygraphiæ clavem seu enucleatorium. *lib. 1.* Ad eundem de Dominio septem Intelligentiarum, quo videlicet ordine præsententur Orbi. *lib. 1.* Ad eundem responsiones octo Quæstionum, quas mihi solvendas proposuit. *lib. 1.* Ad Joachim Marchionem Brandenburgensem contra maleficos & omnes artes vanas, supersticiosas, & Christianæ Religioni contrarias. *libb. 5.* Ad eundem de causis, & cura maleficiorum & morbi caduci. *libb. 3.* Ad eundem Naturalium quæstionum. *libb. 20.* Itinerarium vitæ meæ. *libb. 2.* Ad Burckhardum de Horneck Physicum contra pèculium monialium pro nepte sua. *lib. 1.* Statuta utriusque capituli Ordinis nostri mandato Præfidentium elimati in Ordinem digessi. *lib. 1.* De Computo Ecclesiastico. *lib. 1.* Chronicon hoc præfens Monasterij Hirsaugiensis in duobus scripsi voluminibus, ut cernitur, non parvæ quantitatis. Epistolarum mearum in Spanheim scripsi. *libb. 4.* Epistolarum mearum in Abbatiâ S. Jacobi Herbipoli scripsi. *libb. 6.* De miraculis ostensis ad memoriam Beatissimæ Virginis Mariæ prope Dittelbach Herbipolensis Diocesis postulante Senatu. *lib. 1.* De miraculis ejusdem Domine nostræ prope Heilbronnâ in Urticeto divinitus ostensis. *libb. 2.* De Luminaribus sive Illustribus viris & scriptoribus Germaniæ. *lib. 1.* Diversarum orationum, quas in capitulis tam provinciali, quàm annali, vel extraxi, aut scripsi. *lib. 1.* Orationum quoque supplicatarum ad Deum & Sanctos complurium. *libb. 2.* Rosaria, Officia, Collectas, Orationes & Profas sine certo numero composui: inter quas prima incipit: *Exultent in hac die.* Et cantatur in Festo S. Annæ sub melodia: *Congaudent Angelorum chori.* Secundam scripsi ad instantiam Joannis quondam Archiepiscopi Trevirorum, quæ sic incipit: *JESU calorum Regis sanctam laudemus Aviam.* Et canitur sub melodia: *Ave præclara:* cujus litteræ versuum capitales nomen meum repræsentant. Tertiam scripsi ad petitionem Joannis Fortis Carmelitarum Provincialis, & incipit: *Jubilemus in honore.* Caniturque sub melodia: *Lauda Sion Salvatorem.* Cujus capita versuum nomen indicant postulantis. Cussum, Rosarium, & plures Orationes de S. Anna composui, quæ Raymundus Cardinalis Legatus datis Indulgentijs dudum confirmavit. Scripsi etiam officium Missæ de Compassione Beatæ Mariæ Virginis. De nutritio quoque Domini S. Joseph, Missam & Rosarium. De Angelo proprio Missam & Rosarium. De S. Martha Missam & Rosarium. De S. Maria Magdalena Rosarium. De S. Petro Apostolo Rosarium. De Beata Virgine Rosarium. De S. Joanne Evangelista Rosarium. De S. Andrea Orationem & Rosarium. Exercitium totius vitæ actionis & Passionis Domini nostri Jesu Christi, per modum orationis & gratiarum actionis. Contra Carolum Bovillum, qui me falsò magum & necromanticum, in quadam Epistola ad Germanum Ganaij calumniatus

Opuscula  
Trithemij  
Abbatis.

Opuscula  
Joannis  
Trithemij  
Abbatis:

Lucubra-  
tiunculæ  
Joannis  
Trithemij.

Synthesi-  
ta Joannis  
Trithemij  
Abbatis.

niatus est, libros duos, in quorum primo respondens ejus Epistolæ, ipsum falsum ostendi atque mendacem: in secundo satisfeci his, si qui sunt forsitan, qui mendacijs ejus fidem præstiterunt. Hæc sunt Lucubrationum mearum capita, tituli, & nomina: quas me hæcenus scripsisse memini, Anno Dominicæ Nativitatis prænotato millesimo quingentesimo tertio decimo, ætatis meæ quinquagesimo primo, ultimâ die mensis Decembris.

*Et hic ego Joannes Trihemius Abbas S. Jacobi Herbipolensis, quondam verò Spanheimensis, præfens opus Chronicorum sive Annalium insignis Monasterij nostri Hirsaugiensis, O Abba Joannes & Fratres memorati jam incola ejus, complervi, absolvi & consummavi, atque fatigatus quintum in annum calamus deposui. Anno salutis MDXIV. Anno Joannis Abbatis hujus Monasterij Hirsaugiensis undecimo, Indictione Romanorum secundâ.*

FINIS.

1514.



INDEX



# INDEX

## RERUM NOTABILIVM, QVÆ IN SECVNDA VOLVMINIS PARTE CONTINENTVR.



- Abates Provinciæ Moguntinæ  
citantur ad Concilium Con-  
stantiense. fol. [346](#)  
Nomina Monasteriorum Pro-  
vinciæ Moguntinæ. [347](#)  
Capitulum Ordinis Constantiæ celebra-  
tur. [348](#)  
Abbatibus datur forma Reformationis. [349](#)  
Visitatores per Monasteria deputantur. [349](#)  
Reformatio Castellensis, Mellicensis, &  
Bursfeldensis initium sumunt à Concilio  
Constantiensi. [350](#)  
Earundem unio frustra tentatur. [443.](#) [592](#)  
Citantur ad Concilium Basileense. [391](#)  
Fit Constitutio pro reformatione Ord. [400](#)  
Abbatiscellenses Abbati S. Galli Domino suo  
rebelles. [283.](#) [310.](#) [320](#)  
Confœderantur Suitensibus. [283.](#) [323](#)  
Oppidanos S. Galli ad defectionem solici-  
tant. [320](#)  
Cæduntur à Wilhelmo Comite Briganti-  
no. [323.](#) [326](#)  
Ducem Austriæ in fugam compellunt. [326](#)  
Per Rupertum Imperatorem compelluntur  
ad obedientiam Abbatis. [328](#)  
Cum Oppidanis S. Galli destruunt Mona-  
sterium in Roschach. [333](#)  
Adam Abbas S. Martini Coloniz piè obit. [576](#)  
Dæmonem per censuras expellit. [577](#)  
Historia dæmonum terribilis apud Mo-  
niales. [578](#)  
Adamitarum hæresis in Bohemia oritur. [363](#)  
Eorum spurcissimi errores. [363](#)  
Adolphus Archiep. Moguntinus Moguntiam  
capit. [453](#)  
Concordiam init cum Dietherô. [455](#)  
Dietherum prudenter sibi successorem de-  
signat. [484.](#)  
Adolphus Comes Montensis capit Sifridum  
Archiepiscopum Colonjensem. [53](#)  
Liberum dimittit pro grandi lytro. [64](#)  
Capitur ipsemet à Sifrido. [64](#)  
Et in vinculis moritur. [64](#)  
Adolphus Comes de Nassaw fit Imperator  
Romanorum. [57](#)  
Coronatur & à cunctis suscipitur. [58](#)  
Misnensem comitatum Imperio incorpo-  
rat. [58.](#) [60](#)  
Albertum Austriacum, & Eberhardum  
Wirttembergicum persequitur. [61.](#) [64](#)  
Anglis subsidia pollicetur contra Gal-  
los. [62.](#) [67](#)  
Principes Imperij ab eo deficiunt. [63](#)  
Per Principes à Regno deponitur. [69](#)  
Causæ depositionis ejus. [69](#)  
Contra Albertum Austriû copias cogit. [70](#)  
In prælio occiditur. [71](#)  
An jure fuerit à Principibus abrogatus. [72](#)  
Omnes ejus inimici malè pereunt. [72](#)  
Adolphus de Marca fit Archiepiscopus Colo-  
niensis. [248](#)  
Pontificatum resignat. [249](#)  
Uxorem ducit. [250](#)  
Adamus de Insulis Doctor Parisiensis & opera  
ejus. [81](#)  
S. Albani Cœnobium à Moguntinis civibus  
destruitur. [169](#)  
Transfertur in Ecclesiam Collegiatam. [359](#)  
Albenfis Abbas mutat Advocatum Monasterij  
Eberhardum Ducem Wirttembergensem. [569](#)  
Cum magno Monasterij detrimento. [569](#)  
Albertus Dux Bavariz Ratisbonâ occupat. [550](#)  
Eandem Regno restituit. [551](#)  
Albertus Halberstattenfis Episcopus Doctor,  
& opera ejus. [250](#)  
Alberti Hollandiæ Comitis progenies. [332.](#) [323](#)  
S. Albertus Magnus apud Coloniam mori-  
tur. [39](#)  
Ejus opuscula. [39](#)  
Non fuit Magus vel Necromanticus. [40](#)  
Albertus



# Index Rerum Notabilium.

Albertus Marchio Brandenburgicus per infidias tentat Oxenfurtum.	406	Antonius Bastardus Burgundiæ Trevirim obsidet.	415
Osties vincit Nürenbergenfes.	421	Aquarum inundatio damnosa. 105. 192. 263	
Albertus filius Rudolphi Imperatoris fit Dux Austriæ.	43	Argentinenfes Dominos se nuncupantes contemnuntur ab Henrico VII. Imperatore. 134	
Adolfo electo Imperatori contrarius. 61. 64	64	Arnoldus de Villanova vanus propheta. 123	
Adolfum bello aggreditur.	66	Scripta ejus. 124	
Alzen oppidum capit & destruit.	71	Arnoldus Dux Geldriæ à filio incarceratur. 459	
Adolfum prælio vincit & fundit.	72	Quam ob causam. 666	
Apud Aquasgrani coronatur in Regem. 72	72	Arnoldus Mon. S. Albani, & opera ejus. 143	
Ejus uxor filijque.	72	Astronomi cujusdam prædictio. 205	
Dictum ejus, cum Romæ non approbaretur.	74	S. Aurelij corpus levatur è tumba. 533	
Hollandiam ad Romanum revocat Imperium.	79	Sepulchrum ejus renovatur. 572	
Recusat Regnum Gallia à Pontifice oblatum.	86	Austriæ Duces metu extorquent investituram Ducatus. 122	
Contemnit quosdam Principes.	87		B
Bellum movet contra Rudolphum Palatinum & Archiepisc. Moguntinum.	88	B Adensis Marchio Marcus Episcopus à Leodiensibus fugatur. 459	
Bingenfe oppidum obsessum obtinet.	88	Badensis Marchio Bernardus Vir sanctæ vitæ. 459	
Archiepiscopum Moguntinum ad gratiam recipit.	88	Badensis Marchio Hermannus fit Monachus Cluniaci. 460	
A Nepote suo interficitur.	114	Fit custos pecorum. 461	
Qui fuerint socij sceleris.	114	In morte recognoscitur. 461	
Infelix exitus eorundem.	114	Badensis Marchio Joannes Archiepiscopus Trevirorum inopiâ premitur. 595	
In uno sepulchro conditur cum Adolfo.	118	Triplex causa inopiæ ejus. 595	
Alberti Ducis Austriæ progenies.	234	Badensis Marchio Jacobus fit Archiepiscopus Trevirensis. 595	
Albertus Dux Austriæ fit Rex Ungariæ.	397	Baldewinus Archiepisc. Trevirorum, quatuor Episcopatum Gubernator. 171	
Eligitur Rex Romanorum.	398	Comitem de Spanheim rebellem persequitur. 186	
Moritur sepultus in Alba Regali.	402	Comitem de Duna subjugat. 192	
Alchimia casta meretrix.	225	Comitem de Westerburg subigit. 194	
Vanitas ejusdem.	287	Barenfis Comitatus erigitur in Marchionatum. 229	
Alchimistarum aliquot nomina.	287	Basanus Magnus Rex Francorum. 23	
Alexander VI. Papa veneno filij moritur.	597	Basilea obsidetur à Rudolfo Habsburgio. 18	
Alfonfus Rex Castiliæ eligitur Rom. Rex. 19	19	Terræ motu destruitur. 230	
Contemnit electionem.	19	Helvetijs associatur. 587	
Altvillense Castrum construitur.	168	Cives aliquot capiuntur à Geroltsekio. 483	
Alzen oppidum unde ad Palatinos pervenit.	71	Basileense Concilium indicitur. 367. 381	
S. Andreæ Apostoli caput ex Peloponeso Romanam transfertur.	458	Confirmatur à Papa, & paulo post revocatur. 381	
Andreas Monachus Spanheimensis & opera ejus.	462	Citat Eugenium Papam. 392. 398	
Anglicanæ Societatis crudelitas. 246. 264.	246	Eugenium absentem deponit. 402	
Galliam devastant.	246	Quem tandē ut verum Papam agnoscit. 413	
Hispaniam depopulantur.	246	Bavarica Genealogia. 395. 436. 637	
A Cunone de Falkenstein propulsantur. 246	246	Bavariæ Ducatus dividitur inter Duces. 173	
Argentinam obsident.	247	Inter Ludovici Bavari Imp. filios. 216	
Ex Alsacia fugantur.	247	Inter fratres Bavariæ Duces. 222. 295	
Annatarum in Episcopatibus initium. 277. 306	306	Beatricis Imperatricis corpus Spire reperi- tur. 118	
S. Annæ caput Moguntia transfertur in Düren.	580	Altare portatile donat Ecclesiæ. 118	
Antenor Rex Francorum in Mosa submergitur.	24	Altaris inscriptiones. 118	
Antichristi tempora determinare vanum est.	124	Beghardo-	



# Index Rerum Notabilium.

Beghardorum hæresis damnatur. [126.](#) [231](#)  
 Articuli errorum. [126](#)  
 Bellum inter Comitem Juliensem, & Archiepiscopum Coloniensem. [33](#)  
 Inter Archiepisc. Coloniensem, & Ducem Brabantiae. [33](#)  
 Inter Ducem Brabantiae, & Comitem Geldriae. [52](#)  
 Inter Reges Galliae & Angliae. [62](#)  
 Causae ejusdem belli. [66](#)  
 Inter Adolphum Imperatorem & Albertum Austriae Ducem. [71](#)  
 Inter Wilhelmum Episcopum Trevirenses, & Comites quosdam. [82](#)  
 Inter Gallos & Flandros. [92](#)  
 Inter Helvetios & Comitem Habsburgi. [95](#)  
 Navale inter Gallos & Flandros. [97.](#) [98](#)  
 Inter Ludovicum & Fridericum Imperatores. [138.](#) [142.](#) [156](#)  
 Inter Archiepisc. & Cives Colonienfes. [145](#)  
 Inter sedecim Comites, & Ducem Brabantiae. [170](#)  
 Inter Adolphum Palatinum, & Baldewinum Archiepiscopum Trevirenses. [178](#)  
 Inter Ducem Geldriae, & Cives Leodienses. [183](#)  
 Inter Ecclesiam Herbipolensem & Cives. [183](#)  
 Inter Reges Galliae & Angliae. [184](#)  
 Inter Christianos Hispaniae, & Saracenos Mauritaniae. [185](#)  
 Inter Comitem Wirtenbergiae, & Ducem Austriae. [193](#)  
 Inter Reges Galliae & Angliae. [199](#)  
 Inter Episcopum Herbipolensem, & Comitem Hennebergium. [217](#)  
 Inter Matrem & filium in Hannonia. [219](#)  
 Inter Albertum Austrii & Helvetios. [222](#)  
 Inter Episcopum & Cives Herbipolenses. [224](#)  
 Inter Carolum Imperatorem & Ducem Wirtenbergiae. [241](#)  
 Inter Archiepiscopum Trevirenses, & Comitem de Starckenburg. [242](#)  
 Inter Comites de Wirtenberg, & Eberstein. [253](#)  
 Inter Ducem Luzenburghi, & Juliaci. [258](#)  
 Inter Archiepisc. & Cives Colonienfes. [268](#)  
 Inter Comitem de Wirtenberg, & Cives Rüttingenses. [270](#)  
 Inter Reges Galliae & Angliae. [280](#)  
 Inter Lupoldum Ducem Austriae & Helvetios. [283.](#) [289](#)  
 Inter Comitem Wirtenbergiae & Cives Regni. [289](#)  
 Inter Rupertum Palatinum & Cives Regni. [290](#)  
 Inter Francofurtum, & nobiles de Cronenberg. [290](#)  
 Inter Ducem Wirtenbergiae & subditos ejus. [299](#)

Bellum inter Wernherum Trevirenses, & Comitem de Salms. [301](#)  
 Inter Ducem Montensem, & Comitem Clivensem. [302](#)  
 Inter Episcopum & Cives Herbipolenses. [306](#)  
 Inter Abbatem S. Galli, & subditos ejus. [320](#)  
 Inter Ducem Austriae, & Abbatiscellenfes. [326](#)  
 Inter Episcopum & Cives Leodienses. [326](#)  
 Inter Basileenses & Vicarios Austriae Ducum. [329.](#) [330](#)  
 Inter Comitem Barensem, & Comitem de Widmont. [380](#)  
 Inter Archiepiscopum Moguntinum, & Landgravium Hassiae. [387](#)  
 Inter Ducem Montensem & Geldrensem. [387](#)  
 Inter Regem Galliae, & Ducem Burgundiae. [388](#)  
 Inter Milites Teutonicos & Hussitas. [388](#)  
 Inter Episcopum & Cives Herbipolenses. [395.](#) [398](#)  
 Inter Christianos & Turcas. [411](#)  
 Inter Ducem Juliensem & Geldrensem. [412](#)  
 Inter Ducem Lotharingiae & Cives Metenses. [412](#)  
 Inter Delphinum Galliae & Helvetios. [412](#)  
 Inter Principes Imperij, & Cives Regni. [419.](#) [421](#)  
 Inter Fridericum Palatinum, & Comitem de Lützelstein. [424](#)  
 Ejusdem belli causa. [425](#)  
 Inter Fridericum & tres Principes Badensem, Metensem, & Wirtenbergensem. [451](#)  
 Inter Brandenburgensem & Bavarum. [452](#)  
 Inter Adolphum & Dietherum Archiepiscopos Moguntinos. [454](#)  
 Inter Helvetios & Carolum Burgundum. [492.](#) [493.](#) [494](#)  
 Inter Carolum Burgundum, & Renatum Lotharingum. [493](#)  
 Inter Regem Galliae & Maximilianum Austrii. [499](#)  
 Inter Sigismundum Austrii & Venetos. [529](#)  
 Inter Wallefios & Mediolanenses. [530](#)  
 Inter Maximilianum Imp. & Helvetios. [572](#)  
 Inter Palatinum, & Principes Imperij. [604](#)  
 Inter Casimirum Brandenburgicum, & Norinbergenses. [630](#)  
 Benedictus Papa XI. ex Mon. Ord. S. Dom. [95](#)  
 Philippum Regem Galliae à censuris absolvit. [95](#)  
 Matrem in veste pretiosa non agnoscit. [97](#)  
 Benedictus ex Monacho S. Benedicti PP. XII. eligitur. [178](#)  
 Ludovici Bavari Legatos benignè audit. [179](#)  
 Benedictinam Constitutionem edit pro reformatione Ordinis. [180](#)  
 Ejus Declaratio. [188](#)



# Index Rerum Notabilium.

Bernae quatuor Dominicani comburuntur. 647  
 S. Bernhardinus canonizatur. 424  
 Bernardus Abbas Castellensis Doctor & opera  
 ejus. 189  
 Bernardus Abbas Northeimensis Alchimi-  
 sta. 287  
 Bertholdus Ordinis Minorum Prædicator  
 egregius. 18  
 Bertholdus Beghardus Hæresiarcha capitur. 231  
 Ejus errores. 232  
 Herbipoli errores suos revocat. 232  
 Spiræ pertinax in errore comburitur. 232  
 Bickelenheim castrum venditur Ecclesiæ Mo-  
 guntinæ. 34  
 Bingen oppidum capitur ab Alberto Imp. 88  
 Bingenensis miraculosa imago B. V. M. 89  
 Bingenium Civium seditio. 149  
 Oppidum flammis absumitur. 534  
 Bingiorum temeritas in Palatinos. 538  
 Emporiū transfertur ad Villam Mönster. 538  
 Oppidi ~~sepe~~ malleis confringuntur. 539-540  
 Blidenstatten Monasterium transfertur ab  
 Ordine. 570  
 Bona Ecclesiarum non durant in manu laico-  
 rum. 294  
 S. Bonaventura fit Cardinalis. 18  
 In Sanctorum numerum refertur. 513  
 Bonifacius fit Papa VIII. 63  
 Recognitione Regni exigit à Rege Galliarum. 85  
 Albertum Austriam invitat ad Galliam  
 occupandam. 86  
 Anagninæ capitur. 94  
 Animi mærore consumitur. 94  
 Boppardia fit rebellis Archiep. Trevirensi. 564  
 Ab Archiepiscopo obsidetur. 565  
 Occupatur. 583  
 Bosniæ Regnum à Turcis occupatur. 457  
 Bosniæ Rex Stephanus vivus excoiatur. 457  
 Brabantia Ducum Genealogia. 129  
 Brandenburgensis Marchia venditur Regno  
 Bohemiæ. 219. 274  
 Brandenburgensem Marchionem Genealo-  
 gia. 519. 524  
 Brandenburgensem Marchionem se quidam  
 fingit. 205  
 Brandenburgensis Ecclesia olim Ordinis Præ-  
 monstratensis. 635  
 S. Brigitta vidua Princeps Sueciæ miraculis  
 clara. 242  
 Ordo ab eadem institutus confirmatur. 256  
 Revelatio ejus de Conceptione B. V. 256  
 Sanctarum numero adscribitur. 292. 338  
 Burgundia à Rudolfo Imp. occupatur. 42. 53  
 Mortuo Carolo Duce à Rege Galliarum occu-  
 patur. 495  
 S. Burkhardi Cœnobium Herbipoli transfer-  
 tur ab ordine. 458

Bursfeldensis reformatio oritur in Concilio  
 Constantiensi. 350  
 Joannes Monachus Reinhausenensis author  
 ejus. 351  
 Bursfeldia pauperrimum Monasterium. 351  
 Joannes de Reinhausen fit Abbas Bursfel-  
 densis. 351  
 Joannes Rhode promotor reformationis. 352  
 Ex Bursfeldia multa Monasteria reforman-  
 tur. 352  
 Confirmatur à Papa. 353  
 Nomina Monasteriorum ex Bursfeldia re-  
 formatorum. 353

## C

Cælix III. Papa crucem contra Turcas  
 prædicari mandat. 428  
 Classem contra Turcas mittit. 430  
 Instituit festū Transfigurationis Domin. 430  
 Moritur. 433  
 S. Cælestinus V. fit Papa ex Eremita. 62  
 Pontificatum resignat. 63  
 Ordinis Cælestinorum auctor. 63  
 Canonizatur. 63  
 Cambergense Monasterium transfertur ab  
 Ordine. 533  
 Cardinalis Legatus à Latronibus spoliatur &  
 occiditur. 176  
 Carinthiæ Ducatus unitur Austriæ. 26  
 Carmelitarum ordo sublimatur. 47  
 Carmelitæ aliquot à Saracenis capiuntur. 663  
 Carolus Magnus non in Gallia, sed in Ger-  
 mania natus. 243  
 Carolus Andegavensis occupat Italiam. 10  
 Ex insidijs opprimit Conradinum. 18  
 Quem capite plecti jubet. 18  
 Moritur. 46  
 Carolus Bohemus eligitur Romanorum Im-  
 perator. 199  
 In Regem Bohemiæ coronatur. 200  
 Marchionem Misnensem etiam electum  
 armis terret. 203  
 Basileæ Evangelium ad Missam legit. 204  
 Bello persequitur Guntherum Schwarzen-  
 burgicum. 218  
 Uxor ejus & liberi. 215  
 Principibus indulget nova Rheni telo-  
 nia. 218  
 Indultum hoc revocare cogitur. 218  
 Emit Marchiam Brandeburgensem. 219  
 Professionem italicam adornat. 221  
 Concordat Herbipolensem Episcopum cum  
 Civibus. 225  
 Romæ coronam Imperialem suscipit. 228  
 Comitem Juliacensem in Ducem elevat. 229  
 Comitem Luxemburgensem in Ducem  
 sublimat. 229  
 Condit



# Index Rerum Notabilium.

Condit Auream Bullam de electione Imperatoris.	230	Alterius sponfam rapit, suam repudiat.	568
Impedire tentat confederationem Helveticam.	233	Sine liberis moritur.	568
Exercitum movet contra Helvetios.	233	Carthusia Moguntina fundatur.	115
Seopponit <i>exactionibus Rom. Pontificis.</i>	236	Carthusia Trevirensis fundatur.	173
Punit rebelles Tribus Norinbergenses.	238	Carthusia Colonienfis erigitur.	177
Efslingenses rebelles compescit.	240	Castellensis reformationis Benedictinæ initium.	321
Eberhardum Wirtembergiæ Ducem debellat.	241	Chorizanres submerguntur ob contemptum Sacramenti.	35
Pragensem Universitatem fundat.	242	Claravallensis Abbas spoliatur apud Franckfurt.	640
Pragensem Episcopum in Archiepiscopum elevat.	243	Clemens IV. Papa Adversarius Conradini Sueviæ Ducis.	10. 11
Pacem firmat cum Vice-comitibus Mediolani.	251	Prædicit cædem Ducis Conradini.	12
Rursus persequitur Vice-comitem Mediolani.	256	Dictum ejus super pluralitate beneficiorum.	15
Wenzeslao filio coronam Imperij procurat.	258	Viterbij moritur.	15
Civitatibus taxam imponit.	262	Clemens V. PP. ex Archiepiscopo Burdegallensi.	100
Marchionatû Brandenburgensem emit.	262	Historia electionis ejus describitur.	100
Moritur, & Pragæ sepelitur.	273	Philippo Regi Galliæ multa promittit.	101
Carolus Audax Burgundiæ Dux.	463	Lugdunî coronatur.	103
Leodienses rebelles Episcopo obsidet.	464	Sedes Apostolica in Galliam transfertur.	103
Conditiones pacis inter Carolum & Leodienses.	464	Electiorem Archiep. Moguntini cassat.	104
Hostiliter devastat Galliam.	465	Et Petrum Medicum Archiepisc. creat.	105
Pacem componit cum Rege Gallorum.	466	Consentit Templarios à Philippo Rege capi.	110
Auxilio Gallorum Leodium capit.	466	Offendit Philippum Regem Galliæ.	116
Ejus crudelitas in victos Leodienses.	467	Concilium Viennense celebrat.	125
Eduardum Anglum in Regnû restituit.	471	Hæresin Beghardianam damnat.	126
Regem Galliæ veneno tentasse fertur.	479	Clementinarum librum edit.	127
Pompa ejus in Conventu Principum.	481	Moritur.	136
Singularis justitiæ exemplum.	481	Clemens PP. VI. ex Monacho Cisterciensi.	187
Regnum Siciliæ affectat.	481	Scripta ejus.	187
Novesium frustra obsidet.	482	Pro Ludovico Bavaro Imp. alium eligi jubet.	199
<i>Mariam filiam desponsat Maximiliano.</i>	483	Clerus Wormatiensis urbe suâ pellitur.	322
Lotharingiam armis occupat.	484	Cum civibus reformat concordiam.	326
Alfatiam pecuniâ sibi comparat.	491	Clingenmünster transfertur ab ordine.	537
Gransee oppidum vi capit.	492	Colmaria ab Adolfo Imp. capitur.	58
Ab Helvetijs superatus fugatur.	492	Colonia ab Archiep. Colonienfi obsidetur.	15
Clenodij apud Helvetios relictis.	492	Fabricatur secreta urbis traditio.	16
Mortena obsidens fugatur ab Helvetijs.	493	Traditio propalatur.	16
Reinhardum Lotharingiæ Ducem persequitur.	493	Fit rursus concordia.	16
Ab Helvetijs tertio prælio perimitur.	494	Septennio Excommunicantur.	73
Quidam se Carolû Burgundû esse fingit.	506	Archiepiscopo rebelles.	87. 145. 161. 257. 268
Occultè fugit de Bruchsal.	506	Occidunt duos Canonicos Colonienfes.	219
Carolus VII. Rex Galliæ infelix.	369	Alius Canonicus in platea insidiosè occiditur.	629
Componit pacem cum Duce Burgundiæ.	364	Colonienfis Archiepiscopus septennio captivus tenetur.	53
Ducem Burgundiæ se coram occidi permittit.	364	Colonienfis Dicecesis vastatur à Comite Juliacensi.	53
Carolus VIII. Galliæ Rex Neapolim & Campaniam subjugat.	555	Colonienfis Universitas fundatur.	290
Quare Romam obsederit.	556	Conceptionis Immaculatæ assertio ex S. Brigitta.	256
Intromittitur sub certis pactis.	556	Conceptionem B. V. Immaculatam impugnare periculosum.	500
Regnum Neapolitanum obtinet.	556	Conceptio	



## Index Rerum Notabilium.

- Conceptio Immaculata B. V. confirmatur à Concilio Basileensi.** 414  
**A Doctoribus Parisiensibus.** 270  
**A Doctoribus Colonienſibus, & Moguntinis.** 570. 574. 583  
**Conciliabulum Piſanum indicitur.** 668  
**Cauſa conciliabuli Piſani.** 669  
**Concilium Aſchaffenburgenſe Provinciale celebratur.** 57  
**Concilium Baſileenſe indicitur.** 367. 381  
**Confirmatur à Papa.** 381  
**Citat Eugenium ad Concilium.** 398  
**Deponit Eugenium abſentem.** 402  
**Ejus acta confirmantur à Papa.** 414  
**Concilium Conſtantiienſe indicitur.** 335  
**Initium ejusdem Concilij.** 336. 337  
**Martinus PP. V. eligitur in Concilio.** 357  
**Finem accipit.** 359  
**Concilium Herbipolenſe celebratur.** 49  
**Concilium Lateranenſe indicitur.** 672  
**Concilium Lugdunenſe celebratur.** 20  
**Concilium Piſanum celebratur.** 327. 328  
**Concilium Viennenſe celebratur.** 125  
**Confluentia ab Archiepiſcopo Trevirenſi occupatur.** 102  
**Conradinus Dux Sueviæ exercitum ducit in Italiam.** 10  
**Nepotem Henricū Hiſpanum præmittit.** 11  
**Piſanorum auxilijs utitur.** 12  
**Clementis IV. præſagium de Conradino.** 12  
**Prælio vincitur & capitur.** 13  
**Capite plectitur.** 13  
**Conradus Abbas S. Joannis Rhingaviæ, & opera ejus.** 525  
**Conradus de Alzeia Cancellarius Palatinus.** 235  
**Opera ejus.** 261  
**Conradus Celtes Protuccius Poëta Viennæ moritur.** 636  
**Opera ejus.** 636  
**Conradus de Halberſtatt Ordinis Prædicatorum Doctör.** 65  
**Comportat Concordantias Bibliorum.** 65  
**Conradus de Monte Puellarum Ratisbonenſis, & opera ejus.** 187  
**Conſtantiienſes Helvetijs adſcribi optant.** 667  
**A Maximiliano Imp. impediuntur.** 667  
**Conſtantinopolis à Turcis capitur.** 426  
**Reliquiæ Sanctorum conculcantur.** 426  
**Libri ſacri in mari ſubmerguntur.** 426  
**Corona Regis Angliæ Trevirenſi Archiepiſc. impignoratur.** 184  
**Corporis Chriſti feſtum Wormatiæ admittitur.** 162  
**Corporis Dominici miraculum in Gallia.** 54  
**Sacramentum ſanguine manat.** 54  
**Judæus pro ſcelere ignis pœnam luit.** 55  
**Simile exemplum.** 546  
**Crux prædicatur contra Turcas.** 194. 536  
**A Militibus Teutonicis.** 663  
**Crucēs apparent in veſtibus hominum.** 580  
**Crucigeri pœnitentes in Italia.** 586  
**Cuno de Falckenſtein Adminiſtrator Eccleſiæ Moguntinæ.** 201  
**Audax facinus contra Cardinalem Columnenſem.** 201  
**Fastus ejus facere reprehenditur à Cæſare.** 237  
**Anglicanam Societatem proſtigat.** 246  
**Fit Coadjutor Eccleſiæ Trevirenſis.** 247  
**Fit Archiepiſcopus Trevirenſis.** 248. 253  
**Fit Adminiſtrator Colonienſis.** 255  
**Optimus Eccleſiarum Oeconomus.** 255  
**Moritur.** 286  
**Ingentem Succellori theſaurū relinquit.** 286  
**Cypri Regnum quomodo ad Venetos pervenerit.** 480
- ### D
- Dæmonum hiſtoria horribilis cum Monialibus geſta.** 578  
**Daniæ Regina è captivitate Suecorum liberatur.** 598  
**Daniel Presbyter Rex Francorum.** 27  
**Dantes Poëta ſcribit contra Eccleſiam.** 184  
**Deckingenſe Monafterium comburitur.** 685  
**Dietherus Archiepiſcopus deponitur.** 443  
**Cauſæ depolitionis ejus.** 443  
**Fit Archiep. Moguntinus.** 484  
**Obit ſepultus cum epitaphio.** 414  
**Dimbach templū B. V. Mariæ miraculoſe.** 142  
**Dirolfus Monafterij Hochheimenſis fundator.** 35  
**Diſſenſio inter duos fratres Hiſpaniæ Reges.** 10  
**Inter Hollandos Nobiles & Plebem.** 13  
**Inter Episcopum Herbipolenſem & Comites quosdam.** 15  
**Inter Archiepiſcopum & Cives Colonienſes.** 15. 145. 266. 360  
**Inter Cardinales pro eligendo Pontifice.** 18  
**Inter Electores pro eligendo Cæſare.** 19  
**Inter Nicolaum Papam & Carolum Apuliæ Regem.** 36  
**Inter Archiepiſcopum Moguntinum, & Comitem in Spanheim.** 36. 37  
**Inter Episcopum Herbipolenſem, & Comites Rothenburgenſes.** 37  
**Inter duos electos Moguntinos.** 45. 51. 102  
**Inter Comites de Spanheim, & de Veldentia.** 169. 198  
**Inter Bonifacium VIII. & Philippum Regem Galliæ.** 84  
**Inter duos electos Spirenſes.** 141  
**Inter duos electos Trajeſtenſes.** 164  
**Inter duos electos Herbipolenſes.** 176. 196



# Index Rerum Notabilium.

Inter Episcopum & Cives Herbipolenses.	195. 385
Inter Archiepiscopum Moguntinum, & Palatinum.	195. 539
Inter Ludovicum Regem Ungariæ & Venetos.	234.
Inter duos electos Colonienſes.	248
Inter Archiepiscopum & Moguntinos.	250
Inter Episcopum & Cives Wormatiens.	251. 370
Inter duos electos Moguntinos.	261. 300. 443
Inter Principes & Cives Regni Germanici.	274.
Inter duos electos Reges Neapolitanos.	294.
Inter Episcopum & Clerum Herbipol.	301
Inter Ludovicum Palatinum & Comitem in Spanheim.	332
Inter Ludovicum & Henricum Bavariae Duces.	357
Inter Episcopum & Cives Spirenses.	372
Inter duos electos Trevirenses.	376
Inter Clerum Moguntinum & Cives.	388
Inter Ladislai Ungari Matrem, & Uladislauum Polonum.	408
Inter Archiepiscopum & Clerum Colonienſem.	477
Inter Cives Bingios & Canonicos Moguntinos.	526
Inter Palatinum & Landgrafium Hassiæ.	575
Inter Clerum & Cives Wormatiens.	575
Inter Albertum & Rupertum Bavariae Duces.	603
Divion Urbs Burgundiæ à Maximiliano Imp. obsidetur.	686
Fit Pax inter Gallos obsessos, & Helvetios obſidentes.	686
Helvetijs dantur falsi obſides à Gallo.	688
Dracol' Waiwoda tyrannizat in Walachia.	428
Duellum inter Comitem de Isenburg & Nobilem de Oerbeck.	188
Inter Comitem de Monte, & Comitem de Blanckenheim.	244.
Inter Robertum Severinatem, & Comitem de Sonneberg.	529
Dulcinus instaurator Hæresis Fratricellorū.	103
Ejus errores.	103
Cum multis igne crematur.	104

## E

<b>E</b> berhardus Comes Rudolfo Imperatori rebellis.	42
Ad gratiam Imperatoris recipitur.	42
Adolfo Imperatori contrarius.	61
Tandem & Henrico VII. Imp. rebellis.	121
Castella 72. bello amittit.	121
Ad Marchionem Badensem confugit.	121
Sepultura Wirtenbergæ Comitum perfringitur.	122

Ejus bella memorantur.	167
Moritur.	168
Eberhardus II. Dux Wirtenbergiæ rebellis Imperio.	240
Arma movet contra Imperatorem.	241
Vincitur prælio ab Imperatore.	241
Pacem petere cogitur.	241
Quibus conditionibus.	243
Solemnes filiarum nuptias celebrat.	245
Moritur.	255
Eberhardus III. Dux Wirtenbergiæ obsidet Hohenkrehen.	503
Causa obsidionis.	503
Comitatus Wirtenbergicos unit.	512
Ex devotione Romam vadit.	513
Novum ordinem Sacerdotum instituit.	537
Moritur, & in habitu fratrum S. Petri sepelitur.	560
Elogium ejus vitæ.	560
Eberhardus junior fit Dux Wirtenbergiæ.	561
Non sedere, sed stare solitus inter edendū.	561
Eberhardi Clusa Monasterium Canonicorum Regularium.	429
A quo sic nominatum.	429
Edmundus Rex Angliæ fratrem suum in carcerem claudit.	496
Et in vino malvatico submergit.	497
Eduardus Anglorum Rex subtili astu filentium uxoris probat.	93
A propria uxore in vincula conjicitur.	155
Eduardus Angliæ Rex eligitur Rom. Rex.	203
Liberè resignat.	203
Regem Galliæ Joannem cum filio capit.	230
Certâ legeliberos dimittit.	238
Rursus invadit Galliam.	244
Egino Dux Zeringiæ Friburgum Brisgoiæ obsidet.	251
Prælio vincit Friburgenses.	252
Friburgum Austriæ Ducibus vendit.	253
Ehingenſes hominem pro pretio occidunt.	263
Eichſelensis Ecclesia prope Rheinfelden miraculis illustris.	598
Propter Reliquias SS. V V. Kunegundis, Wiboradis & Mechtildis.	598
Elisabetha Ducissa Wirtenbergiæ Hospes in Hirſaugia.	594
Mulca confert donaria Hirſaugiæ.	594
Elwangenſe Monasterium recedit ab ordine.	436. 531
Epitaphium Friderici Episcopi Spirensis.	87
Friderici Brunſchwicensis à Moguntinis occisi.	308
Ruperti Palatini Regis Romanorum.	331
Eugenij IV. PP.	414
Dietheri Archiepiscopi Moguntini.	514
Conradi Abbatis S. Joannis in Rhin-gauia.	525



- Eremita prædicit Rudolfo Habsburgio regale  
fastigium. 17  
Eremitarum seu Einsidlenſe Monasterium  
comburitur. 649  
Erneſtus Dux Bavarie ſubmerſionem Amalie  
ſue ulciſcitur contra Patrem. 392  
Eſſlingenſes Imperio rebelles. 239  
Pacem emergere compelluntur. 240  
Eugenius IV. PP. confirmat Concilium Baſi-  
leenſe. 381  
Denuo confirmat. 384  
Seorſim celebrat Concilium Ferrarie. 392  
A Concilio Baſileenſi deponitur. 402  
Tentat deſtruere Concilium Baſileenſe. 413  
A Concilio Baſileenſi ut verus Papa agno-  
ſcitur. 413  
Moritur & ſepelitur cum addito epita-  
phio. 414

## F

- F**ames diuturna Germaniam vexat. 135. 186  
Felix V. antea Amedæus eligitur Papa à  
Concilio Baſileenſi. 403  
De origine, vita & moribus ejus. 403  
Multos creat Cardinales. 404  
Ex his Nicolaum Abbatem Panormita-  
num. 404  
Nicolao Papæ electo cedit. 419  
Quibus conditionibus. 419  
Ferdinandus Rex Hiſpanie Granatam occu-  
pat. 186  
Flagellantium Secta exoritur. 207  
Numerus eorum in Suevia. 208  
Veniunt Avenionem ad Papam. 208  
Litteræ Clementis Papæ contra eoſdem. 209  
Eorum errores & vitia. 209  
Brevi tempore evaneſcunt. 211. 296  
Flandri prælio vincuntur à Gallis. 67  
Comites Flandrie capiuntur à Philippo  
Gallie Rege. 67. 83  
Gravi jugo premuntur à Gallis. 83  
Conſpirant contra Rectores Gallicos. 83  
Gallorum ter mille quadringenti cædun-  
tur. 84  
Wilhelmus Comes Rheni fit Dux Flandro-  
rum. 90  
Bellum parant contra Gallos. 91  
Acriter præliantur contra Gallos. 92  
Guidoni Duci ſe ſubmittunt. 93  
Ab Eduardo Anglie Rege per aſtum adju-  
vantur. 93  
Treugas faciunt cum Rege Gallie. 93. 96  
Foſſarii Hæretici in Bohemia. 319  
Flandrie Comitatus obvenit Ducibus Bur-  
gundie. 275  
Franciſcus Salviatus Archiepiſcopus Piſanus  
Florentie ſuspenditur. 428



# Index Rerum Notabilium.

Fridericus Dux Austriae contra Ludovicum Bavarum eligitur Imperator Romanorum. [137](#)  
 Bellum movet in Ludovicum Bavarum. [138](#)  
 Elslingam obsidet. [138](#)  
 Argentinam oppugnat. [142](#)  
 A Ludovico Bavaro funditur. [142](#)  
 Bavariam devastat. [146.](#) [148](#)  
 A Pontifice in Italiam vocatur. [155](#)  
 Bellum contra Ludovicum Bavarum instaurat. [156](#)  
 Prælio victus unâ cum fratre capitur. [156](#)  
 Friderici liberatione magus pollicetur. [159](#)  
 Fridericus Burggrafius Noricus fit Marchio Brandenburgicus. [355](#)  
 Non admittitur à Brandenburgensibus. [355](#)  
 Armis obtinet Marchiam Brandenburgensem. [356](#)  
 Progenies ejus. [356](#)  
 Dux Christianorum contra Bohemos Hufitas. [366](#)  
 Fridericus Brandenburgensis Marchio & liber ejus. [683](#)  
 Fridericus Dux Austriae proscribitur à Sigismundo Imperatore. [340](#)  
 Joannem Papam XXIII. Concilio Constantiensi restituit. [340](#)  
 Fridericus III. Dux Austriae fit Rex Romanorum. [405](#)  
 Ducit uxorem Leonorâ Lusitanam. [405.](#) [423](#)  
 Fit Tutor Ladislai Regis Ungariae. [406](#)  
 Renuit acceptare coronâ Bohemicam. [406](#)  
 Aquilgrani coronatur. [408](#)  
 Turcarum 30000. prælio fundit. [411](#)  
 Delphinum Galliae frustra contra Helveticos incitat. [412](#)  
 Nicolaum Papam legitimum agnoscit. [416](#)  
 A Nicolao Papa Romae coronatur. [422](#)  
 Falsa de eo vaticinia prædicta. [423](#)  
 A subditis obsidetur in Neustatt. [425](#)  
 Fridericum Palatinum bello invadi [curat.](#) [436](#)  
 A subditis rebellibus obsidetur Viennæ. [456](#)  
 Recusat Carolo Burgundo dare Regnum Siciliae. [481](#)  
 Carolo Burgundo dat Geldriae Ducatû. [502](#)  
 Filium Maximilianum in Regem eligi curat. [525](#)  
 Bello aggreditur Brugenses pro liberando filio. [531](#)  
 Bellum movet contra Ducem Bavariae generum. [550](#)  
 Moritur, & Viennæ sepelitur. [552](#)  
 Fridericus Palatinus Dux fit Tutor Philippi. [420](#)  
 Bello invadit Comitem de Lûzelstein. [424](#)  
 Comitatum Lûzelstein armis obtinet. [425](#)  
 Oppidum Bergzabern vi occupat. [429](#)  
 Montfort castrum prædonum destruit. [432](#)

Contra octodecim Principes hostes se tuetur. [436](#)  
 Causa discordiae cû Duce Wirtembergiae. [436](#)  
 Schauenburgense castrum invadit. [437](#)  
 Ludovicum Ducem Bavariae sibi conciliat. [437](#)  
 Cum Diethero Archiepiscopo Moguntino pacem init. [438](#)  
 Ludovico Nigro Palatino praevalet. [438](#)  
 Comitem Liningensem opprimit. [439](#)  
 Dietherum Archiep. Moguntinum fovet. [444](#)  
 Ducem Wirtembergiae debellat. [445](#)  
 Tres Principes cædit & capit, Badensem, Metensem & Wirtembergicum. [451](#)  
 Pecuniâ multat captivos Principes. [451](#)  
 Ruperto fratri Coloniensi Archiepiscopo auxiliatur. [468](#)  
 Weissenburgense Monasteriû reformat. [469](#)  
 Bugsberg & Schlupff castra prædonum destruit. [470](#)  
 Weissenburgense oppidum obsidet. [472](#)  
 Ludovici Nigri oppida occupat. [472.](#) & seqq.  
 Concordiam init cum Ludovico Nigro Palatino. [476](#)  
 Oppida quæ Ludovico Nigro eripuit. [476](#)  
 Moritur, in habitu FF. Minorû [sepultus.](#) [479](#)  
 Frumenta Germanis è Sicilia advehuntur. [135](#)

## G

Gaguini Roberti Galli effatû de Gallia. [280](#)  
 Galeatius Vice-comes Mediolani instituitur. [170](#)  
 Galli Armigniaci vastant Alsatiam. [399](#)  
 Superantur ab Helvetijs. [399](#)  
 A Ludovico Palatino cæsi fugantur. [399](#)  
 Gallicus morbus exoritur. [563](#)  
 Gallorum Regnum misere collapsum. [369](#)  
 S. Galli Abbas inquietatur abs oppidanis S. Galli. [532](#)  
 Construit Monasterium in Roschach. [532](#)  
 Monasterium novum ab oppidanis destruitur. [533](#)  
 Helveticos in auxilium vocat. [533](#)  
 Recipit compensationem damnorum. [533](#)  
 S. Galli Oppidani rebelles Domino Abbati S. Galli. [320.](#) [321](#)  
 Obsidentur à Friderico Duce Austriae. [323](#)  
 Monasterij S. Galli portas effringunt. [532](#)  
 Novum Monasterium in Roschach destruant. [533](#)  
 Compelluntur Abbati satisfacere. [533](#)  
 Geldriae Dux fratrem in vincula conjicit. [345](#)  
 Propter adulterium occiditur. [359](#)  
 Geldriae ducum Genealogia emoritur. [359](#)  
 Geldriae Ducatum Arnoldus de Egmunia occupat. [510](#)  
 A Friderico Imp. datur Carolo Burgundo. [520](#)  
 Frideri-



- Fridericus Comes in Spânheim præterdit  
 Ducatum. 503  
 Carolus puer Arnoldi filius capitur à Caro-  
 lo Burgundo. 503  
 Varietas infortuniorum ejus. 503. 554. 569.  
 571. 629  
 Gengenbacense Monasterium reformatur. 586  
 Abbas fugit cum Clenodijs. 587  
 Georgius Bohemiae Rex deponitur à Pio II.  
 Papa. 462  
 Gerardus Episcopus Herbipolensis. 291  
 Occupat oppida Schweinfurt & Wins-  
 heim. 291  
 Obsidet Montem Gigantum. 296  
 Herbipolenses prælio cædit. 306  
 Gerardus Gros Doctor & opera ejus. 261  
 Ejus de Monialibus dictum. 261  
 Gerardus Monachus S. Quintini Doctor &  
 opera ejus. 53  
 Gerlacus Abbas Tuitiensis capitur. 588  
 Causa captivitatis ejus. 589  
 Germaniae Regnum Romanis non subje-  
 ctum. 157  
 Quid comprehendat. 19. 163  
 Interdicto supponitur à Papa. 182  
 Gießen castrum prædonum capitur ab Archi-  
 episcopo Moguntino. 147  
 Gottfridus Bruchsalensis civis à mortuis re-  
 surgit. 149  
 Refert visionem suam. 151  
 Mirabilia quæ retulit. 151  
 Variæ in purgatorio pænæ. 153  
 Missarum celebratio prodest animabus. 153  
 Multi vocati, pauci verò electi. 153  
 Non sine opinione sanctitatis moritur. 155  
 Gottfridus Schenk de Limpurg fit Episcopus  
 Herbipolensis. 409  
 Primus se scribit Ducem Francorum. 409  
 Gotzaugiensis Abbas certat cum Christophoro  
 Marchione Badensi ob Advocatiam. 650  
 Sumptus litis negantur Abbati à Mona-  
 chis. 650  
 Abbatiam resignat. 650  
 Græca Ecclesia se Romanæ submittit. 21  
 Græcorum Imperium à Turcis occupatur. 426  
 Granatæ Regnum ab Hispaniæ Rege occupa-  
 tur. 546  
 Grandinis tempestas damna infert. 636. 649  
 Gregorius X. S. Bonaventuram creat Cardi-  
 nalem. 18  
 Concilium generale Lugduni celebrat. 20  
 Contributionem Decimarum indicit con-  
 tra Saracenos. 21  
 Gregorius XI. PP. Romam ab Avenione re-  
 vertitur. 269  
 Occasio hujus reditûs. 269  
 Decimam fructuum petit, sed frustra. 269

Grego  
 pa  
 In C  
 pa  
 Gunthe  
 tu  
 Ejus  
 Bo  
 Pacer  
 Vene

H Ag  
 H  
 Capit  
 Hall opp  
 Hartman  
 in Rhe  
 Hartman  
 obit.  
 Hassiæ C  
 Eccle  
 Defend  
 obser  
 Fit Arc  
 Reform  
 Munific  
 Domini  
 Constr  
 Hassiæ Lar  
 bello v  
 Wilhel  
 Genealo  
 Heidelberg  
 Quando  
 Henricus A  
 etor.  
 Henrichs Ba  
 Moguntin  
 Henricus Ca  
 ra ejus.  
 Henricus Car  
 Henricus de  
 opera ejus.  
 Henricus de E  
 Henricus de  
 opera ejus.  
 Henricus de G  
 Henricus de  
 ejus.  
 Henricus de H  
 opera ejus.  
 Henricus de S  
 Fuldenfis an  
 peregrinante  
 Henricus Luzer  
 rator.



# Index Rerum Notabilium.

Aquisgranī coronatur.	117	Inopiā premitur.	10
Ejus uxor & liberi.	117	Moritur.	32
Adolfum & Albertum Impp. uno sepulchro condit.	118	Abbas XXVII. Volandus eligitur.	32
Corpus Reginae Beatricis Spiræ reperit.	118	Negligens in regimine.	32
Conventum Principum Spiræ celebrat.	119	Vendit aliqua bona.	33
Joanem filium ex Comite creat Ducem.	119	Resignat munus Abbatiale.	38
Eundem creat Regem Bohemiæ.	120	Abbas XXVIII. Crafftio, eligitur.	38
Comitem Wirtenbergiæ rebellem persequitur.	121	Hirsaugia sub eo non restituitur.	39
Septuaginta duo ejus castella occupat.	121	Moritur.	58
Comitē Oetingensem rebellē proscribit.	122	Abbas XXIX. Gottfridus eligitur.	59
Duces Austriæ metu cogitur investire de Austria.	122	Sub eo aboletur consuetudo adultos tantum suscipiendi, non pueros.	59
Coronâ frefrâ Mediolani coronatur.	123	Dotes corporis & animi ejus.	60
Lombardiam & urbes rebelles expugnat.	123. 125	Moritur.	79
Romam cum exercitu intrat invitis Urfinis.	127	Abbas XXX. Henricus II. eligitur.	79
Romæ solemniter coronatur.	128	Monasterij bona plura alienavit.	80
Florentiam obsidet.	128	Discordia oritur inter ipsum & Conventum.	140
Robertum Regem Apuliæ regno privat.	129	Malè sibi conscius.	148
Morbo Dyssenteriae laborare incipit.	130	A Ludovico Imperatore deponitur.	143
Historia porrecti veneni fictitia esse probatur.	130	Abbas XXXI. Sigismundus & Gerardus in dissensione eliguntur.	144
Moritur in oppido Bonconvento.	130	Causæ, cur mali Abbates eligantur.	144
Patrum Prædicatorum innocentia demonstratur.	131	Sigismundus Abbas declaratur abs Archiepiscopo Moguntino.	145
Argentinenfes Dominos despexit, supplices audivit.	134	Ab omnibus suscipitur.	145
Herbipolenses persecutores Clericorū.	44. 181	Moritur.	189
Episcopo Domino suo rebelles.	224. 244. 302	Abbas XXXII. Wichardus eligitur.	190
Comburent Cœnobia S. Burkhardi & S. Jacobi.	303	Alienata bona redimit.	190
Septendecim vicibus Episcopo suo rebelles.	304	Disciplina claudicat.	191
Episcopum obsident in Monte S. Mariæ.	304	Fit divisio reddituum inter Abbatem & Conventum.	191
Incendiarij & captivatores Sacerdotum.	305	Hirsaugia sub eodem sterilis.	226
Prælium ineunt cum exercitu Episcopi.	306	Moritur.	226
Victi vario mortis genere puniuntur.	306	Abbas XXXIII. Wichardus II. eligitur.	226
Denuo vincuntur rebelles Episcopo.	393	Mores & industria ejus laudantur.	227
Herbipolense Concilium contra exactiones Papæ.	42	Innocentius VI. confirmat bona Hirsaugiensia.	227
Herbipolense Gymnasium transfertur Erphordiam.	296	Moritur.	238
Causæ Translationis.	296. 314	Abbas XXXIV. Wignandus eligitur.	239
Herbipolensis Episcopus judicium provinciale à Pipino habet.	37	Magna sub eo Monachorum ignavia.	239
Herbipolensis Clerus spoliatur.	46	Moritur relictis post se debitis & dissolutione monastica.	276
Hermannus de Schildis Doctor & opera ejus.	187	Abbas XXXV. Gottfridus II. eligitur.	276
Hieronymus Pragensis intrat Constantiam.	341	Moritur, relinquens Monasterium debitis gravatum.	292
Fugiens occultè retrahitur.	342	Abbas XXXVI. Wichardus III. eligitur.	293
Et ad carceres rapitur.	342	Moritur.	318
Unâ cum Husso ad ignes damnatur.	343	Abbas XXXVII. Fridericus II. eligitur.	311
S. Hildegardis canonizatio instituitur.	142	Ejus mores & ingenium.	312
Hirsaugiensis Abbas XXVI. Joānes eligitur.	9	Comparet in Concilio Constantiensi.	350
		Monasterij immunitatem tuetur.	372
		Moritur.	373
		Abbas XXXVIII. Wolframmus eligitur.	373
		Bursfeldensem observantiam introducit.	374. 433
			Richen-







# Index Rerum Notabilium.

Insulae fortunatae sunt habitabiles.	536	Joannes de Erphurt Doctor, & scripta ejus.	365
Insulae novae in mari reperiuntur.	427. 552	Joannes de Francofordia Doctor, & opera ejus	417
Joachim Marchio Brandenburgicus fundat Universitatem Francofurti ad Oderam.	630	Joannes de Gandersleben Francus Astronomus.	174
Doctorum Mœcenas.	519	Joannes de Grumbach fit Episcopus Herbipolensis.	428
Cultor Justitiae & Pietatis.	519	Joannes de Hildesheim Carmelita, Doctor & opera ejus.	245
Joanna Puella Lotharinga pugnat pro Rege Galliae.	371	Joannes de Niclashausen subulcus seductor.	488
Ab Anglis capta comburitur.	381	Ingens hominum concursus ad ipsum.	486
Joannes Abbas Bursfeldensis Doctor, & opera ejus.	588	Articuli errorum ejus.	487
Joannes à Baden Archiepiscopus Trevirensis Alchimista.	287	Captivus ad arcem Herbipolensem ducitur.	488
Joannes Blumenthalius Doctor.	174	Rustici ejus liberationem urgent.	489
Joannes Bohemiae Rex Lombardos rebelles Imperio subigit.	173	Ad ignem damnatur.	490
Joannes Brabantiae Dux in hastiludio occiditur.	65	Varia de eodem opinio.	490
Joannes Burgundiae Dux elatione sua Christianos perdit.	298	Joannes de Ruppelschla, Alchimista, & opera ejus varia.	225
Galliam devastat.	360	Joannes de Thambach Ord. S. Dominici Doctor & opera ejus.	245
Cum Carolo Rege Galliae pacem componit.	364	Joannes de Wesalia Doctor ab Inquisitore examinatur.	500
In praesentia Caroli Regis insidiosè occiditur.	364	Errores, quos praedicasse dicebatur.	501
Philippus filius ejus necem Patris ulciscitur.	364	Errores suos revocat.	502
Joannes Camerarius Dalburgius Episcopus Wormatiensis.	514	Brevi post praemortem obit.	502
Vir Doctissimus.	514	Joannes Fustinus Carmelita Doctor & opera ejus.	261
Trium linguarum peritus.	596	Joannes Galliae Rex cum filio capitur ab Anglis.	230
Series operum ejus.	596	Liber cum filio dimittitur.	238
Joannes Capistranus Crucem praedicat in Germania.	428	Joannes Hunniades malleus Turcarum	430
Joannes Castellensis Monachus scribit super Regulam S. Benedicti.	365	Joannes Hufs Praefectus Scholae Pragensis.	315
Joannes Comes Habsburgi Albertum Imperatorem Patrum suum interficit.	114	Errorum Wicleffi praedicator.	315
In Monasterium ad agendam poenitentiam ponitur.	115	Articuli errorum ejus.	316
Joannes Comes Habsburgi Tigurum per insidias tentat.	220	Invidia origo errorum ejus.	318
Joannes Comes Hollandiae Comitatum ab Imperio suscipit.	79	Inquiritur ab Episcopo Pragensi.	318
Joannes Danck Saxo Astronomus.	174	Clerum Bohemiae bonis suis spoliatur.	318
Joannes Denock Ord. S. Aug. Doctor & opera ejus.	245	A Bohemis mittitur ad Concilium Constantiense.	338
Joannes de Brunn Episcopus Herbipolensis capitur.	402	Fugiens ex Urbe Constantiensis retrahitur.	338
Joannes de Burbon Episcopus Leodiensis.	463	Vinculis mancipatur.	338
In Tungrensi oppido obsidetur.	463	Ad ignem damnatur.	343
Capitur à Leodiensibus.	466	Joannes Leodiensis Episcopus à Leodiensibus obsidetur.	326
A Wilhelmo de Arnburg occiditur.	514	Leodienses atroci praelio cedit.	327
Joannes de Emmenhausen, Doctor & opera ejus.	245	Dimisso Episcopatu uxorem ducit.	329. 357
Joannes de Erphordia Ord. Minorum Doctor, & opera ejus.	217	Jacobam neptem Comitibus privat.	329
		Moritur.	370
		Joannes Livenfis Mosellanus Doctor & opera ejus.	267
		Joannes Mercurius Italus mira proficitur.	584
		Alchimista sed pauper.	584
		Examinatus à Medicis probatur.	584
		Ensem mirabilem donat Regi Galliae.	584
		Joannes Montefanus Ord. S. Dom. Doctor.	271

U u u u 2

Impu-

Joannes  
de Lup.  
p. 329



Impugnans Con-  
cogitur.  
Joannes PP. XXI. domo  
Joannes PP. XXII. eligitur.  
A Senatu Romano monetur  
redeat.  
Responsum ejus Romanis  
De ejus abrogatione agitur  
Censuras in Ludovicum  
nat.  
XXIII. fit Papa.  
Concilio Concilium  
dicti Con-

Relp  
De ejus ab  
Censuras in Lu  
nat.  
Joannes XXIII. fit Papa.  
Constantiense Concilium  
Constitit cum indicti Co  
tam intrat.  
Conizat.

Constantium indicat.  
Pœnitentiam intrat.  
Constantiam canonizat.  
S. Brigittam canonizaturum  
Jurat se renuntiaturum  
Multam in eum dicuntur  
de Constantia.  
Aus carcer

Jurat in eum  
Multum in eum  
Fugit de Constantia.  
Ex fuga retracts carce  
Ex concilium à Papat  
captivum

Ex fuga recedens  
Per Concilium a Pap  
Heidelbergam captiv  
iber dimissus venit a  
moritur.

Liber dimillus  
Florentiae moritur.  
Cosmus de Medicis  
net. Rhingauie

S. Joannis Rhingaugien  
matur. Rhode ex Cane

Joannes Rhode ex Cane  
Ex Mon. Carthusiæ A  
S. Joannis Rhod  
matur.  
S. Joannis Rhod  
matur.  
S. Joannis Rhod  
matur.

Reformat Mon.  
Scripta ejus.  
Rusbrochius

Scripta ejus.  
Joannes Rusbrochius  
opera ejus.  
Joannes Schonhove

Joannes  
opera ejus.  
Joannes Schonhove  
opera ejus.  
Georgius D.

Joannes Scotus D.  
opus. Mari Ord. E.

Joannes Veri Ord.  
ptionem. B. V.  
allitur mal

Joannes Ver  
ptionem. B. V.  
Compellitur mal  
Joannes Wittlich T

Joannes Wittlich T  
ra ejus.

ra ejus.  
Jubilæus annus pri  
De centesimo in

De centesimo in  
tur.  
Judæi persecutione  
In Helvetia.

**Judæi persecutione  
In Helvetia.  
Et alibi.**

Et alibi.  
Bona eorum da  
Dictum Rudolphi

Bona eorum da  
Dicitur Rudolphi  
Seipsum cum do  
noli

Seipſos cum do  
poli.  
Maſtantur ut pec  
Emunt à Sacerd

Maſtantur ut pec  
Emunt à Sacerdot  
Punſturis idem v

Puncturis idem vu  
In terram defodiunt

In terram defodiam



# Index Rerum Notabilium.

Iterum rebellant Carolo Burgundo.	465	Bellum contra Fridericum Austriam aequè	
Episcopum suum capiunt.	466	electum mover.	138
Civitas obsidetur & capitur à Carolo Burgundo.	466	Victoriam obtinet.	138
Innocentes cum nocentibus crudeliter occiduntur.	467	Fridericum rursus in fugam compellit.	142
Liebenaugienſe Cœnobium Monialium fundatur.	73	Raptores & latrones necari jubet.	147
Liga ſotularia ruſticorum exoritur.	589	Bingianam ſeditionem compeſcit.	149
Vexillum Conjuratiſonis erigitur.	589	Fridericum prælio victum capit.	155
Articuli, quos aſſerebant.	589	A Joanne XXII. PP. excommunicatur.	157
Conjurati capiuntur jūſſu Maximiliani Imperatoris.	591	Articuli Papæ contra Ludovicum.	157
Limpurgenſe Monasterium reformatur.	511	Conſutatio eorundem articulorum.	157
Per Præſidium Palatinum occupatur.	623	Citatus Avenionem non comparet.	159
Res Monasterij transferuntur Spiram.	623	Ejus fraus pro Comitatu Tirolenſi.	160
Palatinenſes Monasterium ſpoliant.	624	Inſignia regni recipit à Lupoldo Austrio.	162
Prior & Mon. è Monasterio recedunt.	624	Fridericum liberum dimittit.	163
A Dürckheimenſibus ſpoliatur.	625	Quibus conditionibus.	163
Monasterium ſpoliatum incenditur.	625	Comitem Geldriæ in Ducem elevat.	164
Eccleſia Limpurgenſis erat olim pulcherrima.	625	Mediolani coronâ ferreâ coronatur.	166
Duodecim diebus & noctibus duravit incendium.	626	Romam ingreſſus coronatur.	167
Sepulchra mortuorum effodiuntur.	626	Nicolaum V. Antipapam creat.	167
Limpurgenſis Abbas accuſat Emichonem Comitem ſuper incendio Monasterij.	628	Galeatium Vice-comitem Mediolani inſtituit.	170
Mors Abbatis liti finem imponit.	629	Ducatum Bavariz dividit.	173
Abbates aliquot reformari.	648	Pacem poſcit à Benedicto PP. XII.	179
Lipſienſis Univerſitas originem ducit à Pragenſi.	315	Dominicanos Spirâ expellit.	180
Locuſtarû agmina in Francia & Suevia. 185.	350	Perſequitur Papæ obediētes.	182
Lotharij Regis Francorum proſapia.	27	Edictû ejus contra obediētiā Eccleſiæ.	183
Lotharingia à Carolo Burgundo occupatur.	484	Bellum minatur Gallorum Regi.	193
Renatus Dux Lotharingiæ totam recuperat.	494	Cadens de equo moritur.	201
Lotharingiæ Ducis ridendû mandatû.	495	Veneri à Maultaſchia porrecti ſuſpicio.	201
Lotharingiæ Dux Metim obſidet.	535	Articuli abrogationis ejus.	202
Lovaniēſis Univerſitas fundatur.	368	Ludovicus Bavariz Dux obſidet Eichſtettam.	434
Lucerna Urbs Helvetiæ confœderatur Schwitrenſibus.	223	Marchionem Brandeburgicû debellat.	434
Lucia Monialis Ord. S. Dom. Chriſti ſtigmatibus inſignita.	580	Reus læſæ Majestatis à Cæſare judicatur.	434
Ludolfus in Carthusia Argentinenſi Doct̃or.	174	Se tuetur contra octodecim Principes hoſtes.	437
Ludovicus Bavariz Dux unde Dives dictus.	271	Ludovicus Comes Palatinus moritur.	46
Ludovici Bavariz Ducis in patrem impietas.	407	Ejus progenies.	47
Ludovicus Bavariz Dux totam Bavariam occupat.	129	Ludovicus Dux Palatinus Patri Ludovico Barbato Principatum abrogat.	393
Eligitur Imperator à parte Electorum.	136	Genealogia Ludovici Ducis Palatini.	328. 393
Rudolfum fratrem Comitem Palatinum è Patria pellit.	137	Prælio fundit Gallos Armigniacos.	399
Vitæ ſuæ ſtructas inſidias evadit.	137	Uxorem ducit filiam Amedæi Ducis Sabaudiz, poſtea Felicis Papæ.	403
Cauſa cur fratrem expulerit.	137	Ludovicus Dux Palatinus ſuccedit Patri Philippo Electori Palatino.	637
Uxor & liberi ejus.	138	Fratres & Sorores Ludovici.	637
Aquiſgrani cum uxore coronatur.	138	Ludovicus Niger Dux Palatinus infeſtat Fridericum Palatinum.	429
		Ludovicus XI. Galliz Rex Pragmaticam ſanctiōem abrogat.	445
		Burgundiam occupat.	495
		Flandriam hoſtiliter infeſtat.	495
		Atrebatum obſidet & capit.	495
		Hesdinum cum arce ſibi ſubijcit.	496
		Mariam Maximiliani ſponſam rapere tentat.	496
			Bellum

U u u u 3

Joappen -

266.



Bellum movet  
Infirmus musica lev  
Moritur Turonis.  
Ludovicus XII. Galliae Rex.  
Mediolanum occupat fugato Duce.  
Helvetios per falsos obsides decipit.  
Ludovicus Helianus orator Regis Galliae  
orat contra Venetos in Conventu Pr  
pum Augustano.  
Ludovicus Sfortia Dux Mediolani d  
captivus in Galliam.  
Lupoldus d Bamberg Canonicus &  
ejus.  
Lupoldus Dux Austriae contra Helvet

ver.  
Ab iisdem praelio funditur,  
Bavariam devastat.  
Insignia regni Ludovico Bavaro tr  
tit.  
Lupoldus II. Dux Austriae ab Helvet  
occiditur.

Series Nobilium cum eo occisoru  
Lupoldus III. Dux Austriae Patri suc  
Bellum indicit Helvetijs.  
Luporum horrenda rabies homi  
rantium.

Opinio vulgi de rabidis lupis.  
Opinio Wilhelmi Parisiensis  
lupis.  
Lusoris cujusdam vesana impietas  
Imaginem Crucifixi gladio im  
Imago vulnerata emittit cruor  
Luzenburgensis Comitatus erigi  
catum.

A Vidua regitur.  
Occupatur a Wilhelmo Duce  
Tandem cedit Philippo D  
dia.

Lupson

M  
M Agorum libros redargue  
Magus pollicetur Frider  
berationem e vinculis.  
Fridericus non acceptat.  
Mahomet Turcarum Rex  
pat.

Peloponnesum & Pontum  
Calcedonem subvertit.  
Marcha provincia Helvetiae  
Austriaca per Abbatiscellenses  
S. Martini sedes aurea Moguntia.  
S. Matthiae Apostoli Caput Trevis  
fertur.  
Matthias ex Monacho S. Benedicti Archiepi  
scopus Moguntinus.  
Matthias Hunniades fit Rex Hungariae.  
Malleus Turcorum.

Donum est. 41  
Austro li-  
159  
160  
159  
433  
439  
473  
326  
121  
376  
147  
432  
432  
Bellum prosequit  
Constantiam rebell  
Scribit Trichemio Ab  
Treviris Tunicam Dom  
Gallorum perfidiam Ab  
Emichonem Comitem de  
Majestatis reum denun  
Lombardiam cum Mediol



# Index Rerum Notabilium.

Julio Papæ confederatur. 681  
 Venetos atroci prælio fundit. 685  
 Teruanâ Urbem occupat contra Gallos. 685  
 Helvetios ad Burgundiam occupandam  
 conducit. 686  
 Mechlinia igne cælesti incensa conflagrat. 180  
 Mediolanum Camera Imperij Romani. 301  
 Mediolani Vice-comes in Ducem elevatur. 301  
 Mediolanenses ab Helvetijs cæduntur. 503  
 Melchior Abbas S. Florini in Schönaw mortis  
 suæ præsciis. 551  
 Eiusdem opuscula. 551  
 Melchior de Mocka Episcopus Brixinensis,  
 Alchimista. 288  
 Michaël Cæsenas Minorum Generalis dam-  
 natur à Papa. 158  
 Michaël de Leone Herbipol. & opera ejus. 216  
 Miraculum B. V. M. apud Bingen. 89  
 Fur lapides de corona Imaginis avellit. 89  
 Imago B. V. sudat. 89  
 Lac & sanguis ex vulnere Imaginis profi-  
 lit. 89  
 Prædo in flumen se præcipitat. 90  
 Albertus Imperator Imaginem visitat. 90  
 Capella in eo loco construitur. 90  
 Misnensium Marchionatus Imperio unitur. 58  
 Modona civitas Moreæ capitur à Turcis. 579  
 Moguntia à Nobilibus per insidias capitur. 324  
 Per traditionem Civium proditur. 453  
 Ab Adolfo Archiepiscopo capitur. 453  
 Antea libera, in servitutem redigitur. 455  
 Moguntina Universitas instituitur. 485  
 Moguntini Canonici certas possessiones  
 emunt. 17  
 Moguntini Cives rebelles suo Archiepisc. 169  
 Ecclesias quasdam destruunt. 169  
 Exterminantur. 169  
 Spoliantur & trucidantur. 453  
 Monasteria ab Ord. S. Benedicti translata. 566  
 Monstrum nascitur in Boppardia. 391  
 Aliud Bergæ in Diocesi Trevirensi. 297  
 Aliud Burgstatti, duæ puellæ frontibus  
 junctæ. 552  
 Montis Monachorum Cœnobium Bambergæ  
 reformatur. 456  
 Morbus dictus Chorizatio S. Joannis grassa-  
 tur. 263  
 Mortena obsidetur à Carolo Burgundo. 493  
 Murhartensis Cœnobij translatio impeditur à  
 Duce Wirtenbergiæ. 567  
 Reformatur per Monachos Laurissenses. 567

## N

Nanse oppidum Lotharingiæ recupera-  
 tur à Duce Renato. 423  
 Rursus obsidetur à Carolo Burgundo. 423  
 Clades Caroli Burgundi prope Nanse. 424

Neuweiler Monasterium transfertur ab Ord.  
 S. Benedicti. 559  
 Apostata Abbas facerè taxatur. 559  
 Nicolaus de Bibera Francus Doctor & opera  
 ejus. 65  
 Nicolaus de Cusa Cardinalis præsidet Capi-  
 tulo Benedictino. 423  
 Abbates sub juramento ad reformationem  
 compellit. 424  
 Unionem Bursfeldensem approbat. 424  
 Capitur à Sigismundo Duce Austriæ. 432  
 Nicolaus de Dünckelspül Doctor & opera  
 ejus. 365  
 Nicolaus de Flüe mirabilis Eremita Helve-  
 tiæ. 504  
 Magnus fit undique ad eum concursus. 505  
 Præsciis futurorum. 505  
 Dissidentes ad Concordiam revocat. 505  
 Cujusdam Abbatis tentantis avaritiam de-  
 tegit. 527  
 Sanctissime obit. 527  
 Sanctitas ejus magnorum Principum testi-  
 monio probatur. 527  
 Helvetij sanctitatem ejus experimento pro-  
 bant. 528  
 Nicolaus Hussitarum Princeps. 358  
 Nicolaus V. Papa eligitur. 414  
 In Principum Imperij Conventu agnosci-  
 tur. 416  
 Condiciones à Felice V. aliàs Amedæo pro-  
 positas admittit. 419  
 Confirmat Acta Concilij Basileensis. 420  
 Fridericum Imperatorem coronat. 422  
 Crucem prædicari jubet contra Turcas. 427  
 S. Nicolaus Tolentinas canonizatur. 418  
 Nicopolitani Turcarum 40. millia cædunt. 430  
 Norinbergenses Imperatori Carolo rebel-  
 les. 204  
 Pecuniâ Imperatori reconciliantur. 204  
 Senatui & Imperatori rebelles. 237  
 Princeps factionis pecuniâ fit proditor fa-  
 ctionis. 238  
 Artificum Tribus deponuntur. 238  
 Exceptâ Macellariorum Tribu. 238  
 Oesties vincuntur ab Alberto Brandenbur-  
 gico. 421

## O

Ochsenfurt à civibus Herbipolensibus ca-  
 pitur. 183  
 Odenheim Monasterium transfertur ab or-  
 dine. 559  
 Tétrastichon in Abbatem Apostatam. 559  
 Odoacer Rudolfo Imperatori rebellat. 29  
 Austriam vi occupat. 30  
 Prælio vincitur à Rudolfo. 30  
 Fit scædisfragus Rudolfo. 31  
 Con-







# Index Rerum Notabilium.

Flandros gravi jugo premit.	83
A Flandris superatur.	84
Bonifacium Papam offendit.	
Monetam deteriore facit.	91
Rursus superatur à Flandris.	92
Cum Flandris Treugas facit.	93
Bonifacium Papam per Sciarram capi curat.	94
Ab Excommunicatione absolvitur.	95
Flandros navali & terrestri prælio vincit.	97. 98
Pacem componit cum Flandris.	99
Sex petitiones à Clemente V. PP. postulat.	101
Aliaejus petitio crudelis ad Papam	106
Judæos in toto regno vel occidit, vel pellit.	105
Quâ causâ inductus.	105
Templariorum ordinem extirpat.	110
Extincto ordine multa mala patitur.	113
Fratri suo Carolo Romanum ambit Imperium.	115
Petitio ejus iniqua in Concilio refutatur.	125
Moritur.	136
Pipinus Major Domus fit Rex Francorum.	27
Pius II. antea Æneas Sylvius fit Papa.	433
Dietherum Archiepiscopum Moguntinum deponit.	443
Expeditionem indicit contra Turcas.	457
Deponit Georgium Bohemæ Regem.	463
Anconæ moritur.	457
Portugalliae Rex novas Insulas invenit.	427
Prædicatorum Ordo Spirâ pellitur.	180
Prædonum castella jussu Rudolphi Imperatoris subvertuntur.	43. 55. 252. 290
Dictum Rudolphi Imperatoris de prædonibus.	44
Eorum crudelitas.	146
Omnes necantur.	147
Pragensis Universitas fundatur.	242
Hæresibus maculatur.	315
Pragensis Episcopatus sublimatur in Archiepiscopatum.	243
Pragmatica sanctio abrogatur à Ludovico Rege Galliae.	445
Defenditur à Doctis quibusdam.	446
Rursus usurpatur à Regibus Galliae.	447
Quando cæperit, quid & qualis sit.	447
Capita præcipua Pragmaticæ sanctionis.	447
Probus Episcopus Tullensis resistit exactionibus Papæ.	50
Procopius Hussitarum Princeps Basileam venit.	385
In prælio cæditur à Teutonicis militibus.	388
Puellæ Fratricellæ fatua responsio.	140

Puellæ, quæ ab Ernesto Bavarō amabatur, crudelis submersio.	392
Puer Augustanus sexennis mirabilis.	684
Puer Basileensis septennis latine loquitur doctissime.	462
Pueri Ungarici constantia coram Sigismundo Rege.	283
Puerorum ad S. Michaëlem Normandiæ concursus.	431

## R

<b>R</b> Abanus de Helmstatt Episcopus Spirensis, Clero tributa imponit.	372
Fit Archiepiscopus Trevirensis contra Udalricum.	377
Bona Trevirensis Ecclesiæ oppignoratur.	378. 401
Se Spirensium hostem scribit.	378
Trevirim introducit.	388
Resignat Archiepiscopatum Jacobo de Sircica.	401
Reinhardus Comes Geldriæ in Ducem sublimatur.	164
Reinhardus Episcopus Wormatiensis à Coloniensibus capitur.	478
Rezbach Ord. S. Bened. Præpositura fundatur.	181
Richardus Anglus eligitur Rex Romanorum.	20
Robertus Rex Angliæ regno privatur.	129
Rhodus Insula per Joannitas expugnatur.	105
A Turcis obsidetur.	504
Rottenburg terræmotu collabitur.	42
Rottenburgum ad Neccarum venditur Duci Austriæ.	260
Rudolfus Comes de Habsburg.	17
Sacerdoti viaticum portanti equum commodat.	17
Prædicatur ei Regale fastigium.	17
Obsidet Basileam.	18
Rex Romanorum eligitur.	19. 20
Crucem contra Saracenos assumit.	21
De Francorum stirpe descendit.	21
Habsburgensium Comitum genealogia.	26
Indicit Conventum Principum.	28
Ejus uxor ac liberi.	29
Badensem Marchionem subigit.	30
Austriam ab Ottocaro repetit.	30
Ottocarum subjugat.	30
Ottocaro occiso Austriam & Bohemiam occupat.	31
Ducem Bavariae debellat.	31
A voto Cruciatæ absolvitur à Papa.	36
Comitem de Zollera creat Burggrafum Noricum.	41
Burgundiam obtinet.	41
Albertum filiū erigit in Ducem Austriæ.	43
Castella	

X x x x



Castella prædonum  
Bona Juriæorum dat Pauper  
Eberhardum Comitem Wirtenberg  
mat.  
Burgundiam rursus subjugat.  
Prædonum castra septuaginta destru  
Moritur, & Spiræ sepelitur.  
Cur coronam Imperij non suscepe  
mæ.

Rudolfus de Scherenberg Episcopus  
polensis.  
Ingens lapis ex ejus vesica exentera  
Rupertus Palatinus eligitur Rex P

rum.  
Ejus uxor ac liberi.  
Coloniæ in Regem coronatur.  
Frustra in Italiam proficiscitur.  
Vincit Marchionem Badense  
lem.

Adolfum Ducem Montensem de  
Abbatem S. Gallicum subditis c  
Moritur, ac tumulatur cum epi  
Ejus Progenies.  
Ruperti Coloniensis Archiepisco  
infelix.

Ope fratris Palatini bona  
recipit.  
Vasallos suos à se avertit.  
Cum Canonicis suis contend  
Ab Henrico Landtgrafio H  
moritur.

S. Ruperti Monasterium specta  
scopum Moguntinum.  
Reformatur per Gerlacum  
riensem.  
Moniales reformari renuent  
Monasterium à Ringaugie  
tur.

Rürlingen oppidum Suevia  
micur.

S Alensis Abbas cum Con  
ordine.  
Sangallenses oppidani & sub  
Abbati.  
Saxonie Ducatus Marchionibus  
datur.  
Saxonie Ducis duo filij no  
Schisma gravissimum inter  
Clementem VII. & Urbanum VI. &  
Inter Gregorium XII. & Benedictum XIII.  
Inter Eugenium, & Felicem Sabaudum.  
Schwarzach oppidum cum Monasterio de  
struitur.

recedit ab  
522  
D.  
283  
Misnensibus  
369  
Urbanum VI. &  
272. 276. 285. 299  
325. 328  
403  
de  
44. 45  
Sibertus de Beko C



4

Sigibmund u. Luffen 628.







# Index Rerum Notabilium.

Castellum Widem subvertit.	433	Ventorum magna tempestas.	333. 392
Moritur.	509	Viennensis Universitas fundatur.	300
Prosapia ejus.	509	Vindicat Deus impietatem filij in Patrem.	407
Udalricus Junior Dux Wirtembergiæ Maximiliano Cæsari charus.	597	Vindicta filij contra Patrem, qui ejus Amasiam aquis suffocaverat.	392
Gubernacula Principatus assumit.	597	Vineta frigoribus læsa.	391. 396
Exercitum movet contra Philippum Palatinum.	606	Vini abundantia inaudita.	177. 284. 408. 519
Mulbrunnense Cœnobium occupat.	607	Virgo Augustana neque bibens, neque manducans.	664
Cæditur à Palatino prope oppidum Brettheim.	607	Quomodo ad hanc abstinentiam pervenerit.	665
Occupat oppida Peseckheim, Leuenstein, & Winsberg.	608	Multorum id testimonio confirmatur.	664
Veldentiæ Comes Henricus discordat cum Comite de Spanheim pro dominio furti.	45	À Sorore Maximiliani Cæsaris probatur.	665
Veldentiæ Comes Alexander impugnat Philippum Palatinum.	608	Viram duxit honestam, & sæpius communicavit.	665
Monasterium Wilhelmitarum, vulgò, Mariæ portam spoliat.	608	Varia de hac Virgine opinio.	665
Buleckheim villam obsidet.	609	Alterius mulieris nihil manducantis Exemplum.	666
Ejus milites ex Corporalibus faciunt pepla mulierum.	609	Ejus consilio Dux Geldriæ patrem in vincula conjicit.	666
Budesheim villam incendunt.	609	Magnam sanctitatem & miracula ostendit.	666
Castrum Zuseh spoliatum incendunt.	610	Scivit, quicquid procul in Ducatu ageretur.	666
Merxheim & Sein villas incendunt.	611	Deprehenditur dæmonium fuisse in sæculo lento cadavere mulieris.	666
Ejus terra vicissim vastatur à Palatino.	613	Visitationis B. V. festum instituitur.	296
Venandi studium animæ perniciosum.	227	Visitatores Abbatiarum ordinantur à Concilio Basileensi.	400
Veneri Henrico Luzemburgico porrecti historia.	130	Uladislaus Rex Poloniæ fit Rex Ungariæ.	408. 535
Sigismundo Imperatori à Venetis subornatur.	383	Ullisiponenfis Episcopus capitur à Prædonibus in Nidow.	292
Ludovico Bavaro porrigitur à Maultascha.	201	À Bernensibus liberatur.	292
Regi Galliæ à Carolo Burgundo parati.	479	Ullisiponenses Cives occidunt multos Judæos.	633
Veneri sigillum cudunt, in quo se maris Dominos scribunt.	273	Cædis auctores puniuntur à Rege.	634
Cæduntur à Ludovico Rege Ungariæ.	274	Ulmen oppidum obsidetur à Palatino.	474
Veneficio insidiantur Sigismundo Imperatori.	383	Ulmenfis Ecclesia Parochialis construitur.	271
Quo jure Cyprum obtinuerint.	480. 651	Ungari naturalem habent antipathiam contra Bohemos.	283
Bellum movent Maximiliano Imp.	635	Turcas ingenti clade mactati.	680
À Julio Papa II. excommunicantur.	644	Unio trium observantiarum Ordinis S. Bened. committitur Episcopo Eichstettensi.	442. 592
À Maximiliano Imp. invaduntur.	645	Volmerstein castrum Archiepiscopi Coloniensis destruitur.	161
À Julio II. Pontifice.	645	Urbanus ex Mon. S. Benedicti fit Papa V.	248
Et à Ludovico Gallorum Rege infestantur.	645	Electiorem Canonorum Coloniensium cassat.	248
Decem urbes Regno Ungariæ detrahunt.	651	Archiepiscopum Coloniensem deponit.	248
Ravennâ Romanæ Ecclesiæ præripiunt.	652	Curiam Papalem Avenione Romanam reducere cogitat.	248
Singulis annis sibi mare despondent.	652	Irafcitur Carolo IV. Imperatori.	256
Quomodo Germaniam emungant.	653	Urbanus fit Papa VI. contra Clementem VII. Antipapam.	272
Spolia Constantinopolitana emunt à Turcis.	654	Carolus Regem Apuliæ excommunicat.	277
Graviter atteruntur à quatuor Europæ Principibus.	659		Obsessus
Funduntur à Maximiliano Cæsare.	685		
Eorum vitia exaggerantur à Ludovico Heliano Regis Galliæ oratore.	650		

XXXX



Obsessus Nuceria à  
quendam Suevum Ducem  
Confugit Genuam à facie Regis Ap  
Carolo Ungaro Regnum Apulie trad  
Excommunicat Clementem VII. Ant  
pam.  
Moritur Romæ.  
Uriel de Gemmingen fit Archiepiscopus  
guntinus.

W Achenheim castrum à Philip  
latino capitur.  
Walachia tyrannizat.  
Waldeck castrum abs Abbate Hirs  
emitur.

Wallestorum Regio vastatur ab Andr  
Sabaudia.  
Walramus Comes Juliacensis fit Arc  
pus Colonienfis.  
In utrôque Jure doctissimus.  
Carthusiam Colonensem fundat  
Propter bella Ecclesiam gravat  
no.

Walramus Comes de Spanheim po  
apparet.  
Venandi studium sibi pernitio  
fuisse.

Walramus Comes de Veldentia fit  
Spirensis.  
Walzbach castrum Prædonum à P  
struitur.

Walterus de Eschenbach unus ex  
bus Alberti Imperatoris.  
Latet sub specie subulci in Wirt  
Ante mortem scelus & nomen  
Walterus Fratricellorum prim  
niæ comburitur.

Walterus de Stadion Dux copi  
carum funditur & occiditur  
bus Helveris.

Walslaxa Monasterium **Ordinis**  
crematur ab hostibus.  
Incendiarium vindicta sequi  
Weissenburgense Monasteriu  
prum à Palatino.  
Monachi reformati à civibus expellun  
tur.

Monachi reformati reducuntur.

Monasterij desolati **Historia.**

Henricus prius Abbas in Mersburg  
stea Abbas in Weissenburg.

Episcopum Mersburgensem facit sibi Romæ  
inimicum.

Conradus Capellanus ejus, postea Abbas  
in Goeseck ab Episcopi Clientibus aure  
mutilatur.

um Aur  
Glaronen  
Cisterienfis  
223  
605  
605  
469  
472  
476  
541  
541  
541  
541  
541  
Mi  
ci  
Ab Hu  
Moritur  
Wenceslaus  
fit gener R  
Wernherus  
Henricum C  
tutelam susci  
Bellum movet  
in Spanheim  
Eundem prælio



## Index Rerum Notabilium.

Veldentiae Comitem Dapiferum suum constituit.	38	In Ducem sublimatur.	185
Concordiam init cum Joanne Spanheimensi.	44	Wilhelmus de Longueretto Bonitacium VIII. Papam captivum ducit.	94
Moritur.	45	Wilhelmus Dux Flandrorum contra Gallos.	91
Wernherus de Falckenstein Archiepiscopus Trevirensis.	286	Gallos praelio fundit.	92
Alchimiae deditus.	286	Usque ad tentorium Regis penetrat.	98
Ingentem ab Antecessore Patruo thesaurum relictum reperit.	286	Wilhelmus Dux Montensis à filio incarceration.	319. 322
Wernherus ex Monacho Spanheimensi Abbas Limpurgensis.	648	Liberatur ab Henrico de Spir milite Coloniensi.	320
Wernherus puer à Judæis occiditur.	50	Wilhelmus Dux Saxoniae obtinet Ducatum Luzenburgicum.	417
Wesalia & Boppardia dantur Ecclesiae Trevirensi in expensas belli pro Imperio.	128	A Philippo Duce Burgundiae expellitur.	418
Westfrancorum Regnum quas provincias contineat.	19	Wilhelmus Episcopus Trajectensis in bello perimitur.	82
Wicleffi Anglici errores.	316	Wilhelmus Hassliginienfis Monachus & opera ejus.	81
Wigbaldus fit Archiepiscopus Colonienfis.	69	Wilhelmus Hassiae Comes acquirit Comitatum Cattimelibocensem.	293
Wilhelma Fratricellorum propagatrix.	76	Wilhelmus Hassiae Landgravius ducit uxorem.	570
Sacerdotis agebat officium.	77	Sine liberis obit.	575
Ossa ejus exhumata comburuntur.	78	Ejus uxor revertitur ad Palatinum Patrem.	575
S. Wilhelmi Abbatiss Hirsaugiensis sepulchrum aperitur.	582	Unde oritur gravis discordia ratione dotis.	575
Suavissimus ex eo odor prodit.	582	Wilhelmus Hassiae Landgravius junior succedit seniori.	575
Wilhelmus Abbas Massiliensis Doctor insignis.	192	Bello aggreditur Philippum Palatinum.	613
Wilhelmus Abbas Spanheimensis cognatus S. Hildegardis.	189	Laurissense Monasterium spoliatur.	614
Wilhelmus Abbas Weissenburgensis eligitur.	544	Gavodernheim oppidum Regale occupat.	615
Translationem Monasterij sui revocat.	544	Nahagaviam cum villis vastat.	616
Rerum ablatarum Monasterio partem recipit à Comite Palatino.	545	Sprenlingen villam exspoliatur.	617
Wilhelmus Comes Arenbergius occidit Episcopum Leodiensem.	514	Villam Mönster spoliaturam exurit.	618
Dolo capitur, & in ultionem capite truncatur.	523	Henrici Plebani contra incendiarios exprobratio.	618
Wilhelmus Comes Brigantij cedit Abbatisscellenses.	123	Praelio funduntur Hassij apud Ingelheim.	619
Wilhelmus Comes Hollandiae Frisij bellum infert.	196	Cubam oppidum Palatinatus frustra obsident.	621
Sed ab ijs per insidias occiditur.	197	Wilhelmus miserrime consumptus moritur.	647
Soror ejus Imperatrix Hollandiam occupat.	197	Wilhelmus Hassiae Landgravius III. è vinculis liberatur.	659
Et tandem filio Wilhelmo relinquit.	197	Hujus captivitatis causa.	659
Wilhelmus Comes Hollandiae Junior Hollandiam obtinet.	197	Wilhelmus Ockam damnatur à Papa.	158
Tyrannidem in suos exercet.	219	Wilhelmi Parisiensis opinio de rabidis lupis.	180
Contra Matrem bellum movet.	219	Wilhelmus Præpositus contra Abbatem Hirsaugiensem se erigit.	422
Matrem vincit, ac fugere compellit.	219	Wilicho Abbas Spanheimensis.	118
Amens factus vinculis mancipatur.	232	Wiltpergense Cœnobium Monialium reformatur.	500
Moritur infans.	269	Winandus de Stega Canonicus Doctor & opera ejus.	417
Wilhelmus Comes Juliensis Aquasgranum occupat.	33	Winsheim oppidum Regale occupatur ab Episcopo Herbipolensi.	292
Obtinet tertiam partem oblationum Aquisgranensium.	34	Wirtenbergenses Comitatus uniuntur.	512

Wirten-



Wirtenbergensium Ducum  
 Wirtenbergensium subditorum sear  
 Dominum suum.  
 Wolfgangus Comes Palatinus nascitur  
 stea factus Canonicus Herbipolensis.  
 S. Wolfgangi imago miraculosa in  
 nach.  
 Wolframms Episcopus Herbipolensis  
 les cives subigit. Brandenburgici  
 Wolmarus Marchio  
 liberis moritur.  
 Quidam se fingit Wolmarum.  
 Multos seduxit Principes.  
 Wormatia igne casuali consumitur.  
 Obsideretur a Rusticis propter Judæ  
 Wormatiensium Civium seditio con  
 tum.  
 Destruunt Neuhausen.  
 Expellunt Clerum.  
 Excommunicantur.  
 Wormatiensis Conventus Principū  
 In eo Comes Wirtenbergiæ E  
 creatur in Ducem.  
 In eo multa tractantur contra  
 Gallos.

F















46

152

68

13.

14.

6

---

253



46

152

68

13.

14.

6

---

253



